


~~Georgii Gordonii~~  
**JUS FEUDALE**  
**TRIBUS LIBRIS** <sup>cx</sup>  
**COMPREHENSUM.**

*Joannes* QUIBUS *Gordonius*  
Non solum Consuetudines Feudales & Prædiorum Iura, quæ in *Scotia*, *Anglia*, & plerisque *Galliae* locis obtinent, continentur; Sed **Universum Ius *Scoticum***, Et omnes ferè *Materiae* Iuris clarè & dilucidè exponuntur, Et ad fontes Iuris Feudalis & Civilis singula reducuntur.

---

AUTHORE  
Clarissimo & Doctissimo Viro  
M<sup>ro</sup> **T H O M A C R A G I O**  
De *Riccartoun*, In Senatu *Edinburgensi* Patro-  
no Celeberrimo & Iurisconsultissimo.

---



<sup>4</sup>  
L O N D I N I,

Impensis Societatis STATIONARIORUM. 1655.



Rec. Mar. 28, 1899.

# EPISTOLA NUNCUPATORIA

AUTHORIS, inter ejus Adversaria inventa.

## SERENISSIMO AUGUSTISSIMOQUE

PRINCIP I

# JACOB O

Dei gratia Magnæ Britanniae, Franciæ &  
Hiberniæ Regi Potentissimo S.



*N*ihil hodie relictum est nobis, qui *M. T.* desideratissima praesentia sacrae destituti, quam ut animi agritudinem iis studiis solemur & oblectemur, qua *M. T.* gratissima putamus, praecipue si cum publica utilitate fuerint conjuncta: Nam ab ipsis auspiciatissimi Imperii tui in Britannia initiis, nihil tibi prius, nihil potius fuit, nec in quo, tanto studio & sollicitudine defudaveris, quam ut duo haec tuae Britanniae Regna, insensissimis inter se odiis antea efferata, tot arrium & exercituum cladibus nobilitata, in unum corpus & societatem tandem coalescerent, ut utrique Genti sub Te Principe, unum & commune periculum, ut cum Poeta loquar, una salus esset in futurum. Baotiam veteres Graeci Martis Orchestram dicebant, quod in ea tanquam in Scena Mars sua spectacula solitus sit exhibere: Nam in ea, Mardonius cum trecentis Persarum millibus apud Plateas occubuit; Et Thermopyla viginti millium Persarum & Leonidae Regis Lacedaemoniorum cadibus erant insignes: Et in Leuctris Baotia itidem pago Lacedaemoniorum opes funditus corruerunt: Et Athenienses & Thebani memorabili praelio ad Cheroneam in Beotia, à Philippo Macedonum Rege fusi sunt, libertatisque tantum nomen seu umbra Graeciae relicta. Quod si quis à veteri Beotia in nostram Britanniam oculos convertat, non tam Martis Orchestram aut theatrum dicet, quam ipsius Martis natale solum, adem & penetralia, denique & ipsam Martis aram, in qua parentes nostri humanis victimis soliti sunt litare, Quorum in Britannia malorum causas si quis perscrutatus fuerit, nullam aliam inveniet, quam ejus in plura regna divisionem & Regum inter se aemulationes, quod alter ex alterius malis incrementum caperet, & hic parem, ille Superiorem non posset ferre. Hanc labem *M. T.* eluere omni curâ & studio hactenus conata est, repugnantibus fortasse multis, qui longè à sinibus uris,que regni dissi, has calamitates nunquam ipsi senserant, in otio & voluptate & ab omni periculo securi domi & in nidulis suis consenescentes. In hoc *M. T.* stuatio, nemo est, qui summam tuam sapientiam cum pietate conjunctam non admiretur; Nam cum Deus Opt. Max. terram execretur in qua humanae sanguis funditur & panas & ultionem se expetitum minetur, hanc execrationem ut expiaret, tuamque Britan-

## Epistola Nuncupatoria.

niam liberares, nihil pratermittis, quod ad verè Christianum principem pertinet. Et si quæ inter homines & præcipuè in Britannia solent evenire spectemus, non minus sapienter quam pice id attentatum perspiciet: Nam multarum gentium irruptionibus hæc Insula (ut in toto terrarum orbe nobilissima) non solum patuit, sed etiam melior & fertilior ejus pars crebro succubuit, cujus causam Tacitus verissimè describit, dicens, Cum Romani Imperii Britannia facta primum fuit Provincia, nihil Romanis adversus validissimas gentes tam profuisse, quàm quod in commune nihil consulerent. & dum singuli pugnarent, omnes à Romanis victos. Itaque non minus sapienter quam pice M. T. instituit, ut unum & commune utriusq; esset gentis Consilium & adversus hostes idem animus. In eo imitatus Æneam Virgilium, qui humeris suis Patrem Anchisen à Troia incendio in terram extulit: Hæc autem adiunctio sive conjunctio ut solida esset & suis omnibus numeris absoluta, conventum etiam Jurisconsultorum utriusque Regni dudum institui, qui de legibus utriusque populi inter se sermones conferrent, & in quibus convenirent, & dissiderent, despicerent: Si fieri possit, ut in utroque eadem Leges iidemque mores observentur: Et licet plerique falso opinionis errore, Imperitiis persuadere conantur, diversissima Instituta & mores utriusque gentis non minus inter se dissidere, quam quæ ex diametro sunt opposita, aut, ut in Græco proverbio est, *ἑὶς αὐτὰ πᾶσιν*, Statui, ut hunc errorem ex animis Imperitorum eximerem, in hoc incumbere, ut de primis Juris apud utramque gentem fundamentis & initiis sedulo perquirerem, audaci fortasse consilio, ne dicam temerario: Sed illud Poëta me consolatur, In magnis & voluisse sat est. Nam cum his quadraginta annis foro nostro me tradidissem, in eoq; versatus quodcunque nominis est, comparassem, & cum mores nostros, quoque Jure nostri utuntur, quæque consuetudines in foro locum habeant, aliquatenus percepisse mihi viderer, Cæpi etiam in mores & instituta vicinorum inquirere, quatenus Jus Anglorum ex virorum doctorum Commentariis est illustratum, (nam, ut ingenuè fatear, fori Anglici formam, vix ipso in limine salutavi) Tandem ex his doctorum virorum Commentariis & scriniis, eadem utriusque Juris, quod vel in Anglia vel in Scotia hodie observatur, fundamenta deprehendi, eaque inter se conferendo, maximam inter se affinitatem in causis & rebus omnibus dicendis & cernendis habere manifestè comperi: Formas Actionum & procedendi modum in foro, scimus omnes aliam à nobis, aliam ab illis observari; Sed, pace vicinorum nostrorum dixerim, neque temere mihi videor hoc asserere, nostras formas Actionum & procedendi in Judio, omnium gentium, quas unquam vidi, formis præferendas. Subjectum nostri Instituti est Feudorum doctrina, qua nulla tractatu dignior, nulla utilitatibus Reipub. commodior. Hoc enim Jus Feudale his multis seculis omnibus Europæis gentibus ita placuit, ut nulla sit in Christiano Orbe gens, (addo etiam & immanissimos Turcas) quæ non ex eo Leges suas & Instituta descripsit, Natum autem hoc Jus in ea Italiæ parte, quam hodie vocamus Lombardiam, ante Galliam Cisalpinam Romani dixerunt, à ferocissimis gentibus primò introductum, progressu temporis à viris magnis limatum & concinnatum, Et cæso Longobardorum Regno, cum ipsis victoribus acquisitum hoc Jus videretur, à Gallis per manus acceptum in Francia & Normannia primò sedes sibi fixit, unde ad nos primum, mox ad Anglos, sed cum Conquestore Normanorum Duce derivatum est. Hujus Feudalis disciplina fundamenta, à Gratitude & Ingratitudine descendunt: Nam ut acquirendi Feudi seu beneficii, sola Domini benevolentia & gratitudo est causa; Sic & amittendi sola partium Ingratitudo. Neque in societate civili ullum sanctius & certius vinculum est retinenda amicitia vel benevolentia, quam hoc Feudale Sacramentum, quo alter alteri, in omnibus tam in pace quam bello adesse ope & consilio tenetur. Si alter uter fidem fallat, merito Juris, quod in Feudo habet, amissione punitur. Itaque

## Epistola Nuncupatoria.

Augustissime Rex, ut ad M. T. orationem convertam, nihil tibi, nihil toti Reipublice, tanto studio & sollicitudine curandum est, nihil ad utriusque tranquillitatem prius aut potius, quam ut huius Feudalis Juris precepta & consuetudines quam artissime observentur. Nam si tota Britannia in partes vel minutissimas secetur, nulla erit, quae non in Feudo de M. T. teneatur (ut in foro loqui solemus) nulla quae non fidem debeat. Quod si illibatum & intaminatum perstiterit hoc Jus, perpetua tranquillitate imo & felicitate, Britannia sub M. T. auspiciis fruetur. Est enim hoc Jus Feudale omnium morum & officiorum Gymnasium & unicum praesidium adversus Dominorum & Vassallorum injustas cupiditates: Nam tam Dominos quam Vassallos in officiis parendi & imperandi continet, ne pacis vel belli tempore facienda omittant, vel non facienda faciant, & arctissimis fidei & poenae vinculis utrumque coercet: Nempe, ut Vassallus Dominum adversus omnes in bello juvet, praesentem, etiamsi vitae periculum praesens sit, non deserat, domi in omnibus consiliis adsit, arcana non prodas, pericula detegat: Denique ut Vassallus Domino reverentiam & fidem tanquam parenti, in omnibus dictis & factis exhibeat: Urque ex adverso Dominus in eadem Vassallo teneatur, nisi quod reverentiae officia Dominus praestare non cogatur. Haec sunt huius disciplinae Capita praecipua, cuius disciplinae praesidium, divina illa tua natura tanquam fulcris innixa & quasi manu porrecta, allevabitur ad Juris & aequitatis perfectam cognitionem, quae nihil in terris praestantius, nihil Deo Optimo Maximo (cujus spirans Imago Rex interris est) gratius. Memini me aliquando apud Xenophontem legisse, Persarum fuisse Institutum, ut liberos suos in tenera aetate disputationibus scholasticis exercerent, non in nugis & tricis Dialecticorum, sed in Actionibus Forensibus: Et praecipue de illo crimine iudicium agitare solitos, quod maxime in causa esset, ut homines mutuo se odio infectarentur. Vehementer enim urgebant causam ingratitude, si quae occurrisset, & si quem scirent beneficium acceptum non agnoscere, nec cum poterat gratiam retulisse, in hunc severissime animadvertabant, cum eos, qui ingrati essent, iudicarent & Deos majorem in modum negligere, & parentem, patriam & amicos: Et paulo post, eos qui quinquagesimum annum excedebant, in his causis fuadices constituabant, & Seniores dicebant, quae voce Feudista nostri Dominos saepe significant. Mirum quin hi Feudorum Libri, qui undique premiis & poenis (dubius omnis bene constituende Reip. vinculis firmissimis) & Gratitude, Ingratitude, & Seniorum vocibus resonant, aut à Persarum moribus originem sumpserint, aut qui eos primi instituerint, apud Persas (si ratio temporum pateretur) fuerint educati. Imo hodie, licet in totum Jus Civile frequentissimi sint Commentarii, Interpretesque, qui universum Jus scriptis suis illustrant, nulla tamen Juris Civilis pars est (nam & Jus Feudale sub Jure Civili comprehenditur) quae tot doctissimorum virorum scriptis & lucubrationibus exculta, quam quae de assibus & consuetudinibus Feudorum inscribitur: Nunquam alioqui tantas operas in ea excolendo impensari, nisi hanc partem non solum Juris Civilis, sed omnis humanae societatis potissimam credidissent, nempe cuius Subjectum esset, Gratitude & Ingratitude, quae omnia humanae vitae officia sub se comprehendunt, nam (ut Cicero) in Ingratitude nihil mali non inest. In horum Commentariis Feudalium consuetudinum laudes sparsim occurrent. Erunt fortasse, quibus nihil nisi quod ipsi fecerunt, placet, qui nostram hanc forenses opellam elevent, freti Terentiano illo, Nihil à me hic dici, quod non sit dictum prius. Quibus haec unum respondeo, Me, in hoc mihi vel quam maxime gratulari, quod nihil meum, nihil novum in hoc Libro adduxerim: usum tantum Forenses nostrum, cum Jure Feudorum scripto contuli, ut Jus nostrum, quod vagum & incertum à plerisque creditur, in aliquam formam & artem redigerem: In eoq. solo quantulumcumque gloriam mihi arrogem, quod primus ex nostris mihi videor, qui id tentaverit,



## Epistola Nuncupatoria.

rit, quod ut felicitus aliis eveniat, & sua pro nostris meliora exhibeant, enixissime precor, Aut si nostra errata corrigendi tantum studium in animum induxerint, ne illud quidem indignabor, se i ob patrie communis utilitatem & dignitatem, ut ea quamprimum in lucem producant, per communis patrie utilitatem & commodam publicam, vehementer oro & obtestor, gratiasque quam maximas tam meo quam patrie nomine habebo. Tibi sane lignatoris gratia sufficit, qui in sylvas ut ligna cadat, proficiscitur, aliis ea relinquens polienda & formanda. Si puritatem linguae Latinae quis hic desideret, meminerit nos in re Forensi versari, Forensibusque uti verbis coactos, ne de verbis nimium solliciti, aliquando rem ipsam amitteremus. Hoc saltem mihi promittere audeo, Si Faventusi Reipublicae administrandae cupide, hac nostra placuerint, vel me invito perlegentur, sin minus, ne rogante me, quisquam erit qui attinget. Qualemcunque tamen hanc nostram Opellam M. T. (cujus iudicio tanquam lapidis Heraclii assatum, anreorum numerorum puritas probatur) consecrare ausus sum, & ut serenae & exporrectae fronte recipias, Tuque vultus divino splendore lucem infundas, & ab oblivionis injuria vindices, vehementer oro, Licet erunt, qui indignum M. T. munus hoc censebunt: Sed sciant illi non minus Deos farre pio & saliente mica, quam solidis Hecatombis placari. Saltem sub Tui Augustissimi nominis tutela & umbra delitescant, ut Teucer Homericus sub Ajacis clypeo, unde securus & ipse non solum Trojanorum impetus declinabat, sed & eos suis telis retrocedere coegit. A multis sane eo nomine plus gratia & auctoritatis promerebor, si ea M. T. quodammodo placere intelligant.

M. T.

Subjectissimus & obsequen-  
tissimus Subditus

THOMAS CRAGIUS.



Mr. ROB. BURNETUS, *Authoris Per Neptem  
ex Filia Progener, Cupidæ Legum Juventuti, S.D.*



Quantum præstiterit Inclytus Imperator *Justinianus* in Veteri Jure Civili Ordinando, Enucleando, Enodando, Coniungendo & in Ordinem digerendo, non tacent Annales & Author noster; Nec dicam lippis & tontoribus notum, sed certo scio paucis verè doctis & Jurisperitis incognitum: Ut tamen Tyronibus & Juris Candidatis aliqua in parte satisfaciam, non pigebit hic breviter referre, supplens quædam omiſſa ab Authore nostro & tenuem Collationem instituere inter Imperatorem *Justinianum* & Authorem hunc Noſtrum, ut ſciatur ab omnibus qui hæc legent, quantum Vetuſtas debuit *Justiniano*: quantum hæc tempora debeant Authori huic noſtro, ſi parva licet componere magnis.

Cum conſuſa eſſet tota Juris Romani & Civilis ratio, conſarcinati ex Legibus Regiis, Legibus 12, Tabularum, Legis Actionibus, Legibus à populo Romano latis, Senatus- conſultis, Plebiſcitis, Jure Prætorio & Aſilitio, Conſtitutionibus Principum & Reſponſis Jurisprudentum, *Julius Cæſar* Leges, quas effraſi regnandi libidine turbaverat, digerere inſtituit, poſtquam populos in communi tumultu reſtitantes ad pacem adegit, iſdem Armis, quibus ante, ſuam quietem retinentes, in media bella proſecerat. Sed, hanc animo Curam agitantem, *Brutus* & *Cæſſius* deprehenderunt. Quin etiam *Gregorium* & *Hermogenem*, privatos homines, quamvis impar & debilis, aliqua tamen commemoratione digna ſollicitudo inceſſit, mali publicè graſſantis remedia tentandi; Conſectis enim à ſe Codicibus ſuum nomen uterque præſcripſit; In quos, *Gregorius*, Imperatorum Conſtitutiones ab *Hadriano* ad *Gallienum*; *Hermogenes*, à *Claudio*, qui *Gallieno* in Imperio ſucceſſit, ad *Diocletianum* conſecit, nullo niſi temporis diſcrimine obſervato; Nec diſſimili ſtudio *Theodoſius* Junior in eandem Curam incubuit & Chriſtianorum Principum Leges, Codice *Theodoſiano* incluſit; Sed nec *Gregorii*, nec *Hermogenis*, nec ipſius *Theodoſii* conatus quicquam profecit, & potius exitio fuit quam ſaluti; Nam omne Jus Civile, cum ſub veterum malorum pondere vix ſpiraret, indigeſtâ mole obruerunt. Itaque, diſapſis omnium Conſiliis, Legum reſtituendarum laborem toties inſolentem, ad *Justinianum* ſara deduxerunt; Qui, licet tres potiſſimum cauſæ, gloriam Digeſti Juris affectantibus, multa impedimenta objecerant, nempe ruinoſa Legum Vetuſtas, quæ fuit ab urbe condita, ad *Justiniani* Principatus initia, Annorum 1278: Juris ſibi adverſi Diſcordia & Antonomia: Et moles immanis, ac numeroſus immanium Librorum exercitus, perpetuâ hoſtium inæqualium ſerie formidabilis; Erant enim omnino duo penè millia. Non expavit tamen ad tanta molis impedimenta *Justinianus*, ſed potius ipſa rei aſperri-mâ difficultate, mentem acrius irritatam, erectis Regio vigore ſpiritibus contra obſtirmavit; Nec ceſſavit, donec ſqualidi Juris illuvies hoc ordine deterſa eſt, ut primum Imperatorum Conſtitutiones ab *Hadriano*, Tribus Codicibus *Gregoriano*, *Hermogeniano* & *Theodoſiano* malè diſſectas, exactæ ſedulratis homine (inter quos meritò eminebat *Tribonianus*, quicquid obloquantur alii) colligerent: Illarum enim memoriam, quæ ante Principem *Hadrianum* viguere, tenuis fama tunc ſuſtinebat; cum verba penitus obſoleta evanuiſſent: Senſum vero huc illuc diſtractum, Juriconſulti ſuis libris variè ſparſiſſent. Unde primò emiſſa eſt Conſtitutio De Novo Codice faciendò, Anno Chriſti 528. Indictione ſextâ, Imperii *Justiniani* ſolius primo, 13. Febr. Deinde Anno 530. Indictione octavâ Imperii *Justiniani* ſolius tercio, die 15. Decembris, exivit in lucem Conſtitutio de Conceptione Digeſtorum. Ab hoc die tres Anni Compositioni Digeſtorum ſeu Pandectarum dati ſunt. Ac ſtatim Anno Domini 533. Indiſt. 11. Imperii *Justiniani* ſolius Anno ſexto, die 21. Novemb. Inſtitutiones autoritate Legum donatæ ſunt à *Justiniano* prius lectæ & recognitæ (licet quidam impiè maledici & inepti eum Analphabētum, ſuo ipſorum nomine, appellent.) Deinde poſt menſem circiter (i.) die 16. Decemb. prodiit tandem memorabilis Conſtitutio ad Senatum & omnes populos de Confirmati-one Digeſtorum. Denique Anno ſequenti, die 15. Novembr. manus extrema Operi Legitimo impoſita eſt Editâ Conſtitutione De Emendatione Codicis Domini *Justiniani*, Et ſecundâ ejus Editione, quâ hodiernus Codex ſancitus eſt, quem ideo Repetit prælecti-

## AD LECTOREM.

pralectionis inscriptum hodie versamus. Utinam Novus aliquis emergeret *Justinianus*, qui fastidiosos Interpretum Juris Commentarios & confusam eorum farraginem novâ operâ è medio exterminaret; Sed hoc optandum potius quam sperandum.

Sed videamus quid nobis praestiterit *Justinianus* hic Noster Scoticus, ante cujus tempora, qui Juris Scotici erant Candidati, & ambiebant Patroni fieri in Senatu *Edinburgensi*, vel Inferioribus Subsellis, nihil habebant, quo dirigerentur ad propositum finem assequendum, nulla adjumenta studiorum, Sed incerti, quam rationem & viam in Legum studio insisterent; Ne quod paucis annis exequi possent, in eo Seculum impenderent, vel ab ore Advocatorum vel Judicum pendebant; Qui, a quâ incerti, ultra metas liberè vagabantur, nullâ certâ Lege constricti, quorum arbitria sæpè erant pro Legibus; Totum enim Jus nostrum municipale, vel ex Actis Parliamentorum constabat, vel ex Decisionibus Senatus *Edinburgensis* vel Dominorum Sessionis, ut communiter à vulgo vocabantur: Illud enim Jus quod vulgariter *Regiam Majestatem* ab initialibus verbis vocamus, Ad Imitationem Institutionum *Justiniani*, quorum initium est *Imperatoriam Majestatem* (Ut omnittam hic querere, utrum Jus nostrum proprium hoc fuerit à  *Davide 1.* scriptum vel statutum, ut nostri volunt, An à vicinis & *Richardo de Glanvilla* mutuatum) Et reliqua, quæ in eo Libro congesta sunt, Quoniam *Attachiamenta* tempore *Davidis 1.* edita: *Modus tenendi Curias Baronum*, *Exegesis Tractatus Quoniam Attachiamenta: Leges Burgorum* Editæ tempore *Davidis 1. Leges Forrestarum*, incerto Authore: *Iter Camerarii* sub *Jac. 3.* editum; *De Maritagio*, incerto Authore: *Statuta Gilda*, à *Roberto Durhame* *Majore Bernici*, & *Simone Marechal*, & aliis ibidem Civibus edita: *Leges Portuum*, incerto Authore; *De Judicibus*, incerto Authore; Omnia in ordinem redacta & in lucem emissa à clarissimo Viro *D. Joanne Skenao* de Currehil Equite, Clerico Registri, Concilii & Rotulorum, præter vetera Acta quorundam Regum, *Malcolmi*, *Gulielmi*, *Alexandri*, *Roberti 1. 2. 3.* Et *Davidis Brussii*, auctoritate publicâ non nitebantur, Et omnia ferè in d. consuetudinem abierunt.

Quod ad Acta Parliamenti attinet, in Archivis latebat diu, donec primò vetere vel nigro caractere (unde Nigra Acta dicta sunt) à quodam *Licprivick* edita, Postea cura & studio dicti clarissimi Viri *D. Joannis Skenai* publici Juris facta sunt Acta *Jacobi 1. & successorum Regum*, usque ad finem anni Christi 1597. Postea successivè addita sunt reliqua Acta *Jacobi 6. Caroli 1. & 2. Regum*, nullo nisi temporis discrimine observato, Singula integro perpetuoque contextu: Sed eorum pauca erant exemplaria, (unde non mirum, si hodie venalia non extent) & difficulter in manus studiosorum veniebant. Nec conferebat Lectio istorum Actorum multum junioribus: Pleraque enim in consuetudinem abierunt nec observabantur, Unde dicere solebat *Buchananus* noster, ut serunt, Bonum fore, si unum conderetur Actum, quo reliqua juberentur observari: Pleraque etiam magis tangunt Politiam Regni, quam Civiles Controversias, & pauci sunt casus juris in iis decisi.

Decisiones Senatus *Edinburgensis* multò plus conferebant, si omnibus fuissent obvia; sed partim erant variæ & incertæ, & pro arbitrio Judicum mutationi obnoxia; partim latebant in abdito & in Archivis. Circumferuntur quædam *Practica* Veteres *Balfouræi*, *Ledingtovi*, *Vimai*, *Hamiltonii* & aliorum, Et inter alios utilissimus Tractatus Clarissimi Viri & in foro ac Jure Civili ac nostro Exercitissimi *D. Thoma Hope* de *Craig-hall* Equitis, Advocati Regii; Nec dubito, quin plura hujusmodi ejus Viri, lateant apud filios digna quæ lucem aspiciant, Et, si iis ita visum fuerit, forsitan aspicient; Sed omnes Hi, sive Tractatus, sive Practica, vel paucorum erant in manibus, vel n. alè & ineptè descripta, ita ut in multis locis, nullus ex iis perfectus & perspicuus sensus erui posset. Audio, Clarissimi Viri *D. Alexandri Gibson* de *Durie* Equitis, mihi plurimum colendi & cui multum debeo, Senatoris quondam doctissimi & sagacissimi, acris ingenii, & judicii excocti Practicas vel quid simile, apud filium cognominem & heredem tanquam Nobile Cimelium domi servari. Spero non invisurum Patriæ & Posteris tam Nobile & elaboratum Opus; Nihil enim prodire potuit à tam exacti & subacti Ingenii Viro, quod non oleat lucernam; Oculatus enim fui testis sæpè, per spatium 24. Annorum, cum cum aliquando Honoris causa, aliquando ob negotia interpellarem, nunquam eum à me deprehensum, nisi occupatissimum in Jure Civili & Doctoribus juris evolvendis (Jus enim Scoticum in scrinio pectoris gerebat) Et, ut conjicio, in Jure Civili, cum Jure Scotico, maritando; Multum filio debet Scotia, ob hoc opus emissum in publicum ejus cura & impensis. Quod avo præstitit, non negabit Patri, nec spero finire dignas operas tam digni Patris.

## AD LECTOREM.

Jus Civile apud nos non obtinet, sed ratio juris civilis deficiente jure nostro municipalis, semper in magno fuit pretio apud nos, & magni habita à Doctis & Jurisperitis Judicibus, & eam sæpe sequuti sunt in causis decidendis, Et magno est usus patronis in foro versantibus, Si eà rectè sciant uti, Hoc opus, hic labor est, quod pauci assequuntur. Cum hic esset status Juris Scotici, & hæc misera conditio & difficultas Candidatorum Juris Scotici, ut ipse experientiâ didici, Primus Author noster, tanquam alter *Justinianus*, lucem è tenebris eruit, & sub nomine *Trium Librorum de Fendis*, Totum Jus Scoticum complexus est, & omnes ferè Materias Juris, clarè, dilucidè & distinctè exponit, & ad fontes Juris Civilis & Feudalis omnia ducit; Jus Anglicum frequenter; Jus Gallicum non raro adjungit, Ita ut pauca sint in Europa gentes, ubi Jus Civile & Feudale viget, quibus non sit futurus utilis hic Liber. Habetis nunc Juris Scotici Candidati, quem Duce sequamini, qui certius filo *Ariadneo* è Labyrintho omnium difficultatum vos explicabit & citò in forum deducet, Ut de hoc Opere verè dici possit Quod de Collectione Juris Romani *Justinianus*, Qui Tit. 1. de Justitia & Jure, in Institutionibus, Post definitam Justitiam & Jurisprudentiam, His, inquit, generaliter cognitis & incipientibus nobis exponere Jura populi Romani, Ita videntur posse tradi commodissimè, Si primo, levi ac simpliciter viâ, post deinde diligentissimâ atque exactissimâ Interpretatione, singula tradantur: Alioquin si statim ab initio, rudem adhuc & infirmum animum studiosi multitudine ac varietate rerum oneravimus: duorum alterum, aut desertorem studiorum efficiemus, aut cum magno labore, sæpè etiam cum diffidentia (quæ plerunque Juvenes avertit) seriùs ad id perducemus, ad quod leviori viâ ductus, sine magno labore & sine ulla diffidentia, maturius perducì potuisset. Addam testimonium Viri Clarissimi, mihi amicissimi & plurimum colendi D. *Ludovici Stenart* de Kirkhill Equitis, qui ipse mihi narravit, Se cum redisset ex Gallia, ubi per quadriennium aut triennium aut eo circa, Juri Civili operam strenuè navavit, desperasse de foro & abiectionem fuisse studium Juris Scotici, nisi in hunc librum incidisset, Quo adjutore, crevit animum & statim se foro applicuit. Et exinde factus est Patronus disertissimus, quo nemo acutius, tersius, concinnius & majori cum fide unquam actitavit causas.

Ne autem vos ignoretis, quis qualisve fuit Author hujus Operis, Scitote Origine fuisse Civem *Edinburgensem*, honestis Parentibus civibus natum, Hæredem adium in eminenti Urbis parte, ex adverso Orientalis partis præcipui Urbis templi, dicti D. *Aegidii*, quas magnificè postea extruendas curavit, Lapide quadrato, In anteriori quarum parte est *ΛΙΘΟΣΡΩΤΟ* vel pavementum lapidibus quadratis stratum, frequentissimum totius Urbis deambulacrum, Quod *Lapidei-pavium*, vel *Plani Lapides Magistri Thomæ Craig* adhuc vulgo dicitur. Græcè & Latine doctus fuit supra omnes sui sæculi: Totam ætatem exegit in literis & inter libros: Juvenis Juri operam dedit in Gallia; fuit inter Patronos fori eminentissimus, toto vitæ tempore, integrâ & incorruptâ fide, judicio solido & subactò, summâ humanitate. Anno Christi 1604. nominatus à Parlamento & vocatus à Rege *Jacobo 6.* cum aliis 30. Proceribus Regni, ad unionem inter Scotiæ & Angliæ Regna conficiendam, Multa raræ & exquisitæ Eruditionis documenta dedit, multis doctis collationibus inter ipsum & Clarissimum & doctissimum Virum D. *Cambdenum*, & alios Angliæ viros doctos habitis, cum summa voluptate Auditorum & magnâ ejus nominis famâ, unde decrevit Rex eum, cum aliis Equitis Titulo insignire: Sed ille Honores mundanos despiciens, Cum audiret se ad hoc vocandum, tacitè se subduxit, & cum relatum esset Regi, ideo cum se subduxisset, quod nollet Eques fieri, imperavit Rex ut ab omnibus haberetur pro Equite, & non amplius diceretur Mr. *Thomas Craig*, sed D. *Thomas Craig* Eques, Sed ipse Titulum istum nunquam admisit. Multum hospitalitati deditus fuit, ita ut mensa ejus non solum tenuioribus, sed omnibus bonis, præcipuè doctis, Multis etiam proceribus passim pateret, unde non parum imminuit rem, saltem parum auxit rem, non curans discere. Obiit ferè sexagenarius *Edinburgi*, Anno Christi 1608. aut eò circa.

Quod potui, præstiti in hoc Opere emendando & à mendis repurgando, Sed piaculum duxi, recedere à verbis Authoris, aliquid addere vel detrahere, nisi summa necessitas cogeret, & nullus ex verbis sensus posset elici. Nullum habui exemplar quod consulerem, præter exemplar Typographi & aliud mendosum valde, Et aliquando ad Incisas redactus, coactus sum consulere veterem & doctum amicum Magistrum *Joannem Nisbet* Advocatum ejusque exemplar aliis correctius & emendatius. Non mirum si quædam sint errata

## AD LECTOREM.

errata Typographica, cum tanta fuerit distantia loci inter Typographum & me, nempe 70 miliarium & duorum fretorum maris: Et longum fuisset Schedas semel correctas sapius remittere, donec libera fierent ab omnibus mendis.

Accipite igitur, Bonæ spei Juvenes, Opus hoc tam diu expectatum, Tot voris expectum, ut ait *Justinianus* sub finem Proemii Institut. Summâ ope & alacri studio; Et vosmetipsos sic eruditos ostendite; Ut spes vos pulcherrima foveat, toto legitimo Operere perfecto, Posse etiam nostram Rempublicam in partibus ejus vobis credendis gubernari. Cogitate cum *Persio Christiano*.

*Quid sumus, & quidnam victuri gignimur, ordo  
Quis datus aut meta quâ mollis flexus, & unde:  
Quis modus argento, quid fas optare, quid asper  
Vile nummus habet, Patria carisque Propinquis  
Quantum elargiri deceat, quem te Deus esse  
Jussit & Humana quâ parte locatus es in re.*

Cogitate quæso Juvenes, quis debeat esse propositus finis Advocato & Jurisperito Christiano? Non turpe lucrum (quia quod Advocatis datur, Non lucrum, non merces, non pretium, non Salarium, sed Honorarium in Jure dicitur) Non Congestio Auri & Argenti, non conjunctio domui, Agri agro, donec nihil amplius sit loci, quibus vix pronunciat Deus per *Esaïam*; cum  *Davide* enim Latino,

Cap. 5v. 8  
Et Habitu  
kuk cap.  
2. v. 9. &  
scilicet.

*Prestat Supellex sobria  
Recteque parata reclusa,  
Quam rapta per vim divitum  
Fastidiosa Copia.*

Sed cum Scientia Justî & Injusti, praxis & prosecutio Justî, fuga Injusti; ut de *Jure Consulto*, sincerè & fideliter & sine dissimulatione respondeat; ut nullius Jus tueatur aut foveat, etiam dirisimi vel conjunctissimi, nisi justitiâ & aequitate nitatur: ut paratus sit, Viduis, Orphanis, Pauperibus & aliis miserabilibus personis, gratis patrocinari in justa causa, Et contra potentiores tueri, nisi justa impediât causa. Cogitate quæso Juvenes, ultimum illud & severum judicium justî Judicis, ubi nulla fraus, nullus dolus, nullæ moræ, nullæ tergiversationes locum invenient: Ubi omnia nuda & aperta, Nihil occultum & absconditum; Ubi omnibus nudis omnium gestorum in carne, ratio reddenda est. Quales vos hic in judiciis gesseritis, tale ibi expectate judicium. Nihil ibi Aurum & Argentum, Nihil prædia & possessiones, Nihil Liberi & Amici, Nihil Clientes proderunt, sed solum testimonium bonæ conscientia, sibi conscientia, quod sine fūco, sincerè & ex animo studuerint gloriam Dei promovere, & bonis omnibus adfumento esse ad jus suum assequendum: Omnem injustitiam oderint: Nec Scientiâ Juris sibi à Deo datâ, aut aliis donis usi sint ad justitiam evertendam aut injustitiam promovendam. Hoc si studueritis ex animo, Hic si sit vobis finis seriò propositus, Latum illud tunc audietis, *Euge serve bone & fidelis, Ingredere in gaudium Domini tui.* Et *Venite Benedicli Patris mei,* *Matth. cap. 25. v. 21* possidete Regnum paratum vobis à patre mundi fundamento. Quò nos omnes, precor, suo tempore ducat Misericors & Benignus Noster Deus, per & propter Filium suum Iesum Christum; Quibus, cum Spiritu Sancto, sit laus, honor & gloria in secula seculorum. A M E N.

Matth. cap.  
25. v. 21  
& 34

## INDEX



# INDEX TITULORUM, seu Diegeseon.

## Diegesis

## LIB. I.

	pag. I
1 <b>D</b> e Origine Juris in genere.	7
2 De Juris Civilis sive Romani Origine & progressu, & quis ejus apud nos usus.	11
3 De Juris Canonici Origine, progressu, & quis apud nos ejus usus.	18
4 De Feudorum Origine & Progressu.	23
5 Refutatur eorum opinio, qui juris feudalis originem à veteri Romanorum Jure deducunt.	25
6 Quando jus feudale, quod consuetudinarium tantum est, & dici solet, scripto comprehensum, Quis scriptores, ubi primo receptum pro jure, & de ejus subjecto.	29
7 Quo tempore jus feudale in Britanniam pervenit, & quo jure Angli hodie utantur.	35
8 Quando jus feudale in Scotiam pervenerit, & quo jure hodie Scoti utuntur.	40
9 De Etymologia feudi, ejusque definitione.	51
10 De feudorum divisione.	62
11 De divisionibus feudorum quæ apud Gallos & Anglos in usu sunt.	74
12 Qui feudum dare possunt, & primo de Laicis.	86
13 De feudis Ecclesiasticis, sive Clericalibus,	94
14 De his qui feudum possunt accipere.	100
15 Quæ Res in feudum dari possunt.	109
16 De jure Regis in feudis & De Regalibus.	

## LIB. II.

1 Quibus modis feudum acquiritur.	123
2 De feudi constitutione. Deque investitura propria & impropria.	132
3 De prima parte Investitura improprie quam Chariam dicimus.	142
4 De evictione sive de warrantizationis actione.	152
5 De conditionibus in Investituris vel circa Investituras apponi solitis.	159
6 De Reversionibus & moreno Vadio.	164
7 De casibus sive secunda parte Investiturae Improprie.	174
8 Quid juris Vassallus ex Investitura consequatur.	184
9 De migrando, sive actione ad revocandum colonos.	196
10 De locationibus sive assedationibus.	204
11 De mutua inter dominum & vassallum obligatione.	207
12 De feudi Renovatione.	217
13 De Successionibus.	224
14 De successionem fæminea tam directâ quam collateralî.	236
15 De successionem collateralî & conquestu.	240
16 De successionem Talliata.	245
17 Communia de Successionibus.	252
18 De his quæ impediunt successionem.	264
19 De non Introitu.	275
20 De Custodia quam Guardam sive Wardam dicimus, & Relevio.	283
21 De Maritagio, sive Maritagio.	293
22 De Conjunctis Investituris, seu Infundationibus. De Tertia & de Curialitate.	301

## LIB. III.

1 De Resignationibus & Renunciationibus.	313
2 De Licitatione, quam Appreciationem dicimus, & adjudicatione.	326
3 Quibus modis feudum ob delictum amittatur, & de Recognitione.	336
4 De Jure Protimeseos.	348
5 De Disclamatione, Purprestura, & aliis modis feudi amittendi, qui circa feudum ipsum versantur.	355
6 De reliquis causis amittendi feudi, quæ circa personam vassalli versantur, & quedam de Domini delictis & acta generalia.	374
7 De veterum Judiciorum forma in causa feudali.	375



## Errata sic corrige.

Pag. 2. lin. penult. pro ex in lege xui. Ibidem pro incidetur, incedebat. Pag. 4. lin. 26. pro semi, Semi. Pag. 6. lin. 30. pro  
 tibi, tibi Ibidem lin. 37. pro Vechorus, quidam legunt Vechoreus. Pag. 10. lin. antepenult. dele Alferi cum. Et ibi  
 in Marginali Nota, scribe, super l. Nemo Judex C. de sent. & Interlocut. Pag. 12. lin. ult. pro 4. lege 2. & pro 2. lege 1.  
 Pag. 20. in ult. Marginali Nota, pro Lib. 2. lege Lib. 1. & 2. de Tit. 1. & 2. Ibid. lin. 44. pro stabilierant & fin. lege  
 stabilierant & sine. Pag. 27. lin. 42. & 43. pro prius, prius Pag. 28. lin. 15. Pro Ralenicus, Radevicus. Pag. 28.  
 lin. 34. pro 3. lege 17. Pag. 29. lin. 22. Punctum ponendum ante, Sane. Pag. 32. lin. 20. pro at, aut. Pag. 34.  
 lin. 18. pro effitauuntur, destituantur. Pag. 36. lin. 46. pro inuaserat, inuenerat Pag. 41. lin. 43. dele primum Se-  
 mieleon. Pag. 45. lin. 2. pro tempora, tempore. Pag. 50. lin. 20. pro ex cum, cum ex Pag. 58. lin. 18. pro negoria, negotio  
 Pag. 59. lin. 45. pro reli, reliqua. Pag. 62. lin. penultima, Ante quæ, incipit parenthesi, & finit Linea prima sequentis  
 pagina, post narratur. Pag. 67. lin. 1. Post sed ut, ad le 3d. Pag. 70. lin. 22. post militer, dele & Pag. 73. lin. 27. ob  
 quæ, adde non. Pag. 78. lin. penult. pro diminutiva, diminutivas. Pag. 80. lin. 13. pro possuat, possit. Ibid. lin. 50. pro tam,  
 tantum. Pag. 82. lin. 36. pro ad ab. Pag. 85. lin. 12. pro Heparus, Hepatico. Pag. 95. in secunda Marginali Nota, pro denatu-  
 rum, donataram. Pag. 109. lin. 3. pro penegrem, pernegrem. Ibidem lin. 17. pro alias, aliis. Pag. 110. lin. 22. & 23. pro La-  
 vixia, Levixia. Pag. 134. lin. 6. pro decimus, dicimus Pag. 139. lin. 1. pro minor, minora Pag. 145. lin. 20. pro domini, do-  
 mini. Ibid. lin. 46. pro iterat, fuerant. Pag. 126. lin. 40. pro nimicitia, inimicitia. Pag. 131. in secunda Nota Marginali, pro  
 estimatione, estimationem. Ibid. lin. 51. pro varitia, varia Pag. 134. lin. 35. pro li, sit. Pag. 137. lin. 45. pro itudum, itudu-  
 dem. Pag. 138. lin. 1. pro compediosamque, compendiosamque. Pag. 146. lin. 1. pro narratione, narratio Pag. 149. lin. 1. pro  
 coactuerit coacuerit. Ibid. lin. ult. pro u, cui. Pag. 161. lin. 21. pro ueniam, ueniam. Pag. 155. lin. 46. pro innumeras,  
 innumeras Pag. 172. lin. 22. ante vadium pone vivum. Ibid. lin. 48. pro malit, mali. Pag. 172. lin. 30. pro optimo,  
 opinto. Pag. 176. lin. penult. & ultima, pro it aliter, ita aliter. Ibid. lin. 51. post dixi, adde In mol. utino, tra-  
 ditio sic est. Pag. 177. lin. 26. pro Inuatur, Iuatur. Pag. 178. lin. 15. pro sine, sine. Pag. 183. lin. 11. pro omis-  
 sio, omisso. Pag. 193. lin. 32. pro quis, quisquis. Pag. 193. lin. 4. pro ex, de. Pag. 196. lin. 15. Diegesi 92. pro quibz  
 qui sint. Pag. 200. lin. 39. pro domini, domini. Ibid. lin. 46. pro cum, cum Ibid. lin. seq. pro omni, omni, annorum. Pag.  
 206. lin. 43. pro habet, habuerit. Pag. 215. lin. 10. pro Sententiam, Sententia. Pag. 199. lin. 28. pro renuntiationem renova-  
 tionem. Ibid. lin. 48. pro possit, porit. Pag. 226. lin. 43. pro te, sed Pag. 229. lin. 50. pro Principes, Princeps.  
 Pag. 234. lin. 20. pro inie reos, inter eos. Pag. 247. lin. antepenultima, pro tantum, tantum. Pag. 248. lin. 2. pro  
 diuin, diuina. Ibidem lin. 12. & 13. pro Theodofiz & Theodofiz, Theodora Theodora. Pag. 250. lin. 28. pro p. sit,  
 possit. Pag. 250. lin. 51. post uetituz, adde obitile, qui de corporaliquo fundo obit ultimū uetituz. Pag. 267. lin.  
 4. pro tallia, tallia. Pag. 268. lin. 26. pro er mutitur, permittitur. Pag. 270. lin. 34. pro dominum, dominium.  
 Pag. 281. lin. 18. pro primum, lege porprium, lin. 10. pro fgo, sub: lin. eadem & 10. pro sp. cie sub, lege 1. sub specie lin.  
 47. pro sit, fuit. Pag. 283. lin. 38. pro possit, possit. Pag. 284. lin. 51. pro quiquæ, Pag. 287. lin. 25. post porit, inor-  
 pone uni. Pag. 288. lin. 4. pro militat eudo, militari feudo: lin. 7. pro Judicem, Judicia. Pag. 289. lin. 23. dele De.  
 lin. 35. pro Custodia, Custodia. Pag. 290. lin. 47. dele secundum non. lin. 54. dele parenthesin. Pag. 291. lin. 27. Ante  
 Dominus, pro puncto, pone comma. Pag. 291. lin. 42. pro cum, cum. lin. 55. pro valeat, variat. Pag. 294. lin. 2.  
 pro sit, sit. Pag. 295. lin. 54. post aliquæ, interpone post. Pag. 301. lin. 27. pro decessum pone oisio sum. Pag.  
 312. lin. 21. pro huc hunc. Pag. 312. lin. 10. Libri 3. pro Elumine, Elavie vel Elavione. Pag. 316. in Margine, dele Bo-  
 dinus lib. Pag. 318. lin. 10. pro dominum, dominium. Pag. 319. lin. 19. pro illic, ille lin. 27. pro necpere, a capere. lin. 43.  
 post nisi, adde is. Pag. 321. lin. 19. pro sententia, lege ex tenentia: Et lin. seq. pro fuerit fu. Pag. 322. lin. 5. pro repa-  
 ret, separet. Pag. 324. lin. 13. pro primo live, sine. Pag. 328. lin. 51. pro hinc hinc Pag. 330. lin. 10. pro præsumptum,  
 præsumptum: lin. 49. pro de, &. Pag. 332. lin. 21. Commainter Apprehtatio & hæc ponendum post hæc, Et lin. seq. pro  
 Creditore, Creditor e. Pag. 333. lin. 14. pro habent, habet. Pag. 335. lin. 14. pro A mecum, A mecum: lin. 17. pro u-  
 itante, i. utanti, lin. ult. pro eten. ioribus, recen. ioribus. Pag. 337. lin. 41. pro filium, filium. Pag. 338. mole 350. lin. 1.  
 dele ni. Et pone in Margine l. consentia 8. C. De repudiis: Et in ult. in linea Marginis pro op. pro: Pag. 340. lin. 9  
 pro Emphyteu lege Emphyteu. Pag. 341. lin. 4. & 8. pro fructum, fructuum: lin. 7. pro alienatur, alienetur. lin.  
 11. pro fiat, fieri. Pag. 347. lin. 33. dele secundum ni. Pag. 348. lin. 47. pro emissi, omissi: Pag. 354. lin. 1. pro Juræ,  
 Jure. lin. 4. pro habeatur, habentur. Pag. 356. lin. 16. pro ante, aut: lin. 20. ro feret, feret. Pag. 361. lin. 1. pro lenior,  
 levior. lin. 36. post concedit, adde ut. Quod inde sublatione male additur lin. 39. & ibi delendum est. Pag. 265. lin. 31.  
 post lethaliu, adde aliud dicendum, aut quid simile. Pag. 367. lin. ult. pro rem lege Republicæ. Pag. 371. lin. 52.  
 pro enumerat o; remuneratio, Ibid. in prima Nota Marginis, pro fundum, seu tum. Pag. 373. lin. 10. pro deliquere  
 deliquerat. Pag. 376. lin. 5. pro conquecentur, conquerentur: lin. 15. & 18. pro ceperant, ceperunt. Pag.  
 377. in Margine, adijunge Secuniam Notam Marginali in prima, in quævis parte. Pag. 381. lin. 41. pro Citatori, à  
 Senatu, lege Citatori s. a Senatu, Sunt alia quæ ad Operarum Spolmata, uelote nonnulla in mutationibus, ad-  
 ditionibus uel decessu. Notam literarum interpunctionibus & paginarum numeris, &c. Quæ Lector aquos & intelligens  
 facillè corrigere poterit.



# FEUDORUM

## LIBER PRIMUS.

DE  
ORIGINE IURIS IN GENERE.

*Diegesis sive Narratio prima.*



Ntequam feudorum naturam & conditionem tractare aggredimur opera pretium facere videbor si pauca pramiserō de juris prima origine, mox de Juris tam civilis quam pontificii initiis, de progressu, & incrementis, quibusque modis & quo tempore leges per nobiliores habitabilis terræ partes dari cœptæ & jus tandem consummatum & absolutum est: Neque enim hæc omnibus sunt obvia, & ad eum quem institutum de feudorum origine & natura tractatum pernecessaria; Quod si qui sunt politioris ingenii & doctrinæ, quibus hæc non sunt incognita, juvabit fortassis & eos repetita antiquitatis memoria.

Post diluvium illud universale, cum genus humanum numero liberorum sobolesceret, velletque sibi in posterum providere, ne subita aquarum vi & inundatione obrueretur, Primo turrim illam Babilonicam extruere cœpit, sed interrupto per confusionem linguarum opere, cum novas sedes quarere cogeretur, prius per Assyriam, mox universam Asiam & Palæstinam dispersi homines in Græciam etiam (quam insulam in sacris dici certum est) omnesque regiones Europæas commigrarunt. Causa commigrandi hæc erat. Quum sibi quisque & liberis suis, prospectum vellet, & proinde commodissima ad habitandum loca deligeret, sive sylvarum amanitate, sive fontium irriguitate, aut terræ ubertate illectus, ibique consideret, supervenientibus potentioribus, qui sibi potius tam amœna loca, sive pascua, suæque familiæ tanquam melioribus arrogabant, primi cedere, ut infirmiores sæpe cogebantur & ulteriora, ubi considerent, quærere: Potentiores tum melioresque sibi videbantur, quibus major familia, pluresque liberi, eorum sive vi, sive virtute infirmiores pellebantur. Id cum plerisque displiceret, nec singuli per se sufficerent ad vim prohibendam, cœperunt consilia inter se inire quibus modis his potentioribus familiis occurrerent, id potissimum è re cuiusque visum est, ut quod unius familiæ viribus deesset, alterius familiæ aut plurium accessione supplerent; Ita amicitia & societates primum initæ, ex cujus fundamentis, in certa naturæque consentanea ratione positæ, civitates postea conditæ, neque enim aliud est societas quam diversorum inter se hominum conjunctio; Neque civitas quam ex variarum familiarum conspiratione & unione generalis aliquis consensus seu catus sub aliquo comuni jure & imperio ad societates seu familias in officio continendas constitutus. Cives enim proprie dicuntur qui sub uno vinculo juris & societatis vivunt: civitas vero conjunctio plurium sive familiarum sive societatum sub uno imperio & fœdere; nam qui urbis & civitatis eandem putant significationem falluntur, urbs enim ab urbo sive urvuo idest

*Qua fuerat hominum post diluvium conditio,*

aratro five aratri curvatura dicitur quia antiqui locum ædificiis condendis aratro designabant, Ut *Virg.*

*Interea & Enneas urbem designat aratro.*

*Cic. lib. 1. de repub.*

*\* Lib. 1. Commentariorum.*

*Regum prima institutio.*

*\* Lib. 2. Offic.*

*\* 1. De legibus de jure naturali.*

*\* Lib. 3. animalium.*

Et propriè mœnia five ædificia spectat, civitatis nomen ad ipsos cives pertinet & nomen juris est, adeo ut quæcunque hominum seu familiarum multitudo unico fœdere & juris societate conjuncta civitas rectè dici possit & apud bonos autores dicitur. Sic Cæsar \*: Omnis civitas Helvetia quatuor pagos continet, & postea : Apud Helvetios longe potentissimus & ditissimus fuit Orgetorix, is cupiditate regni inductus congregationem nobilium fecit & civitati persuasit, ut de finibus suis cum omnibus copiis exiret ; Sic aliquo metu potentiorum ex hac fœderum societate familiarum patres liberati sensim ex ædibus suis progrediebantur, & cum aliarum familiarum principibus sermones conferebant, quid publicè universis esset utile ad arcendos potentiores ; unde & armorum usus inventus, & urbes fossis primum, mox mœnibus cinctæ : tum etiam privatim opes suas exponebant, quid domi suppetebat, quid non ; inde defectus suos vicinæ familiæ supplebant, domi artificia colebant, foris permutabant res ad invicem, ut quod uni deerat ab altero caperet, non gratuito, sed re non minoris utilitatis in vicinum collata ; sic & rationes contrahebant & contractus nascebantur, sed cum fieri non posset ut plures simul in una societate consentirent nisi mutuis vinculis colligati quibus primum potentiorum vim reprimerent & privatim ipsi inter se reciprocis officiis interius continerentur : factum est primò pollicitationibus, & promissis mutuis, ne alter alterum offenderet, aut injuriam aut vim alius alii inferret, & unus alii auxilio ut esset si quæ vis potentior urgeret ; nec tamen ex his privatis conventionibus five pactis, singulæ offensiones dijudicari poterant, quæ quotidie novæ inter ejusdem societatis cives oriebantur, quòque plures in uno cætu, eò frequentiores erant ; itaque cum multa iracunde, multa libidinose, multa avaræ, fierent, electus est communi consensu vir illius societatis optimus, qui de offensione, aut injuria cognosceret, quodque æquum esset inter vicinos decerneret. Sic judices, in singulis civitatibus constituti juris distribuendæ causæ qui reges dicebantur ; neque enim reges ab initio nisi judices erant, a regendo dicti, & suæ quique civitati præerant, id est jus dicebant, hinc illa regum in sacris literis multitudo. Sic Homerus reges pastores populorum vocat quod procuratio & populi tutela eis esset ab initio concredita, Minos & Rhadamantus græcorum reges, quod summa cum aequitate populis suis præfuissent, judicandi perpetuum munus a Jove adepti finguntur apud inferos ; imo & qui Atheniensibus post reges imperabant, *Smædæ* vocabantur ; certè primos reges institutos ab initio fuisse distribuendæ Justitiæ causæ in bene constitutis civitatibus certum est. Nam Cicero ait \*, non apud Medos videntur solum ( ut ait Herodotus ) sed etiam majores nostros justitiæ frundæ causæ olim bene morati reges constituti : cum enim initio premeretur multitudo ab iis, qui majores opes habebant, ad unum aliquem confugebant, virtute præstantem : qui cum prohiberet injuria tenuiores, æqualitate constituenda, summos cum infimis pari jure retinebat. Quæret tamen hic aliquis, quomodo hi reges jus dicere poterant, quod nullum erat, nullæ leges, ad quas veluti ad amissum sua placita dirigerent ? Respondeo sequutos eos tum fuisse ingentem quandam in animis hominum naturalis æquitatis rationem ; nam ut rectè Cicero \* ad jus & æquitatem naturaliter instincti sumus, & jus præcipuum ex ipsius naturæ beneficio descendit ; & sanè jus tantum dicebant, qui tum ad id eligebantur ex cognato quodam & in animis hominum infuso naturæ instinctu, aut ex pactis & conditionibus inter suas familias ante conventis. Vigeat enim tum vis naturæ in omnium animis quam maximè, illudque penè incorruptum aut incorrupto proximum ; neque ex hominum opinionibus aut erroribus emanans, sed ex ipsius æternæ mentis clarissimo & immutabili consilio. Vitiæ tum neque iudiciis, neque vinculis, quæ nulla tunc erant coercerentur, sed tantum pudore & verecundia ; jus æque ab omnibus in honore tanquam deorum munus habebatur, vitiæ vero odiosa ubique, quasi igniculos illos a natura relictos extinguentia, & sic juris naturalis ingentem in animis hominum rationem, & cum ratione adjunctam utilitatem in judicando sequebantur. Hoc erat illud tempus cujus meminit Tacitus \* Vetustissimi ( ait ille ) mortalium, nulla adhuc mala libidine, sine probro, scelere, eoque sine pœna aut coercionibus agebant ; neque præmiis opus erat, cum honesta suo pte ingenio peterentur, & ubi nihil contra morem cuperent, nihil per metum vererentur. At postquam ex æqualitas, & pro modestia, ac pudore, ambitio & vis incolebat, provenire dominationes, multosque apud populos in æternum mansere.

Post



Post vero cum querimoniarum multitudo ex injuriis cum finitimis urgeret, nec una societas sive civitas quod æquum esset, alii, nisi vi coacta faceret, coeperunt ob res legitime repetitas & non redditas discordiæ & lites nasci inter eos, qui ex diversis erant civitatibus: inde certamina, iræ, & inimicitia; tandem & bella orta, ad quæ cum singulæ civitates exirent, unum ducem sibi præfiebant, cujus consilio & virtute victoriam & in rebus gerendis successum spectabant, & sic qui antea iustissimus erat, consilio etiam & cæteris præstare visus, hunc & in bello ducem sequebantur, hic quod commodissimum erat præscribebat. Sic regum institutio in his duobus maxime constabat, in populo ad bellum educendo & reducendo & in jure dicundo, quæ omnium regum sunt propria, & in quibus ejus potissimum imperium consistit, & hæc duo proprie regis officio incumbere manifestum est ex sacra historia infinitis locis. Ex his bellis imperia & servitia nata; nam victor, quæ ad victos antea pertinebant, urbes, agros, societates, ad se transferebat, victi servabantur; nondum enim sitis humani sanguinis homines infecerat, at victi in servorum numerum redacti sunt & quod imperabant victores, facere coacti, & naturalis illa hominum libertas vivendi ut velis, paulatim imminuta, & alieno imperio vivere ceptum; mox cum qui ejusdem civitatis erant, inter se animo versarent, quæ suæ societati essent utilia, quæ illam augerent, & facultatibus aut potentia promoverent: quid rursus eis esset inimicum, quid denique societates everteret ac dissiparet, & nihil tam incommodum esse sibi prospicerent, quam cædes, rapinas, stupra, furta, infirmiorum oppressiones, nec homines pactis in officio contineri, panis vitia coercerebant, & crimina, ut erant, sic dicebantur: rursus cum ex commerciis cum vicinis civitatibus rempib. augeri cernerent, ea permixta civibus interse: nataque emptiones, venditiones, locationes, & cæteri contractus, sic jus gentium paulatim ortum, & in civitatibus, qui æquum ab iniquo decernerent, ut nuper dixi, rebusque omnibus majoribus præfissent, viri boni eligebantur, qui naturale & jus gentium sequerentur, inde principes & primi civitatis dicti. Neque tum optimus princeps aliud erat, quam optimus civitatis pater familias; & hi plerumque postquam conceptæ de sua æquitate opinioni responderent, pro vita administrabant. Sæpe etiam dum parentis indoles & gratia (vulgi opinione) videretur quæ in filio elucesceret, favor in sobolem prorogatus est, & filii in demortuorum locum sufficiebantur: Primum inquam ex gratia & opinione populari; postea cum eorum opes reliquis præeminerent, nec facile paternæ dignitatis imminutionem paterentur liberi, jus successionis in regnis introductum est. Certum enim est apud Medos, Persas, Lydos, Phœnices & reliquas gentes regna panè ab ipsa nativitate hæreditaria fuisse, quod Aristoteles testatur\*, idque hac potissimum ex causa; nam cum extincto rege certamina magnatum intercederent: quis in ejus locum sufficeretur; inde iræ, invidia, certamina nata, & factiones aliquando, una in alterius exitium imminentes, ut incertitudo successionis, quæ in omnibus imperiis pestis est certissima, vitaretur, maluerunt gentes unam aliquam esse familiam, quæ sola imperii capax, & ejus familiæ principem sive primogenitum imperii successorem, quam se tot periculis, direptionibus, & seditionibus implicare; Et hæc erant juris & regnorum in bene constitutis civitatibus initia.

*Reges primi unde hereditarii.*

\* 1 Politiæ.

Apud posteros Chami alia longè gubernandi ratio fuit, ibi enim imperia sive regna, vi & potentia constituta sunt. Primus erat Nimrod, qui regni Assyriorum fundamenta jecerat, is in sacris literis robustus venator dicitur, venatores inter latrones numerati; & latrocinium nihil aliud est, nisi venationis quoddam genus antiqui putabant; Et latrocinari pro bellum gerere, in primo foedere inter Romanos & Carthagenenses poni annotavit Bodinus, Latrocinii enim nomen tum non erat infame, ut neque post apud Boreales gentes Piraticæ; & plerique reges ex latronibus sive venatoribus & ex pessimorum hominum collavione constituebantur; regnaque patres posteris per manus tradebant, quod in initio Romæ rectè vidit Satyrus dum de generis nobilitate, quam plerique sibi tribuebant sic scribit.

*De initiis Tyrannidū.*

*Majorum primus quisque fuit ille tuorum,  
Aut pastor fuit, aut illud quod dicere nolo.*

Latronem per reticentiam significans. Utcunquē est, ex textu sacra scripturæ & antiquissimorum scriptis constat hunc Nimrodum primum fuisse qui rerum omnium arbitrium sibi arrogaret, vi & potentia vicinos singulos aggressus subjecerit, oneribus & servitiis eorum libertatem opprimeret, & inde Nimrod (id est amarus dominator) dictus est; nactusque multos sui similes venatores alienæ libertatis oppressores, regni Assyriorum prima constituit initia;

plena sunt omnia antiquitatis monumenta, plenæ historiæ, maxima quæque imperia, Assyriorum, Ægyptiorum, Lydorum, & Barbarorum fere omnia a vi & violentia initia sumpsisse: quod & ratio ipsa suadet, si historia destitueretur, fortiorem omnia sibi solitum arrogare, infirmiores spoliare, cadere, subiicere sibi & in servitutem adigere; immo victores ipsi in bellis a naturali illa libertate aliquatenus decedebant, cum duces suos & qui virtute præerant officiis prosequi cogerentur. In hoc tamen, quod ex violentia injusta & aliorum oppressione & servitute natum est, sua etiam inter illum summum venatorem & inferiores fuerant pacta, & conditiones conventæ, (nam inter latrones sua sunt jura, suæque ut ait Cicero leges, alioqui nulla esset inter eos societas) hæ præcipue ex regis arbitrio pendebant, isque ex animi sui sententia jus inter suos dicebat, ut potentissimus. Sic Livius, apud Barbaros regum imperia pro legibus sunt; sed cum Rex omnibus ad imperandum sive jus dicendum non sufficeret, inferiores substituunt, ut quod suum esset, cuique tribuerent, certasque præscripsit conditiones, quibus astricti, jus æquabile inter eos dicerent, non ignarus gratiam & auram popularem sic acquiri, sed præcipue ne satraparum licentia in infinitum excurreret, & proinde sua ipsius principis aliquando usurparent. Hæc itaque prima erant Tyrannidis fundamenta, nam licet ipsi Tyranni sive reges nullis legibus, nulli juri astringerentur, iudices tamen dabant qui æquabilitatem inter suos servarent, obsequentibus præmia, rebellibus poenas, pro merito distribuentes; ita tamen ut regum imperia, si quid gravius occurreret semper observarent, eumque consulerent, ad cuius libidinem & commoda, jus illud quæcunque tanquam ad finem dirigebant; erant itaque hæ societates jure quodam contractæ, sed inter sceleratissimos homines, qui sibi, quod fortiores essent, omnia deberi putabant, multitudinem graviter opprimebant; in hoc enim principatus legitimus a Tyrannide dignoscitur, quod Tyrannus sua tantum commoda & utilitates spectet, de populi sui statu & salute securus: verus autem princeps suam salutem & suas utilitates populi saluti & commodis postponat, qualis erat Codrus apud Athenienses.

*Quæ erat  
conditio ec-  
clesiæ dei ab  
initio.*

*\* Genesis  
48. & 49.*

Interea ex Posteris Semi, Deus Abraham & ejus familiam & posteros singulari favore & providentia quasi proprium patrimonium inter homines selegerat, ubi ecclesiam suam construeret; & quanquam Abrahamus ipse & ejus posteri locupletissimi & ditissimi essent (divitiæ omnes tum in pecore consistebant) tamen nec certas tum sedes habuerunt nec ullis pactis aut legibus peculiaribus regebantur; At horum Patriarcharum tempore non solum jus naturæ sive naturale valuisse certum est, sed Jus etiam gentium constitutum & absolutum fuit; Nam regna & imperia tum erecta, societates & civiles conventiones contrahebantur; distincta enim tum erant rerum dominia: bellicque jura fuisse, quibus quod bello quis acquisivit, jure acquisivisse se putabat, ex Sacra historia \* constat: denique servitutes, manumissiones, civilesque omnes contractus emptionum, locationum, permutationum; postea & successiones & testamenti factiones natæ, quarum omnium exempla legenti in Sacra historia Geneseos occurrunt; sic & meritum præmia, & scelerum poenæ; adulteria enim & cædes mortem puniebantur, furta quadruplo, (ut in legibus duodecim tabularum de quibus postea dicemus) reliquorum delictorum pro facti atrocitate sua erant supplicia; Nec tamen ullæ leges scriptæ, aut Juris scripti poenæ tum poterat timeri, soli viri boni, aut qui ex opinione aut errore vulgi tales credebantur, iudicia exercebant. Itaque cum Abimelecho se excusasset Abraham quod Saram suam sororem dixerat (ne mors præmium esset conjugalis amoris) cumque de ea causa graviter mendacii ab Abimelecho infimulatus esset, se eam excusationem prætexuisse respondit, quod timorem dei in illis locis nullum putabat; non leges, quæ tum nullæ erant, non jura hospitalia pretextuit, sed tantum timorem Dei, quo solo tum Respub. stabant, proposuit; siquidem post lapsum Adæ protoplasti, divinæ tantum auræ particula adhuc relicta pios illos animorum motus in Abrahami familia produxerat, ut ea sola ad gubernandum sufficeret; Itaque Abrahami, Isaci, Jacobi, & reliquorum Patriarcharum temporibus nullæ certæ leges, nulla jura, nullæ sedes erant, sed ut ait Ovid.

*Sponte sua sine lege fidem rectumque colebant.*

donec Ægyptia servitute liberati ad Chanaanam profisciscerentur; ante illud inquam tempus, quisque suæ familiæ & inter suos jus dicebat. Ita tamen ut à jure naturali nunquam discederent, à jure aliarum gentium, nisi in Dei cultu, raro: proinde illa prima & verè aurea ætate, Patriarcharum, jus ex unius virtute & modestia, sive in Civitate, principis, sive in regione,



regione, Magistratus summi pendebat ut is cerneret quid fas, & nefas videretur; ejus scita, sive arbitria observabant, & exequabantur; ille solus jus societatis convocanda habebat, non tamen ab initio ut vita & necis potestatem per se excerneret, aut tributa imperaret, aut praesidia in civitatibus disponderet, sed tantum ut civitatis principatus apud eum esset; Rexque tum dicebatur, quæ vox non tam imperii supra alios, quam dignitatis & excellentiæ inter alios erat nomen, ut testatur *Silius*, quum Hispanos salutasse regem Scipionem scribit, rationem hanc reddit.

*Scilicet hunc summum norant virtutis honorem.*

Nullas tum leges nullos carceres ex Homero, vel ex hoc patet, quod in omnibus ejus libris ne vox quidem legis reperiatur sed ut ipse testatur ad edicta regentium reliqui se conformabant, vixit autem Homerus centum & sexaginta annos post captam Trojam; nec Rex aliud tum erat, nisi publica potentia, aut armata justitia.

Sed aureo illo sæculo exacto (quo nisi ex virtute nemo ante alios sibi prærogativam vendicabat) & senescentibus moribus aut potius in omne nefas sensim degenerantibus, quum pro viris bonis locupletes postea ad judicandum succederent, viderenturque divitibus quam pauperibus æquiores; nec eadem omnibus loquerentur; sed præjudicati aliquid secum domo semper adferrent; convenit tandem inter eos qui ejusdem erant societatis, ut leges scriberentur; jusque quo postea usuri essent in sua Repub. scripto mandaretur, ut idem omnibus uno ore loqueretur, & præscriberet, non gratia cujusquam, non odio perverteretur, nullius personam exciperet, nam cum veri & incorrupti judicis sit ut ait *M. Cic.* \* cogitare tantum sibi esse permissum, quantum commissum sit, & creditum: & non solum potestatem sibi esse datam, verumetiam fidem habitam esse, meminisse: posse quem oderit absolvere, quem non oderit condemnare: & semper, non quid velit ipse, sed quid lex & religio cogat, cogitare: animadvertere, qua lege reus citetur, de quo reo cognoscat, quæ res in questione versetur. Horum inquam judicium cum maxima apud omnes gentes sit, & semper fuerit inopia, melius è Repub. antiqui censuerunt ex legibus certis & scripto jure judicandum, quam ex unius hominis arbitrio; neque enim contingere potest, ut Judex tanto judicio & prudentia sit, ut sine legibus videat quid sit æquissimum; aut tanta justitia, ut non sit opus ejus potestatem legibus temperari, sæpe enim virum alioqui sapientem aliqua recti species decipit, qui si præscripto legum monitus fuisset, melius judicasset. Interdum qui gratia aut odio impeditus est, animo morem gerit, si nullis legum vinculis teneatur: nam bonos etiam viros licentia reddit deteriores: præclare itaque Aristoteles, qui legem volunt civitati dominari, hi videntur deum dominari velle: qui verò hominem, hi belluam præficiunt: nam amor, odium, ira, concupiscentia, libido, timor, optimos etiam viros depravant, ut de Appio Claudio decem viro, apud Livium, & Halycarnassenum legimus: at lex est mens sine cupiditate, & jus scriptum munit Magistratum adversus litigantium improbitatem, qui cum jus norunt, vident judicem nihil errore, nihil privato affectu pronunciare, sed sequi præscriptum, quod impunè ei mutare non licet: Et hæc prima legum condendarum erat causa & origo: ut in moneta fieri solet, quoties ejus probitas vel in valore, vel quantitate vitiatur, speciali scripto solent homines providere, qui sibi tantum consultum volunt, ut in tali moneta scripto expressa sibi solutio fiat. At ne quis putet hoc in regnis & imperiis tantum constituisse, nulla erat respublica sive ea Aristocrata, in qua optimates, sive Democratia, in qua fex popularis imperabat, quæ non inde occasionem legum condendarum aut arripuerat aut prætenderat.

Supereft inquirendum qui leges scripto populis suis primi pertulerunt; si verum sit quod a Plutarcho traditur, Egyptii gens antiquissima, Prometheus legis latorem suum produnt, Erat is Japeti filius Moyses, & ipso Abrahamo longe prior tempore, Inde locus fabulæ factus, Prometheus, cum homines antea sine anima essent, coelestem ignem ferula de coelo subduxisset, unde universum genus humanum animaverat Rectè illi: nam qui sine lege & sine jure vivunt, etiam ratione & anima destituti videntur, & a pecudibus, sive brutis animalibus vix differre; cum jus sit quasi ignis coelestis ad rudia hominum ingenia animanda coelo demissus, & proinde deorum munus: sic & Plato \* legum inventionem diis attribuit, nempe legum Spartanarum Apollini, Cretensium ipsi Jovi: ac inter omnes etiam profanos auctores certissimum est Moysen fuisse, qui primus leges scriptas exhibuit. Itaque Diodorus, Justinus Josephus ac plerique alii Moysen fuisse primum legislatorem fatentur; Philo enim

*Occasio legum constituendarum.*

*\* Pro cluentio.*

*Legum scripturarum utilitas & commendatio.*

*Descriptio legis.*

*Qui primi legistatores.*

*Promethei fabula unde nata.*

*\* In principio lib. I. de legibus.*

*Moses primus legislator.*

enim

enim prudentissimum legislatorem, iustissimum principem & maximum prophetam asserit, non quod leges & jura ante eum non essent, ut antea monui, sed quod primus is esset qui leges scripto commendavit; ante eum plerique an litera fuerint, dubitant: Moysen grammaticam id est literarum & legendi artem primum docuisse sunt qui putant; Philo eam Abrahamo tribuit; Ipse tamen Moyses meminit libri de bellis Domini, argumentum certissimum ante Moysen libros & proinde literas fuisse in usu; utcumque certum est, & literas ab Israelitis ad Phœnices (nam Phœnicia Palestina contermina est) a Phœnicibus & Cadmo in Græciam, à Græcia in Italiam advectas esse: itaque licet gentes jure quodam inter se sociatas non negem ante Moysen; scriptum tamen jus habuisse nemo (ut opinor) verè dicere potest; & licet omnes Moysen primum legislatorem fateantur, parum tamen refectaciunt meo iudicio, nam earum legum perlationem Deus opt. max. non uno in loco sibi uni & soli attribuit, qui Moysi opera ut Amanuensis alicujus usus\*: Sed Demus scriptorum omnium fidem sequuti; Moysen primum fuisse legislatorem, ejus tamen leges, licet ad Israelitici populi gubernationem sufficere putabantur, ut plurimum circa sacra & dei cultum hærebant: Voluit enim Deus, ut ante omnia regnum cælorum inquireremus, nihil de aliis solliciti, quæ nobis adijcienda pollicetur: Itaque vicina Respub. quæ res terrenas sectabantur & luto sese mergebant, multa in Moysi repub. abesse putabant, quæ ad humanam societatem curandam spectarent; præcipuè quod ea quæ a Mose tradebantur in vulgus efferi non linebant Israelitæ: Nam & librum Moysi etiam aliquot annis delituisse ipsa historia Sacra testatur; apud solos enim Levitas & eorum principem in occulto servabatur: unde & illud *Juvenalis*.

\* Psal. 108,  
& 147.

*Tradidit arcano quod cunque volumine Moses.*

Itaque & ipsi ad leges suis hominibus scribendas animum adjecerunt, cum viri principes, quos sibi præesse antea jusserant, æqualitatem (ut dixi) omnino in jure dicendo non servarent: præcipue itaque leges ab eis latæ sunt ut ait *Poeta*.

*Ne fortior omnia posses.*

potentiorum enim armis & libidine omnia opprimebantur: Itaque *Horatius* scitè admodum *Achillem* describit.

*Impiger iracundus, inexorabilis, acer,  
Jura neget sibi Natura nihil non arroget armis.*

Nam viri fortes omnia deberi sibi putabant. Sed erat & alia etiam bellorum & cædium frequentissima causa & teterima, nempe vaga Venus. Ut igitur his importunis libidinibus, & oppressiõibus, quæ in certissimam reip. ruinam & præcipitum tendebant, modus imponeretur, leges latæ sunt. Ferebantur leges totius populi concione advocata, sententiusque rogatis, & plerumque quod societatis illius pars maxima volebat, totam tenebat societatem. Sed in Monarchia aliud, nam in ea leges plerumque ex unius principis excellentis judicio sumebantur. Ægyptiis leges primus scripserat Vechorus 4. qui circa annum mundi 3077. regnaverat, ut testatur Diodorus, nempe circa Carthaginiis initium. Eodem ferè tempore Spartanis præerat Lycurgus, qui cum Eunomio fratri successisse visus esset, & Rex ab omnibus expeteretur, audisset tamen uxorem fratris uterum ferre, à Regis appellatione abstinuit, & regnum posthumi nomine administravit (cui postea Charilæo nomen fuit) curator ventri ab initio datus; eo nato cum regno immaturus esset, octodecim annis gubernationem in se recepit, tanquam curator Reipub. & à republica constitutus, quo tempore Spartanis leges dedit, quæ cum duræ & difficiles plerisque viderentur, ut religionis sacramento suos cives alstringeret, simulat se Delphos velle proficisci, ut Apollinem de legibus suis, & earum utilitate consularet; interea a singulis Jusjurandum exegit, dum rediret, nihil se ex legibus suis immutaturus, quod & facile impetravit; At ille aliud animo versans ut Lacedemonii perpetuo cis legibus continerentur, damnata spe redeundi, etiam ossa in cinerem consumi & dispergi mandaverat, ne eludendi sacramenti ullam speciem suis relinqueret; Ejus leges Arist. ad rem militarem valde quidem utiles affirmat\*; sed cum militia sive disciplina militaris sola ad bene regendam civitatem non sufficeret, coacti sunt Spartani etiam alias leges sive statuta inducere, quibus eorum Resp. gubernaretur; Xenophon Spartanos septingentis ferè annis principatum in Græcia tenuisse asserit, eo quod Licurgi leges perpetuo observassent:

Nam

*Quomodo  
leges ferre-  
bantur.*

*Lycurgus  
lacedemoni-  
orum legum  
lator.*

*Lib. I. Po-  
litic.*

Nam præter militarem disciplinam, frugalitatem, temperantiam & opum contemptum inducebant, quibus in civitate recte constituenda & conservanda nihil prius neque melius; Sed has suas leges Lycurgus scripto mandare nunquam patiebatur, sed *ἰνῆτας* appellabat, quod in loquendo & discendo consisterent: harum una erat, legibus scriptis non utendum; sape enim se foelicem prædicare solitus est, si leges suæ non tabulis æneis, ut in aliis civitatibus fieri solebat, sed in animis hominum sculperentur & senescerent; his Lycurgi legibus, nullæ sanctiores, nullæ diuturniores erant, licet scripto non comprehenderentur. Athenæ (alter Graciæ oculus) non tam militaribus studiis quam Politica gubernandi arte claruerunt, fuitque ea civitas (ut testatur Xenophon,) Sparta & opibus & numero civium longè superior; at mutationibus quæ in Rebuspub. occurrunt magis obnoxia, præcipue cum in ea, Democratia locum primum obtineret; Nam populo ejusque opinionibus nihil inconstantius: Neque tamen militaris gloriæ expers; clarissimi enim duces Conon, Miltiades, Themistocles, Alcibiades & plerique alii ex ea sunt orti, sed si quis omnia rectè expendere voler, Spartanis in gloria militari cedebat.

In hac civitate qui primus leges scripto tradidit Draco fuit primusque Atheniensium legislator dicitur; Demades dicere solebat (ut est apud Gellium \*) Draconis leges sanguine non atramento scriptas; unam enim omnibus delictis poenam nempe mortem constituit, adeo ut qui desidæ damnaretur, aut olera vicini furto sustulisset non minus morte plecteretur, quam qui cadis essent rei. Sequutus est cum aliquot annis minor Solon, qui cum in magna veneratione apud Athenienses & omnes externos esset, permitta ei a populo leges condendi potestate, omnes Draconis leges antiquavit, novas conscripsit, tanto temperamento, ut potentioribus aequè ac populo esset charissimus: floruit autem tempore Tarquinii Prisci, circa annum mundi 3386. De ejus morte idem commemorant quod de Lycurgo antea diximus, jusjurandum nempe a civitate exegisse, leges suas nunquam antiquandas donec rediret, & cum Cypri decederet, mandasse ut ossa Salaminem translata per agros spargerentur, ne populus religione solveretur. Solonem in Ægyptum profectum & inde leges accepisse testatur Plutarchus, adeo ut non solum Philosophiam suam sed etiam reip. gubernandæ rationem Graciæ Ægyptiis debeat. Ægyptiis contermini erant Israelitæ, nec dubium quin quod commodum sibi videbatur ex eorum legibus ad se Ægypti traducebant; Itaque omnium legum & reip. gubernandæ ratio Deo & ejus amanuensi Mosi ascribenda a quo etiam reliqui in suis rebusp. excellentissimi, fontes juris haurientes, ad suos, ejus scaturigines sive rivulos deduxerant.

Eodem tempore diversæ aliæ resp. in Graciæ & alibi florebant, quæ suos tantum legislatores agnoscebant, Carthaginenses Phaleam, Milesii Hippodamum, Cretenses Minoa, alii alium probabant, quibus inhaerere non statui. Qui plura de his cupit Aristotelem \* legat: nam his generalibus fundamentis positis, quæ juris Romani, sive civilis, quod nunc in maximo precio apud omnes gentes est, initia, dicendum.

Draco primus Atheniensium legislator.

\* Lib. 12. cap. 18. Solon secundus.

\* Lib. 1. Polit.

## De Juris Civilis sive Romani Origine & progressu & quis ejus apud nos usus.

### Diegesis secunda.

**A**Nte Solonis tempora Regnum susceperat Romæ ejus urbis conditor Romulus, tum Numa, post cum Tullus Hostilius, eo defuncto Ancus Martius, tum Tarquinius Priscus, cujus Regni anno 33 Solon Atheniensibus leges scribere cœpit \*; Nec dubium in nova constituta republica multas leges, & sanctiones intervenisse, ut regnum sibi auspiciis stabili- rent, & populum in officio continerent; nec minus Servium in urbe novis institutis formanda evigilasse certum est; Tarquinii superbi tempore fuit sextus Papyrius, qui leges omnes regias in unum contulit, & ejus liber jus civile Papyrianum dicebatur; non quod (ut ait Pomponius) aliquid de suo adjecerit, sed quod leges sine ordine latas in unum volumen contraxerit. Hujus Juris Papyriani aliquoties mentionem in Pandectis \* reperio, Et etiam apud Livium & Ciceronem; Quod tamen hoc jus fuerat, non satis constat; licet enim jus civile dicebatur, quasi jus civium Romanorum (& sic a Pomponio & Livio vocabatur) ta-

\* Gell. lib. 17. cap. 21. Primum jus civile Papyrianum.

\* Jul. lib. 1. de Orig. juris l. Majusius de Verb. significatio.

men



*Secundum  
Flavianum.*

*\* Lib. I. ad  
atticum &  
in oratione  
pro Mura-  
na.*

*\* In fine  
lib. 9.*

*\* Lib. I. de  
Origine  
juris.*

*\* Lib. I. de  
Origine  
juris.*

*Origo le-  
gum duo-  
decim ta-  
bularum.*

*\* Lib. I. de  
Oratore.*

*Prætor jus  
duodecim  
tabularum  
supplet.*

*Jurispru-  
dentum re-  
sponsa.*

*De constitu-  
tionibus  
principum.*

tamen Regum tantum sanctiones continebat. Harum sanctionum sive legum regiarum catalogum Car. Sigonius ex Livio, Plutarcho & aliis descripsit: *Sequebatur jus Flavianum*, quod formulas actionum comprehendit; quæ magna juris civilis sunt pars & portio: Cicero \* non solum formulas actionum a C. Flavio evulgatas scribit, sed etiam fastos, ut sciretur quibus diebus lege agere liceret. Hic Flavius scriba erat & libertini filius *qui illud jus Papyrianum inter pontificum libros antea reconditum* populo exhibuit, idque munus tam gratum populo erat, ut non obstante ignobilitate, ædilis crearetur; licet Pomponius innuere videatur hunc Flavium Appii Claudii scribam fuisse, librum de formulis actionum ab eo subtraxisse, & ea de causa ædilem creatum: plura de hac re qui vult, legat Livium \* & Pomponium \*. Sed hoc jus Papyrianum verisimile est exactis Regibus & mutata reip. forma antiquatum fuisse lege tribunitia, ut omnis Regum memoria a civitate aboleretur; Itaque primis viginti annis, ut Pomponius \*, sed verius tamen, sexaginta, cœpit populus incerto magis jure & consuetudine gubernari, quam certa aliqua lege, sed postea cum se a nobilitate graviter premi diceret, nec jam consulare imperium, (*neque Tribunos consulari potestate præditos*) ferret, gravissimæque de reip. administratione contentiones quotidie orirentur, placuit tandem ut Triumviri in Græciam mitterentur, tam ex patribus quam ex plebe electi, qui leges utrique parti communes & utiles, quæque ad æquandam omnium libertatem pertinebant, possent describere. Missi sunt Sp. Posthumius, A. Manlius & P. Sulpitius, jussique inclitas Solonis leges describere, & aliarum civitatum Græciæ instituta & mores cognoscere; at illi sequenti anno cum Atticis Legibus redierunt; mox Decemviri creati sunt, quibus harum legum describendarum, & juris Romani inde conficiendi cura demandata est: hi primo decem tabulis omnes ex Græcia leges allatas comprehenderunt; sed cum duæ adhuc tabulæ viderentur deesse, ut totum jus Romanum absolveretur, continuato adhuc in annum sequentem decem virorum Magistratu duæ aliæ tabulæ adjectæ sunt, & ita omnis Romana jurisprudentia absoluta, ait Livius, ut suo ævo cum immensus aliarum super alias coacervatarum legum cumulus esset, vix quidquam adjici poterat; Suntque hæ duodecim tabularum leges, fors & origo totius juris publici & privati, quarum memoria ab omni posteritate commendatur, licet cum maximo omnium bonorum incommodo ipsæ perierunt. Earum quæ adhuc circumferuntur reliquias Marco Ciceroni præcipue debemus, qui nisi libros de legibus scripsisset, nulla fere jam duodecim tabularum esset memoria. Nobile enim est harum legum elogium apud Cic. \* Bibliotheca (ut ait) Philosophorum omnium unus mihi videtur duodecim tabularum libellus (si quis legum fontes & capita viderit) quo auctoritatis pondere & utilitatis ubertate nullus superior; neque tamen leges duodecim tabularum ad gubernandam universam civitatem Romanam sufficiebant; nam plerisque duræ videbantur, aliis interpretatione egere, nonnullis supplendæ & corrigendæ visæ; Itaque cum novæ questiones & controversiæ quotidie emergerent, neque quid in his fieret, ex legibus duodecim tabularum appareret, primum Plebiscita, post & Senatusconsulta, mox & Prætorium jus, adjuvandi illius veteris juris aut corrigendi causa introducta sunt. Exempla autem quando jus antiquum aut corrigebatur aut supplebatur aut juvabatur, ex hoc prætorio jure passim in Pandectis occurrunt, unicum hoc sufficit, nam cum ex jure duodecim tabularum, ad successionem defuncti intestati, Sui ante omnes primi admitterentur; & libera cuique de re sua testandi potestas tribueretur, Prætor tamen illud jus supplevit, emancipatos, cum suis adjungendo: Adjuvit, cum bonorum possessionem secundum tabulas testamenti, suis hæredibus daret: correxit, cum contra tabulas, liberis præteritis bonorum possessionem tribuerit.

Acceperunt & postea Jurisprudentum Responsa, quæ vim quandam legum habebant in juris interpretatione, quoties nodus occurrebat; præcipue eorum qui a Senatu & Imperatoribus potestatem de jure respondendi accipiebant, & hi præcipui nominis & auctoritatis ante reip. mutationem erant, Primus quod sciam T. Coruncanus fuit qui jus civile Romæ professus est, vixit is circa annum ab urbe condita quingentesimum, cum sequutus M. Fabius Pamphilus, initio secundi belli Punici, mox Ælius Petus, M. Attilius sapiens, P. Cornelius Nasica tum Q. Fabius Labeo, & Fabius Pictor, Portius Cato, Manlius Torquatus, P. Mutius Scævola, Licinius Crassus, Livius Drusus, M. Figulus, S. Pompeius Magni Patruus, tum C. Aquilius Gallus jurisconsultorum ejus ætatis princeps, Aufidius, Juventius & qui in ipsam reip. mutationem incidit Trebatius Ciceroni adeo familiaris. Occupata reip. & in unius principatum sive dominatum conversâ, principum constitutiones pro legibus habebantur, ea ex tribus constabant, nempe ex Rescriptis, quando princeps ad suppli-

cum

cum libellos vel absentum Magistratum de jure dubitantium consultationes respondebat : Ex decretis quando princeps cognita causa sententiam dicebat ; Vel edictis quando reip. curam gerens aliquam novam legem sive edictum constituebat ; Non tamen everfa repub. Jurisconsultorum autoritas cessabat, imo sub Cæsaribus longè felicius floruerunt, & jam juris Civilis scholæ aperiri cœpta, ex quibus, tanquam ex equo Trojano, maxima pars Jurisconsultorum prodit ; Quæ eorum nomina, quique aliis & quo tempore successerant auditorem ad Pomponium remitto \*, Hotomannum, & Rutilium, qui historiam juris Civilis scripserunt ; Et licet jurisconsultorum horum in litibus terminandis non parva esset autoritas, juris tamen novi constitutio ad solos Cæsares pertinebat, & sola antiqui juris interpretatio penes ipsos jurisprudentes erat ; qui cum libris editis suas de jure sententias explicarent, & ex diversis scholis diversa prodirent ingenia, & quilibet suam in juris interpretatione sententiam tueretur, infinita nata jurisconsultorum volumina, adeo ut Justinianus suo, tempore, supra duo librorum millia scribat fuisse ; sic homines in utramque partem cum Demea Terentiano peccare solent, aut nihil aut nimium faciendo, medium negligunt : Sed cum is Librorum cumulus tadium legentibus, sæpe etiam confusionem pareret. Justinianus Romanorum Imperator, ut huic confusioni mederetur, Primum omne jus antiquum in quinquaginta volumina per octodecim viros magni nominis & auctoritatis redegit : hæc Pandectas dici voluit, quasi omne jus antiquum comprehendentes : quo autem modo & a quibus confecta sunt hæc pandectæ ipse in sua præfatione tam Pandectarum quam Codicis & Institutionum exponit. Sunt itaque Pandectæ juris veteris tanquam horrea, ex quibus pene de quacunque re proposita ex veterum jurisconsultorum opinione licet disputare ; omniaque illa quinquaginta volumina ex eorum, nempe Scevolæ, Viviani, Pauli, & reliquorum responsis confecta ; Sed cum non minorem auctoritatem haberent Imperatorum constitutiones, & ex eorum sive edictis sive responsis quid in quaque re æquum & bonum esset non minus elucesceret, quam ex jurisprudentum responsis, per eundem Tribonianum & alios delectos ad rem tantam viros, Codicem ex responsis Cæsarum confici curavit, Isque codex Theodosianus primo dictus, sed cum pleraque responsa Imperatorum quotidie in manus venirent, ipseque Justinianus novas aliquot decisiones adjecisset, sub incudem revocatus est Codex Theodosianus, & longe locupletior factus sub nomine Justiniani ipsius exiit. Est itaq; Codex nihil aliud quam omnium Cæsarum qui Justinianum antecesserant responsorum de jure, necnon & ipsius Justiniani quinquaginta constitutionum collectio : & ex iis responsis in unum collectis, servata tamen methodo, jus codicis dictum. Sequuntur Authentica constitutiones, quæ plurimæ ab ipso Justiniano, pleraque ab aliis Cæsaribus confecta sunt ; Et hoc est jus authenticarum constitutionum ; ita dictæ sunt quasi originales \*, sic authenticæ tabulæ \*, sic authenticæ rationes \*, & authenticæ probatoriæ \* dicuntur, Postea in Juniorum gratiam adjecit Justinianus quatuor libros Institutionum, prima totius juris Civilis Elementa continentes ; Itaque totum jus Civile quo hodie utimur ex libris Pandectarum, libro Codicis ( qui à multis etiam libris Pandectarum præfertur ) & his Authenticis constitutionibus & Institutionibus constat ; Sunt qui jus feudale partem juris Civilis non sine ratione faciunt, sed de hoc postea. Itaque jus omne Civile laudatissimo illi principi Justiniano debemus, qui non solum armis imperium Romanum multis in regionibus restituit, sed etiam jura Romana in lucem edidit ; felicissimus sane princeps, si ei talis uxor contigisset qualis ipse fuit.

Justiniano, cum nepos Justinus successisset, & post eum Tyberius & Mauritius, paulatim cum Majestate Romani imperii jus etiam Civile in Italia oppressum est, armis Gothorum & Longobardorum, præcipue temporibus Phocæ, qui quartus erat a Justiniano, adeo ut post Justiniani mortem ( qui obiit anno salutis 565 ) pene perierant leges Romanæ, nec spatio quingentorum annorum & amplius in pretio erant, donec Lotharii secundi Imperatoris tempore, quæ diu latuerunt, in lucem tandem emergere cœperunt. Floruit Lotharius, saltem imperare cœpit anno domini 1137. Guibaldus quidam, Abbas ut aiunt Stabulensis jussu Lotharii classẽ Salernum adduxerat & magna vi urbem oppugnavit ; In ea expeditione Pisani quadraginta sex armaverant triremes, & fortem & fidelem operam Cæsari navarunt, Nam cum pridie Cal. Augusti Amalfim adorti, primo impetu expugnassent, tantum beneficii loco a Lothario pro sua opera postularunt, Pandectarum sive juris Civilis volumen, ibi olim a Justiniano Imperatore conceditum, & priscis literis exaratum. Id cum impetrassent Pisas transfulerunt, sed Florentini Pisas ad se traduxerunt ; quo ad omnium aliorum textuum correctionem, aut si quod dubium in textu occurrat hodie utimur : qui

\* D. l. 21 de origine Juris.

Digestorum lib. 50.

Codicis lib. 12.

Authentica Constitutio- nes.

\* Lib. 2. de fide instrum.

\* L. fin. quemadmodum testamenta aperiuntur.

\* S. eodem.

\* L. penult. de diversis officiis lib. 12.

Codicis. Jus civile Romanum suppressum.

Textus florentinus.



*Feudaleslibri quando decima collatio auctoritatorum facili.*

*Juris Romani sive Civilis laudes.*

*\* L. Nemo potest de sententiis & Interlocutorii.*

adhuc religiose satis Florentia servatur; hujus libri elegantiam & conjuncta cum vera Philosophia prudentiam Lotharius, cum considerasset eum publice perlegendum Bononia instituit, Innerium quendam, alii Vernecherum volunt, maximis praeiis invitans, ut eam publice eo loco profiteretur, aliaque omnia jura omnesque leges filere jussit; primus itaque fuit Innerius qui Imperatoris Lotharii mandato jus Civile Bononia perlegit, & glossæmatis illustravit; quo magis miror eorum vanitatem qui Mathildis rogatu id factum contendunt, quæ longe Lotharii tempora præcessit, Mortuus Innerius circa annum 1190. hunc sequuti sunt Bulgarus, Placentinus, Joannes Bosianus, & Hugolinus, qui constitutiones Friderici feudales in librum redegit & decimam collationem ex eis fecit. His successit Accursius, auditor quippe Joannis & Azonis, præceptorum suorum opiniones & glossas ad se transtulit, & edidit ut fertur, & hodie glossa ordinaria dicitur, Floruit hic circa annum domini 1226. Post Franciscus Accursius ejus filius, Innocentius, Othofredus, Hostiensis, qui circa annum 1255 claruerant: Eum sequutus Gulielmus Durandus, Speculator communiter dictus, cujus egregium illud Speculi opus est, post Dinus, qui circa annum 1300 vixit; Minor hoc Joannes Andreæ, circa annum 1348, post eum Cynus: hujus discipulus fuit Bartolus, ut ipse aliquot in locis testatur, qui revera omnes & priores & posteriores qui glossæmata in jus Civile scripserant, longo post se intervallo reliquit; In eodem seculo saltem non multo post, (nam obiit anno 1400) Floruit Baldus non dissimulante in Bartolum sæpe invecus; sed cum se diu fatigat, tandem Bartoli opinionem, sequi cum aliqua distinctione, ne nihil egisse videretur, sæpe cogitur, Post eum Angelus Perusinus, & Salicetus, Joannes ab Immola, Paulus de Castro, Alvarotus, Alexander, Felinus, Jason, & Decius sequuti sunt, & perpetuis commentariis jus Civile illustrando, ad nostra tempora produxerunt. Itaque nihil magis nobis timendum, quam id quod tempore Justiniani accidit, ne nimio Doctorum & librorum cumulo obruamur. Quod ad juris Civilis dignitatem & excellentiam attinet, sive sermonis elegantiam, sive æquitatis fontes purissimos, sive decisionum & sententiarum rationes gravissimas & acutissimas quis spectet, nihil melius, nihil elegantius, scribi potuit, nihil quod in rebus dubiis lucem adferret, melius comminisci, nihil ad res agendas utilius excogitari potest, cujus particulares Laudes prosequi, Cicerone laudatore opus esset; quanquam & innumera hujus juris Civilis apud eum laudes reperiuntur. Sunt etiam plerique hac nostra ætate viri docti qui in hoc argumento feliciter desudarunt: neque in eo hæere hic animus est, quod per se integrum opus desideraret, unum hoc inter ceteros ad earum commendationem adjicio, hujus juris, Romanarumque legum excellentiam inde facile perspicere, quod errantes in viam dirigant & quasi lumen de suo lumine accendunt, dubios confirmant, bonos in officio continent, in improbos vindictam minantur severissime, privatorum commodis serviunt, publicæ tranquillati consulunt, Immunes ab omnibus sordibus, & perturbationibus, quæ sincerioris animi affectus corrumpunt, destituta; In neminem vel spe lucri vel cupiditate vindictæ faviunt, nec quemquam odio aut amore persequuntur, neminem timent, neminem imprudentem opprimunt, sed quid facto, quid non facto opus sit, prius monent. Non est exceptio personarum in legibus, neciunt dum conduntur, in quos sunt Casura, poenas improbis minantur, ne sibi non prædictum dicant, denique si vitam honeste quis ducat, bene futurum illi spondent: Improbis, secus: Jusque suum unicuique aqua lance distribuunt; denique nulla est in toto orbe Christiano gens, quæ non jus Civile manibus & animo verset, amet, & in sinu foveat, nullum seculum ab exactis Regibus Romanis, quod non Jurisconsultos id est juris hujus professores honorandos, Immo cum quadam veneratione suspiciendos sibi proposuerit, Nulli homines in juris & injuriæ disputatione versantur, qui ad decisionem juris Civilis non decurrant, animoque suo & Conscientia satisfieri putant, si eorum sententia, cum jure Civili conveniant.

Scio Reges Gallorum suos legibus Romanorum teneri nolle, & Bodinus testatur extare Philippi belli leges, quibus Parisiorum & Monpelienfium curias instituens eas legibus Romanorum obligari vetuit; Et in academiarum institutione, in quibus juris Civilis professores magna mercede conducuntur, reges declararunt, Romanoium leges & pontificia jura publicè quidem doceri velle, subditos tamen obligari nolle, ne peregrinorum legibus juri patrio derogaretur; Immo & Reges Hispania capitali poena vetuerunt Romanorum leges sui juris testes appellare, ut scribit Oldradus\*, tametsi nihil esset in legibus patrii s juri Romano aut Civili contrarium, cum Judicium religionem peregrinis hominibus nollent obligari. Baldus tamen Italos omnes Romanis legibus teneri ait; Gallos vero non aliter quam

si

si rationi & aequitati naturali convenire videantur, At Guido Papa legibus Romanis & Pontificiis non aliter teneri Gallos ait, quam si leges regni Galliarum fiant; Sunt tamen in Gallia, præcipue quatenus ad Meridiem vergit; & in Hispania plaræque provinciæ, quæ Romanorum institutis reguntur. At licet Fridericus Ænobarbus leges Romanorum & publicari & doceri præcepit, Nullus tamen apud Germanos Juri Romanorum locus sed tantum Juri feudali ut post dicemus. Nos tamen in hoc qualicunque regno Romanorum legibus ita obligamur quatenus legibus naturæ & rectæ rationi congruunt: quibus ait Pindarus omnes quotquot ubique terrarum gentes, quotquot principes, sunt obligati; sed sane nulla naturalis æquitatis arca latior; Nullus rationum & argumentorum ab ipsis naturæ principiiis sumptorum fertilior campus, quam Jurisconsultorum libri; a quibus velut ab ipso fonte quid natura æquum, quid iniquum, quid rectæ rationi maximè conveniat, quid dissideat hauriendum est; Et sane licet in Gallia, Germania, Hispania & ipsa Anglia non usque adeo Romanis legibus & juri Civili pareatur, ferendum quodammodo est; quod ibi patriæ leges & consuetudines ferè omnes scriptis comprehenduntur, apud nos scriptarum legum maxima inopia, & naturaliter in plerisque negotiis jus Civile sequimur, Non quidem edocti, & in eo instituti, quod nulli adhuc quod sciam apud nos juris fuerant professores, qui jus publicè docerent (quod sane dolendum est) sed prope Nolentès cum proprio jure scripto destituamur, sola naturæ benignitate aut ipsius juris dignitate inducti. Credibile est veterum Sessionum, apud quas omnes nostræ actiones finiebantur, præcipuos fuisse ex ordine Ecclesiasticos, qui in jure Civili & pontificio egregiè instructi, secundum jus scriptum judicium exercebant: & quum laudatissimus princeps, Jacobus quintus Sessionem perpetuam instituisset, viros neque ex ipsa nobilitate, neque magnis honoribus perfunctos, in eum locum asciverat, sed doctos & juris utriusque peritos; qui in judicando jus Civile sequentes, illud etiam posteritati commendarunt. Sequimur itaque juris Civilis sive decisiones sive regulas in rerum præcipue mobilium administratione, licet Judiciorum proprias & peculiare formas, unaquæque gens usurpaverit; Et nos etiam nostris formis actionum non omnino a jure Civili abhorrentibus utimur, tamen in pactis transactionibus, restitutionibus in integrum, arbitriis sive (ut hodie loquimur) arbitramentis, servitutibus, contractibus tam bonæ fidei quam stricti juris, tam non nominatis, quam nominatis, evictionibus, pignoribus, tutelis, legatis, actionibus, exceptionibus, obligationibus; denique in delictis puniendis, jus Civile sequendum omnino proponimus, Et ut verè dicam in rebus omnibus nostris & circa omnes res, hoc jus Civile ita diffunditur, ut nulla ferè quasi, nulla facti species occurrat, in quo ejus vis & usus singularis non appareat manifestè; In foro sive Judiciis quoties quid arduum occurrit, ejus solutio inde est petenda & hæc de juris Civilis origine, progressu, & usu frequentissimo; Postulat locus ut juri Civili jus feudale subijciam, Nam in ejus locum, exulante ad tempus jure Civili, successerat & jure pontificio tempore prius est: Imo ut doctissimi quique volunt, juris Civilis & Authenticarum constitutionum sunt quasi pars; Nam ex imperatoris constitutionibus totum fere constat, & Hugolinus ille (de quo antea) ex earum fasce sive colligatione decimam collationem fecit, ut Authenticarum Justiniani constitutiones sint novem, Feudorum autem liber sit pro decima; Sed quoniam juris feudalis tractatus præsentis tantum est instituti & specialem per se narrationem requirit, in sequentem diegesim remittimus, & de origine juris pontificii (quod utroque tam jure Civili quam feudali recentius) aliqua subijciemus.

## *De Juris Canonici origine, progressu, & quis apud nos ejus usus.*

### *Diegesis tertia.*

**F**ervebant jam undique juris Civilis studia, professores Maximis honorariis propositis invitabantur; Nec solum Bononiæ sed & Papiæ & reliquis celeberrimis Civitatibus scholæ juri Civili docendo aperiiebantur; Cum subito aliud jus nempe pontificium sive Canonicum emerfit, insperantibus hominibus, immo invitis & reluctantis; Ejus juris Origo hæc erat; Pontifex Romanus cum Romam imperii sedem occupasset relegato in Thraciam

Cæsare, paulatim etiam suum imperium ibi stabilire cœpit; Erat enim in fatis, ut Sathana post mille annos exactos, libera habena laxarentur, & filius iniquitatis ex Ecclesia & in Ecclesia dei Regnum suum erigeret, satellitesque suos, quos clerum id est domini sortem & patrimonium, interpretabatur, toti orbi imponeret, reges omnes suo poculo inebriaret, & sibi subjeceret, ut supra omne quod deus dicitur (Nam reges dii a domino \* dicuntur) & supra omne quod colitur tandem elevaretur; Ut his sexcentis præteritis annis evidenter omnium oculis expositum; tanta tamen caligo animos hebetaverat, ut per eam Antichristum non licuit intueri; Et quoniam ut ait Satyricus.

*Nemo repente fuit turpissimus.*

Paulatim & sensim meditatus est, ut sub specie religionis toti orbi imponeret; Nam primum Ecclesiasticas personas & omnes clericali nota insignitos, a regum & dominorum suorum potestate & jurisdictione eximi curavit, indignum clamitans ut qui in sacrosancto patrimonio domini erant, Laicorum id est profanorum hominum manibus & potestati subicerentur; Nam antea non minus de Clero, quam de aliis suis hominibus reges cognoscebant; Quo autem tempore in aliis regnis a judicio seculari (ut vocant) exempti sunt, describere, ejus esset qui otio abundaret; In nostra vero Britannia non nisi ab Henrico 2. Angliæ Rege potuit Pontifex illud obtinere. Nam totius controversiæ quæ inter Henricum & seditiosissimum illum Thomam Becketum Archiepiscopum Cantuariensem intercesserat, maximum & præcipuum hoc erat caput, quod cum Rex vellet Presbiteros, Diaconos, & alios Ecclesiæ rectores (si comprehensi fuissent in aliquo gravi delicto) ducere ad sua & secularia examina, & de Crimine cognoscere, sicut de laicis & aliis subditis fieri solebat, Restitit Archiepiscopus, asserens, nullum in sacris ordinibus constitutum, nisi per viros Ecclesiasticos & in Curia Ecclesiastica Judicari & puniri debere; & hac prima illius contentio- nis causa erat \*; Nam cum Rex jurisdictionem suam minui noller, & recordatio sive memoria facta esset omnium libertatum regiarum & consuetudinum in Ecclesia Anglicana, Thomas Cantuariensis acerrimè restitit & omnes ejus observatores excommunicavit \*; sed cum Rex nullum in regno patiretur eximi, & Pontificii acriter obsisterent, factum est ut tandem Cantuariensis exularet; Cujus cum patrocinium pontifex suscepisset, usque adeo exarsit Henricus in Pontificem Romanum, ut omnes a puero duodecim annorum ad senem in Anglia cum ejurare coegerit \*, Inde Henrico Rege excommunicato regnum Angliæ interdictum subiectum; Itaque coactus Henricus, cum ab omnibus execrabilis & odiosus haberetur, Thomam ab exilio revocavit & sedi suæ restituit; sed cum is in veteri pertinacia obstinatus persisteret, nec regis Jurisdictionem vellet agnoscere, a Regiis satellitibus interfectus; A Pontifice vero in divorum numerum relatus, cum Martyrii gloria, quod Pontificum ordinem tam strenuè & acriter contra regis potentiam defendisset & sanguine suo etiam signasset; nec potuit unquam Henricus rursus excommunicatus absolutionem a pontifice impetrare, donec & se de crimine jurejurando purgasset, & Ecclesiastico ordini exemptionem a Judiciis secularibus sive laicis concessisset, acta erant hæc inter annum domini 1164 & annum domini 1172. At Richardus ejus filius, cum regalia majorum suorum privilegia retinere vellet, & tamen pontificis fulmen metueret, edicto statuit ne clerici ullatenus a secularibus & laicis potestatibus caperentur, sicut consueverunt, nisi pro homicidio, furto, incendio, & ejusmodi gravioribus delictis, coactus tamen & ipse est jus suum in his etiam remittere; sic in Britannia super Ecclesiasticis personis intercepta est regalis auctoritas & jurisdictionis, contra illud Apostoli, omnis anima potestatibus superioribus subdita sit, Regibus propter excellentiam &c. Hujus autem exemptionis hic effectus erat ut a Laicorum potestate exempti impunitatem etiam consequerentur, tot appellationibus interpositis, etiam tandem ad ipsum Romanum Pontificem, ubi veniæ locus vel ob gratiam, vel pecuniam semper erat; Jam ubi pontifex & se & suos ab omni Laicorum jurisdictione liberos & immunes videret, & nihil esse quod ab eis possit timeri, sensim in majorem superbiam elatus, nec æquari contentus, omnes terrarum Reges sibi subjicere non irritò incepto conatus est. Cælestinus enim papa Henrici quinti (cum Romam ut coronaretur venisset) capiti coronam suis manibus imposuit, & rursus pede è capite excussit, ingeminans illud Pilati; potestatem habeo crucifigendi te, & potestatem habeo dimittendi \*.

\* Rodg. Hovedenus in Hen. 2.

\* Matth. Westminster. in Hen. 2.

\* Matth. Westminster. in Hen. 2.

Rom. 13. v. 1.

1 Tim. cap.

2. v. 1.

1 Pet. cap.

2. v. 13.

\* Anno dom. 1191. Hovedenus in Richardo rege.

2. Pontifex Fridericum 3. Imperatorem clarissimum ante se humiliter prostratum non



non dubitavit conculcare, pede ejus cervici imposito, cum elogio Psalmistæ super aspidem & basiliscum ambulabis, & conculcabis leonem & draconem. Dandalum ducem venetorum, dum ipse ad mensam epularetur, more canino manibus & pedibus ambulare & rodere ossa sub mensa jacentia coegit; Nec quievit Pontifex, donec sibi quasi domino suo Otho Imperator, pro se & successoribus juramentum fidelitatis, quale vassallus domino præstaret; extat ejus forma in Decreto \*; & plane ut jus illud constituat, clerum, auro: laicos, plumbo; Pontificem, soli: Imperatorem, Lunæ comparat, eumque ex pontificis Judicio & auctoritate pendere: In illo ipso decreto ait \*, & proinde debere Cæsarem caput semper pontificibus inclinare \*, Immo nec his contentus, Imperatorem sede sua deturbandi potestatem usurpavit & in legem deduxit; Idque ut ex sua solius potestate, sine consilio fratrum suorum, facto super hoc Canone sive constitutione \*, Immo nec electionem permisit, nec ex electione imperatorem fieri facta constitutione declaravit, nisi ad se Romam veniret, juramentum fidelitatis præsteret, & coronam accipiat \*. Sic subjecit sibi Romanum Imperium & pessumdedit. Nec interea in aliis regnis minus ausus, è regia Francorum sede Childerico dejecto Pipinum coronavit, eique & ejus posteris sceptrum Florentissimi regni attribuit, & quanquam frustra sæpius tentasset Regem Francorum in conditionem vassalli Romanæ Ecclesiæ redigere, ne quicquam tamen promovit, cum ejus regni ordines ad Regis sui dignitatem contra tyrannidem pontificiam conspirasse animadvertisset, tamen jura servanda obtrusit; hoc unicum penè è Christiani orbis regnis, præter hoc nostrum, ejus Lanienam evasit.

Hispania in decem aut duodecem Regna divisa, nondum in eam magnitudinem quam hodie videmus coaluerat, sed per partes eam pontifex invaserat: Nam Arragoniam non solum sibi tanquam domino superiori subjecit sed etiam arariam fecit; accessit & Castellæ regnum; tandem & Lusitanix, postquam Henricus Rex quinque Maurorum Regibus in acie cæsis, Regium nomen assumpserat, Granatæ Regnum etiam in fidelitatem Romano Pontifici subjecit. Ferdinandus & Isabella reges Arragoniæ & Castellæ, & ante Bælearum Insularum majoris & minoris Reges Pontificem dominum agnoverant; Post in ejus ditionem Arragonienses Reges sub eadem conditione hominii pontifici maximo præstandi concesserunt. Navarræ regnum, licet sibi prius vassallum, Ferdinando tribuit, Joanne dejecto vero herede. Hoc nostro seculo, Bohemiæ, Corsicæ, Sardinia, Neapolis, Sicilia, Polonia, & Hungariæ Reges clientes se Pontificii imperii testati sunt: Supererat utraque Britannia major & minor, quæ Hibernia dicitur, Major duo Regna Angliæ & Scotiæ continet, Horum alterum nempe Angliam cum Hibernia, Joannes Rex, execrabilis factus sive excommunicatus ob horrendam sui nepotis Arthuri cædem, cum aliter veniam desperaret, Pontifici Romano non solum clientelare subjecit, sed etiam ærarium fecit. In ea epistola quam Henrico 2. Anglorum Regi scripsit, dum ei Hiberniam invadendam permittit, splendidissimè finxit, dominium omnium Insularum, quibus sol Justitiæ Christus illuxit, ad Patrimonium Beati Petri pertinere; Hæc omnia ex ipsis historiis sunt clarissima, & Bodinus Catalogum Regum qui clientelarem fiduciam Romano Pontifici debebant descripsit, verissimisque testimoniis confirmavit \*; Nec mihi illud esset difficile nisi historiam rerum a pontificibus impiè gestarum longum esset contexere: Illud tantum ad nostrum institutum pertinet, si pontificem Romanum in Ecclesia dei & hominum omnium conscientiis miserrimam tyrannidem erexisse, Reliquosque omnes Christianos principes orbis præter Gallum & Scorum suo imperio subjecisse, legesque in quas jurarent, præscripsisse, confirmavero. Deerant huic Ecclesiastico imperio adhuc duo, nempe leges quibus tantum gubernaretur imperium, & earum executio; quod ad leges attinet, jus Canonicum formari & excudi a suis hominibus curavit, ut earum vi imperium sibi undique stabiliret; hujus Juris Canonici hæ sunt partes; Decretum quod ab Juone Carnuteni Episcopo originem traxit; Is enim primus erat qui decretum conscripserat, quo etiam in scholis utebantur pontificii ante Gratianum, Sed Gratianus cum multa Juonis decreto abesse videret, essetque, ut ea ferebant tempora, non indoctus, & Romanæ Ecclesiæ supra quam par erat addictus, novum Decreti corpus ut loquuntur formare instituit; fuit Gratianus Monachus sancti felicitis Bononiensis, ordinis S. Benedicti, qui cum maximam sibi scripturarum cognitionem arrogaret, & diligentissimus esset in patrum sententiis & opinionibus corrogandis & congerendis, multum concilii non solum œcumenicis sed etiam provincialibus tribuebat; Itaque ex Eorum sententiis farraginem confarcinavit, ad Ecclesiæ (ut ille putabat) utilitatem & gubernationem valde commodam; Sed profecto dum Romanæ Ecclesiæ dignitati promovendæ plus æquo faveret,

\* Can. Tibi dom. Joanni pape dist. 63. & Clementina de jurejurando.

\* Can. duo sunt. 96. dist.

\* Can. valemus 63.

\* Ad apost. de sent. & rejudicata in 6.

\* Clem. de jurejurando.

\* Lib. 1. c. 9. de Repub.

Decreti Orig.

multa



multa patrum loca corrupta, multa mutila citavit, denique non integra fide in hoc libro usus, saepe etiam Judicio caruisse a plerisque merito notatur; Est sane Decreti liber ad similitudinem Pandectarum conscriptus, Illæ enim ex veterum jurisconsultorum opinionibus collectis opera & industria Triboniani coaluerunt. Sic & Decreti Liber, ex patrum & posteriorum, doctorum, & Romanorum Pontificum, denique Consiliorum sententiis aliquando violentè distortis conflatus. Floruit autem Gratianus circa annum domini 1100. declinante jam religionis puritate, & Romanæ sive latinæ Ecclesiæ dignitate jam crescente, donec in eam magnitudinem pervenerat, quam ipsi ante aliquot annos vidimus; Neque tamen Gratiani Decretum a plerisque Juris auctoritatem habere videtur; immo & ipsi Jesuitæ hodie non magni faciunt, & ejus fidem elevant, dum multa in eo contineri videant, quæ Romanæ Ecclesiæ nocent, & errores, plus quam eorum sectæ conveniat, detegant. Sed profecto Juris Canonici professores, illud pro auctoritate in scholis saepe producant & ab Eugenio tertio Pontifice maximo Juris auctoritatem accepisse tradunt, Quemadmodum & liber Pandectarum a Justiniano. Alii ut ea, quæ ab opinione communi abhorrent, secernerent; Palex nomine insigniverunt, & hæc de Decreto Gratiani. Decretales sive decretalium Epistolarum liber a Gregorio nono Romano Pontifice ad imitationem Codicis Justiniani compositus est: Nam ut ille ex diversorum imperatorum rescriptis, sic & hic, ex Epistolis Pontificum decretalibus id est, quæ vim & auctoritatem decreti sive sententiæ Ecclesiasticæ habent, librum contexit; Gregorius enim cum prædecessorum suorum Epistolas in unum volumen reducere vellet, ut studiosorum juris Canonici utilitati consulere, opera Raimundi Capellani & Pœnitentiarii sui, ut Justinianus Triboniani usus, in certos titulos distinxit, & quinque libros earum confecit; In quorum primo de officiis & ministris Ecclesiæ; in secundo de Judiciis & probationibus; In tertio de vita & honestate clericorum; in Quarto de Matrimonii; In quinto de delictis & accusationibus clericorum tractat, unde ad memoriam versus hi inconditi extant.

Decretales  
Epistolæ.

*Pars prior officia parat, Ecclesiæque ministros,  
Altera dat testes & cætera Judiciorum,  
Tertia de rebus, & vita Presbiterorum,  
Quarta docet quales sunt nexus conjugiorum.  
Ultima de vitiis & penis tractat eorum.*

Sunt qui brevius uno versu & quinque verbis has quinque partes comprehendant.

*Judex, judicium, Clerus, sponsalia, crimen.*

\* In Hen. 3. Decretalium itaque liber circa annum 1230 conscriptus est, ut Hovedenus \* tamen ait, anno 1235, qui ut semel in lucem prodit, vulgare hoc erat de eo & popolare Judicium; Postquam decreta habuerunt alas, totus mundus fuit conturbatus; Sed cum præter eas decretales Epistolas, quæ his quinque libris continebantur, nonnullæ tam ab ipso Gregorio quam ab aliis Pontificibus, decretales Epistolæ emanassent, de quarum auctoritate dubitabatur, Bonifacius octavus, (qui in Romanam sedem anno domini 1294 evehctus est, de quo illud vulgatum extat, Intravit ut vulpes, regnavit ut leo, mortuus est ut canis) ut omnem controversiam tolleret, Sextum decretalium Epistolarum librum composuit, opera in his usus Gulielmi Episcopi Elendunensis Berengarii Episcopi Biterensis, & Ricardi de Senis, Romanæ Ecclesiæ Vice-Cancellarii: & hunc sextum librum in quinque libros subdivisit, ut unusquisque liber uni decretalium libro responderet, & ejus defectus si qui essent suppleret. Nam quæ in libro primo Decretalium tractantur, eadem in primo Sexti; quæ in secundo decretalium, in secundo sexti & ita deinceps ut quisque liber alteri vice prætermisforum aut saltem additionum inserviret. Sed his finibus jus canonicum non constitit, subsequutus cum Clemens quintus, qui & suarum decretalium Epistolarum librum composuit in concilio Viennensi; quem & ipse in quinque libros subdivisit, ut ex ordine etiam quinque libris decretalium responderent, viz ut primus primo libro decretalium, secundus secundo quo ad materiam, tertius tertio, quartus quarto, & quintus quinto responderet. Hic erat ille Clemens qui sedem Romanam Avenionem transtulit anno 1306 ubi septuaginta duos annos commorata est: & author fuit illius in Romana Ecclesia schismatis, quod totam Europam perculit; alii enim reges Clementem, alii Urbanum sequebantur, divisæque in se fuit Romana Ecclesia; nec satis sciebant Europæ Reges cui pontifici parendum esset; fuit & hic Clemens innumerarum cladum in Italia auctor; adeo ut omnes Romanæ Ecclesiæ &

Sextus de-  
cretalium.

Clementina-  
rum libri.

& templa penè situ corruerent, Templariorum ordinem, cum Philippo Francorum Rege conspiratione facta, in concilio Viennensi sustulit, hæreseos & confederationis cum Saracenis eos infimulans, revera tamen eorum divitiis inhians, quas & postea cum Francorum Rege partitus est; hunc tamen Decretalium Epistolarum librum, quæ hodie Clementinæ dicuntur, Clemens ipse absolvere non potuit, dum vixit; obiit, ut plerique volunt, fraude Florentinorum, qui Monachum quendam præmiis & pollicitationibus induxerant, ut Eucharistiam veneno illitam illi preberet, ut in vita Clementis, illius libro præfixa, manifestum est; Eiusdem tempore optimus Imperator Henricus 7 veneno Eucharistiæ immisto sublatu est. Et anno domini 1154 \* Guilielmus Eboracensis Archiepiscopus in perceptione Eucharistiæ veneno tinctæ interemptus est, adeo ut quod in his primariis viris & principibus factum est, ad alios pervenisse verisimile sit, licet silentio sepulti sunt. Ita ut hæc institutio salutaris Eucharistiæ, nefariorum hominum conspiratione, multis causa interitus esset, quod cum transubstantiatione parum convenire videtur. Hunc sequutus est Joannes vigesimus secundus qui antecessoris sui vestigiis inharens, cum librum Clementinarum edidit, ut in præfatione clementinarum continetur, & in scholis prælegendum publicè proposuit; & hic quartus est Juris Canonici liber. Hic Joannes vigesimus secundus ut prædecessoris sui Gloriæ favit, sic & ipse ejusdem particeps esse cupiens, Extravagantium librum composuit. Et ne hic imitatio deesset, Post libros Feudorum, extravagantes quædam sunt imperatorum constitutiones, veluti Friderici & Henrici, Ad harum imitationem & ipse aliquot Decretales sententias seu Epistolas composuit, quas extravagantes dici voluit, quod extra corpus ipsum juris Canonici vagarentur. Sunt igitur duplices extravagantes, alia quæ Joannis 22 dicuntur, alia communes; Quod ad eas quæ Joanni 22. ascribuntur, quia libris distingui non poterant, titulis distinguuntur, & ordinem librorum Decretalium eas sequi facile apparet cuius diligenter intuenti; Communes, quæ aliorum Pontificum erant, & in quinque libros dividuntur, Ita ut unusquisque liber, ejusdem originis libro Decretalium primarum respondeat, viz. ut primus primo, secundus secundo & ita deinceps, quartus deest, Cum nihil in his extravagantibus desponsalibus & Matrimonii caveatur, quæ propria libri 4 materia. Hic est ille Joannes 22, qui cum sedes duos annos vacasset ad nominandum pontificem delectus, seipsum nominavit, & cum plerasque constitutiones lucris sui causa constituisset, præcipuè extravagantem illam famosam (Execrabilis) tantum auri concessit ut viginti duo Milliones post se moriens in thesauro Pontificio reliquerit. De fide harum extravagantium & quam auctoritatem in Judiciis habere debeant, acriter aliquando controvertatur inter interpretes: Nam sunt qui omnino iis auctoritatem adscribant: alii non nisi forma authentica producantur sub plumbo; alii ne tum quidem, alii plus minus: sed profecto meo Judicio non minor & est & esse debet earum auctoritas quam ipsarum Decretalium, hi sunt Codices qui in Jure pontificio auctoritatem habent.

Supere est liber regularum Cancellariæ; Eas regulas cum in Judicio allegatas viderim pro auctoritate, dubitare ceppi de earum vi & potestate; Sunt sane ex quibusdam papalibus constitutionibus collectæ & iis valde recentibus, sed non ut in toto orbe pro legibus & canonibus habeantur; sed tantum ut in curia Romana eis locus esset, & ipse Ludovicus Gomes, qui in has regulas commentarios scripsit, locum non habere putat extra curiam Romanam; alii constitutiones has generales non putant, neque perpetuas, sed pontifice intereunte interire & a sequenti pontifice etiam tacente tolli, & derogari. Nam plerique tenent non solum privilegia, sed nec leges aut edicta mortuo principe vim suam retinere, nisi a sequenti principe confirmantur; In Francia non habent locum hæ Regulæ, nisi quatenus leges Regni factæ sunt, & tum auctoritatem a legibus capiunt, ut vult Guido Papæ; Nam ex Regulis Cancellariæ aliquot in album legum Galliarum sunt relatæ; quales sunt illæ de triennali possessore, de infirmis resignantibus, de verisimili notitia, & aliquot alia; Quod ad decisiones rotæ attinet, quæ regulis cancellariæ sunt posteriores, non magis auctoritatem Juris, aut rerum judicatarum habent, quam arresta senatus Parisensis, aut Tholosæ aut similium senatuum; Nec tenetur Juxta Ecclesiasticum secundum eas Judicare, tamen propter magnam virorum gravissimorum, qui rotæ auditores constituuntur, auctoritatem, multum in dijudicandis quæstionibus profunt, & ad confirmanda partium jura, non tamen ut vim Canonum habeant. Jam de subjecto hujus Juris Canonici, Materiaque circa quam versatur aliquid dicendum; Cum Terræ omnes sub aliorum principum ditione essent, Ipseque Pontifex Maximus a Germanis Cæsaribus; minores pontifices, a suis quisque regibus & principibus designarentur (ut etiam ex ipso Jure Canonico constat) non cessavit Pontifex

\* Bodin, in Hen. 2.

Extravagantes.

Regule Cancellariæ.

Decisiones Rotæ.

Pontifex Maximus cum Germanis Cæsaribus colluctari, donec ei electionem suam extorquisset, & Cardinalium collegio a se instituto tribuisset. Primus Fridericus secundus coactus publico diplomate cavere, jus sibi nullum creandorum Episcoporum aut ipsius pontificis esse; Nec his contentus Pontifex, & aliarum Ecclesiarum præsentationes & Electiones (dejectis regibus ad quos prius pertinebant) sibi arrogare cepit & ut Cæsares Germani in id consentirent effecit: Nam Henricus quintus pro salute animæ suæ concessit Petro & Paulo & Sanctæ Ecclesiæ Catholicæ omnium Ecclesiarum investituram, & Canonicam in omnibus Ecclesiis electionem. Ludovicus Bavarus, & Carolus; quibus solum relicta erat pro præsentatione, commendatio; quos, ut eligerentur, pontifici commendarent, ad Papam scribere soliti, post beatorum pedum oscula, qui mos scribendi ab omnibus postea principibus usurpatus; Is non potuit id omnino in Gallia sive Scotia efficere; Nam pertinacius jus ad Ecclesias præsentandi, utriusque Regni principes tutati sunt, ut ex pragmatica sanctione, & plerisque publicorum apud nos comitiorum actis constat. In Anglia pertinacissimè restitit Henricus secundus, quique eum reges præcesserant; At Joannes filius ejus post immanissimum parricidium in ejus dominum & nepotem Arthurum commissum, cum diris publicè devotus & excommunicatus esset, & ab omnibus tanquam scelestus declinaretur, ut turbatam conscientiam levare aliquatenus posset, se pontifici Romano subjecit & ex liberrimo Regno & domina, ancillam (ut aiunt historici Angliæ) fecit: nec ad pacem Ecclesiæ receptus, donec omnium in suo Regno Ecclesiarum præsentationem, & electionem exuisset; & Pandulpho domini Papa legato ejus nomine tribuisset; Sic omnium Ecclesiarum & sacrorum Pontifex dominus effectus in eas & circa eas primam suam jurisdictionem instituit, nempe ut jurisdictio in omnium personas, quæ ad Ecclesiarum curam promoverentur ad se & suos pertineret, & sic omnis questio decimarum & reddituum Ecclesiasticorum, quibus Ecclesiasticæ personæ alebantur in pontificiam jurisdictionem & potestatem concesserant. Successerat secundo etiam testamentorum, & ultimarum voluntatum cognitio; Nam cum antiquitus papillares pecunia in Ecclesiis recondiderentur, & Episcoporum fidei concederentur, ex ea quam vulgus tum de eis conceperat opinione: Et in eo articulo animarum etiam cura, præsentiam Ecclesiasticæ & eruditæ personæ postularer, & testamenta inter pias causas numerarentur, factum tandem est ut omnis de testamentis & ultimis voluntatibus aut circa testamenta, veluti funerum questio, & interpretatio ad forum Ecclesiasticum devolveretur; conniventibus ad hoc principibus, cum quid sibi decederet, ignorarent; & ex his ultimis voluntatibus, maximorum commodorum accessiones pontificiis accreverant. Tertio cum matrimonium ab eis sacramentum diceretur, nec æquum esset sacramenta laicorum manibus profanari, aut eorum cognitioni subijci de sponsalibus, matrimoniis, de dote, & donatione propter nuptias, de divitiis, de liberis legitimis, & non legitimis, cognitionem ad se pertraxerunt: neque inde levis accessio eorum jurisdictioni facta est; gravissimas enim questiones de successione hæc disputationes secum ferebant, & plerumque principum aulas tangebant, unde & principibus sæpe fræna a Pontificiis injecta. Primus Richardus Anglorum Rex, qui & cor Leonis dictus, questiones de dote, donatione propter nuptias, & causas omnes matrimoniales edicto publico Ecclesiastico foro permisit anno 1190\*, Cum tamen tempore Henrici 2 ejus patris placita de dote & donatione propter nuptias ad curiam domini regis pertinerent, ut Rannulphus de Glanvilla annotavit\*. Quarto sub jurisjurandi specie omnium litium & judiciorum cognitionem vendicabant; Nam in reciprocis contractibus & omnibus obligationibus clausulam jurisjurandi apponi curaverant, ut nos hodie clausulam registrationis in libris consilii solemus apponere, ut causæ disputationem ad senatum trahamus: ubi autem hæc clausula jurisjurandi inferebatur, continuo Judex Ecclesiasticus cognitionem ad se trahebat, prætendens partes in id consensisse, & jurisjurandi religionem solum deum habere ultorem, cujus vicarius in terris est Pontifex maximus, & qui ab eo potestatem delegatam habebant, & ille idem Richardus Rex Angliæ anno supra memorato omnes questiones de lassa fide & juramenti transgressione ad Ecclesiasticam jurisdictionem remitti curavit\*. Crescente deinde versutia Pontificiorum, alias causas & cognitiones ad se transferebant: Nempe cum orphani, viduæ, aut quævis miserabiles personæ agebant aut defendebant; Nam ut imperatores aliquando eas questiones solebant ad se evocare: sic Pontifices hac occasione jurisdictionem suam latissimè prorogarunt; denique ubicunque causa aliqua curam animarum aut pietatem redolebat, ibi continuo Ecclesiastici, & ii soli involabant sub pietatis specie, & omnia ad se trahebant; Inde non minor eorum Jurisdictio in omnibus regnis facta, quam ip-

\* Mathew  
Paris in  
Richard 1.  
\* C. 3, lib. de  
legibus &  
consuetudine  
Angliæ.

\* Matt. Pa-  
ris in Ri-  
charlo 1.



forum principum, in quorum patrimonio hac ipsa regna erant; & sic sensim & latenter meliorem partem regni, rerumque in eo contentarum suæ potestati & ditioni subjecerunt. Executio hujus juris, pænæ, & multæ difficiliore erant; Nam cum omnes provinciae, quibus pontifex imperabat, sub aliorum imperio tenerentur & bonorum publicatio, proscriptio, supplicium mortis ad eos in causis criminalibus pertinerent; In Civilibus autem apparitores, & accensi non nisi regum & dominorum suorum mandata agnoscerent; pontifices novam executionem commenti sunt, non tantum ut ea in suos clericos & subditos uterentur, sed etiam in Laicos seu profanum ut dici voluerunt vulgus, nempe Excommunicationis fulmen; quo adeo miseras hominum mentes excarnificabant, ut quidvis mallent pati, quam excommunicationi Ecclesiasticæ sive interdicto subjici: hujus autem excommunicationis ea vis erat, ut si sententiæ pontificiæ quis non pareretur, continuo cætu Christianorum ejiciebatur, execrabilis omnibus denunciabatur; adeo ut neque sacris publicis interesse nec ad sacramenta participanda admitti poterat, immo ne communis sepulturæ honore frui: si Rex peccaret in Pontificem, totum regnum interdicto Ecclesiastico subjiciebatur, subditi sacramento fidelitatis absolvebantur, novumque Regem refractario illi subrogare cogeabantur; regnum prædæ expositum cuicumque occupanti, ut regnum Navarræ hoc pene seculo vidimus; adeoque populo suo Rex exosus erat, ut ei occurrere, ominosum; salutare, nefas; parere, anathema esset, quod æternam damnationem mereretur.

Nonnunquam & excommunicatio ad totum populum extendebatur, Nam tempore quo conquæstor ut vult Hovedenus \* regnavit, cum sacerdotes uxorati essent, nec ullis comminationibus pontificiis, imo nec ipso fulmine excommunicationis, à latere papali librato, poterant induci, ut eas dimitterent, Regnum Angliæ universum Hildebrandus, qui & Gregorius 7. Pontifex interdicto subjecit, si quis sacerdotis uxorati missam audiret, aut sacris interesset; & interdicto id obtinuerant pontifices, quod nullis diris aut execrationibus antea poterant efficere ut sacerdotes & Ecclesiasticus ordo uxores suas dimitterent; Immo ipsi Reges, qui nullum in terra, nisi terræ creatorem majorem agnoscunt, huic executioni seu execrationi subserviebant; Nam quemcunque Pontifex, aut pontificii fulmine illo percusserant, nisi intra 40. Dies, is absolutionem (quam vocant) ab hac excommunicatione impetrasset, in ejus bona involabant, & fisco suo ascribebant; Et sic juris Pontificii executio, non tantum metum sed horrorem etiam in conscientiis hominum induxerat, ne si forte excommunicati, & stante contra eos sententia, subito casu interirent, ab omni salutis æternæ spe excederent. Sic jus Pontificium natum, altum, & educatum, consummatum tandem est, & gravissimis pœnis sancitum & stabilitum, non in rebus moventibus sive non moventibus, sed in conscientiis hominum, quas lancinari aut vellicari nemo bonus libenter patitur. Dignitas autem hujus Juris Canonici, tanta ubique terrarum erat, ut non tantum Juri Civili, sed etiam patriis cujusque regni legibus præponeretur: Nam Patriæ leges, sive patrium jus tantum in rebus, quas temporales dicebant, & earum administratione versabatur; At hoc jus in conscientiis hominum regnabat, quantoque animarum cura rebus temporalibus præferenda, tanto jus hoc patriis legibus excellentius, & ipse Pontifex omnibus Christiani orbis principibus eminentior (ut antea docui) non solum Cæsari & omnibus Regibus superiorem se constituit, sed Angelis etiam imperare præsumperat, ut de Clemente 6. legitur \*, & proinde ejus vis fortius conscientias hominum alligabat, donec hoc seculo fraudes & calumnia tandem per præcones evangelii, detectæ sunt. Sed opera precium erit, quid ipsi canonistæ de hoc suo pontificio jure senserint subjicere. Henricus Cardinalis hostiensis juris illius Monarcha; in sua eximia, copiosa, & admiranda lectura, (sic enim ejus libri inscribuntur In quinque libros decretalium) dum de dignitate hujus Juris Pontificii tractat, illud cum Jure divino & Civili comparat, Nam jus divinum, quod Theologiam puram definit, scientiam hominum Angelicorum vocat; Civilem, scientiam hominum bestialium; Canonicum, humanorum \*. Jam hoc posito fundamento, jus divinum esse purum, ut & jus Civile asserit; Canonicum autem compositum ex jure divino & Civili; latè disputat Compositam naturam præferendam simplici & puræ, ut vita activa contemplativa, & proinde jus Canonicum præferendum; unde infert, Ideo vincit legem Moysi & ei præponitur, quod aliquot textibus confirmat \*; vincit etiam scientiam Civilem, quæ simplex est humana; sicut natura mulina, composita est ex equina & asinina; Nam ut constat quidem, Theologia tanquam dignior, equina natura dicitur; Civilis asinina; & Canonica Mulina, idest ex utroque mixta; abstinet tamen, ne aperte in horrendam blasphemiam incidat, à concludendo; licet to-

\* Hoved. in  
vita Guliel.  
senioris.

\* Balus in  
bulla Cle-  
mentis 6.  
anno 1350.

\* In titulo  
de summa  
Trinit. &  
fide Cathol.  
in verbo  
quasi com-  
muni. &  
in summa  
hostien. ibi l.  
\* Dist. 1041.  
& præcipue  
per c. venera-  
bilem. Qui  
filii sunt le-  
gitimi.



\* *Hosienfis  
summa in  
presat. de-  
cretalium.*

ta illa disputatio nihil aliud intendat, quam ut naturam compositam ut Mulinam, puram, & simplici naturam, ut equinam, quam Theologiam dicit, vel afinam, quam Civilem scientiam vocat, anteponat \*. Non dubito quin eadem argumenti forma Papam Deo ipso superiorem potuit concludere, quod & verisimile est eum sensisse, licet callide propter motum populi, & ne antichristus ante sua tempora detegeretur, dissimulet. Sanè multi pontificii deum eum esse in terris scripserunt, & ulterius provecti, quicquid deus in cælo poterat, hoc papam posse in terra, non dubitant asserere. Hujus sane juris Pontificii magna adhuc ( licet jugum pontificium excussimus ) apud nos manet autoritas, adeo ut quoties à Civili jure diffidet ( ut sæpe fit, extentque libri scripti de differentiis juris Civilis & Canonici ) jus Canonicum præferamus, præcipue in iis quæ ad Ecclesiæ administrationem pertinent, & ubi scandalum imminet, aut ( ut Canonistæ loquuntur ) quoties animæ periculum versatur, nisi quæ sint sanæ religioni contraria ; Itaque quoties de administranda Ecclesia agitur, qui animarum Cura præficiendi sunt, qui beneficiis, quibus beneficia debentur, de Advocationibus Ecclesiarum, sive de jure patronatus, de testamentis, de Matrimonio, vel contrahendo vel dissolvendo, qui legitimi censeantur, in his jus Pontificium mutatis sive antiquitatis nonnullis adhuc sequimur. Et hæc quæstiones ad Judicem Ecclesiasticum, nempe Commissarios rejici solent, quoties occurrunt, qui & Judices Christianitatis, tam in veteribus Anglorum legibus, quam nostris vocantur & hæc de juris Civilis & Canonici origine & incrementis.

## De Feudorum origine & Progressu.

### Diegesis quarta.

Superest ut eisdem vestigiis insistentes, etiam jus feudale à sua origine ad hæc usque tempora deducamus, quibusque modis & quo tempore in eam magnitudinem & dignitatem excreverit, ut suppresso pene jure Cæsareo & Pontificio, longoque intervallo post se relicto, in eo subiecto circa quod versatur, Juris sibi principatum in potentissimis totius Europæ regnis occupaverit & adhuc retineat ; Hoc jus feudale, hujus nostri regni proprium & peculiare jus esse, & ad quod in rebus dubiis decidendis sit recurrendum, quoties de rebus immobilibus, idest de hereditatis acquisitione vel amissione agitur contendo ; & in hoc opusculo verissimis rationibus me probaturum recipio ; tantum, qui nostræ opinioni adversari videntur, Judicium sustineant, donec ea perlegant, quæ ad hujus propositionis confirmationem in hoc qualicunque opere produxero.

\* *L. 4. ff. de  
Fustit. &  
jure.*

Ut igitur Juris feudalitatis ortum ab ipso fonte repetamus, fuit dominorum in servos jus antiquissimum. Et cum bellis & jure gentium introductum \* ; Sed non eadem dominorum & servorum apud omnes gentes conditio fuit ; Nam apud populos meridionales dura erat servitus, dominorum imperia gravia, quoque magis ad meridiem declinabant, servorum conditio fuit iniquior ; in quos libera erat dominis vitæ & necis potestas ; nihil illi quod suum, nihil quod proprium dici posset, habebant, & ad ergasteria & pistrina idest ad vilissima & miserrima ministeria, molendi & arandi pro dominorum arbitrio detrudebantur, dominos suis laboribus alere coacti ; inde dominorum majores opes & redditus, quemadmodum de Marco Crasso legimus, qui exercitum ex laboribus servorum se alere posse prædicabat ; ab omni militia sub pana capitis arcebantur, ut indigni,

\* *L. ab omni  
ff. de re mi-  
lit.*

\* *Livius lib.  
24. Plutar.  
& Florus.*

\* nisi si quæ tempora incidissent, in quibus necessitas, servorum operam expressisset ; quemadmodum in secundo bello Punico à Romanis factum legimus \* ; alioqui servos domini ne quid in remp. moliri possent, opificiis, & sellariis artibus impediabant. Apud Boreales tamen gentes justior fuit semper servitus & clementior ; solebant enim servorum opera domini tam in publica militia, quam privatis inimiciis sustinendis uti ; quum domi rara esset quies, rarior cum vicinis pax ; & opera rustica domini vel per se exercerent, aut si in militiam proficisci cogerentur, sceminis vel imbecillioribus mandarent : Hoc ex animorum diversa indole & qualitate plerique promanare putant \*, qui celeriores ingenii motus, majoremque subtilitatem in consiliis & rebus inveniendis attribuunt iis, qui sub cælo & solo calidiore nati sunt, quod ibi purior & excoctior sit aer ; eosdem tamen tradunt servire non

\* *Vitr. lib. 6.  
veget. lib. 1.*

non invitos sed lubentes, sic Syri, Arabes, Phryges, pro mancipiis apud veteres erant; Borealibus vero (quia apud eos omnia in virtute militari posita) animi magnitudinem servitutisque impatientiam assignant. Unde & illud Lucani.

*Omnis in Arctois populus quicumque pruinis  
N. scitur, indomitus bellis & mortis amator:  
Quicquid ad Eoos tractus, mundique teporem  
Labitur, emollit gentes clementia cali.*

Sic Julianus apud Cyrillum, vides inquit quam libenter Syri aliis nationibus inserviant, contra vero quantus libertatis amor in Celtarum populis. At Parthi gens Scythica (Parthi enim erant Scytharum exules, qui Mediam postea occuparunt) \* servos in eodem numero ac liberos habebant, & eadem charitate amplectebantur, adeo ut eos manu mittere turpissimum esset manumittenti: Itaque eorum tantus erat numerus, ut ille Parthorum exercitus, qui Antonii copias ex Parthia exegerat, quinquaginta millibus servorum & quingentis tantum liberis constare dictus sit. Itaque rara apud boreales gentes servitutis mentio, nulla vitæ & necis in servos potestas; Imo ut Tacitus scribit \*, neque animadvertere, neque vincire quemquam nisi sacerdotibus licebat, Sic ut liberalis semper apud has gentes fuerit (si quæ fuit) servitus: servisque pecunias id est mercedes, pensiones, & beneficia domini, pro forti & fideli opera tanquam veris militibus domi, militiæque assignabant: sed præstat ipsius Taciti verba adjicere, ex libello illo de Moribus Germanorum, Nam sub Germanorum nomine omnes septentrionales gentes comprehensisse verisimile est, & omnes docti consentiunt. Magna (inquit ille) comitum æmulatio, quibus primus apud principem suum locus; principum æmulatio, cui plurimi & acerrimi comites: hæc dignitas, hæc vires, magno semper electorum Juvenum globo circundari, in pace decus, in bello præsidium; cum ventum in aciem, turpe principi virtute vinci, turpe comitatui virtutem principis non adæquare, infame in omnem vitam, ac probrosum superstitem principi suo ex acie recessisse, illum defendere, tueri, suæque fortia facta ejus gloriæ assignare, præcipuum sacramentum est: De servis postea hoc addit: aleam (quod mirere) sobrii inter seria exercent, tanta lucrandi perdendive temeritate, ut cum omnia deficiunt, extremo & novissimo jactu de libertate & corpore contendant; victus, voluntariam servitutem adit; quamvis Junior, quamvis robustior, ligari se & venire patitur, ea est in re prava pervicacia: ipsi fidem vocant; servos conditionis hujus per commercia tradunt, ut se quoque pudore victoriæ exoluant; cæteris servis, non in morem nostrum, descriptis per familiam ministris utuntur, suam quisque ædem, suos penates regit, frumenti modum aut pecoris, aut vestis, ut colono, injungit dominus: & servus hæcenus paret. Cætera domus officia, uxor & liberi exequuntur, verberare servum, & vinclis aut opere coercere, rarum: occidere solent, non disciplina, aut severitate, sed impetu aut ira, ut inimicum, nisi quod impune. Quod autem diximus in aleæ lusu de libertate & corpore contendendi, victumque voluntariam adire servitutem, & ligari se ac venire, pati, ne quis putet ea quæ diximus pugnare (cum sint durioris hæc servitutis argumenta & indicia) intelligenda sunt hæc, Non solum de victis in aleæ lusu, sed de iis reliquis omnibus qui æs alienum contraxerant; Nam ut etiam constat ex reliquiis legum Longobardicarum \* statutum reperitur; Si quis non habuerit unde debitam summam persolvat, seipsum per guadium principis servitio tradat, id est, seipsum oppignoret servitio principis, donec vel debitum solverit, vel a creditore ei fuerit remissum; id enim guadium sive guadiare apud Longobardos adhuc significat; Et in jure nostro scripto vadium sive invadiare idem, quod apud Tacitum est ligari & venire; Et proinde qui alea victi se in servitutem tradiderunt, libertatem non amittere ait Bodinus, sed tantum eatenus obligatos, donec pecuniam debitam à parentibus emendicassent; Itaque satis constat Boreales gentes servis tanquam comitibus aut saltem colonis usas esse, & annuas pensiones sive pecuniæ, sive frumenti, sive vestis imbecillioribus imponere solitas, quas tamen rursus servientibus robustioribus velut beneficii loco assignabant; sine eis nihil domi nihil militiæ actum, domi aderant consilio, militiæ opera & manu: Postea factum est cum à septentrione (quam Plinius officinam gentium verissimè dixit) innumera gentes domi inopia rei familiaris pressæ egrederentur; novas sedes petituræ, Gothi Vandali & Hunni, tandem etiam Longobardi ut de aliis taceam, & imperium Romanum diripiissent, regionesque ex hoste captas militari more inter se dividerent, ut non minor inferiorum quam Principum in his expeditionibus haberetur

\* Iustinus lib. 22.

\* Lib. de Morib. Ger. tit. 22.

\* Leg. Longobard. lib. 1. tit. 26.

*Juris feudalis Infantia.*

haberetur ratio ; Itaque si cui provincia bello quæ sita pro numero comitum major vel minor assignata fuit , hanc ille rursus in prædia partiebatur , fertilissima sibi reservans, aut si ipse colere prædia viro militari turpe putaret, infirmioribus familia sua & servientibus, quos in minori pretio habebat, colenda demandabat ; Infertilia colonis sive comitibus permittebat, sed sub fiducia nomine, ab his olei, frumenti, boum, vestium, & pecunia etiam ( postquam in eas Regiones pecunia usus penetravit ) & reliquarum rerum quæ ad usus humanos necessaria videbantur, sed præcipue earum rerum, quæ pondere, numero aut mensura constant, annuas pensiones exigebat, robustiores in comites assumebat, eis, unde alerentur, præstabat ; Neque enim vel in Gallia vel in ulla Europæ parte extra imperium Romanum stipendia, tum nota erant, ac primum quidem pensionibus ex dominorum prædiis, contenti hi comites sive servientes erant ; postea & ipsa prædia loco pensionis, quæ prædio imposita erat, accipiebant, cum nihil dominorum interesse videretur, utrum res ipsas, an fructus omnes ac utilitates rei assignarent ; Sic tamen ut in dominorum semper esset potestate, aut ipsum prædium, aut pensionem in feudum datam quando vellent auferre \* ; neque servientibus aliud jus erat in his prædiis, quam precarii, quod qui habet, non tamdiu quam ipse vult, sed quamdiu is qui concedit, patitur, eo frui potest \* : servientis verbo hic libentius utor, quam servi, quod vox hæc, rei melius conveniat, Non solum, quod longè alia erat horum servientium conditio, quam servorum, qui jure gentium introducti ; sed quia etiam ex ipso Romanorum jure sciam aliud esse servitium à servitute & longe aliud esse servire quam servum esse ; Nam servire nihil aliud erat, quam fidelcm operam, aliquando opem & consilium alicui præbere, & proinde alicui aut ejus rei aut commodis inservire aut occasioni dicimus, nam durior illa servitus jam cœperat exolescere & pro eo liberius servitium esse in usu : Papinianus per hæc testatoris verba ( Scorpium servum meum Semproniam concubinam meam inservire volo ) ait non videri servi proprietatem Semproniam propriè relictam, sed tantum, ut serviat \* ; & Cicero in oratione quam M. Crassus oratorum princeps apud populum Romanum habuit, hæc ejus verba senatus Nomine commemorat, Nolite ( inquit ) Quirites pati nos aliis quam vobis servire ; quum nihil minus cogitaret quam senatum servum esse populi Romani, nihilque minus ex dignitate senatus esset : fuerant igitur alii à servis & servorum conditione servientes ( qua etiam voce nos vulgo utimur ) imo à libertis, licet in multis servientium conditionem cum libertis convenire non negarim ut postea apparebit : Sed ut ad feuda revertamur quum dura in his initiis videretur servientium conditio, res suas omnes precarii nomine ex domini solius arbitrio pendere, factum est ne servientes omnino de conditione suæ mercedis essent incerti, ut pactionibus feuda fierent annalia idest annum integrum non longius durarent ut de feudo Guardia & Castaldia mox dicemus \* : ac successu temporis sive id servientium merita, sive importunitas procurasset, feuda cœperunt esse vitalia idest à domino Clienti concedebantur pro tempore vitæ, pactionibus interpositis inter dominum & servientem de mutua tutela : & tum vere omnia feuda usus fructus dici poterant ; Et hæc fuit Juris feudalis prima cunabula, hæc Feudorum infantia ab usu & consuetudine, ferocissimarum gentium, quæ ab Aquilone in Romanum orbem incurrerant, primum nata & introducta, qualia de Timarris sive Timarrioris Turcicis hodie scribuntur. Nam solet Imperator Turcicus regionem bello occupatam præcipue in finibus Imperii, qui hosti objacent, viritim inter suos milites dividere, in multas partes & prædia disiectam ( quæ Timarrias vocat fortasse a greco voce τιμῆς ut honorarium significet ) & militibus colendam tribuere, sub ea lege ut ad omnes expeditiones certum numerum equitum paratum habeant pro quantitate & bonitate Timarria, decima etiam parte fructuum imperatori reservata, inde duplex commodum accipit, Nam & Regionem hosti obversam & imperii limitaneam firmissimo præsidio munit, & si quæ seditiones aut tumultus populi oriantur, paratum semper habet exercitum, qui omnes facile comprimat, nec stipendio eis opus est, quia pro stipendiis sua prædia habent vitalia, unde equites aut milites alant ; Mortuo Timarro, Timarria ad principem redit, ejus arbitrio cui velit postea locanda, sub eadem conditione & vitæ tempore. Huic Feudorum infantia ea tempora tribuimus, quæ à diluviis Aquiloniarum gentium ad annum salutis sexcentessimum & quinquagesimum intercesserant ; Jam enim Franci in Gallia, Gothi in Hispania, Longobardi in Italia, reliquæque ferocissimæ gentes armis partas sibi sedes stabilierant, & sin molestia in otio & pace possidebant, tum enim feudi ipsius, tum vassalli & hominii nomina orbi cœperant innotescere ; Nam licet hereditaria successio tum non erat in feudis ; Nativi tamen hi tenentes dicebantur, ut & apud nos hodie ; quos nisi Justa offensæ causa præ-

\* Lib. I. c. 1.  
de feud.  
\* De Peccato.

Aliud servitute, aliud servum esse.

\* L. ux. ri ff.  
de usufructu  
leg. 10.

\* Lib. I. c. 1.  
st 2. de feud.



cesserit, & ad serviendum non sufficerent durum erat à suis possessionibus removere.

Pueritiam iis temporibus assignabimus, quibus feuda quæ antea annalia aut ad summum vitalia erant, ad filios & eos solos extendebantur, sive id servientes sua fide & industria promererentur, sive quod domini servientes beneficiis vellent demereri; Itaque feudum quod prius tantummodo usus fructus erat, etiam ad filios continuabatur, aut ad eorum aliquem, quem dominus servitio suo apertissimum designabat; Nam feudo alicui & ejus filii concessio, omnes filii in capita succedebant, nisi unum nominatum dominus in feudi concessione prælegisset, aut sicubi usus esset, ut primogenitus in totum feudum succederet, ut in Britannia; Nepotes autem in feudo alicui & ejus filii concessio, eis temporibus à successione arcebantur. Sed illud cognitione dignum occurrit, cur feudum alicui & ejus filiis concessum, in materia successionis quæ in jure inter favorabiles numeratur, ante Conradi Cæsaris tempora non etiam, filiis mortuis, ad nepotes extenderetur, cum in Jure filiorum nomine, Nepotes sapissime contineantur \* Sed facilis est solutio, ex voluntate præsumpta concedentis, quæ semper in feudo spectatur; Nam non aliter voluisse dominum, nisi suo servienti & ejus filiis providere præsumebatur, & non nepotibus; quibus si voluisset provisum id in feudi concessione expressisset, feudum enim sua natura stricti juris est, naturamque habet privilegii, quod ab homine concessum alicui & ejus filiis, ad nepotes non extenditur; sed vita functis filiis, feudum ad dominum redibat; quemadmodum in jure civili nullum privilegium ab homine alicui & filiis ejus concessam ad nepotes extenditur\*; contra vero si ex dispositione juris communis beneficium descendat, non tantum ad filios, sed etiam ad nepotes etiam si non exprimantur, in infinitum extenditur\*, ut postea dicemus, cum ad filiorum successionem pervenerimus, cujus ea quæstio propria est. Nam in re maxima à maleficanis hominibus urgemur, qui privilegium liberis regis concessum, etiam si extra fines regni nascantur ad nepotes negant pertinere ut eo modo quæstionem, si quo modo quæstio dici possit, de successione Regni Angliæ imperitorum pectoribus obrudant & impriment: Et hæc erat Feudorum pueritia, cui ea tempora ascribimus, quæ ab anno 650, ad Caroli Magni tempora intercesserant, toto enim eo tempore Feudorum tantum erat usus fructus alicui servienti sive vassallo, & primo ejus heredi sive primi gradus heredibus concessus, Imperare autem Carolus Magnus anno domini 800. cœperat.

Adolescensiam feudi cum textu ascribemus Conrado imperatori cum is Romam proficisceretur; Nam cum ingentem exercitum legisset, & milites qui prædicia Militaria seu feuda habebant, multa prælata pollicerentur, ab eo tandem impetrarunt, ut lege lata feudum etiam ad nepotes ex filio extenderetur, & additum etiam ad collaterales, (licet collaterales nunquam ante Conradi tempora succederent) Sic ut postea frater etiam fratri in ea expeditione succederet sine liberis mortuo, In eo beneficio quod ante patris communis fuerat; utrumque non gravatè concessit Imperator, ut militum opera fortiori & fideliori uteretur, quemadmodum & apud nos fieri videmus, cum in procinctu acies stant, ut reges eorum qui in ea pugna, sive ad pugnam expeditione morerentur, Wardas, Relevia & beneficia etiam Ecclesiastica propinquioribus promittere soleant: laudabile sane institutum, nempe ut militum animi confirmantur & aciores reddantur, cum sciant morituris pro patria nihil de bonis decessurum. Quis autem fuit hic Conradus (cum quatuor illius nominis fuerint) ex textu non patet, Constat tamen fuisse Conradum 2 qui & Salicus dictus (quod cum primus dux francorum orientalium fuisset, qui Salii dicebantur) unde & illa lex Salica cujus hæc sunt aut saltem finguntur verba: In Terra salica mulieres ne succedant) Postea etiam in Imperium est evectus circa annum domini 1022, licet non rara sit inter chronologos in remporum supputatione varietas, Is sane contractis magnis copiis cum in Italiam bis profectus esset, primò ut imperii coronam ab Joanne decimo nono tum pontifice maximo, sed Cæsaribus infenso acciperet, accepit autem ipso die pascatis anno dom. 1027. Secundo ad reprimendos Italiæ motus; Nam tum cœperant Romani Pontifices cum Germanis Cæsaribus utri præmererent contendere: Unde factiones in Italia contractæ pro firmanda suæ partis dignitate, acerrimèque sæpe decertatum, non sine maximarum urbium excidio. Hinc etiam Guelphorum Gibellinorumque nomina funestissima, & ipsa adhuc memoria Italiæ luctuosa, nata; Cæsar vero Conradus ut adversæ factionis vires deprimeret, & partes suas confirmaret rerum suarum satagens in Italiam cum expedito exercitu profectus est, & ut milites aciores suæ dignitatis assertores haberet, concessit ut nepotes filiis mortuis succederent, & frater fratri in feudo paterno; De Conrado primo aut tertio quod unquam Italiam ingressi sunt non legimus, quartus vero longe posterior fuit horum librorum scriptio.

Quod

*Juris feudalis pueritia.*

\* L. libero-  
rum. ff. de  
verb. signi.

\* Glos. In l.  
filii ff. de  
verb. sig. &  
Bart. in l.  
liberorum.  
ff. eodem.  
\* Bart. ubi  
supra Alciat.  
lib. 3. para-  
dox. cap. 14.

*Juris feudalis adolescensia.*

De Conrado  
2 Imperatore.

Quando pri-  
mum frater  
fratri in  
feudo suc-  
cessit.



Quod autem jam diximus tum impetratum fuisse ut frater fratri in feudo succederet, hoc tantum locum habebat in feudo paterno, & non in feudo novo seu noviter acquisito, Nam si ex vassalli præmortui liberis unus moreretur, frater ante Conradi tempora fratri non succedebat; præsumptio enim erat dominum in feudi concessione vassallo tantum & ejus filiis descendantibus consulere voluisse, adeo ut feudo semel per successionem acquisito, si unus sine filiis moreretur, frater postremo defuncti ei non succedebat in ea parte, neque morientis pars superstitibus accrescebat, sed ad dominum redibat, donec a Conrado Imperatore impetratum fuerat, ut frater fratri in feudo seu beneficio paterno succederet; alioqui si feudum novum esset id est si qui feudum primum acquisierat moreretur sine liberis, frater ei non succedebat, nisi aliud in conditione feudi fuit expressum, cujus tenor semper inspiciendus & servandus; Sed de hac collateralis successione plura in titulo de successione in feudis. Et huic adolescentiæ si textus verba sequamur, ea tempora assignamus quæ a Carolo Magno ad Conradi tempora interceserant, quo quidem tempore jus Feudorum mirum in modum adoleverat, Nam vassi & vassalli tum prædiis fiduciariis tanquam suis uti frui cœperant, & licet domini veri non essent, tamen pro dominis se gerebant, & serere, arare, plantare, & edificare tanquam in suo incipiebant, securi pene de dominorum voluntate, modo servitia conventa præstarent. Dixi hanc fuisse Feudorum adolescentiam secundum textum; Nam plerique successionem in feudis fuisse etiam ante ea tempora putant; cum in historia Romana legatur Alexandrum Severum primum fuisse qui militaria prædia ad militum hæredes pertinere voluit; asserens eos attentius militaturos si & sua defenderent; hinc Itali colligunt & apud Romanos feuda quadam fuisse militaria, quæ ad heredes descendebant, sed profecto locus ille de feudis non est intelligendus, sed tantum modò de limitaneis agris, qui ad hostem vergebant; hos agros non tantum limitum præfectis & militibus assignabant, ut ibi consensescerent, sed etiam & eorum posteris, ea tamen conditione, ut attentius militarent; Nam ut antea dixi, putabat imperator militaturos acrius, si tanquam pro suo patrimonio pugnarent. Sub Carolo magno feuda primum hæreditaria esse cœperunt, ut plerique tradunt; Nam is militibus de se bene meritis agros primum distribuit, hæredibus etiam possidendos, cum antea ad vitam tantum concederentur, sed tum hæc feuda in legem non abierunt, sed in privilegia, Caroli tamen illius magni liberi & progenies, quamdiu ea stirps duravit quæ Carolingorum seu Carolinorum dicta est, hujus exemplum creduntur sequuti, adeo ut Lotharius Imperator qui & ipse Romam maximis de causis profectus est, constitutionem de hac ipsa hæreditaria possessione iisdem fere verbis quibus Conradus Salicus in feudis reliquerit; antecesserat Lotharius Conradum Salicum pene annos ducentos; Itaque Hottomannus vir doctissimus Conradi nomen pro Lotharii irrepsisse putat. Multis rationibus pro se adductis, ita ut circa Lotharii tempora multi putarint feuda multis in locis cœpisse esse hæreditaria. Non negandum tamen Carolum magnum sub quo feuda adolefcere cœperant, primum feuda liberis vassallorum indulsisse, ut vassalli ad liberos primi gradus sua prædia, quæ ex beneficio alieno possidebant, transmitterent: sed hæc neque eo regnante neque aliquot post annis in legem abierunt, sed privilegio erant propiora; licet multo frequentiora erant hæc privilegia imperante Lothario ejus nepote, tamen non ex lege sed beneficio & libertate sui domini sive senioris, ne tum quidem filii universaliter succedebant; post exactos tamen Carolovingos sive Caroli magni progeniem, Capetorum familia, cum Regnum Francorum ad se quo jure quaque injuria transtulisset, ut procerum & nobilitatis animos liberalitate sibi devinceret, lege statuerat, ut in feudis successio in primo gradu perpetua esset apud Gallos, & tum primum id est sub Capeto patre & filio, Ducatus, Comitatus & baronia, ad filios transmitti cœperant: eaque provinciæ quæ ante ex ducibus regibus aut comitatu regio unum aliquem sibi præpositum habebant, quasi dominum eum præfecturæ agnoscere coacti, vassique propriè dicebantur qui prædia sua à rege habebant, & his inferiores vassalli non precario, neque ex alieno arbitrio, sed jure suo utebantur, & sic paulatim adolefcebat jus feudale donec ad virilem ætatem pervenerat.

*Juris feudalis virilis ætas.*

*Quomodo gradus consanguinitatis in jure feudali numerentur.*

Nam cum facilis a simili in simile sit transitus, fecit progressus temporis, ut non solum fratres, sed etiam patruels, qui in quarto gradu essent, ad invicem sibi & mutuo succederent; mox etiam ut feudum ad collaterales in septimo gradu extenderetur, sed crescente jure, novisque moribus, tandem factum est ut feuda non solum ad descendentes in perpetuum transirent, sed etiam ut ad collaterales qui ex primo vassallo descendebant in infinitum continuarentur; Illud vero quod jam diximus circa Conradi tempora, feudum primum ad patruels id est duorum fratrum filios in quarto gradu, mox etiam ad collaterales usque ad septimum

septimum gradum continuatum ; ut explanatius sit, pauca de gradibus adjicienda sunt, quoniam frequens in hoc tractatu graduum mentio fit. Aliter gradus in jure Civili, aliter in Pontificio numerari solent. In jure Civili gradus Consanguinitatis ita numerantur, ut singulae personae excepto stipite idest eo patre per quem invicem junguntur, gradum efficiant. Suntque totidem gradus quot personae, veluti duo fratres per patrem communem junguntur, ita duo fratres efficiunt duos gradus, sive secundum gradum consanguinitatis, patruus sive sororii idest qui ex duobus fratribus sive sororibus nati sunt, quartum consanguinitatis gradum faciunt, ut semper tot gradus sint quot personae praeter stipitem. Stipes enim seu communis pater, a quo reliqui descendunt, gradum non facit, descendantium a stipite, quilibet facit gradum. At in jure Pontificio duo filii unum tantum gradum Inter se faciunt, quilibet enim persona uno gradu a stipite distat, quotque uno gradu a stipite distant unum gradum consanguinitatis inter se faciunt. Itaque fratrum & sororum filii qui sunt nepotes, a stipite efficiunt secundum gradum, fratrum nepotes tertium gradum inter se constituunt, & ita deinceps ; Feudorum scriptores in enumeratione graduum jus Civile sequuntur ; usus noster jus Canonicum, ex eo puto quod in matrimoniis, dispensationibus, & divitiis illa graduum enumeratio in foro Ecclesiastico locum habuit primum ; Et cum materia illa apud nostros esset quotidiana, eandem enumerationem in jure feudali retinuerunt ; ne duas diversas graduum enumerationes in una provincia sequi cogerentur. Et haec virilis feudi aetas dici potest, cum eas sibi vires jus Feudorum acquisivisset, ut in successione solum attendere, In judiciis illud solum Jurisprudenter sequerentur, neglecto sive praeterito ( ut antea dixi ) tam jure Civili quam pontificio, & sic Feudorum jus natum & educatum & tandem confirmatum & absolutum est ; quomodo autem consenuerit moribus in molliem lapsis, adeo ut feudum hodie in feudo vix agnoscamus, capite non dicemus.

### *Refutatur eorum opinio qui juris feudalis originem à veteri Romanorum jure deducunt.*

#### *Diegesis quinta.*

**I**N hac enarratione de primordiis feudi, rerum gestarum verisimilitudinem, & praecipue scriptorum hujus Juris fidem sequi malui, quam recentiorum qui aliam feudi originem undique conquirunt, neque fieri posse putant, ut hoc jus quod etiam in textu antiquissimum dicitur Conrado Imperatori ascribi possit, cum a Conrado Imperatore, qui primus ut creditur Feudorum successionem instituit, ad ea tempora quibus hoc jus scripto traditum est non intercedant anni 150. Imperare enim coeperat ( ut dixi ) hic Conradus anno domini 1022. Fridericus vero primus, cujus tempore hoc jus perfectum & scripto absolutum fuit, anno domini 1155. Adeo ut doctissimi omnes hujus juris originem altius & supra Conradi tempora repetenda putent, si illud nomine antiquissimi dignemur, & ut in rebus magnis fieri solet, dum sibi quisque & suis favet, hujus juris originem ad se suamque gentem trahit. Itali & praecipue Insubres, sive Lombardi apud quos prima hujus juris fundamenta reperiuntur, quique illud proprium & apud senatum vendicant, ejus tamen Initia à moribus Romanorum deducunt, & primo à mutuis inter Patronum & clientem officiis ; Nam licet patronorum nomen, ad actores causarum postea transiit, antiquis tamen moribus ( ut \* Budæus notat, & veterum historiae confirmant ) solenne erat, ut provinciales & socii in clientelam se darent proceribus Romanis, quos in patronos optabant, neque solum publice sed etiam privatim, & horum procerum dicebantur clientes ; ferebat enim id ea necessitudo, ut patroni tam praesentes quam absentes perpetuo patrocino suorum clientum caput, & fortunas tuerentur, vicissimque ipsi patronos suos omni obsequio & veneratione colerent, opera & pecuniis juvarent, & ne fides ( quam fidelitatem dicimus ) in hac necessitudine deesset, à Romulo lata lex est ; Si patronus Clienti fraudem fecerit, sacer esto ; sic dominum patrono, ut saepe etiam in jure nostro vassallum clienti aequant, fideique sacramentum ex illa Romuli lege deducunt.

Alii malunt hunc Feudorum morem ex alia Romanorum consuetudine defluxisse, Nam

*Unde Itali  
Feudorum  
originem deducunt.*

*\* In Pandectis*

*Unde Romani.*

veteranos

veteranos & emeritos milites Romani, aut collatis ex arario publico pecuniis alere, aut agros colendos iis assignare solebant, uti tranquillo in otio consenserent. Constat Octavium victis Antonio & Lepido triumviratus sociis, cum solus jam rerum potiretur, militibus de se bene meritis ob fortem & fidelem operam Cremonensium agros colendos tribuisse: Cum hi non fuissent, Mantuanorum etiam adiecisse, unde factum est, ut Virgilius prædio suo ab Arrio Centurione ejectus, cui id forte obvenerat, Romam venerit & Octavii Cæsaris beneficio restitutus, Bucolicorum scribendorum occasionem sumpserit; Eum fuisse Romanorum morem testatur Horat \*.

\* Sat. 6.  
lib. 2.

----- *Quid? militibus promissa Triquetra  
Prædia, Cæsar an est Italia tellure daturus?*

\* Lib. 1. de  
Bello Civili,

Quorum verborum sensus hic est, utrum Cæsar prædia militibus promissa (illi feuda interpretantur) in Italia an in Sicilia sit præstiturus: quale & illud Lucani \* in oratione, quam Cæsar ad suos milites habuit, ut eos in Pompeum & Senatum accederet, inter alias indignitates sibi suoque fortissimo exercitui illata etiam illam adfuit.

*Conferet exanguis quo se post bella senectus?  
Qua sedes erit emeritis? qua rura dabuntur,  
Qua noster Veteranus aret? qua mania fessis?  
An melius sent Pirata Magne coloni.*

Quasi diceret à senatu Cæsaris militibus optime de repub. meritis nulla prædia esse concedenda, in quibus exanguem senectutem deponerent; at Piratis à Pompeio victis (qui non solum reip. sed etiam humani generis hostes erant,) prædia quæ colerent autoritate senatus esse assignata. Solebant Romani in agros perduellium victorum colonias ducere, partim ut veteranis præmia tribuerent, partim ut præsidium ibi esset si quid hostes molirentur, aut devictæ gentes radio imperii commoverentur, qualia superiore capite Alexandrum Severum limitum præfectis & limitaneis militibus assignasse ex Lampridio adduxi, quod & antea nuper de Timarris Turcicis memoravi, & hæc turma militares dictæ; Soli tamen antea veterani deducebantur, qui pro dignitate senatus aut promovenda aut conservanda consueverant, cum alioqui militibus in locis iis ubi militarent agros comparare non liceret, sive quod his commerciis à rei militaris studio avelli crederent, sive quod comparationes illas vi aut metu extortas præsumerent; Et hanc in Colonias militum deductionem originem feudis præbuisse putant; plerisque huc pertinere videtur, quod Romani regibus quos in amicitiam receperant beneficia, id est agros, urbes, etiam regna ex hostibus capta dono dare solebant, quod de Masanissa legimus, & Cæsar Divitiaco principatum Heduarum, Tasgetio regnum Carnutum pro insigni eorum fide & militia tradidit: sed hæc quanquam speciem aliquam feudi habere videantur, longe propius tamen est illud quod ex Salustio in oratione Adherbalis ad Senatum: P. C. inquit Adherbal, Micipsa pater meus (fuit hic filius Masinisse) moriens mihi præcepit ut regni Numidiæ procurationem tantummodo existimarem meam, cæterum jus & imperium penes vos esse, quasi diceret, Imperium quod nos directum dominium dicimus Romanorum in regno Numidiæ esse, sed quod ad Micipsam attinet, existimasse beneficii loco se & patrem suum à P. R. Numidiæ regnum sive ejus regni procurationem accepisse & hæc de Italis.

Unde Galli  
originem  
Feudorum  
derivent.

Galli autem cum apud se originem Feudorum fuisse antiquissimam ostendere cupiant, illud ex Commentariis Cæsaris adducunt, eos qui opibus inter Gallos valebant, multos habuisse devotos, quos secum ducerent in bella, soldarios sua lingua nuncupatos, quorum hæc erat conditio ut omnibus in vita commodis cum iis fruerentur quorum amicitia se dedidissent, quod si quid per vim accidisset, aut eundem casum ferrent ipsi, aut mortem sibi consciscerent, quibus verbis & dominorum in vassallos & vassallorum in dominos fidem & officia exprimi tanquam in speculo putant.

Unde Hispani.

Eodem Argumento Hispani & potissimum Celtiberi utuntur, Nam quæ Cæsar Gallis eadem Plutarchus in Sertorio & Valerius Maximus Celtiberis ascribunt.

Unde Germani.

Germani ne aliis cedere videantur, ad se eadem initia trahunt ex Taciti verbis prius adductis; Nam cum principes eligerentur qui per vicos & pagos jus dicerent, centeni singulis Comites ex plebe assignabantur, consilii & autoritatis causa, In eo comitatu diversos esse gradus, magnamque contentionem & æmulationem quibus primus apud principem suum locus esset & cætera quæ supra retulimus; quos Tacitus Comites tunc dixit, vassallos nunc



nunc dici putant Germani. Quinetiam Græci in Feudorum prima origine vendicanda, potestrem esse nolunt, ex Constantini Porphyrogeniti constitutione Cræca quæ etiam adhuc extat, In ea multa de prædiis Militaribus traduntur, quod onus iis inhereret, ut quandocunque dominus ediceret, ad militiam possessores instructi compareant; aut si justam excusationem cur non possint, habeant, veluti si valetudine detineantur, tantum tamen pecuniæ domino repræsentent quantum ad militem vicarium conducendum sufficeret, cujus opera in bello dominus uti possit, quæ omnium Feudorum natura est & conditio.

Hæc & his similia quæ à viris doctis ornanda suæ gentis studio adducuntur, quo minus cum veris Feudorum initiis convenire putem, facit, quod nulla feudi mentio, nulla feudalis clientela, seu fidelitatis forma, ante illa maxima Borealium Gentium diluvia apud probatos scriptores quod sciam reperiatur, nusquam directi domini, nusquam utilis, memoria, aut ut in foro loqui solemus, nullum superioritatis, nullum tenendriæ, nullum denique investituræ monumentum occurrat, neque ulla jura feudalia tum erant, nec prædia fiduciæ nomine tenebantur: Nam quod ad Patronorum in Clientes beneficia attinet, nullum cum feudis similitudinem habent; Cum præterquam quod omnia feuda ab initio militaria erant, Patroni etiam non suos clientes beneficiis, sed Clientes Patronos ornabant, neque ulla Patronorum in Clientes jurisdictio, quæ naturaliter omnibus feudis inheret, nullum fidelitatis sacramentum. Et Coloniarum deductio, aut prædiorum inter veteranos milites distributio, ad Feudorum rationem agrè trahitur; siquidem tum prædia veteranis jam militia functis dabantur, ut publico beneficio, emerita militiæ essent autoramentum; feuda vero è contra Juvenibus robustis in primo flore ætatis, qui jam militaturi erant, & de quibus egregia erat virtutis expectatio dari solita: Nec his prædia ex hoste capta, aut bello subactarum gentium constituebantur, sed ex propriis principum & dominorum agris & patrimonis, nec ulla certa necessitudinis & clientelæ vincula, aut fidelitatis sacramenta à veteranis & emeritis militibus exigebantur, qualia jus feudale inter dominum & vassallum requirit. Quod ad Porphyrogeniti constitutionem attinet, non est tantæ antiquitatis, ut hanc nostram opinionem & sententiam de Feudorum origine evertere possit, Constantius enim Porphyrogenitus, cui hæc constitutio attribuitur imperare cœperat circa annum domini 912: & posterior fuit, Carolo Magno & Lothario ejus nepote, quorum temporibus jus Feudorum non solum vires jam exercere cœperat sed etiam initia successionis in feudo facta, Poterant enim & Græci aliquid inde excerptisse & ad suos mores traduxisse. Ex his nisi me animus fallit satis constat Feudorum originem à septentrionalibus gentibus defluxisse & per totum orbem Christianum dispersam esse: cum quæque gens quod sibi proprium & commodum videretur in suos mores transcriberet.

*Quando jus feudale quod consuetudinarium tantum est, & dici solet scripto comprehensum, Qui scriptores, ubi primo receptum pro jure, & de ejus subjecto.*

*Diegesis sexta.*

Sed à Principio vagum erat & incertum hoc jus, neque certis sedibus aut limitibus contineretur, Consuetudo tamen pro omni juris regula & vinculo erat, (quæ pro temporum & locorum varietate sapissime mutabatur) quærendum itaque est ubi terrarum jus hoc in lucem primum prodit, ubi certas sedes sibi acquisivit? quaque in gente scriptis primum est traditum & in forum & judicia productum, tandem in scholis (tanquam auctoritatem habens juris) protractum & publicatum fuit, de quo inter scriptores parum convenit; alii id Saxonibus ascribunt, & revera ibi jus antiquissimum Feudorum semper viguit, & adhuc religiose observatur; alii ex constitutionibus Germanorum Imperatorum (postquam imperium bipartitum est) natum volunt. Antiqui & verior pars Insufris & Lombardis id attribuunt, & omnes hæc gentes habent quo se verisimiliter tueri possint: Sed nihil certius quam ex Caroli Magni, & Imperatorum qui eum sequuti sunt constitutionibus

*Quæ in Regione primum jus Feudorum receptum.*



onibus primum in Gallia Cisalpina, quæ nobis tamen transalpina est, quam hodie Longobardiam dicimus, cepisse; mox ad transalpinam penetrasse, non ut unum universale jus de feudis à principio constitueretur, sed tantum ut peccata, quæ ex diversis Feudorum observatione eo tempore admittebantur, corrigerentur. Extat igitur Caroli Magni una constitutio de feudis, altera Lotharii primi ejus nepotis, quibus præcipua pene Juris totius feudalis fundamenta continentur, quatuor Capitibus distincta, in quorum primo de successione feudali tam directa quam transversali agitur, Secundo de Causis feudi amittendi, Tertio de patroni in vassallum obligatione, Quarto de Judiciis feudalibus. Sunt & aliæ constitutiones Henrici 2 & Conradi Salici de hereditaria vassallorum successione; Nec dubito quin toto illo tempore quod inter Carolum Magnum & Fridericum primum intercesserat, multæ alix constitutiones Imperatorum promulgatæ sint de feudis sæpe inter se diversa, aliquando contrariæ, prioribus posteriores, tamen quæ jus illud vagum & varium certis limitibus coercerent.

*Fridericus  
barbarossa  
sive anobar-  
bus primus  
hoc ius scribi  
curavit.  
\* Lib. 2.  
cap. 7.*

Postea Imperator Fridericus primus cognomento Anobarbus (qui imperare cepit circa annum domini 1155) scribi jus illud & in scripta redigi curavit, ut testatur Radevicus his verbis \* Ad Ultimam inquit (de Barbarussi loquens) de jure Feudorum, quod apud Latinos nondum scripto sufficienter expressum fuerat, & pene omnes eam beneficiorum iustitiam, in Injustitiam converterant, leges promulgavit, quarum capitula præsentì annotationi subjiciemus; Eam constitutionem innuens, quæ lib. 2. Feud. C. 55. habetur; Sic cum varii essent earum gentium, qui jure feudi uterentur, mores & instituta, cum quælibet gens suos de feudis mores sibi pro legibus fingeret, accidit necessario ut variæ Feudorum essent consuetudines, non solum in diversis Regionibus, sed etiam in Civitatibus ejusdem regionis; neque enim idem jus Mediolanenses observabant, quod Cremonenses; neque rursus Cremonenses Placentinis placebant, factum itaque est tandem ut viri docti ex imperatorum constitutionibus collectis, & ex varia Civitatum, observatione, jus unum generale conflaverint, quod jus feudale sive Feudorum diceretur; Post in foro observatum, auctoritatem juris ibi primum vendicavit; Id in ea Gallia quæ à Romanis Cisalpina dicta nunc Longobardia, uti primum factum putem, facit non solum illud quod ex Radevico de Friderico Anobardo nuper attuli: sed multo magis, quia omnes voces hæ, quibus in jure utimur & quæ vocabula artis dicuntur, qualia sunt Guardia pro Custodia, Castaldia pro Procuratione; Hominium sive Homagium pro fidelitate; vassallus sive fidelis pro beneficiario; Feudum pro beneficio; dominium pro soli proprietate; Capitaneus pro duce militum, Alaudium sive Alodium pro prædio immuni & jure optimo possessio; Regalia pro iis quæ ad regem jure coronæ spectant; Curtis pro curia dominica; Pædagium pro vestigali itinerum, devestire pro possessionem adimere, guerra pro bello; feloniam pro noxa atrociori in dominum; Cucurbitare pro vitium conjugii domini inferre aut corrumpere; relevium, brevia, & multa his similia, quæ in hoc tractatu occurrunt, à Lombardis profecta nemo sanæ mentis negabit; Mediolanice primum fuisse hujus juris sedem; ibique jus hoc in Judiciis primò fuisse usurpatum, ex ipso textu patet, post in scholas penetravit, progressu denique temporis factum, ut jus hoc scriptum etiam paulatim ad exteras gentes traduceretur.

*Qui aucto-  
res librorum  
de usibus  
Feudorum,*

Qui tamen fuerint horum librorum, qui de feudis circumferuntur, autores, & quo tempore conscripti sint, quomodoque Juris vim, & vigorem induerint, aliquid adjiciendum est. Varii fuerunt horum librorum autores, ut ex ipso textu manifestum est; neque enim idem auctor est primi libri, qui secundi; neque libri secundi incipientis, qui & desinentis; Nam communiter totus Feudorum tractatus in tres libros dividitur, duo primi, sententias jurisconsultorum: Postremus, imperiales constitutiones continet. Cujacius in quinque partes totum tractatum dividit, sic ut primus liber viginti octo titulos contineat, aliter tamen distinctos & inscriptos quam in communi divisione. Hujus primi libri author creditur fuisse Gerardus Niger, qui & Gerardus Capagistus dicitur \*, quod ex textu colligi potest. Idem vult etiam Zasius, nisi forte alter fuit Gerardus Niger à Gerardo Capagisto, quod non puto: Cur tamen hic liber Gerardo Nigro attribuitur colligit Cujacius libri quarti titulo 63 & 67 secundum ejus divisionem, ubi contrariæ referuntur opiniones Gerardi & Oberti, qui sine controversia scriptor fuit libri secundi, ut ex ejus initio constat; Nam Gerardo placuit, Si quis investitus fuerit de feudo ut ad feminas transiret, & duas tantum filias reliquerit, quarum una filium habeat, altera duas filias; Gerardus in hac facti specie, Masculum ex secunda filiarum succedere debere in toto feudo putat, Obertus contra: Sic in eodem libro quarto (secundum Cujacii divisionem loquor) feudum lege commissoria da-

*\* Lib. 2.  
t. 28.*

tum

tum valere non putabat Gerardus, Obertus contra : utraque hæc opinio Gerardi habetur libro primo de usibus Feudorum, prior Titulo sexto, altera Titulo vigesimo septimo, Ex quibus colligit Cujacius non dubium scriptorem libri primi fuisse Gerardum. Hottomannus tamen longe ab eo dissentit, nec posse Gerardum authorem dici libri primi multis rationibus pro se adductis contendit, sed in re non magni momenti non inhaerendum, licet Cujacii opinio mihi verior videatur : Libri secundi ( ut communem divisionem sequamur ) Incipientis, author fuit Obertus de Orto ut ex ipsa epigraphe constat, cum ad erudiendum filium Anselmum librum illum conscripisset. Tertius secundum Cujacii opinionem initium sumit ex illo titulo, cujus initialia verba sunt, Cogis me ut super hoc &c. Sic ut hic Tertius liber tantum causas amissionis feudi contineat, de quibus Obertus à filio Anselmo fuit interpellatus, utcumque est sive tertius liber ibi initium capiat ut vult Cujacius, sive tantummodo pars secundi, secundum divisionem communem, Oberto recte ascribi potest. Qui sequitur Titulus, Si de feudo vassallus interpellatur ( sive is faciat initium libri quarti ut Cujacius vult, sive sit posterior pars libri secundi desinentis ) & omnes qui sequuntur eum, Tituli, Gerardum & Obertum authores non agnoscunt, diversa enim continent responsa jurisprudentum ad diversas quæstiones in materia feudi propositas ; In quibus Gerardus & Obertus inter se sæpe committuntur ; Nam sic placuisse Gerardo & Oberto, & aliquando utrique, in proposita facti specie tertius affirmat ; qui & aliquando recitans utriusque opiniones, utrique se opponit, ut nulli dubium sit neutri horum hunc librum ascribi possi, & tantum Centonem esse quendam ex diversorum jurisconsultorum illius temporis sententiis confutum, & libris Feudorum insertum : Itaque authorem hujus libri quarti secundum Cujacium, aut, ut in scholis dicere solemus, libri secundi desinentis, incertum in medio relinquimus.

De Stilo.

Stilus forensis est, qualis jurisconsultorum ejus temporis esse potuit : scripti enim sunt seculo inerudito, neque fieri potuit quin aliquod ejus seculi vitium contraxerint, verba ipsa latina, nisi si quæ sint fori propria : phrasis, sive ut grammatici loquuntur constructio Lombardica est, ut facile quis sine interprete sensum percipere potest. Tumultuariè sane sunt conscripti, ex adversariis sive schedis Gerardi & Oberti relictis, ab alio puto quam ipsis collectis : Obertus enim & Gerardus prout quæque facti species occurrerat, consulti quid de eo sentirent, scripto declararunt ; hæc eorum adversaria, post eorum excessum, aliquis juris Feudorum studiosus in libros redegit, sine delectu, sine methodo ( quod non est negandum ) ita tamen eorum responsa celebrata sunt, & in honore habita, ut pro jure certissimo à posteris adhuc sint usurpata.

Conscripsi autem sunt hi duo libri circa annum domini 1170. imperante Friderico primo cognomento Barbarossa, ad quem Gerardus hic niger & Obertus de orto legati à Mediolanensibus ( fuit enim uterque consul Mediolanensis ) missi erant, ad purganda crimina, quæ gravissima iis objiciebantur, & placandum Cæsarem Civitati insensissimum ( ut excidio urbis testatus est : ) Nam tum Guelphorum & Gibellinorum, ut dixi, pro dignitate Imperatoris, & Pontificia ad interitum usque decertantium, factiones invaluerunt. Mediolanenses vero contra dominum, pro factione pontificia stabant, & Guelphorum duces fuerunt & antesignani. Itaque in his omnibus hoc tantum monendum putamus, libros qui à jurisconsultis scripti sunt, mores Lombardicarum gentium, quibus in judiciis uti solebant, tantum describere ; Neque enim everso Lombardorum regno, mores ejus gentis Carolus Magnus antiquare potuit, aut saltem voluit, cum naturalem æquitatem præcipuè in re militari præ se ubique ferrent ; quin potius ut de Judæis dici solet, post excidium Hierosolymitanum, qui in exteris regionibus desidentes, suas etiam leges multo instantius, sed non eo successu nixi sunt, & hodie nituntur propagare ; sic Lombardi nomine gentis salvo, non solum mores pristinos retinuerunt ; sed etiam Carolo in Galliam redeunte, cum eo in ultimam Galliam jus etiam suum transmiserunt, falsissimo cum successu ; Nam non solum totam Italiam, sed etiam Galliam primum vicinam, mox Celticam implevit : Ita tamen ut non omnes omnia amplecterentur, sed hoc Mediolanensibus, illud Placentinis, aliud ut dixi Cremonensibus placeret, Itaque autores horum librorum, primum, si quod sit, Feudorum jus universale, mox qui mores unicujusque Civitatis enarrant. Et hæc de moribus Lombardorum : In medio horum librorum insertæ sunt imperiales quædam constitutiones de feudis sive beneficiis ; una Lotharii ejus nominis primi, qui Caroli illius Magni nepos fuerat ( plerique Conrado Salico eam attribuunt ) quæ habetur lib. 1. Feudorum ; in qua nonnulla de successione nepotis avo, & patris ad nepotem, & de

Quando libri hi conscripti.

Jus feudale à Lombardis in Galliam cum Carolo Magno venit.

successione fratrum, de beneficio amittendo, & de tempore quo vassallus investitur am petere potest : alia Lotharii secundi qui prius Saxonum erat dux, & Henrico quarto successerat : Malè Obertus Lóthario tertio hanc attribuit ; Quatuor Friderici primi, una de pace tenenda : altera ejusdem argumenti ; Tertia quæ beneficiorum alienationem prohibet ; Quarta ad tutelam scholasticam pertinet, quæ etiam inter authentica Codicis inseritur. Una etiam Friderici secundi, qua mores, libertatem Ecclesiasticam minuentes è medio sustulit, licet malam à pontificibus gratiam retulit ; Una etiam est Henrici primi, qua quinque testes ad probandam ingratitudinem fidelis adhiberi vult ; duæ Henrici 7. ab Oberto in postremum locum rejectæ ; una quomodo in crimine læsæ majestatis procedatur ; Altera qui sint rebelles, & hæ duæ extravagantes dicuntur, quas alii undecimam collationem appellant ; Tandem Friderici primi constitutio de pace Constantiæ inter eum, filium ejus Henricum, & quosdam nobiles Alemanniæ ab una parte, & Civitates Lombardiæ, & Marchiæ ex altera ; librum Feudorum concludit.

Quomodo  
& quando  
libri hi au-  
thoritatem  
juri habere  
cœperunt.

Sed mirum cuius videri possit, cum horum librorum anthores tantum fuerint viri privati & forenses ( licet alioqui viri sane magni, & senatus sui principes ) quomodo fieri poterat ut eorum responsa, non solum pro legibus haberentur, sed etiam leges Cæsarias & Pontificias sibi subjecerent, & quasi principatum juris in eo subjecto Circa quod versantur sibi arrogarent, cum tamen certum sit solos Pontificem Maximum & Cæsarem ( sub Cæsaris nomine, omnes principes comprehendendo, qui superiorem non agnoscunt ) legum condendarum Jus & potestatem habere : Nam ex jure potestas ea tantum principibus est concessa, & inter regalia, autoritas condendarum legum numeratur, & ipsum Digestorum volumen, licet ex doctissimorum, & memoria dignissimorum virorum responsis constet, non tamen ab Ulpiani, Scevolæ, & Pauli auctoritate vim & potestatem accipit, sed ab ipso imperatore Justiniano & ejus edicto, quod etiam Digestis præfixum est : In jure Pontificio, quæ à Gratiano collecta, sub nomine decretorum circumferuntur, vim & effectum sacrorum canonum, non habent, licet in corpore Juris Pontificii inserta ; Oberti tamen & Gerardi auctoritas ita apud omnes gentes invaluit, ut eorum responsa non solum pro jure habeantur, licet à nullo Cæsare confirmata ; sed etiam in scholis & academiis optimè constitutis prælegantur ; in foro & judiciis pro confirmatione partium adducantur ; in omnium ferè gentium animis & manibus circumferantur ; & infinitis denique doctissimorum virorum commentariis Illustrantur.

Sed hujus nodi facilis est solutio, Nam Digestorum auctoritas, non ab ipsis authoribus sed à die Justinianæ constitutionis evulgata, quæ Pandectis præfixa est, auctoritatem accepit, viz. 7. K. Januarii Justiniano tertium consule ; Is annus ejus imperii erat septimus & à servatore nato 533. Decretorum auctoritas adhuc nunc, licet non desunt, qui ab Eugenio tertio eum librum confirmationem & auctoritatem accepisse volunt ; Idem de libris Feudorum asserendum, non eos à Gerardo, nec Oberto auctoritatem suam accepisse, sed ex imperialibus constitutionibus ; quæ cum in curiis Longobardorum allegarentur & producerentur, Gerardum & Obertum quatenus in observatione & usu essent, brevibus schedis annotasse credibile est ; ut in actis publicorum comitiorum ( quæ parlamenta dicuntur ) fieri videmus : post, quæ sparsim & sine delectu adducta erant, collegerunt & in unum quasi corpus memoriæ Causa redigerunt, non tamen quasi jus ex se ortum, sed ab ipsis Imperatoribus emanans & jam omnibus judiciis approbatum posteris tradiderunt ; Neque in his libris tam observandum est quid hi scriptores senserint, quam quid ex constitutionibus Imperatorum Lotharii, Conradi, Friderici & aliorum sancitum erat, & ab aliis tanquam viris dignissimis memoriæ & posteritati commendatum & his libris collectum : Nec dubito constitutiones etiam quasdam extitisse, quæ robur & dignitatem his libris conciliarent, licet cum multis aliis interierint ; neque enim aliter in scholis prælegi, aut in judiciis observari passi fuissent Imperatores, nisi robur & auctoritatem iis tribuissent : imo ut Majoris auctoritatis & dignitatis apud posteros censerentur, suas etiam constitutiones in fine adjecerunt, & quasi se iis subscripserunt.

Multas autem de feudis constitutiones interiisse, satis cuius ex lectione horum librorum constabit, reliquias hujus juris & quod servari poterat his scriptoribus debemus ; nec præter hos libros, licet multis in locis corruptos, dignitati tamen suæ à viris doctissimis hodie restitutos, quicquam de jure Feudorum lectione aut observatione dignum habemus. Qui plura de horum Librorum auctoritate, intelligere cupit, legat Baldum in præmio Feudorum, & Franciscum Curtium in prima parte cap. 1. de feudis quibus omnes fere doctores consentiunt.



consentiunt. Sunt ergo hi libri authentici, ut nunc forum & doctores loquuntur; vimque legum, & auctoritatem juris sibi merito ex consensu pene omnium gentium compararunt; neque ulli in toto corpore juris Civilis aut Pontificii libri, tot doctorum hominum commentariis illustrantur, quam hi qui de usibus Feudorum inscribuntur: quod nunquam illi fecissent, (nam aliqui operam suam lusissent) nisi hos libros juris sive legum auctoritatem habuissent credidissent.

Supereft ut de horum librorum subjecto & materia, circa quam versantur aliquid dicamus; Subjectum horum librorum sive materia circa quam versantur est feudum, quod in rebus soli aut solo coherentibus aut iis quæ inter immobilia censentur tantum consistit\*; nos hæreditarios titulos dicimus, qui à prædecessore in hæredem transeunt, adeo ut rectè subjectum hujus tractatus dicere possumus consistere in hæreditate rerum immobilium sive acquirenda, sive retinenda, sive amittenda. Et hæc de Juris feudalis Initiis, progressu, & auctoritate, quoque modo & quo tempore per universam Europam propagatum sit, ut posuimus, ex veterum tamen scriptis, diximus.

*Quod sit jus  
feudalis  
subjectum.  
\* T. I. lib. 2.  
de Feud.*

## *Quo tempore jus feudale in Britanniam pervenit & quo jure Angli Hodie utuntur.*

### *Diegesis septima.*

Quo autem tempore Britanni jure Feudorum uti cœperunt, quari à nonnullis solet; nam jus hoc Feudorum non simul nec uno tempore gentibus Europeis illuxit, sed his serius, illis citius sensimque adolevit, & radices undiquaque cœpit agere, Nostri puriore hoc jure utuntur, quam vicini, eoque quod multo magis cum ipsis fontibus, seu scaturigine conveniat, neque tamen vel nobis vel illis ante millesimum annum innotuit. Sane Anglos ante conquestum vix puto hoc recepisse, Rationes cur ita credam hæc sunt. Omnia vocabula, quæ à dialecticis vocabula artis dicuntur, quibusque hodie in foro Angli utuntur Gallica sunt, nihilque cum Saxonica lingua habent æthne, sic placitare, distracionari, effioniare, hominum sive homagium fidelitas, hominum ligium, breve de morte antecessoris, ligii homines, sasinæ voces omnes sunt Gallicæ sive Normannicæ; extat liber expositionis omnium vocum quibus in foro suo Angli utuntur ab Joanne Rastello editus, & Londini à Richardo Tottell typis excusus in anno 1563, ex quo, necnon ex tenore omnium arrestorum sive rerum adjudicatarum tam à tribus regni ordinibus, quam à judicibus inferioribus, certum est jus omne quo Angli hodie utuntur & præcipue de wardis & Maritatione hæredum à Normanis seu potius à Gallis ad eos emanasse; Scio ante conquestum multas apud Anglos leges extitisse, tam ab Iva occidentalium Saxonum Rege, quam à duobus Edvardis, Aluaredo, Æthelstano. Æthelredo, Edmundo, Canuto & aliis Anglo saxonum regibus ante Conquestum conscriptas, quæ tamen adventu Normanorum aut sunt antiquatæ aut disuetudine exoleverunt, & tamen ad Feudorum naturam exponendam non pertinebant; imo ne vestigium quidem Juris feudalis in eis pene reperitur; Nam licet vassallorum in dominos ingratitude sive feloniam expressè aliquo statuto puniatur, pæna tamen non est amissio feudi, ut in jure feudali; sed tantum vel multa pecuniaria, si parva sit injuria: vel pæna capitis, si major, quæ juris feudalis naturam non sapiunt: Præterea ex ipso Polidoro, qui Anglorum Historiam conscripsit diligentissimè, constat manifestè Conquestorem cum omnia Angliæ prædia jure belli ad se pertinere diceret, legem Agrariam tulisse, qua se omnium possessionum dominum declaravit (quod nihil aliud erat quam omnia prædia de eo tantumquam domino teneri; ) Ita tamen ut possessoribus à se faceret redimendi potestatem, vestigialis nomine mercede aut officio aliquo sibi præstando jure domini: casusque statuit quibus dominium ad sese rediret; voluitque idem jus dominos inferiores in suos fructuarios, quos tenentes vocant, habere, quod ipse in suos; Hæc ex Polidoro ad verbum, quibus dominorum jus in vassallos, quidque dominis præstandum, & quibus casibus feuda amittantur quasi penicillo describuntur; Et hoc Conquestoris factum Bodinus etiam ad feuda transtulit, ejus hæc sunt verba. Conquestor cum Angliam domuisset, privatorum omnium facultates tam moventes quam non moventes sibi arrogavit, hostium agros fisco addixit, reliquorum

*Polidorus in  
Conquestore  
lib. 9. Hi-  
storie.*



Duo exem-  
pla investi-  
turarum  
Anglica-  
rum.

quorum arva prioribus dominis sub fiducia nomine fruenda permisit ; ad exemplum etiam Conquestoris, Edvardum primum ad emungendam pecunia Angliam hoc astu usum scribit Idem Polydorus ; Ex quibus locis facile est cuivis elicere jus Feudorum sive in acquirendo, sive conservando, sive amittendo feudo consisteret, à Normannis cum Conquestore in Angliam pervenisse. Gregorius ab Haillan historicus gravissimus Conquestorem devicta Anglia omnes eorum leges & Jus pristinum antiquasse, & suum idest Normanicum, ( Nam Normanni tum eodem jure cum Gallis utebantur ) introduxisse asserit, quod & reliqui omnes scriptores tam Angli quam Galli scriptis suis reliquerunt. Exempla duplicis investituræ à duobus Angliæ regibus facta, producam, ex quibus quod ante proposui facile elucescet. Unum Adelstani Regis qui Conquestorem 130 annos antecesserat, Alterum ipsius Conquestoris : Adelstaneæ dispositionis hæc sunt verba. Ego Adelstanus Rex do tibi Pauline Oddam & Roddam ( duorum in Angliæ Prædiorum hæc erant nomina ) tam bona atque pulchra quam unquam mea erant, teste Mathilde conjuge mea: Conquestor non absumili forma Hugonem Lupum fororis suæ filium, in comitatum Chæstriæ investit, Tenendum sibi & hæredibus ita liberè ad gladium, ut ipse Rex totam tenebar Angliam ad coronam ; & licet hæc posterior dispositio magis affinis investituræ videatur, neutra tamen Feudalem dispositionem sapit, cum nulla sit in eis servitiorum aut recognitionis præstatio, nulla de domino superiore mentio ; propiusque ad Allodii formam accedunt, de quo postea aut certè ad dispositionis formam, qua Romani utebantur : Duo tamen sunt quæ nostram sive opinionem sive sententiam evertere videantur ; Primum quod tam ex Polydoro quam Boethio constet inter leges fœderis quibus pax inter Adelstanum & Malcolmum reges convenerat, hoc cautum esse, ut qui in regno Scotiæ successor designaretur, Princeps Cumbriæ diceretur ( quæ Angliæ provincia est ) eoque nomine hominum præstaret Anglo. Alterum ex Guilielmo Neubrigenfi, qui Rollonem jam senem hominum Carolo Crasso Francorum Regi præstitisse scribit ; sed credo tam Polydorum quam Boethium & Neubrigensem, modum sui seculi in scribendo, sequutos ; aut si aliud aliis videatur, saltem hoc mihi dabunt, non nisi unius seculi spatio aut paulò amplius Carolum Crassum atque adeo Adelstanum, Conquestorem præcessisse ; In aliis Anglorum historiis quotquot unquam legi, nulla ante Conquestorem vel hominii, domini, ligii, vel feudi, reperietur mentio.

Si quis sit qui statutum illud Canuti Regis Anglorum numero 75 cujus hæc sunt verba. Sive quis in terrestri, sive navali pugna, dominum aut commilitonem suum, per ignaviam, & pigritiam deseruerit, vita & rebus suis multator, ejusque res omnes, & quem illi prius dederat fundum, dominus recipito : sin quæ ex scripto prædia possederit, ea regis sunt: verum enim verò si quis in exercitu, sive in regno, sive extra quidem pugnans, coram domino mortem oppetierit, ipsum condonator ac remittitor hereotum : atque in bona prædiaque paterna hæredes ejus succedunt, eaque secundum jus fasque dividunt.

Herioti usus  
antiquis-  
simus.

Si quis inquam est, qui statutum illud juris feudalis esse putet, quia vassallum qui dominum in acie pugnantem deserit fundo privat, qui vero pro domini vita fortiter pugnando interierit, ejus hæredi dominum teneri affirmat, ut condonet heriotum ; & in bona, prædiaque paterna hæredes ejus succederent ; Meminerit velim statutum illud, non tam de feudo hæreditario, quam de fundo pro domini arbitrio locato innuere ; neque enim feudum hæreditarium debet domino heriotum, cujus usus apud Saxones & nostrates erat antiquissimus.

Neque mirum si tam serò in Angliam jus feudale pervenerit ; Nam nec ipsis Normannis à quibus advectum est, jus hoc longe ante ea tempora notum ; Rollo enim ipse licet Neustriam sub hominii nomine accepisset, nisi senex hominum non præstitit, imo in eo præstando ut Neubrigenfi scribit, graviter offendit ; Nam cum Gallus ei pedem exosculandum præberet, Rollo licet jam senex, pedem Regis ita extulit, ut Regem suum pene in tergum prostravisset, nisi circumstantes regi suo succurrissent. Sunt tamen plerique qui Normannos ante adventum in Galliam juris hujus scintillas habuisse scribant, secumque jus investituræ, in Galliam attulisse hoc argumento probant. Nam cum Normanni ad Neustriæ littora appulissent ( sive id factum est Sigefredo duce sive postea Rollone, incertum relinquitur ) ut occasionem belli ex injuria undiquaque sibi inferenda quærerent, adolescentem ex suis unum in terram emittunt magno torque aureo ornatum, non dubii quin à primo occurrente ei eriperetur, quod & maximè optabant. Adolescens torquatus cum ab indigenis rogaretur, si vellet torquem vendere, aut permutare, Respondit se velle, Rogatus de precio, quodcunque vellent respondit, illi illudentes simplicitati, torquem ei detrahunt manumque ejus pulvere à solo

à solo sumpto implent, ut ille pulvis esset ei pro pretio, sed magno constitit iis hoc ludibrium; adolescens enim ad suos reversus, cum quæ facta essent renunciasset; illi mox copios in terram expositis eam occupant, interrogati, quo jure illud facerent; Respondent jure longe optimo & æquissimo; adolescentem enim suum publico nomine investitum esse in ea terra per traditionem pulveris sive terræ (ut moris erat) & non sine pretio; Itaque quasi in suo solo jure & non bello acquisito sedes posuerunt, frustra armis Gallorum postea lacerati, non destiterunt, donec ex Neustria antiqua, Normanniam novam effecissent; sub quo nomine adhuc provincia illa permanet.

Facta hæc sunt Carolo Crasso regnante in Gallia, à quo in feudum Rollo Normannorum dux eam provinciam accepit, Regnare autem cœperat Carolus Crassus in Gallia anno 878. & Conradum Salicum annos 144. præcessit.

Quæret autem hic aliquis, si jus Feudorum in Angliam à Conquestore aut paulò ante ea tempora introductum sit, quo jure Britannia utebatur prius (per Britanniam eam partem insulæ intelligo, quæ muro Severi includebatur ut & veteres rerum Britannicarum scriptores omnes) quo tempore à Britonibus habitabatur? suo jure suisque legibus sive potius moribus & consuetudinibus, cum jus scriptum non haberent, Britannia ante adventum Dictatoris Cæsaris vivebat; quod autem erat illud jus, quæque leges fuerant, à nemine quod sciam traditum neque tradi potuit, cum literæ, quorum beneficio præteritorum memoria conservatur, cum Romanis & præcipue tempore Julii Agricola apud Britannos in usu esse cœperint, & quicquid de Malmutio, Dunnallone, & Martia Anglici historici fabulantur nullam tamen legem extare, quæ eis certò attribui possit, non uno in loco testatur Holinchædus.

Post redactam Britanniam in provincie formam, Romanis legibus assuetos Britannos verisimile est; non tantum quia victores victis leges imponere, patria instituta tollere, sua pro eis introducere solebant; sed quod apud omnes etiam immanissimas gentes, Romanarum legum conjuncta cum naturali ratione æquitas & fama ita invaluerat, ut non inviti eis homines se subjicerent. A Romanis deserti & Scotorum & Pictorum irruptionibus relictæ Britones, leges à Romanis traditas retinuerant ut verisimile est, donec ab Anglofaxonibus victi, & in Cambriam pulsi, tandem Anglorum leges agnoscere, eisque submittere se coacti; Anglofaxes vero, quo tempore in Britannia sedes sibi stabilierant, suo jure suisque legibus, quas è Saxonia & Germania advexerant usos esse certissimum est; earum pleræque apud Tacitum in libello de Moribus Germanorum habentur; fertur Ina, occidentali-um Saxonum Rex (qui circa annum domini 800. regnaverat) legum à se conditarum libellum Saxonica lingua reliquisse: Sic & Edvardus postremus Anglofaxonum Rex, quæ-  
rum multæ etiam hodie observantur; ut fieri solet, quoties Regio aliqua mutatis dominis novas leges induit, aliquid pristinum tamen semper retinere solent, sed pro authenticis non habentur, idest ut quid certum in judiciis ex iis observari possit. Dani vero cum Insulæ magnam partem occupassent, in eaque feliciter aliquot annis vixissent suas & ipsi leges intulerunt, quæ adhuc in aliquot Angliæ Regionibus custodiuntur; hinc ex variatione dominorum jus anglorum diversum & varium. Neque enim Essexiani eodem jure utuntur, quo Nortfolciani, neque hi jure rursus eo, quo Cantiani; Conquestor autem imperio Britannia potitus, non solum Britonum, quæ tum nullæ erant, sed etiam & Anglorum patrias leges & instituta publico edicto sustulit, Normannica jura obrudens eisque vice legum in posterum Anglos uti voluit; Retinuerant tamen & Angli aliquot patria instituta, neque enim omnia poterant aboleri, adeo ut Angli hodie permixto quodam jure, partim Britannico, partim Saxonico, partim Danico, partim etiam Normannico, partim denique feudali gubernentur; sic ut occidui Saxones & australes, & qui Cantium incolebant, jure Saxonico uterentur. Orientales vero Saxones & Northumbri idest ab Humbro flumine Scotiam versus, quoniam ex provinciæ, Danorum oppugnationibus infestiores erant, Danorumque progenies ibi sedes fixerat, Danorum leges observabant; Mercii vero & his contermini partim Danorum partim patriis institutis regebantur; Id ut planius fiat qui hodierni mores sunt Anglorum, quoque jure utantur paucis expediam.

Conquestor leges Normannicas intulit neque in ejus Regno ulla juris antiqui & patrii observatio erat, legibus tantum & moribus Normannicis omnia subsellia strepebant. Normanni soli jus dicebant, Anglofaxes ab omni jurisdictione pulsi; imo quod majus est, ne patria quidem lingua uti in judiciis licuit: omnes formæ novæ & Gallicæ introductæ; Normannico Idiomate tantum litigantes utebantur, prout magna ex parte & hodie in publicis

*Quo jure  
Britannia  
ante con-  
questum usæ*

*Vide Ap<sup>o</sup>.  
Χαιρονο-  
ας, seu de  
priscis An-  
golorum legi-  
bus.*

*Conquestor  
juris feuda-  
lis in An-  
gliam pri-  
mus funda-  
menta ieci-  
rat sive poti-  
us intulit.*

publicis Parliamentis, cum ad leges faciendas pervenitur, Normannico utuntur idiomate, libri qui quid sincerè de legibus tractant, & hi Normannica lingua scripti, adeo ut si verum excutere velimus, Normannicasque constitutiones, quæ adhuc extant, licet ab antiquo illo Normannorum jure declinantes, cum hodiernis Anglorum moribus conferre, facile erit unam juris in utroque populo originem, eamque Normannicam colligere; legant qui habent librum illum constitutionum Normannicarum à viro doctissimo Guiljelmo Terrieno conscriptum; ibi enim fontes totius juris quo hodie Angli utuntur (nisi quod ex tanti temporis interstitio formulae judiciorum paululum sunt immutatae) deprehendent. *Carta* nomine, leges in utraque provincia designantur, ut *Magna carta* apud Anglos; Apud Normannos *Carta Ludovici Hutteni*, *Carta Philippi Regis*, pro legibus ab iis principibus latis usurpatur; *Cattallorum* nomine utrinque bona moventia innuuntur & infinita alia quæ in nostro hoc Feudorum tractatu legentibus passim occurrent, jure itaque & institutis Normannorum toto Conquastoris tempore, ejusque filii Rusi, uti sunt Angli; Illud tamen de pace domini Regis fracta, licet ex Anglosaxonum Regum statutis descenderet, tenacissimè Conquastor retinuit, omnesque ab eo descendentes, quod maxime rationibus fisci conveniret. Pristinorum legum restitutionem & præcipuè *Edvardi confessoris*, cum importunis precibus Angli ab Henrico exigerent, ille callidè dissimulans, nunc annuendo, nunc differendo, revera tamen tergiversando & abruendo, Parliamentum primus instituit, idest trium ordinum regni comitia sive conventum, ut in eo si quid ex antiquis institutis & legibus corrigendum, aut si quid novum condendum esset, id communi consilio fieret, reservata tamen sibi soli parliamentum convocandi, & suffragia approbandi potestate; in eo liberè quod è reipub. usu esset, quilibet impure poterat profiteri, nihil tamen sine principis consensu agebatur. Nam leges & petitiones, quæ ordinibus placebant in parlamento, ante principem leguntur, tum princeps lingua Gallica, placet mihi vel non placet, consensum & dissensum suum aperit; quæ ejus consensum expressum non accipiunt, irrita & casta habentur, licet ab ordinibus approbata; & hæc prima apud Anglos Parliamentorum Origo; calidoque hoc instituto Henricus desiderium patriæ instituta repetentium illudit; Parliamenti autem nomen à Gallis emanavit, ut & vox ipsa testatur, neque ulli principi permissum nisi qui sui juris est & superiorem non agnoscit, Apud Gallos antiquior fortasse ejus origo fuit, Joannes enim Montanus, Pipino Caroli Magni patri assignat; Budæus in pandectis originem tribuit Philippo pulchro, qui circa annum domini 1294 illud instituit; alii Philippo longo circa annum 1306; sed utrumque de parlamenti Parisiensis prima institutione intelligendum; Parliamentum enim sive publica regni comitia ante ea tempora & eos Reges in usu quoties de Repub. deliberandum erat, ex annalibus francorum in usu fuisse constat; sed in principio hæc Parliamentum vaga erant, & per provincias franciæ, nunc in hac, nunc in illa vicaria quadam successione perambulabant; Primus Philippus pulcher Francorum Rex ut illud Lutetiæ Parisiorum perpetuò consideret, instituit; apud nos non tam antiquus parliamentorum usus erat, sed ex potentiorum Gentium imitatione defluxit; sed de Parliamentis hoc unum monuisse sufficiat, nihil ratum esse, nihil legis vim habere nisi quod omnium trium ordinum consensu conjuncto constitutum est; Ita tamen ut uniuscujusque ordinis per se, major pars consentiens pro toto ordine sufficiat; scio hodie controversi, an duo ordines Parliamenti, dissentiente tertio, quasi major pars leges condere, onera sive realia, sive personalia imponere, statuta nova introducere possit, cujus partem negantem boni omnes, & quicumque de hac re scripserunt pertinacissimè tuerentur, alioqui duo ordines in eversio nem tertii possunt consentire. Quod de Eversione dixi idem de præjudicio & incommodo intelligendum, sed de his latius forassee postea.

*Nihil in  
parlamenti  
sine trium  
ordinum  
consensu.  
Præcipuum  
jus quo An-  
gli utuntur  
ex statutis  
parlamenti-  
rum nasci-  
tur.*

Ut ad jus Anglorum redeam primum & præcipuum est illud quod Statutarium dicitur, quod ex horum parliamentorum statutis derivatur, ubi enim res in controversiam deductur, statim si quid ex parliamentorum statutis cautum sit, examinant & religiose secundum ea quæ statuto præscripta sunt, causas cernunt; nec licet ab eorum verbis recedere, nisi aliquando per interpretationem, quæ tamen statuti menti maxime conveniat: quod si fuerit favorabile, solent plerumque interpretatione extendere; si odiosum, restringere solent, qui jus dicunt; ut in jure Civili cavetur. Si nihil ex ipsis statutis colligi possit, commune jus sequuntur, quod ut dixi ex jure quatuor Gentium, quæ Britannis imperarunt constatum, jus patrium & jus commune dicitur: Hoc jus secundum habet locum in decidendis causis, præcipuè si neque à jure divino dissideat, neque à jure Naturæ, quod jus sive legem rationis vocant, ob ingentiam in animis hominum rationem ejus naturalem quæ ad reip. salutem



lutem conservandam expedit. Reges Anglorum cum regni insignia suscipiunt, solenni juramento cavent, se perpetuo Curaturos, ut hoc jus patrum sive commune fideliter inter suos administraretur, & conservetur, hujus juris Communis aliquot axiomata adferam, cum magna ex parte etiam à nostratibus observentur.

Jure Communi cavetur ne quis re quam possidet privetur, aut custodiæ tradatur, nisi citatus & legitimo judicio damnatus.

Primogenitus masculus in assem hereditatis succedit, filia in capita; quod & in fratribus, ut natu maximus (ut qui propior) in assem succedat; & sororibus, ut pro virili parte, etiam in ulteriore linea observatur.

Feudum non ascendit ad patrem aut avum in directa linea, nec qui ex dimidio sanguinis est, sive ut nostri ajunt, qui ex alterutro parente tantum est, succedit in feudo, sed ulteriori locus est.

Nam fratri in feudo, frater ex alia conjuge susceptus, non succedit, sed tantum patruus, at patruo mortuo sine liberis, frater ex alia conjuge susceptus, qui patruus nepos est, recte ei succedit in feudo.

Si extraneus jus civis accipiat (quod illi denizationem vocant) & postea filios suscepit, in successione feudi paterni præferentur filiis ante denizationem natis.

Cessante descendendum & collateralium linea feudum ad dominum redit. Primogenitus ex multis fratribus, cuicunque mortuo succedit in conquæstu, ratione dignitatis & primogenitura, non immediate præcedens aut sequens.

Testari de feudo antiquo non licet.

Quod feudum simplex paternum nunquam ad materni generis propinquos pertinet, sed potius collateralibus ex parte patris: eis deficientibus, ad dominum redit.

Conquæstus tamen, deficiente paterna propinquitate, ad consanguineos ex materno latere devolvitur.

Mortuo filio in feudo, feudum non ad patrem sed ad patruum pertinebit, ita tamen ut si post, pater ex eadem uxore filium susceperit, is rescissa priore successione in assem succedet fratri longe prius mortuo.

Sine fasina dominia rerum non transferuntur, nisi in permutationibus.

In locationibus, quia idem dominus remanet, fasina non est necessaria.

Bona moventia non ad heredes sed ad executores ultimæ voluntatis defuncti pertinent.

Sic jus illud Curialitatis, sive curtesia, quo vir prædiorum uxoris defunctæ usum fructum habet; Et usufructus Tertiarie, sive trientis qui viduæ defuncti debetur.

Sic jus Custodiæ & Maritacionis hæredis & etiâ relevii (ut dicuntur) ad dominum pertinent.

Hæc Axiomata ideo apposui, quia cum jure nostro in plerisque conveniunt, & ut facile intuenti apparet, magna ex parte ex jure feudali sunt desumpta, licet illi dissimulent; nulloque jus nisi suum agnoscere profiteantur. De his axiomatibus, vera ne sunt juris communis axiomata Judex ipse pronunciat, neque ad duodecem-virale sacramentum, ut alia; & præcipue, quæ in facto consistunt, remittuntur; neque ab iis axiomatibus unquam Judex temerè recedit; si fecerit, appellatio parti læsæ permittitur Apud judicem superiorem; qua peracta & sententia rescissa, Judex poena omnium bonorum amissionis punitur, & ille in misericordia domini Regis poni dicitur.

Si neque in statutis publicis, neque in hoc jure communi Inveniatur, quod Religioni judicantis satisfaciatur, ad maximas quasdam generales recurritur; quæquidem Maxima, licet omnino non eandem auctoritatem cum axiomatibus juris communis habeant, ab eis tamen pendent, & proximum ab eis locum dignitatis habent; hoc tantum est discriminis, quod illud jus, commune omnibus doctis & indoctis pariter notum est; hoc tantum doctoribus, quique in foro sive judiciis exercentur.

Id ex quarundam harum maximarum enumeratione facilius patebit.

Prima est: Scutagium incertum, inducit militare servitium; certum, tantum foccagium: de Scutagio & Soccagio in diegesi undecima plenius. Qui pro custodia castri tenet feudum, licet militare sit servitium, non tamen scutagium debet, ratio est quoniam in periculis custodia castri ei pro scutagio & servitio est, qui tamen certum redditum habet ex hoc castro annuatim percipiendum, in foccagio tenet.

Præscriptio in feudis locum non habet, neque ea dicitur præscriptio, cujus incipientis memoria extat; Quod usufructus assignatio fieri possit, etiam si nulla in ejus constitutione assignatorum mentio: feudi, sive rerum immobilium sine scripto nulla petitio, secus in mobilibus.

*Tertius locus judicandi Apud Anglos ex quibusdam maximis quæ consuetudinariae dicuntur.*



Confirmatio ejus, qui tempore confirmationis nullum jus habuit, irrita est, neque jus ei superveniens proderit, nisi de evictione prius cavit.

Si Rei furto ablata valor duodecem nummos superet, fur laqueo punitur; si minor sit, cum eo agitur mitius; Qui à corpore alicujus aliquid sustulerit, omnino capite luet; & id genus infinita alia; Et his maximis tertius in judicando apud Anglos locus est, & maxima sit necne, judicis arbitrio & non duodecim-virali inquisitioni permittitur, & hæ maxima jus consuetudinarium, quia ex consuetudinibus constant, dicuntur; & jus feudale omnino sapiunt, ut postea apparebit.

*Quartus locus ex usu rerum in ea Regione judicatarum.*

Post statuta, jus Commune, & has generales maximas, sive propositiones, si nihil certum ex eis possit colligi, ad id quod in ea Regione maxime observatur, recurritur; nempe ad quædam axiomata sive maximas speciales illius Regionis ubi res agitur: Nam alio jure Cantiani, alio Essexiani, Northfolciani, alio Suffolciani, & Cantuarienses utuntur; quod ex eo provenit; dum diversi in diversis partibus regnarent, jusque dicerent, necessario fiebat, ut diversa consuetudines nascerentur; exempli causa, in Cantio inveterata consuetudo est, ut omnes filii ex æquis partibus & in capita succederent; idem in filiabus observant; licet primogeniti prærogativa, generali axiomate & consuetudine sit confirmata; Sic apud Nottinghamenses ex pluribus fratribus minimus natus succedet in æstem, neque illi suis rationibus ceditur.

Londonenses de suo feudo contra jus commune testantur, quod tantum in burgalibus feudis locum habere puto; sic in nonnullis Regionibus, feloniam patris filio non præjudicat in successione; In nonnullis observatur, ut vidua bonorum à marito relictorum dimidium lucretur, si caelebs manserit; sic ut vir dimidium hereditatis uxoris ea præmoriens consequatur, licet nulli ex eo matri nonio liberi relictæ sint; Hæc d'igo mihi monstrare sufficiat, ut nostri, juris anglorum originem & fundamenta quasi per transennam tantum prætereuntes intelligant; neque enim est nostri instituti hoc loco per universum jus Anglorum discurre; Admonendi tamen sumus in his consuetudinibus hoc præcipue observandum esse, si consuetudo hæc memoriam hominum exceßerit, nam tum in legem abit, aut saltem legis vim & auctoritatem habet.

*Differentia consuetudinis à præscriptione. Diversæ formæ Rentalium.*

Differt tamen consuetudo à præscriptione, quod consuetudo generalior sit, & unius provincie communis; Præscriptio verò ad aliqua separata dominia & Baronias sive Parochias virorum nobilium extendatur; Nam solent pleraque in una Baroniam sive Parochiam observari, quæ in alia non habent locum, exempli causa, assedationes sive Rentalia in quibusdam Baronis vitalia sunt, in nonnullis etiam hereditaria, ut apud nos in terris Ecclesiasticis sedis Glasguensis, & Passletensis monasterii hæcenus est observatum; Immo rentalia (quæ vocamus) in occidentalibus Scotiæ partibus vitalia esse solebant, eorumque è libris dominorum extractio pro usufructu erat; hodie cautius res agitur, ut pro vitæ tempore exprimatur, ne dominis cludendi ex jure communi occasio Relinquatur, itaque hæc præscriptio magis specialis est, quam consuetudo; jusque præscriptum, ab eo tempore quod hominum excedit memoriam dicitur.

*Quintus locus.*

Si neque de axiomate aliquo generali, neque de consuetudine aut præscriptione constet, tum rerum similiter, præcipue in Banco Regio judicatarum autoritas in decisionibus prævalet, & ex his præcipue controversiæ novæ judicantur, si ostendatur ita aliàs judicatum fuisse, nec ulla alia exceptio, contra hanc formam judicandi solet objici, nisi quod casus variatur, ut sapissimè ex minimis circumstantiis tota hypothesis facti solet immutari; hinc frequentes illi de casibus (sic enim hypotheses facti vocant) Plaudini libri, sic de casibus judicis Dyarii & aliorum; ut omnes in judiciis controversiæ inde pendeant, si quis similem casum possit producere, ubi sit judicatum; ut contra ab altera parte totis viribus contenditur, differentiam esse in specie facti, ab antiquo illo casu: utri verisimilior argumententur, & casuum sive circumstantiarum similitudo aut dissimilitudo judicis arbitrio relinquitur.

*Forum conscientie.*

Sed cum juris nimius ut volunt rigor, sive illud jus summum plerisque sæpe officiat, & in captionem sæpe deducat, mollitur sive mitigatur illud jus summum aliquando, ut lapsis, & à re sua sine culpa decidentibus subveniatur; & pluribus si fieri possit succurratur; hanc Curiam conscientie vocant, ubi juris summi rigor aliquando emollitur, præpostera ut plerique volunt clementia, & sæpe ipsi conscientie contraria, sed hæc exequi non institui.

*Quis sit juris Civilis Apud Anglos usus.*

Juris Civilis rarus apud eos usus & profectò licet in omni literarum genere apud Anglos viri reperiantur doctissimi, rari tamen sunt, qui juri Civili se totos dederunt, contenti in limine tantum salutasse,

salutasse, cum patria instituta & mores potius Apud eos in usu sint; hinc municipali jure Angli, uti à doctis feruntur, cum Scoti Civili gubernentur; Sed nunquam sic jus Civile Apud eos in judiciis exulavit, quin ejus & rationes & decisiones quasi scintillæ quædam in omnibus rebus & controversiis deprehendantur, quas tamen illi, suis hominibus ascribere, quam veteribus jurisconsultis debere, malunt; utrunque est, magnus juris Civilis usus in omnibus controversiis elucescit, adeo, ut non difficulter juris Civilis peritus, maximas juris Anglici controversias, ex juris Civilis fontibus & jurisconsultorum seu Cæsarum responsis posse terminari comperit, ut ex Plondini & Dyarii Casibus sæpius apparebit. Quod ad jus

*Quæ loci  
juri pontifi-  
cio Apud  
Anglos.*

Canonicum sive Pontificium attinet, adhuc in multis locis retinetur, licet, Pontificis Romani auctoritatem jam ejurarunt; habet autem hoc jus Canonicum suum locum in omnibus consistoriis Archiepiscoporum & Episcoporum, & præcipuè si de decimis agatur; sive de administratione rerum Ecclesiasticarum, aut ipsarum Ecclesiarum: sic in quæstionibus & controversiis matrimonialibus, nempe in sponsalibus, Matrimonii, dotibus, qui filii sunt legitimi & similibus.

Statueram etiam de duello & lege Ordalia aliqua adjicere; quorum illud, usitatissimum fuerat Apud omnes Anglos etiam & Apud Nostrates, tam ante Conquistum quam post, ut ex libris Ranulphi de Glanvilla satis apparet; In quibus deficientibus aliis probationibus duello & singulari certamine rem definire permittitur; hujus, nempe legis Ordalia post Normannorum Conquistum rarior usus erat; ante Conquistoris adventum evidens est illud exemplum, in Emma Regina matre Edvardi Confessoris, qui Conquistorem præcesserat; ea enim violatæ pudicitie insinulata ab Alvino Episcopo Vintomensis, accusationem ex jure Ordalio purgavit, per ignitos vomeres sive candens ferrum sine pedum offensione transeundo; solebant enim superstitiosæ gentes Septentrionales de Criminibus inquirere, eaque explorare vel per ferrum candens, vel per aquam nunc frigidam, nunc Calidam, in hac si mergerentur, in illo, nisi illæsi & intacti fuissent, rei Criminis impositi habebantur: sed quoniam utrumque hoc institutum, non tantum Anglorum, sed omnium septentrionalium gentium erat commune, & jam desuetudine antiquatum, neque in Christiana Repub. tolerandum, in librum tertium, ubi de judiciis agitur, distuli. Et hæc de jure quo hodie Angli utuntur.

### *Quando jus feudale in Scotiam pervenerit, & quo jure hodie Scoti utuntur.*

#### *Diegesis octava.*

Quo autem tempore hoc jus feudale in Scotiam pervenerit, & quando eo uti nostri cœperint multo incertius est, nam nullo jure scripto antiquitus utebantur, sed tantum consuetudinario jure: quod etiam me movet maximè, ut putem jure feudali nostrates usos longè ante Conquistorem. Nam & Lombardi longè antequam hoc jus scripto mandaretur, jure hoc Consuetudinario regebantur, nec ullum aliud jus in Civitatibus erat, ex quo jus populo diceretur, quam perpetua juris feudalis consuetudo; sunt tamen adhuc quorundam regum statuta, qui Conquistoris tempora præcesserunt, quæ juris vim & potestatem habere creduntur, qualia sunt, Quæ à Malcolm Mackenneth de feudis officiorum scribuntur, & multa de militibus qui tenent de baronibus; Et quomodo in curiis suis debent Versari, & ad quem eschetæ pertinebunt, & de iis qui tenent de domino rege. Ubi plura, de tenentibus & tenendriis, de rege, & militibus in feudo.

*Quo jure  
hodie in Sco-  
tia utuntur.*

Sed in his omnibus rara sunt vestigia juris feudalis, ut annotavi supra, in statutis Regum Angliæ ante Conquistorem, in quibus licet multa præclarè statuta reperiantur, præcipuè quo ad criminum coercionem, raræ tamen & quasi scintillæ juris feudalis elucescunt; Multa tamen sunt quæ me movent, ut hoc jure nostrates usos putem, antequam Angli eo uti cœperint, hoc enim certissimum est, nos purius hoc jus habere, quam vicinos; ut in rivulis aquarum, qui quo propiores sint fonti sive scaturigini, eo sunt puriores; quod

in hoc nostro tractatu manifeste apparebit, cum ad controversa juris capita inter nos & vicinos nostros pervenerimus: Præterea custodiæ heredum (quas wardas dicimus) & eorum Maritationes cum Releviis longè prius in Scotia viguerunt, quam in Anglia, quas tamen certissimum est ex jure feudali descendisse, & ab eo solo originem habere; Nam tempore Kennethi 3. qui regnavit circa annum domini noningentesimum & septuagesimum expressa constitutio est de wardis, Releviis quod ea in futurum ad Regem pertinere debeant; & Certum est ex historia, Malcolmus ejus filio ad dignitatem Regiam sustinendam concessa, cum Regiæ opes in bellis contra Danos fuissent exhaustæ. At si Polydoro credimus non ante Henrici 3. tempora recepta sunt in Anglia, sic enim ille scribit\*. Est etiam aliquod vestigium in constitutionibus Regis Kennethi sive Cannethi 2. quibus caveretur, suspectos cujuscunque criminis per inquisitionem 7. 9. 11. 13. & sic deinceps numero impari hominum proborum judicandos, si noxii sint necne; & quod mutus & surdus, aut aliqui lege, vel natura impotens à successione repellatur; utrumque hoc statutum juris feudalis est. Regnare autem cepit Cannethus 2. circa annum domini 834. Sic & Canethus 3. qui Regnare cœperat circa annum domini 970. aliquot leges de successione statuit, non minus de successione Regis quam vassallorum; ut illi, quam primum nati essent; hi, non ante annum vigesimum primum ætatis paternam feudi hereditatem adirent, quod in prædiis, quæ servitia & wardam sive Custodiam cum Maritatione debent, intelligi nemini dubium; & in Macbethi quadam de successione scæminarum caveretur, & ne scæmina heres feudi domino suo invito nubat, neque ut quisquam alius possideat prædia, nisi de Regis licentia, hoc est quæ de Rege teneant, & ne vassallus ligius Regis alii domino fidelitatem juret in præjudicium Regis. Id ille caverat ut factionibus quæ tam frequentes erant occurreret: At ego legem illam de verbo in verbum ex Caroli Magni institutionibus\* crederem desumptam, nisi in Carolina constitutione hæc immediatè sequerentur [ & suo seniori ad nostram utilitatem, & sui senioris, idest domini ] quæ in Macbethi constitutione desiderantur, aliqua etiam habentur de Baronibus, qui à jure feudali descendunt, cum ante ea tempora Capitanei tribuum tantum dicerentur; Hæc & his similia multa licet à Macbethi Regis successore antiquata, tamen in aliquo usu antea fuisse, & ex jure feudali descendere certissimum est.

\* Henric 3.

\* C. 8. l. 3.  
de Leg.  
Francorum.

\* Lib. 16.  
Historia.

Apparet igitur manifestè nostros hoc jure feudali usos ante ipsius Conquæstoris tempora, & proinde ante ipsos Anglos, sed ex contracta cum Gallis amicitia, & morum frequentia, primum jus hoc ab eis recepisse; vel à Regibus nostris introductum ad æmulationem aliorum Regum; ut prout omnes sunt Reges ad ea introducenda, quæ ad rationes fisci sui videbuntur conducere: Et cum custodias heredum, & Maritationes cum Releviis in usu apud Gallos videret sive Cannethus, sive ejus filius Malcolmus, ad nostros traduxisse videntur, & ex benevolentia Baronum recepisse, ut dixi, aut vi illis extorsisse. Henricus 3. Anglorum Rex à suis Baronibus sive jure sive injuria Idem impetraverat, ut ex Polydoro constat\*; Is enim rei domesticæ inopia pressus, cum sine auxilio suorum Asiaticum bellum promovere, vitamque regalem decenter degere nequiret, exacto prius tributo pro eo bello gerendo; postea excogitato novo vectigalis genere, ut pro sua quisque parte regem suum ea indigentia levaret, ultro concesserunt, ut quoties quispiam eorum, qui possessiones haberent, quarum Rex esset dominus, ante moreretur, quam liberi hæredes vigesimum alterum agerent annum, tum eatenus tam ipse hæres quam patrimonium in potestate atque tutela Regis foret; & ille patrimonii ejusmodi redditus & utilitates caperet, quo ad hæres ad eam ætatem perveniret, & sic istiusmodi nobilium hæredum tutelas, ut rem sibi valde utilem accuratissimè suscepit; quin quod ita res curæ omnibus fuit, ut non modo Reges, sed reliqui locorum domini in hereditates vassallorum demortuorum, eodem modo invaserant, & quæ ibi sequuntur. Has autem tutelas sive custodias sub eodem prætextu, nempe pro sublevanda inopiâ rei familiaris & pro regia dignitate sustinenda, Malcolmus 2. indultas nostri scriptores referunt qui regnare cepit circa annum domini 1004. 62. annos ante Conquæstorem: Sed mirum est quod nostri id Malcolmus 2. tribuant, cum ab ejus patre Kennetho tertio statutum extet de custodia & Maritatione heredum, ut ad dominos debeant pertinere; Nec minus mirum de Polydoro, qui initium hujus consuetudinis in Henrici 3. tempora rejicit, cum certum sit Normannorum duces ipsius Conquæstoris Majores & ipsum Conquæstorem ante vigesimum primum ætatis annum in perpetua custodia Regum Franciæ fuisse; quod & etiam in reliquis vassallis minoribus Normannorum, & tum servatum erat, & adhuc hodie servatur; jura autem Normanniæ Conquæstor secum in Angliam attulit, mutatis patris omnibus institutis, quod parum suo fisco viderentur æqua, nec verisimile est tantam



tantam rei familiaris locupletandæ occasionem præterisse; Et proinde crediderim Polydorum hallucinatum fuisse in temporum distinctione, cum custodiæ hæ in Scotia ante Conquistoris tempora vigerent, & jus feudale cum Conquistore introductum Scriptores posteritati reliquerint. Sed ut ad propositum redeam, Cum totum jus feudale in his pene consistit, de dominorum in vassallos jure & superioritate; vassallorum in dominos obsequiis debitis, & præcipue militaribus, de fidelitate præstanda, & quibus modis feudum acquiratur, quibus retinetur, quibus denique amittitur, & in custodia & Maritatione hæredum cum Releviis, quæ omnia nobis cum vicinis nostris sunt communia; non malè colligemus, eodem jure utramque gentem hodie uti, eisdem moribus gubernari, quod & etiam animadvertit Leguleius quidam apud Anglos Nicolaus Adamus\*; sed malè & contra leges disseverendi inde colligit, Scotos Anglis fuisse subditos, quod eisdem legibus uterentur. Sed distinctionem inter jus & leges non animadvertit, Scoti enim, licet eodem jure forte quo Angli utuntur; non tamen eisdem legibus; leges enim à magistratibus sive superiore feruntur, & subditos alstringunt; jus autem à natura proficiscitur; sic jus naturale, jus gentium, sic jus commune dicitur, quod omnium fere gentium commune est, quasi ingenta quædam æquitatis ratio in hominum animis regnans. Sic Terentius\* quid cum illis facias qui neque jus, neque bonum aut æquum sciunt; Lex enim commune omnium subjectorum præceptum; virorum prudentum consultum; delictorum quæ sponte vel ignorantia contrahuntur coercitio; communis Reip. sponso; jus vinculum naturale est; lex Civile: jus, nomen commune, lex, species juris, quæ aut necessitate urgente, aut consensu populi, aut perpetua consuetudine introducitur; Itaque longè aliud est jus à lege; nec meo quidem judicio logicus dici vel haberi potest, qui ex communione juris, unam gentem multo minus alii aliam subditam inferet; Aliud forte dicendum de Legge, quæ à suo Rege vel populo lata legis nomen meretur, & ut nomen juris exterum alstringit, sic nomen legis, civem; licet non sit obscurum, multas leges multarum fuisse provinciarum communes, quæ tamen uni nonparebant: Sic Regulæ Pontificiæ quæ cancellariæ dicuntur pleræque, leges Regni Francici factæ, & ideo observandæ; quæ tamen si non sunt leges Regni factæ, neminem ligant, & merito in judiciis omnibus exploduntur, sed de his plura in sequente narratione.

Non decriet etiam aliquis, qui scire cupiat quo jure nostri hæcenus usi sunt, quoque hodie utuntur; Quod ad jus antiquum nostrorum hominum attinet, ante Angliæ conquestum (qui in tempora Malcolmii cognomento Canmori incidit) nullo jure scripto (quod sciam) usi sumus, in controversiis secandis, patrios tantum mores & consuetudinem sequentes; nempe ut quindecim-virali vicinorum & parium sacramento, tam ipsius causæ æquitas, quam facti veritas permitteretur; solebant enim tum, si quid inter nobiles aut vicinos controversum occurreret, septem, novem, undecem, decem & tres, sæpissime quindecim, aliquando & septemdecem, semper autem in numero impari, qui de causa judicarent seligere, & eorum religioni controversiam credere; qui collatis inter se utriusque partis rationibus, quid faciendum, cernebant; in quo ordinem juris feudalis, quo primi Feudorum constitutores usi sunt, nostri sunt sequuti.

Superest ut de eo jure quo nostri hodie uti solent aliqua dicamus, ut intelligant juniores, quorum studia hoc opusculo promovere cupio, quoties in salebras inciderint quo sit recurrendum, & primo ex jure Civili constat juris nomen esse multiplex multisque modis dici Aliud enim est jus naturale, aliud gentium, aliud Civile: Jus autem naturale in duplici significatione usurpatur; aliud enim est commune omnium animantium, quod natura omnia animantia docuit, veluti conjunctionis appetitus, prolis procreatio, sui & prolis tuitio, vim vi repellere; nam & hæc omnia tam brutorum, quam Piscium, & volucrum, etiam & reptilium sunt communia, ut ad suæ speciei conservationem enitantur; Aliud est jus naturale quod natura omnes homines docuit, quod æque à Judæis, Turcis, & ipsis etiam Paganis observatur; ut deum timere & supra omnia venerari, quæ bona sunt amplecti, scelera & Crimina damnare & coercere, vim vi incontinenti repellere, se suæ quoquo modo ab Injustis inavisoribus defendere, tranquille & modeste cum aliis vivere. Jus suum cuique tribuere, nemini injuriam inferre, neminem lacerare, quæ omnia ex illa generali & naturali ratione procedunt, ut alteri nemo faciat, quod sibi fieri non vult; & huic juri sive in judicando, sive in faciendo sive contrahendo semper primæ partes tribuendæ sunt.

Diciturque hoc jus naturale bonum & æquum ab ingenta in nobis hujus juris ratione sive æquitate, exempli causa, Cædes jure divino, Civili, & municipali damnatur, & punitur;

At

\* Holinshead.  
lib. i præfa-  
tionis Bri-  
tannia.

\* In Heu-  
tanim.

Quo jure  
hodie Scoti  
reguntur.

De jure na-  
turali &  
ejus duplici  
significati-  
one.

At si quis se defendendo cum moderamine inculpatae tutelae, quempiam aggressorem interfecerit, liberandus : fur capite luit, sed si edulia aliena necessitate coactus assumpserit, cum aliunde quo se aleret habere nequeat, absolvendus; adeo ut contra hoc jus neque statutum regni, neque praescriptio vel longissimi temporis, neque consuetudo locum habeat.

*De jure Gentium.*

Aliud est jus quod Gentium dicitur, quod post ingenitam à natura nobis æqui & boni rationem & cognitionem, observandum præcipue est : Ex hoc jure Gentium cum res repetita non redderentur, bella, manumissiones, legationes, induciæ promanarunt ; quodque omnes gentes observant, etiam & apud nos valere debet, non obstante quocunque jure Civili vel municipali ; sic & juris Gentium sunt Emptiones, venditiones, locationes, permutationes, quique præscriptis verbis, & reliqui omnes tam nominati quam non nominati contractus, in quibus ex verbis conventionum & pactis interpositis jus sumitur, quidque faciendum aut dandum, quid non faciendum aut non dandum apud omnes fere gentes æquè observatur ; sic hoc jus gentium cum exteris omnino servandum, non obstante quocunque Regni statuto : inter cives, locum habet, nisi lex aut statutum speciale obstat.

*De jure municipali sive nostro Civili.*

Tertium est jus proprium sive Civile cujusque Gentis ; Nam jus Romanum, quod proprium & Civile Romanorum prius erat, hodie tamen jus proprium Romanorum dici non potest, cum alix etiam gentes eo jure utantur, Civilis tamen juris nomen retinuit. Itaque post illud jus naturale, & quod hodie omnium gentium pene est commune, quoties aliqua difficultas, & gravior controversia inciderit, ad jus nostrum scriptum, si quod sit, primo recurrendum ; id vere nostrum jus est, quale est illud quod ex trium Regni ordinum constitutionibus & statutis, accedente principis consensu, promanat, & hoc jus Regni proprium est ; Et acta quæ dicuntur Parliamentorum primo investiganda, quoties difficultas aliqua occurrat, ut nuper in jure Anglorum diximus ; In his quid faciendum, quid fugiendum primo inquirendum ; neque enim præter ea, apud nos ullum jus scriptum certum & stabile habemus ; Sed profectò non ea Religione, hæc apud nos servantur, quæ apud Anglos, ubi nemo actum Parliamenti etiam longa dissuetudine pene abolitum, nisi expressa postera constitutione antiquatum, unquam violavit impune ; Apud nos quædam omnino in dissuetudinem abierunt, veluti ne liceat, cuiquam inter festa Simonis & Petri, & purificationem virginis navigare ; ne ludo pilæ majoris se exerceat ; de vestibus advocatorum in Parliamentis, & pleræque similes ; quædam non in totum sed pro majori parte antiquata sunt, quale est illud, de nullitatibus per exceptionem recipiendis ; quod tantum in Causis Regiis, & quæ circa ejus patrimonium versantur locum habet ; quædam etiam si locum habeant, ita senatus sibi subjecit, ut interpretatione quo velint deducant, quale est illud de instrumentis, ne in rebus hæreditariis sive gravibus controversiis locum habeant, nisi duorum notariorum testimonio & signis confirmentur : Nam quæ Res magnæ, quæ graves controversiæ dicantur, sibi senatus judicium reservavit ; in quo etiam sæpe variatum vidi : præter ea statuta jus scriptum Apud nos stabile & certum nullum est, ex quo veluti fundamento decisiones, causarum colligi, & ad consequentiam trahi possunt ; Nam de iis statutis, quæ à principe, & suo consilio secretiori publicantur, si de capite, hæreditate, aut omnibus fortunis alicujus sit quaestio, sæpe à viris doctis, & rerum nostrarum peritis accepi, ea vim legum non habere, neque ex iis quemquam periculum vitæ, hæreditatis, aut omnium fortunarum subire posse.

Quid ergo dicet aliquis de statutis his, quæ in conventionibus statuum sive ordinum extra Parliamentum fiunt, ea ne vim legum obtinebunt ; neque ea puto parem cum actis Parliamenti vim habere, alioqui frustra Parliamentum indicerentur, si quod extra ea fieret, ejusdem esset roboris & firmitatis, licet non sim ignarus, & quæ hic fiebant, auctoritatem legum habere & pro legibus observari olim solita, præcipue cum Parliamentorum usus non erat, Nam tum conventiones hæ loco Parliamentorum erant.

*De libris qui Regiam majestatem inscribuntur.*

*\* L. 1. de orig. jurid.*

An autem juris proprii nomine comprehendam quatuor Libros qui sub nomine Majestatis Regiæ circumferuntur, aliosque Libros eis annexos quaeret aliquis ; Minime ego quidem ; Nam cum omne jus perfectum & omnibus suis partibus absolutum esse debeat \*, negari non potest jus hoc ex actis publicis regni purgandum & corrigendum esse viris doctis ; neque unquam auctoritatem juris vel edicto vel principali constitutione obtinuit ; Imo ut Calipinem nostratum omnium oculis & animis offusam, quaque misere hæcenus occæcati fuimus detergam, Assero nihil in eis libris contineri quod ad mores nostros sive usum nostrum forenssem conducatur, neque unquam scriptoris illius fuisse institutum, ut aut nostris hominibus prodesset, aut leges nobis præscriberet ; autor enim eorum librorum fuit Rannulphus

nulphus de Glanvilla comes Cestrie ut vult Balæus \*, qui tractatum de legibus & consuetudinibus Angliæ regnante Henrico 2. edidit. Regnare autem cœperat Henricus 2. anno domini 1154. hunc tractatum in tredecim libros partitus est, quem fortasse ab initio in quatuor tantum partes diviserat; hi sunt illi quatuor libri, qui nobis sub nomine Regiæ majestatis obruduntur, nam de verbo in verbum excerpti sunt & transcripti ex tredecim libris Ranulphi Comitis Cestrie, licet in quatuor redacti: aut si quis novus homo fuit, qui velut suos ostentavit, manifesti furti reum esse oportet; qui aliorum scrinia & opellas in publicis nostris nudinis exposuit vendendas, & ne quis fallatur, verba, phrasæ, sententiæ, totus denique textus ipsius Ranulphi est; nec furandi finem hic noster fecit, dum aliquid superesset, quod furaretur, ita omnes illos decem & tres libros in suos quatuor digessit, ut ne cæcum quidem latere possit: plura de his quatuor libris & de eis qui subsequuntur speciali opusculo post nostras has de feudis Lucubrationes exponam; sufficit hoc jam monuisse nullam auctoritatem eos libros habere, nihil unde causæ decisio quæri potest continere, & nunquam in foro pro authenticis consuetudinibus habendos; imo ne nominandos quidem; si quis aliter sentiat, postquam rationes nostras perlegerit, nemini vim faciam.

Sed ut ad jus proprium hujus Regni revertamur cogor ingenue fateri nullum pene Apud nos jus esse proprium scriptum (si strictè jus proprium accipiamus) nisi id quod acta Parliamentorum dicimus, Licet ea publicam regni politiam potius spectent, quam rerum privatarum decisiones, sunt tamen in iis multa quæ ad privatorum hominum causas dirimendas conducunt, Itaque quoties controversia de jure inciderit, primum videndum est, si quid in eis actis contineatur, & ad illud causæ determinatio accommodanda est, quasi ad jus Regni proprium.

Si quando vero jure proprio destituamur, tum rerum perpetuo sic judicatarum consuetudo observatur, quam nos *consuetudo* vocamus: Licet hujus consuetudinis prætextu gravissimè in judiciis peccetur; nemo autem est qui negare potest, quin consuetudo Apud omnes gentes juris nomen sibi vendicat, jusque moribus constitutum dicatur; Imo & prior jure scripto fuit ut antea monui: cum primum inter homines contracta fuit societas, nec adhuc Leges scriberentur, consuetudo & tacitus civium consensus omnes dirimebat controversias.

Secundus ergo locus in dirimendis causis consuetudini est, sed nunquam eam sequendam puto, quoties contra jus proprium scriptum producit, etiamsi sit antiquissima; nam ut in jure Pontificio habetur, tum potius vetustas erroris appellanda est, quam consuetudo, neque tamen negarem consuetudinem, juri scripto aliquando prævalere, sed tum jus scriptum de Romanis Legibus intelligendum est, & non de jure proprio cujusque Regni, & provinciæ, cui primas partes in omni negotio judicando semper tribuendas puto; quod si quid sit dubium aut ambiguum in jure proprio scripto, consuetudinem optimam esse juris interpretem, nemo est qui ambigat; denique in consuetudine alleganda, idem observandum puto, quod nos in testibus contractui aut obligationi insertis in foro servare solemus; nempe ut eorum testimoniis tantum credatur, quoties vel de mente contrahentium. aut de interpretatione ejus quod actum est dubitatio oritur; sed cum aliquid proponitur quod contractum ipsum aut obligationem evertat, vel quod ejus sensui manifestè repugnet, tum in eo casu testes licet insertos non solemus admittere; Itaque consuetudo legem non evertit, sed tantummodo interpretatur; & ab ea interpretatione in judiciis semel facta, non est temerè recedendum; quod si vel præter vel contra leges introducta fuerit, ut aliquando evenire solet, plures actus cum decem annorum spatio requiruntur. In consuetudine tamen hoc semper observandum, si contradictorio aliquando judicio sit firmata; Nam ex frequentia rerum eo modo judicatarum majorem aut minorem auctoritatem consuetudo capit. Præterea animadvertendum ne vel negligentia, vel imperitia, aut fortasse dolus advocatorum contravertentium occasionem consuetudini præbuerit, dum unam causam remissius agunt, ut majori præjudicetur, ut aliquando factum vidi; In jure tamen scripto & consuetudine hoc observandum, ut si vel jus, si vel expressa consuetudo defecerit, tum ad illud, quod proximum est si vel juri si vel consuetudini, sit recurrendum, præcipue si eadem ratione nitatur; Nam is qui jurisdictioni præest, si jus proprium & consuetudo defecerint, ad similia producere, & vel jurisdictione vel auctoritate supplere debet, præcipue si ad eandem utilitatem tendat, eademque concomitetur ratio; Neque illud puto negligendum quod in vicinis gentibus in tali specie observatur (si modo eodem jure utantur) & ad earum consuetudines

\* Lib. de  
Scriptoribus  
Britan.

Primus locus  
in Scotia  
tribuitur  
Actis Parli-  
amenti.

Secundus  
Consuetudi-  
ni.



consuetudines aliquando confugiendum, quoties jure proprio & consuetudine destituimur; si par sit utriusque Ratio, quæ anima Legis meritò dici solet.

*Juri feudali  
tertius.*

Quod si novus aliquis casus supervenerit, qui neque jure scripto, neque consuetudine comprehendatur, neque ex iis quæ diximus dirimi potest, & casus illius decisio in jure feudali reperiatur, præferendum jus feudale, & juri Pontificio & juri Romano; imo si exactè rem omnem æstimare velinus, hoc jus proprium hujus Regni dici potest (si latius juris proprii nomen extendamus) cum ex ejus scaturigine & fontibus omne jus, quo hodie utimur in foro, omnisque usus & praxis defluerit, & si quid dubii oriatur, origines semper repetendæ sunt, ut inde quod æquum est dignoscatur. Scio plerosque qui hæc legerint, offendi posse, sed peto ut judicium tantisper sustineant, dum quæ in hoc tractatu delineabuntur expendant; aut enim ego fallor, aut Apud aquos rerum æstimatores obtinebo, nullum aliud esse jus proprium in materia successionis hæreditariæ, sive in acquisitione hæreditatis novæ, quam nos Conquæstum dicimus, sive in amissione, præter hoc feudale: licet non negem nonnulla esse pro ratione locorum & temporum immutata, & ob hoc jus ipsum Feudorum dicitur locale, quod pro locorum varietate varias etiam recipiat interpretationes & consuetudines, ut postea elucescet.

Sit igitur hæc generalis regula, ut primus juri scripto locus in causarum decisionibus sit, secundus consuetudini, & hoc ex ipso jure feudali; Nam cum feudalia jura sunt localia, & pro locorum varietate varientur, meritò secundum locum, consuetudo Regionis cujusque obtinebit; Post consuetudinem tertium locum juri feudali scripto tribuimus.

*Juri Civili  
quartus.*

Si neque ex actis Parliamentorum, neque consuetudine judiciali, neque jure feudali, quid sit faciendum in quavis quæstione occurrat, ad jus Civile recurrendum est; Nam jus Civile hominum societatem respicit, & quomodo in repub. seu communi societate civium ex æquo & bono res administratur, docet; cujus juris maximus usus, & omnibus seculis & Apud omnes gentes fuit; & licet singulæ gentes formulas suas judiciorum usurparint, tamen hoc jus Civile omnibus negotiis & circa res omnes ita diffunditur, ut nulla ferè quæstio, nulla facti species occurrat, in qua ejus singularis usus non sit manifestus; Et in foro nostro si quid arduum, si quid difficile interveniat, ex jure Civili ejus solutio petenda est; si tamen in aliquibus, per jus Canonicum sive Pontificium sit innovatum (& sunt qui ea omnia collegerunt in quibus jus Canonicum à Civili dissentit) in eis jus Pontificium à nostris præfertur, præcipue ubi Ecclesiæ administratio vel scandalum (ut Canonistæ loquuntur) ubi animæ periculum versatur. Et hæc de Origine & incrementis juris feudalis, quoque modo per Europam propagatum sit, dicta sufficiant. Sed nimium diu expatiati sumus; ad Feudorum itaque naturam inquirendam, ejusque etymologiam & definitionem ante alia investigandam revertamur.

## De Etymologia feudi ejusque definitione.

*Diegesis nona.*

**D**efinitioni feudi ejus etymologia præponenda, ut quæ medium inter Originem, & definitionem Locum teneat; utque illa posterior, sic & hæc prior, & quasi altera sit feudi definitio; Baldus eam vocat resolutionem vocis in proprium effectum rei, quæ demonstratur; sanè Cicero in Academicis verborum explicationem probat, Cum qua de Causa, quæque essent ita nominata explicatur, quam etymologiam sive notationem appellat, quia notam facit rem de qua prædicatur; Varro etymon vocat. Utcumque est, putant doctores in jure ab etymologia rectè argumentationem deduci; sic tугurium & togam veteres dixerunt à tegendo, tutorem quod pupillum tueatur, testamentum quod sit testatio mentis de eo quod quis post mortem suam fieri velit; Ego sanè cum Baldo probabile argumentum ab etymologia posse sumi puto, maxime in odiosis & iis quæ sunt stricti juris, neque tamen per se satis validum, nisi aliis adminiculis sustineatur.

*aria feudali  
Etymologia.*

Sed ut ad feudi etymologiam veniamus frustra in ea mihi elaborandum putarem, Cum de re constet, nisi non parvam de ea inter feudistas controversiam esse sciam; sunt qui putant à foedere deduci, & idem esse feudum quod foedum sive foedus (in qua opinione est Isidorus)

Isidorus) eamque etymologiam à Britannis adhuc retineri, quia feudum per (eo) scribunt: sane à foedere deduci feudum, si significationem spectemus, non incommode potest; est enim quasi foedus inter dominum & vassallum, quo mutuis vinculis ita inter se alstringuntur, ut qui contra foedus fecerit, omni jure quod in feudo sive beneficio habet privetur, dominio nempe directo, si dominus sit; utili, si vassallus; Alii à fide deductum putant, & iis ipse textus patrocinatur; Nam licet fides in omnibus contractibus requiratur, hic tamen maxime, cum dominus se, rem suam, bona, dignitatem & honorem fidei vassalli concedit, cumque rursus vassallus se & sua omnia fidei domini permittit, sitque fides prima instituendi beneficii sive feudi causa; infidelitas autem, sola feudi privationis, tam in domino quam in vassallo, nempe si fides alteri ab alterutro violata fuerit; & proinde nihil in his libris tractari nisi de fide & fidelitate, de juramento fidelitatis, & ejus capitibus observandis; Alii à voce faida, sive feida, quæ Germanicè privatas inimicitias significat, derivari putant; hæc vox cum sua significatione nunquam satis deplorata, à Germanis sive Saxonibus ad nos contagione quadam pervenit, unde voces diffidare, & faidam levare, quod nihil aliud est, quam privatas inimicitias denunciare, faidam autem levare pro inimicitias tales sustinere; unde foemina in feudum succedere jure feudali non permittuntur, quia faidam levare non possunt, idest ad inimicitias sustinendas non sufficiunt; & antea monui apud Boreales gentes, inter principes, inimicitias magnas intercedere solitas, quas ut possent melius & pro dignitate sustinere, patrimonialia prædia beneficii loco in feudum sæpe dabant. Sunt qui & feudum à fundo deducunt, quasi fundum beneficii loco concessum, qui nihil aliud est propriè nisi feudum. Nam liquidæ literæ sæpe in dialectis eliduntur, sic quæ latinè insulæ, Isolæ Italicè & Germanicè dicuntur, & ita substractio literæ frequens est, ut illud Virgilii.

-----*Matrisque vocavit*  
*Nomine, Casmilla mutilata parte, Camillam.*

Quod præcipuè locum obtinuit post latinæ linguæ corruptionem; Alii à sex literis initialibus jurisjurandi feudum dictum volunt, cujus sacramenti hæc erat forma. Fidelis ero ubique domino vero meo, quarum sex vocum initiales literæ sunt. f. e. u. d. u. m. Ego sane feudi vocem non esse derivatam, sed primitivam sive primigeniam puto, & à Borealibus gentibus usurpatam, pro mercede, quæ pro alimentis dabatur; & ab ipsis Insulubus receptam & retentam auguror, His præcipue rationibus adductus, quod ex prima institutione ut dixi, feudum nihil aliud erat, nisi beneficium aut merces, quæ pro opera ut plurimum militari debebatur, & dabatur, & ut vassalli haberent unde alerentur; In ipso jure feudali feudum pro mercede, sive pensione sæpe sumitur, sic pensiones quæ de Camera sive Cavena sumuntur, feuda dicuntur; sic & feuda Guardie & Castaldie, nihil aliud sunt quam mercedes, quæ pro Guardia, sive Custodia, & Castaldia, pro officio curationis rerum domini debentur, ut postea dicemus; Sic apud veteres rerum francicarum scriptores, & alios, in feudo esse, pro feudo dari, & nomine feudi habere, nihil aliud est, quam pro mercede, ob mercedem & nomine mercedis habere; Inde Gallica vox (feaux) quasi feudalis, nos (feallis) dicimus, qui certam mercedem pro servitio habent; Et apud nos in omnibus Scaccarii libris, Cancellario, thesaurario, justiciario, & aliis coronæ officiariis summæ pro suo cuique feudo, idest, mercede assignantur; sic & principi fæcialium, quem nos, leonem armorum regem dicimus, Prædium illud, quod Luthery dicitur, pro feudo assignatur; quod tamen ad hæredes non transit, sed ad officii successores, sic ejus fratribus (quos heraldos dicimus) suæ cuique sunt feuda; quod etiam juri comuni Feudorum convenit. in quo advocationis, & cancellariatus frequens est mentio, & de eorum feudo sive mercede; Immo in rerum mobilium subhastatione seu licitatione (nos appreciationem dicimus) vicecomiti, sive apparitori, qui vicecomitis partes supplet (nos vicecomitem in hac parte dicere solemus) vigesima pars rerum sub hasta venditarum pro feudo suo assignari solet; si quis aliud de hujus vocis derivatione senserit, per me licebit.

Sequitur ut definitionem feudi apponamus, sed feudi vox est homonyma; aliquando enim sumitur pro ipsa re sive prædio in feudum concessio, unde phrasæ hæc in feudum succedere, feudum ad hæredes pertinere, feudum domino aperiri, vassallum à feudo cadere, si controversia fuerit de feudo, in feudi esse possessione, de feudo investire, & similia, quæ passim hoc libro occurrunt; aliquando pro ipso contractu feudali idest pro ipsa concessione & dispositione prædii in feudum; in quo significato in hac definitione à nobis usurpabitur, pro ut in ipso textu, & ab omnibus interpretibus sapissimè;

*Omnis definitio in jure periculosa.*

fumitur ; Scio Cujacio, Schonero, & novitiis interpretibus utrumque hoc displicere, qui neque feudum contractum, neque rem ipsam dici volunt, sed rei tantum usum fructum : ego veteres interpretes sequi malo, quoniam hæc significationes usui nostro magis conveniunt. Omnis definitio in jure periculosa est, ut vult Javolenus, quod licet glossa intelligat de Regula juris Civilis, quam periculofam vocat, accedo tamen ad sententiam Decii, qui illam propositionem non de Regula, sed de definitione, qua Philosophi utuntur, intelligit, Ratio, quia difficillimum in jure sit rei definitæ essentiale Genus in multis invenire ; exemplum tamen veræ definitionis habemus in testamento, quod Ulpianus definit esse, voluntatis nostræ justam sententiam, de eo quod quis post mortem suam fieri velit ; quam definitionem ut omnibus suis membris absolutam, tuetur aperte Bartolus ; Sane si quæ definitio in jure periculosa est, in nostro proposito Locum habet hæc propositio vel maxime, dum alii feudum per dominium utile, alii per usumfructum, alii per beneficium definiunt, neque acrius unquam Trojani cum Gracis pro corpore Achillis à Paride interfecti dimicant, quam de genere hujus definiti recentiores cum antiquioribus contravertunt ; ego vero ut neutri parti præjudicium afferam, eam definitionem hic feudi proponam, quæ maximè nostris moribus, & usui forensi convenit ; ita tamen ut priorum controversias, quasi inanes Logomachias, cum in re ipsa conveniant, conciliari per me facile posse sperem.

*Feudi definitio.*

Est ergo feudum beneficium seu benevola & libera Rei Immobilis aut æquipollentis concessio, cum utilis domini translatione, retenta proprietate seu dominio directo sub fidelitate & exhibitione servitiorum honestorum. Hac Zafii est definitio quem sequitur Rebuffus, Molineus, & sanior interpretum pars, imo Franciscus Curtius hanc definitionem cum definito converti posse putat ; Eam per partes primo explicabo, post ad ea quæ obijciuntur à recentioribus diluenda locus erit planissimus.

*Quod feudum sit beneficium libere concessum.*

Primo igitur dicitur feudum Beneficium seu benevola, & libera concessio : feudum enim antiquitus neque pecunia interveniente ( ut hodie in feudis emptis fieri solet ) neque sub pretextu Canonis, & annuæ mercedis ( ut in emphyteosi ) sed ex mera & gratuita domini liberalitate constituebatur ; & ut textus loquitur, tantum ex amore & honore acquirendum est feudum ; gratis enim & libere debent feuda concedi, nullius mercedis interventu ; & quæ aliter acquiruntur, ea novas condiciones ex voluntate paciscentium accipiunt & feuda conditionata dicuntur, Hottomannus non ineleganti vocabulo vocat feudastra idest semifeuda, quod à vera feudi natura degenerent ; & licet feuda aliter hodie compareantur interveniente sapissime pretio, aut alia re pro pretio, denominatio tamen sit, ab eo quod pravalet, ut plurimum evenire solet, ut sit liberalis donatio sive munificentia ; & quanquam pretio interveniente, tamen justum pretium nunquam numerasse præsumitur, qui se fidelitatis & obsequii vinculo alii astringit ; vinculum enim hoc obsequii, pro parte pretii est ; Itaque feudum liberam & gratuitam donationem definimus, ad illud quod fieri debet, & aliqui fieri solum erat, attendentes, non ad id quod in hoc corrupto seculo apud degeneres homines in usu frequenti videmus ; Et in feudis à principe concessis etiam hodie patet ; Licet enim interveniente pecunia ( ut fit sæpe ) feudum princeps alicui concedat, ex sola tamen liberalitate & munificentia concedere se significat, aliqui si aliis verbis utatur, aut mentionem acceptæ pecuniæ faciat, non esse verum feudum Baldus putat. Additum in definitione ( Rei immobilis ) quia propriè in rebus immobilibus feudum constituitur ; ratio est, quia in feudo directum dominium semper retinetur ; quod si Rei mobilis utile dominium concedatur ( quale in feudo necesse est ) fructus ad fructuarium necessariò pertinebunt, nec tamen fructus provenire possunt nisi ex usu, Itaque res mobilis quæ in feudum conceditur, aut utendo consumitur, aut non ; priori casu feudum interit, fieri enim non potest, quin res quæ in continuo usu est, continuè utendo non consumatur, & ita suo directo dominio dominus sine sua culpa etiam ignorans, & invitus privabitur ; At si res hæc mobilis usu non consumatur, sed servando servari possit, nullum commodum ad vassallum pertinebit, raræ enim sunt utilitates ex re mobili, quæ non utimur, rariores, rerum quæ utendo non intereunt ; itaque rectè feudum in immobilibus consistere diximus, cum ex iis propriè utilitates & fructus qui vassallo debentur pro mercede, proveniant ; Res autem immobiles dicuntur, res soli, quales sunt prædia, fundi, aræ, horti lacus, stagna, & quæcunque sunt solo coherentia, ut castra, tabulata, & si quæ sint ita affixa ut partem in fundo faciant ; Scio plerosque magnæ autoritatis viros feudum aliquando rerum mobilium constituere, ad exemplum ususfructus earum rerum quæ utendo consumuntur, nempe ut fructus & commoda ad vassallum pertineant, proprietates apud dominum remaneant, si quando vassallus à feudo caderet, sed in hoc



hoc casu, proprietas non est ejusdem individui, ut loqui solemus, sed ejusdem generis tantum & speciei, ut pro feudo animalium, frumenti, olei, vini, pecuniæ, tot capita, seu tot mensura, & ejusdem valoris restituantur, & ut recte Cujacius, propriè is non est usufructus, neque enim naturalis ratio auctoritate Senatusconsulti mutari potest; Ita nos in hac specie propriè dicemus, rei mobilis feudum constitui non posse, sed quasi feudum. At moribus nostris neque quasi feudum recte dici potest, Nam licet tales pactiones apud nos sint frequentes, ut pro pecuniæ usu, aliqua sive pecuniæ portio sive frumenti mensura præstetur, nemo tamen eas nomine feudi dignatur, neque is cui debentur decedens in feudo illius pecuniæ obisse dici potest; hæc autem de feudo rei mobilis ita intelligenda sunt, ut Res mobiles per se in feudum dari non possint omnino, Sed cum Re immobili & fundo recte possunt: Sed & adscriptitii Coloni sive servi, & instrumenta fundi tempore Cæsaris, & hodie ea bona (quæ vulgo steilbow guides dicimus) recte cum prædio in feudum dari possunt.

Sequitur in definitione clausula, (vel Rei æquipollentis immobili vel quasi immobilis) nempe quæ rei immobilis loco habeatur, sic apud Jurisconsultos possessionis nomine, quasi possessio; domini nomine, quasi dominium sæpe comprehenditur; hæc autem clausula adjecta est propter vectigalia, jurisdictiones, annuos proventus, custodias castrorum, sive loci alicujus, pensiones, sportulas, operas servientium, quales sunt messorum, vel aliorum molis sive molendinis servientium, exactiones, nam & hæc inter res immobiles enumerantur, & ex eis fructus colligi possunt, licet propriè loquendo non sint res, sed jura tantum incorporalia, & tamen feudum in his rectè constituitur, & quasi sunt partes feudi.

Adjectum in definitione, quod sit (translatio domini utilis retento dominio directo) ad cuius clausulæ intellectum, nonnulla de dominio præmittenda, & quomodo in jure dividatur; Maxima est hujus vocis homonymia ut recte notat Bartolus, aliquando accipitur pro dominio pleno, aliquando pro nuda proprietate, detracto usufructu, aliquando pro usufructu simplici, aliquando etiam pro usu; sic & usufructuarius dominus dicitur in jure; sic & maritus dominus dicitur rei dotalis, & hæredi etiam nomen domini vivente patre aliquando attribuitur. Propriè tamen dominium in jure dicitur, proprietas rei, Nam cum dominium ad dominum habet relationem, qui dominus est, se dominium habere rectè dicit; Dominus autem in jure definitur qui proprietatem Rei habet, Bartolus tamen dominium aliter definit, nempe jus esse de re corporali perfectè disponendi, nisi quis à lege vel iudice prohibeatur sic (Meum) definitur in jure, Id cuius nulla pars alterius dici potest: Itaque quod in cuiusque ita est potestate, ut nulla pars alterius dici possit, id in ejus dominio esse rectè dicimus, & sic in solidum unius rei domini plures esse non possunt, quid sit in solidum esse dominum mox dicemus: Dominium itaque propriè capiendū à Bartolo & doctoribus melioris notæ fere omnibus, dividitur in directum & utile; sunt qui quasi dominium pro tertio membro adjiciant, sed quia in hoc instituto nullus ei est locus, præterire malui, relicta tantum domini dichotomia. Hanc divisionem domini Cujacius & recentiores quique acerrimè oppugnant, simplex tantum & unicum dominium in jure, asserentes, nullum utile; quod ex ipso textu sit probant, Cum Paulus eos qui in perpetuum fundum fruendum conduxerunt, actionem habere dicat jure, licet domini non efficiantur; Itaque si emphyteuta dominus non sit, licet actionem habeat; perfectò illud utile dominium, si non in emphyteuta, in nullius certè persona potest consistere; & leges naturaque ipsa repugnare videntur, ut duo in solidum unius rei sint domini, idest dominus directus, & vassallus, sive sit feudatarius, sive emphyteuta; Et hæc est causa cur feudum potius definiant esse usum fructum tantum rei alienæ, ne dominium utile quovis modo agnoscere videantur; quod si quis objiciat usumfructum morte usufructuarii interiri, cum tamen feudum in hæredes continetur, suam & illi comminiscuntur divisionem usufructus, ut quidam usufructus sit personalis, qui cum persona usufructuarii extinguitur; alius qui in hæredem defuncti pacto vel conventionione transeat, & ex eo genere usufructus, est feudum; convenire enim posse ajunt vel pacto vel testamento ut usufructus apud hæredes usufructuarii perpetuo remaneat, talesque conventiones tempore Justiniani fuisse frequentes; Sed Justinianum dubitationes antiquorum temperasse de hac questione satis constat; Nam quoties convenit ut usufructus in hæredem transeat, rem ita temperandam statuit, ut ad primum hæredem coarctetur & non amplius; ut quod sua natura non esset transmissibile, in persona primi hæredis finitur, quod & etiam apud nos observatur: Nam locationes & rentalia quæ vocamus, licet conveniat, ut in hæredes perpetuo continuentur (quod in occidentalibus hujus regni parti-

*Quid sit dominium;*  
*Quid dominus.*

*Recentiorum rationes cur feudum sit tantum usufructus & non dominium utile.*

bus frequens est) in persona tamen primi heredis deficiunt, & extinguuntur, cum sine fasina ex pacto continuari non possint; quod & annotandum quam maxime puto, ne quis rentalia vel locationes ea lege factas, ut in hæredes perpetuentur, ultra personam primi hæredis continuari putet, licet verba ipsa aliud innuere videantur; Nam ut Bartolus ibidem doctissimè concludit, appellatio hæredis relata ad id quod sua natura non est transmissibile, in persona primi hæredis finitur. Verum (ait Cujacius) quod Justinianus suis temporibus negaverat, postea tamen moribus receptum, Convenire enim potest, ut & usufructus ad hæredes perpetuo, & in infinitum transeat: Itaque feudum definiri per usum fructum, sed perpetuum recte posse; & huic opinioni videtur favere textus ipse, cum beneficium (sub quo nomine feudum contineri nemini dubium est) definit illud esse, quod ita alicui datur, ut proprietates rei immobilis beneficiatæ penes dantem permaneat, usufructus autem illius rei ad eum cui datur, & ad ejus hæredes in perpetuum transeat, sub conditione servitii, sive nominati, sive innominati; & alibi dicitur, possessionem beneficii ad eum qui feudum accipit pertinere, proprietatem vero ad dominum; proinde concludit Cujacius, & alii ejusdem factionis recentiores, Hanc divisionem dominii in directum & utile jure veteri Romanorum incognitam, nostris feudorum scriptoribus contrariam, & à veteribus interpretibus seu doctoribus confictam, & proinde omnino esse rejiciendam; Præterea in multis feudum cum usufructu convenire, & ejusdem esse naturæ pene cum feudo, cum neque deteriolem feudi conditionem feudatarius facere possit, neque usufructuarius proprietatis. Hac recentiores pro confirmatione opinionis suæ adducunt, meliusque feudum definiri per usufructum putant, cum usufructus sit potius genus definiti, quam dominium utile, ut à recentioribus traditur: Solus ex recentioribus quos legi, Hottomannus hanc distinctionem dominii in directum & utile probat, licet veteribus jurisconsultis incognitam, tamen ab illorum consuetudine & nominum distinctionibus non abhorrentem; ut illud dominium dicatur directum, cujus nomine directa; utile, cujus nomine utilis actio competit; utiles enim actiones in jure dicuntur, quæ utilitatis communis causa, contra juris summi rationem comparatæ sunt; Ego sane Hottomanni opinionem sequutus doctrinam veterem retinendam puto: viz. ex omni contractu, præter directum, posse acquiri utile dominium, vel utilem actionem: Rationes quibus adducor hæc sunt, primum quia datur vassallo utilis actio pro ipso feudo, uti aperte textus utilem actionem ei concedit; secundo quod alio loco ipse textus hanc ei potestatem det, ut a quolibet possidente possit vendicare, & defensiones ipsius feudi nomine suscipere; Tertio quod loquendi modus apud nos receptus ab illa altera forma planè abhorreat; Quis enim Rollonem ducem Normanniæ, cum in Normanniæ nomine feudi investitus fuit à Carolo, simplicem tantum usufructum accepisse dicitur? aut præsentem ducem Saxoniam, Marchionem Brandeburgensem, Palatinum comitem, tantum esse usufructuarios suarum ditiorum? Nostri sane insanirent, si eos non esse dominos suorum prædiorum, sed tantum usufructuarios diceremus; Accedit & illud, quod si tantum essent usufructuarii, nec alium subinfeudare possent, nec usufructum suis conjugibus, aut aliis constituere; Cum usufructuarius, alium usufructuarius facere non possit; neque usufructus ex jure Communi sit transmissibilis; neque curialitas apud nos (de qua postea) locus esset, si feudum idem sit quod usufructus, cum Curialitas sit tantum usufructus à lege constitutus, & sic duo usufructus ejusdem essent individui, unus à domino constitutus, alter à lege: Neque ex persona vassalli decedentis nasci poterat talis usufructus.

*In quibus  
feudum cum  
usufructu  
conveniat.*

*De dominio  
directo &  
utili.*

*Actiones di-  
viduntur in  
directas &  
utiles.*

Præterea cum in toto jure actiones dividantur in utiles & directas, & servitutum aliarum directarum, aliarum utiles sunt, & is cui restituitur hæreditas, quodammodo sit hæres, ut ait Paulus, quod nihil aliud est, quam ut dominium utile hæreditatis ad eum transeat, cur non & dominium duplex ad horum exemplum dicere possumus, scilicet directum & utile, nempe ut directum sit apud dantem, utile apud accipientem; præsertim cum possessio quæ ex adverso proprietati respondet duplex sit, Naturalis & Civilis, Naturalis apud eum qui naturaliter possidet, Civilis apud eum cujus nomine possidetur. Ad ejus similitudinem cur non duplicem proprietatem aut duplex dominium asserere possumus nescio: veteres enim eam distinctionem introduxerunt qui ne expesso quidem textu desitui videantur, legem adducunt ex libro undecimo Cod. ubi emphyteuta speciatim & expressè de miris dicitur, licet qui concedit emphyteusim dominus remaneat. Sunt ergo duo domini, cum emphyteuta qui accipit dominus dicatur, licet qui concedit emphyteusim dominus remaneat: Quod ut facilius intelligatur, veteres unius & ejusdem rei duplex esse de miris voluerunt, scilicet utile & directum, sed diverso respectu; utrumque tamen finitum, & suis finibus inclusum, & limitatum,

tum, tam in persona domini quam vassalli. Quod autem ex textu allegatur, beneficium per usufructum definiri, id solvunt, quod beneficium ibi definiatur ex Senecæ sententia (cujus temporis feuda non erant) & non feudum; proprietatemque manere apud dominum concedunt, Ita tamen ut utilis aliqua proprietas transeat ad accipientem; atque hæc sunt causæ cur ad veterum opinionem accedam, de divisione domini in directum & utile, eamque retinendam putem; Nam quod recentiores objiciunt, eam sine ulla ratione à veteribus fuisse confictam, Respondeo & eos in idem vitium, quod aliis objiciunt incidere, cum & ipsi, ad objecta dum respondere non possent, ad suas etiam distinctiones confugiant; Cum natura hæc sit usufructus, ut morte usufructuarii finiatur, neque id feudi naturæ convenire posse vident cum in hæredes transeat: aliam divisionem usufructus sed minori cum ratione comminiscuntur, nempe ut alius sit usufructus personalis, alius perpetuus; quæ sanè distinctio magis cum textu pugnare videtur, quam illa veterum de dominio directo & utili, Inventæ sane sunt distinctiones sive in jure, sive in Philosophia, sive in Theologia ut facilius res sub intellectum cadant, & responsum salebræ differentes concilientur, utcumque est, in vocibus multum, in re parum inter has opiniones differentia est: Nam si verum quod Cicero ait, Id proprium cujusque esse quo quis uti & frui potest; frui autem dicitur is, qui vel dominus vel quasi dominus, fructus vel obventiones perpetuo aut pro tempore percipit; Immo & in ipso jure, aliquando usufructus pro dominio habetur, aliquando pars ipsius domini reputatur; nihil pene interest, utrum vassallum usufructuarium cum recentioribus dicamus, an vero veterum distinctionem sequuti, proprietarium, sed talem qui alium priorem in proprietate agnoscat, cum utriusque idem sit effectus, proprium enim veteres pro diuturno dixerunt.

Quare inventa sunt distinctiones.

-----Nimium Romana Propago  
Visa potens superis, propria hæc si dona fuissent.

Virg. Æneid. 6.

Sic Plautus amatorem proprium, pro perpetuo frequentissime adducit, Itaque in feudo sive utile dominium tantum transire dicamus, sive usufructum, sed perpetuum; In nomine aliquid, in re nihil est differentia. Nostri ut hos nodos evitent, modestius & fortasse significantius, dominum directum superiorem vocant, vassallum vero tenentem; licet tenentis nomen latius quam vassalli extendatur; sed cum in materia feudali quæstio est, pro vassallo tantum sumitur. Ex his patet retinendam esse priorem feudi definitionem, quæ à nobis proposita est, quam etiam in hoc tractatu sequi statui, non tantum quod saniori doctorum parti placeat, sed quod nostris moribus magis conveniat, Nam nisi, translationem utilis domini in vassallum concedamus, innumeræ ut dixi in nostra praxi difficultates orientur.

Quæri autem potest, Si in feudo duplex sit dominium, & antea feuda vectigalium, servitutum, jurisdictionum, pensionum, & annuorum proventuum constitui posse diximus, quæ res non sunt corporales, sed jura tantum, quorum dominium nullum proprie potest esse, quomodo hæc inter se conveniant, cum neque dominus directus horum feudorum esse potest, neque utilis? hæc quæstio à Baldo in præfatione feudorum proponitur, & ejus solutio ab eo petenda est, nempe loco directi domini directa actio succedit, & loco utilis domini utilis actio, quæ datur feudatario contra debitorem horum annuorum reddituum, sive præstationum; multi etiam in ea sunt opinione, hæc jura quæ memoravimus, inter mobilia numerari.

Redeo ad definitionem, in qua sequitur clausula (sub fidelitate) quæ nihil aliud est quam tutela feudalitatis, qua dominus & vassallus invicem, sed præcipue vassallus, ad mutuam fidem obligantur; fidelitas enim non solum vinculum est feudi sed vera ejus essentia, sine qua nullum feudum subsistere possit, adeo ut fidelitas ipsa ne pacto quidem remitti potest, alioqui in aliam contractus speciem transit, nempe in allodium, sed de allodio & fidelitate mox plura subjiciemus.

Sub fidelitate.

Diximus (sub exhibitione servitiorum honestorum) Nam licet vassallus inservire domino semper teneatur, alioqui feudum dici non meretur, sed potius donatio seu allodium, non tamen nisi ad honesta servitia tenetur, imo nec servus domino, nec filius patri, nec civis rectori suo in turpibus parere debet; In factis tamen non atrocibus, si servus aut vassallus domino, aut filius patri, aut civis Magistratui parverit, in jure Civili excusatur, jure Canonico non item, sed de his postea.

Sub exhibitione servitiorum honestorum.

Quod autem de servitiis diximus, de servitiis incertis & personalibus intelligendum; Nam



Nam cum feudum tantum ob unum & certum servitium datur, proprie feudum non est, ut infra dicemus: neque si servitus sit realis, i. e. si servitus uni pradio ex altero debeatur; Nam tales servitutes in feudis non spectantur; vassallus enim militares operas domino debet, idest ut cum armis & equis ad domini imperium quoties mandaverit paratus sit; Sunt qui definitioni apponendam vocem (Perpetuo) putant, quasi feudum esset perpetua & benevola concessio; Et sane feudum jure nostro perpetuum esse solet, neque feudi nomen convenit ulli, cui non hæreditatis; nisi quis dicat conjuges in conjuncto feudo esse, aut usum fructum conjugum concessum genus esse feudi: Ego sane ab hac voce (Perpetuo) consulto abstinui, cum sciam alia feuda esse vitalia, alia temporalia, alia annalia, ut in divisione Feudorum postea apparebit.

Hæc autem feudi definitio quam per partes explicavimus antiquis apud nos feudis maxime convenit; quoque feudum antiquius eo magis definitioni consentit; Nam antiquitus apud nos feuda ex mera dominorum liberalitate concedebantur, propter operam in bello vel præstitam, vel præstandam; translationemque domini utilis, retento dominio directo, (unde vassallus moriens obiisse vestitus & fasitus ut de feudo dicebatur,) fidemque vassalli obstrictam domino cum aliqua recognitione domini, idest aliquo, testificanda gratia causa, obsequio continebant. Post senescentibus seculis, cum in pretio tantum pretium haberetur, militares operæ negligi cœperunt, & Martia illa feudi natura inquinata, & corrupta est; ut hodie feudum in feudo vix agnoscamus, & hoc Feudorum senium dici potest, prout singulas ejus ætates antea enumeravimus; Nam cum feuda cœperunt ex pactis conventis legem accipere, cumque attentiores domini ad rem faciendam progressu temporis facti essent, etiam in emphyteosin prædia dabantur, sub annuo censu, præteritis servitiis.

Hæc ut planiora omnibus fiant, tria in definitione feudi sunt ponderanda, quædam enim sunt Feudorum omnium essentialia, quædam naturalia, quædam accidentalia. Essentialia vero sunt ea, sine quibus in feudo ipso, sive dispositione feudi expressis, ipsa dispositio feudi subsistere non potest; & hæc tria sunt, licet Baro duo tantum essentialia ponat, rem nempe immobilem, & fidelitatem, Schonerus unam essentialem qualitatem, nempe ut sit de re immobili de qua fides \* præstatur. Primum itaque in omni feudo servandum ut dominium directum, apud concedentem maneat; Secundum ut præstatione alicujus rei, aut facti, vassallus dominum suum recognoscat: Tertio ut juramentum fidelitatis, saltem ipsam fidelitatem præstet.

Hæc tria expressa, ex usu nostro, in dispositione feudi non semper requiruntur, Nam fidelitas aliquando tacite, aliquando inest expresse in clausula Redditionis: Et de primo quod ad dominum directum attinet, quem nos superiorem dicimus, Is semper est exprimendus, sive is sit qui concedit, sive ejus immediatus superior, ut de eo feudum teneatur, quo casu non manet feudum concedentis, sed domini sui superioris: usque adeo autem exprimendus est dominus superior in feudi concessione, ut ejus ommissio totam feudi concessionem vitiet: Neque feudum in esse (ut dicere solemus) producit, donec domini immediate superioris consensus interveniat, si de eo feudum tenendum concedatur, Quod si de concedente tenendum solum detur, dominus superior permanet qui concedit. Hinc factum est ut vulgare illud sit in foro, Nisi in charta exprimat, de quo feudum tenetur omni effectu & robore destituatur.

Secundum essentialia est ut præstatio aliqua sive Redditio in concessione exprimat, sive ea in dando, sive faciendo consistat, neque interest si quid corporale redditum sit, quale illud sit, aut cujus valoris, veluti in feudis francis accidere solet, in quibus redditio Rosæ, vel nummi argentei, vel paris cheirothecarum, vel Calcarium, vel speculi, vel similia habetur; In tales enim præstationes clarissimus dominus de Olyphant, licet ab aliis servitiis immunis, pro multis latifundiis tenetur; Cum tamen alia prædia in feudo recto sive proprio teneat, ex quibus Regi Warda & Maritatio debentur; Imo & in feudis quæ ad manumortuam, sive in puram elemosynam conceduntur, aliqua semper redditio exprimitur, nempe precum, & divinarum officiorum: Et sic in feudis semper aliqua præstatio, quasi grati animi testificatio, & memoris beneficii semper exprimenda est: Has autem præstationes sive redditiones, quales in feudis francis exprimuntur, cum plarumque minimi sint pretii, nostri negligere solent: Angli tamen exigunt diligentissimè, ea ratione adducti, quod si prætereantur vassalli franci, in oblivionem suorum dominorum veniant, si nunquam vel munusculo, eos agnoscant: Itaque ut utriusque & vassalli & domini reficetur memoria has præstationes severissime solent observare, quod & hodie apud nos custoditur.

Tertium

*Feudi senium sive senilis ætas.*

\* 12. Thes. disp. de feud. quest.

*Primum quod est essentialia, in feudo superioris expressio.*

*Secundum, aliqua Redditio.*

Tertium de fidelitate, licet non exprimatur, tamen tacite in verbo præstationis semper intelligitur, & domini superioris personæ adhæret, quasi esset accidens inseparabile; superiori enim & præcipue domino semper fides, reverentia & obsequium debentur, neque fidelitas hac ullo pacto remitti potest; Nam quod opponitur in textu, quod pactum feudi interponi potest, ut sine sacramento fidelitatis, vassallus feudum habeat, de sacramento solo seu juramento intelligunt omnes, quasi illud pacto remitti possit, quod & etiam apud nos in usu est; Nam licet fidelitas semper sit præstanda, sacramentumque debeat, raro tamen apud nos exigitur; Hæc autem fidelitas usque adeo naturæ feudi inhæret, ut non solum pacto remitti non possit (ut antea monui) sed neque pactum illud in jure consistat, ne vassallus propter infidelitatem, aut feloniam à feudo suo cadat, ad exemplum pacti, ne donatio propter ingratitudinem possit revocari; utrumque enim pactum hoc in jure rejicitur, ne delinquendi materia sceleratis hominibus præbeatur: Est itaque fidelitas quasi essenziale feudi, quæ si non exprimatur, (exprimi tamen videtur sub nomine Tenendriæ) aut prædium ita concedatur, ut de nullo teneatur, jam feudum dici non potest, sed allodium.

*Tertium essenziale fidelitas.*

Et quoniam in Allodii mentionem incidimus, cum feudo allodium opponi soleat, quid allodium sit, & quæ bona dicuntur allodialia paucis perstringemus: Nam & hæc etiam definitionem feudi, ejusque naturam facilius demonstrabunt, Cum contraria inter se posita maxime elucescant. De definitione vocis Allodii, non satis inter feudistas imo doctissimos convenit; Budaus enim putat Allodium ex a privativa particula, & laudando deduci, quasi allodes sint, qui ob beneficium acceptum dominum non tenentur laudare, vel agnoscere, leodes enim sive leudes subditi dicebantur, Galli, Loyaulx, Nos ligios dicimus, & promde allicom quinon sunt subditi, & allodium quod ex nostra jurisdictione, sive districtu non est; Alii (quibus magis assentior) Gothicam vocem seu vocabulum feudale putant, & cum Gothis & septentrionalibus gentibus & feudis ipsis irrepsisse, apud quas nulla vis est illius particule privativæ a. Allodium tamen si his credimus proprium cujusque patrimonium, quod quis jure quam optimo possidet, significat, in quo nullum superiorem dominum agnoscere tenetur. Hujus allodii duo sunt genera, alterum in rebus mobilibus consistit, alterum in rebus soli; Mobilia autem omnia allodialia sunt, in quibus dominium plenum habemus, ut iis uti, vel abuti, pro arbitrio nostro possimus, pro quibus neque servitium, neque operam cuiquam debeamus; Imo Feudorum fructus præteriti jure allodii censentur, licet ex feudo debeantur; Ita gravissime errant qui bona mobilia de principe teneri, aut in patrimonio aut potestate principis esse asseverant, ut ejus commodis quando velit liberè possit applicare; Nam rerum mobilium dominium privatorum est, neque in dominio Regis esse possunt, nisi quo ad tuitionem, quam nos protectionem dicimus: Alterum genus allodii est, quando prædium vel tenementum, pacto ita conceditur, ut pleno jure quis concessum ita possideat, ut nullam pro eo gratiam, nullum servitium, nullam denique operam aut mercedem debeat, Et sic allodium à feudo differt, cum feudum teneatur dominum agnoscere; Præterea in his allodiis dominium est infinitum, ut illud servare, perdere, & liberè uti, vel abuti possit, ex animi sui sententia; apud vassallum vero dominium finitum est, quo neque abuti vel alienare sine domini consensu potest. Exempla autem allodiorum erant frequentiora quam jam sunt, nemo enim hodie allodium solet concedere: Donationes tamen illæ quæ à Pipino, Carolo Magno, & Lothario, regibus francorum, Romanis Pontificibus de ipsa urbe Roma, deque aliis Longobardorum Regum quos everterant, præcipuis urbibus factæ fuerunt, mera erant Allodia, quippe cum concedentes nihil sibi retinuerunt; sic omnes prædiorum donationes apud veteres Romanos allodia erant, nondum enim nomina tenendriæ & superioritatis occurrerant; talis etiam est, ut refert Franciscus Curtius, & Otradius de principatu Achaïæ, cujus Carolus Rex Neapolis, tam utile dominium quam directum principi Tarentino concessit; Et ut ad nos redeam, talis erat donatio Regis Athelstani, quam supra retulimus, prædiorum Oddam & Roddam, eodem jure, & adeo immunium, quam ipse ea possiderat, idest neque dominio utili, neque directo apud se retento, Sic (ut testatur Holinsædus, in Guiljelmo Rufo) Hugo Lupus nepos Guiljelmi Conquæstoris comitatum Cheltriæ ab ipso conquæstore accepit, adeo liberè ad gladium, sicut ipse conquæstor totum Angliæ regnum ad Coronam; & ut ad recentiora accedamus, talis est investitura, quam Rex Franciscus primus duci Lotharingo fecerat, de urbe Castaleta ad Ripam Mosella sita, in qua neque recognitionem ullam sibi reservavit. Sequitur ut naturalia feudi explicemus.

*Quid sit al. lodium.*

*Allodium duplex.*

*Omnia bona mobilia sunt allodialia.*

*Differentia inter feudum & allodium.*

Naturalia Feudorum dicuntur, ex qualitates quæ ex natura contractus pendent, quasi feudo innata, semperque censentur feudo inhære etiam si non exprimantur, veluti ut feuda sint

*Quæ sunt naturalia in definitione feudi.*

sint gratuita, ut masculi tantum hæredes succedant; Natura autem ab omni feudo fœmi-  
as secludere videtur, quasi ad obsequia domini, quæ vel in consulendo, vel in militando  
consistunt, ( quorum præcipue causa feuda constituuntur, ) impares & ineptas; sic & hoc  
naturale est feudi ut res cum omnibus annexis suis, iuribus, & privilegiis transcant, ut do-  
mus, ædificia, arbores, plantæ vassallo cedant juxta illud vulgare.

*Quicquid plantatur seritur vel inædificatur  
Omne solo cedit, radices si tamen egit.*

Naturale item est, ut dominus vassallo qui servitia debet de evictione teneatur, licet de  
evictione nihil exprimatur; hinc fit ut apud nos, feudum ob servitium datum, vel pro-  
pter merita, dicatur, titulus onerosus, & ad actionem de evictione sufficiat; Sic & naturale  
hoc est feudi, ut citra noxam, culpam, & voluntatem beneficiarii non amittatur; sic ut in-  
certa servitia sint quæ præstentur, & à domino indicenda cum liberit, & familia, quæ in hoc  
tractatu passim legenti occurrent; si quid contra hæc fiat, & eveniat, jam non est rectum &  
naturale feudum, sed degenerans, & conditionatum, vitioque aliquo affectum, & ( ut Hor-  
tomanni verbo non in concinno utar ) feudastrum, quasi semifeudum, & non verum feu-  
dum, qualia apud nos sunt pleraque omnia, in quibus certum servitium investituræ exprimi-  
tur, veluti ut vassallus dominum ad comitia Regni comitetur, ut ei à poculis, vel dapibus sit,  
aut cellæ vinariæ præsit, penus curam gerat, portas claudat, claves secum retineat, stapedam  
domino equum in publicis comitiis ascendenti teneat, ut tormenta bellica dirigat, & si quæ  
his similia, quæ multa profectò apud nos sunt; Neque enim ob certa hæc servitia feudum  
concessum, rectè feudum dici potest, sed feudastrum, cum vassallus domino ad omnem  
operam, consilium, fidem, domi militiæque præstandam, & nullis finibus restrictam ex na-  
tura veri feudi obstringatur, & proinde ex domini arbitrio vera feuda pendent, & ob id in-  
certa & naturalia dicuntur; horum naturalium hic effectus est, ut licet naturaliter infint,  
tamen cum iis pacto dispensari ( ut loqui solemus ) possit, veluti si conveniat ut pecunia sol-  
vatur, ut tam ad fœminas quam ad masculos feudum descendat, ut à servitiis sit immune,  
sed ne essentialia Locum habeant in feudo, nullo pacto provideri potest.

*Quæ sunt  
accidentia-  
lia.*

Accidentalia, sunt quæcunque vel in ipsa concessione vel cum ipso feudo accidunt, qualia  
sunt pacta quæ in feudis emptis aut permutatis apponuntur, vel provisiones, vel clausulæ  
quæ vocantur irritantes, quæ licet cum natura feudi non omnino conveniant, tamen servan-  
dæ sunt, vel ut pacta in continenti apposita, quæ pars contractus à jurisconsultis censentur,  
& ab his accidentalibus, naturalia plerumque Feudorum innovantur, exempli causa, Emptio-  
nis natura est, ut præstetur evictio, Licet non exprimatur, pro expresso tamen habetur, licet  
pacto provideri possit, ne quid evictionis nomine præstetur; sic etiam in feudis, si quæ dixi-  
mus essentialia sint salva & intacta, licet naturalia pacto immutentur, feuda tamen manent,  
licet proprie feuda vix dicantur, imò si ex arte differendi definitionem feudi, & ejus natu-  
ram discutiamus, ne feuda quidem franca, neque quæ in emphyteosin aut quæ ad Libellum  
conceduntur, cum proposita feudi definitione conveniunt, cum servitia non debeant; unde  
patet quam periculosa sit omnis in jure definitio, rarò enim fit, quin subverti possit; sed  
profectò ea quam supra adduximus feudi definitio, pro feudi vera definitione à doctissimis  
feudistis usurpatur: feudi inquam nativi & genuini, & præcipue militaris, qualia omnia  
erant feuda ab initio, à qua definitione quanto longius feuda recedunt, tanto feudi appella-  
tione sunt indigniora; Itaque à veteribus interpretibus degenerantia, sive conditionata feuda  
dicuntur, nempe quæ ratione singularis pacti genuinam naturam feudi amittunt, ut in divi-  
sionibus Feudorum sequentibus apparebit, sed eatenus tantum degenerantia dicuntur, qua-  
tenus pacto immutantur, in reliquis feudi proprii naturam servant. Si quis definitionem  
hanc non esse bonam ex legibus differendi pertinacius contendat, saltem pro descriptione ac-  
cipiat, & utatur, donec ipse meliorem in medium adducat.

*In quibus  
feudum &  
ususfructus  
conveniunt.*

*Prima si-  
militudo.*

*Secunda si-  
militudo.*

Et quoniam recentioribus placet feudum per ususfructum definire, contra veterum o-  
pinionem, non inutile fore putavi pauca subicere, in quibus ususfructus cum feudo convenit,  
& in quibus dissentit, ut & veterum & recentiorum opiniones de genere definiti in hac  
feudi definitione facilius elucescant, & inter se conferantur; Nam si ususfructus est genus de-  
finiti ipsius feudi, certè quæcunque de specie dicuntur, etiam de genere dici, per leges dispu-  
tandi oportebit. Habent itaq; feudum & ususfructus hoc simile, quod utrumq; sit jus u-  
tendi, fruendi, & omnes utilitates, quæ ex feudo veniunt percipiendi; uterq; id est usu-  
fructuarius & feudatarius feudi conditionem meliorem facere potest, deterio-  
rem vero non  
item;



item, uterq; naturaliter possidet. Nam civilis possessio apud Dominum remanet; Itaq; non pro suo, sed pro eo quod quodammodo alienum est possident, & cum Jura statuunt ejus esse possessionem cujus nomine res possidetur: Certè hæc naturalis tantum possessio, omnem præscriptionem excludit: Nam licet usufructuarius centum annos possideret, nunquam tamen proprietatem præscribit, neq; feudatarius dominium directum: Ratio est quia proprietarius per usufructuarium & Dominus per Vassallum possessionem fundi retinet: Naturalis enim possessor, contra civiliter possidentem nunquam proprietatem præscribit; uterq; fundum locare, uterq; ejectus, interdicto unde vi potest experiri.

DisSENTIUNT autem in pluribus, nam usufructus testamento constitui potest, feudum nisi inter vivos constitui non potest, proprièq; ejus vassallus quisq; censetur, à quo investituram accepit: Usufructus constituitur venditione, alienatione, locatione, permutatione; at in feudo præcipuè nativo, & genuino pretium non admittitur, neq; merces, aut quid aliud nisi militaris opera: Usufructus rerum mobilium, & omnium quæ in bonis sunt constitui potest, feudum tantum in immobilibus & æquipollentibus consistit, ut antea probavimus: Usufructuarius, nisi præstita cautione de utendo & fruendo boni viri arbitratu, & re restituenda, in possessionem non admittitur, sed in feudo nihil tale requiritur: Usufructuarius ad nulla servitia tenetur, feudatarius verò contra: Usufructus sola patientia & cessione tradi intelligitur, at in feudo investitura requiritur: Usufructuarius nullum dominium habet, at in feudo utile dominium transfertur, ut antea dixi: Usufructus tantum vitalis, & morte usufructuarii finitur, at vassallus feudum possidet plerumq; perpetuum: Usufructuarius formam & qualitatem ædium mutare non potest, adeo ut ne ædificare possit in area fructuaria, at vassallus rectè faciem mutat loci, ædificia reformare potest: Usufructuario proprietarius nulla necessitudine devinctus est: At Dominus Vassallo ita devinctus est, ut si quid extra fidem fecerit, à proprietate sive dominio directo cadat. Hæc differentie cum plures sint, quam similitudines inter usumfructuum & feudum, facit ut verior appareat veterum interpretum definitio, feudum non posse per usumfructum definiri, ut recentiores volunt, cum inter se tot modis & capitibus dissentiant: Ex hac autem definitione liquet, feudum esse quendam contractum (licet nonnulli in contrarium contendant) reciprocum inter dominum & vassallum, in quo uterq; alteri obligatur, resq; uni ab altero traditur, ut aliquid pro ea rursus repræsentetur, quod in contractibus reciprocis & innominatis præcipuum est: Itaq; qui pro feudo acquirendo agit, is idem observare debet, quod in aliis contractibus fieri solet, nempe ut probeat, omnia quæ convenerant pro sua parte impleta esse, aut saltem, ut impletionem omnium, in quibus tenetur, offerat; aliter ex reciproco contractu, nemo auditur.

Sed an feudum nominatus an vero innominatus contractus dici possit, controversi potest, movet quæstionem quod ejus nomen inter contractus nominatos in Jure non reperitur; sed rectè Bartolus omnes contractus à jure vel à lege introductos etiam sub nova forma & nova specie, nominatos rectè dici putat. Secunda quæstio major est, & in usu quotidiano frequentior, sitne feudum contractus bonæ fidei an stricti juris. Hic pauca ad juventutis studia promovenda, de contractibus bonæ fidei & stricti juris adjiciam. Bonæ fidei contractus dicuntur, qui ex æquo & bono extensionem capiunt, licet in iis nihil sit dictum, & sic mens contrahentium potius spectatur, quam quod inter contrahentes expressè convenit. In quibus omnibus hanc formam usurpatam fuisse putat Hotomannus, quantum ex bona fide fieri dari oporteat. Inter contractus bonæ fidei numerantur, omnes contractus reciproci, velut emptio, venditio, locatio, conductio, & reliqui qui à Justiniano enumerantur, Contractus etiam matrimoniales, testamenta & legata naturam contractus bonæ fidei sapiunt, cum in illis favor matrimonii præcipue spectatur, in his plenius defunctorum voluntates sunt interpretandæ; In quibus omnibus quia sæpe fidem aliorum sequi cogimur, quid actum sit ex æquo & bono inquiritur, quidq; in similibus negotiis fieri solet. In stricti juris contractibus nemo bonam fidem, nemo bonum & æquum excludit, sed ideo stricti juris actiones dicuntur, quod strictius hæc fides arctatur, bonumq; & æquum inter cancellos quasi constringitur, ita quod nihil actum nisi quod scriptum credatur, cujusque specialis mentio in contractibus est facta. Stricti juris sunt omnes stipulationes, fidei iussiones, seu satisfactions, quæ stipulationum naturam sapiunt, etiam omnia crimina & judicia, quæ ex delictis & criminibus oriuntur & pænæ, neq; enim hæc aut extensionem recipiunt, aut interpretationem. Sed ut ad propositam quæstionem de feudo revertamur, feudum contractum stricti juris dicimus, licet beneficium sit, & ex contractu bonæ fidei oriatur frequen-

In quibus  
differant.

1.

2.

3.

4.

5.

6.

7.

8.

9.

10.

Feudum con-  
tractus sit n  
nominatus  
an innomi-  
natus.  
Sitne feu-  
dum contra-  
ctus bonæ fi-  
dei an stricti  
juris.

tiſſime, & hæc eſt omnium penè feudistarum ſententia, & noſtris moribus apprime convenit. Nam cum jus feudale, quo utimur totum ex conſuetudinibus coaluerit, non eſt ad conſequentias trahendum, ut Doctores loquuntur : conſuetudo enim licet ſcripto comprehendatur ( neque enim minus eſt conſuetudo, licet ſuper ea ſcriptura interveniat ) juris ſtricti eſt & proprios terminos non excedit. Præterea feudum ex ſua natura eſt ſpecies quædam donationis, & ut Baldus ait æquum eſt ut donationes omnes ſint ſtricti juris, ne quis plus donaffe præſumatur quam in donatione expreſſerit. Hinc fit ut omnes locationes, venditiones, pacta de retrovendendo, quæ nos reverſiones dicimus, & ſi quæ ſint his ſimilia, quæ circa feuda & res immobiles apud nos interponuntur, ſtricti omnino juris cenſeantur, licet Jure Civili, ſint contractus bonæ fidei : In rebus autem Allodialibus, ſive mobilibus, venditiones, locationes, & reliqui contractus ſuam naturam quam ex Jure Civili cœperunt, retinent, id eſt, ut in iis omnia ex bona fide impleantur, quodque ex natura contractus æquum & bonum poſtulat, etiamſi de eo nihil actum expreſſe fuerit, ab utraque parte præſtetur.

*An feuda  
conceſſa a  
principibus  
ſtricti juris.*

Sed gravior quaſtio eſt de feudis à principe conceſſis ; quorquor enim juris interpretes legi, ii omnes affirmant, non ſolum omnia feuda, à principe conceſſa, ſed & omnes contractus cum principe initos bonæ fidei eſſe, nuſquam enim bonam fidem, ſi in principe deficiat, quaerendam : Cum is ad implementum, alias vix cogi poſſit, & in jure beneficium à principe conceſſum, latiſſimè contra ipſum principem, ſtrictiſſimè contra alios interpretandum ſit : Contrarium vero apud nos obſervari cenſeo, ut feuda etiam à principe conceſſa ſtricti juris ſint. Nam cum ſolâ principis liberalitate procedant ( neque enim ex ullo alio titulo apud nos conceduntur, niſi ſub titulo puræ donationis ) non eſt æquum ut is in plus teneatur, quam voluit ; aut plus voluiſſe credatur, quam expreſſit. Inde factum eſt ut princeps nunquam de eviſione feudi teneatur, licet ea ( ut dixi ) naturaliter feudo in hæreat : Itaque ut tandem definitionem hanc concludamus, ſi quæ diximus eſſentialia deficiant, omnino feudum conſiſtere non poteſt : Naturalia vel ex conſenſu contrahentium, vel ex diverſa locorum conſuetudine mutari poſſunt, & iis aliquid addi vel detrahi : Ita tamen ut niſi aliquid expreſſe mutetur, natura vera feudi remaneat ; Accidentalibus autem vel adeſſe vel abeſſe ſine ſubjecti ſui interitu poſſunt, ſed non ineſſe præſumuntur, niſi exprimentur : Ex hac diviſione naturalium, eſſentialium, & accidentalium qualitatium feudi, omnes Feudorum diviſiones naſcuntur ; nempe hinc factum ut quædam feuda eſſentialia feudi & naturalia ſervent, alia ab his plus minusve declinent, & ut variæ Feudorum diviſiones tam in ipſo textu, quam interpretum ſententiis emanarint ; De quibus jam locus eſt, ut aliquid dicamus, modo quaſdam generales regulas ad feudorum intellectum faciliorem utiliſſimas, & definitionem illuſtrantes præmiſerimus.

*Reg. 1.*

Prima eſt ut in feudis ſemper inveſtituræ tenor ſpectetur, verborumque vis diligenter expendatur ; Nam tenor eſt qui dat legem feudo, & omni contractui, & plerumque naturam feudi mutat, quæ alioqui cum definitione ante explicata conveniret, ejusque conditiones retinere cenſetur, niſi aliud ex tenore conſtet ; Itaque in jure, tenor aliquando pro pactione, ſive conditione, contra communem feudi naturam in contractu feudali interpoſita, ſumitur.

*Reg. 2.*

Secunda Mos Regionis non minus dat legem feudo quam tenor ; Nam ut ait Baldus conſuetudines Feudorum ſunt locales ; apud Inſubres enim ſive Longobardos, ubi primum jacta ſunt feudalis juris fundamenta, ſaltem ubi incrementum cœperunt feuda, diverſa pro locorum varietate fuerunt Feudorum conditiones ; Nam Mediolani, Cremonæ, Ticini, & hodie in univerſa pene Gallia, vaſſallus feudum alienare poteſt, ſine conſenſu domini ſui ſuperioris ; Mantuæ aut Veronæ non poteſt ; quod & apud nos obſervatur ; ut localibus conſuetudinibus, poſt jus proprium uniuſcujuſque regionis, qui in ea ſunt, regantur ; Sic ex jure feudali, in Gallia, Germania, & plerisque Galliarum Regionibus, in feudis omnes filii æqualiter & in capita ſuccedunt : in Britannia & magna parte Normanniæ primogenitus tantum.

*Reg. 3.*

Tertia ubicunque facti feudalis ſpecies occurrit, quæ expreſſe in libris feudorum non deciditur, in illius deciſione, jus Civile ſive Romanorum ſequi debemus ; at contra feudales deciſiones, niſi in Feudorum materia, Locum non habent.

*Reg. 4.*

Quarta ubicunque nomen hæredis in libris Feudorum occurrit, de hærede maſculo intelligendum, ſcæmina enim regulariter non ſuccedunt, quaſi inutilis ad ea onera, quæ feudis naturaliter inſunt, neque enim militare, neque domino in re difficili conſulere, aut ejus conſilia reticere poſſunt, quæ tamen in feudis ſingula requiruntur : Sic & nomen hæredis in prima inveſtitura expreſſum, tantum ad deſcendentes ex corpore vaſſalli primi extenditur, veluti ad filium, nepotem, & pronepotem, & non ad collaterales, niſi ex corpore primi vaſſalli ſive ſtipitis

stipitis descendant; rationem supra posui, quia dominus potius vassallo, & hæredibus ex corpore gignendis sive genitis prospexisse videtur, quam ulli collateralium, nisi clausula (hæredibus quibuscunque) adjiciatur; Itaque in feudo novo uni & hæredibus concessio, descendentes tantum hæredes venient ad successionem, non item Collaterales.

Quinta quod in feudis licet sint stricti juris, tamen de his proceditur de similibus in similia; & quod magis mirandum, etiam in pœnalibus, licet regulariter pœnæ non extendantur. Reg. 5.

Sexta in omni feudo concessio retineri videtur in vassallum jurisdictio, idest, dominus in vassallum respectu illius feudi habet ordinariam jurisditionem; Ratio est, quia hæc datur à lege, & præsumptio juris est, & de jure, quasi à contrahentibus ipsis constituta ab initio, præsumitur. Reg. 6.

Septima quodcumque mentio fit possessionis, veluti si Rex aut Pontifex confirmaverit Titio omnia castella quæ possidet, de juste possessis intelligendum; & possessio de justa possessione, nisi qualitatem possessionis expresserit, qui confirmat. Reg. 7.

Octava quod regulariter non valet argumentum de feudo ad emphyteosin, præcipue in prohibitis; exempli causa, feudum sine domini consensu non potest alienari, ergo neque emphyteusis; nisi eadem utriusque sit ratio, & quæ ex jure communi descendat. Reg. 8.

Nona quod ea capitula quæ in omnibus libris non reperiuntur, pro jure feudali non habentur, neque ad causarum decisionem sufficiunt, Nam ut cuius in his libris versato apertissimum est, multa capitula in aliis libris reperiuntur, quæ in communibus de usibus Feudorum libris desiderantur, & præcipue apud Neotericos, & recentiores, constitutiones multæ reperiuntur, quæ parem, neque in foro, neque in scholis cum jure feudali vim non habent. Hanc etiam regulam Baldus & plerique doctorum tenent, & qui juris feudalis cognitionem assequi cupit, Has regulas memoriæ suæ commendat; de quibus ut argumenti occasio se præbebit, nonnulla in his diegesibus perstringemus. Nunc ad Feudorum divisionem pergendum. Reg. 9.

## De Feudorum divisione.

### Diegesis decima.

**L**icet ex rei cuiusvis definitione, ut dialectici volunt, plenam Rei definitæ noticiam consequamur, non minorem tamen lucem ad feudi Naturam, & conditiones intelligendas, subsequentes ejus divisiones adferent, Sunt autem omnes, *διχοτόμοι* quarum ut plurimum unum membrum, ex alterius membri negatione seu privatione constat, & proinde ex mutua inter se collatione facile cuiusvis membri patebit intellectus.

Prima itaque Feudorum divisio est in proprium & improprium, & hæc quidem præcipua & primaria divisio est, à qua reliquæ (licet alio respectu) dependent, & ad eam reducuntur; Proprium autem id feudum dicitur, quod cum definitione præmissa convenit, in omnibus; ideo dictum feudum rectum sive proprium, quod propriam feudi naturam conineat, & communi & regulari Feudorum jure regatur; Improprium quod à naturali feudi qualitate declinat, & quod pacto & conditionibus, vel obsequiis nominatim definitis est alligatum, contraque innatas feudi qualitates, impropriatur, ut loquitur Baldus; exempli causa, si vel certum sit servitium, quod in feudo præstandum sit; aut quodcumque aliquod pactum apponitur, contra naturales qualitates Feudorum, feudum improprium est. Sed hic merito dubitari potest, cum pacta contra naturam cuiusvis contractus apposita, efficiant contractum nullum, qui sit ut hæc pacta contra definitionem feudi apposita, non omnino contractum totum vitient & tollant, sed tantum mutant & aliqua ex parte innovent: sed ne nimium hic simus subtiles, retinendum, est pacta contra feudi naturam apposita, feudum ipso jure non tollere, sed tantum modo improprium reddere; Hæcque feuda valere ex mutua contrahentium in ipso contractu ab initio voluntate interposita; Feudum autem hoc proprium semper in rebus corporeis existit, Improprium in iuribus; proprium in iis quæ sunt extra curtem sive curiam domini; Improprium in curte dicitur esse. Quid sit autem curtis, & unde deducatur, questio potest moveri: Curtis nihil aliud est, nisi domus domini, aut ejus palatium, in quo jurisditionem solet exercere, quam jurisditionem feudistæ distinctum vocant, idest distringendi potestatem: adeo ut nihil aliud sit in curte domini esse, quam

*Prima Feudorum divisio.*

*Differentia inter feudum proprium & improprium.*



quam esse in ejus Curia, jurisdictione sive districtu, idest infra id territorium esse, in quo dominus potest jure domini distringere : sic & pares Curtis, qui & pares Curia, & pares domus vassalli dicuntur, qui ab eodem domino, sive eadem domo, aut jurisdictione feuda sua habent : Licet alii pares Curia quasi patres sive patricos dici putant. Curtis nomen videtur, non tam à Curia quam cohorte deductum, quasi pares dominicæ cohortis : Nam Cicero notat Verrem solitum esse de Cohorte sua judices dare, quod nihil aliud erat, quam de curte sua dare idest de familiaribus comitibus seu domesticis suis.

*An omnia  
feuda habent  
annexam ju-  
risdictio-  
nem.*

Advertendum tamen est non semper feudum habere secum comitem jurisdictionem sive curtem, multa enim feuda sunt quæ nullam habent jurisdictionem, veluti omnia feuda inferiora apud nos ; nisi quis forte dixerit, habere ea jurisdictionem, ut possint pro annuo censu distringere ; sed profectò districtus ille, jurisdictionis dici non potest, cum jurisdictionis cognitionem causæ requirat, quam certum est inferiores hos dominos non semper habere ; Nec districtus ille jurisdictionem arguit, cum apud Anglos cuilibet Locatori contra Colonum districtus pro mercede competat, non tamen jurisdictionis : Nam districtus ille, videtur conditio innata, & inhærens ipsi feudo, ut dominus possit pro Canone distringere ; In hac autem definitione, illud semper mente tenendum, quod semper præsumatur feudum proprium, nisi mutata esse ejus naturam ex verbis investituræ constet ; Sunt qui aliam feudi divisionem adducunt, nempe in feudum rectum & non rectum, sed hæc cum divisione à nobis proposita in omnibus ferè convenit, quod si quis rectum feudum à proprio distinguere velit, certas tantummodo differentias in qualitate, easque subtiliores quam par sit, nulliusque in nostro foro usus, adferet ; Itaque prudens hanc divisionem præterit, rectum enim feudum cum proprio confundo, ut non rectum cum improprio, ut quod de uno dicatur, de altero etiam intelligatur ; sic enim ab interpretibus tam rectum feudum quam proprium usurpari & dici observavimus, ut semper illud feudum intelligatur, in quo præter essentielles, naturales etiam qualitates inessent.

*Secunda di-  
visio in  
francum &  
non fran-  
cum.*

Secunda feudi divisio est in francum & non francum ; & hæc à priori divisione, diversitate tantum qualitatum differt : feudum enim francum improprium feudum est, sive non rectum, neque cum definitione feudi in naturalibus qualitibus convenire potest ; Nam à servitiis omnibus est immune ; Cum tamen servitium sit naturalis feudi qualitas. Feudum non francum dicitur Proprium. Nos feudum francum Blancum dicimus, quod quidem feudi genus in initio ob præclara in remp. merita, & partam bello gloriam introductum fuit, hodie tamen cujusvis commercii, & utilitatis sit pretium. Francum igitur feudum dicimus, quod ab omni servitio liberum est, Cujus tamen rara aut potius nulla in ipso textu mentio fit, frequens tamen apud doctores, & in nostro foro usus frequentissimus. Sed in feudo franco hæc duo sunt observanda, quod nunquam dicatur feudum francum, nisi exprimatur ; Nam ut dixi, cum feudum francum non sit feudum proprium, semper præsumitur pro proprio, nisi improprium probetur ex tenore concessionis : Itaque francum feudum non est, licet annuam præstationem, vel annuum censum contineat, pro omni alio servitio, nisi etiam expresse dicatur, in libera alba firma concessionem factam : Secundum, licet francum feudum expresse ab omnibus servitiis sit immune, non tamen à maleficiis, quæ aut in faciendo aut celando consistunt, vassallum liberat : Nam si egregia aliqua ( ut loquitur textus ) ingratitude vassallus francus dominum effecerit, veluti si feloniam commiserit, aut infidias in eum structas celaverit, neque domino aperuerit, à feudo cadit. Hinc fit ut apud nos non minus in franco feudo, quam in aliis, pænæ, felonix, purpresturæ, & delictorum, quæ his sunt similia locum habeant ; non autem recognitio ob alienationem majoris partis, Cum hæc alienatio delictum conjunctum non habeat.

*Tertia in  
Masculinum  
& femini-  
num.*

Tertia divisio est in feudum masculinum & fœmininum, quam Baldus eodem sensu paternum & maternum vocat : hæc autem divisio, ex alia diversa qualitate à feudi definitione deducta emanat ; Cum masculinum feudum proprium dici debeat, Propriam enim habet naturam feudi, quod exclusa fœmina mares tantum admittit ; fœmininum autem feudum est, quod vel à fœmina descendit, vel in quod fœminæ succedunt ; quod cum à propria feudi natura abhorreat, ut antea monui, aliunde ex pacto, aut à moribus regionum, sive provinciarum introductum est, & improprium dicitur ; Masculinum enim feudum est, quod ex continua masculinorum successione descendit nunquam per fœminam interrupta : quod si semel successio per fœminam interrumpatur, veluti si pater ex filia præmorta nepotem masculinum habuerit, nepos hic masculus in feudo masculino non succedet, quod masculinæ linæ tantum debetur ; Usque adeo autem feudum à fœminarum successione abhorret, ut  
etiam

etiam licet expressè de iis caveatur in concessione, veluti si quis feudum receperit, pro se & hæredibus suis, tam masculis quam fœminis, fœminæ tamen masculis extantibus, ex corpore primi vassalli, non succedunt, sed tantum masculis deficientibus, quod & etiam apud nos observatur. An autem hic dici potest, quod supra de feudo proprio diximus, nempe semper præsumi masculinum feudum, nisi concessio mentionem fecerit fœminarum, quæri potest; Cum feudum masculinum sit tantum proprium feudum; quod quidem in jure semper præsumitur, nisi contrarium exprimatur; usus tamen noster longe dissentit; præsumit enim feudum ad fœminas æque ac mares, descendere nisi expressè hæredibus masculis fuerit provisum; hanc quæstionem in titulum successionis in feudo differemus, ubi usum nostrum cum jure scripto Feudorum in hac etiam specie convenire probabimus.

Quarta divisio feudi in reale & personale ab interpretibus fit, sive (ut alii volunt) in feudum perpetuum & temporale; sed hujus divisionis membra cum prima feudi divisione in proprium & improprium conveniunt, licet diversitate alterius conditionis *viz.* temporis differant; Nam reale sive perpetuum feudum proprium dicitur; feudi enim qualitas naturalis est, ut ad hæredes transeat in perpetuum; & (ut multi putant) semper præsumitur feudum ad hæredes descendere, tamen si de iis mentio non fiat, tam quia sit feudum proprium (quod semper ad hæredes transire præsumitur) quam quod unusquisque dum sibi providet, providisse & hæredibus videtur; Sanior autem feudistarum pars (cum qua usus noster consentit) feudum hæreditarium esse non putat, nisi specialis hæredum vel seminis vel progeniei mentio fiat, Cum omnia feuda ut antea monui strictissimi sint juris nec extensionem recipiant; Cur autem nisi hæredum mentio fiat, feuda ad hæredes non transcant, rationes pleraque ex jure feudali adducit Schonerus, quas hic longum esset recensere: Nam apud Anglos (à quibus nec usus noster abhorret) licet feudum alicui sive in perpetuum, sive sempiternum tempus concedatur, nisi hæredum specialis mentio facta fuerit, feudum vitale est; Imo ne dispositionem quidem proprietatis habet, qui tale feudum consequutus est, tantum usufructuarius est; sive (ut angli volunt) tenens pro vita aut in vita, & feudum morte ejus finitur, quia tempus cum eo finitur, neque enim mortui sunt in tempore, neque tempus iis post mortem currit; Itaque communem opinionem retinendam censeo, feudum quibusvisque verbis concipiatur tantum esse personale, nisi hæredum mentio fiat, aut sicuti testamento feuda disponere licet: Nam (cum plenius defunctorum voluntates interpretandæ sint) ea dispositio, licet hæredum non faciat mentionem, tamen ad hæredes transit, sic si quod sit feudum quod in francum maritajum datur, qualia apud Anglos sunt pleraque, licet hæredum mentio non fiat, favor tamen Matrimonij feudum ad hæredes extendit. Sed ut ad divisionem nostram redeamus, feudum personale sive temporale, rursus subdividitur, in Annale & vitale; Annale veluti feudum Guardie & Castaldie; vitale vero sive personale, & hoc subdividitur in feudum quod cum vitæ dantis extinguitur, & aliud quod cum vitæ accipientis, Tertium quod cum alterutrius vitæ extinguitur de his singulis dicendum: Guardus nihil aliud est, nisi custos curtis, idest domus, Castri, Pallatii, sive Prætorii: Castaldus autem actor sive procurator prædiorum, sive reddituum, quem nos camerarium dicimus. Itaque feudum Guardie, nihil aliud est, quam pensionis assignatio ob custodiam domus, seu castri, ex ejusdem quo ad fieri potest fructibus, feudum vero Castaldie, quod dominus actori, seu negotiorum suorum gestori, ob bene procurata negotia assignat; & hæc feuda annua sive annalia dicuntur, quia actus aut custodiæ nomine dantur, & mercedes tantum fructuum sunt annales, (ut & fructus ipsi non nisi singulis annis semel percipiuntur) nisi forte pacto convenerit, ut in longius tempus producantur; sed paulatim hi qui temporarii actores seu custodes prædiorum domini sui ab initio fuerunt, postea facti sunt perpetui sub nomine feudi & hominii, ut apud nos multis in locis videmus; Ut custodiæ castrorum, Balliatus, Vicecomitatus, ceteraque officia in perpetuum & hæreditario jure conceduntur, habita potius ratione commodi & utilitatis, quæ ad ipsos actores seu procuratores provenit, quam dominorum, quorum rebus & commodis debent inservire, proque suis feudis, si non omnes fructus, saltem præcipuos illius feudi, seponere & reservare solent. Vitalis autem feudi, quod morte accipientis finitur, exemplum habemus in feudo habitationis: Censetur enim dominus habitatio in usum proprium tantum, & durante vitæ concessisse; Itaque non mirum si eo mortuo ad dominum redeat.

An autem is cui habitatio in feudo data est, eam alteri sublocare possit, controversi solet, cum habitatio (ut antea dixi) videatur tantum in proprios habitatoris usus concessa, & quoniam causa concessionis est usus proprius, cessante causa cessare debet causatum, sive effectus

Quarta in  
reale &  
personale.

An habita-  
tio in fe-  
dum tempo-  
rale data  
sublocari  
possit.

effectus ut nostri loquuntur; Baldus post multam disputationem, putat beneficiarium posse suam habitationem locare sine ullo periculo, modo aliquam utilitatem & commodum, ex ea locatione percipiat; Placeat Baldus sibi in sua opinione, & si qui sunt, qui ei faveant, usus noster contrarium probat, viz. ut sublocare ei non liceat, neque illud sine ratione, cum omnia feuda sint strictissimi juris, neque sublocare licet, nisi illud expresse cautum fuerit; præcipue in feudo locationis, & apud nos sublocatio non valer, nisi expresse in locationibus concedatur, potestas locandi, removendi tenentes, aut subtenentes; immo ne transferre rem assignatam possunt in assignatos, sive singulares successores, nisi expressa fuerit eorum in locatione mentio; Itaque non solum in jure nostro habitatio, sed etiam locatio personalis est, & morte conductoris, sive accipientis extinguitur, etiam si pro certo annorum spatio locatio intercesserit, nulla hæredum facta mentione; nec assignatio transit in hæredes & assignatos, nisi illorum aliqua fuerit in instrumento locationis mentio, quo jure & Angli utuntur.

*Quid sit  
feudum sol.  
data.*

Personalissimum feudum soldata vocant, quod nihil aliud est, nisi annua pensio præberi solita ex solidis, id est ex pecunia numerata ad alimenta seu sustentationem illius, qui bellis aut aliis non inhonestis servitiis, ad inopiam reductus est; & quoniam hoc feudum tam morte dantis quam accipientis extinguitur, Ideo personalissimum vocatur; cum reliqua feuda, quæ vitalia dicantur, non nisi morte accipientis finiantur. De solidi & soldatæ etymologia dissentiunt veteres Inter se, alii à soldariis deducunt, & soldatum & solduros ab uno etymo sive origine derivari putant à Germanica voce (sold). Solduriorum eam conditionem dicit Cæsar ut omnibus in vita commodis una cum his quorum amicitia se dederunt simul fruuntur; At nescio si commode ab hoc fonte vel soldatæ feudum vel soldariorum possit derivari; potius à solido deduci puto, quiquidem certum genus erat numismatis, & septuagesimam partem libræ auri continebat, solidusque auri viginti libris æris æstimabatur; unde factum est, ut quicumque are vel pecunia conducti erant, soldarii dicerentur: solidus enim ideo dicebatur, quod iusto pondere erat percussus, & non dimidiato neque trientali, quemadmodum semisses, & trimisses. Primos solidos instituisse Alexandrum imperatorem testatur Lampridius\*, quasi integros; progressu temporis factum est, ut quibuscunque sportulas pecuniarum concederemus, hi feudum soldatæ assequi dicerentur, à solidis enim ita dicebatur. Hinc soldarii hospites qui pecunia hospitium redimerunt: soldariorum tamen militum mentio fit tam in supplemento Sigeberti, quam apud Radevicum, ubi soldarii milites dicuntur pecunia collecti; neque enim stipendiariorum militum everso Romanorum imperio etiam apud maximas & potentissimas gentes usus erat, sed omnes militabant, qui pro atate poterant, pro patriæ tutela; donec crescente militum avaritia, pauperum stipendia irrepserunt, unde & vectigalia, tributa, exactiones, quæ miseram plebem exhauriunt, sed de hac voce soldatæ fatis.

*\* In ejus  
vita.*

*Quid sit  
feudum Ca.  
mera & Ca.  
vena.*

Huc simile feudum de Camera, & feudum de Cavena: feudum de Camera dicitur quod militi conceditur, sive alicui alii bene merito ex Camera sive arario domini, Camera enim est conclave sive locus interior, in quo domini pecunia servabatur; feudum autem ex Cavena quod ex cella seu cellario domini id est penu depromitur. Prius feudum in pecuniæ numerata pensione, posterius in annua vini, olei, & frumenti præstatione consistit; & sæpe cum feudo soldatæ, hac duo feuda concurrunt. Et horum Feudorum ea est natura, ut si nihil sit in Camera id est, in thesauro domini, nihil in ejus penu sive cavena, sine promissoris culpa nihil debeatur, sed expectandum donec, ex illis dari possit, dominus enim in id quod facere potest tenetur; Itaque tantum conveniendus deducto are alieno, iniquum enim erat, eum qui ex sua liberalitate convenitur, sub prætextu amicitie ad egestatem deduci. Et hæc feuda, tam morte dantis quam accipientis finiuntur; nec dissimilia sunt ea feuda, quæ advocatiæ seu cancellariatus nomine dantur & aliorum officiorum, quæ coronæ officia vulgò dicuntur, qualia sunt thesaurarii, Cancellariatus, Rotulatoris, sive præfecti rationum, registerii, secretarii, & similia; Hæc autem officia si à privatis concedantur, & eorum utilitatem & commoda respiciant, nullam habent annexam dignitatem; sed cum à principe conceduntur, eam habent; & officium aliqui vile, mandante principe efficitur nobile, ut Valerianus ait\*, de dignitate quæ principe jubente sustinetur; ex quo loco Romanus & reliqui interpretes omnibus officiis principis nobilitatem ascribunt. Inde fluunt eorum ab exactionibus & vectigalibus immunitates, sed tantisper & dum in officio sunt, & quatenus officium spectat, mercedesque quæ iis pro eorum laboribus debentur, feuda dicuntur; Nam & hi investituram aliquam capiunt, & fidelitatem principi jurant, & gratis vult eos investiendo;

*\* In tit. de  
Dignitat.*

imperator;



Imperator; non enim tam sunt principis, quam reip. procuratores, Itaque pessimè fit à nonnullis & expresse contra imperiales sanctiones, qui magistratus vendunt, aut pretio ad honores juridicos alios promovent; fieri enim non potest, ut qui pretio procuracionem in repub. redemit, quin pro pretio rursus prostituat, & licet; an autem hæc feuda morte dantis finiantur, adhuc incertus sum; Nam conceduntur pro tempore vitæ accipientis; Vidi tamen eos omnes qui publicas procuraciones in repub. gerebant, inaugurato S. D. N. Jacobo sexto renovationem suarum procuracionum impetrasse, cujus causam cum inquirerem à clarissimo viro domino Joanne Ballentino, hoc responsum ab eo retulisse me memini, dignitates illas sive procuraciones, & officia quæ reip.; sive Coronæ dicuntur, tam morte dantis quam accipientis finiri; Illud tamen prætereundum non putavi advocatiam, quam Rebuffus advocato fisci attribuit, à nonnullis ad ecclesiarum advocatiam trahi, \* ubi planè advocatiam cum beneficio conjungit; qua etiam in significatione, advocatia apud nos usurpatur, Ita ut hi advocati dicantur; Itaque in hac secunda advocati significatione, nihil aliud est advocatia nisi dignitas quædam urbis & ecclesiæ, ad eam tuendam & defendendam; quales dignitates apud alias gentes sunt frequentes, & nostris etiam moribus non incognita; sed de hac divisione quatenus in jure feudali continetur, hæc sufficiant.

\* Intit. de  
pace Con-  
stantie.

Quinta Feudorum divisio est, in feudum laicum siveulare, & ecclesiasticum, quæ quidem divisio non ex diversitate qualitatum naturalium, sed ex diversitate personarum, quæ feudum accipiunt nascitur; & in harum personarum observatione etiam aliquid discriminis; Nam in seculari feudo, quod nos laicum dicimus, id tantum spectamus, An laicus sit qui dedit, simul & qui accipit, id est talis qui ordines ecclesiasticos non suscepit, feudum tamen Ecclesiasticum aliter consideramus; Nam ecclesia tam dat feudum quam accipit, & utrumque feudum ecclesiasticum dicitur, sive qui dat sit clericus, sive qui accipit: modo sit nomine Ecclesiæ concessio; Imo & aliquando Clericus, non nomine ecclesiæ cui præest suscipit; sed & hoc feudum etiam sub ecclesiastici nomine agnoscitur.

Quinta di-  
visio in lai-  
cum & ec-  
clesiasticum.

Sexta Feudorum divisio est solennis & cum prima divisione non concurrir, sed ex diversitate temporis & non qualitatis alicujus nascitur; Nempe ut feudum dividatur in antiquum seu paternum & novum. Sunt qui antiquum à Paterno distinguunt, ut paternum id dicatur, quod ad patrem, avum, abavum, tritavum pertinebat id est ab eis majoribus acceptum qui nomen habent peculiare in jure, Antiquum vero quod ab aliis majoribus, qui nomina distincta non habent in jure fuit acquisitum, veluti ab iis qui supra tritavum sunt, sed profecto cum idem sit utriusque effectus paternum feudum ab antiquo non distinguo: Nam quæ de uno in jure dicuntur, de altero dici possunt, ut logici loquuntur, itaque paternum sive antiquum feudum, id dicitur in quo quis patri, avo, aut alicui majorum succedit. Novum autem feudum dicitur, quod in persona ejus qui primus illud acquisivit initium capit, nec ex successione progenitorum provevit, nos conquestum, Angli (purchase) vocant: Cujus divisionis varii sunt effectus in jure, nonnulli etiam in foro nostro, de quibus singulis dicendum est; In jure enim descendentes tantummodo succedunt in feudo novo; Nam semper præsumitur, dominum vassallo, & ejus liberis ex eo descendentes providere voluisse, Itaque feudum novum ad collaterales ex parte patris nunquam pertinebit, Cum in feudo antiquo etiam collaterales succedant; Sed dici potest eandem in utroque esse successione rationem; Nam collaterales in feudo antiquo succedunt, non ut collaterales, sed ut descendentes ex eodem stipite, semper enim feudum stipitem respicit, quod nulli nisi ex stipite succedant, quod æque commune est feudo novo & antiquo: Secundus effectus feudi novi est, quod regulariter feudum novum neminem nobiliter, nobilitas enim non nascitur in nictu oculi secundum Baldum \*, Dixi regulariter, propter ea quæ mox adjiciam in proxima divisione de feudo nobili & ignobili: Quarit hic Baldus, An feudum novum pacto contrahentium fieri potest antiquum? exempli causa, si episcopus in feudo aliquem investiret, & in concessione se non dare animo novandi, neque ut hoc feudum censeretur novum, sed tantum antiquum & paternum; Respondet quod his verbis feudum non fiat antiquum, quod revera erat novum; Nam hæc verborum cumulationes presumptionem circumventionis juris adducunt, nisi sic esse per probationes juris legitimas doceatur; Ratio est, quia solius episcopi concessio non potest ex novo antiquum feudum facere, qui nec de novo infeudare potest; si tamen is qui potuit concedere ab initio, ita concessit, ut esset feudum antiquum eatenus esse feudum antiquum, non ut veritatem feudi mutet, sed tantum ut illud feudum novum, juris antiqui habeatur, id est ut eadem privilegia habeat, & eosdem effectus quos antiquum;

Sexta divi-  
sio in anti-  
quum & no-  
vum.

\* Int. sua  
pala. ff. De  
Grad. &  
Affin. &  
Nomin. cor.  
Bald. in  
proam. feu-  
dor. decisio-  
ne 10.

antiquum ; Itaque episcopi concessio adjuncto Captulo ( qui. unanimi consensu de novo concedere & constituere feudum possunt ) sic, ut novum feudum, quasi antiquum habeatur, potest efficere, Nempe ut transversales sive collaterales succedant in feudo novo, alioqui non successuri ; verba enim enunciativa ab eo prolata, qui voluntatem habet & potestatem disponendi probant ; Et ut hoc ad nostros mores aptemus, verba narrativa partium non possunt efficere ut id quod conquestus revera est, jure hæreditatis censeatur in præjudicium hæredum conquestus, bene tamen & cum ratione efficere & providere possunt partes, ut feudum ad hæredes in genere pertineat, & descendat, & non ad hæredes conquestus ; plura de effectibus feudi antiqui & novi sive Conquestus postea in Titulo de Conquestus.

*Septima  
Feudorum  
divisio in  
Nobile &  
ignobile.*

Ex hac divisione nascitur septima Feudorum divisio, Nempe qua feudum dividitur in nobile & ignobile, quæquidem divisio ex diversitate personæ dantis nascitur. Nobile autem feudum dividitur trifariam, In simpliciter nobile, minus nobile, & aliquid seu mediocriter nobile, Reliqua feuda Ignobilia seu Plebeia dicuntur. Nobile autem feudum vocant in jure quod à principe qui superiorem non agnoscit conceditur, veluti à Cæsare, Pontifice maximo, vel Regibus ; Ego tamen hic aliquam distinctionem esse adhibendam puto, ut nempe ea tantum feuda à principe concessa nobilitent, quæ cum dignitate & jurisdictione conceduntur, qualia sunt Ducatus, Marchionatus, Comitatus, Baroniz ; his enim dignitas & jurisdictionis inhaeret, Itaque cum ipso feudo nobilitas concessa videtur ; Nobilitare enim nihil aliud est quam nobiscibilem idest præclarum, illustrem & perspicuum plebi reddere, & lucem ei adferre, ut ab omnibus talis, qualis à principe constituitur agnoscatur ; quod si sine dignitate & jurisdictione concedatur, qualia sunt emphyteusis, & si quæ sint alia feuda, quæ pro justo annuo censu conferuntur, non puto hæc feuda, licet à principe concessa, aliquem nobilitare ; Nam licet princeps sit nobilitatis fons, & nobilitare quem velit possit, voluntas tamen, & potestas in hoc actu concurrant necesse est ; Princeps enim cum justam exigat locationis mercedem, aut justos fructus, ex prædiis quæ in feudo dat, colligit, non præsumitur velle nobilitare, sed tantum ascriptitios colonos sibi in perpetuum confirmare ; si tamen hi justos etiam fructus ex prædiis percipiant, unde sine manuario labore, aut mechanico quovis artificio se sustinere possunt, principique debitam mercedem pendere, puto & hos in nobilium numerum posse censi, in tertia aut saltem quarta successione. Quod si princeps burgale feudum, sive prædium in burgo in feudum concedat, tale feudum non nobilitat, Burgenfes enim manuario labore victum quaritare præsumuntur, quod vera nobilitas quam maximè abhorret ; Dixi quod princeps nobilitatis omnis sit fons ; Quod si princeps ipse ignobilis natus, in principatum tamen suo merito evectus fuerit, an & hic etiam nobilitatis fons dici potest, Basilii enim Macedo obscuro & ignobili genere natus, imo venditus, saltem verna, ad imperium tamen Bizantinum est evectus, quemadmodum & Justinus, ex bubulco factus est imperator, nec id rarum erat in imperio Bizantino, ubi sæpe ignobiles imperio potiti sunt, Imo & in Regno Bohemiz arator rex factus ; Et franciscus Sfortia dux Mediolani fortissimus & felicissimus, spurius tantum erat Joannis Sfortia qui ab aratro ad militiam ascendit, quid de his inquam dicemus ? Nobiles esse censebimus ? An etiam nobilitatem aliis posse concedere ? profecto utilitatis publicæ causa receptum est, ut qui virtute, meritis, & belli gloriæ, ad summas dignitates, & militares honores ascendunt, non solum nobiles Censeri debeant, sed etiam ut nobilitatem aliis conferre possint ; Nam nobilitas quemadmodum imperia, & Regna, virtutis aliquando erant præmia, & lucem generis, quæ ortu obfuscabatur, consensus populi supplet, & hæc est omnium qui de nobilitate scripserunt sententia. Minus nobile feudum dicitur, quando Dux, Marchio, Baro ( qui capitanei regni dicuntur ) feudum alicui, concedit, Nam & hic cum feudo nobilitatem nanciscitur, & proprie valuasor dicitur, quasi ad valuas domini stans, aut qui stare debet, licet huic ordini vassalli nomen convenit, quasi parvi vassi ; vassalli sane nomen obscurius est ; & tamen de etymologia vassi & vassalli aliquid adferamus, qui ( si sint qui latinam etymologiam probant, ) vassalli dici possunt, quasi vasarii paululum mutato nomine, vasa enim pro omnibus impedimentis Militaribus à probatis authoribus sæpe sumuntur, inde vasa colligere in castrorum mutationibus, idest arma militaria & impedimenta confarcinare ; neque enim sub nomine armorum ea tantum intelliguntur, quibus quisque pugnando utitur sed omne etiam instrumentum Cuilibet arti necessarium : Sic Virgil.

*Feudum minus nobile.  
Qui dicuntur vassi  
vassalli &  
valuasores.*

*Dicendum & quæ sunt duris agrestibus arma,*

Pro higonibus & aratris, Itaque vassallus, aut armiger fuit, aut quid simile ; Sanè vasarii nomine

nomine Budæus ait omne illud contineri, quod magistratibus in provinciam ituris dabatur, ut muli, equi, & reliqua, quæ magistratus instrumenta complerent; immo ipsa pecunia quæ viatici nomine dabatur, vassarii nomine comprehendebatur; hinc vassarii qui pro mercede militabant, idest mercenarii, & vassalli apud nos dicebantur scutiferi, sive armigeri, quorum celebris mentio est apud Homerum, Ovidium & Virgilium, & etiam in sacra scriptura, & hæc etymologia sive derivatio nihil incommodi affert. Cujacii vero derivatio à germanica voce Gefell, quæ comitem significat minus mihi placet, durior enim est, & vassalli nomen diminutivum esse à vassa nemo est qui negare cum Ratione potest; vassorum autem nomen apud scriptores rerum à Carolo & subsequentibus Imperatoribus gestarum usitatum est pro Barone, sed eo qui immediate à principe beneficium agnoscit, & inter regni primores numeratur; Si cui latina derivatio non placet, is vassii nomen Gothicum esse origine non sine ratione affirmare poterit, Et hæc de vasso vassallo, & valvassore, Militaria enim erant nomina, ut vassallegii nomen retentum adhuc apud nos judicat, sed ad nobilitatem feudorum redeundum.

Aliqualiter nobile feudum est, quod habentes à Duce, Marchione, vel Comite aliis subinfeudant, Nam & hi etiam aliquam nobilitatem consequuntur, & minores valvassores dicuntur. Ignobile autem feudum est quod à minoribus valvassoribus conceditur, vel minimis, Nam ut ibi Baldus ait, Certum est rusticos posse in feudum concedere, modo suarum rerum administrationem habeant, iniquum tamen est ab iis feuda concessa nobilitatem aliis adferre, cum ipsi ignobiles sint, Hanc distinctionem feudi in Nobile & ignobile adducunt Alvarottus, Rebuffus & ceteri omnes juris interpretes nec à nostris moribus abhorret.

Octava Feudorum divisio est in Ligium & non Ligium, cum qua convenit illa altera divisio, in feudum Regale & non Regale, Nam licet omne feudum Regale sit ligium, & contra non Regale non ligium, tamen aliquis diversus respectus distinguit regale, à ligio: Regale enim feudum est Nobile, cum dignitate à Rege concessum, veluti Ducatus, Marchionatus, Comitatus, & Baronix; Nobiles qui in his feudis investuntur, vexillo antiquitus à Rege donabantur, Hodie Ducatus coronella sive parva corona, Marchionatus vexillo, & Comitatus apud nos cingulo (quod vocant dignitatis Cingulum) insigniuntur, & hæc dignitates à rege tantummodo proficiuntur. Scio tamen in Germania à septemviris electoribus Marchiones, Comites, & Duces creari, sed hæc regalia feuda dici non puto, quod à Rege immediate non proficiantur, tamen tolerantur, quia à Cæsare habent potestatem conferendi tales dignitates; Septemviri enim licet non regiam, Regi certe proximam potestatem seu dignitatem sibi arrogant, sibi que videntur aliquid majus ducibus ceteris, & Marchionibus, adde quod unus septemvirorum sit etiam Rex, licet superiorem nempe Cæsarem agnoscat. Non Regale feudum est quod ab inferioribus Imperatore aut Cæsare conceditur, & tamen annexam secum dignitatem habet; Sic ligium est regale feudum; Nam à Rege sive principe conceditur; Itaque vassallus & jurat fidelitatem contra omnes (ut ajunt) personas nulla excepta, & talis fidelitas ei tantum debetur qui superiorem non agnoscit, feudum autem non ligium est in quo semper excipitur persona primi domini, & talia feuda sunt, quæ de principe non tenentur, vulgo tenendrias dicimus, In quibus fidelitate prestita, semper censetur excepta persona principis, vel domini superioris, licet non exprimatur; de effectibus hujus feudi Ligii multa habet Curtius, nos sequenti diegesi nonnulla perstringemus.

Nona in simplex & conditionatum feudi divisio est; quod cum prima divisione concurrat, licet à plerisque sepe ratum ponatur, Simplex enim feudum est quod proprium & verè feudum antea diximus: Conditionatum quod annexam habet aliquam conditionem, qua deficiente feudum cadere necesse est, veluti si domus data sit ad habitandum, & feudatarius eam deferat, feudum extinguatur & domino aperitur; Scio apud nos castra & ædes plerasque in feudum concessas, ut habitatio domino cum venire contigerit reservetur, & tales modi sive conditiones sunt servandi, nisi feudum interire vassallus maluerit; Quarit Baldus, quid si feudum Curioris claudus conferatur, aut patroni aut oratoris muto? Repugnantia videtur in adjecto, neque enim claudus currere, neque mutus causas agere potest; talia etiam exempla apud nos Inveniuntur: veluti feudum jaculatoris aneorum tormentorum scio ei concessum, qui illius artis erat imperitissimus; tale tamen feudum Baldus valere vult, præcipue si sit hæreditarium sive perpetuum propter spem hæredum, qui forte conditioni satisfacere possunt; interea ex paratis sive promptioribus feudi fructibus, conducendum putat, qui currat, qui causas agat, qui machinas jaculetur. Vendere tamen feudum hoc sine consensu

*Feudum aliqualiter nobile. Feudum ignobile.*

*Octava feudi divisio in ligium & nonligium.*

*Nona in simplex & conditionatum.*



domini neque claudus neque mutus potest ut vult Baldus, sed quoniam hæc quæstio postea occurret, quid de ea censeam tunc aperiam.

*Decima feudi divisio in divisibile & indivisibile.*

Est & alia feudi divisio tam in textu quam apud doctores, nempe in divisibile & indivisibile, cujus divisionis effectus varii in hoc tractatu occurrent: Divisibile feudum id dicitur, quod in partes dividi potest, ut omnia feuda ex sua natura divisibilia sunt, præter feuda dignitatum qualis sunt Ducatus, Marchionatus, Comitatus; Ratio hæc ponitur à doctores, quod hæc feuda dignitatum regimen & jurisdictionem contineant, & difficilius à pluribus quam ab uno populi regantur. Alii etiam in his divisionem admittunt, ita tamen ut dignitas non dividatur, ut plures sint duces, Marchiones &c. (Cujus tamen contrarium in Germania servari novimus) at jurisdictiones possint dividi ut unus frater regat unam Civitatem, alius aliam; Indivisibile autem feudum est, quod in partes divisionem non admittit. Ex hac divisione Feudorum jus locale esse, facile est percipere; In Gallia enim omnia feuda sunt divisibilia præter Regnum, sic in Germania; In Britannia vero & Normania feuda non sunt divisibilia, nam in solidum in eis succeditur, nisi forte femina succedant, inter quas feuda dividuntur: alioqui nisi ex pacto vel tenore investitura, vel consensu partium feuda divisionem apud nos non recipiunt; Plures etiam divisiones traduntur, quas omnes in arbore Libris de usibus Feudorum præfixa, cum earundem explicatione, & commentario Rebuffi viri doctissimi, & in usu forensi exercitissimi videre licet: quales sunt illæ quæ sunt de feudo jurabili, & non jurabili, & alia quas ego hic prudens prætereo, quia cum usu nostro parum convenire videntur: Nam apud nos nulla fere feuda hodie jurantur, licet enim fidelitas semper debeat, nunquam nisi rarissime juratur; Itaque eas divisiones consuleo prætereo, ut non multum ad forenses nostrum usum accommodas; Imo nec earum divisionum, quæ præmissi membra, pro dignitate satis sunt explicata, sed plenius & planius ex narratione sequentium capitum intelligere licebit, cum de persona tam dantis quam accipientis feudum, cum de investitura & successione in feudo, deque feudi amissione & refutatione dicemus: Nam in his omnibus divisiones hæc & earum effectus occurrunt, & pro varietate membrorum variaz nascuntur decisiones. Sequitur ut ad usum nostrum forenses accedamus, quæque divisiones in usu sunt apud nos discutiamus. In quo negotio hæc duo præmittenda sunt: unum per nostri fori divisiones, non tolli eas quæ ex jure feudali colliguntur, sed nostras ab eis Illustrari, neque enim ex iis quas nuper ex jure adduximus divisionibus ulla est, cujus effectus in moribus nostris non elucescat, imo & nostræ cum illis, & illæ cum nostris ita immixtæ sunt, ut tantum qualitate, vel qualitatibus diversa specie inter se differant. Alterum est, feuda apud nos ea tantum dici quæ sunt perpetua & quæ ad hæredes transeant, neque enim apud nos sunt feuda annalia, nulla vitalia, nulla temporalia, nihil enim feudi nomine dignamur nisi id de quo dici potest, quod N. obijt ultimo vestitus & factus de tali prædio & tenemento ut de feudo, & quod R. est ei proximus hæres in dicto feudo, idest in illius prædij dominio utili; dominium enim aliquod apud vassallum esse nisi fateamur, & non usumfructum tantum, in maximas difficultates incurremus, ut antea monui, habet itaque feudum nostrum duplicem respectum, unum ad dominum concedentem; In quo Casu illius feudi dominus superior dicitur; alterum ad vassallum, qui ideo tenens apud nos dicitur, ejusque feudum tenendria sive ut ab interpretibus dicitur tenuta; Ita ut dominium directum ad superiorem semper pertineat, utile vero sive tenendria ad vassallum, quam de domino superiore tenet.

*De divisionibus feudi apud nos.*

*Prima apud nos Feudorum divisio in simplex & talliatum.*

Divisiones itaque Feudorum apud nos in usu sunt tres, Prima in feudum simplex & limitatum, sine Conditionatum, nos talliatum dicimus, & hanc divisionem ex jure antea proposuimus, sed forte in alia significatione, simplex enim feudum hic non est quod cum definitione convertitur, ut antea dixi in prima divisione, sed quod ad vassallum, & ejus hæredes quoscumque indistinctè, & sine aliqua limitatione pertinet, qualia sunt fere feuda apud nos omnia, & semper præsumitur feudum simplex, nisi aliud convenerit; Limitatum vero feudum, sive talliatum quod lineam directam aliqua ex parte in successione fecat, & propinquorem, qui aliqui succedere debet, excludit, quales sunt apud nos omnes talliæ, sive feuda provisionalia. Unde talliæ nomen deducatur variaz sunt doctorum hominum opiniones; alii enim à voce Gallica (tailler) deduci putant, quasi sit abscissio sive intersectio rectæ lineæ, sed profecto hæc etymologia plerisque non satisfacit: Cum talliæ nomen apud plerasque exterarum gentes quibus Gallica lingua ignota est usurpetur: Alii ab adjectivo (talis) deduci putant, Quæquidem derivatio mihi videtur verisimilior, quippe concessio fit, non ut ad quoscumque

*Unde talliæ nomen.*

quosunque hæredes indistincte feudum transeat, sed ad tales, nempe eos, qui in tenore investituræ continentur, neque solum dicitur feudum limitatum, sive talliatum quod ad masculos tantum descendit exclusis foeminis (in qua significatione apud nos frequentatur) sed quoties tales hæredes, qui proximi, alioqui non sunt, succedunt; Nam feudi talliati nomine, omne illud feudum comprehenditur in quo hæredes directi & propinquiore non succedunt, veluti si feudum sit concessum alicui & ejus hæredibus de corpore suo procreatis, feudum limitatum est sive talliatum, quia nulli hæredes nisi ex corpore ejus, cui conceditur, procreati succedunt; Neque enim tale feudum ad collaterales extenditur; imo quod majus est, Si Mevio & Sempronix conjugibus concedatur feudum, & hæredibus inter ipsos procreandis, & nulli ex eo matrimonio super sint, & Mevius ex alia conjuge liberos susceperit, hi in feudo non succedunt; Nam hoc feudum stricti juris est, & ad eos solos extenditur, quibus providetur; & observatur apud Anglos strictissimè; apud nos quoniam nihil unquam de hac quaestione audivi decisum, dubitare cogor, & licet lex & Ratio pro prior parte faciat, nempe quia provisio sit tantummodo hæredum determinatorum, & feuda sint stricti juris, tamen sæpe remedium ab æquitate petimus, quasi ea videatur concedentis voluntas, ut etiam ulterius ad Mevii quosunque hæredes, ex corpore suo procreatos, feudum extendere voluisse præsumatur, sed de his feudis talliatis sive limitatis in titulo de Feudorum successione, Cujus ille locus proprius est, plura dicemus.

Secunda apud nos forensis feudi divisio est in hæreditatem & conquestum; Nam licet etiam Conquestus communiter loquendo, sub hæreditatis nomine comprehendatur, & eisdem privilegiis gaudeat; tamen ubi conquestus & hæreditatis simul mentio fit, tum Conquestus separatim facit membrum feudi, ab hæreditate, & hæc divisio cum prior divisione quam ex jure proposuimus de feudo antiquo & novo, in plerisque convenit; Nam hæreditas dicitur feudum antiquum, quod à patre, avo, & superioribus descendit, imo etiam à Collateralibus, modo per successionem quis ad illud pervenerit, & in eo mortuus fuerit: Conquestus autem feudum novum est, quod in primi acquirentis persona cum moreretur consiltebat, imo & si habeat ex venditione, traditione, donatione, etiam prædecessorum aut eorum, quibus alioqui succedere debeat, modo per successionem ad illud feudum non pervenit, Hujus divisionis effectus apud nos hic est, ut aliter succedatur in Conquestu, aliter in hæreditate, de quo effectus postea in titulo de successione.

Tertia & celeberrima apud nos feudi divisio, est in feudum militare, Blancum, burgale, & Ecclesiasticum, sunt qui & quintum membrum separatim faciunt, nempe ad manum mortuam, sed de his omnibus sigillatim dicendum est; feudum militare ideo dicitur, quod ob officia militaria antiquitus debebatur, & hodie nomen retinet, quia adhuc omnia servitia, debent esse militaria: vitiose à nostris feudum dicitur esse per servitium wardæ & Relevii, neque enim warda & relevium sunt servitia, sed tantummodo servitium militare concomitantur, Itaque melius loqueremur si diceremus tenendriam esse per servitium, wardam, & Relevium; aut servitium cum warda & Relevio. Quid autem sit warda & Relevium suo unumquodque titulo explicabimus, & tale feudum cum feudi definitione quam præmisimus, & cum naturalibus ejus qualitatibus omnibus convenit; Itaque recte feudi proprii nomine Censeri potest; In utroque enim tenens seu vassallus ad servitia tenetur, sed honesta; Imo & in hoc convenit maxime quod semper præsumptio sit pro hoc feudo, nisi aliud ex tenore investituræ constiterit: Omne enim feudum quod redditionem servitiorum continet, sive onus præstandarum sectarum, in Curiis quas Capitales solemus dicere, (præstatio enim hæc in curiis species est servitii) sub hoc primo membro continetur; Imo & reliqua omnia feuda eodem jure censentur, licet annuam præstationem habeant, nisi expressa mentio fiat, feudum concessum esse pro redditione rei alicujus nomine Blancifirmæ vel feudifirmæ, vel burgali. Dubitari potest de iis præstationibus quæ nomine Canæ fiunt, quales apud nos pleræque sunt, utrum nomine feudifirmæ an feudi Blanci censeri possint? Causam dubitationis præbet nomen Canæ, quod album significat ut Canos capillos dicere solemus, meo quidem judicio melius à Canone deducetur; Cum idem prope significet; Canon enim in jure præstationem annuam; sine pensationem innuit: unde canon frumentarius, & Canon metallicus, & vestiarius qui pro militum vestimentis præbebatur, & in Codice Theodosiano, hi Canones videntur canicæ dici, ubi vestes, equi, ceteræque Canicæ species leguntur, est itaque Cana idem quod Canica, sive Canon, sive certa præstatio annua, quæ nunquam naturam feudi per se, neque speciem tenendriæ immutat, ut nulla alia præstatio annua

*Secunda  
Feudorum  
divisio  
in hæredita-  
tem & Con-  
questum.*

*Tertia divi-  
sio in Mili-  
tare Blan-  
cum emphi-  
teuticum &  
Ecclesiasti-  
cum.*

nisi exprimatur tenenda in feudifirma. Sed quæret aliquis quid de his formis Feudorum dicemus, quæ hodie vel incuria, (nam ignorantiam non possum dicere) patronorum, vel importunitate postulantium introductæ sunt, In quibus summæ alicujus præstatio, vel servitium unius comitis, vel militis præstatio, cum hac adjectione (nomine blanci sive feudi franci,) Hæc ne feuda franca, an vero communia seu propria dicemus? Si communia expressus tenor repugnabit, In feudo nempe franco teneri; Si francum dixerimus, non minor erit repugnantia, semper enim servitia feudum proprium sive commune inducunt, Itaque in his formis videtur esse repugnantia, quam dialectici vocant repugnantiam in adjecto; Nam adjectiones hæc tam inter se quam cum natura feudi pugnant, conditionem feudi incertam faciunt, quæ omnino debet esse certissima, ut tam dominus quam vassallus sciant, quibus nominibus inter se obligentur, quidque aut dominus sperare aut vassallus præstare possit, aut debeat; sed cum durum esset hanc Feudorum formam tollere, in ea sum opinione, ut hæc feuda quæ & servitium & blancam tenendam continent, nemine Feudorum communium censeantur, & Relevium cum warda & Maritagio hæredis domino debeant, ut prima feudi natura, & principalis ejus qualitas, vanam Blanci mentionem prægravet, ut ad suam naturam & originem trahat; Hujus autem feudi simplicis, cum sit militare, dignitas maxima est, & omnibus aliis Feudorum generibus apud omnes nationes dignitate præfertur.

*De Blanco feudo.*

Secundum apud nos hujus divisionis membrum, Blancum feudum dicitur, quod supra monui in omnibus cum feudo franco convenire; Nam quacunque de uno verificantur, de altero etiam verificari possunt, Hujus naturam, conditionem, & effectus, supra cum de feudo franco ageremus, descripsimus, utrumque enim hoc feudum à servitiis immune est, fidelitatem tamen utrumque debet, & proinde feloniam in dominum non committere, neque insidias in ejus bona, vitam, dignitatem structas celare vassallus talis debet, cætera quivis facile colligere potest, ex iis quæ nuper de feudo communi diximus.

*De feudo burgali.*

Tertium membrum divisionis est feudum burgale, sive plebeium, quod nunquam nobilitat; Nam præsumptio juris est ut antea dixi Burgenses omnes manuario aliquo quæstu, sive arte aliqua ignobili vitam producere. Hi autem burgi apud nos inter regalia æstimantur, neque cum territorio alienantur, nisi expressa eorum sit mentio. Sed burgi præcipue, ex immunitatibus & privilegiis, quæ à principe conceduntur consistunt, & sua etiam servitia apud nos principi debent; servitia autem burgorum hæc sunt vigiliæ, Custodiæ intra burgum, & ejus territorium (nos libertatem burgi dicimus) collationes, indictæ, tributa, quæque alia ejus generis à principe imponuntur; Imò & alia servitia debent burgi, quæ forte eadem cum feudo communi, viz. militaria, ita tamen ut egredi fines libertatis suæ (ut loquuntur) burgenses non cogantur, nisi majus periculum vel principi vel reip. immineat: vidi in investitura quam burgus de Innerkething à Roberto tertio Scotorum rege acceperat, clausulam redditionis continere, non servitia burgi seu burgalia, sed servitia solita & consueta; & proinde militaria hæc erant in principio servitia: à warda tamen, Relevio, Maritatione & non introitu sunt liberi, quoniam nunquam sunt minoris ætatis, nec maritantur, nec moriuntur: sed de his singulis postea.

*De feudo Ecclesiastico & prima ejus specie.*

Quartum membrum divisionis feudi est Ecclesiasticum, quod cum triplex esse antea diximus de singulis nunc dicendum, Et primo feudum quod ecclesia, vel à rege, vel à principe, vel etiam à privato accepit, verè Ecclesiasticum dici potest, In hoc genere feudi non tam consideratur persona Episcopi, aut Prælati quam ipsa ecclesia, ut ecclesia ipsa vera Regis vassalla dicatur; Prælati vero tantum ecclesiæ administrator, durante vita sua, & quasi tutor est ipsius ecclesiæ, per quem ecclesia, quæ non potest per se præstare, (nempe debita munera & functiones) solet exercere: sed neque ex ejus facto ecclesia tenetur, nisi quatenus locupletior, ad exemplum pupilli, vel minoris, qui lædi ex facto tutoris vel Curatoris requirit; Imò licet administrator in dominum deliquerit, ecclesia ex hoc facto damnum sentire non debet, Ipse tantum, qui deliquit, ab administratione removetur: Si autem Prælati cum capitulo deliquerit, licet alioqui potestatem de rebus ecclesiæ disponendis habeat, tamen ecclesia non punitur, Damnum tamen æstimabitur, cujus dimidiam partem Prælati, alterum dimidium Capitulum solvat. Quod diximus ecclesiam, quæ per se facere non potest, per administratorem suum exercere, intelligendum, quatenus Prælati vel administrator alius de jure facere potest; Nam licet vassallus in bello dominum juvare teneatur, Cum tamen prælatis pugnare interdictum sit, per substitutum servire possunt; Itaque

Prælati



Prælati suos vassallos & tenentes domino, tam in pace quam in bello in subsidium, & præfidium, mittere coguntur; Imo in Curis capitalibus earum terrarum nomine, quas tenendias dicimus, & in feudo de principe tenent, comparere per substitutos cogendi: nos sectam & præsentiam in Curia Regis exhibere dicimus, & catenus nomine secularis Baronis, ecclesia vel Prælati censetur; sed raro prælati hi sectam seu sectatorem pro se exhibere tenentur, Et si præsentiam per procuratorem exhibeant, qui pro utroque sufficit.

Aliud feudum Ecclesiasticum est, quod ab ecclesia conceditur, sive in commune feudum (ut nomine Canæ) & hæc feuda debent ecclesiæ servitia, cum warda Relevio & hæredis Maritatione quoties occurrunt; sive in emphyteosin, aut ad libellum data sint, quæ in annum censum sive Canonem tenentur; Nam feudum ad libellum dare, nihil aliud est quam in perpetuam emphyteosin locare.

*Secunda species feudi Ecclesiastici.*

Tertia species feudi Ecclesiastici est cum prælatus, sive aliqua Ecclesiastica persona feudum acquirit, sed non ecclesiæ nomine quam administrat, sed sibi tantum tanquam privato: quod quidem feudum licet Ecclesiasticum dici potest ut antea monuimus, tamen non tam ecclesiam, quam personam administrantis respicit, Itaque in hoc tanquam communi feudo succeditur; de his autem feudis Ecclesiasticis & eorum effectibus mox dicemus latius; Illud tantum admonentes, illa feuda quæ ab ecclesia conceduntur in Emphyteosin, ad nulla servitia teneri, nisi aut sint communia vel servitia illa, quæ sint in tenore emphyteoseos expressa.

*Tertia species feudi Ecclesiastici.*

Quod ad quintum membrum attinet nempe feudum ad Manum mortuam, Malui membrum feudi Ecclesiastici facere, quam principalis divisionis, & differt à priore Ecclesiastico feudo, quod ad servitia nullo modo teneatur, sed tantum Recognitionis nomine preces & supplicationes præstat, Nos mortificationem dicimus, terrasque mortificatas, quia ecclesia ut dixi nunquam moritur; Manus enim mortua de iis dicitur, quorum possessio est immortalis; Manus enim pro possessione quæ manibus comprehenditur sumitur, mortua tamen in hoc loco pro immortalis, quod horum feudorum possessiones sint mortuæ mundo, & proinde ecclesiæ factæ sunt immortales; eodem modo, quemadmodum dicere solemus, municipium nunquam mori, quia hominibus morientibus & aliis succedentibus, idem proprie corpus videtur remanere: ut in grege, vel navi cujus cum tabulæ corruptæ & vitiosæ eximuntur novæque pro iis sufficiuntur; materiam disputandi Philosophis præbuit, esset Argo navis quæ Jasonem ad Colchicam expeditionem vexerat an alia:

*De feudo ad manum mortuam.*

Licet tamen quadrimembrem hanc fecerim divisionem, accepi à viro magno Davide Magillæo advocato postea regio, trimembrem potuisse sufficere, nempe ut omne feudum sit, vel commune vel francum, vel emphyteuticum, cum urgerem de feudo burgali & Ecclesiastico; Respondit sub primo membro contineri posse; Nam & hæc duo feuda servitia debere, & fortasse eadem cum feudo communi nemo negabit; ecclesiæ enim administratorem, si non per se, saltem per substitutum in militares operas teneri certum erat; quod verò à warda & Maritatione erant immunita, hoc ideo fieri dicebat, non ex feudi Natura, quæ eadem cum aliis erat communis; sed quod ecclesia sive Civitas aut burgus nunquam moriatur neque hæredem habeat; Itaque neque vardam, neque maritationem debere potest, imo neque relevium, quod feuda hæc sine vasallo nunquam reperiantur. Sane quod ad servitia attinet, multum in Ecclesiasticis feudis præiudicatum est sub umbra pontificis Romani, cui soli fidelitatem prælati se debere putabant, & proinde debita regibus obsequia denegebant.

Est & alia apud nos feudi divisio in feudum ipsius prædii, & annuæ præstationis ex ipso prædio, ut aliud sit feudum ipsius fundi, sive tenementi, aliud annui redditus ex tenemento, & licet hæc divisio Criticorum supercilium declinare vix poterit, cum non sit unum genus utriusque hujus membri, quod feudum ipsius fundi, sit rei nempe corporalis, annui autem redditus feudum, sit jus incorporale, & quasi servitus in fundo; non minus tamen dicitur in feudo obiisse, qui annum redditum hæreditarium habet, quam qui ipsum feudum: Et quod majus est, qui annum redditum hæreditarium habens obiit, jure & privilegiis Baronis gaudet; In hoc quod omnium bonorum mobilium optimū quidq; cujusq; speciei, hæredi & non executori apud nos relinquitur; Itaq; ut ad supradictam divisionem redeamus, feudum ipsius fundi est, cum proprietas sive dominium ad quempiam jure feudali pertinet, sive sit superioritas, quam dominium directum dicimus, sive dominium utile quod tenendria dicitur; feudum autem annui redditus est Jus incorporale (quod tamen pro corporali sumitur) annum aliquam utilitatem ex fundo percipiendi, sive ea utilitas sit in pecunia, frumento, oleo, vino, salmonibus, & reliquis rebus, quæ pondere, numero, aut mensura constant, sive sit in aliqua servitute;

*Quarta divisio feudi in feudum ipsius fundi & annui redditus.*

servitute, veluti pecoris pascendi, aquæductus, operarum, arandi, stercoreandi, metendi, & similibus; Ita tamen ut investituram quis de hac servitute habeat; Et licet potius hæc servitutes hæreditariæ dici debeant, obtinuerunt tamen, ut etiam hæc feuda dici possent. Feudum autem annui redditus triplex apud nos habetur; Nam alius apud nos annuus reditus qui redditus soli dicitur, alius emphiteuticus, tertius superficiarius, de his tribus, quidque unusquisque propriè significet, doctissimus dominus Skyneus in suo de verborum significatione commentario declarat, sed tamen ut in re valde abstrusa, neque unquam nisi semel temporibus Mariæ Reginæ ejusque regni anno 1551 inter acta ordinum reperta. Puto tamen hanc trimembrem annui redditus divisionem ab Anglis ut & multa alia in nostros mores & usus irrepississe; Nam & illi triplicem annum redditum faciunt, licet non iisdem quibus nos verbis utantur: ut unus sit annuus reditus servitii, secundus onerosus, Tertius siccus: Reditus servitii is dicitur, quando fundus in feudum à domino datur ea lege, quod præter servitium quod sibi dominus retinet, idest præter superioritatem, aliquam etiam utilitatem domino præstet: veluti si fundum de se tenendum quis concesserit, & ut præter servitium, etiam decem aut viginti libras vassallus domino pendat, qui reditus servitii dicitur: Onerosus autem annuus reditus est is, Cum dominium fundi est in unius veluti domini persona, annuus redditus in alia, aut si dominus fundum uni, annum redditum alteri concesserit, utrumque de se tenendum cum potestate distringendi. Si autem hæc potestas distringendi pro dicto annuo redditu non reservetur in concessione, is annuus reditus dicitur siccus, ubi necesse est domino hujus annui redditus districtum à judice impetrare, & non brevi manu & sua autoritate ad districtum procedere. Hæc ut ad nostram divisionem accomodemus, puto redditum fundi eundem esse cum redditu qui servitii dicitur apud Anglos; Nam in dictis locis occurrit, ubi Capellanus dominus fundi dicitur, & quod fundus teneatur de eo pro annuo redditu. Secundus autem Annuus reditus qui onerosus dicitur eum esse puto qui apud nos Top annuall, non à superficie sed à capiendo dicitur, jus enim distringendi ei inhæret; Quod autem alii putent ideo top annuell dici quia non ex ipso fundo sed ex ejus superficie capiatur, parum cum ratione convenire videtur. Nam annum redditum ex superficie aliqua capi, ita ut liberum sit solum non memini. Semper enim in his annuis redditibus hæc verba insunt (accessit ad solum dictarum terrarum) neque de superficie concessum unquam memini. Tertius autem ille annuus reditus qui siccus dicitur est Emphyteuticus, in quo dominus potestatem distringendi apud Anglos non habet, nisi à judice eam impetraverit. Apud nos pro tribus terminis immediate præteritis poterit sua autoritate distringere.

### *De divisionibus Feudorum quæ apud Gallos & Anglos in usu sunt.*

#### *Diegesis undecima.*

**O**bjiciet mihi hic non dubito aliquis, Cur in harum divisionum enumeratione, solennem illam (quæ libro Regiæ Majestatis continetur) feudi divisionem in militare & foccagium, silentio præterierim: sed sane ut instituti mei rationes explicem, ego illam divisionem nullum commodum nullam utilitatem peperisse moribus nostris existimo, neque jus nostrum ex eo elucidatius factum, sed potius obscurius; Malè sit illi quicumque is fuit, qui nobis leges Normannicas (Nam apud Normannos hæc divisio enata est) pro nostris obrufit, quas vix dum ipsi Angli receperant, si verum est librum illum Regiæ Majestatis Davidis primi tempore conscriptum, ut quidam putant. Sed ex eo libro quid foccagium sit, quis soccomannus intelligat nemo, nisi quod soccomannus, militi: foccagium, militari feudo opponitur; Nec in ulla carta aut Feudorum concessione apud nos tenutz sive tenendriæ in foccagio unquam mentio facta fuit, Itaque inutilem disputandi materiam potius quam utilem feudi divisionem nobis ille scriptor reliquit. Sed ut res tota facilius intelligatur, Quidque juris in possessionibus prædiorum vicini nostri teneant, etiam nostratibus innotescat, Præcipue cum multæ utilitates exinde ad nostros mores, sive usum nostrum forenses derivari possunt, pauca de iis subjiciam, ut possessiones rerum mobilium (quæ apud illos & Normannos Catellorum nomine designantur) ob id puto quod apud gentes septentrionales bona

bona in armentis & pecoribus consistebant, prout de Schythis narratur,) silentio præteream tanquam ad institutum nihil attinentes.

Dividunt Angli omnes prædiorum status (Nam possessiones rerum immobilium statum prædiorum propriè vocant) in temporarios & perpetuos, quos hæreditarios idest feuda vocant. Temporales dividunt in eos, qui ad placitum domini fiunt vel pro certo annorum spatium, vel pro vita. De his tribus membris prius dicendum est: Qui ad placitum domini, statum prædii sive urbani sive rustici nactus est, is ex arbitrio domini possidet, idest quandoque dominus voluntatem suam declaraverit, migrare cogitur & nihil à precario possessore differt, de quo in prima diegesi; Si tamen ante domini denunciationem, araverit, & sementem fecerit, tantum ei temporis indulgendum est, cum libera adeundi & abeundi potestate, donec metere possit, & messem cum omni suppellectile auferre, quasi hoc naturaliter omni obligationi & locationi insit, sed fructus naturales, idest naturaliter crescentes, neque à solo separatos, relinquere tenetur. Sic in prædiis urbanis, id temporis huic precario possessori permittendum est, ut commodè possit suppellectilem omnem, & instrumenta domestica, quæ intulit exportare ad exemplum executorum, quos testator sive in suis adibus sive alienis testamentum faciens constituit: Nam iis permittendum est, quicunque sit earum adium possessor, res testatoris omnes quarum dominium aut administratio iis competit tollere: nec liberè ultro citroque commeari potestas iis denegatur, quod ita semper temperandum est, ut fraus & dolus utrinque absit. De pauperie sive de vasto in re locata dato, nisi culpa ejus factum fuerit, non tenetur. Vastum autem nihil aliud, quam vastatum per syncopen, & tam ipsi locatori quam ejus hæredi, ad quem Reversio, idest post mortem locatoris successio pertinet, competit. Itaque ruinosas ædes domino non reficiet. Precarius autem possessor, sive ad placitum domini, Is etiam apud eos dicitur, qui Cartam à domino de prædio habet, nec tamen investitus est; Nam licet ex interdicto unde vi sit tutus, cum de domini voluntate constet, tamen ex voluntate domini, migrare quandocunque denunciaverit, cogetur, jus enim in re talis possessor non habet, sed solus dominus, donec fasina intervenierit; salva tamen ei actione contra dominum, ut fasinam à domino recuperet. Itaque donec à domino investiatur, possidens hic, tantum ex placito tenens dicitur. Secundum membrum hujus subdivisionis, est locatio pro certo annorum spacio, apud Anglos (leafis) apud nos assedationes dicuntur, teneturque Colonus expleto locationis tempore, etiam sine denunciatione migrare, usque adeo ut si ante locationis exitum sementem fecerit, quæ locatione finita in fruges excresecat, fruges amittet: donasse enim videtur, cum locationis tempus elapsurum, & sibi migrandum sciret, sementem tamen fecerit, cujus messis domino prædium ingrediente relinquenda esset, in quo à nostris moribus aliquo modo dissident; Nam expleto locationis tempore, nisi locator denunciaverit, Colonus migrare non tenetur, uterque enim in priore conditione tacite permanere videtur, & hæc tacita locatio est de qua in jure Civili\*; Imo licet alteruter conditionem renunciaverit, idest sive dominus denunciaverit, sive Colonus domino se migraturum declaraverit, Colonus expleto locationis tempore, commodum temporis spatium ad colligendam & tollendam messem habebit, ædesque licet non ad habitandum, tamen pro cura & custodia animalium rustico operi necessariorum consequetur; & sic Colonus, messem: dominus, illius anni integram mercedem habebit; In prædiis autem sive tenementis, ubi non est messis sed habitatio tantum, locationis tempus servandum est, nisi tacite nova relocatio convenerit. Sed ut ad ea redeamus in quibus vicini nostri nobiscum conveniunt, in temporariis hisce locationibus, Coloni sive tenentes, adificia, facta, tecta, servabunt, saltem in eo statu in quo fuerunt tempore receptæ possessionis; Itaque nec arva deteriorare, nec arbores frugiferas aut alias cadere possunt; soli enim pars sunt: si damnum (quod vastum illi dicunt) datum fuerit, etiam ab externo, Colono ignorante vel invito, in triplum tamen tenetur, & dominus propria autoritate fundum potest ingredi, reservata Colono actione, contra tertium qui damnum dederat, nam ipse immediate domino tenetur de vasto: utrique autem huic generi locationis hoc tacitè & quasi naturaliter semper inest, ut dominus non soluta pensione possit pro ea distringere, quemadmodum in jure Civili, licet convenerit ne locator Colonom removeat: tamen si Colonus in pensionis solutione cessaverit, potest eum dominus remove, non obstante priori pacto, quasi tacite locationi, & omnibus locationum pactis hæc conditio inhæreat, si pensionem solverit, cui derogari non potest\*; Si Colonus domini Conditionem invertat in prædio, ut feudum sibi vel alteri acquirat, à locatione cadit. Sine mercede locatio non fit, sed merces aliquando in sola fidelitate,

*Prima statum apud Anglos dicitur.*

*\* L. qui ad certum tempus, ff. locati.*

*\* L. quero Sect. inter locatorem vocal. ff. locati.*



fidelitate, aut aliqua alia re pro mercede confistit. Res immobilis sine scripto locari, apud eos non potest: apud nos, pro uno anno etiam sine scripto potest. Archiepiscopi terras suarum Ecclesiarum ultra tempus viginti unius annorum vel saltem trium vitarum in contractu locationis specialiter comprehendendarum, & ob initio Ipsius locationis computandarum, locare non possunt, ita tamen ut semper conditio ecclesiarum non reddatur deterior. Idem in magistris hospitalium, & collegiis. Locare autem quis potest, aut ad vitam conducentis, aut etiam alterius, aut ad plures vitas, aut ad terminos annorum, aut denique ad vitam, & post eam extinctam ad terminum annorum; Quod si quis locaverit sine mentione annorum, ad vitam conducentis locasse videtur; locator pro mercede semper distingere potest, durantibus annis locationis, non autem post eos decursos. Inventa omnia tacite pro mercede obligantur. In his locationibus salina non est necessaria, si tamen locatio scripto fuerit comprehensa, Colonus si scripti possessionem ingredi potest, etiam mortuo locatore, in quo nobiscum non conveniunt; Nam apud nos nemo rem vel suam apprehendere potest, nisi tradente possessore, ne quis Author sui juris, aut possessionis, aut jus sibi dicere videatur. At secundum jus Civile derelictam sive vacuum possessionem, colonus ingredi perfecta locatione potest, si non sit vacua, dominus ut vacuum faciat, & colono tradat, conveniendus est; quod si terra alicui locata fuerit antea, vel in feudum data, Colonus propria autoritate non potest ingredi. In his assedationibus necessariò qui locat, jus & potestatem locandi habere debet, & si sit hæres ut sit factus requiritur, fieri enim potest, ut Colonus à vero domino pro pensione rursus conveniatur, nisi forte ex contractu sive scripto locatio descendat; tum enim colono non est permittendum, de jure ejus disputare quem authorem suæ possessionis cognoverat, licet à vero domino pro eadem pensione post conveniatur; imputabit enim sibi quod cum eo contraxerit, cujus conditionem ignorabat; Nam in jure Civili nemo debet esse ignarus conditionis ejus cum quo contraxerit, Conditiones autem quæ in initio convenerant, in locationibus sunt semper servandæ. Si conditio in locatione fuerit appositæ, nisi merces ad certum diem solvatur, aut quolibet semestri spacio, licebit locatori possessionem ingredi, aut ut locatio nulla & irrita sit, tamen merces requiri debet, nec in hoc casu dies pro homine interpellat; Omnes autem personæ conducere possunt, præter Ecclesiasticas, hi tamen possunt, si pro sustentatione familiæ faciant; Locatio ad hæres vel assignatos non extenditur, nisi specialis eorum fuerit mentio, quod & apud nos observatur. Si duo prædia pro una locata fuerint pensione, uno evicto, Colonus alterum toto tempore locationis retinebit, pensioque pro rata minuetur.

*Tenentes in vita.*

*Qui dicuntur libere tenentes.*

Tenentes in vitali statu duplici ratione considerantur, nempe si statum habeant pro sua vita, quales sunt usufructuarii, vel pro vita aliena, veluti si vel episcopus, vel Abbas, vel usufructuarius alius aliquis, qui administrationem tantum habet durante vita sua, alii locet prædium aut tenementum, durante vita locantis, utrique in fidelitate tenentur, & libere tenentes vulgo ( friehalderis ) dicuntur, licet posterioribus agrè hoc nomen concedatur, nec tamen hi soli libere tenentes dicuntur, cum & nomen hoc hereditariis possessoribus aptius conveniat, qui verissimè libere tenentes dici possunt; sed quia dignius & præstantius nomen, & hereditariis possessoribus aptius convenit, prioribus libere tenentis nomen relinquatur. Hac ideo quia sæpe controversum vidi, inter eos qui publico consilio præfuerunt, qui nomine libere-tenentium censi possunt, cum libere tenentes ad exercitum sive expeditionem aliquam evocantur; & apud nos hi libere tenentes, ab iis qui locationem perpetuam habent distinguuntur; Nam Coloni perpetui mercedem solvere solent, alteri omnino à solutione immunes sunt, Hi ( lyfrentaris ) apud nos, illi ( lyfrent tennentis ) sive ( taksmen ) dicuntur; Hi, liberum cum habeant usufructum, tenentes pro arbitrio in suo usufructu possunt substituere, & remove: Illi, non nisi id in lege locationis caveatur. Veluti si locatio fiat colono & ejus hæredibus & assignatis sive subtenentibus, Hos autem vitales status sive possessiones, quis sibi, vel sua pecunia vel amicorum ope & opera comparat, vel lex ei defert: successio enim in hoc statu acquirendo locum habere non potest, nisi id forte ex pacto aut lege locationis proveniat. Quod autem quis sibi sua pecunia comparat, legem ex contractu sive scripto accipit; Nam sine scripto non admittitur, & semper apud Anglos salina in his est necessaria, Cum aliqui talis possessor apud eos jus in re non habeat. Vitales autem status, qui lege deferuntur sunt, usufructus, Tertia ex prædii mariti, quam lex, ejus viduæ defert; & Curtesia; Sed quoniam de his peculiare tituli sequuntur, explicationem eò rejiciemus, hoc contenti, quod neque tenens, neque libere tenens quisquam dici possit, donec possessionem apprehenderit. Et hæc de temporariis possessionibus, sive statibus, idest de primo

primo membro primariæ illius statuum, sive possessionum divisionis apud Anglos; De quo forte prolixius, sed id factum ut secundum divisionis membrum melius eluceat. Secundum membrum primariæ illius divisionis est status perpetuus, sive hæreditarius, quem feudum dicimus, in cuius definitione vicini nostri nobiscum omnino conveniunt, quam definitionem supra cap. 9. require, feudum autem & status perpetuus in hoc etiam conveniunt, quod nisi expresse hæredum mentio in investitura fiat, ususfructus tantum censetur, nisi in testamentis, ubi per testamenta feuda posse disponi invaluit, ut post dicemus. Rursus subdividitur in Militare & foccagium, cuius divisionis membra ut facilius intelligantur, res ipsa ab ipsis fontibus videtur repetenda. Dixi in prima diegesi boreales gentes, robustiores servientium secum ad bella ducere solitas, & quasi comitibus in præliis usas, parta victoria, ejusdem præmia cum iis parti etiam consuevisse; Ita tamen ut fructuosiora arva sibi retinerent, steriliora suis concedere soliti, obsequii tantum nomine retento, & exactionibus servitiorum militarium, quoties rursus belli se occasio obtulerit, & hæc militaris fuit feudi origo ( ut antea diximus ) Alios autem imbecilliores servientes & quibus.

*Prima feudi  
apud Anglos  
divisio solen-  
nis.*

*Frigidus obstabat circum præcordia sanguis.*

Ad rura excolenda amandabant sub præstatione annua vel census vel operarum rusticarum; Itaque hi quasi ascriptitii Coloni dominicum ( quo nomine terræ dominicales In feudis significantur ) arabant, serebant, metebant, & quia singuli suis vicibus operas exhibebant, & aratra seu vomeres præbebant, hoc genus operarum, foccagium dictum est à focca, quæ antiqua Germanica lingua aratrum seu vomerem significat, & Soccomannus arare & excolere dominicum fundum tenebatur; qui mos adhuc frequens est in Lituania, Livonia, & multis aliis septentrionalibus regionibus. Itaque ab ipsis initiis nihil commune soccomannus cum milite habebat, progressu temporis factum est, cum domini pecunia egerent, ut Coloni hi ( si qui rei colligendæ intentiores erant ) operas suas à domino pecunia redimerent, & pro iis annuam penonem vini, olci, & frumenti, aliquando & pecuniæ, & similibus præberent: manebat tamen veteris foccagii nomen, licet servitia & operæ in annuum censum mutarentur, unde nata sunt emphyteuses, & alia omnia feuda, quæ & apud Anglos & nos hodie in usu sunt. Sed ut ad hujus divisionis primum membrum nempe militare feudum redeam, licet ex ea divisione quæ ex jure est, quamque & usu nostro antea proposui, cognitio ejus satis eluceat, tamen cum singularia multa in hoc genere feudi observentur, aliqua ex Anglorum statutis subjiciemus. Feudum militare hæc tria continet, sive ex his tribus constituitur nempe ex homagio sive hominio, fidelitate & scutagio, & hæc tria, alii tria membra separata militaris feudi constituunt, utrique in re ipsa conveniunt, quod manifestum erit, si tria hæc membra quid inducant, explicemus.

*Unde focca-  
gium & soc-  
comannus.*

Hominium autem ut antea monui non solum apud Anglos, sed etiam apud alias gentes proprie & specialiter sumptum à fidelitate differt. Nam Hominium quid majus est, nempe cum quis genibus flexis apud dominum sedentem, insertis inter domini manus suis, se hominem ejus profitetur, terrasque eo nomine tenere & tenturum, fidelemque pro eisdem terris ei futurum hominem contra omnes mortales jurat, exceptis Regis & aliorum dominorum superiorum personis, & in militari feudo tantum locum habet; Si uxor sit vassalla, maritus pro ea jurabit, quia illa, nullius hominis mulier honestè dici potest nisi viri sui. At fidelitas non solum militari feudo sed etiam omnibus feudis imo usufructui communis est, nec in eo tanta opus est veneratione, stans tantum super librum ( ut moris est adhuc ) jurat vassallus se fidelem domino futurum: & hæc prima est inter hominum & fidelitatem differentia. Alia est quod hominum non nisi præsentem domino juratur, fidelitas etiam vicario domini, sive is sit senescallus sive ballivus. Tertia quod qui per hominum tenent, corpus bona & facultates omnes pro domino & ejus libertate, alienare seu hypothecare tenentur; non item qui per simplicem fidelitatem: Adde quod prælati fidelitatem jurare tenentur, non hominum: Neque in fidelitatis præstatione tanta opus est reverentia, quanta in hominii præstatione. Sane hominum dignius esse fidelitate constat, ex nobili illa controversia inter Adrianum Pontificem & Fridericum primum Cæsarem; ut in cæteris capitibus, sic inter eos convenit, ut Episcopi Itali ( quos homines suos sibi que hominum debere imperator contendebat ) juramentum tantum fidelitatis sine hominio in posterum imperatori præstarent. Imo indignissime ferebat Papa Episcopos, quos deos & filios excelsi vocat, homagium Imperatori præstare, aut manus suas sacratas, laici & profani Cæsaris manibus immittere, ut moris est hominum facientis, quod minime tolerandum erat; Hæc quam bene cum sacra pagina con-

*Quid sit ho-  
minium &  
in quibus à  
fidelitate  
apud Anglos  
differt.*

\* Cap. 24.  
disp. feudal.

Deserimen  
inter homi-  
nium & fi-  
delitatem  
feudistare  
jiciunt.

De Magna  
Seriendria.

Corvagiū  
quid.

De Scutagio

veniunt nemo est qui nesciat. His tamen Papalis monarchia fundamentis extructa est, & misero orbi illufum. Formam autem hominū sive fidelitatis jurandæ Littletonus, & alii Angli Scriptores habent: quomodo autem fidelitas apud exterarum gentes jurabatur, habet Duarenus\*. Dixi antea fidelitatis nomen dupliciter sumi, specialiter, & generaliter; Specialiter quando vassallus domino fidelitatem jurat; Generaliter quando subditi Principi suo jurant: De hac duplici fidelitate textum habemus expressum in Tit. de Pace Const. Cujus hæc sunt verba: Vassalli à nobis investituram accipiant, & faciant fidelitatem, sicut vassalli ceteri omnes, & Cives à decimo sexto anno ætatis ad septuagesimum. At interpretes recentiores Feudorum, hanc distinctionem hominū & fidelitatis quasi ab imperitis confictam impatienter ferunt, unumque esse hominum cum fidelitate, & fidelitatem cum hominio, hominumque tantum esse præstationem fidelitatis volunt; Ut hominum sit actus quo fidelitas juratur, fidelitas autem ipsa fides quæ toto vitæ tempore præstatur; Nam quicumque fidelem alterius se profitetur, & hominem illius se profitetur; hominum enim semel tantum præstatur; fidelitas semper manente feudo: quod nihil aliud est, quam si quis vassallus debito tempore investituræ, aut à domino requisitus, se hominem ejus fidelem, contra omnes, nisi dominum superiorem juret. Sed de fidelitate feudali, deque ejus ab hominio, aliisque differentiis postea fortasse plura.

Inter militaria servitia numeratur & magna Seriendria, quæ nihil aliud est, nisi magnum servitium militare, quod quis præfens sive in propria persona principi debet, qualia sunt vex illum Regium in bello gestare; quod apud nos proprium est clarissimæ Scrimgerorum familiæ, sic & ejus hastam ferre aut cum die prælii armis induere; Nam Humius Atonus pro eo servitio aliquot latifundia tenet: Alia etiam sunt servitia his similia, exercitum regium ducere aut instruere, aut in die Regiæ coronationis ens Regis portare, pincernæ aut dapiferi munera subire, vel si quis sit Scaccarii Camerarius, & si quæ alia apud illos sunt servitia quæ sub magna seriendria includuntur. Sane similia servitia apud nos multa sunt, licet nomen sit insolens. Et licet hæc magna seriendria tantummodo in propria persona Regi præstanda omni modo sit, tamen est servitium quod Corvagiū dicitur, quod etiam inter magnas seriendrias numeratur, nec tamen præsentiam personalem requirit. Est autem hoc genus servitii, castrum sive propugnaculū à rege alicui commissi custodia: Nam antiquitus nemo turrim sive propugnaculum in Regno extruebat, quod non Regis fuerat; & observatur tantum in limitibus, qui Regnum utrinque distinguunt; Neque cum quis pro servitio teneat cornu inflare Scoto irrumpente, (magnitudine credo periculi servitium extollente) si Buccinator sine Cornicen hic de Rege teneat; alioqui si de alio quam de Rege teneat, servitium tantum militare est, & non magna seriendria; Nam hoc peculiare est omnibus seriendriis etiam parvis, ut de rege teneant immediatè, alioqui eo nomine digna non sunt. Et hæc prima militaris servitii species est.

Secunda species servitii militaris est scutagiū, quod nihil aliud est, nisi servitium scuti in bello ferendi, domini juvandi causa; Nam sub scuto reliqua omnia arma militaria comprehendebantur; Hinc scutiferi apud Anglos, qui apud nos armigeri dicuntur, vulgo (esquiers) & proinde scutagiū est militare servitium omnino: solebant enim militantes scuta gestare, in quibus propria familiæ cujusque insignia erant descripta; Sed mirum sane cuius videri potest, Cur Angli Militare feudum nempe Scutagiū à scuto derivabant, Galli à Loricæ, unde (iefs d'haubert) idest feudum loricæ; Scutum sane apud Romanos præcipua erat armaturæ pars, quod qui amittebant, nisi justam amissionis causam reddere poterant, loco movebantur, non autem qui gladium; scutum autem non ex ære aut ex ferro antiquitus, sed ex confutis boum tergoribus fiebat, hinc Ajax clipei dominus septemplex dicitur Achillem decem terga boum in scuto gestasse testatur Ovid: Loricæ etiam ex loris confuto corio apud veteres fiebant, ut testatur Varro; Pectoralia enim militum ex crudo corio fiebant; Sed & apud Græcos antiquitus Loricam ex confutis annulis constituisse testatur Virg.

*Loricam confertam hamis auroque virilicem.*

Qualis est hodie nostrorum montanorum magna ex parte armatura; Postea pro integra armatura loricæ cœpit usurpari, unde apud Gallos feuda loricæ dicuntur, quæ Angli scutagia dicunt. Sigonius latine loricatos equites appellat, quos Græci cataphractos, utcumque est, sive sint scutiferi, ut apud Anglos; sive loricati, ut apud Gallos; sive armigeri, ut apud nos; sive vassalli aut potius valvassores, sive valvassini ut in jure communi, ii sanè intelliguntur qui ob militares operas feuda sua peculiariter acceperunt.

Sed



Sed ut Anglorum scutagium redeamus, est quidem scutagium duplex, incertum & cer-<sup>Quotuplex apud Anglos scutagium.</sup>  
tum : Incertum scutagium est quando publicæ expeditiones ad reprimendos hostes sive rebelles in ordinem redigendos fiunt, quibus finitis comitia publica solebant indici : quod si quis scutifer in ea expeditione abfuisset, taxabatur ad certam quantitatem domino feudi appendendam ; ea summa quia incerta erat, ( Nam pro qualitate expeditionis, aliquando major, aliquando minor summa imponebatur ) incertum erat scutagium & propriè scutagium dicebatur, & de eo intelligendum est, quoties de scutagio generaliter loquimur. Quod si summa illa pecunia vel ex tenore feudi, vel ex Regionis perpetua consuetudine certa sit, tum dicitur scutagium certum, & sub militari servitio non includitur, sed tantum sub foccagio ; Nam cum variæ de scutagio controversiæ oriantur, statuebatur in comitiis publicis quantum quisque qui per militare servitium teneret, domino solveret ( nisi custodiam, sive Castell-guardiam concedit, alioqui castelguardia ad subditum pertinere non potest. Sed in hac castelguardia spectandum est, utrum quis in sua, ut aiunt, persona paratus sit, & debeat servire, an pecuniam tantum præstare ; prius servitium militare est ; posterius tantum foccagium : Ex jure francorum nullus privatus custodiam castri limitanei habere potest nisi ex mandato Regis L. quicunque C. de fund. limit. lib. I. I. Illud tamen non est prætereundum, quod si scutagium quis, sive unius militis servitium debeat, id est si integrum feudum militare habeat, Is quadraginta dies in exercitu suis impensis instructus, cum domino manere debet : qui dimidium tantum militis servitium debet, viginti solum dies : si quis quartam partem, decem tantum ; Nec tamen omnino ipse proficisci tenetur in militiam, aut dominum in bello in persona propria, ut aiunt comitari, si alium æque instructum armis & equis à domino probatum pro se miserit : quod & in religioso & scemina apud nos observatur ; quo casu ipsi militare in sua persona non tenentur, si alios idoneos milites ad exercitum pro se mittant ; Sed quæret aliquis quando dies hi incipient numerari ? dicendum à die lustrationis totius exercitus, aut saltem ab eo die quo primum in hosticum exercitus penetraverit. Si de præsentia in exercitu quæstio oriatur, Marefchalli testimonium sufficiebat ; quod si quis ab exercitu abfuerit, nec quenquam pro se miserit multa ei indicitur, & ex multæ quantitate hæc divisio scutagii oritur. Nam dies certus semper à dominis dicebatur, quo vassalli ad militiam evocabantur à feudis ( heribannum sive haribannum dictus, à voce heri sive domini, alii ab ( here ) germanica voce, quæ domini multam significat ; Nam qui ad eum diem non venerant, à domino certa multa puniebantur, quod Ulpianus, non respondere ad edictum vocat ; licet alii malint ibi legere, ad delectum ; Et quia certa erat illa multa sive pæna pecuniaria scutagium certum dictum est, & in foccagii naturam abiit, alioqui trahunt omnia hæc feuda militaria secum wardam & Relevium cum hæredis maritatione, licet alioqui ab aliis servitiis nisi militaribus sint immunia. Sed ut ad nostram divisionem revertamur, quæ est in feudum militare, & de foccagio, quoniam de militari aliquid diximus, superest ut de foccagio non nihil addamus, sub quo apud Anglos omne feudum quod non est militare comprehenditur, qualia sunt parva seriendria, feudifirmæ, burgagium, & feudum quod in puram elemosynam datur, & si quæ sint his similia quæ non sunt militaria ; Nam negatio unius membri affirmationem alterius inducit.

Parva autem seriendria nihil aliud est nisi parvum servitium, quod quis annuatim Regi præstare debet, neque personali hic præsentia opus est, veluti si quis Regi annuatim teneatur reddere arcum, lanceam, pharetram plenam aut vacuam, par chirothecarum, sive calcarium, quales apud nos præstationes sunt frequentes ; Nomen tamen parvæ seriendriæ apud nos pene inauditum, nisi quod semel memini inter Guilielmum Hamiltonum & Alexandrum Steuartum, cum gravis controversia esset de terris quæ de Rege in parva seriendria tenebantur, utrum feudum illud esset militare, & proinde wardam cum Relevio & maritatione hæredis deberet, necne, Senatam quæstionem integram ad comitia regni publica rejecisse, ne in re nova aliquid videretur sibi arrogare.

Et ut ad foccagium redeamus, hoc etiam peculiare discrimen à feudis militaribus habet quod

*De parva seriendria.*  
*Differentia inter feudum militare & foccagium.*

quod mortuo vassallo custodia hæredis pupilli, & etiam feudi ad proximum agnatum, qui non est successurus pertineat, qui tamen ex fructibus feudi pupillaris suum commodum non faciet; Nam ad rationes reddendas tenetur, & quod superest, deductis expensis restituet; & idem pene est cum eo tutore, qui & in iure, & apud nos legitimus dicitur, nisi quod ad immediatè successurum non semper pertineat, sed ad proximum ex linea matris, si feudum sit paternum; At in feudo militari & custodia ipsius feudi & hæredis minoris, donec vigesimum primum ætatis annum compleverit, ad dominum feudi pertinebit, & interea dominus fructus suos omnes faciet, nisi quod cogatur hæredem pro dignitate educare, castra, ædificia, facta, tecta servare, hortos, piscinas, columbaria, & si quæ sint his similia in eadem conditione hæredi tradere, in qua ipse ea recepit. Præterea si moriatur dominus ejusmodi feudi, jus illius custodia transmittit ad suos executores, qui etiam fructus omnes sequentium annorum durante custodia percipient, si id nominatim testamento caverit; alioqui si nihil in vita exprefferit, ad hæredem & non executores fructus hujus wardæ pertinebunt; Aliter in custodia foccagii; Nam cum hic custos tantum sit, fructus suos non facit, & cum nudam tantum habeat administrationem, nihil ad executores transmittit, sed proximus agnatus modo non sit pupillo successurus, custodiam tenebit (ut in legitima tutela) & non administrata, si non collecta colliget; Illud autem valde durum videtur, quod apud eos mortuo hoc custode foccagii, perimatur actio rationum reddendarum, & pupillus ab omni repetitione fructuum ab ejus executoribus excludatur: sed hoc apud eos generale est, Nullum executores nisi prosequente Rege de rationibus reddendis teneri: Ratio erat, quod mortuorum facultates, Episcoporum ut plurimum fidei & administrationi concedebantur, sine rationum redditione; quoniam eorum fides spectata satis videbatur, & ab omnibus quasi generaliter approbata; Illi rursus executores suos substituebant, eosque immunes à rationibus reddendis esse volebant exemplo suo. In hoc foccagio, dominus feudi relevum habebit, id est unius anni redditus ex prædio; quod apud nos non observatur, nisi expresse cõ venerit, ut in introitu cujusque hæredis annuus redditus duplicetur.

*De Burgagio.*

Burgagium autem species est foccagii etiam, & qui tenent in burgagio foccomanni dicuntur, sive burgus ille sit Regius, sive de aliquo privato domino, sive ecclesiastico sive laico teneatur; quales sunt apud nos burgi, qui baroniarum burgi dicuntur, licet apud nos burgi non habeantur, qui de rege non tenent. In his omnibus burgis consuetudo, si non sit legi contraria, servanda est, modo illa consuetudo sit præscripta & supra hominum memoriam, quæ sexaginta annorum spatio includitur, exempli causa in his burgis aliquando minimus natu excluso primo genito, & aliis se prioribus succedit, quod est mirum; hoc tamen illi se tuentur, quod minimus natu plerumque sit indigentior, potiusque ei sit consulendum & subveniendum, quam adultioribus qui sibi per ætatem possunt providere; aliquando omnes per capita succedunt; alicubi etiam in burgis, uxor omnium prædiorum mariti usumfructum habet; alibi nisi tertiam; apud Gallos dimidiam; apud alios quemadmodum apud nos, nihil juris in prædiis mariti urbanis uxor habebit, nisi specialiter investita fuerit; In quibusdam burgis testari licet de prædiis burgalibus, in aliis non: diversæque aliæ consuetudines in usu quotidiano sunt; quæ omnino sunt observandæ, si modo tales sint, quæ memoriam hominum excesserint; Nam, ut monui sæpius, jus feudale locale est, & pro diversitate locorum sæpissimè variatur.

*Feudum siue tenendria in liberam elemosinam.*

*Quæ dicantur anniversaria.*

Feudum etiam illud, quod in libera elemosyna dicitur, nomine foccagii comprehenditur, & de hoc feudo in superiore diegesi diximus, nisi quod illi liberam, nos puram elemosynam vocamus, Nam cætera omnia quæ ad hoc membrum attinent conveniunt: subdividunt tamen illi hoc genus feudi, nempe in illud quod certum servitium debet, & quod incertum, Certum nempe si convenerit aut in fundatione (ut loquimur) insertum sit ut annuatim talia servitia, tot missæ, tot orationes pro animabus benefactorum suorum seu fundatorum celebrentur, aut certa summa pecuniæ pauperibus erogetur; & hæc anniversaria dicuntur, quia quoque anno vertente fiant; In quo si ecclesia vel Ecclesiastica persona cessaverit, dominus feudi distringere potest, quia certum est servitium: Incertum autem est, quando quotidiana siue continuæ preces indicuntur pro animabus fundatorum, & hæredum suorum; in quo si cessatum fuerit, hæres fundatoris siue dominus fundi distringere non potest, sed adeundus est ordinarius Episcopus illius diocæsis, qui censuris Ecclesiasticis cogat Ecclesiasticam personam satisfacere, Notandum & illud in hoc genere servitii quod feudi dominus immediatus ecclesiam suam siue Ecclesiasticam personam ab omni alio servitio quod pro eo fundo dominis superioribus debetur, tenetur liberare, & indemnem præstare; Nam hi tenentes ut dixi

dixi ab omni servitio liberi sunt. Sed quoniam ex illis feudis, quæ in puram eleemosynam conceduntur, maximum præjudicium dominis superioribus nascitur, neque solum warda & maritacione hæredis privantur, sed etiam omnibus servitiis & eschetis terrarum, & Ecclesiarum patronatu sive advocacione carent: Itaque tempore Edvardi post Conquestum primi, statutum fuit, ne quis terras suas in liberam eleemosynam concederet in futurum sine domini superioris consensu, quod & nos hodie observamus. Nam si quis prædium aliquod sive terras in puram eleemosynam ecclesiæ alicui concesserit (quod mortificare ecclesiæ dicimus) sine consensu Regis, si de eo teneantur, vel superioris alicujus quicunque is sit, concessio illa irrita est, etiam ope exceptionis, non obstante etiam quacunque præstatione, licet aliqui ecclesiæ de jure suo post quadraginta annorum possessionem non teneatur docere. Sunt & alii tenentes qui patrimonii Regii sive antiqui dicuntur; Nam tempore Edvardi (qui in divorum numerum relatus est) & Guilielmi Conquestoris Regum Angliæ, patrimonium quoddam in Regios usus separatim est, quod antiquum dominium & ejus tenentes antiqui domini tenentes dicebantur. De hoc dominio deque prædiis quæ in eo continebantur, extat liber ab eodem divo Edvardo conscriptus, cui titulus est (Domus dei). Sed hoc genus tenendriæ separatim divisionis membrum non facit, privilegiis tantum distinguitur ab aliis: Nam hujus patrimonii tenentes, quoties quæstio de suis terris versatur, vel de re ad suas terras pertinente, extra dominium suum in judicium extrahi nequibant, aut super assisa aut inquisitione cogi; ab exactionibus publicis sive iis quæ pro venditione rerum mobilium, quæ in nundinis publicis imponuntur, immunes sunt; nisi Regi placuerit etiam expresse iis vectigal imponere; Inde emanasse puto, quod proprium Regis patrimonium apud nos ab exactionibus sit liberum, nisi Rex aliter expresse; Pro aliis terris, quas hi tenentes extra hoc dominium possident, juri communi relinquuntur; Et sanè hi tenentes nostris tenentibus Senescalliæ non sunt ab similes.

*Tenentes  
Patrimonii  
Regii.*

Neque ego illam tenandriam, quæ vulgo per homagium antecessorum dicitur, inter membra hujus divisionis pono, cum non sit species ab aliis separata, sed privilegio tantum distinguatur, hæc autem species feudi talis est. Si vassallus in judicio probare poterit, antecessores suos ante hominum memoriam, aut tanto tempore quod præscriptionem inducet, antecessoribus domini sui perpetuum fecisse homagium & dominum cum pro vassallo agnovisse, & investivisse; hoc casu, tenetur hic dominus, vassallum suum immunem ab omni servitio alterius cujusquam domini, pro eo fundo præstare; & si vassallus talis controversiam feudi patitur, dominus de evictione tenebitur, etiam si vassallus nullam cartam habeat, aut si quam habeat, ea causam onerosam aut clausulam de evictione non contineat; & evicto fundo, dominus ei fundum ejusdem bonitatis & quantitatis præstare tenebitur; quod si dominus nunquam eum in tenentem receperit, licet ejus antecessores à vassalli antecessoribus perpetuo & ultra hominum memoriam homagium susceperint, ab evictione poterit se liberare per disclamacionem; & tum vassallus per idem servitium de domino immediatè superiore tenebit, per quod de priore domino disclamato antea tenuerat. De hac disclamacione quæ propria est tam domini quam vassalli in Tit. Quibus modis feudum amittatur plura dicemus. Hoc autem feudum, quod per homagium antecessorum tenetur, in multis cum feudo antiquo (de quo supra) convenit; & proinde si novum quoquo modo semel fiat, idest si vassallus alienaverit, licet postea acquisiverit, feudum illud non amplius dicitur feudum per hominum sive homagium antecessorum, sed tantum novum.

*Tenendria  
per homagi-  
um sive ho-  
minum an-  
tecessorum.*

Est & alia tenendria, quæ per extractum rotulamenti Curie apud illos dicitur, vulgo (Copie of ane court Roll) hanc utrum inter temporarias possessiones an hæreditarias repomam planè incertus sum. Nec minor incertitudo apud ipsos Anglos est, sitne hæc tenendria ad placitum domini temporaria, an vero hæreditaria? Hoc autem genus tenendriæ tale est, cum tenens neque cartam, neque fassinam, neque aliquam dispositionem feudalem monstrare poterit, & si quis ab eo rogetur quomodo teneat, non habet quod respondeat, nisi se ad placitum domini tenere; non quod hos tenentes dominus pro arbitrio migrare possit cogere; sed quod nullum aliud sui feudi instrumentum habeant, nisi placitum domini, sive voluntatem ejus, ex actio Curie declarata & testata: Et id ut domestico exemplo clucescat, tenentes & rentallarii Episcopatus Glasguensis, & monasterii Palletensis, hæreditarii possessores dicebantur, & ita senatus aliquando censuit: Et si quis ab his rentellariis cartam sive fassinam suæ possessionis exegisset, extractam tantum Curie domini sui habebant, quod non solum iis pro usufructu prædiorum suorum sufficiebat, sed etiam hæredibus & proximè successuris, ut in locum demortuorum substituerentur; Imo & vidua, quamdiu in calibatu

*Tenendria  
per extra-  
ctum rotula-  
menti Curie.*



batu permanebat, ejus privilegio fruebatur; Quod si talis possessio vacaverit, sive per successionem, sive per resignationem in favorem alterius, hæc successio sive resignatio tantummodo in Curia admittebatur; & ex placito domini fiebat; alioqui neque hæres neque cessionarius jus ullum in prædio constitutum habebant, nisi actis curiæ constiterit de jure tam antecessoris quam resignantis; Itaque tenentes hi ex copia sive extracto rotulato, dicuntur apud nos rentellarii, in quibus tanta solennitas non semper requirebatur: sufficiebat enim, si substitutio vel hæredis in demortui locum, vel novi tenentis in locum antiqui, sub solo chirographo domini fieret, etiam extra curiam. Est & alia causa apud Anglos cur hi tenentes ad placitum domini dicantur; quod ex summo jure putent, dominum cogi non posse, ut proximè successurum in locum demortui admittat; alioqui quid compositione aut transactione opus esset, quæ tamen in novi tenentis admissione semper interponitur? Alii tamen non minoris autoritatis hæreditariam hanc possessionem putant, nec dominum posse causam possessionis invertere, aut aliis quam hæredibus concedere; Itaque sitne hæc possessio hæreditaria apud Anglos nec ne, (ut eorum verbis utar) Causidici certant & adhuc sub judice lis est. Nec minor apud nos controversia fuisse, nisi dominorum importunitas, miseros tenentes hoc genus tenendiæ mutare in emphyteusin invitos & nolentes coegisset, cum alioqui in emphyteosies eadem prædia aliis essent concessuri; & proinde apud nos jam omnes qui antea erant rentellarii, emphyteutæ facti sunt. Porro in hoc genere tenentium notandum est, quod apud Anglos sua prædia aliis possidenda locare ultra terminum unius anni sine domini voluntate non possunt; neque arbores crescentes cedere, nisi quatenus ad reparandam habitationem sufficeret, alioqui à feudo cadent; & hæc de divisione possessionum, & de prima feudi apud Anglos divisione, in militare & foccagium.

*Secunda  
apud Anglos  
Feudorum  
divisio in  
simplex &  
talliatum.*

Secunda solemnisi feudi apud Anglos divisio est in simplex & talliatum: de simplici antea dixi in Diegesi superiore, Nam de definitione feudi simplicis, & ejus effectibus omnino inter nos convenit, neque alia ab iis quam à nobis dicuntur; hoc tamen in feudo simplici annotandum, quod non transit ad hæreses ut dixi nisi eorum specialis mentio facta fuerit; nisi si feudum testamento relictum fuerit, aut in liberum matrimonium, aut puram elemosinam concessum: Nam in his etiam si nulla de hæredibus sit facta mentio, tamen in primo, favor ultimæ voluntatis, in secundo matrimonii, in tertio favor ecclesiæ, latius interpretari faciunt; nam plenissime defunctorum voluntates, & aliæ causæ favorabiles sunt interpretandæ. De hoc feudo simplici, hoc tantum annotandum, nempe feudum esse simplex quod ad aliquem & ejus hæreses pertinet indistincte: neque quis plus juris in feudo habere potest, quam si is simplex feudum habeat. Talliatum autem feudum sive limitatum subdividunt in talliatum in genere, & talliatum in specie: Talliatum autem in genere est, si feudum alicui & ejus hæredibus ex corpore procreatis sit concessum; Nam nulli alii hæreses succedunt, nisi ex ejus corpore procreati, & his deficientibus feudum ad dominum redit: sic feudum masculinum talliatum in genere dicitur, neque quis in eo succedit, nisi ex continua linea masculina descendat: Talliatum in specie sive specialiter dicitur, si feudum alicui & hæredibus inter ipsum & Corneliæ suam conjugem procreatis concedatur. Nam licet ex aliis conjugibus liberos susceperit, non tamen hi in feudum succedunt, quia feudum specialiter ad liberos ex Cornelia conjuge suscipiendos limitatum est; Sed si Mevio & ejus sanguini feudum concessum sit, simplex feudum est, & ad quoscunque hæreses pertinet: si Mevio & ejus femini, talliatum dicitur feudum, & ad descendentes ex eo pertinet, & non ad collaterales. Sciendum autem est, quod ante Parliamentum Westmonasteriense, quod ab Edvardo primo habitum est, anno domini talliæ hæ non erant in usu: sed semper proximus ex sanguine paterno succedebat; In iis comitiis singulis permiffum est, feuda sua quibus vellent providere; Inde plurimæ talliatorum Feudorum species, & formæ natæ sunt, dum non minus sibi & quibus vellent hæredibus providere licere putaret unusquisque, quam cui vellet alienare; Ab iis ad nos tallias defluxisse puto, neque ante ea tempora talliæ sive talliati feudi ullam mentionem reperi. De diversitate sive diversis speciebus talliarum non est opus quod immorer, cum ea ex tenore dispositionis legem capiant; semper enim inspiciendum quibus hæredibus dominus providere voluit, idque perpetuò servandum est; plura de talliato feudo in proprium de hoc titulum remittimus.

*Feudum per  
francum  
maritagium.*

Inter feuda talliata feudum quod per francum maritagium conceditur annumeratur, nempe illud feudum quod ad hæreses qui ex eo matrimonio descendunt tantum, extenditur, & ad alios non transit: qui autem in hoc feudo succedunt, libere id est sine ullo servitio tenebunt in quartam generationem inclusivè; quinta autem generatio & quæ eam sequun-  
tur,

tur, tenebunt de concedente, eodem modo & per idem servitium per quod ille de domino suo superiore tenet : In hac generationum enumeratione, personarum capientium investituram primam generationem efficiunt, eorum liberi secundam, & ita deinceps ; Et in hoc, ut antea monui, à jure Feudorum communi in enumeratione graduum differunt. Hujus feudi hoc est peculiare, quod licet hæredum in carta non fiat mentio, tamen ad hæredes ex eo matrimonio descendentes transeat, idque ob favorem matrimonii : cujus causa in omni jure semper fuit favorabilis, quod & in terris in elemosinam datis observatur, ut dixi, & in feudis testamento relictis.

Est & alius apud eos hæreditarius tenens qui possibilitate successionis extincta dicitur, & talis est ; Si quis feudum talliatum in specie habeat, veluti si cui & hæredibus inter eum & Corneliam conjugem procreatis feudum concessum sit, & alteruter nullis susceptis liberis moriatur, possibilitas ejus successionis extinguitur ; fieri enim non potest, ut ex eo matrimonio cujus altera pars occidit, hæres aliquis producat ; Itaque præmoriens conjugem, videtur tenens possibilitate successionis extincta, & ejus feudum in nudum usumfructum convertitur ; & proinde neque alienare neque servitutem imponere potest, alioqui is cui reversio competit, idest, qui proximè successurus est, revocandi potestatem habet : de pauperie tamen quam in prædio dedit non tenetur, ob prærogativam feudi prioris idest tempore conjugis constituti ; In feudo generaliter talliato veluti si feudum sit alicui concessum & hæredibus ex corpore suo procreatis locum hoc non habet. Nam quamdiu vivit sperari possunt de eo hæredes. Generaliter observandum in omni tallia est, deficientibus hæredibus in tallia contentis, feudum ad dominum redire, etiamsi de hoc nulla fiat mentio. Est & alia reddituum feudaliū apud Anglos divisio, sed quam à Normannis aut Gallis in Britanniam venientibus mutuati sunt ; alius enim Redditus servitii dicitur, alius onerosus, alius siccus : Redditus servitii dicitur, qui domino feudi præter servitium debetur : veluti si quis præter servitium, annuum etiam redditum decem pondo librarum, domino annuatim pendere debet, & semper cum proprietate feudi conjuncta est, dominusque potestatem habet per se distringendi, si cessatum in solutione fuerit, neque præstatio hæc à warda & Relevio liberat ; Redditus onerosus est quodcumque feudi proprietas à domino alienatur, servato sibi annuo redditu, cum potestate pro eo distringendi si certum fuerit, & in hac specie annuus hic redditus à proprietate separatur, & dicitur Redditus onerosus, quia prædium eo gravatur & oneratur, & potest cui reservatur distringere : quod si reservatus fuerit hic annuus redditus sine auctoritate distringendi, dicitur redditus siccus, quam qui habet distringere per se non potest, sed judicio pro eo possessor conveniendus est. Sunt apud eos pleræque subtilitates in his singulis speciebus annuorum reddituum, quas quia ad usum nostrum nihil faciunt lubens prætereos : unum tamen apud eos observari dignissimum est, quod multarum fraudum & machinationum occasiones tollat, & ad eorum exemplum ad nos ante quinquennium aut sexennium manavit, Nempè generali statuto Henrici octavi cautum est ut nullus contractus, nulla feudalis concessio (extra burgales) apud illos valeat nisi qui intra semestre spatium in publicis consiliis apud Westmonasterium libris insertus & registratus fuerit ; aut in libris illius vice comitatus ubi prædium alienatum situm est ; præsentibus justiciariis pacis aut eorum uno cum illius loci clerico. Et hæc de divisionibus Feudorum, quæ apud Anglos in usu sunt, paucis perstrinxi, ut nostri aliquo modo intelligant, in quibus nobiscum & cum jure communi Feudorum conveniant, quæ qui legerit, pleræque nostris moribus valde utilia inveniet ; Miror tamen Cur inter tot divisiones, & divisionum membra, nulla apud Anglos sit franci feudi mentio, quale virtutis ergo apud nos solet plerisque concedi : In causa puto, quod in omni militari feudo, servitium cum warda, Relevio, & hæredis maritatione deberi voluit, Ne rex aut dominus superior suo commodo fraudetur, & nulla feudi utilitas ad dominum redeat ; Certe tempore Edvardi ultimi ex Saxonum linea Regis, nulla unquam de franco feudo aut albafirma mentio.

Tenendriam de villenagio omnino præterii propter ejus apud nos insolentiam, nullus enim est apud nos ejus usus, & inauditum nomen, nisi quod nonnulla in libro Regis Majestatis de nativis & ad libertatem proclamantibus proponantur, quæ & ab Anglorum moribus sunt recepta, & nunquam in usum nostrum deducta ; Nihil enim in hoc genere tenendriæ habent, præter jus vetus servorum, diversosque modos manumissionis ; sunt enim hi villani nihil aliud, nisi ascriptitii fundi Coloni, aut servi, de quibus etiam aliquamentio est in jure Codicis, ita ut potius fundi, quam domini servi existantur, & sic quidam sunt quasi scintilla servitutis apud Anglos adhuc latentes, quo ad bona sive possessiones quæ dominus pro arbitrio poterit

*Tenendria  
possibilitate  
successionis  
extincta.*

*Redditum  
feudaliū  
divisio in re-  
ditū servitii  
reditum one-  
rosū & re-  
ditum sic-  
cum.*

*Tenendria  
de Villenagio.*

poterit vindicare; nullæ, quo ad corpora servorum; Cum rex solus sit dominus vitæ & membrorum servi, seu villani; Nec minus puniatur qui villanum etiam suum occiderit, quam si alium subditum Regni: Apud nos omnis servitus etiam quo ad bona extincta est, famulis, quos servientes dicimus, sua bona integra manent, & proximus ex sanguine in eis succedit; apud Anglos quæcunque bona villanus acquisiverit, dominus sibi brevi manu vindicare potest. Villanus autem is est qui vel in actis Curiae se professus est villanum, vel ex villano patre natus est, In quo à jure Civili differunt, ubi servus dicitur qui ex matre serva nascitur, & partus ventrem semper sequitur; In Anglia tamen aliud observatur. Vide plura in pag. in fine, & de manumissione. Reliqua quæ apud Anglos in feudis usurpantur suis quæque titulis, ut occasio occurrerit, prosequemur.

*Quemadmodum feudum seu da apud Gallos dividantur.*

Et ne Gallorum mores in feudis omnino præteritis videar, aliquid etiam de iis præterendo subiiciam. Galli & præcipue Normanni suas habent Feudorum divisiones, quarum primaria quadripartita est, Nempe in feudum loricæ, in feudum quod jure parili dicitur, in burgagium & elemosynarium, quam divisionem à Normannis ad Anglos, ab Anglis ad nos pervenisse conjicio, nisi quod nostri mores propius ad jus Feudorum Commune accedant. Est itaque feudum loricæ idem quod apud Anglos scutagium, apud nos armigeri, jure communi militare dicitur. Quid hoc, & quale sit, poterit quis ex iis quæ prius diximus facile colligere, nempe quod feudum loricæ, dicatur plenum & integrum feudum, in quo vassallus armatus domino inservire teneatur, loricatus, in equo, scuto, & casside munitus, & gladius, sive gladio accinctus; Hoc genus feudi in partes dividitur, nempe in duas, tres, quatuor, quinque, sex, septem, & octo, quæ membra feudi loricæ dicuntur, ulterius non; Neque enim in plures partes feudum hoc loricæ divisibile est, quarum unaquæque pars, est feudum nobile; & in capite teneri dici potest, jurisdictionemque habent annexam pro suo membro, quale ipsum feudum si integrum esset haberet; Quod si in plures partes dividatur quam octo, veluti si plures sint filia quam octo, inter quas necessario feudum dividatur, & unaquæque suam sortiatur partem, nulla pars suam retinebit jurisdictionem; neque amplius in capite teneri dicitur; Et hæc interpretatio clausulæ illius (In capite teneri) quod nihil aliud est, nisi Comitatum, Baroniam, aut feudum aliquod nobile, veluti loricæ sic de domino tenere ut jurisdictionem & usum Curiae habeat; Inde fortasse deductum, quod ex capite sententiam ferre possunt; aut quod feudum nobile & capitale invicem se respiciant; Alii capitalia feuda sive in capite tenere, nihil aliud esse, quam de primo domino feudum nobile tenere, quod nulli feudo loricæ subjacet; Hæc ideo, quia hujus clausulæ frequens est, & apud Gallos nostros & Anglos mentio; & ejus interpretatio aliquando me anxium tenuit, dum ab ipso fonte eam inquirerem; Itaque feudo loricæ in plures partes & membra, quam octo diviso, non solum omnia membra ignobilia fiunt, sed etiam Curia & jurisdictio in iis definit, & ad dominum redit; Ita tamen ut si vel emptione vel successionem, aut alio iusto titulo, partes hæc sive membra rursus uniantur, & feuda redintegrentur, nobilitas cum jurisdictione restituatur; Et hoc genus feudi tenetur per hominum idest fidem præstandam domino, salvo supremi sive primi domini hominio.

*Feudum ex jure parili.*

Secundum membrum divisionis vocatur ex jure parili, sive parage gallicè: quod meo iudicio privilegium potius dici debeat, feudiloricati, quam ut separatim per se membrum divisionis efficiat; Nam hoc sive feudum sive privilegium, tantum inter filios & nepotes ejusdem patris aut avi, in feudo loricæ divisibili iis succedentes, locum habet; cum juniores liberorum suam quisque partem sortiti, eam tamen non de priore domino, sed de primogenito teneant, eundem pro domino agnoscetes, etiam quo ad servitia & præstationes, quæ priori domino debentur; neque enim per se sed per primogenitum ei serviunt, & solvunt; dominusque in suis præstationibus & servitiis solum primogenitum pro vassallo agnoscit, & hoc usque ad sextum gradum: In sexto gradu juniorum liberorum hæredes, primogeniti hæredi fidelitatem jurabunt; In septimo etiam homagium, & exinde de eo tanquam domino tenebunt: Ratio est quia in eo gradu cognatio extinguitur; simile huic est quod ex Anglorum moribus antea recitavimus in feudo ob liberum maritagium dato; & ita gradus hic numerantur, ut antea de Anglis diximus; Quod si feudum hoc à cognatione transeat, idest si vel juniores liberi, vel eorum hæredes intra sextum gradum, feudum extraneo alienaverint, qui recipit feudum immediate hominum primogenito & ejus hæredibus præstabit, cessante Sc. Cognationis vinculo, quæ sola causa erat prioris privilegii; Caterum hoc feudum sive privilegium, quod jure parili datur, in feudis nobilibus tantum locum habet.

*Cognati non censentur Ultra sextum gradum.*

Tertium



Tertium membrum divisionis est feudum Burgagii, quod antea à nobis satis dilucide ut *Feudum Burgagii.* opinor explicatum est, habet tamen hoc genus feudi apud Gallos multa peculiaria; Nam suis moribus & consuetudinibus reguntur, licet à jure communi diversis; superiorem non agnoscunt nisi principem, eumque tantum quod ad jurisdictionem sive protectionem, & in illis Rex proprium nihil habet, nihil quod suum verè dicere possit, neque in servitia tenentur; vectigalia tamen ex usu pendunt; dimidium bonorum immobilium, quæ maritus stante matrimonio comparavit, eo mortuo vidua ejus accipiet; filia in æquas partes cum masculis succedunt: Galli has hæreditates burgales Allodia vocant, quia de nullo alio tenentur in feudo, ab omni servitio & præstatione sunt immunes, vendique, hypothecari, aut quovismodo alienari, pro arbitrio nemine consulto possunt.

Quartum membrum divisionis est feudum quod in liberam eleemosynam concessum est *Feudum eleemosynarium.* de quo supra, & in hoc cum iis quæ diximus Galli conveniunt. Hoc genus feudi apud eos concedere nemo potest nisi solus princeps, Inferiores si concedant, consensus principis accedat necesse est. Itaque duplex hoc feudum apud eos statuitur; Primum simplex & purum, quando princeps sive dominus nihil apud se terrenæ jurisdictionis dignitatis aut utilitatis retinet, sed omnia in ecclesiam transeunt; hujus generis sunt loca in quibus ecclesia ædificatur, cœmeteria & quæcunque alia Ecclesiastica loca, quæ ab omni dominio & præstatione sunt immunia. Secundum etiam simplex dicitur, in quo tamen princeps & alii domini jurisdictionem retinent, quemadmodum & apud nos fieri videmus, cum Episcopi, Abbates, & aliæ Ecclesiasticæ personæ in Regis, & dominorum Curis sectas, & præsentiam debeant præstare; terræque hæ jurisdictioni Regiæ subjacent, & mortificatæ sive ad manum mortuam concessæ dicuntur; Mortificatio autem hæc aut per chartam regiam sub magno sigillo ostendenda est, aut prior dominus feudi Ecclesiasticam personam à feudo excludit, nisi possessor hominem viventem & morientem, in quo jura dominica servari possunt, monstrare possit. Homo autem vivens & moriens dicitur, qui potest vivere & mori, ut aliquid utilitatis ex ejus vita & morte ad dominum feudi pertineat, ad differentiam ecclesiæ, conventus, capituli, quæ moriuntur; Hæc autem feuda apud Gallos nonnullis in locis triginta, aliis quadraginta annis præscribuntur, licet præscriptio in feudis raro admittatur. Si inferior princeps feudum in eleemosynam concesserit, suo domino non præjudicat, quin integra ei jura revertentur. Notandum autem apud Gallos patronum, ecclesiæ patronatæ esse quasi dominum, & intrantem debere ei fidelitatem præstare, quod à nostris moribus diversum est. Sunt & aliæ divisiones Feudorum apud Gallos, Nam alia sunt feuda dignitatum veluti Ducatus, Marchionatus Comitatus, quæ à solo principe conceduntur; Alia sunt feuda quæ à principe sine dignitate dantur, qualia sunt, quæ Barones, Vicecomites, Bannariti, Castellani tenent; Nam apud Gallos tam à rege conceduntur, quam à Ducibus, Marchionibus, & Comitibus: Alia sunt feuda quæ de his Baronibus, Vicecomitibus, Banneritis & Castellanis tenentur: & hæc feuda habent dignitatem annexam, & valuaßini dicuntur, At feuda quæ de his postremis tenentur, omnino sunt ignobilia, & possessores, minimi valuaßini dicuntur. *Præcipua & primaria apud Gallos feudi divisio.* Præcipua enim & primaria apud Gallos feudi divisio est in Nobile & Ignobile sive plebeium: Nobile autem feudum diversas in diversis Galliæ partibus recipit limitationes, Nam in Britannia Armorica quicumque feudum nobile possidet, nobilis censetur; In Reliqua Gallia non item; Nam plebeius potest nobile feudum acquirere, nec tamen nobilis efficitur, nisi literas de nobilitate à Rege impetraverit, aut saltem literas dispensatorias, quæ viam priorum literarum habere censentur. Feudum tamen dignitatum ut Ducatus Comitatus, etiam sine literis nobilitat. Ex his quid apud Gallos sit feudum nobile, quid ignobile, satis sciri potest: Cujus effectus Maximus est, quod Ignobilia exactionibus & tributis subjacent, Nobilia non item. Sed horum nobilium Feudorum vassalli, per tres menses suis sumptibus servire intra patriam debent; sed extra patriam non nisi sumptibus domini; pugnare enim hi pro domino tenentur, & prædia sua tanquam pro stipendio habent; Itaque stipendia prædialia censentur. In omnibus Galliæ partibus, feuda ad formam bonorum patrimonialium immobilium rediguntur, eodemque modo alienantur, etiam sine consensu domini superioris: In reliquis, non minus dura est vassallorum conditio, apud Gallos, quam ulla alias gentes, ubi jus feudale est in usu, adeo ut in vulgare proverbium abjerit, dominus Butyraus (idest ex Butyro) vassallum chabibæ devorabit: Habent & illi suam divisionem feudalium reddituum, in qua cum Anglis pene conveniunt, ut verisimile sit eam divisionem à Gallis sive Normanis in Britanniam penetrasse ut dixi. Superest ut de his qui feudum dare possunt aliquid dicamus,

## Qui feudum dare possunt & primo de Laicis.

*Diegesis undecima.*

*Quod omnia imperia & Regna sunt feuda de summo deo censa,*

**B**eneficiorum omnium quæ hodie feuda dicimus deus ille opt. Max. solus autor & largitor est, à quo non solum inferiora hæc omnia feuda, sive sint Regalia, sive dignitatum, officiorum, patrimoniorum, aut privatorum prædiorum pendent, sed etiam hæc ipsa imperia & regna late patentissima proficiuntur, & de eo tanquam domino superiore verè in feudo tenentur. Nam ut ait Psalmista, Cæli Cælorum domino, terram autem idest feuda terrestria, filiis hominum & eorum hæredibus perpetuò ( dummodo in officio feudali, idest fidelitate permanserint ) utenda & fruenda dedit : Imo si rem omnem ea qua decet Christianos reverentia, etque mentis integritate & acumine, idest nudè & simpliciter expendere velimus, hæc imperia & regna gravissima, pura & recta feuda sunt, & cum definitione feudi, quam præmisimus aptissime conveniunt. Nam deum illum ineffabilem, omnium Regnorum dominum superiorem nemo sanus negabit, & ab eo ex sola ejus munificentia & liberalitate hominibus concedi nullo hominum merito, sine aliquo precio, sordibus aut nundinatione interveniente ; quod & Reges omnes in sua literarum epigraphe testantur. N. dei gratia Rex Per dei gratiam ejus munificentiam gratuitam, tam in regni sui inauguratione, quam possessione retinenda, sine suo merito fideliter agnoscentes ; Juxta illud, per me Reges regnant. Itaque omnia imperia, omnia Regna rectè feuda dicemus, à domino illo summo potentissimo & omnium regnorum superiore constituta : neque enim alia onera imponit, nisi ut justitiam in domini populo nudè & purè administrent ; neque aliud tributum exigit quam fidem seu fidelitatem ; neque alia servitia nisi pura & honesta, denique vere militaria ; nempe ut sub signis filii sui unigeniti, contra humani generis hostes dimicemus, ut armis spiritualibus instructi, ad expeditionem semper parati simus, cum dominus denunciaverit ; etiam sine denunciatione, quoties de ejus gloria agetur ; Neque hi principes licet absolutam illam & vinculis & legibus liberam potestatem sibi arrogent, feudo suo abuti, idest subditos suos vexare, aut nisi salutis publicæ causa, plus æquo gravare debent aut possunt, neque feudi conditionem facere deteriore ; denique arctiore sacramenti formula initio Regni se Deo astringunt, quam ullus privatus vassallus suo domino, ut manifeste ex collatione juramenti feudalis, cum eo quod Rex sceptrum accepturus præstat, constabit ; Sola hujus feudi acquirendi causa est fides seu fidelitas : sola amittendi, infidelitas ; & in Dominum ingratitudo ; quæ protoplastum ex illo terrestri feudo primum ejecit, & nos nisi respiscamus à cœlesti separabit : Neque mirari debemus, si aliquando seditiones & rebelliones subditorum exardescere videamus, sed in earum veras causas inquirere, quæ, nullæ aliæ sunt, nisi domini, in suos infideles & ingratos vassallos exandescens & pro merito punientis, verbera ; Cui non solum populus omnis, sed ut rectè Claudianus.

----- Cui militat ather,  
Et conjurati veniunt ad classica venti.

Non enim solum ather, sed terra, pontus, aer, & quicquid in iis sunt, aut continentur, etiam vermes in domini sui vindictam se armant, sententiamque ejus, vassallos punientis, ob ingratitudinem exequuntur ; Hinc fit ut tot Regnorum sint mutationes ; Nam propter in justitiam dominus minatur de gente in gentem se Regna translaturum ; quod præter alia in Belgio & Gallia fieri videmus. Quare, monitos omnes principes velim, ut sua beneficia feudalia, idest sua Regna, ex animo à supremi illius principis sola liberalitate concessa agnoscant, causamque tam excelsi beneficii apud se noctes & dies versare dignentur ; Cumque eis etiam omnes inferiores Duces, Marchiones Comites, vassos, valvassores, & valvassinos cujuscunque gradus, majores, medios, & minimos, ut meminerint quoties ad obsequium Regum aut dominorum fideles se præbent, aut jurant, semper primi illius domini persona excipiantur, ut in feudis fieri solet & debet ; ut nihil quod eum offenderit faciant, immediato domino quantumvis urgente & instante, nisi & hi à suis etiam feudis per occultas & arcanas Causas cadere etiam expectent.

*Qui feudum concedere possunt.*

Sed ut ad feuda quæ ab hominibus conceduntur veniamus, In textu numerantur qui feudum dare possunt, Archiepiscopus, Episcopus, Abbas, Abbatissa, præpositus, si antiquitus eorum fuerat consuetudo feuda dare ; Item Marchio, Comes, & qui Regis vel Regni proprie

proprie Capitanei dicuntur; Præteriti sunt in hac enumeratione multi. Nam in superiori gradu, Imperatores, Reges, Pontifices Max. & alii qui superiorem non agnoscunt: In inferiori minores vassalli prætermitti, fortè quod antiquo jure Feudorum (si feuda concessissent) revocandi jus & potestas esset; Sed neque in omnibus locis, neque in quacunque causa, ut ex ipso textu patet: Ex quo facile est Cuivis colligere hos libros ex Adversariis Gerardi & Oberti collectos, & non dedito studio ab iis conscriptos.

Sed ut Res tota plenius intelligatur, hæc generalis regula à nobis sit proposita, in hac Feudorum disputatione. Quicumque rem aliquam immobilem sive in allodio, sive in feudo habet, eam rectè in feudum dare potest, dummodo rei suæ liberam administrationem habeat \*. Itaque Imperator, Rex, Pontifex Max, Duces, Marchiones, Comites, Barones, imo & Rustici, si modo sint alicujus feudi jure domini possessores; sic & Ecclesiasticæ personæ, quales sunt Episcopi, Abbates, abbatissæ, & si qui sint aliis Ecclesiis præpositi, servatis solennibus à jure præstitutis feuda dare possunt, de his singulis jam dicendum est, & quid hæc nomina à prima institutione significent, quoque jam decursu temporis pervenerint, & primò de Laicis & feudis ab iis concessis.

Imperatoris nomen militare est, & in exercitiis primo usurpatum, Cum is quem Pop. Rom. ducem exercitui fecisset, prælio commisso victoriam obtinisset, militari acclamatione ab exercitu Imperator salutabatur. Itaque Pub. Scipio Imperator, Quint. Pompeius, Curio, Cicero, & plerique alii inferioris status Imperatores dicebantur, pluresque uno tempore Imperatores erant, pro numero exercituum; Mutato post reip. statu, Cum rerum summam ad se Oct. Cæsar traxisset, dictatorisque nomen post C. Cæsaris eadem esset suppressum, Pop. Rom. omne Imperium in Octavium transtulit, dictatorisque potestas nomine Imperatoris inclusa est, nomenque illud Imperatoris, quod antea sequi solebat proprium nomen, jam & præponebatur, & ab eo tempore Imperator Dictator perpetuus (cujus nomen erat odiosum) eadem potestate constitutus est, Hinc magnitudo Imperatoris, seu Cæsareæ dignitatis, ut omnium rerum quæ sub imperio erant jus & tutela ad eum pertineret, & ut Augustius nomen illud esset, Cæsares Imperatores dici volebant; Regiam autem potestatem & nomen fastidierunt; Nam regibus tanquam beneficiariis Cæsares pro arbitrio Regna dabant, & transferebant, donec devictæ nationes, se armis ab Imperiali hac potestate tandem liberarunt, regesque suos sibi præfecerunt. Imperatorum autem insignia erant sella eburnea, laurea Corona, sceptrum sive hasta, vestis purpurea, & ignis prælatio ut notat Tacitus: Tempore Caroli Mag. & successorum, chlamys purpurea, corona, sceptrum sive hasta, gladius, globus in terra effigiem compactus, & super eum Crux, quæ adhuc in imperio retinentur.

Sed Regium nomen longè antiquius & fortasse celsius quam Imperatoris erat, si tres primas monarchias consideremus, Sed quando Reges primo ceperunt, quibus modis & legibus populus sibi eos præfecerit, exequi, unius voluminis esset opus; & in prima diegesi attigi: unum tantummodo nunc propono, nomen illud Regis à recto & regendo deductum, neque absoluta aut dictatoria potestatis nomen esse, sed meritorum aut virtutis causa. Regum antiqua insignia erant diadema, sive alba fascia, qua caput ejus circumligabatur, hinc scomma illud in Pompeium, cum fasciam albam circa Crus haberet, nihil interesse qua parte corporis diadema gereret, immodicas ejus opes & quasi Regiam potestatem ei exprobrando. Pop. Rom. iis quos Reges appellabant, coronam, auream pateram, sellam eburneam, scipicnem eburneam, togam pictam, & palmatam tunicam mittere solebant: Manserunt in usu apud plerasque gentes Corona & scipio, Scipio autem nihil aliud erat, nisi baculus, hasta aut sceptrum arte artificis cura inclusum, quale erat illud Latini Regis apud Virg.

*Ut sceptrum hoc (dextra sceptrum nam forte gerebat)  
Nunquam fronde levi fundet virgulta, nec umbras,  
Cum semel in sylvis imo de stirpe recisum  
Matre caret, posuitque comas & brachia ferro;  
Olim arbor, nunc artificis manus arte decoro  
Incluit, patribusque dedit gestare latinis.*

Apud alias gentes nudus gladius adhibebatur, quo vita & necis potestate tradi vult Tacitus de Vitellio scribens. Corona, sceptrum, Gladius, cum unctione Pontificia apud nos adhuc retinentur; In usu nostro sub Regis nomine quilibet comprehenditur, qui superiorem non agnoscit, unde vulgatum illud, Quilibet Rex in suo Regno Imperator est; Quæret hic curiosus aliquis, quæ sunt ea Regna in orbe Christiano quæ superiorem agnoscunt? Iis

*Generalis  
Regula de  
iis qui feuda  
dare  
possunt.*

*\* C. I. Sect.  
novi per quos  
fiat Investitura.  
Lib. 2. feud.*

*Imperator  
Unde.*

*Imperatorum  
insignia.*

*Reges Unde.*



ut aliqua in parte satisfaciam ; Neapolitanus, & Siculus Reges, superiorem Pontificem Roman. Agnoscunt, & regna ab eo in feudo habent. Sic & aliquando Anglorum regnum ex facto Joannis, qui à monacho intoxicatus est, In clientelam se Pontificis Rom. etiam in temporalibus dedit ; quod si Alberto Argentinenfi credimus, Anglorum Rex quasi feudatarius Imperii, Imperatorem tanquam dominum salutavit, & agnovit. Bohemus adhuc superiorem agnoscit Casarem, Sic & Danorum Reges ; ut apud Orthonem legitur in epistola Imperatoris Friderici, cujus hæc sunt verba. Petrus Danorum Rex hominio & fidelitate nobis facta Coronam regni de manu nostra recepit. Sic & Arragonense sive Tarraconense & Lusitanorum regnum, Imo & Castiliense, & hodie Granatæ Regnum, & si quæ alia sunt in Hispania Regna. Sic Corsica & Sardinia regna, denique & India orientalis & occidentalis dominum Pont. Max. agnoscunt ; imo si pontificiis credamus & ipse Imperator de eo tenet, hominumque ei debet, unde vulgares hi duo versus.

*Rex stetit ante fores, jurat prius Urbis honores  
Mox homo fit papa, sumit quo dante coronam.*

\* Lib. I. c. 9. Plura de hac materia qui cupit legat Bodinum in sua repub \*. Sed ut unde digressi fumus revertamur, quivis sive imperiali sive regali potestate muniti, sive superiorem non agnoscen-tes, feuda recte dare possunt, & feuda hæc nunc regalia, nunc ligia dicuntur : Regalia quia à Rege tantum cum dignitate tenentur : Ligia vero quia accipiens fit ligius concedenti, debetque ei hominium : Sic literas quæ à Rege mittuntur ad omnes suos ligios, nemo est qui nesciat ; & hic feudi ligii est effectus, ut invito domino vassallus feudum refutare non possit, ( neque enim ferendum est ut quis ligiam obedientiam cum velit excutiat ) Jurisdictioneque domini ejus bona omnia subjiuntur : Nam homo sive vassallus non ligius, tantum ratione feudi accepti domino subjiicitur. Nec ejus dicitur subditus, licet sub eo habitet ; & cum voluerit potest feudum refutare ; Inde fit, ut nemo duorum uno tempore potest esse homo ligius.

Unde Prin-  
cipis nomen.

Principis nomen soli Regi aut Imperatori apud nos convenit ( Sic Martialis.

*Principis est virtus maxima nosse suos.*

Et Ovid.

*Nec tamen officium nostro tibi Carmine factum.*

*Principe tam justo posse nocero puto. )*

Nisi filium successurum habuerit ; Nam tum hoc nomen filio ejus primogenito competit : Scio aliquando abusive, reliquis liberis & regni tutori, aut aliis ex sanguine attribui. Proprie tamen ad successorem Regni pertinet ; vox enim hæc ab initio nihil nisi primum significabat, ut nemini in latina lingua paululum progressu ignotum esse potest. In Romana militia principes dicebantur secundæ aciei milites, qui mediū inter manipulos hastatorum, & triarios erant, qui pulsus manipulis pugnam in se recipiebant : Principes Inventutis dicebantur, qui in imperio successuri erant, sic enim Augusti, qui rerum potiebantur, suos successores sive liberos sive adoptivos designabant, unde forte & nomen ad nos & alia Regna defluxit.

Unde Senef-  
calli.

Senescalli nomen Germanicum est, de qua Hottomannus in francogallia, & gubernatorem dici vult, qui convocandi Regni ordines, & omnia vice principis gerendi habent potestatem ; & hæc dignitas, cum nudum tantum fuisset ab initio officium, familiæ inclytissimæ Steu-  
artorum dedit initium ; & ita in ea continuatum, ut ea dignitas, propria jam principi attribu-  
atur, & in eo permaneat, separatim adhuc id officium in Anglia est.

Unde Ducis.

Duces autem & comites, si quis vetustiores scriptores consulverit, & Ducatus & Comi-  
tatus munerum tantum & administrationum nomina & non patrimonii evidenter agnosceret,  
& pro arbitrio principis revocationi obnoxia : Duces autem ab antiquis tantum dicebantur  
ductores exercitus, postea etiam Regionibus præficebantur, temporumque progressu fa-  
ctum est, ut eas terras, quas tenendas & servandas susceperant, nomine feudi etiam acci-  
perent.

Unde Mar-  
chionis.

\* L viros  
spectabiles  
C de Divers.  
off & appa-  
ribus 12.

Quod ad Marchionis nomen attinet, recentius est & obscurius, Certum tamen est nomen  
illud deductum à custodiendis limitibus ; Nam cum Romanorum Imperatores fines sive li-  
mites aliquos imperii statuissent, apud eos præcipue habebant præsidia, quibus fines seu limi-  
tes tuebantur ; unde & fundi limitanei, limitrophæ, & limitum præpositi, qui limitibus his  
præessent, Ex his si quis rem rectè geississet, Imperatores ei partem aliquam ejus provinciæ  
gubernandam, mox etiam in feudum dabant : Nam apud Germanos, & hodie apud nos li-  
mites ( Marches ) adhuc dicuntur ; Cum hic honos proximis Ducatui esset factus, & dum  
honori

honori potius posteritas inhiaret, quam rei ipsi; evenit tandem ut etiam Marchiones dicebantur, qui Mediterraneas Regiones possiderent.

Comites autem in Imperialibus constitutionibus administratores dicebantur & ex varietate administrationum, varia sibi nomina assumebant, Nam alius dicebatur Comes rerum privatarum \*, alii principis domorum Comites erant, alii largitionum privatarum, sive sacrarum: Alii Comites sacri palatii: Alii militum: Alii sacræ vestis: Alii stabuli sacri (unde nomen Constabularii; Nam Constabularius nihil aliud est nisi praefectus equitum) & multi alii comites in jure dicebantur, sed nemo qui non erat ex Imperatoris aula. De his singulis exempla habemus in Codice Justiniano, saltem in Theodosiano, & semper pro administratore alicujus rei Imperatoria sumebantur, non tantum in his quæ ad militiam spectarent sed etiam juris dicendi causa; sic in libris Feudorum Comitum nomen pro judice ordinario sumitur \*. Hujus dignitatis nomen, si antiquitatem perscrutari velimus, à moribus Germanorum fluxisse videtur. Nam cum Cornelius Tacitus in illo libello quem de moribus Germanorum reliquit, unicuique Duci exercituum duodecem Comites assignari solitos scribit, qui ejus lateri adhererent, & ejus Consiliis præessent; Inde Comes provinciae ejus dicebatur, & territorium cui præerat, Comitatus: Nam in appendice Aymonii de Carolo Mag. hæc habentur, Ordinavit per totam Aquitaniam Comites, Abbatesque, usque commisit curam Regni, prout utile judicavit: & primo Biturica Civitati Humbertum, paulo post Sturmimum præfecit Comitem; & sic deinceps, cuique regioni suos comites, ejusque temporibus sub unoquoque ducatu duodecem erant Comites. Ex quo loco & eo quem supra ex Tacito adduximus, Imperiti colligunt duodecem comitatus debere esse sub unoquoque ducatu. Hugo tamen Capetus ut notat Conanus \*, Cam deturbata Caroli Mag. successione nullo jure regnum franciæ occupasset, ut procerum animos sibi conciliaret, temporarias dignitates fecit perpetuas, & ut ad hæredes transfirent, dum tamen ipsi milites essent. Patet ergo ex his Comitum nomen, fuisse nomen jurisdictionis, sed postea crescente hominum importunitate, aut principis necessitate ad id cogente: factum est ut suas praefecturas in feudum acciperent. Inter alios Comites, Marefcalli comes etiam numeratur, quem Hottomannus & plerique feudistarum cum Comite stabuli confundunt, quod (March) antiqua Germanorum lingua equum significet, & Marefcallum magistrum militiæ significare volunt: alii cum Marchione confundunt, quasi Marchiarum Comes. Neutrum mihi placet; puto Marefcallum inde dictum, quod antiquitus magna pars probationum feudaliū, in duellis consisteret, horum Judex & cognitor Marefcallus pugnuros audiebat: Eorum jura & allegationes scripto apud se recipiebat, campum instruebat, sacramenta partium accipiebat, Contententes ut æquis conditionibus concurrerent, providebat, quod (Marischaller) adhuc dicimus, victi, arma, equus, omnia instrumenta ad eum pertinebant: Sunt qui Comitem stabuli in eo officio cum Marefcallo conjungunt, sed nulla ratione innixi. Hanc dignitatem hodie apud nos clarissima Kethorum familia obtinet, multisque retroactis sæculis obtinuit. Sic duces, Marchiones, & Comites, qui antea erant temporarii, beneficio tandem principis, facti sunt perpetui, quemadmodum & feuda Guardia & Castaldia, quæ tempore Gerardi & Oberti annalia tantum erant, jam & ipsa facta sunt perpetua. Ab ipsis Comitibus, nomen vicecomitis defluxit: Nam cum comites post acceptas suas praefecturas jure hereditario, quidlibet sibi in suos licere putarent, gravique servitute & oneribus premerent; Reges clamoribus inferiorum excitati suas jurisdictiones sibi rursus vendicarunt, reservatis provinciarum feudis ipsis comitibus, neque id sine causa, quia jurisdictiones in feudum concedi privative non possunt, quin semper remaneat apud concedentem, tam jurisdictionem quam delegandi potestas, ut ex inferioribus patebit; & sic Reges jurisdictionem assumpserunt, aliosque sibi subdelegabant; Inde praefecti juri dicendo, Vicecomites; & praefectura, Vicecomitatus dicebantur; sed in his etiam ut plurimum jurisdictio est facta hereditaria, magno cum reip. malo. Vicecomites nos Schireffs dicimus; at unde hæc vox deducta est, obscurum plerisque est: sed si conjecturis locus sit, puto deductum à Germanica voce Grave, unde Markgrave, landgrave, burgrave, Grave enim Germanicè significat Comitem aut judicem, Hanc vocem Britanni productius efferunt, pro Grave Girave, quasi cum scheva hebraico pronunciantes unde giraf five Schiraf, Nam quod nos per digamma Æolicum efferimus, illi per, v. consonantem: Sic quos nos flandros dicimus, illi ulandros vocant; Sic veteres dafus, serfus, pro davus, & servus, usurpabant, neque enim voces ubilibet eodem modo proferuntur. Itaque radix hujus vocis Germanica est, licet nos aliter efferamus. Vicecomitis nomen Baro vult esse comite inferius, Baroni aequale, sed qui exactius hujus nominis significationem perscrutati sunt,

Unde Comitatus.

\* L. 3. C. de Bonis vacan. & de his Constabularius.

\* Lib. 2. cap. 27. Sect. 2.

\* Lib. 2. c. 9.

Marefcalli comes quidam.

Unde Vicecomes five Schireff.

Vice

vicecomitem esse aiunt exactorem reddituum, seu denariorum Regiorum, cujus exempla sunt hodie manifestissima, Nam si quid Regi ex retornatibus seu castaldiis debetur aut si quæ sint exactiones impostæ, vicecomes omnes eos denarios inferre tenetur, quod nos respondere pro iis dicimus. Et hæc de Judicibus, Marchionibus & Comitibus, qui regni Capitanei in textu dicuntur; In hoc notandum Regnum hic cum Imperio confundi, ut iidem sint capitanei Imperii qui Regni, & Imperator nihil aliud quam Rex in suo Regno, ut antea monui. Superest ut de Baronibus etiam aliqua dicamus.

Unde Baro-  
nis nomen.

\* Satyra. 5.

Baronis nomen ne semel quidem in toto Feudorum textu reperitur, cum tamen nomine Baronum & Baroniarum nihil sit apud nos frequentius: qui vel à latino vel à Græco fonte hoc deducunt nihil faciunt, Nam licet nomen Baronis apud Ciceronem reperiatur, tamen non in hac significatione, apud Ciceronem enim nihil significat nisi stupidum aut stolidum sive fatuum; In qua etiam significatione varro \* apud Persium sumitur Nam hæc literæ (b) & (u) ut literæ ejusdem organi sæpe inter se commutantur: sic fabius & libius, & favius & livius, & in Florentina editione Pandectarum nihil frequentius, quam harum literarum (b) & (u) commutationes. At qui à Græco fonte deducunt nempe à *Baro* quod gravem significat, non minus peccant; Nam licet *Baro* gravem significat, nunquam tamen in bonam partem capitur; sed pro gravi idest oneroso & molesto. Itaque verisimile est vocem hanc Germanicam sive Gothicam esse, & cum feudis primum irrepsisse. Sane qui res Longobardicas scribunt, aut Caroli Mag. sequentiumque Imperatorum res gestas, Primi Baronum mentionem faciunt, & id quidem frequentissime, Cum viros nobiles & alios qui dignitate antecellunt, significare volunt; Et sanè in hac significatione Baronis nomen prius est, quam vel Ducis, Marchionis, vel Comitis: Imo duces Marchiones & Comites sub illo nomine comprehenduntur, obtinuitque ut omnes ab initio Barones dicerentur, sicut apud nos hodie dicuntur; sed vilescere ob multitudinem Baronis nomine, ceperunt hæc nomina dignitatum ambiri, ut Dux, Marchio, Comes, ut aliquid supra Baronem essent; Ex quibus liquet Baronis nomen à plerisque dupliciter sumi, uno modo ut Duces Marchiones & Comites comprehendat, alio ut sit Comite inferius; More nostro Baro dicitur qui gladii potestatem habet, idest imperium merum; apud nos furca & fossæ nomine significamus; Nam hæc signa erant Imperii meri. Furca enim est quam Crucem dicimus, & fossa in qua homines submergi solent. quod facillimum & levissimum mortis genus est: Ita ut hæc duo quasi extrema, omnes alios gladii effectus intra se contineant. Præter gladii potestatem solet Baro habere, jus nundinarum, & etiam turris fastigiata, ut ea essent signa jurisdictionis, sed quasi demandata sive delegata; Nam solis Baronibus ea habere licuit, pro custodia reorum, quos in vincula conjicere solus is poterit, qui merum imperium habet, in qua etiam significatione apud Gallos usurpatur; Jure antiquo Feudorum & hodie apud Anglos (nescio an & apud nos locum habere debeat) omnes fastigiatae turres ad principem pertinent. Inde fit ut qui turrim fastigiatam cum pinnis detinet, principe reposcente, majestatis lasa sit Reus, cum rem suam à principe domino suo retineat; cum alioqui res alias immobiles, immo vel mobiles regi possenti sine Criminis nota possimus denegare. Baro autem is solus est qui de Rege in capite tenet. Sane si Boethio credimus, Baronis nomen erat apud nos antiquum; scribit enim Canedum Regem, cum expulsi Pictis borealem totius Britannia partem occupassent, Regnum in partes, quas Baronias vocavit, inter procures & optimates meritum habita ratione divisisse, sed hi tum thani vocabantur, & Baroniarum thaniarum sive thaindomes dicebantur, & adhuc hoc Baronis nomen in vulgari Scotorum lingua est ignotum: Itaque verisimile est hoc nomen non tam citò ad nos pervenisse, sed ut Ducum, Marchionum, & Comitum nomina ex potentiorum gentium amulatione ad nos succedentibus seculis paulatim serpsissent, Ita & Baronum; nisi quod Baronis nomen antiquius sit. Baronibus proximi sunt Baneriti, qui & Normannicè Banneriti dicuntur: Nam & Baneritos sive Banncritos diversam dignitatem à Baronibus habuisse, & ex statutis Richardi Anglorum Regis, & ex constitutionibus Normanniarum manifestè legenti constabit, sane quantum conjectura assequi possum, Baneritus Baro non erat, sed qui ritu Baronis, idest privilegiis Baronis gaudebat, quemadmodum plerique apud nos sunt, qui merum imperium habeant, Baronis tamen nomine non gaudent. Ego sane cum Baneriti nomen apud plerosque invenissem, quantum ex eorum scriptis potui colligere, eo nomine dignitatem Barone inferiorem significare voluisse putarem; quasi per diminutionem Baneritis nihil aliud esset quam Baronettus, sive parvus Baro: Solent enim Normanni apud quos vox hæc frequens est, diminutivæ per (&) deducere, & in ea significatione tam apud Gallos quam Anglos usurpatur. Quæret aliquis unde hæc vox (Lordis) derivata



derivata sit, quemque locum dignitatis in repub. habeat? sanè hi à principio nihil nisi Barones erant, nec adhuc sunt; Nomen tamen hinc provenit, quod cum jure Regni omnes Barones publicis comitiis interesse tenerentur, nec tamen cum interessent, propter multitudinem omnium suffragia colligi poterant, ex singulis provinciis unus aut duo eligebantur, qui publica Regni negotia cum Rege tractarent, & in initio digniores, & rerum tractandarum peritiores deligebantur, qui etiam domini salutabantur: Sed degenerantibus seculis cum comitia essent frequentiora, nempe in quibus magna pars causarum decideretur, nec tenuiores in sumptus sufficere poterant, factum est ut potentiores pro peritioribus substituerentur; quod si comitia prorogabantur, etiam durante tota vita hi potentiores dignitatem retinebant: sic etiam finitis Comitiis (ut primum semper humanum genus in adulationem est) dominorum nomen retinebant, & iis vita functis, hæredes cum eadem potentiam haberent, agrè etiam à se nomen demittebant: Sic progressu temporis factum, ut qui prius commissarii tantum baronum essent, in dominorum numerum, quoties publica comitia indicabantur sint coaptati. De dignitatum apud nos Origine, & significatione satis dictum, Nunc ad institutum redeamus.

Unde nomen  
Londis.

Feuda concedere possunt Imperator, Rex, & quicumque superiorem non agnoscit, sive sit unus aliquis, sive Universitas, aut Civitas, qualis est Venetiarum; Et qui ab iis feuda cum dignitate capiunt, vassi sive Regni Capitanei in textu dicuntur, quasi proceres & Capitanei: Sed hi Capitanei in duplici sunt differentia: Alii enim Capitanei Regni sunt; Alii minus propriè, urbium præfecti, qui & ipsi Capitanei in textu dicuntur: Nec minus Duces, Marchiones, Comites, Barones qui regalia hæc feuda habent, eadem aut eorum partem rursus in feudum concedere, seu subfeudare possunt; sed hi qui hæc feuda accipiunt, valvassores dicuntur, barbaro vocabulo, quasi ad valvas dominorum stantes, aut stare debentes, eorum iussa expectantes. Nam quod ad vassos sive vassallos pertinet, licet sæpe vassalli nomen omnibus feudum habentibus sit commune, tamen propriè vassus sive vassallus is dicitur, qui à rege immediate tenet, ut de Barone diximus: valvassor autem eum, qui ab inferiore à Rege, nempe de Capitaneo Regni tenet, significat. Valvassores rursus duplices sunt, vel majores vel minores, aliqui minimos ponunt, Majores qui immediate à Ducibus, Baronibus, seu Regni Marchionibus feudum habent; Ac qui ab istis rursus sua prædia accipiunt, minores valvassores dicuntur; sed & Minores valvassores alios sub se habent, valvassinos eos vocant; qui feuda ab his accipiunt valvassini dicuntur, & in duplici sunt differentia, Nam hi majores illi minores vocantur: Majores valvassini sunt, qui à majoribus valvassoribus feuda accipiunt, Minores qui à minoribus. Et sic sæpe fit ut gradatim discendendo feuda etiam ad Rusticos deveniant. Sanè feuda valvassinorum sive Majorum sive Minorum antiquitus jure feudi non censentur, quia à domino revocari poterant, nisi hi valvassini cum dominis Romam proficiscerentur; Sæpe enim dominis eundem erat Romam in comitatu Caesaris ad extinguendas partes seditionum, quæ ex tyrannide Pontificia contra Casaream majestatem nascebantur: sed & hoc postea correctum est, ut & etiam minimi valvassini, irrevocabiler in feudum dare possent\*; quod & apud nos hodie observatur: Itaque quicumque feudum habet quod de alio tenet, subfeudare potest, sed duriores tum sunt fidelis partes, quo plures sunt domini: Nam si sit feudum quod wardam & Relevium debet, plerumque accidere potest, ut toto seculo vassallus morientibus dominis infra annum vigesimum primum, aut secundum, à fructibus sui feudi excludatur; Itaque maxime illud observare solemus ut quam paucissimos dominos superiores habeamus, sed quo ad fieri potest ad dominum superiorem semper recurrimus, ut de eo feudum teneamus. Stat igitur hæc generalis regula, ut quicumque rei suæ immobilis liberam administrationem habeat, in feudum etiam concedere eam possit; Quod tamen à principe superiorem non agnoscente confertur, feudum ligum dicitur, quod autem de alio quam de Principe tenetur, feudum non ligum, ut antea in octava Feudorum divisione monuimus. Variæ autem sunt inter hæc feuda differentia, Fortius enim ligat vassallum feudum ligum, quam non ligum: Nam licet communiter vassallo feudum refutare liceat (quod nos feudum renunciare dicimus) ligum tamen feudum refutari non potest neque enim ferendum est, si quis ab ea fide quam principi suo debet, recedere velit. Præterea in hoc feudo cum controversia inter vassallum ligum & dominum oritur, dominus Judex est. Itaque non mirum si in quaestione feudi ligii, Rex Judex sedeat; Cum alioqui in feudo non ligio, pares Curia tantummodo judicent. Sed de hac quaestione postea, cum de judiciis feudalibus agemus. In feudo autem ligio non solum feudum quod vassallus de domino tenet, sed etiam omnia alia bona etiam non feudalibus veniunt, idest

Qui feuda  
concedere  
possunt.

\* C. 1. ad fi.  
nem de Na-  
tura feudi.

De feudo li-  
gio & non  
ligio.

ideft domini cognitioni subijciuntur ; Rationem tradunt doctores quia vassallus in hoc feudo personam suam domino subijcit, & cum persona omnia bona veniunt : Itaque eo in dominum delinquente, non solum ipsum feudum ad dominum revertitur, sed quæcunque alia bona mobilia habet, etiam vendicantur. Hinc nostras forisfacturas originem habuisse manifestum est ; Nam ob feloniam in se commissam princeps, qui superiorem non agnoscit, non solum ipsum feudum, quod de jure feudali communiter domino debetur, sed bona etiam quæcunque mobilia sibi arrogat. In hoc feudo ligio prastatur fidelitas domino nulla persona excepta : In non ligio semper excipitur persona principis, etiam si non exprimatur : Ratio est, quoniam qui mediât de aliquo tenet, non solum fidelitatem servare debet domino à quo feudum habet, sed etiam domino sui domini ideft domino superiori, quotque gradus superioritatis sunt, tot dominorum personæ censentur exceptæ. Itaque si de fidelitate, auxilio in bello, aut militia prastanda agatur, rejectis propinquiorebus ad primum dominum vassallus recurrere debet. Rex autem semper est dominus antiquissimus. Notandum est eos qui cum dignitate & jurisdictione feudum acceperunt, jus etiam Curia sive Curtis tenendæ bere, & pares curia eligendi, ex quorum sententia tam in Civilibus quam Criminalibus inter suos fideles & etiam inter alios, si quis in vassallum intra territorium domini deliquerit, jus dicere possunt. Et hæc de feudis ligiis cum dignitate. Alia autem feuda ligia sunt, quæ dignitatem annexam non habent, veluti si Rex mansum aut terræ aliquam portionem in feudum dederit. Quid autem mansus sit, non inutile erit fortasse legentibus intelligere, quoniam ea vox tam in jure quam praxi frequens est. Mansus itaque est agri portio modo vel mensura designata ; fortasse à mensuris vox deducta : Nam in agrorum divisione menses adhibitos fuisse ex jure nostro constat, qui & finitores à Cicerone in oratione pro lege Agraria dicuntur. Alvarotus Maximus feudista mansum putat si duobus bobus ad arandum sufficiat : alii duo jugera mansum efficere putant. Mansus autem duplex est ; Nam alius est in ecclesia, Alius in privati hominis patrimonio : In ecclesia patrimonio semper debet esse Mansus qui clerico in cultum & victum sufficeret, liber ab omni tributo & servitio nisi Ecclesiastico ; Imo liber à decimis ; Rationem reddit glossa, quod mansus tantum assignabatur, unde frumentum & vinum ad *ἐκκλησιαστικὰν* possit suppeditari \*. Aliter tamen decisum vidi, nempe mansum aut glebam Ecclesiasticam, etiam decimas debere, sed puto illud negligentia vel oscitantia advocatorum evenisse, donec tandem in publicis Regni ordinibus statutum fuit ut ab omni decimarum præstatione Ecclesiastici Mansi ( nos glebas decimus ) essent immunes. Alius est mansus privati hominis & in nomen terrarum dominicalium transit, sic veteres Mansum indominicatum dicere solebant, ideft ita in domini potestate assignatum, ut solus illum colat, neque in feudum antiquitus neque precario concedi poterat. Sunt certe apud nos quædam terræ dominicales quæ à solis dominis coluntur, quæ Mansus apud nos dicuntur, qui ad tempus si locetur aut in feudum detur, id fieri à parum prudentibus dominis, & in ruinam properantibus colligimus. Nos mansum Ecclesiasticum pro habitatione sumimus, Mans vulgo : & etiam portionem terræ quæ ab illis colitur, Glebam dicimus. Terras vero dominicas paulo productiore voce Mainis vocamus. Sed ut ad feuda redeamus, ex illa divisione feudi in ligium & non ligium, Illa altera feudi divisio in feudum cum dignitate & sine dignitate resultat.

*Fidelitas  
Regi tan-  
quam primo  
feudi domi-  
no semper  
servanda  
præteritis  
aliis superi-  
oribus inter  
Regem &  
vassallum.  
Quid Man-  
sus.*

*\* C. 1. extra  
de Censibus  
& Exactioni-  
bus. in glossa.*

*De feudo  
Nobili &  
Ignobili.*

Tertia autem feudi divisio in feudum nobile & ignobile est, ut antea monuimus : Nobile autem feudum est, quod possessorem sive vassallum nobilitat & inter nobiles sistit : Ignobile autem quod vassallum plebeum sive in plebe relinquit. Quæ autem feuda nobilitent, licet antea in divisione Feudorum attigimus, pauca nunc addenda, ita tamen, ut de ea sola nobilitate hic loqui intelligamur, quæ ex natura feudi provenit. De nobilitate vero sanguinis, aut quæ ex literis, seu doctrina, sive morum ingenuitate, aut militaribus moribus proveniat, alii sunt qui accurate eam rem tractant. Sed sane cum princeps sit fons & origo omnis nobilitatis, sic & inter alios distribuitur, est, & quoties terras cum dignitate confert, licet nobilitatem non exprimat, nobilem tamen facit. Et apud nos primum illum Hayum qui à Rege virtutis ergo multis Latifundiis donatus est, quod labantem Scotorum aciem, cum adversus Danos pugnaretur, restituisset, non minus nobilem verus rerum asstimator censebit, quam eos qui in hunc diem ab eo descenderunt ; licet familia illa inter Scotos sit primaria. Sed sunt qui in quocunque feudo à principe concessio nobilitatem putant includi, ut non amplius is qui feudum nudum à principe accipit, in plebe numeretur ; quod tamen apud nos non recipitur, nisi in secunda aut tertia generatione ut loqui solemus, nec nisi voluntatem suam ut nobilitet Princeps declaret, Nobilitatem per tale feudum concedere videtur ; Nam licet in

eo sit potestas nobilitandi, tamen ut voluntas concurrat necesse est: Voluntas autem non præsumitur nisi declaretur. Sed de feudo nobili, Minus nobili, & aliquantulum nobili in priori diegesi fufius: Apud Gallos nobilitas tamen à Rege conceditur ut dixi, quod sub Magni sui sigilli testimonio declarat: Non negarem tamen nobilitatem aliquando concedi ex usu & possessione tanti temporis cujus memoria non extat, & sufficere scientiam magistratuum Regis, contra quos hæc nobilitas præscribi potest \*. Quod ad spurios nobilium attinet, licet ex jure, matris & non patris conditionem sequantur \*. Tamen jure Regni Gallia & nostro quo utimur nobiles cenferi possunt, ea lege & conditione, si pro liberis publicè à parentibus nobilibus, dum viverent agniti fuerint, & filiorum nomine ab iisdem honestati: ut jus Civile videatur de iis tantum intelligere, qui patrem demonstrare non possunt; hi etiam insignibus suæ familiæ paternæ ntuntur, transversa linea rubra à sinistro latere incipiente versus dextram; Matris nobilitas in filio non continuatur, si pater sit homo Ignobilis aut plebeius: Licet Plutarchus \* nonnullis concessum dicat ut nobiles cenferi possint etiam ex materna origine, quemadmodum Ilensibus & Delphicis. Apud Xanthos qui Liciorum populi sunt, lege cautum fuit, ut filii non à patribus sed à Matribus nomen generis assumerent, & si quis omnium percontaretur quisnam esset, quali scemina natus, à matre, avia, & proavia, non à patre, aut avo paterno genus suum repetebat. Et hæc de nobilitate obtinenda. Amittitur autem in jure nobilitas amisso feudo ( nihil enim in jure tam naturale est quam unumquodque eodem modo dissolvi, quo colligatum est ) & præcipue si ob feloniam amittatur. Sed frustra de nobilitate gloriuntur, qui in aliorum familia serviunt, licet apud nos alia vulgi sit opinio, Omne enim servitium, omnis quæstus manuaris, sive mechanicus, Imo & conductio prædii pro annuo censu seu feudi firma, nobilitatem extinguit. Itaque omnia artificia ignobilia & illiberalia nobilitatem perimunt. Lacedemonii opificia tanquam artes illiberales aversabantur, & per Helotas quos servorum loco habebant; ea tantum exercebant. Aristoteles manuaris operationes à sua Repub. exclusit, Melius tamen Solon qui eas artes in Atheniensium Rep. tanquam rem utilem & necessariam perdiscendas & exercendas instituit. Quod si incuria sive negligentia parentum, liberi nullas artes edocti fuissent, suos parentes in senectute inopes alere non tenebantur: Artes enim hæc sunt portus inopiæ fugiendæ mortalibus & ut in Græcorum proverbio est, Omnes artes terra alit. De Mercatura potest dubitari, quæ licet apud Ciceronem & multos alios bonos auctores sit laudatissima, tamen cum sordidos quæstus faciat, nobilitati adversatur: Aristoteles in Politicis legem apud Thebanos fuisse commemorat, ut nulli aditus ad honores reip. capiendos daretur, nisi à mercatura per decem annos destitisset \*. Et hæc de nobilitate feudi, in quo hoc notandum, quod quo antiquius sit feudum, eo nobilius, nobilioresque faciat vassallos. Sic quæ in divisionibus Feudorum de feudo Regali, sive ligio & non ligio, de feudo cum dignitate, vel sine dignitate, & demum de feudo nobili & ignobili, obiter & transeundo percurramus, plenius hic sunt explicata.

Quæstiones tamen graves & utiles multe hic moventur: Prima an Rex filium in Regem adoptare possit, & an Dux Ducem Marchio Marchionem & sic de cæteris? sanè in Regibus multa sunt exempla: Nam Henricus secundus Rex Angliæ post conquestum Henricum ( qui tamen patri præmortuus est ) regem secum constituit. In Imperatoribus præcis hoc frequens erat, ut Otho primus filium Othonem in Imperium secum assumpsit; duo, tres, aliquando & quatuor Cæsares sive Augusti erant; & post divisionem Imperii in occidentale & orientale, utrumque sæpe contigit. At omnes doctores concludunt Regem filium suum in dignitatem Regiam secum attollere cum jurisdictione non posse. Sed hujus quæstionis solutio ex natura Feudorum, dividorum, & individuum pendet, ut Hottomannus vult; Nam cum omnes dignitates habeant annexam secum jurisdictionem; Jurisdictio autem sit indivisibilis, putat neque regna, neque dignitates regias, quales sunt Ducatus, Marchionatus, Comitatus, dividi posse: Ratio hæc in Regno non videtur militare, quia neque sunt Regna feuda, quoniam de nullo tenent, neque hominum debent, non minus tam jurisdictionem Regnorum dividi non posse certum est, quam si essent feuda, saltem non sine certissimo reip. malo: Nam regna divisa fuisse antiquitus sapissimè legimus: Sic & Anglofaxonum Regnum in septem regna divisum; franciæ aliquando in tria vel quatuor; mitto Hispaniam quæ octo aut plura distincta Regna aliquando habuit; Nec unquam cessatum est, à Civilibus contentionibus, donec in unitate idest in unum Regnum & imperium coirent. Itaque dimittere Regnum Rex potest, alium sibi socium in regimine asciscere non potest; Multum enim interest subditorum, ne in duorum dominorum servitia sæpe diversa, aliquan-

\* Tiraguellos  
c. 14. de  
Nobilitate.  
\* L. cum  
legitima  
ff. de sta-  
tu hominum.

\* Plutarch.  
de claris  
mulieribus.

Sic modo à  
mittatur  
Nobilitas.

Sic sum  
ignobilis.

\* Polyb. c. 9.

An Rex fili-  
um in Re-  
gem adopta-  
re possit.



do contraria distrahantur. Quod ad Ducatus sive Marchionatus attinet, quæ propriè dignitates feudales dicuntur. Cum Dux, Marchio, Comes, & ex usu nostro Baro regni capitanei dici solent: Profecto neque Dux Ducem, Marchio Marchionem, Comes comitem, Baro Baronem constituit, ut ex ipso textu colligitur. Præterea aliæ rationes adduci possunt ex jure Civili, nemo enim gladii potestatem quam à Rege vel principe accepit, alii delegare potest, nisi simul substituendi & delegandi potestatem acceperit. Itaque feuda hæc vocantur individua, in quibus primogenitus succedit, & hanc individuitatem (ut ita loquar) ipsa utilitas justè prope mater, & æqui introduxit. Nam virtus in se unita ad omnia pericula sustinenda validior est quam dimidiata. Imperator Fridericus prævidens hæc incommoda, sancivit ne in futurum dignitates hæc essent dividuæ; sed tamen in Germania Barones non solum à comitibus creati, verum etiam id, fieri Brabantia certum est, & apud Ligures sive Lombardos multisque aliis in locis Comites à Ducibus creantur; sed in his usus pro lege est. Imo & nomen ipsum dignitatis apud Germanos dividuum inter omnes filios defuncti est, ut jurisdictio individua.

Jam ut ad institutum revertamur, Imperator, Rex, & quicumque superiorem non agnoscunt rectè feudum constituunt. Hic, regula illa generalis perpetuò memoria tenenda: Omnes qui rei suæ liberam administrationem habent in feudum concedere possent, etiam si sint Rustici, muti, surdi, si modo constet quod intelligant, & quid intelligant exprimere possint: Imo & scæmina in feudum concedere potest, si soluta; alioqui cum viri consensu. Unde Baldus, Præpositus, & Alvarottus colligunt faminam non solum jurisditionem habere, sed etiam aliis concedere posse, & sic facile confutatur nonnullorum error qui scæmineum Imperium, & regiam successionem averfantur.

At qui liberam rei suæ administrationem non habent, ut nec alienare, ita nec in feudum dare possunt; Nam ubi alienatio rei suæ aliquibus interdicta est, sive à lege, sive à judice, hi nec feuda possunt concedere: Itaque nupta sine viri consensu non potest, neque pupillus omnino, neque prodigus, neque furiosus, neque ullus alius qui vere consensum non habet: Prodigus autem nemo reputatur, neque Feudorum jure, neque nostro, nisi sententia præcedat, & ut Baldus ait, nisi accusatus & damnatus fuerit. In prælato tamen dilapidatore, fructuum & reddituum suæ ecclesiæ, hoc observari ait Baldus, ut in feudum dare possit nisi ob dilapidationem instituta fuerit contra eum accusatio; ex usu nostro non habetur pro prodigo, qui sua prodigit, nisi vitio mentis id fecerit. Itaque donec ei administratione interdicitur, potest uti vel abuti pro arbitrio suis rebus. In prodigis apud Gallos hic ordo servatur: ad instantiam amicorum literæ impetrantur, quibus prodigus hic ante ordinarium loci citatur: si compareat, cognitio de ejus prodigalitate sumitur per inquisitionem, præcipuè ex amicorum & cognatorum testimonio, & secundum eam fit sententia interdictionis, curatorque bonis datur: Si contumaciter absit, non minus ab inquisitione proceditur ad sententiam, qua lata Prodigio bonorum administratione interdicitur, curatorque ei datur, sententiaque undique publicatur; ea publicata, Is cui interdicitur, alienare non potest; Imo neque bona in alio territorio constituta, in quo ipse non habitat. Pendente verò processu sunt quidam qui putat alienationes factas irritas, quippe eludendi judicii causa factas; quod sine controversia esset, si modo processus notitiam habuisset cum in quem alienatio facta est constet: & licet in jure caveatur, ut si furiosus sanitatem, prodigus sanos mores receperint, ipsi definant esse in Curatorum potestate\*, tamen consuetudo invaluit, ut hæc interdictione per causæ cognitionem judicis sententia tollatur. Sed in curatore furiosi, & eo qui prodigo datur magna est differentia; Nam ex legibus duodecim tabularum, Si quis furiosus existat, cognatorum gentiliūque in eo & ejus pecunia potestas erit, sed prodigo judex sive prætor Curatorem cum causæ cognitione dabit; forma sententiæ contra prodigum lata apud Paulum jurisconsultum habetur\* in hæc verba: Quando tu bona paterna avitaque, nequitia tua deperdis, Liberosque tuos ad egestatem perducis, ob eam rem tibi omni commercio interdico. At hæc interdictione prodigorum apud nos insolens est, nisi ipsi in senatu compareant, & interdicti cupiant, quod admittitur, nisi dolus subsit. Et hæc de prodigis. At cum vitium mentis accedit; tunc apud nos in duplici sunt differentia, aut enim veri sunt furiosi, aut dementes, aut tantummodo mente aut judicio capti, idest ita mente depravati, ut neque modum neque finem expensarum habeant, qui fere prodigi sunt & utrisque opus est sententia declaratoria, quæ ex jure communi, & probatione per testes idoneos & juratos dabatur. Apud nos ex Cancellaria regia, breve impetratur, quo Vicecomes idest judex ordinarius illius loci jubetur Titii aut Sempronii naturam, & qualitatem exquirere;

\* L. i. ff. De Curatore furioso et al.

\* Lib. Sen. equitar. 5.

exquirere. Nempe si sit furiosus aut demens, aut alioqui ita mente captus & præditus, ut qui neque modum, neque finem impensarum habeat : quodque inquirendo invenerit rētoriari curare : Vicecomes verò mandatum executurus, aliquot notæ famæ homines ex vicinia (nostri ex viceneto nonnunquam ex visneto vocant) ad comparandum in iudicio citari faciet, ex quorum numero quindecim seliget, qui non solum de furore & delirio inquirent, sed etiam à quo tempore delirium cœperit. Ex hac quindecimvirali sententia damnato non solum à tempore sententiæ rerum suarum alienatione interdicitur, sed etiam quæcunque gesta sunt in rerum hæreditariorum dispositione, postquam furere aut delirare cœperit, fiunt irrita, quasi ex defectu consensus ab initio ; unde & illud sequitur contra juris communis regulas, ut multa quæ ab initio rectè constituta sunt, ex post facto cadant, nempe cum deveniant ad eum casum à quo incipere non poterant, & quod magis mirum est, etiam ope exceptionis cadunt sine iudicio rescissorio ; nisi quis dicat ab initio hæc non rectè facta fuisse, licet declaratoria sit longo post tempore sequuta, quæ tamen ex jure & usu retrahitur ad ipsius acti initium. His autem furiosis, & mente vel iudicio captis, & per sententiam declaratis, proximus cognatus in tutorem vel curatorem datur. A minore, aut aliis quibus non est, neque à iudice, neque à lege bonis interdictum, feuda data omnino non sunt per exceptionem irrita, sed opus est actione rescissoria, & iudicis sententia declaratoria, nisi minor ille curatorem habeat \*, & sine ejus consensu feudum concesserit ; Nam non solum hoc feudum (cum in feudum datio, sit species alienationis) sed & omnis locatio & assignatio à tali minore, sine Curatoris consensu concessa nulla est ; quod & in usu nostro observatur ; Ratio est, quod & ipse minor petendo, & Iudex concedendo Curatores, videtur minorem ab administratione excludere, (nisi Curatoris consensus accedat) & eam Curatori permittere ; Itaque talis minor ei comparatur, cui bonis interdictum est, Cum interim minor qui Curatorem non habet, libere res suas administret : Ita tamen ut si ex sua facilitate, aut circumventionem laedatur, restitui possit. Quod ad minorem attinet, generaliter contrahere non potest nisi de rebus ad victum vestitum & institutionem pertinentibus, sine curatoris consensu : feudum ritè & legitime concedere non potest. At si quæstio sit de renovando antiquo feudo, potest illud minor ; cum ad id cogi possit ex jure, nempe ut vassallum in clientelam recipiat, cum ejus conditio hoc facto non reddatur deterior. An autem prædii aut Rei alicujus Immobilis alienatio à minore facta sine decreto iudicis, usu nostro nulla sit, quemadmodum à jure Civili cavetur, quæri potest ? & vidi acerrimè controversum inter Lyndsay de Barchloy, & Jacobum Borthuik de Lochill ; sed obtinuit ut etiam in tali alienatione lasio allegetur, & probeatur, alioqui nisi minor lasus videatur, alienatio prædii non rescinditur. Sunt & alii qui ab alienatione bonorum prohibentur à iudice, nempe obarati debitorum, qui in fraudem creditorum solent prædia, vel alia immobilia alienare, locare & distrahere. Huic malo ut occurrant creditores, solent impetrare literas, quibus omnis alienatio bonorum iis interdicitur, quasi in fraudem creditorum talis alienatio fiat ; Itaque concurrat cum illo edicto Prætoris quod habetur in jure Civili, nempe. Quæ in fraudem creditorum, &c. Sed cum illo edicto Prætoris, fraus & consilium saltem scientia ex utraque parte requiratur, neque consilium aut scientia inter eos qui in fraudem aliorum machinantur facile probari possit : Itaque per eas literas omnes subditi prohibentur per publicam denunciationem seu proclamationem (ut doctores loquuntur, nos proclamationem dicimus) cum talibus obaratis debitoribus, pro alienatione bonorum mobilium aut immobilium contrahere. Hanc publicam denunciationem nostri pro scientia putant sufficere, cum omnes scire eam teneantur : Hæc literæ licet etiam ad bonorum mobilium alienationem ; quæ post publicam denunciationem fit, in verbis extendantur, (nec prætextus ignorantia in hoc casu admittitur, scire enim & scire debere in jure sunt paria \*) neque minus mobilia distrahere quam immobilia interdicitur ; tamen alienatio bonorum mobilium hoc prætextu, & per talem denunciationem irrita non fit ; obstat enim publica utilitas, cum nemo non solum cum iis contraheret sed neque alimenta aut vestitum præberet, si putarent solutionem pro iis prohiberi. Itaque in his casibus publica utilitas adversus creditores semper prevaluit, ne ad mobilia hæc prohibitio extendatur, nisi forte mobilia speciali arresto subjiciantur ; sed nec in immobilibus hæc alienatio est ipso jure nulla, ut ope exceptionis tollatur, sed tantum per actionem rescissoriam ex capite (ut solemus loqui) inhibitionis : ad quam excludendam solent rei, sive hi quibus res est alienata, hæc præcipue objicere, viz. si debitorum solennitates in inhibitione publicanda non sint adhibitæ, veluti si publicatio ritè facta non fuerit apud cruces forales (Ita solemus vocare loca publica) cujusque primariæ Civitatis, aut oppidi in provin-

\* L. Si curatorem habens C. de in integrum restitutione.

An in alienatione prædii minoris iudicis sententia est necessaria.

\* L. quod rebus iredi-  
tibus.

\* L. Ait.  
prator 10 ff  
de in  
fraudem  
Creditor.

De interd.  
tione.

vincia, aut Vicecomitatu ubi bona sita sunt, & ubi publica nundina exercentur; Nam ibi frequentia populi magna solet esse: Si publicatio executoris sive apparitoris signo non sit munita; si non registrata in libris Vicecomitatus ejusdem Regionis infra quadagesimum diem à publicatione; hoc enim tempus per publica Regni comitia registrationibus limitatum est: quod si pratermittatur, simul omnis publicatio cadit & omnis inhibitionis & interdictionis effectus. Solent & alia à reis objici, ut vim inhibitionis, evertant, veluti si non fuit verus creditor, qui eam impetravit; si ex postfacto ei fuit satisfactum, si adhuc Reus paratus est satisfacere, & quod interest solvere; Si in reo causa debiti fuit prior, quam in actore; si sententia nondum pro debito sit lata: Multa alia exceptiones possunt in re tali contra Judicium rescissorium objici: de una exceptione potest dubitari; Nam cum ex jure quæ in fraudem creditorum sunt alienata, non rescindantur nisi fraus habuerit effectum id est si debitor alias solvendo non sit \*, an & hac exceptio apud nos valeat: veluti si reus dicat nihil in fraudem creditorum factum à debitore, cum debitor sit adhuc idoneus facultatibus, & aliunde possit satisfacere: Et licet ratio pro reo faciat, cum creditor jus integrum, & rem salvam in bonis debitoris habeat, & iniquum videatur alienationem legitime factam rescindere, cum debitori adhuc plenè possit satisfieri, lexque ipsa excuti facultates debitoris prius statuatur, contrarium tamen vidi decisum inter viduam Comitissæ de Crauford, & dominum de Garthland. Nam licet aliunde debitor erat idoneus facultatibus & solvendo; alienationem tamen in dictum dominum factam, rescindendam censuit Senatus: aequius enim putavit, ut qui contra prohibitionem judicis, alienationem in se recepit, de evictione contra alienantem ageret, quam ut creditor quem judex sua autoritate munivit, dubias lites sequi cogeretur, & in credito moram patiat: Ex jure etiam nostro hoc annotandum est; qui publicata inhibitione feudi alienationem acceperit, de evictione agere potest; sed non is qui acceperit feudum ab eo cui bonis interdictum est. Apud Anglos quæcunque alienatio in fraudem creditorum facta sit, etiamsi hæc litera prohibitoria (ut ignota sunt illis) nulla fuerint, ineficacium vitiatur. Solent apud nos, multi quemadmodum jure veteri Romanorum, si quorum administratio sibi ipsis suspecta est, coram judice comparere, ibique se omni administratione exuere, vel simpliciter, vel ad tempus, ut non sine consensu cognatorum aut amicorum eis liceat res immobiles disponere, quod ut plurimum fit per obligationem judici exhibitam, eaque obligatio in acta refertur, judicisque autoritas, eis bonorum administrationem interdicentis interponitur, quod tamen per se non sufficit, nisi hujus interdictionis publicatio sequatur: Ratio Itaque Cur is qui contra inhibitionem, alienationem in se recepit, de evictione possit agere contra concedentem, est, quoniam interdictio hac tantum introducta est in favorem creditoris, ejusque solius commodum respicit, & non alienantis; Itaque omnes alia actiones salva & integra permanent inter alienantem, & eum cui alienatio fit: At in interdictione semper judex respicit commodum ejus, cui bonis interdictum, nihilque in ejus præjudicium factum, aut quod prædium ab eo evincere possit admittit: frustra enim alienationes prohiberentur; si de evictione actio competere possit. Vidi tamen etiam in Inhibitione actionem de evictione negatam inter Humium de Prenderghest & Humium de lotullo, in qua Senatus contra reum licet hæredem, actionem de evictione negaverat; sed causa illius decisionis hæc erat, quod proavus qui à judice inhibitus erat, debitor etiam hæredis pronepotis fuerat matrimoniali nomine; Nam ex contractu cum nepote suo inito (qui nepos pater erat pronepotis) avus se antea obligaverat, omnium terrarum investituram, & assedationum possessionem nepoti traditurum, & ex contractu infavorem nepotis inhibitionem publicata est. Itaque pronepos actionem hanc de evictione excludere, quod pater ejus viz. pronepos defuncti debitoris, creditor erat avi sui ex priori contractu, super quo inhibicio publicata erat. Sunt & alia differentia inter eum cui simpliciter interdictum est, & eum qui ob fraudem creditorum prohibetur ab alienatione: Nam is cui simpliciter bonis interdictum est, potest in favorem matrimonii contrahere donationem propter nuptias, & conjugem suam in vitali reditu sive usufructu omnium suarum, aut majoris partis terrarum constituere: neque enim videtur ex eo facto conditio ejus facta deterior, siquidem vel dotem correspondentem acceperit (& ita sit locupletior) vel saltem id quod habet, intactum in sua familia permanet; Hæc enim erat causa interdictionis, ne à se aut suis hæredibus alienet: at in eo cui in fraudem creditorum alienatio prohibetur, aliud observatur; Nam conjugii suæ usufructum non potest cum effectu concedere, cum ex hoc jus creditoris, cui Judex prospectum voluit, minuat; Sic enim Reus creditorem eludet, bonorum suorum immobilium usufructum uxori concedendo, qua vivente executionem credi-



tor in eis bonis non habebit, & sic alteri iniqua conditio inferetur, quod est contra juris communis regulas. Sed ut ad eos qui feuda dare possunt redeamus, Procurator licet liberam potestatem administrandi res alienas habeat, in feudum tamen dare non potest, sola enim ei administratio concessa est, non alienatio. Itaque cum alienare non potest, non mirum, si neque in feudum concedere, nisi specialiter ei hoc à domino datum fuerit, ut alienare, vel in feudum concedere possit \*. Et hæc est ratio quare neque Episcopus, neque Abbas, neque ulla alia Ecclesiastica persona, cum sint nudi tantummodo administratores in feudum dare possunt, nisi solennibus adhibitis ut postea dicam. Hi tamen administratores & etiam minor & cui bonorum alienatio interdicitur, licet novum feudum constituere non possunt, feudum tamen antiquum seu investituram feudi renovare possunt \*. Puto ex jure civili hoc emanasse, ubi minor peculium per se constituere non potest? In hac tamen renovatione hoc cavendum est ut vult Zasius ne minor per renovationem hanc, possessionem, quæ prius apud vassallum non erat, conferat. Et licet minor cum consensu Curatoris feudum novum constituere non possit, ex causa tamen necessitatis licet, veluti si alioqui non sit solvendo, sed tum Causæ cognitione, & judicis decreto, opus est \*: Ita tamen ut si necessitas non tam urgeat, aut aliunde creditoribus solvi possit: Imo si vel laxus fuerit, restitutio ei competat. De muto & furdo an in feudum dare possunt major est quaestio: Nam eos rei suæ liberam administrationem habere, nemo ex jure negabit, quia donare possunt \*: tamen cum neque militiæ munus sustinere possunt, neque ad Civiles honores admittantur \*, Hottomanus tenet eos in feudum dare non posse, probabili sane ratione, cum infiniti sint doli & fraudes quibus mutus & furdus capi possint, ut sæpe videantur in id consensisse, quod nunquam ab iis fuit cogitatum, & hæc est communis opinio, ut omnino furdus concedere in feudum non possit, furdaster possit; sed de muto & furdo plura in sequenti titulo. Aliud etiam dubium potest occurrere, nempe cum feuda in jure alienare expressè prohibeantur vassalli, ut ex constitutionibus tam Lotharii quam Friderici constat, qui sit ut eos feudum dare præsumamus; Cum non solum qui alienatione interdicanter, sed etiam emptores amittant feudum, feudo ad dominum revertente? sed licet alienatio feudi generaliter prohibeatur; In quibusdam tamen casibus admittitur, nempe si vel domini consensus accesserit, vel si ejus servitio præjudicium factum non fuerit; quod tamen generaliter non est intelligendum, ut pro suo arbitratu faciant, sed ut etiam solennia, quæ in jure requiruntur, accedant. Sed de hac quaestione plura in tit. Quib. mod. feud. amittatur, postea dicemus. Sunt etiam qui ratione temporis in feudum concedere non possunt: veluti si quis in lecto agritudinis sit constitutus, quo tempore neque alienare res hæreditarias neque immobiles, neque obligare se, aut contrahendo aut debitum agnoscendo potest, unde hæreditas aut ejus pars successoris decedat \*, & proinde jure feudali testamento feuda disponi non possunt: Nam eo tempore nemo potest hæredi suo præjudicare: lectus autem agritudinis, Is dicitur, si mors sequatur: quod si ab excessu morbi, in forum aut in ecclesiam aut alia loca publica progressus post alienationem fuerit, in lecto agritudinis fuisse non dicitur. Sunt qui putant etiam infirmus fuit inhabilis ad egrediendum, modo sanæ mentis, & judicio satis firmo fuerat, feudum valere; sed variatum sententiæ de ea re sæpe in senatu est; Cur autem alienatio hæc prohibeatur, ratio est quod fervore animi aut morbi impatiencia id fecisse præsumitur, quod in sanitate nunquam fuisset facturus; & præterea quod in agritudine constitutos facillimè à plerisque nimium officiosè se offerentibus falli, & in fraudem pellici putant: & quod sæpe cum organo mens & judicium labantur, sæpeque potiores sint, qui propinquiore, nisi consensus hæredis accesserit \*: Cum volenti & consentienti non fiat injuria. Idem si inopia urgeat, & hæres requisitus ei succurrere noller, nec aliunde ex bonis mobilibus suppleri possit, eo casu hæreditatis partem, quatenus sufficiat ad sublevandam inopiam poterit alienare, & in feudum dare; Nam necessitati jus cedit \*. Idem si creditoribus gravetur: eadem enim utriusque ratio, nempe necessitas satisfaciendi, aut si alienatio inita est ex contractu præcedente agritudinem: Nam & hic necessitatis causa eadem est, ut quod quis ante agritudinem contractam debuit, solvat: In lecto tamen agritudinis quis potest uxori usumfructum concedere in quocunque feudo \*: Non autem dicitur quis in lecto agritudinis, si habilis fuerit ad proficiscendum in forum, in templum, & ad campos. Huic similis est qui jam capitis sententiam accepit, qui licet bona mobilia in fiscum transferat, immobilia tamen retinet, neque ea disponere potest, aut in præjudicium hæredis in alium transferre. Sunt qui post judicium coëptum idem putent. Quod tamen verum non existimo, nisi forte judicium tum coëptum dicant, cum reus ad tribunal productus est, post quod tempus alienationem permissam non

credo;

An Procura-  
tor cum  
libera pote-  
state in feu-  
dum dare  
potest.

\* L. procura-  
tor 63. ff.  
De procura-  
tor.

\* C. 1. &  
ibi glossa per  
quos fiat in-  
vestitura.

\* L. quam  
Tubercis ff.  
de pecunio.

\* L. 1. ff.  
De Rebus  
eor. qui sub  
tutel. &  
cur.

\* L. qui id  
quod scilicet  
mutus ff. De  
Donat.

\* L. Honores  
7. ff. De  
Decurionib;

\* Lib. 2. c.  
& 22. De  
legib. Burg.  
c. 3. stat.  
Guliel. Reg.

\* L. 2. c. 22.

\* Lib. 2. c.  
21. De leg.  
Burgor. &  
lib. 3. c. 15.  
& c. 30 stat.  
Gul. Reg.

\* Lib. 2. c.  
15.

\* L. qui ul-  
timo. ff. de  
panis.

credo ; Nam sunt servi penæ futuri, licet interea libertatem habere præsumantur \*. Si quis læsæ majestatis damnatus fuerit, omnes concessionem in feudum facta à tempore criminis commissi cadunt, Nam post crimen aut in principem aut Remp. Commisum (cujus personam princeps jam gerit) si sententia sequatur, nulla alienatio Feudorum aut rerum immobilium valet ; tamen solutionem recte fieri reo Læsæ majestatis ante sententiam putant aliqui. Quid de eo cujus familiam aut domum pestis invasit, licet ipse intactus sit, An quod ab eo fit, si ipse ex eadem infectione postea moriatur, In lecto ægritudinis factum dicitur ? Et hanc quaestionem de facto incidisse vidi, de quo consultus, respondi, à tempore infectionis familiæ, licet quo tempore ipse tactus fuerit, incertum est ; tamen quia ex eadem contagione intra duos aut tres dies obiit, nihil de rebus hæreditariis alienare potuisse : Præsumptio enim juris est, eum tum ægritudinem contraxisse. Idem de eo qui vulneratus, si ex vulnere moriatur, & qui se secundum præbet ex calculo, vel ex ulcere hepatis quod Scirrhum dicimus ; Nam postquam semel vi morbi victus est, disponere de rebus hæreditariis non potest : Idem puto de eo qui monomachia seu duello se subjecit, postquam in locum pugnae destinatum discenderit, licet hæc quaestiones rarius occurrant, ex eo, quod quilibet cum sciat se vitæ periculum aditurum, soleat rebus suis & successioni providere. Qui ab hostibus captus est, quamdiu in eorum est potestate, investituram facere non potest, cum ipse ab aliis possideatur ; Nam omnis investitura debet esse libera, nec extorta : Et debet fieri rei certæ, Nam incerta res in feudum concedi non potest, nisi ad certitudinem aliqui reduci possit, Sic neque Leprosus, cum à communione hominum arceatur. Apud Anglos qui ipse investitus nondum est, Is alium investire non potest, At apud nos si postea investitus fuerit, ex postfacto confirmatur prior investitura ; sic neque vir uxori neque uxor viro dat, nisi in ea voluntate ad mortem perseveraverit : Ratio ex jure Civili petenda est, ne mutuo amore se spoliarent ; apud nos si quis feudum uxori concesserit de se tenendum, revocandi dum vivit habet potestatem, sed per renunciationem in manibus domini potest, ei ut cuilibet vel extraneo, concedere investituram. Denique ut diegesim hanc concludamus omnes feudum dare possunt, qui non prohibentur in jure, si modo sint domini, & rerum suarum liberam habeant administrationem : Nam habet vim edicti prohibitorii, quo omnes permittuntur, qui non prohibentur \*. Sic in procuratoribus & matrimoniis omnes possunt esse procuratores, omnes matrimonio contrahere, qui jure non prohibentur.

\* L. Cum  
procurator ff. de  
judiciis.

## De feudis Ecclesiasticis sive Clericalibus.

### Diegesis undecima.

**S**uperest ut de Ecclesiasticis & clericalibus feudis dicamus ; Nam & Ecclesiasticas personas fenda concedere posse ex textu patet. Sane prioribus seculis ecclesia feuda non recipiebat sed ex solis elemosynis alebantur : Primusque fuit Urbanus secundus, qui vixit circa annum domini 1088, & papatum ad duodenos annos tenuit, qui constituit, ut ecclesia fundos & prædia à fidelibus oblata reciperet, ut Platina in ejus vita testatur. Sed cum hoc institutum plerisque displiceret, nec cum ecclesiæ sinceritate convenire crederetur, variaeque disputationes orirentur, liceret ne Ecclesiasticis personis dominia rerum, fundos, & alia bona temporalia acquirere, & possidere. Papa Joannes 22. acerrima & papali vehementia dignissima constitutione declaravit, Omnes eos hæreticos qui affirmarent Dominum Jesum aut ejus Apostolos nihil proprium habuisse, In eosque omnes qui hæc assererent anathema papale fulminavit. Sed videamus si papæ omnia sint credenda, & utrum Christus dominus & caput ecclesiæ, & cum domino suo Petrus, Paulus, & reliqui Apostoli, Mathæus & Lucas Evangelistæ in hanc papalem excommunicationem incurrant, & hæreticorum numero debeant comprehendi : Nam Christus ipse testatur se nihil proprium habuisse : vulpes (ait ille) suas foveas, volucres Cæli nidos habent, sed filius hominis non habet ubi caput reclinet, quod & etiam Apostolos suos docuit : Nolite (ait) possidere aurum, neque argentum neque pecuniam, neque peram neque duas tunicas. Et Petrus planè in actis Apostolorum ait se aurum & argentum non habere : Lucasque evidenter declarat omnia apud Apostolos in initio fuisse communia : Hæc itaque apud omnes sanos confirmari possunt, Christum & Apostolos nihil proprium habuisse, quod & ipsi de se professi sunt, cum in ore domini non sit

fit inventus dolus ut ait Propheta, & Scriptura à Spiritu Sancto auctoritatem habeat. Sequitur ergo ex hoc syllogismo saltem ex propositione hac Papali neminem eos ab hac excommunicatione aut nomine hæreticorum posse liberare præter ipsum papam. Sed operæ præcium est videre quibus rationibus adductus Joannes 22. eos hæreticos affirmet qui contrarium asserunt. Manifeste (inquit ille) oppugnavit Sacram Scripturam quæ dominum Jesum aliqua propria habuisse testatur; at locum non notat, Credi sibi vult. Glossator tamen in eo loco multum se torquet, ut aliqua scripturæ Loca adducat, in quibus Christum dominium rerum acquisivisse, & proprium aliquod habuisse poterit probare. Primo enim Magi Christo obtulerunt aurum, thus & myrrham, & cum in oblationibus rerum, dominia transeant ab offerentibus in ecclesiam, Christus autem erat ecclesia, Itaque Christus habuit rerum oblatarum dominium: pulchrè profecto: At Christus habuit vestimenta dealbata, tunicam inconsutilem, Petrus domum, Apostoli panes, imo dominum jussisse Petrum solvere didrachma pro eo: ex quo loco acutissimus Glossator Christum ait voluisse transferre dominium illius didrachmatis quod apud illum prius erat, in alium, neque illum voluisse aut debuisse solvere ex alieno, Hæcine ludibria juris contra apertissima scripturæ verba à viris sanitate morum professis adduci debent? Nam licet hæc & plura videamus hodie à mendacissimis fratribus & hieronimitanis possideri, viz. domos & regalia palatia ad usum habitationis, vestem contra Injurias cœli, victum ad sustinendam vitam: Imo quod ex jure licitè hæreditatis & legatorum sunt capaces, nemo tamen dubitat quin altissimam paupertatem profiteantur, propriumque nihil habeant. At Christum cum longè minora possideret, non dubitant Papa & Glossator impudentissimè affirmare, eum in proprietate multa habuisse. Sed fatale erat post millesimum annum Antichristum venturum, & misero orbi Christiano illusurum. Dabitur mihi à viris doctis, ut opinor, venia, si paululum explanatius exposuerim, quibus artibus Romana ecclesia in hanc quam nuper videmus opum & dignitatis magnitudinem pervenerit, Cum nihil mihi minus in animo sit, quam ut à proposito divertam, Ut ergo ad illud redeam: & primo de Ecclesiasticis personis, & Clero.

Ecclesiastici dicuntur quoniam ecclesiis præsent, clerici autem dici volunt, ad imitationem tribus Levi, quod eorum portio & hæreditas sit dominus, quasi reliqui Christiani indigni essent, qui membra Christi dicantur. Apud hos Pontificis Romani autoritas omnibus præminet. Is Papa sive Pontifex Max. dicebatur. Papæ nomen unde originem habeat plerique dubitant. Sunt qui à Papæo dictum putant, quo nomine Scythæ Regii (ut ait Herodotus \*) Jovem deorum maximum significabant. Alii papam quasi patrem dici volunt, & sane in hac significacine apud Juvenalem reperitur \*. Timidus prægustat pocula Pappas. In qua etiam significacine avi, proavi, & progenitores pappi dicuntur. Sic Aufonius.

\* In Melpomene.  
\* Sappho.

-----Pappos, aviasque trementes  
Anteferunt patribus feri nova cura nepotes.

Forte ab hebræo (abba) metathesi literarum: Nam in nascente sive primitiva ecclesia, papæ nomen pro venerabili patre sumebatur: Augustinus ex imitatione infantium & lactantium; Hieronymum Papam in epigraphe quarundam Epistolarum vocat, Sic & Chrysostomus eadem voce utitur, tandem patriarchis solis convenire videbatur, & reliquis patriarchis deficientibus, soli Romano hoc nomen relictum est: hodie duplicata litera P. P. notatur, qua antiquitus pater patriæ notabatur: Sane temporibus Justiniani Imperatoris non erat nomen illud, proprium Romani Pontificis; Nam Justinianus qui anno domini 525. imperare cœpit, ad Joannem Romanum Episcopum scribens, eum tantum nomine Episcopi & patriarchæ salutatur quam officiosissimè, in qua patrem eum vocat, forte in Græco pappam, urbisque Constantinopolitanæ Episcopum fratrem ejus, Circa ea tempora nomen Papæ cœpit ei attribui, quod ad successores est etiam prorogatum \*.

Pontificis autem Max. nomen Christianis omnibus erat ignotum, nisi post corruptam pietatem & stabilitam Romanam tyrannidem, Cum undique omnes conquirerent, quæ ad adulationem ejus poterant pertinere. Nam in primitiva ecclesia, nomen Pontificis Max. nefando quidem auditum; sed quæ tum erat ejus origo quæret aliquis? dicam: Primo pontificis nomen non à ponte faciendo ut putat Varro, sed à posse & facere indubie dictum est. Antiquitus enim facere pro sacrificare usurpabant. Apud. Virg.

Cum faciam vitula pro frugibus, ipse venito.

Soli enim Pontifices sacra faciebant, idest diis immortalibus sacrificabant; Maximus autem

\* L. in ap-  
claras C. De  
summa Tri-  
nit. Et fid.  
Cathol.



is dicebatur, qui maximarum rerum ad sacra pertinentium iudex erat, & ut ex Livio ab urbe condita libro primo constat, Numa Pompilius hunc ab initio Instituit, eique sacra omnia attribuit, ejusque scitis omnia sacra publica & privata subjecit, ut idem Pontifex non caelestes modo ceremonias, sed etiam iuxta quoque funebria, placandosque manes edoceret. Hoc nomen sibi Tyrannus Romanensis palponum & adulatorum assentione sequentibus seculis vendicavit, nec mirum. Nam,

-----*Animas ille evocat orco  
Pallentes, alias sub tristitia tartara mittis.*

*De Patriar-  
chis & epis-  
copis, primi-  
tive ecclesia.*

Neque enim hoc nomen solum, sed longè ante salutem humano generi partam, potestatem hanc, à Numa Pompilio, una cum nomine deduxit: Et sicut ex Numæ instituto, Pontifices erant sub eo majores & minores: sic etiam sub nostro hoc Pontifice max.; Nam erant qui pluribus provinciis præerant, quales antiquitus erant Patriarchæ, Constantinopolitanus, Alexandrinus, Antiochenus, Hierosolimitanus, & Romanus; alii uni tantum Regioni sive provinciæ præficebantur, & hi Archiepiscopi dicebantur: Alii Civitati, qui Episcopi, seu speculatores, aut Censores morum latine dici possunt. Inferiores sunt, Præpositi, presbyteri, Diaconi, Hypodiaconi, Lectores, Cantores, Subcantores, & qui in aliqua dignitate in ecclesia metropolitana constituti fuerunt, & plerique alii quos tædet recensere: Hi enim eis subsunt. Sed & horum inferiorum nomina temporibus primitivæ ecclesiæ incognita erant, & ne quis me ludere putet, verba Hieronimi super Epistola ad Titum subijciam. Idem ait ille presbyter, qui Episcopus, & antequam diaboli instinctu dissidia in religione fierent, & diceretur in populis ego sum Pauli, ego Apollo, ego sum Cepha, communi presbyterorum consensu Ecclesiæ gubernantur; Hæc ideo libentius interposui, ut sciant omnes ecclesiam primitivam ex presbyteris constituisse, & ex eorum conventibus & consensu gubernatam; quod nobis hodie vitio vertitur.

*De potestate  
Papa.*

*\* Cap. 6. si  
Papa Di-  
stinct. 40.*

*\* Gloss. in  
c. sicut de  
Exce. sub.  
Prælator.*

Itaque, ut ad propositum redeam, quod Pontifex Max. potest in feudum concedere nemini dubium est, est enim dominus Ecclesiarum & bonorum Ecclesiasticorum; Itaque de ejus potestate dubitare, sacrilegii crimen est, etiam si innumerabiles animas secum in gehennam traxerit, scitum enim est, neminem debere ei dicere, domine quid facis? Ipse enim omnes judicaturus à nemine judicandus\*, & mihi videtur canon ille, apostissime declarare dictum illud Apostoli ad Thessalonicenses, quod antichristus sedebit in ecclesia dei, & elevabit se supra omne illud quod dicitur deus; quid enim aliud est omnes se judicaturum profiteri, & à nemine se judicandum; Nam in eo quod omnes sit judicaturus parem se deo facit, quod autem à nemine sit judicandus quiddam majus innuere videtur; Nam Deus sæpe judicium cum populo suo postulat, ut ingratitude causa elucescat, & ut ait Psalmista, ut vincat cum iudicetur, non autem ut omnino non judicetur, aut ut nemo ei dicat, domine quid facis? ut Prophetas & alios in sacra pagina fecisse legimus. Papæ autem potestas quatenus extendatur, his versibus continetur in Glossa\*.

*Restituit Papa, solus deponit, & ipse  
Dividit, atque unit eximit, atque probat,  
Articulos solvit; Synodumque facit generalem,  
Transfert, & mutat, appellat nullus ab ipso.*

*\* Cap. Quo-  
niam caus.  
24. quæst. 1.*

*\* Bald. S.  
cap. 1. Qui  
feuda dare  
possunt.*

Ubi & singula hæc verba interpretationem habent suam, nolui tamen interpretationem particulæ illius (articulos solvit) prætermittere, quod de articulis fidei intelligit glossa; quasi Papa habeat potestatem, ut veteres articulos fidei solvat, & novas constituere possit, textumque adducit\*. Itaque cum Papa possit quod vult, quinetiam feuda possit concedere nemo dubitare debet. Hinc itaque non solum prædia & latè fundia, sed etiam integra provinciæ in feudum concessæ, unde non solum Ducatus, Marchionatus, Comitatus celeberrimi, quales sunt Ferrariensis, Parmensis, multique alii principatus, quos familia Urfinorum, & Columnensium hodie possident à Pontifice max. in feudum concessæ, sed etiam regna altissima, qualia sunt Neapolitanum, Cyprium, Hierosolimitanum, Arragonium, imo & ipsum Regnum Angliæ, feuda Romani Pontificis fuerunt: Neque solum patrimonium sancti Petri: & fundos ejusdem Papa potest in feudum concedere\*, sed quod majus est Res cujuscunque ecclesiæ, non solum suæ, in feudum recte dat: Ratio est, quoniam Papa est ordinarius ordinariarum, ut loqui solent, & cum omni prælato in sua jurisdictione & potestate

potestate concurrat. Itaque & terras aliarum ecclesiarum in alieno territorio sitas in feudum concedere potest \*, denique eis uti vel abuti pro arbitrio potest. In rebus tamen magnis, veluti in infeodatione Regionis aut Civitatis magnæ, quas in feudum concedit, Cardinalium consensus etiam adhiberi potest & solet : Nam Cardinales sunt veluti capitulum universalis ecclesiæ, ut ipsi loquuntur, quod adhibetur frequentissime : An autem ex necessitate requiratur nescio, saltem affirmare non audeo, cum Papa sit dominus & plenitudinem omnis potestatis habeat, neque quicquam est quod non potest, nisi quod non possit juri divino omnino derogare \* : Sane sunt qui sine consensu Cardinalium, res ecclesiæ alienare putant cum possit, licet melius facturum si eorum consensus requiratur \* : Cardinalium potestas nisi in feudis suarum ecclesiarum nulla est : Nominis Cardinalis etymologiam duplicem adducunt, Prima quod sicut ecclesia universalis apud dominum Papam sit, qui est ostium dei vel ecclesiæ : Sic Cardinales sunt quasi Cardio super quem tale ostium versatur. Secunda est ut dicantur Cardinales, quia sicut ostium præest, & Cardio subest, sic Papa præest, & Cardinales subsunt \*. Cardinalium dignitatem non esse ex jure divino, sed ex positivo Pontificis Romani ipsi fatentur, neque multis annis post primitivam ecclesiam, notam fuisse tantummodo, à Pontifice Romano in Consilio Lugdanensi quod circa annum domini 1245. celebratum est, inventam, & ad id tantum ut mortuos sepelirent, & infantes baptizarent. Itaque Cardinales dicti quantum conjectura assequi possum, quod in Cardinibus ecclesiarum semper stare deberent, si quis mortuus inferretur, aut puer baptizandus rogaretur, quemadmodum de valuassoribus diximus, qui ad valuas domini stare debebant, ad ejus mandata parati : hanc etymologiam cum eorum instituto melius convenire puto quam priorem : An autem qui hodie Cardinales dicuntur, circa id propter quod instituti sunt, versentur, cuilibet judicandum relinquo : utcunque est, hodie consiliis Romani Tyranni interfunt, atque in omnibus assistunt, neque licet iis à curia sine venia discedere, quod si discedant, legati à latere munere funguntur, Itaque in feudis constituendis cum legati à latere potestate & officio concurrunt ; legatus autem à latere, licet in provincia ei decreta idem possit quod Pontifex Romanus, tamen feuda ecclesiarum inferiorum, in sua provincia, ex sua sola autoritate, non potest concedere, Imo etiam si sit ordinarius.

De Episcoporum autem origine & etymo sunt qui dubitant, Episcopi dicebantur antiquitus, qui in municipiis præerant pani & cæteris rebus venalibus, quæ civitatum populis ad victum quotidianum sunt usui, In qua significatione usus est Cicero in Epist. ad Attic. lib. 7. Vult enim inquit Pompeius me esse quem tota Campania, hæc & maritima ora habent Episcopum, ad quem delectus & negotia summa referantur. Translatione, ad antistites ecclesiasticos nomen hoc accommodatum est, quorum munus præcipue est Gregis sibi commissi mores & vitam explorare, eleemosynas in alimentum pauperum colligere, & pro salute gregis omnino providere. Itaque Episcopi in feudum dare per se non possunt, cum sint tantummodo nudi administratores, neque liberam dispositionem rerum Ecclesiasticarum habent. Quod si Prælatus aliquis terras Ecclesiasticas in feudum dare voluerit, opus est consensu capituli : sic in omnibus aliis actibus, ubi verti possit præjudicium ecclesiæ, consensus capituli requiritur \*. Prælatus vero cum consensu Capituli, si non liberam & omnimodam, saltem aliquam rerum Ecclesiasticarum administrationem habet, dummodo ecclesiæ commodo & utilitate exactè ponderatis id fiat, ut infra dicemus, quod si ecclesiæ hæc sit patronata, idest habeat patronum, sive is sit Clericus sive laicus, sine consensu patroni feuda dare non potest ; Neque enim ferendum est, Patronum qui ex suo patrimonio ecclesiam dotavit, ita negligi, ut in parte dotis, quam ipse dederat, alienanda, ejus consensus non requiratur : Nam ad dotandas sive fundandas ecclesias, reliqui redderentur segniore.

Quod de Episcopis & eorum capitulo dixi, eadem repetenda sunt de Abbate, sive Priore, & suo conventu, Cujus tamen pars idest primus, est Abbas sive Prior : Sed prætereundum non putavi, quod Abbatis nomen etiam inter procures laicos numeratur ; Nam de Abbatis & Abbatissæ nominibus, primaque origine multa sunt quæ dici possunt : Hugo Capetus qui ejecta Caroli Mag. posteritate, Regnum Francorum ad se suosque traduxit, Abbas Hugo dicebatur, & apud plurimos Rerum francicarum scriptores Abbates pro secularibus proceribus frequenter usurpati, Cujus rei confirmationem qui requirit legat Hottomannum in verbis feudalibus, de verbo Abbas, & Cujacium. Sane hodie nomen Abbatis pro eo qui monachali conventui præest sumitur, ut ille Abbas sive pater, Monachi fratres inter se dicantur.

Monachorum origo antiquissima est, & in primitivæ ecclesiæ tempora incidit, cum viri contemplationi & sacrarum literarum lectioni dediti ut commodius studiis, & orationi vacarent,

\* Joannes ab Imola cap. De elect. in 6.

\* Card. Zabarella in c. 1. De Sententia Excom. \* Doctores in c. Ad audientiam de Prescript.

\* Archidiaconus S. Di. stit. 20.

Episcopi nomen unde.

\* C. novit de his qui sunt à Prælato sine consensu Capituli.

carent, hominum cætus fugiebant, & in vastissimas solitudines se conferebant: Extat epistola Gregorii ad Basilium de vita in solitudine agenda: In qua quis erat pristorum monachorum status, quæ vitæ conditio in speculo quasi elucescit. Sed paulatim deferuescente vera illa animi pietate, plerique solitudine illa abuti cœperunt, & se à publicis functionibus subducere: Extat Valentinian & Valentis Imperatorum in hos Monachos rescriptum\*, Cujus verba ne quis me fingere putet, subjiciam: Quidam Ignaviæ sectatores desertis Civitatum muneribus, solitudines captant & secreta, & sub specie religionis, cum catibus monazonton congregantur; hos itaque & in hujusmodi deprehensos ervi latebris consulta præceptione mandamus: atque ad municipia patriarum subeunda revocari, & pro tenore; nostræ sanctionis, familiarium rerum carere illecebris, quas per eos consuevimus vendicandas, qui publicorum subituri essent munerum functiones. Hac eorum temporum fuit de monachis astimatio: unde & apud Justinianum\* Monachium pro sodalitate & conventu monachorum sumitur. Hæ autem sodalitates postea à solitudinibus in frequentissimas urbes demigrarunt, & relicto pristinæ consuetudinis instituto, paulatim ad illecebras, & in deteriora vergentes omnia corraserunt, quæ ad magnificentiam, luxum, & opes amplissimas facere poterant; neque ulla regio, præcipuè in hoc nostro regno, frumenti aut rerum aliarum ad usum humanum necessariarum ferax, in qua locus præcipuus ad hoc consuevit destinatus & extructus non erat; Abbatisia autem nomen recentius est, nam præter vanam nominis derivationem, vix etiam corruptis ecclesiæ moribus, societates sanctimonialium introductæ sunt, circa annum domini quo anno sanctimonialium religionem prima instituit

\* L. Quiddam ignavia  
c. de Decur-  
rion, & fil.  
eor.

\* L. Gene-  
rali. c. de  
sacro sanct.  
Eccles.

\* D. I. Ge-  
nerali.

licet mentionem sanctimonialium, aut virginum deo sacratarum antiquitus, fuisse non negem\*. Sed in prima institutione Abbatisia non erant vitales, idest pro vita tota instituebantur, sed tantummodo erant triennes idest ad triennium: finito triennio nova Abbatisia eligebatur; Et hæ omnes dignitates nempe Archiepiscopatus, Episcopatus, Abbacia, & in jure, & in foro electivæ dignitates seu beneficia electiva dicebantur, ex eo quod nullis in eam dignitatem nisi per electionem accessus pateret: Itaque Archiepiscopi ab Episcopis Episcopi vero à suo capitulo, accedente tamen procerum illius regionis consensu, Abbates vero & priores ex consensu sui conventus eligebantur. Postea ambitiosè contententibus inter se Pontifice Romano, Gallorum & Scotorum Regibus, qui sibi nominationem ad hæ præfecturas vendicare voluerunt, factum tandem est ut electio hæc quæ antea omnino libera erat, in ordinem cogeretur, nempe ut à capitulo sive conventu, tres præsentarentur: Ex his tribus Rex unum nominabat, quem pontifex confirmabat, cum antea Pontificis solius esset optio, quem ex præsentatorum numero confirmare vellet; hujus transactionis inter Pontificem Romanum & Reges Gallorum & Scotorum monumenta extant, in pragmatica Sanctione, & nonnullis nostrorum ordinum constitutionibus; sed senescentibus moribus, & electio & nominatio ad reges devoluta est: ita ut dicis causa electio tantummodo à Capitulo postea fieret, & Rex quem vellet Pontifici præsentaret. Et hæc de dignitatibus electivis; Minores autem ecclesiasticæ personæ, veluti rectores, vicarii, Curati, Capellani, & similes, de jure communi in feudum dare non possunt: Solus enim Prælatus in jure communi feudum dat. Hodie tamen si Patronum habeant cum consensu ejus, & sui superioris, rectè in feudum dant; Monasterium autem alicujus loci, superiorem habere potest, qui in eos jurisdictionem, sive correctionem ecclesiasticam habeat; & quando id contingit præter Abbatis & conventus consensum, etiam illius superioris cui dictum monasterium subest consensus requiritur. Si cathedralis ecclesia sit, & laicum patronum habuerit, ejus etiam consensus cum capitulo accedere debet: quod etiam in omnibus inferioribus ecclesiis patronatus observatur, ubi consensus non solum ecclesiasticæ personæ, aut illius ecclesiæ in cujus corpore est, sed etiam patroni ipsius requiritur: sic fratres prædicatores, licet prior illius ordinis consenserit, tamen in feudum dare non solent res suæ ecclesiæ, sine consensu provincialis totius ordinis in Regno, qui eorum quasi superior est: Nam in quolibet regno Provincialis unus est, qui reliquos in ordine contineat & ad Synodum convocandi potestatem habet. In usu nostro post restauratam religionem superiorem in beneficiis, aut patronum ecclesiasticum nisi principem non agnoscimus. De minoribus fratribus nulla est questio, professi siquidem simulatam paupertatem, nulla prædia, nullos fundos habent, sed sub prætextu pietatis ex interceptis testamentis, & stultæ pietatis zelo ditissimi facti sunt quod ex eventu post infelicem pugnam de floudoun compertum est: Nam qui eo pugnaturi proficiscebantur, nisi confessione facta remissionem à fratribus minoribus impetrassent, omnia mala ominabantur: Interea omnem pecuniam, monumenta, & si quid pretiosum alioqui habebant, eorû fidei committebant, sperantes se mortuis, illos ea quæ credebantur omnia fide integra

Quis dica-  
tur Provin-  
cialis & de  
ejus posse-  
ssione.



integra posteris suis restitutos: At illi, eorum qui in prælio occubuerant, nec fidem repossere poterant, bona in fundi comparatione, & ecclesiæ, & monasterii exstruktionem ad sui ordinis homines convertebant, nec aliter accidit in acie Pinguini. Quod autem de Capitulo & conventu diximus, intelligendum est de majore parte eorum qui suffragia habent. Nam *Major pars capituli aut conventus pro toto sufficit.* ut vulgo dici solet, ubi major pars, ibi totum, quemadmodum hodie in senatu, quod major pars facit, totus senatus facere dicitur. Sed dubitari potest an ipse concedens numerum faciat, veluti cum prælatus, cum media parte conventus in feudum det; aut si aliquis ex capitulo, rem suæ ecclesiæ cum consensu superioris, aut dimidia parte capituli in feudum det, an feudum rectè constituitur, sed profecto præter concedentem, major pars capituli debet consentire, alioqui non rectè dicitur quod prælatus cum consensu capituli fecerit, nisi majoris partis consensus accedat. Rursus si quis duo beneficia in eodem tecto seu capitulo sustineat, an & hic duorum suffragia habeat & pro duobus numeretur dari potest: Et sane ex jure cum nemini duo beneficia sub eodem tecto habere permittatur, hæc quasi nonnunquam eventura, intacta ferè relinquitur, Sed cum & hoc ex dispensatione aliquando evenire videmus, & apud nos hodie nihil fere est, quod fieri non potest: Puto etiam in tali specie & hunc duorum numerum facere, & duo suffragia pro numero beneficiorum ei competere. Forma autem consensus capituli ante restauratam Religionem apud nos hæc erat, ut conventus sive Capitulum in uno loco, post pulsatam Campanam congregatum in ipso actu concurreret, ut in jure Civili consensus Curatoris cum minore in ipso actu concurrere debet, & hoc est quod vulgo dicitur capitulariter congregari; Nam alioqui nisi capitulariter congregati fuissent, emendicata separatim suffragia, aut emendicatæ subscriptiones non inducebant consensum, ut revera consensisse dici non possunt, qui non simul consenserunt, sed ut ait Poeta.

*Quicquid Multis peccatur, inultum est.*

Factum est in usu nostro hodie, ne tot emphiteosæ tollantur, ut majoris partis consensus etiam ambiendo vel mendicando impetratus, sufficiat etiam sine capitulari conventu. Unum *Notandum* tamen hoc observandum, In quo usus noster cum jure communi convenit, ut si simul omnium consensus qui consentire debent, in ipso actu non interceiserit, saltem vivente Prælato concedente eorum consensus obtineatur; Nam qui post mortem concedentis consenserit aut subscripserit, pro non consentiente & non subscribente habebitur: quoties enim in jure pluri consensus requiritur, ultimi consensus ad priorem retrahitur, si modo eo tempore quo ultimus consenserit prior vivat, & in eadem voluntate permanferit, ut adhuc consentire possit. Quod si priores mortui fuerint, aut officio seu beneficio moti, aut voluntatem mutaverint, aut aliquid simile intervenerit, qualia multa solent, tam de facto quam de jure quotidie impedimenta occurrere, ultimus non poterit dici cum prioribus consensisse. Hinc fit ut post mortem Prælati subscribentes nihil agant, & proinde fit ut Prælati si in pleno & sufficienti numero non consenserint, & postea mutata voluntate feudum alteri concesserint, cui secundo major pars prius subscripserit, secundus hic primo præferetur, licet postea primus plenum numerum subscriptionum comparaverit: secundus autem erat qui prior feudum perfectum habuerat. Perfectum enim in jure dicitur, quod ex omnibus suis partibus est absolutum \*, & Imperator cum Poeta; nil actum credit quam diu superest *\* L. i. de origine juris ff.* aliquid agendum. Sed dicit aliquis, quid si non fuerit capitulum, sive conventus? An in hoc casu Prælatus feudum per se constituere potest? & Profecto cum Prælatus & Capitulum inter se sint relata, uno interempto alterum per se stare non potest de jure, proinde in hoc casu, & sine capitulo prælatus in jure non rectè concedit feudum: usus tamen noster cui aliquando nihil non licet, defectum capituli aut conventus (si omnino nullus sit) sigilli communis appensione, cum principis confirmatione supplet; Nam antiquitus sigillum commune pro totius conventus consensu habebatur, quod adhuc in emphiteosibus, seu locationibus Archiepiscopatus Sancti Andre observatur, in quibus præsumitur conventum & capitulum consensisse, ex sigilli illius communis appensione; Et sane antiquitus sigilli communis appensio cum Prælati subscriptione, pro totius Capituli, seu conventus consensu sufficiebat, quod in plerisque observari solet; neque enim apponebatur sigillum nisi in capitulo solemniter & ut illi loquuntur in capitulo capitulariter congregato omnibus præsentibus & majori parte consentiente; sed cum fraude & dolo custodis vel sordibus obnoxii, vel aliqui facilis & incauti, multa incommoda accidissent, factum est tandem ut etiam subscriptiones capituli adhiberentur: Sic & temporibus Jacobi quarti, & quinti Regum, cum fraudibus

\* C novis  
de his qua  
sunt a Pra-  
lato sine  
consen.  
capis.

\* Innocen.  
S. c. hū qua.  
De Majori,  
& Obedien.

Expositio  
Textus fī  
Antiquis  
Consuetudo.

\* In summa  
Tit De feud.  
\* De his qui  
feuda dare  
possunt. c. 1.  
De Clerico  
qui investit-  
tur. fecit.

bus servorum, & viduarum post mortem Mariti, aut dominorum sigilla falsis investituris, aut cautionibus appenderentur, publico Regni statuto Cautum est ne sola, & sine subscriptione concedentis & caventis sigilla sufficerent, aut si quis nescire se scribere profiteatur, pro sic proficiente tabellarius publicus sive Notarius subscriberet. Itaque stat generalis Regula quod Prælatus sine consensu sui capituli, aut conventus, neque investire neque devestire, neque in feudum concedere quid potest \*: An autem capitulum mortuo prælato, & prælatura vacante in feudum dare possit, major fuit quaestio, Nam ex jure Capitulum sede vacante habet administrationem tam in temporalibus quam in spiritualibus: Et Papali sede vacante omnis jurisdictio est penes collegium Cardinalium \*: & proinde, ut vult Cujacius potest etiam in feudum sede vacante dare, etsi in collegio adhibet tamen distinctionem ut illud procedat in omnibus aliis ecclesiis præter eas quæ cathedrales dicuntur idest matrices ecclesiæ, nos Episcopales dicimus; Nam tum consensus prælati omnino requiritur; Censuit idem senatus in causa mota inter dominum Davidem chalmer senatorem, & Joannem Johnestoun Civem Edinburgensem in rescindenda emphiteosi ædium, quæ in patrimonio præbendariorum collegii de Crichtoun erant, & à Collegio vacante prapósito in emphiteosi dicto Joanni locata, licet ea non esset matrix ecclesiæ: Rescissa enim est illa emphyteosis quod prapósito consensum non haberet, licet tum ecclesiæ prapósito destitueretur. Itaque licet sede vacante omnes utilitates quæ ex spiritualibus proveniunt ad decanum sive vicarium generalem pertineant: In temporalibus tamen non administrat, neque Episcopi personam sustinet; Itaque in feudum non concedit, nec cum ejus consensu factum, cum eo quod factum cum consensu Episcopi est, parem habet auctoritatem: Inde fit ut fructus sede vacante ad Principem hodie apud nos pertineant, aut alium patronum quemcunque; Ita ut licet rationes reddere antiquitus tenebantur, hodie tamen sunt ἀλογιστῶν. At in controversia inter Arthurum Aresquinum, & Davidem Pitcarneum, de feudo & emphyteosi fundi quod in patrimonio Brechinensis ecclesiæ erat, acerrime hæc quaestio agitata est, cum Pitcarneus defectum Prælati prælatura vacante à decano & capitulo consentiente suppleri diceret, & quod decanus vacante Prælatura vices prælati obeat, Aresquinus contra, decanum vices Episcopi non supplere nisi in spiritualibus assereret, Res tamen cum acerrime esset agitata, transactione tandem finita est, Sane licet capitulum sede vacante liberam habeat administrationem tam in temporalibus quam in spiritualibus, ut antea dixi, hoc tamen intelligendum est, in his quæ sunt nudæ tantummodo administrationis, & quæ differri non possunt. At aliud in locationibus apud Anglos: Nam Decanus & Capitulum possunt consentire locationi factæ per aliquem ex præbendariis etiam sine consensu Episcopi, licet sit illius præbendariæ vel ordinarius vel Patronus. An autem inferiores à Prælati viz. Præsbyteri, Diaconi, Hypodiaconi, Lectores, Cantores, Rectores, Exorciste Ecclesiasticos fundos, sive Ecclesiasticum Patrimonium in feudum concedere possunt, multi sunt qui ambigunt. Causam dubitationis, ex verbis textus colligunt: si antiquitus consuetudo eorum fuit feudum dare, quasi interdiceretur omnibus Ecclesiasticis personis nisi prælatis, feudorum concessio, nisi antiquitus illi id jus in feudum concedendi habuerint, quod recentiores ad illud trahunt, quod feuda quæ ab imperatore habent, non possunt aliis disponere, nisi antea eadem rite & legitime fuerint disposita, quo quidem casu non videntur nova feuda concedi, sed vetera jure & legitime semel constituta renovari. Proinde Silcmanus ita verba illa, intelligenda putat, si feudum antiquum ad ecclesiam rediret, vel per mortem vassalli, vel per ejus illicitam alienationem: aut si ecclesiæ fundum facile recuperare non possit, in his casibus posse & licite in feudum concedere putat: alioqui feuda nova constituere prohiberi per Synodum Placentinam quæ sub Urbano Papa congregata est ut Hostiensis narrat \*. Sane ex ipso textu licere etiam inferioribus Ecclesiasticis personis feuda concedere patet \*, licet multi restringant ad res antea infeudari solitas tantum, inter quos etiam est Cujacius. Sed hæc quaestio ad mores nostros non pertinet, ubi indistincte quibuscumque Ecclesiasticis personis, cum consensu patroni, si quem ecclesiæ habet, in feudum concedere permittitur terras ad ecclesias suas pertinentes; adeo ut rectores ecclesiarum, & qui dicuntur vicarii, si de ecclesiæ cathedrali non dependent, cum consensu sui patroni possunt in feudum concedere modo legitimæ solemnitates observantur; feudum autem ad ecclesiam reversum, sive ex delicto vassalli, sive alio quocunque modo redeat, Prælatum sine consensu capituli de novo in feudum dare posse omnes feudistæ putant, & hanc rationem adducunt: prius feudum valuit, Institutaque ex jure solemnitates omnes in eo observatæ fuerunt, & melior ecclesiæ conditio reddita, ergo & secundum valebit, Cum videatur tantummodo primæ repetitio in eodem

dem staty, non minus quam si feudum resignatum fuerit in favorem alterius; Unum tamen casum excipiunt, si feudum illud quod ad ecclesiam revertitur, fuerit de mensa praelati, idest si ad ejus victum & vestitum fuerit separatum, aut si decem annis in censu aut libris censualibus ecclesiae permanferit, Nam tum dicitur esse de mensa Praelati; quibus casibus praelatus sine consensu Capituli, aut conventus, de novo infeudare non potest, sed hoc ex jure: Ex usu tamen nostro, si feudum ad ecclesiam plenè reversum fuerit, de novo in feudum dari sine consensu capituli non potest, nec nisi iisdem solemnitatibus observatis quæ in novo feudo constituendo solent observari. Sed ut redeam ad interpretationem five expositionem illius clausulæ quæ in textu habetur, (feudum dare possunt Archiepiscopus, Episcopus, Abbas, Abbatissa, Præpositus, si antiquitus feuda dare consuetudo erat) quæ verba haud dubie ad ecclesiasticas tantum personas pertinent, Cum Laicos & seculares indistincte, & sine conditione in feudum concedere posse nemo est qui ambigat. Imo quod magis mirandum in lib. 2. Tit. 35. Dilucide declaratur omnes Episcopos & Clericos in feudum concedere posse ea quæ in dominico habent tempore introitus, solo Mediolanensi excepto, quæ, quod tempore introitus sui in dominico invenerit, in feudum dare non posse certum est \*. Hujus difficillimi nodi solutio aperta erit si personas distinxerimus: Neque enim Archiepiscopus, Episcopus, Abbas, aut præpositus ea quæ in dominico invenerunt tempore introitus sui, per se in feudum concedere possunt, sed ea sola quæ antiquitus concessa erant, idest si feuda antiqua & antiquitus concessa, eis de novo aperiuntur: Nam videtur hujus textus explicatio ex Tit. 6. Primi libri petenda, ubi Episcopos, Abbates seu Abbatissas, vel dominos plebis (quem plebanum five præpositum dici putat Alvarotus & Zasius) ut quoscunque alios titulum perpetuum in sacerdotiis habentes nullam potestatem in feudum de novo conferendi post Synodum Placentinam, quæ ut dixi ab Urbano 2. celebrata est anno domini 1095. habere putat, ita ut quod ante datum fuerat, firmiter permaneat; sic decimas in feudum dare ante concilium Latronense five Lateranense ecclesiasticis personis licuit, postea vero non, nec adhuc licet, Itaque Glossa hunc locum intelligit de ecclesiasticis personis, quod per se in feudum concedere non possint, ea quæ tempore introitus in dominico invenerint (dominium, patrimonium esse declaravimus) quæ antiquitus concessa erant rata permanent; Cum consensu tamen sui Capituli seu conventus, quodcumque erat patrimonii, sedis five loci poterant disponere de novo, & ita locum hunc intelligit Glossa, Baldus, Cujacius, Silemanus, Zasius, reliquique feudistæ omnes, feuda quæ ritè ab initio constituta ad ecclesiam vel ex facto vassalli, vel ex alia occasione redierant, posse eos in feudum concedere: nihil enim tum videbatur periculi, cum renovatio tum sola eis permetteretur, ut & hodie fieri videmus, si quis feudum in domini superioris manibus resignaverit, pro nova concessione aliis danda, cogetur enim dominus hoc facto renovationem feudi ei præstare in cuius favorem facta fuerit resignatio. Zasius hoc addit quod tum videtur res infeudari solum si conditio illa sit rationabilis, & non damnosa, & res per quadraginta annos in feudo statit, & ut non immutetur tenor antiquæ investituræ: hac opinio pro expositione illius nodi melius convenire videtur; quam ea quam Hottomannus adducit, solitos nempe Imperatores ecclesias seu monasteria onere alendorum equorum gravare, id quia per se qui prærant, præstare non poterant, aliis feuda, ut id facerent, dare consuevisse, quem abusum Urbanus Papa ex ecclesia sustulit & in Synodo Placentina ne equorum alendorum onera aut gravamina in posterum sub quacunque specie aut prætextu in se reciperent, perpetuo edicto five decreto sancivit. Semper autem in feudis ecclesiasticis quæ emphyteoses dicuntur, & in feudis terrarum hospitalium, (Nam hospitalia privilegio ecclesiæ gaudent) hoc est observandum ut per talia feuda melior ecclesiæ conditio restitatur, vulgò census five rentalis augmentationem dicimus, neque sufficit ut ejus conditio non fiat deterior, aut nihil ei ex fructibus & redditibus sit diminutum, ladi enim censetur ecclesia, per talis emphyteosis concessionem, licet pro solito canone emphyteosis sit constituta, cum liberè non possit tenentes aut Colonos substituere, etiam licet ex fructibus nihil ei auferatur; Itaque pro libertate aliquatenus ei diminuta, melior & locupletior aliunde ejus conditio facienda est, & utilitas aliqua reponenda; Sub censu firmas, fructus, pecunias, five pecoris pascendi, canas, cultumas, servitia personalia, areagea, careagia, pastinationes agrorum, operasque alias quæ arando, serendo, stercoreando, & similibus ex pacto & usu, solent præstari, comprehendi censemus. Itaque si horum aliquid minuatur non valet Emphyteosis, Nam supra communem mercedem aut præstationem aliquid additamenti addendum est, in grati animi indicium, licet illud imaginarium aliquando sit, veluti cum viginti aut quadraginta

\* Tit. De Clerico qui investit. facit.



ginta nummi aut solidi pro augmentatione census supponuntur: Ecclesia autem semper pro minore habetur, quoties de ejus con modis agitur, Itaque regulariter nec donare, nec investire, aut investituram facere potest: Laici autem indistinctè in feudum concedere possunt, licet census minuatur. Licet autem valor Canonis excedit mercedem emphyteosis, tamen si antiquitus pro ea summa locata fuerint, emphyteosis valebit, etiamsi vel minimum quiddam in augmentationem datum fuerit, Nec relevat si dicatur infra valorem dimidii pretii. An autem sine consensu vel Prælati, vel Capituli Ecclesiastica quavis persona possit meliorem conditionem facere vel non à plerisque in dubium adducitur; Nam sunt qui putant contractum hunc feudalem nullum esse ipso jure, quia ecclesiastica hac persona sine consensu debito non contrahit, Non minus quam si minor Curatorem habens sine ejus consensu contraxerit, nam ex jure nihil factum censetur nec inquiritur latus ne sit minor necne, & contractus ex parte unius claudicans, in jure nullus censetur, nec valere, nisi utraque pars obligetur; Alii contrarium tenent, & quod ecclesia privilegiis minorum gaudeat, qui sine consensu curatorum conditionem suam possunt efficere meliorem; & sane hoc jure utimur, ut minor & ecclesia aequiparentur: In re tam dubia donec exemplum viderim, hæreo ipse, quamquam ad posteriores malo accedere. Omnes autem emphyteoses terrarum ecclesiasticarum, specialibus trium ordinum statutis, debent à rege ratificari, seu confirmari quod ad emphyteoses tantum pertinet, & non ad alia feuda quæ non sunt emphyteutica. Monasteriorum sine loci principalis alicujus ecclesiæ emphyteosis etiam speciali actio prohibita, sed hodie per has novas erectiones in dominicis omnium monasteriorum alienationes & feuda permittitur: Monachi Cum nihil in bonis ratione suæ professionis habeant in feudum non concedunt. Sciendum tamen est neminem terras ad manum mortuam concedere posse, nisi sit ipse princeps, aut principis consensus aut confirmatio accesserit, ratio est quia terra ad manum mortuam concessa, nullum servitium, nullam recognitionem domino debent, Itaque evenire potuit pro ut sapius evenit, ut multi stultæ pietatis zelo induciti, terras quas in feudo à Rege, vel principe, aut alio domino tenent, pro quibus operas militares & servitia debent, easdem terras ad manum mortuam ecclesiæ concedant, & ita servitia superiorum eludant.

## *De his qui feudum possunt accipere.*

### *Diegesis duodecima.*

**I**N Feudorum primordiis, ut in virili ætate ut antea diximus, feuda nulla erant nisi militaria, feudumque nihil aliud nisi clientela militaris, neque quisquam erat ejus capax, qui non & militiæ: progressu tamen temporis, & degenerante paulatim militari feudorum virtute, etiam huic generali Regulæ derogatum est, adeo ut etiam scæminis & impuberibus, & aliis ad militiam minime idoneis, feuda ex indulgentia principum & dominorum concederentur. Sed ab initio hoc parcè & sub specioso prætextu, nempe pro bene meritis parentum, & propinquorum, quos subita mors dominorum munificentia subtraxerit, & ut in prolem transcurrat gratia patrum ut ait Poeta, Itaque ut Qui feudum accipere possunt plenius intelligatur, primo considerandum est, quis dat feudum, utrum dominus principalis & primus idest qui à Rege primus habet beneficium, an vero valvassor, aut eo inferior, quales sunt valvassini: Nam si dominus principalis in feudum dat, prout testis cui vult concedere, sive libero, sive servo, sive masculino, sive scæminæ, diviti, vel pauperi, laico, vel Clerico, nec ulla in his distinctio accipientium est\*, Nihil est enim tam naturale quam voluntatem domini volentis rem suam in alium transferri ratam haberi, Ita tamen hoc intelligendum est, ut neque Judæis, neque Hæreticis, neque Apostatis, neque similibus personis feuda concedantur, neque enim hi Feudorum sunt capaces, nihil enim commune cum cæteris Christianis ex jure habent, aut saltem habere debent. An autem excommunicatus feudum accipere possit major est dubitatio; Nam ut Canones loquuntur conversatio cum excommunicato sine periculo conscientia esse non potest, & crimini datur; Sed ex usu nostro, nihil impedit quo minus hic feudum recipere potest, neque enim excommunicatus acquirere rem ex justo titulo prohibetur, Idem de rebeli simplice, quem nos deturcatum ad corru dicimus: scæminæ antiquitus feuda capere non poterant, cum neque servire in militia ob sexus decorum, neque

\* C. personam. Tit. Per quos fiet investit. De Judæis Apostatis & Excommunicatis.

neque consilium domino dare, ob sexus infirmitatem, Neque domini consilia arcana servare posse, hodie tamen sine discrimine ad feuda admittuntur. Pupillus, furiosus, & mente captus, feuda accipere possunt, sed neque infans, neque furiosus, aut mente captus, feuda per se recte acquirunt, quia pro absentibus habentur, consensumque non habent; per tutores tamen, & Curatores recte feuda capiunt; solique Curatores investituram accipiunt, & domino serviunt; quod si Pupillus fari possit, aut aliquis in eo rationis sit usus, quem discursum vocamus, vel solus per se, vel per Curatorem, vel tutorem recte investitur; Juramentum tamen non prastabit, sed ad perfectam aetatem differetur: & breviter eadem in pupillis qui consensum non habent, & furiosis in acquirendo feudo sunt observanda, quæ in rerum temporalium traditione præscribuntur, nempe ut vacua possessio infanti si fari possit, alioqui ejus tutori aut curatori tradatur \*. Sed ut ait Ibi Imperator, quamvis auctororum sententiæ sint differentes in infante, Consultuis tamen videtur, licet plenus animi affectus in infante non fuisset, possessionem tamen per traditionem acquirere, alioquin (ut ait ille) sicuti consultissimi viri Papiniani responso continetur, nec per tutorem infanti possessio posset acquiri, quia in illa acquisitione pupillus animi plenum affectum non habet. Præterea extra regnum domini principalis nati, sive alienigenæ, ex usu omnium Regnorum, Christiani fere orbis feudum acquirere non possunt, quod ut clarius & evidentiùs sit, Certum est discrimen inter Civem & peregrinum pervestitum esse, multaque Civium privilegia fuisse, multaque eis licuisse quæ peregrinis non licebant; Nam apud Romanos peregrinis testamenti factio non erat, sed eorum bona fiscus vendicabat \*, (nisi quod aliquando Clientum bona patroni usurpabant) neque cuiquam permittebatur legatum peregrino concedere, ut ex multis Ciceronis locis constat. Apud Athenienses sexta pars bonorum peregrinis decedentibus, & servi omnes publico fisco vendicabantur: Hodie in multis Germaniæ locis, & in tota Bohemia, Italia, & præcipue Ferrara, ne glebam Agri peregrinis hereditarie acquirere licet; Imo ne usumfructum Mediolani: Et quod magis mirum est, nec debitorum Civium bona peregrini creditores hasta subicere possunt apud Anglos, nisi ea statim Creditores Civibus velint vendere (unde innumeræ fraudes quotidie emergunt) aut jus Civis Principis rescritto impetrarint, pro quo pecuniam pendere necesse est. Apud Moschos, Lituanos, Tartaros, & in universo Turcarum Imperio, si feudum aut jus hereditarium peregrinus acquisiverit, statim sit caducum; Et ut ad mores nostrarum Regionum veniamus, neque Scotus in Anglia, neque Anglus in Scotia feudi capax est; Nam qui in fide Regis non est, nec beneficii sive feudi sub eo. capax: Quod ad Anglos attinet expresse id cavetur statuto (quod de natis ultra mare dicitur, quod 25. anno Edvardi tertii factum est) in quo alienigenæ idest extra Regnum nati, & ex iis parentibus, qui principem illius Regni in quo feudum situm est, pro domino non agnoscunt, ab omni acquisitione feudi & successione in feudo prohibentur: Ratio hæc traditur, quod non est æquum beneficium ab eo accipere, qui principem concedentem non agnoscit pro domino. Itaque aut ille est agnoscendus, aut quodcunque ab eo beneficium conceditur, sive mediatis, sive immediate refutandum. Alia ratio ex ipso jure feudorum desumitur: Nam dominus naturaliter in vassallum jurisdictionem habet, quam tamen alienigena faciliè ad suos se recipiendo eludet: & cum jure feudali, si quæ controversia inter dominum & vassallum inciderit, sive de jure feudi, sive de servitio, vassallus domini forum & territoria sequi tenetur, & ejusdem sit districtus: si peregrinus aut alienigena feudum acquisiverit, turbata tota sua jurisdictione dominus vassalli sui forum sequi cogetur, & alienæ jurisdictioni ex facto vassalli se submittere, quod esset iniquissimum \*: Aliæ etiam rationes in Gallorum constitutionibus traduntur, iniquum enim putant ut Regni sui opes & commoda, præcipue quæ in Regno ab aliis parta sunt, per alienationem sive venditionem, à peregrinis extra Regnum evehantur, quorum opera in bello, si necessitas exigat, princeps uti non possit. Itaque apud Gallos bona extraneorum (quod illi (aubenis) idest alibi natos vocant) fiscus vendicat etiam exclusis veris & legitimis hæredibus, unus casus excipitur, nempe si bona illa secum extraneus in regnum attulerit: Nam tunc ejus hæredes efferre permittuntur, quia nulla sui parte resp. sive Regnum laditur: Apud Gallos tamen ut feuda acquirere, sic & de eis dum vivunt disponere possunt, sed neque de eis testantur, neque hæredes eis in hoc feudo succedunt: hoc malum ut avertant qui in alieno Regno feudum acquirunt, solent vero suo principe ejurato, fidem novo principi, in cujus terra feudum acquirere cupiunt, obstringere: Galli naturalizationem, Angli denizationem vocant; Mirum certe cur hæc tam severe hodie observentur, cum antiquitus Angli non solum extranei, sed quod magis est Gallorum

*De Pupillo  
& Juriso.*

\* *L. 1. De  
tuturam c. de  
Acquis. &  
resinen. pos-  
sess.*

*De Extra-  
neis sive Pe-  
regrinis ac-  
quiritibus.*

\* *L. 1. c. de  
Hæredib. in-  
stituend. l. 1.  
Sect. 2. ff.  
de Lega-  
tis. 3.*

\* *Arg. l.  
vinc. c. de  
Alienatione  
judic. mutan.  
caus. jact.*

hostes;

hostes, multos Gallia principatus tenuerint in feudo. Apud nos hæc non tam severe observari puto, neque unquam prædia, aut bona immobilia alicui ablata, ex eo quod extraneus esset, memini, nisi nemo esset qui peteret, tunc Rex quasi ultimus hæres succedit. Sero tamen & ut pares vices Anglis nostri redderent, publica constitutione cautum; Ne Angli in Scotia, secularia aut religiosa beneficia capere possent, Idque ex Roberti Brusii constitutionibus derivatum: Certum tamen est multas nobiles, & primæ dignitatis familias apud nos, originem ab Anglis cepisse, qui feuda principum beneficio acceperunt, & ea suis posteris ampliora reliquerunt. Scotus tamen in Gallia, & Gallus in Scotia, tanquam nativi & naturales & Scoti communiter eisdem privilegiis, muneribus, officiis, beneficiis, dignitatibus, quibus Galli fruuntur, viz. ac si Scotus in Gallia Nativus, & naturalis esset Gallus, & sic Gallus in Scotia. Hoc ex vetere illo fœdere, sive confœderatione, quæ primo intercesserat inter Carolum Magnum Gallia Regem, & Imperatorem, & Achæum Scotorum: quod licet inviolabiliter & quasi adamantino vinculo ab utraque gente confirmatum, tandem in nuptiis Francisci Delphini, & Maria Scotorum Regina, quæ mense Aprilis anni 1558. celebrata sunt, renovatum est, & inter acta publicorum Comitiorum utriusque Regni relatum, quo & Galli & Scoti adhuc inconcussa utrinque fide fruuntur, hæc ideo, ut si postea controversia de tali quæstione inciderit, sciant posteri unde hujus privilegii extractum exemplum possint petere. Erant ex Anglis qui omnia turbare cupientes, Regni quoque nostri cum Anglia conjunctionem tot sæculorum votis & precibus (sed frustra) exoptatam ut averterent, ac Regem nostrum Principem omnibus naturæ & ingenii dotibus instructissimum à debita sibi successione in Regno Angliæ excluderent, nescio quid comminiscerentur de constitutione illa Edvardi tertiæ qua extraneos omnes (inter quos & nos numerant) à successione Feudorum in Anglia prohibere videtur: quibus hoc unum respondeo, non semper esse easdem leges successionum in Regnis, quæ in privatorum hæreditatibus; has à privatis Regni statutis sive legibus pendere; illas privatorum legibus non esse obnoxias, sed naturalem æquitatem, & jus universale gentium, & rerum publicarum, quæ benè constitutæ sunt respicere; Nam certum est aliud jus esse in regno, aliud in feudo: In feudo æquum est, ut ea leges quas dominus præscribit in successione serventur: At Regnum feudum quo ad homines dici non potest, neque enim de ullo tenetur, aut ulli fidem aut hominum debet: Itaque naturalis ratio, & jus commune in Regni successione observantur. Adde quod & constitutio illa Edvardi tertiæ de natis ultra mare disertis & expressis verbis loquatur, inter quos ille enumerari non potest, quippe qui inter quatuor maria sit natus, altus, & educatus; quatuor autem maria ea dicuntur, Oceanus Gallicus, Hibernicus, Deucalidionius, & Germanicus, quæ quatuor insulæ Britannia latera alluunt. Præterea aperte in ipsa constitutione, liberi Principis excipiuntur, liberorum autem nomine pronepotes, adnepotes, & trinepotes comprehenduntur, prout latius prosequemur in Tit. de Successione in feudo, in quem cætera quæ ad hanc quæstionem pertinent remittimus.

*An Banniti  
feudum ac-  
quirere pos-  
sunt.*

An autem Bannito (nos forisfactum dicimus) princeps feudum concedere possit, quæstio moveri potest, Ratio dubitationis hæc est, quoniam hic per bannum, sive forisfacturam, ab omni jure divino, & humano, & ab omnibus commodis, & participatione quæ inde proveniunt, excludi videtur: Et sane si quis principe inferior, tale feudum concedat, nihil facit, quoniam qui recipit, omnis beneficii est incapax; princeps tamen si feudum concesserit sciens incapaci, videtur cum ejus incapacitate dispensare, & cum natalibus restituere; Et hoc ex argumento juris Canonici, ubi Pontifex Rom. si prudens & sciens excommunicato beneficium concesserit, aut eum ad osculum pacis admisserit, videtur cum excommunicatione dispensare: Certum enim est ex jure Canonico, quod si papa sciens promoveat ad Episcopatum spurium, Homicidam, apostatam, furem, perjurum, & si quid gravius sit, videtur cum eo dispensare, in qua opinione & ego sum, quo ad remissionem criminis, & capacitatem futurorum commodorum in Regno: Nihil enim interesse puto in abolitione Criminis, sive quis verbis sive literis voluntatem suam demonstret, licet plerique sint viri magni, qui bannitum seu forisfactum prius restituendum putant, quam ullius beneficii sit capax, saltem crimen ei expresse ex indulgentia principis remittendum, In quo casu, licet ad præterita bona restitui non videatur, saltem nova acquirendi & possidendi jus ei sit, & hæc opinio à veritate non multum abhorret, cum quæstio in utramque partem possit agitari, decisionem tamen adhuc non vidi. Hæc de feudis quæ à primo domino conceduntur, Quod si ab inferiore concedantur, multa alia observanda sunt; nam valvasor aut eo inferior, non potest feudum alteri, subvalvasori minus apto ad servitium illius, ad quod concedens domino suo tenetur,



tenetur, concedere \*. Itaque si militare sit feudum, neque fœminæ concedere potest, cum ea vices vassalli apud dominum supplere non potest, neque muto, neque surdo, neque cæco, neque manco seu mutilato, aut aliquo singulari vitio corporis affecto, quod si non militares operas omnino tollere, saltem remorari potest: Nam hoc facto domini sui conditionem facit deteriore, quod non licet, neque servo alieno, qui non habet liberum arbitrium vendendi ut velit, & proinde neque ex suo arbitrio domino serviendi \*. Neque Judæo, neque hæretico, neque Apostata, ut diximus, neque iis qui in Banno domini Regis sunt, aut illius principis, cui dominus principalis subest, nec deportato potest valuasior feudum concedere: Nam omnes hi inhabiles sunt ad serviendum: Imo ut tenent feudistæ, neque inimico domini sui capitali potest feudum concedere, cum feudum sit res domini sui & in patrimonio ejus censetur; Itaque ejus Rei aut possessionem, aut dominium utile, in inimicum capitalem domini transferre religio est \*, Item nec potentior domino suo potest in feudum substituere veluti comitem vel Baronem, qui neque ad servitia tam facile cogi possunt, neque tam habiles sunt ad serviendum, conveniendi facilitate \*, Imo neque ulli alii qui dominum vexare potest, aut ei molestias exhibere: In his enim omnibus domini conditio fit deterior; de simplici banno quod nos ad cornu dicimus antea dixi. Quæ de Bannito diximus de relegato ad tempus non intelligenda, Nam is utriusque gentis jure, & etiam Civili omnia sua retinet.

Quod ad Clericum attinet, multi sunt qui eum feudum accipere & per substitutos servire putant. Sed hæc sententia quoniam cum conscientia & ratione pugnat, eleganter à Zasio deiderur: Perinde enim ait esse ac si quis furem excuset, quod non ipse, sed ejus substitutus ex ejus mandato, consilio, & ope, furtum fecerit: Et sanè in jure, qui per se facere non potest, per alium posse non videtur, & quod principali prohibitum est, & ejus substituto: Et ut aiunt Canonistæ, nemo deo militans secularibus negotiis se implicare debet: Arma enim pastorum ecclesiæ spiritualia sunt, & ut Canonistæ volunt preces, & lachrymæ esse debent, non tela. Nam ut ait Hieronymus, Clericus est de sorte domini, qui divinis officiis & contemplationi deditus, ab omni secularium strepitu submotus esse debet, victu & vestitu contentus, ut ipse dominum possideat & ab ipso possideatur, alioqui quomodo erit portio domini? Hæc sententia plus æquitatis præ se fert; prior tamen in usu est: Nempe Clericum posse feudum accipere, & per substitutum servire, quod & cum jure convenit \*, ubi diserte scribitur Episcopos, Abbates, ceterosque clericos feuda Regum seu principum accipere posse. In Monacho dubium est, quoniam in jure servo æquiparatur; quicquid enim acquirit monasterio acquirit, & omnino ad serviendum est ineptus, & sic domini voluntas inverteretur si feudum concesserit, & vassallo careat. Sunt qui putant Monachos feudum accipere posse, & monasterio acquirere, & sic concedentis voluntatem interpretandam esse, veluti si pater sciens filio, qui Monachismum induit, prædium in feudum concesserit, videtur monasterio per eum concessisse, & sic ab initio voluisse. At sanè in hoc, libro secundo expresse narrat Obertus, si vassallus monachismum induat, si novum sit feudum, acquirere sibi vel monasterio posse. Si paternum aut hereditarium proximo agnato restituet. Itaque pro solutione hujus dubii, qui Monachum feudi incapacem esse volunt, de successione in feudo intelligendi sunt, nempe monachum in feudo succedere non posse. Sed novum feudum accipere posse, Nam id domino Imputatur, qui ei quem sciebat servire non posse, feudum concesserit. Unde multi colligunt, si quis Monacho aut Clerico, quem Monachum aut Clericum nesciebat feudum concesserit, feudi revocationem habere; idem in surdo, cæco, muto, & alio ad servitia inepto, quem dominus surdum, cæcum, aut mutum non noverat \*. Sed sanè non solum doctores & interpretes horum feudorum, sed etiam authores ipsi inter se in hac materia variant, nobis satis est monuisse, quid in usu nostro observetur: Monachus enim apud nos cum non solum servo æquiparetur, sed etiam mortuus mundo dicatur, neque novi feudi neque paterni est capax: Clericus tamen secularis utriusque; Nam tam novum acquirere potest quam in vetus succedere. Inter eos qui feudum accipere prohibentur, filius etiam numeratur, qui à patre feudum accipere non potest, etiam si sit adoptivus tantum, quia in jure inter patrem & filium nulla consistit obligatio: Imo nulla contrahitur Emptio \*. Sane inter nos contractus initi inter patrem & filium simulati præsumuntur. Quod ad feuda attinet, nisi per resignationem in manus domini superioris fiant, alia feuda à patre filio concessa vix admittuntur, ob præsumptas simulationes & fraudes inter conjunctas personas. Itaque neque executionem debiti paterni impediunt, neque si pater post feudum filio concessum, de se tamen tentum, alii postea alienaverit, feudum

\* C. 1. §. Si militis De lege Contra di

\* L. velle non creatur ff. De Regul. Jur.

\* L. 1. §. cum similiter. ff. De offic. Praef. urbi.

\* Arg. l. 2. ff. Qui Sandare coguntur.

An Clericus feudum accipere possit.

\* Lib. 2. feudor. cap. 40. An monachus feudum accipere possit.

\* Lib. 1. Disput. feud. Disput. 2. Thef. 62. Quod adoptivus ex arrogatus a parentibus suis feuda accipere non possunt.

\* L. 2. ff. De Contrahend. Empt.

dum hoc posterius minus valebit, licet filius in feudo antea fuerat, quod & principali apud nos constitutione cautum est, Imo non obstante hoc feudo filius patri in idem feudum succedere necesse habet, si tranquille possidere feudum velit. Sunt & alii qui feudi omnino sunt incapaces. Nam tametsi licuit antiquitus tutoribus vel Curatoribus Res pupilli emere, jure tamen Authenticorum & novo, non solum feuda, sed neque possessiones neque res ullas immobiles comparare possunt, Imo ut diversis machinationibus tutorum in pupillos occurratur, prohibuit Imperator ut ne etiam tutela, vel Curationis tempore finito, adhuc tamen emere possint. Fieri enim potest, ut eas comparationes quas tempore administrationis suae contraxerant, in tempus finitae administrationis suae callide distulerint. Neque enim rara, aut apud Nos Ignota sunt tutorum in pupillos fraudes, & quae incommoda inde eveniant, cum vel subtrahendo literas, feuda pupillaria in non introitum conjiciunt, ut ipsi eis potiantur, aut omnium Jurium pupillarium conscii, si quae sit in eis ruptura, per eam, Ruinam praedii pupillaris moliantur, Jacto prius fundamento, aut Jure constituto, per quod illud ad se possunt pertrahere. Nobilissima est illa nova constitutio, sive authentica Justiniani Imperatoris, Ut hi qui obligatas res minorum &c. quam ut quis Legat, & relegat, qui fraudes tutorum vel Curatorum agnoscere velit, vehementer rogo. In jure etiam numerantur, neque feudi, neque beneficij capaces qui ex illicitis & damnatis nuptiis procreati sunt: Incestae nuptiae sive damnati dicuntur coitus, qui inter eos fiunt, inter quos matrimonium stare non potest, eo tempore quo infantes nascuntur, quibus pater neque per se, neque per mediatam personam ut fieri solet, potest beneficium aliquod concedere, imo ne naturales quidem filii numerandi sunt, & indigni qui à parentibus alantur \*, multo minus alter parentum feudum concedere potest, aut quivis alius, & sane de hac ipsa quaestione extat constitutio apud nos in publicis Regni Comitibus, quo expresse cavetur, si mulier aliquorum Feudorum aut praediorum haeres, à marito adulterii nomine separata fuerit, & ex eo matrimonio liberos habuerit, & postea adultero se in matrimonio secundo conjunxerit, ejusque liberis ex eo susceptis feudum concedere velit, omnino hoc ei nostris moribus prohibetur, ne liberis ex priore matrimonio natis immeritis praedictum nascatur, aut ullis aliis haeredibus aliunde successuris in debita sibi successione. Itaque talis feudi nemo est capax in praedictum verorum haeredum. Ex jure Civili, neque natus ex hac adultera, neque illa suo mæcho quicquam concedere potest, & proinde neque feudum, & ab alterutra parte alteri datum fisco vendicatur: Licet mæchus hic adulteram suam in uxorem prius duxerit, & alter ab altero sit haeres institutus \* neque qui ex hac adulterina conjunctione est natus, Feudorum alterutrius parentum est capax. De claudio an sit capax feudi Curatoris; & Muto an feudi patroni; & cæco an feudi tabellionis aut scribae, qualia ante nonnulla attigi, dubitatum scio? videtur enim in his quadam esse repugnantia in adjecto: Quid enim magis ridiculum esse potest, quam claudio feudum Curatoris (quod nihil aliud est nisi merces ut currat) concedere id est ei qui plane ad currendum ineptus est, aut muto ut causam peroreret. Sed sunt qui putant hos paterni feudi esse capaces, non autem novi. Statueram hic Bastardos sive Spurius silentio praeire, quod apud nos certe novi feudi sint aliquando capaces, nisi in Gallicis constitutionibus invenissem eos aliquorum Feudorum esse incapaces. Neque enim pater in praedictum filiorum legitimorum spurio aliquam feudi partem concedere potest, in qua aliquis ex legitimis successurus erat, quod sane non tam in odium bastardorum, quam in favorem legitimorum introductum est, ne fortasse extincta conjugē, quis filialem amorem à legitimis in Bastardos transferat, quod non est ferendum. Reliqua quae ad Bastardos pertinent, qui sunt Bastardi, quomodo, & quibus succedant, quomodo legitimentur, in titulum de successione rejiciemus. An autem provinciarum administratores in suis provinciis, aut Judices in sua diececesi, aut milites in ea regione in qua militant, feudum comparare possunt, dubitari potest, cum ne emere in illis provinciis possint? De milite narrationem in prima diegesi adduxi, ne rei habendae studio à militaribus muneribus distrahatur; sed omnium communis ratio hac est, quod vi & metu possint provincialis suos, aut eos qui subsunt potestati suae ad quavis faciendam vel concedendam adigere, & hac ratio à jureconsultis traditur, cur emere aut contrahere non possunt \*. Neque enim minor vis aut metus ab eo qui in potestate constitutus est inferri potest, quam à milite armato. Notum est illud Horatii

*Servius iratus leges minitatur, & urnam,  
Canidia Albuti, quibus est inimica, venenum,  
Grande malum thurius, si quis se judice certet,  
Ut quo quisque valet, suspectos terreat.*

Et

*An ex incestu aus  
damnatis  
nuptiis pro-  
creati seu  
sunt capaces.  
\* L. si quis  
Incesti. C. de  
Incesti. Nupt.  
Authenti.  
Quib. mod.  
natural. fil.  
efficiant le-  
git. c. 6. l.  
Clandius  
Seleucus ff.  
de his quib.  
us indig.*

*\* D. l. Clau-  
dus Seleu-  
cus.*

*\* L. non. li-  
cet & l. qui  
officii. ff. de  
contrab.  
Empt. l.  
principalibus  
ff. Si certum  
petatur. l.  
unic. c. De  
Contrab.  
judic.*

Et sanè cum in feudum concedere hi non possunt, qui nec alienare, certe qui emere aut permutare prohibentur, eadem ratione feudi non sunt capaces; Apud nos tamen non prohibentur à cujuscunque feudi receptione: tantum Senatoribus, aut quodcunque officium in senatu, aut aliunde jurisdictionem exercentibus injungitur ut à re litigiosa abstineant, ne in se litem transferendo, duriores adversarii partes reddant, quod & speciali constitutione prohibetur. Superest quaestio An vassallus in prædio quod de domino tenet, rursus dominum infeudare possit. Ratio dubitationis hæc est, quod sic dominus in fidelitatem & servitia vassallo tenebitur, in quæ vassallus ei adstringebatur, & sic utriusque esset quasi confusio, cum uterque alteri vassallus, uterque alteri dominus fieret, Communis tamen opinio est posse, & rem suam ab alio recognoscere sed vassallo fidelitatem, & servitia per substitutos præstabit. Sane cum feudum ad principem devolvitur, sive ratione forisfacturæ, aut bastardiæ, cum illud princeps apud se retinere non possit (Nam sic alii fidelitatem, aut servitium præstare cogeretur quod esset principe indignum) vassallum novum veteri domino præsentat in locum ejus qui à feudo cecidit, quem prior dominus recipere cogitur: & sic cum princeps feudum ipsum apud se retinere non possit, quod proximum est tamen facit, Nempe cum jus presentandi in locum ejus qui defecerat, aut indignus fuerat, ad eum pertineat, transactione prius habita, in qua aliquid pro valore datur, nos compositionem dicimus, novum vassallum domino præsentat, quem si is recuset, de superiore ejus domini præsentatus suum feudum tenebit, & recusans directo dominio dum vivit privabitur. Inter privatos quid dicam nescio, Nam licet ratio & sensus communis vix patiatur ut idem sit dominus qui vassallus respectu ejusdem feudi, tamen vidi dominum de Doun, qui prius tanquam commendatarius monasterii Sancti Columbi ejus monasterii prædia omnia Ecclesiastica in feudum domino de Ochiltzie concefferat, ea rursus ab eodem domino recepisse, de se ipso tanquam Cænobiarcha tenenda, & sic dominus & vassallus erant iidem, ratione ejusdem feudi. Sed hoc fortasse in eo ferendum erat, qui tanquam commendatarius personam non privatam tantum, sed monasterii etiam sustinuit, ut diversa ratione dominus esset qui Cænobiarcha, & vassallus qui emphyteuta: quod tamen mihi nulla ratione factum videtur. Cum in hoc casu potius confusionem jurisconsulti inductam putent, quam duo diversa jura in una aut eadem persona, veluti domini & emphyteutæ consistere, In aliis privatis quomodo hæc commode fieri possunt non video, neque tamen omnino improbare audeo, cum nihil sit apud nos hodie quod fieri non possit. Superest cui hoc feudum quod incapaci concessum est accrescat, idest cum feudi illius dispositio ex parte accipientis non teneat, ad quem revertatur, & sane si personæ militaribus officiis ineptæ feudum concessum fuerit, aut defectus sit tantummodo in persona, sine culpa concedentis, feudum ad dominum revertitur; Sic in feudo quod servo datur & monacho, nisi per eas personas fortasse dominus, aut servi domino, aut monasterio concedere velit. Quod si culpa aliqua concedentis intervenerit, veluti si feudum capitali inimico domini concefferit, aut alicui qui ei molestiam afferre possit, feudum non ad concedentem sed ad dominum ejus quem offendere voluit, devolvitur, ob ingratitudinem vassalli, & ut dominus injuriæ suæ ultionem habeat. Quod si qui concedit manifeste contra leges peccaverit, ei concedendo qui à jure aut ob suum aut parentum maleficium capere prohibetur, veluti si damnato aut ex illicitis nuptiis genito feudum concessum fuerit, cum sciret legibus tales à feudis accipiendis prohiberi, fiscus eo nomine feudum vindicabit ex titulo, De his quibus ut indignis; Nisi aliter cautum fuerit speciali privilegio, quemadmodum de ea quæ propter adulterium separata ut antea dixi; Nam eo casu feudum ad prioris conjugii liberos reverteretur. Denique ut hanc etiam diegesim cum priore concludamus, omnes personæ feudum capere possunt qui non prohibentur.

*Ad quem  
feudum in  
capaci con-  
cessum ac-  
crescat.*



## Quæ Res in feudum dari possunt.

*Diegesis decimatertia.*

*Rerum Diviso.*

**U**T Facilius omnium oculis & animis subjiatur quæ Res in feudum dari possunt, & quæ non, Repetenda est illa rerum divisio quæ in initio secundi libri Justinianearum institutionum proponitur, Nempe quasdam Res in patrimonio nostro esse, quasdam extra patrimonium. Et hæc divisio illustratur posteriore subsequente, qua quasdam Res naturali jure communes esse omnium, quasdam publicas, quasdam universitatis, quasdam nullius, pleraque singulorum affirmatur. Sed ut utramque divisionem unica comprahendam, Ita res dividendas puto, ut quædam sint divini juris, quædam humani. Divini juris consentur Res sacra, religiosa, sancta: Humani juris res quædam sunt Publicæ, quædam universitatis, quædam nullius, quædam privatae sive singulorum. De his singulis dicendum. Sacra Res dicuntur quæ ex veteri Romanorum instituto, ( à quo præsentis nostri mores non abhorrent ) rite & verbis solennibus per pontifices deo consecrantur, veluti ædes, aræ, templa, & donaria quæ ad ministerium dei dicata sunt, quæ & obligari & alienari per expressam constitutionem prohibuit Justinianus, nisi redimendorum captivorum causa \*. Et ne quis putet æde sacra diruta, aream sive locum in quo ædes steterat profanum fieri rescriptis Papinianus \*, ut etiam si fulmine sit tacta, area tamen pura, idest sacra remaneat, cum sacro tamen vase destructo nihil sacrum remaneat, sed perinde materia vendi & æstimari potest, atque profana, sibi autem privatus nemo rem sacram efficere potest, ut ait Imperator.

*Res Sacra.*

\* L. Sancimus c. de Sacrosanct. Eccles.

\* L. de Sacra ff. de contrab. Empt. Res Religiosa.

Religiosa loca proprie ea dicuntur, in quæ mortui inferuntur; Nam Religio erat ea loca vel arare vel excolere, & in hoc à sacris differunt, quod religiosum locum quisque sibi pro arbitrio faciebat, dum mortuum eo inferret: In locum alienum, aut communem, aut alii obligatum, mortuum inferre, aut eum religiosum facere nemo poterat, sine illius, cui præjudicium fit, consensu. Sic religiosi dies teste Gellio dicuntur tristi omine infames, impedique, In quibus res divinas facere, aut rem quampiam ordiri veteres abstinebant. Sic Cic. ad Atticum diem pugnae Allienis religiosum vocat. Sancta autem res ea sunt dicta, quæ ne violentur publica proposita poena cavebatur, idest sanciebatur, quales sunt Muri, sive porta Civitatum & urbium; neque enim in ea delinquere licebat, & si quis contra fecerit poena capitis in delinquentem statuta erat, & sancta, sic sanctiones dicuntur sive statuta, quibus poena constituitur si quis adversus eas deliquerit, sic sanctio foederis qualis apud Livium \*. Sic Cic. in oratione pro Cornelio Balbo, Sanctiones sacratae sunt, aut genere ipso aut obtestatione, & consecratione legis, aut poena, cum caput ejus qui contra fecerit consecratur. De his quoniam facilius expediuntur prius dicemus, & postea de eis rebus quæ sunt juris humani, quæ potius ex usu nostro sunt, pauca adjiciemus. Et ut ad feuda revertamur, Res sacra nullo modo in feudum dari possunt, speciali constitutione ( ut diximus ) prohibita vel alienari, vel obligari: Nam cum ipsa loca nullius in bonis aut patrimonio sint, neque in stipulationem deduci possunt, neque præscribi neque legari, imo neque pro tempore pignori. Nam res hæ sacra cum extra commercium hominum sint, ut nec alienari, nec subjici pignori etiam ad tempus possint, sic neque in feudum dari, aut accipi: possessiones tamen ecclesiæ, & etiam res immobiles, pro redemptione captivorum alienari possunt, nisi sub hac conditione, ne alienentur, concessa fuerint. In locis sacris aliquid immittere deformitatis aut incommodi causa nunquam licuit: fundi autem ecclesiastici, an inter res sacras connumerentur, queri potest; satis enim constat eos ecclesiasticis personis in alimenta concessos, ut facilius precibus, literarum studiis, & lectionibus vacarent, & certi essent unde alerentur. Itaque jure ecclesiæ censerentur, & res ecclesiæ dici, eisdem privilegiis gaudere nemo dubitat. At antea eos fundos recte in feudum dari diximus; Facilis est hujus nodi solutio, neque enim proprie loquendo, fundi, qui ad onera ecclesiæ sustinenda conceduntur, commercio hominum eximuntur, neque fiunt Res sacra, Cum res sacras Pontifice præeunte, solennibus & conceptis verbis fieri antiquitas credidit, quod in templis, cœmeteriis, & eis locis qui consecrantur locum habet, Nam soli hi fere sacri dicuntur. At fundi ecclesiis concessi neque sacri neque religiosi sunt; Nam omnino commercio non eximuntur; Cum & locare, & serere, & arare, prata condere, agros stercoreare eis liceat, alioqui non liceret, si sacri omnino essent, quod res sacras ligone aut aratro tractare, aut omnino violare prohiberetur, & sic in commercio hominum permanent, licet fructus inde provenientes

*Res Sancta.*

\* Lib. 10. Dec. 3.

*Res Sacra in feudum dari non possunt.*

entes ad sustinendos eos qui divino cultui inserviunt colligantur; sic & permutari ex utilitate ecclesiæ possunt: denique ut vult idem Imperator, qui alienationem rerum ecclesiasticarum severissimè prohibuit, licet in perpetuum nequeant alienari, tamen in perpetuum emphyteosin dari possunt, si res in eorum geratur presentia quibus assignatur, jurantibus his quorum interest, id ad divinæ domus lætionem non fieri, sed quod solidus reditus ipsius rei, qui fuit, cum juri divino dedicaretur, permaneret imminutus, nisi forte in sextam partem, & ita omnia moderanda, ut ab æconomo & reliquis moderatoribus ecclesiæ astimabatur, ut in sua authentica Justinianus reliquit \*. In qua multa singularia de rerum ecclesiæ alienatione quis inveniet, licet quo ad res ecclesiæ aut alienandas aut gubernandas tantum jure canonico hodie utamur, omnibus omnium imperatorum, constitutionibus obductis, & antiquatis; quo quidem jure canonico, res ecclesiæ prædictæ, licet in feudum dantur, servatis tamen solennitatibus, quæ priori diegesi præmissæ sunt.

Quædam autem Res ecclesiæ in feudum dari non possunt, veluti ipsius Prælati, sive ecclesiastici rectoris, sedes aut monasterium ipsum, in qua sede aut monasterio, non solum ipsius ecclesiæ navis, sed omnes ædes, omnia domicilia, & quicquid ambitu murorum inclusum est, comprehenditur. Hæc enim omnia monachis & deo servientibus (ut illi putarunt) habitationis loco sunt, & ad habitandum concessa, ne cuiquam exterius vagandi occasio præberetur; habitatio, etiam alii habitanda ex jure Civili dari non potest \*. Sane apud nos constat pleraque monasteria in usum privatorum translata, in Anglia vero omnia. Cumque etiam Priorum exemplum plerique nostrum sequi niterentur, tandem à tribus ordinibus hoc statutum emanavit, ne in posterum sedes Episcoporum, aut Abbatum in feudum concedi possit, quod tamen ad præterita non extenditur, cum ex jure Civili omnes alienationes monasteriorum, aut translationes in privatorum usum prohibeantur. Reliquæ res ecclesiæ sive fundi patrimoniales, licet in feudum, sive emphyteosin conceduntur \*. Et tamen ex jure Canonico, & etiam apud Doctores magno questio, est de eis fundis & prædiis quæ ad mensam, Episcopi, sive monasterii, idest ad alimentum destinata sunt an licet in feudum concedi possint? Nam alimenta vix videntur in commercio, neque enim de eis transigere, neque ea vendere licet \*. Sed ut res tota planior fiat, prius investigandum est, quæ res dicantur esse in mensa Prælati, quæ non: Nam de hujus vocis significatione acerrime inter Doctores controversatur. Ea prædia dicuntur proprie esse de mensa Prælati, ex quibus prælatus cum conventu pascitur, & sine quibus alii non potest, & alimentorum nomine, non solum cibaria, sed etiam vestitus, & habitatio comprehenduntur, quia sine his corpus humanum alii non potest \*. Alii de mensa prælati esse volunt, quæ prælatus expresse, vel tacite, de mensa esse destinavit: Expresse quando sciente prælato descripta sunt in Registris, in quibus bona quæ ad mensam prælati pertinent continentur, & quasi ad eum finem à Prælato destinata & separata, vel si expresse prælatus declaverit, ea se velle de sua mensa esse. Tacite vero quando sciente, vel patiente Prælato, per annum vel ut alii volunt per decennium ab officialibus suis eodem jure quo bona mensalia tractata sunt, & fructus in libros rationum de mensa Prælati referuntur: Si vero neque tacite neque expresse quicquam appareat, alii si per triginta annos nunquam infeudata apud prælatum permanserint, de mensa Prælati dici posse putant. Hæc ideo tam anxie inquiruntur, quia hæc prædia quæ de mensa dicuntur à quibusdam nullo modo in feudum concedi posse, quod pro alimentis sunt, creduntur; alii posse concedi putant, sed majore cum difficultate, & exactiore inquisitione gravioribusque solennitatibus observatis; Ego sane his non putavi inhærendum, præcipue cum ex usu nostro res quæ sunt de mensa, non minus in feudum concedi possunt, quam quæ sunt extra mensam; Nam si ab ipsis primordiis ecclesiarum & fundatione rem exactius inquiramus, quæcunque prædia ecclesiæ, à quibusvis fuerint concessa, ad finem illum concessa sunt ut habeant unde alantur, vestiantur & habitare possint. Itaque si quæ de mensa sint, in feudum concedi non possunt, verendum ne ullius prædii ecclesiastici feudum recte sit constitutum. Sed quoniam de jure Civili etiam transactio de alimentis futuris permittitur, modo in meliorem conditionem eorum quibus debeantur, & prætor adhibeatur, qui causa cognita, rationem Causæ, modi, & personarum, commoda & incommoda examinabit \*. Profecto & eadem ratione prædia ecclesiastica in meliorem conditionem ecclesiæ, sive sint de mensa, vel extra mensam, in feudum dari possunt, & initium ex hac transactione alimentorum cœpisse puto. Hæc de prædiis ecclesiasticis, inter quæ numerantur & collegia religioſa & rite instituta quorum res sine consensu Regis alienari aut in feudum dari non possunt, ut hodie nulla res ecclesiastica sine Regis consensu, & hoc nova constitutione.

\* Authentica de Alien. & Emphyteus. ver. Ecclesiasticar.

Sua res Ecclesiæ in feudum dari non possunt.

\* L. Sed neque ff. de usu & Habitatis.

\* D. Authent. c. 7. Sect. & quoniam.

An quæ sunt de mensa Prælati in feudum dari possunt.

\* L. Cum hi ff. de Transact.

\* D. l. Cum hi & l. 6. leg. de Alim. leg.

\* D. l. cum hi.

Sunt

Sunt & alia quæ ad ecclesiam pertinent, de quibus quæstio sæpe oritur, an in feudum concedi possunt: Nam quod ad prædia pertinet, ea sunt in patrimonio ecclesiæ, decimæ tamen in nullius sunt patrimonio, sed tantum ut Canonistæ loquuntur, in patrimonio Christi, & ex jure divino, non ex concessione hominum deberi creduntur. Itaque expresse cavetur ne hæc post Concilium Lateranense in feudum dari possint, Ita enim sacrosanctum illud concilium (si diis placet) statuit. Celebratum autem fuit hoc concilium anno domini 1059. sub Alexandro Pontifice maximo; licet Canones ferant Nicolaum Pontificem maximum tum fuisse, ad confutandam hæresin ut sancti illi patres voluerunt, Berengarii diaconi Andegavensis, quæ tum de eucharistia, plus quam sibi conducere putabant, invaluerat; Ipseque Berengarius in ea Synodo ad palinodiam coactus, cum antea de hoc sacramento sincerissime & sensisset & prædicasset; operæ prætium tamen erit, si vacat, abjuracionem illam Berengarii legere\*. In hac non solum verum & naturale corpus Christi, sensualiter (idest) ipsis sensibus objici & tractari affirmat, (quo nihil potest dici magis profanum) sed etiam frangi & fidelium dentibus atteri: sic sacrissima illa Synodus, sic Nicolaus pontifex max. qui præsidebat fenserat: At glossator non paulo tota Synodo, & Pont. max. sapientior blasphemiam vidit & admonuit, Nam (ait ille) nisi hæc verba sanè intelligantur de speciebus, ad quas ea sunt referenda, & non ad naturale Corpus Christi (ut profana illa & impia Synodus cum suo præside intelligibat) in majorem hæresin incides, quam fuit illa Berengarii. Sed hæc hæcenus. Illa Synodo cautum, ne decimæ in futurum, in feudum dari possint, ratis manentibus feudis dispositionem, quæ ante eam Synodum concessa erant.

\* Cap. Ego  
Berengarius  
42. Distinct.  
2. De Confe-  
erat.

\* Panormi-  
cum Apo-  
stolica. De  
his quæ sunt  
à præl. sine  
cons. Capit.

\* Annales  
Franciæ in  
Philipp.  
Valef.

Garbales  
Decimæ un-  
de dicta.

An Religi-  
osa res in  
feudum con-  
ceduntur.

\* Apud nos inutilem hanc disputationem, sive distinctionem puto; Cum certò sciam nullum esse ante concilium lateranense decimarum apud nos feudum. Sunt qui putant, (cum probare non possint, quod ante hoc sacrissimum concilium decimæ in feudo sunt locatæ) sufficere, si laicus eas tempore ultra hominum memoriam possederit. At sine exceptione regula apud nos manet, nullum esse decimarum feudum; etiamsi quis tempore supra hominum memoriam eas possidendo præscripserit, ut decimæ vidi inter Commendatarium de Cambuskenneth & Dominum de Fleming. Imo quod magis miretur quis, constanter affirmo non longè ante ea tempora decimarum jus Pontificum tyrannide in Scotiam introductum; Episcopumque Cathaniæ, quod decimas à populo severissime exegerat, ferventi aquæ injectum, & à populo furente laceratum; Paulo ante hæc tempora à Bonifacio octavo jus decimarum in Gallias introductum, vocato in partem prædæ ipso rege\*: alioqui nunquam id Pontificii obtinuissent. Nam quod jus decimarum ex jure divino defluere putant Canonistæ, & ad ecclesiam pertinere toto cælo errant: Notum enim est illud Hyeronimi ad Sacrosancti novi testamenti petens decimas, ait Christum in carne non venisse; & recte ille, quia hoc est revocare jus Leviticum, cujus magna pars ex decimis pendebat. Sed ut ad eorum feudum revertamur, In feudum non posse concedi extra controversiam est, si in genere loquamur; Nec tamen est ulla generalis regula quin exceptionem patiantur aliquam. Sunt enim quædam decimæ, quæ Garbales apud nos dicuntur, quæ cum ipso fundo in feudum rectè conceduntur; ratio est, quoniam & ipsum prædium feudale, & ejus decimæ ad unum & eundem prælatum, sive ecclesiasticam personam pertinebant: Itaque cum eorum quæ in solo nascebantur jus omne ad unum pertineret, unus araret, sereret, meteret, & colligeret, supervacaneum videbatur decimas in colligendo à cæteris fructibus separari, successuque temporis factum est, ut quemadmodum Prælatus ipse fructus & decimas simul, & uno cumulo colligeret, sic & fundum cum iisdem decimis in feudum aliis concederet. Garbales autem sive verius Gerbales, à Gerba voce Italica quæ herbam significat dicuntur, quia cum aliis herbis aut fructibus fundi colliguntur; sed nunquam locum habet hoc feudum decimarum Garbaliū nisi in fundo ecclesiastico; Nam necesse est ut in genere hoc feudi prædium & ejus decimæ ad unum & eundem pertineant, quod in nullo laico unquam poterit inveniri; Nam laicus ad Decimas jus prætere tendere his multis annis, sive aliquot seculis non potest: Aliæ decimæ à garbalibus in feudum sive emphyteosin concedi non possunt; sed locari tamen pro spatio 19. annorum & etiam durante vel concedentis vel accipientis vita possunt: Et hæc de decimis, quæ licet non ex jure divino, sed ex pontificia tyrannide introductæ sint, fateamur tamen ex iis alimentum vestitum, & habitationem eis qui curam animarum gerunt honestè deberi, sed ita ut his contenti sint.

Superest de religiosis rebus dicere, quæ & illæ nullo modo in feudum concedi possunt, neque enim hodie jura cæmiteriorum & sepulchrorum, quæ publicè instituta sunt, in commercio hominum esse, aut alienari, locari, aut in feudum dari possunt. Dixi publicè institu-

ta;



ta; Nam privatus sibi locum religiosum mortuum inferendo facere non potest; licet antiquitus, ut quis sibi privatum religiosum locum facere posset, mortuum inferendo, permittebatur, sed eatenus tantum quatenus corpus humatum est \*; Itaque ut publicè dicetur locus & ad sepulchra destinetur, ut religiosus fiat oportet. Non ignoro tamen multos esse qui pretio sibi locum sepulchri redemerunt, exemplo Abraham, qui locum in quo conjunx Sara sepeliretur ab incolis redemit, sed illud tantum affirmo, jus privati sepulchri, nisi intra septa communis cœmeterii comprehendatur, nullum esse, neque religiosum locum fieri.

Tertium membrum Rerum, quæ sunt divini juris, res sanctæ efficiunt, quales portæ, Muri Civitatis, quos violare impune nemini licet; neque hæc in feudum conceduntur, cum nullius in bonis sint, nec commercium patiantur: Non negarem tamen de iis restituendis, & resciscendis contrahi posse, & quatenus sine publico dispendio fieri possit, si quæ in usum cum, cui instituta sunt deficiant, quin etiam ut eorum pars aliqua in feudum dari possit: Ita ut publicus usus & utilitas inde non minuat. Antiquitus in portis aut muris, sine permissu principis habitare non licebat \*, & hæc de iis rebus quæ sunt vel habentur divini juris.

Juris autem humani Res rursus subdividuntur, ut quædam sint publicæ Res, quædam universales, quædam nullius, quædam privatæ, sive singulorum. De his singulis dicendum. Publicæ, quæ vel omnium hominum vel gentium communes sunt, ut aer, mare, littus, flumen, viæ itinera publica; quod ad aerem pertinet, Is ita omnium communis est, ut nemo ab ejus usu prohiberi possit, neque enim alteri vendi potest, denique omnino in commercio non est. Quod ad mare attinet, licet adhuc ita omnium commune sit, ut in eo navigari possit, Proprietas tamen ejus ad eos pertinere hodie creditur, ad quos proximus continens \* adeo ut mare Gallicum id dicatur quod littus Gallia alluit, aut ei propius est, quam ulli alii continenti. Sic Anglicum, Scoticum, & Hybernicum, quod propius Angliæ, Scotiæ, & Hyberniæ est, Ita ut Reges inter se, quasi maria omnia dividerent, & quasi ex mutua partitione alterius id mare censeatur, quod alteri propinquius & commodius est; in quo si delictum aliquod commissum fuerit, ejus sit jurisdictio qui proximum continentem possideat; Isque suum illud mare vocat; non negabo tamen quædam maria præscribi posse, ut totum illud mare Adriaticum, licet terras distinctas aliorum ex utraque parte habeat, tamen præscriptione Veneti sibi totum illud vendicarunt \*. Piscationes verò quæ in proximo mari fiunt, proculdubio eorum sunt qui proximum continentem possident. Itaque non sine summa injuria nostra Belgæ circa nostras insulas piscantur: Nam licet piscationes in mari non prohibeantur, tamen & hæc præscribuntur \*, & traduntur permissæ aut prohibitæ secundum consuetudinem. Eodem modo & insulæ in mari natæ ejus in patrimonio censentur, qui proximum continentem habet \*. Itaque omnes Insulæ quæ nostris litoribus adjacent nostræ ditionis sunt: Quid ergo de Orcadibus & Schetlandia dicet aliquis? quarum certum jus ad Regem Danorum sive Norvegorum pertinebat, nec nisi ex pacto (ut illi volunt) sive reversione, quam pactum de retrovendendo dicimus ad nos pervenerunt. Respondeo si Res ex jure agatur, profecto & Orcadas & Schetlandiam ad Scotiam pertinere indubium est, Sed invalescentibus Danorum armis, cum fere omnia maria classibus occuparent, silvis materiam abunde sufficientibus, Dani & Norvegi vi & armis earum Insularum imperium sibi vendicant, & Norvegi Occidentales insulas, hi tamen eodem modo eas restituerunt, quo acquisiverant. Illi vero Orcadas & Schetlandiam, post cum Margarita Jacobi tertii conjugis, & Christiani primi filia in dotem dederunt, sub pacto de retrovendendo ut nostri loquuntur, cui etiam reversioni postea renuntiaverunt, ex vi & tenore foederis illius, quod inter serenissimum Principem Jacobum quartum, & Christianum secundum Danorum Regem intercessit, Alexandrique sexti Romani Pontif. Autoritate confirmatum, & in acta Registri Romanæ Curiaè relatum. Hoc tam de nostris insulis quam de insulis in genere, eas nempe eorum esse quorum proximus continens est, quod ad districtum sive Jurisdictionem, alioqui occupantium sunt: tamen si ultra centum miliaria à continenti separentur, quidam putant occupantis esse. Sane piratas qui insulas per se occupant, in urbe proximi continentis posse convenire putat Bartolus \*. Disputationem de Molucis prætereo, quas tamen licet mille miliaribus ab omni continente Hispanico disjunctas, Carolus quintus Imperator Regi Lusitano tercentum aureorum millibus oppignoravit. Maris littora publici juris sunt, Littus autem dicitur, quatenus maximus hybernus fluctus excurrit. Portus autem publici juris sunt, & inter regalia numerantur, tamen & privatorum, saltem universitatum proprii aliquando fiunt, Ita tamen ut cuilibet appellere, onerare naves & exonerare in eis liceat, dum modo

\* L. 2. Pa.  
ragrapho.  
5. De Reli-  
gios. &  
sumptib. su-  
ner.

An Res  
sancta in  
feudum dari  
possunt.

\* L. 2. & 3.  
ff. Ne quid  
in loco sacro  
fiat.

Quæ Res  
Publicæ sint.

\* Bartol. &  
Doctores in  
l. Inule ff.  
de judiciis.

\* Bartol. ad  
l. sane ff. de  
Injuriis.  
\* Bartol. &  
Bald. in l. 3.  
ff. Ne quid  
in loco pub-  
lico fiat.  
\* D. l. In-  
sula.  
De Insulis.

\* Bartol. &  
Doctores in  
l. Inule ff.  
de judiciis.  
\* Bartol. &  
Doctores in  
l. Inule ff.  
de judiciis.  
\* Bartol. &  
Doctores in  
l. Inule ff.  
de judiciis.  
\* Bartol. &  
Doctores in  
l. Inule ff.  
de judiciis.

modo portoria solvat ; Nam si aut ab initio publici mansissent, Ita ut nemo plus juris in eis quam alius haberet, neglecti penitus jacerent, Naturale enim vitium est (ut aiunt Imperatores Theodosius & Valentinianus,) negligi quod commune possidetur, ut quis se nihil habere, qui non totum habeat arbitretur, denique suam quoque corrumpi partem patiatur dum in-

\* L. 2. C.  
Quando &  
quib. quart.  
pars bonor.  
deb. ex bon.  
Decur. Lib.  
10. tit. 34.

videt aliena \*. Huic malo ut occurrerent principes qui jam reip. personam sustinent & qui publicarum rerum curam gerunt, portus non privatis, neque enim unius alicujus opes sufficerent, sed Civitatibus & universitatibus attribuerunt, ut eos ornarent, instruerent, purgarent, munirent, & necessaria ad naves recipiendas pararent, relicto tamen usu appellendi, exeundi, merces exponendi, & imponendi cuilibet, pro suo arbitrio, non tantum ejusdem provinciæ, & districtus, sed etiam toti humano generi, cum quibus amicitia stat non interrupta, Portus autem dicitur is quatenus maximus hibernus fluctus excurrit, litusque ei adjacens etiam ad portum pertinet, ut locus sit ubi onera imponantur, & offerantur, & ad tempus servantur. Et hæc de mari, piscationibus maris, insulis in mari natis, & maris portibus, In quibus hoc servandum, quod licet maria indubiè sint publica, neque quis privatus servitutem eis possit imponere ; tamen piscationes & insulas ad eos qui proximum continentem possident pertinere, sic & maris portus ad Civitates & Universitatem, ut quæ ad usum navigantium maximè sint commoda ibi ædificentur ; Itaque piscationes maris proximi, & insula, & portus, ut locari, sic in feudum dari possunt ; ædificia vero quæ in mari ædificantur, licet opus omnino non sit perfectum, ex quo pilæ jactæ sunt, occupantium, idest, eorum qui ædificant fiunt. Sic Veneti in mari ædificantes privata ædificia, sua fecerunt \*.

\* L. ergo. S.  
ult. ff. De  
acquir. rer.  
Domin.  
Res Univer-  
sitatis.

Sequitur de fluminibus quæ licet publici juris sint, tamen hodie inter Regalia referuntur, Itaque in proximam Diegesim de Regalibus rejiciemus : sic & quæ de via & itinere dici solent, quæ licet ipsa sint publici juris, tamen hodie inter regalia etiam numerantur, & ad principem pertinere censentur, ut ibi dicemus. Sequuntur res universitatis, quæ eodem modo in feudum conceduntur, quo Privatorum : Nam universitas unum corpus, unum hominem tam in feudo dando, quam accipiendo repræsentat, & Civitatis, vel corporis sive collegii, universali consensu opus est, ut res quæ ad collegium aut Civitatem pertinent in feudum locari possint. In Anglia res ad collegium sive corpus universitatum quarundam pertinentes in feudum non conceduntur, nisi sub sigilli communis ut vocant testimonio, At in feudum dare rem immobilem, collegio, aut alicui corpori universitatis non licet, sine consensu Regis aut domini ; & si fecerit, res ea in feudum data fit caduca, & ad Regem vel dominum redit, Angli forisfieri rem hanc dicunt. Apud nostrates res burgorum ne cum consensu Civium alienari, aut in feudum locari possunt, ut speciali statuto cavetur ( Res hæc vulgo dicuntur publica bona burgorum ) quia cum Rex aliquam territorii portionem eis Largiatur, ut necessitates publicas ex ejus fructibus levent, Itaque sine ejus consensu in feudum non possunt dari ; Immo ne locari ultra triennium ( Jac. 4. act. 36. anno 1491. ) Quædam res ait Imperator nullius in bonis sunt, an & harum feudum constitui potest quæret aliquis, Ratio dubitandi, quod quæ nullius in bonis sunt, ea ut in alicujus bonis sint fieri non potest. At si diligentius rem totam examinemus & earum rerum quæ nullius in bonis sunt feudum etiam esse potest. Nam pisces in mari aut in flumine publico licet nullius in bonis sint, piscationum tamen feudum rectè fit, sic collectio gemmarum, lapillorum & similium quæ in littora de mari ejiciuntur, licet nullius in bonis sint, quippe quæ occupantis fiunt, tamen vendi possunt, & proinde in feudum dari. Idem in aucupationibus avium, & venationibus ferarum dicere possumus ; Nam licet aves & fera in nullius bonis sint, & apprehendenti concedantur, at feudum aucupationis & venationis, quemadmodum & piscationis rectè fieri potest. Res ad Coronam Regis, vel utilitatem publicam pertinentes inter sacras numerantur, neque rectè in feudum dantur, & quasi sacra dicuntur.

Quæ in nul-  
lius sunt  
bonis.

Res Corona.

Res Privatorum.

Sequuntur Res privatorum, quarum hæc propria disputatio est, In qua hanc generalem propositionem appono, nempe omnes Res privatorum ( de immobilibus tantum & eis quæ inter immobilia censentur, aut eis annumerantur loquor ) posse in feudum concedi, nisi quæ vel à lege, iudice, vel testatore in ultima voluntate in feudum dari prohibentur ; à lege Patrimonium Caesaris vel Regis, & quæ patrimonio ita annexa sunt ut partem ejus faciant : sed quoniam hoc patrimonium specialem tractatum de se meretur in sequenti diegesi de eo disseremus.

De Prædiis  
minorum.

Lege prohibentur alienari aut in feudum dari prædia minorum nisi urgente ære alieno & in causa necessitatis ; Idque ex decreto Prætoris causæ cognitione præcedente ; adeo ut si quicquam

quicquam ex his deficiat, in feudum concessio non valet: Nam si vel æs alienum ita urgeat ut Pupillus sine concessione in feudum se expedire non possit, aut aliqua similis necessitas (quæ tamen rara esse potest, saltem in jure non exprimitur) & non supersint mobilia, unde creditoribus satisfieri possit, Prætorque qui id cognoscat adhibitus fuerit, causaque cognitio plenè peragatur, his solennitatibus observatis prædia minorum in feudum concedi possunt, quod si aliqua harum solennitatum defecerit, non possunt. Apud Anglos Cantiani & quicunq; tenentes in Gavelkynd licitè decimo quarto ætatis anno de prædiis suis disponunt, & alios investiunt. In eadem causa sunt furiosorum prædia, quæ & ipsa sine judicis decreto, & causa necessitatis alienari non possunt, apud nos nullo modo nec alienantur, nec in feudum dantur, Sed si necessitas æris alieni à parente, aut eo cui furiosus successerit contracta ingruat, creditor furiosum ejus debitorem judicio convenit, causa cognita sententia fertur, ut prædia sub hæstam mittantur, aut in feudum dentur. Idem si necessitas alimentorum urgeat, nam causa apud judicem examinata, si ex redditibus non sufficiat unde ali possit, Ordinarius partem vendi aut in feudum dari decernet. Sunt & aliæ Res à lege prohibita alienari, quæ neque in feudum dari possunt. Nempe fundus dotalis, qui ad maritum cum uxore pervenit; Nam & hic alienari per maritum, neque cum consensu uxoris potest, nec ex ejus jure quicquam diminui nisi ex causa necessaria, quod tamen apud nos non observatur. Nam licet favor matrimonii multum nos moveat, ne uxores fraude virorum spoliarentur, tamen illa consentiente marito alienat, & proinde feudum, quod ad eam jure hæreditatis pertinet, in feudum dat. Cum tamen sæpe viderim in senatu non admitti post mortem maritorum eas obligationes, quibus mulier se cum viro obligaverit ad solutionem pro eo aut cum eo faciendam. Et hoc ex jure Authenticorum quo, licet uxor crediti instrumento consentiat viro suo in suum damnum, vel propriam substantiam vel se ipsam pro eo obliget, ipso jure non tenet, nisi appareat idem in ejus utilitatem factum\*.

*De Prædiis furiosorum.*

*De fundo dotali.*

\* *Authem, No nulli judic. licet. l. 6. c. 8.*

Quomodo autem in alienatione per maritum facta illius prædii, cujus usumfructum mulier habet, uxoris consensus interponi debet, multi quæstionem movent. Antiquitus Coram judice tantum, & extra præsentiam mariti interponebatur; hodie si subscripserit instrumento alienationis coram testibus sufficit, nisi post, se ad subscribendum coactam vi & metu probare poterit, tutius tamen fecerit, qui in judicio ejus consensum extra mariti præsentiam obtinuerit. Jure Anglorum Maritus neque prædium hæreditarium uxoris, neque in quo usumfructum aut jus uxor habet, etiam cum ejus consensu alienat; Nam eo fato functo jus revocandi uxor habet, Cum eo vivente & stante matrimonio jus contradicendi non haberet. filius, prædium in quo pater ex jure Cæsareo usumfructum habet (habet autem ex constitutione, pater usumfructum omnium bonorum, quæ filius in potestate patris existens acquirit) in feudum non rectè dat; Ratio est, quoniam ususfructus hic à lege tantum constituitur, Itaque ut non tolli, Ita nec lædi, ut difficilior patris possessio fiat potest. Apud nos patria potestas pene exolevit, & filius in eis quæ acquirit plenum dominium nanciscitur. Hæc de eis quæ à lege prohibentur alienari. A testatore vero gentilitia prædia extra familiam alienari prohibita, ne in feudum quidem dari possunt. Possunt tamen prohibita à testatore alienari, ex causa necessitatis vendi aut in feudum dari; alioqui quamvis alienentur aut in feudum dentur, possunt per eos qui sunt ex familia revocari quasi genti uni destinata: Neque mirari quis debet testatorem alienationem rei testatæ hæredi vel legatario interdicare posse; Nam cum dominus sit Rei legatæ vel hæreditariæ, potest in ejus legato quasunque velit conditiones annectere, & prohibere, ne extra familiam in feudum detur, cum tamen inter vivos pactionibus prohiberi non possit, ne quis invito vicino rem suam aut prædium alienet\*, immo & hæc conditio ne quis feudum alienet rejiciatur prorsus, & pro non adjecto apud Anglos habeatur ut post dicemus; & licet tam in jure nostro quam in jure Feudorum testamento disponere feuda quis prohibetur, tamen apud multos consuetudo invaluit, ut testamento feuda disponi possunt: Sic apud Anglos Burgalia feuda, Apud Normannos & fere Gallos omnes, Conquæstus omnis sive novum feudum in testamento disponitur: sic prohibita à testatore alienari, ex causa necessitatis alienari, vendi, aut in feudum dari possunt, sic propter dotem aut donationem propter nuptias, & propter debitum testatoris.

*De prædiis quæ a testatore alienari prohibentur.*

\* *L. nemo ff. De Pactis.*

Res etiam fideicommissaria restitutioni obnoxia ut nec alienari, sic nec in feudum concedi possunt, fideicommissaria restitutio dicitur cum testator directè alicui cui favet, sive prædium particulare, sive universam hæreditatem aliqua ratione seu circumstantia vacantem relinquere prohibetur, alteri tamen illam relinquat, ejusq; fidei committat, ut postquam Res ad eum pervenerit, Is primo, cui directè testator favebat, & cui consultum voluit eam rem



*Res Redem-  
ptioni ob-  
noxia.*

*\* L. 1. C.  
Communi  
Dividendo.*

*\* Ait Prator  
ff. De Fur.  
Deliber.*

*De rebus a  
iudice alie-  
nari prohibi-  
tis.*

*\* L. 29. ff.  
De Legib.*

*\* Authent.  
ut qui res  
minorum.*

*\* Institut.  
De Autho-  
rit. Tutor.*

*\* L. 2. C. De  
Litigiosis.*

*\* L. 1. S.  
ul. ff. quæ  
res pignor.  
oblig. possunt.*

restituatur, Et quoniam res hæc propriè in dominio ejus cui testamento relinquitur dici non potest, cum is alteri eam restituere cogatur, Itaque neque eam alienare, neque eam in feudum dare potest, nec ejus est propria, sed fideicommissariæ restitutioni subjecta; quod si vel alienetur vel in feudum detur, fideicommissarius vindicare potest. Eadem videtur ratio in his prædiis quæ redemptioni sunt obnoxia, quod prius attigi, neque feudum in rebus communibus, quarum divisio postulata prius fuit, consistit, ut nec alienatio \*. Ratio redditur, quod ex mutatione dominorum divisio pendens interrumpi potest, sic quæ tantisper in hæreditate sunt, dum de hæreditate adeunda deliberatur \*: Neque enim hæc Res donec hæreditas adeatur in alicujus dominio sunt, Itaque neque alienari, neque in feudum dari possunt: An autem inter has Res à lege & à testatore prohibitas alienari, connumerari possunt ex Res quæ à iudice, vel ex partium conventionem & consensu prohibentur alienari & in feudum dari dubitari potest? Et sane quo ad conventionem partium, puto ut antea dixi, nullo modo privatim inter eos conveniri posse ne Res in feudum dari possit, ut neque alienari, Sed quid si in prima, concessione feudi diserte dominus caverit ne vassallus possit in feudum dare? In hoc casu vassallum si alienet à feudo cadere puto, feudumque ad dominum devolui. Nam & ea causa est amissionis feudi, ut latius infra dicetur, in tit. quibus modis feudum amittatur, neque qui cum vassallo contrahit iniquè secum actum queri potest, nemo enim ignarus esse debet conditionis ejus cum quo contrahit; Itaque explorare debuit diligenter quibus legibus, qua conditione feudum vassallo à quo emere constituit, sit in initio à domino concessum, neque enim ferendus est qui oscitanter ad talia progreditur: Nec tamen certus sum si talia pacta apud nos admittantur: Sed in his idem puto observandum, quod in reversionibus sive pactis de retrovendendo, ut si talia pacta in corpore investitura contineantur, locum habeant: alioqui si ex speciali cautione, obligatione, aut contractu, non credam valere, facile enim sic imprudentes in errorem inducentur. De rebus iudicis autoritate alienari prohibitis sive iudicis autoritas per inhibitionem intercesserit, sive voluntaris per interdictionem fuit interposita, licet antea in Diegesi octava rem totam plenius explicavi, tamen quia hic locus aliquid etiam requirit, hoc puto sequendum; qui se à libera rei suæ administratione ob justam aliquam debiti causam iudici exhibitam interdicti consentit, Res nullas in feudum concedere potest, Nam ita iudicis autoritas eludetur: Sed si non simpliciter omnis alienatio interdicatur sed tantum ea quæ sine consensu selectorum amicorum fiet, & is eis ipsis amicis quibus uti debuit, & quorum opera ejus bona salva futura putabat, sua prædia alienaverit, quid dicendum est. Nam si verba interdictionis spectemus, ea salva & illibata manent. Nihil enim, sine eorum consensu facit, cui interdicatur, neque negari potest eos consensisse, In eam alienationem cujus sunt participes, & quam in se receperunt, & subscripserunt; sed hoc plane est in fraudem legis facere idest salvis ejus verbis sententiam circumvenire \*. Nam alio spectabant legum authores nempe ut per hos, salva ejus cui interdicatur, prædia sibi & suis posteris essent, nec interim egeret; & tutorum sive Curatorum loco adhibiti sunt hi, quorum consilio uti debet Is cui interdicatur, In rebus suis sive alienandis sive administrandis. Itaque hi in se Res pupilli transferre non minus in jure & ex æquo & bono prohibentur, quam tutores & curatores \*. Præterea cum tutores & curatores sibi in rem suam autores esse non possunt, ut egregiè Justinianus \*, quæ magis ii, ad quorum instantiam, ut loqui solemus alicui bonorum administratio interdicatur, ita ut omnino sine eorum autoritate alienare non possit, sibi ipsi autores esse aut autoritatem præbere possint non video: Regula enim In jure est generalis, nemo sibi jus dicere, nemo sui juris autor esse potest; Itaque licet sciam tales alienationes, apud nos tolerari; quid dicam tolerari? imo in senatu approbatas esse; tamen dicam quod sentio, hoc genus alienationis cum honesto, cum bono, & æquo, imo cum ipso jure, si stricte accipiamus pugnare; fenestramque & ingentem hiatus multis machinationibus patefacere, vel lippienti patet; sed non est hic querelarum locus, obiter tamen illud admonendum putavi: quod si cui bonis interdicatur, nisi cum consensu trium aut quatuor conjunctim, aut saltem duorum sive plurium conjunctorum, pramorientem uno, interdictionem cadere: Idem uno renunciantem in favorem illius, qui eum elegerat, & sic in senatu observatum vidi. Quod ad inhibitiones attinet, ne quid in fraudem creditorum fiat, omnium rerum quæ sub inhibitione continentur irritam alienationem sive infeudationem facit, nisi qui rem in feudum acceperit, aut rem saluam creditori esse demonstrare poterit, aut ipse solvat, quo casu convalescit feudum. Et hæc de rebus à lege, à testatore, à iudice, aut partibus prohibitis, neque enim in feudum magis dari possunt quam alienari. De re litigiosa quæstio etiam est, Nam & ea alienari in jure prohibetur \*. Imo ne pignori dari potest \*: Nam in jure ejus alienatio tam odiosa est, ut non solum qui vendit, sed qui emit, in poenam incurrat. Litigiosa res fit super qua lis est contesta-

ta idest quando semel in iudicium Res deducta est \* per protestationes autem, comminationes, aut denunciationes, res not fit litigiosa \*: Itaque ut res fiat litigiosa quaestio in jure moveri debet, inter petitem & possessorem \*. Si tamen agatur personali actione, res non fit litigiosa, cum litigiosi vitium sit reale: Accursius tamen & in hac actione personali vitium litigiosi contingere posse putat, neque enim minus incommodum ex actione personali in re litigiosa quam ex reali aliquando contingere potest, Idemque est utriusque partis interesse, Itaque hanc ille solam adhibet differentiam quod in actione reali statim oblato libello res fit litigiosa, in personali non nisi per litem contestationem \* fit etiam res litigiosa per oblationem libelli principi \*, quæ autem sit poena vendentis aut alienantis rem litigiosam per dictam authenticam apparebit: aliter enim punitur emptor sciens, aliter ignorans; Nam venditor semper scire præsumitur: Quæ poenæ quoniā in dicta authentica plenius continentur, nec in usu nostro locum habent, quod dolendum est, (nunquam enim mihi placuit rei litigiosæ emptio aut comparatio) hic consulto præteruntur. Ratio quare rei litigiosæ alienatio in jure tam odiosa est, quod per eam plerumque adversarii conditio fit deterior: Nam hæc alienatio plerumque in potentiorum fit quibus pares aliquando esse non possumus \*: & plerumque aliud incommodum accidit, ut qui se iudicio pulsari videt, vel rei vindicatione, vel alia reali actione, rem ipsam in alium sæpe transferat, ille rursus in alium, Tertius in quartum, & sic iudicia eluduntur: Itaque rei litigiosæ non solum venditio, sed & donatio, & omnis contractus per quem ut in alium transferatur agitur, In jure prohibetur; & proinde in feudum concessio, & is qui præiudicium patitur, actionem in factum habet ad id quod ejus interest alienationem non esse factam. Sunt tamen casus in jure excepti, in quibus rei litigiosæ alienatio, & proinde feudum permittatur, nempe tam in causa dotis quam donationis propter nuptias: In utraq; favore matrimonii prægravante odium litigiosi, & etiam in causa transactionis, non solum ut liceat de feudo transigere cum eo cum quo controversia est, sed etiam si in tertium alienaverit: Nam per transactionem videtur litem fortasse graviolem redemisse, & sic neque dolus, neque culpa præsumitur, sic etiam in causa divisionis, veluti in hereditate dividenda, vel actione familiæ heriscunda, Res litigiosæ uni possunt assignari, & fortasse viliori pretio, sive ea divisio fuerit voluntaria, & ex consensu partium, sive autoritate; Sic & res litigiosa legari potest, & hypotheca subijci; Apud nostros neque alienatio in feudum prohibetur, nisi quatenus antea monui ex speciali constitutione contra eos qui ex senatu sunt, quibus rei litigiosæ alienatio interdicitur. Sane Justinianus, quemque suam litem persequi voluit, adeo ut si actor destiterit ab actione, tribus edictis unoquoque triginta dierum ad agendum cogatur, si adhuc non venerit, annus ei indulgetur, quo peracto iudex sententiam proferet; Inde puto emanasse apud nos, ut quis in lite mota insiltere cogatur \*. Prohibentur etiam alienari, aut in feudum dari res communes, quarum divisio postulat l. 1. ff. communi dividundo Sic & res quæ sunt in hereditate tantisper dum de ratione adeunda deliberatur. Sunt & aliæ res in jure nostro in feudum dari prohibita; Nam capitale messuagium (ut vulgo loqui solemus) sive principalem habitationis locum vassallus antiquitus alienare ab hærede non poterat, imo nec inde uxorem dotare, sive per donationem propter nuptias infeudare, (In hac enim significatione verbo dotare utor, quia in jure nostro ita multis in locis & etiam apud Anglos usurpari video, ne interim juniores eo offendantur) nisi vel necessitas urgeat, vel alias terras non habuerit \*; Antiquitus pater primogenito in hereditate præiudicare non poterat, infeudando secundo genitum, aut alium inferiorum, aliud tamen in conquestu; Nam feuda acquisita à se, etiam in extraneum transferre potest, utrumque hodie apud nos æque licet, quamvis communiter id fiat sub titulo venditionis. Nam licet feudum concedere, idest gratuito conferre pater non solet, alienare tamen potest: Sic in fraudem liberorum ex primo matrimonio susceptorum feuda tum acquisita, liberis ex secundo matrimonio genitis non poterat alienare \*, nunc potest. Quærit Baldus an res Regni, sive ejus latifundia à principe in feudum dari possunt (loquor hic de non annexo patrimonio) & certum esse eum alienare non posse, concludit hac similitudine \*, Regnum enim inquit sive Imperium, est quasi corpus quoddam integrum & perfectum, omnibusque sui partibus contabulatum, & absolutum, à quo si nunc unum, mox aliud membrum amputaveris, non solum perfecti regni nomen amittit sed etiam collabitur, præsumptio enim hæc est in principe quod nihil ex plenitudine potestatis, aut (ut nos loquimur) ex absoluta potestate faciat, sed tantum secundum juris communis regulas: Sic etiam apud Canonistas, Pont. Max. nihil ex absoluta potestate se facere ait, licet omnia faciat: si tamen ex plenitudine

\* L. 1. C. Communi dividundo  
\* L. 1. C. ibi Baldus C. De Litigiosis.  
\* Authent. De Litigiosis C. 1.  
\* Accursius in d. Authent.  
\* D. Authent.

\* D. Tit. De Litigiosis ff. C. 1.

An quis cogi possit. actionem suam persequi.  
\* D. Authent.

\* C. 10. De Leg. Burgor.

\* Lib. 2. Reg. Majest. C. 21. C. 22.  
\* In promissa feudor. Num. 31.

plenitudine potestatis, vel hic vel ille facere dicat, cessat præsumptio, Sed ut ad Baldum revertar, licet in feudum concedere posse non neget, si non in magnum Regni seu imperii præjudicium & detrimentum vergat, donare tamen posse negat. Itaque *ψευδογέγον* illam Constantini donationem omnino damnat, non tantum quod stultæ pietatis zelo seipsum & imperium enormiter laeserit, sed etiam quod sedem Imperii à se & futuris Imperatoribus alienaverit, Nescierat Baldus illam dispositionem suppositam & confictam esse, ut evidenter hodie à multis confirmatum est. De rebus ecclesiæ antea diximus, quarum alienatio perpetua licet prohibebatur: tamen emphyteosis de jure Civili permittebatur, si res in eorum geratur presentia, quibus hoc lege assignabatur, jurantibus his quorum interest, nihil ex eo contractu ad laesionem divinæ domus effici, solido redditu ipsius rei, quæ fuit cum divino juri dedicaretur, non minuendo nisi in sextam partem, & cætera omnia ita moderanda, ut ab œconomo, & reliquis gubernatoribus ecclesiæ æstimabuntur. Hoc inquam de jure Civili. De jure vero Pontificio quomodo fundorum ecclesiasticorum emphyteuses permittantur, superiori diegeſi declaravimus, & sane jure nostro antiquo, in feudum concedi prohibebantur, nisi regis confirmatio sive consensus feudo accesserit\*. Quod quomodo exoleverit Rom. Pont. omnia ad se trahentibus nescio, Postea sine consensu Pontif. nullum prædium ecclesiasticum in feudum dari potuit, neque ille consentire videri voluit, nisi diligenti inquisitione prius facta, compertum fuisset in commodum & utilitatem ecclesiæ emphyteusim fieri. Itaque hoc modo procedebat: libellus supplex porrigebatur Pontifici Max. à prælato qui in feudum jam locaverat, sive locaturus erat, In quo illud præcipue demonstrare contendeat, emphyteusim illam ecclesiæ profuturam & ejus utilitati & incremento fructuum inservire: At Pontifex cum commodis ecclesiæ se non velle obstare rescribat, neque tamen quia emphyteosis in longinquis & remotis regionibus erat, cognitioni superesse possit, An ea sit utilis ecclesiæ an non, judices delegare solebat, qui de hoc negotio cognoscerent. At delegati accepta commissione, & Curia virtute commissionis ab eis indicta, testes super hoc articulo, (an emphyteusim illa ex utilitate ecclesiæ esset) examinabant, qui affirmative si deponerent, ad Pont. referebant, Ille rursus confirmabat emphyteosin illam tanquam in ecclesiæ incrementum, & commodum non modicum factam: At restaurata vera religione, quæ circa annum domini 1558. cœperat, & publicorum comitiorum autoritate pontificia tyrannide suppressa, jus confirmandi ad principem rediit, sed à principio ita limitatum, ut ad emphyteoses quæ post diem octavam martii prædicti anni factæ fuerant tantum extenderetur. Postea alia constitutione in comitiis quæ habita sunt anno 1584 specialiter cautum est, ne ulla emphyteosis valeat, à Pontifice olim vel Rege non confirmata, nisi Regis confirmatio accederet, quam constitutionem augendi ærarii causa factam nemo est qui nesciat, Sed videtur jus illud antiquum quo confirmatio Regis in omni emphyteosi requirebatur, tantum de eis prædiis intelligi, quæ ex censu regio & ejus patrimonio dotabantur, & quibus Rex erat patronus; Nam & Barones idem juris habere antiquitus videntur in ecclesiis ab iis dotatis, quod & Reges\*, Sed neque id apud eos hodie observatum: Nam ubique Regis consensus seu confirmatio requiritur: Consensum autem ab initio & confirmationem ex post facto æquiparari, constitutio nova voluit\*, & etiam ratio suadet.

\* Cap. 84.  
Legum fo-  
restæ.

\* Jacob 6.  
Parl. 5. c. 66.  
An feudum  
rei alienæ  
valcat.

\* L. rem  
alienam ff.  
De Contrah.  
Empt.

Hæc de confirmatione rerum ecclesiasticarum in feudum sive Emphyteosim locatarum, Superest quaestio, Cum alienationem & concessionem in feudum ita sibi mutuo correspondere proposuimus, ut qui non alienare, nec in feudum dare, qui non emere neque in feudum recipere possunt, Resque omnes quæ alienationi non sunt obnoxia, neque in feudum collocari possint, cur rei alienæ venditio, sive alienatio in jure valeat\*, cum res aliena in feudum dari non possit. Imo quod magis est neque hæres apparens tantisper dum in deliberatione est, Res hæreditarias in feudum dare potest, nec ullus alius qui jus in re non habet licet habere speretur: Sed facile hæc differentia tollitur, Nam venditio rei alienæ, licet non sit irrita, quippe ex qua actio competat ex jure ad rei traditionem, & etiamsi res evincatur, ad æstimationem; Non tamen ita valet ut aliquod rei dominium ad emptorem transferatur; Nam emptor ex hoc contractu nunquam dominus efficietur, cum verum dominum vindicantem exceptione non excludat, tantum de evictione remanet ei actio adversus venditorem: Eodem modo in feudo, res enim aliena in feudum dari prohibetur. Neque enim dominium directum penes concedentem, neque utile penes recipientem consistit, potest tamen actio ad interesse, vel de evictione ei qui accipit competere. Et sic etiam in hoc venditio & feudum conveniunt. Sic & nostrorum hominum sordes hodie effecerunt, ut cum pecuniæ feudum contendunt facere, contra naturæ regulas (cum pecunia pecunias non gignat)



nat) etiam de feudo nonnunquam contrahant, quod est in alterius dominio, ut qui pecuniam sub favore mutantur, ut feudum confiltere videatur, non pecuniam sed feudum etiam eo nomine promittant: Ego sane in his feudum esse constanter ~~pro~~negarem, nisi quod debiti naturam immutatam cernerem, cum in his quod debetur, mortuo creditore, non ad ejus executores (qui tamen in mobilia omnia debent succedere) sed ad heredem bonorum immobilium pertineat, & adjudicetur, & ita senatus censuit. Actionem tamen ad feudi estimationem vel recuperationem sufficere ex contractu tali puto. Imperatorem bona subditorum immediatè illi subjecta in feudum aliis concedere posse sunt qui putant, sed tantum si iusta causa, & utilitas aliqua publica illud postulet & iustum & Conveniens pretium numeraverit, non vero mediatè subjecta. Quod autem diximus feudum rei alienæ non confiltere, imo si ab herede apparente domini fiat, id aliquam patitur exceptionem, nempe nisi is qui concessit in feudum aut apparens hæres, postea verus dominus, verus hæres existat, Nam sic jus superveniens auctori, etiam si & successor prodest. Anglorum enim jure, nemo potest jus quod habet ad rem quam alius possidet, aut actionem quam habet, tertio homini, nec actiones cedere, Itaque cessiones quas nos assignationes dicimus, ibi cessant, Ratio est ne nimium faciles reddantur ad litigandum. Cedere tamen potest Rex suas actiones, quemadmodum & cessio in Regem à quolibet potest fieri. Alias assignationes apud nos licitæ sunt: Sed nisi assignatus jus suum insinuaverit (quod nos intimare dicimus,) tuto cedenti solutio fieri potest; forma autem hujus intimationis assignationum, est ejus coram debitore lectura præsentis notario, & testibus rogatis & requisitis, neque verbalis intimatio sufficit; quod si cedens remanserit in possessione rei assignatæ, sicut prius, & eodem modo quo prius possederat, assignatio non valet.

## De jure Regis in feudis & De Regalibus.

### Diegesis decima quarta.

**I**Nter ea quæ à lege in feudum dari prohibentur, moribus hodie receptum est, ut regis patrimonium numeretur, licet ex jure feudali, Rex aliquam sui patrimonii partem in feudo concedere possit modo successor non magnum fiat præjudicium aut magna fiat Regii patrimonii diminutio. Sed cum temporis processu hæc quantumvis parvæ diminutiones singulis principibus ex jure permittantur, In maximum patrimonii regii præjudicium evaderent, nec alias importunis hominum sollicitationibus principes possent obstare: factum tandem est ut publica lege, publicisque sanctionibus omnes hæc patrimonii regii sive alienationes, sive in feudum concessionem interdicerentur. Sic Hottomannus juris consultissimus tenet patrimonium Regis nulli alienationi, Imo nec præscriptioni subiacere. Duplex autem in uis antiquitus Regium patrimonium testatur Dionysius Halycarnassæus \*: Nam cum Tullius Hostilius in regno Romanorum Numæ successisset, agrum illum publicum, quæ fors & possessio Regum antea dicebatur, quoque Romulus & Numa antea utebantur, tam ad victum, quam exhibenda diis sacrificia, inter egenos dividi viricim mandavit, suum ipsius & familiare patrimonium & ad necessaria victui paranda, & ad deorum sacrificia sustenturum affirmans; Magnum illud frugalitatis & continentie exemplum: Sed longe aliter hodie se res habet, Nam publicum illud patrimonium (quod quasi dos à repub. principi ad onera reip. sustinenda conceditur) nullo modo potest alienari, aliud patrimonium potest: Sed ut tota res facilius intelligatur, præponenda est patrimonii definitio, quam mox sequetur divisio. Patrimonii vox est homonyma; Nam proprie ea pecunia patrimonium dicitur, quam à patre liberi accipiunt, ut patet ex Cic \*. sed hoc nomine tempore jurisconsultorum cujusvis generis bona sive à patre relicta, sive adventitia, sive cujusvis liberi opera parta intelliguntur: Itaque in bonis esse, & in patrimonio esse æquiparantur, sed tandem ad principum bona patrimonii nomen derivatum est, ut proprie illud patrimonium dicatur, quod in bonis principis est. Privati eo nomine abstinere apud nos; sic patrimoniales fundi in jure dicuntur, qui ad Principem pertinent, & ab eo ad tempus vel in perpetuum locantur: Hos fundos qui colunt, Coloni patrimoniales vocantur. In hac significatione hic patrimonium definio, ut sit fundus ad Principem jure domini sive hæreditario pertinet: Illud duplex est, Nam aliud patrimonium publicum dicitur, aliud privatum. Privatum est quod ad

Patrimonium Regis duplex.  
\* Lib. 3.

\* Lib. Offic. & Orat. pro Posthumio. Patrimonium principis quid significet.

cum

*Divisio Regii Patrimonii in annexum & non annexum.*

*Quid sit non annexum patrimonium.*

\* Tac. 2.  
Parl. ii. Aft.  
41.  
\* Tac. 2.  
Parl. 14.  
Aft. 71.

eum non jure Coronæ, sed per successionem alicui privato, aut alio jure pervenit, veluti si ab aliquo fuerit hæres institutus, aut propinquo alicui successerit, aut quicquam à privato comparaverit, & breviter quod ad eum non ut principem, sed tanquam Antonium, Arcadium aut Honorium pertinet. Patrimonium autem publicum est quod ad eum jure coronæ sive ut Principem pertinet, quasi ex toto regno ad regiam dignitatem, & regni onera sustinenda separatim & sepositum, & quasi dos principi à repub. concessa ad ejus dignitatem sustinendam: Et hoc rursus duplex est, aliud enim proprium Regis patrimonium est, aliud fiscale, quod ex delictis ad eum & ejus fiscum provenit, Nos prius annexum patrimonium dicimus, nempe illud quod propriè Coronæ patrimonium, aut redditus Coronæ vocatur, quod non solum alienari ex jure utriusque Regni prohibetur, sed etiam Rex in sua inauguratione solenniter jurat se illud patrimonium intactum & illibatum servaturum, nec in alium translaturum: Itaque hujus patrimonii in feudum concessio, ex regni constitutionibus omnino est prohibita: & in tali patrimonio Rex loco tantum Curatoris vel tutoris aut alterius administratoris est, qui meliorem conditionem rei sibi commissæ facere potest deteriori non potest; Nam ut Coronam sic bona Coronæ Rex non potest alienare, si enim hoc permetteretur, sensim & non sentiendo regnum in interitum prolaberetur. Non annexum illud habetur quod ut dixi ratione privata aut successionis testamenti, vel etiam ex eo quod Rex est, idest ratione eschete sive accidentaliter obvenit: Escheta enim ab accidendo deducitur, & in talibus feudum à Rege concessum recte consistit, ut in Bastardia sive forisfactura & ex iis obvenientibus, & in his liberam administrationem Rex habet, Neque enim dignitas ei officere debet: neque tamen vel hoc apud Gallos nisi ex justa causa alienare licet, Sic Ducatus Lævinæ qui ad Regem per successionem devenit, rite in illustrissimum Ducem Iſvinæ Ludovicum Stewartum translatus est. Origo autem annexi patrimonii non alienandi à facilitate principum (qua nullum in principe majus vitium aut incommodius esse potest) processit; Nam cum importunis precibus Improbi cujusque pares esse non possent, in eas Angustias sæpe deducebantur, ut deesset unde pro dignitate Regia sustineri possint: Huic malo ut occurrerent, publicis Regni comitiis statutum est, Jacobo secundo regnante, ut certi comitatus & prædia pro dignitate regia sustinenda unirentur, ea lege ne sub quocunque prætextu aut occasione Principi ea alienare liceret, nisi causa alienationis pro publica regni dignitate & commodo examinata, & probata; alioqui non solum irritam eam alienationem futuram, sed etiam feudum illud, sive rem alienatam brevi manu idest sine strepitu judicii & non minus ope exceptionis quam actionis Regio fisco repetendam & vendicandam, sed ad ipsum statutum lectorem remitto\*, verum usque adeo nobis non constamus, ut eo ipso Rege regnante alia constitutio sit facta, ut omnia prædia in feudum locari possint, Rexque exemplo præiret\*; postea dissolutiones inventæ sunt, quæ sub prætextu rei, i patrimonii annuatim, & rentalis augendi speciosam ejus alienationem permetterent, maximo Principum malo: Nam cum hæc feuda pro annua pensione monetæ constituerentur, neque monetæ valor idem semper permaneret, fraude & perfidia pessimorum hominum qui Regi adblandientes, invitati alicujus lucelli spe mutarunt monetæ & formam & æstimationem; & res eò jam devenit, ut quæ olim uncia argenti duobus aut tribus solidis æstimabatur, & sub eo valore excusa per manus omnium reciperetur, nunc ad sexaginta solidorum æstimationem extendatur, crescente cum pecuniæ æstimatione, rerum etiam pecunia æstimatarum, feudi solutione interea in eodem statu permanente; adeo ut cujus feudi merces antea in pretium duodecem boum, aut quadraginta pecudum sufficiebat, vix unius bovis aut trium pecudum valorem exæquet: Tales dissolutiones factæ sunt primum Jacobo quarto, mox etiam quinto, & tandem serenissimo nostro Principe Jacobo sexto regnantibus: Non quod ego feuda hæc sive emphyteuses damnem, aut rescindi velim, Imo potius ex maximo Reip. commodo constitui posse credam, si omnia hujus Regni prædia in feudum concedantur: Sic enim politia regni cresceret, agri meliorarentur, desertæ colerentur, arbores quarum inopia laboramus plantarentur, ades elegantiorum formam acciperent: Sed quod non putem conducere, ut merces emphyteosis sit in pecunia numerata, sed vel in frumento, hordeo, avenis, lana, veste, & uncis argenti vel auri excusis, quod in aliis gentibus plerisque hodie observari videmus, & antiquitus observatum fuisse legimus tam in militum stipendiis & menstrua mercede, quæ plerumque præter pecuniam in frumento, farina, tunicis, caligis constabant, sed etiam in locationibus tam annuis quam perpetuis. Sed ut ad annexum patrimonium revertamur. Prædiorum quæ in hoc annexo patrimonio numerantur feudum prohibetur, nisi meritorum ejus cui conceditur examinatio & approbatio

approbatio à tribus Regni ordinibus præcedat : neque enim sufficit, licet in verbis narrativis Principis centies meritum mentio & confessio fiat, ut hoc feudum valeat : Cum tamen aliqui verba narrativa ejus qui disponere potest in investitura fidem faciant, quod nuper in causa Alexandri Lyndesii de Spynie accidisse novimus, qui nisi ordinum Regni declarationem de suis in Regem rempublicamq; meritis obtinuisset, frustra de virtute sui infeofamenti narrationem meritum continentis, cum regio procuratore contendisset, licet humanissimus princeps ei iudicio Lyndesium promovens, & favorem ei undique concilians adfuisset ; exempla eorum qui ea infeofamenta antea à tribus ordinibus approbata receperunt sunt dominorum Altria, & Torphichen, nisi quod hoc posterius ante annexationem fuit impetratum. Rex tamen terras suas tam annexas quam non annexas in feudifirmam locarentali ( ut aiunt ) & serviciis ac gressum non diminutis potest : sed hoc cavebatur temporalibus quibusdam statutis Jacobi quarti, Jacobi quinti, & tandem hujus serenissimi principis Jacobi sexti temporibus. Est tamen aliquis casus in quo alienatio aut investitura de re ad regium patrimonium pertinente valeat, nempe si ejus valor cum patrimonio regis remaneat, veluti si Rex permutaverit terras cum privato, In quo tamen diligenter cavendum est, ne fraus Regi eo prætextu fiat, & nisi in his duobus casibus Rex brevi manu rem suam vendicat. In Anglia Rex revocat, & revocare etiam tenetur. Sed & hoc in patrimonio Regis intelligendum, quod totum Regnum quodammodo dici potest ejus patrimonium ; Nam jure prærogativæ Regis omnium terrarum quæ in ejus sunt dominio primam habet fasnam, quam & capit cum sua corona, adeo ut illa sit pro totius regni & omnium in eo terrarum fasna, & hæredes quicunque quasi ab ejus manibus capiunt : Rex autem superior non potest in præjudicium sui vassalli superioritatem alienare, aut alii eum invitum subdere nec Civitatem aut Cives invitos alienare, aut alteri mancipare : ( vide Balsurium de tota hac re, ) Patrimonium autem principis, non potest à Rege ut Rege disponi, sed tantum tanquam à tutore Principis. Sunt & alia quæ in annexo patrimonio numerantur, quæ Regalia dicuntur, eo quod ad conservandam Regni dignitatem ex consensu ordinum constituta sint, quæ in juribus & rebus incorporalibus consistunt.

Quæ autem sunt Regalia speciali titulo videre licet, nisi quis putet titulum illum esse paragraphum constitutionis Imperatoris Friderici, quod & verisimile est, Regalia igitur sive Regalia ( utrumque enim nomen reperio ) referuntur in textu, Armantiæ, Viæ publicæ, flumina navigabilia, & ex quibus fiunt navigabilia, Portus, Riparica, vectigalia quæ vulgo dicuntur Telonia, monetæ, mulctarum, pecuniarum compendia, bona vacantia, & quæ ab indignis legibus auferuntur, nisi quæ sint quæ specialiter conceduntur, & bona contrahentium incestas nuptias, condemnatorum & proscriptorum, secundum quod in novis constitutionibus continetur, Angariorum, Parangariorum, plaustrorum, & navium præstationes, & extraordinaria collatio ad felicissimam regalis numinis expeditionem, potestas constituendorum Magistratuum ad justitiam expediendam, Argentariæ & Palatia in Civitatibus consuetis, Piscatorium Reditus & Salinarum, & bona committentium crimen læsæ majestatis, & dimidium thesauri in loco Cæsaris inventi, vel loco Religioso, non data opera, Si data opera totum ad eum pertinebit. Primus autor hujus tituli in confesso est, nempe Fridericus primus Imperator, Nam incuria Imperatorum pæne apud Ligures neglecta exolevisset, nisi Fridericus domita Lombardia Imperii Jura in Civitatibus, & in tota ea regione renovasset ; Licet non omnia in hoc titulo sive paragrapho connumerentur, ad ea tamen quæ commemorantur, quoniam obscuritas quædam in verbis est explicanda, pauca sunt subjienda.

Armantiæ sive armanix vox barbara est, neque de significatione satis inter interpretes convenit, Communis sententia est loca publica fuisse, ubi publica arma custodiebantur, idest armamentaria publica, quæ loca Imperatores semper sibi solis vendicarunt, & à quibuslibet Civitatibus habebant, Arsenalia adhuc in Italia dicuntur ; hodie in his fabricis, tormenta & arma quæ publica sunt deponuntur, constantur & custodiuntur : Alii interpretantur jus armorum fabricandorum & vendendorum intelligi, quod Armanniam vocat hic Obertus, Princeps enim solus hoc potest jure communi \*. Qui plura de hac re cupit, legat Novellam illam Constantini quæ de armis inscribitur Collatione 6. Viæ autem Publicæ, ( nam de privatis hic non loquimur ) sive Regales sive Regiæ, sive consulares, basilicæ sive militares ( nam his vocibus promiscue scriptores utuntur ) inter regalia numerantur, Itaque publicè muniendæ & reficiendæ sunt ; Nam & Curatores muniendarum viarum publicarum constituebantur, & impensæ aliquando à vicinis, pro quantitate & qualitate adium adjacentium

*Quæ dicantur Regalia.*

*De Armantiis.*

*\* Authent. De Armis.*



um exiguntur. Via autem publicæ solum est publicum sive regium, & in eo ædificare non licet; imo apud nos, purpæturam censetur committere in principem si quis sine ejus venia in scriptis impetrata, aliquam viæ publicæ partem arctet aut in ea ædificet. In ea tamen certum est viatoribus equos dum in expeditione sunt pascere licere, Imo & gramina ex ripis carpere, & ultra ripas idest ex altera parte ripæ quatenus brachio attingere possunt. Has autem vias magistratus à prædonibus, furibus, aut latronibus, plagariis, tutas, & securas præstare debent, & suis sumptibus, præcipue si telonia eo nomine capiant, alioqui si quid per vim ablatum fuerit in via publica refarcire tenentur, non tamen in litem astimandum sed quatenus testibus probari possit. \* Flumina navigabilia quæ dicantur nemo ignorat; Nam flumina navigabilia, & quatenus sunt navigabilia inter regalia numerantur, & ad principem pertinent, licet jus navigandi imo & piscandi ad privatos (nisi in piscatione salmolum ut postea dicemus) ita ut nemo ex flumine publico aquam ducere possit ad privatam molam, sine Principis licentia: imo ne cum Principis licentia si usus publicus impediatur \*. Sequitur in textu etiam ex quibus fiunt navigabilia per quæ verba intelligitur jus reddendi flumen navigabile, inducendo in ejus alveum alios rivulos, vel amnes, vel impedimenta tollendo quæ cursum impediunt, Et sic fluminis coarctandi, sive dilatandi, potestatem esse regii Juris constat. Sane hæc flumina navigabilia antea erant publica, & totius populi, hodie in personam regis sive principis sunt translata, ut qui patris patria, & populi tutoris personam sustinet; Itaque qui naves in flumine publico exonerant, vectigal regi præstant, neque in eis piscari licet nisi quis jus à principe obtineat.

*De Portu-  
bus.*

Portus autem sunt in quibus naves appellunt, & tributum quod inde exigitur portorium dicitur, quod ea tantum causa à principe introductum est, ut portus locis idoneis aut constituerentur aut munirentur, aut reficerentur, Nam ea sola justa causa à principio vectigalis exigendi erat, ut pro salute navium portus aptarentur, ut hodie eo nomine tributum Lethensi portui impositum vidimus, semel impositum, facillime continuatur.

*De Ripari-  
is.*

Ripatica autem ea dicuntur tributa, quæ aut ripæ muniendæ, aut pontis in amne custodiendi causa capiuntur, qualia in Galliis sunt frequentissima, nempe in Sequana, Ligeri, Garumna, & reliquis majoris notæ fluminibus, Ique prætextus ab initio portorii imponendi fuerat: Apud nos exempla sunt rariora, nisi in ponte Perthenfi, Deensi, aut Glafcuensi.

*De teloniis.*

Telonia vero sunt vectigalia quæ pro tella sive mensa capiuntur, & proprie dicuntur mensæ sive stationes, in quibus publicani regis nomine vectigalia regia exigunt, à Greco nomine Τέλα quod inter cætera tributum significat; unde telones, sive telonæ. Hic tamen generaliter pro omnibus vectigalibus usurpatur, quorum jus ad solum imperatorem aut Regem pertinet.

*De Vectiga-  
libus.*

Et quoniam in vectigalium mentionem incidimus, unde dicantur, quando & quomodo imponi debeant, quos teneant, quos non, & denique quæ sit pœna vectigalis non soluti, aliqua subjiçienda sunt. Vectigal autem deducitur à vehendo, quod rerum vectarum (1) evectarum, aut in urbem invectarum onera sint. dixi in rebus invectis, aut evectis, quoniam in his proprie vectigalia consistunt: Vectigalis autem definitio est ut sit Reditus sive proventus ex navium, plaustrorumve oneribus, aliisque rebus venalibus exurgens, quæ aut equis, plaustris, Mulis, navibus, Cymbis, veniunt in Civitatem, aut per Civitatem adducuntur: Dixi per Civitatem, Nam sæpe etiam rerum in Civitatibus factarum, aut positarum vectigalia exiguntur, & hæc onera sunt onera patrimonialia, sive regalia, & ratione rerum venalium non personarum exiguntur: Nam quæ à personis per capita vel ratione personarum colliguntur, collectæ dicuntur. Qui non solvit vectigal impositum rem amittit de Leg. Burg. & stat. Malc. Regis 14. de judiciis c. 20. & 21.) Hæc vectigalia si in portu solvantur, portoria; si in ripa, ripatica; si in terra telonica dicuntur. De quibus postea.

*A quibus  
vectigalia  
imponuntur.*

\* Schon.  
Disp. feud.  
dal. Disp.  
4 Thes. 92.

A solis autem principibus qui superiorem non agnoscunt vectigalia imponi possunt: nec semper, nisi justa causa, & prægravante, veluti ob utilitatem & necessitatem publicam, nec nisi volentibus & consentientibus subditis imponi ab initio possunt, nec continuari nisi causa impositionis duret \*, Sane ab initio non imponebantur, nisi quoties publica necessitas urgebat, nec nisi qui summum imperium tenebat, vectigalia aut tributa imponere poterat, ut dixi, neque solus, sed cum populi & ordinum consensu, ut apud nos constitutione cautum est, sed sæpe fit ut quæ ab initio principibus, vel dono data sunt, vel ut principis insperatam aliquam necessitatem in qua sine suo merito incidisset levarent, aut ut Is honestius & beatius familiam suam aut dignitatem tueretur, temporum decursu ad solvendi necessitatem redacta

redacta, & quasi jure optimo debita exiguntur; Primam tributorum sive vectigalium mentionem in scriptura sacra legimus, inter ea onera quæ Samuel à regibus imponenda prædiceret, Cum stultè populus gubernationis formam murari postulasset. Davidi sane Israelitarum regi, Ammonitarum, & Idumeorum Reges bello fracti annua stipendia solverunt\*: Persarum Reges patrimonio suo contenti, nihil à subditis exigere solebant, sponte sua accipiebant. Darius Histaspis qui equi hinnitu regnum consequutus est, primus Persarum tributa imperavit; Romanis, regum suorum, & præcipue Servii Tullii imperia & necessitates expresserunt. Victa à Paulo Emilio Macedonia à pendendis tributis liberati sunt. Apud Gallos Ludovicus nonus primus tributa imperavit, sed necessitate bellorum coactus, confecto bello substitit. Extat ejus morientis ad Philippum filium exhortatio, ejus testamento inserta\*. Religiosus, fili, imprimis esto in deum, benignus & liberalis in egentes, legum & morum hujus imperii vindex, & custos acerrimus, à vectigalibus & tributis abstineto, nisi summa vis necessitatis aut utilitatis publicæ justissima causa ad hoc impellat, sin minus tyrannum te potius quam regem futurum putato. Sane miserrime perjisisse legimus qui novorum tributorum in populo auctores erant; Nam præter multos reges, foliis suis ob hoc unum exturbatos, domesticis exemplis abundamus, Phylisto Dyonissii tyranni parasitus quod tributum novi imperandi author crederetur, à plebe Syracusana trucidatus est, Idem accidit in Proclero Theodeberti francorum Regis consiliario, qui à Treuirensi populo Lapidibus obrutus est, Et non ita pridem Prescho Erici Suecorum Regis assentator impetu plebis in ipsum & palatium irruentis omnibus tormentorum generibus trucidatus est: Nec alia res Belgium ab imperio Hispanorum nuper avertit quam tributorum gravissima per Albanum Ducem impositio. Sed ut ad tributorum impositionem redeamus, Civitates si aliqua onera imponant, quod parce permittendum est, ad necessarios tantum usus imponere possunt, & quod ex oneribus his colligitur, in publicum Civitatis & reip. usum converti debet: Hac onera alii afsisas vocant, nec sine publico totius Civitatis consensu, ad evidentem (ut dixi) illius vel utilitatem vel necessitatem imponuntur. Vectigalibus vero quæ à principe imponuntur, consensus trium ordinum requiritur; Nam quod omnes tangit, ab omnibus debet approbari. Hac autem vectigalia qui exigunt, & omnia itinera & vias ad ea deferentes tutas & securas reddere debent, alioqui damnum per ea loca facientibus, refarcituri ut antea monui, saltem malefactorem exhibere tenentur, quæ ratio pro Rege Daniæ adducitur. Nam licet immensum illud & iniquissimum vectigal ad Elsinurum è singulis navibus præternavigantibus exigatur, licet ibi portum non faciant (ut loqui solemus) & nullo jure & ratione nitatur, Cum navigare in mari sit juris publici, à quo nemo sine injuria prohiberi potest: Hoc tamen prætextu & hac specie se tuctur quod onus hoc ei tanquam Maris admirallo sive Thalassiarcho sit publice impositum ab omnibus Baltici maris accolis, ut omnia littora ad mare adjacentia à prædonibus & piratis purget & tueatur, ut tuta navigatione maritimæ Civitates inter se frui possint; speciosus quidem prætextus & fortasse ferendus, nisi quod vectigal illud quod ab initio erat tolerabile, nunc nemine opponente in immensum excreverit. Sic officium Thalassiarchi in omnibus Regnis institutum, ut maria sui principis à Pyratibus purgentur, & propterea quædam privilegia in grave privatorum præjudicium iis à lege sunt concessa; neque vereor affirmare eos & in deum, & adversus principem suum graviter peccare, & etiam remp. qui sub horum officiorum prætextu utilitates & commoda carpunt, injuncta & innata onera negligunt: Nec dubito si quis privatus damnum in mari à piratis passus, summo jure urgeat, quin Thalassiarchus vel in damni illius quod à piratis quis passus est estimationem, vel ipsorum Piratarum in judicium exhibitionem teneatur; Cum commodum & onus simul conjungi debeat, & naturaliter qui commoda percipit, oneribus est obnoxius. Solvi etiam debet vectigal ab eo, qui ratione mercium in id tenetur, adeo ut etiam contra conscientiam peccet, & furti poterit alligari, qui principem suo jure & commodum fraudat. Apud homines non soluti vectigalis poena est, rei vectigal debentis amissio, sive confiscatio: In qua tamen, declaratoria judicis opus est; adeo autem res propter non solum vectigal in commissum cadit, ut licet sit etiam res communis, & socius ignorante socio rem in urbem invexerit, aut evexerit, fraudemque in vectigalis solutione commiserit, tota tamen res in commissum cadit, & ut loqui solemus confiscatur, Et sic quod meum est sine facto meo in alium sæpe transit, contra juris communis regulas\*. Quod in aurigis, Naucleris, & famulis rem alienam gerentibus locum habet, quod introductum est tam in odium eorum qui contra remp. & ejus communis utilitates peccant, quam quod imputare sibi quisquam debet, quia non præviderit, aut negligenti homini jur.

\* 2. Sam.  
cap. 8.

\* Bodinus  
Lib. 6. De  
Repub. c. 21

\* L. quod  
meum est ff.  
De Regul.  
jur.

\* L. 9. §.  
Quod illi-  
cite ff. De  
Public. &  
vestigal.

Quis dica-  
tur forensis.

\* L. 4. §.  
d. l. 9. §.

earum re-  
rum ff. Eod.

Qui a solu-  
tione Vestig.

galium sunt  
immunus.

\* Schon Lib.  
I Disput. 4.

Thes. 70.  
An Princeps

rescripto  
possit Vestig-

gal remitti-  
cere.

De Collectis.

An in Col-  
lectis esti-  
manda sunt  
facultates  
extra illud  
territorium.

An privile-  
gio territorii  
renunciare  
quis potest  
ut collectam  
effugias.

\* Bald in  
proem feud.  
& Schon. in  
Disput. feud.  
Disput. 4.  
Th. 117.

\* L. unica  
C. De his  
qui a prin-  
cipalibus acce-  
perunt.

aut fraudulento rei suæ administrationem commiserit ; Ita tamen ut qui à delicto immunes sunt, ab iis qui rem eorum administrarunt, omne damnum & causam possint exigere : si publicanus tamen plus exegerit quam debetur, cum pœna tripli restituendum est in jure \* ; si forensis aliquis sit qui non solvat, excusatur, sed cum hac moderatione, & excusatione, si juraverit se ignorasse vectigal in eo loco constitutum esse, vel solvi debere, forenses cum dicimus qui non est ex eo territorio, sive ut feudistæ loquuntur ex eo districtu : Porro in vectigalibus vel eorum quantitate, semper institutio vel consuetudo spectanda est \*. A solutione vectigalium sunt immunes scholastici, personæ ecclesiastica, nautæ publica annonæ causa servientes, nobiles & generosi, quique ex principum sunt consilio sive Camera, Parliamentorum senatores, consilarii, assessores, referendarii seu scribæ fiscales : Quod ad res attinet, bona quæ non distrahendi causa adferuntur, sed ad usum proprium vectigal non solvunt, sic quæ ad fiscum pertinent : & quæ in usum legatorum publicorum & exercitus comparata sunt : Ita tamen ut qui eas adferet, profiteri res esse tales debeat, & nisi profiteatur, res ipsa in commissum cadet \*. Harum autem personarum, quas dixi immunes, Res, à vectigalium præstatione sunt Libera, quamdiu eorum sunt ; Nam si quovis titulo ab iis qui immunitatem habent alienentur, seu in alios transferantur, vectigalibus sunt obnoxia. Princeps vectigal rescripto remittere non potest, in ejus præjudicium qui vectigal certa mercede conductum habet, nisi princeps ei aliter paratus sit satisfacere ; qui falsum domini nomen ad fraudulenta vectigalia supposuerit, veluti si res dicatur ad eum pertinere, qui à solutione immunis est, cum tamen non fuerit, publicatione rei punitur, etiam si Is qui à solutione immunis est, illam rem suam profiteri velit, si tamen revera alterius fuerit. Et hæc de vectigalibus quæ sunt realia, & ratione rei imponuntur. His affines sunt collectæ, licet vectigalibus non annumerentur, tamen inter regalia & ea referuntur, & à solis principibus imponi possunt, non semper, neque quavis de causa ; sed propter necessitatem ejus regni, vel alicujus provincie, vel rei in aliqua provincia fortasse constituta, quemadmodum nuper vidimus pro ponte Pertheni restaurando. Imponi aliquando possunt ab inferioribus, sed non nisi ex certa scientia, cum rescripto, sive Licentia principis & tum aut propter aliquam Civitatis, territorii aut provincie necessitatem, alioqui rescriptum Principis eo nomine surreptitium præsumitur. Sunt autem hæc collectæ onera merè personalia, & omnibus personis sine exceptione imponuntur, non æqualiter per capita : sed servata æqualitate per modo facultatum, & patrimonii personæ. In qua estimatione tria occurrunt, quæ questionem movere possunt. Primum, An in his collectis quas taxationes vulgo dicimus æstimandæ sunt facultates extra territorium illius sitæ qui collectam indixit : & sane communis feudistarum opinio, etiam & eas facultates in collectis æstimari posse, & pro earum ratione collectæ modum imponi. Secundum, utrum quis privilegio suo quod in territorio habet potest renunciare domicilium mutando, aut forte bonis in eo territorio sitis cedendo, ut ab indicta collecta immunitatem habeat, & in hac questione dd. omnium est opinio, post indictam collectam non posse, ante vero posse, quod in usu nostro observatum vidi, in cive quodam Edinburgensi, qui cum se taxatum supra facultates, & vires patrimonii graviter quereretur, & Civitatis juri renunciare, eamque ejurare se paratum diceret, non tamen admissus fuit, nisi sub ea conditione, ut collectæ jam indictæ satisfaceret, post ab indicendis collectis liberaretur, si modo civitatem ejurasset \*. Tertium est, An Emphyteuta collectam solvere teneatur, An vero dominus proprietatis, præcipue cum fructus, aut pro fructibus pensionem aut mercedem accipiat ab Emphyteuta : quod etiam ad conductiones & locationes, quas nos assedationes vocamus sive decimarum sive aliarum rerum trahitur, & sane sub hujus questionis onere gravissime dd. Laborant. Ego sane si quid specialiter de ea re provisum fuerit, illud sequendum censeo, si nihil cautum sit consuetudinem servandam, Si neque consuetudo appareat, dominum pendere debere puto, cum pro omni actione & demanda ut ajunt quæ de terris exigi quovismodo possit, liberare emphyteutam teneatur : forenses tamen qui extra territorium habitant, licet bona in territorio habeant non solvunt collectas : Cum collectæ non sint onera realia, neque ratione rei imponantur, sed tantummodo personis, Itaque qui extra territorium habitat, collecta gravari non potest, nisi consuetudo obstiterit. Princeps pro filia elocanda collectam imponere potest, Immunitas autem à collectis impetrata ob bene merita, non facit fidem de bene meritis si per solam concedentis narrationem constet, nisi aliud evidenter probetur \*, Immunitas concessa Civitati ad bona singulorum non extenditur. Omnes autem immunitates & privilegia solent stricte accipi, ita ut nec rem nec personam, ratione cujus conferuntur, egrediantur.



tur. Itaque qui immunitatem habet ratione alicujus ordinis, si ad alia munera à suo ordine aliena divertat immunitatem amittit \*. A collectis sunt immunes pauperes, & qui 12. liberos uno tempore vivos habuerit, etiam si qui postea sunt mortui, sic praesidentes, jurisconsulti, & omnes qui vocantur membra sessionis, & medici. Et hac de vectigalibus & collectis, jam cum textu procedamus ad reliqua regalia.

Monetæ feriendæ jus ad Reges & imperatores tantum pertinet \*, licet multis principibus in Germania, & etiam Civitatibus imperialibus, Caesarum indulgentia id permissum sciamus, quod & à priscis moribus abhorret & maximo cum reip. malo fieri videmus : In quo hoc unum tantummodo moneo, ut quotiescunque nova monetæ cuditur ( quod nunquam sine privatorum damnis, & rerum ad humanos usus necessariorum aucta aestimatione fit ) ut Regula illa semper servetur, ut tantum valeat monetæ in forma excusa quantum in massa & materia valet \*: Aliter regulam hanc alii ponunt, nempe monetæ excusa aestimationem talem debere esse, ut ubique idem sit ejus valor ; quod fieri non potest, nisi respectu materiæ, nulla ratione habita formæ : sed hoc malè observari ait Bartolus \*: Querunt hic aliqui, si hoc sequamur, unde expensæ in monetæ faciendâ fient ! Respondent multi aut non cudendam esse, & tunc aliarum gentium monetæ pro valore tantum utemur, ( ut in Polonia hodie fieri solet, non sine magno illius regni commodo ) aut sumptum ex publico fieri debere, ne publica utilitas minuatur \*, quod planissimè fiet, si pecuniæ aestimatio crescat. Nam ad ejus incrementum omnium rerum quæ pecunia comparantur aestimatio crescit.

Alii mitius rem tractant, nempe ut impensæ ex ipsa monetæ sumantur, quod fiet, si aliquantò plus monetæ in forma quam materia valeat, quæ forma si rursus in massam redigatur, tanti valoris, quanti antea in massa fuerat, erit, deducto tantum modico pro impensis, & hoc apud omnes ferè gentes hodie observatur, Sanè Principes, belli aut necessitatis tempore monetæ valorem extendere solent, nempe ut unde militibus, exercitui, & annonæ sufficiat, habeant, finito autem bello tenentur principes ad interesse, nempe ut omnem illam pecuniam ad se recipiant, & antiquæ bonitatis, & valoris nummos pro ea restituant ; Imo & principes aliquando monetæ aestimationem contrahere sive minuere solent, ut recepta ad se omni pecunia, eam denique minoris valoris excudi faciant, & in populo distribuant ; Sed his artibus gravissimè in remp. peccatur : Itaque apud plerasque gentes cautum est, ne princeps monetæ novæ aestimationem supra massam aut pretium quod in cursu est, sine populi consensu extendere possit \*. Paria enim in jure sunt novam excudere, & excusæ valorem extendere ; Nam ut censent doctores, omnes principes sub periculo animæ secum meditari debent, ne vel privati compendii causa monetam aut augeant aut minuant, neutrum enim fieri potest sine maximo reip. incommodo ; Nam quod fisco accrescit, populo decrevit, & subtrahitur, & si non furtum certè furto proximum committetur, cum rerum privatarum pars iis mediis subtrahatur & fisco vendicetur. Si quis enim praterita in memoriam revocet quæ à quinquaginta aut circa his annis evenerunt, mirabitur qui fieri potest, ut argenti uncia quæ tempore Pinquinæ cladis in massa tantummodo marcæ valebat, jam vero ad quinque fere sit extensa, quorum quatuor progressu temporis in fiscum redierunt, sed sensim & paulatim decremento latente & fallente decipimur ; Nam si monetæ in veteri statu mansisset, non tanta omnium rerum quæ ad victum pertinent caritas hodie esset diffusa, sane ex hac corruptione numismatum, nemo quantum in bonis habeat constituere potest, incerta sunt pacta conventa, quæ versantur in societatibus, in tutelis, in mandatis, emptione, locatione, & reliquis omnibus contractibus, quibus vitæ societas continetur, incerti redditus, incerta omnia. Sed quoniam inter mercatores gravissimæ aliquando contentiones ex hac monetæ mutatione oriuntur, nonnulla subjiciam, ex quibus, cujus periculo monetæ aestimatio crescat, & quid in eo incremento unus alteri prestare debeat, facillime intelligetur, & primo si inter subditos diversorum Principum res agatur, creditor suam pecuniam à debitore in illius principis monetæ cui debitor subest, si aliquid dampnum aut prajudicium sit, non cogitur recipere \* ; Imo quod majus mirum est, inter unius quidem Principis subditos, Creditor à debitore pecuniam debitam, si aestimatio ejus jam creverit, non cogetur recipere, si non fuerit ejusdem bonitatis, quo ad aestimationem massæ, in qua cum crederetur fuit : Itaque in omnibus hisce redemptionibus quæ apud nos frequentissimæ sunt, graviter errari puto, quod creditor aucta aestimatione nummorum, pecuniam creditam recipere cogatur, cum jam non

\* Schonert.  
lib. 1. Disputat. 4. Theol. 97.

Monetæ feriendæ jus.  
\* L. penult. de ultim. C. de fals. monetæ.

\* L. 1. ff. De Contrah. Empt. &c.  
\* Super L. 2. §. 1. ff. Si certum petatur.  
\* Bartol. in d. l. 1. ff. De contr. Empt.

\* Innocent. & Joan. Andr. in cap. De jurejur.

\* L. Debitum rem. 99. ff. De Solut. & ibi Bartol.  
In qua pecunia creditur debitor recipere tenetur crescere monetæ aestimatione.

non sit ejusdem valoris & pretii cuius dum crederetur erat : Sed semper in his observandum est quid inter contrahentes convenit ; Nam si inter eos conveniat ( ut apud nos fieri solet ) solutionem fieri in usuali regni moneta ( sic enim communiter loquimur ) pro tempore cursum habente, conditio hac servanda est, Isque valor qui publicus est, in privata solutione sufficit. Sed sunt qui in aureis nummis ( quæ scuta vocamus ) sive Angelotis & testonibus, solutionem sibi fieri provident, & stipulantur, & tum eadem genera aut eorum valor in bonitate & pondere sunt restituenda, ne creditor sua benevolentia, qui forte gratis pecuniam crediderat, damnum aut dispendium patiatur \*. Si tamen non convenerit de generibus nummorum, sed tantummodo ut ejusdem bonitatis pecunia reddatur, & hac quoque conditio servanda est, nempe ut pecuniæ valor secundum massam aestimetur. Si nihil expresse inter partes convenerit, & interim monetæ aestimatio crescat, videndum quis in mora fuerat ; Nam si debitor in solutionis mora fuerit, & post moram contractam pecuniæ aestimatio crescat, periculo debitoris id fit, qui non suo tempore solverat, Idem in creditore si mora recipiendi fuerit, & ei debitum offeratur : Si nulla in alterutro mora fuerit, sed ut in pignore aut deposito creditor dominus remanserit, eadem pecunia est restituenda \*. Si creditor dominus haud remanserit veluti in mutuo, tunc pecunia ejusdem valoris est solvenda, alioqui creditor suam pecuniam ex contractu, nisi in ea aestimatione quæ tempore contractus fuerat, recipere non tenetur ; Credibile enim est utrumque contrahentium sic voluisse & consensisse, si talis pecunia in usu non sit, ut altera solvatur ejusdem bonitatis, qua prior tempore contractus fuerat. In ultimis voluntatibus tempus solutionis inspicitur, Nam hic legatarii commodum vertitur, sic in decimis, tributis, vectigalibus, tempus solutionis semper inspicitur ; si solutio permittatur in denariis seu denariatis, debitoris est electio ; Itaque creditores rectè fecerint, si in credenda pecunia adjiciant suam pecuniam reddi in eodem pondere, eadem materia & cursu. Et hac de solutionibus inter privatos, & quoniam de monetæ aestimatione diximus, quomodo aestimetur, aliquid adjiciendum est.

*De Monete  
seriendâ  
aestimatione.*

*Quid sit ar-  
gentum pu-  
rum.*

Moneta Itaque vel ex materia vel ex forma aestimatur : forma est publicus ille character quo moneta autoritate principis sui publicè imprimitur, Materia autem nihil aliud est nisi massæ bonitas aut in auro aut argento, bonitas autem secum trahit qualitatem & pondus, & ut bonitas monetæ & ejus corruptela in æris mistione melius intelligatur. Argentum purum dicitur, quod est duodecem denariorum, idest per duodecem gradus diversos distinguitur, ita ut nullum argentum purius esse potest eo, quod duodecem denariorum dicitur ; Nec etiam ullum argentum excusum huic bonitati argenti par est, sed necessario aliquid æris est admiscendum ut facilius excudi possit, Itaque cum libra argenti ex duodecem uncis constet, & ex his duodecem uncis dimidium uncia argenti puri subtrahatur, & ejus loco dimidia uncia æris substituitur, tum dicitur argentum sive nummos argenteos esse puritatis undecem denariorum cum dimidio. In qua bonitate & puritate, purissima hodie moneta qua utimur excuditur, quales fere sunt Regales argenti Hispanici. Si ex hac libra adimas integram unciam argenti, & æris aliam unciam substituas, tum moneta undecem denariorum puritatis erit, quali moneta hodie in tota Anglia & majori parte Scotiæ utimur, Si duæ uncia argenti puri adimantur, duæque æris uncia earum loco ponantur, decem denariorum puritatis erit moneta, quales pro majori parte thaleri vulgo dolors Germanici sunt hodie. Si tres uncia ex libra auferantur & totidem æris pro iis ponantur, novem denariorum puritatis erit moneta & sic deinceps ; In quo genere sunt plerique thaleri Germanici, & omnes fere Danici.

*Quid au-  
rum purum,*

Eadem ratio est in auro ; Nam aurum purum & putum viginti quatuor characterum dicitur. Ex hujus puri & puti auri libra si unam characteram detrahas, alteram substituendo aut æris aut argenti, tunc moneta aurea efficietur bonitatis viginti trium characterum, & aurea moneta hujus bonitatis prima fere est in tota Europa, qualis nobilium quæ Rosæ dicuntur, & veterum angelotorum, quæ puritatis sunt viginti trium characterum cum besse : Si characteram cum dimidia auferas & tantundem argenti aut æris substituas, moneta viginti duarum characterum efficietur cum dimidia : In qua bonitate sunt aurei Gallici quæ scuta dicuntur. Si duæ integræ characteræ subtrahantur, & totidem æris aut argenti misceantur, tunc moneta puritatis viginti duarum characterum fiet, cujus puritatis sunt pistoletæ Hispanica. Inferioris puritatis sunt ducati Italici, & alii plerique qui circumferuntur ; ita ut quot characteræ aureæ adimantur & æris aut argenti totidem earum loco ponantur, totidem bonitatis characterum moneta aurea aestimatur. Hac ideo attigi ut omnes sciant quibus artibus misero populo monetarii illudant. Illud etiam prætereundum non putavi, duodecem

uncias

uncias argenti, cum una uncia auri, ejusdem pæne prætii & astimationis esse, sic ut una uncia argenti in uno nummo excusa duodecimam partem auri 22. Characterum valeat, & è converso. Adeo autem hæc res monetaria principi curæ tanquam patri patriæ esse debet, ut nulli alii potestatem monetæ feriendæ rescripto suo aut alia quacunque forma concessionis poterit committere; quod si fecerit surreptitium præsumitur rescriptum, nec ab ullo iudice admittendum: Nisi potestas hæc alicui Civitati aut Proceribus commissa fuerit; Nam in iis non tam facile fraus præsumitur. Qui monetam falsam fabricaverit, etiamsi iusti valoris & ponderis, flammis exurendus est, Impuberes licet conscii excusantur, sic puniendus qui rodit, vel minuit monetam publicam vel tingit. Atque hæc de monetæ nunc ad mulctam sive pœnam procedamus.

Mulctarum Pœnarumque Compendia etiam inter regalia numerantur, nisi si quæ speciali jure (ait textus) concedantur; Nam præter eas, quas quis ex speciali privilegio sive principis beneficio habet, quales in regalitatibus (ut solemus loqui) & baroniis & similibus mulctæ continentur, etiam non nullæ sunt speciales pœnæ, quæ non fisco sed privatis personis conceduntur, ex speciali legis constitutione: sic pœna tutoris se excusantis cum excusari non debeat, pupillo accrescit\*. Indignus enim videtur aliquo beneficio testamenti, qui testamentariam tutelam recusavit; sed quod legatum ei fuit, non fisco, sed pupillo cujus utilitates minuuntur, accrescit; eodem modo qui testamenti tabulas calavit; Nam quod ei ex testamento relictum, sive legati, sive fidei commissi causa fuerit, apud heredem & non apud fiscum (licet sit pœna) remanebit. Sic Clerici ante definitam sententiam frustratorie appellantis pœna quinquaginta librarum non fisco sed pauperibus applicatur. Sunt & alii casus in jure expressi, quibus neque pœnarum neque mulctarum compendia ad principem pertinent. Primus, in liberalitatis imperialis socio, cum princeps communiter sive conjunctum aliquid duobus aut pluribus dederit. Nam deficientis pars, si hæredes non habeat, socio accrescit, ne beneficia Principum ex parte sint irrita\*: sic si quis ex collegio licito sine liberis aut hærede decedat, pars ejus non ad fiscum, sed ad collegium pertinebit, nisi quis forte dicat hoc inter mulctas sive pœnas non referri judiciales\*. Sic in liberto, Nam patrono in sua portione non præjudicatur\*, & in ecclesia in bonis clerici etiam patrimonialibus; Idem & in pœnis; uxore enim à marito interfecta, si is puniatur, hæredes uxoris in dote fisco præferuntur; Nam ut vir eo casu dotem non lucratur, neque qui in ejus locum succedit fisco, sic hæreditas ejus, quem hæredes redimere recusant, non hæredibus sed fisco accrescit\*, Apud nos speciali privilegio indultum est Civitati Edinensi, ut eorum qui cædis in burgo damnati sint, bona Civitati accrescant, quod de bonis intra territorium Civitatis sitis tantum intelligi debere puto: Sic pœnæ eorum qui annonam & victualia intercipiunt, ut rursus vendant cariore pretio, burgi magistratibus ubi deprehenduntur applicantur: sic & pœnæ lenonis, & quæ ab mercatoribus exiguntur, ad gildum illius Civitatis seu burgi speciali privilegio pertinent (gild. 1. & c. 48.) Apud Romanos minima mulcta erat una ovis, maxima triginta, aut duæ vacæ; & quoniam difficulter aliquando in urbem agebantur, una ovis decem assibus astimabatur, bos centum: Puto hinc effluxisse veteres nostras omnes mulctas quæ aut numero ovium aut boum, quæ tum solum in bonis erant, pro gravitate pœnæ astimabantur.

Sequuntur nunc bona vacantia, sub quibus omnia illa bona, quorum nullus est ex sanguine hæres intra decimum gradum, comprehenduntur; quæ etiam bona caduca nominantur\*: decimum autem gradum intelligo numerandum jure Civili vel feudali, ita ut duo apud eos gradus unum apud nos gradum efficiant & sic extra decimum gradum idest extra nostrum quintum gradum. Horum Rex apud nos ultimus dicitur hæres, & debita defuncti solvere pro patrimonii quantitate tenetur. Vacare autem ea bona sic dico, quæ sunt mobilia; Nam in immobilibus locum non habet regula. Hæc enim bona suum habent hæredem, si de sanguine constat, quocunque gradu alter ab altero distet, ut nuper in comitatu Maritiæ vidimus & in dominio de Seatoun, cum de redimenda parte de Langnurdie litem movisset. Indignis autem bona adempta, tam jure veteri Digestorum quam Codicis, fiunt Principis\*. Pœna incestarum nuptiarum erat bonorum confiscatio, nisi descendentes in recta linea ad tertium gradum essent, vel ascendentes in recta linea ad secundum gradum, vel frater, soror, patruus, vel amita: Nam hi jure Codicis fisco præferuntur, Jure tamen Authenticorum soli liberi; Apud nos pœna incestarum nuptiarum est mors, & bonorum omnium confiscatio; & hæc ex speciali ordinum constitutione\*. Bona damnatorum quæ hinc inter regalia numerantur, jure Codicis sic dividebantur, ut dimidia pars penes liberos, altera pe-

*De mulctis  
& Pœnis.*

\* L. 5. §. 5.  
*amittere ff.  
De his quæ  
ut indiga-*

\* L. vine. C.  
*Si liberalis.*  
*Imper. socius*  
*66. Lib. 10.*  
*tit. 14.*

\* L. 1. C. De  
*hæredit. De-*  
*cursion. 66.*

\* §. Sed no-  
*stra just. De,*  
*Sucess. Li-*  
*bertor.*

\* L. si ab  
*hoste §. vine.*  
*ff. Sol ma-*  
*trim. quem*  
*admodum*  
*dos petatur.*

*De bonis Va-*  
*cantibus.*

\* L. 1. C.  
*De Bon.*  
*vacant.*

\* De his  
*quæ ut in-*  
*dig. 66. ff.*  
*66.*

\* Jacob. 6.  
*Parl. 1. A8.*  
*14.*



nes fiscum remaneret, si non sint liberi descendentes, omnia fiscus vendicabit. Si quis decurio damnetur, & mares habeat liberos, omnia ad eos pertinebunt, si non habeat ad fiscum, nisi filias habuerit, quo casu dimidia pars ad eas, altera ad curiam pertinebit \*. Quod tamen jure Autenticorum correctum est, quo bona damnatorum ut ad tertium gradum tam ascendentibus quam descendantibus debeantur, exclusis aliis omnibus, nisi in crimine læsæ majestatis, ubi indiscriminatim bona omnia etiam si extent filii, fisco applicantur, ut suæ vindictæ habeat solatium, uxoris dote sola reservata \*. Illi tantum majestatis rei censentur; qui in principem, ejus vitam & dignitatem offenderint, aut in remp. Principem hic appello qui superiorem non agnoscit; In Imperio tamen Germaniæ, Reus majestatis est, qui in septem viros electores, licet superiorem Imperatorem agnoscant, tale crimen, in horumque securitates hostili animo quid perpetrant. Hæreticorum etiam bona fisco applicantur, quia est ibi læsio, uti voluerant Pontificii, majestatis divina, & ideo æqualem saltem pœnam Cum temporalibus merentur, Hodie apud nos omnium damnatorum bona fisco applicantur, nisi aliter de parte earum sola amittenda, sit quid constitutum: His accedunt bonorum, qui sibi manus intulerunt; Nam licet jure Civili, qui nullius Criminis conscientia, sed per furorē vel insaniam, aut tædio vel fugiendi opprobrii causa, mortem sibi consciverit, bona ad hæredes transmittit, Tamen cum sæpe antea sententiis variatum vidissem, Senatus in causa Thomæ Dobbiæ, qui sibi manus intulerat Cum hæredes probationem, furiosum fuisse, in se vellent recipere, bona ad fiscum pertinere censuit, & pro lege postea observandum, neque insanix obiectio recepta; Cum nemo sanus id faceret.

Angariarum & Parangariarum præstationes erant extraordinariæ operæ & propter repentinum aliquod negotium provincialibus indicebantur, ut iter Principis expeditius esset; Itaque onerum vehendorum & bajulandorum necessitas & celeritas publica imponebatur, veluti jumentorum, trahearum, plaustrorum & similibus præstationes \*: Apud nos etiam quadam sunt Angariæ, quales sunt boum præstationes, ad deducenda tormenta ænea si quo opus est. apud Anglos plures. Sic non solum jumenta, boves, plaustra, sed etiam naves angariarum dicuntur, cum necessitate ad onera publica transfretanda astringuntur, puto hanc vocem latinam ex græco factam esse, nempe ἀνὰ τὴν ἀνδρῶν quæ necessitatem significat, In eadem significatione parangariæ sumuntur, nisi quod gravior hæc videatur impositio, ut quasi superimpositio dici possit, quæ provinciales supra quam æquum erat, & consuetudo requirebat premebantur \*, Plaustrorum & navium præstationes exegeticè adjici videntur; Nam sub angariis & parangariis possunt comprehendi, tamen ab iis diversas aliquando fuisse ex jure Codicis satis constat \*, ab his immunes sunt qui prius dicti sunt. Collatio ad transitum exercitus etiam inter regalia numeratur: Nam cum Imperatores ad accipiendam Italiam ingrediebantur, (quod rarò sine exercitu fiebat) quosdam ad singulas Civitates, per quas erant transituri præmittebant, ut quæ ad fiscum pertinebant, & annonam militarem militibus exigerent \*, quod jure feudali fodrum dicitur; Fodri vox apud Germanos pro equorum pabulo usurpatur, & etiam apud nos. Plura de hac voce, vide Hottomannum in dictionario feudali: Magistratuum creatio lege Regia in Imperatorem translata est, & merito inter ea numeratur, ita ut Rex aut omnes magistratus conferat, aut conferendi potestatem aliis mandet: veluti in Episcopatibus, Monasteriis, & si qui alii sunt, qui jus regalitatis (ut loqui solemus) habent; Nam hi ex autoritate quam à principe accipiunt, magistratus etiam suos creare possunt; Barones autem ut & Burgi & ipsi magistratus suos creant, Nam imperium merum idest gladii potestatem & mistum habent sibi commissum.

Argentariæ potestas publica est, & à solo principe concedi potest, in qua publicam fidem necesse est aliquando sequi \*: Sunt qui argentariam intelligant officium illud, argentariam, seu nummulariam mensam tenendi, nos banque dicimus \*: Ego tamen per argentariam argenti fodinas potius intelligo, & idem maxima pars feudistarum sentit, quos legerim: Nam metallorum fodinas omnes ad principem pertinere certum est: Sunt tamen qui putant metallorum aliorum ab auro & argento fodinas non ad regem pertinere, sed ad dominos fundi, præstando Canonem pro eis; & nisi vox hæc de argenti fodinis intelligatur, nulla earum inter hæc regalia erit mentio, quæ tamen omiſsa præsumi non potest: Nam omnium gentium, omniumque ætatum consensu, fodinas omnes auri, argenti, aris, stanni, plumbi & similibus publici juris esse, & in patrimonio principis numerari comprobatur; neque vocis à prima significatione declinatio quempiam movere debet, Cum sciamus neque semper eandem significationem, neque etymologiam, aut formationem latinis vocibus post corruptionem latinæ linguæ mansisse: quod si argentaria argenti fodinam significet, idem & in reliquis

\* L. 10. quando quis. C. De bon. Damnator.

\* Authens. ut nulli judicium &c.

Angaria- rum & Parangaria- rum præsta- tio.

\* L. 10. & ii. ff. De Vaca- cas. & Ex- cusat. muner.

\* L. ii. C. De Sacrosanct. Eccles. & l. 2. C. De Epis- copo. & Cler.

\* L. 10. & d. l. ii. C. de Sac. Eccles.

\* L. 27. §. 3. ff. De iustis.

Argentaria quæ sunt.

\* L. Argen- tarius ff. De Edendo & l. si ventri. ff. De reb. auctor judic. possidend. \* Baro in Tit. Quæ sunt Rega- lia.

quis metallicis fodinis intelligi debet : frequens enim est in jure sub majoribus, minoribus comprehendendi.

Palatia seu pratoria inter Regalia numerantur, neque enim in iis quis sine Principis licentia habitare potest. Et sane apud nos speciali statuto inter regalia numerantur, cavereturque non tantum ut ne alienari, sed ne etiam in emphyteosim dari possint. Hottomannus putat Platia legendum, ubi vel curiæ vel nundinationes exercentur, quæ emendatio si pro vera conjectura accipiatur id inducit ut jus fori sive nundinarum imponendarum sive exercendarum in Civitatibus ad solum Principem pertineat, quo jure & nos utimur.

De Piscationibus & earum redditibus quomodo inter regalia connumerari possunt, inter gravissimos auctores controvertitur, Cum jus piscandi tam in mari quam in fluminibus sit publicum, & à jure gentium indroductum \* : Hottomannus partem prædii intelligi voluit quam dominus quibusdam in locis solet sibi reservare ; Idque ex autoritate Speculi Saxonicæ : Cujacius corruptum locum esse putat, & picaria pro piscaria retinendum, cum multis in locis Pici fodinæ sint, eadem forte derivatione qua argentariam pro argenti fodina accipi diximus : Nos non tam hujus quæstionis solutionem, quam quid apud nos in usu servetur requirentes, per piscationum redditus, non quascunque piscium commoditates, sed tantummodo salmonum, qui in fluminibus capiuntur intelligendas putamus ; Nam salmonum piscatio apud nos inter regalia numeratur, neque cuiquam hodie concessa videtur, nisi specialis ejus in concessione mentio fiat : antiquitus tamen sub nomine Piscationis comprehendatur etiam apud nos, quoties perpetua & ultra hominum memoriam possessio accesserat.

Salinarum vectigal etiam inter regalia numeratur, & ad regis patrimonium pertinet : Omnes tamen quos legerim, Salinas in publico loco constitutas, putant esse juris publici, & inter Regalia numerari : In privatis locis tamen constitutæ, privatorum sunt. Ita tamen ut decima pars ad Principem pertineat, & sane apud nos ipsæ Salinæ ad fiscum non pertinent, cum super privato solo sint constitutæ, licet aliqua portio sive vectigal ex iis debeatur.

Thefauri non data opera inventi in loco publico aut religioso dimidium ad Regem, dimidium ad inventorem pertinet. Si data opera inventus fuerit, totus Regi debebitur ; jure nostro & omnium regnorum utroque casu ad Regem pertinebit ; & furti reus fit qui celaverit, aut fraudaverit eo fiscum. Thesaurus autem dicitur in jure vetus depositio pecuniæ, cujus non extat memoria, ut jam dominum habeat \*. De jure communi thesaurus inventus in fundo proprio ad fundi dominum pertinet ; In alieno, pars una fundi domino : altera inventori datur. In locis publicis religiosis aut fiscalibus, dimidia pars ad fiscum, altera ad inventorem pertinet, quod si certum sit pecuniam aliquem deposuisse metus tantum causa vel custodia, licet deponens moriatur, ad ejus tamen hæredes pertinebit \*, quod & apud nos observatum vidi. Nam quidam Cor frater Clementis Cor civis spectati, in publica pestis Calamitate, cum pecuniam abscondisset, eam executores ejus vendicarunt. Hæc itaque sunt Regalia, quæ in libris Feudorum numerantur, quæ cum ex longa temporis diffuetudine intercidissent : Frederico Imperatori cognomento Barbarussæ sive Ænobarbo in Italiam venienti, Episcopi, Barones & reliqui Proceres, & Civitates Italiæ restituerunt. Miror quod molæ sive molendina omissa fuerint ; Cum jus eorum etiam ab Episcopis & Proceribus eodem tempore Imperatori concessum testetur Suintherus Poeta non ignobilis, & fortasse major quam ea ferebant tempora, ejus verba hæc sunt.

*At primum Ligures super hoc à Rege rogati,  
Vectigal, Portus, cudenda jura moneta,  
Cumque molendinis, telonia, flumina, pontes,  
Id quoque quod fodrum vulgari nomine dicunt,  
Hæc Ligures sacro tribuerunt omnia fisco.*

Radevicus certe ( Lib. 4, Cap. 5. de rebus gestis Friderici ) sic scribit, tam Episcopi quam Privati uno ore, uno assensu, in manu Principis regalia reddidere, primique resignantium Mediolanenses exitere, requirentique de hoc ipso jure quid esset, adjudicaverunt Ducatus, Marchias, Comitatus, consulatus, monetas, telonia, fodrum, vectigalia, portus, pedagia, molendina, piscarias, omnemque utilitatem ex decursu fluminum provenientem : Ex quo

*De Palatia  
seu prato-  
riis.*

*De piscatio-  
nibus.*

*\* L. 1. ff. De  
acquir. re-  
rum domin.*

*De Salinis.*

*De Thesau-  
ris.*

*\* L. nun-  
quam 17. ff.  
Eod.*

*\* D. l. non-  
quam. Et l.  
A Tutores ff.  
De re vin-  
dic.*

quo constat Ducatus, Marchias, Comitatus ad hæredem olim non transisse sed tantum vitales fuisse dignitates; Nostri inter regalia molendina numerari putant, quod non concedi præsumuntur, nisi exprimantur; Sed falsum est, nam si inter regalia numerarentur, in principis patrimonio essent, & nulli privato sine ejus rescripto molendinum permitteretur: Sane apud nos molendina sub nomine pertinentiarum, ut pleraque alia non veniunt, sub appellatione tamen Baroniarum comprehenduntur, Cum Baronía sit nomen universitatis, adeo ut si Baronía alienata sit, molendina etiam secum trahat. Sed de his postea. Sunt & alia quæ inter regalia numerantur, quæque solus princeps facere seu concedere potest, qualia sunt dare veniam ætati; Et etiam apud nos turres pinnatæ, quas privatus habere nequit, nisi vel sit Baro, vel licentiam super eo à principe obtineat.

*Bona quæ  
dicuntur  
urack &  
vaith.*

Sed & ea bona quæ urack & vaith dicuntur à nobis quoque inter regalia numerantur: De harum vocum significatione & unde ad nos defluerint nonnulla dicenda sunt, utraque vox Gallica sive Normannica (ut creditur) est, & apud eos varet & vanye dicuntur. vareth tamen sive urack vocem esse danicam potius puto, proque eo sumi quod vel ex naufragio, vel aliunde, cujus dominus nesciatur è mari in terram ejicitur; quodque in mari fluctuans sine certo domino invenitur; qui invenit, attingere non debet, donec ab ordinario ejus loci inspicitur; Isque curabit rem in annum custodiendam, si talis sit quæ sine incommodo custodiri possit; Ac si servando servari hæc res non possit, sed mora temporis peritura, tunc publicè quam maximo pretio distrahenda, servatis tamen signis sive designationibus, ut inde domini quærentes, coarguere, & si quæ fraus fuerit, coargui possint: si intra annum, qui res illas ad se pertinere contenderit, legitime & sufficienter probaturum se recipiat, signaque ostenderit, quod res hæc ad se vel in toto vel in parte pertinent; Res ei suæ si probaverit permittenda, alioqui regio fisco applicanda: In Gallia ad dominum feudi illius, in quod res illæ ejectæ fuerint pertinent, sive ex speciali privilegio, sive consuetudine perpetua sic obtinente. Excipiuntur tamen aurum & argentum excusum, sive non excusum, equi,

*Quæ Res in  
mari inven-  
ta ut urack.  
sive ex nau-  
fragio ejectæ  
ad Principem per-  
tinent.*

canes, aves aucupio destinata, ebur, coralium, gemmæ sive Lapides pretiosi, Murex, pelles sabellinæ in usum nondum dispositæ, sericæ telæ omnes, quæque in fascibus colligatæ sunt, eæ inquam Res ad principem pertinent. Apud nos princeps Thalaßiarcho maximam partem horum bonorum quæ urack dicuntur concessit, ea lege ut tutam suis hominibus navigationem præsteret, & ita consuetudo inolevit, nisi forte quibusdam speciali infeofamento aliter indulgit, quemadmodum Comiti Orcadum, quo in numero plerique nobiles & barones Maritima possidentes sunt. Certum tamen est ea omnia bona regalia esse, neque ad quempiam pertinere, nisi ad eos qui ex beneficio principis obtinuerunt, non tamen esse ex annexo patrimonio: Sed ea sola bona apud Anglos dicuntur urack cum ex navigantibus nemo non solum saluus est sed neque canis, neque felis in litus è navi appulerit. Quod ad ea bona quæ vayne dicuntur nos vaith vocamus, hoc tantum admonendû est ea bona dici quorum dominus non invenitur, non ut propriè pro derelictis habeantur, sed ea quæ nemo pro suis agnoscit, si forte ita aberraverint, ut ad quem pertineant incertum sit, ut pecora aberrantia; Ea bona qui longius septem diebus detinet puniri debet. Hæc dominus feudi apud Gallos sibi vendicat: apud nos ad fiscum pertinent, quique ea invenerint, ad vicecomitem deferre debent: Is vero tribus diebus dominicis in publico populi conventu, ad concionem denunciari ea bona errantia faciet, inventa esse, neque dominum sciri, si quis sua esse velit probare, ut coram vicecomite compareat certo die, signa ostendat & sua recipiat; post autem tertiam denunciationem, si nemo est qui quæstionem moveat, fisco applicantur: Apud Anglos hæc distinctio adhibetur, ut si res inanimis sit, semper domino suo maneat, id est ut ad eum pertineat, qui amisit: secus in rebus animatis; Nam in equis & jumentis amissis, publicatio trium dierum solum modo in ecclesiis requiritur; Aliqui, si proclamatio in vicineto sive vicinia fiat, sufficere putant: Ratio differentia est, quod res inanimæ sine sumptu facile custodiri possint, non autem animatæ: Sed hæc præmissimus, ut facilius intelligatur quæ Regalia disponi possint, quæ non, quæ concessa præsumuntur, quæ non. Itaque divisionem regalium facimus ut alia majora dicantur alia minora, vel ut Zazius alia potiora regalia alia Communia; Hæc facilius, illa difficilius in feudum conceduntur; Regalia majora seu potiora sunt, quæ ad supremam & Regiam potestatem spectant, qualia sunt prælaturæ, monasteria, & ecclesiastica dignitates, earumque concessionem, Nam nisi à principe concedi non possunt, neque solent: Extat adhuc Caroli Illius revera Magni edictum, Ne quis dignitates sive prælaturas nisi princeps concedat. Prævaluit tamen Pontificis Romani tyrannis, post infinita cum Cæsaribus prælia, eorum cladibus nobilitata, ut omnia benefi-



cia ecclesiastica, licet feuda complecterentur temporalia, debeant à Pontifice concedi; & huius incendii, quo pene tota Europa deslagavit, pars etiam ad nos pervenit, dum Rex horum beneficiorum collationem sibi vendicaret, Pontifex vero, ut omnia, ad se traheret: Plura qui cupit videat Hottomannum \*. Alia regalia maiora enumerantur, qualia sunt Comiticia indicere, leges condere, eas interpretari, magistratus eligere, honores tribuere, nobilitare, restituere famæ, spurios legitimare, bellum indicere, collectas & vectigalia imponere, academias, urbes, portus, loca publica, privilegiis ornare, monetam cudere: Ex quibus facile patet, per feudi concessionem, nullum esse transmissibile, aut quod delegari aliis possit, nisi fortasse magistratus creandi potestas, quam princeps sæpe & Baronibus, & urbibus concedit, ut suos magistratus habeant, quod eo facilius conceditur, quoniam nullo cum præjudicio patrimonii regii potest indulgeri. Minora autem sunt Regalia quæ in superiore enumeratione non continentur, quæ & aliis disponi possunt, sed cum hoc temperamento, ut ea dispositio non vergat in magnum disponentis præjudicium \*, vel saltem clausula motus proprii vel ex certa scientia apponatur, ut omnis suspitio obreptionis tollatur, quæ vel ex his clausulis, vel ex secunda principis iussione cessat, nam secunda iussio, motum proprium inducit. Quod si quædam regalia in specie sint concessa, Cum clausula generali, cum omnibus libertatibus, iuribus, privilegiis, immunitatibus, quæ habeo in dictis terris, Hæc inquam clausula generalis, regalia minora comprehendit, sed non maiora. Sunt tamen qui putant hanc generalem clausulam nulla regalia comprehendere, nisi in duobus casibus, viz. ubi princeps illustri personæ vel cognato suo dignitatem aliquam concesserit; nam tum præsumitur plenissime concessa; aut in eo loco quem Rex in feudum concedit, nullæ aliæ sunt commoditates quam Regalia, & utroque modo, hæc tantummodo de minoribus regalibus sunt intelligenda: Itaque Princeps regale feudum concedere potest, cum Magistratus creatione, etiam eschetas, sive obventiones Curiarum, Mulctarum & pænarum compendia, bona vacantia, sive Caduca, pro ut in regalibus omnibus videmus, etiam piscariarum & Salinarum redditus, Maiora tamen regalia qualia sunt patrimonium annexum, vectigalia, jus cudendæ monetæ, non nisi debitis omnibus solennitatibus observatis, quæ in publicorum Comitiorum actis præscribuntur.

\* Verbo Regem De verbis feudali.

\* Baldus in Lib. De Pace Constantia.

Fiscum autem solus Princeps qui superiorem non agnoscit, habere potest. fiscus autem dicitur pecunia Principis; Nam lege regia, constituto Principe; ad decorem, maiestatemque ejus observandam à S. P. Q. R. pecunia etiam publica decreta fuit, Ideo fiscus dicta, quia fiscis, sive fiscellis portabatur, fisci enim erant viminea & flexibilia utensilia quibus majores pecuniæ summæ inferebantur, & differt fiscus, ab ærario, quia ærarium erat in ade Saturni, In qua publica pecunia Pop. Rom. qua in bellis uti solebant, servabatur: At fiscus Principis, erat privata ejus pecunia, ad privatos usus destinata, utrumque tamen posteriores principes confuderunt; factum tamen est, ut neque solus Princeps fiscum haberet, sed etiam quæcunque Civitates, quæ nullius Imperio subjacent, pleraque etiam quæ superiori Cæsarem agnoscunt. In Germania jus tam monetæ cudendæ, quam fisci habendi usurparunt, sive ex diuturnitate temporis, regalia hæc præscripserunt, sive illud vel patientia, vel libera concessione principis sibi vendicarunt. Illud tamen affirmare non dubito, quæcunque privatorum fiscus acquiruntur, principis fiscus deberi, & de rationibus reddendis privatos eo nomine teneri, nisi si quod in hunc fiscum inferri debet, specialiter à principe indultum sit; quemadmodum Civitati Edini, Thalassiarcho & Comiti Orcadum, speciale privilegium fiscum suum habendi & retinendi indultum est, quod tamen ad exemplum non est trahendum: Rerum autem quæ sub fiscum cadunt proprietates, ipso jure, & sub ipso momento causæ, propter quâ cadit, vel commissi delicti ad fiscum pertinet. Aliquando enim audiui à dom. Davide Makgillo regio advocato in senatu doctè disputatum, Regem, brevi manu, rem ad se devolutam apprehendere posse, sive jure hereditario ad eum perveniat, sive jure fisci; Itaque nec investitura nec safina opus est: Neque enim Princeps suo nomine præcepta pro se in heredem agnoscendo, aut Investiendo dirigere potest, Cum nemo sibi jus dicere possit, Sed defectum illum juris, natura Coronæ supplet, nempe ut ipso jure Res ejus fiat, quatenus ad proprietatem; sunt qui addant etiam quatenus ad possessionem, & quod possessio illius, qui delictum commisit, aut causam dedit, in Regem continuatur; Quemadmodum apud Gallos, mortuus fasit vivum, idest possessio defuncti, ipso jure continuatur in ipsum heredem. Alii sunt qui principem possidere corporaliter non putant, donec possessionem apprehenderit; Apud nos si vel ex delicto, vel ex obitu, aut alia quacunque causa, Res immobilis ad fiscum pertinere incipiat, diem delicti vel obitus vel quo jus fiscus prætereundere potest

De fisco cap. que ad fiscum pertinent.

inspicimus : Adeo ut si quid diminuatur fraude aut dolo, fiscus pro eo agere possit, In mobilibus tamen usus non est prohibendus, ut inde quis ali aut vestiri possit, donec denunciatio publica intercedat, aut damnatio sequatur : Præterea apud nos, si quando princeps spurio, aut ut ultimus hæres alicui qui hæredem non habet, succedit; His casibus, præcedentibus legitima inquisitione & publica denunciatione, opus est declaratoria ; ut in crimine, condemnatoria, antequam Princeps se bonis caducis immisceat : Certum tamen est & ante sententiam Inventarium posse Principis officarios conficere, & res arresto subijcere : Sunt qui putant cum fiscus loco hæredis habeatur \*, & in panis causam lucrativam habeat, creditoribus satisfacere teneri, licet non ultra vires hæreditarias, nec tamen inventarium conficere teneretur, ut facultates ejus qui deliquit, cognoscantur ; Sane constitutione Autonini licet fiscus creditor reliquis creditoribus præferatur, tamen si ex delicto fuerit creditor, postponitur \*, Sed eo jure non utimur ; Attendendum tamen est quod bona confiscata sive caduca non fiant patrimonialia, nec in patrimonium ascribantur, Itaque & ea alienare reges possunt, quemadmodum & apud nos, & apud Gallos observari videmus, nisi forte in patrimonio sive dominio incorporentur expresse per speciale statutum, qualia sunt exempla apud nos plurima, aut præscriptione temporis longinqua in patrimonio semper sint æstimata & à rotulario inter ea recepta & exacta ut in bonis de mensa Prælatorum antea diximus, Par enim ratio in utriusque regula observanda est, & ita patrimonialia aliorum Princeps præscribere potest, at ipsius patrimonium à nullo præscribitur ; Trigonum enim est illud Catonis Censoris, Nec mortales contra deum immortalem, nec privatos contra remp. posse præscribere : In qua multi putant scientiam & patientiam Principis requiri: nunquam tamen præscribunt illa quæ principi in signum subjectionis & universalis domini sunt reservata, qualia sunt census, tributa, supremæ jurisdictiones, qualia sunt leges condere & eas interpretari creare magistratus, Regales concedere dignitates, ut Ducatum, Marchionatum, Comitatum, Baroniam, nobilitare, famæ restituere, spurios legitimare, veniam ætatis concedere, bellum indicere, Scholas aperire, Academias condere, aut confirmare, privilegiis ornare & si quæ sint similia : ad Regis similitudinem apud Anglos, villani contra dominos non præscribunt, hoc est nullo temporis interstitio domini prohibentur, id quod villani acquisiverant, vendicare, brevi etiam ( ut ajunt ) manu. fiscum autem nemo habere potest, nisi qui superiorem non recognoscit ut nuper diximus.

\* L. 2. C. ad leg. Jul. De vi publ. l. unic. C. De panis fiscal. l. non possunt q. in summa l. res qua C. De iur. fisci. \* D. l. unic. C. de panis fiscal.



# FEUDORUM LIBER SECUNDUS.

QUIBUS,  
MODIS FEUDUM ACQUIRITUR.

*Diegesis prima.*



Superiore libro, quæ de feudi origine & progressu juris feudalis, donec in eam magnitudinem excreverit, ut relicto, longo post se intervallo, tam jure civili, quam pontificio principatum juris sibi arrogaret, quæ ex Veterum autorum scriptis, & doctissimorum hominum commentariis colligi poterant exposuimus; adjecta insuper feudi & definitione, & divisione, ut ejus conditio & natura esset explicatio; Tum ad ejus causas, efficientem inquam & materialem, aperiendas procedentes quæ personæ feudum efficiant, quæ dent, quæ recipiant, quæ res in feudum possunt concedi (quæ materia Feudorum est) licet non pro dignitate, ut potuimus saltem declaravimus. Superest ut de causa formali feudi jam differamus, & quomodo feudum formetur, & in esse (ut in scholis dici solet) perducatur, ut vere feudum & sit, & dici possit, nam forma dat esse rei, & sine qua res subsistere non potest. Ex divisionibus Feudorum ante propositis, una erat, quæ feudum dividebatur, in novum & antiquum; quod ad feudum antiquum attinet, acquiritur vel successione, vel investitura renovatione, de quibus postea: Novum autem feudum quod à principio instituitur, ut sit feudum, in his tribus consistit, in acquisitione, constitutione & consummatione, in quibus feudi novi forma consistit, nempe aut acquiritur, aut constituitur aut consummatur. Singula autem hæc membra, suas habent peculiare formas à jure institutas; quæ prætereundæ non sunt, Quod ad novum feudum acquirendum attinet, ut antea monuimus de personis feudum constituentibus, eis omnibus licere, feudum concedere & accipere, quibus alienare, & alienationem recipere ex jure permissum; & ut eæ res omnes, si modo sint Immobiles, quæ commercio hominum subjacent in feudum dari possunt, sic etiam hic & hoc addendum, iisdem modis quibus jure gentium, aut civili, dominia rerum acquiruntur, Ex iisdem (si hoc agatur) feudum constitui posse; Itaque donatione, emptione, permutacione, & præscriptis Verbis, præscriptione, imo stipulationibus, obligationibus, feudum acquiritur; sed feudum hic pro contractu feudali sumo, Nam feudum vocem esse homonymam antea monui, & aliquando ipsum contractum, aliquando hæreditarium jus, & prædium significare, Itaque ut ex contractu acquiratur, ita ex investitura sine præscriptione feudum constituitur.

Sed priusquam modos novi feudi acquirendi à principio proponamus, expediendum prius erit, per quas personas feudum nobis acquiratur. Quod ad jus feudale attinet, nihil fere in hac quaestione expressum est, nisi nos feuda posse acquirere, vel per eos, qui sunt in nostra

*De modis  
feudi acquirendi.*

*Per quas  
personas feuda  
nobis acquiruntur.*



\* Lib. 2. feud.  
dor. Tit. 3.  
S. personam.

De Villanis  
in Anglia.

\* Lib. 2. In-  
stit. Toto tit.  
Per quas  
person. cuiq  
adquir.

\* S. Alteri  
stipulari  
Instit. De  
Inutilib.  
Stipul.

potestate vel per procuratores sive actornatos\*; sed si diligenter verba textus expendantur, latius quam ad servos vel procuratorem perspicimus extendi. Nota est divisio personarum ex jure civili, ut alii sint sui juris, alii alieni: rursus ex his qui juris alieni sunt, quidam sunt servi, quidam in potestate parentum; Servi omnia dominis suis acquirebant, neque tantum veri servi, quorum plenum dominium aliorum erat, sed etiam si tantum usufructus alicujus erat, imo si bona fide serviebant: quodque majus mirum est, etiam servi alieni, nobis bona fide servientes, non suis dominis, sed nobis quibus bona fide serviunt acquirebant, quod eis & non veris dominis res acta videbatur, sed adhibita hac distinctione, ut servi suo domino servientes omnia ei acquirerent, servi vero alieni, imo & liberi bona fide alii servientes, aut si usufructus servi ad alium pertineret, quodcumque ex opera sua aut re ejus domini acquirebant, eis quibus bona fide serviebant, id omne cederet: quod vero neque ex re ejus cui serviebant, neque sua opera acquisitum erat: Veluti si aliquid his fuerat legatum, aut si testamento haeredes ab extraneo instituuntur, nullo habito respectu ad eum cui serviebant, id liberi bona fide servientes sibi, servi autem alii bona fide servientes, & is cujus usufructus ad alium pertinet, suis dominis lucrabantur. Ad similitudinem servorum Villani qui hodie in Anglia sunt frequentes, dominis suis, non sibi acquirunt; Liberi vero qui in parentum sunt potestate, sive suo nomine sive parentum contraxerant, sive è suis laboribus comparassent, id omne parentum lucro cedebat, donec ex posteriore Justiniani constitutione usufructus tantum bonorum à liberis acquiritorum ad patrem pertinebat, salva eorum proprietate acquirentibus, nisi ex re patris acquisivissent, quo casu omnia ad patrem redibant; Emancipati, si quid ante emancipationem acquisivissent, tertia pars à patre retinebatur, quasi pro pretio emancipationis, donec & hoc nova Justiniani constitutione etiam emendatum fuit: ut pro hac tertia, pater usufructum dimidii omnium bonorum haberet, salva eorum proprietate filio emancipato: per alias personas, per liberos homines, qui neque nostro juri sunt subiecti, neque bona fide nobis serviunt, & per servos alienos, in quibus usumfructum non habemus, neque justam possessionem, nihil nobis acquiri potest, unde illud vulgatum in jure, per extraneam personam nihil nobis acquiritur, nisi per procuratorem qui nobis tam scientibus, quam Ignorantibus, non solum dominium rerum, sed etiam possessionem acquirit. Si modo dominus intra annum & diem ratum habuerit, quod facere censetur, quum investituram nomine suo factam cognovit, & non contradixit: His similia sunt quæ de stipulationibus traduntur in jure civili, alterum alteri stipulari non posse, inventas enim hujusmodi stipulationes & obligationes ad hoc, ut quisque acquirat sibi quod sua interest, cæterum si alii detur, nihil interest stipulatoris; si tamen sub pœna quis alteri stipuletur, datur ad pœnam actio, non ad promissionem implendam, cum nihil interest stipulantis, quod promissum est impleatur nec ne; evenit tamen sæpe, ut alteri stipulari possimus, cui & solvi nostra interest, veluti si tutor suo pupillo, debitor suo creditori, vel quis procuratori suo solvi stipuletur, omnes hæc stipulationes ex jure civili valent; Et sane cum juvenis cœpi forum frequentare, audivi acerrime controversum in senatu, an instrumentum compensationis alicujus partis usufructus, qui ad dominam Wauchop de Edmestoun antea pertinebat, & ab illa sub forma instrumenti renunciatus fuit ob compensationem usufructus alterius partis, in favorem domini de Edmestoun, an compensatio illa teneret; cum notam instrumenti rogasset extraneus à dicta domina; ratio dubitandi erat, quod alteri nemo possit aut acquirere aut stipulari; & Senatus eo tempore censuit instrumentum valere, licet qui notam à notario rogasset fuisset extraneus. Quod ad jus feudale attinet per servos quidem sive nostros sive alienos, sed bona fide nobis servientes, quod vel ex re domini vel sua industria & opera acquirunt, & jure Anglorum per liberos nostros quandiu in familia nostra sunt & à nobis aluntur, nobis acquiri certum est: Et ut usum nostrum jungam, per nostros servientes, qui nobis loco servorum sunt, sive hi dicantur, factores, camerarii, ballivi aut actornati, feudum rectè acquirimus: nec majus dubium est in procuratore quin ejus opera in feudo acquirendo uti possimus, sed verba textus latius extenduntur, Nam Obertus ait utrum ipse vel alius pro te investituram accipiat nihil interesse putamus, itaque ex jure feudali, feudum nobis acquiri potest per liberam personam, etiam extraneam nostro nomine stipulantem vel contrahentem, & in hoc usus noster forensis etiam consentit, ut per quamcunque personam feudum acquiri possit nobis, modo res nostro nomine agatur, & ratum postea habeamus: neque enim nostra rationi habitio ex jure sufficit, nisi res à principio nostro nomine agatur: melior tamen pars feudistarum, non nisi per procuratorem, licet generale mandatum habentem, quem nos actor

natum

natum dicimus, feudum nobis acquiri putant \*, Apud nos & jure nostro non solum acquirimus per nos, sed per uxores nostras vel per servos vel bona fide nobis servientes, per procuratores etiam, sive generale sive speciale mandatum habentes, pupilli etiam acquirunt per tutores & curatores.

Sequitur ut de modis feudi novi acquirendi dicamus, Sane genuinus & naturalis feudi novi acquirendi modus est liberalis donatio à domino in favorem vassalli concessa, nam sua natura feudum debet esse gratuitum, & ex liberalitate concedentis, ob militares tantum operas concedi; quod enim interveniente pecunia vel mercede conceditur, feudum degenerans sive feudastrum dici potest \*, licet nonnullis in locis juris & hæc nomine Feudorum nuncupentur, habito respectu ad id quod in communi erat usu \*: sed ut ad donationem revertamur, qui primus est acquirendi feudum modus, unde & beneficii nomen meruit, ea igitur est duplex, una mera & directa donatio, quæ nihil nisi liberalitatem sapit, alia negotialis, quæ negotii quandam gestionem, & conditionem cum liberalitate conjunctam habet, quæ propria Feudorum est, nam sub officii sive servitii conditione contrahuntur: imo neque illud feudum quod eleemosynæ nomine, sive in perpetuam eleemosynam datur, servitio suo mercenario vacat, clerici enim tanquam mercenarii, hoc feudum recipiunt, sub conditione quadam precum, aut pronuntiandarum, aut obmurmurandarum.

Quod ad emptionem attinet, is hodie est modus acquirendi feudi vulgatissimus. Licet Gerardus sub prætecto pecuniæ, feuda comparari deberi neget, sed tantum honore & amore domini: hodie tamen, hoc modo, degenerantibus à veteri instituto moribus, feuda comparari solent, licet revera sic beneficii nomen amittant, nemo enim sanus qui pretio emit beneficio se acquisivisse dicit, nisi forte ad similitudinem manumissionis cum Marcello dicamus \*, manumissionem etiam si pecuniam acceperit, beneficium tamen præstare servo, cum ei libertatem dat, nec minus patronus efficitur, & jura patronatus in libertum omnia habebit, quæ haberet, si ex sola liberalitate manumisisset, potest etiam dici integrum pretium non solum, sed moderatum, nempe habito respectu ad onus, in quod vassallus domino tenetur, quod pro parte pretii imputatur, alioqui plus soluturus, si allodium esset. In his alienationibus semper inspiciendum, si is qui vendit ipse jus habeat, alioqui nihil emit: Nostro jure si titulus superveniat venditori, accrescit emptori & retrahitur, non autem jure Anglorum.

Tertius modus feudi acquirendi est permutatio, quæ vulgariter cambium & excambium dicitur, de quo etiam apud Gerardum & Obertum \*. Eodem modo in acquisitionibus præscriptis verbis cum feudum datur, ut aliquid fiat vel detur, nam in his omnibus feudalibus contractibus, semper ut aliquid fiat convenit, & feudum merito dici potest contractus, do ut facias, nihil enim datur nisi ob causam, ut aliquid fiat, quo non facto sive præstito, dominus feudi revocationem ad se habet; Et hi modi feudum solent præcedere, neque feudum, sed actionem perfectam propter feudum, & ad feudum constituendum, perficiendum, & absolvendum inducunt.

Superest de præscriptione, quæ non solum modus acquirendi sed etiam feudi constituendi in jure ponitur, non enim tantum contrahitur, sed etiam perficitur & absolvitur feudum hac præscriptione, cum non solum, titulus adsit ( præscriptio enim titulum & etiam dominium inducit ) sed etiam realis possessio. præscriptio autem in usu nostro non est, nisi in causis paucissimis, plerique enim dolendum putant, quod sæpe evenit, ut viris nobilibus vita functis hæredes à latifundiis suis cadant, fraude, vel viduæ, vel famulorum, quibus monumentorum sive instrumentorum concredita fuerat cura, & quorum jura ab initio recte fuerant constituta, interceptis tabulis ex post facto in periculum adducuntur, quod est iniquissimum; Et nostri neque in foro conscientiæ, neque ex ratione juris civilis & feudalis præscriptioni esse locum putant, cum in jure canonico regula sit, beneficium nullo tempore posse præscribi, Præterea ex jure videtur vassallum varias ob causas adversus dominum præscriptione nunquam posse defendi, Ita enim Obertus \*: ratio est, quia non sibi, sed alteri, non pro suo sed pro alieno possidet, quæ causa præscriptionem omnem impedit \* & ob eam ipsam causam, emphyteutæ ( qui & ipsi speciem feudi faciunt ) nullo tempore præscribunt, proprietatem adversum dominum \* quod Sc. feudum tantum sit usufructus ut neoterici omnes volunt. Habent nostri aliquid majus quod pro eis faciat, nam usufructuarius Cum neque vere possideat proprietatem ( neque enim proprietas & usufructus sunt eadem ) saltem cum sciat se rem alienam possidere, nunquam acquirit proprietatem præscriptione: præterea si vassallus feudum suum tercio tradiderit, quia res est alienari prohibita,

\* Schonher.  
Lib. 1. De  
spus feudal.  
Dispo. 5.  
Theol. 16. &  
18.

De acqui-  
rendo feudo  
per Donati-  
onem.

\* Lib. 1. feu-  
dor. tit. 27.

S. 1.

\* Lib. 1. feu-  
dor. tit. 1. in  
fin. & tit.

7. & 16. Es

Lib. 2. tit.

12.

De Secundo

modo per

Emptionem.

\* L. 3. ff. De

Ob. eq. Pa-

rent. & pa-

tron. præ-

stand.

De tertio

modo per

permutatio-

nem.

\* Lib. 1.

feudor. tit.

4. S. 2. Es

Lib. 2. tit.

25.

De quarto

modo per

præscriptio-

nem.

Quare apud

nos locum

non habent.

Hodie tamen

in Parl. sen-

to mense Ju-

niis 1617.

Præscriptio-

nes intro-

ductæ sunt.

\* Lib. 2. feu-

dor. tit. 3.

\* L. 2. & De

Præscript.

30. vel. 40.

Annor.

\* L. 7. in fin.

G. Eod.

bita,

bita, videtur non solum ex ipso textu juris, & ex constitutionibus specialibus Lotharii & Friderici primi præscribi non posse, sed etiam ex juris communis dispositione, qua res contra legem alienata, aut accepta nullo tempore præscribi possunt; sic res principis, patrimoniales præscribi non posse nuper diximus\*; Et cum dominus & vassallus in feudis penè æquiparentur, nisi in fidelitatis præstatione & reverentia, in aliis vero non minus dominus vassallo teneatur, quam ille domino, dominus vero ob non præstitum servitium feudum sive feudi libertatem contra vassallum nunquam præscribit, nisi postulatum & requisitum fuerit\*, profecto eisdem rationibus præscriptio in feudis, non videtur admittenda; neque nostri in jus hoc feudale scriptum, aut jus commune peccare se putant, quia præscriptionem non admittunt.

*Rationes cur  
in feudis  
præscriptio-  
nes debent  
admitti.*

His tamen omnibus non obstantibus & ipse textus in vassallo præscriptionem admittit, non quod vassallus directum dominium unquam possit præscribere, nam licet corporaliter possideat, directum tamen dominium cum sit jus domini superioris, à vassallo nunquam possidetur neq; in bona fide esse potest, si præscribere conetur; suum tamen feudum quod ex domino recognoscit pro quo servitia præstitit, præscribere posse putant omnes feudistæ cum ipso textu, præcipue si eo animo possederit. Sed si non ut feudum, sed ut rem propriam aut pignus, aut depositum aut commodatum, possessio illa ad effectum feudi præscribendi nunquam extendetur. Et quod vassallum præscribere leges vetant; de vassallo ipso intelligunt, & non de tertio qui in locum vassalli successit, nam & usufructus Legatus potest præscribi à legatario. alii alia distinctione utuntur; nam ex jure civili ager vectigalis, licet nullo tempore præscribatur, & ufucapi possit, ejus tamen dominium longo tempore acquiri posse putat Ulpianus\*, ut aliud ab ufucapione, sit domini acquisitio, & hæc pro se adducunt, quod licet neque triginta annorum spatium, neque ulla diutina possessio vere obligationem in jure civili inducat, neque quis in futurum ex tali præstationeolvere cogendus est, tamen & præsumi facit obligationem & obligationem si quæ fuit in futurum confirmat sic in feudo, licet præscriptionem veram vassallum non facere, neque verum feudum ut is contra dominum agat, ut cum infeudet, præscribat, saltem ad hoc sufficere putant, ut vassallum in possessione retineat & confirmet, & contra tertium agat; sed ut sententiam nostram hic inferamus, cum de verbis desceptatio videatur, utrum dominium feudi inducatur longo tempore, & præscribatur, cum textu & Doctoribus concludo, per præscriptionem non solum feudum acquiri, sed constitui, nempe si quis per triginta annos domino sciente & patiente, feudum laicum: per quadraginta vero, ecclesiasticum sed ut feudum possederit, & toto isto tempore vel servitia fecerit, vel saltem obtulerit, etiamsi revera non præstitit, si tamen in mora non fuerit, quo minus ista præstaret; castigandam enim volunt leges dominorum socordiam, qui tanto tempore alium se invitit feudum possidere patiuntur, cum & res ante oculos versetur, & cum possint minima interpellatione impedire, sistere tamen maluerint, & hæc est communis opinio, quæ si apud nos in aliquibus casibus recepta esset, melius cum republica ageretur; quod de triginta annis dixi, intellige completis, neque enim ultimus annus cæptus pro completo habebitur, & possessio debet esse continua & non interrupta, ita tamen ut possessio auctoris in successorem continuata pro una habeatur. Sed dicit aliquis, quis saltem erit effectus possessionis, si quis triginta annos, non quidem totos completos possederit? sane magnus, nam licet nisi triginta annis completis, præscriptio non acquiratur, eo casu vassallus à domino conventus ut investituram domino monstret, non tenetur, sed jurabit tantum feudum sibi jure esse constitutum & concessum; & licet regulariter adversum dominum vassallus non præscribat, si tamen prior vassallus feudum alienaverit sine consensu domini, & secundus vassallus domino præsentem, & scientem, nec contradicentem triginta annos possederit, dominum vendicantem poterit exceptione, præscriptionis repellere\*.

\* *Schon. lib.  
1. Dissp.  
feudal. Dissp.  
6. Thes. 9.  
\* Schon.  
ibid. Thes.  
21. & 12.  
\* L. 3. & 4.  
C. de Præ-  
scripti. 30.  
vel 40. Adu-  
not.*

In hac triginta annorum præscriptione de bona fide probanda non multum laborandum plerique putant, cum ea ob temporis cursum & domini patientiam presumatur, inchoata semel, semper currat\*. jure civili præscriptio, triginta annorum, saltem quadraginta annorum nisi contra temp. titulum inducit & ad feudi præscriptionem sufficit\*, quæ ad triginta annos jure feudali restringitur, nisi quod in feudo ecclesiastico plerique dissentiunt, feudum ecclesiasticum non nisi quadraginta annis præscribi posse asserentes cum in eo ecclesiæ præjudicium aliquod oriatur, alii contra & verius, cum ex textu Feudorum, nulla sit distinctio inter feudum laicum & ecclesiasticum, & proinde nec nos distinguere debere contendunt, sed contentos esse communi triginta annorum præscriptione, & hac de præscriptione. Apud Anglos præscriptio terrarum nullum jus inducit, præscriptio



præscriptio tamen annui redditus, aut earum utilitatum quæ à terris capiuntur, recepta est, sed nulla admittitur præscriptio, nisi ab illo tempore, cujus memoria non extat. Sed quoniam præscriptio tam modus acquirendi feudi est, quam constituendi, de ea sequenti diegesi, cum de modis, quibus modis constituitur, tractabimus, plura dicemus. De successione in suum titulum rejiciemus, neque enim tam mihi videtur modus feudi acquirendi, quam retinendi & conservandi. In stipulationibus, qui alium quid daturum vel facturum promittit vel eum qui in ejus potestate constitutus est, jure Anglorum nihil facit; nostro, si appareat ex causa factum, & adversarium in errorem induxerit, ad interesse tenetur; At etiam ab illis inutiliter stipulamur, qui nostræ potestati sunt subjecti, ut & illis inutiliter promittimus; Mutus & surdus (quod ad surdistrum non extenditur) stipulari non possunt, ut nec furiosus nec Infans, nec qui duricie carceris oppressus, aliquid promiserit, si pactum rem ipsam, cujus causa quis in carcerem conjectus est attingat, nec quæ vi aut justo metu extorta sunt stipulationes, quicquam operantur. Apud Anglos, in omnibus his obligationibus stipulationibusque quæ scripto comprehenduntur, hæc tria semper necessaria sunt, scriptura, sigillatio & traditio; qui autem scripto promisit investiturum se, id suis sumptibus facere debet.

De stipulationibus igitur & obligationibus nemini dubium est quin & ex stipulatione & obligatione, quemadmodum ex omnibus contractibus feuda acquiri possint, neque id in controversia apud quemquam est, quin ex tali stipulatione sive obligatione actio queratur: exempla frequentiora sunt, & magis quotidiana, quam ut eis illustrari hæc res possit aut debeat.

*De stipulationibus an ex illis feuda acquirantur.*

An autem ex testamento vel ex ultima voluntate feudum acquiratur, quæri potest, & an ex legato, sive investitura impropria per traditionem annuli vel baculi à testatore, hæres legatarium in possessionem feudi legati inducere tenetur? Et sane neque feuda antiqua testamento aut ultima voluntate disponi, neque vassallo, testamenti factionem esse in feudo antiquo consentiunt fere omnes, quod & in omnibus qui hæreditariam possessionem habent observatur, nam in regnis, quanquam feuda non sint, Rex sceptrum secundo genito relinquere non potest, neque cum hæredem constituere præterito primogenito, nisi is plane ad imperandum sit inhabilis; quod si testamento hæres non possit institui, quanto gravius peccant contra omne jus scriptum, contra fas omne, qui in Regno hæreditario hæredem & successorum nominare testamento cuiquam permittunt; quodque ipsi in rebus privatis facere non possunt, alii in re ad omnium salutem pertinente faciendum concedunt, ut jure vel hæreditate aliena uti vel abuti liceat, Testamento sane feudum acquiri, usque adeo à jure communi abhorret, ut neque vassallus pro animæ suæ salute, feudum aut feudi partem ecclesiæ relinquere possit. Et licet donatio solus sit legitimus modus feudi acquirendi tamen causa mortis donare non potest feudum suum vassallus, cum hæc donatio legatum sapiat, & legato æquiparetur: immo quod magis mirum est, neque cum domini consensu, etiam si dominus liberam testamenti factionem concesserit; itaque neque legare feudum suum vassallus testamento potest: ratio est, quod non potest vassallus in præjudicium tenoris investituræ & eorum quæ in ea continentur, feudum quovismodo alienare testamento. Gravis tamen quæstio inter feudistas versatur, an vassallus possit testamento unum ex filiis ad servitium domini eligere, eique feudum assignare, ratio dubitationis hæc est, quod feuda pro servitio disponantur, quid si unus ex filiis, ad domini servitia magis sit idoneus & aptus quam alii? videtur nullum præjudicium domino in suo servitio fieri (cujus semper prima ratio servanda est) si unus pro reliquis instituat, qui domino debitum servitium præstet: non enim hæc institutio, aut pro legato aut fidei commissio habetur, & in jure pater operas libertorum, in præjudicium filii, potest nepoti assignare: sed profecto contrariam opinionem tenent omnes quod legerim feudistas, neque vassallum per se, neque dominum posse investituræ tenorem mutare, nisi forte inter vivos investituræ tenor renovetur, ex utriusque consensu, & etiam proximorum, quorum interest aut qui successuri sperantur.

*An ex testamento.*

His breviter & quasi per transfennam prætereundo, expositis, facilis erit illius dubii solutio, an pater, Regni alicujus Rex, possit testamento hæredem, seu successorem alium à vero, in Regno instituere, nam quod ad jus feudale attinet, nihil absurdius dici, nihil quod cum ratione feudali magis pugnat, poterit excogitari; cum ne testamento suis successoribus tutores, regem relinquere posse magna pars feudistarum putet, nam notum est in feudis, tutores testamentarios à domino in feudo vassalli sui excludi, si militare sit feudum. Sed inquiet aliquis regna non sunt feuda, recte sane, quia Reges de nullo tenent, nec dominum

dominum agnoscunt, nisi quæ sunt regna, quæ clientelarem fiduciam debeant, ut antea docui, at neque regna omnino a Feudorum nomine excludi possunt, quorum omnium deus Opt: Max. directus est dominus, de quo Reges Regna sua tenent, & ad servitia eidem domino suo servanda & præstanda tenentur, ut in diegesi septima primi libri adnotavi, & si respectus habeatur ad vassallos, domini Feudorum directi sunt, & in usibus Feudorum consuetudines Regni numerantur \*. Utcunque est, eisdem successionis legibus Regna subiecta, quibus & feuda, tenent omnes qui de jure feudali scripserunt \*. Utraque enim omnibus legibus successionum, quæ per omnes gentes recepta sunt reguntur, nisi forte aliquod sit privilegium speciale unius Regni, ab ejus initiis continuo observatum, veluti lex quæ Salica dicitur apud Gallos, quæ à successionem Regni, foeminas perpetuo excludit, & pro fundamentalis Lege in Gallia tenacissime observatur; Et quoniam in hanc quaestionem incidimus. Utrum Rex testamento successorem nominare, & vero hæredi præjudicare possit, cum ex hac quaestione multa mala in Britannia meridionalis successionem, metui nuper potuerant & adhuc possunt, accuratius eam discutiamus, & in hypothefin controversiam hanc totam subducemus.

Regina Augustissima Elizabetha, quæ in Anglia folio supra quadraginta tres annos felicissime & suis & exteris admiranda sedit, speciali statuto trium ordinum Regni, qui Parliamentum efficiunt, hoc habuit sibi indultum, ut posset libere & suo arbitrio successorem post se nominare, quemque illa, etiam in ipso agone mortis nominaret, se recepturos & pro Rege agituros, iidem ordines solenniter promiserunt, Quæstio igitur hinc nascitur, nam illa in articulo mortis constituta alium à vero hærede successorem potuit relinquere Ex hoc indulto sibi ex consensu Parliamenti privilegio; Pro parte affirmante, multa sunt quæ faciunt, nam ex jure Romano certum est, non solum omnium rerum moventium, sed & non moventium, & proinde Feudorum, sive, ut ea erant tempora, fundorum seu prædiorum legitimam dispositionem testamento fieri potuisse; quod etiam in Regnis antiquitus locum habebat, Attalus enim Pergami Rex, hæredem Regni sui populum Romanum testamento instituit, his verbis, Pop. Romanus bonorum meorum hæres esto \*: Hæc verba adjeci, ut sciant juniores, bonorum appellatione apud veteres tam mobilia quam immobilia comprehendere; Romani enim ex his testatoris verbis, non solum bona moventia, sed etiam ipsum Regnum universum, & omnia quæ aut erant juris divini, aut humani, publici aut privati invaserunt, & pro suis occuparunt, necquicquam reclamante vero hærede & universo populo Pergameno; Eodem modo cum Nicomedes Bithinæ Rex Pop. Romanum hæredem instituisset, Romani eo mortuo Regnum in provinciam Redegerunt; nec diversa sunt quæ de Alexandro Ægypti Rege narrantur, qui moriens Alexandriam & Ægyptum Pop. Romano testamento reliquit, & Prasutagus Icenorum in Britannia Regnum, Cæsari & ejus filiabus legavit \*, Hæc & his similia, de dispositionibus & translationibus Regnorum tam inter vivos quam mortuos, passim apud bonos auctores occurrent exempla; denique nec domesticis exemplis, eisque recentioribus, Angli destituuntur. Conquæstor enim, Rursum secundo genitum, præterito Roberto primogenito, hæredem Regni instituit, & hujus ipsius Augustissimæ Reginae pater Henricus octavus, idem sibi à tribus Regni ordinibus privilegium indultum habuerat, ut quem vellet ex pluribus candidatis & jus prætendentibus posset eligere & postremis tabulis obsignatum relinquere.

Sed longe graviora sunt quæ pro adversa parte adducuntur, nempe alios fuisse illius præci sæculi mores, alios hujus, neque eandem rationem in regnis, quæ in privatorum successionibus esse; nam licet, veteribus liberæ erant decumbentium voluntates, ut de rebus suis pro arbitrio possent disponere, & eversa Romana repub. Cæsaribus jus omne tam in Res, quam in personas permissum, sive ex res juris divini essent, sive juris humani. Postquam jus feudale à gentibus Europeis receptum est, desierunt omnia esse principum, nisi quo ad fiduciam, sive tuitionem, aut protectionem; & privatorum facultates non in dominorum, sed eorum, qui eas acquisiverunt opera vel pecunia sua, erant potestate, tantummodo ut pro corporibus, & facultatibus suis, principis & reip. servitia & onera sustinerent; eisque essent obnoxii; Et cum usu (qui stultorum etiam magister est) observassent ægrorum animos sæpe, vel necessariorum absentia, vel præsentium adulatione, aut metu ne deserantur in tanto periculo, in deteriore partem flecti, locumque tum facillimum, dilationibus, calumniis, obrectationibus & suspicionibus, primo caverunt, ne in ægrorum potestate esset de bonis non moventibus quoquo modo testari, mox ne omnino libera in testamento esset, etiam bonorum moventium dispositio, si quis conjugem & liberos habet, quin eis bellum bonorum

\* Tit. Hic  
finitur lex,  
Deinde Con-  
suetudines  
regni incipi-  
unt Lib. 2.  
feudor. tit.  
28.

\* Shoner.  
Disp. feudal.  
Lib. 1. Disp.  
6. Thes. 21.

\* Florus  
Lib. 2. Epit.  
Livii Lib.  
58.

\* Tacitus  
Lib. 14. An-  
nal.

norum mobilium (1) conjugii, unum trinentem : liberis, alium cogeretur relinquere. Sed quod  
 ad regna attinet, neque inter vivos, neque mortuos transferri, aut testamento legari volue-  
 runt ; meliori sane rationi innixi, quam veteres illi, aut Romani, aut qui Romanorum  
 tempore regnabant ; Argumenta cur ita crediderint, & statuerint, hæc erant, ex regnorum  
 dispositionibus, non solum rerum & prædiorum dominia transeunt, sed etiam incolarum &  
 subditorum mutationes, qui licet in regum ditione, imperio & potestate dicantur, in eorum  
 tamen fide & clientela potius censent esse, quam dominio ; itaque liberorum hominum, &  
 nobilium dignitatem, & familiam retinent : neque servi dici possunt, cum libere & ex arbi-  
 trio suo, quidvis faciendi jus, & potestatem retineant, nisi jure prohibeantur ; neque  
 enim sequitur, subditi sunt, ergo servi ; Non ita apud Christianos, sed immanissimos Tur-  
 cas vivitur, qui & nobilitatem, quam ubique jactamus, ludibrio habent, & se servos sui  
 domini gloriantur. Aristoteles Regem à tyranno distinguens \*, ille ait volentibus & con-  
 sentientibus imperat, ut eos ab injuria aut accipienda aut inferenda tueatur, tyrannus vero  
 ita dominatur inter suos, ut eos pro pecudibus habeat : ille, ad suorum : hic, ad suam tantum  
 utilitatem omnia facit, & exequitur : itaque cum nulla regni sive alienatio, sive dispositio,  
 fieri possit, nisi & subditorum, etiam in alium, fortasse tyrannum, saltem in duriores condi-  
 tionem translatio sit, nec liberorum hominum ullum ex jure sit commercium \*, generalis  
 propositio pro vera retinenda est, Regna neque inter vivos, neque testamento disponi posse ;  
 cum liberi homines in commercio non sunt & ex jure feudali non minus dominus prohibe-  
 tur ab alienatione sui domini directi, sine consensu sui vassalli, quam vassallus ab alienati-  
 one feudi, & utroque casu, pari poena, & hic & ille punitur, ille, amissione directi domini,  
 hic, utilis. At occurret aliquis, acta Parliamentorum, quæ ex trium ordinum Regni consensu  
 fiunt pro legibus haberi, jusque facere, in rebus omnibus, ad Regni utilitatem & conservatio-  
 nem pertinentibus, & ideo etiam in successione, eorum scita, pro delphicis oraculis, & quasi  
 decreta Medorum Regum, & Persarum observanda. Respondeo neque jus naturale, neque  
 jus gentium continuo usu stabilitum, his actis Parliamentorum inverti posse, aut mutari  
 præcipue in præjudicium ejus, qui & jam jus habet acquisitum, & eorum actis non est ob-  
 noxius : jus autem successionis, natura introductum esse, & jure gentium confirmatum &  
 receptum, postea probabimus cum de successione agetur, de jure divino taceo, quo tamen  
 expressæ leges de successione stabiliuntur, cui, an mortalium ullus possit se opponere, vehem-  
 enter dubito. Sæpe in Anglia legimus, quod in uno Parlamento sive comitiis trium sta-  
 tum sancitum est, posteriore antiquatum, præcipue, quo ad jus successionis in Regno, ex-  
 empla nota sunt, in Joanne rege qui à nobilitate ejuratus, tamen ejus filius Henricus 3.  
 successit ; sic in Henrico quarto & Edvardo quarto, & Henrico 6. qui omnes sententia Par-  
 lamentorum damnati, & à Regni successione pulsati, regnare tamen postea non destiterunt,  
 imo Henricus 8. princeps vere magnus, consensu trium ordinum, utramque filiam Mariam  
 & Elizabetham illegitimam pronunciavit, & à successione in Regno exclusit, qua non ob-  
 stante sententia, utraque, prior scilicet Maria, post Elizabetha magnis omnium ordinum ac-  
 clamationibus in paternum solium est recepta, usque adeo jus gentium, & ingenua succes-  
 sionis à natura vis, statuta omnia præggravat, quæ plerumque vel odio, vel inimicitia vel  
 amore aut gratia tum prævalente, sententias suas metiuntur ; possunt quidem principes de  
 rebus privatorum disponere, sed non nisi numerato pretio, & ex justa causa uni rem adju-  
 dicare, alteri abjudicare ; sed longe alia est Regnorum & successionis in eis conditio, quæ  
 non solum jure naturali, & gentium stabilitur, sed etiam jure divino perpetuoque usu &  
 consuetudine tot seculorum confirmatur. Præterea, quæstio illa an Rex aut Imperator  
 possit jus suum cuivis auferre, per novam legem, à se eo nomine conditam, sine controver-  
 sia est, tam ex Doctoribus juris civilis, quam Canonici, & tenent omnes non posse, ne inter  
 suos subditos, quanto minus novæ legis prætextu & ad hoc specialiter lata, alii non subdi-  
 to præjudicare, ut aperte Bartolus, neque imperatori, contra conscientiam quid imperanti  
 parendum. Quod de Conquæstore legimus, illum in Angliæ Regno, Rufum filium, Ro-  
 berto primogenito, prætulisse, rationes ille suas habebat, nec à jure, nec à naturali æquitate  
 abhorrentes ; nam prælio decertare cum Roberto filio pater coactus, & ab eo equo dejectus,  
 & graviter vulneratus, ob impietatem primogeniti, secundo genitum substituit, nam jus  
 primogenituræ ob impietatem in patrem amitti, historia sacra, in Reubeno, Levi, & Simeone  
 testatur, & Conquæstor Angliam tanquam Conquæstum suum censēbat, de quo Con-  
 quæstu, legibus tam Anglorum, quam Gallorum, testamento poterat disponere, quod &  
 adhuc in utroque Regno observatur & in sacra Historia, Jacobus Patriarcha agrum quem  
 ab Amorrhæo arcu & gladio justo bello acquisiverat Josepho extra sortem reliquit,

*Subditi non  
sunt servi  
aut loco ser-  
vorum.*

*\* Lib. 3.  
Politicor.*

*\* Si in con-  
fessione §. 2.  
ff. De Con-  
trah. Emp.  
Regna neque  
inter vivos  
neque ex tes-  
tamento di-  
spont nisi  
legitimo hæ-  
redi posse.*



unde plerique, non obscure colligunt, licere in Conquæstu, primogenito liberorum prejudicare, & Conquæstum, cui velit, pro arbitrio relinquere, Itaque nihil pene à jure communi alienum Conquæstorem fecisse, plerique possunt probabiliter affirmare, licet ejus factum à nemine probari, legerim, plus enim facti, quam juris habebat. Henricus autem octavus, cui primo privilegium illud à Parlamento indultum fuerat, ejus permissa licentia nunquam uti voluit, nec unquam veris hæredibus præjudicium moriens attulit, Scimus supposititias tabulas fuisse, de ejus suprema voluntate confectas, & ei ascriptas; sed hæ merito, ab omnibus explosæ sunt, & ex actis publicis, quibus opera impostorum illata sanr, rursus oblitterata, & deletæ, successoresque ei fuerunt, non quos falsarius ille impostor supposuerat, sed veri & naturales hæredes, ei in hunc usque diem, ut par est, successerunt, & licet idem privilegium, à tribus Regni ordinibus, repetitum in ejus filia Elizabetha fuit, eundem tamen eventum hujus privilegii in ejus persona vidimus, quæ, ex nobilissimi patris, pari privilegii libertate successerat; nunquam enim religiosissima Regina, conscientiam suam gravare voluit, in rejiciendo vero Regni hærede, & Regno alii adjudicando, cum hæ hæredum extraneorum institutiones, etiam inter privatos, contra pietatem & conscientiam leges, fieri credantur, quanto magis in re, à qua tot populorum vita salusque pendeat.

*Quantum  
eis liceat qui  
commissio-  
nem cum li-  
bera potesta-  
te accipiunt.*

*\* L. credito-  
rem. S. Lu-  
cius Titius  
ff. Mandati.*

*l. Hac ven-  
ditio. ff. De  
Contrah.*

*Empt.*

*\* L. Obliga-  
tione ff. De  
Pignorib.*

*Et.*

*\* L. Fube-  
mus nullam.  
C. De Sacro-  
sanct. Eccles.*

Ex jure civili, is, cui quid mandatum est, aut ut in foro loqui solemus, qui commissio- nem accipit liberam, per hæc verba, ejus arbitrio, voluntati, prudentiæ, religioni permitti- mus, non existimabit omnia sibi licere; sed ea verba, interpretationem hanc recipiunt, ut non omnino libera potestas, quidvis ex nuda voluntate, & sine discrimine, faciendi ei sit per- missa, sed ut ea possit tantum, quæ vir prudens & bonus faceret, & ut ex mandantis, uti- litate & comodo metiatur omnia\*, ut in legationibus hodie fieri videmus: nam legati, licet liberam videantur habere à suis principibus potestatem & credentiam (ut loqui sole- mus) tamen nihil, nisi ex utilitate domini à quo mittuntur, facere possunt, & in jure quod unius arbitrio permissum est, tanquam viri boni arbitrio permissum videtur, neque in gene- rali concessione veniunt, quæ quis, verisimiliter non fuisset concessurus, si specialiter expressa fuissent\*: neque unquam tale privilegium includit casum publicæ utilitati, aut necessitati, imo nec æquitati contrarium. præterea generalibus verbis conceptum privilegium, ad æqui- tatem & naturalem rationem debet referri\*. Neque enim in his privilegiis, quæ contra jus commune conceduntur, ea licentia permittenda est, ut quovis extendi possint, aut quovis pro arbitrio privilegiati progredi, sed strictissime sunt interpretanda, adeo ut verba etiam, in impropria significatione sunt sumenda, ut ad jus commune redigantur, certum est etiam ex jure privilegia hæc contra juris regulas, & contra ipsam naturalem æquitatem concessa, in præjudicium tertii non extendi; privilegium enim ad alienam injuriam extendi non pos- test. nec illud omittendum est, quod ad præsentem hypothesin, maxime facit, privilegium patri concessum, ut libere & pro arbitrio possit, de bonis suis testari, non eatenus extenditur, ut possit liberos, quibus successio debetur, ex hæredare aut præterire. Innocentius sane, speci- ale hoc ait esse, in Regno, quod per successionem defertur, ne reges filios suos vel fratres, aut alios consanguineos, ex stirpe paterna descendentes, successione, ex sola voluntate sive in testamento possint privare & profecto hæc privilegia, contra jus naturæ concessa, non tenent ex jure, nam leges naturæ omnibus privilegiis sunt præferendæ, neque imperatori, contra conscientiam quid jubenti, parendum\*; Hæc & his similia multa, non solum ex jure, sed eti- am naturali æquitate passim occurrunt, quæ libertatem illius privilegii restringant, & ad jus commune trahant, quid enim si Regnum illud aut Galliarum Regi, aut Hispaniæ testa- mento disponat? quid, si plures successores reliquerit, & regnum, quod divisionem non pa- titur, in partes dividat & distrahat? aut indignum aliquem vero successori præferat, in eo Regno, quod omnino suum dicere non potest, cum ejus tantum administrationem, sibi à deo commissam habeat? & si verum est illud, quod recitat Polydorus, & plerique Scriptores, Angliæ Regnum, dei Regnum esse, profecto omnibus modis enitendum, ne in ejus successi- one, quid deo, ejusque legibus contrarium committamus. Proinde, privilegium illud, à tri- bus ordinibus indultum, prius nobilissimo patri, postea ejus filia Augustissima reginæ civi- liter & ex æquo & bono intelligendum, & testamento hæredem, alium à vero, instituere, justum hæredem abdicare, tolerandum non videtur, quod doctè, annotavit Albertus Crant- zius, ejus verba subjiciam\*, Unguinus Gothorum Rex erat, quem Hældanus, post se Reg- ni moderatorem in Dania designavit, Norvegiæ Hasmundam filium impuberem relinquens, novum & ante hac incompertum, munus testamento datum, equidem ædes, Agros, prædia, vineas & his similia testamento dari putamus, Regnum autem chartæ beneficio præstari prodigiū

*\* Baldus in  
Auth. Ha-  
bita C. Ne  
filius pro pa-  
tre Et.*

*\* Lib. I. Da-  
nica. 4.*

prodigii loco habitum, & Oforius, qui res ab Emanuele rege Lusitanæ gestas descripserat, cautum legibus Regni Lusitanici commemorat, ne reges, cum animi aut corporis morbo (qui plerumque animum afficit) Laborant, non solum Regnum, sed ne res quidem proprie regias, veluti gemmas, supellectilem Regiam, & si quæ alia in Regum antiquitus fuerant deliciis, alienare eo tempore possint, cum id tempus ut dixi calumniis & falsis opinionibus sit opportunissimum. Sed ut ad feuda revertamur, certi juris est, neque feuda testamento relinqui, aut hæredi vero, testamento præjudicari posse, ratio est, quod feudum non tam à vassallo testante, quam à domino legem capiat: Itaque sine utriusque consensu alienari non potest, imo quod majus mirum est, neque domino consentiente, vassallus in testamento, feudum potest disponere, in præjudicium agnatorum, qui tale testamentum, quo ipsi per extraneum institutum excluduntur, infringere possunt, nec testator successione ordinem, quem lex feudi & investituræ ex pacto & providentia domini concedentis introduxit, violare potest; & licet testator, neque discendentes neque agnatos habeat, & extraneum instituerit, in feudo, rejecto testamento, feudum ad dominum redibit, & ex constitutione Lotharii, & Conradi, feuda vassallorum, liberis posterisque relicta videntur, extranei enim hæredis institutio, est quasi alienatio. Alia etiam ex jure adductur ratio, quod vassallorum & libertorum in multis conditio comparatur, libertus vivus, bene merentibus amicis donare potest; legare in testamento non potest, ne patroni partem, quam in bonis libertorum habet, minuat\*; itaque neque ad pias causas, neque pro anima (ut aiunt) neque in dorem filia feudum aut feudi partem vassallus alienare potest, neque uni ex filiis, quem ipse elegerit relinquere, ne filius potius patrem authorem beneficii agnoscat, quam dominum aut patronum: neque potest vassallus feudum suum, usufructu alteri legato, testamento gravare, sed de his plura postea in titulo de alienatione feudi, sive recognitione.

Sed quæret aliquis, si hæres, ipsum feudum legatum, præstare legatario sive extraneo hæredi non teneatur ex jure, an saltem rei æstimationem, ad exemplum rei alienæ legatæ, In quo cum res ipsa præstari non possit, cum sit aliena, æstimatio saltem ab hærede debetur, quo jure & nos in testamentis utimur, Si testator rem hæreditariam, quæ ad hæredem post ejus decessum pertinet, alii legaverit. Imo in hoc casu ne æstimationem quidem, deberi legatario, aut extraneo hæredi censent omnes, ratio est, nam sic feudum redderetur inutile; quid enim interest res, an ipsa rei æstimatio debeat, Et quod dixi de usufructu, vassallum non posse feudum, per usufructus constitutionem, testamento gravare, idem in servitute & locatione, nam, neque rem feudalem, testamento legare potest in longum tempus, aut breve; Memini, cum juvenis cœpi forum frequentare, gravissimam quæstionem ortam ex testamento forbesii de Petligo, qui moriturus, cum duas tantum filias haberet & sciret dominium suum, talliatum, & ad lineam masculinam perventurum, nec aliunde esse, unde filiabus pro dignitate provideri potuit, duodecem millia marcarum eis legavit, dominiumque suum, pro ea summa Hypothecæ subjecit, ut inde utraque possit dotari; sed senatus hoc defuncti judicium plane irritum & inutile declaravit, cum ea summa, ut ea ferebant tempora, gravis & onerosa hæreditati videretur, & ut neque dominium, testamento legari posse censuit, sic nec onerari magnis pecuniarum summis, quæ, si permitterentur, partem aliquam domini exhaurirent. In feudo novo aliter aliis videtur; nam sunt qui testamento feuda nova disponi posse putant; & sane hoc in Gallia & in Anglia observatur, ut de feudo novo, quod nos conquestum dicimus, quilibet possit testari, cum aqutias postulet, ut quod quis acquisivit, ejus liberam disponendi & administrandi facultatem habeat, etiam in testamento, ut ante dixi, at in feudo paterno & antiquo, quod, quis à prædecessoribus acceperat, æquum est ut is qui accepit, eadem lege posteris relinquat, cum tamen feudi novi dispositionem in testamento, rationes nuper allatæ, tam vetent quam in feudo antiquo; nequius quæ adduximus, contra legatum feudi novi militent, quam antiqui, itaque recurrentum necessarium est, ad illud generale, statuta feudalia esse localia, nempe pro varietate locorum varia; sed quod de Gallia & Anglia diximus, convenit & multis aliis regionibus, ut de feudo novo (1) conquestu quis disponere queat, non minus ac de rebus mobilibus; nam iisdem pene legibus conquestus & res mobiles reguntur apud eos; & in burgis, etiam de feudo paterno apud Anglos testari licet, cogeturque hæres voluntatem defuncti in testamento sequi; At apud nos, de re hæreditaria nemo testamento disponere potest, neque de pacto, de retrovendendo, quam nos reversionem dicimus, ut neque servitium imponere neque

\* L. vivus  
9. ff. si quid  
in fraud.  
patron. factū  
sit.

An hæres teneatur feudi æstimationem præstare.

An feudum novum sine conquestu testamento alienari possit.

\* Schon.  
Thes. 3.  
Disput. 6.  
lib. 1. disputa-  
tionum  
feudalium.

alio modo gravare feudum, moriens quis potest; imo neque eum, qui successurus est, obligare in eas summas, ex quarum non solutione, feudum queat evinci, quod aequum est ac feudum ipsum disponere; nam si tales obligationes permitterentur, facilis fieret fraus legi, & quilibet vel morbo vel senio delirans, aut palpationibus praesentium inductus, familiam universam everteret. Et profecto nostri, ut cum feudistis in hoc conveniunt, sic utriusque, utilius Reip. consuli putant, si tales rerum immobilium alienationes, testamento prohibeantur, quam veteres illi jurisprudentes, qui liberam omnium rerum dispositionem testamento permiserunt. Sunt qui in his omnibus feudi novi acquirendi modis, domini consensum intervenire volunt\*, quod ego non puto in feudo acquirendo, licet in constituendo feudo aliud observandum ex utilitate vassalli censeam: neque tamen ne hic quidem ubique & semper necessarium. Annotandum, quod in omnibus actionibus feudalibus, si contra dominum agatur ex pacto convento, ut feudum perficiat, trina denunciatione dominus citandus est, interveniente septem dierum spacio (aut ex usu curiae) inter singulas.

## De feudi constitutione. Deque investitura propria & impropria.

### Diegesis Secunda.

De praescri-  
ptione feudi  
& quae ad  
eam requi-  
rantur.

EXpositis modis, quibus feudum acquiritur, sequitur, ut quo modo constituatur sive perficiatur feudum adjiciamus, Tribus autem modis feudum constitui, tradunt feudistae, Praescriptione, Investitura, & judicis Declaratione. Quod autem ad praescriptionem attinet, non solum ea ex jure inter modos feudi acquirendi, sed etiam constituendi numeratur, Sed ut constituat feudum haec tria necessario requiruntur, primum, ut praescribens animum possidendi rem tanquam feudum habeat, nam si alio animo possederit, veluti vel ex commodato, vel deposito vel conducto, aut pignore, & non ut feudum, nunquam valebit haec possessio ad effectum praescribendi; Secundum, quod requiritur, est triginta annorum completa & non interrupta possessio, ita ut auctoris possessio, in successore continuata, pro una habeatur, nec in hoc casu titulus opus est, saltem praescribens non tenetur titulum producere, quia ex jure in hoc casu titulus semper praesumitur. Tertium, ad minimum unius servitii exhibitio, nam si nullum servitium vassallus toto hoc tempore praestiterit, saltem exhibuerit, nec paratum se ostenderit domino ad servitia, non videtur eo animo, ut feudum possedisse; & è converso, si dominus vassallum de servitio exhibendo requisierit, & is recusaverit, dominusque triginta annos in possessione fuerit, dominus praescribit adversus vassallum; Haec autem de praescriptione, ideo hic apposui, quoniam hoc medio non solum feudum ex jure feudali acquiritur, ut dixi, sed & constituitur\*, hocque feudum quod ex praescriptione acquiritur, novum tantum feudum dicitur, novique feudi privilegiis gaudet, neque ut antiquum neque paternum censetur, & in conquestu numerandum, si apud nos praescriptioni locus esset.

\* Schon.  
Thes. 105.  
106, 107, &  
108. Di-  
sput. 5. & 5,  
6, 7. & 8.  
Disput. 6.

De investi-  
tura,

Unde nomen  
investiturae.

Supereft de Investitura dicamus, quae solus ex jure pene modus est (praescriptione, de qua modo dixi, excepta) feudi constituendi: neque enim feudum ullo modo sine ea constituitur, nam ut vassallus, jus in re sive fundo habeat, necesse est, ut investitura precedat: Hanc investituram, major pars feudistarum, metaphora à nudis personis sumpta, dictam esse putat, cum qui antea nudi, & à feudo alieni, beneficio domini eo induuntur & quasi vestimentum ab eo oblatum recipiunt; Hortomannus contrarium putat, nam si ab investiendo deduceretur, primum insigne feudi, vestimentum, aut aliquod genus vestis fuisse debere colligit, cum tamen in traditionibus, nullum tale signum, ab ulla gente usurpari affirmet. Reges, ait ille, in suo regno, gladio: duces & comites, vexillo: Episcopi, baculopastorali, & annulo: Inferioris ordinis ecclesiastici, libro insigniri soliti. Itaque à Germanica voce Vest. deduci mavult, quod confirmare significat; Tamen & vestem, in traditionum usu, fuisse antiquius, colligi potest, tam in Regnis, quam in Inferioribus dignitatibus, tam laicis quam ecclesiasticis; purpuram reges pro insigni imperii sumebant: Pontifices, pallam aut amictum pastorem: Duces, Comites, Marchiones, cum à Rege adhuc creantur, non solum vexillum accipiunt, sed etiam chlamidem sive pallam purpuream; barones etiam cum investitu-



ram recipere, ut barones vestiebantur, easque ipsas vestes sive vicecomiti ipsi, qui investitura minister est, sive ejus clerico aut apparitoribus, soliti sunt antiquitus concedere; hodie pro ipsis transigunt, quod & mea aetate observatum vidi. Sane Bodinus, ex exemplari Vaticano quod Roma servatur, meminit pontificem Romanum professum se Regem Arragonia, per cappam auream investisse in feudo Regnorum Sardiniae & Corsica; quo manifeste constat, Reges in suis feudis, antea per Papam traditione Pallae aureae investiri solitos; Solebant Romani in omnibus suis actis legitimis, non solum certis & conceptis verborum formulis uti, ut testatur Varro, sed etiam Symbola habebant, quibus animi sui sensum quodammodo explicabant, In sponsalibus, annulo utebantur (quod & apud nos hodie manet) ad significandam unitatem & perpetuam conjunctionem cordium sive animorum. In contrahendis nuptiis, aquam & ignem adhibebant, ut vitae conjunctionem Symbolo illo declararent; uxori in domum deductae claves tradebantur, ut significaretur omnium rerum, quae sub clavium custodia essent, administrationem, ejus fidei committam, ut clavium ademptio, signum, erat repudii; In emancipationibus liberorum, manu missio- nibus servorum, alapas impingebant, quod apud Germanos, adhuc usurpari in servis manu- mittendis vidi; In interrumpendis praescriptionibus furculum arboris infringebant: In contrahenda stipulatione (ait Isidorus) stipulam contrahentes manu tenebant & frangebant; In instituendo haerede, annulum testator dabat; Et apud nos, nostraeque memoria in remo- vendis tenentibus, frangere cytisum in solo terra, solebant majores nostri; bacillum frange- re in deforciamenis, adhuc solent: sic in investitura sive traditione possessionis, dominus corporeum aliquod Symbolum vassallo dabat, dicens se investituram facere, sive illud vestis erat, sive baculus, clavis aut hasta, & sic investituram faciebat; quod ut dixi Romanorum moribus convenit; nam claves aut annulum signatorium dabant, testandae alienationis cau- sa, & in emptio- nibus rerum mancipi, are libram percutiebant; itaque minus mirum si à metaphora sive Symbolo vestis, investitura sit deducta; sane haec investitura, à latino ser- mone derivata est, Latina enim voces sunt vestire, devestire, inde vestimentum, & investi- mentum apud Livium, & vestitura & investitura, Gallice vestu & devestu pro fasito & disfa- to, deducta & usurpata in nostrum usum irreperunt, in eadem significatione, & proinde metaphoram tolerabilem esse ipse textus & usus probant.

Romani in  
solennibus  
actis Symbo-  
lo aliquo  
utebantur.

Investitura autem sic ex textu definitur, seu potius describitur, Investitura propria dici- tur possessio, abusivo autem modo, quando hasta vel aliud corporeum porrigitur à domino feudi, se investituram facere dicente; sed profecto haec proposita definitio, divisionis natu- ram sapit, ut investitura dividatur in propriam & impropriam sive abusivam: neque enim Veteres illi usum Feudorum scriptores accurate satis scripta sua digesserunt; itaque ali- unde, non ex hac definitione, (quae potius divisio dicenda est) investiturae definitio qua- rendae est, Investitura igitur specialiter & proprie sumpta ipsum investiendi, sive traditae possessionis actum significat; Scio aliquando instrumentum super ipso actu confectum, eodem nomine exprimi\*. Hujus definitionis membra diligenter examinanda sunt, cum nusquam ex omnibus quaestionum nodis difficilius in feudis oriatur, quam ex hujus investi- turae vera significatione, & ad usum nostrum conformatione. Alii enim investituram ipsam fasinam, & ipsam possessionis traditionem esse volunt, alii investituram titulum tantum & jus esse, tantumque à traditione differre, quantum jus & factum, cum possessio sit meri facti; Baro inter Neotericos magni nominis, investituram Gallicè fasinam, possessionis ap- prehensionem actualem & realem interpretatur\*, Cujacius tamen à traditione possessionis distinguit, & quod investitura, sit tantum cessio feudi solennis, quae sine traditione subsistit. Duarenus ut mediam inter utrosque viam sequitur, sic Investituram à possessione distingui- it, & mediam inter contractum & possessionem constituit, nam (ut ait ille) contractus prior est, deinde sequitur investitura, postea fidelitas, & tandem missio in possessionem, adeo ut ex ejus opinione, investitura, aut sit illud breve testatum quod apud nos charta dicitur (unde ex illa, semper tenorem investiturae servandum, nunquam à verbis investi- turae recedendum) aut alioqui illud Symbolum quo in traditionibus haec septentrionales gentes uti solita. Itaque de hujus quaestione (quoniam utraque pars maximos habet as- sertores) solutione inquirendum, & ut quid sit investitura, & an eadem sit cum posses- sione facilius intelligatur, de possessione pauca subjiciam.

Definitio  
investiturae.

Investitura  
nomen bo-  
nominum.  
\* L. 2. fou-  
dor. tit. 2.  
in princ.

\* Lib. 2. Be-  
nescit c.  
13.

Possessio non est, ut quidam volunt, pedum positio, sed sedis positio, ut is proprie possi- dere dicatur, in rebus immobilibus, id, in quo naturaliter & realiter sedet, sub qua voce (sedere) omnes naturales actiones, quae in re immobili exerceri possunt, comprehendendo; itaque

Quid sit  
possessio in  
immobili-  
bus.

itaque talis possessio duorum esse non potest in solidum; & neque possessio jus est, neque quicquam cum proprietate habet commune; itaque eorum opinionem, qui investituram à possessione distinguunt, multa sunt in jure quæ confirmant.

*Rationes cur  
Investitura  
à possessione  
distinguitur.  
Ratio prima,  
2.*

Nam ex jure, investituram, ut possessionis vacuæ traditio subsequatur, necesse est, dominus enim (ut ait textus) cogendus est, ut eum quem investivit, in possessionem mittat, ergo alia possessio ab investitura.

*\* Lib. 1. feud.  
tit. 4.*

Et ad eam quæstionem, quæ in libris Feudorum proponitur, an investitura facta, dominus pœnitere potest ante possessionem traditam, & præstando interesse liberari ab omni actione vassalli, quam pro adipiscenda possessione contra dominum habeat? Responsum est dominum possessionem ejus feudi, cujus investituram fecerit, tradere compellendum\*; quod si dominus cogatur vassallum quem investiverat, in vacuum possessionem mittere, & si differat, utilitatem & Interesse vassallo præstare, manifestum est, Investituram à possessione differre, imo aliquid minus esse in possessione, quam in investitura; nam qui possessionem tantum tradidit pœnitere potest, neque investire cogetur\*; at qui investiuit, neque pœnitere potest, neque consilium mutare, & si rem habeat, ne oblatione quidem astimationis litis liberatur\*?

*\* Lib. 1. tit.  
25. & Lib.  
2. tit. 31.  
\* D. Lib. 1.  
tit. 4 &  
tit. 26.*

Imo dominus feudi possessione uni concessa, alterum etiam plene in eodem investire, priore vivente, posse, satis constat; Et, ut plus in Venditione, legato, vel in donatione, quam in traditione est, (nam qui Vendit, aut donavit, traditionis necessitate astringitur, & hæres semper legatum tradere tenetur,) sic ex jure feudali, plus est in investitura, quam in possessionis traditione; Et in hoc feudistæ à jure canonico dissentiunt, nam licet ex jure canonico, investitura sit alia à possessione, tamen plus putant illi esse, in possessione, quam in investitura; Joannes enim Papa, ad quorundam monachorum postulata rescribens, qui querebantur, quod earum rerum investituram consequi non possent, quarum tamen possessionem haberent, sic ait, Divinæ & seculares leges habent, ut cujus est possessio, ejus fiat institutio, & si in dando, quod majus est, facilis fuit charitas, sic facilius in concedendo, quod minus est, Largitas; majus est enim possessionem dare, quam investituram concedere; hic, licet aliam fuisse investituram à possessione pontificii manifeste probare possint, majoremque esse possessionem, quam titulum, putet beatissimus pater, tamen in hoc neque divinas leges, neque humanas satis intellexisse Videtur, quod possessionem, aliquid majus putat esse, quam jus & titulum;

*Pontificii  
possessionem  
majus quidam  
esse  
quam Investituram  
putant.*

Adhuc & rei incertæ sit investitura, ut de eo feudo, quod primum domino aperietur; æ possessio rei incertæ esse non potest.

Denique Investituram aliam esse, à possessione, ex hoc solo, si cætera desint, probari potest; quæstio enim in ipso textu movetur, an domino adhuc in possessione constituto, facta investitura rite dicatur? si enim eadem esset investitura cum possessione, cui bono quæri potest, an quis investitus fuerit, cum non sit adhuc tradita ei possessio?

Et ut paucis absolvam, investitura in judicio coram paribus curiæ fiebat; traditio autem possessionis super ipso fundo.

Præterea in illa quæstione, quæ feudistas tantopere occupat, si duobus investitura sit facta, & posteriori prima sit facta traditio, utrum qui priorem titulum habet, an qui priorem possessionem acceperit, sit præferendus! si investitura eadem sit cum possessione, quorsum hoc dubium, ut posterior Investitus, & prior possidens, priori investito tantum, præferatur, Nam si investitura esset possessio, procul omni dubio, & titulo, & possessione prior esset præferendus, neque hic possessio pro vacua possessione ut in prioribus sumi potest: Nam si vassallus in possessionem inducatur à domino, etiamsi non vacuum, posteriori vacuum possessionem nanciscenti præferendus est; quod est contra jus feudale; Sed de hac quæstione, uter utri sit præferendus, mox in hac ipsa diegesi; Hoc tantum nunc, ex his colligimus, cum nonnullis Doctoribus investituram non esse ipsam possessionem, quam nos fasnam vocamus, sed vel ritum, quo vel Insuæ ad imitationem Romanorum, utebantur in feudo constituendo, ut aliquibus placet, vel certe jus & titulum esse; ad Romanorum enim exemplum, creduntur Longabardi investituram in feudo etiam induxisse, ut non solum nota esset quædam solennis, feudi rite constituti, sed etiam, ut pro titulo existeret, & semper constabat ex rei alicujus traditione, sive vestis, baculi, hastæ, sive annuli, quem dominus vassallo dabat, significans, se, eo Symbolo, Investituram ei facere, & cum vassallus hominum domino præstabat, sacramentumque fidelitatis, eo præstito, dominus in possessionem vassallum non solum mittere solebat, sed etiam cogebatur; Si jus Canonicum spectemus

mus, horum sententiæ magis favere videtur, ut Investitura sit tantum Symboli ipsius exhibitio. Nam Innocentius, investituram per anulum aureum fieri fatetur, aliam tamen esse ab institutione canonica sive possessione, adeo ut institutus, sepe investito præferatur. Hæc sunt, quæ illi pro se adducunt ut colligant, Investituram non esse possessionem, sed notam tantum & titulum possessionis, mox post hominii præstationem & Symboli traditionem sequutura; est tamen casus aliquis, in hac investitura, quando ea pro possessione sufficit, ut ipsi fateri coguntur, nempe cum ipsa realis possessio feudi penes accipientem est; Veluti si jam possideat, vassallus ex locato, ex pignore, aut hypotheca, vel ut in feudo Guardia & Castaldia; nam his casibus licet vera possessio antea apud dominum manebat, conductores & qui pignus habebant improprium licet, aliqualem realem possessionem habere videntur, licet (Inquam) non sibi, sed prius domino possidebant, si tamen dominus eis investituram fecerit, Investitura hæc possessionem inducit, & causam mutat, proque traditione sufficit\*; idem enim juris est, ac in emptione rerum antea traditarum, ubi nova traditione non est opus\*.

His tamen omnibus non obstantibus, alii non minori dignitate & numero, putant investituram proprie dictam cum possessione confundi, eandemque putant investituram propriam esse, quam nos fasinam, realem & actualement possessionem dicimus; & ut eorum opinio magis elucescat, quibusque rationibus nitantur, explicanda est illa Investituræ divisio, quæ in textu habetur, in propriam, videlicet, & improprium.

Propria est, quando dominus vel per se vel per suum procuratorem (nos ballivum dicimus, vassallum ipsum in possessionem inducit, & in loco fundi, traditionem fundi ipsius facit.

Impropria vero, quæ non fit in loco fundi, seu feudi, sed extra, nempe per imaginariam traditionem, annuli, baculi, hastæ, aut denarii, aut rei similis pro consuetudine loci; cum dominus symbolum vel anulum vassallo dat, tanquam Symbolum rei absentis, domino dicente se, per eam traditionem, velle ei Investituram facere.

Est ergo hæc differentia inter propriam Investituram & Improprium, quod propria, cum rei traditione sit conjuncta, cum vassallus, in vacuum possessionem inducitur sive per se; sive per alium, & tum proprie investiri dicitur, & Investitura hæc propria cum possessione convenire videtur, Impropria est, quasi cessio, qua dominus significat, se velle præsentem possessionem dare, sed quoniam non est, in ipso rei possidenda loco, quod potest, facit, nempe concedit aliquod corporeum Symbolum, in manum suo vassallo, potestatemque ei facere se dicit, ut in vacuum possessionem ingrediatur, quod & vassallus de jure etiam facere potest, si vacua sit; si tamen corporaliter, ab alio possideatur, non potest: quod si illud Symbolum in re præsentem tradatur, in ipso fundo concessio, cujus dominus possessionem habet, eo ipso, possessio transferetur, & ex impropria Investitura, fit propria, quam nos fasinam dicimus: Licet alioqui improprium Investituram semper sequi soleat & debeat corporalis rei apprehensio: aut si sit res incorporalis, denarii traditio, veluti in annuis redditibus, nam nisi propriam investituram plus esse dicamus, quam ritum, nihil differet ab impropria, quæ & ipsa ritus quidam est, & solennitas; & sic utrumque membrum divisionis confundemus; Itaque si actus incipiat, ab investitura propria, sufficit (ut hi volunt) illa (si dominus possessionem habeat) pro possessione: quod si actus incipiat, ab investitura impropria, adhuc missio in vacuum possessionem desideratur; præterea ex jure feudali certum est, in impropria investitura semper sacramentum fidelitatis præcedere debere traditionem possessionis: at contra: in investitura propria; nam dominus omnia pro parte adimplere debet, antequam sacramentum à vassallo exigat: Hoc autem inter dominum & vassallum in feudi constitutione servabatur, ut primo de conditione feudi transigeretur, postea vassallus sacramentum præstabat, cum in possessionem inducebatur, more Romanæ militiæ, nam primo milites nomina profitebantur, tum in centurias & numeros referebantur; Tertio sacramentum dicebant & militari cingulo donabantur, quod cingulum apud Romanos Symbolum erat militaris dignitatis & honoris.

Hujus etiam propria & impropria Investituræ, exempla apud nos habemus, propria, cum dominus aut ab eo potestatem habens, possessionem tradit, Impropria exemplum vulgatissimum, in resignationibus, quæ fiunt in manibus dominorum superiorum, In favorem vel ipsius vassalli vel alterius; vassallus enim in præsentia domini constitutus, feudum in ejus manus resignat, dominusque resignanti, vel cuivis alii in cujus favorem resignatio facta est, idem feudum per baculi, aut hastæ traditionem, concedit, sed extra locum feudi, Itaque hæc tradi-

\* L. clavibus  
74 ff. De  
Contrahend.  
Empt. l. 1.  
§. penult. ff.  
De Acquir.  
possej.

\* L. 3. §.  
illud ff. ibid.  
Et l. §. rem.  
62. ff. De  
Evictionib.  
Posterior  
sententia in-  
vestituram  
eandem esse  
cum possessi-  
one.

Divisio in-  
vestitura in  
propriam &  
improprium

Differentia  
inter propri-  
am & im-  
proprium.

Quando  
vassallus  
feudum in-  
gredi potest  
propria au-  
toritate.  
Fasina sem-  
per sequi  
improprium  
investituram  
solet.

Quis ordo  
in feudi con-  
stitutione  
servabatur.

Exe  
propria &  
impropria  
Investitura  
apud nos.



traditio impropria est, nec transfert dominium in accipientem, nec dat jus in re, licet dominus ad traditionem compellatur, & vassallum in vacuum possessionem inducere, quo facto vassallus jus in re habere & pro domino esse incipit, & ut verbo dicam, hæc impropria investitura quodammodo feudum constituit, sed non consummat neque perficit. Quod autem dominum ad inducendum vassallum in vacuum possessionem teneri diximus, ita intelligendum est, si dominus possessionem apud se habeat, nam si alius jam possideat & ipse dominus rei tradendæ facultatem non habeat, litis astimationem præstando liberatur.

*Rationes cur*

*Investitura*  
*propria ea-*  
*dem sit cum*  
*fasina.*

*Prima ex*  
*sexu.*

*Secunda ra-*  
*tio ex autho-*  
*ritate docto-*  
*rum.*

*Tertia ratio*

Explicata jam differentia inter propriam & impropriam investituram, accedo ad posterioris sententiæ auctores, qui Investituram eandem esse volunt cum nostra fasina, sive traditione possessionis: & sane textum sibi faventem habent, nam ait Obertus in definitione Investituræ propriæ, Investitura possessio est, quo, quid dici potest clarius, Eguinari- us baro vir magni nominis, Investituram Latinis dici vult, quam Galli fasinam, & possessionem sive apprehensionem actualem & realem vocant, & postea quid Investitus sit Gallicè reddens, Vestu & faisy du fief interpretatur; Silemannus feudista nobilis Investituram, quam Galli fasinam vocant, vult esse, In eadem opinione est Caccialupus & plerique celebres feudistæ? Præterea cum in libris, frequentes occurrant hæc phrasæ, feudum Investituræ acquiri, per Investituram feudum constitui, quorsum hæc nix investitura, esset possessio, cum per solam traditionem possessionis feudum acquiratur, & in esse (ut aiunt) producat, itaque cum hi posteriores textum pro se habeant & suis rationibus etiam nitantur, quas longum esset recensere, ne inferiores adversariis videantur, eorum objectiones altera distinctione eludunt.

*Solutio prio-*  
*rum objecti-*  
*onum.*

Nam ubicunque investitura à possessione in jure distinguitur, ibi impropriam Investituram Intelligi volunt, quasi ea sola non sit possessio; aliquando, si proprius urgeantur, etiam propriam Investituram à possessione distinguunt, ut alia sit possessio, alia traditio possessionis, ut possessionis nomen, ad civilem possessionem accommodetur, qualis est possessio, qua fructus & utilitates feudi investitus capere potest, & pro eis agere, & quoscunque possessores feudi corporales judicio convenire, aliam esse traditionem possessionis, sive corporalem possessionem volunt, quando investito, realiter ita res sive feudum traditur, ut suo corpore possideat, quomodo vel ipse dominus, vel ejus coloni prius possidebant. Alii ut suam opinionem tueantur, possessionem civilem, à vacua distinguunt, ut dominus Investito vacuum possessionem tradere teneatur, licet per Investituram, possessor ante dici vassallus poterat (quo ad jus fructum percipiendorum) sed civilis tantum. At quæ de pœnitentia domini traduntur, si sine Investitura possessionem tradat: cum pœnitere non possit, post Investituram, si in possessionem inducat; hæc de Investitura impropria intelligunt, ut ea alia sit à possessione; Idem, de prima possessionis traditione, ex duabus Investituris; nam duas has Investituras improprias interpretantur. Denique quod objiciebatur, unum in feudo Investiri posse; altero illud possidente, & fruente, hoc jus singulare putant, per consensum vassalli prioris patientis & volentis; qui licet animo & corpore possideat, tamen ex ejus consensu novus vassallus in possessionem civilem induci potest, eodem modo quo dominus rei commodatæ aut dispositæ, possessionem adhuc retinet. Ex usu nostro forensi exemplum adducam, ususfructus apud unum esse potest, feudi proprietas apud alium novum vassallum qui & ipse aliquo modo possessor videtur; cum usufructuarius ei & ejus nomine possideat. Has itaque inter se plane contrarias opiniones, quarum utraque acerrimos & doctissimos assertores habet, qui conciliare posse se putabit, multum sibi fortasse videbitur arrogare, sed ex nostris moribus, & majorum nostrorum observatione, questio fortasse illustrabitur.

*Nulla inve-*  
*stitura ab*  
*initio nisi*  
*propria.*

A principio nulla erat Investitura nisi propria, dominusque in locum feudi veniens, vassallum præsentem super ipso solo fundi, præsentibus paribus curiæ, Investiebat, possessionemque, qualem dominus habebat, ipsi tradebat, adeo ut si dominus corpore non possidebat, sed fructus tantum colligere solitus erat, talem possessionem vassallo tum tradebat, vacuum postea ab ipsis colonis præstiturus: talis apud nos est illa investitura quam, propriis manibus dicimus, cum dominus propriis manibus vassallum Investit, nisi quod tum major solennitas adhibebatur, nempe præsentia parium curiæ, quæ non levem auctoritatem Investituræ præbebat; dominusque postea breve testatum, vassallo requirente, reddere tenebatur, quo se illam investituram præbuisse testificabatur. Itaque omnes nostræ fasina, quæ propriis manibus dominorum fiunt, propter militaria servicia præsumuntur concedi, & naturam feudi recti sive proprii sequi, Vardamque & relevium, cum hæredis maritatione do-

mino

mino debent, dominusque adhuc apud nos chartam in ea forma redditionis præstare cogitur.

Sed plerunque hoc genus fæfina traditur apud nos, si conjuncta persona tradatur, vel præsumitur simulata & in fraudem alterius, vel dominus ex ea de evictione non tenetur; Hoc fortasse, quia solennitas illa parium abest, quæ ad omnem suspensionem simulationis tollendam, sufficere poterat, & nihil de evictione, tantum, Itaque hæc erat propria illa Investitura, qua, antiqui illi in feudis constituendis utebantur super solo fundi, & in præsentia parium; & hanc Investituram, esse possessionem nemo sanus negabit. Proxima huic erat Investitura, si dominus, in suo territorio sive districtu ( ut ita loquar ) rem feudalem oculis spectans & notans, vassallo in præsentia parium ( qui fere semper adhibebantur ) dicat se ejus feudi, quod oculis spectat & digito demonstrat, investituram ei facere, & ut in possessionem ejus mox eat imperet, vassallusque, domini jussu, possessionem apprehendat: nam hanc etiam Investituram propriam plerique feudistæ volunt ( nonnullis tamen aliud sentientibus ) licet super ipso solo non fiat; at in hac facti specie, si quis eam diligentius perpendat, omnino non extra locum feudi fieri videbitur; nam cum feuda antiquitus concedentis patrimonii pars erant, ejusdem cum patrimonio reliquo districtus & jurisdictionis sint necesse est, & continenter cum eo patrimonio coherere, cujus pars sunt, & proinde in eodem loco credebant esse priores, Itaque non omnino extra solum ipsum erat dominus, qui coram paribus curtis, locum denotando, vassallum in eo se investire dicat, jubeatque in præsentem possessionem ire, & non immerito, quia super ipso solo, saltem sub eodem districtu constitutus Dominus. Investituram propriam his duobus casibus videtur concedere.

Sic igitur ex jure feudali maxima feudistarum pars definit rem totam, ut si investitura hæc fiat, cum rei traditione, propria sit: si sine traditione, impropria sive abusiva dicatur; Propria est, in ipsam Vacuum possessionem inductio; Abusiva vero, cessio quædam facta à domino, non super ipso fundo, sed alibi, & extra terminos ipsius feudi, & dato aliquo Symbolo corporeo, dominoque dicente, se per illud Symbolum, Investituram ei de tali feudo facere; quo tradito, vassallus, feudum, si vacua sit ejus possessio, ingredi potest; propria autem Investitura aliquando, neque Symboli traditionem requirit, veluti si dominus præsentibus paribus jussit, possessionem feudi, vassallum ingredi: extra præsentiam parium non rite fiebat hæc jussio; præsumitur autem traditio Symboli, quoties in Investitura exprimitur, illam signo corporeo affectam, quod nos signari sigillo proprio sive armorum dicimus. Alii impropriam, à propria hoc discrimine etiam notant, ut si actus à propria Investitura incipiat, videtur rei possessio concessa, si ab impropria, tunc ut sequatur possessionis traditio expressa, necessarium est; Concludamus ergo Investituram propriam traditionem possessionis esse, in loco, ubi feudum situm est, aut saltem domini oculis subjectum.

Chartam autem nihil aliud esse, constat, nisi breve illud testatum, quod à veteribus usurpabatur, cum dominus requisitus, ut quod publice fecerat, testari, seu testatum posteris relinqui vellet, illud in membrana seu charta conscribebat, cui etiam pares curiæ subscribere soliti, cum fides hominum labescere cœperat; nam antea neque brevi hoc testato, neque scriptura utebantur; tanta in paribus curtis fides, & autoritas erat; Investituræ Improprie origo tamen posterior erat; nam cum domini vassallis gratificari cuperent, eorumque opem & operam extra suum districtum sensissent, & negotiis suis occupati, præsentibus in locum feudi venire non poterant, ideo Investituram extra solum feudi per breve testatum faciebant, vassallis, ballivisque sui districtus, sive territorii mandabant, ut quam primum vassallum investitum à se, in ipsum solum seu possessionem soli inducant, cum ipsi huic negotio superesse non possent, & inde ballivi dicti, à voce Gallica ballier, Itaque talis Investitura merito impropria dicebatur, cum super solo feudi non fieret, neque cum possessione, eadem est, sed diversa ab ea; & quoniam hæc breviter testata frequentari cœperant, ut ad memoriam conservandam visa apriora, factum est, ut plerique potius breve testatum mallerent ( 1 ) Investituram impropriam, cum traditione possessionis subsequente, quam Investituram propriam; Hujus nostræ observationis exempla, adhuc habemus apud nos, neque enim omnia antiquitatis vestigia adhuc exoleverunt, nam in limitaneis regni partibus & inter montanos nostro avo propriam Investituram retinebant, cum dominus in loco feudi constitutus, vel lapide vel fasce graminis vel baculo possessionem tradebat sine scripto, præsentibus tantum ejusdem baronia, sive domini, si non paribus, saltem accolis. In locis mediterraneis, his quingentis annis elapsis, breve testatum, quod nos chartam dicimus, soliti sunt vassalli à dominis suis accipere, quo se Investisse vassallum, eique jus & possessionem tribuisse domini significabant;

*Quare im-  
propria In-  
vestitura  
frequenter  
in usu quam  
propria.*

*Fac. 1. &  
fasinas &  
ordinem  
Cancellarie  
ab Anglis  
ad nos tra-  
duxit.*

*Notario non  
Credatur in  
modo tenen-  
di.*

*Quid in usu  
nostro sit In-  
vestitura.*

ficabant; quæ merito brevia testata dici poterant, nam si quis antiquarum familiarum monumeta excusserit, brevissimas chartas has, compendiosamque earum formam reperiet; Processu temporis factum est, cum plerique suæ securitati quam diligentissime consultum vellent, ut Investitura impropria, frequentior esset, quam propria; neque enim parium contenti præsentia, quorum in præsentia per ipsos probari poterat, aut forte quia eorum præsentia non semper facilis erat, scripta etiam requirebant sine sollemnitate parium, ubi testes quicunque sufficiebant, licet pares non essent. Itaque breve testatum à domino exigebant, & præter illud, mandatum scriptum ad ballivum pro fasina tradenda, nos præceptum fasinae dicimus, & præterea ut ipsa traditio possessionis, publico Instrumento significaretur; & sic actum illum Investituræ antea unicum in duas aut tres partes dividebant, in breve testatum quam chartam dicimus, in mandatum sive præceptum fasinae, & in traditionem possessionis, cum tamen hæc omnia tria unam tantum Investituram constituunt; Apud nos inter veterum familiarum monumenta pauca præcepta, pauca fasinarum instrumenta reperiuntur, contenti enim illi erant, brevi illo simplici testato. Creditur Jacobus primus Laudatissimus princeps, cum ab Anglis captus, ibi aliquot annos transegisset, eorumque mores & instituta probe didicisset, magno postea redemptus, ad suos rediens, secum & ordinem cancellariæ & fasinarum usum, quem in Anglia acceperat, ad nos primus traduxisse. Sed adhuc fasinarum non erant instrumenta, majores enim nostri, solebant has fasinas, sigillo vicecomitis sive officarii dantis extra burgum tantum munire, & eo sigillo, brevi testato affixo, fasinam datam probare; intra burgum sigillo ballivi dantis contenti erant, sed posteriores, ut magis sibi caverent, fasinas has in publicam instrumenti formam redigi voluerunt, inde instrumentarium in fasinis testificandis usus receptus, multumque ex illa propria investituræ forma ademptum; nam licet ab initio præfens inductio domini in possessionem sufficiebat, tamen posteriores investituram impropriam maluerunt, quia breve testatum cum mandato ad ballivum, & publico fasinae instrumento, ad perpetuam rei gestæ confirmationem potius conducere videbatur, dumque uni detrahunt, ut alteri addant, ita in diversa distraxerunt, ut pene separata jam jura sint, nempe charta & fasina; ex charta, sola personalis actio competit, si tradita fuerit; neque tamen semper, cum sit pactum tantum nudum, quod ad actionem producendam non sufficit, & ita senatus aliquando censuit; Ex fasina nascitur realis actio, si mandato domini traditam constet; cum tamen utraque unam investituram, unicum (ut loqui solemus) Infeofamentum constituunt: Charta enim per se non videtur actus perfectus, cum ejus robur & effectus adhuc pendeat, donec fasina sequatur; neque fasina per se Investitura dici potest, cum neque modum tenendi, neque pro quibus servitiis (quæ in omni investitura necessario exprimenda ante diximus) exprimat, & licet hæc à notario aliquando inferantur, non tamen notario de his referenti credendum, nisi etiam charta adsit; iniquum enim esset, alii quam domino qui disposuerat, de conditionibus investituræ credi; Itaque majorum nostrorum tempore, vassallus suo periculo chartam custodire tenebatur, & domino exhibitionem poscenti producere; ejusque amissionem, feudi amissio sequebatur, neque minus periculum erat in fasinae amissione; proinde secundum mores nostros, charta & fasina unam tantum Investituram, & unicum infeofamentum constituunt; ut interrogatio & responsio, unam tantum stipulationem; & renunciatio ex renunciantis facto, & superioris acceptatione constat, unumque actum facit; & sic diversissimæ illæ & juris feudalis, & feudistarum opiniones facile conciliabuntur, & unde noster usus emanavit apparebit, qui investituram impropriam maluit cum possessionis traditione, quam propriam.

Sed ut ad ea quæ in jure traduntur, de investitura, redeamus, Si investitura hæc fiat, cum rei traditione, propria est, si sine traditione, dicitur impropria sive abusiva, Propria in ipsam feudi vacui possessionem est inductio, abusiva vero est celsio quædam facta à domino non super ipso fundo, sed alibi, & extra fundum facta, dato aliquo Symbolo corporeo, domino dicente, se per illud Symbolum, investituram ei de tali fundo facere, quo Symbolo tradito vassallus, feudum si vacua sit ejus possessio, ingredi potest; præsumitur autem traditio Symboli, quoties in Investitura exprimitur, illam signo corporeo affectam, ut plerique volunt: Propria autem aliquando, nec Symboli traditionem requirit, si dominus jussit, ut vassallus in rei possessionem ingreditur, modo id coram paribus fiat\*: breviter si actus incipiat à propria Investitura, videtur rei tradita possessio concessa, si actus incipiat ab impropria tunc & possessionis etiam traditio necessaria est\*; Hæc de investitura propria & impropria latius fortasse, quam par esset, exposuimus, partim ut feudistas inter se conciliare-

\* Lib. 2. feudor. tit. 33. in princ.  
\* Sboner. Lib. 1. Disputat. 5. Thef. 25.



mus, partim ut jus feudale ad usum nostrum forensem aptemus. Sed quid de investitura iurium dicemus, nam hæc tradi corporali aliquo Symbolo non possunt, veluti si quis Guardus, Guastaldus, aut ballivus aut actor perpetuus constituatur, sed in his, cum titulo, patientia domini uti & frui sinentis pro traditione est, apud nos tamen & in his, alicujus Symboli traditio, in usu est: nam si jurisdictionis feudum detur, accipiens in curtem inducitur, in sede iudicis confidere jubetur, & liber ei actorum traditur, sacramentumq; præstat, se fideliter ea jurisdictione usurum, sic in Guardo, Guastaldo, aut Constabulario castri, fores prius clausæ aperiuntur & Constabularius introducit, clavesq; ei traduntur; Sic in servitutibus constituendis: veluti si annuus redditus ædibus aut agro imponatur, denarii fit traditio & sic de aliis.

Investitura autē hæc de re propria fieri debet, ut antea monui, vel saltem de feudo non ab alio possessio, de re autem aliena vel feudo ab alio possessio, pure facta Investitura non valet, adeo ut non convalescat, ex post facto: veluti si vassallus ille, de cujus feudo investitura facta est, decesserit, & feudū jam domino sit apertū, licet in eum jam casū pervenit, à quo incipere potuit: quod & apud vicinos nostros receptū est: licet, apud nos, aliter senatus censuit, in causa Joannis Furd advocati, contra dominū de Fedderet. Si tamen quis ita investiturā de re aliena concipiat, si mea erit, aut cū mea erit, valere Investiturā pleriq; putant, nec dominum pendente conditione posse pœnitere; idem à multis creditur in speciali Investitura, ita ut si Investitura de feudo Titii constituatur, si ille moriatur, sine hæredibus, Investitura valeat, quamvis sit de re aliena. Semper autē post Investiturā factā, dominus possessionē tradere cogitur; Idem in domini successore: nam & is non minus quam decessor tenetur: nisi in his feudis, in quibus dominus est vel Princeps ex electione, vel ecclesiastica persona, & hi ante possessionem traditam moriantur; Alii aliud observandum putant; ut in his & in aliis omnibus, ubi dominus ex electione succedit, successor non teneatur tradere possessionem, quam vassallus, ante obitum prædecessoris sui, nondum obtinuerat: hinc puto emanasse, quod apud nos, in usu est frequenti, si prælatus vel ecclesiastica persona chartam vel assedationem fecerit, & ante apprehensam possessionem mortuus fuerit, ut actus non valeat; nam hi qui ex electione succedunt, in numero tantum administratorum censentur: sic, si ante traditionem, feudum publicatum fuerit; nam fiscus tum tradere possessionem non tenetur. Sed sane celebris est illa controversia inter feudistas, & in utramq; partem exagitata, si pœniteat dominū post Investituram, antequam possessionem transferat, utrum liberatur præstando quod interest, an non? sed concludunt feudistæ, non liberari post Investituram factam, sed compellendum tradere possessionem\*, licet communiter qui promittit solvere, interesse præstando liberetur\*; Bartolus, in hac quaestione, distinctione utitur, quæ communiter etiam recipitur, nec ab usu nostro est aliena, nempe si venditor aut promissor habeat tradendī facultatem, ad tradendum simpliciter esse cogendum, si non habeat, præstando quod interest, simul cum actionibus, si quas habeat, liberari. Sed, quod de tradenda possessione diximus, dominum eam tradere cogendum, in novo feudo tantum locum habet, cum dominus adhuc possidet, non in paterno sive antiquo, in quo, licet vassallus, renovationem Investituræ, petierit à domino & etiam impetraverit, si tamen tempore renovationis, possessionem non habuit dominus, eam præstare non cogitur; debet enim vassallus, possessionem semel quasitam, tenaciter retinere, alioqui renovatio veteris feudi, ad possessionem, si nullam habet, non ei proderit; Effectus autem hujus Investituræ est, ut feudum constituat, licet ad possessionem minus conferat; neque enim aliter jus feudi constituitur, aut vassallus illud acquirit, etiam si jubente domino prædii possessionem teneat, nomine feudi; non enim nisi ex traditione Symboli, & Investituræ utile feudi dominium consequitur, nec nisi coram paribus iussus ille Domini interveniat, ut in possessionem vassallus eat.

Hæc autem Investitura, de qua nunc loquimur, sine testium solennitate fieri aut probari non potest: neq; etiam breve testatum ad probationem sufficiet; actus enim est legitimus qui ex certo ritu constat, sine cujus solennitatis observatione, actus vitiatur, nam solennitas illa est quasi forma\*; neque tamen quicumq; testes, in hac Investituræ probatione, ex jure sufficiunt, sed pares debent esse curtis, alioqui actus non valebit.\*

Et quoniā in pares & curtem incidimus, de harum vocum significatione, aliquid forte quis, requirit, & primo de curte, Sane in jure hæc vox palatium sive prætorium domini significat & pro eo loco sumitur, ubi jus sive districtus exercetur, quia in suis palatiis sive prætoriis solebant domini, aut eorum ballivi suas curias exercere; fortasse à cohorte deducta, nam scribit Cicero Verrem, ex cohorte sua, Judices dare solitum, quod idem est ac si dixisset, Verrem solitum ex familiaribus sive domesticis suis Judices dare. Pares enim

De quibus  
recus Invo-  
situra fiat  
et an de re  
aliena.

Successor ex  
electione non  
tenetur pos-  
sessionem ex  
titulo prædi-  
cessoris tra-  
dere.

\* Lib. 2. feu-  
dor. tit. 26.  
§. si facta.  
\* Supplasi-  
ones. 72. ff.  
De verbor.  
Obligat.

\* Lib. 2. feu-  
dor. tit. 26.  
lib. 2. tit.  
33. & 34.  
Quid sit  
curtis.

curiæ sive curtis iidem sunt, qui convassalli, & pares illius domus, neque pares, à patribus nomen accipiunt, ut neque curtis à curia quæ augusta & sacrosancta apud Romanos erat publici consilii sedes, & caput imperii \*, Itaque pares curiæ esse debent, coram quibus fit Investitura : ita enim res testatior fit, neque sine eis actus valebit \* ; neque pares dicuntur, quod domino sint pares, sed quod pares sint inter se, & convassalli ejusdem curiæ, eadem ratione pares regis Franciæ dicuntur, non quia pares sint principi, sed quia pares inter se ; Itaque hi pares adhibendi sunt, non tantum ad probationem facti ; sed etiam ad substantiam sive essentiam investituræ, adeo ut sine parium præsentia, non videatur Investitura, Ratio est, ne quid falsitatis ab extraneis in perniciem domini ( quæ suspitio in paribus cessat ) excogitetur ; & ut sciant pares suos convassallos, quorum mutua opera, mutuo consilio uti possint : si forte hi pares curiæ absint, ut investitura valeat, expectandum est, donec redierint, & præsentem esse possint : si non sint pares curiæ, veluti si tam tenue sit feudum, ut nullos pares habeat, omnes extranei admittuntur in testes \*, & debent omnes esse liberi, nam servus testimonii dictio nulla est ; Sane ex jure, majoris roboris & efficaciam est investitura, quæ coram convassallis & paribus curtis fit, etiam sine scriptura, quam quæ in eorum non fit præsentia, licet scriptura intercesserit ; scriptura enim, ut ait Cajus, non ut quis melius obligetur introducta est, sed ut obligatio facilius probetur, nec minus valet quod actum, licet scriptura non interveniat, quam si fiat de iis scriptura, nisi in casibus in jure exceptis \*. Bartolus etiam controversum inter Doctores ait, utrum scriptura in jure Emphyteutico sit necessaria \* ; Hæc ideo, quia vir Doctissimus & in jure nostro exercitatissimus, Dominus Joannes Scharpæus hoc argumento juris feudalitatis auctoritatem elevare tendebat, quod in re hæreditaria, probationem per testes admitteret, cum jus scripturam exigeret, sed animadvertere debuit, hæc feuda militaria, fuisse præmia militiæ, & ab hominibus militariis fieri, apud quos, ut literæ ab initio incognitæ erant, sic sub suæ cohortis sive curtis testimonio omnia fiebant, & in jure civili licet in testamentis scriptura requirebatur, non tamen in militari testamento ; militibus enim, permissum, quoquo modo possent, aut vellent in expeditionibus sive scripto, sive Symbolo, sive in arena, sive in suo clypeo testari ; mature-sciente vero Feudorum tempore, etiam scriptura introducta est, & ab omnibus fere gentibus usurpata, quo jure & nos hodie utimur.

Sed ut ad institutum redeamus, licet investitura à præsentia parium videatur habere auctoritatem, tamen si dominus pares curiæ non habuerit, & coram honestis testibus, jusserit vassallum ingredi fundum, quem forte ante oculos ei ostenderit, aut si claves adium, aut horreorum, aut si evidencias & instrumenta ( ut loqui solemus ) fundi ei tradiderit, multi veram putant esse Investituram & propriam ; Alii tamen impropiam esse volunt, quod si impropiam dicamus, illud necessario sequetur, etiam ex impropria Investitura dominium transferri, quod communiter non recipitur : Cui & illud simile est, si dominus rursus à vassallo feudum conduxerit, pro mercede annua : nam per hunc & similes contractus dominus fateri videtur, utile dominium apud vassallum esse, non aliter conducturus, nisi vassallum jus locandi habere sciret ; In hoc casu feudum, si non propriam, saltem impropriam Investituram constituunt ; Et hæc omnia testibus ( 1 ) paribus curiæ possunt probari : nonnunquam tamen quod magis mirandum & sine testibus feudum probatur, & etiam tollitur : nam si testes deficient, & dominus in possessione sit, vassallusque petat, neque probationes deducere potest, juramento domini res deciditur ; si vero vassallus in possessione fuerit, ejus juramento in feudi acquisitione ex jure statur.

Ex usu tamen nostro, neque per testes neque per sacramentum vassalli, licet sit in possessione, neque domini, si is, cum petat vassallus, possideat, Investitura probatur, nisi scripta aliquo casu interierint ; nam eo casu vassallus, aut, qui super eo scripto, aut instrumento intentionem aut exceptionem fundat, scripti tenorem, & amissionis casum fortuitum probabit, & sic scriptum ex auctoritate senatus, restitui curabit, Sed hoc speciale tractatum per se requirit, nam in hac materia propter circumstantias sæpe variatum vidi. Itaque apud nos nulla est Investitura, nisi cujus testimonium in scriptis extat.

In his Investituris semper tenor inspiciendus & considerandus ; si plures sint, unaque ex aliis pendeat, aut ad illam referatur, antiquioris sive primæ Investituræ semper ratio est habenda, quod illa continet, observandum, nisi ex post facto, quid sit detractum aut Immutatum, contrario & speciali pacto, neque tamen hoc speciale pactum, jus primæ investituræ tollit, aut perimit, aut ejus substantiæ aut tenori ullum præjudicium adfert, aut jus ab ea habentes lædit, nisi vassallus primam sive antiquam Investituram refutaverit, spe novæ investituræ

con-

\* Cicero pro Milone.

\* Lib. 2. feudor. tit. 2.

\* Lib. 2. feudor. tit. 33.

\* L. 4 ff. De Pignorib. c. 6. Et ibi Glossa. \* Bartolus § l. 1. C. De Fur. Emphyteutico.

Si dominus feudum a vassallo conduxerit.

Quomodo apud nos probatio amissa Investituræ fit.

In investituris tenor semper perpendendus &amp; in pluribus prima.

consequenda, in qua nova Investitura, mutatio illa, per pactum expresse contineatur, veluti si stante prima Investitura, ut hæredes tam masculi quam foemina succedant, pacificentur, dominus & vassallus, ut hæredes tantum masculi succedant, & investitura nova à domino sequatur: non tamen à prima Investitura videtur recessum, nec hæredi foemina præjudicium ullum fit, quin possit ex ejus tenore succedere, nisi vassallus, dum in feudo esset, priorem Investituram in manibus domini refutaverit, ut novam Investituram accipiat, qua masculi soli admittuntur ad successionem: neque enim sufficit, novam Investituram post primam accepisse, nam adhuc stabit prima, nisi vassallus eam refutaverit, spe hujus novæ investituræ, unde nisi fallor apud nos emanavit illud, ut nisi pactum, per quod substantia vel Investituræ, vel reversionis dicitur mutatum, sit in corpore Investituræ aut reversionis specialiter comprehensum, nihil operatur, neque effectum habet, sed in hoc posteriore pacto, vel nova Investitura per refutationem prioris, vel novo pacto de retrovendo, sublata prima reversione, opus est.

Et hæc de Investitura propria & impropria quid sint & quomodo probari possint, is etiam solus apud nos feudi constituendi modus est, licet etiam sint, qui putant feudum constitui posse ex Judicis sententia, cum de feudo controversia esset inter dominum & vassallum, Judexque pronunciaverit rem esse feudalem; Et hunc tertium fuisse modum feudi acquirendi in principio hujus capituli diximus, nempe si controversia orta, & (ut nos dicere solemus) in foro contentioso Judex rem esse feudalem pronunciaverit, quæ forte fuerat allodialis, & hoc propter auctoritatem rei Judicæ, quæ in jure pro veritate habetur: ita tamen ut non longius, hæc constitutio duret, quam res judicata suo in robore permanet.

Quæri autem solet, si duobus Investitura facta sit, utrum qui priorem Investituram acceperit, an qui priorem possessionem nactus fuerit, sit præferendus, ita ut investituram à possessione distinguamus, sed profecto semper potiores sunt ejus partes, cui res primo est tradita, etiamsi Investitura sit tantum Impropria: nam in jure emptionibus & stipulationibus dominia rerum non acquiruntur, sed traditionibus & usucapionibus\*. Et ubi duo requiruntur ad actus consummationem titulus & traditio, ille potior est, in quo hæc duo simul prius concurrunt\*; Itaque cui prior traditio facta est, is in feudo præferetur; quod in usu nostro receptum est, ut posterior titulus cum priore traditione, priori titulo, sed posteriori traditioni præferatur; usque adeo hoc ex usu & ex jure nostro constat, ut si secundo Investito, traditio prior facta sit, cum clausula salvo jure primi, tamen secundo Investitus præferetur primo, nam is, cum nullum jus reale habeat, sed tantum domini obligationem de feudo tradendo, illa obligatio salva ei manet, nec ei in ea præjudicium ullum fit, & nihil ei adest: nisi forte hæc traditio prima, ex futuro eventu adhuc pendeat; veluti cum dispositiones, quas chartas dicimus, de domino superiore tenenda fiunt, & non de ipso concedente: nam eo casu, quia domini sit mutatio, domini adhuc consensus non impetratus, priorem Investituram cum subsequente traditione suspendit, & facit conditionalem, ac si ea conditio expressa, si dominus superior consenserit; & ex defectu consensus hujus superioris domini, in posteriore Investitura, & priore fassina, prior traditio nihil operatur, saltem ea prævalebit, quæ prior novi domini consensu confirmatur, prima enim perfecta & absoluta dici potest; Id enim in jure dicitur perfectum, cui nihil deest\*, nihil autem actum putat Divus Marcus, quandiu aliquid superest agendum, ita cum superioris ratificantis consensus deficit, nihil actum ex traditione priore credimus, sic si generaliter duobus fiat Investitura, de feudo vassalli, in casum mortis (1) si duobus à domino investitura generalis fiat, ut feudum primi vassalli, qui moriturus est, accipiat, feudo postea aperto per decessum vassalli, prior possidens præferetur, alioqui, qui primus Investituram accepit; hæc ita locum habent, quando uterque est generaliter Investitus; quod si prior Investitus generaliter fuerit, de feudo incerto postea aperiundo, & posterior de feudo certo, puta vel Titii vel Sempronii, eo aperto præferendus est posterior.

Sed ut ad jus redeamus, ita præferendus is, cui facta traditio fuerit, licet titulo posterior, ut tamen hic prior titulo, & posterior possessione, actionem contra dominum habeat, ad Ingeresse, & omnem causam sive litis estimationem: si vero incertum sit, quis in possessione prior, vel si neutri adhuc sit tradita possessio, prior titulus est præferendus: feudista tamen & præcipue Zasius aliud in principe volunt, cujus prima voluntas declarata, etiamsi traditio non sequatur, sufficere creditur; Itaque in facto vidimus, ex nuda regis investitura sine possessionis traditione, jus plenum constitui posse, illamque Investituram sufficere in actione rescissoria, inter Elizabetham Reidheuch & Sibillam Drummound 20. Februarii, anno

*Tertius modus feudi acquirendi.*

*Si duobus Investitura facta sit uter præferendus.*

*\* L. traditionibus C. De Pactis. \* L. quotiens C. De rei vindicta.*

*\* L. ii. Cum Silenia nam, C. De litijs quibz ut indignis &c.*



\* *In Proæmo*, anno 1568. In qua opinione est etiam Baldus, \* & sane Princeps naturaliter & ex jure gentium ex contractu obligatur, fidesque in eo maxime spectanda est, etiam si traditio non subsequatur; Idem plerique putant in clerico, nam in eo genere hominum, ob religionem, fides magis exigitur; In jure tamen nostro idem juris puto esse in principe, quod in privato, nempe ex duabus Investituris, cum, qui priorem traditionem nactus est, præferendum, nam principis facilitas, importunitati postulantium sæpe est obnoxia: neque distinctio hæc habetur in jure aut aliquo textu, itaque neque nos debemus distinguere, præcipue cum in feudi constitutione duo requirantur, titulus & traditio, & in quo, hæc duo, primo Inveniuntur, indistincte sit præferendus, tam in eo feudo, quod à principe proficiscitur, quam quod à privato, in qua opinione est etiam Schonerus \*. Et breviter, in acquisitione feudi, hæc series est servanda, ut præcedat contractus de feudo disponendo, mox sequatur Investitura, Tercio fidelitatis præstatio, quarto missio in vacuum possessionem \*; sed in jure canonico, quod nostro propius est, sic se habent titulus, Investitura & traditio possessionis in feudis, quemadmodum in beneficiis, præsentatio, collatio, & institutio, ut præsentatio sit pro titulo, collatio pro Investitura, ut antea monui, cum sigillum domini dispositioni apponitur, quod pro traditione civili usurpatur; Institutio vero, pro traditione possessionis, cum ut feudum sine fasina, sic nec beneficium sine canonica institutione possit obtineri, & ut hæc institutio, beneficii ecclesiastici consummationem, sic traditio possessionis vacuæ, feudi consummationem & perfectionem inducit.

\* *Lib. 7. disp. 5. Theof. 30.*

\* *Lib. 1. feud. dev. tit. 4.*

Solennitates autem, quæ investituræ à jure præscribuntur, sunt, ut fiat ad humillimam & devotam vassalli petitionem, & oblationem ejusdem, ad servitium præstandum, & ut duo testes semper sint præsentés, iique masculi, non foeminae, liberi non servi, nam jure feudali, foeminis & servis non est testimonii dictio; sunt qui putant investituram debere fieri, præsentente toto vassallorum collegio, sed lex non distinguit & pluralis locutio, duorum numero contenta est.

## De prima parte Investituræ improprie quam Chartam dicimus.

### Diegesi Tertia.

**D**ifferentiam inter Investituram propriam & impropriam superiore diegesi exposuimus, utque improprie usus apud nos esset frequentior, & qua occasione id factum, præterea Investituræ Improprie partes tres fuisse, nempe breve illud testatum, quod à domino vassallo datur; Nos breve hoc Chartam dicimus, Præceptum seu mandatum domini ballivo suo de possessione tradenda, Tertia, hujus Improprie Investituræ, pars, est possessionis illius per ballivum traditio nos fasina dicimus, & omnes hæc tres partes, unam tantum Investituram, aut, ut ad nostrum usum forensem accommodemus, unam tantum (ut dixi) efficiunt Infeofamentum; scio Infeofamenti nomen strictius aliquando à nobis capi pro brevi illo testato, sive charta, ut rara sunt feudalia nomina, quæ non sunt homonyma, sed communiter Infeofamentum sive Investitura hæc, pro toto actu conjunctim sumitur; & licet, ante quadraginta annos tres hujus Investituræ partes fuerant, Charta, Præceptum, & fasina, hodie tamen in duas contrahuntur, ut Charta etiam præceptum fasinae contineat in fine, Itaque de hac priore parte Investituræ sive Charta dicendum.

Charta ergo est illud breve testatum, tenorem Investituræ, quæ à domino, Vassallo fit, continens per omnia, cujus tenor, ut sæpius monui, semper attendendus, hocque ipsum breve testatum domini, sigillo tanquæ Symbolo domini, antea (ut & hodie) muniebatur, non ut ipsum sigillum traderetur, cujus tamen appensio pro quadam traditione est, sed ejus imago tantum ceræ impressa à domino vassallo detur, sigillo adhuc apud dominum remanente, nam hæc traditio sigilli, eadem est cum traditione annuli, in quo domini signum insculptum erat, solito domino annulum in manu gestare, & apud se retinere: & uac cum civili possessione quandam

quandam habet similitudinem, realis autem & propria possessio ea est, quam nos *safinam* dicimus. In expositione Chartæ primo dicendum est, quæ sit ejus hodie forma, & unde nomen hoc proveniat, à quibus fiat, quæ & quot in Charta sunt necessaria, & quæ sunt ejus clausulæ frequentiores.

Quod ad nomen Chartarum attinet, Græca vox est *χαρτης*, & primæ Inflectionis apud Græcos; ex Papyro olim Chartam factam & præparatam testatur Dioscorides \*; Papyrus enim planta erat sive arbuscula in palustribus Ægypti, ex qua Papyrus conficiebatur, quoque veteres in scribendo uti solebant, ut idem ait Dioscorides; nam ex ejus frutice Chartæ præparabantur ac divisæ in pertenues & latissimas phyliras, quæ eo meliores, quo frutici propinquiore; Phyliræ autem sunt tenuissimæ membranulæ inter corticem & arborem, & sic pro membranæ papyri vel aliarum arborum, in quibus antiquitus scribebant, Charta sumitur.

Unde nomen Chartæ.

\* Lib. 1. c. 16.

Membranæ autem ideo dictæ, ab illa pellicula, quæ proxima cuti, membra tegit, postea factum est, ut quæcunque tenues tunicae, quæ vel arbores, aut vitulos, aut agnos tegerent, membranæ dicerentur, Sed membranæ non eadem erant cum Chartis ab initio, nam Chartæ (ut dixi) ex cortice arborum erant; sic Chartam ex Papyro, in victoria Alexandri magni Inventam, scribit Varro.

Unde membra.

Membranæ autem ex pellibus animalium tantum erant, & quia Pergami primum erant reperiæ, Pergamenæ dictæ, quod nomen adhuc apud nos retinent, quasi ab antiquitate nobis per manus traditæ. Ptolemæus Chartas primo invenit, Eumenes Rex Pergami primus membranas & earum usus reperit, cum uterque maximas bibliothecas undique collegisset; Sed cum membranarum usus, ad scribendum esset aptior, cœpit nomen Chartæ ad membranas etiam extendi, quemadmodum Papyri nomen, à sectionibus arborum, ad Linteam materiam, ex qua hodie Papyrus, derivatum est; apud nos hodie, eam tantum Chartam dicimus, quæ in membranæ descripta est, solis enim membranæ in Chartis conficiendis utimur, Virginis Chartæ meminit Martialis, in qua nihil unquam antea scriptum fuerat, quasi tum primo peperisse videatur ea Charta, in qua antea nihil scriptum fuit; Rectius sane fecerint, quicunque Chartarum conficiendarum curam suscipiunt, ut virgine Charta, & tenuissima utantur, frequentissime enim fraudes nectuntur, ex spissioribus membranæ, majorum animalium: cum nihil facilius sit, quam in his membranæ spissioribus, quæcunque descripta sunt obliterare, retentis chiographis & sigillis, & novam formam cujuscunque rei quis velit inducere; ad hoc credo respexisse Ulpianum \*, cum Chartæ nomen referri putet, tam ad novam quam deletitiam; Hæc de nomine Chartæ, plura de Papyro, aut de Charta qui requirit, videat apud Alexandrum Aphrodisæum, Alciatum, & super omnes Plinium \*; De forma Chartæ quæ hodie utimur, puto eam cum lingua & moribus Anglorum ad nos pervenisse, Malcolmio tertio cognomento Canmor regnante, non tamen Inficias eo, & ante ejus tempora, nonnullas fuisse Chartas, sed eas quidem raras, & quæ veterum simplicitatem omni ex parte præstebantur; nempe ut quæ tantum continerent, quid, cui, & quis concederet.

\* L. 4. ff. De Honor. poss. secundum tabul.

\* Lib. 13. c. 11. 12. c. 131

Simplex enim causa concessionis, exprimebatur, nempe pro servitio, cæteræ causæ ignorabantur, neque temporis (quod nos datam vocamus) mentio facta, nulla subscriptio, vix aliquando sigillum, testes, vel ipse concedens solus, vel ejus conjux, robur, dabat dens ceræ impressus; & tales esse quasdam apud magnates nostros scio; qui exempla quarit, videat Chartam Athelstani Regis factam Paulino, de qua in prima diegesi, & Chartam factam ab Alexandro Rege, Huntero; utraque habetur apud Boetium & ejus interpretem.

Sed ut ad Chartas nostras redeamus: duplex est Chartæ apud Anglos forma, aliæ enim per indenturam, inter duos, tres, aut plures in tertiâ persona concipiuntur, hoc modo, Hæc indentura facta inter Titium ab una & Sempronium ab altera partibus, testatur, Titium dedisse, concessisse & hac præsentî Charta indentata, confirmasse Sempronio terras de N. sub hac conditione seu provisione &c. In cujus rei testimonium, Titius, hujus indenturæ parti, apud se remanenti, suum sigillum appendit.

Duplex forma Chartæ.

Indentura autem vocatur, quod ex solida membrana, sive Papyro in se per medium complicata, scissura facta per medium, partes rursus explicata, formam referant dentium in superiore quæque parte, qua invicem debent sibi respondere, ut unius pars, vacuum alterius partem, suo quasi dente suppleat, nam nisi utraque pars collata conveniat, dentisque ad vacuitatem respondeant, Charta non solum suspecta, sed etiam pro falsa reputatur. Hoc genere Indenturæ majores nostri sæpissime, usi sunt, sed parcius in Chartis; nunc indenturæ

Quid sit Indentura.

nomen

*Alia Carta  
forma apud  
Anglor.*

nomen penè exolevit, nisi forte apud mercatores, aut eos qui nauticam exercent, apud quos, frequens adhuc est indentura : apud alios omnia contractibus mutuis conficiuntur, & omnium contrahentium subscriptionibus confirmantur, Alia est forma apud Anglos, quæ sub prima persona concedentis concipitur, sub hac specie : Sciant præsentēs & futuri, vel sciant omnes Christiani me Titium, dedisse, concessisse, & hac præfenti Charta confirmasse, Sempronio, terras de, N, sub conditione subsequente, ut in priori forma, In cujus rei testimonium signum sive sigillum meum apposui, Extat denique Londini liber excusus anno 1546. de formis Chartarum, quibus hodie Angli utuntur ; sed quia in eorum jure nisi incidenter aliquando, & quatenus cum usu nostro conveniat, immorari non institui, Ad nostros mores redeo, apud quos nulla aut rara feudi, aut Chartæ feudalis dispositio est, nisi una, & ea simplex, quoque antiquior, eo simplicior : Conditiones enim, sive clausulas, quas vocamus irritantes, aut quæcunque aliæ inter partes convenerant, contractibus aut aliis pactis, in continenti appositis, longo post tempore inferebant ; Chartæ ab iis concessæ erant liberæ, quia militares, & ob militarem operam dabantur ; & post quadraginta hos annos ut dixi, præteritos, etiam præceptum sive mandatum, pro fasina danda, in fine Chartæ continetur ; cum antea, præter ipsam Chartam, præceptum separatum, & per se, requiretur pro fasina apprehendenda. Chartæ autem, in duplici sunt differentiæ, aliæ quæ dispositionis, & aliæ quæ confirmationis dicuntur, & illæ etiam subdividuntur in Chartas primarias ( quas originarias vocamus ) & eas quæ per resignationem, alterius Investiti, fiunt, de illis igitur prius dicendum.

*Charta quod  
debeat con-  
tinere.*

Charta ergo, apud nos potissimum octo, originaria præcipue, debet continere, Primo nomen & cognomen dantis ; Secundo nomen & cognomen accipientis ; Tertio causam dispositionis ; quarto nomen rei concessæ, cum designatione situs : Quinto de quo feudum teneatur ; Sexto mercedem & servitium in quod accipiens tenetur. Septimo datam ( 1 ) diem, mensem & annum cum loco, & testibus ; Octavo ut signetur manu concedentis & ejus sigillo muniarur.

*De eo qui  
concedit.*

Quod ad dantem attinet, aut ea conceditur à principe, aut à privato, privato Inquam, clerico sive laico, In principe concedente, major ætas requiritur, in feudis ab initio constitutis sive Chartis originariis ; minores enim feuda concedere non possunt, nam revocationi obnoxia sunt, sufficitque si hæc revocatio in publicis regni comitiis fiat, etiam sine ulla juris declaratoria speciali, quod, in dispositionibus aliorum minorum non observatur ; nam in his revocatio non sufficit, nisi & querela Instituta, ejusque aqutitas ante judicem probata accesserit ; neque verò refert, an in Charta à principe concessa major ejus ætas exprimat, modo sit revera major. In Anglia & Gallia princeps semper major reputatur, sed in quacunque ætate, revocatio ei competit, si quid ex patrimonio sit alienatum. At licet princeps, in majore ætate, feudum constituere non possit, antiquum tamen renovare potest, ita ut sub eisdem legibus & conditionibus, quibus prius & non aliis renovet ; ut in eis renovationibus, quæ per resignationem alicujus vassalli fiunt, si quid princeps dum minor est, de novo adjecerit, nova pacta, aut conditiones addiderit, quæ in priori Charta non erant, revocationi ea Charta est eatenus obnoxia, si à principe procedat : si à privato minore, restitutioni. Post nomen principis, præfatio aliqua subjici solet, nempe omnibus suis hominibus, tam clericis quam Laicis, ad quos præsentēs literas pervenire contigerit, cum salutis præfatione Græco moro, qui *Χειρ* omnibus suis scriptis præponebant, ominosum enim erat sine salutis præfatione aliquid aggredi, ut apud Virgilium, Horatium, Ovidium, & alios omnes melioris notæ scriptores constat, unde Ovidius.

*Dicit acceptaque salute.*

Sequitur in Chartis, à principe hodie confectis, narratio quædam meritorum accipientis aut causæ alterius, cur princeps ad eam Chartam conficiendam inducatur, licet sæpe narratio hac ex fictis & ementitis ad arbitrium impetrantis causis confarcinetur, præter antiquum principum morem : pudebat enim antiquitatem, aliquid in literis principum inferere, quod cum veritate pugnaret, nos hodie, nihil pudendum, pudet ; qui publicis sigillis præfunt, debent id præcipue curare, ne mendacis literæ principum sint obnoxia ; mendax enim impetrator, impetrato carere debet ex jure, & hæc ementitæ narrationes, virorum magnorum monumentis, qui ob partem bello gloriam, & alia Justissima merita, prædia sua sunt consequuti, meritorumque veram narrationem habent, officiunt : & expresse, in regum revocationibus continetur, omnes Investituras ex falsa causâ suggestionem aut veritatis suppressione concessas,



concessas, sub regum revocationem incidere; sed ita demum, si vera causa fuisset expressa, princeps non fuisset verisimiliter concessurus: quod cum jure civili vel maxime convenit \*. Hæ autem narrationes fidem ne faciant, sæpius apud nos dubitari vidi, hoc tamen jus sequimur, quod verba narrativa, licet sæpe falsissima, si sem tamen contra eum faciant, qui disponere potest, & hoc secundum jus commune; licet alioqui verba narrativa communiter fidem non faciant. Si ab ecclesiastica persona feudum concedatur, solet quidem clausula salutationis præcedere hoc modo, Omnibus Christi fidelibus aut in Christo &c. Et tum nomen concedentis postponitur, antiquitus præponi solitum erat.

In Episcoporum aut Archiepiscoporum præfationibus; vox additur hæc (miseratione divina) recte fortasse, quia misratio est ægritudo, qui ex rebus alienis adversis movemur neque quicquam magis adversum Christianæ Reip. contingere potuit, quam talium Episcoporum promotio, quales patres nostri viderunt. Abbates vero in concessione, se talis monasterii, permissione divina, præpositos significabant, & hi fortasse rectius, multa enim deus permittit, quæ non probat; Sed in his concessionibus, quæ fiunt ab Episcopis & Abbatibus capituli, sive conventus sui, consensus requiritur, Dirigitur autem præfatiuncula hæc ad omnes visuros vel audituros, præfentes & futuros, quoniam per se visus & auditus potissimum, eorum quæ in jure consistunt, scientia acquiritur, & chartarum veritas, & contrahentium mens exploratur, cæterorum sensuum rarus est in chartis usus; nisi forte quis dicat, caræ, cui sigillum imprimitur, falsitatem, utrum ea recens sit an vetusta, olfactu vel tactu deprehendi posse. Verba autem hæc, præfentibus & futuris, omnibus seu universis, ad sempiternæ posteritatis memoriam inferuntur, In chartis, quæ à privatis conceduntur, præfatio, solet nomen concedentis præcedere: in principalibus autem, præfatio sequitur.

Quod ad nomen concedentis attinet, non solum cum cognomine exprimendum est, sed etiam cum designatione habitationis, sive in Burgo sit, sive rure, vel à feudo cujus est dominus, nonnunquam à parentela seu cognatione, aut ab officio, aut cura vel arte quam gerit, aut proficetur; Hæc ideo, ne incerta sit, ejus qui disponit, persona; nam incertitudo omnis dispositionem vitiat, sive sit in persona dantis sive accipientis, sive in re quæ conceditur, sed quæri potest, si falsa designatio sit adjecta, veluti si quis civem se dicat Edinensem, cum sit Aberdonensis aut Glasguensis? sed hoc non puto officere, si de persona constet; tollendæ enim dubitationis causa hæc designatio adjicitur; quod si hæc falsa designatio ab ipso concedente sit facta, putò non minus eum teneri, ac si verum nomen professus fuisset, ne ex dolo suo lucretur: Accidit autem plerumque ut plures sint concedentes, neque ab uno tantum concessio fiat: veluti si filius qui in tenemento est (ut loqui solemus) (1) qui proprietatem feudi habet, cum consensu patris, avi, aut matris, usufructuarius concedat, in quo hoc animadvertendum est, quod licet eorum consensus, eos evictioni obnoxios non faciat; neque enim æquum est, quemquam propter solum consensum de evictione teneri; consensus tamen ille hoc operatur adversus consentientes, ne unquam possint se contra dictam dispositionem opponere. Aliquando autem dispositio hæc fit, à pluribus, quasi æquale jus disponendi habentibus, veluti à patre & filio, aut eorum alterutro, jus in feudo habente, in qua dispositione, hoc in animo tenendum, quod licet sit quædam incertitudo, in cujus persona feudum consistat, nec ex jure nisi unus dominus ejusdem rei esse possit, nequeatque dominium nisi ab uno, & ex una causa transferri, tamen ut fraudes effugiantur, quæ plurimæ in alienationibus texuntur, & cum forte dominium quoddam (nos Basilum dicimus) sit in alterius persona, plenum vero dominium, quod de superiore tenetur, in alterius, ne ullo subterfugio locus sit, ab utroque quasi principaliter disponente jus solemus derivare; nec incertitudo hæc, quæ ad duarum personarum certitudinem redigitur, obstat; idem si à pluribus, forte inter se non conjunctis, dispositio procedat; Nam in cujuscunque persona dominium consistebat, ab ea jus derivari censemus, aliis seu inutilibus seu superfluis personis rejectis.

Et si feudum sit ecclesiasticum, narratio juris intextitur, hæc aut talis, Quia ex utriusque juris sanctione, nec non ex trium hujus regni ordinum statutis, omnibus ecclesiasticis sit concessum, terras suas in emphyteusim locare, ad politiam regni augendam, & ut per bonorum virorum indultriam meliorentur, & ad uberiores fructus præstandos reducantur: Necnon pro magnis pecuniarum summis, nobis gratanter persolutis, de quibus tenemus nos gratanter persolutos & integre, & de quibus dictum N. quietum in posterum clamamus, & in utilitatem nostri monasterii sive ecclesiæ convertis. In privatorum concessionibus,

\*Toto Titul.  
C. De pre-  
cib. Imper.  
officend. Et  
toto Tit. C.  
Si contra jus  
vel ut lista-  
tem publi-  
cam &c.

Sequitur  
post nomen  
concedentis  
narratio  
quædam.

narratio facti subjicitur ut plurimum; veluti si concedens dicat se pro certis pecuniarum summis, aut implemento contractus initi & confecti inter se & eum cui concedit, aut ex titulo donationis, aut servitii, aut remunerationis meritorum alicujus, aut si concessio fiat in feudifirma, pro annuo censu, ut in omnibus emphyteusibus fieri solet, aut ex resignatione alicujus, jus prius habentis, in favorem tertii; aut ex aliis occasionibus, quæ innumeræ sunt, dicat se talem Investituram fecisse; In quibus narrationibus hoc monendum est, quod non semper necesse est, eas veras esse, imputatur enim narranti, si quid falsum intexuerit, nec falsa narratio aut causa, vel in jure communi, Anglorum vel nostro dispositionem vitiatur, nisi in principe ut antea monui.

De hac narratione dubitatum vidi, quando concedens, se illā Investiturā fecisse dicit, pro certis pecuniarum summis, quas fatetur se numeratas accepisse, & debitorem liberare, an ea confessio acceptæ pecuniæ, sufficienter probet numeratam fuisse pecuniam? movet quaestio- nem, quod narrationes sæpe falsæ pro veris adhibentur, & Infeofamentum, spe futura numerationis sæpe fiat; ex altera parte, confessio cum annexa liberatione, sive apocha liberationem inducat; Et puto probatione numeratæ pecuniæ ejus, debitorem non esse onerandum, cum in ipso scripto numerationem intervenisse sit utrique confessum: Nam ut antiquitus in Aquilianam stipulationem omnes obligationes deducebantur, ut acceptilatio omnes illas tolleretur; sic in chartis nostris, & omnibus aliis etiam obligationibus, omnis debiti causa in pecuniam convertitur, licet alia causa obligationis à principio vera fuerit; Si tamen spe futura numerationis, quis se chartæ subscripserit, & qui postea numerare debet, callide se subduxerit, aut fraudem aliquam commentus fuerit, ne præsentem numerationem faceret, In hoc, aut simili casu, ex circumstantiis res ponderanda erit, & si fraus apparuerit, ad numerationem cogendum puto, eum qui fraude liberationem acquisierat; Jure tamen Anglorum, cui & nostrum consentit ut plurimum, qui sua manu subscripserit, numerationem factam, nunquam contra illud auditur, nec exceptio pecuniæ non numeratæ ei competit.

Clausula, pro servitiis, In Investitura apposita, ut ex parte dantis onerosa, sic etiam ad servitia futura accipientem obligat, licet de futuris mentio non sit, & nisi fecerit Charta periclitatur.

*De clausulis  
Dedisse &  
concessisse  
Vendisse &  
alienasse.*

*Si duobus  
vel pluribus  
conjunctim  
Investitura  
fiat.  
De conjun-  
ctis venien-  
tibus apud  
Anglos.*

Verba Dedisse & concessisse; donationem tantum inducunt, & ab evictione liberant, vendidisse & alienasse, alienationem ex causa onerosa, & proinde evictionem secum trahunt; verbum illud, Confirmasse, Angli magni æstimant; putant enim non solum ea voce, quod jam actum est ratum fieri; sed quæcunque acta fuerant antea, super hac alienatione, licet etiam fortasse Invalida, ea omnia convalescere, & confirmari, adeo ut omnes defectus hac voce suppleantur. Sequitur persona accipientis, qui non solum nomine & cognomine, sed etiam loco habitationis, feudo, cognatione, vel familia designandus est, eademque quæ in dantis persona observanda? Dixi nuper si duo aut plures sint qui accipiunt, veluti si quis disposuerit tribus nominatim, & eorum hæredibus, singuli apud nos æquas partes habebunt, & in præmorientis locum ejus hæres semper succedit, in eam partem, quam defunctus habuit; in quo nostri, ab Anglorum moribus maxime dissentiant; Si enim dispositio apud eos hæreditaria facta fuerit pluribus conjunctim, & eorum hæredibus, & unus præmoriatur, in eam partem hæres ejus non succedit, sed ea pars, ei, qui supererit in vita, accrescit, si & is moriatur, & tertius superfuerit, hic tertius totum habebit dum vivit, etiam si reliqui liberos habeant, jure Anglorum; Idem si plures sint tribus, quandiu unus ex eo numero, qui nominati sunt, superfuerit, is totum consequetur, reliquorum præmortuorum partibus, ei dum vivit, accrescentibus, eam enim fuisse voluntatem disponentis Interpretantur Angli; ut quandiu unus vivat, is hæredibus præmortuorum præferatur; & in his omnia, quæ apud jurisconsultos traduntur de jure accrescendi, locum habent; hique juncti tenentes apud Anglos dicuntur, quasi ex una dispositione unius rei, per disponentis voluntatem, sic colligati, & annexi, ut hi duo, aut plures dum vivant, unam tantum partem faciant, & ita inter se conjuncti re & verbis, ut præmorientis pars, etiam si liberos habeat, alteri semper accrescat; Aliter ac in cohæredibus, nam discendentes aut proximi sanguine, uni cohæredum præmortuo succedunt. Neque solum, hoc habet locum apud eos, in conquestibus, sed etiam in locationibus ad certum tempus, & in omnibus obligationibus, & etiam comparisonibus rerum mobilium; nam si plures simul conduxerint ab uno, ut quisque decesserit, relicto hærede, qui supervivit, dum vivit, rem conductam possidebit; eodem modo si pluribus obligatio conjunctim facta fuerit, aut equus, aut pecus, aliudve venditum, reliquis præmorientibus, qui vivit, obligationis executionem habebit, & rem venditam exigit, & pro ea ager, ut in pluribus

pluribus executoribus defuncti apud nos observatur; & hac inter mores nostros & Anglorum differentia est; Juncti tenentes ex jure Anglorum dicuntur, qui unam rem possident, cujus jus ad eos ex una & eadem causa pertinet, ut si dominus feudi, illud inter duos tres aut plures distribuat: quod non solum locum habet, si ex uno juris titulo procedant, sed etiam, si facto suo, unius rei possessores fiant, veluti si aliquem simul dissassinaverint, & ejus possessionem Invaserint, Itaque in his præmorientis pars, vivo accrescet, non defuncti hæredibus: si duobus conjunctim feudum sit concessum, & unius hæredibus, hic feudum simplex habebit, alter tantum usufructum, sed eo, qui feudum simplex habet, præmoriens usufructuarius, totum feudum dum vivet, possidebit, Adeo autem hæc apud eos vera sunt, ut, si duorum conjunctorum alter, extraneo annuum redditum alienaverit, & præmoriatur, qui ei supererit, in totum jus succedit, & alienatio facta extraneo, de annuo redditu, extinguitur, nec ad ejus præstationem, is qui vivit, dum vivit tenetur; ratio est quoniam hic alter junctus tenens ex jure suo, quod simul cum præmoriens acquisivit, partem accrescentem intrat, non ex successione ad alterum ex conjunctis tenentibus; aliud in cohæredibus, sive hæredibus portionariis, qui ex jure hæreditario succedunt, & proinde factum eorum, quibus succedunt, præstare debent: juncti autem hi tenentes, jus in toto & in qualibet ejus parte habent, adeo ut alter, alterum in sua parte Investire non possit, ut illi putant; Sed juris Anglici omnes subtilitates in his persequi, non est nostri Institutum, cum ex nostris moribus omnimodo non conveniant; hoc tantum monendum, si omnes hi conjuncti tenentes mortui fuerint, hæredes in æquales portiones succedent, & patres suos in sua persona repræsentabunt, & in his cum iis consentimus; Si vero patri & filio, dispositio facta fuerit, & hæredibus eorum, feudum in ejus persona consistit, cujus hæredibus providetur, Si viro & uxori fiat Investitura, & hæredes specialiter non expressi fuerint, putant Angli, si generaliter hæredum, ex eo matrimonio procreatorum, mentio fiat, utriusque hæredes in æquales partes succedere; nos ad solius viri, tanquam dignioris, hæredes dicimus pertinere, alioqui si dispositio facta fuerit, viro & ejus uxori, & hæredibus inter ipsos procreatis, quibus deficientibus, hæredibus uxoris, feudum in persona uxoris consistit, & nudus tantum usufructus, apud maritum. Et generaliter hoc tenendum est, si plures in dispositione nominentur, tum feudum in ejus persona consistere, cui hæredum mentio adjecta est, & ad eum feudum pertinere, veluti si Titio, Mevio, & Sempronio, res disposita fuerit, & Mevii hæredibus, Mevius tantum in feudo est, & reliqui, tantum juncti tenentes in usufructu. Si feudum Mevio & ejus uxori, & etiam Sempronio concessum sit, non efficiunt tres partes sed duas tantum, cum Mevius & ejus conjux unam tantum partem faciant in divisione, nam quotiescunque junguntur vir & uxor, cum uno vel pluribus extraneis, unam tantum faciunt partem, cum & una caro sunt, & præsumitur dominum voluisse potius providere eis, in conjuncta Infeodatione, ejus partis, quæ ad unum pertinet, quam separatas partes constitutæ.

Superest res disposita, *viz.* terra, domus, fundus, prædium, baronia, officium, jurisdictio; annuus redditus, & alia quæ in feudum dari possunt, & solent, quæ & ipsa omnia, per certa signa, & suas circumstantias designanda sunt, ut omnis dubii & erroris causa auferatur; Si prædium sit urbanum, quod disponitur, in qua urbe, & in qua ejus parte, describendum, quod ei tenementum ex orientali parte, quod ex occidentali, quod ex boreali, quod meridionali partibus ei adjacet, ita ut facilius ex continuitate dignoscatur; In Rusticis vero, parrochia, baronia, vicecomitatus, in quo, situm est prædium; nonnunquam sola pars fundi seu tenementi disponitur, sed si ut pars disponatur, semper quota pars adjiciendum: neque enim sufficit meam partem concedere, nisi adjiciatur, quota sit ea pars, alioqui falli subito quis potest, si concedens nullam partem habuerit.

Quod vero adjici solet (totas & integras terras meas) consideratione dignum est, utrum his vocibus, totæ & integræ illæ terræ concessæ videantur, an vero quatenus concedentis sunt: Et sane de hoc subjecto controversum vidi inter Dominum Schaw & Muir de Achingraim, utrum voces illæ (meus, tuus, suus) demonstrative sint accipiendæ, an vero taxative tantum 1. (ut planiora omnia fiant) utrum omnino fundus, uti optimus maximus est, in dispositione contineatur, an vero, quatenus ejus tantum sit, qui concedit; adeo ut si rem alienam, vel cujus pars, usufructus, vel servitium, ad alium pertinet, disposuerit, de evictione non teneatur, cum terram suam quatenus suam alienaverit; ut explanatius hoc fiat, pauca de his vocibus (meus, tuus, suus,) subjiciam, Hæc verba (meus, tuus, suus,) jus ad proferentem pertinere, inducunt; sed ea quæ debentur, nostra tamen non dum facta sunt, *sc.*

Terras meas  
tuas suas  
quid importet



\* L. *Quintus Musius*.  
27. Et L. *Scribit Q. Musius*. 34.  
ff. *De Auro & argento legato*.  
\* L. *maior constitutum*.  
ff. *De Leg. 3.*

non continent, neque enim Vendicari possunt, Itaque nisi actionem realem ad rei vindicationem quis habeat, suam rem proprie dicere non potest; quæ in nominibus sunt, nostra ait Ulpianus dici non possunt\*; quam opinionem Cicero in Topicis sequitur, neque enim inquit ille, si uxori vir omne argentum, quod suum est legaverit, id circo quæ in nominibus fuerunt, legata videntur. In favorem legatarii, meum dicitur, cujus ususfructus alienus est, denique & meum aliquando dicitur, quod cum altero commune est. Et aliquando in jure hæ voces inducunt demonstrationem, & sunt demonstrativæ, aliquando taxativæ, aliquando conditionem faciunt, veluti si meus est, aut erit: exempla omnium horum apud Pomponium sunt\*, nam (Inquit ille) elegans est illa declaratio quæ habetur de harum vocum distinctione, ut quoties certum corpus legatur, hæc vox (meum) adjecta ad præsens tempus, conditionem non faciat: Si vero incertum corpus legetur, veluti vina mea, vestem meam, videtur pro conditione hoc verbum (mea) esse, ut ea demum, quæ illius sunt videantur legata, quod non puto fortiter defendi posse; sed potius & hic vestem & vinum, quod suorum numero habuerit, legata esse; sic enim responsum est, etiam quod coacuerit vinum legato cedere, si id vini numero testator habuisset: plane in mortis tempore collatum hunc sermonem (vestem quæ mea erit) sine dubio pro conditione accipiendum puto; Sed & (Stichum, qui meus erit) puto pro conditione accipiendum; nec interesse utrum, qui meus erit, an, si meus erit dicatur, utrobique conditionem eam esse.

Ex qua elegantissima distinctione Pomponii colligendum, ut quoties adjectum hoc (meus) certæ rei, vel certo fundo, cum verbo præsentis aut præteriti temporis adjunctum fuerit, demonstrative tum sumatur, remque totam disponentis esse demonstrat; Si vero apponatur rei incertæ, inducit taxationem, ut eatenus debeat, quatenus concedentis est, veluti si quis omnes suos fundos disposuerit; nam eos tantum, qui sui sunt, Videtur significare; Adjectum vero verbo futuri temporis, tantum inducit conditionem, veluti si res disponentis fuerit. Itaque voces hæ, (totas & integras terras meas) non taxative, quatenus ejus sunt, sed demonstrative, ut demonstrent rem totam disponentis esse, ponuntur in Investituris, modo certa res disponatur, Totum & integrum exegetice adhiberi puto, ut rem omnem cum ejus omnibus partibus significant tradi; licet alioqui totum, ad res heterogeneas, integrum, ad res homogeneas pertineat: utcunque est, integer sive totus fundus, cum omnibus suis partibus, omnique suo jure, videtur esse in dispositione, nam qui fundum vendit, aut ex causa onerosa tradit, ut jura volunt, uti fundus optimus maximus est detracto omni onere, servitute seu præjudicio qualicunque, tradere debet; & si postea constiterit, fundum esse gravatum vel annuo redditu, vel servitute, aut alio quocunque onere, disponens ad id quod interest tenetur.

Quid pertinentiarum nomine continetur.

Et hæc de clausula (Totas & integras terras meas). Vox illa (cum pertinentiis) sive adjecta fuerit sive rejecta, nihil in re ipsa est discriminis, semper enim licet pertinentiæ non exprimantur, veniunt cum re ipsa, per communem illam juris utriusque regulam; accessorium semper sequitur suum principale. Quid nomine pertinentiarum contineatur, valde controvertitur, nam sunt qui pertinentiarum nomine ea quæ veluti pertinentia sunt possessa Includi volunt, & cum possessio sit facti, aliquid pertinens esse, testibus probari putant, alii ea, quæ non sunt contermina sive contigua, non putant pertinentiarum nomine contineri, cum alienus fundus interjectus faciat discrimen inter principale & id quod pertinet, Vidi tamen inter Comitem Angustum & Humium de Poluart quæstionem agitatam de terris de Kymmergeam, ubi cum Humius assereret eas pertinentiam esse domini de Prestoun, Angustus, quod longo Intervallo disjunctæ essent, aliorum dominorum fundis interjectis, contendebat non posse pertinens dici, quod non sub fasina eadem comprehenditur, fasinam autem, ad ea, quæ non sunt contermina sive contigua, non posse extendi, prævaluit tamen Humius, & licet discontiguæ erant terræ, tamen quia ut pertinentiæ plus saculo possessæ erant, sub una fasina, nempe sub possessione domini de Bonkill & Prestoun sunt comprehensæ. Possunt sane pertinentiæ esse, licet jaceant discontiguae, si modo sub una fasina; diversitas fasinarum facit, ne quid inter pertinentias numeretur; idem si de diversis dominis teneantur; sed communiter discontiguitas sine annexatione, tollit nomen pertinentiarum, aut si expresse nominetur in alia Investitura, nam tunc videntur separata tenementa; qui autem pertinentias allegat, debet esse in possessione, nam possessio penè semper probat esse pertinentias, si ut pertinentiæ possessæ sunt, supra hominum memoriam. Quod si vel ex alio domino teneantur, vel sub sua & privata fasina per se solitæ sunt comprehendi, aut si non sunt ejusdem jurisdictionis, aut territorii, sæpe etiam si alii decimæ debeantur, cui principale

non

non est astrictum, pertinentiarum nomine non comprehenduntur; horrea vero & stabula, boum & equorum, & aliorum pecorum, horti, & quæcunque non tam ad habitationem quam habitandi usum sunt extructa; Imo & ædes omnes, nisi sint fortilicia recte pertinentiæ dicuntur, Sed nomine pertinentiarum molæ sive molendina non comprehenduntur, sub nomine tamen baroniæ veniunt, quia baronia est nomen universale, cujusdam jurisdictionis, aut si molendina hæc extructa sint post Investituram primum factam cum continua sub eodem domino possessione, alioqui opus est speciali fasina, aut ut specialiter exprimentur.

Sed ut progrediamur, è re sane utriusque ( 1 ) tam concedentis quam accipientis erit, si res ipsa suis Limitibus & finibus distincta designetur: facilius enim quatenus quis vendit, quantum, quidve accipienti tradatur, scient omnes, si certi limites & certa metæ ad orientem, occidentem, austrum, & boream, ( 1 ) ad quatuor mundi cardines designentur, suisque quasi cancellis Includantur.

Et hæc de originali Charta sive Investitura, quod si Charta originalis non fuerit, sed ex causa pendeat præcedente, quæcunque in primo Infeofamento continentur, in secundo videntur repetita; semperque in Charta modus quo in domini manus pervenerit, est exprimendus, nam si dominus originaliter disposuerit, sufficit si suas se disponere terras dicat, alioqui clausula illa ( totas & integras terras meas ) mutatur & pro illa hæc substituitur ( Totas & integras illas terras ) quæ aliquando fuerunt. N. R. & sic semper in Charta sive Investitura, modus exprimendus est, quo feudum in manus domini pervenerit, sive per resignationem, sive per bastardiam, sive forisfacturam, veluti si per resignationem, hæc verba solent apponi ( quæ quidem terræ fuerunt antea dicti resignantis, in feudo & hereditate, & quas idem per fultum & baculum in manus nostras tanquam domini superioris resignavit in favorem N. R. pro nova Investitura sive Infeofamento dicto. N. R. desuper conficiendo, & non alias aliter neque alio modo ) si per bastardiam aut forisfacturam, utraque est exprimenda, & quod præsentatio regis accesserat, ad quem jus præsentandi, ex forisfactura sive bastardia devolutum est: sic in beneficiis ( quando conferuntur ) modus vacationis, nisi exprimatur, collationem vitiat.

Sunt alia, quæ Investituræ sive Chartæ varrantia dicuntur, In quibus hæc clausula adjicitur ( & hoc in speciale Varrantium terrarum de H. ) ita si contingat recipientem in dictis terris de H. molestari, aut de iis deturbari, tunc & in eo casu, qui accipit, Regressum, ad dictas terras, datas nomine evictionis, habet, pacifice ab eo possidendas & gaudendas ut loqui solemus, Et hæc de prima parte Chartæ, quæ dispositiva pars sive dispositio dicitur, nam quod In hac parte non continetur, licet alibi mentio ejus fiat, tamen dispositum non censetur, Itaque si mola in eis terris fuerit, neque in dispositione comprehensa, licet generalis clausula, cum molis sive molendinis, in clausula tenoris reperiat, non tamen à plerisque censetur vetus mola in dispositione contineri.

Sequitur clausula tenoris: nam licet tenor pro pactione, contra communem feudi naturam, interposita, in jure feudali sumatur, ex usu tamen omnium gentium, Tenorem vocamus modum quo vassallus In feudo Investitus est, & de quo domino tenet; Hæc clausula continet primo repetitionem terrarum, quæ in dispositione comprehensa sunt, secundo hæredes limitat, nam antiquitus in Verbis dispositionis Chartæ, nulla mentio hæredum erat, ut in antiquis monumentis, & præcipue In eis dispositionibus quæ à principe fiunt, videre licet, Itaque si quæ sunt limitationes hæredum, hic inferi solent, alioqui ad hæredes quoscunque, si ita exprimitur, secundum jus commune dispositio devolvitur; quod si nulla hæredum mentio facta fuerit, hæreditarius titulus non præsumitur, ut antea monui, imo licet dicatur in tenore disposuisse dominium in perpetuum, non tamen jus hæreditarium præsumitur; solus enim in hoc casu ususfructus inducitur: neque tamen hæc regula generalis est, nam si alicui terræ dispositæ sint, & ejus soboli, filiis, sive liberis, sanguini, sive semini, sive stirpi, idem est, ac si hæredum mentio facta fuisset, verba enim hæc, æquivalent mentioni hæredum, nisi, quod ad collaterales hæredes nunquam extendantur: neque enim hi vel filii, liberi, semen, vel stirps dici possunt; Ad manum vero mortuam, sive in liberum maritagium concessa terræ, hæreditatem etiam secum trahunt, Illic in favorem ecclesiæ, ( licet ecclesiæ proprios hæredes non habeat, quia nunquam moritur ) hic, in favorem matrimonii, nam dum terræ in liberum maritagium conceduntur, & Interpretatio voluntatis concedentium, & favor ipsius matrimonii, facit ut dispositio, ad hæredes ex eo conjugio seu matrimonio natos, extendatur, sed ad eos solos, nam si nulli sunt ex eo matrimonio discendentes, feudum ad dominum redit, In domino autem concedente, nihil interest, an ejus hæredes nominentur vel

Repetitur  
sententia in  
sequentibus  
Chartis omnes  
clausulae  
in prima &  
originali  
contenta.

Clausula tenoris  
&  
habendos.

vel non, semper enim præsumuntur, ut si dicatur, Tenendas & habendas de nobis sine hæredum mentione vel de nobis & hæredibus nostris. Hoc autem statuendum est, quod hæredum generaliter, sive ( ut nos loquimur ) hæredum quorumcunque mentio, ad hæredes propinquiores, sive lineales sive collaterales semper extenditur, Si hæredum talliæ aut aliorum hæredum mentio fiat, voluntas disponentis, in eorum ordine servanda est, sunt enim plerique magnates, qui terras suas & dominia uni ex familia cognomini, & aliis ejus familiæ hæredibus relinquunt, quibus deficientibus alium atque alium etiam substituunt fortasse ad quinque aut sex, ut in Investitura comitatus Mortonæ vidi, utcunque est, licet, in eo loco, successionem feudi quibuscunque velit hæredibus disponere sive in genere, sive maribus tantum sive eis deficientibus uni fœminæ tantum, sive alio quocunque modo talliatum fuerit feudum. Nunc promiscue sive in clausula dispositionis, sive tenoris, hac hæredum mentione & limitatione utimur. Quæ sequuntur informa Chartæ quæ hodie in usu est, magis exegetice quam ex necessitate ponuntur, dum ii, qui Chartis conficiendis præficiuntur, nunquam satis cautum putant accipienti, meliusque omnia inferi speciatim putant, quam si terræ generaliter concedantur, licet non minus terræ cum omnibus suis antiquis finibus transcant, quam si hæc clausula per omnes suas metas antiquas & divisas pro ut jacent in longitudine & latitudine ) apponatur. Idem in ea clausula ( cum domibus, ædificiis, bocis, planis, moris, marresiis, viis, semitis, aquis, rivulis, stagnis, pratis, pascuis & pasturis, molendinis, & multuris, & eorum sequelis, aucupationibus, venationibus, piscationibus, petariis, turbariis, cuniculis, cuniculariis, columbis, columbariis, hortis, pomeriis, fabrilibus, brasinis & brueriis, genestis, silvis, nemoribus, & virgultis, lignis, lapideis, lapide, & calce, cum curiis & earum exitibus, hærezeldis bludivitis, & mulierum merchetis, ac cum pastura, libero introitu, & exitu, ac cum omnibus aliis libertatibus, commoditatibus, proficiis, asiamensis ac justis suis pertinentiis quibuscunque tam non nominatis quam nominatis, tam subter terra quam supra terram, ad prædictas terras, cum castro, molendino, & partibus pendiculis, & pertinentiis, spectantibus seu jure spectare valentibus, quomodolibet in futurum, libere, plenarie, quiete, integre honorifice, bene & in pace sine aliquo impedimento, revocatione contradictione aut obstaculo qualicunque ; ) Hæc sunt quæ in privatorum Chartis continentur, quæ quidem magis explanative, aut ad majorem cautionem, quam necesse est, exprimuntur, neque enim minus debentur non expressa, & si quis consulat antiquiora monumenta, hanc clausulam ita extensam in iis non reperiet, ab usu Anglorum, & forma apud eos apponi solita, nostra formæ confectæ sunt; De singulis in clausula hac expressis latius dicemus, cum, ad titulum quid juris vassallus consequatur ex feudo, veniemus, In monumentis vero principum aliæ voces adduntur, nempe sok, sak, Infangtheiff, outfangtheiff, cum mulierum merchetis. Quod ad Sokkam attinet, puto servitium omne rusticum comprehendere, quemadmodum de sokka sive vomere antea diximus, in Interpretatione vocis Soccomanni. Sak recte servitium judiciale exponit doctissimus dominus Skynesus, Itaque in ejus vocis Interpretatione longius non Immoror. Quod ad merchetas mulierum attinet, puto hoc falsò nostrorum hominum moribus tantum ascribi, quasi apud nos solum, domini, pudicitiam virginum soliti essent delibare, quæ in eorum territorio locarentur: satis enim constat, & eundem morem in Gallia fuisse, & ab iis ad nos cum feudis transiisse, potius inquam credendum, quam à nobis ad eos ; Sunt qui totam hanc clausulam strictius coarctant, ita, ut ea tantummodo, quæ sunt necessaria, inferantur, sive, quibus ipsa dispositio dubia, vel saltem expositioni & interpretationi ( quod cavendum est ) obnoxia videri possit, Sunt etiam qui latius eam extendant, & plura adjiciant. Et hæc de clausula tenoris, in qua hæc adferunt feudistæ, nempe clausulam hanc non esse dispositivam, sed tantum expositionem inducere, earum rerum, quæ non exprimuntur in dispositione, & tantum clausulam esse executionis, quasi dominus diceret, hoc feudum quod dedi, & concessi vassallo, ille & ab eo discendentibus hæredes tenebunt de me, & meis, cum omnibus juribus, utilitatibus, & libertatibus, Itaque ex se, clausulam illam, non inducere dispositionem, putant.

*Clausula  
Redemptio.*

Superest clausula redditionis, quæ non minus necessaria est, quam ulla alia totius Chartæ; formam enim ea vel maxime respicit, neque enim consistere feudum potest, nisi redditio sit, ( 1 ) nisi vassallus aliquo saltem munusculo, & grati animi Symbolo, dominum recognoscat ; Redditionum autem, sive prestationum apud nos multæ sunt species, ut ex prioribus patet, nam cum feuda apud nos vel sint Franca, ( 1 ) in blanco teneantur, vel pro servitio militari, vel pro annuo censu, vel ad manum mortuam, singulis suæ sunt redditiones : quod ad primum attinet, duplicis id generis est, nam quædam sunt, quæ in blanco, quædam

quæ



quæ in blanca firma tenentur ; In blanco præstationes sunt, vel rosa, vel nummi argentei, vel paris calcarium, vel cheirothecarum, vel sagittæ, vel canis Leporarii vel speculi vel similia, quæ non præstantur, nisi petantur, cum præstita parum utilitatis secum adferant. Alia in blanca firma tenentur, veluti si pro libra piperis alicujus precii, vel alterius rei, quæ commodum secum adfert ; nam cum hæc præstita in utilitatem domini vergant, iis poterit vassallum dominus, quodcumque velit, gravare, nec obstat clausula quæ adjici solet ( si petatur tantum ) hæc enim clausula differt solutionem, dum petatur, non tollit ; Angli etiam in prioribus, annuam præstationem intercedere debere volunt, etiam in rebus minimi momenti, veluti si rosa vel nummus reddendus sit, licet nullum, aut, quod non sentitur commodum, secum adferat : tessera tamen quædam est, subjectionis vassalli, domino, & ideo annuatim præstanda, ne memoria officiorum & obsequiorum, quæ in feudis debentur, obliteretur, quam semper recentem esse, in utriusque memoria, æquitas postulat ; Nos sane ab uno & altero anno, eorum morem sequuti sumus ; nam hodie, qui rationibus regis præfunt, diligentissimè hæc blanca exigunt, hæc de prima specie redditionis.

Redditio, quæ servitium præstat, semper præsumitur, nisi alia exprimatur, & in propriis feudis consistit, ut antea dixi, & hæc redditio exprimitur per verba servitii debiti & consueti, vel cujuscunque alterius servitii militaris, veluti pro præstatione armigeri, sive arcitenentis, vel militis, vel dimidii militis, vel sextæ in curiis capitalibus : sextæ enim, servitium est ; neque obstat clausula ( pro omni alio onere, quæstione seu demanda quæ de dictis terris exigi poterit quomodolibet vel requiri ) hæc enim clausula, de iis tantum servitiis intelligitur, quæ a vassallo solent exigi, dum in feudo est, non de iis utilitatibus quæ domino debentur, vassallo mortuo, Itaque neque custodiam, neque relevium, neque maritagium excludit ; Inter Wedderburnium & Humium de Nynwellis, ejus vassallum, controversum vidi, cum in redditione, servitia debita & solita expressa essent, & cum Wedderburnius urgeret, & ad onera realia & vecturas & plaustra vellet vassallos astringere, quod eos solitos ea præstare se probaturum reciperet, senatus interlocutus est, ut ea, tantum ad servitia personalia & non realia extenderentur. In feudis firmis sive emphyteusibus, semper aliquis canon certus constituitur, in quo, annuatim, saltem ad tempora constituta, præstando, vassallus tenetur ; & si in solutione defecerit, solet adjici, investituram nullam futuram, ex defectu non soluti canonis, sed ad dominum redigendam, quæ clausula, etiam, licet non adjiciatur, si tamen vassallus in solutione cessaverit per triennium, nec dominus suæ solutioni obstiterit, aut causam præbuerit ( in quibus casibus emphyteuta deponere, quod nos consignare dicimus tenetur ) emphyteuta ipso jure à feudo suo cadet, & feudum domino aperitur, etiam si clausula irritans non sit apposita, quod etiam in postremis comitiis apud nos introductum est, & quod majus mirum est, tempus coarctatur ad biennium.

Sed dubitatio hic potest esse, si pars canonis soluta tantum sit, an exceptio competat emphyteutæ, contra dominum, pro irritando feudo agentem : & sane hoc jure utimur, quod partis solutionem nemo recipere teneatur, recipiens tamen eatenus sibi prejudicat, ne feudum, pro eo anno, in commissum cadat, cum annui canonis partem receperit. In feudis autem quæ ad manum mortuam concessa sunt, precum & suffragiorum præstatio locum supplet omnium aliarum redditionum : neque enim ecclesia, neque qui ecclesiis præfunt, in alia servitia tenentur, De his, quando dominus voluerit, præcise poterit ad præstanda officia cogere & nisi præstiterint, distringere, aliquando ad ordinarium recurrere debet, ut antea dixi, nec pro his non præstitis redit feudum ad dominum, cum iis hodie imputari non possit, quod à publicis regni comitiis, in religionis restitutione introductum est, nisi forte hoc expresse in mortificationibus sive concessionibus provisum fuerit, ut quovismodo cessantibus officiis, feudum ad concedentem redeat, & eo casu provisioni locum esse omnes putant, & ita decisum vidi.

De ablativis absolute positis, in hac clausula, conditionem an dispositionem inducant, seriò agitatum vidi inter dominum de Neubotle, & Marcum Achefon, cum ille in contractibus conditionem, In ultimis tantum voluntatibus dispositionem inducere contenderet, Hic vero in omnibus Investituris affirmaret dispositionem inducere, cum ex jure de hac quæstione acerrime controverteretur, neque adhuc quæstio sit jure definita, sic ego ex Bartolò concludendum puto, quod ablativi absoluti, quoties proferuntur ab eo, qui potest disponere, inducunt dispositionem, quoad se, vel eos, quos quis invitos gravare potest, ut in ultima voluntate testator fideicommissarium invitum gravare potest ; sed in contractibus, alter contrahentium, alterum gravare invitum & contrarium non potest, Itaque in contractibus conditi-

Fac. 6. Parl.  
15. 6. 246.

An dominus  
partem Ca-  
nonis recipi-  
ens agere  
possit ut em-  
phyteuta in  
commissum  
cadat.

*De redditio-  
nis loco.*

conditionem inducunt tantum, & non dispositionem.

Sed dubium moveri potest, de loco hujus redditionis, five solutionis, ubi ea facienda sit, super fundo ne, an in loco quo convenerat, an vero quarendus sit creditor per omnes Regni fines, & angulos, ut nonnulli ex Anglis volunt & sane si reservatio sit, alicujus annui redditus, vel si prestatio sit alicujus liquidæ summæ five in pecunia five in frumento consistat, ea summa semper super fundo ipso solvenda est; In omnibus autem personalibus obligationibus, quæ pœ iam etiam continent, nisi pecunia etiam ad diem solvatur, quarendus creditor est, si apprehendi personaliter potest, alioqui aut ad locum habitationis suæ, aut saltem in ecclesia ejus parochia, In qua habitat; Et hoc prioribus temporibus in usu erat, hodie suppletio ad senatum fit, idque mentione facta, quod creditor se subtrahit, ut pœnam possit lucrari, ex eorum responso five deliberatione, eandem summam coram eis obligare potest, & tanquam in ade sacra deponere, ut mos apud veteres fuit. In his pœnalibus obligationibus conventionalis pœna autem peti non potuit, ultra id quod Intererat, quia sapiebat usuras, Senatus tamen speciali actō, quia interesse, est sape incertum, & lites in probando multiplicat, se, velle etiam ad pœnam conventam, actionem dare, sancivit.

## *De evictione five de varrantizationis actione.*

### *Diegesis Quarta.*

**V**arrantizationis quam dicimus, five de evictione actionis, vis omnis à dispositione pendet, nam si feudum ex titulo puræ donationis procedat, vix locus est Varrantizationi, iniquum enim videretur, qui ex sua liberalitate quid concelebrat, ut in id teneatur, quod non habent, si non tamen aliquid, vel dolo, vel arte fecerint, quominus feudum ad vassallum transeat, puto eos, eatenus, de evictione teneri; & hoc secundum jus commune, quo nos etiam in foro utimur: feudistæ tamen omnes, dominum feudi, vassallo de evictione teneri volunt, etiam si non exprimatur, neque quicquam de ea convenerit, quod non omnino gratum sit hæc concessionem, sed ob servitia, ut plurimum præstanda, quæ fere semper sunt onerosa: neque minus gravari putant vassallos, qui servitia & obsequia domino præstare obligantur, quam si in certam summam pecuniæ altrichi essent, & sic si terræ dentur ob servitium, gratitudinem, benefactum, aut meritum, de evictione concedens tenetur; In emphyteusibus five feudis firmis semper causa est onerosa, quia continent annui census præstationem, Itaque semper actio de Evictione, ex emphyteusi inducitur, nisi, quod in feudis ecclesiasticis nuper constitutum est, ne successores in beneficiis, de evictione emphyteuseon, quæ à prædecessoribus factæ sunt, teneantur, Considerarunt enim nostri ordines, si talis actio de evictione permetteretur, facile everfionem alicujus ecclesiæ sequuturam, si quod priores male aut quod non possint fecerant, successores Varrantizare tenerentur, cum sape quod de beneficio superest, ad id non sufficiat; cum antea prælati ad evictionem tenerentur, sed vocari debuerant cum capitulo; Patronus autem nullo modo tenetur Varrantizare, cum, ejus nudus tantum consensus interveniat, qui nullum evictionis nomine obligat, ut neque Oeconomus, cum ejus administratio, ad temporis angustiam limitata est: durum sane esset, qui ad tempus tantum, administrationem habeat, ut de evictione teneatur, proinde neque contra tutores, aut curatores, regulariter datur de evictione actio, tamen si quid receperint, vel Oeconomus, vel tutor & curator, datur eatenus actio, contra eos, de evictione. Sed in his omnibus evictionibus, five Varrantizationibus, generalis hæc regula tenenda est; quod si nullum commodum, ex concessione ad dominum pervenerit, neque in præsentem, ut pecunia numerata, aut alia res, pro pecunia, neque in futurum, annua præstatio aliquam utilitatem secum adferat: vel si dominus, ex resignatione alterius feudum concelebrat, cum ibi tantum gratuitam operam, & nudum consensum videatur præbere. In his omnibus dominus nunquam de evictione tenebitur, etiam si expressa illa clausula de evictione fuerit, & Varrantizationem in se susceperit; Si vero aliqua causa onerosa interceperit, vel pecunia vel cambium, vel remuneratio meritorum, vel servitii præstatio, aut alia similis intervenierit, de evictione dominus tenebitur; etiam si nihil convenerit, itaque hujus clausula de evictione, vis tota à clausula dispositionis, ut dixi, dependet.

Nostri dupliciter hanc clausulam concipiunt, alii enim generali clausula contenti sunt, nempe

nempe, ut dominus dispositionem contra omnes mortales, & ab omnibus periculis defendat, & Varrantizet : alii hoc non sunt contenti, nisi & omnia illa pericula & incommoda quæ evenire possint, sigillatim exprimant, veluti ab omnibus vardis releviis &c. Denique, si diis placet, ab omnibus periculis præsentibus & futuris, cum tamen ex jure post traditionem, periculum omne futurum ad emptorem pertineat ; neque unquam in foro auditum est, periculum aliquod aut incommodum, quod post dispositionem acciderit in concedentis caput recidisse, nisi vel causa præcesserit, vel ejus aliquod factum intervenierit. Priorem clausulam vocant generalem, posteriorem specialem Varrantizationem, nec quid inter eas intersit, video, cum in generali omnia hæc specialia insint ; nostri tamen putant aliquid majus esse in specialitate, exempli causa, si concedens de evictione conventus se teneri non dicat, quod accipiens vitium sciverat, & nihilominus eam rem accepit, & proinde cum vicio videtur dispensasse ; nam qui scivit aut scire debuit ( quæ in jure equiparantur ) rem alterius esse, in mala fide dicitur esse, quæ actionem non producit communiter ; accipiens vero revertere sive replicare possit, se specialiter in hoc casu de evictione providisse, cautum enim in investitura, ut qui concedit ab omnibus alienationibus Varrantizet, & ita scientiam ei non officere in hoc casu. Sed meo Judicio hæc distinctionis ratio vana est, nam scientiam sive malam fidem dominus vasallo nunquam poterit objicere, quoties ipse in pari casu versatus ( 1 ) in pari scientia vel mala fide ; Res autem semper cum sua causa Varrantizanda est, cum omni eo quod accipiens habiturus fuisset, si res apud eum non evicta remansisset, quique concessit in omne damnum & incommodum restituendum tenetur. Itaque sive generalis clausula de evictione sive specialis sit interposita, si tamen aliqua sit Interposita, puto actionem de evictione competere ; hoc etiam generaliter tenendum est, omnem alienationem, quæ ex titulo oneroso fit, Varrantizationem inducere : titulus autem lucrativus, non inducit Varrantizationem, Immo licet contineat clausulam, ut donans de evictione teneatur a futuris incommodis, Varrantizatio non datur, nisi supervenerit Warda sive custodia ; nam custos hic nullas assedationes durante custodia tenetur agnoscere ; toto enim eo tempore silent ac si in rerum natura non essent, Restituuntur tamen totidem anni locationum, finita custodia, colono, quot à custodia sunt intercepti ; quod si alienatio sit sub reversione ut dicimus & pendente ea, sive mortuo vadio, qui Hypothecatas terras aut fundum habet, per Vardatarium aut custodem, à fructibus, ratione Wardæ & aliis utilitatibus excludatur, habet is pro omnibus annis, quibus, à Vardatario à Levandis fructibus fundi Hypothecati exclusus est, præsentem contra alienantem actionem & sic de periculo futuro qui vendit sub reversione, tenebitur.

Hæc autem actio de evictione tantummodo personalis est, & tantummodo contra concedentem datur & ejus hæredes, Hæredes autem voco, qui in jus universale, quod defunctus tempore mortis habuit, succedunt, & id universale dicitur, licet unam rem tantum tanquam hæres agnoverit, & ea tantum in bonis defuncti fuerit, dum moreretur, quod si plures res ( 1 ) prædia, vel fundos habuerit, non minus universalis hæres dicitur, si hæreditatem unius prædii agnoverit, quam si omnium, neque uno prædio retentæ alia repudiare licet, neque pœnitentiæ hic locus est, postquam in uno tantum, semel agnoverit hæreditatem, licet ex constitutionibus Justiniani receptum sit, ut ei qui damnosam hæreditatem ignorans adjerit, si postea res alienum præter opinionem emerferit, quod facultates omnes hæreditatis obsorbeat, & exhauriat, detur in hoc casu locus pœnitentiæ, ut restituto omni quod ex hæreditate bona fide hæres consequutus est ; in integrum restituatur, ne pro hærede habeatur, sed quasi qui ab ea abstinuit ; quod licet summam videatur secum habere æquitatem, apud nos tamen non est receptum ; Alii sunt etiam qui generales successores, apud nos sed in jure bonorum possessores dicuntur ; veluti si is qui alioqui successurus erat, aliquid tamen ex bonis defuncti in ejus vita, præcipue si ut hæres apparens & eo nomine acceperit ; & in hoc casu contra juris civilis regulam jura sanguinis obsunt ; nam si defunctus extraneo cuivis, qui non erat successurus, vel maximam partem prædiorum hæreditariorum, dum viveret concessisset, ex quocunque titulo, imo donationis, tamen is extraneus nunquam ad Varrantizationem facti defuncti cogetur : singularis enim successor habebitur, etiam si in maximam partem feudorum, quæ defunctus dum viveret habuit, successerit, At si filius aut hæres apparens, qui alioqui in eo successurus erat, vel tantillum ex bonis hæreditariis defuncti delibaverit, in Varrantizationem omnium, quæ à defuncto facta sunt, tenebitur, quod sane cum ratione pugnare videtur : cur enim non licebit mihi, filio meo vendere,



quod extraneo, aut cur filius meus a comparatione rei meæ sua pecunia prohibetur, quod cuique etiam alienigenæ licet? Sed nostri non putant aliter fieri posse, ut fraudibus occurratur, cum aliqui facile possit numeratio inter filium & patrem simulari; neque facile donatio inter extraneos præsumitur; hæc enim causa est cur faciliores simus in actione, contra heredem, qui aliqui successurus est, præstanda, quam contra extraneum; nam in illo semper præsumitur fraus, in hoc raro.

*Intromissor  
cum bonis  
mobilibus  
hereditariis.*

De intromissore cum bonis nobilibus hereditariis major quaestio est; nam cum apud nos heredi optimum quodque, debeat in sua specie bonorum defuncti, veluti optimus equus optima vestis, optimum poculum, optima lorica five armatura, & sic de similibus in suo quoque genere, si inquam ex his aliquid hæres apparens acceperit, videtur hereditatem agnoscere sive adire; Itaque si apud eum aliquid eorum quæ inter bona hereditaria mobilia numerantur, inventum fuerit, pro herede habebitur, nisi aliunde se probet illud assequutum. Idem etiam in assedationibus decimarum & prædiorum, si quis patri successerit, licet hereditaria non sint, puto tamen eum teneri: imo si tantummodo in possessionem quam nativam vocamus successerit; hæc omnia cum distinctione \*, si quis hæres apparens, pro sua rem eam acceperit, ut sic de evictione teneatur, non si quid pietatis nomine, aut custodiar, aut rei servandæ causa fecerit, ut sit unde creditoribus solvi possit; itaque solent apud nos qui hereditatem paternam adituros se profiteri recusant, & aliqui jus in castro, vel in mansione habent, solent inquam hi, literas a dominis consilii impetrare ad, aliquem inferiorem magistratum, ut secum castrum, aut ædes defuncti ingrediantur, ne sibi fraudi sit, quod castra vel ædes paternas adeant post mortem parentum, in quibus hæc bona hereditaria servantur, neque ullius boni hereditarii se possessionem agnitos protestantur, sed tantum ut inventarium faciant, & ut ea bona omnia creditoribus sint salva: neque tamen puto ob rem parvam, & non magni pretii, heredem apparentem (1) eum qui immediate successurus est, licet apud eum reperiatur res illa hereditaria, teneri: præcipue animadvertendum in eo qui ut hæres ad Varrantizandum vocatur, si qui successurus est, ut nuper dixi, intromiserit vel res hereditarias receperit ante contractum debitum, sive contractam a patre, cui successurus est, obligationem de evictione, actionem non competere; nam si ante eam contractam pater, ex contractu matrimoniali forte cum nobili viro, filium suum in omnibus suis terris investierit, non ferendus est, si post illud factum velit se in Varrantizationem obligare, aut contrahere in fraudem filii, ut actio contra filium de evictione Instituat; nam sic licebit unicuique patri aut prædecessori fraudem filio aut alicui alii successuro facere, contrahendo spolia, ejectiones committendo, ut qui ante hæc facta investitus est, de evictione in his teneatur, cum Investitura filii præcedat Varrantizationis obligationem, & ea etiam plerumque ex causa onerosa procedat, filius in his casibus pro extraneo habebitur nec de evictione tenetur. Tenetur etiam hæres talliæ de evictione (1) ad Varrantizandum alienationes a prædecessore suo, si ratione talliæ successerat; sed non nisi in subsidium, nempe discussio herede legitimo vel lineali qui a nobis dicitur, nam in uno & eodem libello citari possunt & solent hæres generalis & talliæ ad Varrantizationem: ille, ut generaliter Varrantizet: hic vero, in subsidium; nempe si hæres generalis ad Varrantizationem non sufficiat, & quatenus non sufficit, ut hæres Talliæ illud ex sua talliæ suppleat; multo magis competit contra successorem ex talliæ si prius actum fuerit cum herede generali, nec per eum res salva fieri possit creditori. An autem charta sine safina Varrantum det, dubitatum vidi, Ego si charta sit ex se Invalida, nec ad hanc actionem de Varranto sufficere puto. Hæc itaque de personali hac Varrantizatione dicta sufficiant.

*De reali  
Varrantiza-  
tione ex præ-  
diorum per-  
mutatione si-  
ve Cambio.*

Realis autem Varrantizatio, rara est, nisi in his duobus casibus, vel quando permutatio prædiorum fuerit, quam nos cambium sive excambium vocamus: nihil enim æquius, est quam alterutrum prædium alteri de evictione esse obligatum, & evicta re tota, permutatio dissolvitur, vel saltem quod interest præstat: Alius casus est quando illud prædium in speciale Varrantum datur, quod quidem solum per Investituram specialem fit, quo quidem casu, evicto Uno, ad alterum semper regressus habetur, declaratoria juris prius habita; In qua reali actione de evictione hoc speciale observatum vidi in senatu, ut, si cui semel prædium in Varrantum

Varrantum fuerit concessum, & ab ejus nepote, pronepote abnepote, lis de suo prædio quod Varrantizandum est, moveatur, is regressum habebit ad illud prædium, quod majoribus suis in Varrantum fuerat concessum, licet aut ipse, aut ejus parens, aut avus sasitus non fuerit.

Quæstio tamen hæc ex jure civili oritur, quod si convenerit, ut nihil evictionis nomine præstetur, & interim qui prædium ex causa onerosa accepit, pecuniasque fortasse non mediocres numeravit, à tertio conventus cedere re cogatur, nihil ne ex pecunia sua recuperabit? ex una parte jus scriptum jubet, ut pacta conventa semper servantur, licet sæpe juri communi derogent: ex alia parte æquitas stat naturalis; iniquum enim est, ut quis ex aliena jactura locupletetur, & id apud se retineat, ad quod nullum jus habet; sed in hac facti specie æquitas naturalis prævalet ut qui alienam pecuniam receperit, eam fundo evicto restituere cogatur\*, non obstante pacto convento. Id ne apud nos receptum sit, an non, nescio, tentatum tamen vidi inter ducem Levinium & Silvium de Largo, sed res transactione finita est.

*Si convenerit ut nihil evictionis nomine præstetur.*

*\* L. emptorem §. qui autem ff. de actione empti.*

Illud autem satis constat, quod non obstante quacunque clausula evictionis, si res ex aliqua nova constitutione trium ordinum (1) ex nova aliqua lege evicta fuerit, disponentem tantum ad id quod acceperat teneri; neque enim ex facto ejus, neque suorum prædecessorum, neque ex ulla causa, quæ tum provideri poterat, res evicta est, sed tantum ex ordinum statuto, quod & suum cuique ex justa causa auferre potest; sed quia hæc causa evictionis, sine disponentis facto supervenit, æquum censuit senatus, ut qui disposuit, in id tantum quod ex dispositione Lucratus est, teneatur, & utrique decedat, quod ex Regni statutis iis ablatum; nempe ut qui accepit, pro re evicta, nihil nisi quod dedit repetat, & qui disposuit in id tantum quod accepit teneatur. Idem etiam, si fundum aut feudum, quod ob malefictum ad principem redierat, princeps uni concesserit, Isque tertio, cum clausula de evictione; rescissa forisfactura sive condemnatorio contra primum judicio, si is ut debet ad suum fundum restituatur, is qui à principe habuit & cum Varrantizationis clausula tertio alienaverit, non tenetur de evictione, nisi in id quod receperat à tertio; neque tertius ulterius habebit in eum actionem, nisi quatenus ei dedit, quia ex trium ordinum statuto, cui occurrere non poterat, evictio sequuta est: quod & in assedationibus etiam vidi in senatu receptum. In iis autem dispositionibus quæ à rege fiunt, clausula hæc fere semper abest, neque enim reges Varrantizare tenentur, cum eorum concessionibus semper sint liberæ donationes, licet interea pro concessionibus cum eorum thesaurario transigatur. Illud etiam tenendum est, quod à Warda vel relevio vel tempore Wardæ vel relevii & non introitus minor non tenetur Varrantizare, quoniam hæc causæ ex jure procedunt, quod nemo debet ignorare, nisi specialiter in obligatione provisum fuerit, ut ab his etiam Varrantizare quis teneatur, adeo ut neque minor, dum in custodia est, vocatus in Varrantum respondere teneatur usque in perfectam ætatem, quod si plures sint hæredes & unus minor qui exceptionem dilatoriam habeat, donec ad legitimam ætatem pervenerit, ratione Wardæ, hæc exceptio & aliis proderit, qui conjunctam cum eo causam habent, Clausula autem generalis de Varrantizatione ab omni Warda, relevio & generaliter ab omni alio onere, non comprehendit tributa, neque realia neque personalia onera; Quod si Varrantizatio minus legitime concepta fuerit, & quis ad Varrantizandum vocatus, absolutus, poterit tamen in id conveniri quod accepit; cum Injustum lucrum ab eo sit extorquendum. Qui litem sua culpa amisit, Varrantum non habebit. Antea, nisi varranto emptor prius denunciaret, non dabatur actio; hodie cum actio principalis propter Varrantum aut Varranti discussionem non differatur, ob infinitas dilaciones quæ antea interveniebant, solet qui de feudo hodie convenitur, Varrantum quam primum vocare, ut adsit ei & litem in se suscipiat, nec tamen, si id omiserit à Varranto cadit, nisi manifeste probetur sua culpa litem amisisse, omissa exceptione, quam sciebat & potuit proponere, sic primus vocatus in Varrantum, suum autorem de Varranto solet & debet reconvenire, & sic in tertio & quarto. Si quis plures Varrantos habeat sive unum personaliter obligatum & fundum alium realiter, utro velit, uti potest & actionem suam persequi: Vulgo autem usurpatur, spoliationem sive delictum quodcunque, Varrantum non habere & non sine ratione, ut homines à malefaciendo contineantur.

Quod ad præceptum fasazin attinet, ante quadraginta annos, per se separatim esse solebat, Ex demq; solennitates in ea servabatur quæ in ipsa Charta, viz. eadem subscriptiones, & idem sigilli, quæ in Charta apponebantur, in eo repeti solebant, hodie etiã ipsis Chartis includitur; frustra enim sit per plura, quod æque comode per pauciora fieri potest; Hoc autem præceptum, nihil

*De præcepto fasina.*

\* Jacob 6.  
par. 14. añ.  
214.

est, nisi domini mandatum, ut vassallus in possessionem rei dispositæ inducatur, quod quidem mandatum jure feudali in curte, & in præsentia parium fieri solebat; apud nos ubi dominus, non est præsens, ut possessionem rei dispositæ manibus suis tradat, tunc ex mandato ejus, qui potestatem ab eo habet (nos ballivum dicimus) Vassallum in possessionem inducit. Dubitatum tamen vidi, si præceptum hoc (intercepta vel deperdita fortasse Charta) cum sasina subsequente, fidem de dispositione faciat, & sane, si longum tempus intercesserit, & de continua præstatione servitii, vel canonis, supra hominum memoriam constet, pro dispositione puto sufficere; hodie ex ordinum statuto provisum, ut post quadraginta annorum possessionem, neque mandatum hoc, neque procuratio ad resignationem, neque præcepta pro sasina danda, necessaria sint ut producantur, si modo is, in cujus favorem sint concepta, in possessione perpetua tot annis fuerat & Chartæ super eisdem cum sasinis extent \*. Extréma clausula in Charta est, quæ, In testimonium præmissorum in Charta vel subscriptionem disponentium habet, vel eorum sigilla, cum annotatione diei mensis, anni, & testium, qui iis solennitatibus intererant. Ante annos octoginta plena fides Chartis adhibebatur, licet sigillo disponentis tantum essent munita, sed, quia mortuo domino, sæpe vel fraude viduæ vel ejus, in quem sigilli custodia inciderat, multa incommoda occurrebant, & sæpe dispositiones post domini mortem confictæ, ejus sigillo muniebantur; ex omnium ordinum consensu statutum est, anno 1540. ne postea fides adhiberetur, cuiquam monumento aut Chartæ sigillum concedentis tantum habenti, nisi & disponentis chirographus accesserit; Itaque ex eo tempore subscriptio disponentis necessario requirebatur, hæc autem subscriptio vel autographa esse debet, vel si ipse nesciat scribere, aut saltem nescire profiteatur, per notarium ex ejus mandato, Hodie vero ut notariorum sive tabellionum fraudes magis emerferunt, duorum notariorum testimonium requiritur, ut in omnibus aliis monumentis hæreditariis, aut rebus majoris momenti: fit enim quod dici solet, ut ex malis moribus bonæ leges oriantur.

*De data.*

Diei, mensis & anni annotatio necessaria est, nos datam dicimus, si tamen dies omissus fuerit, puto non vitiari dispositionem; annus tamen & fortasse mensis necessario inferendi, ne tollatur actio falsi, aliter enim, redargui de falso, commode non poterit instrumentum. Si falsa data apposita sit, totum instrumentum vitiatur, nam quod in ea data quæ exprimitur, non est verum, etiamsi aliam datam substituere velit, is, qui eo utitur, non est audiendus, & quod in data falsa non fuit factum, nunquam factum præsumitur. Ob eandem causam & testes apponuntur; facillime enim dispositiones, & investituræ confingi possunt, si testes desint, & iniqua conditio dominorum esset, si non existentibus in sua dispositione testibus, eam oppugnare vel de falso redarguere non possent; De loco, an ejus specialis mentio sit necessaria, dubitatum vidi, In antiquis monumentis, data, ut ab hominibus prisce simplicitatis, solebat omitti, sed de loco, postea in diegesi de sasinis.

*De sigillo.*

Sigillum autem proprium disponentis apponi solet, & debet, In vetustis autem dispositionibus constat, etiam sigillo alieno commodato, disponentes uti solitos, tanta erat iis temporibus inter contrahentes simplicitas, sed non nisi id expresse in Charta contineatur, disponentem, cum suum non haberet, alterius (cujus nomen exprimi oportet) alterius inquam, in ea dispositione, sigillo se usum profiteatur, Et hæc de forma Chartæ, ejusque clausulis, quæ apud nos, hodie frequentiores sunt, dicta sufficiant.

*De Charta  
confirmatio-  
nis.*

Alia est forma, Chartæ confirmationis, nam, antea dixi, quasdam Chartas esse dispositionis, quasdam confirmationis, ex rursus in duplici sunt differentia; omnes tamen à superiore sive domino proficiscuntur: sed aliquando, vel confirmat alienationem factam, à vassallo, de ipso vassallo tenendam, aliquando de se, veluti de domino superiore. In priori, confirmatio nihil plus operatur, nisi ut subvassallum indemnem servet, si quando vassallus ipse, in dominum peccaverit, vel ex ejus facto feudum domino aperiatur: neque tamen à Warda, aut relevio, aut quocunque alio debito servitio, quod subvassallus priori suo domino (1) Vassallo primo debuerat, eum liberat, Sed si feudum domino ex facto Vassalli aperiatur, subvassallum in ejus locum ita substituit, ut dominus cogatur, eum in Vassalli locum suscipere, & is rursus, in id domino tenebitur, in quod, prior vassallus primo domino tenebatur, itaque, licet hic subvassallus, de domino suo immediato (1) de vassallo tenuerit in albasirma tantum, sed vassallus ille de primo domino, per servitium custodia & relevii, aperto feudo, ex facto vassalli, priori domino, subvassallus, qui in locum Vassalli subrogandus est, non tenebit investituram suam in libera albasirma, quemadmodum de vassallo antea tenuerat, sed, cum in locum prioris Vassalli substitutus sit, in eandem etiam conditionem substituetur,



tur, in qua, erat vassallus, domino suo immediato, & tenebit de domino suo mediato, per servitium custodiæ & relevii, quemadmodum prior vassallus immediatus tenuerat, & non in alba firma, licet ipse, de suo domino, in alba firma tenebat, nam, ex his forisfacturis, iniquum est, domini primi conditionem fieri deteriore, ut subvassallum habeat substitutum in meliori conditione, quam prior erat. Alia Charta est confirmationis, quando disponens alienat prædium, non de se sed de domino suo superiore tenendum, siquidem alienatio talis, nunquam Valet, nisi domini confirmatio, saltem consensus, accesserit. In quo casu, mutatio Vassallorum est, & pro uno alius substituitur, quique antea tenens fuit, jam omni servitio domini liberatur, alterque in ejus locum eisdem conditionibus substituitur, sed notandum est, hunc consensum, in pura & libera domini Voluntate, consistere, neque etiam, ulla vi aut arte dominus cogi potest, ut consentiat, consensus enim omnis liber esse debet. Nostri solent cum dominis transigere, si quando alienationes accipiunt, Apud Gallos, dominus, quinta parte precii recepta, cogitur unum in alterius locum recipere; nam hac quinta pars, ex usu Gallorum, separatur ad eum effectum, nempe pro eo quod domino debetur, pro receptione unius vassalli pro alio.

Utriusque autem confirmationis, eadem est forma, nempe, dominum superiorem Chartam quandam alienationis factam, per Titium, Sempronio, de terris Tusculanis, non rasam aut viciatam, non cancellatam aut ulla sui parte suspectam, sed sanam & integram vidisse, & intellexisse, sub hac verborum forma, & tunc inseritur Charta confirmata integer tenor. In quo, nihil est prætermittendum, Absoluto tenore Chartæ confirmatæ, dominus in hæc verba loquitur, Quamquidem Chartam in omnibus suis punctis & articulis, ratificamus approbamus, & in perpetuum confirmamus, salvis juribus & servitiis nobis de eisdem terris solvi solitis & consuetis; & eodem modo munienda est hæc confirmatio, eademque solennitates adhibenda, quemadmodum in Charta diximus, nimirum ut dies, mensis, annus exprimantur, & subscriptio confirmantis, si privatus sit, cum sigillo, apponenda. In principalibus vero alienationibus sufficit sigilli magni appensio, sunt qui apponant, in confirmatione dispensationem cum sasina jam data; nam neque ipsa Charta, quæ ab uno alteri datur de domino tenenda, neque quæ ex ea sequitur sasina, ullius sunt roboris nisi confirmatio accedat, quoniam non rite fecisse videtur, qui ex irrita Charta sasinam dat, & utraque necessario confirmanda est, & in hoc capite dispensandum est cum sasina ab eo data, qui dare ex jure non poterat. In hac tamen confirmatione, hoc præcipue notandum est, ne medium aliquod impedimentum inter Chartam confirmatam & sasinam Intercedat, nam si interea qui alienaverit, illud idem feudum de novo alteri disposuerit, de se tenendum, illud impedimentum, tanquam medium obex prohibet confirmationem cum confirmato conjungi, quod si prior alienatio, de domino etiam tenenda concessa fuerit, utram ipse Velit confirmare, ipsius domini est arbitrium, priorque confirmatio potius Investituram facit, Idem si aliud impedimentum Intercesserit, Veluti appretiatio, forisfactura, recognitio, & si quæ sint his similia; Controversum tamen Vidi inter Kircaldium de Grange & Karum fratrem Phernehestii de alienatione facta, per Guilielmum Kircaldium dicto Karo de terris de Grange tenendis de principe nempe domino Rege, nec tamen confirmatio, nisi post mortem dicti alienantis, per aliquot annos, Intercesserat; dubitationem movebat, quod confirmatio illa semper ad tempus principalis alienationis retraheretur, ut in foro loqui solemus, sed contrarium obtinuit, nempe cum alienatio illa de domino rege tenenda, ante mortem alienantis confirmata non fuisset, irrita ex jure omnino pronunciata est, Itaque hæredi, post mortem defuncti, jus adeundi hæreditatem, nullo modo tollebat, quod jus, ei semel acquisitum, ex nulla confirmatione sive post facto, ei adimi poterat, illudque jus medium esset impedimentum, quod extrema prohiberet coire (1) confirmatum cum confirmatione conjungi: verè enim dici potuit, alienantem obiisse vestitum & sasitum de dictis terris, cum alienatio prior facta, non confirmata, irrita esset, jusque adeundæ hæreditatis in hæredem esset devolutum, adeo ut sive adjerit, sive etiam non adjerit, jus hoc etiam ad hæredes suos transmiserit; neque subsequente confirmatione domini, poterat auferri; aut illud, quod prius Verum fuit, non esse verum, nempe, ut qui antea vere dici potuit obiisse ultimo Vestitus & sasitus ut de feudo, jam dicatur non obiisse de feudo, sed alius tempore mortis ejus rite Investitus & sasitus dicatur; Confirmatio enim semper in vita concedentis obtinenda est, aliqui coire cum Charta confirmata nunquam potest, ut debet; morsque ipsa concedentis, medium etiam in jure impedimentum est, ne simul confirmatio & confirmatum conjungi possint, nam nisi concedens & confirmans simul consentire potuerint, non est consensus neque

Forma confirmationis.

neque confirmatio, consensum enim interruptit mors concedentis; In Chartis tamen emphyteuseon ecclesiasticarum, nihil interest quo tempore confirmatio interponatur, nam non interponitur ex necessitate juris, sed tantum ex speciali trium ordinum statuto, quo caveatur, ut nulla emphyteusis ecclesiastica valida sit, nisi quæ à rege confirmata, rege inquam non tanquam superiore, sed qui ex trium ordinum consensu in locum pontificis maximi suffectus est. Hæc de forma Chartæ in genere, nam aliquando ut negotii necessitas requirit, Chartæ etiam speciales fiunt, ad specialem effectum, de quibus singulis disserere immensum esset operis.

\* C. 21. lib.  
1. Reg. Ma.  
j. & C.  
122. De In-  
dignis.  
\* C. 20. lib. 2.  
Reg. Majest.

Chartæ autem omnis hic effectus est ut tantummodo nudum pactum censeatur, nisi traditione vestiatur \*, alioqui ex Charta actio non oritur, adeo ut si pater uni filiorum Chartam alienationis fecerit in præjudicium primogeniti, & ante fasinam datam præmoriatur \*, primogenitus non cogitur, ex ea Charta fasinam tradere, neque is, in cujus favorem alienatio facta sit, ex ea Charta actionem habebit, cum nudum pactum, ex jure, actionem non producat. Vidi tamen ex sola Charta, eaque in cista defuncti reperta, heredem coactum fasinam tradere, quod multis mirum videbatur, cum nuda tantum Charta esset, eaque in custodia possidentis dum moreretur. Mota erat actio hæc inter Samuelem Cockburne fratrem domini Ormistonii & Jacobum Sandilandis de Calder, cum in scriniis Domini de Torphichen ea Charta ab eo confecta & subscripta fuisset reperta, sed hoc putabant licere in extraneo: neque tamen nodus objectus dissolutus erat, cum feudum sit contractus reciprocus, ut quemadmodum Vassallus cogi non poterat, ad recipiendum feudum, ex sola Chartæ confectioe, sic nec dominus ad reddendum, aut perficiendum.

Hoc autem in genere de Chartis observandum est, nempe ut omnis Charta in scripto sit; usus etiam, ut in membrana esset, obtinuit; nam licet ex jure feudum testibus probetur, nempe paribus curiæ sive curtis dominica, usus tamen omnium gentium obtinuit, ut nunquam Charta sive investitura aliter quam scripto probetur: neque tamen illa probatio, quæ per pares curtis fiebat contemnenda est, cum investitura, quæ in judicio fieri debet præsentibus paribus curiæ, nunquam certius probetur, quam ex membris curiæ (1) paribus & in jure scriptura, non ut quis melius obligetur, sed ut obligatio melius probetur, introducta est; nec minus Valet quod actum est, licet scriptura non interveniat ut vult Cajus \*. Bartolus sane casum legis primæ, Codice de jure emphyteutico controversum inter Doctores ait an in emphyteusi probanda scriptura requiratur: Glossa in dicta L. 4. de Pig. multos casus enumerat, in quibus scriptura ex necessitate requiritur, inter quos & hic annumerandus est, & apud omnes gentes receptus, ut investituræ actus cum omnibus circumstantiis in scriptum redigatur; Et in hoc scripto etiam hæc regula servanda est, quæ à Justiniano Imperatore proponitur in Codice \*, nempe licet forma contractus abbreviata sit, aut ipsa Charta, quam investituram dicimus, à tabellione in abbreviaturam redacta; non tamen ex ea oritur jus sive actio ad implementum (1) neque Venditori neque domino ad cogendum vassallum sive emptorem rem aut fundum accipere, neque emptori aut Vassallo adversus dominum ut rem tradat actio ulla datur, nisi Instrumentum (quo nomine intelligo omne monumentum & documentum scriptum, per quod vel actoris intentio, vel rei exceptio probari potest, ut differat ab instrumento publico, quod non nisi notarii aut tabellionis publici manu conficitur) nisi instrumentum, Inquam, illud in mundum redactum, & subscriptionibus partium confirmatum, & ab ipso tabellione seu scribente completum & omnibus suis partibus sit absolutum, & coram partibus lectum; adeo ut neque illud liceat objicere, quod de pretio convenit; neque enim ex jure necessitas competit ad contractum Venditionis perficiendum, sed semper utrique contrahentium locus est resiliendi & sic penitentia, cum hæc tamen moderatio, quod si quid arrhæ nomine emptor dederit, si resilierit à contractu & poenituerit, eam amittit: Venditor autem poenitens, arrham emptori duplicabit: hoc tamen posterius in usu nostro non est. Si tamen alteruter contractum perfectum esse dicat, & manus junctas (ut fieri solere vidimus) de absolvendo aserat, idque licet scripturam non habeat, juramento partis permittere velit, quæri potest utrum hæc juramenti delatio, scripturæ defectum possit supplere; sed sane ne in hoc quidem casu, jurare alterum cogendum puto; nam privilegium hoc juris est, licet contractus etiam Verbis intercesserit, si convenerat, ut in scripta redigatur; donec enim scriptis perficiatur, quod Verbis convenerat, semper ex jure locus est poenitentia. Itaque jurare de libello, quando exceptioni locus est, nemo tenetur: sæpiissime tamen in senatu vidi, abbreviaturas contractuum, si omnia substantialia continerent & subscriptionibus partium essent roborata, pro perfectis contractibus re-

ceptas,

\* L. 4. ff. de  
Pig. & Hy-  
pothec.

\* L. Con-  
tractus C. de  
fide Instru-  
mentor.

ceptas, actionesque ultra citroque ex eis concessas; neque enim abbreviaturæ censebantur, licet in ipso initio abbreviaturam esse partes profiterentur, sed pleni & integri contractus.

Verba autem in his contractibus debent esse clara & dilucida, ac potissimum in Investituris; ne locus ulli ambiguitati relinquatur, nam si quid sit minus clarum sumenda est interpretatio ex mente contrahentium; si obscuritas Verborum talis sit, ut mens contrahentium inde nequeat colligi, tunc ad legis mentem recurrendum est; ut primo interpretatio sumenda sit ex communi observatione, quæ in usu est illius regionis in qua contractus sive investitura facta est, aut ejus in qua feudum situm est. Quod si alius sit mos ejus regionis ubi investitura sit (de investitura propria loquor) ab eo ubi res sita est, observatio ejus loci in quo res sita, est præferenda. Si de observatione particularis aut specialis loci non constet, tunc ad communem Feudorum naturam recurrendum, quatenus in scripto continetur, si neque aliquod sit de ea re jus scriptum, tunc verba interpretationem suscipiunt pro Vassallo contra dominum; nam licet feuda sint stricti juris ex sua natura, tamen in dubio recipiunt interpretationem, ex æquo & bono contra dominum, qui apertius & planius suæ investituræ leges dicere poterat: Sæpe recurritur apud nos ad vicinarum gentium usum sive mores, nisi cum ratione, aut juris nostri pugnet fundamentis, neque enim eum errare puto, qui cum nullum apud nos jus municipale scriptum de quavis quæstione reperiatur, jus illud sequatur quod in vicinorum bene constitutis rebus publicis frequentatur; quod si nusquam jus scriptum de hac quæstione reperiatur, quæ supra dixi de hac re observanda: dubia Investituræ, cum aliis clarioribus, de eodem feudo, conferendæ, posteriores cum prioribus, & obscuriores cum clarioribus; Qui Investire alium tenetur, aut feudum promiserat præstare; id suis sumptibus præstabit & perficiet, nisi aliter inter partes convenerit, & hoc controversum sæpe vidi cum in contractibus quis alium Investire promiserat, id enim suis sumptibus præstare tenebatur: si tamen semel Chartam dederit, renovare eam non est cogendus, nisi & hic aliud actum sit, & semper in his, quid actum, inspiciendum, quod si quis duas aut plures Investituras aut diversa infeofamenta acceperit, per posterius prior non derogat, sed utro velit uti poterit, & hoc ex jure communi.

Denique, ut materiam hanc Chartarum absolvam, cavendum in eis præcipue, ne ulla in eis suspitio sit, ut antea in Charta confirmationis expresse providetur; præcipuæ suspensiones hæ sunt, quarum quædam violentæ sunt & Valde premunt, alia minus; quæ magis sunt Violentæ sunt hæ, rasura in substantiali aliquo capite, videlicet vel in nomine vel cognomine dantis aut accipientis, vel in numero summæ, aut redditionis, aut in data, aut si aliter partes in una parte nominentur, aliter in alia. Nam sæpe senatus ex sola inspectione Chartam inutilem etiam falsam declaravit; Leviores suspensiones sunt, sed quæ etiam maxime gravant, si diversitas scripturæ aut scribentium in Charta sit, si vitium aliquod sit literarum, si falsa latinitas, (quæ tamen jure canonico non vitiat rescriptum principis, ut nec apud nos Chartas) sic & interlineatio & cancellatio, nam hæ etiam Vim Chartæ tollunt; sic si per notas arabicas 1. 2, 3, 4, 5. & deinceps quid scribatur, quod integre debet scribi, aut si testes non fuerint specialiter denominati.

## De conditionibus in Investituris vel circa Investituras apponi solitis.

### Diegesis Quinta.

**P**ura erant ab initio feuda omnia sive investituræ, qualia pro majori parte adhuc sunt, quoties Veram feudi naturam exprimunt, neque conditionem, neque servitium ullum admittentia, præter illud quod est militare; Id facile cognitu erit Intuenti, Vetustarum familiarum apud nos monumenta, neque enim in illis conditio ulla Invenitur, neque clausula quæ genuinam feudi naturam pervertat;

Per conditiones autem appositæ degenerat feudum, & feudum conditionatum dicitur, *Quæ sunt* (1) à prima feudi natura propter aliquas qualitates extrinsecas appositæ declinans, *Hoc feuda degenerantia.* genus feuda apud Anglos sunt frequentiora, & ad nos, contagione pervaserunt, eo facilius, quod ad jus civile propius accedebant, Ubi conventiones partium legem dant contractui,

Itaque



Itaque conditiones hæ, quas ut plurimum provisiones Vocamus, licet primogeniam feudi naturam mutent, servandæ tamen cum omnino sint, antequam materiam Chartæ absolvamus, de his etiam aliquid adjiciemus, sunt enim ut plurimum pars Investituræ, sive Chartæ; & tum de salina dicemus.

*Conditio.  
nisi prima  
divisio.*

*Tacita sive  
legales con-  
ditiones.*

Conditiones autem duplices sunt, aut tacitæ sive legales, aut conventionales quas expressas dicimus. De his singulis separatim erit dicendum.

Tacitæ sive legales sunt eæ, quæ ex natura contractus insunt, Veluti ne feudi conditio deterioretur, ut servitia præstentur, fides in omnibus servetur, hæ enim sunt legales conditiones (1) à lege ipsa præsumptæ, licet non expressæ, & ideo tacitæ dicuntur, quia licet nulla de eis conditionibus mentio exprimat in Investitura, naturaliter tamen insunt, & in jure semper præsumuntur inesse dispositioni; & ut Angli loquantur in juris Intelligentia consistunt; Easque sic illi definiunt, ut si feudum alicui disponatur, ut sit cursor, orator, dapifer, machinarum director, aut ut nemorum sit custos, aut alicui officio præsit, si is neque per se, neque per suum deputatum (modo deputandi jus habeat) illud officium exercuerit, aut ad exercendum sit Inidoneus, à feudo cadet, etiamsi talis conditio in Infeofamento non sit contenta; nam hæc conditio naturaliter inest, ut qui ob officium feudum capit, illi servire teneatur; si neque officio defungatur, neque defungi possit, beneficium quod tantum ratione officii recepit, cedere cogendus, & ita jura provident: de hoc genere feudorum, quæ non idoneis concessa, aut omnino ad exercendum officium inhabilibus antea diximus.

*Conditiones  
expresse.*

Conditiones verò expressæ sive conventionales, sunt eæ, quæ communiter provisiones sive reservationes dicuntur, neque unquam præsumuntur nisi exprimentur, & hæ conditiones aut in ipsa Investitura, sive corpore Infeofamenti (ut loquimur) exprimentur, aut per pactum sive obligationem reciprocam in continenti appositam, qualia sunt mortuum Vadium, sive pactum legis commissoriæ, & reversio, realeque hæ conditiones dicuntur, de quibus in sequenti capite, quoniam ea materia suo tractatu digna est, itaque ad alias divisiones conditionum in Investituris accedemus. Aliæ etiam conditiones sunt in favorem dantis, Veluti reversio, mortuum Vadium, de quibus capite sequenti, vel si convenerit ut certus annuus reditus domino solvatur, in quo si peccatum fuerit per annum, diem, & mensem, dominus sua autoritate fundum ingredi potest; nam hæc conditio neglecta, vassallum possessione feudi privat, omnique jure quod in eo habet, & feudum domino aperit, quod & apud Anglos in locationibus & aliis contractibus locum habet: Si tamen, tantum convenerit, ut domino ingredi liceat, feudumque apud se retinere, donec omnia quæ debentur solvantur, & hæc conditio in favorem domini est introducta, & in utroque casu dominus ingredi possessionem potest, sed in posteriore, Vassallo recuperandi juris sui & possessionis sit potestas, cum domino de præteritis satisfecerit. Apud nos conditiones hæ irritantes dicuntur, & locum habent, sed opus est actione & declaratoria senatus in tali regressu.

Aliæ autem conditiones in favorem accipientis, nempe ut si accipiens talem pecuniam ad certum diem solverit, res perpetuo apud eum remaneat; si tamen convenerit, ut, qui feudum accepit, si ante diem certum summam conventam solverit, ut feudum sit perpetuum, Isque rursus Vadium sub ea conditione alteri dederit, & is tertius, paratus sit ante diem pecuniam solvere, Is etiam feudum sive Vadium habebit perpetuo suum, & nulli obnoxium redemptioni, licet conditiones hæ sint stricti juris, nec recipiant personarum extensionem, rationem tamen Angli adducunt, quod pro securitate suæ pecuniæ, secundus emptor interesse habeat in secundo pacto. Occurrit etiam specialis conditio in favorem concedentis, ne Vassallo alienare liceat rem ei concessam, de qua clausula aliqua sunt dicenda; Sane feudum militare ex jure alienare non licet, præcipue etiam, si prohibitio hominis accedat; Apud Anglos hæc conditio locum non habet, neque apud nos, nisi in feudis militaribus (1) ut loqui solemus quæ Vardam & relevium debent; Si igitur in his quæ alienare licet, hæc conditio apponatur, Videndum quid operetur: sane hæc conditio in jure nulla est \* ne liceat cujus sine consensu alterius prædium alienare; Et in hoc cum Veteri jure Romano Angli conveniunt; nam apud eos hæc conditio habetur non solum pro irrita, sed etiam pro ea, quæ omnino feudi naturæ sit contraria; cum enim feudum alicui & ejus hæredibus & assignatis conceditur, Videtur expresse convenisse, ut alienare possit: neque enim aliter clausula de assignatis faciendis conveniet cum, hi sine alienatione fieri non possint; Itaque cum ex jure quis rei suæ dominus sit, eaque uti vel abuti possit, & assignatorum etiam specialis intentio fiat (per assignatos Intellego omnes singulares successores) & in eos permissa

*Conditio in  
Investitura  
ut Vassallo  
alienare non  
liceat.*

*\* L. pen. ff.  
de pactis.*

permissa etiam rei suæ dispositio à concedente, videtur ; At in feudo militari, si expressum fuerit ne alienare liceat, cum duo vincula fortiora sint uno, sequitur ex jure & ex expressa conventionem partium, illam clausulam simplicem de non alienando tolli nullo modo posse ; Angli tamen ita rem moderantur, ut in feudo simplici hæc conditio, ne liceat rem alienare, non valeat, libera enim ei qui accipit à lege administratio rei suæ concessa videtur ; At in feudo talliato, sive in genere, sive in specie, conditionem valere putant, ut omnis alienatio ei interdicator, quod si fecerit, domino feudum repetenti, ex ea alienatione locus est : rationem illi adducunt, quod in feudo simplici libera videtur dispositio concessa, at in feudo talliato provideri poterit, ne alienatio fiat, ut mens disponentis salva sit, nec in irritum cadat. Et licet in feudo simplici, conditio hæc, ne omnino alienare possit, rejiciatur, potest tamen convenire ne Titio ne Sempronio vel alicui certæ personæ, alienatio fiat, aut hæredibus, nam omnis alienatio hic non excluditur, sed tantum quæ in certas personas fieri potest. Eodem modo, ut in jure matrimonio simpliciter interdici nemini potest, ne tamen Titio aut Sempronio quæ nubat, interdici potest, & legatum hic non debetur nisi conditioni pareatur ; in altero debetur, nam pro non adjecta hæc conditio habetur. Liciltonius in suo tractatu de tenoribus narrat de quodam Rikhillio, qui cum plures haberet filios, & cavere vellet ne in fraudem secundi, primogenitus alienet, aut secundus tertii, ita feudum concessit primogenito, & hæredibus ex ejus corpore procreatis, quibus deficientibus, secundo genito & ejus hæredibus, illisque rursus deficientibus tertio : & ne quis filiorum, alii in successione præjudicaret, cautionem hanc interposuit, ne primogenito, cui sub hac conditione feudum concessum est, quoquo modo alienare liceret, vel ejus hæredibus, quod si fecerint, eo casu feudum sive jus feudi ad secundo genitum perveniret, idem in secundo genito repetit, & in tertio, sed has conditiones irritas esse ex jure multis ille rationibus ibi docet, quas, quoniam potius cum jure Anglorum, quam nostro conveniunt, præmitto ; satis enim est locum monstrasse.

An autem hæc conditio ne alienare liceat, in feudo talliato cum conscientia pugnet, nec ne, accurata est disputatio in eo libro, qui dialogus inter doctorem & studentem dicitur ; Et licet ex jure Anglorum provideri in feudo talliato possit, ne in fraudem hæredum, qui in tallia succedere debent, alienatio fiat, qui tamen in foro versantur callidis artibus mentem legis subvertunt, & ex illicito, licitum per ambages faciunt ; dum quod vassallus alienare non potest, propter conditionem in feudo talliato expressam, id ei colludenti sive consentienti, simulatus contradictor (revera tamen feudi emptor) ex tacito consensu, judicio feudum evincit, illi recuperationem vocant ; Ea quomodo fiat in eodem dialogo exprimitur, & ego hic expressissem, nisi novis circumventionibus fenestram patefaceret, ad quas per nos satis sumus ingeniosi, nec novis artibus opus sit ; frequentissimum enim est in usu, cum quis superioris domini consensum obtinere nisi magnis sumptibus non possit, suppositam obligationem libris Judicis ordinarii inferere, & sic ex decreto licitationem ejusdem fundi facere ; qua facta per literas ex senatus deliberatione, cogere dominum superiorem eum in tenentem recipere loco prioris tenentis, quod superior dominus antea volens nunquam concessisset ; Sane quod ad nos attinet, conditionem hanc ne alienare liceat, cuivis infeofamento insertam valere non puto, quoties fundus alicui ejus hæredibus & assignatis conceditur, nam assignatorum mentio hanc conditionem secum trahit, ut assignatos facere liceat, cui cum contraria sit ea conditio, ne liceat alienare (1) ne liceat assignatum facere, puto hanc posteriorem conditionem nullam, quasi priori contrariam, & beneficio juris, quod vassallus habet derogatoriam ; nunquam tamen hanc questionem decisam vidi, itaque me hic continebo. Quod me maxime movet, ex lectione Zasii de feudorum usu desumptum est, memini me apud eum legisse, etiam in feudo militari, quod secum (ut nos loquimur,) Wardam & relevium trahit, si feudum cuivis sit concessum, ejusque hæredibus & assignatis, permitti alienationem in eo casu, quæ alioqui ex jure est prohibita, prægravante conditione & mentione expressa assignatorum legales dispositiones feudi : In antiquis monumentis rara vel nulla erat assignatorum mentio, adeo ut hanc clausulam adjectam putem à recentioribus, ut cuivis expresse liceat, quod alioqui de jure non liceret ; in causa autem necessitatis apud Anglos etiam feudum talliatum non obstante provisione (ne alienare liceat) alienare quis potest, cum quis sibi magis prospicere debet quam hæredi.

Sunt & aliz conditiones quæ utriusque causa (1) tam dantis quam accipientis sunt licet aliquando in corpore investituræ non inferantur; nos obligationem protectionis, hominii, & manutentionis vulgariter manrent & maintenance dicere solemus, Has conditiones, ex utraque parte nempe ut vassallus hominum præstet domino, quæcunque servitia obeundo, cum eo simul & in ejus comitatu, eques sive pedes sit præsto, utque dominus rursus vassallum tueatur & defendat, naturaliter omnibus feudis inesse antea diximus; sed nescio quid nostros ordines impulerit, ut ante annos quadraginta obligationes de servitiis præstandis Domino, & dominorum rursus astrictiones, de tuendis vassallis plane damnaverint, terrasque eo nomine (1) hominii concessas redhiberi voluerunt \*. Ea ratione motos veresimile est, quod hæ obligationes subditos à principis obsequio divertant, aliorumque servitiis obnoxios faciant, materiamque & faces etiam seditionibus & tumultibus præbeant: Certum de separatis obligationibus & non de iis ordinibus sensisse, quæ naturaliter omni feudo insunt; nam si ea natura sive qualitas harum obligationum damnetur, nescio quomodo militaria feuda sustineri possint, quæ tamen & in usu patrum nostrorum frequentissima fuerunt, & hodie etiam quotidie observari videmus.

\* Maria  
Regina p. 6.  
a. 43.

Fideicom-  
missaria  
conditiones.

Sunt & quædam conditiones, quæ neque dantis neque accipientis causa fiunt, & multo minus utriusque, veluti si ita convenerit, ut ego tibi feudum concedam, ea lege ut tu alii concedas, quod feudum recte fideicommissum dicitur; cum quis, cui velit, nequit disponere directè, alium infeudat, ejusque fidei committit, ut is tertium rursus in illud feudum substituat, conditionem hanc omnes putant validam, eumque ejus fidei committit, cogendum, in tertium ex mente institutoris destinatum transferre, jure quam optimo (1) eo jure quo melius fieri potest, aut solet, quod si is ejus fidei committitur, alium ab illo quem primus destinavit, infeudaverit, aut aliquid fecerit, cur fideicommissum non poterit satisfacere, & ut in foro loqui solemus, inhabilem se effecerit ad implendam eam conditionem, sub qua infeofamentum receperat, etiamsi ad tempus solum inhabilis factus fuerit, veluti si uxori aut alicui alii usufructum fideicommissi dederit, apud Anglos à jure sui feudi cadit; quod & apud nos etiam locum habere puto, nisi is qui fideicommissum accepit, aut impedimentum omne, quod ex se natum est, tollere sit paratus, aut aliàs quod interest præstare, & hæc de prima & secunda conditionum divisione.

Conditionum  
divisio ter-  
tia.

Conditionum alia est divisio ex jure, alia enim conditiones possibiles sunt, alia impossibiles, impossibiles autem rursus subdividuntur, in impossibiles de jure, & impossibiles de facto, impossibiles de jure sunt quæ per jus fieri non possunt, tritum est illud in scholis, hoc possumus quod de jure possumus; Hæ autem de jure impossibiles conditiones dicuntur, quæ à lege, vel à jure prohibentur, quales sunt omnes turpes conditiones, ubi versatur turpitudine aut quæ occasionem sceleris patrandi, veluti homicidii, furti, vel similibus inducunt, aut quæ contra bonos mores sunt: Sic apud Anglos etiam in investitura talliata si quis in ea caverit ne investitus aliquid commodum ex investitura capiat, aut vastum faciat, nam hæ conditiones nullæ sunt, cum id prohibent quod jus permittit; Alia dicuntur impossibiles, quæ omnino fieri natura prohibet, quales sunt illæ, si cælum digito attigeris, si Londino Romam uno die profisciscaris, & harum conditionum sive de jure, sive de facto impossibilium, eadem est ratio, nam actum cui apponuntur vitiant \*; licet in legatis, & fidei commissis, favore ultimarum voluntatum pro non adjectis habentur: Quod ad jus nostrum attinet, conditiones hæ in investituris raræ sunt, & insolentes, nec quid senatus in his censeret certum est; credibile tamen est jus Anglorum sequuturum, præcipuè si traditio subsequuta est: nam hæ conditiones, cum non minus turpes sint ex parte dantis quam accipientis, potiores partes ejus existimo qui in possessione est: nam has turpes sive impossibiles conditiones, cum traditio accedit, in licitas mutari maxima pars feudistarum putat, sed de his conditionibus impossibilibus & quotuplices sint plene Bartolus.

\* L. 35 l. 17  
S. 6. ff. De  
Verbor. Ob-  
ligat. S. 12.  
Instit. De  
Insti. Sti-  
pul.

Sunt tamen quædam conditiones quæ dubitationem movere possunt, quales sunt hæ, si de feudo adhuc viventis vassalli, si domino aperiatur, aut cum domino apertum fuerit, vel si sine liberis decesserit, quis paciscatur, movet dubitationem, quod ante dixi, alienæ rei neque feudum neque investituram valere, & quod vitium captandæ mortis inducant, quod in jure prohibetur; sed conditio in quam resolvitur valere facit, ac si ita fuisset conceptum feudum, si quando meum erit, tibi dabitur, quæ conditio licita



licita est, ex jure, sive de generali feudo, quodcumque mihi primum aperietur, sive de speciali puto de feudo Titii aut Sempronii; nam cum primum conditio evenerit dominus cogendus est ad traditionem, neque poenitere potest, licet investitura interea de re aliena facta sit: Conditio autem si sine liberis decesserit impletur, si liberos quidem tempore mortis habuit, & ii postea decesserint \*, licet plerique sint in contraria opinione.

Conditionibus his affinia sunt pacta, quæ in Investituris apponuntur, nam si ea vel lege vel natura Impossibilia sint, feudum vitiant & tollunt, ut antea dixi. Inter pacta quæ contra jus interponuntur, & hæc numerantur, si paciscantur partes, ne fides aut fidelitas præstetur; hoc enim pactum aperte contra jus feudale concipitur; nam feuda sine fidelitate aut fide disponi non possunt, cum fidelitas sit de substantia feudi, itaque ne ea præstetur pacisci nemo potest, Simile pactum est si convenerit, ne solennia feudi & investituræ fiant, veluti si quis paciscatur de feudo alii tradendo etiam sine Investitura; nam investitura est etiam de substantia feudi, & hæc solennia sunt juris publici, quod privatorum pactionibus non mutatur\*; Idem si quis paciscatur ut alia res quam immobilis, aut immobili æquipollens in feudum detur, Sunt tamen quædam pacta quæ non sunt de substantia feudi, sed sunt quasi de adminiculis, quæ contra naturalia contractus, sunt, non substantialia, veluti ut certum servitium præstetur, cum tamen ex natura feudi servitia sint incerta, vel ne sacramentum fidelitatis præstetur, quod in ecclesiis semper recipitur, quia & sine juramento ei creditur: apud nos fere perpetuum est, quod vassallus licet fidelis esse teneatur, tamen jurasse semper præsumitur: sic pacto provideri potest, ut in feudo fœminæ succedant (licet regulariter feuda tantum ad masculinam lineam discendant) quod fit quando pacto ita providetur ut hæredes quicumque (1) five masculi five fœminæ succedant: ut frater fratri, in novo feudo succedat, quod tamen alioqui non licet; nam in feudis novis ut toties monui frater fratri non succedit: sic pacto provideri potest, ne frater fratri in feudo antiquo succedat; sic ut in regalibus feudis, qualia sunt Ducatus, Marchionatus, filii succedant, cum tamen alioqui feuda hæc regalia dignitatum ad hæredes non transcant: sic ut maritus uxori in feudo succedat, aut uxor marito: sic ut filii nascituri ex secunda conjugē succedant: aut ne filii ex priore conjugē succedant: aut ut hi soli succedant: aut ut pater filio in feudo succedat, licet regulariter feudum non ascendat, & alia infinita pacta, quæ nulla certa regula comprehendi possunt, nam quod vel stipulando vel paciscendo convenit, servandum est, nisi vel natura vel lege sit impossibile, quibus & ea pacta adnumeranda sunt, quæ contra substantialia feudi interponuntur, non quæ contra naturalia, sive accidentalia, Quæ autem sunt substantialia, quæ naturalia, quæ accidentalia in feudo, antea exposui. Contra substantiam feudi, & hæc pacta censentur, ne feudum ob commissam feloniam aut ingratitudinem amittatur; præbent enim occasionem delinquendi; licet valeat pactum ne privetur vassallus feudo, propter alienationem, deteriorationem, vel servitia non præstata: sic & illud pactum reprobatur, si conveniat ut vassallus propter delictum filii feudum amittat; cum poena delinquenti non innocenti sit imponenda: sic in jure feudali pactum legis commissoriæ reprobatur, At de alienatione feudi, pacta intervenire possunt, veluti si dominus permittat ut Vassallus alienet, nam eo casu Vassallus securus est, ne a feudo cadat, licet feudum alienet; sic si dominus paciscatur, ne Vassallo liceat alienare; quod, licet ex communi feudorum jure non licet, tamen & hoc etiam operabitur, ne vassallus subinfeudare in illo feudo alium possit; sic & pacto provideri potest inter dominum & vassallum, ut Vassallus de feudo testari possit, non tamen ut ecclesiæ relinquat, quia ibi domini jus deterius redditur\*.

Post constitutum feudum, neq; vassallus invito domino, nec dominus invito Vassallo pactum novum apponere possunt, licet ab initio possint per pacta legem contractui apponere\*.

Solennia autem Investituræ sive sasinæ, hæc sunt, ut Vassallus cum omni humilitate petat, quod & in nostris sasinis hodie observari videmus, & ut in præsentia parium fiat, imo antiquius, ut eorum subscriptione & confirmatione roboretur; Postea tamen si coram testibus fiebat nihil requirebatur, quia pares non semper erant, aut si essent, eorum præsentia non semper erat parata, Possunt autem & duo sive plures aliquando in feudo investiri, & etiam hæreditarie, quo casu in æquas partes censentur investiti, Angli (ut antea ostendi) conjunctos tenentes vocant, quo casu invicem sibi succedunt (1) pars pramot-

Schon. Disputat. feudal.  
Lib. 1. Dissp.  
§. Thef. 34.

35, 37.  
\* L. ex factis  
§ 6. & 7.  
Et ibi Bartol ff. Ad Sc.  
Trebell.

\* L. jus publicum ff. de Pactis.

\* Schon. ubi  
§. Thef. 57.

\* Schon.  
Thef. 82  
ubi §.

rientis viventi accrescet, ea enim fuisse disponentis præsumentur voluntas: utroque mortuo hæredes (si hæreditarium sit feudum) in aquas partes succedunt, id ex moribus Anglorum.

## De reversionibus & mortuo Vadio.

### Diegesis Sexta.

\* *l. iurigen-  
tium. §. 1. &  
16. & l. in  
traditioni-  
bus, ff. De  
Pactis.*

*De reversioni-  
bus.*

*Pro redem-  
ptione tam  
realis quam  
persona-  
lis competit  
actio.*

*De loco con-  
signationis si  
nullus con-  
venerit.*

**N**unc de reversionibus, dicendum est, quæ ex Investituris sequuntur, quia sunt quasi pars Infeofamenti, & rem ipsam ita atticiunt, ut si per mille manus res transferit, (ut loqui solemus) semper hæ conditiones quemcumque possessorem obligant, licet in investitura non contineantur, nam pacta incontinenti apposita pars etiam contractus censentur, tam in bonæ fidei, quam stricti juris judiciis\*; Nec tamen negabo quin & illæ reversiones, & pacta legis commissoria, quæque in foro de mortuo vadio dicuntur, aliquando etiam infeofamenti Inferi sint solita, quemadmodum doctissimus Dominus Skyneus in suo de verborum significatione tractatu annotavit; Et ut in urbanorum Prædiorum resignationibus continuo hodie videmus observari, in quibus reversiones perpetuo inferuntur; sed quia ut plurimum in altera separata obligatione continentur, præcipue apud nos, itaque non expressa in investitura dici solent. Reversionis nomen in jure non habetur, ut neq; regressus, ejus tamen exemplum evidens habetur in Tit. de pactis inter emptorem & venditorem compositis in lege secunda Codice, Si (Inquit Imperator Alexander) fundum parentes tui ea lege vendiderunt, ut si ipsi, sive eorum hæredes emptori pretium, quando-  
cunque vel intra certum tempus obtulissent, restitueretur, teque parato ad satisfaciendum, conditioni dictæ, hæres emptoris non pareat, ut contractus fides servetur, actio præscriptis verbis, vel ex vendito dabitur, habita ratione eorum, quæ post oblatam ex pacto quantitatem ex eo fundo ad adversarium pervenerunt. Nusquam (ut opinor) natura & effectus reversionis, imo ne in omnibus publicorum nostrorum comitorum statutis melius explicata est, Primum enim reversio vocatur, lex, contractus sive conditio, qua impleta, totus contractus resolvitur, Doctores pactum de retrovendendo vocant, Notanda verba si-  
ve ipsi sive eorum hæredes, quod tam ipsis quam eorum hæredibus competat, hæc actio, sed non nisi exprimentur. Notanda sunt voces, quodcumque, vel intra certa tempora: ut sciant omnes reversionem ad certum tempus dari posse, ut non sit jus redimendi, nisi intra id tempus solvatur pecunia, licet etiam id incertum, ex significatione vocis (quodcumq;). Præterea ex textu patet reale præberi & personale actione, realem actione nempe præscriptis verbis, videlicet do ut facias, vel facio ut facias, nam præcise emptor ad id faciendum cogitur, & totus actus (nisi fecerit) resolvitur: vel etiam ex vendito, ut etiam personale significet actionem competere, sed tutius est semper in rem agere, quam personam, si qua actione quis velit experiri. Denique post oblationem summæ in reversione contentæ, & consignationem, fructuum, quos adversarius post oblationem perceperat, rationem habendam, ut hi cum re ipsa restituantur ob moram, ut in nostris constitutionibus habetur; nam quo ad fructus retrahitur redemptio ad diem consignationis sive redemptionis, declaratoria semel in judicio obtenta: oblationem enim non simplicem & verbalem jus requirit, sed cum his limitationibus, nempe denunciatione (nos requisitionem dicimus) & obsignatione sive depositione, & sic manifestum est formam nostrarum reversionum, ex jure ipso civili desumptam; Et ad hæredes imperator pactum transire voluit, cum pacta de retrovendendo ratione feudi super quo fiunt, apud nos stricti omnino juris sint, nec ulterius extendantur, quæ verba sunt: neque enim reversiones vel stricti juris contractus, ad hæredes aut assignatos transeunt, nisi eorum specialis fiat mentio. Cur autem venditiones feudorum & retrovenditiones, sive pacta de retrovendendo sint stricti juris antea explicavi. In bonæ autem fidei judiciis hæredes veniunt, etiam si eorum mentio non fiat. In summa hoc semper in reversione servandum, ut ejus verba sive tenor, inspiciatur, tanquam in investituris, & ut secundum ea denuntiatio & obsignatio fiant.

Quæri & hic potest de loco si nullus in reversione sit expressus, utrum ne super feudo ipso, an vero in eo loco, ubi reversio concessa est, solutio sit facienda, licet hæc questio in nostris moribus non sit adeo necessaria, cum semper in his reversionibus soleat locus apponi

ni, ubi pecunia obfignanda eft, fi emptor recufaverit oblatam; Tamen fi forte generalis cautio de reverfione danda intercedat, & fpecialia omiffa funt, & hic obfervandum, quod antea monui in claufula redditionis in investitura, & in omnibus aliis perfonalibus actionibus, ubi folutioni non eft certus locus deftinatus, nempe fi creditor, fui potefatem non faciat, fed velit jus obligationis eludere, tunc ad locum habitationis oblatio facienda eft; fi nulla fit aut ea omnino incerta, tunc in ecclefia Parochiali quam vocamus, in qua creditor habitat oblationem fufficere putamus, nec cogendum debitorem, per omnes regionis angulos creditorem inquirere, ne feneftra ad omnem fraudem patefiat; In his perfonalibus obligationibus debitor inquirere debet (ut Angli volunt) per omnes regni angulos, ubi creditor remanet; fi vagetur, nec certum domicilium habeat, in ecclefia illius parochia, ubi habitat, pecunia deponenda eft inter manus viri qui folvendo eft; fed apud nos qui paratus eft depocere, apud amanuenfes fenatus, poft fupplicationem fenatui oblatam, obfignabit, ut antea dixi, alioqui obfignatio periculo obfignantis fieri folet; quod tamen non femper cum ratione convenit; nam cum jura, obfignationem five depositionem requirant, & certa eft contumacia creditoris, cur poft obfignationem, periculum belli vel incendii vel forte furti ad obfignantem pertinere debeat, non video; fieri tamen illud a nobis folet, ne forte fraus in obfignatione fiat, neque enim æquum credimus, ut debitor reverfionis, rem reftituere cogatur, nifi pecunia ei falva fit: debitorem reverfionis voco eum, qui pactus eft de retrovendendo, cum ei pecunia fua offerretur; Soleat etiam noſtri quoties debitor reverfionis potefatem fui non facit, neque certum habitationis locum habet, reſcriptum five literas a fenatu obtinere, ut denuntiatio fiat apud crucem foralem illius vicecomitatus, in qua habitare folitus eft, is qui reverfionis eft debitor: Conſignatio vero, in illa Parochiali ecclefia ubi habitat, vel faltem ubi terræ fitæ funt, ex arbitrio fenatus. Hæc autem reverfio eafdem ut habeat ſolennitates, quas difpoſitio, requiritur, Itaque fi tantum difpoſitio nondum perfecta in nudi contractus finibus adhuc permaneat, etiam reverfio ex eodem contractu fufficit; Si tamen contractus in Investituram jam tranſierit, aut ex reverfione agendum, fi reverfio data fuerit, aut fi nondum data, ut ea concedatur cum debitis ſolennitatibus actio competit: adeo autem paritas, quæ in alienatione, requiritur, ut fi minor alienationem receperit, etiam reverfionem concedere poſſit; & tanquam ſub conditione reverfionis acquiſiſſe ex jure præſumitur, & fi pater filio acquiſierit ignoranti, reverfionem pater ipſe poſſit concedere. Nihil enim tam naturale quam unūquodque eodem modo diſſolvi, quo colligatū eſt, quod præſtatū vidi in actione mota per Georgium Home de Spot contra dominum Georgium Home (nunc merito ſuo comitem Dumbarti factum), qui octennis reverfionem dederat ejus alienationis quam octennis receperat. Solennitates autem hæc funt, nempe ſi ſubſcribere qui dat ſciat, ut ipſe ſubſcribat, ſi neſciat, ut tabellarii publici manu ſe calamum tenente & mandante ſubſcribat; neque in hoc caſu ſufficit ipſius notarii ſubſcriptio, ita aſſerentis rem geſtam & notam publicam in ejus manu captam, licet ſubſcriptione & ſigillo ſuo confirmatam, ſed ipſius concedentis manum a notario veluti duci oportet & ut confeſſio notarii ſubſequatur dicentis, id ex mandato illius ſubſcribere neſcientis factum, & quodammodo ut ipſe ſubſcribat ſe manu propria per notarium ducta ſubſcripſiſſe, cum ſcribere neſciret; Annotandum tamen eſt licet nota publica capta in manu notarii non ſufficiat, ſi tamen idem fuit notarius in ſaſina, qui in reverfione, ut in hac ſpecie facti valeat, quaſi charta, ſaſina & reverfio unus tantum actus eſſent, Quod ſi quis aſſerat ſe, neſcire ſcribere, cum tamen diverſi ejus chirographi extant, puto mendacium ei non debere prodeſſe, ſi de facto conſtet, fit etiam ſape, ut alioqui ſcribendi ſciens, pro tempore ſcribere neſciat, forte manu ex caſu fortuito debilitata, aut morbo eum graviter tenente, aut podagra vel paralyſi ſuperveniente, & omnia hæc conſideranda ſunt, fieri enim poteſt, ut in his fraus imperitis neſtatur; ita tamen ne nimium notario credatur, qui fortaffe defectum chirographi ſupplere volens, manu ſua ſubſcriptum, manum etiam principalis ductam affirmet, aſſerentis ſe ſcribere neſciſſe; hodie tamen propter frequentiam falſorum notariorum, caurum eſt ut in his reverfionibus, & in omnibus rebus hæreditarium jus continentibus, aut aliis rebus majoris momenti, duorum connotariorum aſſertiones apponantur: neque enim in duobus tam facile fraus præſumitur, quam in uno, nam ante annum domini 1525. ſufficiebat ſigillo reverfionem munitam fuiſſe, quemadmodum & investituram, ſed ob frequentiam fraudum, ſtatutum, tum ut ſola ſigilla non ſufficerent, niſi & chirographus etiam apponatur, Quod ſi in reverfione contineatur, eam non ſolum ſigillo ſed etiam ſubſcriptione munitam, nec dum ſigillum eſt appenſum, an ex hac reverfione actio datur ad redimendum quaſi fo-



let; sed dici potest dari quidem actionem, sed non eam proprie pro redimendis terris; nam prius pro apponendo sigillo agendum, & tunc ea absoluta, & sigillo appenso, ad redemptionem pergendum: expresse siquidem cautum est ex ordinum statutis, ne ulla reversio fidem faciat, nisi quæ subscriptione & sigillo roborata est: sed quid si nec convenit, ut sigillum apponatur, durum si quidem videtur in hoc casu, jure reversionis alienantem sub ea specie fraudari: vidi tamen in actione Doctissimi Thom. Smetonii contra eum per comitissam Argadiæ mota, ut sigillum reversioni apponeret, sententiam absolutoriam concessâ, quod sigillum apponere prædecessores ejus non promiserant: Sed sane decisio hæc diligenter expendenda est, præcipue ex circumstantiis, ne ad exemplum trahatur; Si vero nihil de reversionis sigillo aut subscriptione cautum sit specialiter, sed tantum reversionem fieri solemniter promissum, reversione sine dubio cum omnibus solennitatibus ex jure requisitis præstanda est, reversiones prædiorum urbanorum plerumque in fine sasinæ, quasi in corpore anectuntur, & sub Amanuensis urbani (nos clericum urbis sive communem urbis scribam dicimus) Chirographo, in actu ipso adhibito, sufficiunt; data (1) dies mensis & annus cum testibus, hic, non minus requiruntur, quam in investitura, nisi fortasse tota reversionis *αὐτοῦ παρὶ* sit; in hoc enim casu non solum reversione, sed etiam testamentum & omne instrumentum etiam sine testibus fidem in senatu invenit.

*Si viro & uxori conjunctim reversione sit concessa.*

Si vero reversione alicui & ejus conjugi competat, mortuo viro conjux redimendi potestatem habet, ita tamen ut postquam redemerit, ipsa tantum sit usufructuaria, post ejus mortem ad hæredes alienantis commodum reversionis pertineat, sed raro contingit, usufructuariam, ob commodum hæredis, præsentem pecuniam, ut ejus commodum aliquod ad hæredem perveniat, velle expendere. Si duobus conjunctim reversione competat, uterque simul redimet: altero mortuo, jure Anglorum, supervivens solus: eo etiam mortuo, hæredibus utriusque pro æqualibus partibus reversione competit; apud nos altero mortuo ejus hæredes in ejus locum succedunt, & alteri nisi pro dimidia parte non competit jus redimendi: Si duobus vero alternative (1) huic vel illi reversione sit concessa, qui primus præmonitionem, oblationem & consignationem, (1) ordinem redemptionis absolverit seu perfecerit, ejus jus potius erit. Si duobus separatim jus redimendi concessum fuerit, aut assignatum, qui prius jus suum insinuaverit, præferetur, nam præter jus, civilis quædam possessio, per intimationem concurrit; Itaque qui prius insinuaverit sive (ut nos loquimur) intimaverit, possessoris loco est, & proinde potior. Si post reversionem datam ex ea dispositione, quæ de ipso qui disponit tenenda dabatur, & is qui alienavit primum sub reversione, postea easdem terras de domino superiore tenendas, eidem de novo alienaverit purè, nulla mentione facta reversionis prioris, ei renunciassè videtur, ut inter dominum Glenkarnium & Jacobum Foulisium de Colintoun factum vidi, Aliqui putant quocumque modo prior alienatio facta fuerit, sive tenenda de se, sive de domino superiore, per posteriorem resignationem sine conditione reversionis & investituram subsequentem tolli; de quo tamen dubito, cum secunda resignatio sit nulla, cum per priorem & alienans & dominus superior suo functi sunt munere, nec iteratio valeat; Et quoniam in reversionibus & redemptionibus quæ ex iis fluunt incidimus, eas hic obiter & quasi conditionem investituris insertam sive annexam percurrere statui; quia tamen materia hæc in usu frequentissima est & in foro, de ea, disputatio quotidiana, & quam plurimis consulendum putavi, pauca de præmonitione, oblatione, sive depositione, tum de ipsa redemptione dicemus, hæc enim omnia reversionem sequuntur & ex ea pendunt.

*Reversionum divisio.*

Reversionum duo sunt genera, alia enim sunt conventionales, alia legales, Conventionales sunt, quæ ex conventionibus partium legem accipiunt, & hæc conditionales, in omnibus articulis uti convenerunt, observandæ sunt, & uno capite aut articulo non observato, frustra ad redemptionem provocatur. Alia sunt legales, quæ non ex conventionibus partium, sed ex ipso jure & lege competunt, quales sunt in subhastationibus & appreciationibus terrarum; sed de his postea; nunc de conventionalibus, & earum usu dicendum; In pactis de retrovendendo, certum est, eum qui vendidit, aut qui in ejus locum succedit, & cupit rem alienatam sibi restitui, eum à præmonitione sive denunciatione incipere debere.

*De præmonitionibus.*

In his vero præmonitionibus (quas denunciationes jurisconsulti vocant) si dies certus, sive is quadraginta dierum (ut plerumque fieri solet) aut plurium, aut forte pauciorum fuerit, ad eum numerum præmonitio facienda est, totque dies servandi sunt à præmonitione ad comparitionem; in quo numero sufficit alterum diem, viz. eum in quo præmonitio facta sit, sive comparitio fieri debet, liberum esse (1) non numerari in numero dierum

dierum ; Si certus dies non sit adjectus, si tamen reversionem in communi forma concedendam convenerat, idem faciendum puto, nempe pramonitionem ad quadragesimum diem faciendam, Si locus nullus sit constitutus, fundus ipse, pro loco esse debet, aliqui Ecclesia illius Parochia, in qua fundus aut pradium est, ut nuper dixi, Si qui pramonendus extra regnum sit, non ita, ut in citationibus judicialibus, sexaginta dies indulgentur, nam conventio praevalet, ipseque sibi imputare debet, qui cum sciret se sub pramonitione quadraginta dierum tantum obligatum, extra regnum fuerit profectus, & in eas se difficultates conjecerit, quibus poterat & debuerat providere. Si certus dies non sit constitutus, neque ut in communi forma reversio fiat convenerit, puto quodcunque tempus ad denunciationem sufficere, vel triduum, quatrimum, vel octiduum, imo & in eundem diem sive instantem, ut in reversionibus legalibus observatur.

Legales autem reversiones ea sunt, quae non ex conventionem partium, sed a lege descendunt, veluti in subhastationibus, seu licitationibus terrarum, sive pradiorum pro debito ; Nam lex appreciationis, redimendi jus, ei a quo appreciata sunt terra, in septennium concedit, post septennium, omnino a redemptione excludit. Et haec de die, & loco, in quo pramonitio sive denunciatio facienda est. Si is qui reversionem concessit, adhuc vivat, & possideat, solus pramonendus est, sive ei soli denunciandum, licet ille filios in eodem feudo de se tenendo substituerit ; adeo autem hoc genus Infeofamenti, (quod apud nos privatum sive bassum dicitur) in his redemptionibus praeteritur, ut si Pater qui alienationem recepit, filium ut de se teneat infeudaverit, post illud infeofamentum reversionem concedere possit, cum tamen nudus tantum superior multis videatur, & hoc saepe in foro decum ; ratio quia verisimile non est, eum qui feudum acquisiverat, filioque illud dederat, aliquid velle in ejus praedictum facere, aut gratiam rei quae ad filium pertinet, alii velle facere, nisi in id in quod revera obligatus est : si tamen extraneo alienaverit, aliud puto, praecipue si is in possessione fuerit. Si reversio data est tam a filio quam a Patre, & uterque vivat, uterque monendus est ; Si is qui alienationem recepit sub reversione, diem obiit, haeres ejus pro redemptione conveniendus, & is solus, nullo habito respectu ad dominam conjunctam infeodationis aut tertiam, & redemptione ab haerede legitimo declarata, vidua & conjunctas infeodationes, & suas tertias amittent, nisi forte conjuncta illa infeodatio, de domino superiore teneatur ; nam eo casu vidua non praedictabitur, nisi & ipsi denunciatum sit. Quod ad haeridem attinet, nihil interest jam ne haereditatem adjerit, an non, nam ab haerede apparente redimi posse sine controversia est, id qua ratione introductum incertus sum ; imo quod magis est, haeridem apparentem, licet ipse apud nos hodie redimere non potest, jus tamen redemptionis sive redimendi in alium posse transferre senatus censuit Anno 1533, in causa inter Comitem de Murray & Dominum Ruthuen contra juris communis regulas, in quibus nemo plus juris in alium transferre potest, quam ipse habet ; cum certum sit haeridem in re haereditaria jus non habere, priusquam haereditatem adeat, et si ante aditam objerit, omne jus ad gradu proximum transmittere ; Sunt qui illud ita excusent, ut haereditatem haeres adire videatur, eo ipso facto quod reversionem haereditariam vendiderit, perinde ac si primaria illa bona immobilia, ac haereditaria, aut eorum aliquod vendiderit ; nam quovis actu exteriore aditionem non minus fieri, quam si per retornatum quis in haeridem deservitus fuerit : hoc sane fateor, si contra haeridem ageretur, non si ipse agat ; neque actionem ei puto ex jure concedendam, licet se pro haerede gesserit, & de bonis haereditariis disposuerit, & multo minus ei, cui titulum aut assignationem fecerit.

Semper autem possessori haereditario denunciandum esse, statutum Jacobi tertii voluit, praecipue si is, jus suum, ei cui reversio competit, insinuaverit, haereditarium adjeci, propter colonos, precarios possessores & usufructuarios, quibus denunciare non est necesse ; Sed multum differre videtur tenor illius acti in antiquis libris actorum, & in novis, cura & impensis Domini Skyncei excusis, nam in priore, quicumque erat haereditarius possessor, cum pramonendum ordines voluerunt : In posteriore\* jus tantum adversus emptorem seu haereditarium possessorem redemptionis esse voluit, de denunciatione aut pramonitione, nihil ; Itaque de hac questione quid respondeam non habeo ex usu nostro : nam vidi nuper actionem redemptionis a senatu concessam, etiamsi nemini denunciatum fuerit nisi ei qui reversionem dederat, aut ejus haeredi, nulla ratione habita ejus qui ex feudo possidebat, si ejus feudum privatum erat, quod bassum dici solet, id qua ratione senatus fecerit, aliis judicandum relinquo ; Antea, ut monui, denunciandum non erat ei, qui reversionem dederat

*De reversionibus legalibus.*

*Denunciatio- nem semper debere fieri possessori haereditario.*  
\* Jac. 3.  
\* Parl. 5.  
\* Aff. 27.

dederat aut ejus hæredi, (per hæredem intelligo, ut in jure, bonorum possessorem, quem intromissorem dicimus) sed sufficiebat sæpe denunciationem fieri soli hæreditario possessori, neglecto eo qui reversionem concesserat ejusque hæredibus; ut inter Scrimgerium de Duddop & Dominum de Gray illustres viros actitatum vidi, cum Scrimgerio soli denuntiatio facta esset pro redimenda tertia parte Domini de Duddop, & is excepisset hæredem se non esse illius qui reversionem concesserat, neque eos, qui veri hæredes ei essent citatos, tenuit tamen Dominus Graius quod intenderat, & hæc de personis qui denunciare possunt, & quibus fieri debeat.

*De forma  
denunciatio-  
nis sive præ-  
signationis.*

Forma autem denunciationis hæc est, cum qui redempturus est, vel præsens vel per procuratorem, eum qui ex reversione tenetur, aut ejus hæredem seu hæreditarium possessorem, vel præsentem vel ad locum habitationis suæ coram notario & testibus monet, ut tali die, tali loco præsens sit, ad recipiendum id, quod in reversione continetur (nam pecuniæ non semper solæ sunt in reversione, sed aliquando prædia aut prædiorum permutatio, aut aliquid faciendum) & ut videat & audiat dictam reversionem in omnibus suis punctis & articulis impleri, quo nomine nota à tabellione fit; Adveniente die, si is qui reversionem dederat, aut causam ab eo habet, aut qui jam est hæreditarius possessor, suam pecuniam recipere, terras & prædia secundum tenorem reversionis renunciare, & monumenta sive evidencias eo nomine confectas restituere paratum se dicat, nisi qui denunciaverit, his casibus pecuniam ei reddiderit, aut quod faciendum erat omnino impleverit, redemptio nunquam ex eo acto sequetur, nisi justam causam habuerit, qui denunciaverit, cur pecuniam noluerit tradere, quia fortasse qui recipere debet, aut minor est, aut rebellis, vel aliud justum impedimentum occurrebat, cur sine periculo creditor non poterat solvere, in quo casu obsignabit, secundum tenorem reversionis; Si quicquam specialiter de obsignatione convenerit (1) si aliqua specialis persona designata fuerit, in ejus manibus obsignatio facienda est, in ejus manibus fieri debet; si is vel recusaverit vel infirmus fuerit vel extra regnum, vel si non poterat deprehendi, in manibus viri & opibus & conveniendi facultate sufficientis consignabit, & declaratoriam in senatu, (nam is solus in causis redemptionis est Judex, licet antea Vicecomes & alia\*) persequetur. Si post specialem designationem unius personæ apud quem consignatio fieri debet, non sequatur clausula (aut alicujus alterius personæ) in casu recufationis illius, apud quem consignatio fieri debet, potest venditor aliquando apud se retinere; sed hoc licet aliquando factum audivi, tamen neque cum jure civili convenit (quod semper consignationem requirit) neque cum usu nostro quotidiano: semper autem obsignatam pecuniam debet qui redemit relinquere; poterit enim is, à quo fit redemptio, pœnitere & quam prius recusaverat pecuniam amplecti, sed id per supplicationem senatui oblatam partibusque citatis nempe depositario & eo qui deposuit. Puto tamen, licet pecuniam qui consignavit levaverit, si tamen cum hæc res in senatu agitur, præsentem exhibeat pecuniam, sufficere: Tempore autem redemptionis faciendæ præcipua reversionis capita sunt adversario legenda, quod si qui recipere tenetur, vel pecuniam recusaverit, vel renunciaturum se negaverit, vel evidencias sive monumenta restituere noluerit, qui denunciat in uno quoque horum casuum obsignabit, & declaratoriam judicio prosequetur: neque in hac obsignatione, disceptatione, aut verbis opus est, neque enim eo ad contendendum veniunt, sed simplici affirmatione aut negatione, contentus debet esse venditor, nempe si sit paratus (qui recipere debet) satisfacere obligationi, viz. si paratus sit ad illa tria quæ diximus, & eorum unumquodque purè & sine conditione faciendum, alioqui pecunia obsignanda est. Si qui redemit, vel pecuniam paratam non habuerit, vel assedationem vel alia quæ ex tenore reversionis debet præstare, præsentia non exhibuerit, poterit creditor impunè recusare, & ex utraque parte protestationes interponi solent, dum quælibet pars, quod fieri debet, non factum prætendat, utriusque rei integra ad senatum disceptatio relinquatur, ad utriusque instantiam; nam qui redemit statim redemptionem suam persequitur, in qua, omnia quæ fieri debuerunt à se facta, & alterum sine justa causa adhuc feudum retinere contendit; Alter vero ex contraria parte instat, ut cogatur qui jus redimendi præterdit, jus suum persequi, ne forte reus oneretur fructibus mala fide possessis, si forte postea contingat eum, qui redimit, jus suum persequentem in judicio obtinere; nam eo casu qui moram redemptioni fecerit, in fructibus qui percipi potuerunt, tenebitur (nos violentas utilitates dicimus vocabulo non inepto) nam si prædium postea possederit, ex eo tempore, à quo jure ab eo redemptum fuisse, Senatus declarabit, vi existimatur possedisse, Itaque in violentis

\* Lib. 3. c. 6.  
Reg. Majest.



Los fructus tenetur, vi enim æstimavit Divus Marcus fieri, quodcunque jure aut juris via (ut forum loquitur) non fit.

Constat ex his, duplicem esse renunciationem, alteram per declaratoriam juris, alteram *Duplex est renuntiatio.* voluntariam; hæc si à minore redemptio facta sit, aut ab eo qui in lecto ægritudinis est, non est tuta, nam hic omnino non potest, cum sit jus hæreditarium quod renunciatur: ille, non nisi constet è re ejus esse factum, quod constare non potest, nisi Senatus declaratoria accesserit; Sunt & alii casus in quibus voluntaria renunciatio non sufficit, si dubium aliquod suspectum sit, quod non nisi auctoritate Senatus potest discuti. Alia renunciatio est judiciaria, qua ex sententia judicis cogitur quis renunciare investitura prius facta & quia judicio perperam contenderit, in impensas & fructus utiles dammandus est, alioqui voluntaria renunciatio non minoris est roboris quam judiciaria.

Sed pleraque hic quaestiones oriuntur, quarum aliquot elucidandæ sunt, Prima, si is à quo redemptio faciendæ est, cum sciret eam sequuturam, vivus & valens alium assignatum fecerit, tam ad summam in reversione contentam, quam ad annos assedationis, quos redemptionem sequi convenit: nam plerique apud nos, non solum suam pecuniam sibi in redemptione reddendam promitti curant, sed etiam rei redemptæ fruitionem per aliquot annos, In hoc casu, dicendum, assignationem irritam esse, nihilque assignato deberi, non tantum quia neque pecunia conventa adhuc debetur, neque assedatio, & incertum sit an unquam debebuntur, cum deberi nequeant ante eventum redemptionis, qui dubius est neque in potestate reversione concedentis consistet, sed ejus cui competit, velit ne suo jure uti necne, itaque vere dici potest, ejus quod non est, nec certum utrum futurum sit, nullam esse obligationem; Alia ratio est, quia renunciatio ab hærede, aut eo qui jus habet in fundo faciendæ sit, qui nunquam cogitur renunciare, nisi pretium redemptionis quod convenerat, receperit, & in hoc facto, quasi legitime non sit factum, hæres contra factum defuncti auditur.

Secunda questio est, si certa species monetæ solvenda in reversione exprimitur (nos talliatam monetam dicimus) neque ejus generis superfit moneta, quid statuendum? Id cum ambiguitatem haberet, ex actis Parlamenti dissolutum; nam ejusdem ponderis valoris & bonitatis moneta danda est\*. Quod si monetæ æstimatio creverit, si redemptionem *\* Mar. Regina Parl. 6. Act 37.* faciendam convenerit, in ea moneta quæ currens dicitur, aut cursum in regno habitura sit, satisfactum creditori est, si in moneta currenti solvatur, damnumque a quo animo ferre creditorem oportet, ut hodie usus invaluit: quod tamen expresse cum statuto Jacobi 2. pugnat, In quo, optimus princeps, aut in ea pecunia numerationem fieri vult, quæ in reversione quæ data erat, continetur, aut in alia ejusdem valoris, & bonitatis, quod sane cum æquitate maxime convenire videtur. Si convenerit ut pecunia in auro, vel argento numeretur, quantuluscunque nummus aureus aut argenteus sufficiet, reliqua summa in auro vel argento numeranda, & ea quidem pura, nullatenus corrupta, nos alliatam dicimus.

Tertia est de assignatis, si forte qui reversionem acceperit, & postea nova causa intercedente se obligaverit ei, à quo pecuniam acceperit, ne redimere ei liceat, donec aliam summam soluerit, aut aliud quid adjecerit, isque postea jus reversionis in tertium transulerit, assignatus hic ex ea tantum numeratione, quæ in prima reversione contenta est, terras redimet, neque posteriorem obligationem tenetur agnoscere; cum in corpore reversionis non sit contenta, neque obligationem posteriorem implere tenebitur, salva actione contra cedentem sive debitorem, ei, cui obligatio facta est, nempe creditori: aliud si ipse venditor præter priorē summam in reversione contentam, novam mutuatus fuerit, ea lege & conditione, ut ea priori summæ adderetur, & una fiat, & donec utraq; soluta fuerit venditori, non redimere non liceret, idque tanti roboris esset, ac si in corpore reversionis contineretur; nam eo casu novatio prioris reversionis præsumitur, & priorē sublata, posteriorem remanere.

Et quoniam in assignatos reversionum incidimus, hæc etiam eis adjicienda putavi, cessio *De assignatis omnibus.* sive assignatio nunquam impedit cedentem, quin pro arbitrio reversioni aut obligationi renunciare possit, aut alias ea uti vel abuti, donec cessionarius jus suum insinuaverit ei qui de reversione tenetur, post insinuationem cessionario factam, ei nocere cedens non potest, neque jus in id quod cesserat prætere, etiam si cessionarius retrocesserit, nisi & retrocessio insinuata fuerit; Si duo sint cessionarii, qui primus cessionem insinuaverit, præferetur: Si uni generaliter omnes reversiones cessæ fuerint, alteri una, specialis generali non derogat, sed prior insinuatio prævalebit, neque enim ex usu nostro minus valet generalis cessio reversionum omnium, quam si singulæ nominatim cedantur.

Quarta questio est, si pendente alienatione, alienans decesserit, & custodia predii alienati

nati ad dominum pervenerit, & qui alienationem accepit, aliquot annos (1) durante tota custodia, fructibus à domino excluditur, cujus causa semper porior est; si finita custodia, alienans, data quam acceperat pecunia, velit fundum suum redimere, nec possessor sine maximo suo damno renunciare possit, quid juris? Nam cum venditor omnes leges & conditiones reversionis impleverit, videtur fundum ei restituendum, Sed profecto aliud Senatus aliquando censuit, redemptionem non competere, nisi & de damno quod per custodiam evenerat, ei qui sustinuit, satisfaciatur, puto tamen hodie redemptionem non impediri, reservata actione pro damno, contra eum qui occasionem damni præbuit & ita vidi observatum.

Quintum.

Quinta, si in reversione convenierit, ne locus sit redemptioni, nisi quis omnes alias suas terras, sub reversione alienatas, prius redemerit, an hac conditio observanda sit? causa dubitationis est, quod nulli nisi interesse habenti actio aut exceptio comperat; quid enim interest, ei qui redemptioni obnoxius est, utrum is cui redimendi jus est, terras suas quas alii alienaverat, redemerit necne; neque enim ea res facta aut infecta ejus commodum aut incommodum cedit: sed profecto omnes conditiones in reversione contentas implendas esse, & præcipue hanc Senatui placuit, quod reversio sit strictissimi juris, & hoc saltem emptoris interesse videtur, quod interea re alienata frui potest, sed huic malo suum alexipharma cum cautiones advocatorum providerunt, nam cum clausula hæc, ad reversiones tantum præteritas extendatur, transigere solent venditores, cum eis qui eas terras obnoxias habent, ut veteri alienatione remissa, novam alienationem eadem aut graviore etiam conditione concedant, & sic veteribus omnibus reversionibus extinctis, fidem suam se exsoluisse putant, & id in usu receptum vidi.

Sextum.

Sexta, si Baro vel totam Baroniam, vel aliquam ejus partem de se tenendam alienaverit sub reversione, & postea eandem Baroniam, in alterius favorem resignaverit, cum omni jure & juris titulo tam proprietatis quam possessionis competente, utrum sub hac forma, jus reversionis translatum etiam sit, an vero in persona resignantis adhuc maneat? & sane placuit Senatui reversionem cum resignatione non transire, sed apud resignantem adhuc manere, quia specialis de ea mentio facta non fuit, licet resignatio facta sit cum omni jure quod resignanti competebar, Imo quod majus est, licet in resignatione reservatio usufructus resignanti excepta sit, reversio non comprehenditur, quamquam alioqui exceptio firmet regulam in non exceptis, plus tamen in reversionis renunciatione, quam clausula generalis de omni jure competente requiritur; aliud in renunciatione generali omnium reversionum.

Septimum.

Septima, si post alienationem factam & reversionem concessam, alienans se emptori obligaverit, ut is, post redemptionem factam, aliquot annos prædio redempto utatur, & fruatur, & redemptio sit sequuta, emptorque, omni jure, quod in re redempta habet, renunciaverit: in posteriore tamen obligatione, sibi non præjudicat quo ad assedationem, neque enim renunciatio illa ulterius extenditur, quam ad illud jus, quod ex priore alienatione obtinuit, & non ad assedationes, Idem si ante alienationem aliud jus habuerit, nam renunciatio ad nullum jus extendetur, nisi quod ex ea alienatione emptori accreverit. Nec solum hæc reversiones inter res immobiles numerantur, adeo ut neque in lecto ægritudinis, ex qua quis mortuus est, transferri possit, sed etiam pecunia illa per quam fit redemptio aliquando eandem naturam accipit (1) ut loco rei succedat, (quod inter Dominum de Craufurd & Lyndesium fratrem

Lyndesii de Clovay factum vidi, nam cum is rebellis & ad cornu esset, nec spes relaxationis ulla, Craufurdus in omnem occasionem intentus, præmonitionem fieri curaverat, & ad diem præstitutum, cum pecuniam obsequasset, repente Donatarius escheta, ut convenerat, comparens, pecuniam sibi reddi postulavit, quasi jam mobilem factam, & proinde eschetæ obnoxiam, sed cum pecunia obsequata fuisset, & Craufurdus pro redemptione actionem intentasset, Senatui durum videbatur, emptorem ad renunciationem cogendum, pecunia non accepta, pecuniam in judicio representari primo statuit, mox ea emptori concessa, sententia de redemptione pro Craufurdio prolata donatarium elusit, quasi hæc pecunia sub eschetam non caderet, cum naturam rei immobilis sapiat, & in locum rei immobilis succedat; neque tamen hoc undiquaque verum est; nam si hac pecunia post redemptionem inter immobilia numeretur, redemptione in vita facta, pecunia ad heredem pertineret, & non ad executores, quod est falsum; licet aliquando, si is, à quo redemptio fit, sit rebellis, pecuniam apud se retinere possit, donec sciatur ad quem ea pertineat; si redemptio à minore fiat, cautione per tutores & curatores interposita, pecuniam ad pupillum perventuram, aut in ejus utilitatem, tum recte renun-

renunciabit minor ; puto tamen melius facturum eum qui redimit, si voluntariam renunciationem non acceperit, sed post consignationem eandem rursus coram Senatu in processu redemptionis repræsentet & declaratoriam obtineat ; Si ex obligationis viribus pendeat reversio & obligatus recusaverit obligationem de reversione tradenda implere, eoque nomine rebellis declaratus fuerit, poterit Senatus ejus contumaciam supplere per declaratoriam sententiam, quod eadem obligatio in omnibus & per omnia vim reversionis habeat, Hæc de reversionibus conventionalibus.

Legales vero reversiones, quæ ex lege introductæ sunt, ex terris appretiatis debentur, nam hæc ex conventionione partium non debentur; nam is à quo terræ appretiatae sunt, easdem intra septennium potest redimere, ulterius non auditur : neque in præmonitione aut obligatione aliquid differentia, nisi quod conventio in priori jus facit, & ex conventionione dies sunt servandi qui convenerant, nempe quadraginta ut plurimum ; in legali reversione tantum id temporis in præmonitione requiritur, intra quod recepturus commode & sine molestia venire potest ; sic in loco, ut antea dixi, sed non ordo idem, in utroque est post consignationem ; In conventionali declaratoria, judicio prosequenda est per actionem ex præmonitione 21 dierum : hic, qui recusat, gravatur per literas Senatus, quasi jam declaratoria intercessisset, ut renunciaret intra sex dies, alioqui ut compareat, rationem redditurus suæ recusationis ; in illis, tantum summa quæ convenerat restituitur ; hic, non solum pecunia principalis, sed etiam honorarium executoris (quod ad vicefimam partem summæ extenditur) cum omnibus impensis & sumptibus qui in nova investitura obtinenda facti sunt: Post declaratoriam, is, in cujus manibus obsignatio facta fuit, ex præmonitione sex dierum pecuniâ ei cui ex declaratoria debetur, repræsentare cogendus, si noluerit; Idem, si emptorem, qui reversioni obnoxius est, pœnituerit non renunciassse ; nam paratum se ad renunciationem offerendo, cogere potest ex sex dierum denunciatione, eum, in cujus manibus consignatio facta est, ad eam sibi repræsentandam ; Post consignationem, si qui consignat, pecuniam suam receperit, à præmonitione videtur recessisse, itaque nihil ex ea præmonitione sequetur ; si tamen qui recipit, sit paratus pecuniam in judicio repræsentare, objectio receptæ pecuniæ non oberit, nam cum pecuniæ obsignatæ periculum, semper ad obsignantem pertineat, nec æquitas sinat, eum qui pecuniam obsignatam haberet, pecuniæ alienæ usum habere, & emptor nihil interea damni sentiat, neque ejus interfit, sufficere Senatus putavit, si pecunia in judicio repræsentetur, quod cum primo in redemptione inter Orcadum episcopum & Joannē Menzeis obtinuisset, jam pro consuetudine receptum est. Hæc declaratoria vim voluntariæ redemptionis habent ; sed in voluntariis redemptionibus plerunque locus est fraudi, quid enim si præjudicium alteri fiat, veluti si hæres ejus qui alienationem receperat (cum defunctus vivus tertio alienaverit) in fraudem hujus tertii velit redemptioni consentire, itaque vix probo id, quod à Senatu factum est, cum denunciationem possessori hæreditario non putabat necessariam in voluntaria renunciatione.

Reversioni sive pacto de retrovendendo affinis est regressus ; sed in hoc differunt quod reversio sit pactum, inter venditorem & emptorem, Regressus inter vassallum vendentem & dominum superiorem, nam cum terræ alienantur, aut disponuntur (semper intelligendum salsina subsequuta) tenendæ de alienante, aut de domino alienantis immediate superiore, in priori casu sola reversio sufficit, cum alienans dominus superior adhuc maneat : In posteriore alienans nihil apud se retinet ; Itaque ut in priorem statum redeat, opus est duplici pacto, altero cum emptore de retrovendendo, quod nos reversionem dicimus, altero cum ipso domino, quo dominus promittet alienanti, ut quam primum fidem reversionis exsoluerit, omniaque emptori, quæ fieri convenit, impleverit, tum dominus superior eum in priorem locum recipiet, præceptaque pro eo de novo investiendo diriget ; nam licet emptor ex pacto de retrovendendo juri omni quod in re alienata habeat, cedere seu renunciare tenetur, dominus tamen non cogitur alienantem rursus in vassallum recipere, nisi id ante provisum fuerit ; dominus enim vassallos mutare ex alieno arbitrio sine conventionione non tenetur, sed priori vassallo stabit, nisi aliter provisum fuerit ; quo casu & renunciatione per emptorem facta & Senatui ostensa, dominus priorem vassallum recipere cogetur, & in pristinum feudum restituere, quo casu novam salsinam sive investituram vassallus accipiet, quasi priore penitus extincta : In priore casu, scilicet in renunciatione, reversionis implementum sequente, ex ea alienatione, quæ de alienante tenetur, sola renuntiatio quasi in manus domini sui superioris sufficit, ad restituendam in personam alienantis



*An feudum  
redemptum  
dicatur no-  
vum feu-  
dum.*

alienantis feudi proprietatem ; An autem redeunte per regressum vassallo ad pristinum feudum, illud feudum dici possit feudum novum, vel antiquum dubitari potest ; nam si leges feudi novi examinemus, feudum antiquum penitus extinctum est, & novum substituitur, eodem modo ac si dominus superior feudum, quod ob factum vassalli ad eum redierat, eidem de novo dederit, rursusque eum investierit, quo casu novum feudum dici nemo in jure feudali versatus ambigit, at si feudum illud novum concedamus, conquestum necessario dicemus ; nam feudum novum in jure feudali idem est quod apud nos conquestus ; si conquestus sit, ergo regulas conquestus sequetur, nempe ut inter fratres ascendant, quod durum esset ; sed profecto si redemptionem is faciat, cujus feudum antea fuit paternum, antiquum censetur feudum, etiam post redemptionem, si tamen jus reversionis in assignatum transierit, isque redemerit, & ex regressu fuerit factus, feudum tum novum dicitur, & naturam conquestus habebit ; & hæc de reversione quæ mihi succurrebant, mirum tamen est quod in toto nostro jure antiquo, viz. libris Regiæ Majestatis, de Judicibus, Quoniam attachiamenta, Legibus cum Burgorum, tum Forestarum, de reversione aut regressu nullà sit mentio, de re invadiata aut mortuo vadio plurima, quod longe à reversione differt ut mox dicemus, nisi forte quis putet reversionum usum, cum hi libri scriberentur, ad nos nondum pervenisse, Ego sane illum librum Reg. Majest. à nostris hominibus scriptum fuisse, vix possum induci ut credam ; Anglorum enim leges & mores potius sapit, ex omni parte quam nostros ; nam apud Anglos nulla est reversionum mentio nulla regressus ; ejus enim loco utuntur pacto de mortuo vadio, quod illi morgagium à Gallicà voce vocant, apud nos nulla vox est quæ morgagium exprimat, itaque de hoc morgagio aliquid dicemus.

*Quid vi-  
dium va-  
dium.*

Gagium live vadium est quando fundus oppignoratur, pro certa pecuniæ summa, & ex jure Normannorum (unde & jus Anglorum, & proinde illud nostrum quod Regia Majestatis dicitur) deductum. Terræ duobus modis oppignerantur seu invadiantur, aliquando ad tempus, nempe cum ad tempus, vel terra pro terra vel pro pecunia datur, & finito tempore cuique suum restituitur, nempe pecunia illi qui pecuniam dedit, & terra illi qui eam invadiavit (ut dici solet) : quod si ad certum tempus terra sit oppignorata, seu pignori data, sed ea lege ut qui feudum in pignus accepit, toto hoc tempore fructus in sortem computet, veluti si dimenso annorum spatio, quibus fidem crediti fructus exolvere possunt, exacto tempore pignus plenum & integrum restituendum domino, vadium sive gagium dicitur.

*Quid mor-  
tuum va-  
dium.*

Mortuum vadium aliter apud Normannos, & veteres Anglos, aliter apud recentiores sumitur, nam apud Normannos mortuum gagium illud est, quod jurisconsulti *ἀνίστηναι* vocant, nempe ut uni usus pecuniæ, alteri ipsius rei competat, quo casu fructus non imputantur ; neque qui pignus accepit eorum nomine tenetur, aut de iis rationem reddere, quod cum nostris alienationibus, quæ oppignorationes sive Wodsettis dicuntur sub pacto de retrovendendo sive reversione maxime convenit ; nam is cui res oppignoratur, investitur, eodem fere modo (licet sub pacto de retrovendendo) quo si pure factus esset, sicque apud veteres Anglos sumebatur, quod & nostræ Regiæ Majestatis autor sequutus est ; At Litlstonius & recentiores Angli, mortuum vadium dicunt, quando fundus pignori datur pro certa pecuniæ summa, cum expressa conditione, nisi ea pecunia ad diem soluta fuerit, fundus apud emptorem remaneat, quod si pecunia non representetur ad diem, vadium mori & extingui dicitur, (1) ejus recuperandi omnem potestatem alienanti perisse, hoc pactum lege veteri Romanorum, pactum Legis commissoriæ dicitur, & post diem pretio non soluto emptori utrum velit aut vadium retinere, aut pretium repetere, optio datur ; post electionem voluntatem mutare non potest ; quod si post diem pretium & usuras malit sequi, quam ipsum fundum, permittendum ei putat imperator, & eo facto renunciare conditioni videtur, nec ad eam poterit redire ; An autem hoc pactum legis commissoriæ ex jure & bonis moribus valeat, gravis est controversia : nam à principio permittum fuisse constat, ut omnia pacta conventa, quæ neque contra leges, neque senatusconsulta, neque plebiscita, neque contra edicta pratorum, neque contra bonos mores, neque quo fraus cuiquam horum fiat, servanda in se recipit prator, postea cum usurarum modus crederet in infinitum, piissimus imperator Constantinus sua constitutione prohibuit, sed mox, ex constitutione Arcadii & Honorii qui in Codice Theodosiano extat, permittitur, adeo ut jura ipsa de hoc pacto variare videntur, In hac difficultate tenendam puto distinctionem Bartoli, nempe in venditione pactum hoc

*Pactum Le-  
gis Commis-  
soriæ.*

hoc appositum valere, cum nulla lex vetet emptionem, & venditionem quibuslibet legibus posse convenire, & iustus valor tum expenditur, conventionesque hæc semper locum habent & habuerunt: at in pignore distinguit; nam si in initio constitutionis pignoris, pactum legis commissoriae apponatur, non valet; nam debitor in necessitate constitutus, nihil non promittere solet, permittitque creditori instrumentum pignoris, ut volet, facere: aliud si ex postfacto, videtur enim debitor apud se expendisse verum pignoris valorem, & nisi luat solutionem, sibi de vero saltem valore restituendo providisse; In iure canonico licet usurarium videatur pactum, tamen si juratum sit, valet, ita tamen, ut si quis ex iusta causa impeditus, ad diem statutum non redemerit, restituendus sit ut adhuc redimat; At in iure feudali pactum hoc valeat necne gravissima est contentio; sunt qui damnari credant, alii licere, & textum utraque pars pro se adducit. Hottomannus sane inter primos nostræ ætatis jurisconsultos, ius feudorum à se dissentire hoc in negotio putat, & maximam esse antinomiam. Nam Gerardi verba sunt, si quis obligaverit rem aliquam pignori, eo pacto, ut si statuto tempore pignus solutum non sit, res esset creditoris & eam pro feudo habeat, potest debitor quodcumque, pecuniam solvendo, pacto non obstante, pignus recuperare; feudum enim non sub prætecto pecuniæ, sed amore & honore domini acquirendum est: At qui opiniones Oberti & Gerardi collegit & secundi libri posteriorem partem ex iis fecit, plane, feudum lege commissoria datum, non valere affirmat, idque ex Gerardi ut (verum est) sententia, addit tamen, at secundum Obertum valet. Hic Hottomannus captata occasione, mirum in modum contra ius feudale insultat, ambiguitatem, absurditatem, & *insolvitatem* obiciens, at ego hic neque ambiguitatem, neque *insolvitatem* video; clara sunt utriusque textus verba, pactum legis commissoriae in feudis non recipi, licet Obertus inter primos feudistas contra senserit, quid enim frequentius in iure Pandectarum, quam iure quod servandum est, recitato, aliorum contrarias opiniones recensere? Constat ergo hæc conclusio certa, pactum legis commissoriae in feudis non recipi, ei opinioni ut assentiar, facit usus noster, qui à pacto legis commissoriae abhorret, nam virum in usu forensi maximum, Dominum Jacobum Macgilleum sic interloquentem audiui, in actione inter Hamiltonium à Sanquar & Chalmer cum, ex contractu ille ageret, ut reversio expiraret, quoniam convenit nisi ad diem redemptio fieret, reversioni non foret ulterius locus: & sane hæc opinio cum æquitate convenire videtur, nam licet pactum hoc, ex veteri iure Romanorum & ante tempora Constantini sit permissum, piissimus tamen imperator pactum illud damnavit ob captiones, & quod hujus pacti indices crescebat asperitas, quod & apud nos observandum puto; apud Commissarios sane Edinburgenses iudices corruptissimos, semper observatum vidi, ut non obstante pignoris ad diem non lutione, etiam post multos annos creditor cogatur illud restituere, numerata prius ea quæ convenerat, cum pignori daretur, pecunia; quid ergo dicet aliquis an creditoris jus ita imminuetur, ut ad diem non soluta pecunia, perpetuo pignus retinere cogatur, & post triginta forte & plures annos rem exhibere? Nihil iniquius, sed huic malo remedium monstravit Alexander Imperator, nempe si ad diem pecunia soluta non sit, ut pignus vendere creditor possit, & hoc ex iure communi, nempe per publicam subhastationem sive licitationem, & hoc iure utimur; Angli autem Brevi utuntur, quo citatur debitor, ut ad diem certum pignus redimat, aut ut ex eo die ius pignoris ad creditorem pertinere decerni videat, postea si non comparuerit debitor, quod in re sua faciendum creditor putabit, faciet de pignore: At absurditatem exaggerat Hottomannus, quid enim absurdius, cum liceat feudum dono dare, non etiam sub pacto legis commissoriae ad tempus alienare: neque quicquam absurdi hic reperio; cur tamen una permittatur, alia prohibeatur, ratio facilis est, nam pura & simplex donatio, sive venditio tot fraudibus non est obnoxia; in his pactis legis commissoriae, ut ait Imperator asperitas crescebat fœnoris (rei, omnibus bonis legibus semper comprimendæ) & hæc de iure communi scripto.

Nunc ut ad Anglorum mortuum vadium revertamur, quod eorum proprium est, ut nostris reversio adeo ut neque apud illos reversionis, sic neque apud nos, aut in publicis statutis, aut in monumentis virorum illustrium, quod sciam, mortui vadii usquam mentio, quid autem sit mortuum vadium, initio monui; Solebant enim gentes Boreales, non solum res mobiles, sed etiam fundos ipsos denique invadiare, cum fundus ita detur, ut nisi ad certum diem pecunia soluta sit, res ad emptorem transeat, Mortuum itaque vadium est (ut hodiè Angli ea voce utuntur) quod ea lege & condi-

tione

tione datur, ut ad diem non soluta pecunia, res ad alienantem sive dominum non redeat & hac conditio in favorem creditoris adjecta putatur; nam si ad diem pecunia soluta non sit, vadium domino perit, quod favorem (ut dixi nuper) creditoris respicit, & ideo mortuum vadium dicitur, quia, solutione ad diem non facta, non amplius actio competit, ex eo hujus mortui vadii sive morgagii nomen defluxit.

*Quæ apud  
Anglos  
Morgagii  
sunt propria.*

In hoc morgagio hæc sunt apud Anglos hodie peculiaria, quod licet nomen hæredis ejus, cui redemptio competit, non exprimat, tamen potest is, mortuo hypothecante, pecuniam solvere, & feudum redimere, quod tamen nos in reversione non observamus, cum nisi hæredis mentio fiat, solus alienans jus redimendi habet; nam provisio hac potissimum spectatur in morgagio, ut securitas interponatur pro pecunia, sed & apud Anglos differentia est, inter has duas condiciones, si vadians non solverit ad certum diem, ut feudum redemptioni non sit obnoxium, & si pecunia ad diem non fuerit soluta; nam in priore, hypothecante mortuo, hæredem ante diem solventem vadium, non recte redimere aiunt: in posteriore è contra, licet ipse qui vadiaverit, non solverit durante vita sua, jus redimendi vadii ad hæredes pertinere putant: sed illius prioris conditionis hanc volunt esse significationem, ut nisi ipse invadians in vita sua solverit, res redemptioni non sit obnoxia, ita ut tempus elapsum videatur, ex quo ipse invadians solvere non possit: hanc autem conditionem, si ad diem soluta non fuerit pecunia, quasi invadiationi annexam & in hærentem Angli putant ad hæredes pertinere, sed si dies elabatur, non minus perit vadium hæredi, quam periisset debitori si vixisset; si hæres hic sit major putant Angli tempus ei currere, nisi solverit, nec restituendum; aliter tamen apud nos, qui jus civile potius sequimur, si qui recepit vadium ante diem moriatur, ejus hæredi bene sit solutio, etiam si non fuerit nomen hæredis expressum, & non executoribus. De loco controversum Angli si nullus convenerit, & sunt qui in ipso fundo, alii in loco contractus, non nulli per omnes regni fines investigandum creditorem putant, sed viderint illi, Quod ad mores nostros attinet, quo loco solutio vel redditio fieri debeat, antea diximus.

Sed queri potest vadiante negligente ad diem solvere, an tertius vel extraneus pro eo solvere potest? Et tenent Angli quod non, neque enim qui vadium habet, ab alio quam à suo creditore tenetur accipere, Si vero is qui feudum ea lege acceperit, ut nisi ad diem pecunia solvatur, jus redimendi extinguatur, pecuniam suam debite, & in debito tempore oblatam recusaverit, à sua pecunia cadet, & offerens in perpetuum liberabitur, dominusque jure Anglorum fundum autoritate propria intrare potest, nam fraudem recusantis pecuniam, jure & debite oblatam, puniendam censent; licet redemptiones sint stricti juris, aliquando tamen, in odium recusantis id facere quod debet, favorabiles redduntur petitoris causa.

## De fasinis sive secunda parte Investituræ Impropiæ.

### Diagesis Septima.

*Quis sit  
traditionis  
effectus ex  
jure.*

*An investi-  
tura sine sa-  
sina sit nu-  
dum pactum.*

Certum est ex jure communi, licet res vendita, permutata, legata, aut quovis alio titulo jure gentium comparata fuerit, nullam dominii esse translationem, nisi traditio subsequatur per eum, qui tradendi potestatem habet; ea enim sola est, quæ rerum dominium transfert, (si modo id apud disponentem fuerat,) tale enim dominium solummodo transfertur, per traditionem, quale apud transferentem erat, Itaque dominus, post investituram factam, statim plenam possessionem tradere tenetur, hanc nos fasinam vocamus Gallico vocabulo; quod argumentum plenissimum est, fasinæ à Gallis ad Anglos, ab Anglis ad nos defluxisse, Hanc ergo solennitatem, sive ad absolvendam, sive perficiendam investituram sive possessionem, quasi factum aliquod per se sufficiens, ita requirit jus feudorum, ut sine ea, investitura pro nudo tantum pacto habeatur, ut multi volunt; quæ tamen à natura nudi pacti vel maxime abhorret; Nam nudum pactum actionem non producit, sed tantum exceptionem ex jure civili: Investitura tamen quam chartam dicimus, exceptionem nunquam (neque enim quis excipere de investitura potest nisi fasinus sit) actionem vero, ad dominum cogendum fasinam tradere, aliquando producit. Itaque cur pacto nudo investitura assimilatur, non video. Sola sane investitura veteribus suffi-



sufficiebat, etiam sine *fasina*, saltem solennitates hæ, quas hodie in *fasinis* observare solemus, non adhibebantur; sufficebat enim, ut antea monui, si dominus in curia vassallum in possessionem ire jussisset, aut manu sua coram paribus curtis induxisset, etiam sine scripto, & quoniam pares non semper aderant, vicini ut testes adhibebantur, nonnunquam dominus digito demonstrando, vassallum in possessionem ire jubebat, aut claves ei tradebat, quod & in usu, suo tempore, fuisse significare videtur scriptor Regiæ Majestatis, licet in eo loco parum sibi constet, operæpretium est itaque expendere, quæ majorum nostrorum consuetudo erat, in alienationibus & traditionibus: venditorem in ædificio primum inesse oportuit, mox egredi & emptorem qui foras stabat, ingredi, hæc erat ædificii traditio, nempe janua aperta & clausa; itaque apertio, & clausio januæ, pro perfecta traditione, sive *fasina* fundi traditi, inter emptorem & venditorem usurpabatur, prout in monumentis Domini de Rires annotavi, *fasinam* datam per apertionem & clausionem ostii, ædis, aut arcis, uterque postea pro symbolo mummi præposito aut Ballivo dabant; si tamen excambium duorum ædificiorum fuerat, uterque duos nummos dabant. *Salinarum* quibus hodie utimur solennitas ad nos non pervenit, nisi tempore Jacobi primi circa annum Domini 1430. antea raræ erant; imo non multo ante nostros annos tempore, Ballivi tantum sigillum, in signum possessionis traditæ domini investituræ apponebatur, præcipue in burgis seu civitatibus; Occasio *fasinæ* introducendæ, nata est ex ambiguitate & fraudibus, quæ in traditione possessionum occurrebant; cum aliqui Dominum ubicunque esset per baculi aut fustis traditionem, alii ex clavium traditione, possessionem dare putabant, alii in curia tantum, alii extra curiam coram paribus; Itaque ut nullus dubitationis locus relinqueretur & male feriatorum hominum calumniis obviam irent majores nostri, realem & actualement inductionem in ipsum fundum ac super ipso fundo voluerunt esse, ut vera possessio videatur.

*Sasinæ* definitio à scriptore Regiæ Majestatis ponitur sub hac forma; *Sasina* est possessio unde rei proprietas ex justo titulo præcedente acquiritur; Possessionem autem idem author definit esse detentionem rei corporalis animo & corpore, juris adminiculo concurrente, Corporalis dicit, quia incorporalia non possidentur, ut vult ille & recte, nam tantum quasi possidentur ex jure, licet & eorum etiam *fasina* solet fieri; sed quod ibi quasi sui immemor possessionem usu acquiri dicat, quid sibi velit omnino hæreo; nam qui utitur, possidet saltem corporaliter; at usu acquirere possessionem absurdum videtur, nisi de præscriptione quæ propria Anglorum est, intelligat; Tale est & illud quod possessionem, pedum positionem putat dici, communi errore adductus; nam possessio non pedum sed sedis est positio, possessio autem à proprietate diversa est, & nihil commune habent; itaque, nescio si commode poterit dici, ex ea, rei proprietatem posse acquiri, nisi per præscriptionem; utcunque est, in re unaquaque præcipue hæc duo spectanda, titulus (unde & proprietas) & possessio, quæsemper est facti. Possessionem triplicem esse vult Bartolus, unam quæ multum habet & juris & facti, Alteram quæ multum juris, parum facti habet, Tertiã quæ multum facti, parum juris habet; De prima ponit exemplum in eis, quæ nobis acquiruntur per procuratorem; nam multum facti habet, cum corporalis apprehensio sit necessaria, & multum juris quia acquiritur nobis ignorantibus. De secunda, exemplum ponit in eis, quæ per filiosfamilias & servos in nostra potestate constitutos acquirimus, nam hic juris multum est, facti parum. De tertia, exempla sunt in eis quæ per nos acquirimus, nam corpore & animo apprehendimus, & jus ibi tantum assiluit, sive potius non resistit, Ex hac divisione quid cuique commodum erit, carpat.

Jam ad *fasinas* revertemur, quæ verissime sunt possessiones, & introductæ ut controversias sive circumventiones omnes, quæ ex investitura fluunt, & ejus interpretatione finirent; Itaque ea, ex tribus personis constat, domini, aut ejus procuratoris sive ballivi, vassalli, aut ejus actornati sive procuratoris, & publici tabellionis, quem nos notarium dicimus à notis capiendis, Testes in hoc actio adhiberi certum est, qui tamen personam non constituunt, sed tantum, ut instrumentum sive factum, fidem inveniatur, apponuntur & penè semper sunt designandi. Quod ad ballivum attinet, & hæc vox, ut *fasina*, Gallica est, à tradendo derivata, ut ejus persona, à domino electa videatur, cui tradendæ possessionis ministerium credatur; neque sufficit generale mandatum, cum sit quasi alienatio rei hæreditaria, sed ut sit speciale, & ad hunc effectum, necesse est; neque enim domini procurator generalis, neque qui negotiorum domini administratione habet, etiã cum libera potestate ad hoc negotium sufficit; præterea necesse est ut hoc mandatum scripto contineatur;

*Quæ apud majores nostros consuetudo erat in fasinis.*

*Quid sasina.*

*Quid possessio.*

*Possessionem divisio.*

*Quos personæ in fasinis necessaria.*

neque

neque hoc solum fiet in rebus hæreditariis, sed in omnibus causis majoris momenti, ut in conjunctis infeodationibus, quas dicimus, sive usufructu legitime constituendo & omnibus locationibus & assedationibus plurium annorum, quam unius, scriptum requiritur, ut post dicemus. Duplex est apud nos sasina ex persona domini; nam aut ipse manibus suis in ipso fundo præsens & stans concedit, & hæc sasina Propriis manibus dicitur: Alia est quæ (cum dominus ipse exequi non potest, quod de jure tenetur, aliis rebus impeditus) per Ballivum datur: & hæc nisi specialiter & in scriptis, de domini mandato constet, nihil in jure operatur; neutra tamen tenorem probat, neque modum solutionis, etiamsi mentio tenoris & solutionis fiat, si desit illa charta quam investituram dicimus; nam notario qui sasina instrumentum conficit, non est in hac re temere credendum, ut postea dicam. Ea quæ propriis domini manibus fit, si charta, quæ conditiones continet, non appareat, durissimam secum trahit conditionem & interpretationem; nam accipientem semper in servitium militare obligat, cum hæredis & terrarum custodia, & ejus maritatione; Idem in sasina quæ per Ballivum datur, si de solo mandato constet, neque mandatum illud conditiones referat, quas in omni feudo antea diximus necessarias, nempe, ut de quo tenendum sit feudum &, quid domino reddendum exprimat; nam utrumque ita præsumptione suppletur, nempe cum nullus alius superior exprimitur, & tum concedens superior præsumitur, sic si nullum servitium exprimitur, durissimum nempe militare semper præsumitur.

*De secunda  
persona in  
sasina requi-  
sita.  
De actornato*

Secunda persona in sasina requisita, est accipientis, qui & ipse præsens, & super fundo esse debet: aut ejus saltem actornatus, De hoc actornato aliquid dicendum, qui nullus alius in jure nostro est, quam actor negotii alieni, & in forensi usu procurator generalis; Et actornatum nihil, nisi mandatum generale; quæ tamen vox, ex usu, etiam procuratorem ipsum abusive significat, ut in multis aliis fieri videmus, Alii Anglicam vocem putant pro procuratore: Actornata hodie, etiam ignorante domino ex cancellaria diriguntur, parte quarta solius sigilli regii roborata; unde tamen hic abusus in cancellariam irrepsit, ut procurator quis, ignorante domino, constitui possit, quæret aliquis? puto hunc abusum ex eo provenisse, quod in libris cancellariæ ab initio procuratorum constitutiones continebantur, quando proceres ad publica regni negotia citabantur & procuraciones non valerent, nisi quæ sub signo cancellariæ concedebantur, dominis ipsis ab initio solitis, exemplar (nos extractum dicimus) inde petere, mox aliis nomine dominorum, qui eo facilius admittebantur, quod parum inde poterat esse præjudicii; nam hujus actornati ea vis est, ut quoties de comodo domini agatur, locum habeat in Parliamentis & sasinis, ubi acquisitio fit domino; in aliis ubi præjudicium poterat verti domino, non sufficiebat, ut neque ullum generale mandatum. Hinc est quod sasina a procuratore, nisi speciale mandatum habeat, dari non potest; à generali tamen procuratore accipi potest; sed & in hoc, fraudem fieri videmus; nam cum damnosa esset hæreditas, neque hæres aditurus speraretur, erant ex creditoribus, qui cum in hæredem deserviri curantes, etiam in sasina induci procurabant, posteaque pro debito conveniebant, sed fraus agnita rejecta est, neque ea sasina quoniam in præjudicium domini verterat, est admissa; Itaque hoc firmiter tenemus, nullum actornatum, nullum procuratorium sive mandatum generale sufficere, quoties grave præjudicium imminet. Hæc de actornato, Itaque in secunda persona sasina, qui est accipiens seu ejus actornatus, hæc tria requiruntur, ut mandatum illud exhibeat, nam cum in ejus favorem sit factum, ejus fidei committitur ut humiliter & supplex cum humilitate executionem ejus mandati petat: neque hæc verba omnino sunt otiosa, nam ex jure feudali vassallus, cum omni humilitate & (ut nos loquimur) cum ea reverentia, quæ decet, investituram petere debet, & etiamsi apud balivum fiat, balivus domini mandatū reverenter exequi debet. Utriusque persona (1) tam dantis quam accipientis, concurret in ipso actu sasina, nempe dominus sive ejus balivus prælecto mandato, (neque enim aliter de mandato constare videtur) statum, possessionem hæreditariam, actualem, & realem tradit, per ipsius fundi traditionem, qui cum ipse tradi non possit, symbola traduntur, nempe lapis & terræ ipsius pars; In annuis redditibus denarii traditio sufficit, aut in ædificiis, ostii apertio, & clausura, ut antea dixi. In molendinis, traditio cyflap Status nomen, forte à stando provenit, quod omnia hæc à stantibus fiant, aut, quod, ut antea monui, possessio quasi pedum positio sit, quæ nihil aliud nisi status est, in hac nostra significatione; Status etiam apud Paulum Jurisconsultum, rem statam & stabilitam significat, Quocunque (ait ille) testamento cautum sit, ut cum ad statum suum frater pervenisset (1) ad firmam & solidam ætatem, Sic & status ætatis apud Imperatorem, sic & statim dies, statim liberi dicuntur, pro certo & constituto die, & constituta libertate, & statio & stationarii milites

*In molendinis  
traditio cyflap*

litur; De *fasina* & possessione actuali, reali, & corporali satis dictum est; Vocis hujus (*Hæreditaria*) necessaria est adjectio, nam nulla *fasina* personam egreditur, neque jus successionis facit, nisi quæ est hæreditaria.

Tertia persona est ipsius notarii, qui inde dictus est, quod notas ex Loquentium sermonibus & dictatis exciperet, quas postea in publicam formam redigebat, & extendebat; Notariorum alii Apostolica autoritate fiunt, alii Imperiali; priores sunt, qui, ab iis qui à Pontifice maximo autoritatem habent, fiunt; Posteriores viz. Imperiales aliquando regali autoritate dicuntur, nempe quod à Caesaribus vel regibus in suo regno creentur: Apud nos, tantum Regia autoritate creati, permittuntur, Sane ab initio, servi tantum erant Publici, qui acta in judicio vel extra judicium, notis mira solertia accipiebant, & principio in judicio tantum obtinebant, & eos qui, compendiosa scribendi forma, dictata excipiebant, significabant; sic Modestinus eos qui notis acta Præsidum scribunt, Reipub. causa non abesse ait; & Suetonius, Titum Imperatorem, notis velocissime excipere solitum, scribit; Notarii ipsius nomen antiquum est: Nam apud Plinium in Epistolis sic habetur, Notarium voco, & die admissio, quæ formaveram dicto: Martialis etiam, notarii & calculatoris meminit, Horum usus inventus est, cum privatarum scripturarum fides vacillare cepit, ex imitatione quorundam male feriatorum hominum, qui aliorum chirographo exprimendo sapissime etiam in judicio fallebant, ut testatur ipse Justinianus, nam erant qui totam aetatem consumerent, ut similitudines descriptionum imitarentur, & nostro tempore auditum est de quodam, qui adeo artificiose alterius totum instrumentum & conscriptionem asimulaverat, ut etiam ejus similitudine in errorem sit adductus is, cujus scriptura fingeatur, neque se subscripsisse auderet diffiteri: Itaque duo remedia Imperator proposuit edicto; Primum ut nullæ privatarum scripturarum fides adhibeatur, si ab eo qui scribens dicitur negetur, nisi à tribus testibus, contrahentium personas cognoscentibus, etiam subscribatur, aut tres testes sint qui de facti veritate deponant. Aliud, ut quæ privatim & inter privatos parietes fieri aut solita erant, aut sæpe fingeantur, in publico postea fierent, & per publicam personam expedirentur; Et sane in initio hæc tantum in judicio fiebant, Post quocunque notarius adducebatur, permittum est instrumentum conficere; ut apud nos registrationes hodie, quæ tantum in judicio fieri debebant, ubicunque vel ipse registrarius, vel ejus deputatus adest, licite fiunt. Hæc utique de notariis, quorum institutionem aut usum, sive practicum, non est mihi animo persequi, cum sciam magnos de iis libros circumferri, qui plene hanc rem absolvant, illud tantum moneo, ut eorum usus, ex privatarum scripturarum abusu natus est, Sic ex notariorum sceleribus ad privatarum scripturarum fidem recurrendum; Nostri interea hoc publico edicto nuper caverunt, ne uni notario fides in gravioribus rebus esset, sed duo ad omnes actus qui hæreditatem respiciunt, aut causas quæ in pari gradu sunt, adhibeantur, nisi in *fasinis*, ubi unius notarii testimonium sufficit, si alio adminiculo invenitur, veluti aut charta aut præcepto, fortasse & contractu: at ubi nullo alio adminiculo veritas apparet. (1) si neque sit charta, præceptum, aut contractus, *fasina* fidem non facit; nam unius notarii testimonio plena fides hodie non adhibetur; In burgis tamen quoties resignationes fiunt, uni notario creditur, tam de veritate *fasinæ*, quam de reversione, sed publico urbis tabellioni jurato & creato ut aiunt; ubi autem duo adhibentur notarii, Instrumentum, ex Normannorum constitutionibus, unius manu totum conscribi debet, & utriusque manu signari; Item & hoc monendum puto, ut nulli notario fides adhibeatur, de iis quæ sub sensu non cadunt; Itaque apud nos notarii assertio, de superiore, de solutione, qualitate, & quantitate solutionis, etiam si notarius dicat, se dominum audivisse exprimere & superiorem & solutionem, non creditur; ad *fasinas* redeo & *fasinæ* notarium.

In notario hæc tria consideranda sunt, primum ut in ipso *fasinæ* instrumento rogatus Sit ipse notarius, & hoc exprimat, quod usque adeo necessarium, ut sine eo *fasina* non sit; Quod ad ipsam *fasinam* attinet, instrumentum illud est, & solennitas extrinseca, quæ non præsumitur nisi constet, & sine qua actus ipse non valet; nam has *fasinas* privatim fieri majoribus nostris non placuit, sed in publico, & præsentem aliquam personam publicam. Itaque consultus aliquando, an domini asserentis se *fasinam* dedisse aut etiam Ballivi confessionem pro *fasina* sufficeret: respondi, non puto sufficere; nam si demus domini confessionem sufficere, nulla unquam erit *fasina*, nullus notariorum usus, & innumeris fraudibus fenestra aperietur: neque de loco *fasinæ* constabit, cujus necessitas

*De tertia  
persona re-  
quisita.*

*In notario  
fasina qua re-  
quiratur.*

*An confessio  
domini con-  
fiscatis se  
fasinam tradi-  
disse sufficiat.*



in omni *fasina* (ut diximus) requiritur, & ut actus omnibus super solo *prasentibus* perficiatur; cum confessio domini ubilibet fieri possit: quod si non in *fasinis*, nullibi *notariorum* usus erit, si res ex unius confessione transigi possit, cum ipsius facti veritas hic *quaratur* *possimum*, & sit necessaria, quæ non semper ex confessione liquet, nam *confiteri* possumus *falsa*. Præterea neque temporis ipsius quando *fasina* data est mentio erit, cujus certe ratio in *fasinis* semper est habenda, tam ratione accipientis & dantis, quam aliorum interesse habentium, confessio enim poterit fieri sine temporis expressione. Memini apud Canonistas contraverti gravissime, si in *resignationibus* *beneficiorum*, publicum *resignationis* instrumentum fieri debeat, an vero ipsarum partium confessiones sufficiant, & concludunt omnes instrumentum publicum, à *notario* de ipsa *resignatione* confectum, ex necessitate requiri; nam actus ipsius *resignationis*, per *traditionem* annuli, libri, aut pedi, sive baculi *pastoralis*, ita ex *substantia* est, ut sine eo nihil factum *præsumatur*; sic in *resignationibus* *feudorum*, ut actus aliquis à *resignante* interveniat, qui pro rei *traditione* sit, necesse est, alioqui *resignans* *devestiri* aut *nudari* *feudo* suo non *præsumitur*. Constat ergo ex his quæ diximus, *fasina* confessionem, ubi veritas facti, sive ipse actus requiritur, non sufficere, sed *instrumento* publico manu *notarii*, sive *notariorum* confecto opus esse, ut *fasina* valeat; non tamen *inficias* ibo, confessionem ipsius *concedentis* aliquando multum contra *confitentem* operari, modo in *judicio* fiat, aut forte in *scriptis*, atque hæc de ipsa *solennitate* actus.

*Secundum in  
persona no-  
tarii consi-  
derandum.*

Secundum est de persona *notarii*, in quo hæc annotanda sunt, ex vicinorum statutis & legibus, cum propriis pene desituamur; primo ut *notarius* excedat annum *vicefimum* primum, neque enim *firmum* *judicium* ante eum annum habere *præsumitur*, & ut expedite legere & scribere sciat; neque enim aliter *dictata*, aut quæ *fiunt*, excipere *notis* potest, utque sit *integræ* *fama*, nam alioqui *instrumenta* ab eo *confecta*, *suspitioni* erunt *obnoxia*, neque *ordinibus* *Ecclesiasticis* *initiatu*, ne si *falsum* commiserit, eorum *prætextu* *supplicio* subtrahatur: denique *prudentes* & rerum *agendarum* *periti*, eligendi sunt ad hoc officium, qui ante *electionem* de *fideliter* exequendo suo munere, nec cuiquam *fraudem* faciendo *fideliter* jurabunt; electus *notarius* *contractum* à *partibus* recipere, aut eorum nomine, *subscribere* non debet, nisi *contrahentes* aut *rogantes*, ex facie & vultu cognoscat; neque *excusationem* *ignorantiæ* *prætendens* *audiendus* est; nam in hoc genere peccatum memini aliquando à nonnullis, qui nimium rei gerendæ *cupidi*, unum se alium *profitentem* obligarunt in gravissimas *conditiones*, quibus verus *debitor* nunquam se potuit liberare; Itaque *notitia* *contrahentium* semper in *notario* requiritur; nonnunquam in loco magnum momentum est; semper enim *observandum* ut sit locus *honestus*, si fieri potest, ut sit *publicus*, saltem ab omni *suspitione* *alienus*, *præcipue* *violentia*, ne forte de iis *instrumenta* *conficere* vi cogantur, quæ sui *juris* *existentes*, nunquam *confecissent*.

Pater cum filio *connotarius* in eodem facto esse non potest, idque publico *edicto* apud *Gallos* cautum, quod etiam *Arresto* *Senatus* *parisiensis* *extensum* est ad duos fratres: ad *avunculum*, & *nepotem*, & *socerum*, & *generum*, ne simul *connotarii* in eodem actu esse possint. *Notarii* omnes *Protocolla* sive *registra* omnium eorum *actuum*, de quibus ab iis *instrumenta* *rogata* sunt, habebunt, in quibus ea omnia *instrumenta* *fideliter* & *integre* *inferantur*, ut *requisita* *exempla* *partibus* *quærentibus* exhibeant; *Protocolla* sive *registra* hæc diligenter sunt servanda; neque cuiquam nisi *contrahentibus* & eorum *hæredibus* & *successoribus* *inspiciendi* *licentia* danda, mortuo *notario*, *Protocolla* apud *Tabelliones*, sive *Amanuenses* *jurisdictionis* illius, in qua *siebant* *deponenda*, hæc ex *Gallicis* *constitutionibus* *desumpta*, quia nostro *usui* *conveniunt*, apposui, ut & nostri ex parte intelligant, quid in *personis* *notariorum* requiratur; licet apud nos, non tam exacte *notariorum* *persona* *coarctentur*, & sunt hæc quæ de iis *constituta* sunt, nempe ut à rege *prasententur*, postea à *Senatu* *examinati*, si *digni* videantur, *juramento* *exacto* *admittendi*, & eorum *signum*, *sigillum* & *subscriptio* *registranda*, *cautio* de *fideliter* *exercendo* *officio* *præstanda*, *Protocolla* à *Senatu* *signanda*, à quo *officio*, nisi in *testamentis*, *ministri*, qui *curam* *prædicationis* *verbi* *dei* habent, *excluduntur*.

*Tertium  
quod in for-  
ma instru-  
menti requi-  
ritur.*

Tertium quod in *instrumento* *fasina* *observandum*, est forma qua *notarius* in *conficendo* *instrumento* uti debet, itaque à dei nomine *incipiendum*: ab eo est, *auspicatus* enim id putabant *maiores*, & quod maxime in *fide* & *officio* *contineret*, si deum *principio* *operis* *ascriberent*, quod à *deliculis* *istis* nostri *temporis* *notariis* sæpe *præteriri* *dolendum* est; nam etiam ex *constitutionibus* *Justinianicis* certum est om-  
nibus

nibus instrumentis dei nomen præponi deberi, ubi sacratissimus Imperator scribit inchoandum instrumentum autore deo, quod & aliis locis in authenticis manifestum est; Itaque cum eandem consuetudinem in instrumentis semper observandam jubeat, ego sane veterum illum morem in omnibus instrumentis retinendum censeo, nempe ut à dei nomine exordium sumatur. Quod autem Imperator, Imperatoris nomen sequi vult, annum imperii, & consulis etiam nomen, qui in anno illo erat, & indictionem, & mensem adjici, hæc suis hominibus, quique imperatorem pro domino agnoscebant scripsit, & eo tempore tum per consules anni designabantur, ut moris erat apud Romanos, nos cum jam creati consules defierint, nec si essent, aut eos, aut eorum Cæsares agnosceremus, certiore rationem sequuti, veri Cæsaris & nostri Imperatoris Domini Jesu annum in primo loco ponere solemus, à conceptione salutis semper incipiendo, ut annus nativitatæ domini nostri semper primus sit, reliqui ab eo in suo ordine numerentur, (licet hæc computandi ratio hoc anno sexcentesimo supra nullefimum innovata sit, ut annus à primo Januarii incipiat) secundo cum regis nostri nomine, regni annum subjungimus, quemadmodum prius Cæsaris.

De Indictione, antea in usu erat; imo & Doctorum opinio est, Indictionis mentionem fieri debere, in omnibus instrumentis, alioqui si vel prætermittatur, vel falsa inferatur, vitari instrumentum, sed quid loquor de Doctoribus, cum ipsius Justiniani, & ex jure Pontificio edicto caveatur, ut indictio semper inferenda sit, & quoniam de indictione mentionem fecimus, ejus origo & ratio inveniendi plenius explicanda. Indictio cursum quindecim annorum continet, ulterius non extenditur, sed ad primum fit recursus; putant multi indictiones ita dici, & hoc tempus comprehendere; quod singulis quindecim annis (1) tribus lustris Romani solebant tributa orbis sibi subjecti exigere. Viz. primo quinquennio sive lustro ferrum, ut inde arma fierent militibus Romanis; Secundo quinquennio sive lustro argentum, ut inde stipendia solverentur; Tertio quinquennio sive lustro, aurum, quod in publico arario deponeretur; sed aliunde rationem hujus vocis inquirendam puto, neque enim harum collationum in his speciebus, singulis lustris quisquam est, quod sciam qui meminit; scio sane indictionem tributi sive exactionis esse speciem, quæ à principibus populo indicitur, inde Tit. in decimo libro Codicis, de indictionibus aut super indicto: imo & ibidem constat tempus quoddam constitutum indictionis conferendæ, ne possessiones in incerto essent; at hoc loco pro eo calculo sumitur, ex quo annorum ratio supputatur, sunt qui indictiones has ab indictione Iudorum panegirorum vocari putent. inter quos est Josephus Scaliger, quanquam immerito ibi Onuphrii Panuvini opinionem de origine indictionis damnet. Sed de indictionis origine, causa institutionis, aut Olympiadum in eas mutatione, longius inherere non est nostri instituti, tantum quatenus ad usum instrumentorum, præcipue fasinarum usus noster requiret, insistemus; Cæptæ autem indictiones sunt Constantino magno Imperatorem, anno domini 313. ante octavum diem Calend. Octobris, quo die victus est Maxentius, (insensissimus Christianis) à Constantino Cæsare, religioque Christiana in libertatem vindicata; sane ex eo tempore indictiones cepisse, autores sunt Onuphrius, Mercator, Hottomannus, & plerique alii; Itaque tanquam à primordiis Christianæ libertatis decreto consilii Niceni statutum est, ut sublatis Olympiadibus, annorum ratio ab eo tempore iniretur, ut decimoquinto quoque anno nova indictio esset, & anni singuli indictionis numerarentur, Sed sane Imperator Justinianus indictionis rationem, altius repetere videtur; Imo & ante Romam conditam, & ante domini nostri natalia, sed de hoc alias; Natus enim creditur dominus noster corrente tertia indictione; itaque indictionis perantiquum usum esse constat. Nam in titulo de Justiniano Codice confirmando, indictionis nomen ponitur, annorumque calculus pereum supputatur; Indictionis vere inveniendæ ratio hæc erit, numerum annorum domini collige, & tres iis adde; collectum numerum per quindecim divide, & quod supererit indictio erit, si nihil supererit, decimaquinta erit indictio; quod ex his adjectis vulgaribus verbis, melius apparebit.

*Si per quindenos domini divideris annos,  
His tribus adjunctis, indictio certa patebit,  
Si nihil excedit, quindena indictio currit.*

Utrum autem indictionis apponendæ ratio reddi potest, dubitatum sæpe audiui, & licet non omnium quæ à majoribus sunt instituta, facile sit rationem cujus reddere; tamen quia

sic in jure civili, sic in canonico præsstitutum est, observandum nemo bonus dubitabit, præcipue cum usus noster cum his conveniat; rationem reddit Justinianus in ea authentica; ut præponatur nomen Imperatoris, nempe ut ex majoribus & perfectionibus indicii & eorum inter se collatione, temporum designetur cursus; neque quicquam verius dici potuit nam ex collatione anni domini, regni & Indictionis veritas aut falsitas instrumenti sape elucescet. Quid enim si annus domini, cum anno regis regnantis non conveniat, neque enim officium notarii, imperitis, aut iis qui temporum rationem & calculum inire non possunt, demandandum est; imo quod majus est, Imperator, etiamsi usus alicujus regionis aliter invaluerit, usum quidem illum retinendum vult, hæc tamen superadjicienda, in quo procul dubio posteritati consultum voluit; Sane ex jure canonico, indictio adeo necessaria est, ut ejus omissio, tanquam falsitas, instrumentum omnino viciet; quod magis miror, in causa inter Robertum Brucium, & Joannem Levingstonium agitata, super antiqui instrumenti falsitate Senatum censuisse indictmentem decimam septimam, instrumentum manifestæ falsitatis non coarguisse, cum indictmente ultra decimam quintam non excurrat; appareretque, illam indictmentem consulto à notario adjectam, ut falsi post ejus mortem instrumentum coargui facillime posset; licet propter præsentem necessitatem pecunie, cui inhæbar, & quam aliàs non fuisset acceperus instrumentum absolvisset; nam non solum falsa indictio, præcipue cujus falsitas tam clara, tam manifesta erat, sed etiam omissio indictmentis totum instrumentum viciat. Menses & dies apponendi sunt ex necessitate, ut sciatur quo die, quo mense quid sit actum, & eorum omissio tam jure Casareo, quam Pontificio, totum instrumentum viciat, & infirmat, licet aliquando erroris veniam à Senatu concessam vidi, in die vel in mense, si alteruter omissus per errorum fuerit, & de errore confiterit, non si uterque; sed profecto in his, si negligentia in minoribus permixta fuerit, facilis transitus ad majora fiet & fenestra ad omnem nequitiam patifiet. Itaque viderit Senatus, ne dum frena laxat, notarii in præceptum ferantur; semper enim id quod sequitur, parvum videtur, respectu ejus quod præcesserat. Hæc itaque de principio fasina imo, & cujusvis instrumenti.

*Actus Instrumenti qualis.*

Sequitur actus ipse, in quo describendo, Notarius formam solitam observari curabit, ut quisque quod sui muneris est agat, nempe vassallus, humiliter requirat executionem mandati: quod Ballivus reverenter mandatum accipiat; quod notario prælegendum tradat; tunc hujus mandati tenor inferatur, nonnulli ut officiosiores videantur, totius chartæ tenorem inferunt, neque tamen charta sic inserta fidem faciet: Alii totum præceptum omittunt, quorum instrumentis, vix puto fidem adhibendam, ne negligentia hæc in legem abeat; unum hoc præcipue observandum est ex constitutionibus Galliarum, ut semper contrahentium, sive eorum qui mandatum exequentur, habitationes exprimantur, alioqui non solum officio notarii privantur, sed etiam in poenam arbitriam, sive multam incurrunt & sane cum notitia contrahentium notario necessaria sit, ad eam facilius cognoscendam, per habitationes sunt designandi. Idem in testium designatione observabit. Prædicto præcepto Ballivus ad officii executionem procedit, & vassallum investit per lapidis & terræ traditionem, nam ea traditio dominium transfert, ut antiquitus clavium traditio possessionem, sed in re præsentem & super ipso fundo hæc traditio fieri debet; non quidem (ut aliqui anteficio se commenti sunt) ut super ipso fundo traditam fasinam dicerent, & in ea terra tum se fuisse stantes, cum pulverem ex solo per aliquot miliaria advexissent, calcosque eo replessent, & super, sive in calcis plenis stantes, se super fundo ipsius tenementi fasinam dedisse deposuerunt in judicio, certum enim est, fasinam extra fundum ipsum datam nihil operari. Et ut omnia exactius fiant & cærentur non solum annus, dies, & mensis, sed etiam hora dici, apponitur, ne forte in nocte quid fiat, cujus est probabilis ignorantia, quo magis miror, quomodo eis, qui mensem aut diem prætereunt, ignosci possit.

*De loco.*

De loco quaestio est, an in omni instrumento & contractu necessarius sit, in fasina necessarium dixi, Sane in jure de loco contractus, quod exprimendus necessario sit, non reperiō. In Gallicis constitutionibus expresse tamen cavetur, ne locus facti omittatur. In fasina molæ sive molendini hoc observandum, ut (nisi mola ex pertinentiis sit, ut exprimi non sit necesse) in ipsa mola sive ostio, fasina ejus sit danda; si plures sint fundi non uniti, in omnibus danda est fasina, ut pro omnibus valeat: nuper tamen Senatus censuit, in agris conterminis, sive contiguis, qui de eodem tenentur domino, fasinam datam in uno, pro omnibus sufficere; Dicitur autem fundus, conterminus sive contiguus, ubi agri se mutuo contingunt & nullius alterius domini proprium feudum sive fundus interjacet.

An autem communia quam dicimus (quæ nihil aliud est, nisi pascua communia sive prædium



um commune) agros disjunctet & disjungat, quæstio est, nam quod plurium commune est, plurium esse proprietatem necesse est, & quod commune est, meum dici posse textus probat; puto tamen communiam hanc agros ejusdem domini contiguos disjungere, si modo hæc communia ad alios pertineat: At ab initio alii erant mores, nempe, ubi unus ager neque pars, neque pertinentia alterius erat, separatam fasnam requirebat, nisi forte uniti essent, & quoniam in unionem incidimus, quid ea sit discutendum.

Unio est cum duo fundi separati in unum uniuntur, ab eo qui habet potestatem, ita ut *De unione.* fasina, in fundo uno capta, pro omnibus sufficiat; dixi ab eo qui potestatem habet: nam nemo nisi utriusque fundi aut omnium si plures sint, dominus unire potest; imo sunt qui putant, dominum utriusque fundi discontigui, ne ipsum quidem unire posse in concessione, quam subvassallo est factururus, nisi ipse unitos in unum Dominium, & Baroniam habeat; quum nemo plus juris in alium transferre possit, quam ipse habet: & ut vulgo dici solet tot sunt stipulationes, quot res in stipulationem deductæ; sic quot sunt fundi discontigui, nec in charta uniti, totidem fasinae debent intervenire, uti plenum transferatur dominium.

Angli autem latius hoc extendunt; etiam sine expressa unione, imo sine ulla, unicam fasinam sufficere putant pro omnibus feudis, quæ in eo vicecomitatu sive districtu sunt; sic in burgis, unius tenementi fasinam, pro omnibus tenementis illius burgi sufficere volunt, si modo ita se velle dominus declaraverit; Si vero fundi in diversis comitatibus siti sint, plures fasinae requiruntur.

Unio itaque est duorum aut plurium tenementorum seu feudorum in unum dominium, sive Baroniam annexio, sive incorporatio: Sic in jure canonico unio beneficiorum dicitur, cum duo vel plura ita uniuntur in unum corpus, ut pro uno astimentur; & hæc unio ideo tantum fit, ut dominus, vassallum pluribus molestis liberet, ne in plura loca, ad plures fasinas capiendas, distrahatur, pluresque boves, (nam singuli pro singulis fasinis domino debentur) prestare cogatur: In hac unione tria sunt considerata, is qui facit unionem; fundi qui uniuntur; & is qui recipit: qui facit unionem major debet esse; nam unio in minore ætate facta restitutioni in integrum est obnoxia; & in charta, à se facienda debet hæc unio contineri; fundi qui uniuntur discontigui esse debent, frustra enim uniuntur, quos natura univit & conjunxit. Qui vero unionem accipit, non jam duorum feudorum videretur dominus, sed tantum unius, neque in duplici servicio tenetur, sed unico, nec boves tres aut quatuor, pro numero feudorum, domino investitus debet, sed tantum unum.

Dissolutio unionis fit, quando vassallus ex pluribus fundis unitis, unum de domino suo *Unio quomodo dissolvatur.* tenendum alienat, & dominus consenserit, nam non tantum ille fundus qui alienatur, ab unione & reliquis unitis dissolvitur, sed fundi reliqui redeunt ad eum statum in quo fuerunt ante unionem, quod nostri familiari exemplo demonstrant, si enim sagitta vel ligna in unum fascem colliguntur, & vinculum quo colligantur dissolvatur, & unum eximatur, non tantum illud unum ab unione disjungitur, sed alia omnia ligna vinculo dissoluto, dissolvi necesse est; nec restituitur unio, nisi dominus ab initio licentiam alienandi dederit, salva unione, vel de novo eas terras univerit, & annexaverit: per usufructus constitutionem, licet de domino superiore tenendi, fasina etiam subsequuta, unio tamen non dissolvitur. Unio autem hæc in charta semper esse debet, alioqui unio in fasina non valet; ut neque unquam quando charta pura est, (1) quando nullam conditionem, nullum provisionem habet, cum fasina deur super eadem charta, non super adjectis conditionibus aut provisionibus; nam conditiones hæc sive provisiones habentur pro non adjectis; Charta enim est regula & norma fasinae, ad quam fasina tenor semper est conformandus.

In hac tamen unione hoc observandum est, quod licet unica fasina discontiguitatis vitium suppleverit, & pro omnibus terris sufficiat, non tamen mutat jurisdictionem judicis ordinarii: exempli gratia si plures fundi uniantur, quorum unus in Lothiania, alius in Fisa, tertius in Levinia situs est, fasina quidem unica ad principem locum, saltem ad destinatum in carta pro omnibus sufficit, tenentesque omnes ad domini sui judicium ibi sistere se debent: si vero iudex ordinarius eos in jus citari curaverit, Fisenfis coram suo Fisenfi vicecomite, Loethianus sub suo Loethiano, & Levinianus sub suo Leviniano iudice comparere tenentur, & iudicium suscipere; quod etiam speciali ordinum statuto cavetur; sic etiam si tributum indicatur, nam Loethiani, suo vicecomiti & reliqui, suis solvere tenentur, & hi possunt pro eis distringere; Quod ad testes attinet, eorum omissio aut falsorum insertio, totum instrumentum vitiat, & in jure Casareo & nostro per locum designandi sunt habitationis, ut antea

tea monui, nec paucioribus quam quatuor testibus probis & fidelibus hominibus in rebus gravioribus creditur, quique contrahentes de facie noscant, licet jure civili tres, jure canonico duo sufficiant, quod & nos antea sequebamur.

Sic absoluta forma instrumenti, notarius nomen suum & signum apponere debet ex jure: imo quod magis mirandum videri possit & tamen cum æquitate convenit, non solum totum negotium ipsum audire, sed etiam totum instrumentum ipsius manu scribi debet, neque illud potest ex jure notarius alii demandare; Signum autem illud, literas duas nominis & cognominis notarii continere debet, subscriptio autem hæc non solum omnia sic facta esse debet exprimere, sed sic fieri ut præmittitur, se scivisse, vidisse, & audivisse, notamque cepisse, & inde præsens Instrumentum sua manu confecisse rogatum & requisitum à parte sive partibus, in quorum favorem Instrumentum confectum est; quod tamen non semper apud nos observatur, nam frequenter illud describendum aliis solent committere, ita tamen ut illud se fecisse probent & his verbis uti tum solent, Et hoc præsens instrumentum manu aliena confectum & scriptum me aliis rebus occupato, subscripsi in fidem præmissorum, rogatus & requisitus, Estque hæc rogatio in jure adeo necessaria, ut ejus omissio instrumentum vitiet (1) nisi exprimat notarius se rogatum & requisitum fuisse, instrumentum suis viribus destituatur non enim debent notarii non volentibus se insinuare, aut instrumenta captare: neque rogatio solum in notario requiritur, sed etiam in testibus, ut in instrumento contineatur, & illos rogatos & requisitos fuisse, tantam diligentiam majores nostri putarunt requisitam, ne instrumentorum fides vilesceret, & merito ut ex eventu hodie constat; sed inter rogationem notarii & testium hoc interest, quod notarii rogatio semper sit exprimenda, testium vero aliquando præsumatur, Generaliter hoc tenendum est de notariis, ut fides illis tantum adhibetur in eis quæ sub sensum cadunt; nam si notam dederint de ea re quæ sub sensum non cadebat non creditur; Itaque hæc verba vidisse & audivisse solent apponi. Hæc generaliter de fasinis, personis ad fasinam requisitis, earum forma.

Sunt tamen quedam in fasinis apud nos specialia, Primum ut in fasinis dandis ex præcepto cancellariæ (1) quando quis deservitus in heredem, & retornatus, præceptum ex cancellaria impetraverit ad Vicecomitem illius districtus sive regionis vel ad Senescallum, ad executionem illius præcepti, ipsius Vicecomitis aut ejus deputati presentia opus est; quod & in Senescallo observatur; nec illud præceptum per alium nisi per Vicecomitem aut Senescallum de mandari potest; nec alius esse in ejus præcepti executione notarius, quam illius Vicecomitatus tabellio, sive scriba publicus, nos clericum communem, (quod ad eum ab omnibus accessus communis pateat,) dicimus, ratio est, nam cum extentus retornatus regi debeat, & Vicecomes teneatur pro eo respondere, non est illud officium alii committendum, quam illi qui pro fagina illa tenetur respondere, & Vicecomitis & Senescalli in singulis Scachariis eis summis quæ in præcepto continentur, onerantur, nec dimittuntur, nisi soluerint, In aliis præceptis, quæ ex resignatione forte feudi in manus domini regis fiunt, talis cautio non est necessaria cum aperte ipsum præceptum dirigatur ad Vicecomites illius districtus; Nec non relicto albo pro alio ballivo ex arbitrio vassalli eligendo; itaq; in iis vassallus non solum ballivum sed etiam suum notarium deligere potest, cujus ministerio utatur: rectius tamen fecerint, si in omnibus præceptis cancellariæ Vicecomitem executorem adhibuerint, & tabellionem illius districtus publicum, notarium; nam lex indistinctè loquitur, nisi forte Vicecomes aut ejus scriba seu tabellio recuset; nam eo casu ad alios recurrere potest: & tamen præcepta quæ ex inquisitione procedunt, nemo exequi potest nisi Vicecomes, Senescallus & eorum deputati, nec alius subscribere, nisi eorum tabellio publicus.

In burgis, fagina nisi à ballivo burgi data, & à tabellione burgi sive civitatis publico confecta, in judicii rejicitur, licet hoc nova constitutione sit cautum, cum apud nos aliter in aliis burgis, præter Edinburgense, constet observatum, sed male.

Sed mirum cujus videri potest, cum tam expresse caveatur à Regina Maria, ut omnis fagina ex præcepto cancellariæ non procedens, sed ab alio & ballivo & tabellione confecta ut intra annum & diem illa fagina sive illud fagina Instrumentum publico illius districtus, in quo terra sita est, scribæ seu clerico communi exhibeatur, ut is illud registro inserat, saltem annum diem & mensem, quo fagina data est, cum designatione illius tenementi, cujus fagina data est & annotatione nominis notarii & testium; quomodo inquam hoc statutum adeo in oblivionem venerit, ut nisi à domino Jacobo Elphinstoun Secretario & nunc Senatus principe dignissimo, memoria ejus repetita fuisset, fere publica invidia, vel negligentia penitus exolevisset, cum tamen & ab Henrico 8. speciali statuto cautum sit, & summam in se æquitatē contineat,

tineat; & fraudibus viam obstruat; in quo etiam statuto cavetur, ut ille idem clericus ante Scacharium semel in anno rursus exhibeat, ut in registro maneat, omnibusque quorum interest, innotescat, & exemplar exhibeatur.

Explicandus autem de fasinis est nodus, qui in nono Parlamento Jacobi primi habetur, ubi licere ait Serenissimus rex parti adversaria fasinam, quæ de feudo & hæreditate est, & ex deservitione sive inquisitione descendit, intra quindecim dies infringere, in conquestu intra quadragessimum diem, modo ipsi in fasinâ fuerint; cujus statuti hic est sensus, & cum moribus Anglorum convenit, à quibus ad nos videtur descendisse, ut licet quis tanquam hæres alteri in feudo antiquo deservitus fuerit, non tamen continuo in fasinam seu possessionem mittendum, nam si aliquis alius sit fassitus, licet etiam tacuerit in deservitione, tamen si fasinam suam vicecomiti monstrare paratus sit intra quindecim dies (si hæreditatis sit questio) aut intra quadraginta dies si conquestus, non est ex fasinâ sua ejiciendus, quod nos fasinam frangere, Angli dissuadere dicunt, nam diffasinam facere nihil aliud est, quam fasinam rumpere aut possessionem impedire.

Sed ut ad fasinâ nostras revertamur, alia est fasinarum divisio apud nos, ut una sit à præcepto Cancellariæ, post Inquisitionem de morte antecessorum; Altera quæ Clare constat communiter dicitur. De priore antea dixi, nunquam concedi, nisi per inquisitionem, hæres deservitus & retornatus fuerit, quo retornatu cancellariæ demonstrato, Cancellariæ custos præceptum ad Vicecomitem dirigit, sive ballivum in burgis, qui id jus habet, ut continuo fasinam secundum illius præcepti tenorem concedat: & hæc fasinâ majoris est roboris & efficacæ. Altera ex nulla inquisitione præcedente, nulla cognitione causæ habita, sed ex ea scientia quam dominus superior in scrinio pectoris se habere putat, dirigitur, etiam sine evidentiâ sive monumentorum inspectione, licet viri rerum suarum satagentes, antecessorum monumenta exigant, ut conferendo sciant, si in omnibus præsentia cum præteritis convenient. Ita Clare constat, ea fasinâ dicitur, ab iis vocibus quæ in principio narrationis continentur, Quia nobis clare constat (ait dominus) quod N. pater, avus, patruus, aut si quis alius sit antecessor, R S obiit ultimo vestitus & fassitus, ut de feudo, ad fidem & pacem &c. sed id genus fasinæ non tanti est roboris, neque efficacæ, quanta prior est; nam hæc posterior licet adversus dantem & dominum ipsum valeat, tamen ad instruendam actionem rescissoriam non sufficit: imo plerumque neque ad agendum, veluti si forte coloni se dupliciter molestatos querantur, aut duplicem exactionem ab iis fieri; in his enim casibus hoc genus fasinæ non sufficit ad excludendam alterius fasinam, quæ ex inquisitione processit, nisi forte is qui tali fasinâ utitur, etiam antecessoris sui fasinam ex inquisitione producere velit, aut in continua possessione fuerit; ut cunque est sæpe senatus declaravit per interlocutorias, si questio de hæreditate peragitur, tales fasinæ vix sufficere, & cum robur omne ab his fasinis tollere nequit, quam minimum saltem reliquit: itaque rectius fecerint in jus antecessorum successuri, si per inquisitionem jus suum persequantur, quam si hæreditatem ex præcepto, quod clare constat vocatur, adeant; licet hoc genus fasinæ in burgis potissimum usurpetur, & hoc genus investituræ cum jure feudali potius conveniat, in quo vassallus à domino investituram petere, dominusque concedere tenetur.

In omnibus fasinis quæ in burgo dantur, hoc observandum Senatus censuit, ut ratio aliqua in fasinâ, curæ detur exprimat, nam si ex inquisitione procedat, inquisitionis in ea mentio fit; Si ex alienatione vel resignatione, nec ea tacenda; si quod immediate successurus sit suo antecessori, & hæc ratio adjicienda; quod tamen in fasinâ extra burgum non est necessarium, cum multæ alienationes originaliter fieri possint, quæ de concedente teneantur, quo casu nulla ratio, nulla causa in fasinâ necessaria est sed simpliciter fasinam dari sufficit. Si dominus suo vassallo fasinam dederit, bovem in signum & symbolum fasinæ capit, qui ejus proprius fit; si aut recusaverit vassallus, aut distulerit, aut forte bos non sit in fundo, pro pretio dominus distringere potest, etiam sine citatione, aut adjudicatione. Effectus autem fasinæ est, ut fassitum, dominum utrumque faciat, si modo qui dedit dominus erat, cum traditio tale dominium transferat, quale apud concedentem erat, si dominus dominium transferre intenderat; nam fieri potest ut tantum usum fructum, vel locationem ad multos annos per hanc fasinam voluit constituere. Quod si duobus investitis, fasinâ posteriori investito prius tradita sit, prius investitus, à jure domini cadit, ut dixi, Quod si fassitus per annum & diem integrum pacifice fundum in quo fassitus est, possideat, possessio ei nullo modo est auferenda, quandiu titulus, ex quo fasinam accipit, inconcussus manet; quod in omni possessione est observandum ut qui annum & diem proxime ante diem motæ querelæ possidet, is pro vero & indubitato pos-

*Alia fasinâ  
diviso.*

*Effectus  
fasinæ.*



possessore habeatur, donec jus domini in iudicium deducatur & excutatur; in actionibus tamen de ejectione, sæpe dimidii anni, sæpe mensium aliquot possessio sufficit.

Superest ut materiam hanc Sasinarum absolvamus, videre quando, & in quibus, sasina requiritur est & quando non, & ut à moribus vicinorum incipiamus, Apud Anglos in duorum feudorum permutatione quod excambium vocant, licet utriusque dominium transferatur, sasina illi non putant necessariam; nam possessionem diuturnam excambii nomine sufficere putant, Sic in divisionibus inter hæredes aut Portionarios, & in resignatione, & quando burgalia feuda testamento disponuntur: In libere tenementis tamen sasina requirunt; libere tenentes eos dicimus, qui pro vita sua, veluti si ipsi sint usufructuarii, possident, & jus utendi & fruendi habent: In reliquis locationibus non requirunt Angli sasina; Apud nos non solum in libere tenemento, sed etiam in locationibus pro certo annorum spatio, sasinarum usus frequens erat, ut adhuc ut plurimum solent in septentrionali parte; Sunt qui putant in constitutione usufructus sasina adeo necessariam, ut si qui constituit, præmoriatur usufructuario, aut fundum vendiderit ante sasina, constitutio usufructus non valeat: at hodie sasina in nullis nisi hæreditariis titulis, ubi dominium transfertur, est necessaria, si aliqua possessio corporalis adsit; sane in emphyteutis, si is qui primo emphyteusin acquisiverit, sasitus fuerit, ejus hæredes sasina sive investitura renovationem petere non tenentur ex jure Romanorum, quod & apud nos aliquando in usu erat; hodie quilibet hæres sasina renovare tenetur; Apud Gallos in successione sasina non est necessaria; mortuus enim sasit vivum, qui successioni proximus est, & ad succedendum habilis: Apud nos hæreditarius titulus, sive feudum hæreditarium prædecessoris, sine sasina, in successorem non transit.

### *Quid juris vassallus ex Investitura consequatur.*

#### *Diegesis Octava.*

**P**ostquam vassallus sasitus fuerit, ex traditione possessionis utile dominium rei feudalis consequitur (quid sit utile dominum, quid directum antea diximus) & omnes utilitates & fructus feudi, sive naturales sive industriales, sive in superficie, sive in visceribus terræ, commoditates, libertates, privilegia, & ea omnia quæ directus dominus antea habuit, ipse jure proprietatis possidet, omnesque actiones de feudo, & contra feudum, vassallo & in vassallum competunt, ita ut is solus de proprietate feudi, & agere, & conveniri possit, etiam domino ignorante vel præterito & dominus licet ignarus, iudicium tamen à vassallo susceptum agnoscere tenetur, si feudum ex causa ei postea aperiatur; itaque vassallus rei vindicationem, habet, quæ nulli nisi domino competit ex jure, & interdicta, tam retinenda, quam recuperanda possessionis; agere etiam rescissorio iudicio, quodcumque aut ubicunque quaestio proprietatis agatur, & sic tam petitorio quam possessorio iudicio poterit experiri, sine consensu domini superioris: Iudicio finium regundorū (nos perambulationem vocamus) agere non potest; nam domini interesse ibi versatur, ne fines sui superioritatis minuantur.

Primum itaque jus quod vassallo post investituram competit, si semel possessor fuerit, & possessione amiserit, eaque ad dominum pervenerit, contra dominum postest agere, ut amissam possessionem sibi restituat & ex mora omnes fructus potest petere: Potest etiam sua auctoritate vacuum possessionem feudi apprehendere, & vi sua ingredi, & uti, frui; vacua autem possessio est, ex jure feudali, quæ à nullo nisi investiente possidetur: apud nos, quæ à nemine possidetur; fructus autem & utilitates ita in eum transeunt, ut sine consensu domini de eis disponere possit: si quid per alluvionem aut alio modo accesserit fundo, eodem jure quo principale censetur, & fructus illius, vassallo, non domino accrescent, Quæ tamen in specie in vassallum transeunt, enumerantur in clausula chartæ post tenorem cum omnibus edificiis &c. cujus clausulæ interpretationem, rejecimus in hanc diegesim.

*Cum domibus edificiis, &c.*

Domus sane & ades sive ædificia naturaliter solo cedere ante diximus, non tamen turres & fortalicia solo cedunt, nisi aut expressè nominentur, aut is qui dispositionem habet, cum jurisdictione & imperio mero dispositam habeat (1) cum potestate gladii exercendi; Itaque in omni dispositione non veniunt, & ratio est, quia pars & instrumentum sunt jurisdictionis, & jurisdictio nunquam concessa videtur, nisi exprimatur, sed semper apud dominum directum

tum permanet: Turres enim ab initio, non tam ad habitandum, quam ad castigandos noxios aut patriæ defensionem extructæ sunt, itaque, nisi transferatur iurisdic-  
 tio, turres transferri non videntur, cum ex ea pendeant; At cum terræ in Dominio, aut Comitatu, aut Baronía sunt, tunc cum universitate transeunt, & turres etiam si non exprimantur, quia hæc feuda habent annexam iurisdictionem, sive dignitatem; si tamen turris ab emphyteuta sit extructa, solo cedit, si modo licentiam ædificandi habuit, nam apud nos turres, sine licentia ædificandi à principe concessa, non fiunt, Præcipue si pinnas habeant: quod si castrum expresse concessum sit, iurisdictionem secum trahit, & præcipue cum castrum conceditur cum omnibus iuribus & pertinentiis, aut si concedens aliquid sibi reservavit, nam reservatio hæc, aliqua retinet sive reservat, reliqua excludit, quæ non sunt reservata, & in dispositione includit & exceptio semper firmat regulam in non exceptis; Itaque dispositio castri cum omnibus suis iuribus & pertinentiis, non solum secum trahit iurisdictionem, sed etiam molas, licet non exprimantur, & etiam omnes reditus, flumina, rivos, fontes, silvas, & silvestria omnia. Jure Anglorum turres omnes, quia ad defensionem seu munitionem regni extructæ tantum præsumuntur, ad regem pertinent, ad quem & regni defensio; quod si idem & jure nostro observari quis dicat, non ut opinor aberrabit, cur enim, qui turrim sive fortalitium suum regi denegat, crimen Læsæ majestatis incurrit, magis quam si equum, aut aedes aut rem aliam, nulla alia ratio probabilis reddi potest, nisi quod negatio hæc, ex jure feudali, regem & dominum videtur privare jure sui domini, & species quadam purpresturæ est, at alias res nostras principi poscenti possumus negare sine perduellionis periculo. Baronía autem nomen universitatis est, sive iurisdictionis; itaque omnia, quæ ex universitate sunt, secum trahit: neque tamen minus aedes & domus transeunt, etiam si non exprimantur; sed omnia, ut magis caveatur, solent exprimi, Idem de boscis, planis, moris, marefisiis, licet de iis nulla mentio facta sit in dispositione, rem tamen dispositam sequuntur; De viis & semitis aliquid majus est, viæ enim si de basilicis intelligamus, regales sunt & juris publici, ut ante diximus. De privatis itaque viis hæc verba intelligenda sunt; nemo enim privatus, nisi privatas vias concedere potest; viæ autem sunt quæ ad feudum ducunt, licet in alieno solo sunt; earum jus ut ipse concedens habuit, sic & in vassallum transferre potest: Idem de semitis intelligi puto. Neque hæc intelligenda sunt de iis viis & semitis, quæ per agrum concedentis patent, nam qui mihi aliquam rem disponit, omnia illa etiam disposuisse videtur, sine quibus uti illa re non possum, & si quis mihi fontem disposuerit, viam etiam ad fontem per terram suam disposuisse videtur, & eam, si alia uti non licet, præbere cogetur. Prata non minus in dispositione continentur, quam arva, sive (ut nostri loquuntur) terræ arabiles. Prata ea dicuntur quæ per decem annos proximos secta non sunt, quod si aruum factum sit, aut arari consuevit, cessat prati nomen. Pascua ex consuetudine ponderantur, & ex eorum natura; Si autem jus pascendi in quocumque loco concedatur, & glebas & alia focalia (1) ad focum pertinentia quis eruere potest; nam sub hac pascendi servitute, quæ magna est, reliquæ minores servitutes comprehenduntur: & ita decisum vidi; sed hæc non minus veniunt in dispositione feudi tacita, quàm expressa. Pastus sive pastura & de ea actio ponitur à speculatore, in Tit. de injuria & damno dato.

*Quid sit  
Baronia.*

De molendinis & multuris, quoniam graves quæstiones oriuntur, pauca adjicere licet; Molendini nomen non reperitur in hac significatione apud Latinos, nisi pro re ad molam pertinente, ut Paulus jurisconsultus Asinam molendinariam dicit, pro ea quæ ad molam pertinet; rectius molam sive moletrinam dicimus, pro eo loco, ubi frumentum ad usum humanum teritur, molæ superior pars, tortillus: inferior, meta dicitur; Molæ sive molendina sub dispositione non cadunt, nisi exprimantur, si modo aliqua fuerint, nam si tempore primæ concessionis molæ nullæ erant, quilibet molæ condendæ in suo potestatem habet, Alia causa est cur molendina exprimi convenit, nam si dispositio cum molendinis & multuris fiat, ab eo qui jus disponendi habet, liberat vassallum ab astrictis multuris, si forte ejus terræ, antea erant multuris pendendis in molis domini concedentis obnoxia; nam ex hac clausula dominus videtur eum liberare, cum jus ei permittat suas molas habendi; sane cur molendina, cum solo inhæreant sub dispositionem fundi non veniant, ratio probabilis vix reddi potest, nisi consuetudo quæ semper invaluit, Itaque putat Baldus sub nomine pertinentiarum contineri, præcipue si castrum cum pertinentiis concedatur: molendinum autem non dicitur nisi lapides impositi fuerint, Apud nos non nisi viginti quatuor horas molat, & exerceatur; Molendinum in publico fluvio sine principis licentia, extrui non potest; imo neque cum principis licentia, si modo usus navigationis, aut omnino impediatur, aut deterior reddatur, neque in flumine privato, in præjudicium alterius veteris molendini, non diruti, inferius existentis,

*De molâ  
sive molendinis.*

In præjudicium autem inferioris fieri dicitur, si quod de novo ædificatur, stagnare faciat aquam in inferiore: Pro reparando aquaductu sive clusa sua possunt imponere ligna & lapides in fundo vicinorum, invito etiam domino, sed non pro novi molendini constructione; De molendinis & quæcunque ad ea pertinent exacte Bartolus, Molendinum autem tanto tempore præscribitur, cujus initii non est memoria, Sed jus negativum non præscribitur, videlicet ne alii liceat ædificare, etiamsi fundum habeat astrictum, sive obnoxium in multuras alterius molendini, ita tamen ne quid multurarum aliis debeat intercipiat, ut mox dicitur.

Molitura (quas nos multuras dicimus) sunt mercedes quæ propriè pro opera dantur; & quilibet suos tenentes astringere potest, ut ad suum molendinum veniant, & segetes quæ in eo territorio vel crescunt, vel importata, aquam & ignem patiuntur (1) ultrino vel clibano præparantur, ibi molat; res quæ à modicis initiis orta, in magnum præjudicium excrevit, nam cum ab initio, nudæ tantum essent operarum mercedes, exactorum avaritia introduxit, ut certæ mensuræ pro qualibet Bolla, sive mensura ibi molenda, penderentur: eæ cum non exiguum fructum facerent, majores dominis visi fructus sunt, quam qui molitoribus relinqui debeant, itaque Domini persoluta mercede molitoribus, ipsi fructus eos sibi usurparunt; inde factum est, ut domini suos vassallos sibi astringant, nempe ad molendū in suo molendino, non sine summa æquitate ab initio, nemo enim inficias ibit ex æquo ipso & bono, vassallos, domini potius commodis inservire debere, quam extranei, & si fructus ex molitione segetum debeantur, eos potius domino suo appendere debere, quam extraneo; sed res in durissimam servitutem tandem evasit, cum domini vassallis suis primo astrictis ad molendum apud dominum, certam etiam quantitatem assignarent, quam vassalli pendere debent, alii majorem, alii minorem, itaque astricta multura non jam sunt mercedes operarum, (nam molitores pro operis suam quantitatem, licet longe minorem accipiunt) quam nos Knavischip dicimus, sed certæ pensiones quæ de molendinis & segetibus ibi tritis debentur, & inter maximos fructus prædiorum rusticorum numerantur; At dominorum iniquitas non his contenta, etiam siccas multuras introduxit, quas etiam deberi volunt, sive apud domini molendinum, grana molantur, sive non; cum ab initio (ut dixi) multura tantum deberentur, cum molitores faciles & non gravatas suas operas in molendis granis exhiberent.

Quibus molis astricta multura debeantur.

Astrictio autem multurarum duobus præcipue fit modis: primo per investituram in vassallis; cum dominus vassallo concedit terras suas, sub ea conditione, ut ad molendinum suum veniat, vel ut in astrictis multuris teneatur, Secundo in tenentibus, si dominus vel quicumque alius potestatem habens (ut in omnibus servitutibus constituendis) palam & in curia domini sui sive curte, publicè actum fecerit, sive sententiam dixerit, qua tenentes suos astringit, & obnoxios facit ad vehenda sua grana ad molendinum domini, eaque ibi molenda; aliorum dominorum tenentes obstringere non potest, neque enim in eos habet jurisdictionem aut imperium & his modis terræ, in multuras astringuntur: usus autem sive continua possessio, ad inducendam sive probandam astrictionem, sine horum alterutro non sufficit, non magis quam si per centum annos, unum iter incedam, iter efficitur meum, imo beneficii & grati tantum officii causa reputandum, quod per tot annos ad molam unam acceperim, à quo officio liberū est, cum libuerit, me expedire, nisi aliqua servitutis constitutio appareat; In molis tamen regibus perpetuus usus pro constitutione est, cum Rex multa jura possideat etiam sine sasina, quia de omnibus terris ratione coronæ videtur sasitus, Itaque diutina possessio in his pro constitutione servitutis est: sunt qui idem in molis Ecclesiasticis putant, quod non probo.

Licet autem ipsa astrictio, per longi temporis usum, probari non possit, quantitas tamen astrictionis potest, ut in tanta quantitate, pro molenda unaquaque mensura, quis teneatur, quantam per viginti, triginta, aut quadraginta annos solitus est præstare.

Quæsitū autē vidi, utrū vassalli terrarum quæ multuris domini sunt obnoxia: veluti si in investituris vassalli se obstrinxerint expresse ad annuas pensiones, pro astrictis multuris, utrum hi possunt molas in suo ædificare: Rationem dubitandi facit, quod ii, cum multuras de omnibus segetibus crescentibus aut illatis debeant, aliorum frumentum ad sua molendina pertrahere non possunt: sed prudentioribus aliter usum, quemque in suo, molendinum extruendi jus habere, & extraneorum (quos feudista forinsecos sive forenses vocant) grana ad suum molendinum pertrahendi; modo ipse suas segetes dominicæ molæ subiciat, suasque pro iis multuras solvat, & sic servitutis pristina onera subeat: neque enim debet dominus, vassallo sua cōmoda invidere, modo in eis percipendis vassallus id, in quod dominus tenetur, cum fide solvat: itaque aliunde & extra territorium domini advectas segetes molvere potest, proque molendo debitas multuras capere.

Quod



Quod ad nostrum jus scriptum attinet, relatum video ex statutis Gulielmi Regis, ut qui habent molendina in suis terris, simul habere teneantur magistrum & duos servientes, sive famulos, qui jurent fidelitatem domino loci & hominibus suis: Et liber homo dabit decimum sextum vas, vel vicimum, vel tricimum, secundum quantitatem in investitura contentam, sed communem quantitatem esse unam firloam ex viginti: Si vel molendinum fractum sit, vel cursus aquæ impediatur gelu aut aliunde, molendinarius (quem Latini molitorem dicunt) sive magister ibit cum hominibus sui domini, per viciniam & faciet conventionem, sive conveniet cum molendinariis, de reficienda mola, sive cursu aquæ restituendo, idem in molis manualibus: si quis emat blatum in aliqua Bothna, & transeat ad aliam Bothnam, & ibi moram faciat ad tabernam comedendo, vel bibendo, & ponat sacculum suum super firmarium Domini vel infra domum, multuram solvere cogetur; Item si quis capiat ad firmam aliquam terram in aliqua Bothna, & post terminum recedere voluerit, habeat semen suum quietum à multura, & totum bladum ad decimum nonum, sive unde vigesimum vas; si aliquis assuetus sit, transire in occulto ad aliud molendinum cum blado suo, absque molendinarii licentia, & per servientem domini sui sit captus, dominus habebit equum & molendinarius saccum & bladum; item si aliquis firmarius reddiderit terram domino, & fecerit finem cum molendinario de multura, ipse qui intrat, duas habebit partes multura, & qui recedit habebit tertiam partem ejusdem multura. Statutum hoc in multis locis corruptissimum est, sed quia prima videtur fundamenta multurae astrictæ continere, aliqua de ea sunt apponenda. Quod ad mensuras attinet, quæ in prima parte statuti pro multuris constituuntur, tota ea res ex ipsius investitura, aut saltem acti curiæ tenore pender, alioqui usus & consuetudo pro lege est: recte etiam juramentum à magistro molendini rex exigi voluit; neque enim fallacius ullum genus hominum est, & hoc in usu hodie observandum censerem: De molendino fracto, aut eo cujus aquæ cursus gelu impeditur, cur molendini magister in circuitu faciat conventionem nescio, locus sane suspectus est, & ut apparet adulteratus, cujus sensus vix elici possit; Idem in sequenti clausula, nisi quod sensus hic esse videatur, ut si quis emat grana in alieno territorio sive districtu, nam Bothena legendum esse, (quod territorium sive districtum significare locus ipse evincit) nemo non videt; De taberna sive comedendo & bibendo, omnia corrupta, puto legendum ad tabernam; Per tabernam jurisconsulti intelligunt tabernam negotiatoriam sive cauponariam, & quod ponitur super furnum, aut clibanum solvet multuram, quod nos vulgariter dicimus pati ignem & aquam atque furnum legendum puto sive furnarium, De hoc multura & ex jure, & ex usu nostro quotidiano solvenda est. In alia clausula. Si aliquis assuetus transire &c. legendum procul dubio astrictus, ut sit sensus, Si aliquis qui alicui molendino astrictus est, occultè in fraudem suæ astrictionis, ad aliud molendinum sine molendinarii consensu abjerit, & in transiione deprehensus fuerit, à serviente sive feriando domini sui, equum & bladum cum sacco amittere; quod tamen hodie, in usu nostro, per omnia non observatur; Solent tantum qui molendinis inserviunt faccum cum granis equo dejicere, saccumque & quæ in eo sunt, domini sui fisco adjudicare, relicto equo; quem morem & in universa Gallia & Normannia observari certum est; nam qui molis præ sunt, si tenentes alio auxerint sua grana, poterint intra territorium domini sui distringere, granaque sua domini fisco applicare, per Declaratoriam in sua curte pronunciandam, si intra territorium grana non deprehendantur, sed avecta esse constat, magister molendini, cum qui offenderit, in curia domini sui convenire potest pro multura solita, & multa propter peccatum domino applicanda; Idem apud Gallos in furnis multorum locorum observatur, sunt enim & furni in multis locis, in quibus tenentes suos panes, & cetera quæ per ignem humano usui parantur, coquere tenentur, proque excoctione, mercedem solvere. Sed ut ad nostros mores redeamus, aliud etiam in scripto jure nostro continetur, nempe si quis emerit bladum (Gallica vox est pro granis) in portu domini regis ad naves, vel à burgensi, ad granarium ipsorum potest ire, per quatuor partes ubi voluerit, vel ad molendinum illud (aliquod legendum puto) bladum absque contradictione libere & quiete poterit asportare.

Liberatio autem ab his astrictis multuris fit vel expresse, remittendo: vel tacite, nempe cum dominus, cujus molendino terra prius astringebatur, eandem terram disposuerit, cum molendinis & multuris; Nam tacite qui privilegium molendini & multurae disponit, renunciare videtur omni astrictioni.

De sequelis molendinorum, quid ea vox trahat, sunt qui dubitant: puto benevolentiam sectatorum significari (1) ut ii significantur, qui ea molendina sectantur, sive querunt, quemad-

Statutum  
Reg Gul. de  
molis &  
multuris.

Suomodo  
liberatio  
conceditur  
ab his astrictis  
multuris.

dum & Hamefuckin dicimus de eo, qui quempiam occidendum in domo sua querit, & hæc de molendinis.

*De aucupationibus piscationibus & venationibus.*

Aucupationes, venationes, & Piscationes, cum fundo transire, Nemo unquam dubitavit, ita ut qui feudum accepit, aucupari, venari, piscari in eo possit, & etiam alium externum prohibere ne aucupandi, venandi, aut piscandi causa ingrediatur, quod si quis ignaro domino ingressus fuerit, & ex aucupio aut venatione ferorum animalium, quid acceperit, suum facit: non item si in alieno vivario piscatus fuerit, nam pisces in stagnis & vivario sunt tanquam animalia caveæ inclusa in dominorum potestate.

De Piscationibus aliquæ quaestiones quotidie moveri solent, quid sub illa contineatur, an aliquid mavis jus, quam competeret, si earum nulla esset mentio in investitura? & an sub nomine libertatum, Privilegiorum, & utilitatum veniant? Sane ut hujus quaestiones origo altius repetatur, certum est ex jure, quod in mari aut etiam in flumine Publico, quatenus Publicum est, cuius piscari liceat, adeo ut si quis ab alio piscari prohibeatur, actionem injuriarum contra prohibentem habeat, Progressu tamen temporis factum est, ut neque mare, quo ad Piscationes, publicum esset, & ut privatorum in eo propria essent Piscationes; Nam Leonis imperatoris constitutione 57. cavetur, ut ejus esset piscatio in mari, cujus five maritima ora five fundus adjacens est, & Bartolus plane asserit ejus esse mare, cujus proxime continens regio adjacens est, & proinde mare Scoticum dicimus, quod littori Scotico propinquius, sic Gallicum quod Gallico, Hispanicum quod Hispaniæ adjacet, itaque certum est nos alienigenarum five exterarum piscationes prohibere posse, quod maximo nostro malo Batavis permittimus, cum in eorum mari Scotos libere piscari non permittant, ut nec Angli in Anglico nec Galli in Gallico; nam si insula in medio mari nata, ejus ditionis efficitur, cujus continens adjacens, profecto & piscationes in mari, proxime adjacentis continentis esse debent: neq; hic consuetudo excusat; Nam unius gentis consuetudo ad id tollendum, quod omnium consensu introductum est, nempe ut continentis proxime adjacentis mare esset, non sufficit; licet alioqui inter privatos ejusdem jurisdictionis, piscationes aut permittantur, aut prohibeantur ex usu & consuetudine, quæ semper in eis prævalet. Bartolus duplex jus piscationis facit, unum quod à principe impetratur; quo quidem mihi innuere videtur, piscationem jus esse regale, quod nisi à principe conferri non possit, nec in privatorum dominio esse; nam quæ antiquitus publica five juris publici erant, hodie principi, qui Reip. personam repræsentat, seu propria adjudicantur; Alterum quod privati sibi ex diuturni temporis consuetudine, cujus inchoatæ memoria non extat, præscripserint; Nos etiam duplicem piscationem facimus, sed alio modo distinctam: unam Salmonum, alteram communium five alborum, (ut loqui solemus) piscium; Salmonum piscatio in feudi dispositione generali non venit, nisi exprimatur; neque sufficit, generalis illa dispositio, Cum piscationibus, nam Salmones non comprehendit, & hæc est communis opinio, Salmonum piscationem inter regalia numerari; quæ nisi expressa sit, non censetur concessa, nisi forte terræ in baroniam dentur, Nam hanc vocem Baroniam, corpus universitatis & omnium quæ in eo territorio sunt, referre constat, adeo ut non solum Salmonum piscationes, sed etiam molas, silvas, turres, & si quæ alia sint, quæ exprimi necesse est, comprehendat, Sunt etiam qui probabili ratione moti, nec sub baronia nomine comprehendere putant, quia quas rex expresse non disponit sibi retinere videtur, & proinde nisi expressa mentio piscationis salmonum fiat, non venit sub feudo. Novi sane plerosque viros nobiles ex hac generali clausula, Cum piscationibus, etiam salmonum piscationem præscripsisse, & propriam fecisse, à quibus eas auferre durum esset, quod à jure communi non abhorret. Aliorum autem piscium piscatio sub generali illa clausula continetur: imo licet piscationis clausula non exprimatur, natura feudi ea est, ut communem piscationem secum trahat, secundum Leonis Imperatoris constitutionem, ut antea diximus; hoc autem in piscatione discriminis est, ut si quis animi causa & non lucris aut compendii piscari velit, puto ei illud etiam in privatis piscationibus licere; secus ubi ordinaria instituta est piscatio.

*De petariis turbariis.*

Petaria, turbaria, voces sunt nostrates, rara enim sunt, apud alias gentes; nulla inter Romanos fuerunt; ea, loca inter nos significant, ex quibus glebas & turbas five turvas quæ focalia dicuntur eruere solemus; & quoniam ut voces, sic res ipsæ, aliis ignotæ, nobis vero notissimæ sunt, in earum explicatione non morabor.

*De carbonibus.*

De carbonibus & carbonariis, an ex dispositione feudi vassallo cedant, major est quaestio; & sane si expresse in dispositione contineantur, cessat dubitatio; In dispositione contineri, aliquid tum dicitur, quando ante clausulam, (Tenendas) apponitur; Nam clausula hæc (tenendas) non est clausula dispositionis (ut dixi) sed tantum executionis ut vult Zasius, Alii putant

putant sufficere si in clausula post(tenendas)exprimantur; non nulli etiam si non exprimantur modo non excipiantur carbones venire credunt, quod omnia quæ sub illo fundo continentur,comprehendant,& ut nostri loqui solent,omnia quæ inter cælum & inferos sunt; Movet quaestionem quod carbones sunt fodina, quæ inter regalia numerantur, nec concessi videntur nisi exprimantur,& quod sint pars fundi,non privilegium ex fundo,Omnē tamen dubitationem duæ à senatu pronuntiatae sententiæ sive decisiones excluderunt,Una erat inter Campbellum Vicecomitem Airensem, & Chalmerum à Gathgertius, qui cum in terris antea sibi à Vicecomite alienatis, carbonifodinas tandem exquirendo reperisset, & cum eorum fructus colligere vellet, Campbellus interpellavit, quod in tenore dispositionis nihil esset de carbonibus expressum, viz. neque in clausula dispositionis, neque executionis.Itaque quod non expresse erat in dispositione, dominus sibi retinuisse videtur; In senatu tamen Gathgertius obtinuit, quod concessio solo omnes ejus partes concessa viderentur, itaque non minus carbones qui ad focum eruuntur venire, quam ex jure civili lapicidina, creta,fodina, aut marmorifodina dicuntur,quas certum est sub dispositionem cadere, etiam si non exprimantur; Gravior erat altera decisio inter Robertum Setonium suæ familiae principem & ejus matrem, nam cum ex jure nostro tertia pars omnium fructuum ex prædiis præmortui mariti, ejus conjugii sive relicta debeat pro toto tempore vitæ suæ, illa etiam petiit tertiam partem Carbonum ex eo quod fructus carbonarii essent amplissimi; at filius eo se tutatus est, quod carbones non magis essent in fructu,quam silvæ caduæ,utraq; enim erant pars ipsius fundi,& tamen in fructu non numerantur: vicit tamen in eo judicio mater & ei tertia fructuum carbonum venditorum attributa, non quatenus ad ejus usum tantum necessarium erat, ut in silvis caduis jura præcipiunt & fieri quotidie folere videmus; neque enim unquam tertia terræ,impedimento fuit domino,quo minus universam suam silvam venderet, quod nuper inter Ramseum de Dalhousy & Mariam Bellendinam prædecessoris sui conjugem factum vidi; Sane si judicium meum interponere in re tanta auderem,neque dominae tertiæ, ut loqui solemus, neque ipsi usufructuaria, quæ tamen domina conjuncta inf feudationis dicitur, permittendum putarem, ut tertiam partem carbonum lucrentur aut aliquid ex iis ultra usum necessarium habeant; Nam licet jus expressum de ea re non habeamus, idem jus in carbonifodinis servandum ratio suadet, quod in silvis caduis nuper ex jure dixi servandum: neque ratio differentia facile reddi potest, utraq; enim pars fundi sunt, neque sine deterioratione aut diminutione fundi separari possunt à fundo, itaque idem jus sequendum in utroque putarem cum proprium jus in hac re deficiat; Nam si silvas & carbones fructus esse concedamus, qui custodias terrarum habent, quas nos Wardas dicimus, impune eos suos facere, & terras eorum fidei commissas exhaurire possent: Certum enim est eos durante custodia omnes fructus suos facere,quos dominus cum in tenemento seu feudo est, sibi solet vendicare: Itaque immixtis multis effossionibus durante custodia,multiplicataque venditione, carbonarii sive carbonifodinae omnem usum in posterum exhaustis carbonibus tollent, & proinde inutile feudum expirante custodia hæredi relinquent: cum tamen aliqui teneatur custos terrarum,feudum,quod in custodia habuit, hæredi post vicesimum primum annum in eadem bonitate & qualitate restituere, in qua accepit: idem in eo,qui ex annali rebellione vassalli,feudi usumfructum, tanquam domini eschetam nactus est; nam ne huic quidem permittendum fundum carbonibus exinanire, ut neque crescentes arbores, sive silvas cadere, ut nuper accidit inter Nidream & Edmestonium. Sed altius hæc quaestio agitari potest, nempe cum feudum alienatur sub pacto de retrovendendo, quam reversionem vocamus,cui etiam post redemptionem assignatio novemdecim annorum adjicitur plerunque, an is poterit carbones, si quorum forte fodinas reperit eas manente assignatione inanire; aut alienatione per redemptionem extincta, durante spatio undeviginti annorum, per continuam effossionem & venditionem exhaurire; Sane non credam, non magis quam si simplex locatio novemdecim annorum esset; fundus enim locatur ut frui liceat, non ut minuatur, aut colono fundum locatum deteriorare liceat; si fecerit,in eo quod interest,tenebitur domino, cui perpetuo jus prohibendi competit.Idem de his æstimandum, qui sub pacto de retrovendendo fundum emunt, aut alio modo accipiunt: Nam in his alienationibus,crederem eum qui alienationem accepit, carbones effodere non posse, ut neque silvas cadere, arbores fructiferas aut crescentes tollere: ratio est hæc, quod idem retrovendere & retrocedere teneatur quod acceperat, & non deterius, neque aliqua ex sui parte diminutum: idem autem non potest reddere, cum aliqua ejus pars imminuta sit; nam carbones partem esse fundi diximus, & solo ut silvas inhærere, tan-



tanquam ejus partes, licet enim is qui alienationem accepit, sit interea dominus, aut saltem quasi dominus, & re sua uti vel abuti pro arbitrio possit, & consequenter ejus utilitates imminuere: scire tamen debet rem restitutioni obnoxiam, & aliquando rationem sibi reddendam, si rem aut corruperit, aut corruptam reddiderit; fundumque qualem & quantum acceperat, restituere tenetur, licet à communibus utilitatibus, durante alienatione, non prohibeatur.

Sed in his omnibus animadvertendum, an hæ carbonum fodinæ, ante alienationem sive in ipsa alienatione exercebantur à domino; nam eo casu, ei qui alienationem accepit, permittendum puto, ut eodem modo ipse utatur, eosque fructus colligat, quos dominus solebat, hoc enim videtur inter eos conventum, nec fortasse alias fundum empturus tanti fuerat, quam respectu carbonum fodinæ quæ jam exercebatur, dominusque cavere debuit, cum sciret rem suam præsentem agi, quid de carbonibus & carbonariis fieri voluisset: sed si nihil de ea re provisum est, proculdubio qui alienationem accepit, carbonibus eodem modo uti potest, quo dominus antea solebat, siquidem dominus imputabit, quod in alienatione nihil caverit, cum fundi conditionem ignorare non potuerit: quod tamen in dominarum tertiis licere non puto; imo ne in conjunctis infeudationibus aut assedationibus quantumvis longi temporis; ita tamen hæc omnia temperanda sunt ut semper ad usum quotidianum, carbonibus vel antea inventis vel de novo repertis uti liceat, si modo aliud non convenierit: sed non sine ratione dubitari potest, de eis carbonibus, quæ subtus fundo maris effodiuntur, eo enim hodie processit hominum industria, ut etiam subtus mari & intimis terræ visceribus carbones inveniantur, aperto orificio juxta litus, discensuque ibi facto & subterraneis cuniculis sive meatibus mare versus, etiam subtus maris fundum discenderint, ibique abstrusos & latentes carbones in usum hominum producant; nam cum mare sit juris communis, quicquid supra ad cælum, quicquid inferius ad manes, videtur ejusdem juris esse debere, & proinde cum nullius in bonis sit, inter regalia annumerandum, Sed ut aliquod industriæ sit pretium, & meritis Laboribus suis honos, carbones hi lucro effodientium cedunt, nec de eis ulla contra eos movetur controversia, ut nec de piscibus, quos in mari quis capit, neque de salinis quæ ex marina aqua exercentur.

*De lapidicinis.*

Lapidinas cum fundo transire sine controversia est, sic & Cretæfodinas & marmorifodinas: nam apud nos marmoris omnis generis fodinæ sunt repertæ, sic & calcis, arenæ, picis, & sulphuris. De Salis fodinis dubitari potest, nam licet ratio eadem pro salis fodinis faciat, quæ pro aliis; puto tamen salis fodinas inter regalia numerari, & juris esse publici; id tam usu quam Scriptorum autoritate probatur; nam apud Livium, salis vectigal apud Romanos fuisse constat, Altero enim (ait ille) anno post exactos reges, salis vendendi arbitrium, (quoniam immenso pretio vanibat) publicum, omni ejus commodo adempto privatis, factum: Sic secundo bello Punico Claudio Nerone, & Marco Livio censoribus, novum vectigal institutum est, ex salaria annona; Et enim cum sextante sal Romæ & per totam Italiâ venderetur, eosdē censores pluris in foris, & conciliabulis, & alio alibi pretio præbendū locasse ac pretio salis tribus onerasse scribit, unde Salinarii cognomen Livio factum: de Salinarū fodinis meminit Caius jurisconsultus, salinarū fodinæ hodie sunt, in Gallia, in Lotharingia, & Polonia, & plerisque aliis regionibus, ibique sunt publici juris: sed sal, quod ex industria alicujus fit, ad eum cujus fundus est & qui fieri curat, pertinet, ut dixi. Auri, Argenti, æris, plumbifodinæ ad feudatarium non pertinent, sed ad regem & inter regalia numerantur, ferrifodinas privatorum esse censeo, quod rari ex iis sint fructus, neque sine maximo impendio colliguntur.

*Cum cuniculis, &c.*

Cum cuniculis & cuniculariis &c. De præsentibus illud intelligi puto, nempe qui cunicularia ex eo tempore cujus non est memoria præscripserit, is ea retinere potest, nova instituere posse non creditur, neque enim sine maximo incommodo vicinarum segetum fiunt, itaque dominis cunicularia permittenda puto, quoties ea domini sui arvis includuntur, & ejus segetes periculo propiores sunt, quam vicinorum; Cur sic sentiam, cum legem scriptam non habeam, nec in Senatu decisum viderim, ratio hæc est, Memini me legisse, Joannem regem Galliæ circa annum 1355 statuto cavisse omnes extensiones veterum cuniculariorum, omniaque nova cunicularia constructa, quæque sui domini essent dirvenda, cum culturæ agrorum nulla sint animalia infestiora quam cuniculi, imo & plerunque manibus urbium ab eis periculum immineret, ne subterraneis meatibus corruant; in Balearibus insulis, ut testatur Plinius, tanta fuit cuniculorum fecunditas, tam infesta campis & domibus, ut prætorum à senatu petere cogerentur cum exercitu, ut eorum injuriis occurrerent.

Quod

Quod ad columbas & columbaria attinet, non cuilibet indistincte columbaria habere licet, *De columbis* quoniam gravissimæ sunt columbæ segetibus alienis, sed apud nos eis tantum permittuntur, *&c.* qui sex acras terræ habent. In Gallia Pappo affirmat, jus cuique esse in suo (etiāsi nihil aliud habeat nisi aream ipsius columbarii) columbarium habere, etiā invito domino feudi, nec cohiberi posse à vicino suo, etiāsi maximum ei præjudicium imminet, & sic iudicatum à Parisiensi senatu affirmat; At Normannicarum constitutionum scriptor contrarium asserit in Normannia observari, constitutionemque Normannicam in anno 1276 factam, in hæc verba recitat, De columbariis factis extra feudum seu membrum feudi de Lorica, concordatum est ad quæstionem communis patriæ, (communem dicit pro communitate live tertio statu) quod omnia columbaria facta & extructa, extra loca prædicta, à viginti annis & citra diruantur, & alia, eo modo, non ædificentur: Aliquot decisiones scriptor ille adducit, prout in senatu Rothomagensi iudicatum est. Sane apud eos columbaria non transeunt in feudatarium, ut neque molendina, nisi exprimantur, nec cuiquam licet, alio loco, nisi super feudo nobili, columbaria ædificare; imo quod maius est, multi rerum Normannicarum peritiores nec in feudo quidem lorica, plura columbaria uno, licere censent construi, & si feudum lorice inter filias, & plures hæredes dividatur, columbarium in partitione per sortes veniet; nec aliis cohæredibus, quibus ea fors non obvenerit, nova columbaria extruere licebit, & ut plurimum columbarium principali domui adhæret & annexum est. Hæc de columbariis, quæ cur ad cunicularia trahi non possunt non video, cum eadem in utrisque ratio militat: Nostri mores, potius cum Normannicis, quam aliorum Gallorum conveniunt, nam columbariorum jus ab eis in Angliam, ab Anglis ad nos pervenisse, credibile est.

Hortos, pomeria feudo accedere, nunquam in controversia positum, pomeria hic pro hortis *De hortis,* frugiferarum arborum capiuntur, aliter, apud latinos, pro eo loco qui tam intra quam extra *&c.* muros est; murum enim antiqui merum dicebant, locusque is in condendis omnibus urbibus inaugurabatur, neque in eis magis habitare licuit, quam in ipsis muris, qui sacri erant: Nostri dum nomen hoc à pomis deductum putant, pro loco spaciofo frugiferarum arborum usurparunt; fortasse quod lapsu temporis, licet in iis habitare nefas esset, ornare tamen & arbores ferere permittebatur.

Fabrilia, brasina, brueria solent exprimi, quia antiquitus non licebat, ubicunque quis vellet, fabricam extruere, neque brasinam, aut brueriam (utor forensibus vocibus) exercere, *Cum fabri-* nisi expresse à domino concederetur, nam cum ad hoc genus hominum turbæ sapissime necessitate adductæ confluere soleant, cum eorum commodo, id sibi domini arrogarunt, ut nemo hæc exercere possit, nisi cui à domino loci specialiter esset permissum. Fabrorum maximus est in agricultura usus & tam in conficiendis quam reficiendis armis rusticis, & feramentis equorum solent adhiberi, itaque cum usus magnus esset, commodum aliquod necesse sequi oportuit: quod tamen nulli dominus permittere solet, nisi specialiter expresserit. Idem de Brasiatoribus sive pollentariis & cerevisiarum excoctoribus, Brasiatores, non incommode polentarios dici puto, quæ vox & apud Plautum in Curculione reperitur, pollenta autem ita præparatur, ut testantur prisca autores, cum hordeum, aqua prius perfusum una nocte, postero die frigunt sive torrent, postea molis frangunt, servaturque in multos dies, Hæc Plinius, qui & cerevisiam definiens, siue describens, ait potum esse, ex aqua & frugibus confectum, & præcipue ex hordeo madefacto & rursus clibanis siccato, addito lupi salictarii flore; quo potus genere etiam hodie pleraque Gallia, & Germania loca, Britannique universa, vini inopiam suppleant, Sic Zythus in Ægypto, in Hispania & Gallia & apud Helvetios. Hæc ideo, non minus ad vocis explicationem, quam ut nostri sciant usum cerevisiæ, pervertutum fuisse: alio loco Plinius vinum è frugibus vocat, ut à vino & vite distinguat, Quod ad vocem Brasii attinet, pro hordeo madefacto & postea siccato clibano, & molis deinde trito & sic pro pollenta apud nos sumitur, vulgo (malt) dicimus, At brasiatoris nomen, non pro ipso confectore pollentæ sive brasii, in scriptis nostris legibus sumitur, sed potius pro eo qui cerevisiam excoquit, & venum proponit, ut videre licet, in itinere Camerariæ, & libro de iudiciis; nos hic per brasinas, loca in quibus brasii conficitur cum clibano intelligimus; nam hac voce Plinius utitur, quam nos (Kill) vulgariter dicimus; itaque brasinas à brueriis vulgo distinguimus, quod illæ, locum significant, ubi hordeum conficitur: hæc, ubi cerevisia fit, & excoquitur.

Per genestas vel genistas nihil aliud intelligo, quam arbusculas humiliores, quas nos *Cum gene-* (quhyannis & broome) dicimus, quarum secundarum in usum brasinæ sive bruerii, potesta- *stia.* tem feudatarius per investituram accipit.

*Cum filvis.* Per silvas, nemora, & virgulta, omne genus arborum comprehenditur sive ea sint magna, sive mediocres, sive omnino humiles, Apud nos tamen quaestio fuisse, saepe audiui à M Davide Makgilleo Viro clarissimo & avvocato regis, qui silvas nisi speciatim nominentur, sub generali dispositione comprehendendi non putavit, exemplum adduxit inter Somervellum de Camnethen & dominum Jacobum Hammiltonum: hic enim cum multas actiones undique coemptas corrasisset adversus Somervellum, & omnes ejus terras & Latifundia haec subjecta sibi appropriasset, silvasque dejecisset, tandem cum Somervellus Hammiltonium in iram regis incurrisse animadvertisset, captata occasione, eum convenit pro caesa silva sua & pretio maximo arborum ibi crescentium, quas Hammiltonius quasi sibi appretiatas & solo cedentes dono aut venum dedit, sententiamque pro se ad maximam summam nactus, omnes eas terras rursus ex manibus dicti Hammiltonii haec subjectas ad se retraxit, quasi appretiatas terris silvae non cessissent, sive in appretiatione non continerentur, Hodie universaliter observatur apud nos ut, silvae etiam feudo concessio cedant, etiamsi non exprimantur.

*Cum nemoribus.* Quid discriminis inter nemus & silvam ad grammaticos remitto, nam nemus pars quaedam aemior silvae est, silvae nomen generalius. Unde Virgilius,

*Interea videt Aeneas in Valle reducla  
Secussum nemus, & Virgulta sonantia filvis.*

Ex quo loco & nemus & virgulta partes fuisse silvae facile cuivis est colligere, & utraque in silva fuisse; Apud Gallos & Anglos qui nullum ignem nisi ex caesis filvis habent, multae leges de silvis sunt, ne privato cuivis eas cadere pro arbitrio liceat, Apud nos, quoniam carbonem & Glebæ ex terra, sufficiunt ad omnem materiam igneam, & eorum quæ per ignem conficiuntur, silvarum honos vilior est, nec nisi voluptatis aut aemionis causa servantur, nisi forte ad feras bestias, capreas, sive damas, & equorum greges pascendos separentur, & hæc propriè sunt nemora, *sed non videntur* ad pascendo dicta, quæ quoniam ad usum nostrum non pertinent, prætereo.

*Cum virgultis.* Virgulta nihil sunt nisi virgarum pullulantium multitudo, quæ proculdubio etiamsi non expressa fuissent, feudo & silvis accederent; sed nostri, dum ne quid omissum volunt, nihil intactum reliquerunt, sufficeret sola silvarum mentio, pro genestis, Nemoribus, & virgultis.

*De curiis &c.* De curiis & earum exitibus, aliqua quaestiones sive dubitationes nascuntur quotidie; Quod ad curias sive jus curiæ pertinet, vassallus nunquàm illud usurpare potest, nisi specialiter illi à domino suo fuerit concessum, Per curias, jurisdictionem sive juris dicendi inter suos potestatem; Per exitus curiæ multas, & reliquas obventiones (ut dici solet) intelligimus: Jus itaque curiæ tenendæ, sive juris dicendi cum conceditur, illud tantum intelligitur, quod inter tenentes sive colonos ipsius domini dici potest, si forte quaestio pecoris pascendi, pauperiei factæ per pecudes, aut mercedum sive pensionum pro cultura agrorum solvendarum interveniat; vel inter eos qui domino & ejus feudo subditi sunt, vel etiam inter ipsos tenentes & dominum, si dilatio in solutione per tenentes fiat, nam in his casibus, vassallus, quatenus ei conceditur, domini est quasi deputatus, ejusque vice & officio fungitur; & quod majus est, in sua causa judex esse tunc potest dominus; At in re graviore vel gladii potestate, solus judex regius cognoscit; gladii enim potestatem, nemo, qui ab alio quam à principe habet, delegare potest; illud tamen generaliter observandum in delegata hac curia, sive jurisdictione, quod nunquam privativè, sed tantum cumulativè delegari possit; non enim est, quasi translatio juris ex una persona in aliam, sed tantum mandata jurisdictionis, quæ non obstante delegatione sive mandato, adhuc remanet in delegante, eo etiam major quod substituere possit; nam hi feudatarii vices tantum dominorum obeunt, locaque eorum suppleant, nec minus dominus, post investituram vassallo factam, jurisdictionem & curiam cum districtu retinet, quam ante eandem investituram.

Curia autem & curtis idem significant, nempe locum, in quo jurisdictio solet exerceri, qui plerumque erat in palatio domini sive manso, ad quem tenentes convenire tenebantur; translative pro ipsa jurisdictione, sive actu judicandi aliquando sumitur. Cum curia conceduntur etiam officarii, adjudicatores, & executores judiciorum; sive eorum creandorum potestas, quia (ut ante monui) concessio uno, ea omnia concedi videntur, sine quibus jurisdictio illa exerceri non possit.

*De bluidivitiis.*

Sequi solet curias & earum exitus vox bluidivitis, quæ nihil aliud est nisi multa ejus, qui



qui in rixa vulnus inflixit. Wyte enim injuriā significat, Bluidwyte eum ex cujus injuria sanguis est effusus; neque tamen vassallus, qui non habet gladii potestatem de omni vulnere cognoscit, sed tantum de eo, ex quo neque membrū, neque membri usus in periculo est, illud nos mutilationem vocamus, cum membrū detruncatur, ac cum inutile ex vulnere redditur, Hæc ad superiorem jurisdictionem cogitur vassallus remittere, De his inferioris generis vulneribus cognitio tam ad dominum, quam ad Vassallum pertinet, & uterque citare reos apud se accusandos potest, sed cum nemo pro uno facto duo diversa judicia apud diversos judices sustinere debet, utri obediendum quæret aliquis, si uterque judicio contra vulnus inferentem agat? & hanc quæstionem graviter agitatam inter dominum de Innerleyth, & Lausoun ejus vassallum vidi, quæ tamen decisione non est finita, sed transactione; Quod ad me attinet, puto locum esse præventioni; alioqui si dominus superior expectabitur, donec is judicium acceperit dilationes multæ nascentur, in tumultibus & maleficiis, quod non est ferendum; si uterque simul & ad unum diem reum citaverit, superioris domini conditionem priorem esse credendum est; Et licet curias tenere vassallo non liceat, nisi id expresse a domino habeat, feudum tamen semper concedi videtur cum potestate colonos distringendi pro debitis feudi, hicque districtus naturaliter dispositioni feudi semper inest, & inhæret.

Herezeldæ nomen nihil aliud quam domini debitum, & a Germanis vox deducta est, so- *De Herezel-*  
lebant enim coloni, ut grati animi significationem præberent, dominis suis optimum movens *dis.*  
animal testamento relinquere; hodie ab intestato domini etiam jus hoc usurpant sed sub hac moderatione, ut qui Herezeldam capit ex bonis defuncti, per annum & diem hæredes defuncti in possessione terræ a defuncto possessa retinere debeat; plura de Herezeldis qui velit, legat. D. Skynæum de verborum significatione, ut cuique suus stet honos illibatus ab alio.

Sequitur generalis clausula (cum comuni pastura) quæ jus pascendi in pascuis communibus cum vicinis significatur, hæc autem pascua, etiam non expresse, veniunt appellatione feudi aut *De communi*  
fundi, Pascua autem ea sunt loca, ubi pecudes sive pecora (quo nomine omnes pecudes, qua- *pascua.*  
les sunt oves, boves, equi, armenta, quæ gregatim gramine vescuntur, comprehendo) pas-  
cuntur. Hæc autem pascua vel sunt publica vel privata, pascua autem ea sunt publica, quæ  
sunt alicujus collegii aut universitatis: neque tamen promiscue omnibus ea permittenda sed  
tantū eis qui sunt ejusdem collegii aut universitatis. De his vide quid jus Casareum præscrip-  
sit: Sed si sint pascua universitatis viz. per universitatem empta, singuli ex ea universitate  
pascere possunt, nisi constet non empta ad commodum singulorum; In his publicis pascuis sive  
communi agro compascuo, quis ex usu & consuetudine jus pascendi habet, ita ut neque plura  
pecora, neque ultra stata tempora pascere quis possit; In privatis, si aliquid inter eos qui com-  
munionem servitutis habent, a principio constitutum fuit, id observandum pro lege erit; &  
ne fraus fiat, in pascendo semper observandum, ne morbosa pecora ex contagio reliquis pas-  
centibus noceant, juxta illud.

*Morbida facta pecus, totum corrumpit ovile,  
Ne maculet reliquas, est removenda grege.*

Si nihil in pastura constituenda cautum sit, tunc aut pro proportionalibus partibus fundorum  
quibus pascua cohærent, exerceri debent; aut ex usu & consuetudine præscripta in comunibus  
pascuis, pascendi modus potest præscribi; Quod si fundus omnino alienus est, veluti si domi-  
nus qui concedit feudum, jus etiam pascendi concedat, an etiam in fundo domini quis pascere  
possit? nam supervacua esset illa clausula in proprio fundo, ubi pascendi jus nulli unquam  
negatum fuit. Itaque cum servitus in fundo alieno esse soleat, quid importent ea verba, cum  
comuni pastura, sapius dubitatum vidi? Pro cujus nodi solutione sciendum est, aut pascendi  
jus in agro compascuo sive comuni pluribus feudis competente, aut in domini agro, aut suo  
constitui; in suo vana esset illius clausulæ adjectio, in domini aruo locum non obtinet, nisi  
specialiter designetur locus domini proprius, ubi jus pascendi exercere quis potest; imo neque  
domini fundo, neque alieno servitus unquam imponitur, nisi ea expresse constituitur, ab eo  
qui potestatem habet, nec præscriptio ultra hominum memoriam juvabit, & sic decusum vidi  
in actione mota inter Jacobū Dundas & Elphinstoun de Schankie, qui prætendebat  
sibi jus pascendi in terris de Arnestoun deberi, ex clausula in suo feudo a concedente domi-  
no inserta, nempe cum pastura solita & consueta, cum consuetudinem probare in se recepisset  
Elphinstounius, & temporis possessione ultra hominū memoriā allegasset; quod tamen aliter  
observatū pleriq; antea meminerant, & præscriptionem longissimi temporis, cujus memoria

non extat, in his sufficere; nam antiquitus pro lege in iis servitutibus erat præscriptio, etiam secundum jus civile; sed posteriora derogant prioribus; quanquam in concedentis fundo aliter quibusdam videatur, quod sibi imputare dominus debuit, qui non apertius clausulam concepisset, itaque clausula illa cum Communi Pastura tantum extenditur ad agros compascuos, live ea Pascua quæ in communi possidentur; In quo & hoc observandum, quod post concessionem juris pascendi, arctare aut imminuere non Potest, nec ipse concedens, neque quis alius ex eis qui communionis sunt participes; neque illam terræ portionem quæ Pasturæ destinata & relicta est, aut arare, aut colere, aut in alium usum transferre, quam ad eum cui destinatus fuit; ut nec qui pascendi jus habet, Pascua multitudine pecorum gravare potest, sed tantum pro rata Portione sui domini justum numerum imponere, ne aliorum, qui idem jus pascendi habent, deterior reddatur conditio; Hoc autem jus pascendi (ut dixi) omnes alias minores servitutes sub se comprehendit, veluti glebas, focalia effodiendi, cespites erendi, calcis coquendæ, & pecoris aquandi, adeo ut qui jus pascendi in suo feudo habeat, reliquis minoribus servitutibus pro arbitrio uti potest, ex illa regula generali, Cui plus licet multo magis & minus. Controversum autem vidi, an hoc jus pascendi in compascuo live communi agro dividi Potest, & sane ex consensu omnium, Viz. tam domini, quam eorum qui jus habent, indubium est dividi posse, non ipsam servitutem, quæ indivisibilis est, sed ipsam terram quæ servit; dubitandi rationem movet quod in jure tam Anglorum quam civili, nemo in communionem manere tenetur, nam commune solet discordias & dissensiones parere, sed longe elegantissima ratio redditur a Theodosio & Valentiniano Imperatoribus, Naturale vitium est, negligi quod communiter possidetur, utque se nihil habere, qui non totum habuerit, arbitretur, denique suam quoque partem corrumpi patiatur, dum invidet alienæ, Itaque pactum ne res communis dividatur, in jure reprobatur, quasi contra rempublicam & commoda publica factum. Et apud nos in eis quæ in communi possidentur, (neque enim de iis intelligendum qui tanquam cohæredes in unam rem succedunt, qui proculdubio inter se dividere etiam invitati cogi possunt, altero vel saltem uno ex cohæredibus ad iudicium provocante) & in eis quæ ad communem aliquem usum destinata sunt & in eodẽ usu continuo permanferunt, ut ager communis & compascuus dividatur, non licet a communionem recedere nisi omnibus consentientibus, qui jus in ea communia habent; sane in jure civili prohibentis rei communis divisionem melior est conditio; sed quod in ipsa communionem fieri non potest ut terra ipsa dividatur, tamen ut certis temporibus, aut certis locis pascendi jus dividatur, poterit quis jure agere; sic ut pro portione tantum hæreditaria, aut communionis, quis utatur communis, & ne excedat modum.

De libero introitu & exitu, certum est, rem ipsam semper comitari.

*De libero introitu & exitu.*

*De jure Patronatus.*

De jure patronatus dubitatum vidi an feudo accedat, si non fuerit expressum, sed & ipse textus & doctorum omnium sententia monet, ut si jus Patronatus sit feudo annexum non minus non expressum transeat, quam expressum, nisi forte specialiter excipiat in dispositione; nunquam jus patronatus per se transit, nisi cum eis terris aut earum saltem parte, quibus antea fuerat annexum; hodie patronatus omnis, qui antea ad ecclesias pertinebant, speciali statuto regi adjudicati sunt, & si ecclesiæ redditus 300 marcas non excedant, semper rex ad eos ministros verbi Dei præsentare tenetur.

*De Segetibus crescentibus.*

An autem feudo disposito segetes crescentes simul transeant, quæstio est? sic in lacu, piscina, stagno, horto, an & pisces præsentem in eis & fructus pendentes disponi videantur? Et hæc est feudistarum omnium sententia, fructus crescentes cum fundo disponi, pisces cum lacu, stagno, & piscina venire, sic silva in feudum concessa, & fera, & jus venandi simul concedi videntur, idẽ de universis aliis rei inhærentibus, quæ perpetui usus causa in feudo comparata videntur; qualia sunt oves, vacca, boves, nam ad fundum live feudum pertinent, ad exercendum live stercoreandum agrum comparata sunt. Hæc ex jure civili & etiam Anglorum, feudo accedunt, quasi fundi Instrumentum, Apud nos non item, nisi specialiter sint expressa, & quoniam res quæcum suis pertinentiis venit, & nomine pertinentiarum nihil est in jure feudali, & in foro frequentius, quid eo nomine contineatur, pauca dicenda sunt.

*De Pertinentiis.*

Pertinentiæ duplices sunt, aut proximæ aut remotæ: Proximæ sunt sine quibus res commode consistere non potest, veluti si castrum, oppidum, aut civitas in feudum dentur, arma, bellica tormenta, & etiam annona custodiendis iis & ad eorum tuitionem destinata veniunt, quia unum corpus sunt simul effecta, & sine iis castrum aut civitas commode defendi non potest.

Remotæ sunt ea, sine quibus res commode subsistere potest, secum tamen suas commoditates adferunt, ut sunt horrea, clibanum, stabula bouum aut equorum & quæcunque non tam

ad habitationem ipsam, quam ad usum & commoditatem habitationis sunt extructa, etiam pascua & nemora, Sed pertinentiarum nomine proprie veniunt, quæ ut pertinentiæ cum re ipsa longo tempore sunt possessæ, fundus autem qui non est contempnus sive contiguus, non potest dici pertinentia, nisi expressa unio fuerit; Quod si vel ~~de~~ alio domino teneatur vel non sit in territorio, sive eodem districtu, aut si specialis aliqua ejus pertinentiæ sit fasina aut si specialiter in charta comprehendatur, tunc sub nomine pertinentiæ non comprehenditur, nisi possessio (quæ semper judex est quæ sint pertinentiæ) aliud obtinuerat, possessio inquam immemorialis (1) cujus non extat memoria incipiendo ut antea dixi, Hæc sunt itaque quæ cum fasina & jure fasina in vassallum transeunt; Vassallus fasitus ut omnes utilitates suas facit, sic propter eas distringere & namare potest: Namandi verbum unde ad nos defluxerit multi quæstionem movent, sed vox est Normantica, ab eis ad Anglos, & deinde ad nos devenit, ita ut districtum semper significet siue executionem sententiæ in rebus mobilibus debitoris. Vassallus autem potest de feudo transfigere pendente lite, modo agnatis non præjudicet, (de hoc præjudicio agnatorum postea dicemus in titulo de jure primogenituræ) non tamen infcio domino nisi in familia retineatur; sic & compromittere vassallus potest in arbitrum, non tamen in arbitratorem: sic in modicum tempus locare, nisi in fraudem domini, & ut præjudicium ei fiat, Viz. si locatio hæc potentiori fiat, à quo tam facile servitia exigere non possunt; ratio omnium horum plenius explicabitur in titulo de recognitione; Apud nos ut alienatio prohibetur, sic omnis actus, per quem alienatio induci potest, ut ususfructus constitutio, & Locatio pro novemdecem annis ut ante dixi. At si feudum sit divisibile inter plures hæredes, hi sine domini consensu, modo fraus absit, dividere possunt, adeo ut ne Pacta de non dividendo inter se feudo valeant, nisi forte paciscantur non dividere ad tempus, quo casu Pacta sunt servanda; quod si socius contentiosus sit valde & rixosus, etiam ante tempus divisio peti potest; Adeo autem hæc divisio inter favorabiles causas numeratur, ut ne pater testamento filios à divisione prohibere poterit, etiamsi eos jurare coegerit se non divisuros, quo casu non solum nepotes ex filiis, sed ipsi etiam filii ad divisionem provocare possunt, Ratio est duplex, & quod communio omnis naturaliter discordias parit, & quod commune est ab omnibus solet negligi; & licet, sint qui omnium Portionariorum consensum requirunt, quod prohibentis in jure semper melior est conditio, tamen ad unius requisitionem, aut instantiam feudi alicujus divisio fieri debet, & potest etiam reliquis contradicentibus; Quomodo autem divisio hæc facienda sit, varia sunt opiniones; Ex jure civili omnes divisiones fiunt arbitrio judicis, qui partes dividendas faciet, partesque inter cohæredes sortis beneficio distribuuntur, jure canonico natu cohæredum maximas partes faciet, omni tamen dolo remoto & junior eligit; Moribus nostris in prædiis rusticis jus sequimur civile, ut partes ex arbitrio judicis & quindecim virali judicio fiant, & tum sorti permittitur, quæ cuique pars accedat, veluti in divisione quæ inter Ioannē Murray &

Cunninghame portionarios de Polmais intervenerat; sic cum defunctæ vidua, ad usufructum suæ tertie sive trientis admittitur, triens à besse sic dividitur; divisio quindecim virali, judicio per partes fit & tum sorti permittitur, ubi trientis usufructus initium capiet, & quas terras occupabit, in prædiis autem Burgalibus junior, vel cohæredum minima (quoniam inter cohæredes faminas aut ex iis descendentes tantum divisionem habemus) partes faciet, sed sine dolo malo & major sive maxima natu eligit.

Præsumitur autem divisio ex diutina possessione, etiam licet partes sint inæquales; nec divisio hæc rescinditur, nisi dolus intercessit, vel lasio ultra dimidium; nam hoc casu talis præsumptiva divisio retractari potest, imo vera divisio etiam juramento firmata, Præterea vassallus invito domino ex jure servitutem imponere (quia omnis deterioratio ei prohibetur) non potest, acquirere tamen potest, imo ex jure feudali nec usufructum aut usum alii constituere sine domini consensu; imo ne uxori alimenta relinquere post ejus mortem; Apud nos non usque adeo usufructus interdicitur, neque si uxori detur, neque si alii, nisi feudum sit militare, nam dominus aperte ejus feudi usufructum non tenetur agnoscere, nisi forte cum constitueretur, consenserit.

Ex hac investitura duplex actio vassallo etiam in dominum datur: una ut plenam possessionem vassallo feudi tradat (1) ut fundum illi quatenus optimus maximus est præstet, itaque si vel Locationibus, sive assedationibus, vel oneribus realibus annuorum reddituum feudum gravetur, dominus aut levare, aut interesse præstare tenetur, Altera ut mutuam benevolentiam vassallus domino præstet etiam sine ulla solennitate, aut jurandi for-



formula. Sed omnium jus maximum est, quod in vassallos transit per investituram, cum is veteres colonos migrare, novos pro arbitrio suo & quibus velit legibus substituere possit, virtute suæ investituræ; & quoniam in jus migrandi incidimus, neque ulla in foro nostro est disputatio frequentior, ratio postulat ut de hac actione, quæ contra colonos datur, & de migrando inscribitur, aliquid jam dicamus.

### *De migrando, sive actione ad removendum colonos.*

#### *Diegesis Nona.*

*Coloni du-  
plices:*

**I**nvestitus vassallus, ut sui tituli vires undique exploret, & si quis in suo feudo qui jus proprietatis sive possessionis prædant, solet omnibus colonis denunciare, ut ex ejus feudo demigrent, nisi cum pro domino agnoscant, conditionesque, quas ille pro continuanda possessione tulerit, volentes accipiant. Quod ad migrationem, quam nos remotionem dicimus, attinet, jure Romanorum nullus quod sciam terminus constitutus erat, ad quem migrare inquilini tenebantur, sed ex pacto convento agebatur, & ex ejus vi tantum migrare cogebantur, nam conductio tantum erat ad certum tempus, viz. aliquot dies, menses, aut annum, nostris moribus institutum, ut ante ferias Pentecostes præmonitio fiat, si qui sint domini qui colonorum suorum conditionem constituunt mutare.

Horum autem colonorum duo sunt genera, alii enim sunt coloni urbanorum prædiorum, alii rusticorum. Illi inquilini, hi proprie coloni dicuntur, & quoties alterutri parti, sive colono, sive domino placuerit, ut coloni sedes mutetur, debet is, qui ita in animum induxerit, alteri denunciare; nempe si inquilinus aut colonus aliò sedem transferre intendat, is domino denunciabit, se prædium quod à domino habet, sive illud sit rusticum, sive urbanum, illi renunciare, quod quadraginta dies integros ante ferias Pentecostes faciet, ut dominus interea de novo colono sibi provideat. Quadraginta hi dies integri esse debent, in quibus nec dies denunciationis, nec is in quem denunciatus est, numerabuntur, cum aliter fiat in citationibus in quibus si certus dierum numerus sit præstitutus, alterum diem integrum esse sufficit. Contra si dominus tenentes, aut colonos suos mutare instituerit, aut suis operis prædia sibi colere, prioribus colonis aut inquilinis denunciabit, eodem quadraginta dierum spacio, ut de migrent, ut interea sibi de aliis sedibus possint providere, & cum nulla apud nos sit res frequentior, neque quæ in foro acius peragatur, quam hac colonorum sive inquilinorum migratio, cum ex utraque parte species quædam æquitatis observetur, ex parte domini, ut possit jure domini sui fundo pro animi sui arbitrio & libertate uti; ex parte colonorum, ne nativis sedibus, quas ipsi & parentes eorum diutissime possederant, in quo nati conseruerunt, pellantur. Totam hanc migrationis materiam diligenter examinare statui, ut juniores sciant, quæ sint adversus hanc actionem exceptiones, maxime quando defensio competat, & quando non; cum dominorum denunciantium minus sit periculum, quam colonorum; nam hi nisi justam defendendi causam habeant, in fructus, qui percipi possunt (nos violentos, quasi ex violentia debitos dicimus) & non in communes siue solitos tantum tenentur; At dominorum, si causa cadunt, tantum non est periculum, nam priore conditione locationis contenti, si quid ex ea damni sentiant ex culpa sui auteris, in eum, de evictione actionem, pro damno illo refarciendo, intentabunt.

*Migratio  
duplex.*

Migratio duplex est, vel enim est Voluntaria, vel est coacta; voluntaria cum vel utriusque voluntate res transigitur, vel saltem unius; veluti si colonus aut inquilinus alibi conditionem meliorem habiturum se sperans, aut priore non contentus domino, possessionem prædii renunciat, quod & scripto testandum est; Est & alia migratio voluntaria, cum colonus ut denunciationi domini pareat, statim præteritis feriis Pentecostes, pecudes suas & utensilia avehit secum in aliam sedem, & à gramine & adibus prioribus abstinere, sataque quam primum à solo fuerint separata, in sua loca sive horrea destinata transfert, extra sedes priores, & hac migratio scripto non eget, si denunciationem præcessisse constet: Simplex enim obsequium voluntati domini, si modo de ejus denunciatione constet, sufficit. Scio tamen, hoc tenentibus indulgeri plerisque locis, postquam sata sive segetes à solo separaverint, ut eas in loca priora, ubi solitæ erant antea servari, congerant, itaque & stabula servandis bobus eatenus præstantur, donec novus tenens supervenerit, sed hoc potius ex gratia concedi puto, quam ex juris rigore. Alia est coacta migratio, cum dominus colonum sive inquilinum,

num, amovere à prioribus sedibus volens, ei denunciationem, facit ut dixi, sub pramonitione quadraginta dierum, tunc enim colono, velit, nolit, migrandum est, nisi aliquod jus habuerit, unde possessionem suam possit tueri.

Forma denunciationis, alia apud majores nostros fuit, alia apud nos hodie observatur, *Forma denunciationis ad migrandum.* Ante annum sexagesimum, forma hæc erat: dominus ante fores coloni, cui verbo denuncia-

ret, ut ad proximam Pentecosten migret, lancem ligneam, sive discum escarium, in duas partes frangebatur, eo symbolo diremptum jus feoderis & locationis significans. Secundo post Pentecosten die, nisi colonus volens migraverit, vi eum ex adibus pellebat, pecora sive boves ex bovilibus ejiciens, suas pecudes ad pascendum inducens; At cum sæpe fieret ut colonus suis amicis fretus migrare noller, & vi domini vim opponeret, factum est sæpe, ut qui viribus plus posset, is in possessione esset potior, tantumque de vi & violentis fructibus, domino, si pellere colonum non potuisset, superesset actio, inde cum gravissimæ sæpe contentiones procederent, sæpe etiam ad manus perveniretur, ex publico Ordinum statuto cautum est, Anno Domini 1555 ut solennis quædam forma esset omnium migrationum, in qua forma si peccaretur, colonus eo anno migrare non cogeretur.

Forma autem hæc est, ex parte domini colonum sive inquilinum remove voluntis, primo ut scriptum conficiat (nos præceptum denunciationis dicimus) coque mandet officario suo (quolibet enim ad id munus sufficit) quatenus colono denunciaret, quadraginta dierum interveniente spacio, ante ferias Pentecostes sequutura, migrandum esse ei, ex eo prædio quod de eo domino habet colendum, utque ad dictum diem, se, familiam, subtenentes & bona sua omnia removeat, & alio transferat, nisi periculum malit violenti possessoris incurrere, & in fructus tam perceptos quam qui percipi potuerint, teneri, Denunciare autem colono, vel ad os, sive præsentiam tenentis, vel ad ejus habitationem debet.

Habitare autem ibi quis dicitur, ubi uxorem, liberos, & familiam habet: A antiquis, ubi *ubi quis habitare dicitur.* focum & larem, & adhuc sane apud nos, ibi quis habitare dicitur, ubi focum habet, Nec sola hæc pramonitio personalis sufficit, ne fraudi ullus sit locus, denunciandum est ei, in fundo prædii, quod nos super solo terrarum dicimus & Die dominico ad ostium publicæ ecclesiæ illius parochiæ, in qua prædium situm est, tempore publicarum prætorum aut concionis, ante meridiem; exemplarque hujus denunciationis colono ipsi dandum est vel adibus affigendum, & in patentiore ostio ecclesiæ parochialis, ut omnis causa ignorantia præscindatur omnia hæc quadraginta dies Pentecosten debent præcedere.

Hac denunciatione facta, si colonus parverit, dominus pro arbitrio suo prædio utetur, sed cavendum ne res suas, aut novum tenentem inducat, donec constet veterem colonum migrasse, aut declaratoriam ex denunciatione obtinuerit, & officio judicis tenentem removerit; Si colonus contumax fuerit, nec denunciationi domini parere voluerit, dominus quam mox, ex citatione sex tantum dierum, coram judice ordinario actionem intentabit, ubi nisi colonus de jure possessionis suæ docuerit, migrare cogendus est, domino & jus suum & denunciationem in judicio producente, hæc omnia ut à vi absteineatur, & certe ex ea constitutione, omnia tranquilliora facta sunt, quæ plurimum turbæ antea habuerunt, totaque res ad judices translata est, qui audito jure partium tam actoris quam rei, quod æquitas suadet, solent æstimare, & decernere.

Ante tamen, si contumax in litigando colonus videatur, cavebit in judicio de fructibus, qui percipi possint, si judicio succubuerit, ut dominus actione sua & fructibus per pertinationem coloni non fraudetur, itaque si refractarius sit hic colonus, & litem continuare voluerit, sciat sibi pœnam præstitutam, ut perpetuo in fructus, qui percipi possent, teneatur, donec voluntate domini sui (1) æquitati parverit. *Colonus ante omnia cavet de fructibus qui percipi possint.*

In burgis sive prædiis urbanis eadem solemnitas non requiritur, sufficit, si officarius urbis publicus, mandato ballivi instructus, etiam sine scripto, quadraginta dies ante ferias Pentecostes ad ædem conductam, denunciaverit migrandum esse ei, neque hic denunciatio, vel ad personam vel in ecclesia requiritur, sufficit si ad locum conductæ habitationis denunciatum sit, aut si nemo adsit, ut signum aliquod denunciationis affigat, iniquum enim esset, urbani prædii domino, inquilinum suum per totam regionem inquirere, (si forte ut judicium subterfugiat latitet) & ad sumptus non necessarios cogi; itaque receptum est ut ad ædes conductas denunciatio sufficiat, neque quicquam ulterius requiratur: in piscationibus salmonum, solet denunciatio ad decimum quintum diem Augusti fieri, quod eo tempore piscatio salmonum jam deficere videatur.

Si nulla ab alterutra parte fiat denunciatio, in priore voluntate tam dominus quam colo- *De acta relocationis.*  
nus

nus persistere videntur, & priore conditione locationis contenti, nihilque innovandum, licet expleti fuerint prioris conditionis anni, & hæc est quæ tacita relocatio dicitur, quæ nunquam expirat, sed semper perpetuari creditur, donec per denunciationem fiat interruptio, five contraria mentis alterutrius partis declaratio, à conditione recedere volentis, Tacita autem relocatio censetur, si dominus eandem mercedem receperit pro terminis citationem sequentibus id est terminum Pentecostes, in quem denunciatio fit.

In hac tacita relocatione usus noster, cum jure civili convenit, nisi quod Ulpianus putet jure civili interruptiones voluntatis esse, si dominus vel furere cœperit, vel decesserit, nam ibi mutari voluntatem putat; in usu nostro neque morte, neque furore mutari domini voluntatem credimus, sed eandem semper remanere, donec vel ipse, vel in ejus rem successor denunciaverit colonum migrandum; sic in decimis licet tempus locationi præstitutum præterierit, non tamen locatio expirat, donec inhibitio fiat, sed semper tacitæ relocationi locus est; incidere etiam solent casus, ubi denunciatio necessaria non est in his migrationibus, veluti si pactum intercesserit, vel stipulatio de migrando ad certum tempus, vel si certus dies præstitutus sit in locatione, quo colonus vacuum possessionem domino suo debet restituere, nam eo casu dominus non denunciatione, sed judicio legitimo cogere debet colonum, ut migret ex conventionem, Omnes autem fructus non solum coloni sed etiam emphyteutici, feudi domino censentur obligati pro annua mercede seu canone, & in his dominus etiam fisco præfertur; si dominus silentio rem præterierit & colonus adhuc in possessione continuaverit, nec domino se migraturum denunciaverit, pro colono silentium hoc erit, & in fructus solitos tantum tenebitur, nec migrare cogetur, donec ei postea fuerit denunciatum; vidi in actione mota inter  
contra Guilielmum Craig, ubi assedatio tantum unius erat anni & dictio hæc (tantum) ulteriorum annorum videretur exclusiva; tamen cum dictus Guilielmus, expleto conductionis anno, fundum propria autoritate occupasset, unde vi actione conventum, & transactione se redimere coactum.

Qui precario possidet (1) qui ex licentia domini sui prædium aut ades impetraverit, non expectato Pentecostes tempore aut denunciationis, quandoque volet dominus, migrare cogetur, ita tamen ut aliquis aqutari locus sit; nam non ita arctandus est, ut mox & ex imperio domini migrare cogatur, sed dandum est ei tempus ex jure Anglorum, ut res suas commodè auferre possit, & interea potestas ei fiat libere commeandi (1) ut liber exitus & introitus ei permittatur, sunt qui putant si fata fecerit, expectandum donec ea collegerit, & auferat; Ego id non puto permittendum, nisi justam & probabilem habuerit causam ferendi, alioqui quomodo bonam fidem prætexet, qui sementem fecerit cum sciret in alieno se facere, nec ab eo se potestatem habere.

An usu:  
fructuario  
dominus de-  
nunciare de-  
bet.

De usufructuario quaestio occurrere solet, an ejus morte proprietarius five dominus denunciationem facere debet, an vero (ut vulgo dici solet) mors terminum faciat; in qua quaestione hæc distinctio est observanda, ut si usufructuarius per se possideat (1) suis operis & instrumentis prædium colat, aret, & ferat, diem mortis ejus terminum facere receptum est, poteritque dominus sua autoritate prædium ingredi & colere, si quid ex cultura sit residuum, ita tamen ut sementem jam factam executoribus defuncti colligere, & distrahere pro arbitrio permittat, ulterius serere, licet arata sit terra, poterit impune prohibere; Quod si usufructuarius aut quicumque alter ille sit, qui jus vitale possessionis, in prædio habuerit, aliis id utendum & fruendum permiserit, fructuum quadam pensione aut mercede annua contentus, isque moriatur, coloni in sequentis Penthecostes ferias intacti remanebunt, quod ad utilitatem colonorum introductum est, ne novas sedes ante tempus solitum quærere cogantur, & tum si displiceat domino conditio priorum colonorum, denunciare eis curabitur migrandum; fructuum interea ea parte contentus, quæ ex termino illius anni, qui post mortem usufructuarii supererit, pendit solita erat, solemus enim ubi annua pensiones præstari solent, eas ad duos anni terminos exigere, alteram partem ad ferias Penthecostes, alteram partem ad Martini in hieme, adeo ut si usufructuarius hic, qui colonis prædium colendum pro mercede præbuit, ante ferias Penthecostes diem claudat, nulla pars fructuum illius anni ejus executoribus debeat, Si vero in ipso die Penthecostes post meridiem vel ante ferias Martini decesserit, dimidiam partem fructuum illius anni executores defuncti habebunt Si in feriis ipsius Martini post meridiem, aut eas supervixerit, fructus totius anni executores ejus consequentur.

Quando  
merces à co-  
lonis exigi  
potest.

Si merces in pecunia numerata fuerit, statim præterito tempore exigi potest, si in fructibus soli, veluti frumento, hordeo, farina, non nisi expletis feriis purificationis; nam licet hi  
fructus



fructus soli non possunt exigi, nisi inter ferias purificationis & nativitatis; quia eo tempore potissimum segetes in horrea congeruntur, deberi tamen incipiunt excursio statim alterutrus, vel utriusque termini die Pentecostes aut Sancti Martini, secus est in mercede decimarum ex locatione, nam & statim postquam collectæ fuerint fruges, debentur, & exigi possunt.

Hæc de usufructuario decedente, nam licet dominum propria autoritate fundum ingredi & cum sibi arrogare diximus, tutius tamen fecerit, si iudicio agat, nempe si ex sex dierum citatione, possessores citet coram iudice ordinario, ut demigrent, remque potius omnem iudicio permittat, quam rigorem juris, qui minimo momento inverti solet, sequatur.

Hoc generaliter observandum est, licet specialis soleat in his denunciationibus mentio fieri, ut colonus tam se quam suos subtenentes secum removeat de fundo, non minus tamen teneri colonum, licet soli ei denunciatum sit, omnes subtenentes sive inferioris ordinis colonos secum remove, si contra eum iudicatum sit ut migret; quam si specialis mentio eorum in denunciatione facta fuisset; vacuum enim possessionem domino suo debet relinquere neque jure conqueri possunt hi subtenentes, cum causam possessionis à colono tantum habeant, itaque cum eo migrandum sibi esse cogitare debuerunt.

*An subtenentes cogantur migrare.*

In turribus & fortaliciis denunciatione non est opus, nam cum in his nulla sit cultura nec quis ibi tanquam inquilinus habitet, & maximum præjudicium dominorum possit nasci, cum hæc ad jurisdictionem potius spectent, quem ad fructus, restituenda ea semper sunt domino petenti; quod nisi factum fuerit, domino actio competit pro restitutione sui fortalicii ex sex dierum præmonitione, cum nullo modo ad colonum pertinere possit, quod neque à colono occupari pro dignitate potest, neque ad fructus colligendos satis commodum.

*De migratione a turribus & fortaliciis.*

Quid autem sit fortalitium dubitatum sæpe vidi. Pinnatæ turres extra omnem controversiam inter fortalicia numerantur, & sic quæcunque ædes ad vim sustinendam, aut custodiam rerum publicarum extructæ, & institutæ, sive fossæ, & muro, sive propugnaculis munitæ. Benignior etiam sententia obtinuit, ut eæ ædes quæ contignationem haberent, inter fortalicia numerentur, ut aliquando factum vidimus in ædificio de Halzardis instante domina Joanna Murray contra Iacobum comitem Mortoniam, qui illud tum possidebat; Aliæ ædes ad rem rusticam paratæ putantur, in quibus denunciatione opus erit.

*Quid sit fortalitium apud nos.*

Hæc autem denuntiatio, nisi super ea actio intra triennium intentetur, expirat, ex speciali ordinum statuto, nisi in minore & alio ex iusta causa impedito ad agendum, Est & hoc speciale in denunciationibus, quoties tenentes eis paruerint, relicta vacua prædii possessione, ne dominus denunciationem postea producere cogatur, & si post aliquot annos tenentes contravenire voluerint, asserendo nunquam sibi denunciatum, quod non poterint: nam solent domini, quoties vacuum Possessionem, aut sibi retinuerint, aut alii tradiderint, denunciationes abjicere & negligere; potest tamen aliquis, denunciationem vel abjectam vel deperditam restituere de novo, si modo eidem testes adhibeantur, & dies, mensis, & annus, & manu sua subscriptio in denunciatione accedat, tamen ut de facti veritate testes deponant.

*Præscriptio hujus denunciationis.*

Hæc de forma denunciationis, & effectis & quando denunciatione sit opus, & quando non, Superest ut quibus hæc actio ad migrandum competat, & contra quos videamus.

Competit autem hæc actio dominis præcipue pro recuperatione possessionis suorum feudorum, & tum maxime quoties domini in possessione fuerunt fructuum à colonis exigendorum: ibi enim difficiliore sunt coloni partes, si denunciationi domini non obtemperaverit, neque enim tam facile contra jus domini sui, quem solutione fructuum agnoverat, objicere audietur, neque jus ejus, à quo possessionis causam acceperat, invertere potest: neque minus domino competit, etiamsi nunquam in possessione fuerit, ut suum jus persequatur, fructuumque percipiendorum potestas ei fiat, aut denique fundum ipsum suis operis, suisque instrumentis colat.

Competit etiam usufructuario, siue usumfructum totius fundi habeat, sive in tertia parte, quales sunt relictæ, sive vassallorum viduæ, quibus jus ipsum, tertiam partem feudi vassalli utendam & fruendam dum vivunt, permittit.

*Quibus actio ad migrandum competat.*

Competit etiam omnibus qui assedationem habent, si modo aut sit vitalis assedatio, aut conditionem expressam contineat, ut colono, tenentes remove liceat, aut saltem assedatarius sive colonus in possessione fructuum percipiendorum fuerit; nam nisi in his tribus casibus colonus neque actionem de migrando habet, nec pro debito fundi distringere potest, quod aliquando locatori competere diximus.

Assedatio

*Quid sit as-  
sedatio &  
unde.*

Assedatio vox Normannica est, alii Lombardicam putant, quasi ad certum tempus sedatio, sive sedis positio, quam nihil aliud nisi possessionem diximus: itaque is, cui conductio fundi pro certa mercede in aliquot annos permittitur, assedatarius dicitur, & ipsa locatio assedatio, quæ, si ad vitam fuerit, vitalis est: si ad aliquot annorum curriculum, tot annorum assedatio dicitur; In his, ut nuper monui, nisi specialis licentia à domino permittatur, assedatarius cogere tenentes ad migrandum non potest, vel si in possessione fructuum colligendorum hic assedatarius fuerit; quod si pro vita coloni assedatio hæc fiat, & in hoc casu actionem migrandi contra tenentes habet, quasi hoc tacite inest vitali assedationi, ut colonos possit remove. Et in his assedationibus observandum, quod eas transferri in alios (1) assignatos facere, non possunt assedatarii, nisi aut vitalis sit assedatio, aut id specialiter sit permittum in sua assedatione.

*Quid ren-  
tale.*

Huic assedationi simile quoad effectum Rentale, quod semper in ecclesiasticis feudis præsumitur esse vitale; in aliis unius anni tantum est assedatio, nisi specialis annorum sit mentio; sed cum rentale aliquid majus in se habere videretur, quam assedatio; hoc temperamentum Senatus olim interposuit, ut rentale tempore indefinitum, 5. annorum spatium æstimaretur, cum plerique antea in fundis baroniarum ad unius tantum anni spatium assedationem traherent, alii ad vitam ipsius coloni.

*An rebellis  
possit colo-  
nos remo-  
vere.*

Sed ut ad colonos, qui assedationem habent, revertar, non competit eis actio ut tenentes migrare cogant, nisi his tribus casibus, veluti si aut specialiter eis hoc sit permittum, aut in possessione fructuum colligendorum fuerint, aut si vitalis fuerit assedatio: imo nisi aliquod horum trium intervenerit, vix pro fructibus colligendis poterit colonus distringere, sed & nomine & auctoritate domini locantis pro fructibus percipiendis cogitur uti.

Sed quid si dominus rebellis fuerit, an ei actio competit removendi tenentes, dubitatum sape vidi, Ratio dubitandi est, quod rebellis civilibus omnibus officiis & privilegiis privari debet; itaque nec eo privilegio uti debet, ut tenentes pro arbitrio removeat, aut a suis sedibus migrare cogat; sed licet quandiu in rebellionem est (1) donec rebellionis relaxationem obtinuerit ab agendo sit exclusus, obtinuit tamen quod relaxatus agere potest, & priorem denunciationem legitimum iudicio persequi, ut tenentes migrare cogantur, cum hæ migrationes sint accessoria rerum hæreditariarum, & eodem jure censeantur, & non inter mobilia, quæ per rebellionem amittuntur, nisi in rebellionem per annum & diem steterit, quo casu & fructus & actio hæc regi & ejus donatariis (modo declaratio de rebellionem accedat) competit, Regi Inquam si dominus feudi sit & non ratione coronæ; Nam accessio hæc ususfructus per annum & diem amissi, domino feudi sit semper, & non inter multas & pœnas censetur, quæ inter regalia numerantur, ut postea dicemus.

*Quando do-  
mino superi-  
ori tantum  
& non pro-  
prietario  
competas.*

Aliquando & non dominis competit hæc actio, sed custodiam tantum habentibus, nos Guardiam dicimus, Id fit cum dominus superior, mortuo vassallo, custodiam tum corporis pupilli, sive minoris, & cum minore feudi pupillaris jure feudali consequutus est; Nam quod vassallus si viveret, potest, idem dominus superior, cum feudum in manibus ejus est, ratione custodiæ, potest. Itaque ut pro fructibus distringere ratione suæ superioritatis, sive domini directi potest, sic invitos tenentes sive possessores quoscunque migrare coget præmonitione à se debito tempore precedente; Et hoc majus, nam cum vassallus si viveret, eos qui ab eo assedationem habent, durante tempore assedationis, à fundo remove non possit, dominus tamen superior ratione suæ custodiæ, eos facile removebit, non obstantibus omnibus assedationibus, quos à defuncto vassallo consequuti sunt, Ratio est, quod dominus feudum suum concesserit sub conditione Wardæ sive custodiæ, sed non talis quæ à vassallo dum moritur relinquitur, sed quale feudum erat, cum à principio fuit dispositum, (1) purum & ab his assedationibus immune: imo nec onera (qualia sunt antium reddituum) aut servitutem realem durante tempore Guardie agnoscere tenetur, ut postea in titulo de custodia dicemus, nec tamen inanes omnino assedationes hæc erunt, nam licet quodammodo dormire, durante Warda, videantur, ea tamen finita, reviviscunt, & initium resumunt ab eo tempore, quales erant, cum fundus in Wardam cecidit, exempli causa, si vassallo mortuo colonus 19. annorum assedationem habuerit, cujus assedationis cum vix duo aut tres anni præterissent, fundus in custodiam domini per mortem vassalli incidit, Interrumpuntur hoc casu reliqui anni assedationis, nam (ut dixi) dominus, nisi ei coloni satisfaciant, pro arbitrio suo durante Warda, terris illis, & earum commoditatibus fruatur, finita autem Warda restituitur assedatio in eodem statu, quo erat tempore Wardæ Incipientis, Adeo ut si tempore Incidentis Wardæ sexdecem aut septedecem anni supererant assedationis, totidem anni nunc reficiuntur, Incipiendo à finita Warda,

nec

nec in hac asseclatione numerabuntur anni, qui tempore wardæ transierunt, sed si ipse Pupillus aut minor jus hujus custodiæ, aut a domino redemerit aut donatione consequutus fuerit, puto eum cogendum stare paternæ asseclationi, nec posse eo tempore, quo ipse jus in custodia habet, colonum asseclatarium remove; competit itaque hac actio domino superiori ratione custodiæ, nec juris sui declaratoria sententia opus est, nec pupillum aut minorem agnoscere aut citare tenetur, semper tamen tenentes ratione Guardix præmonebit; Aliud tamen si feudum sit in manibus domini ratione non introitus, nam antequam colonus removeri possit, declaratoria sententia feudum in non introitu esse opus erit, Nunquam enim feudum in non introitu censetur esse, propter varias exceptiones quæ subvassallo aut colono competunt, donec ita esse officio judicis fuerit declaratum, Idem in eo qui usumfructum vassalli consequutus est, vel ex annali vassalli rebellionem, vel ex alia causa in manus domini redeuntem, aut si quis sit domini assignatus, aut cessionarius; nam in his omnibus declaratoria præcedat necesse est, antequam actione de migrando possit agere.

*An superior  
ri ratione  
non introi-  
tus competat*

Competit hac actio aliquando non domino, neque jus aliquod præfens in re habenti, dummodo dominus speratur, exempli causa, si vassallus nuper mortuus fuerit, & ejus hæres nondum hereditatem adierit, aut in feudo investitus fuerit, si tamen interea, dum aditionem ad hereditatem parat, denunciaverit colonis ut migrent, & ante ferias pentecostes qui denunciaverit investitus fuerit, in hoc casu investitura retrotrahitur, & denunciatio valebit, in quo mores hodierni parum cum veteri usu conveniunt; nam majores nostri hæc duo specialiter in denunciatione requirebant, ut utroque tempore viz. & denunciationis & illarum feriarum in quas denunciatio indicitur, denuncians sit verus dominus: at nunc si speretur in spe propinqua, & investitus ante ferias pentecostes fuerit, sufficere voluerunt; hodie Senatus plerumque investituram retrotrahit, etiam ob alias causas ad tempus præmonitionis, sed hæc ex circumstantiis pendent; alioqui ex jure non retrotrahitur investitura, nam tum nihil ex prioris denunciatione consequitur, sed annus sequens expectandus est; Si neque hæres tum apparet (ut loqui solemus) is qui denunciat tempore denunciationis fuerit, licet ex alia causa de novo emergente feudi proprietatem inter denunciationem & ferias, in quas denunciatio facta est, assequatur, etiam si causa præcesserit, veluti si de feudi proprietate contraxerit, & tum denunciaverit, postea vero ante pentecosten investitus fuerit, nihil ea denunciatio operabitur; nam colonos in mala fide oportet constitui, nisi parverint, in mala fide esse non possunt, nisi jus denunciandi competere sciant, tempore ipsius denunciationis, & alioqui denunciantem agnoscere non tenentur, neque ejus mandato parere, non ita est in hærede apparente, qui forte temporis angustiis interclusus, omnia quæ ad aditionem pertinent, expedire non potest, & hereditas semper retrotrahitur ad tempus mortis defuncti & cum ea continuatur; Aliquando & non domino competit, viz. ei qui neque dominum neque ullum juris titulum habet veluti si quis colono fundum locaverit, eumque in possessionem induxerit, colonus is, ex solius conductoris denunciatione migrare cogendus est, sive is, qui cum in possessionem induxerat, jus habeat locandi, siue non: neque enim ferendus est colonus, qui cum eo, à quo causam possessionis habet, de jure ejusdem possessionis velit contendere, sed ut ab eo possessionem acceperat, & ei restituere cogendus est.

*Competit a-  
liquando non  
domino.*

Preterea non solum domino denunciante competit hac actio, sed hæredibus, modo feudi hereditatem adierint; nam ex denunciatione prædecessoris sui, recte aget hæres, ut vacuam possessionem sibi colonus relinquat, Sed animadvertendum est in hac facti specie, licet jus removendi hæredi competat, non tamen fructuum à die denunciationis perceptorum; nam hi, pro rata temporis inter hæredem & executores defuncti dividuntur, ut hæres eos fructus habeat, qui à morte defuncti percipiendi erant; qui vero fructus mortem defuncti præcesserant, ad executores tantum pertineant.

*An hæredi  
competat.*

An vero & hi executores ex ea denunciatione agere possunt, quæri solet, Puto posse, cum fructuum præteritorum utilitas ad eos pertineat, maxime hærede concurrente, & etiam sine ejus concursu declaratoria petere possunt, ut ratio fructuum habeatur, & hoc in favorem liberorum, & creditorum defuncti; non tamen ut colonos ad migrandum possint cogere, cum ipsi possidendi jus non habeant, quod hæredis solius est jus, ad quem feudum (ut dixi) pertinet.

*An execu-  
toribus.*

Alia quaestio est, num assignato sive cessionario hoc jus competat (1) si is qui denunciavit, denunciationis cessionem in alium fecerit, ut is colonos vi hujus cessionis persequatur, & profecto variatum in Senatu de hac re vidi; nam prius nuda cessio in personam cujuscunque collata sine titulo possidendi, nihil operabatur, saltem non id, ut coloni cogerentur migrare, & erat quasi accidens sine subjecto, quorum enim cogetur migrare vassallus, ad ejus instantiam, qui jus colendi, sive possessionem intrandi non habet; ad hoc tamen hic assignatus recte aget, ut

*An assignatus*



fructus qui percipi potuerunt, ratione cessionis sibi adjudicentur, & in eo solo casu recte ager; vidi tamen nuper in causa domini Ioannis Ker contra molitores molarum Iedburgensium, hanc cessionem sine titulo possessionis sustineri, quod plerisque mirum videbatur.

*An singulari  
successori cō-  
petat.*

Superest disquirere an singulari successori, ex denunciatione auctoris sui præcedente, competat? Et sane vulgaris hæc est opinio, quoties denunciatus, à jure domini sui cadit, ante pentecosten proximam, denunciationis jus omne evanescere; quod non est semper verum, quid enim si postquam de alienando feudo contraxerit & successorem investiri curaverit, etiam in ejus favorem denunciationi cedat expresse, & emptorem ad eam assignatum faciat; hoc enim casu puto singularem successorem ex ea denunciatione, quam ipse neque fecerat neque facere poterat, recte agere, si mutuis utriusque tam cedentis quam cessionarii consensus concurrat. Hæc de iis, quibus actiones hæc cōpetunt, sed fortasse inhumanus videbor, nisi colonis profuero, eaq; expediā, quæ eos à dominorū injuria possunt tueri, & nativas eorū sedes defendere.

*Quæ excep-  
tiones colo-  
nis compe-  
tant.*

Solent itaque colonorum advocati, denunciationis formam primum intueri, si in aliqua ejus parte peccetur, si solennitates, ex actō Parliamenti præscriptæ, in ullorū apice prætermisæ fuerint vel non observatæ, Secundo si quid contra jus actoris obijci possit (1) contra ejus titulum, sive jus quo se vestit, aut si ipse actor stare in judicio non possit, forte quia excommu- nicatus aut rebellis.

*Exceptio af-  
sedationis.*

Frequentissima est illa exceptio, qua tenentes se muniunt, nempe assedatio certorum annorum, qui nondum in eis feriis præterierunt in quas denunciatum est, sed quoniam hæc exceptio in foro frequentissima est, & pluribus ambagibus implicata, sequentem diegesin ei per se indulgebimus; interea ad alias exceptiones, quibus se coloni adversus dominos tueri solent, accedemus, & primum, si dominus à colono suo servitia exegerit, aliorum terminorum qui denunciationem sequuntur, & si servitia illa in assedatione contineantur, parique mercedis in ea contentæ sint, colonus excusabitur, alioqui servitiorū præstatio colonū à migrando non liberabit: sed quid si colonus illius anni servitia præstiterit, quo ei indictum est ut migraret, an recepta hæc servitia pro tacita ulterioris anni relocatione erunt; Quidam sane putant, idem in servitiis quod in mercede, cum mercedis sint pars, & quoniam fructus integros illius anni secum colonus aufert, integram etiam mercedem illius anni & servitia debere; alii diversam putant rationem servitiorum à mercede, & si dominus quid imperaverit colono faciendum post denunciationem, tacite à denunciatione recessisse videri: prior sententia mihi magis placet; In his servitiis exigendis solius domini imperium, ut interveniat, requiritur, non ballivi aut camerarii, qui domini possessionem invertere non possunt, nisi ex ejus expresse & speciali mandato: at si colonus servitia præstiterit domino requirenti, cum ex lege conductionis ad servitia non astringeretur, ex sola liberalitate præstitisse præsumitur, sibi que imputabit, quod officiosior esset, cum ad ea præstanda alioqui non posset cogi; idem si pro nativo jure possessionis (nos Kyndnes dicimus) & nativos tenentes (Kyndlie tennents) se satisfacturum tenenti promiserit, donec enim satisfecerit, ab hac actione excludetur, Quid autem si satisfactio hæc in arbitrium tertii conferatur, & hoc casu pacto standum est, tertiusque hic per literas Senatus arbitrari cogendus; quod si aut decesserit, aut justas excusationes habuerit, cur nolit, ad arbitrium boni viri recurrendum est (1) Senatus supremi arbitrium; nam defectus viri boni per Senatum solum suppletur. In omnibus autem his pactis, hoc generaliter observandum est, ut si exceptio super plurium annorum conductione, aut pacto sive tacito sive expresse proponatur, probatio per scripta est necessaria; unius anni assedatio sive pactum de assedatione unius anni conficienda, vel pactum de non removendo intra anni spaciū, testibus probari potest.

*Exceptio  
pro indiviso.*

Aliæ autem sunt exceptiones, quæ colonis competunt, veluti si partem unam, a qua migrare monetur, pro indiviso cum alia parte occupent; quæ exceptio suam etiam rationem habet, nam iniquū esset, cum colonus duorum dominorum portiones, inter se adhuc confusas & indistinctas, aut unius domini diversas portiones occupet, quæ inter se etiam indistinctæ & incognitæ sunt, ab una parte se cogi migrare & non ab altera; nam quid deferat, quid retineat incertus omnino erit, quæ incertitudo migrationem omnem impedit; nam ut ab una, si denunciatum sit ut se removeat, sic si ab altera se etiam, removeat in solidam mercedem tenebitur; itaque cū periculum in hoc casu sit colono, Hæc exceptio pro indiviso recepta est, quæ tamen cum negativa sit, per replicam divisionis solet elidi, nempe si actor probaturum se recipiat, illam partem, (a qua migrandum colono indixerat) ab altera separatā, & seorsim coli solitam, finesq; illius a finibus alterius partis contiguæ separatim & seorsim cognitos, occupationeq; secundum eos fines hactenus fuisse in usu, & adhuc fines recognosci, tanquam separatos & distinctos, itaque exceptio hæc pro indiviso tali replica facile eliditur, viz. si vel divisio finium probetur, quod est juris, & ideo scripta ad probationem requiruntur: vel saltem separata uni-

us partis ab alia possessio, quod est facti; & in hac specie testium probatio sufficit: vel si utriusque partis domini unus aut plures simul denunciaverint.

Est & alia exceptio in hac actione frequens in foro, nempe si colonus cui denunciatur, alterius sive domini, sive coloni prioris se dicat colonum, causamque possessionis ab eo habere, qui in hac denunciatione, neque monitus ab initio neque citatus est, nam principali colono non monito ut migret, subcolonus migrare non cogitur; Hujus exceptionis hæc est ratio, iniquum videri potest, eum, qui nullam neque juris, neque possessionis causam ab actore habet, ad ejus instantiam cogi migrare, cum is a quo causam possessionis habet, & cujus colonus est, neque ad migrandum monitus fuerit ab initio, neque ad hoc judicium citatus, cum de jure authoris sui nemo disputare cogatur; Itaque ut huic exceptioni occurrant, solent plerique non solum ipsos colonos, sed eos etiam a quibus causam habent possessionis, quibusque mercedem solvere ab initio soliti sunt, & ad migrandum monere & simul cum eis in judicium vocare. Neque tamen semper huic exceptioni locus est, nam nisi excipiens probaturum se recipiat, eum a quo causam possessionis suæ prætendat, sive is sit principalis & immediatus colonus, sive dominus, in possessione fuisse, ita ut actor justam ejus prætereundi causam non habeat, quod ejus jus non ignoraret, exceptio hæc locum non habet; neque enim necessaria est ejus denuntiatio, nisi quis eum scivit, aut probabiliter scire debuit possessorem esse. Et profecto super hac exceptione in Senatu sæpe controversum vidi, cum aliquando, nisi & his denunciatum ab initio fuisset, colonum secundarium absolutum a migratione viderim; aliquando denunciationem hanc non esse necessariam Senatui interlocutum fuisse; Ego in re controversa priorem distinctionem sequor, nempe ut secundarius colonus migrare non sit cogendus, nisi is a quo causam possessionis suæ habet, sive is sit primarius colonus, sive alius hæreditarium titulum prætendens, monitus & citatus simul fuerit; nam plerunque sententias jam in Senatu latas suspendi ea ratione vidi; quod primarii coloni, aut qui jus hæreditarium se habere dicerent, quererentur injuriam sibi fieri, quod coloni sui ad alicujus instantiam migrare cogerentur, cum ipsi ad illud judicium nunquam fuissent citati; & plerunque evenire solet, ut colonorum quædam fraus sive collusio interveniat, cum pretio inducti possessionem, quam a dominis suis acceperant, vacuam adversario per silentium suum tradant; itaque nova in his suspensionibus lis oritur, jus ne denunciandi, qui denunciaverit, habeat in re controversa, an vero causa possessionis ad alium pertineat, & sic novum judicium nascitur; semper itaque in hoc judicio observandum, ne colonus pretio inductus cum adversario colludat, & silentio cum eo transigat, & sic causam possessionis domini sui veri intervertat, quod omnino non est ferendum; imo si ipse causam possessionis suæ ex conducto habeat, & postea ex justa causa dominium acquisiverit, jus non finit eum possessionem huic novo titulo supervenienti ascribere, sed antequam de dominio possit excipere, de possessione decedere, quam ab alio domino nactus, & eam illi restituere cogetur, priusquam de dominio agat, quod & apud nos in usu recipitur. Si diversæ sint locationes, poterit colonus qua velit pro arbitrio uti, at si posteriorem sumat, eaque vel in mercede vel in quantitate sit diversa, vel ab alio sit data & colonus ea usus fuerit in judicio, a priore recessisse videtur.

An autem qui rem suam conduxit a proprietate cadere videatur, aliquoties dubitatum vidi; nam cum quis simul & colonus & dominus esse non possit, alterutrum titulum per alium tolli necesse est. Et sane in his casibus jus proprietatis a conductione non tollitur, sed conductio ut jus inferius a proprietate absorbetur: conductio enim rei suæ nulla est, nec ex ea proprietatis jus tollitur; hoc solum jus vult, si cum possessionem quis ex causa conductionis nactus est, & postea jus domini supervenerit ex alia causa & alio authore, si illud jus superinducere, & causam suæ possessionis mutare in præjudicium domini sui velit, hoc non esse ei permittendum, donec possessionem ei a quo habuit, prius tradiderit. Et breviter hoc in his migrationibus semper tenendum, ubi jus solidum & stabile adhuc possidendi vassallus habet, aut saltem is a quo causam possessionis obtinuit, & qui eum colonum constituit, migrare non cogendus fit ad alterius instantiam. Si conjuncta sit investitura alicui & ejus conjugii facta, & si post conjunctam hanc investituram, maritus aliquam partem illius conjunctæ infeudationis assignaverit, eo mortuo, licet colonus in possessione fuerit aliquot annis, tamen a vidua migrare potest cogi, licet titulum cum possessione habeat, nam ea prohibere mulier marito subdita non poterat; itaque ultra viri mortem colonus hoc jus possidendi non habet, quod tam in Anglia quam apud nos habet locum: Si alicui & ejus conjugii assignatio sit facta, & hæredi expresso nominatim, & ejus hæredibus, vir aut conjux jus assignationis illius in alium transferendæ non habent, licet illius assignationis primi erant recuperatores & fortasse suis sumptibus,

*Exceptio locationis ab altero, cui non est denunciatum.*

*An qui rem suam conduxit a proprietate cadat.*  
*L. Qui rem propriam C. de locato & conduc.*  
*L. Si quis conductionis C. eod.*

*De conjuncta investitura.*

*Si nominatim hæredi sit facta assignatio.*

ptibus, quod senatus in causa Magistri Jacobi Gray censuit ut nuper dixi; sed ejus alienandi jus ad heredem nominatū pertinet, salvo jure usufructus conjugibus; aliud si tantum heredibus indefinitis facta sit; nam plenum jus utendæ & abutendæ illius assedationis ad conjuges recuperatores pertinet; hoc etiam in his colonis observandum, quoties eis, ut migrent, denunciatum est, ut nisi ipsi sibi possideant (1) corporaliter & suis laboribus fundum arent, serant, post denunciationem nullam partem fructuum secum auferant, neque in mercede tenebuntur: nam ut fructus auferant, & suos faciant illis tantum permissum, qui sementem fecerant, idque ob publicam colonorum utilitatem introductum, qui bona fide arant & serunt, interti de denunciatione futura, quæ si præter spem evenerit, saltem quod ex semente sua provenit, tollere permittuntur, integra mercede illius anni persolvenda domino, aliis id beneficium non permittitur. Si exacto migrandi tempore, dominus adhuc precariam possessionem colono indulsit, non sibi præjudicat, qui quando volet eum ejicere possit, nisi forte mercedis termini unius, præter priores, solutio interveniat.

*Exceptio  
Herezeldi.*

Dominus, qui a coloni relicta aut liberis herezeldum (1) domini debitum acceperit, post mortem ejus (nam jure nostro dominus hoc jus in coloni sui bonis habet, ut optimum vivens animal, viz. optimum equum, aut si nullus sit, optimum bovem aratorem possit vendicare) eos annum unum in possessione continuare tenetur, nec ante expletum annum ad migrandum cogere. Herezeldum autem colonus, qui aliquot annos suæ assedationis decurfuros habet, non debet. Hæc autem actio ad migrandum mixta est, ex proprietate & possessione, adeo ut proprietarius possessor præferendus sit, alii non possessori, sed proprietatem antiquiorem & jus melius prætendenti, dummodo in possessione vi sui tituli non fuerit; nam coloratus, ut aiunt, titulus cum possessione prævalet adversus denunciationem, donec declaratoria contra titulum in judicio obtineatur; Si terræ post denunciationem à proprietario appretiatæ fuerint, aut ipse jus proprietatis renunciaverit, denunciatio extinguitur; post sententiam de migrando nulla iusta possessio censetur; nam ab eo tempore violentus dicitur possessor & in fructus qui percipi potuerint tenetur, Qui autem dolo desit possidere, semper pro possessore habetur, tam in jure, quam usu forensi.

## *De locationibus sive assedationibus.*

### *Diegesis Decima.*

*Qui possunt  
assedationes  
facere.*

**N**unc ad materiam assedationum, exceptionesque super eis fundatas, quæ in hunc locum dilatæ sunt, accedamus, neque enim exceptio vel usitatio vel fortior a colonis solet usurpari, si quando citati ad migrandum à domino fuerint; & primo videndū, qui possunt assedationem facere, vel terras locare; in quo generaliter hoc tenendum, omnes posse assedationes dare, quibus libera rei suæ administratio est; ut eadem hic observentur, quæ antea, de iis qui in feudum dare possunt, diximus; Et præter eos, assedationes facere possunt, qui administrationem rei alienæ habent sive ut coloni sive ut tutores, curatores, economi, factores, procuratores, si modo speciale ad hoc mandatum habuerint, vel si sint procuratores (ut jurisconsulti vocant) cum Libera potestate, Sed hoc præcipuè animadvertendum, quod qui alienæ rei sunt administratores, ultra tempus suæ administrationis, nullam idoneam locationem facere possunt; Sunt qui tutores & curatores recte assedationes posse facere putant, vel pro veteri mercede continuata, vel si minor inde non lædatur, ut verisimile est eum non lædi, cum nihil ex solita mercede diminuitur: sed profecto etiam si nihil ex veteri mercede remittatur, minorem lædi puto, quod rei suæ libera administratione prohibeatur, Itaque generalem regulam tenendam censeo, ut qui rei alienæ administrationem habent nudam, administratione durante, assedationes facere non possint, colonus tamen, nisi ad vitam assedationes habeat, actionem de migrando non habet, nisi specialiter ei potestas in assedatione facta sit tenentes removendi & alios loco eorum substituendi. Ut dixi, Prælati sine consensu capituli, tam terras suas quam decimas in quinquennium locare possunt, etiam si interea prælatus moriatur, successor non solum eas infringere non potest, sed etiam de evictione tenetur: Rectores & Vicarii Ecclesiarum etiam sine consensu patronorum pro triennio suas terras & decimas possunt locare, si ulterius locent, cætenus assedatio non valebit, Notandum & hoc, quod si prælatus sine consensu capituli, vel rector aut vicarius sine consensu patroni ulterius terras suas aut decimas locaverint, quam pro spatio supra dictio viz. quinq; aut trium annorum, veluti si pro novemdecem annis locaverint neq; pro quinque aut tribus annis valere, si hoc expresse cautum sit ex fundatione, ut cum consensu capituli aut patroni assedationes fiant, quia non minus consideratur in jure quomodo



quomodo quid fiat, quam quod fiat; nam quod voluit non fecit prælatus, neque quod potuit ut potuit; itaque locationes tales Senatus solet rejicere; aliquando tamen receptas memini pro tot annis, quot prælati poterant locare, licet debita solemnitates & in locationibus expressæ non sunt adhibita.

Quod si asseclatio facta fuerit sine mercede, nec certam contineat, non valet ex jure, & ita decisum vidi, in causa mota per Comitissam de Angus contra Dominum de Ardrie, nisi aliquid pro mercede aut loco mercedis sit appositum, veluti servitii aut debiti compensatio; Adeo ut si a prælato, etiam cum consensu majoris partis capituli, fundus pro mercede sit asseclatus, & eadem merces assignata eidem colono sit, asseclatio non valet; Hoc etiam addendum quod terræ regie sive obventiones & utilitates ejus, (nos Casualitates dicimus) ultra triennium locari non possunt, & in eis subscriptio principis, ac etiam ejus computorum rotulatoris & sigillum privatum requiritur, ut valeant.

Si in asseclationibus nulla mentio sit assignatorum, assignatus five cessionarius jus in asseclatione non habebit, neque ea aut ejus beneficio in jure uti potest, cum asseclationes sint strictissimi juris, imo eo ipso quod assignatum fecerit, putant nonnulli colonum a jure suæ asseclationis cadere & posse dominum, declaratoria præcedente, cogere colonum ----- ut migraret; idem si colonus silvas domini vastaverit. Qui autem gressumas (ut vocare solemus) pro asseclatione faciendi capit, non solum tenentem remove non potest, sed etiam, ut quod promiserat ad impleat, cogi potest, & etiā ad id quod interest tenetur, Gressumas dicimus summas pecuniæ, quæ in principio asseclationis aut solvuntur aut promittuntur, supra annuam mercedē, sed has gressumas aut solutas aut promissas vel scripto vel juramento partis debet probari. Non autem est asseclatio, si ad certos annos locatio fiat, quibus finitis, duratura semper donec pecunia, quam fortasse dominus a colono mutuam acceperat, rependatur; Sed species quædam alienationis est, & licet valeat pro eis annis, qui nominatim expressi sunt, ulterius non valebit nisi sasina interveniat; est enim hæc forma, species quædam alienationis, & jus hæreditarium continet; Asseclatio pro novemdecem annis, ut & asseclatio ad vitam, species est etiam alienationis, adeo ut qui alienare in jure prohibentur, neque ad novemdecem annos, neque pro vita asseclare queant, quum factum illud periculo reductionis subfit.

Si duobus successive asseclatio facta fuerit, aut pluribus in ordine subsequentibus, primus in ordine renunciatus, secundo & reliquis præjudicat, quod si duobus fiat, ut posterioris introitus ad tempus mortis prioris referatur, Primo renunciante, non præjudicabitur Secundo, quin, eo moriente, jus ingrediendi fundum locatum ei competat; sed si duobus successive asseclatio facta fuerit, poterit secundus exemplar asseclationis a priore petere, & etiam ut det cogere: Si putet eum alienaturum aut sibi præjudicaturum, poterit literas prohibitionis a senatu petere ne in præjudicium secundi alienet aut renunciet; Si viduæ locatio sive asseclatio facta fuerit & illa maritum superinduxerit, poterit removeri, etiam si fundus ei pro tota vita asseclatus fuerit, nam cum ei ut viduæ facta sit asseclatio, quæ strictissimi juris apud nos est, adeo ut nec assignatum admittat, non potest vidua, sine voluntate sui domini, novum colonum nempe maritum suum ei nolenti obtrudere, quod & observandum est, sive clausula hæc (quandiu vidua permanebit) in asseclatione fuerit expressa, sive non; ne dominus eum, quem nunquam voluit, colonum habeat. In omnibus asseclationibus, hoc tacite inesse videtur, ut si merces per duos continuos annos non solvatur, asseclatio extinguatur, Adeo, ut si pro mercede servitii asseclatio facta sit, neque is requisitus servierit, extinguatur ipso jure, licet juris declaratoria sit opus; ut omnis asseclatio, continens solutionem mercedis, ad certum diem præfixum, si ad diem præfixum solutio non fiat. Si colonus pro certis annis, in se, dum possidet, recipit alienationem (1) dominus factus fuerit fundi, sub conditione etiam reversionis & si consenserit in redemptione a priore asseclatione excludetur, nam ei tacite renunciasse videtur, eo ipso quod in se dominum receperit; aliud tamen, si alienatio rescissa fuerit, nam eo facto colonus regressum ad suam asseclationem habebit; fingitur enim quod rescissum est, neque unquam fuisse; At usufructuarius, si pro certis annis asseclationem capiat, neque ab usufructu censetur recessisse, & finito usufructu, sive annis asseclationis finitis, ad alterutrum poterit recurrere, cum simul stare possunt: idem autem & colonus & dominus esse non potest, Attendendum etiam de tempore introitus asseclationum, quod si nullum sit, plerique putant contra dominum, colonum agere debere, ut introducat eum in possessionem, nec ante sententiam dominum ad interesse teneri, alii cum nullum tempus præstituitur, præsentis die dominum introducere colonum debere in possessionem putant, alii asseclationem cadere volunt, quasi in defectu articuli substantialis; sed ego in priore sum opinione: quod si introitus in indebitum tempus conferatur,

veluti

veluti si tempore in asedatione praestituto ad intrandum colonum, dominus jure suo privatus est, ut in ecclesiasticis personis, si ante tempus introitus decesserint, tota asedatio dissolvitur, nam id tempus quo colonus, debet in possessionem induci, quam maxime spectatur, si locator eo tempore jus & potestatem introducendi colonum in fundum habeat, quod si non habuerit, tota asedatio cadit; paria enim jura nostri putant, indebite fieri, & in indebitum tempus conferri. Sed in his locationibus generalis apocha (quam acquietationem vocamus) de omnibus debitis, ad mercedes conductionum non extenditur; neque locatio ad haeredes vel assignatos extenditur, nisi nominentur expresse. Si quis fundum suum locaverit, nec mentionem termini (1) pro quot annis fecerit, pro vita sua censetur locasse jure Anglorum: nostro autem, non nisi pro unius anni spatio.

In hac de asedatione exceptione, semper exprimendum a colono, se asedationem nondum decursam habere, ab eo, qui tempore hujus asedationis facta, jus & potestatem habuit eam faciendi; Nam licet ex postfacto jus illud extinctum videatur, veluti si alienaverit, aut in forisfacturam inciderit, colono tamen non praedjudicatur, secundam illam communem juris regulam: non est novum ut quae utiliter ab initio sunt constituta in suo robore durent, licet ille casus supervenerit, a quo incipere non poterant; itaque si nondum sit harum asedationum sive rentalium decursum spatium, quod ab initio convenerat, recte se eis a migrando colonus tuebatur.

*Exceptio pacti conventi.*

Idem si pactum quodcumque de non removendo inter dominum & colonum intercesserit inter dominum inquam, non etiam ejus authorem; nam licet author alienationis (quanquam tempore pacti etiam dominus) cum colono pactus fuerit, quod eum nunquam migrare coget, pactum hoc, mutato domino, non valet, neque contra particularem successorem poterit objici; fecus in temporalibus asedationibus, quoniam reales esse, & rem ipsam afficere videntur, praecipue si, ut dixi, possessione conductor simul vestiatur.

Pactum de asedatione vel rentalis faciendi, ut antea dixi, nihil aliud est nisi asedatio; hoc etiam observandum quod pacta asedationis a domino denunciante conficienda non minus colonum tuebuntur, quam si ipsa asedationes jam factae essent, nam qui promittit facturum in ea conditione est, ac si jam fecisset, quoties per eum mora fit, quominus asedatio sit confecta; an idem in eo cui jus haereditarium promissum est, si ei a domino denunciatum fuerit, ut migret, dubito; (hac tamen omnia pacta in scripto esse debent, si unum annum excesserint) licet hodie idem fere observatur, quod a recentioribus introductum est; nam memini cum pactum de colono haereditarie investiendo, eum a migratione interea non liberaret, salva contra paciscentem actione pro pacto observando: ratio diversitatis est hac, quod in his haereditariis titulis, multa solent intervenire, quae pacti impletionem impediunt, nec jus haereditarium nisi per sasnam & investituram transit, quod tamen in nuda asedatione aliter observatur; nam pactum de asedatione faciendi, & ipsa asedatio pacificantur; praecipue si possessio sequatur; & sic in facti quaestione variatum sententiis in Senatu saepe vidi, dum hi novam, illi veterem formam tuerentur; nuper tamen in causa per

Greirson de Lag contra respectu continuae possessionis; & hoc in actione de migrando. In his asedationibus spectandum est semper tempus introitus; nam si in eo tempore, in quod introitus asedationis destinatur, asedator sit inhabilis ad asedationem faciendam, licet tempore datae asedationis (1) eo tempore quo asedatio facta est, fuerit habilis, (1) potestatem ex jure habere asedationes conficere, asedatio non valebit, nam respectus habetur potius ad tempus introitus quam confictionis: paria enim in jure sunt indebito tempore fieri & in indebitum tempus conferri; Inter alia pacta quae colonum tuentur & hac sunt, si dominus ei debitor fuerit, pactusque sit donec satisfecerit, tenentem se non remoturum; nam pactum hoc, donec solutio facta sit, adversus dominum & ejus haeridem colono proderit & vice asedationis est, non tamen contra singulares successores, Idem si mercedes sequentium annorum dominus praeceperit (nos ante manum capere dicimus) (1) antequam debeantur, aut pro eis distringi possit: tacite enim pacisci videtur, ne iis annis, pro quibus mercedem acceperat, remove dominus colonum possit & in hac praeceptione mercedis uniuscujusque locationis, annotandum est, quod cum colonus totius illius anni, quo ei denunciaturum est, fructus suos faciat, secumque auferat, pro eis totius anni solidam mercedem eum debere (1) termini, etiam ferias Sancti Martini subsequenti; quae tamen solutio hanc actionem non impedit; ut nec si subsequentium annorum merces domini camerario vel ballivo solvatur; nam sine speciali mandato domini, ejus denunciationi praedjudicii asserere camerarius vel ballivus non potest; sic si fidejussorem a colono pro aliquot annorum

annorum mercede exegit, aut colonum fidejussorem dederit, pactus ut debitam mercedem tot annorum apud se retineat, donec ei plene satisfiat, tacite de eorum annorum afsedatione pactus videtur; Hoc etiam in hujus generis exceptionibus observari solet, ut virtute hujus afsedationis vel rentalis, colonus in possessione sit; quanquā actor, ei ut migret denunciando, possessorem fateri videtur, tamen si actor possessorem quidem fateatur, virtute tamen illius afsedationis neget; sed scripto probaturum se recipiat, alia afsedatione colonum usum apud se, majoremque mercedem solvisse, quam in allegata afsedatione continetur; proculdubio illius afsedationis five rentalis vim elidet, colonumque migrare coget, nisi illa altera afsedatione se munierit, Itaque diligens in his cautio est adhibenda; quod si actor de nullitate rentalis, five afsedationis replicet, licet nullitas ipsa sit inexcusabilis, & ex prima facie constet, si tamen colonus, in possessione virtute illius afsedationis aliquot annis ante denunciationem fuerit, ea adhuc colonus se tuebitur, donec in rescissorio contra eum judicio de nullitate declaratoriam actor obtinuerit; quod multo magis, in eo qui hæreditarium jus prætendit, si ut migret agatur, locum habet, præcipue si virtute juris hæreditarii sit in possessione; nam & hic possessionem suam retinebit, donec de nullitate tituli sui, rescissorio judicio, constiterit; In his rentalibus seu afsedationibus, sufficit si tempore in quod denunciatio est facta, colonus tempus aliquod ex sua afsedatione, reliquum decurrendum habet, licet tempore vel actionis vel sententiæ, omnino tempus decursum fuerit.

In omnibus his locationibus, colonus potest a domino suo conveniri, ut ei exhibeat afsedationem suam, ut dominus sciat pro quor annis, qua mercede & servitio, & si quæ alia sint in clausula illa redditionis, quæ ad eum spectant, ut sciat, quibus rebus gravare possit colonum, immo & colonus suæ afsedationis ei exemplar præstare tenetur; Idem de data. Sed quoniam, apud nos, plurimus est usus terrarum husbandiarum, quæ in afsedationibus continentur, non inutile videtur subijcere, ex antiquissimis statutis, quid sub nomine terræ husbandiæ continetur: Husbandia terra dicitur ea, quæ quatuor jugerum est, (1) quatenus quatuor boves possunt arare; tantum enim terræ putarunt majores nostri sufficere ad alendam familiam frugi & modestam, ut & Romani olim L. Agraria caverunt, ne quis civis supra duo jugera araret, sed quantum hodie à frugalitate majorum distamus, Præterea ut quis vere colonus dici posset, in eo fundo debet habitare, & si à domino permittatur, ibi etiam & mori.

## *De mutua inter dominum & vassallum obligatione.*

### *Diegesis Vndecima.*

**P**erfecto & constituto per sasinam feudo, tum demum inter dominum & vassallum obligationes oriuntur, & mutua officiorum omnium (quæcunque ad utilitatem, five commodum alterius spectant) communio, adeo ut quemadmodum vassallus domino obsequi, & ejus dignitati & commodis studere & inservire, nemine ei præposito, debet, sic & dominus vassallum tueri, ejus res, bona, famam, nullo alterius respectu habito, promovere tenetur; & regula hæc universalis tenenda est, ut facienda ab utraque parte, fiant fide bona, & omittenda, eadem fide omittantur; & hoc vel secundum tenorem & conventionem investituræ, aut saltem secundum consuetudinem loci, si nihil sit expressum in investitura; quod si neque consuetudo appareat, tum ad communem feudorum naturam recurrendum, nam obligatio feudalis est reciproca, præcipue in fidelitate, sed vassalli obligatio est jurata & sacramento confirmatur: at dominus licet vassallo de fidelitate teneatur, non tamen jurare cogendus est; & breviter nusquam, in quod alter alteri teneatur, melius & planius exprimi potest, quam per mutuas illas obligationes hominii & tuitionis, (quæ apud nos manred & maintenance dicuntur) in quibus ea, quibus alter alteri obligatur, fidelissime continentur, nisi quod feudorum natura majorem includere benevolentiam inter partes videatur, Sed quoniam generalis hæc propositio omnibus non sufficiet, & in quod alter alteri teneatur, specialiter exprimi cupiunt, suntque nonnulli qui quatenus hæ obligationes cum ipso feudorum jure conveniunt, cupiunt intelligere & in quibus dissentiant, itaque quid primæum jus feudorum in his præcipiat, quidque petat, paucis est explicandum, & primum de obligationibus, in quibus vassallus domino tenetur.

Tenetur itaque ex jure vassallus, quam primum investituram acceperit, fidelitatem domini-

*In quid vassallus dominum tenetur.*  
no 10



no suo non solum præstare, sed & jurare eam ipsam fidelitatem inter manus domini solenniter, & ab hoc sacramento obligationes inter dominum & vassallum incipiunt; juramentum autem hoc vassallus aut per se, aut per procuratorem præstabit; cives civitatis domino subditi præsentibus & per se jurabunt.

*Forma sacramenti duplex.*

Hujus sacramenti forma duplex est in jure, una protractior, altera succinctior: Priore forma vassallus jurabit, quod sciens & prudens neque consilio, neque auxilio, aderit in eo conventu, ubi domino, vitæ aut membrorum damnum aut periculum imminere potest, aut ubi dominus, in aliquam injuriam, quæ in ejus caput, fortunas aut famam redundabit, incidere, aut honorem quem habet habiturusve sit perdere poterit, quinimo si aut audiverit, sciverit, aut cognoverit talia alios quoscunque moliri, aut pro viribus impediet, aut domino revelabit, ut ipse sibi prævideat; domino iustis ex causis bellum inferenti, aut ex quacunque causa se defendenti, aut defendere volenti suppetias feret, auxilio & consilio domino aderit, Res amissas a domino pro viribus & omni ingenio recuperare tenetur, Secreta domini non revelabit, & nihil eorum, quæ ad domini sui injuriam sive contumeliam tendent, faciet, hujus prioris sacramenti partes postea explicabuntur; Alia forma sacramenti brevior est & succinctior, in qua vassallus hæc sex jurare tenetur, incolume, tutum, honestum, utile, facile, & possibile, De quibus singulis dicendum est; incolume, nempe jurabit vassallus dominum non solum a suo facto, sed etiam adversus omnes quos prohibere poterit, incolumem futurum. Tutum, ut juret domini secreta, & munitiones ejus, quarum præsidio præfectus erit, nemini proditorum. Honestum, ut quæ domino honesta sunt consulat, neque honestum, ut sit inhonestum, faciet. Utile, facile & possibile, hæc tria domino jurabit vassallus, quæ ita capiuntur, ut quæ sunt utilia, in inutilia non convertat, neque, quæ possibilia sunt, in impossibilia: Jure nostro scripto, forma sacramenti quo vassallus domino tenetur, quatuor continet, Primo quod fidelis domino suo & hæredibus ejus erit in perpetuum, Secundo quod fidele ei consilium pro ingenii sui modulo a deo sibi dato dabit, Tertio secreta, sive consilia domini sui observantia conservanda, apud nos (ut militaris illa feudorum natura pene exolevit, hodie & feudorum concessio in quantum & promeritalis tantum est) etiam & hujus sacramenti memoria exolevit, nihilo tamen minus vassalli apud nos in fidelitatem, etiam si non juraverint, tenentur, Sed ut ad sacramenti latioris explicationem veniamus, duo sunt quæ in hoc sacramento requiruntur; quædam sunt quæ vassallo incumbunt ut faciat, alia sunt prohibitoria, a quibus faciendis prohibetur: de prioribus primo dicemus; primum itaque in vassallo quod requiritur est, si quid quocunque modo scierit aut intellexerit in præjudicium vitæ domini sui, aut amissionem membri, famæ, aut dignitatis, fieri aut machinari, obstabit illi facto, & id omnibus viribus impediet, aut si impedire nequiverit, domino revelabit, & aperiet; in quo capite multa explicanda restant, nam particula illa disjunctiva, alterius tantum præstationem requirit, nempe ut impediat, aut si impedire non potuerit, ut domino detegat; quod si certo sciat rem & machinationem illam, per se vel alium ita impeditam, ut omnino non sit timenda, dominum de ea certiorare non tenetur: alioqui si sciverit, & insidias non apperverit domino & postea machinatio illa contra dominum eventum habuit, profecto à crimine non est alienus.

*Brevis forma sacramenti.*

*Ad quæ vassallus tenetur.*

In secundo membro distinctionis, quod domino periculum aperire vassallus tenetur, converti solet, si vassallus quidem sciverit, sed testes non habuerit, aut aliunde legitime probare non poterit, an illud detegere debeat, præsertim, cum etiam in causa læsæ majestatis, qui conspersionem non poterit probare legitime, neque detegere teneatur; cum tot incommoda inde nascantur, nempe & pænæ falsæ accusationis, & partium indignatio; feudistæ tamen in contraria sunt opinione, ut quoquomodo, etiam si legitimis indicibus probare non poterit, domino detegere teneatur, ut dominus saltem sibi caveat, vel altius inquirendi de ea conspersione, occasio ei præbeatur. Neque tamen omnia consilia, quæ contra dominum fiunt, detegere cogitur, sed quæ contra vitam vel membrum ejus fiunt (quoniam est & semper fuit vitæ & membri par ratio) vel famam & dignitatem, nam si vassallus alicujus consilii particeps fuit, ex quo, in dominum infamia vergat, vel etiam ejus famam leviter tangat, contra juramenti formam peccat.

*An vassallus si probari non poterit detegere teneatur.*

Certum

Tertium est de fortunis; nam cum mutua inter dominum & vassallum obligatio intercedat, de utriusque fortunis & servandis & promovendis, profecto vassallus ingratus aestimabitur, si ei consilio interfuit, unde fortunarum domino periculum imminere poterit, & non impedierit, saltem domino non detexerit; Huic, ex altera parte, respondet prohibitiva pars, qua vassallus prohibetur, sciens & prudens, vel consilio assistere, *Quæ vassallo prohibentur.* in eo actu, ubi damnum sive læsio domino accidere possit: vel in ejus salute, vel vita, vel fassallo probibentur. ma (quam nos honorem dicimus) vel in fortunis: Sciens & prudens adjicitur, cum excuset ignorantia frequenter, quæ enim potest esse ejus poena, qui ignorans quid quis facturus, eum comitatus fuerit in eum locum, ubi inimicus dominum incautum offenderit aut interfecerit; sed in hoc casu, quia factum aliquod vassalli intervenit, de ignorantia docere & probare debet, aut de facto ignarus non præsumetur, quasi ipse in aliqua ejus parte, sive machinationis sive actus ipsius fuerit, & proinde licet in jure civili, nemo teneatur de consilio nisi fraudulento: in jure tamen feudali & de consilio vassallus tenetur, in quod non consenserit, si illud non detexerit domino suo; nam adesse vassallus domino suo debet, cum consilio & auxilio: cum consilio, ut fidele & optimum det domino, & secreta ejus non revelet: auxilio, in servitiis & obsequii præstatione. Quod ad hæc tria attinet, caput, famam, & fortunas, hæc inquam tria paria semper apud omnes gentes habebantur; nam omnium bonorum metus non minor in jure aestimatur, quam vitæ, cum ex bonis nostris vivere soleamus; & infamiae metus, viris bonis major quam mortis esse solet, cum ne vivere quidem censeamur, si fama aut bonis destituamur; & in his tribus omnibus, pari ratione, metus restitutionem in integrum producit; cui additur metus instrumentorum status & eorum interversionis; itaque in his quatuor viz. capite, fama, fortunis & instrumentis feudi avertendis, si vassallus quid peccaverit, contra fidem facit. Quod ad verba (aliquo modo) attinet, ea, ut vassalli fides sit obstrictior, adjecta sunt; neque enim sufficit vassallo, ut vita domini aut ejus fortunæ salvæ sint tantum curare: sed etiam ne minima parte lædantur & offendantur.

Quod ad auxilium vassalli domino præstandum attinet, bona, vitam & dignitatem domini vassallus tueri debet, & honestas operas ei præstare: domino justis ex causis bellum inferenti, aut ex quacunque causa defendenti, aut defendere volenti, suppetias feret & consilio & auxilio ei aderit: illud intelligendum, etiamsi non fuerit requisitus; nam inter hoc genus servitii & alia servitia hoc interest, quod in bellis operam debet etiam non requisitus, cum sciat se ob militare servitium feudum suum habere: nec domini bella aut inimicitia in obscuro possunt esse: neque vassallus officio suo debito satisfacit, si non ubicunque dominum bellum habere contigerit, advolaverit: idem, si statis diebus, aut certo anni tempore servitia debeat, nam quæ stato tempore fiunt, ignorari non debent: alia servitia nisi requisitus præstare non cogitur; nam priusquam à domino evocetur, obtrudere se non tenetur, etiamsi longissimum temporis spatium intercefferit. In jure civili libertus (cujus officia, nisi quod non sint militaria, simillima sunt servitiis, quæ à vassallo debentur) patrono neque operam, neque officium præstare tenetur, nisi cum is poposcerit; absurdum enim, ait Cajus, alio deberi servitium tempore, quam quo is vellet cui præstandum est, Sed ut ad bella redeamus, vassallus domino, justum bellum inferenti, auxilio cum equis & armis adesse debet: Defendenti autem se, quocunque modo sive jure sive injuria aderit, in cujus loci explanatione quædam difficultates oriuntur. Hottomannus, vir sane magni judicii, miris modis Oberto & Gerardo insultat, quod vassallis licere volunt, quod nemini liceat; nam jure civili parenti qui filium & filio qui parentem, impium bellum gerentem, interfecerit, præmium publice decernitur; minime (inquit Marcellus) majores lugendum eum putaverunt, qui ad patriam delendam, & parentes & liberos interficiendos veniret: quin si pater filium, & filius patrem occidisset, sine scelere, etiam præmio afficiendum, omnes putarunt. Sane in hoc casu & ego cum jure civili & Hottomanno assentior, eum qui ad patriam delendā, aut parentes & liberos occidendos veniret, ne à vassallo quidē suo juvandū; neque id unquā in animū Gerardus aut Obertus induxerunt, sed odio, quod in jus feudorū aperte Hottomannus proficitur, paulo eum altius, quam par erat, evectū constat; neque enim omnes injustitiæ pares sunt & qui patriam opugnaverit vel parentes aut liberos occisurus venerit, graviore poena Puniendus, quam qui de finibus agrorum aut jure pascendi (qualia apud nos pleraque, unde graves discordiæ & inimicitia oriuntur) cum vicinis contendit; itaque minore cum scelere, & leviori sceleris poena hic, quam illic, peccatur; At Obertus & Gerardus, aliter suam sententiam explicarunt,

Ee

nam

*An vassallus domino se defendenti in injusta causa adesse debeat.*

nam differentiam singulari iudicio ponunt, dominus justene, an injuste bellum inferat alicui, an vero se defendat; rursus in bellum inferente, si sciatur, justum ne sit illud bellum, an dubitetur; in defendendo autem domino vassallus fidelem operam præbebit, in offendendo alio non nisi velit, & si noluerit, feudum non amitter, Itaque ut totus locus explanator sit, & Obertus & Gerardus ab omni calumnia vindicentur, Primo tenenda est hæc generalis propositio, vassallum in bello dominum juvare debere, tam in defendendo, quam offendendo, quoties bellum est justum: Idem de inimicitis, sive publicis sive privatis; nam feudum proprie ob has privatas inimicitias sustinendas ab initio constitutum fuit, quod si vassallus, dominum injusto bello vexare vicinum, sciverit, opem ferre non tenetur, & ita sentiunt Gerardus & Obertus: Si dubitet vassallus, justum sit necne bellum, adhuc juvare dominum tenetur; non est enim ejus de bello, sed domini sui iudicium; neque enim hic crassa vassalli ignorantia est excusanda, si illud nesciat quod omnes sciunt; neque diligentiam curiosam in vassallo omnino probò; nam ut ait Augustinus, non est potestas nisi a deo vel jubente, vel finente, ergo vir justus (ait ille) etiam si sub rege sacrilego militet, recte illo jubente bellare potest, si quod jubetur, contra dei preceptum, non esse certum est, vel si sit certum, tamen vassallo non sit certum; itaque ex Augustini sententia, puto vassallum domino militantem, si certum ei non sit, vel, ut ipse textus loquitur, si dubitaverit militiam suam contra dei præceptum esse, non in eo peccare, si dominum juverit; & in jere civili, servo necessitas imponitur imperata domini exequendi, sed cum hac moderatione, ut si dominus facinus ei imperaverit, excusetur; in aliis vero, quæ atrocitatem criminis non habent, veluti si leviter peccetur, excusatio non admittatur, Idem ego ad vassallos trahi posse puto, si omnino bellum injustum esse nescierint, sed dubitaverint, puto domino etiam bellum inferenti, & consilio & auxilio adesse debere: Quod si dominus injuriam propulsaverit (1) si se defenderit, sive id juste sive injuria faciat, puto vassallum debere cum ex officio juvare, Ratio duplex est, quia defensio est juris naturalis itaque favorabilior, & quod ex regulis universi juris constet (sive illud sit naturale sive gentium sive civile) vim vi repellere licere; nam si dominus injuriam alicui fecerit, jure & non bello remedium petendum & nisi imperio magistratus dominus invadatur, juste invadi non potest: contra magistratū autem armatū fortasse, sententiam executioni mandantem, adesse auxilio non tenetur vassallus domino. Quod si is qui injuria affectus est, bello justo fortasse persequi suas injurias statuerit, vassallus domino se defendenti, quatenus in defensione res consistit, adesse non solū potest, sed debet. Stipendiariis militibus quamdiu stipendia merentur, nō permittitur de factis ejus, a quo stipendia accipiunt, nimium diligenter inquirere, neque curiosos esse deet, etiam si in injusto bello militaverint; Cur non idem de vassallis sentiamus? quorum feuda pro stipendiis sunt, & si à domini causa tantopere abhorreant, leviter se, nempe refutato feudo, possunt liberare. An vero quis solidarium militem, qui stipendia accipiat, de bello domini sui quod injustum esset, querentem feret? neque tamen domino injustum bellum inferenti, subveniendum puto, si injustum esse omnes intelligant, alioqui quamdiu stipendium miles retinet, tamdiu militare cogendum, modo in crassa ignorantia non sit, illud nimium ignorando, quod omnes intelligunt, & intelligere debent, & hæc multorum est opinio, quam hoc loco Gerardus & Obertus per hæc verba confirmant (Alii vero sine distinctione semper debere vassallum juvare dominum putant.)

*Quid sit justum bellum.*

Quid autem sit justum bellum, licet proprie non sit feudalis quaestio, tamen feudistæ ne quid intactum relinquunt, in hanc etiam inquirendam discenderunt, justum esse bellum definiens, quod à principe pro defensione religionis, patriæ, propriæ personæ aut pro repetitione rerum suarum, aut damni illati reparatione suscipitur, præeunte semper denunciatione, sine qua justum esse bellum, quæcunque causa præcedat, esse non potest, ut ait Livius, Dixi à principe; nam à privata autoritate non suscipitur bellum, nec nisi cum superioris autoritate, si superiorem habeat, & ejus copia haberi possit, aut res dilationem absque præsentis periculo pati non possit; defensionem autem etiam sine magistratus autoritate, cum sit juris naturalis, vim vi repellere, quilibet suscipere potest, sive denunciaverit, sive non; itaque ex prædictis constat, vassallum domino contra patriam opem ferre non debere.

Contra alios omnes vassallus dominum juvare tenetur, etiam contra fratrem suum, contra filium & contra patrem, nam has omnes denominationes vassalli nomen prægravat, arctiusque est hoc amicitia & fœderis vinculum, quam ullum naturale; cum jura sanguinis sæpe aut inimicitias non obstant, aut etiam atrocius exerceri faciant, ut nulla gravior inimicitia inter homines intervenire potest, quam inter fratres contracta, neque majus odium quam aliquando inter filium & patrem, Certe mos Romanorum erat clientem in fidem receptum



ceptum, chariorem etiam propinquis, cognatis, affinis aut alia quacunque necessitudine conjunctis habere; nam si patronus clienti, aut cliens patrono fraudem fecerit, ejus caput sacrū dicitur erat (1) cuius eum licebat tanquam fidei proditorem occidere. Quod autem de filio diximus, vassallus ejus etiam causam domino postponet, non ut filium bello persequatur, sed ut è familia ejiciat, aut ad dominum deducat ut ei satisfaciatur, si quam offensam in dominum commiserit, dominumque ei placare debet: Contra parentem durum est, & putant non debere vassallum contra patrem dominum juvare, cum diis, parentibus, & praeceptoribus, nunquam possit par referri gratia, & hac est communis opinio, licet textus manifestè etiam contra patrem habeat, sed de domino defendendo, hoc intelligendum est, si pater eum persequatur: domini enim causa semper prior esse debet; sane si vassallus retinere mallet feudū, quam pius esse in parentem, licite, quamdiu feudum retinet, domino sua jura servare debet; non enim ipse vassallus videtur his obsequijs esse obnoxius, sed ipsum feudum, quod ob officia similia & praestationes tenetur: Itaque si vassallus impius in parentem esse nolit, abdicare se feudo & in domini manus refutare debet, alioqui leges naturaliter omni feudo inhærentes observare.

An autem contra se ipsum, dominum juvare teneatur, feudistae quarunt, dubitatio ex his verbis (contra omnes) nascitur. Nam, qui omne dicit nihil excipit, sed facilis est solutio. Nam in omnibus pactis & conventionibus, loquentis persona in jure excipitur, exempli causa, si tibi promisero castrum vel turrim contra omnes tueri, & tibi quando voles aperire; & tu postquam mortem meam machinatus es, mihi imperas, ut tibi castrum aperiā, non teneri me omnium feudistarum sententia est, ubi meum periculum versatur.

*Nemo contra se tenetur auxiliū prestare.*

De modo autē opis & auxiliij, quod vassallus domino praestare debet, ex jure hac sunt quae legimus, cum equis & armis instructus esse debet, mandata domini exequi paratus, in praelio ei adesse, ei succurrere, etiamsi vitae suae periculum adeat, nam vitam suam discrimini, pro domini vita & periculo, offerre debet; si tamen in oculis certa mors sit, cujus fugienda alioqui ratione non videat, eo casu vitam suam vitae domini praefert, quid enim si vassallus, postquam lethaliter, saltē graviter vulneratus, tum demū, nec ante discesserit? aut si dominum lethaliter vulneratum in acie, cum idem sibi immineret, sicque non nisi ultima necessitate adductus reliquerit, in his vassallus excusatur, rebus tamen omnibus, arbitrio ipsius judicis, expendendis.

Sed quari potest, si per aliū substitutū seu vicariū dominū in bello juvare potest; & melior pars tenet, dummodo hic substitutus, æque idoneus, & domino gratus sit; fieri enim potest, ut hic substitutus tam sit idoneus & habilis pugnae; at tamen cū dominus ei consilia sua credere necesse habeat, & domino gratus esse debet; sed non semper licet per substitutū servire, sed tū tantū cū vassallus ipse nō potest; veluti si sit foemina in feudo foemineo, aut si vassallus sit pupillus, aut mancus & inhabilis, aut si forte, majoris dignitatis sit, quam ipse dominus; idem si investituræ tenor, ipsius vassalli praesentiam desiderat, aut publica utilitas suadeat; aut si forte, sit rerum bellicarum peritus, vel autoritate & gratia inter milites polleat, aut si feudum de rege teneatur, tunc enim per substitutum vassallus servire non potest; universitas & ecclesia nisi per substitutum servire non tenentur, neque possunt, Contra autem (ait textus) dominum antiquiorem non tenetur, hic enim ceteris est praefendus: imo omnes domini antiquiores domino feudi immediato sunt praeferendi à vassallo, ratio est, quoniam eorum beneficiū ab initio fuit, & adhuc manet, neque jus sui beneficii, à quocunque vassallo, denegandum est superiori domino, etiamsi ad mille manus penetraverit; semper enim cum onere primi domini transit; Itaque ut quisque dominorum prior est, ita à vassallo est observandus, proinde rex omnibus praefertur, cum omnia feuda de eo teneantur; praecipue in vassallis ligiis, qui, suum dominum ligium, adversus omnes sine exceptione tueri & defendere debent indistincte, etiam contra parentes, liberos, multo magis adversus propinquos & affines. Sunt qui exceptiones adjiciunt, nempe quod vassallus dominum non teneatur defendere adversus seipsum, aut patriam suam, sed exceptio hac, quatenus patriam respicit, est ponderanda; nam vassallus ligius, omnia bona sua & personam, domini jurisdictioni subjicit, & proinde in quaestione patriae, non est vassalli cognitio, Itaque donec cognoscatur ab eis, ad quos cognitio pertinet, puto servandum domino: adeo autem, posthabitis parentibus & liberis, domino ligio servire tenetur vassallus, ut licet in periculo ante sint constituti domini inferiores, omnes relinquere teneatur vassallus, & ad dominum ligium recurrere; quanquam etiam in hoc casu sunt qui moderationem hanc exigunt, si liberi vel parentes rempub. Christianam oppugnant, tum demum dominis adversus eos auxilium ferendum, nos tamen cum meliore parte feudistarum, priorem sententiam tenemus. Si de antiquiore domino dubitetur, (quod raro fit, cum nemo conditionem feudi sui ignorare praesumatur) Quidam neutri vassalli opitulari de-

*An contra dominū antiquiorem.*

bere putant, Alii Primo interpellanti; Alii uni per se, alteri per substitutum, Nonnulli vassallo electionem cui servire velit permittunt, quorum opiniones Schonerus habet. Post regem capitanei regni locum habent (quos nos proceres seu dominos Parlamento dicimus) si de eis mediate feudum teneatur, nempe ut illius, nisi publica sit causa, subsidio vassallus veniat, relicto domino suo immediato, nec vassallo vassallor fidem servare, domino neglecto primo, debet, & ut quisque gradu prior in beneficio est, ei primus honos & prima officia debentur, etiam offensus inferiori domino; Itaque semper in obsequiis militaribus, antiquioris domini persona excipienda est, & si expresse non excipitur, tamen expressa praesumitur & intelligitur; neque solum persona excepta prioris, & antiquioris domini videtur, ita ut domino immediato opem ferre contra eum non debeat, sed etiam dominum immediatum vassallus relinquere tenetur, ut superiori domino auxilio sit; & si inter dominos inimicitiae sint & dimicationes; superiorem dominum contra inferiorem, licet suum immediatum dominum à quo feudum habet, juvare tenetur, Ratio est, quoniam feudum affectum creditur, & antiquior dominus semper in beneficio prior ut dixi.

Si vero vassallus plures dominos habuerit inter se armis contententes, qui æquiore causam armorum habet, eum juvabit; si de æquitate non constiterit, antiquiorem, Si rex & baro de quo vassallus tenet, sua quisque bella habeant, non solum vassallus, relicto suo domino, verum etiam ipse dominus sive baro, neglectis suis injuriis, ad regem recurrerit; res publica enim & ejus utilitas omnibus rebus est praefenda. Quod si dominus fuerit proscrip- tus, rebellis, aut excommunicatus, vassallus ab omni servitio militari liber est, quandiu his vinculis dominus subiacet; si ipse tamen vassallus proscrip- tus aut rebellis fuerit factus, non minus dominus servitia ab eo exigit, ut saltem per vicarium serviat, Quod si in statu rebellionis per annum & diem remanserit, cum a vassallo exigere servitia non possit, usu fructus feudi non ad regem (licet alioqui inter regalia numerentur omnes multarum poenarum) sed ad dominum ob contumaciam vassalli devolvitur: unde dominus, durante vita vassalli, servitia exigere possit, fructusque, ex quorum proventu alium servientem substituere potest, colligere & summa hæc cum ratione, apud nos, sunt introducta.

*Vassallus cui  
vitiis domini  
adesse debet.*

Debet etiã vassallus presentiam suã in curiis domini sui, neque ab eis abesse, alioqui multandus. In omnibus honorẽ sui domini intactũ & illibatũ conservare debet, reservato regio servitio: comitari etiã dominũ debet, nõ solũ intra districtũ, sed etiã extra eũ, quoties domini vel periculũ in vita, in honore, aut fortune urgeat. Si imperator Romã proficiscatur ad imperii coronã accipiendã (solent enim ibi Imperatores corona aurea inaugurari: Aquisgrani, ferrea: Mediolani argentea) capiraneq; regni eum sequũtur, vassalli dominos sequuntur, alioqui dimidiũ fructus illius anni praestabit domino; hæc servitia si certa nõ sint, ex continua praestatione praesumuntur, & moderata debent praestari, Si plures sint vassalli hæredes & feudum sit dividuum, singuli tenentur pro sua virili parte: Si individuum, singuli in solidum tenentur, cum sit factum indivisibile: Ita tamen ut si uni vassallo successerint, per unum substitutum servire possint. Et semper si de servitii vel qualitate vel quantitate quaestio fuerit, ea per inquisitionem terminabitur, per pares in curia domini. Si plures sint domini hæredes, & feudum sit divisibile, pro portionibus hæreditariis serviunt; si servitia divisionem non admittant, variã sunt feudistarum opiniones, alii primo interpellanti, alii cuilibet, multi uni ex multis eligendo; si eligere distulerint, nulli servitia praestanda censent: nos hæc molestia liberamur; nam apud nos feudum non est divisũ quoad dominium directum, sed tantum ad unum pertinet.

*An vassallus  
suis sumptibus  
dominũ  
comitari de-  
beat.*

Vbi autẽ vassallus dominũ juvare, quoque eũ comitari debeat, quaestio est; in cujus solutione primo pacta feudalitatis, & conditiones feudi inspiciendæ, si quid in eis de hoc genere servitii continetur expresse; si nihil inde appareat, hæc distinctione utemur, ut vassallus ad curiam domini venire, & eũ cõitari debeat, Quod si dominus in loco nõ valde remoto a suo territorio bellũ gerat (quis enim locus remotus, quis vicinus arbitrio judicis permittitur) aut si dominus sua pradia longe diffusa defendit, aut antiqua per vim ei ablata repetit, multi putant & in his casibus etiã extra territorium domini bellũ gerenti opitulari debere vassallũ; non si aliena, aut nova opera aut oppugnationes aggrediatur, in quo casu vassallus dominũ juvare nõ tenetur, nisi vel loci vel majorũ consuetudo vassallũ obliget; Quaestio tamen manet, cujus sumptibus dominum debeat juvare, & sane nisi id in investitura continetur, si feudũ sit tenue, & quod sumptibus non sufficiat, vassallus domini sumptibus serviet, in publicis autẽ regni negotiis veluti si Imperator, ad coronam petendam, Romam proficiscatur, aut publicum bellũ gerat, suis sumptibus; unde & mos noster, ut vassallus suis sumptibus & sine stipendio serviat; Quanto tempore debeat suis sumptibus inservire, nõ minor est quaestio, Sed hoc & ex usu quotidiano & etiã jure constat

constat, vassallum domino bellum gerenti debere suis sumptibus inservire per quadraginta dies, unde & nostræ proclamationes emanarunt, ut quilibet ad tutelam & defensionem regni cum viatico quadraginta dierum ad locum præscriptum adsit; Inter vetustissimos juris feudalis aphorismos reperio: vassallum debere domino servire suis impensis per sex septimanas; nam tum stipendia militaria in usu non erant, sed Reges per vassallos suos ligios tantum bella gerebant, vassallique dominis pro feudis suis serviebant, quàm admodum adhuc in Gallia, qui sunt ex Ban & Arrierban servire tenentur: sed cum genus hoc servitii pluribus incommodis apud Gallos esset obnoxium, neque semper in tempore opportuno occurrerent, primū tributa indicta sunt populo, ut in perpetuis belli periculis legiones præstare essent in locis opportunis: rariora hæc apud Anglos tributa; apud nos nulla: itaque vassallorum opera in bello per 40 dies uti solemus, sine stipendiario milite.

Si vassallus propriis sumptibus serviens, equos & arma amiserit, an à domino repetet quare potest, sed negant omnes, cum suo periculo serviat: quod si dominus extra territorium sine iusta & honesta causa vagari cœperit, nullo modo vassallus eum sequi tenetur, & hæc est feudistarum communis opinio, quo jure nos utimur.

Dominum in filia primogenita elocanda opibus juvare tenetur, & etiam ut ejus primogenitus equestri dignitate decoretur, & pro his duobus dominus pecuniarum opem exigere potest, & pro ea vassallum distringere, Unde, si nusquam alias, prima hæc feudorum initia, & mores a septentrionalibus gentibus defluxisse, cuius constare potest; nam & hic mos apud omnes fere Boreales regiones adhuc observatur, ut dominus pro omnibus filiabus elocandis vassallos gravare poterit, Sane iusta hæc causa; inde inolevit, ut reges pro filiabus elocandis possint populum tributo gravare, Apud nos in legibus nostris antiquioribus scriptis, hoc jus domini in vassallum expresse continetur, sed in primogenita limitatur, ut hoc pecuniarum subsidium, non ante decimum quintum annum exigatur: imo hoc cavetur, ut si dominus a vassallis suis opem pecuniariam exigerit, & filia innupta decesserit, eum ejusque hæredem, tanquam de ære alieno teneri, vassallisque actionem pro ea repetenda competere, aut si, eo decedente, filia innupta permanserit, filia adversus patris hæredes & executores actionem pro eis summis recuperandis habeat, quod in aliis liberis locum non habet. Mos autem hic, ut Dominus subsidium a suis pro filia elocanda exigere possit, adhuc apud montanos nostros manet, imo, ut vult Speculator, vassallus etiam in domini filia elocanda, etiam si spuria sit, contribuere tenetur, cum ei alimenta ex jure debeantur, & dos pro alimentis sit, sed id puto intelligendum, si legitimam non habuerit. In Relevio pro sua terra solvendo, post expletam custodiam, vassallus dominum juvare tenetur, Ratio est, quia dominus cum in custodia esset, nihil nisi mera alimenta habuit, & post expletam custodiam, cum in initio ingressus sui ad suum feudum, domino solvendum est relevium, nec habeat unde solvar, a vassallo in hoc casu juvandus est, cum se ipse sine sua culpa juvare non possit: In alijs dominum pecunia juvare non tenetur vassallus, licet sint, qui dominum captum in bello, quod sine sua culpa contraxerat, a vassallo, ut redimatur ab hostibus, juvari putant debere.

Nostri autem juris antiqui scriptores altius in hæc subsidia penetrarunt, ut modum etiam subsidii circumscriberent, ne domino ultra aquitatem in vassallos debacchari liceat, nempe ut in singulis libratas terrarum (libratas voco, quarum redditus viginti solidis æstimatur ab iis qui inquisitionibus adsunt) quinq; solidi debeantur (1) quarta pars fructuum, sed usus ulterius permisit; at hodie pene arbitrium est, nec fortasse eo minus, cum quilibet tenentium sive vassallorum, ut grati animi in dominum significationem exhibeant, inter se certent aliquando, qui potiores & priores in his officiis aut ope contribuenda sint; in alia subsidia pecuniaria vassallus domino non tenetur, neque dominum in opem alere, nisi in his tribus casibus; primo si ex facto vassalli in inopiam inciderit; secundo si vassallo liberalior & benignior, quam par erat, fuerit, tertio si feudum sit adeo opulentum, ut utrique sufficiat, licet etiam in his, plerique dissentiant & aliquando pro domino ex carcere redimendo, si forte ob debitū ibi detineatur, vassallus fideiussorem se supponere tenebatur, ita tamen ut debitum, unius anni fructus & utilitatem non excedat, quia tamen innumera fraudes a dominis in vassallos prætendi poterant, communi omnium gentium consensu exolevit: dominum autem, si causa feudi in bello captus fuerit, juvare pecunia tenetur, non si dominus stipendia meruerit. Agri Fines vassallus domino monstrabit, si sciat, quod si probabiliter ignoret, forte quod non ita pridem jus feudi acceperit, dominus ei monstrare tenetur; aliqui vassalli ignorantia, suo sacramento permittitur; idem in investitura instrumentis. Hostes domini sui per suos fines transitu per se & suos strabis, quantum potest, arcebit vassallus, hospitio aut committatu non juvabit.

*Vassallus dominum in primogenita filia dotanda juvare tenetur, & ut primogenitus cingulo militari donetur.*

*Vassallus dominum in relevio solvendo juvabit.*

*Agri fines vassallus domino monstrabit.*



*Feudum  
meliorabit.*

Feudum ipsum sive fundum in feudum datum, ita colere tenetur, ut ejus qualitas & conditio deterior non reddatur: neque enim abuti, aut illud deteriorare, vel alienare potest; feudi enim usus ei tantum permittitur, & omnis administratio, quæ feudum vel in eodem statu servet, vel in meliorem redigat; Itaque & ab Iacobo Quarto & Iacobo quinto ejus filio prudentibus principibus, in omnibus feudorum concessionibus, expresse cautum videmus, ut feudum datum exornent ædibus ad hospites recipiendos idoneis, arboribus serendis incumbant, & agrorum culturæ, silvis parcant, nisi quatenus ad usum necessarium par erit; aut arbores fructiferas plantent; unde illa continuo per tot annos agitata actio de feudo de Kincavel inter Robertum Crichtoun de Innernetie, & Bonerum de Rosly, nullam aliam originem habuit, nisi quod alter silvarum deteriorationem & proinde feudi amissionem præstendisset; alter in integro statu, & tum & antea fuisse asseverasset; utcunque est, constat ex ejus actionis eventu, legitimam causam feudi emphiteutici amittendi fuisse fundi, & silvarum quæ in fundo erant deteriorationem: Itaque vassallus ab eis arboribus, quæ aut ornamento aut munimento, hortis, domibus, aut agris sunt, abstinere debet, & præcipue ne fructiferas arbores cadat, nisi senescentes & tum tot, aut plures in earum locum substituer.

Subditos suos vassallus comiter tractabit, neque in eos durus erit, imperando onera gravia & insolita, Extat enim apud Gallos edictum Ludovici 12, ne quis dominus suos vassallos, aut subditos vexet, aut plus vero debito ab eis exigat, sub gravi pœna; quod si dominio suo abutetur, facit se indignum ut dominetur; itaque iuste ejus subditi, apud dominum superiorem querentur, si indignis modis a suo domino, vassallo ejus, apud quæ querimoniâ instituunt, haberi & tractari se dicant; Et hæc erant seminaria illius diuturni & cruentissimi belli inter Francum & Anglum: Nam cum Anglus in Gallia, Normaniam, Aquitaniam, Andes, Pictones, & plerasque alias provincias de Gallo in feudo teneret, Francus in quamcunque rei gerendæ occasionem intentus, ubi oportunitas administrabatur, & successus alicujus majoris spes esset, telum illud in Anglum nunquam vibrare destitit, nempe suppositis quibusdam Angli vassallis, qui de injuria sibi a domino suo Anglo illata, ad dominum superiorem, nempe Francum quererentur: hinc à franco dies Anglo tanquæ feudatario & vassallo suo dicebatur, ut ad eum compareret, ad subditorum suorum querimoniae responsurus, & si is ad diem præstitutum non advenisset, seu venire contempsisset, sententia pro Franco ferebatur, Anglum ab omni jure, quod in eis terris habebat cecidisse, terrasque illas in dominium regni francorum recidisse; quam sententiâ dum francus executioni mandat, & armis sibi possessione arrogat: Anglus contra vi & armis possessiones retinere tenderet, infinitæ clades utramque gentem pervaserunt, Eadæ causa fuit perpetui hujus belli, quod nostra ætate inter Hispaniarum regem & Belgas continuatum est.

De vassallo autem universitatis dubitari potest, quod hic non sit vassallus singulorum, sed universitatis, nec singulis ex universitate sed soli administratori obligatur, itaque singulos offendere sine periculo feudi potest, dummodo universitatem aut ejus administratorem non offendant; nam in universitate (quæ res incorporalis est, licet corpus representet) vassallus ut ab administratore investiturâ petit, sic ei reverentiam & obsequia cum officiis præstare debet, sed de hac quæstione plura, in diegesî sequenti, Sunt & pleraque alia officia, quæ a vassallo domino debentur, quæ tamen omnia Hottomannus quatuor capitibus comprehendit, Primum, ut vassallus juret se domini sui caput & fortunas, contra omnes, etiâ fratrem, & filium & denique contra patrem defensurum, excepto superiore patrono; Secundum, ut alterutro sive patrono sive vassallo decedente juramentum renoveretur, Tertium, ut quoties patronus poscat, præsto sit vassallus cum armis, & equis, sed non nisi requiratur, Quartum, quod in patroni testimonium dicere non possit; sed hæc quatuor omnibus non satisfaciunt, nam non tantum caput & fortunas domini, sed etiam dignitatem vassallus tueri tenetur, nec tantum ei adeste cum requisitus fuerit, sed etiam si evidens periculum immineat, etiam non requisitus.

*Prohibito-  
ria in vassal-  
lo contra do-  
minum.*

Ad nostra ut redeamus, hæc sunt quæ vassallus domino tenetur facere, quæ præposuimus: Prohibitoria vero (1) a quibus faciendis vassallus prohibetur, multa etiâ sunt; nam vassallus ex jure feudali servitutem feudo imponere non potest, in præjudiciu domini sui, nisi forte durante vita sua, Hæc enim servitus cum morte vassalli extinguitur, non obstante quacunque præscriptione, nisi forte dominus cum sciret servitutem impositam, non prohibuisset. Nostrum autem usu, quandiu, vassallus aut ejus hæredes, aut ei aliquis particularis successor, feudo fruitur, servitutem valere putamus: si tamen ob culpam vassalli feudum ad dominum revertatur sive (ut forum loquitur) in forisfacturam cadat, omnes alienationes, servitutum impositiones, aliaque onera realia, sive gravamina, quibus sine domini prioris consensu gravatum feudum Est,

est, dominus ea omnia merito ignorabit; nec ad ea, si feudum reversum fuerit, tenebitur, tale enim reverti debet, quale ab eo recesserat; idem si feudum in custodia fuerit.

Vassallus autem dominum in jus non vocabit, nisi venia impetrata, neque dominum fide-  
*Au vassal-  
lus domini  
in jus voca-  
re possit.*  
 jussione gravare, de indemnitate personæ potest: testimonium contra eum non dicet, neque contra dominum ullam famosam actionem intentabit (1) talem actionem quæ infamiam irrogat, si condemnatio sequatur; nos famam ejus tangere dicimus: imo quod huic proximum est, neque contra dominum actionem unde vi (nos ejectionem dicimus) neque actionem vi bonorum raptorum, quam spoliacionem vocant, contra eum persequi poterit: utraque enim actio famæ dominicæ præjudicium adfert, sed tantum actionem simplicem in factum jus feudale ei permittit, & litis victor non quanti rem juramento æstimaverit, sententia contra dominum feret, sed tantum quantum probare possit; sed in hoc uno jus commune cum jure nostro non convenit, & ratio pro nobis stat, cum in interdicto unde vi, bonorum æstimatio omnino improbabilis est, nisi probatio ex sacramento læsi sive spoliati, aut ejus qui injuriam passus est, sumatur; in his si vassallus quicquam peccaverit, non solum fidem fregisse dicitur, sed etiam à feudo cadit, nisi forte vel in se tuendo, vel defendendo, aut mandato regis sive justitiæ imperantis fecerit. Hæc sunt quæ vassallus in præjudiciū domini facere prohibetur, ut neque feudum alienare invito domino potest, sed de his postea, in eo titulo, qui de amissione feudi inscribitur, dicemus; nam multa ab eo titulo, quæ ad præsentis quæstionis explicationem pertinent, peti possunt & rursus ex hoc, quæ ad illius elucidationem spectant, sunt repetenda.

Disputat Hottomannus, an hujus perpetui servitii, à se & posteris suis exigendi, obligatio ex jure civili stare poterit, nec ne, Rationem dubitandi adducit, quod ea pacta, per quæ jus libertatis imminuitur non valeant; veluti si quis paciscatur, ut in illa civitate domicilium perpetuum habeas, aut ne a monumento recedas, nam non multum a servantium specie differunt, quibus recedendi potestas non conceditur; præterea cum nemo pro parte liber, pro parte servus esse possit, videtur hoc servitii genus, non solum cum jure, sed etiam cum ratione pugnare; sed quia vassallus perpetuas operas non debet, sed tantum vel stas, vel cum rogatus & requisitus fuerit, operas præstat, similis in hoc casu servo non est æstimandus, ad has enim operas quilibet liber homo se sponte sua potest obligare, & quoniam non magis vassallus domino, quam dominus vassallo, in mutua officia, dummodo requiratur, tenetur, nulla hæc est servitutis species, sed potius mutue gratiæ & benevolentie vinculum; Sunt tamen quidam casus, in quibus vassallus ab officio excusatur, veluti si feudum suum ante necessitatem servitii aut officii refutaverit; de hac refutatione postea suo loco: aut si sine sua culpa feudum non possederit, neque enim sumptus nisi ex ipso feudo possunt præstari, quo si careat, nisi occasionem præbuit, æquitas sumptus ab eo non exiget: idem si sumptus belli pro parte sua jam præstiterit; sic excusatur vassallus, si servitia ob præsentissimum vitæ suæ, aut eorum, quæ in pari gradu cum vita sunt, periculum, non præstiterit: aut si præstata fuissent, non tamen profuissent. Jam ad eas obligationes, in quas dominus vassallo tenetur, accedamus; nam in omnibus dominus vassallo suo operam mutuam reddere tenetur & ut vassallus ob culpam perdit feudum, sic dominus dominiū directum, quod ad ejus superiorem devolvitur; certum enim est dominos etiam vassallis suis obligari, quoque antiquior est dominus, magis obligatur & tenetur; nam & Rex in multis subditis suis obligatur, quod populum sibi a deo commissum, secundum divini verbi mandata, legesque regni dei verbo non adversantes, regat, & gubernet, a subditis vim injuriam & omne genus oppressionis, propulset; judicia sine corruptione exerceri curabit, quod unumquenque in suo ordine & dignitate se habiturum jurabit; sciendum enim est, mutua hæc esse officia inter dominum & vassallum, & quod in omnibus dominus vassallo teneatur, in quibus vassallus domino, nisi quod dominus (ut dixi) jurare non teneatur, neque enim honorem ut vocant aut reverentiam, quam vassallus domino, exhibere tenetur; nam vassallus hoc reverentiæ domino debet, ut ejus non jurati fidem sequatur; Sic dominus vassallo sui dominiū titulum ostendere non tenetur, nisi evidens vassalli periculum, in quod se non volens conjecerat, ex subtractione sequatur; neque dominus minus obligatur, aut minus punietur, si peccaverit, quam vassallus; in reliquis enim paritas officiorum est, & vassallo dominus tenetur ratione dominiū, aut superioritatis, eodem modo, quo vassallus tenetur domino ratione hominiū, nisi, ut jus nostrum scriptum vult, quod ad honores & reverentiam attinet, nam semper honorare & revereri dominum vassallus tenetur, sed dominus non contra vassallum; itaque dominus defendet in omnibus, & tuebitur vassallum, contra omnes, nisi contra dominos suos superiores, hi enim, ut dixi, semper sunt præferendi; sic patria, &  
 parens,

parens, non autem filius, aut frater; Quod si plures vassallos habeat, inter se contententes, aut rem coram se iudicio tractari faciet, aut quiete utrique parti imperabit: prudentiores consulat, utrius causa iustior erit, eumque adversus adversarium tuebitur: Si de æquitate causæ dubium sit, antiquiorem vassallum tuebitur; nam is prior est, cum quo fidei vinculum primum contractum est; Sic confinia feudi, dominus vassallo ostendet; actionem injuriarum contra eum, qui vassallo injuriam intulit, etiam suo nomine habet: dominus etiam superioritatem semper debet adire, ut vassallus de eo teneat, alioqui in fructus vassallo tenebitur, quibus vassallus ex ejus facto fraudatus est; nisi dominus postquam monitus est, (nam monitio semper apud nos debet præcedere) diligentiam suam præstiterit, aut forte iusta ex causa impeditus fuerit, veluti per pestem in eam urbem in qua deserviri debet, aut ipse in varda fuerit & ante legitimam ætatem 21 annorum intrare non poterit: Matris conjuncta infudatio antea impedimentum erat, ne filius possit adire superioritatem: hodie non est; nam conjuncta investitura hodie, in nudum usumfructum resolvitur; Si superior monitus, ut vassallum investiat, antequam fecerit, moriatur, ejus hæres ex eodem præcepto cogi potest, ut vassallum intret; quia præceptum generaliter dirigitur.

Si dominus superior, veluti regalitatis, sit extra regnum & monitus fuerit per 60. dierum summonitionem; visa hac summonitione, Senatus mandare poterit iudici ordinario, ut vassallum deserviri curet & vassallus adibit sive (ut nos loquimur) intrabit per Cancellariam; Neque dominus directum dominium à se alienare aut transferre in alium invito vassallo potest, quia interest vassalli, non mutare ex quacunque causa dominos, nisi ejus consensus accedat; Hæc ratio est, cur nec princeps, invitus civibus, civitatem alienare possit; Quod de domino alienante superioritatem diximus, hoc temperandum est, ut id non posse credatur, nisi totum feudum vendat cum curia aut jurisdictione: aut (ut nos solemus loqui) nisi totam baroniam vendat; Ratio hæc datur, non tantum quod vassallus feudum alienare non possit; neque enim paribus vinculis semper alstringuntur vassallus & dominus; sed multo magis quod plures superiores habere, difficilius jus feudi vassallo faciat, pluribusque incommodis custodiarum, & non introitus obnoxium. Itaque per se, in jure non potest dominus alienare superioritatem suam: cum universitate potest; multa enim sunt, quæ per se non rite transeunt, quæ tamen cum universitate commode transire possunt, qualia sunt superioritates sive domina directæ, jurisdictiones, advocaciones beneficiorum, seu jura patronatus, quæ per se hæreditarie vix conceduntur, nisi alicui alii rei sint annexa, & si quæ alia sint privilegia realia; Nostro jure, alienatione superioritatis permittimus dominis, dummodo vassalli conditio in ea non sit deterior (1) dummodo alium superiorem non interposuerit inter se & vassallum; & hoc casu alienatio prohibetur, ne multiplicatis dominis, in quorum omnium servitio vassallus tectetur, duriores fiant vassalli Partes.

Potest etiam dominus vassallos seu subditos gravare, ut se juvent in exercitu regis, pro reipub. non si quando stipendia capit, sed quando stipendia cessant, Galli Ban & Arrierban vocant; Ban enim indictus est exercitus conveniendi (1) servitium ordinarium exercitus exigendi: Arrierban est extraordinarium, si quando reipub. necessitas exigit: hodie tamen confunduntur. Si vassallus non respondeat ad debita subsidia sive servitia, dominus feudum inter suas manus (ut loquuntur) capere potest: quod hoc modo apud Gallos fit, nempe ballivus vassalli pignora capit, ea tribus sabbatis in ecclesiis, tempore concionum sive precum ostendit, dicens se per ea pignora mittere feudum in manus domini, in defectu servitiorum, sive hominis sui cum servitio debito: si nemo, ut pignora redimat, intra quadraginta dies adsit, sententia fit adjudicationis feudi, domino: si vassallus intra annum & diem adhuc domino non satisfecerit (satisfacere tantum tenetur, quatenus domini interest servitium fuisse præstitum) feudum domini proprietati consolidatur.

Multas judiciorum levare potest: ea, ut apud Hottomannum, octodecem solidorum est, In Gallia, (uti vassallus feudum etiam non consulto domino vendere potest) decimatertia pars pretii domino, ut unum pro alio vassallo recipiat, debetur. Hæc ad dominum & ejus officia.



## De feudi Renovatione.

Diegesis Duodecima.

**E**x ea divisione, quam in initio hujus libri proposuimus, de modis quibus feudū acquiratur expedivimus primum, de novi feudi acquisitione per investituram; Secundus itaque modus feudi acquirendi, per renovationem est, quando feudum in hæredis vassalli persona renovatur: nam hæres non male eo casu acquirere dicitur, cum, quod antea suum non erat sed domini beneficium, per renovationem illius benevolentia, quam dominus defuncto dum vixit debuit, vassalli hæres, in eodem dignitatis gradu & benevolentia officii, continuatur, & quasi pro defuncto recipitur, cui vitam fortunas, famam, & dignitatem dominus committat. Nam renovatio nihil aliud est, nisi veteris juris in aliam personam, sive mutatio sive translatio, sive ut quidam volunt, confirmatio, Et in hoc differt a prima feudi per investituram acquisitione, quod hic, novum feudum non acquiritur, sed vetus renovatur; At in acquisitione feudi per investituram, nihil nisi novi feudi, sive feudi, quod antea non erat, acquisitio a principio, & quasi nova ex patrimonio domini constitutio, sive feudi dispositio versatur, nulla inquisitione habita, quid juris hic novus vassallus, aut ejus majores in eo feudo habuerunt.

*Definitio Re-  
novationis  
feudi.*

Alia etiam est inter hanc renovationem feudi & constitutionem primitivam differentia, quod in primigenia feudi constitutione, dominus vassallo possessionem vacuum tradere teneatur, ut antea diximus: At ex hac renovatione feudi, nulla vassallo acquiritur possessio, si eam ante non habuit, nec novum jus, ab eo quod prius habuit ejus prædecessor, sive universalis sive singularis, ei tribuitur; sed renovatio hæc, feudi possessionem, si quâ tempore renovationis habuit, confirmat, jurisque veteris est quasi confirmatio sive continuatio, & sub eadem forma fieri debet, qua prima & principalis investitura est facta; Quid ergo, dicet aliquis, quomodo ex hac renovatione possessionem vassallus acquireret, si eam non habuit? Respondeo, eisdem modis agere contra dominum, si apud eum possessio sit, ut eam tradat, ex quibus de novo institutus agere potest, sic & contra alios, si apud eos sit possessio, ut eam sibi secundum jus feudi sui restituant.

Renovatio autem feudi non solum fieri debet, quoties persona vassalli mutatur (1) quoties uno vassallo defuncto, alter in ejus locum jure successionis vocatur, sed etiam quoties domini persona mutatur & novus dominus sive per successionem, sive per alienationem, in directum dominium, sive jure singulari sive universali succedit; nam utroque casu vassallus & ejus hæres dominum sive novum, sive veterem recognoscere debet, & servitia sua profiteri, ne in alterutrius persona, ingrati animi, aut negligentis nota possit deprehendi. Moribus Gallicis & nostris, renovatio feudi non est necessaria, nisi ex mutatione personæ vassalli; & licet hæc feudi renovatio, apud nos, non sit frequens, nostris tamen moribus dominus, vassallo renovationem feudi petenti, non tenetur indistincte concedere, nec eisdem necessitatibus vassallus ad eam petendam cogitur, ut in jure feudali; in quo, si vassallus a petitione renovationis per annum cessaverit, a jure sui feudi cadit; & dominus si recusaverit, nisi justam recusandi causam habuerit & ipse suo dominio directo privatur; tamen cum multa, ex jure feudali, nostris moribus etiam in hac disputatione convenient, multa ad usum nostrum accommodari possint, breviter quæ ex jure feudali de investituræ renovatione præscripta sunt, prius explicabo, mox quatenus & quibus rationibus jus nostrum ab eo dissentiat, paucissimis enarrabo, cum jus hoc feudale, ut ab initio monui, sit locale, ejusque partes, ut quæque sibi commodior videbatur, gentes Europæ ad se tra luxerint, & observationibus diversis quasi emollierint.

*Quando Re-  
novatio feudi  
fieri debet.*

Quoties itaque vel domini superioris, vel vassalli persona mutatur, aliusque in prioris jus succedit, toties renovatio hæc petenda est: pœna cessationis a petitione, vel recusationis cum petitur, feudi sive utilis domini est amissio, post annum & diem; ita ut, vassallo non petente, dominus de feudo possit disponere, aliumque de novo investire; Si dominus recusaverit justam vassalli petitionem, post annum & diem, vassallus eo præterito de domino ejus superiore tenebit, & sic directum ejus domini vassalli commodo applicatur; Quod de anno & die diximus, in vassallo locum habet, sive vassallus sit miles sive Paganus, licet quidam in milite propter occupationes militares (quæ etiâ in jure excusationem merentur) mense superaddunt; idè & in barone & nobili, ne tam arcte cum eis agatur; nec hic citatione opus est, sed vassallus non admonitus, ultro & volens domini suum adibit, renovationemque ab eo, cum omni humilitate, requirit, servitia sua paratum exequi profitendo & fidelitatem ei offerendo, licet plerique fidelitatis sacramentum offerri, nisi requisitum fuerit, necessarium non putent.

*De Tempore  
petitionis in  
renovatione  
feudi.*

*A quo tem-  
pore currit  
hic annus.*

Curret autem hoc anni & diei tempus, a die scientiæ, prædecessorem mortuum, Sci-  
entiam autem dico, ex qua plane & certo quis cognoverit, jus feudi ad se devolutum;  
nam ex eo tempore incipit esse in mora, & probatio hujus scientiæ domino incumbit;  
cum ignorantia facti alieni in vassallo semper præsumatur, nisi ea crassa sit, & supina ignoran-  
tia; veluti si quis id nescire prætendat, quod omnes sciunt: aut si in eadem patria, aut patriæ  
regione sive vicinia vassallus fuerit; nam eo casu vassallus pro sciente habetur; cum scire &  
scire debere, in jure paria sint & Sane si hæc ignorantia sit crassa, probationis onus in vassal-  
lum transfunditur, nempe se probabiliter ignorasse: aut probabiles ignorantie suæ causas  
habuisse; ignorantia autem hæc non tam ex persona defuncti competit (1) si vassallus, quan-  
do, quo loco, quo casu interierit, ignoret, quam ex qualitate rei ipsius, veluti si ignoraverit  
probabiliter rem esse feudalem, cum allodiam putaret, aut ad se pertinere, aut devolutam  
esse nesciat; An dubitantes pro ignorantibus habeantur, plerique controversunt, sed & hu-  
jus nodi solutio, ex præcedentibus patet: nam licet generaliter dubitans pro ignorante habea-  
tur, tamen inquirere debuit de rei veritate, nec volens in errorem aut dubium se conjicere.  
Annus autem hic in ignorantibus, sive julte dubitantibus non currit, nisi à die scientiæ; in  
scientibus continuus est, & de momento in momentum numeratur, adeo ut etiam dies festi  
numerentur, & ii, quibus petere investituram de jure non potuit; dies additur, ut omnes mo-  
lestæ quæstiones de anni tempore tollantur; Quod si dominus, à quo vassallus instituit petere  
renovationem, intra annum & priusquam totum tempus excurrat, decesserit, non minus ta-  
men vassallo annus & dies præscriptus currit, nisi domini successor incertus sit, aut alia justa  
causa intercesserit, ex qua vassallus petere non potuit; at si vassallus intra hunc annum & di-  
em decesserit, non petita renovatione feudi, ejus successor integer annus & dies conceduntur,  
ut de novo petere possit, & hæc de tempore, intra quod peti debet renovatio hæc feudi.

*De anno &  
die & quare  
dies annus ad-  
datur.*

*De loco &  
forma peti-  
tionis.*

Superfunt adhuc alia de tempore, nempe quod idoneo tempore, & loco hæc petitio fieri  
debet a domino: neque enim tempore noctis hæc petitio facienda, nec etiam tempore prandii,  
aut cum dominus voluptatis causa se exercet; neque enim molestus domino debet esse vassal-  
lus, aut occasionem ei præbere cur cum averteretur; sed tempus & locum idoneum observare,  
quibus dominus non gravatè possit ejus voluntati obsequi; plane si dominus tergiversando,  
aut se subtrahendo in eas difficultates vassallum conjecerit, ut alio loco, alio tempore eum  
comprehendere non possit, quovis loco, & quovis tempore poterit renovationem petere,  
etiam extra territorium, si dominus se ex territorio fraude aut dolo subtraxerit. Forma au-  
tem petitionis hæc debet esse, ut cū omni reverentia & honoris præfatione fiat, & etiā fide-  
litate, ut dixi, oblatione, & si dominus sine justa causa differat, non solum injuriarum, sed etiam  
feudi (ut antea dixi) privatione vassallo tenetur, aut in omnes fructus, a die moræ, nisi vassal-  
lus eos prælegerit, Sed in hoc, forma loci semper observanda est. Prætereundū tamen non est,  
quod annus & dies ex causa possunt a domino differri (quod prolongari nos dicimus) quo ca-  
su, dominus legitime à vassallo requisitus, si justam differendi causam habeat, locum tutum  
& tempus certum, vassalloque commodum assignabit; in quo vassallus vel se vel suū procu-  
ratorem sistet, ut ibi renovationem sui feudi accipiat, idque coram testibus sive extraneis sive  
paribus, vel uno etiam extraneo, paris loco, adhibito.

*Prioris in-  
vestitura for-  
ma semper  
inspicienda*

Sciendū tamen est, dominū in alia forma renovationē feudi concedere non cogendū, quam  
sub eadem forma, qua prius fuerat, nempe sub eodem tenore, sub eisdem pactis, conditioni-  
bus & provisionibus; nam prioris investituræ tenor, est in renovatione regula, ad quam &  
dominus & vassallus se debent dirigere, & quasi radix & fundamentum hujus renovationis;  
Itaque apud nos hodie in renovatione hujus feudi semper hæc clausula adjicitur a domino  
(secundum tenorem, antiqui infeofamenti sive investituræ, quā de nobis vassallus habet) idq;  
vnicè & summa diligentia a dominis curandum, ne ullam renovationem concedant, nisi pri-  
oribus monumentis inspectis & consideratis.

In hac renovatione investituræ, hoc præcipue mente tenendū, ut si quid difficultatis oria-  
tur, semper ad primam sit recurrendū, ex prima argumenta & decisiones sumenda, licet in se-  
cunda nihil tale reperiat; nam omnes conditiones & qualitates primæ investituræ censentur  
in ea repetitæ & posterior secundum naturam prioris data censetur, & secundum eam intelli-  
genda, licet posterior priorem declarare videatur; Adeo autem hæc de primæ investituræ teno-  
re & virtute sunt vera, ut si secunda primæ fuerit in aliquo capite seu articulo contraria, per  
errorē & subreptionē impetrata præsumatur & prioris investituræ conditio censetur non  
mutata, nisi hoc expresse agatur inter dominū & vassallū, ut a prima Investitura, ejusque te-  
nore recedatur; Itaque si secunda Investitura primæ non conveniat, ad primam dominus  
semper potest provocare: si ea non reperiat, dolo sublata censetur.

Sunt

Sunt ex feudistis plerique, qui neque prioris investitura tenorem mutari per renovationem posse existimant, etiam si hoc expresse inter dominum & vassallum agatur, nisi cum consensu omnium, qui speciale interesse habent (1) nisi agnatis, qui vel jus vel spem succedendi ex tenore primæ investituræ habent, consentientibus; itaque si prima investitura ita concepta sit, ut vassalli hæredes masculi succedant: per renovationem feudi, licet expresse contineat, hæredibus quibuscunque, agnatis tamen præjudicari non censent: Idem, si prima concepta sit, ut masculos & fœminas comprehendat & utrique ex ea succedere possint; & innumera investituræ sequantur, quæ masculis tantum fiant, fœminis successuris eatenus non præjudicatur. Illud ego probarem, in simplici renovatione (quam nos de Clare constat vocamus) cum nihil ibi agatur, nisi ut unus in defuncti locum substituatur eisdem legibus, & eadem conditione, qua prior; sed si à vassallo resignatio in manibus domini fiat, pro nova investitura masculis tantum, cum ex tenore prioris investituræ, non minus fœmina quam masculi succederent, in eo casu, expresse recessum à priore investitura videtur; cum vassallus, omne jus quod in feudo habet, expresse renunciaret, pro nova investitura sibi & suis hæredibus masculis conficienda; idem, si cum prior investitura ad masculos hæredes pertinebat, posterior, quæ ex resignatione procedit, fiat in favorem hæredum quorumcunque.

De hac spe plerique quæstionem faciunt, jus ne aliquod secum adducat (1) an pro jure habeatur, ita ut ei præjudicari non possit: an vero in his successioneibus aut renovationibus non sit attendenda, & quasi juris alicujus umbra tantum sit, quæ facile dum sol se subducit, ex oculis evanescat: Sunt qui ne eis præjudicari posse putant, qui in spe proximæ successionis sunt, itaque in renovatione hac mutari non posse, in præjudicium eorum, qui proximi, licet in spe tantum, successuri sunt, modo ex tenore primæ investituræ ad successionem vocentur: alii contra, spem hanc nihil operari, secureque posse præteriri eos, qui spem tantum habent succedendi, Sane quod ad hanc controversiam attinet, scio & in jure & in usu Gallico in multis spem aliquid operari, adeo ut spes legatæ, etiam non receptæ, transmittatur, & in praxi apud Gallos legitimatio non admittitur, in eorum præjudicium, qui in spe succedendi antea erant; & in gravissima illa actione, quæ inter Patritium Hepburne de Vaughtoun & ejus sororem de terris de Brothertoun, mutationem investituræ & ejus renunciationem in præjudicium sororis, quæ in spe successura erat, à Senatu ponderatam vidi: Bartolo tamen assentior, spem succedendi, Patri non esse in consideratione; Nam spes jus non est, sed respectus quidam ad jus.

An spes succedendi aliquid operatur

Sed ut ad mutationem tenoris investituræ redeam, hæc mutatio in renovatione non præsumitur, nisi hoc expresse agatur, aut nisi omnium agnatorum, qui ex tenore primæ investituræ succedere possunt, & quibus jus ex prima investitura quæsitum est, consensu etiam tacito.

Quæri solet, de ea clausula, Salvo jure cujuscunque, quæ in omni investituræ renovatione apponi solet, Respondeo, clausulam illam, etiam si non exprimitur, semper tamen inesse; neque enim ea mens renovantis investituram est, ut alicujus juri præjudicet, nec si velit potest: nam jura aliorum illibata, ex renovatione, servari certum est, illa tamen clausula, Salvo jure nostro feudali, multum operari constat; nam si quod jus dominus in feudo habeat, sive ratione custodiæ sive non introitus, illud intactum ei remanet; imo licet dominus hypothecanti vassallo consenserit, salvo jure suo feudali, licet vassallus hypothecam redemerit, dominus tamen cum rursus sibi in vassallum recipere non tenetur.

Sequitur, ut de eis jam agamus, qui à poena non petita investituræ excusantur (1) si ultra annum & diem renovationem hanc investituræ petere defierint, à feudo tamen non cadent, & primo excusatur vassalli hæres si in possessione feudi non fuerit; Ratio est, nam si dominus sciens & prudens alium possidere patiatur, frustra de vassallo queritur, quod renovationem investituræ distulerit, cujus usus, minor fortasse erit, etiam si renovetur; Nam renovato feudo ad servitia omnia vassallus tenetur; quæ facile non potest sustinere, si possessione feudi careat, & à quocunque feudi possessore dominus servitia exigere possit, in quæ feudum tenetur; Secundo vassallus excusatur si ex justa causa & non dolose investituræ petitionem omiserit, veluti si carceris custodia prohibuit, vel Pestis vel valetudo, vel quæcunque alia justa causa, arbitrio judicis terminanda, in quam vassallus se, neque sua culpa, neque negligentia conjecerit; nam in toto jure feudali supina hæc negligentia, crassa culpa (crassa autem culpa est, non illud intelligere, quod omnes intelligunt) & dolus, dilationes vassalli non purgant, neque oscitantiam excusant; Nam rem & suam & domini curare debet, ejus servitia promoveri, dignitatem observare tenetur; de hac crassa culpa, & dolo, plenius, cum de modis amittendi feudi postea agemus, Quod de vassallo non possidente diximus, idem sentiendum, si possideat, sed vel pacto inter dominum & vassallum, vel statuto vel consuetudine sit introductum, ne inter-



*An impubes  
excusatur.*

rea renovatio petatur; Tertio excusatur impubes; nam contra impuberem ex jure feudali nulla currit præscriptio, At dicet aliquis, impubes pubertati proximus, doli capax, in jure reputatur, itaque doli eum excusare non debet: fateor doli capacem esse impuberem in committendo, veluti si furtum, si delictum faciat, denique de vi bonorum ablatorum posse conveniri; sed in omittendo non idē; præsumitur enim omissio ejus facti, quod facere debet impubes, non ex dolo, sed ætatis vitio procedere; Itaque etiam si impubes sit doli capax, in commissum non cadit, licet investituram petere distulerit. Quorsum igitur, occurret aliquis, tutor ei datur, nisi ut defectū ætatis suppleat; nam si à tutore cessatum est, impubes suas adversus eum habet actiones, de damno restituendo: verum hoc, sed præstat rem pupilli potius salvam fore, quam contra alium, ea evicta, de evictione agere; itaque contra hunc impuberem, sive pupillum, annalis hæc præscriptio non currit, etiam si tutorem habeat, licet vel ipse per se, vel per tutorem, vel tutor cum ipso impubere, etiam sine ipso, feudum recognoscere possint, sive feudi sui auctorem agnoscere, eique beneficium suum acceptum ferre, & eo nomine obsequia, & servitia deferre: at aliud est in pubere; nam adversus puberem (1) 25 annis minorem, modo pubertatem excesserit, non minus quam adversus majorem currit, currit, inquam, non ipso jure; nam quia læsus & minor est, datur, intra quadriennium utile, restitutio in integrum; hanc minorem ætatem, nos nostris moribus, viginti uno anno expletis disjimus, numerando de momento in momentum, adeo ut hoc spatio completo restitutio cessat, nisi ex eis, quæ ante eam ætatem gesta ab impubere sunt.

*De majore  
21 annis.*

*Si duo sunt  
heredes, uni-  
us juxta excu-  
satio, alteri  
proderit.*

De majore, quin contra eum currat hæc præscriptio, nulla dubitatio est; sed & is restituatur, ex eis causis, ex quibus majores in jure læsi aut capti restitui solent, inter quas ætas non numeratur; at contraverti potest, si duo sint fratres heredes, unus minor alter major, & uterque, præterito spacio, investituræ petitionem neglexerit, in hoc casu minor ætas alterius, alteri proderit, nam, ob causæ conjunctionem, major cum minore restituatur, nec necesse habet docere se vel sua facilitate, vel adversarii calliditate læsum: Justa etiā excusatio in majoribus est, lis de hereditate vel successione inter plures aut duos dominos commissa, nam, ea pendente peticio diffrenda est, tutius tamen est, ut, ab eo, qui postremus in possessione fuerit, renovatio petatur & fidelitas præstetur, sub protestatione tamen, ne id fraudi sibi fiat, si ab eo dominium evincatur; sic si capitales immicitia, absque vassalli culpa, cū domino intercesserint, adeo ut neque vassallus, eo casu, literis salvi conductus domini sui fidere teneatur, neque procuratorem mittere: excusatur etiam vassallus, si intra hunc annum & diem petitiōni destinatum, lis vel contraversia contra eum mota sit de feudo & ejus jure: sic si lis cum extraneo intercedat, per cuius fines & loca, iter cogitur facere, nec viribus par huic extraneo esse potest, ut viam sibi aperiat. Nam his casibus tempus hujus præscriptionis non excurrit, Sed, in hoc casu, impeditus, an procuratorem mittere teneatur, dubitari potest & profecto affirmativam partem plures tenent, nisi forte idem impedimentum etiam procuratorem teneat, quod ipsum vassallum, aut si idoneum procuratorem habere non possit, aut dominus vassallum vocet, ut in propria persona investituram petat, quod & facere potest ex jure, unde & occasiones belli inter Anglum & Gallum sæpe nata, quod Anglus, per procuratorem investituram peteret: Gallus non nisi præsentis & fidelitatem juranti præstare voluit denique multæ aliæ excusationes sunt quæ vassallum à petitionis pœna eximunt, veluti si dominus sit proscriptus aut rebellis, aut excommunicatus, vel hæreticus vel denique sit infamis; neque enim ex suo merito calamitosus miseratione dignus est, sed hæc non excusant vassallum, si eas notas incurrat; nam sua infamia domini conditionem deteriore facere non potest. Denique omnes metus justus qui in constantem virum cadere potest, sive sit hostium aut latronum incursus, sive tempestates in mari, aut terra fluminum inundationes, bellum pestis & similia, hæc omnia legitimum vassallo præstant impedimentum, neque solum, si hæc impedimenta à principio intervenerint, excusatur vassallus, sed etiam si in ipso anni cursu; est enim illud tempus, quo ad impedimentū, utile, & totum vassallo cedit: sed cessante impedimento continuum: Sed an vassallus de impedimento, quod intervenit protestari debet, plerique controvertunt; nam sunt qui, nisi ea interposita in scriptis fuerit, vassallum non excusari putant: alii vassallo non necessariam ferunt: utrique tamen in hoc conveniunt, utilius esse vassallo si protestetur, sive ex facto domini, sive casu fortuito impedimentum obveniat, Excusatur etiam absentia domini, sive ea justa sit, sive injusta, ne vassallus ob non petitionem a jure suo cadat: Si tamen dominus commissarium reliquerit, cum potestate renovationes feudorum concedendi, ab eo vassallus petere debet: vassallum autem absentia nulla nisi justa causa excusat, hæc de vassallo non petente, jam de domino & ejus persona discernendum.

Dominus

Dominus autem immediate superior (1) de quo vassallus immediate feudum tenet, in hac renovatione adeundus; nam is solus renovare feudum potest, qui & illud concessit, ut ejus est leges interpretari, cujus & condere, itaque à domino immediato renovatio hæc petenda est; nec interest, major sit nec minor; nam non minus hic, quam ille, renovationem feudi concedere potest, si modo ex renovatione non lædatur: imo in rem domini hæc renovatio præsumitur, quod certum habeat vassallum, a quo debita officia & servitia possit exigere; sed in minore hoc observatur, ut si impubes sit, ab ejus tutore præstari debeat: si pubes a se ipso cum consensu curatoris præstanda est; si impubes tutorem non habeat, vassallo tempus non currit, donec tutorem acceperit: si tamen infantiam dominus egressus sit, tutius fecerit vassallus, si ab ipso petat; nam a tempore absolutæ infantie, non minus quam tutoris accepti, tempus hoc currere in jure certum est. Quid autem si dominus, uxore relicta gravida, decesserit, sane si tutor ventri datus sit: aut postquam editus est infans, tutor ei fuerit legitimus, ab eo tempore annalis hæc præscriptio currit, nec interest dominus hic masculus sit an femina; nam & a femina in dominio recto consistente feudi renovatio peti potest; idem si femina sit in conjuncta cum marito investitura & maritus mortuus sit; nam, renovandæ investituræ in persona prioris vassalli, potestas ei competit: Idem in domino liberi tenementi; Nam licet in proprie in feudo non sit, nec dominus superior recte dici possit; tamen quia in resignatione feudi, hæc lex a partibus dicta est, ut prius jus ei illibatum, & intactum relinqueretur & servetur, Hic etiam renovandæ investituræ, in vassalli persona potestatem habet, Sed cum duobus eam potestatem competere durum sit, cum duo domini simul unius & ejusdem rei esse non possint. Quæri potest an hic qui directi domini proprietarius reservato, patri vel prædecessori suo, libero tenemento, an & hic renovationem investituræ possit concedere, Senatium interloquentem audivi & hunc, licet reservata sunt jura liberi tenementi auctori suo, tamen renovationem investituræ posse concedere, idque in favorem vassallorum, ne alterius pervicacia ei noceat, Ad quem igitur accedet vassallus, ut hanc renovationem petat: ad quem velit; neque enim interest, a quo recipiat, si modo receperit, & ab alterutro concessa, ejusdem est roboris & efficacia: Sed quis interpellandus est, an liberi tenementi, an feudi dominus, an vero uterque, ut feudi renovationem vassallus consequatur, Sed feudi dominum interpellandum puto: tutius tamen fecerit si ab utroque vassallus renovationem hanc petierit.

*De domino, qui r. no vatione seu di possunt concedere.*

Sed facilis fortasse controversia est, si una sit vel vassalli, vel domini, persona: Sed dubitari potest, si vassallus plures hæredes reliquerit, an omnes petere hanc renovationem debent, an cessantis culpa aliis noceat: & si dominus plures hæredes reliquerit, a quo investituræ renovatio petenda est, an ab uno, an a pluribus; licet ad usum nostrum parum hæc res conducere videatur, apud quos, feudum dominans aut serviens non dividitur, sed unus tam in directo dominio, quam utili succedit, nisi pluribus hæredibus foeminis vassalli relictis, quo casu feudum serviens dividi potest, non dominans, sed de hoc postea. Quod ad primam quaestionem attinet, si vassallus plures hæredes reliquerit, siue feudum pro diviso, siue indiviso possideant, Omnes renovationem a domino tenentur petere, sed utrum simul, an quisque per se poterit enim dominus eis objicere, nisi simul veniant & consentiant, se feudum suum in partes nolle dividere, sed sufficit, licet simul non veniant, nam feudum in partes ex jure dividitur, itaque dominus cuicunque hæredi petenti, & se ad fidelitatem offerenti, renovationem, hanc concedere tenetur, licet alii absint, quos incertum est, an renovationem hanc petitori sint, quibus se satisfacturum dominus spondere potest, cum quod de jure ei facere debent, fecerint, itaque in eis, alterius cessatio alteri non obest, neque moræ excusationem domino præbet.

*Si plures domini vel vassalli hæredes fuerint.*

At, cum hæc plurium petitio, multas secum aliquando difficultates habeat, è re vassallorum erit, si unum ex se eligerint, qui potestatem ab aliis ad hoc etiam habeat, ut tanquam curator omnium nomine renovationem investituræ petat, & fidelitatem promittat; Sed si plures hæredes sint domini (ut ad secundam quaestionem respondeam) ab omnibus simul peti hæc renovatio & potest & debet, ut uno actu totum negotium expediri possit, quod tum maxime fiet, cum omnes simul convenerint, alioqui si simul occasio conveniendi nulla sit, aut domini se subtraxerint, aut callide diffugerint, ut vassalli petitionem eludant, separatim requiri possunt & si vassallus omnino non fuerit negligens, tempus interea non curret: possunt tamen hæredes domini, unum ex se eligere, pro omnibus, a quo hæc renovatio peti possit, & fidelitas recipi: sed a quo electio hæc facienda est, an ab hæredibus vassalli, an domini, diversa sunt Jurisconsultorum opiniones: Sanior tamen opinio est, si domini hæredes, a vassallo requisiti, ut eligant unum, & constituent pro se omnibus, qui renovationem hanc concedere possit, & moram nectant, electio vassalli hæredibus permittitur: alias non, in vassalli hæredibus idem observandum.

Hæc

*De singulari  
successore.*

Hæc de domini hæredibus, sed quid de singulari successore dicendum, cum eis nullo feudali vinculo videatur astrictus, ut investituram concedat, sed profecto cum idem sit vinculum inter prædium serviens & dominans, quod inter dominum directum & utilem, non minus & hic requisitus renovationem concedere debet, quam hæres, quia in jus domini directi succedit, nec alius ab eo investituram præstare potest. Sed neque dominus, neque ejus successor, sive universalis sive specialis, vassallo renovationem petenti, tenetur parere ex jure, si vassalli feloniam intervenerit, veluti si vassallus quippiam commiserit in dominum, quod eum ex jure à feudo potest excludere; quæ autem feloniam vassallum feudo privent, postea dicemus, cum de modis amissionis feudi postea agatur. Itaque ex jure feudali, exceptio feloniam, per eum commissam, vassallum excludit, à petitione hujus renovationis, modo feloniam hæc sit notoria, vel si in continenti, (ut aiunt) probari possit, & dominus se paratum ad probationem offerat, quod si hæc feloniam altiore cognitionem requirat, nec in continenti probari possit, nec dominus se ad probationem offerat, tunc, non obstante hac feloniam objectione, dominus ad renovandum investituram tenorem cogendus, quia petitio Investituræ, sive ea nova sit, sive antiqua, est summaria, nec requirens libellum, nec processum ordinarium, reservata tamen sibi facultate, ut possit vassallum postea propter illam feloniam & convenire, & privatione sui feudi mulctare, ob injuriam domino illatam. Sed hæc feloniam exceptio, utcumque notoria, non tamen ad possessionem extenditur, si quam vassallus ex morte defuncti habuit, veluti, ex quacunque causa alienationis, vel titulo donationis vassallus possideat; nam possessio hæc non ei auferenda est; sufficit enim, donec de crimine cognoscatur, ne novum aliquod beneficium, ex domini voluntate, adipiscatur. Jure nostro, sententia declaratoria semper opus est, nec dominus morâ vassallo facere potest, nisi ea præcesserit; sed, ut dixi, si nolit dominus in tempore præsentis facere & legitime requisitus fuerit, vassallo locum certum & tutum, tempusque commodum assignabit, quando ei Investituram faciet; Requisitio hæc non nisi scripto probari potest, nisi coram paribus fiat; & vassallus, a domino requisitus, investituræ primæ instrumentum exhibere tenetur, ut dominus ex ejus collatione, quid de novo conferat, possit intelligere. Poterit tamen si aliquas posteriores investituras habeat, quæ omnia capita substantialia prioris contineant, eas exhibendo ab ulteriori exhibitione liberari, ut quidam putant, quod tamen parce admittendum puto; quid enim si pacta & conventiones in prima contineantur, quæ domini favorem respiciunt, & posteriorum solarum exhibitione, possunt supprimi.

*De hominio  
& fidelitate*

In hac renovatione feudi petenda, fidelitatis præstatio requiritur, quæ nihil aliud est, nisi quod vulgo dicitur, hominum sive homagium; In quo quoniam incidimus, aliqua dicenda sunt; nam plerique hominum a fidelitate distinguunt, quod hominum majore cum reverentia & veneratione fiat, quam fidelitas; quod qui hominum præstat, flexis genibus id facere debet, manusque quasi supplices inter domini manus inferere; denique & in re aliquid differentiam putant, quod qui homagium debet, corpus, & bona pro domino hypothecare potest, & debet, non autem qui fidelitatem solam. Non sum ignarus nobilis illius controversiæ inter Fredericum Imperatorem &

Pontificem Romanum, in qua fidelitatem præstare superbissimus pontifex, suos ecclesiasticos, domino suo Cæsari permittit, non etiam hominum, prout ex eo tempore, ecclesiastica persona, pro suis feudis, tantum fidelitatem in tota Europa jurant, non etiam hominum. Sed his omnibus non obstantibus, ex peritissimorum feudistarum sententia, Hominum nihil aliud est, nisi ipsius fidelitatis præstatio, sive juramentum de fidelitate, in quo varii apud plerasque gentes & in diversis personis ritus erant: Alii enim non nisi genibus flexis & manibus, inter domini manus, insertis jurabant; alii non cum tanta veneratione; Hominum tamen (1) se hominem domino suo devenire jurabant, Pontifices a juramento excusabantur, quod illi non nisi domino suo Papæ jurarent; & ut, alii dicunt, hominibus præstare non tenerentur; at ad fidelitatem non minus tenebantur, quam qui jurant, ut, & apud nos, juramentum hodie remittitur; non minus tamen ad fidelitatem vassallus tenetur quam si juraverit & ut breviter & uno verbo comprehendam, hominum, semel tantum in vita præstatur; neque enim repetere juramentum quis cogitur, etiamsi dominus moriatur, si semel vassallus fidelitatem domino & ejus successoribus iuraverit, si laicus dominus fuerit. In ecclesiastica persona plerique putant, vassallum ad repetitionem sacramenti posse cogi; fidelitas tamen tota vita præstanda est, ita ut hominibus nihil aliud sit, quicquid alii sentiant, quam ipsius fidelitatis sacramentum, licet varii ejus, ut dixi, ritus in multis regionibus observarentur, & hæc de hominio. Jurabit itaque vassallus, in renovatione investituræ, domino suo fidelitatem, (1) hominum sive homagium faciet. Si plures sint vassalli hæredes, qui Investituram petant, omnes jurare tenentur, aut unum pro cæteris eligere, qui & renovatio-

nera



nem petat & juret. Universitas, communio vel societas aliqua, ut renovationem Investituræ per syndicum petunt, sic per eundem jurant; idem in omnibus licitis collegiis sive communitatibus, ut vulgo loquuntur.

Licet domino superiori immediato præstetur juramentum, tamen semper antiquioris domini & mediati persona & patria, quæ communis omnium est domina, excipiuntur, licet non exprimantur, aut specialis de eis mentio fiat, non minus tamen subintelliguntur, adeo ut vassallus, domino suo, contra mediatum superiorem aut patriam, consilio aut auxilio adesse non teneatur, & præcipue domini ligii persona semper excipienda, cujus prima ratio semper habenda, non tantum, quia pater patriæ est; sed etiam ex ratione feudali, quod omnia feuda & beneficia ab eo proficiantur & de eo teneantur; Si duo domini de directo feudi dominio inter se contendant, possidenti præstanda fidelitas, aut saltem sustinenda, sub protestatione donec de causa cognoscatur: Sic si lis cum domino intercedat; nam dum durat, deferri potest petitio hæc; Alteri autem fidelitatem nemo præstare tenetur, nisi suo domino, immo ne filio quidem domini, eo vivente; quod si faciat, à feudo suo cadet, nisi vi aut metu, ab eo coactus fuerit, cui resistere non poterat.

De omni autem feudo fidelitas præstanda est, sive sit magnum sive parvum, sive militare, sive francum, sive emphyteuticum, aut ad libellum datum; licet in emphyteutico plerique dissentiant.

Effectus hujus renovationis feudalis est, ut utrinque dominus de suo jure & vassallus de suis servitiis certioretur, & cum ante apertum domino feudum fuerat, per decessum vassalli, jam apertura illa videtur quodammodo claudi & feudum reviviscere, in persona vassalli. & non introitus in futurum sistitur; nam quo ad id tempus, quo vassallus à petitione cessaverit, ejus omnes fructus domino debentur, ut semper, quoties per vassalli mortem feudum domino aperitur.

Hæc omnia, quæ, partim ex ipso textu, partim ex juris feudalis interpretibus, decerpta sunt, apprimè nostris moribus & usui nostro forensi conveniunt; nisi quod renovatio hæc, apud nos, non sit necessitatis sed voluntatis tantum; neque enim, apud nos, dominus cogitur, ad petitionem vassalli, feudi renovationem concedere: neque vassallus, ex necessitate, cogitur petere, cum utrumque sit voluntarium, nec in domini reculatione aut vassalli cessatione, poena amissionis feudi se quatur; nam mitiores poenæ nobis semper placuerunt; Hæc igitur feudi renovatio, apud nos, sic fit: vassallus dominum reverenter adit, petit præceptum (Quod de Clare constat, apud nos, dicitur, à verbis initialibus) ab eo subscribi & signari, quo domini ballivo (sæpe hic arbitrio poscentis inseritur, cum parum domini videatur interesse, quis sit ballivus) præcipitur, ut sasinam petenti de suo feudo det, secundum tenorem antiquæ investituræ, quam nos infeofamentum dicimus: hoc facto, dominus, exacto, quod sibi ex non introitu debetur, aut etiam condonato; præcepto sive mandato se subscribit, asserens sibi Clare & per monumenta manifeste constare, quod K. sive pater sive patruus, avus, aut abavus, N. latoris præsentium, obiit ultimo vestitus & sāsitus de tali fundo ut de feudo ad fidem & pacem S. D. N. Regis, & quod. N. est legitimus & propinquior hæres dicti K. patris, sive avi, aut patrui, aut alterius confanguinei, in dicto fundo aut prædio & quod sit legitima ætatis & quod de se tanquam domino immediate teneatur, Itaque mandat ballivo, ut, quam primum ei de dicto feudo statum & sasinam concedat & hæc veteris sive primogeniæ investituræ forma erat, hæc inquam, si placide inter se pro nova hac investitura prius transegerint; Quod si non convenerint, tunc dominus concedere hoc præceptum non tenetur: ut neque si duriores conditiones à domino adferrentur, cogitur vassallus, eo modo, investituram suam renovare: sed, ex usu nostro, aliud utrique remedium competit; nam dominus, si vassallus cessaverit, fructus feudi interea lucratur & eorum privatione vassallus punitur, ut, postea, in diegesi de non introitu dicitur. Quod si dominus renovationem negaverit, vassallus regis Cancellariam petit, breveque ad judicem ordinariū impetrabit, ut cognitio fiat, quis de feudo illo postremo investitus obierit, & quis sit proximus de illo feudo hæres; hoc brevi, ut nos loquimur, deservito (1) declaratione, super hoc brevi, emanante, rursus vassallus adit Cancellariam & mandatum regium ad dominum superiorem impetrat, quo ei præcipit, omnium dominus superior Rex, ut quam primum sasinam sui feudi vassallo det: Si trina vice monitus dominus recusaverit, Rex superiori ejus domino mandat, ut is, defectum sui vassalli (1) domini immediate superioris, vassallo impetranti suppleat, sasinamque ei tribuat, ejusdem feudi, de se in futurum tenendi, quæ sasinam, quo ad vixerit ille, qui, quod debuit facere, recusavit, valebit, Sed de hac forma postea.

Hæc, a nostris hominibus, potiora visa sunt, quam illa quæ, & stricte in jure feudali continentur

tur, ut necessario dominus cogatur investituram vassallo petenti concedere, nisi mallet, directum dominium amittere & vassallus eadem necessitate & sub eadem poena cogatur intra annum & diem investituram petere; nam in his multæ fraudes possunt occurrere, quæ per illam declarationem & deservitionem brevis facile evitantur, si quidem, dominus, si dubium sit quis debeat succedere, alicui poterit pro suo arbitrio gratificari, in præjudicium veri hæredis, & qui ex jure immediate debet succedere, unde plurimum molestiæ vero hæredi oritur, in eo retractando, quod dominus nulla declaratione præcedente, sed ex sui capitis sensu, & forte perverso fecerat; Ante tamen Cancellariæ apud nos institutionem, quæ ab Iacobo primo optimæ memoriæ principe, ab institutis Anglorum ad nos traducta est, nulla alia erat renovatio hujus feudi, quam quæ ex jure feudali præscribitur, nempe ut vassallus dominum supplex adiret, ab eoque renovationem investituræ impetraret; an sub eadem tamen poena amissionis feudi, incertus sum; quatenus autem conjectura assequi possum, eadem cessantis aut non petentis, quæ hodie tamen poena fuerat, nempe ut dominus ob cessationem a Senatu in judicio declaratam, dum viveret, directo domino privaretur, quod, mortuo eo, ad hæredes tamen ejus rediret: vassallus vero non petens, fructus illius temporis amitteret, qui domino cederent.

## De Successionibus.

### Diegesis Decimatertia.

**T**ertius modus feudi acquirendi est successio, quam licet inter modos amittendi feudi plerique nominent, tamen à nobis acquirendi modus potius videtur, cum aperto, per decessum prioris vassalli, feudo, ejus hæres immediatus illud à domino de novo acquirat, Illud tamen hic repetendum, quod in renovatione diximus, successionem esse modum feudi antiqui, seu paterni acquirendi, & non novi.

*Quæ jura ex morte vassalli quibusque proveniunt?*

Mortuo itaque vassallo, ex feudo jacente diversimodi jura pullulant, aliqua enim ad hæredem pertinent, veluti feudi successio, & alimenta ex eo: alia ad dominum, nempe non introitus, custodia tam ipsius feudi, quam corporis ipsius hæredis, Relevium, maritatio hæredis; quedam ad relictam sive viduam, nempe tertia, & conjuncta, si quæ est, investitura, sive usufructus; quadam viro, si ejus conjunx, cum hæres esset, decederet; nempe curialitas, de his singulis dicendum.

*De Successione, quod sit ex jure naturali.*

Quod ad successionem attinet de ea hic loquimur, quæ ab intestato est: hæc & jure divino, & naturali & gentium, & civili cujusque regionis jure, denique & nostro jure feudali, non solum stabilita & confirmata, sed nobiscum quasi à natura ingenta est; Nam præterquam quod ex sacra paginâ constat, filius est, ergo hæres: & præter tot formas successionum à Mose & judicibus Pop. Israelitici institutas, ne inter quidæ animalia muta cura prolis cessat; videmus enim sæpe fera animalia, etiam volucres, ut prolem sive pullos discrimine eximant, se in manifestum non solum periculum, sed etiam mortem conjecisse, dum sobolem superesse sibi, quam se illi mallent; hominum non tantum ea cura est, ut liberi educantur, sed etiam, ut post sua fata, eis quam maxime consulatur: hinc illæ in vita curæ, anxietates, labores, fatigationes, discrimina etiam vitæ, non ut sibi solis, sed posteris etiam provideant: arbores etiam serunt, quarum fructibus nunquam vescantur: ædificant etiam, quibus brevis habitandi usus relictus est: opes cogunt, quibus nunquam usuri sunt: supellectilem parant, cujus viliori parte, ipsi dum vivunt, fruuntur; melior pars ad hæredes perventura; neque enim ut nobis tantum consulamus, tam misere cogendis opibus immorimur, & tabescimus, sed ut posteris bene sit, quibus prospectum anxie cupimus; hæc itaque successio, ex æquitate naturali, & charitate sanguinis descendit, & per omne jus, quod inter homines colitur, tam altas radices agit, ut difficulter quassari, difficilius evelli possit; citius enim naturam ipsam ex animis hominum expellimus, quam jus & curam successionis; Nam jus hoc successionis, tanquam omnis juris fundamentum & causa supra alia omnia colendum & observandum est, quippe cujus gratia omnia alia jura pene instituta sunt, neque ulla gens, in toto terrarum orbe est, quæ successionis præcipuam non habeat curam, apud quam leges de successione & multæ & sacrosanctæ non sunt.

Primum enim leges 12 tabularum, quæ juris antiquissimi nomen hodie meruerunt (cum neque Solonis, neque Draconis aut Lycurgi leges extant) de successione tam testamentaria quam

quam ex intestato diserte caverunt, nempe in testamento, ut hæreditates, testamento jure facto data, rata essent, ut, uti quisque legasset, rei suæ jus esset: ab intestato vero, ut hæreditates primò suorum hæredum, velint nolint, essent: Si sui non sint, agnatus proximus familiam habeto, ne tota cognatio simul in bona irrumpat; ex quibus, quæ Romanorum in successione fuit politia, quæ Græcorum, ex quibus Romana jura defluerunt, satis apparet; nam ne hodie, cum multitudine, & legum, & librorum obruamur, vix quicquam ad has addi potest: nisi quod jure prætorio (quod corrigendi juris antiqui causa introductum est) hæreditatem subire nemo invitus teneatur; neque testamento liberos seu in potestate, sive emancipatos, cuius negligere aut præterire permittitur: Vt cunque est satis constat, nullam aliam conservandæ reip. rationem esse, nisi jus successionis illibatum servetur, non minus in summis magistratibus & imperiis, quam apud ordines inferiores; Neque est quod quis mihi objiciat, Imperium ipsum & nonnulla regna, qualia sunt Polonorum & Danorum hodie electione continuari & non successione; Quis tamen hujus electionis fructus fuit, omnium gentium historiæ testantur, quot nefandæ cades, quot cruenta bella, quam impiæ conjurationes inter electos Imperatores, dum quisque ad se trahere Imperium niteretur, quot prodiciones, laniæ inde extiterunt, qualiter Publicum patrimonium exhaustum, opes diminutæ, Et quod adhuc restaret, periisset, nisi in electione Imperatorum ratio sæpius successionis habita fuisset, ut hodie in familia Austriaca videmus, in qua dignitas Imperialis, licet ex electione fieri caveatur, decem aut undecem Cæsarum perpetua serie successionis continuata est: Vna sit testis vicina Anglia, quanta sit hujus successionis vis, quæ, cum injustè regium sanguinem Eboracensem regno spoliasset, substituto Henrico 4. Duce Lancastrio, in infinita bella & calamitates incidit, undecem præliis vix finita est controversia, præter cruentissimam illam dimicationem, quæ inter Henricum 4. & Percium Northumbrum contracta est, donec Eboracensi familiæ regnum restitutum, postquam supra 120. Anglorum millia in præliis trucidata, 38. principes regii sanguinis aut præliis aut suppliciis exhausti: cum interim his seditionibus impediti in publicum nihil consulerent, tota Gallia, quam non solum jure successionis, sed armis felicissimis obrinuerant, amissa, nec in Edvardo 4. finis fuit; sed etiam seditio inter Henricum 7. & Richardum 3. recrudit, donec extincta pene utraque regia familia, Henricus 7. unicus tum familiæ Lancastriæ hæres, Eboracensis familiæ, & etiam totius regni hæredem in conjugem accepisset, regnumque in qua debuit familia stabilitum. Hoc ergo præmoneo vicinos nostros, & longa jam Pace conjunctos, pene concives, juxta Virgilianum illud.

*Disce justitiam moniti & non temnere divos.*

Cum pulsa, optimi regis Edvardi, qui in divorum numerum relatus est, progenie, cui jure regnum debebatur, Guilielmum Ducem Normanniæ Conquæstorem dictum, in regnum admisissent, quot cladibus & miseriis ab eo & ejus filio Rufo afflicti sunt? quot Angli patrimonii spoliati, ut Normanni ditarentur? leges Normanniæ, abolitis veteribus Saxonum institutis, vi inductæ: neque erat tum ex Anglis, qui aut suum fere patrimonium sibi asserere, aut liberi fere hominis vocem efferre auderet, Itaque cavendum illis supra omnia, ne in idem incommodum recidant, sed sacrosanctas illas & quasi omnium gentium communi consensu confirmatas de successione leges in futurum, suo malo sapientes, ament, venerentur, & custodiant, proque eis, tanquam pro aris & focis contendant. Jam ad ipsam successionem veniamus, In qua videndum primo, quid hæres? quis hæredem habere possit? quid sit successio? quot ejus genera, quibusque legibus successionis, omnes utantur?

Hæres autem is in jure dicitur, qui in universum jus defuncti succedit (1) in omne id, quod defunctus tempore mortis habebat: sed hoc nomen homonymum est, & diversimodi, tam in jure, quam in usu forensi, usurpatur, Apud nos, hæres is solus est, qui in feudum rerum immobilium aut rei alicujus immobilis succedit: Rerum etiam moventium est quidam hæres, veluti, qui ex mobilibus optimum quodque capit, & qui apud nos executoris nomine contentus est, neque hæredis eum

*Hæredis definitio.*



cum nomine, nisi (ut dialectici loquuntur) secundum quid dignamur, ita tamen ut pro hærede habeatur, quoties eo nomine convenitur: nam si agat aut conveniat, titulo perfecto opus erit, ut mox dicemus: Sic in assedationibus & conductionibus, est quædam hæreditas, quæ etiam sine defervitione transit, sed pro defervitione est, si immediate successurus titulo assedationis, prædecessori suo facta, se vestiat.

Sunt & particulares hæredes, qui non in totum jus, sed in partem succedunt, veluti si hæreditas ad masculos & non ad fœminas pervenerit; Nam si masculi hæredes singulares sive particulares tantum sunt, si modo propinquior hæres sit, nempe fœmina, aut si quis hæres ex secundo, aut tertio matrimonio sit, quem nos hæredem ex provisione dicimus, qui non in universum jus succedit, sed in id tantum, in quod convenerat, ut is succederet; cum hæres generalis non ex conventionem sed ex legitima juris dispositione succedat.

*Qui hæredem habere possunt.*

Quilibet autem hæredem habere potest, nam licet vulgatum illud circumferatur, neminem hæredem habere, præter Baronem, Prælatum, aut civem sive Burgensem; hoc tantum intelligendum de hærede bonorum mobilium; licet enim res omnes moventes ad executores pertinere diximus, tamen si quis Prælatus, Baro, (Baronis nomine intelligitur quicumque in rei immobilis sive annui redditus feudo succedit) aut si civis alicujus regii burgi decedat, non omnia moventia bona ad executores deveniunt, sed aliqua ad eum qui immediate successurus est, pertinebunt, ut antea dixi, ita ut in unaquaque specie bonorum, quod optimum est, ei debeat. De hoc hærede postea in dieges, quæ, Communia successionum, inscribitur.

*Quadruplex successio est.*

Successio autem quadruplex est, aut enim est linealis, qua qui in directa sunt linea, descendentes sive ascendentes sibi invicem succedunt: aut collateralis, qua qui sunt a latere directæ lineæ ad successionem vocantur: Tertia est talliata, quam nos aliquando conventionalem, aliquando provisionalem dicimus: Quarta, qua, reliquis deficientibus, dominus vassalli, tanquam ultimus hæres, in feudum succedit, sive potius, ad quem jus feudi redit; nam, quod ad illam successionem attinet, qua conjuges sibi invicem succedunt, jure feudali non agnoscimus. Est & aliud genus hæredum, qui in jure Romanorum sive media jurisprudentia bonorum possessores dicuntur, apud nos universales successores, qui hæredi loco sunt quoad creditores, de quibus, suus mox erit dicendi locus. Sed ut ad successiones redeamus, quas nos hæreditates dicimus, in juniorum gratiam, & ut eorum studia promoveamus, qui, differentias cujusque juris ab alio cupiunt dignoscere, hunc ordinem sequemur, ut primo, Qui jure divino, aut lege Mosaica (quæ omnibus aliis legibus prior tempore est) ad successionem vocentur, proponamus, tum, quid leges 12. tabularum in successione præscribunt, quæ, juris antiquissimi nomen, apud Romanos, merentur; Tertio, quid media jurisprudentia observavit; Quarto quid Imperiales constitutiones voluerunt; Denique quid jus feudale in hac quaestione præcipit, & quid ex nostro jure & nostris moribus & Anglorum, qui pene in omnibus nobiscum conveniunt, in usu est, Ita ut primum, de directâ lineali successione; deinde, de collateralis tam hæreditatis quam Conquestus; tum de talliata sive feudo masculino; postremo de ea hæreditate, quam dominus & ultimus hæres accipit, aliqua proponemus.

*Prima Regula successionis directæ.*

Prima itaque hæc sit Regula generalis in recta linea, Mortuo patri ejus filii in viriles partes succedunt & in capita; Quod de filiis dixi, de filiabus etiam intelligendum, sed diversimodi, ut mox apparebit. Hæc regula, ut naturalem præ se fert æquitatem, sic nullum jus est, sive sit divinum sive humanum, cum quo regula hæc non convenit; Naturalis enim æquitas liberos ad successiones parentum vocat, licet aliquas restrictiones sive limitationes in jure feudali & nostris moribus patiat, de quibus postea.

*Successio ex jure divino.*

Et primo, quod ad jus divinum attinet, manifeste hæc regula apud Mosen proponitur his verbis: Quumque filiæ Zelophehad conquestæ apud Mosen, Sacerdotes & principes tribuum essent, quod cum pater earum nihil admisisset, cur sua portione inter familias Manasses privaretur, & is sine mascula prole decessisset, ut in ejus possessionem sive portionem filiæ admitterentur; ardua quaestio visa Mofi, itaque, de ea, cum dominum consulisset, ita Respondit dominus: Rem æquam petunt filiæ Zelophehad, itaque possessionem, quæ patri vivo contigisset, eo sine mascula prole mortuo, ad filias

filias ejus transfer, sitque lex inter Israelitas hæc perpetua, Si quis sine mascula prole decedat, ejus hæreditas ad filias descendat; si neque filias habeat, ad fratrem successio pertinebit; si neque fratres habeat, ad defuncti patruos hæreditas redibit; quibus deficientibus, ad proximos ex linea sive familia paterna devolvitur, critque hæc lex perpetua, quoties de successione alicujus disceptatio oriatur; Hæc ad verbum, in quo hoc notandum, ordinem successionis a deo institutum, æquumque pronunciari, ut masculi in primo gradu fœminis præferantur, sic ut deficiente linea recta masculina, & non alias, fœminæ succederent, primoque gradui collateralium, præponantur: Collaterales vero, ut quisque gradu propior, sic ad successionem vocetur, itaque ex jure divino in omnibus successioneibus, descendentes, collaterales præferuntur, ita tamen, ut quisque propior gradu defuncto, posteriores antecedar, sic filius, nepotem: nepos, pronepotem præcedit in successione, Sic de reliquis descendantibus in infinitum, neque enim collateralis ullus locus a jure divino est, quamdiu aliquis descendantium ex recta linea superest.

Leges autem duodecem tabularum in hæc verba de successione statuunt; Intestatorum hæreditates primo suorum hæredum velint nolint sunt; his deficientibus, agnatus proximus familiam habet, & sic leges duodecem tabularum, cum lege divina in descendantum successione conveniunt, nisi quod jus divinum, filias non admittat, nisi defint masculi; at leges 12 tabularum parem utrorumque habent rationem, & filios cum filiabus indiscriminatim admittunt.

*Qua fuit  
successio ex  
Legib. 12.  
Tabularum.*

Sed non est eadem ratio omnium filiorum; alii enim sui sunt (1) in potestate & familia defuncti, cum moreretur: Alii emancipati & manu sive potestate patris liberati: Rursus alii filii sunt naturales & legitimi; alii naturales, & legitimi; alii naturales tantum; alii legitimi tantum; alii uno patre nati; alii posthumi & ex diversitate horum filiorum, diversa jura in successione oriuntur, Quod ad suos & emancipatos attinebat, nullum ex jure divino, inter eos in successione est discrimen, parique modo ad successionem in capita admittebantur, servata primogeniti prærogativa, de qua postea dicemus. An autem emancipati, sive qui potestate parentum liberati erant, ex jure veteri Romanorum aequaliter cum suis succederent, magna erat inter leges 12 tabularum, mediam jurisprudentiâ, & Imperiales constitutiones differentia; Nam emancipati & sui juris effecti, suæ etiam fortunæ permittebantur a parentibus, nec in quicquam succedebant; tantum enim patria potestate liberabantur, & tunc, ex beneficio parentum, quatenus eis visum erat, consequebantur, hoc ex jure 12 tabularum, quod antiquum dicebatur: At in media jurisprudentia, cum durum videretur, emancipatos sine ullo vel suo vel naturæ crimine a successione paterna excludi, visum est Prætoribus, ut hi, cum eis qui in potestate erant, conjungerentur, non ut hæredes essent; illud enim nequiverunt prætores facere, cum hæreditas tantum lege deferatur, sed ut bonorum possessores, & prætores, quod ex jure deerat, supplebant; Nam emancipatis, si non hæreditatem, bonorum tamen possessionem tribuebant, nec minor ratio erat in nepotibus emancipatorum, quam ipsis emancipatis: Ex constitutionibus imperialibus, quæ in locum legum 12. tabularum successerunt, rejecta prætorum bonorum possessione, sublataque differentia inter suos & emancipatos, omnes liberi sive in potestate, sive extra potestatem, pariter ad successionem admittebantur & sane hodie jus patriæ potestatis, in toto pene orbe christiano antiquatum est: nam si verecundia aut pietate liberi in officio non contineantur, minusve fuerint obsequentes, licet vitæ & necis potestas exoleverit, bonorum tamen disponendorum remanet potestas; possuntque parentes ex liberorum merito, ea, in quæ, liberi si in officio mansissent, successuri erant, in alios transferre, aliis aut suis, aut extraneis disponere, neque filiis in alimenta, neque filiabus in dotem aliquid præstare, libera interim filiis aut filiabus rerum suarum administratione permittit: neque hodie exhæredationem novimus, nisi quam pater vivens, dum sua bona aliis promerentibus disponit & alienat, facit; nam optime meritorum filii in se, conscius cum sit, & judex esse potest.

*Diversa filiorum genera.*

Quod autem leges 12 tabularum suos voluerunt esse hæredes sive velint, sive nolint, id periniquum visum est mediæ jurisprudentiæ; itaque prætores eis abstinendi potestatem præbuerunt, si damnoſa videbatur hæreditas; quod Imperatoribus adeo æquum visum est; ut, postquam semel hæreditatem agnoverint & magnum æs alienum emerſerit, quod non sperabatur; restitutis omnibus in integrum, abstinendi adhuc potestatem præbuerint; nam iniquum putabant, hanc ignorantiam, in quam se hæres non conjecisset, ei damnoſam fore: inventariū tamen cogebatur facere, quo facto & judici exhibito, abstinendi potestas dabatur: Nostri si quis semel adjerit hæreditatem, resiliendi potestatem tollunt & postquā adjerit, sustinere omnia

*An sui etiā  
invisi hæres  
des esse cogi  
poterant.*

onera hæreditaria etiam invitus cogitur, ut Senatus sæpe censuit; non tamen restitutionem unquam petitam & denegatam vidi; & sane si quis cum semel adjerit, liberari oneribus cupiat, quæ præter opinionem emerferunt, actione restitutoria in tali negotio opus est, & meo iudicio recte fecerint, qui tali hæredi succurrendum putant; in reliquis, quoad legitimos & naturales jus civile Romanorum, tam antiquum, quam media jurisprudentia & Imperiales constitutiones, cum jure divino conveniunt, quatenus ad successionem attinet; servata primogeniti semper prærogativa: De aliis autem generibus filiorum hoc servatur; nam ex jure divino filii naturales, & legitimi soli succedunt: Naturales & legitimos voco eos, qui ex justis nuptiis, sive justo matrimonio stante nati sunt; neque inspicitur tempus conceptionis in his legitimis, sed tantummodo nativitatis; hinc illud Pauli, si filius, ergo hæres.

*De Posthumis.*

*\* l. Qui in utero ff. De statu Ho. man.*

*De legitimis ex seq. matrimonio.*

Posthumi autem sunt, qui post humatum patrem nati sunt, & eadem est de eis ratio, quæ de jam natis, licet apud veteres aliqua esset de hac re dubitatio, quasi cognatione patrem (qui prius, quam nascerentur, decesserat) non attingerent, neque in ejus unquam fuisse potestate dici poterant & proinde nec sui, Recte tamen Paulus, qui in utero est, perinde ac si in rebus humanis esset, custoditur, quoties de commodis ipsius partus quæritur: quanquam alii, antequam nascatur, nequaquam profit. Nam cur ex patris insperato obitu posthumi calamitas augeretur? aut in quo peccasse censeretur poterat, qui nondum natus patrem amisit.

Liberi autem naturales & legitimati propter juris auctoritatem eodem modo succedunt quo naturales & legitimi: legitimatos vocamus, qui in concubinato nati, justis nuptiis inter utrumque parentem postea sequentibus, & jure hi legitimi censentur; quod ex jure divino originem traxisse videtur, cum expresse dominus jussit, si quis vitium virgini Israelitica intulerit, ut eam in uxorem ducat; quod frustra præcepisset, si ex illo congressu liberi nati non succederent, aut essent illegitimi. Pontificii certe, qui se juris divini interpretes esse volunt, legitimatos cum legitimis conjungunt, & eodem modo ad successionem vocant; tanta enim vis est matrimonii subsequenter, ut de priori delicto inquiri non sinat, & illud omnino tollat, & purget: Quod ad jus civile attinet, legitimati præsumuntur legitimi, licet inter eos quadam sit differentia, quæ quoniam ad usum nostrum non pertinet, summatim tantum & breviter percurrenda est; Nam, quod ad legitimationem per oblationem curiæ spectat, eam non agnoscimus, sola ea recipitur, apud nos, quæ ex subsequente matrimonio nascitur: neque enim si quis ex concubinato ejus, quam in uxorem habere tum poterat, natus sit, si cum matre ejus sequatur postea matrimonium, minus legitimus censebitur, quam is, qui post contractum matrimonium natus est, ob præsumptionem juris: Nam jus præsumit, hunc ex sequenti matrimonio legitimatum, esse legitimum & contra hanc præsumptionem probatio, non admittitur, ut postea in diegesi (Quæ impediunt successionem) fusius dicemus.

*De adoptivis.*

Filii autem legitimi tantum, quales sunt omnes adoptivi, & non naturales, jure divino, 12 tabularum & jure civili, eodem modo succedunt in bona patris adoptivi, atque naturales: Hæc autem adoptio, videtur ex jure divino originem primum traxisse; Nam Jacobus filios Josephi adoptavit, & filia Pharaonis Moysen; etenim cum patria potestas, ex legibus 12. tabularum stabilita sit, & adoptivi in numero suorum reputentur, sui que dicantur, ut sui etiam succedebant æqualiter cum naturalibus; Nam sacrosancta illa antiquitas continuandæ familiæ curam susceperat, si quis filios male affectos aut animo aut corpore genuisset, in quibus, timebat familiæ & nominis abolendam memoriam, & dignitatis ruinam, alium majoris animi & melioris indolis ex aliena prosapia adoptabat, qui domus ruinam aliquando posset sustinere, Sic Africani majoris filius, cum infirma esset valetudine, Pauli Æmilii filium in adoptionem asciverat; Sic Julius Cæsar, Octavium: Octavius, Tiberium: Tiberius, Germanicum patrem Caligulæ: Claudius, Neronem, & plerique alii ita in alienam prosapiam transibant, ut nomen suæ familiæ deponerent, ejusque, in quam adoptabantur, nomen assumebant, nisi quod aliquam generis veri notam secum etiam ducerent, Sic Pauli filius, à Pub. Scipione adoptatus, Æmiliani: Octavus, Julii Cæsaris nomini, etiam Octaviani adjunxit & sic in reliquis: Itaque merito, horum cura maxima debuit esse patribus, qui adoptabant, ne adoptio illis & fraudi esset. Ex legibus sane 12 tabularum & Media jurisprudentia, adoptivi æque atque eodem modo cum naturalibus succedunt: In constitutionibus autem Imperialibus, sive jure novo aliquid immutatum cernere licet; Adoptivi, qui tantum legitimi dicuntur, ex Constitutionibus Imperialibus, avo materno vel proavo in adoptionem dati, non aliter succedunt iis, à quibus adoptantur, tam ab intestato quam testamento, quàm naturales & legitimi; Nam hic duo vincula concurrunt, unum naturale, quod avo aut proavo suo in adoptionem dati sunt: alterum civile, nempe adoptio, itaque ad successionem avi aut proavi admittuntur, Quod si in adoptionem



tionē dati fuerint extraneo, tunc ex jure civili, succedunt ab intestato patri adoptanti æqualiter, cū naturalibus & legitimis; Quod si pater adoptivus nullos filios naturales habeat, succedunt patri adoptivo in omnibus bonis: hoc tamen discriminis est, inter legitimum naturalem, & adoptivum, quod legitimus naturalis, querelam inofficiosi testamenti habeat: adoptivus autem, non admittitur ad querelam; Nam patri adoptivo, libera permittitur testandi, ut volet, facultas; tantum ab intestato (ut dixi) adoptivi, cum legitimis & naturalibus concurrunt, Sed tam anxia, in filiis his legitimis tantū, & adoptivis disputatione, ad eam rem quam paramus, non est opus; Nam in jure feudali, unde & nostrum descendit, & quibus consentit, nulla ratio adoptionis, tantum legitimorum liberorum, & naturalium ratio in successione habetur.

Quæri autem potest de monstroso partu, is ne in hæreditatem succedet, an non? movere difficultatem, cum nulla ei possit culpa imputari, cur privatione paternæ hæreditatis sit puniendus: natura enim vitium nemini debet imputari, cum naturam in potestate non habeamus; sed propius vero est, eos non succedere; servandaque est illa Pauli jurisconsulti distinctio, \* Non sunt (inquit ille) liberi, qui contra formam humani generis, converso more, procreantur, veluti si mulier monstrosum quid aut prodigiosum sit enixa; partus autem qui membrorum humanorū officia tantum ampliavit, aliquatenus videtur effectus: & ideo inter liberos connumerabitur, puto & priori alimenta deberi, licet in successione non admittatur; Quod ad naturales tantum attinet, de his suis erit locus, cum ad spurios sive bastardos veniemus.

Notandum autem est, in hoc primo gradu successionis filiorum, nihil interesse, utrum filii hi, ex uno matrimonio, an vero ex diversis nati fuerint; pariter enim & in capita jure civili ad successionem admittuntur, nisi forte aliter in dotalibus instrumentis fuerit provisum de successione in stirpes. Et quoniam filios, ex regula ipsa, in capita patri, ex jure civili, succedere diximus, Superest, ut de hac duplici successione diceremus, nisi quod commodius in explicationem sequentis regulæ, possit disferri.

Secunda regula successionis descendentium itaque hæc est: Deficientibus filiis, nepotes ex eis succedunt, & eis deficientibus pronepotes & ita deinceps in abnepotibus & trinepotibus in ordine descendentium in infinitum, sed non in capita sed in stirpes, servato semper jure representationis; pro cuius regulæ faciliiori intellectu considerandum est, quid sit representatio sive representationis jus, quid sit succedere in capita, quid in stirpes, nam hic in stirpes successio successioni in capita opponitur.

Jus representationis est, quoties posterior non ex sua, sed ex prioris persona, quam repræsentat, jus successionis petit: veluti, præmortuo filio, cum nepos aut neptis ad successionem vocantur, non enim ratione sui, sed patris eorum (1) filii defuncti, successio ad eos pertinet, neque hi ex sua persona hæreditatem, aut ejus partem possunt petere, sed tantum ex persona patris (nam ex sua non admitterentur, cum filii ex eodem parente supersint, qui horum sunt patrui, & sic agnati propiores defuncti) & hoc est ejus personam repræsentare, sic nepos repræsentat filium, pronepos utrumque, si uterque præmortuus fuerit, ita tamen ut si plures sint nepotes ex uno filio, aut si plures pronepotes ex nepote, unum tantum filium & nepotem repræsentant, Inde provenit successio in stirpes, quæ nihil aliud est, quam cum plures nepotes aut neptes, unius filii personam in successione repræsentantes, avo suo (1) patri filii succedunt: nam tum non per capita, dividetur hæreditas, sed per stirpes.

In capita autē succedere est in viriles sive æquas partes succedere, ut non minus unus quā alius accipiat, ut semota omni prærogativa ætatis, aut sexus, in tot partes hæreditas dividatur, quot sunt capita eorum, qui ad successionē vocantur; per stirpes itaq; succeditur, quoties nō sunt tot partes hæreditatis, quot successorū capita, sed quot successorū stirpes, nempe si tres aut quatuor nepotes, succedant in eā partē, in quā, filius si vixisset fuisset successor; exempli causa si quis, ex iusto matrimonio, quatuor filios suscepisset, ipsi quidē filii in capita succedunt, (1) in quatuor partes æquales sive quadrantes dividetur, hæreditas & quilibet suū quadrantē (1) quartam partem habebit, quod est in capita succedere; si vero ex his quatuor liberis, uno aut altero præmortuo, ex eisdem defunctis nepotes supersint, forte, ex primo filio, duo nepotes: ex secundo quatuor: duo postremi filii, adhuc patri supersint, duos quadrantes (1) semissem hæreditatis habebunt; reliquis semis, inter nepotes, ex duobus fratribus præmortuis, dividetur, non in capita, ut unusquisque æquam partem habeat, sed per stirpes, ut primogeniti filii stirps (1) nepotes duo, unum habeant quadrantem, quantum ipsorum pater si vixisset habuisset: alii quatuor nepotes ex altero fratre, suum tantum quadrantem (1) quartam partem hæreditatis habebunt, licet sint quatuor; unum enim tantum patrem repræsentant, nec plus

*De monstroso partu.*

\* 1. Non sunt liberi ff. De statu Homini.

*Secunda Regula successio*

*Quid sit jus repræsentatio*

*Quid sit successio in stirpes.*

*Quid sit in capita successio.*

plus ex ejus hereditate consequentur, quam parens eorum habuisset, si adhuc viveret, & hoc est in stirpes succedere: nempe ut ex trunco diversæ stirpes pullulant, & unaquæque suos ramos agit, licet una non tot ramos fecerit quot alia, non tamen minus stirps dicitur: idem in representatione pronepotum; nam tres pronepotes, ex nepote, unum nepotem repræsentant, & in eam partem succedunt, in qua nepos, si vixisset, fuisset successurus, & sic confirmatur regula tertia linealis seu directæ successionis, ut liberi secundi, aut tertii gradus (1) nepotes, pronepotes avo, proavo, abavo succedant in stirpes & non in capita; servato jure semper repræsentationis.

*Tertia Reg.  
successionis.*

Tertia regula successionis, tam ex jure divino quam civili hæc est: matri eodem modo filii succedunt, ab intestato, quemadmodum patri in capita: Nepotes vero, pronepotes, abnepotes & trinepotes in infinitum descendentes, in stirpes non in capita succedunt; nam nulla est differentia, in successione matris & patris; filii enim æqualiter succedunt matri, æque ac patri, nec interest utrum sint ex eodæ matrimonio procreati, an ex diverso; nam licet ex quatuor diversis matrimoniis filii nascantur, eadem tamen ratio erit primi atque ultimi, nisi quod in dotibus & lucellis nuptialibus filii non æqualiter succedunt, sed quisque in sui matrimonii dotibus & lucris succedit. Idem ordo in nepotibus, pronepotibus, & abnepotibus servandus, qui in successione patris. In omnibus his regulis hoc notandum, quod eodem modo filia succedunt, atque filii: Hæc de successione directæ descendentium, quatenus ex jure divino, & civili Romanorum constat. Quod ad jus Pontificium five canonicum attinet, rara hæredum aut successorum mentio, nullæ ab intestato successionis regula.

*De successio-  
nū regulis  
ex jure feu-  
dali & usu  
nostro.*

Sequitur jus feudale, quod jus proprium hujus regni ab initio diximus, quod non est ita absolute intelligendum, ut nulla sit inter mores nostros & jus feudale dissensio; Nam Mediolanenses, Cremonenses, Veronenses, Papienses, jure feudali, ut proprio, utuntur, & uti dicuntur, qui tamen in gravissimis questionibus & argumentis, sæpe inter se dissident, itaque quoties mores nostri à jure feudali differunt, obiter tantum notandum putavi. Itaque in hac feudali successione, primo memoria tenendum est, successionem feudi secundum juris civilis dispositionem fieri, nisi quatenus in jure feudali, aliter dispositum legimus.

*Quid sit suc-  
cessio in feu-  
dis.*

Successio autem feudi, definitur actus legitimus, per quem, vassallo defuncto, qui proximus est ei agnatus, feudi jus nanciscitur, aut in quem, jus illud continuatur. Dixi actum legitimum, cum is proprie hæres non dicatur, nisi qui à lege ad successionem vocatur; sunt enim ut nuper monui, plerique, qui non ex lege, sed ex conventionem partium succedunt; sed hi nomen hæredis non merentur, neque ad hereditatis petitionem admittuntur, quoties alius, cui hæreditas ex lege debetur, superest.

*Prima Regu-  
la successio-  
nis ex jure  
feudali.*

Prima itaq; successionis ex jure feudali regula est, jure feudali, mortuo vassallo, filii, quorum prima ratio semper est in successione, omnibus aliis exclusis, succedunt in capita, filii inquam, tã in patria potestate, quã emancipati; Quod de filiis dixi, de filiis naturalibus & legitimis intelligendum est; & hoc æqualiter & in æquas partes, ita ut quot fuerint filii, in tot partes feudum dividatur, & cuilibet in successione sua pars attribuitur; An autem legitimatus per subsequens matrimonium, ex jure feudali admittatur, gravis est disputatio inter feudistas; Nam generalis regula est, legitimatum in feudo non succedere, neq; solū neq; cum aliis; ubi glossa exceptionem facit, si dictum fuerit in legitimatione, ut in feudo succederet; sed exceptio hæc in jure feudali non habetur; an autem textus ille loquatur de legitimatis per subsequens matrimonium, pene incertus sum, licet glossa de eo legitimato tantummodo intelligere videatur, qui beneficio principis aut per oblationem curiæ legitimatus est; Nam, ex textu, filii naturales legitimati nec soli nec cū aliis succedunt, sed locus est proximo cognato & sane mirum est hos a successione excludi, & cum, ex jure ecclesiastico, eodē cum legitimis jure censeantur, non eodē jure in successionem admitti, sed eo tempore quo jus feudale scribebatur, nondū ordo ecclesiæ eas vires habuit, quas hodie habet, quod ex Anglorū constitutionibus vel maxime patet: neque enim, apud eos, legitimati ad successionem admittuntur, etiã maxime annitentibus pontificiis, qui tertium ordinem in comitiis publicis constituunt, utcumq; est, ex sententia juris feudalibus interpretum, hi legitimati hodie succedunt, adeo ut nec principes hodie statuto cavere possint, ne legitimati ex subsequente matrimonio succedant. Quod ad legitimatos per principem, aut curiæ oblationem, multo minus hi admittuntur ad successionem, sed numero spuriorum habentur, de quibus mox dicemus. Nostros autem mores, legitimati ex subsequente matrimonio, in eodem sunt gradu cum legitimis, licet in hoc dissentiamus à vicinis nostris, qui legitimatum ex subsequente matrimonio non admittunt, sed mulierem per contemptum appellant; memini enim ante anno 34 Robertum Magistrum de Sempill, Patrem Roberti nunc principis illius familiæ, cum ex concubinato Joannæ Hamiltoniæ, hunc ipsum filium suscepisset, & ei impense faveret, in articulo mort

mortis cum sibi decedendū videret, ad adē sacram se in lectica deferri curasse, ibique nuptiis solenniter peractis cum domum rediisset, Octavo post die, fatis concessisse; ex quo subsequente matrimonio, licet in lecto agnitionis, in quo decessit, solenniter peracto, filius antea susceptus non minus in hereditate successit, quam si ex legitimo matrimonio natus fuisset; In hac prima regula successionis feudalis, hoc est observandum, quod filii succedentes in feudo, agnoscere etiam videntur hereditatem paternam: Aliud tamen in agnatis, qui licet succedant in feudo, non tamen ex jure feudali censeri possunt heredes defuncti, nisi forte feudum sit novum, aut omnino masculinum; ratio differentiae est, quia agnatus non videtur succedere defuncto, sed primo vassallo investito, & ex lege investiturae, itaque hereditatem agnoscere non tenetur, licet in feudo succedat; Patitur tamen hac regula, de successione filiorum, aliquas exceptiones.

Prima, quod filii ad Morganaticam nati, non succedant in feudo cum aliis fratribus, & hoc ex conventionem Morganaticam, qua convenit ne succederent; filii autem, ex matrimonio ad Morganaticam contracto, ii sunt, qui ex secunda conjuge suscepti sunt, & ut illius temporis erant mores, secunda vix putabatur iusta uxor; cum qua secunda conjuge convenit, ut filii ex eo matrimonio suscepti non succederent, nec plus haberent, de bonis paternis, quam pater diceret tempore sponsaliorum. Hoc Mediolanenses vocant ad Morganaticam uxorem accipere, itaque hi ex conventionem non succedunt.

*Prima exceptio a Reg. prima*

Secunda exceptio est, in feudis dignitatum, quales sunt Ducatus, Marchionatus, Comitatus in quibus ex jure feudali nulla est successio, non enim filii fiunt Duces, Marchiones, & Comites, imo ne primogenitus quidem nascitur Dux aut Marchio, sed per novam investituram ab Imperatore denuo eadem feuda à liberis & proximis agnatis recipiuntur. Quod & hodie in Anglia observatur: nam Duce vel Marchione decedente, filius cessat dici Marchio, vel Dux, nisi idem de novo à principe impetraverit: Comitatus tamen nomen, & apud illos & nos, cum primogenito Comitatus manet.

*Secunda exceptio ab hac Reg.*

Tertia exceptio ab hac regula est, de adoptivis, qui licet nomine filiorum, ut antea dixi, censentur, jure tamen feudali non succedunt, neque eis in successione locus est, etiam in præjudicium collateralium in ulteriori gradu; Hos adoptivos, ante diximus, legitimos tantum dici (cum adoptio ex lege descendat) & non naturales, qui ad successionem non admittuntur, & licet adoptio apud nos sit rara, nunquam tamen, ex jure, adoptivo successio permittitur; id ut nonnulli præveniant, si charum habeant hunc adoptivum, solent cum, dum vivunt, investendum curare, cum alioqui pro extraneo habeatur.

*Tertia Exceptio ab hac Reg.*

Secunda itaque regula sit hac: matri defunctæ, ex jure feudali, succedunt filii, eodem modo atque patri & in capita; nec interest filii hi ex eodem matrimonio nati sint, an ex diversis; nam ultimi matrimonii filius, in eandem partem succedit matri, in quā ex primo matrimonio progenitus: neque ullum discrimen est, inter eos, qui ex diversis conjugis nati sunt, cum inter eos ex æquis partibus hereditas dividatur; & in hac regula mares semper excludunt feminas; adeo, ut quamdiu masculus ex ullo matrimonio est, omnes filias etiam ex primo matrimonio excludat, a successione feudi materni: Si desint filii, ut dixi, in æquas partes succedunt filiae; Jure nostro, primogenitus ex quocunque sit matrimonio, non solum reliquos fratres in feudo materno, sed etiam sorores excludit, solusque in feudum maternū succedit. Hac, quo ad jus feudale & licet in usibus feudorum, liberi si plures sint, in æquas partes feudi succedebant, tamē, in non exigua parte Normanniæ & tota Britannia, si plures sint filii, primogenitus succedet solus, nec ulla pars feudi ad reliquos fratres pertinebit; Sic, si sint ex primogenito plures nepotes, ad maximum natu filium primogeniti feudū devolvitur, exclusis aliis siue filiis, siue nepotibus, ita ut semper primogenitus, ex nepotibus aut pronepotibus patrem representet; Hac autem est primogenitura prærogativa, quæ non solum apud nos, sed plerasque alias gentes nobilissimas observatur; unde autem prærogativa primogeniti, ut is, cæteris fratribus in feudi successione præferatur, originem sumpsit, non omnibus clarum est; nam magnam fuisse primogenituræ prærogativam, etiam apud Patriarchas ex jure divino, constat; Abraham enim cum plures liberos ex Ketura suscepisset, primogenito tamen primæ conjugis quodcunque erat hereditatis dedit; alios, in alias regiones, cum suis donis amandavit; Eandē fuisse rationē primogenituræ in ejus nepotibus, constat, ex illa venditione inter Esau & Jacobum facta, & censura domini subsequente, quæ etiam locum habuit in bonis terrestribus; Moses etiam à domino jubetur in distribuenda hereditate, uti duplam portionem ex bonis paternis habeat primogenitus, etiam ex ea natus, quæ non usque adeo dilecta siue chara marito suo fuerat, atque alia conjuges; nam aperte dominus ait, non posse patrem, primogenitum ex priorē con-

*Reg. secund. successions.*

juge



juge, licet odiosa, præterire, ut ejus portionem dilectæ filius habeat; Sic primogenitus domino sacratus est, lege eadem Mosaica, hinc primogenituræ jus ad alias gentes emanasse puto: Bartolus tamen jus hoc primogenituræ ex jure gentium originem sumplisse credit, sicut & omnes institutiones hæredum & testamenti factiones ex jure gentium provenerunt; & sane Tacitus cum de moribus Germanorum scribit, eos refert, ad primogenitos omnia prædia deferre: reliquis liberis, more Abrahami, pecuniam tantum solitos legare; itaque plerique feudistæ jus primogenituræ ab humana consuetudine statutum & stabilitum affirmant; Licet Zafius, illud de lege divina, negare videatur. Canonistæ autem (ut antea dixi) ex versiculo eo Psalmi 115. Cœli Cœlorum domino, terram autem dedit filiis hominum: colligunt, quod à domino hominibus sit concessum, ut leges de feudorum successione statuatur, pro diversitate regionum, diversas forte; ut diversa sive localia esse feudorum jura antea monui, servanda etiam in foro poli & proinde caveri posse, si usus reip. exigat, ut primogenitus in totum feudum succedat, (licet jus civile Romanorum quam maxime repugnet, ut testatur Iustinianus) nec primogenitum peccare putant, qui beneficio legis usus, totam hæreditatem occupet & retineat; Ego sane, eum, qui secundum leges patriæ quid acquirit, peccare in foro conscientie non putarim, si vel lege jubente, vel ex usu perpetuo (qui instar legis, imo aliquando lege potior & prior habetur) id faciat: neque enim cuiquam successio merito exprobari potest, etiam in foro conscientie, qui leges suæ conscientie sive testes, sive judices habeat.

An jus primogenituræ in repub. expediat.

Quari tamen potest, an Reip. expediat, ut primogenitus in universam hæreditatem sive feudum universum succedat, exclusis non solum sororibus, sed etiam fratribus? & sane inter omnes convenit, quod in Imperiis, regnis, Ducatibus, Marchionatibus, Comitatibus, Baronisq. & aliis omnibus feudis, quæ annexam dignitatem habent, hæc feuda non debeant dividi in plures partes sive hæredes, ne dignitates paulatim collabantur, & sic contemnuntur, cum alioqui multitudo imperantium, Reip. non expediat.

Ὁ κ ἀγαθὸν πολυκοιρανίη, εἰς κοίραντες ἕστω ἡ βασιλεὺς :

Ait Homerus: In feudis privatorum, major dubitandi ratio est; nam si primogenitus in omne jus defuncti succedat, fratres, alimentis: sorores, dotibus pro dignitate frustrabuntur, His tamen non obstantibus, prævaluit consuetudo perpetua cujusque regionis, quæ ut sibi commodum videbatur, hæc, aut illa, ex jure feudali, in suum usum transtulit; nonnulla etiam mutavit: Quod ad nos attinet, puto expedire, ne feuda dividantur, ne nomina magnarum familiarum (quibus solis veluti regni columnis, & quasi fulcris, cum stipendia defunt, onera belli sustinentur) corruant; Sed hæc primogenitura, in maribus tantum locum habet; scemina enim hæredes æqualiter succedunt, nisi aliter in lege feudi fuerit cautum, de quo postea, cum de feudo scemineo dicemus, locus erit.

\* Caradocus in Histor. Wallie.

Hæc itaque de primogenitura raptim & quasi per transennam; sufficisset enim ad nostrum institutum dixisse, primogenitum filiorum in Britannia universa, in feudis tam novis quam antiquis (1) (ut nos loqui solemus) tam hæreditate quam conquestu succedere: In Cambria sive Wallia, feuda antiquitus dividebantur in capita, sed illud toti suæ reip. damnosum tandem agnoverunt, causamque eam assignant, cur tam facile in ditionem Anglorum venerint; cum magnatum familia, quibus eorum respublica sustentabatur, dividerentur; nam vassalli pro militibus sunt; quorum ordines, si in partes minutas discerpantur, corruant facillime: Si integri permaneant, facilius vim hostilem poterunt sustinere.

De gemellis.

Ex hac tamen primogenitura, diversæ quæstiones possunt intervenire; veluti si gemini nascantur, nec constet, uter prior, neque ex testimoniis, neque judiciis, nec alio quovis modo; alii enim utrique simul permittendam successionem volunt: alii in hoc casu gratificationi esse locum, veluti cui dominus velit gratificare.

Alia: si primogenitus sit inhabilis ad succedendum ad servitia, an jus primogenituræ amittat, & locum secundo genito faciat; quod plerique negant, nisi primogenitus prior renunciaverit, vel jus suum cesserit; vel alioqui consuetudo loci, vel feudi natura id disponat; Quid ergo fiet, dicet aliquis? inhabili primogenito dabitur curator, præcipue si ex casu, & non natura factus sit primogenitus inhabilis (iniquum enim est casum vel fortunam alicui obesse) cum primogenitura sit jus personale, nec in alium transmittatur.

In administratione autem Regalis feudi, sunt qui putant primogenito curatorem dandum ei nempe, qui non natura, sed ex casu factus est inhabilis; alii patrem, cum domini consensu, providere posse putant, ut ex ejus liberis, qui magis idoneus est, eligatur; at si impubes hæres

hares fuerit & ob ætatem administrationi non idoneus, tutor ei dandus est, non ex patris elogio, sed ex proximis hæredibus ab intestato, masculis; quia hi soli spem successionis in feudo habent; itaque & tutelæ onus ad eos pertinet, nec patri, ne ad tempus de feudo disponere permissum, nec agnatis jus suum auferre. Plura de primogenitura, qui velit, legat Tiraquellum de primogenituræ jure, legat item Martinium Laudensem, Joannem le Cerier, qui omnes, suos tractatus de primogenitura & ejus jure ediderunt; fateor equidem, multa secum primogenituram incommoda adferre; sed plura tamen commoda, quæ illa, si recte omnia astimentur, longe prægravant & hæc de primogenitura.

Tertia Regula est, deficiente primo filiorum gradu, nepotes, aut iis deficientibus pronepotes non in capita, sed in stirpes succedunt. Hæc regula juris feudalis est, nempe ut si primus gradus descendantium deficiat, tum nepotes, pronepotes, vel etiam abnepotes, avo, proavo, atavo succedent in stirpes & non in capita; neque enim quot erunt personæ aut capita succedent, sed pro numero stirpium. Itaque computandum à stirpe est, quot ille stirpes, ramos sive stirpes produxerit, & in tot partes hæreditas dividetur, sive in æquali gradu fuerint, sive inæquali, nam tres ex uno filio pronepotes, cum uno nepote ex alio succedent, semper servato jure repræsentationis, ut hi tres locum patris præmortui obtineant, & sic quot fuerint defuncti filii, totidem hæreditatis partes fiant.

Quod ad mores nostros attinet, filii non succedunt in capita, ut nulla est masculorum apud nos in capita successio; nam primogenitus filius, reliquis fratribus exclusis, succedit in æstem, quod si primogenitus præmoriatur, relictis ex se pluribus nepotibus, solus primogenitus nepotum eum repræsentat, neque successioni in stirpes, ne tum quidem locus est; adeo autem nepos ex filio primogenito succedit, ut si neptem tantum habuerit, & feudum sit fœmininum (\*) in qua fœminæ ad successionem admittuntur, hæc una neptis, jure nostro, patruos excludit. Quod si primogenitus nullos ex se reliquerit liberos, locum secundo genito in successionem facit, & ita deinceps de tertio genito; Scio antiquitus gravissimas quæstiones ortas, non sine cruentissimis præliis, utrum, primogenito præmortuo, relicto ex se nepote, is ne in successionem avi præferendus sit patruo suo secundo genito, an vero secundo genitus nepoti; & habet quæque pars suos assertores, viros gravissimos & Doctissimos, exemplaque extant plurima, tam apud veteres quam recentiores, de ea controversia; Nam & eo jure Henricus 4 regnum Angliæ, ejecto Richardo 2, sibi arrogavit, & contentio illa atrocissima inter Ducem Britannia & Joannem Comitem Montisfortensem, quæ ex eadem causa oriunda, non nisi multorum claudibus expiata est, Qui plura de hac quæstione velit, legat Bodinum de Repub.

Jus nostrum scriptum, quod sub nomine Regiæ majestatis comprehenditur, ita ambigue de hac quæstione loquitur, ut nihil ex eo elici possit, quod judicium alicujus confirmet; Ait enim Si primogenitus, vivente patre, forisfamiliatus fuerit, & in aliqua parte hæreditatis infeudatus & patri præmoriatur, nepos eo casu, nihil ex hæreditate avi, potest petere; reliqui filii post primogenitum succedent. Sed apud nos, forisfamiliationis nomen in hæreditatibus ignotum est, nec patria potestas locum habet, quid ergo dicemus? profecto, jure nostro, perpetuo hoc observandum est, ut non solum nepos ex primogenito, sed etiam neptis, si feudum sit fœmininum, excludat patruos omnes, & hoc virtute repræsentationis & primogenituræ, quæ apud nos inviolabiliter observatur; Sed multa alia sunt in eo libro repræhendenda; si quidem author illius vult, si plures sint filii, primogenitum succedere in feudo militari: in foccagio vero omnes filios æqualiter, principali tamen messuagio relicto primogenito, pro dignitate primogenituræ, pro quo tamen satisfaciet reliquis; quod est falsissimum, ut pleraque alia illius libri, in materia successionis, sunt.

Et hæc de directa linea descendantium, qua omnes liberi ad successionem vocantur; nam liberorum appellatio, nepotes & pronepotes comprehendit, ceterosque qui ex his descendunt, notat Calistratus ex legibus 12. Tabularum, & alii Iurisperiti; sic nurus appellatio ad pronorum & ultra porrigenda est; & natorum & filiorum appellatio ad nepotes, sic neptis & proneptis maritos, generos vocamus: Sic e diverso patris nomine & avus, & proavus, & ceteri superiores. Hæc addidi, ad retundendas quorundam Anglorum calumnias, qui liberorum nomine filios in primo gradu tantummodo comprehendendi volunt, ut eo Prætextu Serenissimi Regis nostri jus successionis in regnū Angliæ inverterent, de quo postea plenius.

Absoluta itaque altera pars lineæ directæ, nempe de descendantium successionem, quatenus ex jure civili Romanorum constat. Superest altera pars rectæ lineæ nempe de successionem ascendentium: neque enim solū descendentes in directa linea, ex jure civili, succedunt ascendentibus, sed etiā ascendentes, descendantibus: In quo non solū jus vetus, à media jurisprudentia: sed & media jurisprudentia à jure feudali, & jus etiā feudale à se ipso, pro diversitate locorum & regionum, in quibus usurpatur, differt, & quoniam hæc successio, aliquas, apud nostros, difficultates peperit,

& adhuc parere potest, non est res hæc perfunctorie transigenda; Ex antiquo jure 12 tabularum, nulla erat parentum successio in bonis liberorum descendantium: In media jurisprudentia, si filius testamentum faciens patrem præterisset, dabatur inofficiosi querela patri, eodem modo ac si pater filium testamento præterisset. Non obscure significabant prætores Romani per hoc, non minus jus patribus in filiorum hæreditatibus esse, quam liberis in parentum successione; Itaque succedebant parentes suis liberis, si nulli ex defuncto descendentes essent, quorum semper in successione potior erat conditio; nam ut recte notat glossa ita demum patrem ad querelam admitti, si succedere potuerit, in qua querela, prior erat causa descendantium quam patris; sic patri contra tabulas testamenti filii, dabatur bonorum possessio à prætore; Cum enim prætor videret, ex veteri jure, filiis aut descendantibus, iisque tantum qui essent in potestate, locum esse in hæreditate defuncti; patrem omnino præteritum, etiam si nulli descendantes essent, jus antiquum correxit, & patri, contra tabulas, bonorum possessionem filii præbebat; itaque hæc successio, qua pater filio succedebat, tristis successio five turbata dicebatur, secundum illud tritum in scholis.

*Ordine turbato succedis Bulgare nato.*

Sed ut res tota clarius fiat, uti liberos à te divisimus, in naturales tantum, in naturales & legitimos, in naturales & legitimatos, & legitimos tantum, sic parentes eodẽ modo distinguemus.

*Prima Reg. successio-  
nis  
ascenden-  
tium.*

Alius enim est pater naturalis tantum, alius naturalis & legitimus; naturalis pater tantum, filio spurio non succedit, nisi pro ea parte, qua spurio patri succederet, si pater naturalis præmortuus fuisset, (nam est quadam inter eos relatio) (1) in duabus uncis, five in sexta parte hæreditatis, una cum matre sua, ut antea dixi.

*Regula se-  
cunda ascen-  
dentium.*

Naturalis & legitimus, in hæreditate liberorum suorum, omnibus cognatis præfertur, si filius nullos posteros ex se reliquerit, exceptis defuncti fratribus & sororibus Germanis, nam hæc nomine fratrum aliquando comprehenduntur; Germanos autem fratres & sorores voco, qui ex eodem patre & matre sunt, & hos Germanos fratres, patres admittunt secum ad successionem, five filii, de cujus hæreditate quaritur, sint in patris potestate five non; itaque in hac successione, pater, cum fratribus & sororibus Germanis defuncti, concurrunt; sed utrum succedent in capita an in stirpes questio est, puto in capita, quamdiu frater aut soror est, ut in totidem partes dividatur hæreditas, quot personas pater, cum omnibus suis liberis vivis, faciat; Nec pater hodie matri præfertur, ut olim & regula hæc intelligenda est, de bonis filii adventitii; nam si quæ bona habeat, quæ à patre profecta sunt, vel per lineam paternam descenderunt, pater in his excludit matrem; sic in eis bonis, quæ à matre sunt profecta aut materna linea, mater patri & paternæ lineæ præferretur; quæ enim invidia est, ait imperator, quod à patre profectum est, ad eum reverti.

*Reg. 3<sup>a</sup>*

In parentibus legitimatis, eadem ratio successionis observatur, quæ in legitimis; nam jure civili, legitimatus pro legitimo habetur; hoc solum interest, quod, mortuo legitimito filio per oblationem curiæ, quarta pars successionis servabatur curiæ.

*Reg. 4<sup>a</sup>*

Pater legitimus tantum & non naturalis, qualis est adoptivus, si extraneum ei adoptaverit, non succedit; nam habetur loco extranei: Si tamen aliquem ex descendantibus adoptaverit, veluti ex filia nepotem, ei mortuo sine liberis, succedet pater adoptivus; Hæc de successione ascendentium ex recta linea in jure civili, nunc videndum, an in jure feudali, aliqua etiam sit parentum successio in recta linea.

*Generalis  
Reg. in suc-  
cessionem  
ascendentium.*

Generalis itaque hæc propositio, pro axioma certissimo, ex jure feudali, tenenda est, parentes nunquam filiis, etiam sine liberis decedentibus, succedere possunt; nam ascendentium ordo, in feudis, five sit laicus five ecclesiasticus, quo ad successionem non admittitur; nunquam enim superiores in recta linea, licet etiam ex jure sint proximi agnati, descendantibus succedunt, sed soli descendentes superioribus: Apud Anglos, licet pater nunquam filio succedat, nec ascendentium in recta linea ratio habeatur, filio tamen præmortuo, sine liberis, patruus succedit, ut etiam in jure feudali; quod tamen mirum cujus videri possit, cum pater patruo uno gradu sit filio propior, tamen illi prohibent patrem a filii successione, patruumque defuncti (1) patris fratrem ei præferunt: Quod si is patruus sine liberis decesserit, ei in omnibus succedet ejus frater, qui defuncti erat pater, & sic pater ad hæreditatem & successionem filii pervenire poterit; sed non ut pater, sed ut frater patrui, cujus primus erat locus in successiones & quod dicere solemus, mediate quidem fieri potuit, ut filio pater succedat, nempe alio agnato propinquo prius succedente; at ut immediate, tanquam hæres immediatus, filio succedat, jura feudalia non permittunt. Duo tamen casus in jure feudali excipiuntur, in quibus pater filio succedere potest; unus, si ob bene merita pa-

tris



tris filius fuerit investitus; Secundus si pater prius in feudo existens, illud idem in favorem filii sui renunciaverit; nam pramoriente filio, succedit pater in illud feudum, quod in favorem filii demiserat; neque hoc abhorret à ratione, & his duobus casibus, pater in feudo filii succedit, exclusis collateralibus; sed jure nostro frater patrem excludit, nec cum patre concurrir, ut aliquando interpretes juris feudalis volunt; nam apud nos praterquam in sceminis, nullus est nisi unus successor, Quod de fratre dixi, non idem de patruo, licet & is, jure Anglico, patrem excludat.

An autem hoc jus & apud nos etiam locum habeat, ut ascendentes in recta linea perpetuo prohibeantur à successione descendantium, ambigi potest. Ex jure nostro scripto, si nulli sint descendentes, tunc pater filio succedit, ita tamen, ut fratribus defuncti omnino postponatur & cum eis non concurrat, vocaturque triste lucrum; Sed autor ejus libri parum sibi constare videtur: Sane à viris doctis accepi, non succedere apud nos ascendentes in recta linea descendantibus. Primus, qui contrarium apud nos tentaverat, fuit Archibaldus Comes Angusæ; Nam cum ille filium biennem in feudo totius Comitatus investiri curasset, filiusque ei pramoreretur, facti pœnitens voluit ad feudum redire: itaque cum breve de morte antecessoris, ex Cancellaria procurasset, & executioni ad certum diem mandari fecisset, die adveniente omnibus modis annixus est, deservitionem per inquisitionem fieri, qua ipse hæres proximus filio suo in Comitatu declararetur; cujus judicii quis fuit eventus, incertum plane me faciunt, viro- rum doctorum diversa sententia, alii enim deservitum dixerunt: alii plane non fuisse deservitum, sed diem deservitionis dilatum, & interea dictum Comitem, re non secuta, mortem obisse: alii rem compositam inter ejusdem familiæ primores ferunt; puto ego non fuisse deservitum patrem filio; cum Archibaldus Comes Angusæ (qui anno domini 1588 mortuus est Smetoni) in hæredem huic ipsi infanti deservitus sit, quasi ille de Comitatu ultimo vestitus & salitus obisset; quod factum nunquam fuisset, si prius ejus pater in eodem feudo filio suo successisset; cum tamen ratio aliqua, ex jure feudali, dari poterit, quare Archibaldus senior filio suo succedere debeat, quia in ejus favorem feudum Comitatus totius inter manus Reginæ dotariæ renunciaverat. Quicumque eventus illius judicii fuit, ab eo exemplum multi traxerunt, ut parentes, in hæredes filiorum descendantium deservirentur, inter quos, illustris dominus Colvillus de Easter Weymes, cum filio feudum totius domini sui procurasset, eo pramortuo, nuper se in hæredem ei deserviri curaverat, sed sunt qui illud putant factum, quod expresse in investitura filii cautum erat, si is sine liberis decessisset, ut feudum ad patrem rediret, lex ergo investituræ fecerat licere, quod jure non licebat: Neque enim, si meam opinionem asserre liceat, puto fieri posse, in tam expressa juris prohibitione, ne ascendentes descendantibus ex eadē linea succedant, & licet sæpius facti tatum viderim, nunquam tamen à Senatu approbatum memini, cum alioqui legem aut consuetudinem inducere, contra expressas juris regulas, inferioribus judicibus non liceat, neque eorum sententiæ vim consuetudinis habere queant: Sed, ex nostro jure, pater nunquā succedit, nisi cum nulli descendantes ex patre supersunt; nam fratres defuncti & ex eis omnes descendentes ei præferuntur in successione, licet, ex jure civili, pater cum fratribus defuncti (1) suis filiis debeat concurrere; cum in eodem, saltem propiori gradu, sit defuncto; & sæpe cum viris doctis, qui in contraria erant opinione, sermones conferens, illud tantum pro ratione adductum vidi, nempe fieri non posse, ut patruus, in fratris filii successione, ipsi patri præferatur; cum sæpe occasio, cur filius hæreditatem acquisierit, à patre descendat; itaque omnino, suo munere privari, durū esset: Deinde, quod uno gradu propior pater est, quam Patruus; & nullam inquisitionem reperiri posse, quæ salvo sacramento & conscientia asserere audeat, patruum, propinquiorem hæredem esse fratris sui filio, quamdiu propior (1) pater supervixerit; Hæc itaque mea est sententia, patrē, ex jure feudali, non posse succedere filio, cum expresse ascendentes à successione prohibeantur, quæ ideo magis mihi arridet, quod idem jus a vicinis Anglis observari video; à quibus, jus nostrum, non minima ex parte defluerat, emendaturus meam opinionem, si quis mihi aliter cum ratione persuaserit, & hæc de linea directa tam descendantium, quæ omnibus præfertur, omnesque alias excludit, quam ascendentium, quæ si qua apud nos est, à fratribus & sororibus defuncti, de cujus feudo agitur, excluditur, nam fratres, sorores, & eorum omnes liberi, in feudo fratris sui, parentibus præferuntur; sed nunquam, nisi ex hoc fratre descendentes defuerint, quorum semper prior ratio est.

## De successione fœminea tam directâ quam collateralî.

*Diegesis Decimaquarta.*

**D**E fœminarum successione in feudis etiam aliqua videntur subjicienda, licet regulariter nulla est successio fœminarum in jure feudali, ob rationes, quæ tam in textu, quam à Doctoribus allegantur. Itaque ut intelligatur, quatenus, ex moribus nostris, successio hæc permittatur, regulas aliquot generales de hac successione fœminea, tam directâ, quam lineali adjiciemus.

*Prima Reg.  
hujus suc-  
cessionis.*

*\* I. fœmina  
ff. De reg.  
jur.*

Prima itaque regula feudi in hac successione est prohibitoria: fœminæ in feudo non succedunt, sive sit magnum sive parvum, rectum an degenerans; neque enim ad munera militaria, pro quibus solis feuda dabantur, earum opera dominus uti potest: nec arma tractare norunt, quod proprium est vassallorum: neque in consilia domini admitti mulier potest, cum quæ audit reticere nesciat, ut volunt plerique: Itaque fœmina ab omni feudo tanquam inutilis sive inhabilis excluditur. Nam & Romanorum legibus, ab omnibus officiis & muneribus civilibus prohibentur fœminæ\*, adeoque in eis rerum gerendarum prudentia desiderabatur, ut semper sub tutela aliena essent, veluti vel viri vel patris. Generaliter itaque filius, exclusa sorore, in feudum succedit, non obstante Justinæana constitutione, qua cavetur, ut idem jus in filiarum successione, quæ & marium sive masculorum esset, licet, ex media jurisprudentia, masculorum in multis melior conditio esset, quam fœminarum: Uxorius tamen Imperator vitium illud antiquitatis corrigens, eos naturæ accusatores vocat, qui aliam conditionem succedendi in maribus, aliam in fœminis facerent, quasi natura peccasset, quod non omnes masculos generavit, ut, unde postea generarentur, non esset. Sed alia ætas alios mores postulabat, nam in eruptione gentium borealium, nulla fœminarum habebatur ratio, neque aliqua earum erant ministeria, cum feuda ob servitia militaria tantum acquirerentur, & hodie videmus apud omnes gentes, majorem eas rationem habere masculorum quam fœminarum, quas sola dote contentas esse oportere putant (si quæ tum erant dotes, quæ verisimiliter apud Boreales antiquitus nullæ erant) relictis virorum fortium præmiis eis, qui demereri poterant; sane cum feudi successio non tam in voluntate vassalli, quam domini concedentis esset, gravissimum ille præjudicium in servitiis suis patiebatur, si mulier, ad omnia servitia militaria inepta, domino seu nolente sive volente in feudo suo succederet: Itaque ex jure feudali, hæred ügeneralium nomine, mares tantum comprehenduntur, adeo ut si Titius Mevio & ejus hæredibus feudum concesserit, hæredes masculi tantum succedebant, & non fœminæ, etiam si arma tractare didicerint, ut antiquitus Amazones solebant, ut de Ioanna Puella Aurelianensi, & quadam hodie Hibernica narratur; ratio est, quia, ad ea que raro fiunt, voluntates contrahentium non recte accomodantur; Imo neque in feudo Franco nec emphyteutico, licet servitia non debeant fœminæ succedunt; Nam licet feudum Francum in hoc degeneret, quod servitia nulla debeat, & emphyteuticum quod non sit gratuitum; in reliquis, in quibus non degenerant, communem feudi naturam sequuntur, Sed in feudo emphyteutico, multi contrariū sentiunt. Nos posteriorem sententiam sequimur, alioqui, ex jure, ne tum quidem fœminæ succedent, licet dicatur Titio & ejus liberis, generi, posteris seu posteritati feudum concessum. Quod de filiabus diximus, idem de omnibus ex filia descenditibus sive mares sint, sive fœminæ; nam ne mares quidem per fœmininam lineam discendentes, ad successionem admittuntur.

*Prima Ex-  
ceptio a Reg.  
prima.*

Hæc nisi aliter in investitura provisum fuerit, (1) nisi tenor investituræ sive solennis illa feudi concessio contineat nominatim, ut hæredes tam mares quam fœminæ aut hæredes quicunque succederent; neque tamen ne hoc quidem casu fœminæ succedunt, nisi nullus superfit masculus; quamdiu enim unus masculus filius extat, fœminas excludit & hoc propter armorum paratiorem expeditionem: Provisum in investitura dicimus, si ita concipiatur, hæredibus suis quibuscunque; nam vocem hanc (hæredes quicunque) fœminas etiam comprehendere necesse est; itaque talis clausula quoties in investitura expressa est, facit ut feudi successio, non minus ad fœminas quam ad mares, (fœminas inquam, quæ gradu sint Propriores) pertineat; filiaque omnes ex æqualibus portionibus in successionem paternam admittantur (1) in capita patri succedant, nisi forte & hic aliter in investitura provisum fuerit; nam in plerisque ecclesiasticis emphyteusibus, & etiam regiis Vallis Ierniæ & plerisque aliis Senescallatibus totius Scotiæ expresse cavetur, ut, deficientibus maribus, primogenita filiarum tantum ad successionem

cessionem admittatur; neque enim putarunt majores nostri, ex re vel Regis vel ecclesiæ esse, ut feuda inter filias dividantur; idque etiam pro primogenituræ jure facit vel quam maximè cur enim magis in filiabus, primogenitura locum habebit, quam in maribus, Sed ratio illa generalis obstat, quæ, mores nostri, à jure feudali dissentiant, non expedire feuda dividi: Hinc facile etiam alia differentia inter jus feudale & mores nostros conciliatur. Nam, ut monui, generali hæredum nomine, jus feudale, tantum mares significari vult, & dictionem hanc (quibuscunque) intelligunt, secundum juris feudalis dispositionem; At nostri mores, per generalem hæredum mentionem, etiam fœminas ad successionem, non extantibus maribus, admitti putant; hoc eo evenit, ex adjectione vocis (quibuscunque) quæ determinatio, etiam indubiè fœminas comprehendit; itaque est pronomen quod differentiam inducit, quod in omnibus investituris adeo frequens est, ut etiam cum omisum est, pro expresso habeatur; & hæc causa dissidii est, inter mores nostros, & veteres feudorum usus, cum revera tamen consentiant; nunquam enim admittitur, apud nos, ad successionem fœmina, quamdiu non solum masculus, sed unus ex masculina linea superest: imo postremi masculi filia etiã sorori in priori gradu, in successione avi aut proavi præfertur: Non negabo tamen, esse ex feudistis, qui per hanc adjectionem, hæredibus ejus quibuscunque, etiam fœminas vocari ad successionem volunt, ut & moribus nostris convenit. & præcipue Baldus, licet sibi contradicens: Hæc autem exceptio generalis est, neque hic tantum, sed & in omnibus aliis regulis locum habet, immorandum itaque in ea non putavi; illud tantum transeundo admonens, in omnibus feudis, tenori investituræ primum locum dari, non tantum in successione, sed etiam in aliis quæ sub legibus investituræ cadunt; & hoc pro repetito in omnibus regulis sequentibus haberi cupio; Quod si quando fœminæ, ex tenore investituræ, ad successionem admittantur, id tantum sub ea conditione fit, si desint masculi in eodem gradu; masculi enim sive unus sive plures sint, ejusdem gradus fœminas excludunt, etiam si feudi tenor, ita concipiatur, ut Titio & ejus hæredibus masculis & fœminis concedatur: nam ne hoc quidem casu fœminæ succedunt, quamdiu masculus superest, qui potest succedere, idem in statuto; nam si statutum, fœminas simpliciter ad successionem admittendas dicat, intelligitur deficientibus tantummodo masculis, Idem etiam dicemus de consuetudine: nam ubi consuetudo permittit, fœminæ succedunt, quod de generali totius provincie consuetudine intelligendū, non unius familie, licet sunt, qui idem putant in unius familie consuetudine, quæ sciente domino in usum abiit.

Secunda exceptio est, In bonis non feudalibus (1) allodialibus aut mobilibus, fœminæ cum maribus succedunt; Quæ bona essent feudalialia, quæ allodialia, quidque feudum & quid allodium in Lib. 1. quinta diegesi diximus, & quomodo omnia bona moventia allodialium nomine censeantur; Hinc inolevit, apud nos, consuetudo, ut filia cum filiis pariter ad bonorum mobilium partitionem sive divisionem admittantur.

Tertia exceptio à prima regula est, ubi fœminæ maribus præferuntur, cum neptis ex filio jure representationis, nepoti ex filia præferatur; ut enim illa patrem, sic hic matrem tantum representat, neque jure maris, sive masculi utetur, quia linea, ut dicimus, masculina interrupta est per ejus matrē, filiaque quæ ex postremo mare progenerata est, nepotibus masculis ex fororibus præferetur; quamdiu enim superest descendens ex fratre, is omnibus descendens ex sorore præfertur; idē in descendētibz ex sorore; nā hi præferuntur in successione patruo, si nulli sint, recurritur ad descendentes ex patruo, qui eodē modo præferuntur descendētibz ex amita.

Quarta exceptio est, si feudū sit fœmininum: Quid autem sit feudum fœmininum, diximus in diegesi ~~seca~~ Lib. Primi De feudorum divisionibus, nempe quoties feudum ad aliquem per matrem devolvitur: Hanc specialem exceptionem addunt feudistæ, mihi tamen videtur sub prima comprehendi posse; neque enim mater, aut ulla alia ex linea fœminina fuisset admissa, nisi id vel à principio cautum fuisset, vel in renovatione feudi ita provisum; His itaque quatuor casibus, ad lineam fœmininam feudū descendit: Sunt, qui alios casus adjiciunt, veluti, si feudū concedatur, ob ea servitia, quæ non minus honeste fœmina, quam vir præstare potest, qualia sunt dominum ad domum, aut ædem sacram comitari, Quid autem si feudum generaliter sit concessum, ob ea servitia, quæ honeste non possunt excerceri nisi à fœmina, veluti obstetricis, sive lotricis servitium, in eis casibus fœminæ succedunt, ex vi taciti pacti, quia illud pactum videtur interpositum, ut fœminæ solæ succederent; Sunt etiam, qui putant fœminas succedere in eo feudo, quod ita concessum est, ut libere possit vassalus alienare, veluti si concessum fuerit vassallo & hæredibus ejus, & aliis causam ab eo habentibus.

Secunda Regula successionis fœminæ est, si nulli sint filii masculi & feudi natura fœmineam successionem patiat, tunc fœminæ succedunt in feudo in capita, nec interest ex di-

Non expedire feuda dividi.

Secunda Exceptio ab hac Regula.

Tertia Exceptio.

Quarta Exceptio.

2 Reg. successionis fœminæ.



versis matribus sint procreata, an vero ex una; quod si unica tantum fuerit filia, eodem modo succedit atque unicus filius, nempe in assem: Si plures sint, in tot partes dividitur hereditas, quot sunt filiae, nisi quod Superioritas, quam nos directum dominium dicimus, jure nostro, ad solam primogenitam pertinet; expedit enim ne vassalli per plures dominos superiores distraherentur, & sic eorum conditio deterior fiat; itaque illa sola, relevium, maritagium, & si quae alia sint domini superioris prerogativa, habebit, & ei soli, bos ex farina vassallorum patris sui, debebitur; ad dominium vero utile, quod erat defuncti, (nos proprietatem dicimus) omnes filiae aequaliter admittuntur, nec de primogenita tenebunt suas partes, sed de domino omnium superiore, de quo vassallus tenebat; itaque si sit emphyteuticum feudum, pro quo merces debebatur annua, in parte mercedis succedent omnes filiae aequaliter; non enim hic est nuda superioritas, sive dominium directum, sed etiam dominium utile, cum utilitatum pars, aut integra aestimatio ad dominum pertineat: aliud etiam excipitur, nempe principale mesuagium, quod semper ad primogenitam pertinebit, pro quo tamen ceteris sororibus satisfaciet, nisi fuerit burgense feudum, in quo aequaliter omnes succedunt.

*Tertia Reg.  
faminea/us-  
censionis.*

Si filiae praemortuae sint, relictis nepotibus aut neptibus, nepotes aut neptes succedent in stirpes jure feudali: apud nos tamen primogenitus nepos, omnes nepotes & neptes ex eadem filia excludit: Si duae tantum fuerint filiae, & secundo genita marem habuerit, primogenita vero foemina, putat Gerardus marem solum in hereditate avi succedere: Obertus vero, utrumque simul jure representationis, & ex hac decisione orta est quaestio inter Brusium & Balliolum, cum Balliolus, quod ex primogenita filia originem deduceret, sibi regnum assereret: Bruhus contra quod esset primus mas ex secundogenita, itaque ei deberi regnum, quod dividi non poterat, assererat. Sed de hac inter Brusium & Balliolum controversia, satis fuisse in primi libri diegesi 6. Nostro jure, hodie in feudis indivisibilibus successio primogenitae praevaleret; & hac de directa linea descendantium ex foemina successione.

*De faminea  
ascensionis  
successione*

Jure civili, quod ad ascendentium successionem attinet, mater eodem modo liberis succedit, si non sit pater, quo patrem antea successisse diximus, & hoc ex Senatusconsulto Tertulliano quod tempore divi Adriani factum est, nempe ut mater in bona defuncti filii succederet, non item avia; & hac, si liberi nulli defuncti fuerint, sive sui sint, sive suorum loco reputentur, sive primi gradus sint, sive ulterioris; sed & filiae suae mortuae, filius, vel filia, praeponebatur matri defunctae, (1) aviae suae; pater vero utriusque, non etiam avus & proavus matri anteponebatur, scilicet cum inter eos solos de hereditate ageretur; frater autem consanguineus, tam filii quam filiae excludebat matrem: soror autem consanguinea, pariter cum matre admittebatur; Sed si fuerint frater, & soror consanguinei, & mater liberis onerata, frater quidem matrem excludebat, communis autem erat hereditas ex aequis partibus fratribus & sororibus; Hac ex media jurisprudentia: Sed ex constitutione Justiniana, mater omnibus personis legitimis anteponebatur, exceptis fratre & sorore, sive consanguinei essent, sive sola cognationis jura haberent, ita quidem ut si solae sorores agnae vel cognatae & mater defuncti, vel defunctae superessent, dimidium quidem mater, alterum dimidium omnes sorores haberent; quod si matre superesset, & fratre vel fratribus solis, vel etiam cum sororibus intestatus quis moriatur, in capita distribuebatur ejus hereditas; & hac locum habebant, etiam si vulgo quaesitus fuisset filius, vel filia. Et hac de jure civili, jure autem nostro, mater nunquam succedit, neque per se, neque cum aliis: Hac sunt quae ad linealem successionem foeminarum pertinent.

Sed accedit saepe, ut ex provisione, jus in hac lineali successione varietur, exempli causa, Si pater in favorem matrimonii cum prima conjuge, se cum illa investiri curaverit in feudo & liberos ex eo matrimonio procreandos, relictaque unica ex ea conjuge filia uxor decesserit, pater ex secundo & tertio matrimonio filium susceperit, filius patri, in eo tenemento, non succedet, quia pars illa ex hereditate videtur abscissa, & liberis ex primo matrimonio susceptis tantum destinata; itaque in eo casu, filia ex eo matrimonio, omnibus aliis filiis ex secundo vel tertio matrimonio genitis praefertur in successione illius tenementi, cum tamen filius, ex secundo matrimonio genitus, sit haeres universalis patri; Sed major dubitatio moveri potest, si pater idem tenementum postea resignaverit in favorem alterius matrimonii, ex quo filius vel filia susceptus est; nam cum pater non obstante priore conjunctione investitura seu infeodatione alienare possit, cur non & filium praeligere sive providere (utor hoc verbo forensi, licet parum in hac significatione latino) ad idem tenementum poterit, favore matrimonii secundi, quod non minus favorabile est, quam quavis alienatio, aut quam prius matrimonium & utrumque causam onerosam continet; & in his secundis nuptiis magnas

magnas dotes viderim constitutas, Sane in hac quaestione saepe laboratum novi; nam sunt qui putant, cum pater, non obstante priore conjuncta infeodatione, feudum adhuc retineat, posse etiam extraneo disponere; cur minus & filium, vel filiam ex altero matrimonio ad idem poterit praeligere sive providere? cum jura sanguinis prodesse saepe, obesse nunquam soleant; & iniquum esset, si quod pater extraneo concedere potest, filio quidem suo, praesertim ex causa onerosa, non possit disponere, praecipue causa matrimonii, in quo non minus provisio prolis & sobolis spectatur, quam ipsius conjugis: alii putant feudum fuisse affectum ratione prioris matrimonii, & investitura ex eo sequentis, ita ut conditio ei annexa, in favorem alterius matrimonii, aut aliorum liberorum mutari non possit; neque eandem conditionem filii, quae extranei, esse; nam filius etiam de evictione tenetur, factumque patris in priore matrimonio, aut repraesentare aut luere; & nisi provisiones prioris matrimonii intactae, & illibatae serventur, fraus fieret parentibus primae conjugis, qui dotem fortasse magnam etiam numerarunt, ut provisio in favorem sobolis illius matrimonii fieret; alioqui nemo filias suas elocabit, si quae in favorem illius matrimonii sunt contractae, ex post facto unius contrahentium fiant irritae; itaque plane tenebant, patrem, licet alienare potuerit, tamen neque propter favorem filiorum ex alio matrimonio, priori praedjudicare posse: neque, jus quasitum liberis prioris matrimonii, tollere sentiebant. Sane quid senatus in hac re statuerit, incertus adhuc sum; vidi enim acriter certatum, inter virum Nobilem Patricium Hepburnum De Wauchton, & ejus sororem dominam de Petfirren de hac ipsa quaestione; nam cum pater ejus, in conjugem accepisset Isobellam filiam domini de Lundie, in eoque contractu providisset, ut liberi ex eo matrimonio succederent in terris de Brothertoun, solaque esset filia superstes; ex consensu omnium parentum contractus novatus fuit, & quod in favorem illius filiae introductum fuerat, ut ad familiam reverteretur cautum sive provisum, ut ejus frater ex priore matrimonio, & haeres dictae familiae, conjugem, illi filiae consanguineam, ex eadem familia Lundeae duceret. Et licet Isobella, ex bonis patris sui postea elocata fuerit, tamen ratione contractus matrimonialis, prius initii inter parentes suos & avum maternum, cum adversus fratrem actionem pro hereditate terrarum de Brothertoun intentasset, isque exciperet, eodem modo contractum dissolutum, & ab eisdem personis à quibus fuerat contractum, & etiam ex causa onerosa, tantumque priorem actum in nudis sinibus contractus sine salina subsequente constituisse, replicavit illa, eos in sui praedjudicii nihil potuisse facere, cum jus sibi, ex sua nativitate, illarum terrarum fuisset acquisitum; itaque, se invita, conditionem suam deteriores fieri non potuisset, cum multis argumentis in utramque partem contenderetur, tandem transactione res finita est, multato dicto Patricio decem marcarum millibus. At sane idem Senatus, in causa trium Aikmannarum sororum, quarum una ex primo matrimonio suscepta, in cujus matrimonii favorem, conjuncta infeodatio primo erat confecta, & liberorum ex eo matrimonio suscipiendorum; cum secunda ex secundo matrimonio genita, in cujus dotali contractu contentum erat, ut liberi ex eo matrimonio succederent, & eo nomine investitura conjuncta utrique conjugi facta; postea, secunda conjugum mortua, pater tertio nupsit, eandemque cautionem sive provisionem iteravit cum tertia, ut ejus liberi succederent, licet in tertiis nuptiis pater eidem tenemento de novo renuntiasset, in favorem illius tertii matrimonii, & liberorum ex eo suscipiendorum, ideoque quae ex tertio matrimonio relicta filia erat, haeredem in solidum se pretendebat, & etiam deservita fuerat, Senatus tamen omnes in aequas partes, ut haeredes essent, admisit; ita ut in trientem hereditatis, unaquaeque succederet, rescissa priore deservitione, Ratio redditur in ea sententia, quod non obstante conjuncta infeodatione primae conjugis data, & liberis ex matrimonio suscipiendis, poterat qui dederat, feudum alienare extraneo, itaque non minus ex novo matrimonio filiabus providere; In qua sententia, si hac ratio certa fuisset, duae postremae sorores in totam hereditatem successissent, rejecta ea, quae ex primo matrimonio suscepta est; nam posterior resignatio vim habebat alienationis; omnes tamen tres in aequas partes succedere censuit senatus: Ego sane putarem, quamdiu quis est in tenemento, ejus liberam disponendi & providendi potestatem esse cui velit, alioqui non esse vere dominum. In causa tamen Isobellae Barroun aliter factum vidi; nam cum ea ex primo matrimonio sola relicta esset, & ex secundo matrimonio filius genitus, in universam hereditatem successisset, recuperavit contra dictum haeredem tenementum, in quo parentes sui, in primo matrimonio conjunctim investiti erant & liberi ex eo matrimonio procreandi; id tamen non tam vi ipsius conjunctae infeodationis factum, quam provisionis in contractu, ex quo praedicta investitura processerat, quo pater Jacobus Barroun obligaverat se matri dictae Isobellae, ut ejus liberi, ex eo matrimonio suscepti, in omnia feuda succederent

succederent, quæ, constante dicto matrimonio, acquirerentur, & sic, vi obligationis, tenementum illud acquisivit.

Multæ tamen nobiles quæstiones nasci possunt, ex hac fœminea successione, & primo si fœmina per masculum semel exclusa, isque masculus postea decedat sine liberis, an adhuc etiam fœmina excludatur.

Alia, an quæ paternæ hæreditati per juramentum renunciavit, à bonis feudalibus excludatur? utrumque plerique negant; nam si statuto caveatur, extantibus masculis, fœminas excludi, id tantum intelligendum est, quamdiu, aut donec, aut quoad extent masculi.

Quid vero si in investitura comprehensum fuerit, ut Titia vel Mævia per sua nomina expresse succederent, an etiam aliæ earum sorores succedent, quæ non sunt nominatæ? In hac quæstione feudistæ sentiunt, Titiam primum & tum Mæviam, ea deficiente, ordine successorio succedere; sed pactum personale, earum personas non egredi; cum, eis deficientibus, masculi soli ad successionem admittantur.

Quid vero si provisum sit, ut, deficientibus masculis, fœminæ succedant? sunt qui putant, ut quæque proxima est ordine, succedere: nobis tamen hoc non placet, sed omnes in eodem gradu in capita succedent.

Quid autem si ita provisum fuerit, ut, deficientibus masculis, una fœmina succedat, & plures sint ejusdem gradus, quæ preferetur? multi sunt qui primogenitam præferendâ putant, quod & nos sequimur; licet sint, qui id, vel arbitrio domini vel patris, permittant: quidam sorte dirimendum putant: alii, omnes debere succedere consentiunt, quod est contra tamen investituræ tenorem.

Hoc autem specialiter, in pluribus hæredibus fœmineis feudi militaris, observatur, ut si quæ, corpus suum polluerit (nos forisfacere corpus dicimus) eam partem sui feudi, in quam succedere debet, amittet; eaque pars ejus fororibus, quæ illibatam pudicitiam servarunt, accrescet; Si omnes corpus polluerint, omnium partes domino accrescent; sed hoc de iis fœminis Intelligi puto, si quæ in Capillitio sunt (1) nondum elocata, & non de viduis.

## De successione collateralis & conquestu.

### Diegests Decimaquinta.

SECUNDUM genus successionis est ex collateralibus; nam, deficiente linea directa descendenti, ita ut nemo ex ea supersit, aut superesse speretur, proximus agnatus, ut, ex legibus 12 tabularum, antea monui, familiam sive hæreditatem habere debet, proximum inquit, ne omnes agnati simul putent sibi locum in successione, & ita bona aliena invadant, aut diripiant; nam posteriori in ordine agnationis nunquam locus est, quamdiu aut est, aut esse speratur agnatus propinquior: neque ulli agnatorum, quamdiu superest unus ex liberis defuncti, aut esse speratur, quod fit, cum conjux defuncti, uterum fert; donec enim enixa fuerit, distertur interim cognitio de successione agnatorum.

Quid familia nomen intelligatur veteri jure.

Per familiam autem hæreditas intelligitur, sic pupillum patrem familias dicimus, nempe cum ad eum hæreditas pervenit; In hac collateralis successione, eodem modo insitemus, quo, in explicatione prioris lineæ, usi sumus, ut primo, Quid veteres ienserint, Quid media jurisprudentia, Quid Imperiales constitutiones dicamus: Tandem quid jure feudali & nostris moribus conveniat, breviter percurremus.

Reg. 1<sup>a</sup> success. ex Leg. 12. tabularum.

Quis dicitur proximus.

Qui sunt agnati.

Leges 12 tabularum, ad successionem si non sint liberi, agnatos vocant, non omnes, sed proximum, ut antea dixi. Quis sit proximus, licet cuivis, alicujus judicii, ignoti esse non possit, tamen si quis incertus sit, legat Justinianum, in Titulo illo Institutionum De legitima agnatorum tutela & successione, & ut, ea quæ ibi dicuntur, contraham, proximus est qui gradu propiore defunctum attingit. Agnati vero sunt, qui per virilis sexus cognationem descendunt (nomen familiæ retinere dicimus) veluti fratres, fratrum filii, qui & patrueles dicuntur, & si qui ex eis masculi descendant; soror ipsa inter agnatos numerabatur, cum illa nomen familiæ paternæ retineat; at qui ex ea descendebant, cognati tantum vocabantur; quia licet sanguinis & cognationis jura intercederent, ex sorore tamen descendentes, in aliam familiam transibant, nomenque sui patris induebant; itaque soror ipsa, ut agnata, succedere poterat fratri & fratrum filiis, si non essent propiores agnati, qui etiam in longissimo gradu,

fororum



sororum filiis præferebantur, cum antea fratrum filii etiam in longissimo gradu sorori succederent ex Tit. unde agnati, & profecto pronius erat jus duodecem Tabularum in deferendis hæreditatibus masculis quam fœminis: At media jurisprudentia, quæ legibus 12. tabularum erat posterior, licet sororum liberos, ad successionem agnatorum vocare non poterat, (neque enim agnatos qui non erant facere potuit) at ex Tit. unde cognati, bonorum possessionem tribuebat, ut quicumque ex eo patre descenderent, sive per masculinam; sive fœmininam lineam, ut unico cognationis vinculo Pariter ad successionem vocarentur: At Imperiales constitutiones, ut media jurisprudentia posteriores, omnes ex paterna linea descendentes pariter ad successionem vocabant indistincte; ut quo gradu quis propior defuncto erat, & in ejus successione præferretur. Rationem reddit Justinianus, neque enim masculus per se neque fœmina sola ad procreationem sufficit, Sed quemadmodum Deus utrumque ad procreationis ministerium conjunxit, ita nos eandem utrique æqualitatem conservabimus, ait Imperator; ad quavir itaque in omni successione maribus fœminas Justinianus, consilio puto Theodoræ conjugis suæ mulieris imperiosissimæ, cujus nuru totus regebatur. Sed ut ad leges 12. tabularum redeamus, licet lex 12. tabularum in singulari numero loquebatur de proximo agnato, pluralitatem tamen intelligit (1) ut si plures in eodem gradu sint, veluti tres aut quatuor fratres aut quatuor aut sex fratrum filii pariter ad successionem vocentur; fratrum nomine sorores veniunt; itaque fratri mortuo, superstites fratres & sorores in capita succedunt; Non tamen omnium fratrum eadem est ratio; alii enim (ut prius dixi) germani fratres sunt, qui ex utroque parente sunt conjuncti; Alii consanguinei, qui per patrem sunt agnati tantum, alii uterini qui per matrem tantum conjuncti sunt; Alii naturales dicuntur & legitimati; alii adoptivi tantum. De his singulis dicendum & licet in jure civili, tam antiquo, quam media jurisprudentia, eadem erat omnium filiorum ex eodem parente descendendum ratio, etiam si ex diversis nuptiis fuissent suscepti, tamen in successione collateralis aliud jus observabatur; frater enim germanus fratri germano succedebat; nec in partem fratrem consanguineum tantum, multo minus uterinum admittebat, sic germana soror fratri consanguineo tantum, in successione fratris germani præferebatur: Consanguinei autem fratres in successione fratris sui consanguinei, si nullus germanus frater, nec ex eo descendens extet, per capita admittuntur: Uterini autem fratres nullo modo consanguineis succedunt, sibi tamen invicem, viz. uterinus uterino succedere in bonis maternis potest æqualiter & eodem modo, quo consanguinei sibi succedunt: Quod si defunctus tam habeat consanguineos quam uterinos fratres, & fortasse quorundam præmortuorum filios, qui patres suos repræsentant, tunc non minus status hæreditatis considerandus, quam personæ succedentium; nam in bonis paternis (1) in iis bonis quæ ad eum ex linea paterna descendunt, fratres consanguinei, & iis præmortuis eorum filii præferuntur: In bonis tamen materni generis, aut quæ per matrem lineam descendunt, uterini & eorum filii præmortuis consanguineis præferuntur, ita ut paterna paternis, materna maternis tribuantur: fratrum autem naturalium & legitimatorum eadem est ratio in successione, idemque per omnia effectus qui & legitimorum; nam in toto jure civili pro legitimis habentur: fratres adoptivi, qui sunt legitimi tantum & non naturales, si ab avo fuerint adoptati succedent sibi mutuo, cum duo ibi vincula concurrant, unum naturale, alterum civile: si vero ab extraneo adoptentur, quamquam adoptivi parentis successionem habent (ut supra dixi) ipsi tamen sibi non succedunt.

*Distinctio fratrum.*

Secunda regula successionis collateralis hæc est, deficientibus fratribus in primo collateralium gradu, successio ad fratrum filios devolvitur, ut ii defuncto succedant, ita ut quisque gradu propior defuncto fuit, ad successionem admittatur successorio ordine, ita tamen ut omnes à primo acquirente descendant, Et hi, si in pari gradu sint, In capita: si in impari, in stirpes succedunt. In hac regula, ex jure antiquo, sororum filii non admittebantur, ad successionem; postea tamen, ex media jurisprudentia & imperialibus constitutionibus, tanquam cognati succedebant, parque ratio facta est & agnatorum & cognatorum, ita ut qui proximus fuerit decedenti, is in ejus successione præponeretur, quod tamen non semper erat verum; fit enim sæpe, ut cognatus remotioris gradus excludat gradu propiorem, ut declarat Justinianus, Id autem fit, quoties filius aut nepos patris aut avi personam repræsentat, qui si viveret, in successione præferretur: itaque in hac secunda regula descendentes cujuscunque gradus sunt, semper ad fratrem aut sororem, à quo descenderunt, revocandi sunt,

*Regula Secunda.*

ut hi descendentes in successione fratris praeferantur, quorum stirpes (1) frater aut soror defuncti, si viveret, praelatus fuisset, servato semper jure representationis, sic trinepos ex fratre germano, filio fratris consanguinei in successione fratris communis praeponetur, ratio est, quia si germanus ille a quo trinepos descenderat, viveret, consanguineum & omnes ex eo descendentes excluderet. Descendentes autem hi, usque ad septimum gradum numerantur, quoniam, inquit Modestinus, ultra eum fere gradum natura cognationem consistere non patitur: alii tamen ad decimum gradum extendunt. Interpretes feudorum hac distinctione utuntur, ut si semel feudum ad descendentes pervenerit, successio in infinitum ad collaterales pertineat; si nunquam ad descendentes pervenit, sed tantum erat feudum novum; quod ex conditione ad collaterales pertinere debet, collaterales tantum usque ad septimum gradum inclusive admittuntur, & non ultra. In regnorum successione, & jurisdictionum feudis agnatos in infinitum succedere certissimi juris est, & si tota prosapia regis interierit, & supersit aliquis agnatus, etiam ultra millesimum gradum succedet: Quod si defunctus, neque liberos neque parentes, neque cognatos, aut agnatos habuerit, tunc successio, ex jure civili, ad conjuges defertur, scilicet ut vir uxori succederet, uxor viro, ex capite. Unde vir & uxor: Si neque vir aut uxor sit, tunc bona censentur vacantia, & fisco cedunt; Affinitatis autem in successione nulla habetur ratio, neque enim affinis affini succedit, sed ea persona, per quam affinitas contrahitur, quae est cognata succedit, & per eam forte affinis etiam: Affines autem non dicuntur, vir & uxor, licet causam affinitati praestent; nam Modestinus affines definit, viri & uxoris cognatos, non ipsum virum aut uxorem. Haec sunt quae ex jure civili tam 12. tabularum & Media jurisprudentia, quam Imperialibus constitutionibus de successione collateralis dicuntur: Sed postquam feuda in usu esse coeperunt, jusque feudale in praecipuis Europae regionibus colli, multa ex prioribus displicebant, seu quia non intellecta, seu quia multa duriora videbantur, quam aequitas pateretur; Sed pro varietate regionum quaque fere provincia varia statuta de successione habet, de quibus singulis, operosum esset dicere; sufficere si quid jus feudale in his successionebus voluerit, quosque mores Britannii in hac successione sequantur, breviter explicemus; Et ut melius haec collateralis successio animis concipiatur, revocanda est in memoriam illa feudi divisio, quam in diegefi decima lib. 1. proposuimus in Antiquum sive patrum & novum.

*Antiquum  
feudum, Ha-  
reditas: no-  
vum, conque-  
stus dicitur.*

*Nulla ex  
jure feudali  
fratrum suc-  
cessio in feu-  
dis novis.*

Antiquum sive patrum vocamus id feudum, in quo pater, avus aut aliquis antecessorum, investitus fuit: Nos id genus feudi hereditatem vocamus; Novum autem feudum dicitur, quod, in eo qui mortuus erat, coeperat, nos conquestum dicimus; Angli & Normanni Pourches. Id est, quando quis non tanquam haeres in feudo illo succedit, sed vel beneficio donationis: vel liberalitate patris aut cognatorum: vel ex suis opera, pecunia, vel labore, sibi illud acquisivit, aliquo juris titulo praecedente: veluti vel emptione, permutatione, investitura, aut aliquo titulo. Et de hac collateralis successione in feudo novo dissentientes doctorum opiniones sunt; nam melior pars in feudis novis nullam esse collateralium successionem volunt, hoc est, si is qui acquisivit sua opera feudum à domino, moriatur sine liberis, frater ejus, etiam germanus, ei non succedet in illo feudo, etiam si feudum eis communiter ab initio à domino datum fuerat; ratio haec erat, cum ab initio tantum ob militares operas darentur feuda, dominusque vassallo, qui eas navaverat, & ejus sobolitantum consultum cuperet, alios tanquam extraneos, etiam vassalli sui fratres, ab ejus successione abiebat: Hinc factum putant, ut in conquestu, sive in novo feudo, liberi quidam parenti succederent, frater tamen fratri non succederet; itaque in toto jure feudali, nulla est fratrum successio in feudo novo; exempli causa, Titius feudum vel ex donatione vel dispositione adquisierat, si liberos habeat, illi in feudo succedent: si non habeat liberos, sed tantum fratres aut sorores, hi omnes à successione excluduntur. Quid ergo fiet, de feudo dicet aliquis? feudum, deficiente haerede, ad dominum concedentem revertitur, eique aperitur, cum ea causa, propter quam concesserat, cesset, nempe vassalli & posterorum ejus utilitas, & promotio. Hoc tamen ad intellectum juris feudalis conducit in hac successione collateralis, quod in feudo etiam antiquo collaterales non succedant, nisi qui ex eo descenderunt, qui primus feudum adquisierat, Et ita in feudo succedunt, ut propter hanc successionem, hereditatem paternam non videantur agnoscere, neque oneribus hereditariis subjacere; quia non videntur hi jure defuncti succedere, sed tantum ex vi & tenore Investiturae & quasi investiti quodammodo cum defuncto, tanquam haec investitura sola causa & fons sit, quare collaterales succedant, & ut nos loqui solemus, videtur eis à principio feudum fuisse talliatum; itaque cum quasi jure investiturae talliatæ succedant, haeredes generales non videntur.

Sunt

Sunt tamen quædam exceptiones ab hac generali regula fratrem fratri in novo feudo non succedere, Vna generalis, nisi aliter vel statuto, vel in tenore investituræ sit expressum (1) nisi talis conditio in Investitura inserta sit, ut, fratri sine liberis decedenti frater succederet, vel si fratres in regis exercitu militantes equis & armis communibus id simul acquisiverint; nam alterum alteri mortuo in eo feudo, quod propter conjunctum servitium acquirebant, succedere æquitas requirit.

Sunt & aliæ duæ exceptiones in eodem capite, nempe si simul habitaverint, aut communi pecunia à domino sciente acquisiverint, in quibus tamen diversas feudistarum opiniones invenio: Sic in feudis indivisibilibus frater fratri succedet, si duobus fratribus fuerint concessa; Sunt qui idem putant, si dominus, alicui in sacris existenti, feudum & ejus hæredibus concesserit sciens; nam cum sciret eum legitimos ex corpore suo hæredes habere non posse, quia in sacris erat, & hæredibus sit concessum, ex ejus præsumpta voluntate, de collateralibus hæredibus intelligitur. Præterea si hic ipse Titius, qui feudum acquisiverat, decesserit, pluribus relictis liberis, primusque, postquam in feudum successerit, moriatur, frater ei succedit, in eo casu, non tanquam frater, sed quasi filius primi vassalli, cui & ejus liberis facta fuit investitura; nam mens ea præsumitur fuisse domini, ut vassallo & omnibus liberis ex eo descendentibus provisum veller, & non aliis à latere primi vassalli; itaque certum est, ex jure feudali, in paterno sive antiquo feudo, si quis plures liberos reliquerit, unum alteri succedere posse; non autem in feudo novo, fratri acquirenti frater succedit, quia concedens nullam ejus rationem habuisse, dum concederet, præsumitur, nisi aliter ab initio cautum sit, ut dixi; & hac de jure feudali, ubi differentiam inter germanos & consanguineos non invenio; nam eodem modo succedunt utrinque conjuncti, quo consanguinei tantum, & succedunt in capita; fratrum tamen filii, succedunt in stirpes sive invicem sive cum patris suis; sic jure feudali & nostro filius defuncti fratris, licet sit in eodem gradu cum patruo, in successione tamen ei præfertur.

Quod ad nostram praxin attinet, frater fratri succedet in assem hæreditatis semper, sed ordine naturali, adeo ut, primogenito mortuo, secundo genitus succedat solus, Sic secundo genito tertius, & illi quartus, servato semper natalium ordine; & sic frater in successione feudi paterni, sive hæreditatis præferetur patruo; de feudo novo sive de conquestu postea dicemus: Si plures sint fratres, quidam consanguinei, quidam uterini, germanus frater præferetur consanguineo & uterino in successione fratris germani, eique in solidum succedet, Si nulli sint germani, consanguinei fratres ex jure succedunt sibi invicem, servato ordine natalium, ut quo quis propior, eo magis præferatur; uterinorum nulla habetur in patrimonio paterno ratio: rursus si hæreditas à matre proveniat, uterinus uterino, exclusis fratribus consanguineis, succedet; Sed nec frater consanguineus ex parte patris solius, succedet fratri suo defuncto, in ea hæreditate, quæ per matrem aut matris Lineam obveniat, quamdiu unus ex materna Linea, superest; ut neque ullus ex materna Linea succedet uni ex descendentibus per lineam paternam; nam ex jure, materna maternis, & paterna paternis obvenire debent. Consanguinei fratres & sorores ad invicem succedent, si nulli sint germani, qui eis præferantur. Et mirum est, quod ab Anglis observatur, Si quis cum duas conjuges haberet, ex una filium, ex altera plures filios, & post mortem patris hic filius hæreditatem paternam agnoverit, deservitusque in hæredem patri fuerat, postea & ipse moriatur, non tamen ei succedet frater consanguineus in hæreditate; neque enim ideo ex toto sanguine (ut illi loquuntur) sed tantum ex altera parte, nempe patris mortui conjunctus, Sed hæreditas ad patruum pertinebit, quia ille primus ex toto sanguine est, (pater enim (ut antea diximus) semper in successione apud illos præferitur) aut ad alium ei proximum qui ex toto sanguine est. Quod si is patruus qui fratris filio successerat, & ipse sine liberis moriatur, pater filii defuncti, qui antea ut ascendens exclusus erat, patruo (1) suo fratri ex pleno sanguine germano primus succedet, & illi mortuo, filius ex secunda conjuge patris, qui antea erat à successione fratris sui consanguinei exclusus, quia non erat ex toto sanguine, Patruo in eandem hæreditatem succedet; nam patruus cognatus est post patrem primus (ut aiunt) ex toto sanguine: fratres enim ex utroque parente conjuncti, præferuntur consanguineis tantum vel uterinis, & sic de fororibus; Itaque diligenter in successione apud Anglos ponderandum est, cum quis moritur, si sine liberis decesserit, an non; si sine liberis, quis ei primus in pleno sanguine à latere conjunctus occurrerit; quamdiu enim superest quis ex pleno sanguine etiam remotior succedet, fratremque tantum consanguineum excludet, nulla enim admittitur collateralis successio in hæreditate, quam quæ ex toto sanguine; Aliud tamen in conquestu;

Exceptiones  
aliquot  
Reg. 8. n  
li præcedente.

Successio  
collateralis,  
ex moribus  
nostris.

Anglorum  
jus speciale.



quæstu, seu feudo novo: nam si quis feudum novum acquisiverit, & sine liberis moriatur, in eo casu frater etiam consanguineus succedet, ex jure Anglorum, Et hæc est una, apud Anglos, ex differentiis inter hæreditatē & conquæstū. Apud eos si pater ex duabus uxoribus diversos liberos habuerit, his, qui ex primo matrimonio sunt, sine liberis decedentibus, patruus, ut dixi, præferetur aliis omnibus, sive consanguinei sive uterini tantum sint; nempe si feudum semel acquisiverint aut hæreditatem agnoverint; si tamen post patris mortem, filius ex primo matrimonio, nondum adita hæreditate etiam moriatur, consanguinei fratres patruo præferentur in hæreditate communis patris, immo & sorori germanæ ejus, quia ipsi, si respectus ad patrem communem habeatur sunt ei proximi ex toto sanguine, licet germana soror fratri suo germano sit proxima, cum non de ejus hæreditate agatur, sed patris: In transversali enim linea hoc proprium est, ut hi tantum sint hæredes, qui de toto sanguine participant.

Nos non tam curiose hæc observamus, sed quia jus feudale, quod sciam, super hac quaestione nullum sit, jus civile sequimur, ut frater etiam consanguineus patruo, & aliis etiam collateralibus præferatur, neque enim negari potest, quin sit proximus agnatus, Itaque tam ex legibus 12. tabularum, Media jurisprudentia, quam Imperialibus constitutionibus, omnibus remotioribus ex latere præferendus. In linea collateralis, apud Normannos, qui est propinquior, sive ex parte matris sive patris, succedet, nulla habita ratione conquæstus aut hæreditatis, Quod in senatu Parisiensi observatum est, nullo discrimine lateris habito, Secus in hæreditate: Apud nos, indiscriminatim sive in hæreditate, sive conquæstu proximus ex linea paterna succedet, nulla habita ratione ad maternā, in hoc tamen a jure feudali dissentimus, quod jure feudali remotior, etiam in investitura nominatus, non excludit proximiorē; ordo enim scripturæ non attenditur, quando res certa est, aut ex consuetudine, aut ex dispositione contrahentium, Aliud tamen apud nos, ubi successio in aliquem nominatim & expresse confertur.

*Hæreditas  
semper des-  
cendit: con-  
quæstus af-  
scendit.*

Si plures sint apud nos fratres, veluti quatuor & tertius feudum acquisierit, & decesserit, qui proximus eū natalibus antecedit (1) secundus ei in conquæstu succedet, & hæc est alia differentia inter hæreditatem & conquæstum, nam hæreditas semper descendit; conquæstus semel dicitur ascendere, & postea semper descendit, si quidem postquā semel ascenderit, nomen Conquæstus amittit, & hæreditatis nomen tum induit, quoties, qui semel ex Conquæstu successerit, moritur. Hoc jus de conquæstu, apud nos non est natū, licet etiā in jure nostro scripto multa de Conquæstu reperiantur, Sed apud Normannos primo usurpatum, ab iis ad Anglos, ab Angliis ad nos, ut pleraque alia, promanavit. Itaque si quatuor sint fratres ex eodem patre, Titius primogenitus, Seius secundus, Mevius tertius, quartus Sempronius, Semproniusq; hæreditatem aliquam sive feudum acquisierit, & sine liberis moriatur, Mevius ei succedet, quippe gradu proximus: Si vero ipse Mavius hujus feudi acquisitor fuerit & moriatur sine liberis, ille Conquæstus non ad Sempronium quartum (licet descendente) sed ad Seium secundogenitum pertinebit, quia conquæstus semel ascendit, Quod si is Seius rursus sine liberis moriatur, non ei succedet Titius primogenitus, quanquam immediatus frater in ascensu, sed Sempronius quartus frater qui natalibus eum sequitur; nam cum feudum illud non fuerat conquæstus in persona Seii sed hæreditas, neque enim Seius acquisierat sua opera vel pecunia feudum, sed tantum fratri Mevio in eo successerat, itaque descendet per ejus mortem feudum, tanquam ejus hæreditas, ad proximum descendente Siz Sempronium. Itaque frater gradu senior, non solum suis fratribus, sed etiā patri, a quo forte Conquæstus ille profectus est, in eo præferetur, Quod de duobus aut pluribus fratribus dixi, idem in duobus aut pluribus patruis & eorum liberis & collateralibus ulterioris gradus observandum erit, adeo ut si filius ex secundo fratre natus, aliquid per se acquirat, & sine hærede descendente aut fratre moriatur, non succedet ei in Conquæstu suo patruus immediate patrem ejus sequens, sed qui immediate eum præcesserit: & ejus liberi, si ille in fata concesserit; Sed hoc semper servata ratione maris & feminæ, ut nec feminæ nec earum liberi succedant, si frater, aut ex eo liberi supersint: In successione bonorū mobilium, quæ hæreditaria sunt, servatur ordo juris civilis, nempe ut immediate sequens in eis præferatur, isque etiam in fratris præmorientis liberorum tutela succedet.

In hoc Conquæstu, notandum est conquæstum non dici, quod quis ex avo vel patre capit, si eo tempore quo capit, erat proxime successurus, non enim tum dicitur Conquæstus, sed tanquam præceptio hæreditatis & qui accipit pro hærede, saltem universali successore habebitur, & hoc inter ascendentes & descendentes: sed in collateralis successione alia ratio est, nam si frater fratri quid dederit, licet is ei immediate successurus videatur, tamen non censetur præceptio hæreditatis, sed merus conquæstus, & quasi alienatio in extraneum facta, nisi id expresse dicatur, alienationem factam in fratrem tanquam successurum, nos hæredem apparentem dicimus.

In

In hoc jure successionis in Conquæstu, Angli a nobis in hoc differunt, nam si ex quatuor fratribus, quartus aut tertius moriatur sine liberis, feudum ab alterutro acquisitum, non pertinebit ad immediate præcedentem, ad tertio genitum vel secundum, sed ascendet ad primogenitum, præteritis reliquis, qui inter primogenitum & quartum interponuntur; Rationem illi adducunt, ob prærogativam primogenituræ & ætatis, & sanguinis dignitatem; Princeps enim est primogenitus familiæ, cui obventiones debentur: præterea notandum est, si ex his quatuor fratribus secundus, aut tertius moriatur, tutelam legitimam liberorum mortui ad quartum descendere, secundum juris communis regulas, quæ volunt (ubi tutela ibi & hæreditas) neque solum tutelam, sed bona etiam moventia, quæ hæreditaria dicuntur (1) optimum in unaquaque specie mobilium descendere ad proximum natum ex descendantibus fratribus: feudum tamen acquisitum ascendere semel debet: quod ubi factum sit, non jam acquisiti feudi sive conquæstus nomine gaudet, sed hæreditatis sive feudi paterni. Si plures sint sorores, & una vel feudum vel annum redditum acquisiverit, & sine liberis mortua fuerit, omnes sorores ad ejus successionem per capita; nepotes vero & neptes per stirpes admittentur: Si non sint sorores, sed tantum fratres plures, is in successione fororis, apud nos, præferetur, qui proximus ætate eam antecedit. Si plures sint fratres ex una uxore, veluti Titius, Sempronius, Seius, & unus ex secundo matrimonio Mevius, & is feudum acquisierit & sine liberis decesserit; Quis ei in feudo succederet cum quæstio semel mota esset, inter Gulielmum Oliphantium & Alexandrum Regium advocatos juris patrii peritissimos & me, putabant illi, Seium tertio genitum ex priorē conjugē Mevio successurum, quod ille immediate Mevium præcederet, & conquæstus erat: ego contra, quod aliam rationem inter germanos fratres (inter quos qui immediate præcedit semper in Conquæstu succedit) & consanguineos putarem; nam in hac facti specie, Mevius, qui ex secundo matrimonio solus natus erat, Seio non erat junctus, ut germanus frater, sed in illa junctura primus erat Titius ex primo matrimonio primogenitus, & sic deficiente linea fratrum germanorum, ille præferendus videbatur, per quem ad alios pervenitur, neque enim à Mevio pervenietur ad Seium, nisi per Titium; itaque Titium præferendum in successione conquæstus Seii censebam: habebam etiam pro me Jus Anglorum, quod sequendum putabam, quoties proprio destituimur: at illi negabant; nam in hac facti specie, jure proprio destituti, regulam illam communem de conquæstu sequendam puto.

Speciale ex  
jure Anglo-  
rum in con-  
quæstu.

hæc: aliquid  
de conquæstu  
in 20 bulis, & 10  
legum, & 10  
pari. de 1009.

## De successione Talliata.

### Diegesis Decimasexta.

**D**e divisione feudi in naturale & talliatum, diximus in diegesi decima lib. 1. Per hanc autem successionem talliatam utrique successioni tam lineali quam collateralī præjudicatur; ea enim utrique præferitur, quasi ex tenore primæ Investituræ procedens, Cujus (ut dixi) verba semper spectantur, ut sciatur, quis in unoquoque feudo succedere debeat, Et sane in hac successione declaranda, alium ordinem sequi necesse est, quam in duabus prioribus diegesibus sequuti sumus, neque enim hic à legibus 12. tabularum incipiendum est, neque a media jurisprudentia, neque a nova, quæ ex Imperialibus constitutionibus confata est, cum in his omnibus non minus nomen talliæ, quam ipsius feudi incognitum sit, immo in ipso jure feudali, si verba spectemus, (nisi quod feudum dicatur masculinum & foemininum), Quid feudum talliatum, quid ipsa tallia non reperitur: itaque hujus talliati feudi prima origo repetenda ex mente & sensu juris feudalis, quo cavetur, ut, in omni successione, tenor investituræ spectetur, præcipue vero ex moribus Britanniarum, in qua pene sola, feuda talliata habentur sub eo nomine maxime, cum ab Anglorum institutis, ut pleraque alia, talliata feuda ad nos pervenerint, ut & eorum feuda & leges feudorum a Normannis, neque tamen negandum, tenorem feudi sive ejus verba ab aliis gentibus etiam observari, an autem sub nomine talliæ incertus sum; Primo itaque videndum unde nomen talliæ sive feudi talliati sit deductum, quæque ejus sit definitio, quæque & apud quos horum feudorum talliatorum origo, quæ causa originis fuit, quo tempore primum coeperunt, & siquid his simile in jure civili aut feudali occurrat & an talliæ hæc ex jure divino, & in foro conscientiæ subsistere possint, tandem de variis generibus feudorum talliatorum dicemus.

Quod ad nomen ipsum attinet, certum est, esse vocem Gallicam, ut pleraque alia feudorum nomina, quibus hodie utimur, & apud Normannos primo usurpatum, ab eis ad Anglos, ab Angli

Unde nomen  
Talliæ.

Anglis ad nos defluxisse; Tailler enim Gallice abscindere significat, ut in decima. lib. 1. diegesi monuimus, & talliata feuda, quæ præcisa & neglecta recta & lineali successione, ad certos hæredes etiã ex transverso, qui ex provisione hominũ instituuntur, perveniunt; neque eorũ omnino opinionem probo, qui ab adjectivo (talis) deductum putant, quasi id sit talliatum, quod talibus hæredibus & non veris, ex tenore dispositionis, pertineat: nempe cum feudum non acquiritur Titio & ejus hæredibus in genere, sed talibus tantũ hæredibus in specie, qui nisi in specie continerentur, non essent successuri. Et licet hæc opinio, cum vocis ipsius definitione imprimis conveniat, & significanter rem ipsam exprimat, & nihil incommodi secum trahat; tamen & vocis ipsius Orthographia, & earum gentium mores, à quibus ad nos hæc feuda defluerunt, faciunt, ut a voce Gallica Tailler deductum putem.

*Feudi talliati definitio.*

Hinc facilis est feudi talliati definitio, nempe id esse, quod, præcisa directæ & linealis successionis regula, ad alios hæredes ex provisione & tenore infeofamenti devolvitur. In qua definitione, hæc observanda sunt, nempe feudum talliatum, non minus esse feudum, quam illud quod simplex dicitur; imo esse vere simplex feudum, si ex jure feudali rem astimemus; quod masculos tantum ad successionem admittit, & non fœminas; sed cum, moribus nostris, antea monuerim, illud apud nos dici feudum simplex, quod hæredibus quibuscunque post mortem defuncti pertinet, talliatum feudum necesse erit illud esse, quod exclusis fœminis, licet veri hæredes sint, hæreditatem ad masculos vi provisionis trahat.

*Origine tallia.*

Originem autẽ feudi Talliati Angli a Normannis acceperunt, aut ipsi sibi dederunt, in comitiis Regni apud Westmonasterium secundo habitis, tempore Edvardi, ejus nominis post Conquestũ primi, circa annum domini millesimum ducentimum octuagesimum; nam cum æquum videretur omnibus regni ordinibus, uti quis pro arbitrio suo posset, de feudis suis cum consensu domini superioris disponere, hæredes quos velit in eis instituere, extraneis alienare, quocunque jure feuda ad eos perveniunt, sive ea ex jure successionis, sive ex propria industria aut aliena liberalitate devenerunt, (& ut nostri in revocatione præsentis regis retulerunt, liceat quibus velimus & quomodo velimus feuda hæreditaria acquirere) Eorundẽ comitiarũ Westmonasteriensium & omnium in comitiis ordinũ consensu stabilitũ & statutũ est, quod quilibet in feudo existens, sive id feudum esset antiquum, sive paternum, aut novum, cum suum vere dicere possit, in eo, quem velit (modo sano corpore, & sana mente sit) licere ei instituere aut substituere, succedendi leges quas velit cum consensu domini præscribere, successionis tempus, & personas limitare; Nec, ante ea tempora, talliam aliquam fuisse, ex alicujus familiæ monumentis demonstrari potest; Et hæc prima talliarum origo fuit, & originis occasio, quæ profecto à jure feudali non dissentit, ut mox dicemus; De tallis, in jure civili, nulla mentio, imo quod magis mirandum, ne in jure feudali, cum tamen omnes talliæ feudorum sint qualitates annexa.

*An ex l. 1. tabularum tallia colligi possit.*

In legibus 12. tabularum, licet expressa talliæ mentio non contineatur; neque enim earum succincta brevis omnia explicare & oculis subjicere pòterat; tamen si non talliam ipsam, certissima tamen pro tallia argumenta deducere posse nos affirmo; nam agnatorum, qui in familia manebant & (uti illi volunt) nomen familiæ & patrum soli representabant, ratio prior erat in successione, quã cognatorũ neq; de cognatorũ successione quicquã cavebatur; agnatis enĩ solis providebant. Preterea constat ex legibus 12. tabularũ, primã illam legẽ esse in successione, uti quisque legasset, rei suæ ita Jus esto; Quod si in testamento, cum forte decumbentium judicia corrumpuntur, aut assentatione, aut nimis circumstantium officiis, aut forte falsis criminationibus, Si, inquam, eo tempore de rebus suis tam moventibus, quam non moventibus, libere disponere, extraneos, præteritis suis, instituere, denique si libere omnem successionem, non solum suorum, sed etiam agnatorum, & cognatorum tollere licuit; cur non in vita, cum sanioris essent judicii, cum tot fictis criminibus non essent obvi, cur, inquam, in vita, non poterant, etiam ordinem in successione instituere, Quis in successione prior, quis secundus, quis tertius esset?

Idem in media jurisprudentia: nam in ea erat locus, & institutioni, & substitutioni, & Iustinianus de numero substitutionum quæritur suo tempore, eumque ad pauciores gradus redegit; neque in his institutionibus proximitati sanguinis locus semper erat: nam alioquin neque institutio, neque substitutio requirebatur, cum ut quisque propior ex sanguine, ita prior admittebatur, sed libera erat & instituendi & substituendi à jure permessa potestas; cui ergo majus licebat, dum qui sanguisimo & corpore est, neque cuivis infirmitati mentis obnoxius, ordinem successionis facere, hunc instituere, illum ei substituere, & huic substituto alium etiam substituere possit, cur non & talliare sive substituere, uti in foro loquimur?

*Præterea*



Præterea & Justinianus majorem apud antiquos jurisprudentes rationem fuisse masculorum quam foeminarum aperte testatur, quodque masculorum in successione conditio, erat potior quam foeminarum, quod fratrum filii in infinitum sorori succederent, at sororum filii soli fratribus & eorum soboli: Quod vitium Justinianus uxorius Theodora consilio & imperio, ut pleraque alia antiquitatis corrigere volens, in quibus non erat par ratio foeminarum, & masculorum in successione; per omnia mares & foeminas in successione æquavit; neque tamen credendum id vitium antiquitatis correxisse Imperatorem, quo mares, seclusis foeminis, in hæreditate præferebantur; Nulla enim talis apud antiquitatem lex erat, veteres omnes id jus ignorabant, & fratres & sorores ad patris communis successionem pariter vocabant, & bonorum possessionem foeminis etiam Prætores permittebant; sed quod non eadem esset ratio in substitutionibus, foeminarum quæ marium, Indignabatur Imperator; nam veteres faciliores ad successiones marium fuisse quaritur, quam foeminarum, cum natura omnes æquasset.

Quod ad jus feudale attinet, illud non solum talliis non adversari, sed maxime eis favere constat, non solum quod nullas foeminas ad successionem admittat (quod nihil aliud est, quam rationem primam masculorum sive tallia esse voluisse) sed multo magis quod tenorem concessionis semper servandum, hæreditatemque secundum eum deferendam expresse jubeat, & nihil utroque hoc, talliis magis convenire potest, quid enim aliud est tallia, si loquamur cum vulgo, quam maris successio exclusa foemina? aut feudum talliarum, quam masculinum? aut tenor concessionis, quam lex ipsius concessionis, ut illa lex in tenore concepta, legi communi successionis semper præjudicet, ut in potestate potius domini esset, quam vassalli, quibus hæreditibus feudum provideri velit? multo magis quotiescunque utriusque consensus accedit, ut in resignationibus fieri solet: in feudo vero novo, nemini dubium est, quin dominus, qui sibi bene esse quam alteri mavult, quo ad servitia, non in meliori longe conditione sit ex servitio masculi quam foemina, & ejus potissimum in feudis rationem habendam in dispositione, & lex & ratio suadet; Adde, quod etiam in multis feudis ecclesiasticis, Prælati, qui forum poli vel conscientia sequi videri volunt, successionem masculorum foemina prætulerunt, & cum dispositioni juris communis jus successionis relinquere possent, providisse tamen ut feudi successio ad masculos tantum pertineret; quod nunquam fecissent, si illo gravi conscientiam putassent; & in omnibus principalibus feudis vallis Ernæ (feuda principalia voco quæ de principe aut senescalpo tenentur) non solum mares foeminis præferuntur, sed etiam inter filias & sorores, primogenita; ut ea, nubendo feudum integrum conservaret, ne in partes divideretur, quia divisionem feudi majores nostri putarunt verti posse in incommodum domini: neque id unquam cavissent, si contra leges & jura regni, talia feuda essent prohibita.

Sequitur nunc, ut de jure divino aliquid dicamus, utrum ex eo tallia possint in foro conscientia subsistere, an vero tanquam veræ & naturalis successionis præjudicia excludi debeant, & sane prima facie intuentibus, deficientibus filiis, videtur dominus præcipere, ut filiabus hæreditas permittatur: Sic enim in supplicatione filiarum Zelophehad continetur, cum ex communi patre filii defecissent, ut filiæ ad successionem admitterentur: hanc earum petitionem, cum ardua videretur, Moses ad dominum detulit, qui petitionem æquam & rationi consentaneam pronuntiavit, legemque; eam successionis in perpetuum statuit, ut ubi filii deficerent, filiarum esset hæreditas: Quod si talliarum licentia permitteretur, foemina excluderentur, maresque ulterioris gradus præferrentur; Contra enim naturam videtur, ut foeminarum conditio deterius quam marium esset; cum, ut ait Justinianus, neque masculus per se neque foemina sola ad procreationem liberorum sufficiat; sed quemadmodum utrumque deus ad generationis ministerium conjunxit, ita & eandem utrique utilitatem conservavit; itaque plerique non solum tallias nostras contra naturam, sed etiam legem ipsam divinam institutas esse non dubitant affirmare; præcipue cum nulla lex, nulla mentio talliarum in aliquo jure reperitur. Sunt tamen plerique non minoris autoritatis, qui contrarium tenent, talliasque non solum permitti ex jure divino, sed etiam probari asseverant, easque non solum ex lege naturæ, veterumque omnium institutis, sed etiam ex ipso jure 1. tabularum & media jurisprudentia descendere probare nitantur; nam licet præceptum divinum, quod Moses à domino retulit, hæreditatem Zelophehad, ejus filiabus distribui mandaverat, rationem tamen subjungit, quia nulli erant masculi, quasi diceret, quamdiu superessent masculi, ad hæreditatem admittendos: at neque omnino etiam deficientibus masculis, sed ea lege & conditione, ut non nisi familia ipsi (1) alicui ex familia agnato nupsisset, quod & apud Græcos <sup>videtur</sup> fuisse scribit Demosthenes in oratione contra Boerum, ut nulli mulieri liceret hæreditatem ad extraneos deferre, sed agnato & gentili ex sua familia nubere per leges cogeretur; Præterea leges successionis, quæ

An ex  
jure feudali.

An ex jure  
divino tallia  
licita sint.

quæ ex sacra scriptura traduntur, non sunt ad necessitatem trahendæ; nulla enim est respublica, nullum imperium, quod non speciales suas leges de successione habeat, ab iis, quæ in divina pagina traduntur, aliquatenus differentes; nam si ad amussim regulæ divinæ in successione omnia dirigantur, neque primogenito locus erit, ut omnino exclusis fratribus succedat. Quod ad jus antiquum attinet, Tallias à jure 12. tabularum etiam probari, iudem contendunt, cum ad successionem agnatos vocent, & non cognatos, agnati enim familiæ nomen retinebant: Et si Floro credendum est, in sua epitome quam libris Livianis præfixerat, Lex Voconia apud Romanos lata est, rogante Voconio Saxa tribuno plebis, sed instigante Catone Censorio, quæ, non solum scæminæ ab omni successione extantibus cujuscunque gradus masculis arcebantur; sed etiam, ne ex alieno testamento plus quam quadrantem hæreditatis accipere possint, mansitque lex Voconia diutissime, imo usque ad ipsius Justiniani tempora, qui, quamquam princeps omni laude aliqui dignissimus, uxoris tamen Theodori suasu, per omnia mares & scæminas adequavit, ut quod in uno genere liceret & in altero; Nam Theodora mulier ambitiosissima sola poterat omnia apud maritum, eumque, quoquo vellet, impellebat, imo virilis animi scæmina tantum non imperabat; cui, ut viam perfrueret, impotentem sexum non solum successionis, sed etiam dignitatum & jurisdictionis capacem voluit declarari, & nisi rei insolentia, & ex admisso scelere dedecus prohibuisset, marito in monasterium incluso, ipsa imperii gubernacula suscepisset, ut nonnulli scriptum reliquerunt: Alia tamen omnes gentes, in successionebus æquiores & sunt & fuerunt maribus; Apud nos, Tallia nomen, quam apud ullos alios, frequentius est: ratio est, quod antiquarum familiarum splendor & continuatio cum dignitate, in maribus potius consistat, quam in scæminis, Quod licet maxima nobilitatis pars & sentiat & cupiat, nostro tamen jure tallia odiosæ reputantur, & strictissimam interpretationem recipiunt, semperque in dubiis pro generali successione interpretatio voluntatis sive tenoris fit & etiam sub revocationem cadunt, non solum minorum qui alienaverant, sed etiam minorum superiorum, qui tales tallias concesserunt; nam sine superioris consensu, vix tallia locus esse potest: itaque sive vassallus, sive dominus superior infra ætatem sit, Tallia sive infeofamentum talliatum non recte conficitur; nam utrique quasi eo facto læsi, post expletum vicesimum primum annum & intra quadriennium utile restitutio competit, imo quod gravius est, in revocationibus principum post vicesimum primum annum, (nam quæ post sunt, sub revocationem sive restitutionem non cadunt) expresse in uno capite continetur, regem jam perfectæ ætatis etiam revocare omnes dispositiones talliatis, non solum quia inde graviter sit læsus, sed quasi in præjudicium conscientia factas (cujus prima ratio semper debet esse) & quod majus est contra ipsas leges, sed facilem hujusmodi putant aliqui solutionem esse; nam quod ad conscientiam attinet, cujus, ut dixi, semper prima ratio debet esse, si feuda talliata eam gravarent, non minus peccarent reges, qui majoris facti tallia feuda concedunt, quam qui minores, imo & gravius multo; nam ætas minor forte aliquam admitteret excusationem, juris nempe ignorantiam, aut tutorum vel curatorum incuriam, aut quod surreptione id factum sit: Majores autem, quibus suarum rerum administratio est permissa, nullum velum, nullam umbram prætereundum possunt, cur hæc talliata feuda admiserint, itaque tam quæ a majoribus principibus, quam quæ a minoribus talliata feuda concessa sunt, revocari sic possunt, quasi principum conscientias gravantia: neque contra leges facta dici possunt, ex eadem ratione; nam si contra leges essent, licet à principibus justæ ætatis facta, tamen ipso jure & exceptionis tantum ope tollerentur, & pro nullis essent, cum jus ipsum non patiatur, quod contra leges fit, id pro valido haberi; itaque in eis revocationibus, ea verba, quibus princeps conscientia scriptum: aut, quia contra leges ea facta dicat, præterdit, puto male inserta, & pro non insertis habenda.

*Ratio vera  
cur princeps  
tallias revo-  
cat.*

Ergo inferet aliquis, hæc feuda talliata sub revocationem non cadent, cum alia ratio, cur id fiat, reddi non possit, Imo longe major & melior ratio, facit ut hæc feuda revocentur, quasi in præjudicium & enormem læsionem concedentis confecta; quæ prima fere & sola ratio in revocationibus minorum est, & in ipsis revocationibus præterditur; quis enim nescit grave præjudicium principum commodis fieri, quando custodia masculi ad eum devolvitur, quam si custodia sive Warda scæminæ fuisset; nam scæmina hæres si in Wardam cadat, secum etiam totam hæreditatem plerumque trahit, cum maritaggi hæredis masculi plerumque non magna fiat æstimatio: itaque maximum in his gravamen & incommodum principis versatur, & eadem ratione sub revocationem cadunt, qua uniones Baroniarum, in quibus tamen levius est præjudicium; Sic alienationes suppressa veritate, quæ à sectis curiarum liberant, & infinita alia. Illud etiam perceperunt, qui nostri Serenissimi principis revocationem scripto expresserunt, cum

cum revocationem in conquestu locum non habere decreverunt, (etenim qui feudum acquirat, cuicumque velit id potest providere) at rationem non exacte ponderarunt; nam si in novo feudo talliæ sint permixtæ, cur non in antiquo, & si primus conquestor sive acquiritor, cui velit possit providere, cur non & successor in antiquo, cum non minus hinc quam ille liberam rei suæ administrationem habeat, & ea uti, vel abuti possit: Quod si aliis in vita disponere, non minus hic quam ille potest, cur non in vita, quid fieri velit post mortem, declarare? itaque feuda talliata contra legem sive regni sive conscientiæ qui putat, a vero, meo iudicio, longe abest, sed in his non statui immorari; nam tallias neque contra leges regni, neque conscientiæ esse, censuit Senatus in causa Lawchlani Maklawchlan contra dominum de Lawmound: Hæc sunt quæ contra tallias, & pro tallis solent adduci ab utriusque partis patronis, quod ad me attinet, nunquam committam, ut, in re tanta, meam sententiam ulterius interponam, Quam ut illud tester, qui jus commune patriæ sequitur, legesque ipsas testes conscientiæ suæ habeat, meo iudicio non errare; Talliarum autem jus, publico totius regni consensu, receptum non solum in maribus, sed etiam in fœminis, & ut Canonistæ volunt: Cœli cœlorum domino, terram autem & jura omnia quæ de terris & feudis habentur, dedit filiis hominum, ut libere, si in potestate constituti sint, pro cujuscunque regni commodo, de suis rebus possint disponere.

Restat, ut quæ sint genera talliæ discutiamus; nam cum feudum talliæ id apud nos dicatur, quo non solum feudi successio a principali linea, sive ea sit directæ, sive collateralis interrumpitur, sed etiam, quando principalis lineæ personæ cohibentur & coarctantur intra certos cancellos, aut certa tempora, denique quando ita hæredibus, ex feudo simplici alioqui successuris, præjudicatur, ut ab eorum linea, jure interverso, feudum ad alios devolvatur, quam ad eos, qui ex jure naturæ succedere debuissent, aut domino aperitur; hinc fit, ut diversa talliarum genera nascantur, nam vicini nostri, talliatum feudum aliud generale vocant, quando feudum alicui conceditur & hæredibus ex corpore suo procreatis; nulli enim alii hæredes admittentur in illud feudum, nisi qui ex ejus corpore procreati: speciale vocant, si viro & fœminæ & hæredibus ex eorum corpore procreatis detur; nam licet ille, ex alia conjuge, priore mortua: vel illa, mortuo marito, ex alio viro liberos susceperit, non tamen hi succedent.

*Quot sunt genera talli-  
arum feudi.*

Siquidem & illud feudum talliatum est, quod in liberum maritagium conceditur, exempli causa, si Sempronius feudum concesserit Titio & Meviæ, sive exprimatursausula illa, & hæredibus inter ipsos procreatis, sive ex eo matrimonio procreatis (nam idem est): imo si tantum Titio & Meviæ in liberum maritagium feudum fuerit concessum (hæc enim trium clausularum, idem in hoc genere feudi, quod in liberum maritagium dicitur, est effectus) feudum talliatum dicitur; nam nulli hæredes succedent, nisi qui ex eo matrimonio nati sunt, reliquis omnibus exclusis; adeo ut si Titius ex alia conjuge liberos susceperit, hi tamen non succedent, cum specialis illa Tallia, in favorem hæredum ex eo matrimonio suscipiendorum, tantum sit concepta, multo minus hæredes Meviæ; ea enim videtur mens concedentis fuisse, ut nolit alios quam ex eo matrimonio natos succedere, Quod enim si dominus consanguineam suam, aut aliqua necessitudine sibi conjunctam in matrimonium tradiderit, feudumque ei nomine & respectu illius matrimonii tantum concesserit, iniquum sane videretur & à mente domini concedentis alienum, si, consanguineâ suâ sine liberis defunctâ, commodum illius feudi ad extraneos pertineret: Id autem præcaveri potest, si clausula hæc, quæ frequentissima est, adjiciatur (Quibus deficientibus legitimis & propinquioribus hæredibus dicti Titii aut Meviæ) nam alioque, feudum, liberos illius matrimonii respectu cujus concessum est, non egreditur: Nostri non dubito, licet clausula hæc (quibus deficientibus &c.) non esset adjuncta, eam pro expressa habuissent, erroremque scriptori, vel librario, vel notario imputarent, & feudi successionem liberis, à Titio etiam ex alio matrimonio susceptis, concederent, ut in sequenti Talliæ specie apparebit, in quo quidem meo iudicio gravissimè peccarent. Hoc etiam non est prætereundum in hoc feudo in francum maritagium dato, (quod apud vicinos nostros frequententium gradum, quam apud nos) quod talis feudi hæredes, nihil domino præstent usque in quartum descendendum gradum; in quinto gradu, tenebunt per tale servitium, quale dominus ejus suo domino præstare tenetur: gradus autem apud Anglos, ut antea monui, eodem modo numerantur atque apud nos, ut frater & soror unum tantum gradum efficiant.

*Feudum in liberum maritagium concessum Talliatum apud Anglos dicitur.*

Aliud feudum talliatum dicitur, Si feudum Titio & Meviæ sit concessum & hæredibus eorum quibuscunque; nam hoc feudum Angli affirmant Talliatum, & jure quidem, quia, à natura feudi simplicis divertit; cum in feudo simplici ad Titii hæredes pertineret successio, etiam si hæredum tantum in genere mentio fieret: at in hac specie, Titius & Meviæ, si nullos ex eo matrimonio liberos suscepissent, & mortui

*Alia species feudi Talliati.*



essent, feudum pro æquis partibus ad hæredes utriusque deveniret, ita enim in ipsa dispositione cavebatur, Titio & Mevia, & hæredibus eorum: itaque divisionem ex verbis dispositionis feudum recipiet; nam in feudis eorum verbis inhærendum est, cum sint stricti juris, & numquam ad mentem legis recurrendum, cum verba menti prævaleant, nisi quando in verbis ambiguitas continetur. Hæc Anglorum expressa est decisio, quam ego libens sequar, cum tamen sciam aliter in Senatu sæpe judicatum, & clausulam illam (hæredibus eorum) ad hæredes viri, (qua vi, qua interpretatione inclementi) tractam.

*Tertia species Tallia.*

Sic Tallia est, Si quid detur Titio & hæredibus ex corpore suo procreatis; nam fratri aut aliis ex collateralibus in hac successione locus non erit: Sane Angli omne feudum putant Talliatum, ubi hæreditas providetur; (utor verbo forensi) per eam clausulam (quibus deficientibus, hæredibus) feudum enim simplex definiunt, quod uni simpliciter & ejus hæredibus concessum est; nam hæredes semper proxime successurum respiciunt: Equidem hoc genus feuda ut Talliata non negaverim; nam quodam modo Intercisum est jus hæredum dicti Titii, nisi in uno eo casu matrimonio, & prolis in eo susceptæ; Sed de hoc feudorum genere tractare hic non est animus, tantum illud admoneo, quod licet sapius antea monuerim, nunquam tamen satis monitum puto, verba ipsius Investituræ non esse extendenda, cum sint strictissimi juris, eaque verba, legem successionis in omni feudo facere, adeo ut si feudum sit alicui concessum & hæredibus ejus ex sexu fœminino, masculi nunquam succedent.

Feuda autem apud nos Talliata sunt, cum certæ personæ investitura sit, & hæredes ex ejus corpore masculi tantum designantur, Quibus deficientibus alius & ejus hæredes masculi ex ejus corpore suscepti substituuntur, & illis deficientibus tertius, & ejus hæredes masculi adjiciuntur, Quibus omnibus deficientibus hæredibus dicti Titii, sive primæ personæ masculis quibuscunque, idem nomen familiæ, & ejus insignia ferentibus: Hæc communis est feudorū talliatorū natura, ut in eis masculi tantū succedant, & in jure feudali masculina feuda dicuntur: In quibus hæc duo sunt cōsideranda, primū, in his feudis fœminas omnes & ex eis descendentes excludi: neq; sufficit, si quis ex filia nepotem habeat, ut is, quasi jure representationis in avi locū, tanquā ejus proximus hæres masculus succedat; neq; enim hæres masculus proximus rectè dicitur, qui non ex integra linea masculina, nusquā per fœmininam intercisa, descendit; itaque ex filia nepos, licet mas, masculus tamē hæres non est; neq; ad feudi masculini successionem admittitur. Deniq; ut breviter rem totam absolvamus, feudum quod nos talliatum dicimus, illud pene est, quod feudum simplex in jure est, quod ad fœminas nunquam descendit, neq; debetur, quanquam apud nos tallia hæc aliquando specialis est, ut non solum proxime successurus, talliæ hæres putetur, sed etiam quis alius, cujus personam dominus prælegerit, etiam si remotior sit; nam & in bastardos talliam sive provisionem fieri posse Senatus censuit, in ea causā quæ inter Dominum *Andream Hayum* Arrolia Comitem, & *Hayum* de Cokstoun cōtrovertebatur, qui licet spurius, in investitura tamē hæres destinatus, cum hâc substitutionem Arrolius oppugnasset, quod spurii ne successionis quidē talliæ essent capaces, aliter tamen Senatui visum est, licereq; cuiquam æquum censuerunt, ut feudum suum quibus velint personis talliarent, sive hæredes substituerent: Sic Jacobus Moravicus comes, Jacobo Melrosensi & Calcoensi antistiti ex vi provisionis sive talliæ successit: Sic Franciscus Bothuilius, Jacobo Comiti Moraviæ; ex eo tempore nullum impedimentum in personis talliæ factum, quin quis uti feudum suum talliasset, ita jus esset: nec etiam in solis personis nominatis talliæ consistunt, sed sæpe etiam in familiis; nam in familiorū primogenitos sæpe vidi talliam conferri, sic, ut deficiente concedentis familia, primus ex altera familia succederet; hi autem ex tallia hæredes, alio etiam nomine hæredes provisionales dicuntur, Si quis enim rectè expendat, Hæres talliæ & provisionalis, (quem vocamus) in idem concurrunt; nihil enim aliud est tallia quam provisio, qua directā linea descendentum aut collateralium interfecatur; locusque aperitur alii successori. Apud nos, hæredes propriè talliati ii communiter habentur, qui ad successionem ex linea masculina proximi vocantur, & ex Senatus sententia hæredes talliati in genere, masculos proximos denotant. Provisionales, si quis ex alterius substitutione (nos provisionem dicimus) succedat, quā is masculus qui proximus esset; itaque provisio nihil aliud in effectu est, quam tallia.

*Quomodo tallia fit, & quomodo dissolvitur.*

Nunc quid in Tallia requiratur, quoque modo dissolvatur, videndum: Talliati feuda ex jure nostro non possunt, nisi ex consensu domini sui superioris, & id in eis feudis quæ de rege teneantur expresse censuit Senatus, & in aliis Dominis

Dominis superioribus eadem ratio est; nam ut antea utilitates regis quam maxime minui ex feudo talliato diximus, cum majores multo commoditates proveniant ex hærede fœmina, quam masculo, sic & in aliis feudis, quæ non de rege, sed de aliis superioribus tenentur, idem dici potest; nec rex in hoc casu, nisi privilegio juris communis fruatur; in quo expresse cavetur, vassallum domini sui superioris conditionem facere deteriore sine domini consensu non posse, & hoc ratio ipsa postulare videtur: alia ratio juris feudalis est, quod cum dominus successionem legitimam totius sobolis in genere vassalli elegerit, vassallus ad alios hæredes, quam quibus dominus providendi voluit, jus feudi transferre non possit; nam & hæc sola est ratio in recognitionibus, quod cum dominus vassallum, ejusque descendentes, eorum fidem sequutus elegerit, vassallus, ingrati animi judicio, successionem contra domini voluntatem intervertere, & in alios hæredes transferre destinarit; Ego tamen, si vassallus subinfeudaverit quempiam in feudo de se tenendo, in eis casibus, quibus subinfeudatio permittitur, in eisdem etiam feudum talliare posse puto, motus eis rationibus quæ in revocatione JACOBI sexti continentur. Ratificatio autem Talliæ, à Domino minore concessa, semper fieri ab eo jam majore facto potest, antequam, pro rescindenda Tallia, rescissoria ab hæredibus linealibus iententur; etiam licet legitimè illa Tallia fuit à Domino revocata, dum modo in nudis finibus simplicis revocationis constiterit, nec dum actio intentata fuerit; nam licet quod nullum est ratificari non potest, tamen confirmatio ab eo procedens, qui jus concedendi ab initio habuit, pro nova concessione sive Tallia sæpe habetur.

Rumpitur autem sive dissolvitur Tallia ex mutuo consensu domini superioris & vassalli, eodem quo constituebatur modo; cum nihil sit tam naturale, quam unumquodque eodem modo dissolvi, quo colligatum sive contractum fuit; Mutuus autem consensus tum dicitur cum vassallus resignationem facit in manus Domini sui illius feudi Talliati (etiam sine mentione Talliæ) pro nova investitura sibi & hæredibus suis concedenda, licet non exprimat (quibuscumque) cum tamen heredis nomen per se relictum proximos ex linea tam masculina, quam fœminina comprehendat, eamque novam investituram in effectum deducit, per fœminam consequentem: Hæc itaque apposui quia sæpe fraus fieri potest, in his novis Investituris, dum vel notarius, qui instrumentum resignationis facit, non satis fuerit rei gerendæ peritus, aut erraverit (ut facilis est in similibus error) Putans in favorem generalium hæredum resignationem factam, cum tantum in favorem hæredum Talliatorum facta esset, fœminaque per actornatum ignorante plerumque vassallo capi poterit: Itaque in his resignationibus caute omnia sunt faciendæ, ne aut imperitiæ, aut errori, aut etiam falsitati fenestra aperiatur; nec interest in hoc genere resignationum, utrum investitura hæc nova resignanti in genere & ejus hæredibus fiat, an alii extraneo, cui prior vassallus feudum vendendum contraxerit; nam in utroque casu, si nova investitura fiat, alicui & hæredibus ejus ingenere, fœminæque & possessio sequantur, non dubium quin feudi Tallia rumpatur, & successio ad proximos hæredes redeat, sive hi sint masculi sive fœminæ, facile enim res quæque ad suam pristinam naturam, à qua decesserat, revertitur. Quod autem diximus Tallias dissolvi per resignationem vassalli in manibus domini pro nova investitura ei & hæredibus quibuscumque danda; Idem erit, si alienatio à vassallo vel filio vel extraneo fiat, & ejus hæredibus quibuscumque, & sequatur confirmatio superioris. Hoc autem generaliter tenendum est, si feudum per vassallum resignetur in favorem hæredum Talliæ, sine ulteriore additione, & nulla sit in superioribus investituris tallia, talliam non censerit, sed hæredibus quibuscumque deberi: Talliatum feudum respicit personam accipientis; nam si quis cum antea feudum sibi & hæredibus suis in genere haberet, illud postea alteri extraneo disposuerit, & hæredibus ejus masculis, talliatum vix videri possit, cum extraneo liceat, quibus velit hæredibus, acquirere. Sed si filio fortasse secundogenito (primogenito mortuo relicta sola filia) feudum per resignationem impetraverit, & ejus filiis masculis, quibus deficientibus, alteri filio & hæredibus masculis, & fortasse tertio & ejus hæredibus, quibus omnibus deficientibus, dicto resignanti & ejus hæredibus masculis quibuscumque, licet videatur ea dispositio quæ secundogenito facta est (quia non erat successurus) in extraneum collata, itaque & licita, tamen, quia postrema clausula in hæredes primi concedentis resolvitur, feudum talliatum merito censetur. Annotandum igitur in feudo talliato, mortuo vassallo, qui non solum hæres ex linea descendens erit, sed & idem masculus fuerit, si deserviri se faciat in hæredem in genere patri suo, talliam non rescindere: cum hæres idem sit & Talliæ & lineæ: nec obstar, quin proximus ab eo hæres masculus, in hæredem talliæ deserviri poterit; licet ejus antecessor cum esset filius, & proinde omnimodo hæres, se tantum pro hærede generali agnoverit.

## Communia de successionibus.

## Diegesis Decima/septima.

Duplex successio.

**D**uplex cum apud nos sit successio, Altera quæ rerum mobilium, altera quæ immobilium sit, duplices inde hæredes nasci necesse est: neque enim qui in bona immobilia succedit semper hæres est, cum ex empto vel alio titulo particulari succedere possit; neque qui in mobilibus locum occupat, Hæredis omnino nomine caret; Executor enim hæres in mobilibus dicitur, quanquam hæredis nomen alteri potius tribuatur.

Quis sit executor.

Quod ad hæredem mobilium attinet, is ex Testamento, vel ex intestato succedit: Ex testamento, cum ei & ejus fidei administratio omnium rerum mobilium à testatore permittitur: ab intestato tunc, cum vel nullum testamentum factum, aut illud ruptum aut irritum fuerit, recusante hærede mobilium (quem executorem nominavimus) onus sibi commissum; neque enim necessitas cuiquam incumbit, ut invitum illud in se recipiat: imo nec is, qui in hereditatem immobilium succedit, officium executoris in se invitum recipere cogendus est, licet ejus maxime intersit, ut mox apparebit. Itaque si vel nullum sit testamentum, aut irritum aut ruptum reculatione executoris fuerit, ad ecclesiasticam jurisdictionem recurritur, ut, qui ei præfunt, executores dativos dent; quorum officium, postquam fuerint confirmati, à curatore bonis dando, in jure civili, non multum differt; Nam & hi curatores à creditoribus defuncti recte conveniuntur, & à debitoribus recte exigunt, bonorumque omnium mobilium administrationem habent: Hoc tamen monendum est neque executores ex testamento, neque ab intestato, recte quicquam judicio persequi, aut in eo hoc nomen consistere posse, donec inventarium à se confectum & interveniente sacramento Commissariis oblatum fuerit, confirmationemque sui officii sive administrationis ab illis acceperit, nisi forte cum dubia est inventarii confectio, & debitorum vel inopia vel difficultas vel debiti incertitudo aliquando occurrat; nam in his casibus solent executores, vel nominati, vel dativi venià à Commissariis Ecclesiasticæ jurisdictionis: vel (ut sæpe fit) ab ipso Senatu licentiam, ad tempus, quo commodè possint judicio experiri, verum-ne sit debitum necne, impetrare; præstita prius cautione, se illo tempore judicio legitimo litem contra debitorem dubium moturos & tentaturos, verum sitne debitum necne: Nec ultra tempus veniæ indultæ (quod sæpe ad sententiam extenditur exclusive) licet actionem continuare aut prosequi, nisi ex nova causa licentia hæc seu venia continuetur. Quod si fraus in inventarii confectioe facta fuerit, aut aliquid fuerit in inventario omissum, aut vilius, quam par est, æstimatum: ad id petendum, executori actio non datur; quia juramenti Religio obstat, nisi ipse qui juravit, probabilem ignorantiam causam habuerit, priorque quam ullus alius ad Commissarios detulerit; alioqui alius dativus ei præferetur: Ante hanc confirmationem si se bonorum administrationi immiscuerit, universalis tum habetur intromissor, in eumque non minus quam in verum executorem omnes actiones competunt: ipse tamen agere non poterit, donec in executorem fuerit confirmatus: Quod si alius fuerit executor confirmatus, is contra eum qui se immiscuit, pro eis bonis omnibus, quibus se immiscuit repetendis, actionem habebit; is vero qui se immiscuit, soli executori de rationibus suæ immisionis reddendis tum teneretur, ab aliis creditoribus liberatur; Itaque executor nomen juris est, Intromissor nomen facti: hic, in solidum pro debitis hereditatis tenetur: ille, tantum pro viribus hereditatis; neque enim executoris officium cuiquam damnosum (ut postea dicemus) esse debet: At qui se alienis bonis immiscuit cum culpa carere non potest (nam in jure culpa est rei ad se non pertinenti se immiscere) cum convenitur à creditoribus, nunquam vires suæ intromissionis exhaustas causabitur, neque pro rata tantum intromissionis convenietur, jure nostro, sed in solidum tenetur. Itaque cautè providendum, cum quis se alienis rebus immiscere velit. Sed vires hereditariæ nunquam creduntur exhaustæ, donec executor judicio legitimo confirmatus, debitisque emergentibus gravatus, rationes apud judicem ecclesiasticum reddiderit, secundum vires inventarii, omnibus citatis quorum interest, & eis præsentibus aut saltem contumacibus à iudice fuerit eo onere liberatus; neque enim postea creditoribus satisfacere tenetur, nisi ejus manifesta fraus in rationibus reddendis appareat, ut mox dicemus. Si plures sint intromissores quos vocamus, hæc exceptio ei, qui ut intromissor convenitur, hodie proderit, si eos nominet, & intromisisse se bonis jacentibus probet,

adco



adeo periculosum est se immiscere bonis jacentibus, nisi autoritas aut licentia judicis praeceat.

Ad eundem modum successores in rebus immobilibus dividuntur: alii enim sunt qui haeredes dicuntur, qui in universum jus defuncti, quod tempore decessus sui habuit, succedunt; nam haereditas est nomen juris: alii qui universales successores sunt, quod est nomen facti; neque enim haeredes ab hominibus jure nostro fiunt, cum illud solius esse Dei dicamus: ut neque jure civili prator haerem facere poterat, cum à lege haereditates deferantur: at homines (quod antea pratores facere soliti) bonorum universales successores faciunt, veluti cum quis eum, qui immediate est successurus, in feudis suis aut eorum uno investit; nam is, ut in jure civili bonorum possessor, est pro universali haerede sive successore habendus: discrimen idem est inter hunc haerem & universalem successorem, quod antea inter executorem & eum qui se immiscuit bonis haereditariis; quod licet in hunc omnes actiones competunt, quae in defunctum poterant competere, non tamen agere potest, donec legitime & solenniter haereditatem adjerit, (1) in haerem defervitus fuerit: eodem modo atque qui bonis se immiscet, omnes actiones in se recipere tenetur: ipse agere, donec nomen juris accesserit, non potest: at haeredi & in haerem omnes actiones sine ullo discrimine competunt, nec minus ille agere contra omnes creditores, quam conveniri ab illis poterit.

*Duplex successio in immobilibus.*

Alia differentia inter eos est, quae tamen aliqua in parte in priorem incidit, nempe si haeres à creditoribus haereditariis conveniatur, & damnatus sit, actionem habet contra executorem pro rationibus suae executionis sive administrationis reddendis & debitis quae solvit, si facultates rerum mobilium suppetant, repetendis: successor licet universalis, gravatus debitis, repetitionem non habet, donec se in haerem deferviri curaverit: at executor, haerem immobilium indemnem, ab evictione rei immobilis servare non tenetur, immo ne affectuam evictiones, ut neque ulla actiones, sive acquirendae sive retinendae aut recuperandae haereditatis sint, aut haereditatem sapiunt, in executorem dantur. Jure nostro itaque, executor, aut qui se bonis immiscet, in mobilibus tantum repraesentat defunctum: in rebus immobilibus aut eis quae immobilium loco sunt, haeres; nam hunc solum postea eo nomine designabimus.

*Secunda differentia.*

Tertia differentia est, quod haeres non nisi elapso anno conveniri potest, idque expressa constitutione trium ordinum hujus regni: executor vero, vel qui se immiscet bonis mobilibus, aut qui pro universali successore est, quocumque tempore recte convenitur; datur tamen aliquando, si petatur & causa iusta videatur, tempus deliberandi; idque ex summa aequitate.

*Tertia differentia.*

In haereditate bonorum mobilium, non omnia mobilia executori, licet haeres mobilium videatur, deberi certum est; nam unius cujusque rei mobilis optimum in specie debetur ei, qui in feudo succedit, aut qui in haerem generalem retornatur. Quid autem sit in unaquaque specie optimum, extat Titulus sive potius catalogus rerum, quae sub haereditate bonorum mobilium cadunt & lectorem ad illum remitto. Illud tamen monendum est, neque ornamenta mulieris aut viduae, quibus se ornaverit vivo marito, deberi: neque si plura habeat, ex iis aliquod ab ea exigetur vel jure nostro vel Anglorum; Itaque si quos torques, gemmas, annulos, armillas, & id genus similia tempore primi mariti habuerit, quibus corpus suum ornare solita erat, neque in inventarium veniunt, neque si plures habuerit, earum aliqua, sed vel filiabus vel eis qui proximi sunt, debentur. Praeterea si quid apud defunctum sub pignore vel hypotheca fuit, quod nos invadiatum dicimus, illud inter haec bona haereditaria non numerabitur; nam ut ex bonis his haereditariis quid sit, duo concurrere debent, titulus nempe & possessio (1) ut is qui decessit in titulo fuerit, & in possessione tempore mortis suae; neque enim proprie possidere dicitur, qui non ut suum sive suo nomine possidet; Pignus enim alieno nomine possidet, sed summa, pro quibus pignora subjacent, ex sunt in inventario exprimentae; aliqui, in eis, locus erit dativo executori: At si res optima, quae ad haerem pertinere debeat, à defuncto, dum vixit, pignori data fuerit, pignus illud luere suis sumptibus haeres mobilium sive executor debet, ut haeredi immobilium praestetur, si modo illud, quod oppignoratatum est, praelegerit. Si ex pluribus uxoribus plures susceperit liberos, primogenitus tamen sive is ex prima sive secunda, aut tertia conjuge prognatus fuerit, bonorum haereditarium mobilium electionem habebit; Nam semper est electioni locus, ut id non debeat, quod in unoquoque genere optimum est, sed quod ut optimum haeres elegerit. Si plures sint filiae omnes ex aequis partibus succedent, neque primogenitura in hoc casu inter foeminas locus erit; etiam si ex diversis conjugibus fuerint susceptae: Si cuiquam foemina haeres extiterit & moriatur, ad ejus primogenitam, si ex iustis nuptiis fuerit, aut haerem bonorum mobilium

*De rebus mobilibus haereditariis.*

mobiliū hareditas pertinebit, ut etiam in primogenito masculi, neque in eo genere hareditatis, successori præjudicare potest, neque ea vel extraneo, vel remotiori, neque marito suo prælegare, & haredem fraudare potest; cum tamen magna dubitationis ratio sit, cum uxor nullā bona habere in jure præsumatur, quæ non sint mariti, aut à marito acquisita; nam fœmina constante matrimonio honeste non præsumitur acquirere, nisi ex bonis mariti, & licet hareditariarum rerum mobiliū legatum nullum sit, tamen pretium rei legata ex bonis testatoris debetur; Ita ut res ipsa ad justum haredem devolvatur. Quod autem diximus, in lecto ægritudinis defunctum non posse haredi apparenti in successione bonorum mobiliū hareditatorum præjudicare, intelligendum est, nisi mopia aut necessitas urgeat, cum in casu necessitatis, etiam bona feudalia liceat alienare, idem puto in causa ingratitudinis, si declaratoria vel per actionem, vel per exceptionem sequatur: Multæ alia quæstiones de executore & eo qui se bonis immiscuit quotidie occurrunt, quas tamen libens prætereo, suisque judiciis relinquo, cum nostri tantum sit instituti, feudorum qualitates & usus describere: Hæc de primo genere successionis mobiliū & immobiliū, in quibus, hi successores secum, & in quibus immobiliū successores cum utrisque conveniant, & in quibus dissentiant: reliqua, quæ sequuntur, tantum in immobiliū successoribus locum habent, breviter itaque percurramus in quibus inter se consonent, & dissident.

*Prima communio.*

Primum itaque hoc omnium feudorum est commune, ut semper inquiratur quis obiit ultimo vestitus & salsus? & quæ sit investituræ conditio? an illa salvis ejus verbis possit ad petentem accommodari? exempli causâ, si feudum sit maternum & ex materno genere procedat & moriatur is, qui proximus ex linea materna, quæriturque quis ei sit proximus hæres? proculdubio in genere, tantum ex paterna linea hæres ei succedet; quia maternum genus in feudis non attenditur, sed cum inquiritur quis sit ei proximus hæres in tali feudo? tum qualitas feudi est inspicienda, utrum sit paternum an maternum; nam si maternum, ad proximum ex linea matris feudum pertinebit, quod & apud Anglos observatur; vidi tamen contrarium in Senatu observari in causa JOANNIS GILBERT, quam sub nomine agebat, ubi Senatus neglecto unde venerat feudum, solum id attendit, quis defuncto proximus hæres ex linea paterna erat, licet postea, cum ea res ad majores causas possit derivari, sententiam plerique mutarunt. Apud Anglos, si nemo ex patris sanguine super sit, conquestus ad proximum ex materna lineâ devolvitur, nempe si quis sibi acquisiverit & haredibus suis, sed in successione nunquam attenditur linea materna deficientibus haredibus ex parte patris, sed ad dominum redit. Sic in dissenso hareditatis ex fœminea linea, deficientibus haredibus ex linea matris, à qua descendit hareditas, nunquam ad paternam lineam pertinebit, sed ad Dominum.

*Secunda communio.*

Secundum hoc annotandum est in omni successione feudali, consuetudinem loci semper esse servandâ, sed & hoc addendum, illius loci consuetudinem servandam, in qua feudum situm est, non ubi quis defunctus est, exempli causâ, De conquestu licet in Gallia testari, & cui quis velit, testamento feudum novum relinquere, apud nos non licet; itaque si Scotus qui feudum novum in Scotia acquisierit, in Gallia mortuus fuerit, fortasse ibi civis factus, & testamento velit novum hoc feudum quod in Scotia habet, alicui relinquere more Gallico, non potest, quia feudum hoc in Scotia situm est, ubi de eo testari non licet.

*Tertia communio.*

Hoc etiam successionum sive linealis, collateralis, sive talliæ commune est, quod deficiente recta linea, vel collaterali, vel tallia feudum ad dominum redit, à quo profectum est; nam si cui & descendentes ex se feudum sit concessum & descendentes defecerint, ad dominum feudum redit, etiamsi non exprimatur, isque adeo ultimus hæres dicitur: apud nos, fitco locum esse plerique putant, quasi in bonis vacantibus & quorum Dominus ignoratur; sed nescio quam bene. Si cui & ejus haredibus in genere feudum sit dispositum, collaterales succedunt, usque ad septimum gradum, ut multi putant, Si nemo sit intra septimum gradum, feudum ad Dominum redit, quasi ultimum haredem: alii in infinitum successionem admittunt, si modo de eo constet, & legitime probari possit, quod nuper in duabus actionibus vidi decum, Una, quæ ad Dominum Marrium pertinebat, cujus pater ultra decem gradus ab *Elyzabetha Dowglas* Comite hareditaria Comitatus Marriæ aberat, & tamen ei in haredem dicti Comitatus defervit ex legitima inquisitione fuit; Sed ille totam propaginem ab ipsa stirpe adeo legitime & solenniter demonstravit, ut nemini de successione quæstionem reliquerit: altera erat Domini Setoun, qui cum pro redemptione partis domini de Langnidrie contra Forresterum de Corstorphen & Forresterum nothum *Jacobi Forrester* de Corstorphen ac ejusdem hareditatis possessorem, actionem intentasset, ut

actio

actio in ejus persona confisteret, se in heredem ultra septimum gradum deserviri curavit, non tantum ex recta linea, sed etiam collateraliter, quia recta semel aut bis erat interrupta. Scimus omnes Christianissimum Galliarum regem Henricum quartum ne in decimo quidem gradu consanguinitatis prædecessorem suum Henricum tertium attigisse: Itaque non tantum ad septimum gradum numerari successionem collateralem credendum est, sed etiam ulterius; modo id legitimis monumentis constet aut evidenter probari possit, (& ut textus loquitur) non sit dubium eum heredem esse, neque famæ credendum puto, licet in his quæ ultra hominum memoriam sunt, aliquando famæ sit credendum: in jure feudali regula hæc servatur, si semel feudum descenderit, in infinitum ad collaterales pertinebit: si vero fuerit feudum novum, usque ad septimum gradum tantum inclusive, ut antea dixi: apud nos utramque in infinitum extendi puto. Itaque ut ad ultimum nostrum heredem redeamus, is dominus feudi est; nam ad eum ratione feudi, si nullus certus hæres appareat, ex eorum numero qui in dispositione continentur, feudum redit, etiam si non sit expressum ut in eo casu rediret; lex enim illa naturalis feudi est, sive naturalis omnibus inhærens feudis qualitas, cujus expressione (ut in antea in diegesi monui) non est opus; nec tamen idem est, ac si fiscus bastardo, qui ex jure heredem habere non potest, nec si ex crimine forisfacto sive Majestatis damnato succedat; neque enim tum rex, ut ultimus hæres succedit; nam bastardo ex jure nullus hæres esse potest, sed potius factum in hac specie spectamus, si nullus hæres ex cognatione inveniri & demonstrari possit: in perduellionis damnato Rex suæ injuriæ ultionem habet: at in ultimo herede aliud, nam eo casu dominus feudi jure succedit, licet alioqui etiam, ex jure feudali, valualsinus in primum dominum peccans feudo sit privandus, cujus saltem præsentatio ad dominum superiorem, in quem peccatum est, pertinebit: In forisfactura, Rex ad debita dampnati exolvenda non tenetur: si ut ultimus hæres succedat, tenetur non minus quam alius hæres: idem etiam juris puto, si Rex bastardo sive spurio successerit, ut in hoc casu Rex etiam creditoribus bastardi teneatur: illud tamen advertendum, quod apud nos hodie, Rex in omnibus feudis bastardo succedit, non tantum in eis quæ de se tenentur, Et hic, quasi dominus feudi succedit ex defectu heredum: in eis autem feudis quæ de alio domino tenentur, præsentatio ad regem devolvitur, ut rex possit quem velit vassallum domino præsentare, dominusque cogetur eum ipsum, qui a rege præsentatur, in vassallum recipere, eisdem legibus & conditionibus, quibus bastardus fuit antea investitus. In mobilibus, ut ab initio dixi, juræ coronæ succedit. De hoc ultimo herede habemus exemplum manifestum in Winceslao Rege Bohemiæ apud Albertum Crantzium; Nam cum regnum Bohemiæ feudum tantum esset imperii (ut Neapolitanum & Siculum regnum feuda sunt Romani Pontificis) & Vincellaus Rex moriens filium cognominem heredem regni instituisset; isque eodem anno à suis casus esset, nec ex se liberos reliquisset, jure feudi, regnum ad imperium rediit, & non ad ejus proximos, licet heredum in concessione fuisset mentio: Hoc etiam monendum est, si quis se heredem esse contendat, retineri tamen feudum à domino debere, donec lis decidatur: sed si pro non dubio herede judicatus fuerit, restituet ei feudum: dominus interea fructus suos facit, quia ratione feudi sive eschetæ dominicæ ad eum pertinent. Idem in feudo militari, si questio sit, an vassallus plenam ætatem viginti unius annorum expleverit nec-ne.

*Differentia  
inter suc-  
cessionem bastar-  
di & ultimi  
heredis.*

Hoc præterea omnium feudorum commune est, ut institutio in eis locum non habeat; neque enim hæredes ex institutione veniunt, sed ex successione; Quod in feudo antiquo, ex jure feudali, verum est, regem testamento secundo genitum instituere non posse nisi primogenitus omnino sit inhabilis, imo nec vassallus, etiam cum domini consensu, in feudo potest agnato immediate successuro præjudicare; dubitationem tamen facit, quod & apud nos & in Gallia fieri videmus in contractibus matrimonialibus, cum quis filium suum ut apparentem heredem, cum ea, quæ ex ampla fortasse familia fuerit, conjunxerit, & conditio contractus fuerit, eum instituendum in tota hereditate & tamen hic est institutio & non successio, Respondeo, non instituitur hic hæres, licet promittatur ei servanda hereditas sive successio, aut si quid in præsentia convenit ut ei detur; in quibus casibus pater constituitur, quasi debitor filii, cogique potest ad implementum eorum, quæ promiserat: Sed si filius tantum est creditor patris, nec est hæres institutus, dubitari potest an onere paternorum debitorum gravabitur, mortuo patre, ac si hæres esset? certum enim est hunc filium debitorum oneri subiacere ex jure, maxime si (ut hæres apparens) exprimat, imo etiam si absolute, nulla mentione habita heredis apparentis, commodum senserit; si modo absolute vera sit hæres apparens: Quod si, ut hæres apparens contra-

*Quarta  
omnium feu-  
dorum com-  
mune.*

hat



contrahat, licet sit is qui in hæreditate succedere debet, si tamen ex eo contractu commodum non senferit, & si postea abstinuerit, non cogetur creditoribus satisfacere, horum omnium ratio ex moribus Gallorum defumitur; Nam Galli hanc non vocant Institutionem hæredis, sed quasi præceptionem hæreditatis, ut cum illud quod filius mortuo patre assequeretur jure sanguinis, id ei vivo præstatur, duoque quasi vincula concurrant, Alterum agnationis, alterum conventionis seu promissi exolvendi. At si investitus sit, siue præcepta hæreditas, negari fere non potest, quin votum captandæ mortis inducat, quod in jure toties prohibetur: sed in hoc non omnino cum jure communi consentimus; nam licet pacta de Instituendo aliquo in quota parte bonorum, etiam apud nos reprobanda, quod liberam testandi facultatem adimant, votumque captandæ mortis alienæ inducant, tamen hæc promissio hæreditatis ei cui debetur, & qui in ejus spem altus & educatus est, non videtur inducere votum captandæ mortis alienæ, neque testamenti factionem tollere, in his, de quibus, quis libere apud nos testari potest, nempe de bonis mobilibus: Hæc autem generalis successio in extraneo nunquam habet locum.

*Quis dicatur extraneus.*

Extraneus autem is dicitur, qui immediate non est successurus, ratione habita ad id tempus quo investituram accepit. Apud nos, si quis successioni proximus, in feofamentum acceperit, per resignationem ejus cui succedere debet, & terras post mortem defuncti, cujus ususfructus reservatus erat, possederit, habetur pro hærede & hæreditariis actionibus obnoxius: dixi, si possederit, cum resignatio & quæ sequitur ex ea facta, eo inferente & ignorante fieri possit, quo casu iniquum esset quempiam oneribus hæreditariis implicari.

*Quintum commune omnium successio.*

Commune omnium successio hoc etiam est, quod quilibet successor, siue in mobilibus qualis est executor, aut qui se immiscet: siue hæres in mobilibus hæreditariis: siue hæres feudi siue successor in feudo, vivente patre, cui immediate tamen successurus est: aut si fuerit ultimus hæres, ut omnes hi debitis defuncti exolvendis teneantur, adeo, ut si quis defunctus ad factum obligatus fuerit ad diem, nec in tempore fecerit, veluti si se infeodaturum ad diem spondidisset, & in morâ fuisset, à die moræ non tantum creditori & ejus hæredi in quod obligatus fuerat, teneretur, sed etiam cum omni causa. Causam autem dicimus, omne id quod creditor habiturus fuisset, si ad diem infeudatio facta fuisset, & sic creditor habebit omnes annuos proventus illius feudi, quod erat disponendum, qui, ut ad creditoris executores non pertinebunt: sed ad hæredes, sic a debitoris hæredibus sunt præstandi, nisi in pecunia debitum consistat; nam tum executor aut qui bonis se immiscuit tenebitur, sed in hoc arbitrium est creditoris utrum velit convenire: Ita tamen ut si executor nondum inventarium fecerit, & se abstinuerit, nec a iudice fuerit confirmatus, resque omnis sit integra, actiones invitæ in se recipere non cogatur, post confirmationem cogitur: ita tamē ut ad rationes suæ administrationis faciendas admittatur, si petierit: quod hoc modo fit, Citatis omnibus creditoribus defuncti in specie, si qui sint, quorum specialiter interesse cogitur sit, omnibusque aliis in genere, ad ecclesiam ejusdem Parochiæ, & crucem publicam primarii burgi illius vicecomitatus, Dies executori confirmato constituetur, ad rationes audiendas, & eo adveniente, si ex fide Commissarii rationes redditas perspexerint, executorem ab omnibus aliis oneribus defuncti liberum pronunciant, nec exinde pro debitis hæreditariis tenebitur ulterius, quam pro reliquiis rationum, quæ apud eum sunt: quod si inventarium fuerit exhaustum, exceptio redditarum rationum eum liberat, neque ultra vires inventarii tenetur; executoris enim officium nemini debet esse Damnosum, nisi quid forte maligne subtraxisse inventario constet, nam ea replicatio exceptionem rationum redditarum elevat: alioqui si creditoribus executor satisfecerit pro viribus Inventarii, frustra ab aliis postea convenitur, creditorumque præventioni in his locus est; & qui prior actionem Intendit & quod suum est recuperaverit, potior est jure, neque aliis dabitur repetitio: At longe aliud in eo qui se immiscuit volens & prudens bonis alienis sine titulo, cum culpa in jure sit Immiscere se rei ad se non pertinenti, is inquam non pro viribus hæreditatis mobilium, sed in solidum convenitur; imputare enim sibi debet, quod cum potuit abstinere, non tamen fecit, Caute enim (nisi mandatum speciale habeat) ad administrationem rei alienæ debet quis accedere; Et hoc donec vel ipse, qui se immiscuit vel alius executor fuerit confirmatus: si alius fuerit confirmatus, illi soli post confirmationem tenetur, ad suæ administrationis rationes reddendas, & ab aliis creditoribus frustra postea convenietur; nam transferendæ erunt actiones in executorem, qui & ex jure & ex facto illud onus in se receperit, de iis vero quæ jam solverit, hic qui se immiscuit repetitionem nunquam habebit, cum iudicio legitimo debita hæc sint evicta; tamen quatenus executorem liberaverit, quodque in ejus rem versum fuerit, in rationibus reddendis recte imputabit, executorque ei præstare cogetur: postea omnes actiones pro debitis defuncti

*Quid sit cum omni causa.*

defuncti in executorem & contra eum transeunt & pro recuperandis defuncti debitis, summa uti diligentia debet, adeo ut nisi intra annum iudicio expertus fuerit, frustra ejus debiti, dum a creditoribus convenitur, rationem haberi postulat: Si intra annum negligentia rem pratermiserit, hæredi locus antiquitus fuit ea iudicio persequendi, ut ejus maxime intererat, ea bona recuperari, fidemque defuncti exsolvi, seque in posterum ab horum onere liberari. Hæc de executore live intromissore, Quibus discussis, aut etiam post annum à morte defuncti, hæres, si quis est generalis, conveniendus est (1) qui se hæredem iudicio professus est, sive qui gessit se pro hærede, nempe si vel deservitus fuerit publice, vel optimum quodque bonorum mobilium acceperit, vel si sit universalis successor; nam hi primò sed suo ordine discutiendi, quibus exculsis, ad hæredem talliæ pervenietur, ut is deficientibus reliquis sive discussis pro debitis hæreditariis possit conveniri: Possunt etiam hæredes generales & talliæ uno libello contineri, ut prius hæres in genere, in quantum debito exsolvendo sufficit, teneatur, & hæres talliæ, in id quod superest: in successione collaterali tamen feudi antiqui, agnati ad debita hæreditaria ex jure feudali non tenentur, licet in feudo succedant; non enim jure hæreditario succedunt, ut sibi videri volunt, sed ex provisione primæ investituræ & sic non ex beneficio defuncti sed domini primi, Sed nos non hoc sequimur.

Commune & hoc est tam hæredum quam executorum, ut si plures sint, quemadmodum fieri potest cum hæreditas in fœminas devolvitur unus sine aliis conveniri rectè non possit; omnes enim simul persequendi à creditoribus: Sed in executoribus id observatur, ut sæpe contra unum actio detur, si nullus alius in eo territorio fuerit; nam licet plures executores sint extra illud territorium, unusque intra territorium, is solus qui in territorio est, ante iudicem illius territorii, conveniri potest à creditoribus, damnatusque pro rata actiones contra collegas habebit: in hæredibus cur omnes conveniendi sunt, ratio est, quod unus forte exceptiones, aut etiam apochas, evidencias, seu monumenta habere potest, quæ alius non habet, uto tamen pro sua parte hæreditatis separatim posse etiam conveniri.

*Sextum  
Quod com-  
mune est  
omnium.*

Commune omnium hæreditatum tam rerum mobilium quam feudorum hoc est, quod qui semel executor factus est, aut hæreditatem adjerit renunciare non potest, neque jus suum in alium transferre: Semel enim hæres, semper hæres; antiquitus tamen re integra licebat executori officio renunciare, hodie non; debuit enim expendere apud se hæreditatem mobiliū damnosa ne esset, an debitis exsolvendis sufficiens, Sed in executore nihil fere est periculi; nam si diligentiam adhibuerit, ultra vires hæreditarias non tenetur: At in hærede deservito nullus est subterfugii locus; omnia enim debuit ante agnitam hæreditatem apud se præmatūrè ponderasse nec temere hæreditati se immiscuisse, cum jus deliberandi haberet toto anni tempore, à die defuncti: Justinianus tamen duritiem juris antiqui corrigens, ut abstinerent, etiam post aditam hæreditatem, permisit, si magnum æs alienum emergerit ex insperato, ut antea dixi, Quod si apud nos etiam permetteretur, ex justa causa, putarem cum ratione consentire, licet oblationem hanc, ut quis abstineat resque omnes hæreditarias, quæ ad eum pervenerant restituat, viderim sæpe in iudicio factam per exceptionem & rejectam: tamen si eo nomine actio restitutoria, causaque æquitas præter spem emergat, Senatam restitutionem non negaturum putarem: Sed duriores Senatam in hac quæstione facit, cum alias renunciaciones sæpe per exceptionem admittat; quia fraudi videbatur via patefacta, si quis postquam adjerit hæreditatem bonisque se immiscuerit, subtrahere quædam velit, nemine conscio (cum intra privatos parietes res agatur) & ita creditoribus præjudicare; cum tamen revera, si quis penitus prospiciat, minus fraudis, si restitutio petatur contra aditam feudi hæreditatem, esse possit, quam in mobilibus bonis, neque tam facile est in illis quam in his fallere: Dixi neutrum posse jus suum in alium transferre; nam neque executor alium pro se executorem substituere, neque assignatum (quod par est) in omnibus bonis mobilibus facere potest: ut neque hæres nomen hæredis in alium transferre sive assignatum in ea facere potest; uterque tamen assignatos (per assignatos semper intelligo quemcumque singularem successorem) in re particulari quavis hæreditaria aut in pluribus specialibus, sive ex sint mobiles sive immobiles, facere potest; nempe executor rem quamcumque mobilem defuncti in quemcumque, sive per venditionem, donationem aut permutationem transferre potest, & hæres aliquam partem, quam volet, paterni feudi & pro arbitrio alienare & disponere.

*Septimum  
Quod com-  
mune est.*

Et licet hæc executorum & hæredum sint communia, sunt tamen nonnulla in quibus hæredes inter se differunt. Primum est quod nunquam in hæredem talliæ datur actio, donec facultates hæredis generalis excutiantur. Imo neque si pars feudi talliati sit in debito, quod nemo nisi hæres talliatus poterit præstare; nam hæres tallia-

tus tanquam extraneus est, quamdiu alius superest, qui defunctum repræsentet, quique actiones defuncto competentes habeat: Hoc enim est hujus feudi talliati proprium, quod hæres ex eo, licet totius vel majoris partis hæreditatis commoditas apud eum remaneat, tamen ut tantum pro extraneo habeatur, & pro singulari successore; quamdiu superest aut superesse speratur hæres ex linea sive recta sive collateralali propinquior sanguine; nam si qui sunt hæreditarii creditores, si qui sunt qui defunctum obligatum habuerant, ut eos in certo fundo investiret, isque ipse fundus apud hæredem tallia sit, & in illo ratione tallia defuncto successerit, non tamen neque pro debitis hæreditariis, neque etiam pro investitura illius ipsius feudi, quod apud eum est & in quod successerat, tenebitur, donec hæredis generalis facultates prius excutiantur, & si quid commodi ex hæreditate ad eum pervenerit, id in creditoris commodum distrahatur, priusquam hæres tallia possit conveniri: Unde in terris de

quæ quidem pars domini de Rossyth erant, in quas *Henricus Stewart* defuncti frater, ratione tallia successerat, Cum

Judicio prosequutus fuisset dictum *Henricum* tanquam hæredem tallia, pro investitura dictarum terrarum de idque ex obligatione defuncti fratris sui *Roberti*, & *Henricus* excipisset, frustra se conveniri cum nondum essent excussa facultates hæredis legitimi, quod prius esset faciendum, quam ad se recursus foret, quia tantum pro extraneo esset, & legitimus hæres respondisset, actionem hanc in se competere non posse, cum ille fundus, cujus Investitura petebatur, non apud se, sed dictum *Henricum* (1) hæredem tallia esset, eumque solum præstare posse, & debere quod petebatur; Senatus tamen censuit legitimum hæredem creditori satisfacere debere, solvendo quod creditoris intererat; licet fundus de quo convenerat, apud dictum *Henricum* permaneret: aut abdicare patris hæreditatem legitimam filiam hæredem cogendam, ut ita omne jus quod defunctus habuit, in hæredem tallia transiret, isque solus tanquam universalis successor fratrem suum defunctum repræsentaret; Et hoc est quod in jure feudali dicitur, filium, si patri in feudo succedat, hæredem patris esse, non tamen si agnatus succedat; nam is poterit feudum sine hæreditate agnoscere, quæ si intelligantur de agnato, quamdiu superest ex directa linea, qui possit & velit hæreditatem agnoscere, in hoc etiam jus nostrum cum jure feudali convenit: alioqui aliquid diversum in usu nostro à jure feudali reperitur.

*Octavum*  
*quod commune omnium*  
*ut hæres pro*  
*dignitate*  
*alatur.*

Hoc etiam commune est horum feudorum, ut semper aliqua alimentorum hæredis, qui in feudo successurus est, ratio habeatur; nam si feudum sit militare, & custodia ejusdem cum corpore hæredis domino debeatur, licet, durante custodia, dominus fructus suos faciat, hæredem tamen alere & ex dignitate familiæ educare debet: si feudum oneratum fuerit conjuncta investitura conjugum, & mortuo vassallo usufructum totius feudi uxor sibi vendicat, rationem hæredis habere eam, æquitas postulat, ne is ad egestatem deductus, hæreditatem feudi adhuc sibi inutilem disponat; alia ratio est, quoniam is ad regni onera, & militiam publicam sustinendam solus tenetur, Itaque unde id possit, necesse est ut habeat: Hoc vidi in causa domini de Suintoun factum, qui cum nihil ex amplissima hæreditate paterna in præsens haberet, ejusque mater totius domini usufructuaria esset, & impotentis mariti secundi imperio ita obstricta, ut ne si vellet filio quidem gratificare possit, Senatus coegit eam aliquam argenti summam annuatim pro alimentis filio pendere; quod sane maxime cum aequitate convenit; Nam *Justinianus Imperator* sua constitutione cavet, ut si quæ mulier usufructum totius hæreditatis habeat, & hæres masculus, qui ad munera pacis & belli sustinenda tenetur, aliunde non habeat, unde possit ali, ut quartam ex sua hæreditate consequatur, eaque ex usufructu totius deducatur: rationem reddit *Imperator* in ea *Novella Constitutione* de triente & semisse; ubi multos accusat, quod non paternè, neque ut viros decet, sed minus molliter & dissolute uxoribus omnium bonorum usufructum, filiis nudam proprietatem reliquerunt; Itaque providendum filiis putat, tam in mobilibus, quam immobilibus, ne egeant; Quod ad hæredem feudi traductum est, ut semper aliqua ejus cura habeatur, ne egeat; Ita tamen detrahendum vel ex custodia, vel usufructu uxoris, si hæres non habeat aliunde quo alatur; nam si bona mobilia ei suppetant, vel aliud sit feudum, quod, in custodiam domini non cadat, ex cujus fructibus ali possit, neque jura domini, neque uxoris fructuaria minuenda, Sed hæc res tota, quam nos modificationem dicimus, arbitrio Senatus transigenda est, qui habita ratione ætatis hæredis, dignitatis & disciplinæ imo & familiæ & uxoris, si modo uxorem habeat: omnia hæc, æstimatione facta, temperabit, ne nimis juri scripto derogare videatur.

*Nonum*  
*quod commune omnium est.*  
*An repræsentatio in collateralibus sine locum habeat.*

Commune autem omnium successuum est repræsentatio, Dubitatum tamen vidi in gravissimis causis à plerisque, an ea in successione collateralali sive transversa locum habeat; nam de recta linea, quod sæper in ea repræsentationi locus esset, nunquā ambigebatur ut antea monui.

De



De collateralī ſucceſſione major eſt quaſtio, utque ea res planior fiat, exemplum ſit, Titius pater quatuor liberos ſuſtulit, primogenito mortuo, forte & ſecundo & etiam tertio, relictis tamen ex ſe liberis, quarto filio ſuperſtite ipſe pater moritur, quaeritur quis ei ſuccedere debeat. Hanc quaſtionem tractat vir doctiſſimus Tiraquellus, in ſuo de primogenitura libro, ubi diverſas multorum hominum & doctorum ſententias inter ſe pugnantes refert, non enim deſunt nec deerant, qui ad quartum filium ſucceſſionem pertinere affirmarent, quod tribus prioribus liberis mortuis, is ſolus ſupereſſet, & natura graduque propior patri eſſet, quam nepotes ex aliis liberis: Alii contra aſſerebant, nepotes repræſentare patrem in ſucceſſione, iſque eam ſucceſſionem deberi, quæ patris eorum fuerat, ſaltem quæ patrum ſuorum, ſi vixiſſent, fuiſſet. Sed quartus cum propiorem ſe gradu uno diceret patri, repræſentationi locum non eſſe ferebat, Sed in hac directâ linea locum eſſe repræſentationi certum eſt, tam ex jure civili, quam jure Anglorum; In collateralī ſucceſſione major dubitatio, nam nuper in ea exitiali conjuratione Gallia, quæ lingua dicta eſt, & initio Anni 1585. cum totius Gallia clade exorta eſt, cum nefarii homines ſucceſſionem familiae Burbonicae negare non poterant, eo tamen ſe tuebantur, quod Cardinalis Burbonius præferri deberet Henrico tunc Navarra, nunc Gallia totius regi Chriſtianiſſimo, quod patruus filio fratris, ut eo propior, in ſucceſſione collateralī eſſet præferendus, cum repræſentatio in collateralī ſucceſſione locum non habeat; Sed jure Francorum repræſentatio non minus locum in collateralī ſucceſſione quam directâ habet, & ita variis ante deciſionibus à Senatu Pariſienſi obſervatum eſt, quod & apud Anglos adhuc obſervatur; Repræſentatio itaque ſemper locum habet tam in collateralī, quam directâ ſucceſſione, quando quis non ex ſua ſed ex patris vel avi perſona ad ſucceſſionem vocatur, tam apud nos, quam alias gentes, & ex jure civili.

Commune prætereâ omnium feudorum eſt, ut ad ſucceſſionem ſive aditionem hæreditarii feudi admittatur hæres per brevīa & eorum deſervitionem; nam licet dominus feudi voluntarie & per præceptum ſuum (quod de clare conſtat vocant) vaſſallum ſemper inveſtire, & in poſſeſſionem inducere ex jure teneatur, adeo ut ſi diſſerat (niſi Juſtam recuſationis cauſam habuerit) dominio directo dum vivit mulctetur; quoniam tamen nobis ſemper mitiores pæne placuerunt, & domini non ſine negotio ad faciendam inveſtituram cogi inviti ſolent, inventum hoc utriuſque apud nos remedium, ut vaſſalli hæres, primo brevīa ex Cancellaria impetret, eaque poſtquam Vicecomiti dederit exequenda, dieſque deſervitioni fuerit datæ, ad diem deſtinatum vaſſallus comparens, breveque cum executionibus producens, Iudicium ſibi fieri poſtulat, & ita ſecundum mandatum brevis inquiſitio procedit; in qua ſi ſententia in favorem hæredis ceſſerit, quod factum eſt, ad Cancellariam retornatur & qui Cancellariæ præſci-rur, ex Senatus deliberatione, mandatum dirigit ad dominum ſuperiorem, ut quam expeditiſſime poterit petentem Inveſtiat: Si tergiverſatus fuerit, aut ter monitus moram neſtat, non ut ex jure feudalī feudo in perpetuum mulctetur, ſed ad vitam tantum, & Inveſtiendi vaſſalli jus & poteſtas ad ſuperiorem dominum devenit, quod ſi is etiam recuſaverit eum Inveſtire, tum rex ſuum præceptum dat Vicecomiti, aut alicui alii, qui ejus officio fungitur, ut petentem inveſtiat, & per ſaſinam in poſſeſſionē inducat; hoc mandatum vulgo (Meminimus, furcæ) vocatur ab eis (ut puto) verbis quæ in initio præcepti continentur, Quia meminimus, furcæ. Tenetur etiam dominus, qui recuſat vaſſallum intrare, à tempore recuſationis in omnes fructus vaſſallo; Si dominus ipſe non Intraverit vaſſallū, ex eo quod ipſe de domino directo nondum ſit inveſtitus, poteſt ex ſummonitione 40. dierum à vaſſallo moneri ut intret, ne vaſſallus in non introitu ſit & ſi recuſaverit, eo tempore elapſo, vaſſallus de ſuperiore tenebit, & ille amitteret ſuperioritatem: Si ſuperior monitus à vaſſallo, ut directum dominium intret, ſive illud ineat, & antequam intret moriatur, vaſſallus, quoad fructus feudi eadem in cauſa erit ac ſi ſuperioritatem dominus agnoviſſet. Si ſuperior regalitatis extra regni fines ſit, poterit citari ex præmonitione 60. dierum, ut brevīa ex ſua regalitate dirigat pro intrando vaſſallo, alioqui Senatus poteſt poſt dici lapſum dirigere, ut hic, qui ex regalitate petens eſt, per capellæ regie brevīa intret.

Et quoniam in brevium mentionem incidimus, unde nomen deductum, apud quos primum locum habuit, & quomodo ad nos tandem pervenit dicendum, In quo tamen (cum ſciam exactiſſime rem tractatam à domino Skyneo in ſuo de verborum ſignificatione tractatu, ita me continebo, ut eorum quæ ibi leguntur, nihil fere adducam, tantum quæ ille fortasſe ut vulgarīa neglexerit, cum tamen in aliquo apud nos uſu ſint, ſubtexam.

Brevium itaque origo hæc erat, cum querimonie plebis & præcipue eorum, qui oppreſſi iniuria aliena eſſent, ad regem ſeu principem deferrebantur, nec ille cognitioni cauſæ ſupereſſe

*Decimū  
quod com-  
mune omni-  
um feudo-  
rum eſt.*

*De brevibus.*

*Brevium  
origo.*

poterat, causam breviter, aliqua annotatione seu deliberatione testatam, ad judicem remittebat, præcipue tamen, ab initio, causæ viduarum, pupillorum & extraneorum originem dedebant brevibus. Hinc nomen brevium, ut Budeus in Pandectas notat, quæ nihil aliud erant nisi commentarioli summam rerum continentes, & breviores in Authenticis brevium scriptores dicebantur, & apud Lampridium in Alexandro, & Vopiscum in Aurelio, tam in masculino quam in neutro genere pro brevi enarratione, & apud Suetonium in Caligula Breviaræ rationes dicuntur.

*Breviis definitio.*

Utcunque est, breve nihil aliud erat quam rescriptum quoddam principis, quo ordinario judici mandabat, ut de querela ad eum delata jus diceret breviter, ita ut amplius super ea querela Rex non molesteretur. Itaque petitiones aut libelli, apud primos feudistas, clamores sive clamei dicebantur, ipsi petentes clamantes, rei clamati, quæ voces etiam ad nos cum brevibus pervenerunt, breviumque aliquando nomina cum actionibus confunduntur: usum in Galliâ antiquissimum puto, certe in Normannia adhuc in usu sunt, neque solum pupillorum aut viduarum causæ, sed etiam multæ aliæ res apud illos adhuc per breviam expediuntur. Sic breve de dissassina, nihil aliud est, nisi interdictum recuperandæ possessionis in jure: in usu nostro, spoliationis & ejectionis actio; competit enim tam pro rei mobilis quam immobilis possessione recuperanda: Sic & apud eos adhuc sunt in usu, breviam de morte antecessoris sive de proximo hærede: Breve matrimonii, quod de tertia vocant, de quo in tractatu de tertia dicemus: breve de dote, de advocacy ecclesiæ & pleraque alia. Gulielmus Conquæstor cum armis etiam leges Normannicas Angliæ intulit, inde factum ut omnes fere causæ in Angliâ adhuc per breviam expediantur, horum brevium adhuc frequentissimus est usus, adeo ut omnes prope res in judicio per breviam deducantur, eorumque formæ supra 140. habentur, in Tractatu de natura brevium, excuso Londini. Ab Anglis ad nos pervenisse verissimilius est, quam ex jure feudali; nam licet jus feudale mentionem brevis testati faciat, jusque nostrum ex eo jure defluxisse manifeste antea declaravimus, tamen cum ibi breve potius probationis investituræ vim habere videatur, quam clamei, & pro probatione adducatur, certum est in ea significatione ad nos non devenisse; nunquâ enim brevi pro testatione aut testimonio utimur; Itaque probabilius est, & breve & ejus significatione & usum à Normannis ad Anglos, ab Anglis ad nos pervenisse; Et per breviam, multa, apud nos, prioribus sæculis expediebantur, & multiplices brevium formæ adhuc in archivis remanent; postquam autem Senatus institutio ab Jacobo quinto facta, omnium fere brevium formæ exoleverunt, præter sex ut recte annotavit D. Skynius, sed quoniam in his brevibus nobilissimum est illud, quod de morte antecessoris, & Normannicè & Anglice dicitur; cujus propria est successione declaratio, ut etiam dominus invitatus cogi ad admittendum vassalli hæredem possit, de eo jam dicemus, sed expedit ipsa verba brevis prius subjicere; quibus nihil elegantius nihil concinnius concipi potest, pauca itaque de hujus brevis forma dicemus.

*Forma processus in brevi de morte antecessoris.*

*Vicecomiti de. R.*

Mandat itaque dominus Rex (cujus persona per cancellarium suppletur) Judici ordinario, ut fieri solet, illius territorii ubi feudum situm est, aut si ille suspectus sit, deligato per commissionem Senatus, uti magno sacramento interveniente per probos & fideles homines patriæ diligentem inquisitionem fieri faciat & curet &c. Præmittitur sane nomen principis, cum omne jus omnisque jurisdictio ab eo tanquam à fonte procedat: in Regalitatibus quæ suam Cancellariam habent, nomen domini regalitatis præmittitur, sed cum omnia verba horum brevium suam energiam & vim habeant, in singulis ejus verbis exponendis immorabimur. Dirigendum enim semper est hoc breve, ad judicem illius territorii ordinarium, ubi feudum situm est, aut saltem dignius feudum cui annexum est; nisi forte is ex causa suspectus sit, veluti si inimicitia inter eum & hæredem manifestæ sint: aut inter hæredem & alios, ex quorum coitione tumultus metuetur: aut si patrimonium hæredis in diversis territoriis sit situm (nam hæ causa solent esse judicum delegandorum) & grave sit ei futurum si in singulis territoriis sua breviam persequatur. In his causis judices delegatos aliquando solet Senatus constituere, delegatos, inquâ, pro omnibus illis territoriis in quibus petentis feuda sita sunt, ut ii de successione antecessoris cognoscant, sed ita tantum, ut ratis per eorum jurisdictio maneat, donec præcepta ex cancellaria impetrentur, pro salina danda; neque enim ii salinam dare possunt, sed illud ad ordinariû tantum pertinet, qui etiâ pro ea respondere tenetur. Ordinarii autem sunt Vicecomites in suo Vicecomitatu, Senescalli in suo Senescallatu & regalitatum domini in suis regalitatibus: inferiores his magistratus de brevibus non cognoscunt, saltim de brevibus morte antecessoris: Burgorum quidam sunt, qui jus Vicecomitatus intra suos fines habent, ut Edinum & Pertham. animadvertendum semper est, ut ad quem mandatum seu præceptum regium dirigitur, is sit qui

qui de brevi cognoscat, qui salinam det, alioquin, ope exceptionis, nulla est deservitio & quæ ex ea sequuntur.

Mandat itaque Rex inquisitionem per probos & fideles patriæ fieri. Quid sit inquisitio videndum, Inquisitionis nomen ab antiquo verbo anquirere sive inquirere deductum, primo apud veteres pro accusatione anquirere usurpatum, ut apud Livium capite anquisitum, pecunia anquirere legimus, sapius tamen & apud eundem in eo sensu invenimus ut informationem aut nostram inquisitionē prope exprimat, Sic Duum viros, creatos scribit, qui de perduellione anquirent, Sane hujus inquisitionis, ut magna apud veteres vis fuerat, & usus frequens, sic & apud nos hodie; veteres enim inquirebant in patrimonium, in vitam & mores hominum, & inquisitores apud eos (ut & hodie apud nos) vice judicum erant: Sic tutor aut curator ex inquisitione dabatur & confirmabatur, moribus, fide, facultatibusque ejus ex vicinā declaratione & testimonio probatis & hoc erat causā cognitā dari.

Hæc autem inquisitio per 15. viros fieri solet, sæpe per 17. pro rei gravitate, aliquando per 13. sed semper in impari numero;

Quod per probos & fideles homines patriæ fieri inquisitionem mandat; probos intelligit qui neque sunt suspecti, neque infames: vox (fideles) non de quolibet homine, cujus fides illa est intelligitur, ut plerique male putant, sed per vassallos, qui feuda habent in eodem territorio, seu jurisdictione; nam in jure feudali omnis vassallus, & par curiæ fidelis dicitur & æstimatur, perque eos solos quæstio feudi, si quæ sit, terminanda ex jure est: Neque meo judicio recte faciunt, qui indiscriminatim quoslibet, quorum census 40. libras excedit, ad inquisitionem admittunt, soli enim pares admittendi erant: veluti si inquisitio de feudi rustici successione fiat, qui feuda rustica: si urbani, cives qui feuda urbana habent, alii, nisi ob inopiam inquisitorum sunt rejiciendi, & sic antiquitus observatum fuit: corruptio veteris juris initium in curiis baronum habuit, ubi cum pares curiæ non semper adessent, & sæpe de levibus rebus esset controversia, quoscumque admittebant, itaque pro paribus, ejusdem domini colonos recipere soliti; sæpe etiam res moram aut delationem non patiebatur, veluti si cades, furta, latrocinia intervenissent, metusque esset, ne, ex mora, ad regios judices res devolveretur, rem quorumcumque hominum inquisitioni maluerunt permittere, quam pares expectare, Inde captus error ad majores res exemplo emanavit; Neque patria, totum regnum significat, sed tantum viciniam, seu idem territorium, nec nisi in eorum defectu, ad ulteriores recurrendum; itaq; eligendi sunt inquisitores ex vicinia: si adhuc desint in vicinia, ad quatuor propiora territoria confugere solemus, quæ (four halfs quarters adjacent) vulgo dicuntur: in magnatum successione hoc sæpe non attenditur; nam aliquando viri nobiles & barones etiam remotiores admittuntur, cum magnates magis sui brevis dignitati faveant. Additur in brevi, Magno sacramento interveniente; quia nulli judici, testi, neque inquisitori (qui medius inter judicem & testem & quasi neuter, utriusque tamen plerumque vice fungitur) quantivis sit pretii & dignitatis creditur, nisi solenni juramento prius præstito; Jurati autem, si ini quam sententiam dixerint, & eorum sententia rescindatur, pœnam perjurii incurrunt, scilicet amissionis omnium bonorum, præter infamiæ perpetuam notam: quod si levior sit error, mitius cum eis agitur: Capita autem de quibus hi inquisitores cognoscunt, quorum responsa singula, ad Cancellariam remittunt (nos retornare dicimus, ut latini etiam detornare.) Hæc sunt: Quis obiit ultimo vestitus & sasitus ut de feudo, Quis sit ejus legitimus & propinquior hæres, de quo illud feudum tenetur in capite, per quod servitium teneatur, quid nunc illud feudum valeat per annum & quid valuit tempore pacis, Si is qui hæreditatem petit, sit legitimæ ætatis, in cujus manibus feudum nunc existit, & à quo tempore, qualiter, per quod servitium, per quem, & ex qua causa: Super quibus omnibus nisi singulari responso ad unumquodque caput satisfaciant, retornatus sive remissio à Cancellaria, non admittitur, neque ex ea præcepta diriguntur, pro salina capiendā.

Inquiritur itaque primo, Quis obiit ultimo vestitus & sasitus, ut de feudo, alicujus, sive fundi sive domini, sive annui redditus: in quo Angli ponunt hanc differentiam, quod is de feudo dicitur ultimo vestitus: at qui tantum, cum obiret, habebat jus aliquod vel officium, vel administrationem hæreditariam, vel etiam annum redditum, aut beneficii advocacionem hos tantum obiisse postremo vestitos dici putant, ut de feudo, & non de feudo: in hoc capite inquirendo, semper hæres, qui deserviri postulat, docere debet per documentum, quod is cujus hæreditatem petit, obiit ultimo vestitus. Semel investitus, quamdiu vixit, investitus creditur, nisi sit aliquis, qui ex adverso doceat, eum legitime ante mortem de vestitu seu denu datum fuisse, sive dominium amisisse, aut demisisse; Res de qua controversia oritur (1) feudum in hac

Quid in-  
quisitio.

Quos perso-  
na in inqui-  
sitione neces-  
saria.

Qui sunt  
probi & fi-  
deles patriæ.

Magno sa-  
cramento in-  
terveniente.

Quis obiit  
ultimo vesti-  
tus & sa-  
situs.

Quis obiit  
ultimo vesti-  
tus & sa-  
situs.



in hac petitione per omnes circumstantias suas designandum est, per territorium, parochiam, & familia: si plura sint feuda, omnia distincte & singulatim designanda.

*Quis sit ei  
legittimus  
& propin-  
quior haeres.*

Secundo inquiritur, quis sit ei, qui ultimo vestitus obiit, hæres in tali feudo, aut uti breve loquitur (1) ad quem ex terra, per decessum prioris fidelis, pertinere debeant; in quo inquirendo, perpendendum quale sit feudum, sive masculinum sive fœmininum, sive antiquum sive novum, quod nos conquestum dicimus; multi enim sunt hæreses universales, qui non in omni feudo succedunt, immo in conquestu alius succedet ab hærede universi juris; Itaque semper considerandus est primæ dispositionis tenor, & an eo. salvo, is qui petit, recipiendus sit.

*De quo te-  
netur.*

Tertium est, de quo tenetur feudum, de quo questio est, aut feuda in capite, & profecto ad hoc caput semper est respondendum (1) semper directus dominus feudum declarandus, neque enim feudum cum sit utile dominium sine directo esse potest & de directo tenet.

*Per quod  
servitium.*

Quartum, per quod servitium teneatur; per hoc servitium qualitatem feudi intelligimus, nam cum omnia feuda servitium debeant, quædam tamen gravius (ut in militaribus feudis, & quæ custodiam & relevium habent annexum) quædam levius, ut multi putant, veluti in feudo franco & burgagio videmus quædam servitium certum, quædam certam annuam præstationem, aut canonem, aut qualitatem continere; Itaque servitii genus semper exprimendum, & annotandum est, semper præsumi servitium militare cum custodia & relevio, nisi aliud, qui petit, paratus sit demonstrare; imo licet infeofamento contineatur, aliquis certus canon annuus, etiam cum causula pro omni alio servitio & quæstione seculari seu demanda, custodia & relevium non excluduntur, nam canon, neque in ecclesiasticis neque in laicis feudis, mutat servitium feudi militare, nisi expresse dicat pro annuo censu aut canone in feudifirma; cum illa clausula pro omni alio onere &c. illud solum videatur amplecti, quod à vassallo vivo dominus poterit exigere: de alio servitio, nisi paratus sit hæres aliud docere, semper servitium militare cum custodia præsumitur ex dignitate feudi, cum illud dignissimum apud Anglos feudum censeatur, quod custodiam secum trahit.

*Quid nunc  
valeat per  
annuum, quid  
tempore pa-  
cis.*

Quintum, quid nunc feudum valeat per annum, & quid valuit tempore pacis, cujus capitulis hæc est origo, Cum ex moribus regionum aliquarum emanaret, uti ejus anni, quo vassalli hæres, in fidem & clientelam se domini sui commendaret, redditus integros penderet ob renovationem investituræ; & cum contraverteretur sæpe quis esset horum reddituum valor, ab inquisitoribus æstimabatur, ut dominus certus esset quid sit ei præstandum, De hoc in diegesibus de warda & relevio plura dicemus; hoc tantum monendum, quod non solum hujus relevii causa æstimatio valoris cujusque fundi sit, sed etiam ob publica regni onera sive exactiones, quoties publica occasio necessitatem imponendi gravamina quæcunque exprimit. Ea æstimatio à majoribus nostris antiquus extentus dictus est, qui tamen verum valorem feudi eo tempore quo æstimabatur æquabat, eumque omnes inquisitores in suis inquisitionibus publicabant, ne aut frater domino aut clienti fieret, sed vilescere pecunia, saltem ejus pretio crescente (quo nullum gravius in repub. malum esse potest) domini querebantur, jus suum imminutum neque veterem censum sive extentum ad justum valorem suarum terrarum representandum sufficere, sibi grave præjudicium inferri; factus est, ea de causa, novus census sive novus extentus, quo prior æstimatio duplicabatur, & etiam ad triplum, quadruplum apud plerosque & ulterius apud quosdam; Et hic novus extentus dictus, qui ex diversitate regionum varius etiam est; nam cum Borealibus mitius agitur, ex eo forte quod licet latifundia haberent ampla, non tamen ad cultum antea redigebantur, itaque minoris æstimata, ut quod ex renovatione & melioratione agrorum postea proveniret, eis condonaretur & ad agriculturam provocatio benigna esset: apud limitaneos, novi extentus ratio vix habetur, nec in eis nisi antiquus requiritur; quia eorum arva ab hostibus plerumque infestantur, neque solidos fructus capere ideo præsumuntur, interdum omnino excluduntur. Quam vereor si pecunia valor crescat, ne tertio aliquando extentui locus sit, Ex his, quid per illa verba brevis (nunc & tempore pacis) intelligatur facile cuivis apparet. Nunc enim, novum extentum significat, qui adhuc in usu est: Tempus pacis quid significet, sæpe inter Doctissimos controversum vidi, nec adhuc, quod sciam, à quoquam satis explicatum novi, tamen meum judicium adferam. Tempus pacis, tempus majorum nostrorum innuit, qui nunc in pace sunt; Solebant enim majores nostri, cum de vita functis sermo esset, eos in pace & quiete esse dicere, aliquando pacem & quietem eis precari; Apud Judæos notum est illud, cum de mortuo loquuntur, super eum pax (1) in pace est; nec à vulgari nostro sermone mos ille loquendi abhorret; itaque tempus pacis nihil aliud est, quam tempus majorum nostro-

*Antiquus  
extentus.*

rum, qui in pace sunt, Ut nunc & tempus pacis, nihil aliud significant, nisi novum & antiquum extentum, non ut tempus pacis bello opponatur, ut indocti putarunt, Si quis probabilius aliquid adduxerit, me refractarium non inveniet. Ad utrumque hunc extentum respondendum ab inquisitoribus est, aliqui præcepto regio sive brevi non satisfaciunt. In emphyteusi, non est diversus novus extentus ab antiquo, unus & verus Canon est, qui conveniat, & is extentus neque incrementum, neque diminutionem admittit, itaque pro eodem retornatur.

Sextum, Si is, qui hæreditatem petit, sit legitimæ ætatis, in quo hoc notandum, quod hæc ratio ætatis nusquam habetur, nisi in feudo recto sive militari, quod secum varam sive custodiam trahit; nam nisi sit feudum rectum sive militare, nihil interest, cujus sit ætatis, qui deservitionem petit: Pariter enim admittetur, sive sit infans, sive senex, sive juvenis, sive vir, itaque in feudo recto sive militari differentia hæc ætatis spectanda est; nam in mari ætas 21. annorum complenda est, antequam ad hæreditatem feudi militaris petendam admittatur: in fœmina 14. pleni sufficiunt; numeranturque hi anni de momento in momentum: apud Anglos fœmina dicitur perfectæ ætatis in soccagio (1) in omni alio feudo quam militari, cum scit domum suam disponere & ordinare quæ ad Coyn & Key pertinent, Aliqui interpretantur Coyn & key operculum & clavem, ego nummos discernere & clavibus servanda tradere interpretor, Sed de harum ætatum differentia plura in Titulo de relevio & custodia dicemus.

*Au sit legitima ætatis.*

Septimum, de quo inquiritur, est, in cujus manibus feudum quod petitur nunc existat, quod ad dominum directum non semper est referendum; nam licet feudum de eo semper teneatur, in alterius tamen esse potest manibus quam domini; contingit enim sæpe, ut in hoc feudo, usufructus sit cum consensu domini alii constitutus, veluti uxori defuncti vel fortasse ejus parentibus vel eorum alteri reservatus: vel ratione curialitatis (de qua postea) pertineat ex lege usufructus ad virum: in his casibus non dicitur feudum in manibus domini esse, sed illius qui ab eo aut à lege usufructum constitutum habet, cum dominus vassallum habeat saltem pro vita, à quo servitia & operas exigere potest: Quod si is à defuncto usufructus constitutus sine consensu Domini fuerit, quem nos bassum usufructum dicimus, neque dominus neque inquisitores eum agnoscunt, sed feudum in manibus domini esse retornabunt.

*In cujus manibus nunc existit.*

Octavum, à quo tempore fuerunt, ad quod ab inquisitoribus respondendum est, nempe à die mortis vassalli (nisi forte usufructuarius sit) usque ad præsentem diem, in qua Inquisitio fit; nam licet continuo à die mortis vassalli usque ad renovationem fasina, feudum in manibus domini sit, tamen inquisitores non ulterius, quam ad diem suæ inquisitionis sive retornatus progredi solent; ab eo enim tempore functi sunt officio: nec quod amplius inquirent habent; nam hæres semel declaratus, differre investituram non præsumitur: Si usufructuarius, in cujus manibus feudum erat, præmoriatur, non à die mortis vassalli sed à die mortis usufructuarii in manibus dominifuisse feudum retornabunt, per spacium tot annorum & termini, si modo supra annos etiam sit terminus.

*A quo tempore fuerunt.*

Nonum illa verba respicit, qualiter, per quod servitium, per quem & ex qua causa, Sunt qui hæc verba exegetice tantum poni putant, ut facilior sit prioris clausula sensus, & sane eam tantum explicant; nam qualiter & per quod servitium concurrunt, ad quod ab inquisitoribus est respondendum, Per quem innuit tantum, ut qui antea immediatus fuit vassallus, cujus morte feudi successio petitur, denotetur. Ex qua causa: Ad non introitum respicere videntur hæc verba, ut sit sensus, cur tam diu in manibus vel domini vel usufructuarii fuerunt; Ad quod respondent inquisitores, ex defectu hæredis jus suum huc usque minime persequentis: Alii hæc verba, qualiter & ex qua causa, ad naturam seu qualitatem feudi referunt, si forte pactiones quadam sint quas nos irritantes dicimus, vel quæ naturæ feudi à propria detorqueat, Sed ad hæc non solent inquisitores respondere. Notandum autem est quod inquisitio hæc retornari non debet ad Cancellariam, nisi sub signis tam judicis ordinarii quam inquisitorum; nam id etiam continet breve in fine, Quod inveneritis sub sigillo vestro &c. alioqui fidem non habebit: Omnibus solennibus peractis, Rex (cujus vices Cancellaria supplet) præceptum dirigit ad judicem ordinarium loci sive Vicecomitem sive Senescallum, ut quam celerrimè fasinam deservito jam & retornato det hæredi, si terræ de eo teneantur; in quo mandato hæc duo continentur, Capiendo secutitatem de tot libris, quæ ad annum censum ipsius feudi extendunt, omnes eos terminos, (singuli enim anni duos habent terminos, Pentecostes scilicet & Sancti Martini) in quibus ab hærede cessatum fuerit, numerando, à primo tempore mortis defuncti

*Qualiter & per quod servitium.*

defuncti inclusive ad diem fasinz, nullo habito respectu ad diem, quo inquisitio fuit facta; nam vassallo imputatur quod declaratus talis, qui investituram accipere possit & debeat tamdiu distulerit; Et pro hoc censu, Vicecomes in Scaccario singulis annis respondet (1) eo oneratur annuatim, & illum inferre cogitur Quæstori regio; nec nisi numerato illo censu fasinam Vicecomes dabit; Postea, indulgentia Vicecomitum, differebatur solutio in tempus scaccarii, ubi grave præjudicium non erat, cum semper fundus distringi possit ob illum annuum censum; reliqua ex Domini Joannis Skynei libro, qui vult, inquirat.

*Si feudi dominus usufructuarius pater sit usufructuarius filius proprietas a quo investitura petenda.*

Dux tamen quæstiones nascuntur cum terræ de alio quam de rege tenentur, Si pater sit dominus usufructuarius feudi, (nos dominum liberi tenementi dicimus) filius vero dominus feudi, qui apud nos proprietarius est, ab utro vassallus investituram petet; nam liberum tenementum secum trahit potestatem renovandæ in vassallis investituræ, & ex resignatione vassallorum mutationem suscipere & licet vassallorum receptiones de jure videantur ad liberum tenementum pertinere, quod non negandum est, ipso durante libero tenemento, quod hæredi conceditur: Senatus tamen in gratiam vassallorum censuit, ab utrovis investituram peti posse, cum damnum neuter sentiat, & vassallum in rebus dominorum non deceat nimis esse curiosum: & sic decisum in causa Cranstoun fratris Domini de Cran-

*An dominus sine censu præteriti solutione teneatur vassallum investire.*

stoun & Altera quæstio, in eis feudis quæ de alio domino quam de rege tenentur, utrum dominus feudi vassallo renovare investituram teneatur, antequam ei census omnium annorum, quibus feudum vacabat, plene exsoluerit; cum præceptum regis hanc habeat adjunctam conditionem (faciendo vobis quod de jure facere debet) quæ licet plane astringat vassallum ut domino satisfaciat, antequam beneficium ab eo recipere debeat, tamen Senatus censuit, cum in dominorum sit potestate, feudum pro censu cum velint distringere, ne hoc quidem in mora esse debere, cur investituram differant; Hæc autem omnia infoscamenta, quæ ex retortu pendunt, non nisi per ordinarios judices exequenda sunt, nec fasina nisi per Vicecomitem, ejus deputatum, clericum curiæ quem vocant, & Maros danda est, si modo feudum de rege teneatur; alia feuda quæ ex resignatione procedunt, aut quæ bassa dicimus, pro arbitrio concedentis a quolibet notario accedente concedi possunt.

Quæri denique potest, an in his feudis Carboniano edicto sive Carbonianæ bonorum possessioni sit locus? Carboniana possessio est, si vel postumus in ventre, vel pupillus quæstionem status patiat (1) si controversia ei moveatur filius sit, necne: Ut dilato in tempus pubertatis judicio, interim is cui quæstio movetur, in possessionem mittatur & postea cum pubes factus sit de causa cognoscatur; Hoc introduxit Carbo Prætor Romanus ex summa æquitate motus, quod infra pubertatem, multa in fraudem ejus poterant fieri, multa negligi; Sane ex jure feudali huic Carbonianæ successioni locus est, non tamen apud nos; quam statim enim quæstio movetur, ad judices Christianitatis discutienda remittitur, pendente interea quæstione de Successorio edicto.

## De his quæ impediunt successionem.

### Diegesis Decima octava.

Expeditis eis quæ ad successionem pertinebant, Breviumque explicatione, quibus velut mediis ad eam pervenitur, Superest ut de eis dicamus quæ succedendi jus impediunt, quæque adversus breviam dum ad inquisitionem deducuntur, solent & possunt objici; Quædam itaque sunt quæ omnino jus succedendi tollunt, quædam quæ ad tempus impediunt.

*Quæ sunt quæ successionem tollunt*

Quæ omnino tollunt sex sunt, Bastardia, (utor eo nomine, non tam, quod in foro sit frequentius, sed etiam quod spurii nomen, aliter in jure civili, aliter in jure canonico accipitur.) Religio, forisfactura, extra territorium genitura, morbus qui Elephantiasis dicitur, & imperfectio ad servendum. De Bastardis primum incipiendum est.

*Bastardus successionis incapax.*

Ex jure divino (ut ab eo incipiamus, bastardus successionis paternæ non erat capax & ea est causa, cur Jephthes à fratribus etiam consanguineis ab hæreditate fuerit exclusus.

Ex jure



Ex jure civili quatuor sunt genera spuriorum, quos bastardos dicimus, sunt enim vel nefarii vel incestuosi vel adulterini vel simpliciter spurii; Nefarii sunt, qui ex nefario congressu nascuntur, veluti inter ascendentes, & descendentes perpetuo, quales magos nasci oportere ait Catullus; nam Magus ex patre & nata nascatur oportet, sic docuit Persarum impia religio. Incestuosi, qui ex cognatis propioribus, & inter quos matrimonium ex jure divino prohibetur, & horum duorum par in jure ratio est, nam parentibus ex linea non succedunt, nec parentes eis; imo ne in jure civili digni sunt qui alantur, nec hi liberi alimenta parentibus debent, sed jus pontificium rem exactius expendens, quod major fuerat parentum culpa, quam liberorum, mitigavit rigorem juris summi: Iniquum enim censebat, infantem a deo creatum fame interire; Eadem ratio est in adulterinis spuriiis (1) ex aliena conjuge susceptis, nam & hi pari pœna cum prioribus puniuntur, at cum his alimenta æquitas ex alieno permittat, si quid dum viuunt acquirant, puto non esse eis subtrahendum, & si legitimam prolem ex matrimonio susceperunt, non excludendam a patris successione, & eo jure utimur.

Quot genero  
bastardorum  
ex jure civi-  
li.

Superest quartus gradus, bastardorum simpliciter, quorum levior est pœna; nam hi & ex jure civili ad successionem quodammodo admittebantur, & aliquando purgato natalium vitio inter legitimatos numerabantur, eodemque modo succedebant; Itaque ut aliquibus cancellis materiam bastardorum includamus, primum certum est, ex jure civili spurios patri non succedere, neque enim, ut ait Textus, patrem demonstrare possunt, quasi *πατέρας* & sine patre dicti: Hinc illud scitum Diogenis, cum spurius in populum lapidem jacere vellet, cave (intulit Diogenes) ne forte patrem ferias; at Imperiales constitutiones rigorem juris temperarunt, & mitius cum hoc spuriorum genere agendum decreverunt, adeo ut si pater sine legitimis liberis moriatur, permitteretur successio spuriorum in duabus uncias (1) in sexta parte totius hereditatis; Ita tamen ut non solus eatenus succederet, sed una cum matre, si ea viveret. In reliquis bonis succedunt reliqui cognati, quod si legitimi supersint succedunt in assem, exclusis omnibus spuriiis, qui tamen alendi sunt ex bonis paternis; & hoc ex arbitrio boni viri, quod tamen apud nos locum non habet, nemo enim cogitur fratrem suum spurium alere; nam quod ex sola sit pietate, id ad necessitatem non est trahendum: Sed an matri succedere possunt spurii, quæstio videri potest? cum non eadem ratio in matre militet quæ in patre, mater enim semper certa est; & sane ex jure civili spurius tam matri, quam avæ, quia & ea certa est, succedit; mirum est quod Justinianus alibi tradit, in illustri foemina, spurios cum legitimis non succedere, secus in inferioris dignitatis foemina: nam spurios ex congressu licito & non damnato jure civili susceptos, pariter cum legitimis matri succedere vult, nec ullam aliam rationem differentie reddit, nisi quod major pudicitie respectus (quem spuriorum nomen obfuscat) in matronis illustribus sit, quam in aliis concubinis, aperte enim alibi, & sine discrimine, spurios in institutionibus à legitimis excludi vult: Hæc sunt, quæ de spuriorum successione in paterna bona in jure civili continentur, nec memini plura in eo haberi.

Sed an parentes spurii succedant ex jure civili ambigi potest, & cum eadem sit ratio successionis liberorum ad patres, quæ parentum ad liberos, Respondendum & jure civili, patres filiis spuriiis eodem modo & in eisdem partibus succedere, quibus spurii patribus, nempe in duas uncias sive sextam partem hereditatis; Quod ad matrem attinet, eodem modo spurii succedunt, quo spurii illi, nempe in solidum, nisi sint legitimi: Hæc omnia, nisi spurii liberos ex se reliquerint, nam illi parentes excludunt. Ex damnato congressu suscepti, ut nec ipsi succedunt parentibus, sic nec parentes eis: Jure pontificio, quanquam de successionibus aut hereditatibus non agant, tamen diversimodi dividunt bastardos, ut alii sint ex concubina suscepti, quæ & ipsa postea uxor esse & filii legitimari possunt, alii spurii vocantur simpliciter (1) qui ex adulterino congressu, & damnato nascuntur, qui, ex nullo matrimonio sequente legitimari possunt. Hoc jus pontificium per omnia legitimatos cum legitimis æquavit, adeo ut legitimatus non solum patruo suo in successione patris, sed etiam reliquis suis fratribus, post perfectum cum concubina matrimonium, in successione præferatur.

Parentes  
spurii ex  
jure civili  
succedere.

Ex jure, feudali bastardi etiam legitimari non succedunt.

Ex jure vero feudorum, bastardus etiam legitimatus ab omni successione excluditur, quod sane ob puritatem militarium beneficiorum factum est, ne ingenuitas & naturalis illa nobilitas, & indoles tali successione inquinetur: Hoc tamen doctores nostri non intelligunt de legitimatis per subsequens matrimonium, Sed tantum de iis qui legitimantur ex rescripto principis: Hæc Hostiensis, Panormitani, & omnium doctorum est sententia.

*Apud Anglos legitimi ex sequenti matrimonio non succedunt.*

Supereſt ut ad jus Britannia redeamus & ſane apud Anglos baſtardi ad ſucceſſionem nunquam admittuntur, quod magis mirum eſt, neque ſi ex ſequenti matrimonio fuerint legitimi: In quo plane à jure non ſolum Pontificio, ſed etiam civili diſſentiunt, in quibus non ſolum ſucceſſio legitimatis ex poſteriore matrimonio permittitur: Sed etiam ætatis prærogativa ſervatur, adeo ut natu major, licet in concubinato natus, præferatur inferiori ex eiſdem parentibus jam legitimo matrimonio junctis; Rationem reddit Imperator Juſtinianus aptam quidem ſane, nam cum ex affectione liberorum priorum matrimonium illud ſequutum appareat, iſ qui primus natus eſt, huic affectioni cauſam & originem dedit; Itaque non ſolum ipſe legitimatus ex eo dicitur, ſed cauſam legitimatiſationis aliis præbuiſſe, & proinde aliis licet matrimonio jam facto ſuſceptis præferendum; At in Anglia in publicis regni Comitibus quæ Weſtmonaſterii anno.

facta ſunt, cum & eccleſiaſticus ordo, qui jus Pontificium omnino & apud omnes recipiendum voluit, & ipſi plebei fere omnes inſtituiſſent, ut legitimatorum ratio haberetur, plane ſe nobiles oppoſuerunt, intactamque ſuam ingenuitatem ſervare velle profitebantur, ut nulli niſi ex legitimo matrimonio nato locus in ſucceſſione daretur: Ideo eum, qui ex tali matrimonio primus ſuſceptus eſt, præferunt in ſucceſſione patris, quod apud nos etiam obſervatum fuiſſe teſtatur, Cap. 124. De judicibus, ubi expreſſe habetur, natum ante ſuſceptum matrimonium ad ſucceſſionem non admitti, ſed eiſ præferatur vel primus ex matrimonio, vel qui proxime ſuccellurus eſt: Sic in denizatione filiorum, ſi extraneus denizatus fuerit multos habens liberos, alios ante denizationem, alios poſt, in ſucceſſione rerum in Anglia, iſ qui poſt denizationem natus eſt præferatur, ut antea monui: Simile eſt huic, quod apud Perſas in uſu fuiſſe dicitur; nam ſi rex in regnum vocatus, ante regiam dignitatem filium ſuſcepiſſet, & poſt diadema receptum alium, hic poſterior licet natu minor in ſucceſſione regni præfereretur, quaſi primus regis filius, nulla illius habita ratione, qui ex eodem matrimonio ante fuerat prognatus, ut in ea contenti one quæ fuit inter Artaxerxem, & Zerxem obſervatum fuit.

*De uſu noſtro.*

Apud nos Baſtardiz exceptio brevis proſequutionem impedit; nam cum brevia apud judicem laicum agitentur, quaſtio autem legitimatiſationis ſit juris eccleſiaſtici, in brevis actione, ſi quis ad obijciendum appareat (nam nulli ex numero cognatorum, ſive ut nos loquimur, nulli ex ſanguine, aditus ad obijciendum contra breve præcludi debet) iſque baſtardiam obijecerit, apud judicem laicum neceſſario ſit juris ſtatio; ſi modo idoneè caverit excipiens de ſumptibus & intereſſe partis, quæ dilationem patitur, reſque ad eccleſiaſticum judicem ſive judicem Chriſtianitatis (ut noſtræ leges loquuntur) integra remittitur, ubi utraque parte audita poſt cognitionem cauſa decernitur, ſitne, qui breve impetraverat, legitimus, an non: poſtquam ea res judicio eccleſiaſtico terminata fuerit, ad judicem laicum recurritur, ſi in favorem petentis fuerit judicatum, qui extemplo fideiſſorem ejus qui primum judicium moratus eſt, pro damno omni quod ex dilatione petens ſuſtinuit & fructibus, ſi eiſ ex mora hac earuerit, & omni intereſſe conveniet, ut aſtimatione ſive liquidatione facta, id omne petenti reſtituere cogatur: Nonnunquam breve novum impetratur, puo tamen, & ita jus Canonicum inſtituit & ex priore procedi poſſe, in quo deducendo, exceptio baſtardiz etiam ſi ab alio proponatur, non admittitur, cum ſtet judicis eccleſiaſtici ſententia, pro eo, qui breve perſequitur, & inquiſitio facilius procedit in reliquis reſpondendis, quæ ad ſingulas brevis partes requiruntur.

*Quod remanet aſſignandi baſtardiz terminanda datur.*

Finienda autem eſt hæc quaſtio baſtardiz intra annum & diem, alioqui jure Gallorum judex laicus procedit, ſed ibi non definit tempus intra quod ſententia ferri debeat, Sed jure Pontificio videtur tempus duorum menſium præſcribi, quod ita intellige, niſi fraus committatur: Apud nos ſexto menſe finienda eſt, niſi juſta cauſa obſtet; Conſtat itaque ex hiſ, Baſtardum neque apud nos, neque jure feudali ſuccedere: expedit enim matrimonia ſervare illibata, & iſ ſavere qui ex eo ſunt ſuſcepti, cum in bene conſtituta republica, nihil ſit quod cives faciat, aut meliores, aut fortiores, ut Ariſtoteles aſſerit: Jure canonicum filii Presbyterorum, ne matri quidem ſuccedunt, quo jure & nos utimur; & extendimus ad omnes baſtardos. Obſtat enim clauſula illa brevis, quis eſt ei legitimus & propinquior hæres, nullus enim inquiſitor juratus deponet baſtardum legitimum eſſe hæredem (1) à lege datum, qui ex lege ſuccedere debeat; nulla enim lex eſt, quæ ad ſucceſſionem baſtardum admittat; cum cognati ex ultimo gradu modo legitimi, eiſ præferantur; quod in reliquis baſtardis obſervandum eſt, nam quod de duabus unciiſ antea dixi, ex Juſtiniani con-

ſtitutione

stitutione illud in solatium ei potius attribuitur, quam ut inde hæreditatis nomen indulgeatur vel ex minima parte.

Illud tamen observandum est, quod licet bastardus de jure non succedat, neque in directa linea, nec collateralis, nec tallia generali, posse tamen in speciali tallia succedere, veluti si expresse quis, deficientibus liberis ex corpore suo legitimis, suum spurium sive alienum substituerit: Sic JACOBUS 5. cum quatuor spurios sive nothos habuisset, & maximo natu nempe Melrosensi Canobiarchæ aliqua prædia feudaliter concessisset, in eisdem ejus fratres tantum naturales substituit, qui & eadem ratione deferviti fuerunt; nempe Moravius in Baroniam de Tininghane, & Moravio rursus, in feudis monasterii de Kelso successit Bothue-  
*Bastardus in talliis terris expresse succedit ex provisione investitura.*

lius, ejus ex fratre naturali nepos tantum; & ita in Senatu decisum vidi in actione inter Hay de Cokstoun ab una, & Arrolium ab altera parte, ut antea monui; nam cum Cokstonius licet bastardus ratione talliæ successisset & retornatus fuisset, eam inquisitionis sententiam retractare aggressus Arrolius, qui illius feudi præsentationem à rege acceperat, non prævaluit. Potest ergo bastardus ex tallia speciali (1) in qua nomen ejus est expressum, succedere, & hoc ex tenore provisionis, quem tenorem semper inspiciendum, semper observandum, toties supra præmonuimus.

Sed quæret aliquis, quorsum ergo legitimisationes hæ, quæ à Principibus magna pecunia comparantur, in quibus princeps habiles & aptos bastardos ad omne successionis genus facit, & ut tam parentibus quam cognatis succedere possint eis permittit, verba ne illa sine effectu erunt, & dicis causa adjuncta? Pro solutione hujus nodi, sciendum est principem hæredem aut successorem facere non posse, cum nomen sit juris & à lege tantum tribuatur; neque enim facere princeps potest, ut is parentes, cognatos aut agnatos habeat, qui per legem habere non potest; nam patrem demonstrare posse spurii non præsumuntur; Itaque neque cognatos aut agnatos ex parte patris: iniquum enim esset aliquem hæredem invito a principe dari, qui alioquin non erat successurus. Sunt qui putant cum consensu domini quempiam posse legitimari ad successionem feudi, quod verum est & apud nos in feudo novo, nam ei expresse concedere potest, quod nos talliare dicimus. In feudo antiquo eodem modo ex mutua domini & vassalli conventionione & consensu, licet plerique in hoc feudo dissentiant; At apud nos & in Gallia, Rex, (nam ejus solius est legitimare) non potest efficere ut bastardus succedat sine ejus expresso consensu, cui succeditur, veluti patris, si patri succedere debet, nec tamen collateralibus succedit, nisi hoc expressum in charta legitimisationis fuerit, & omnes consenserint, quibus succedi debeat, neque enim æquum est, non consentienti hæredem alium dare, quam eum quem lex ei definivit; Itaque ut collateralibus succedat, collateralium consensus requiritur, neque tamen hoc sufficit, si jus alii fuerit jam acquisitum (1) si alii fuerint legitimi liberi ex matrimonio geniti, tum enim legitimatio sine effectu apud Gallos est: non enim verisimile est genitorem voluisse eis præjudicare: imo si postea contigerit patrem ex legitimo matrimonio filios suscipere, vel postea matrimonium contrahere, ex quo sit spes certa liberorum, & filii postea nascantur, ne in hoc quidem casu, pater filiis legitimis præjudicat, qui jus jam acquisiverint, & legitimatio ex actu hoc subsequenti liberorum nascentium rescinditur, quasi ad eum statum deveniens a quo incipere non potuit: Sed in paterna successione hi legitimi bastardi, excludunt collaterales, si collateralis successio sit, & eorum consensus acceperit, & proinde omnes ulterioris gradus, quod tamen apud nos non habet locum: An papa possit legitimare, cujus suprema potestas est, plerique dubitant? Et sunt qui putant posse eum legitimare: sed aliud tenent doctores, nempe cum successio sit juris naturalis, pontificem in eo non posse dispensare, cum ad ejus officium non pertineat: Nota est historia Martini regis Arragoniæ, qui cum nullos justos haberet liberos, præter unum bastardum eodem nomine, cupidusque esset, ut ei in regnum succederet; a pontifice impetravit, ut ad omnia legitimaretur, etiam ad successionem regni, tamen, non obstante hac legitimazione, successit Ferdinandus secundus, qui longe ulteriori gradu distabat: Aliud tamen observavit prius pontifex in Henrico Castellæ rege spurio, quem legitimavit, ut Petrum natum ex legitimo thoro excluderet, etiam postquam Petrus in regnum receptus & multis annis pro rege agnitus fuisset; Sed an hæc legitimatio locum habeat in hæreditate materna aut aviæ ut bastardus eis succedat, cum utraque ea, ut dixi, sit certa? & ne hoc quidem puto: nam ne his a principe dari hæredes possunt, cum princeps tantum jura civilia tribuere potest, non naturalia; heri enim non potest a natura ut is agnatos sive cognatos a parte patris habeat,



quod est juris naturalis, qui patrem demonstrare non potest: Itaque clausulam illam, quæ in omnibus legitimisationibus tam ample extenditur, omnino expungendam puto, ne in errorem homines simplices abducatur, nunquam enim Inquisitores jurati spurium in heredem vel patri vel matri deservient, cum non sit legitimus; retinendam tamen clausulam illam, qua bastardis tam in vita, quam in lecto ægritudinis de suis bonis disponere rex permittit, Itaque pro regula generali hoc apud nos tenendum, bastardum nulla legitimisationis vi aut virtute in feudo succedere, nisi in tenore investituræ specialiter & nominatim cum consensu domini sit provisum, ut ille succedat; Notandum eos qui ex damnato coitu nascuntur, legitimari non posse.

*Bastardus  
feudum ac-  
quirere po-  
test.*

Licet autem succedere in feudum bastardus non possit, feudum tamen ex titulo venditionis, permutationis, etiam donationis, aut officiorum, aut meritorum causa acquirere potest, imo etiam, apud nos, à patre ei concessum feudum valet; jure tamen Normannorum & totius Galliarum, pater filio spurio, Partem hæreditatis sive feudi si concesserit, aut titulo quocunque alienaverit, aut pignori, aut hypothecæ subjecerit, sive per se, sive per interpositionem mediatarum alicujus personarum; revocanda illius donationis aut alienationis jus est defuncti legitimis hæredibus, infra annum à die mortis patris, qui dispositionem fecerat: licet alioqui, ab alio quam à patre, possit recipere quamcunque donationem, multo magis alienationem ita tamen, ne circumventioni sit locus; nam si cui non licet directe donare spurio suo, si circumveniendo mentem legis alteri det, ejusque fidei committat, ut rursus spurio suo concedat, id nullum est ex jure. Ex bonis tamen mobilibus, vel testamento vel inter vivos, aliquid ei donare potest, nisi sit ex damnato coitu procreatus; nam eis ne alimentorum causa, quicquid (ut dixi) relinquere potest, Si tamen feudum aliquod spurius acquisiverit, illo, ipse dum in vita est, potest pro arbitrio uti vel abuti, donare, vendere, hypothecæ subjungere, perinde ac si ex legitimo matrimonio foret, nisi suis spurii sive illegitimis, quibus non facile, ultra tertiam partem concedere permittitur. In lecto ægritudinis, ex qua spurius moritur, disponere de re hæreditaria non permittitur.

*Bastardo li-  
beri ex justis  
nuptiis pro-  
creati succe-  
dunt.*

Licet ex jure feudali & nostro bastardus nemini succedat, tamen ei succedunt omnes, quos ex justis nuptiis susceperit, & eorum etiam liberi legitimi: nam hi, sine legitimisatione principis, etiam succedunt ex naturali ratione, cum bastardis liceat dominia rerum acquirere, neque eis, ea dum vivunt, auferri possunt, & justi domini & sint & habeantur, proinde filii eorum legitimi jure eis succedunt; verum enim est, illos decessisse vestitos, ut de feudo, ut in retortibus habetur, & hos legitimos eorum esse hæredes; Quod si filii legitimi rursus sine liberis ex se procreatis moriantur, cum ex parte patris cognatos habere non possint, nec matris linea in successione attendatur: Itaque rex in hoc casu filiis spurii legitimis succedit. Ut hi legitimi liberi Bastardo patri successerunt, sic & inter se & sibi invicem succedere possunt, nam certam habent cognationem inter se, certumque patrem, quem nuptiæ demonstrant, & in omnibus pro jure sanguinis junctis habentur. Illud tamen interest, quod bastardo moriente sine liberis, sive is sit ecclesiasticus, sive laicus, omnia ejus mobilia fisco, jure coronæ, fiunt caduca, si testamentum non fecerit; nam bastardis inter regalia numerantur: at feuda ad dominum suum de quo tenebantur redeunt, ratio est, quod ea dominorum ab initio voluntas fuisse præsumitur, ut soli vassallo providerent, & ejus filiis legitimis, qui si defecerint, ad dominum debeat feudum reverti; Quod si bastardus testamentum fecerit, eodem jure utetur atque legitimi, testamentique eandem habet factionem. Si non fecerit, & uxorem habuerit, ea dimidium ab intestato habebit, reliquum dimidium fiscus. Sed sunt qui putant Bastardum non habere testamenti factionem, nec posse de rebus suis mobilibus disponere, nisi à principe legitimatus fuerit; quibus tamen plerique non assentiunt, cum bastardo factionem testamenti omnimodo competere putent; alii vero affirmant, Si quis legitimatus à principe fuerit, neque testamentum fecerit, nihil ad principem redire, cum contra suum factum venire non possit; quorum tamen neutrum probo; multo minus quod in nostris rapodiis habetur, nempe, bastardo intestato moriente, catalla (quo nomine more Normannorum omnia bona mobilia significantur) ad dominum suum pertinere, & si diversos habeat dominos, quemlibet eorum, ea bastardi catalla recuperaturum, quæ in eorum domino reperientur; nam, apud nos, si bastardus intestatus obierit, nec liberos ex legitimo matrimonio susceptos habuerit, in mobilia solus rex bastardo succedit, salvo eo jure, quod ad uxorem pertinet, nempe dimidia parte. In rerum mobilium hæreditatem cum fiscus succedit, optimum ex quaque specie consequetur, tanquam ultimus hæres; sed tum cavebit rex de debitis hæreditariis solvendis, si aliunde de mobilibus non supersit. Funeris impensæ semper præstandæ.

Hoc

Hoc etiam in his bastardis notandum est, quod licet in feudum paternum non succedant, cum patrem demonstrare non possunt, & certa sit mater; tamen neque in materno feudo succedere, nisi dominus sciens & prudens vassallus & ejus filiis jam natis feudum concessisset, cum sciret illam nullos alios filios habere, nisi bastardos, & hoc ob præsumptam domini voluntatem; nec hoc tamen nostris moribus recipitur: Bastardorum & hoc proprium est, quod sine legitimatione sive dispensatione, dignitates sive officia nulla aut functionem judicalem exercere possunt.

Postulat locus, ut dicamus qui sint bastardi, qui legitimi: & quamquam hæc quæstio hujus instituti non sit propria, sed judicis ecclesiastici, ut tamen junioribus aliquatenus consulam, quam brevissime rem totam perstringam; Bastardus & legitimus cum inter se opponantur, ex definitione unus, alterius noticia elucescet; filium enim definit jurisconsultus, quem nuptiæ demonstrant; aut clarius qui ex legitimo matrimonio inter virum & uxorem natus est: Bastardus vero, qui extra matrimonium. Sed advertendum, est totam hanc quæstionem hodie ex jure pontificio pendere, cum sit quæstio, quæ proprie ad conscientiam pertineat. Ex quo jure, multi etiam in matrimonio nati non sunt legitimi: multi, nondum solemnizato matrimonio, legitimi.

Ut id planius fiat, Sciendum matrimonium aliquando de jure, aliquando de facto contrahi: prius vocatur justum matrimonium & legitimum, (1) cui neque lex, neque jus obstat, quo minus copulari contrahentes possunt: quod autem matrimonium dicitur de facto contrahi, illud est quod habet impedimentum a jure vel à lege, quo minus illud a principio consistere possit, veluti si alteruter antea conjugatus fuerit; nam stante priore matrimonio, & vivo conjugē, neque vir, neque uxor contrahere novum matrimonium potest; dissolvendaque est semper illa conjunctio, cum vir, vivente prima conjugē, alterius conjugis vir esse non possit, nec uxor alterius mariti uxor, vivente primo marito: Idem si aliqua alia sit causa, quæ si in initio innotuisset, matrimonium præpedisset, veluti, si in gradibus in capite 18. Levitici prohibitis, alteruter reperiat; nam alterutro in eis gradibus existente, licet alter fuerit remotior, matrimonium ab initio prohibetur, & solemnizatum dirimitur, neque enim pronepos proavi sui sororem ducere in uxorem potest, & sic in similibus; quia, ut in jure divino, & omni alio, quo etiam gentes reguntur, matrimonium & omnis conjunctio, inter ascendentes & descendentes perpetuo prohibetur, sic & inter eos qui loco ascendentum sive parentum aut filiorum sunt, veluti patris mei soror loco patris, & matris meæ soror, quæ & amita, loco matris: & sic qui in primo gradu lineæ collateralis sunt, licet non parentes, neque filii, tamen pro parentibus & filiis habentur; ergo cum hæc impedimenta sint matrimonii ab initio contrahendi, contractum etiam dirimunt. Neque idem est, ac si quis ob adulterium separatus fuerit, quia in eo casu matrimonium ab initio constitit ut legitimum, licet ex facto unius partis postea dissolutum: quamquam, apud Anglos, matrimonium ob adulterium non dirimitur, sed tantum separatio à thoro & tabula permittitur, Sed ubi ab initio matrimonium non stabat, nec stare poterat propter impedimenta quæ proposui, aut ea impedimenta nota erant utrique patri aut alterutri: si utrique, filii sunt illegitimi; quod si alteri tantum, alterius bona fides, licet non sufficiat ad confirmandum & stabilendum matrimonium, sufficit tamen ad legitimationem proles; nam jura pontificia favent magis legitimationi liberorum ex hoc matrimonio, quam ipsis conjugibus, adeo ut multa habeantur in jure pontificio quæ matrimonium dirimant, non tamen ut liberi sint illegitimi faciunt; Quod si constante adhuc tali matrimonio, quod de facto celebratum est, noticia impedimenti ad utrumque conjugem pervenerit, statim se a mutua cohabitatione separare debent, & si qui postea inter eos producantur liberi, illegitimi sive bastardi nascuntur, manentibus in suo legitimorum statu, eis qui ante noticiam concepti sunt.

Alii autem sunt apud nos legitimi, licet matrimonium de facto nunquam celebratum fuerit; quid enim, si jam sponsalibus factis, bannisque in ecclesia proclamatis (ut moris est) & ante tamen matrimonium celebrandum diem constitutum alteruter moriatur; imo quid si vir fraude illius, qui alioqui successurus & sibi per matrimonium illud successionis præjudicium fieri vidit, interierit, in hoc casu puto liberos vel conceptos vel jam natos legitimos, saltem pro legitimis, habendos; nam ex jure canonico, filius ex sponsa de futuro, si de sponsalibus constet, legitimus censetur. Sane Senatus relictæ non solum tertiam, sed etiam donationem propter nuptias (1) instrumenta dotalia conjunctæ infeudationis indulsit; licet matrimonium de facto nunquam celebratum in ecclesia fuerat, tamen banna proclamata. Et Commissarii, viri acuti, successionem bonorum mobilium concele-

*Qui sunt  
legitimi  
qui bastardi.*

*Matrimonium aliquando de jure aliquando de facto tantum contrahitur.*

runt liberis Edvardi Younger, licet matrimonium nunquam fuit contractum neque banna proclamata; ea ratione, quod cum Edvardus sub fide futuri matrimonii eos liberos suscepisset, materque apud Commissarios causam obtinisset, ut Edvardus matrimonium promissum implere cogeretur, eo recusante perinde habuerunt, ac si eam in uxorem duxisset, liberisque bonorum mobilium executio sive hereditas adjudicata est; Constat ergo ubi nunquam matrimonium de facto intervenit, posse aliquando legitimos saltem legitimatos esse; Sic jus pontificium ex diuturna cohabitatione præsumit legitimum filium esse, favore liberorum, at matrimonium fuisse non præsumit; & apud nos legitimisationis tantus est favor, ut si quis dum vixit pro legitimo semper habitus & tentus est, (ut loqui solemus) a domino præceptum clare constat tanquam hæres impetraverit & salutus fuerit; aut in iudicio ut legitimus pronunciatus fuerit, post mortem de ejus statu inquirere, aut eum ut non legitimum accusare non permittatur: nam ex jure pontificio, ex diuturnitate temporis, & longa cohabitatione præsumitur matrimonium; cum post longum tempus matrimonium probare sit difficile: Quod autem sit diuturnum tempus valde controversitur, quidam putant quinquennium sufficere, & hoc ex jure civili, ne de statu defunctorum post quinquennium quaratur; alii majus tempus volunt. Ex jure nostro, qui dum vixit tentus & reputatus pro legitimo est, aut per sententiam, aut retortum agnitus est, si moriatur, hæres ejus non cogetur de bastardia ejus questionem suscipere, neque legitimisationem probare: Differentia tamen aliqua est, inter facta antiqua & nova; nam si is, de cujus statu agitur, senex sit, brevius tempus cohabitationis parentum ejus sufficit, duorum aut trium annorum, si recentius sit factum, puto longiorem cohabitationem probandam: Hac de filiis sive legitimis, sive pro legitimis habitis, etiam si matrimonium non intervenerit de facto, aut si de matrimonio non constet. Et si matrimonium vere fuerit perfectum de facto, sed aliquod erat impedimentum, quod si notum fuisset ante solennizationem in facie ecclesiæ, (verba hæc sunt forensia) contrahi matrimonium prohibuisset; Si impedimentum utrique parentum notum fuerat, veluti si uterque sciverat (ut dixi) matrimonium cum alio adhuc manere, illegitimi nascuntur ex eo congressu: sed si unus tantum conjugum sciverat, alter non, alterius bona fides ad legitimisationem sufficit; si de impedimento iudicium sit susceptum, & lisque contestata, nondum mala fides utriusque inducitur, cum constante matrimonio, & non per sententiam dissoluto, neuter conjugum debitum conjugale alteri denegare debeat, sed per solam dissolutionis sententiam, mala utriusque fides arguitur: ita tamen ut filii ante sententiam concepti aut suscepti legitimi nascantur, non post; nam tempus conceptionis (1) quo in utero sunt, inspicitur, quoties de filii legitimisatione aut commodo agitur, secus si de odio; Itaque bona fides (quæ semper ex iusto errore præsumitur) sufficit, ut quis legitimus sit, non tantum si tempore contractus intercessit, sed etiam ut sit tempore conceptionis, id enim tempus maxime spectatur.

*An in questione filiationis dicto parentis creditur.*

Sed quæri potest in questione filiationis (ut doctores loquuntur) si liberi legitimi sint nec ne, utrum dicto parentis alterutrius, an fortasse utriusque stetur? nam non ferendum, ait Julianus, qui, cum assidue cum uxore moratus sit, partum nolit agnoscere, & Ulpianus matris iuramentum neque partui obesse, neque prodesse ait. Sed jus pontificium, aliud videtur statuere, quod dicto parentum credatur, nisi manifeste aliud probetur; quod dictum intelligo, si ab utroque parente dicatur; Doctores referunt, de quadam regina (à nomine abstinent) quæ in articulo mortis constituta, filium ad se vocans, plane asseruit eum non ex rege marito susceptum; qui tamen ut hæres postea regni receptus est. Novi sane mulierem nobilem, cum actiones contra filium graves haberet in Senatu, ut eum quoquo modo ulcisceretur, cum suo dedecore affirmasse, eum non fuisse mariti filium, sed adulteri, & de pluribus odio adversus filium primogenitum incensis, fortasse eadem aut plura memorantur. Quod dixi dicto parentum stari, nisi contrarium probetur, intelligendum est, nisi sit in possessione filiationis (1) nisi longo tempore à parentibus eo nomine & tanquam filius altus & educatus sit, filiique nomine appellatus; nam filiatio ex parte patris non potest probari, sed semper præsumitur ex cohabitatione, si eo tempore cohabitaverint, quo filius conceptus est; imo, quod majus est, præsumitur filius, etiam si eodem tempore matrem cum adultero rem habuisse constiterit: nam cum hic qui natus est, utriusque filius esse non possit, In favorem tamen filiationis, præsumitur mariti: at si tempore conceptionis non cohabitaverint, probarique possit maritum abstinuisse, durum est ut filius dicatur. Et in his omnibus, quando quis altus & educatus ut filius, & ut nos in foro loqui solemus, quando tentus & reputatus sit; fama sanè vicinæ multum in eam rem prodest; & si queratur, num cohabitaverint aut non.

Sane



Sane apud vicinos nostros, spurii aliquando loco legitimorum habentur; nam licet uxor ex adulterio conceperit, si vir prægnantem in domum suam deduxerit & prolem nutriverit, legitimum sibi filium & hæredem facit; immo ubi eum expresse à domo non amoverit; nam ubicunque præsumi potest, quod ex viro genitus sit vel gigni potuit, etiamsi partus sit suppositivus, hæres fieri: Quod sane mirum est, cum tam duri sint in eis, qui ante matrimonium nati sunt, & matrimonio subsequente legitimati, nam hos ab hæreditate rejiciunt.

Clandestina autem matrimonia, & quæ in ecclesiis aut facie ecclesiæ celebrantur, non faciunt partum præsumi legitimum, multo minus, ut sint qui contraxerant conjuges; cum magis faveant jura innocenti partui, quam nocentibus (1) contumacibus & refractariis conjugibus. Illud in hoc subjecto generale, ubi quis tanquam illegittimus, à successione patris aut cognati excluditur, & omnes ex eo descendentes ab eadem excludi, etiamsi sint legitimi; Quod si dubitationem de natalibus orituram quis suspicetur, agere potest coram judice ecclesiastico, ut de legitimatone sua cognoscatur, si probationes interituras suspicetur. Hæc sunt quæ de bastardis tam jure civili, quam Canonico, quo hodie utimur, præscribuntur; Observandum hodie & hoc est, quod bastardi si a parentibus suis agnoscantur pro liberis, Nobilitatem ex parte patris recipiunt, & insignibus paternis, cum transverso baculo a capite ad finem utuntur; si non agnoscantur a parentibus vulgo concepti dicuntur, & neque nomen (nisi abusive) neque dignitas aut insignia parentum eis tribuuntur.

Secundum quod contra breve, ut successionis jus impediatur, objici solebat, Clericatus est, nam clerici deo militantes, eorumque arma Lachryma & preces esse debent, itaque nil mirum si in feudo, quod militare in bello servitium requirit, non admittantur; & (ut Apostolus) nemo secularibus negotiis impeditus, ut Deo serviat est aptus; Putarunt tamen alii clericum secularem posse ad successionem admitti, & per substitutum servire, dummodo non receperit eos ordines, qui eum a conjugio prohibent, sed tantum minores: Alii usufructum successionis ei permitti volunt; Sed generalis est regula clericum non admitti ad successionem, imo neque si clerici esse desierint (1) si ob crimen aliquod è clericatu disjecti sint & degradati (ut loquimur) & sic a beneficio cadant, neque in clericatu majorem moram trahant; Cum moribus nostris hodie clericatus successioni non obstat, nisi in monachismo aut monachis, qui saculo renunciarunt: sunt qui non recipiunt etiam in monachis, si in primo anno (quem probationis vocant) voti præstituerint, & ad seculum redierint: Nos nullis aliis hodie clericis utimur, quam ministris verbi Dei, quos ego, si hæreditas obtigerit, revocandos à publico verbi ministerio ad administrationem suarum terrarum non putarem; nam qui hodie dominum De Fowlis occupat, antea ministerium verbi sequebatur, ut illud dominum hæreditarie ei obvenit, a ministerio cessavit. Milites Hierosolymitani, Rhodii, & cruciferi, qui revera nullos ordines receperunt, nec inter clericos possunt numerari, à successione non repelluntur, nisi eorum ordo specialiter aliquid de eo providerit, cujus ordinis tenor semper est servandus.

Tertium est forisfactura sive proscripcio, in qua damnatus, non solum fama opibus & dignitate privatur, sed & ipse & ex eo descendentes à successione, si aliqua forte competet, excluduntur, nam ut diximus illegittimus non tantum se excludit, sed & omnes ex eo descendentes: Sic forisfactus, non solum ipse excluditur, sed vitium in sanguine contractum cum ejus omni posteritate continuatur, adeo ut nepos, si filius prius forisfactus fuerit, avo succedere non possit, in eis quæ avi fuerunt solius tempore mortis; Sed in hoc quæstio est magna, alii enim putant, successionem permitti dummodo non succedat filio in ulla re quæ fuit filii: alii contra, omnem successionem ex corrupto sanguine damnant: Memini in terris de Lessindrum, cum filius, qui nihil dum ex feudo paterno acceperat, in prælio de Curricie interfectus fuisset, & contentio inter Advocatum regium & ejus filias incidisset de hæreditate avi, eam Advocatus sico cum assereret, quod junior Dominus potuisset succedere, licet non successisset, & filia forisfacturam patris sibi non debere obesse dicerent, quo minus in hæreditatem avo succederent, Prævaluit tamen in ea causa advocatus, hæreditasque donatario regio assignata; At si filius primogenitus delictum, unde forisfactura sequatur, commiserit & sine liberis decesserit, non obitare puto reliquis fratribus, quin in eis, quæ ad patrem communem pertinebant, succedere possint; dummodo filius primogenitus in feudo nunquā fuit deservitus; Aliud si hic primogenitus in feudo fuerit deservitus, vel liberos ex se reliquerit, Sed de hac quæstione uberius in Titulo Quibus modis feudum amittatur, dicemus.

De extraneis sive extra ditionem principis ligii natis, dixi in Tit. De iis qui feudum accipere possunt: Sed quoniam & hi à successione in plerisque locis excluduntur, neque his succeditur

Secunda ob-  
jectio Cleri-  
catu.

Tertia ob-  
jectio forisfa-  
ctura.

Quarta ob-  
jectio aliibi  
genis nra.

ceditur, cum particula illa brevis (quod ad fidem & pacem regis decesserat) de extraneo merito dici non possit; Aliqua sunt paulo altius, de alienigenis qui a Gallis Aubeignes (1) alibi geniti live nati dicuntur, repetenda. Ego sane puto id esse verissimum, in privatorum successione non esse extraneis locum in alieno regno succedendi, ratio ex regulis juris feudalis petenda est, ubi unus & idem homo ligius duorum dominorum esse non possit, cum utrique suam Majestatem servare nequeat, neque enim fieri potest bello vel inimicitis intervenientibus, ut utrique auxilium ferat, utrumque armis & consilio juvet, arcana utriusque celer, quod in jure feudali maxime requiritur: nam si quid ab uno in alterum machinari sciverit, si celaverit, apud alterum dominum majestatis crimen incurrit: si alteri aperuerit, in eandem offensam incidet cum eo cujus consilia aperuit, neque in utriusque finibus domicilium quis habere potest, ne in alterius principis offensam incidat, quam vitare non potest; nam quod ad extraneos in regno decedentes attinet, his ex jure Gallico non succeditur, sed bona fiunt caduca; Apud nos idem ex jure crederem, cum in nostris brevibus, hac clausula semper observetur, (si ad pacem & fidem nostram decesserit) neque enim ad fidem decedere videtur, qui nunquam fuit illius principis fidelis aut vassallus, nam ad pacem decedit, qui in regno natus est, sed ad fidem solus fidelis (1) vassallus: Itaque videtur, quod neque extraneo succeditur, neque extraneus ad successionem jure feudali admittitur, quod ex veteri jure Romanorum videtur deductum: nam jure Romano peregrinorum bona fisco acquirebantur, & testamenta condere, apud Romanos, civibus tantum licebat \*, si quid peregrino legatum esset, earum rerum quæ extra patriam erant, caducum fiebat, quod & apud Gallos hodie mordius retinetur, & in Italia, multo acerbius quam in Gallia, cum peregrinis agitur; nam Mediolanenses qui principalem sibi juris feudalis cognitionem arrogant, exteros tamen ad successiones privatorum non admittunt, nec suos in alienas civitates migrare patiuntur, aut jus apud extraneum principem civitatis acquirere, aut cum ullis principibus aut civitatibus societatem contrahere, nisi prius à principe venia impetrata, & honorario ei persoluto. Itaque, ut in initio monui, Vassallus ligius, aut patriam repudiare, aut domicilii commutatione suo principi præjudicare non potest, ut neque patroni libertus, nec cliens sui patroni, aut patronus clientis personam sine ejus consensu ejurare potest: Sunt tamen, qui principem locum in interpretatione juris feudalis sibi tribuunt, qui in successione regulam illam generalem non esse servandam putant; sed per successionem, unum dominorum duorum posse esse ligium vassallum credunt. Utcunque est, licet in privatorum successione hac vera videantur, ob rationem quam dixi, cum fieri non possit, dum unum foveat, quin alterum offendant, ut dominus noster Jesus ait; In ipso tamen principatu & inter principes longe aliud est; nam princeps in hereditatem alterius vassalli succedit, imo ut hæres vassallum ligium, alterius principis superiorem non recognoscentis, repræsentare potest; Sic Anglorum reges in ducatu Normannia, Andium, Pictonum, & Aquitania succedentes, hominum earum terrarum nomine, Gallorum regibus suis dominis præstiterunt; & Mediolanensium principatum primo Gallorum rex Ludovicus duodecimus, hodie Hispanus possidet, licet uterque extraneus; Sic & Neapolitanum & Siculum regnum, quæ tamen legibus feudorum gubernantur, Hispanicorum regum successionem admittunt, neque in his regula illa locum habet, quod unus vassallus ligius duorum dominorum esse non possit. Unde evidenter calumnia apparet nonnullorum, qui successionem regni Anglorum ad Serenissimum Scotorum regem pertinere negabant, ex eo, quod extra ditionem sive territorium regni Anglici sit natus, Quid enim iniquius esset, quam locum nativitatis alicui obesse? aut ubi fando auditum, aut historia proditum, ut princeps ideo à successionem sit arcendus, quod extra fines regni, in quod succedere debet, natus sit, aut talis objectio eum à suo jure exclusit? nusquam enim gentium statutum invenio, eum, qui extra territorium principis nascitur, in principatu non succedere; neque gens ulla tam barbara est, quæ has leges in successionem ipsius principatus admittat. Imo & ipsi Anglorum reges, plerique extra Angliam nati sunt, Conquistor, ejus filius Rufus, Stephanus, Henricus secundus, & Ricardus secundus. Addo illud quod à multis seculis, ipsi Angli reges Gallia dici & haberi voluerint, cum nemo tamen eorum in Gallia post Henricum secundum natus sit; nam quod ad Statuta illa Edwardi terti, anno regni 17. & 25. quibus extraneus a successionem morientis in regno prohibetur, id tantum intelligendum est in privatorum successione, non ipsorum principum; nam diserte in ipso statuto cavetur, si quis alienigena petat per successionem feudum, quod de regibus Angliæ per fidem ligiam tenetur, ut a petitione excludatur; quod ad ipsam coronam nullatenus extendi potest, neque

cniim

\* I. l. C. De  
Hæredib. In-  
stit. l. 1. §.  
2. ff. De  
Leg. 3.

enim rex fidem ligiam ulli debet, aut debere potest; Quin in ipso statuto regum liberi excipiuntur, qui ubicunque nati tamen ad successionem suorum antecessorum etiam in feudis privatis admittuntur: Multa alia dici possunt, contra illud statutum, cur ad nos non extendatur, quæ nos fufius alibi exposuimus; Itaque ut ad propositum redeamus regula illa generalis stat in feudis, ne alibi genitus, sive extra jurisdictionem supremi principis, in feudo succedat, quæ utrum apud nos observetur plane incertus sum, nam quo ad Gallos jure eodem nobiscum utuntur: neque enim Scotus in Gallia, neque Gallus in Scotia à successionem unquam prohibetur; quod & in aliis observari puto: nunquam enim vidi extraneum a successionem sui consanguinei in hac regione exclusum, nisi is Anglus fuerit; nam cum nostri viderent statuto regis Angliæ Scotos à successionem feudi in Anglia prohiberi, ut par pari redderent, & eos a successionem hereditatis in Scotia prohibuerunt publico statuto trium regni statuum; naturalem enim habet æquitatem, ait Vlpianus, ut quod quisque juris in alium statuerit, eodem ipse utatur: Vidi tamen hereditatem mobilium, quæ ad bibliopolam Anglum pertinebant, eo mortuo integram factam & rectam ejus executoribus Anglis conservatam & redditam; Cum in successionibus nihil intersit, utrum citra mare vel ultra mare nati sunt, si parentes ad fidem regis mortui dicantur & mater cum venia mariti transfretaverit: Hæc sunt, quæ de alienigenis sive iis qui in ditione extranei principis nati sunt, dicere constitui, Quid vero in usu & ex jure servandum sit, antea exposui.

Quintum impedimentum est Elephantiasis, nam cum jure & divino & humano à societate hominum prohibeatur, societatis humanæ jura ei non competunt; Sed hæc est differentia, quod post contractum morbum ad successionem non admittantur, hereditatem semel acquisitam retinent, sed quoad usumfructum tantum; nam cum sint (ut loqui soleamus) in lecto ægritudinis & omnes hæc dispositiones & donationes quæ ab illis fiunt, causa mortis videantur fieri, quæ in feudis prohibentur; itaque feudi fructus carpere, sed de eo disponere non possunt.

Quintum  
impedimen-  
tum Ele-  
phantiasis.

Sextum impedimentum est imperfectio, ea duplex est, alia corporis, alia mentis; Et quicunque ob naturalem mentis qualitatem imperfecti nascuntur, in his hæc generalis regula servanda est, quod in hac naturali imperfectio tempus successionis semper inspiciendum: Fatui & infani sive furiosi à successionem jure nostro non prohibentur, sed quod ad usumfructum tantum; nam quoad dispositionem, cum ratione carere videantur, consentire non præsumuntur, Imo ne recte sentire, itaque ab omni dispositione arcantur; Sanè ex jure feudali cum mutus, surdus, cæcus, fœminæ, aliique ad servitia militaria inhabiles, a successionem prohibeantur, multo magis fatui & furiosi, qui omni judicio carere præsumuntur; Sed deflorescente illa gloria militari, & feudali disciplina fenescente, fatui & infani etiam ad successionem admittuntur, ab administratione tamen prohibentur; & si fatuus sit, ejus personæ & bonorum administratio, domino: Si furiosus, proximo agnato permittitur; donec in Comitibus publicis Lythcæ habitis anno 1585 utriusque par ratio facta sit, & personæ fatui & furiosi, & bonorum administratio proximo adjudicata; Quod tamen sine ratione factum puto, cum tutela feudi semper in vassallo inhabili ad dominum redire solet: At si imperfectio hæc ex vitio corporis nascatur, veluti si is qui succedere debet, mutus, cæcus, surdus vel aliunde ad servitia inhabilis sit, an is ad successionem admitti debeat, in jure feudali quæstio est? nam Gerardus (si is auctor libri primi est) plane putat mutum non posse in feudum succedere, neque idem retinere; idem in furdo, cæco, claudo, aut aliter impotenti, aut vitio corporis imperfecto traditur; Sed postea contraria opinio Gerardi & Oberti ponitur, asserentium succedere posse; contrariaque opinio negantis horum successionem, aliis attribuitur; quod evidens est argumentum libri primi auctorem Gerardum non esse, cum manifesta contradictio appareat inter eas duas sententias, quæ unus docti viri esse non possunt: Vtunque est, videntur feudistæ dubitare an talis ad successionem admittatur, Ratio dubitandi in ipso textu est, quia ipsi servire non valent, ut neque clericus neque fœminæ neque similes; nam cum feuda militaris mungeris obendi causa sint instituta, nulla ratio est, ea mutis, cæcis aut surdis attribui, cum ii inter imbecilles numerentur; at si vassallus, qui totam fere ætatem in militia consumpsit, & egregiam & fidelem operam domino navavit, pede claudus, oculorum vel aurium sensibus destitutus fuerit, hunc feudo privari esset iniquissimum; licet ex summo jure ubi conditio locum facit beneficio, deficiente conditione, beneficium quoque deficiat: tamen in hoc ipso vassallo, qui ob labores durioris militiæ vitium illud contraxerit, esset durissimum: Itaque quæstio tantum versatur in successore, si cæcus, surdus vel mutus fuerit, qui successurus est,

Sextum im-  
pedimentum  
imperfectio

An mutus  
surdus cæ-  
cus succe-  
dant.



nam (ut monui) cum inepti ad servitia sint, feudum retinere non debent; Contrarium tamen sentiunt Obertus & Gerardus, nempe ad successionem eos admittendos: At si quis ipsius textus verba penitus inspexerit, communem tum fuisse opinionem negativam apparet, & huic communi opinioni ratio adjungitur, quia ipse servire non valet, & sequitur in textu, sic dicimus in clerico, in femina & similibus, quibus communem opinionem non obscure ostendit: Si quis vero exactius usus feudorum excusserit, tres (nisi fallor) inveniet feudistarum de ea re diversas opiniones, una est, quæ totum feudum paternum, præcipue si sit magnum (quod nobile interpretor) eis admittit: altera, quæ solam partem permettebat, ut esset unde possint alii, reliquam partem novo militi, qui proximus est in successione, assignabat, ut esset qui servitia militaria exequatur, & ex feudo alii etiam possit, cui successio quodammodo debetur: Media autem inter has duas videtur æquissima, nempe ut ejus liberis, qui fortasse de domino optime meritis est, prospiciatur & caveatur, interea, ne locus vacuus relinquatur (1) ut novus miles sit qui servitia exequatur: Sunt qui volunt, si ex accidente sunt imperfecti, feudi antiqui esse capaces, novi vero non: Alii vero neque novi neque antiqui esse capaces. Hæc tamen inhabilitas, in successione eorum feudorum, quæ nullum servitium debent, non obtinet, veluti in feudo franco, sive emphyteutico, quia, cessante causa, propter quam solent vassalli privari feudo, privatio etiam cesset necesse est: In feudis regalibus imperfectus imperfectione naturæ non succedit, ex accidenti inhabilis factus, si non imperfectus, succedet, & ei curator adjungetur; Hoc tamen non est omittendum quoties talis imperfectus feudum amittit, & unde se alar non habet, pro qualitate personæ & quantitate feudi alimenta ei deberi; de imperfectis gustu & odoratu quæri potest an & hi feudum amittent? Sed videtur hos feudum retinere, & in feudum succedere posse, nisi ob horum sensuum qualitatem feudum eis fuerit concessum: Moribus nostris neque muto, neque cæco aut surdo admittitur jus succedendi, cum nullus sit articulus brevis, qui de eis non affirmetur & eis non conveniat, neque his vivis, alius in heredem deserviri potest, nec inquisitores, si propior quis sit vivus, licet surdus, cæcus, claudus, alium remotiorem pro hærede agnoscant.

An rebellio  
successionem  
impediat.

Rebellis etiam quamdiu rebellis est non admittitur, sed temporalis est illa prohibitio: Nam purgata rebellionē ad successionem admittetur: Quod & in excommunicato servatur, sed interea nullum ejus successioni fiet præjudicium; neque etiam rebellis succeditur, nisi rex ex speciali gratia cum personis inquisitionis dispenset, ut possint petentem suo decessori licet rebellis succedere declarare. An exheredatio in nostro usu locum habeat, sæpe quaesitum audiui? Nam & fuisse in usu apud veteres, & istas exheredationis fuisse causas certum est: Itaque, ad hereditatem paternam non admittitur, qui patrem offenderat, patre justam offensionis causam in testamento exponente; ratio est hæc, qui naturæ beneficium expectat, debet secundum leges naturæ operari; si contra naturam peccet, frustra ejus beneficium implorat, peccat autem contra naturam qui in parentes, a quibus tot beneficia accepit, est ingratus. Quæ autem & quot sunt causæ ingratitudinis, in eo titulo qui est de modis quibus feudum amittitur, explicabitur; nam quibus casibus in dominum vassallus ingratus est, libertas in patronum, ex iisdem & filii ingrati in parentes dici possunt, & proinde exheredari; De hac exheredatione exemplum non vidi, accepi tamen à viro magno exheredatum Magistrum Craufurdia, hujus Comitum Crafordia avum, à patre suo fuisse, quod patrem in arce Finnoventi obsidisset & cepisset, & Lindesium Edzellium in comitatu investitum fuisse; Puto tamen illud ex dispositione libera Comitatus Edzellio processisse: quod apud nos accidere plerumque solet, cum hæredis successuri persona & mores displicent; Itaque cum in hac exheredatione jure proprio destituamur, ad jus feudale recurrendum est, quo quidem, exheredatus ob delictum in patrem, modo in dominum non deliquerit, aut tale quid fecerit, quod eum à successione poterit prohibere, in feudo succedere non solum patri sed etiam fratri & aliis collateralibus quibuscunque potest: ratio est, quoniam privatio feudi dominum respicit, nec nisi ob delictum in dominum commissum amittitur, aut ob aliam causam in jure expressam, inter quas hæc non numeratur, itaque à communi regula successionis non est recedendum; Ob delictum etiam patris grave in dominum non succedunt filii, si illud delictum sit notorium, aut dominus in continenti probare illud legitime possit, sed feudum ad dominum redit: immo neque ob proprium delictum filii succedunt, si vivente patre in dominum deliquerint, nec cum eo reconciliati fuerint; Sed ex usu nostro, in his etiam succedere debent, nisi declaratoria intercesserit, nam alioqui fieri potest, ut dominus injuriam remittat. Successor qui semel successionem sibi oblatam repudiaverit, ad illam postea non admittitur.

admitteretur, ut neque servus, post delatam successionem manumissus, succedit: Ex jure tamen nostro, nisi ex repudiatione, vel adjudicatione totius hereditatis sit creditoribus vel uni eorum facta, vel hereditas lacens subhaftationi subjecta fuit, aut simile aliquod interesse alicujus demonstratur, puto posse ad hereditatis agnitionem licet semel repudiatæ redire.

## De non introitu.

### Diegesis Decimanona.

**E**X morte vassalli, ut feudi continuatio per successionem ad heredem vassalli pertinet: Ita ad dominum superiorem pertinent, Non introitus & Custodia, tam feudi ipsius quam personæ hæredis; (quam nos Wardam in foro dicimus) proque ejus arbitrio Maritatio, releviumque post Wardam finitam, de quibus singulis dicendum est.

Non introitus sitne ex jure feudali plerique dubitant, cum nulla in ulibus feudorum sit ejus mentio, imo neque apud feudorum interpretes, sed nec apud ullas alias regiones, quod sciam, quæ jure feudali hodie utuntur, voluntque multi hoc proprium hujus nostri regni jus esse, & nulli alii cum eo commune: Sed si rem totam verè expendamus, hoc jus non introitus tantum a jure feudali originem habet & ab eo derivatur; neque minus esse juris feudalis censendum, quod ex ratione juris feudalis pendet, quam si in ipso textu contineretur; extra enim controversiam omnem est, mortuo vassallo, feudum ad tempus domino aperiri, donec hæres investituræ renovationem a domino suo petierit & obtinuerit, fructusque interim dominos suos facere, quasi veri & in solidum domini, non solum superiores, cum nullus Vassallus illius feudi seu tenementi interea sit: Quod si hæres intra annum & diem à morte defuncti, Investituræ renovationem non petierit, si major sit, & nulla iusta excusationis causa interveniat, à jure feudi omnino cadit, feudumque in perpetuum domino aperitur, ob ingratitudinem Vassalli, qui totum annum & diem dominum suum non agnovit, nec investituram ab eo petierit, nec debita officia præstiterit: Hoc enim tempus unius anni & diei putabant veteres sufficere, ut interea hæres vassalli, officii debiti memor, gratiam domini sui sectetur, & investituræ renovationem accipiat: Diem adjecerunt ut omnis controversia de anno dirimatur; Quod si dominus ab hærede vassalli legitime & debito loco & tempore interpellatus, recipere heredem hunc, & in feudo tanquam tenentem investire recusaverit, ipse à superioritate sui feudi ex jure feudali cadebat, non minus quam vassalli hæres, si cum investituram petere debuit, eam distulerit: Pœna itaque hæc est non introitus ex jure feudali; nam si ex parte domini peccatum fuerit, feudi superioritate dominus: Si ex parte vassalli, proprietate is privatur, nisi iustam excusationis causam alteruter habeat: Nobis, ex utraque parte, leviores sunt pœnæ, nam si dominus debitum officium vassallo legitime petenti recusaverit, non amittet in perpetuum superioritatem, sed tantum pro vita: Nec si vassallus Investituræ renovationem intra annum petere distulerit, continuo apud nos feudo privabitur: Sed tantum fructus illorum annorum amittet, in quibus feudum in manibus domini erat, ob suam sive negligentiam sive contumaciam, investituram petere differentis; est itaque jus nostrum in hac specie, jure feudorum communi neque contrarium neque diversum, nam re ipsa conveniunt, ut tantisper dum vassallus investituram petat, domino feudum sit apertum, & proinde fructus ei aperiantur; peccat igitur dominus, qui vassallo petenti investituram non concedit: peccat & vassallus, qui non petit, pœnæ tamen (ut dixi) nobis mitiores semper placuerunt: at ex diversitate pœnæ diversitatem juris nemo bene colligit: aliter enim furta, jure divino, & legibus 12. tabularum, aliter jure civili, aliter nostro puniuntur; at furta ex his omnibus æque damnantur: Itaque ut ad non introitum nostrum veniamus, totum illud tempus quo vassalli hæres, renovationem investituræ differt, non introitus dicitur, ut quando hereditatem adit & Investituram capit, introire tum & adire sive intrare dicitur, & licet hæ voces parum latinæ in hac significatione videantur, retinendæ tamen sunt, cum sint forenses, ne nimium solliciti de verbis, rem ipsam in medio intactam relinquamus, Mortuo igitur vassallo, quamdiu hæres differt intrare,

*An ex jure feudali pro-  
cedat non  
introitus.*

sive adire hereditatem feudi, seque pro herede gerere, tam diu feudum in non introitu dicitur esse.

*Duplex est non introitus.*

Sed duplex est non introitus, unus, quando vassallus cum possit ingredi feudum per novam Investituram, tamen vel ex negligentia, quæ crassa est vel ex malicia differt: alterum ubi etiam si velit ingredi aut adire, non potest; Et primus, non introitus simpliciter: Secundus custodia sive Guardia dicitur, nam, ea manente, licet hæres velit, non tamen potest jure nostro adire, sive ingredi hereditatem paternam, ma culus ante viceſimum primum ætatis annum completum, foemina ante decimum quartum, tam diu enim & ille, & hæc in custodia domini sunt. De hoc secundo genere non introitus, in Diegesi sequenti dicemus, nunc ad non introitum qui simplex dicitur redeamus, & primum qua ratione sit introductus expendamus.

*Ratio quare non introitus fit introductus.*

Ex superiore libro constat, Vassallum pro suo feudo in operas militares & servitia teneri, quod si distulerit se pro vassallo gerere & dominum agnoscere, dominus interea sui feudi fructus lucrabitur, ut ex parationibus servientem pro vassallo sibi substituat, quemadmodum ex jure feudali pro neglectis officiis ipsum feudum potest distringere: Itaque toto tempore non introitus dominus superior fructus suos facit, colonique ei solvere tenentur: Idem si non legitime retornatus & investitus fuerit vassallus, cum paria sint in jure, omnino non fieri, & non legitime fieri, itaque si hæredis hujus apparentis retornatus cum safina inde sequente, in judicio rescissorio declaratus fuerit nullus, aut si quocunque modo inutilis fuerit hæc safina aut nullius roboris & efficaciz, hic introitus ad non introitum reducitur, nam licet de facto, quod facere debuit, fecisse videatur, tamen quia non legitime fecit, pro non facto habetur: Neque hoc solum locum habet in forma retornatus, sed etiam si quid a majoribus suis aut a se factum sit, quod introitum annihilat, aut ad nihilum reducat: Nam certum est eo casu, a die postremæ legitimæ safinæ, feudum in perpetuo non introitu esse: Neque in his tantum casibus dicitur non introitus, sed etiam quoties feudum in manibus domini superioris fuerit, non dispositum alii de se tenendum, ut in resignationibus fieri videmus, nam resignationes quæ fiunt in manibus domini superioris, exuunt priorem vassallum feudo & eum plane nudant: quod si in favorem alterius fiat hæc resignatio, dominus qui recepit, cogi potest ad tradendum ei investituram, ex conditione resignationis: interea tamen feudum in non introitu est, donec safina à domino superiore sequatur.

*Competit hæc actio domino suo immunitati.*

Competit autem hæc actio soli domino immediate superiori, aut alii ex eo causam habenti, domino inquam superiori, ea ratione quam supra memoravi, ne servitiis suis ex defectu vassalli careat, adeo ut qui de rege tenet, & chartam seu investituram acceperit, in safina tamen recuperanda cessaverit, fructuum jus, donec eam nanciscatur ad regem devolvitur idem de Barone aut aliquo alio domino immediate superiori.

*Competit donatario.*

Causam autem ab eo habentes sunt donatarii, qui ab hoc domino superiore jus habent; si unus tantum sit donatarius, facilius res transigitur; Si plures sint & diversis temporibus titulos sive jus suum aſequuti sint, non semper prior præferetur; Sed ut in omnibus Wardis, maritationibus & aliis donationibus fieri solet, qui prior litem intentaverit, licet tempore posterior, jure tamen prior erit, Sic ejusdem hæredes & etiam singulares successores, qui in jus hoc donationis ex particulari causa succedunt: Intentata cum his dicitur, quoties citatio legitime facta sequitur, non enim sufficit actionem prius formatam & expeditam fuisse, nisi & citatio sequatur: Huic citationi par est insinuatio; Itaque ex pluribus donatariis, is qui prius citare curabit, aut qui jus suum primus insinuaverit, præferetur: Si contentio sit inter primum citantem, & primum insinuantem, prior insinuans potior erit, nisi ante insinuationem citatio ad actum aliquem judicalem (1) comparitionem producta fuerit; Si tamen ipse hæres vassalli à domino suo jus non introitus impetraverit, præferetur omnibus donatariis, etiam si litem intentaverint, aut jus suum insinuaverint; nam naturalis possessio, quæ in vassallo est, insinuationi (1) civili possessioni semper præferitur; Insinuationem nos intimationem dicimus, cum donatarius, jure suo toto, ante debitorem aut eius ædes si abfuerit, perfectio, notario & testibus presentibus, declaraverit se donatarium, & proinde ut neminem alium, neque jus alicujus alterius agnosceret: Quod & in reliquis, ubi jus duplex versatur, observandum erit. Si dux sint insinuationes, prior, modo legitime facta, potior; Insinuatio autem hæc principali vassallo, qui aditurus feudum speratur, aut saltem, ut qui adeat proximus est, fieri debet, non ejus subvassallis aut valvassoribus, cum principalis vassalli interesse maxime spectetur. In his donationibus nihil comprehenditur (1) nullius partis

*Quid sit insinuatio.*



partis non introitus conceditur, nisi illius, quæ tempore concessionis aut donationis, in non-introitu erat, & non extenditur ad aliquod jus superveniens, hoc est si partem aliam ab ea, cujus non introitus concessus est, aut pertinentiam feudi postea in non introitu esse contigerit, non accrescet priori donationi; Ratio ex jure civili petenda est, neque enim plus juris censetur, is qui donat, contulisse, quam quod & quale tempore concessionis apud concedentem erat & ideo sub novam donationem hujus partis non introitus cadit.

Si ipse Vassallus, qui ingressum differt, terras suas alienaverit & postea, ut alienationem irritam faciat, donationem non introitus à superiore impetraverit, & ex ea agere velit; hæc donatio quasi jus superveniens emptoribus proderit, & alienationi accrescet, quod ad cohibendam alienantium fraudem & callidas machinationes introductum est, cum vassalli subtractis suis monumentis & sasarum instrumentis, quæ solent apud se reservare in oppignorationibus terrarum, feudi jus omne in dominum superiorem devolvere conantur, ut ab eo rursus accipiant: Est & alia callida ipsorum vassallorum machinatio, in his non introitibus, cum vassallus jus a domino suo superiore totius non introitus consequutus, vassallos seu subvassallos, jure suo privare, durante suo non introitu, eadem ratione, iisdemque artibus nititur, nempe ex jure non introitus agat, ut totius feudi fructus, ratione non introitus evincat; In quo casu Senatus æquum censuit, ut qui pretio (quod compositionem dicimus) talem donationem à rege impetraverit (quod & in reliquis dominis superioribus servatur) jus idem suis vassallos in partem, restituta pretii seu compositionis parte a suis vassallos pro sui feudi rata proportionem, quasi hoc tacite donationibus hujusmodi inest, ut quo favore rex in vassallum suum usus est, eodem favore is adversus suos vassallos uti debeat.

Quomodo autem in hoc non introitu procedendum sit, siue dominus ipse siue donatarius agat, jam videndum; Nam sine actione siue declaratoria judicis, feudum nunquam censetur esse in non introitu; quod summa cum ratione introductum est, cum possessio semper apud vassallum maneat, eaque semper jure proprietatis vestiri videatur; totque causæ occurrant, cur aut vassallus introitum allegare potest, terrasque vestitas, & per aditum siue introitum plenas, aut ex justa causa se impeditum fuisse, ne feudum intrare posset; Hoc itaque specialiter in hoc casu introductum est, ut nunquam feudum in non introitu censeatur, neque super non introitu, siue allegatio, siue exceptio admittatur, nisi simul declaratoriam intervenisse dicatur, qua jam feudum in non introitu fuisse & adhuc esse constat, quod specialiter in favorem vassalli introductum est, cujus partes in hac actione favorabiles sunt, quam domini, & quod possessio jus semper præsumi faciat; nam ut ex toto libro de usibus feudorum constat, si dominus in possessione non sit, vassalli potiores sunt partes, nec species tituli, nisi declaratoria interveniat, adversus eum sufficit. Imo si dominus actione pro fructibus, sibi, ut prætendit, ratione non introitus debitis, agere contra colonos velit, nihil facit, donec prius constet iudicio legitimo terras in non introitu esse; itaque intentanda est coram iudice actio eo nomine à domino superiore contra suum vassallum, & cum omne iudicium ex tribus personis constet iudice, actore & reo, de actore autem & reo antea diximus, nunc de iudice ipso pauca adjicienda sunt.

Est autem jure feudali, et usu nostro, iudex in hac causa ipse dominus, quoties inter eum & vassallum contentio oritur de non introitu: licet jure feudali pares curiæ siue curtis decernant, Dominus tamen cognitionem causæ in sua curia retinet, & actore ballivo seu actornato suo vassallum immediatum citari curat, ut videat feudum suum declarari in non introitu esse, & a tali tempore siue anno fuisse; Sed vassallus qui rei suæ providus est, iudicium omne ad Senatum evocabit; nam licet, de jure feudali, in his causis dominus iudex sit, tamen cum nemo sit, qui non in sua causa sibi potius bene esse velit quam alteri, & ideo suspectus sit; facile à Senatu & ad Senatum advocatio solet impetrari, ut tota lis eo traducatur: Si ante avocationem sententia lata sit, valet quasi à iudice suo lata, nec retractatur: in jure tamen civili nemo neque in sua causa, neque sibi aut suis jus dicere potest.

Citandus autem solus est immediatus vassallus, non ejus vassallos, licet causam proprietatis ab eo habeant; Nam neque in hoc iudicio, neque in recognitionibus; dominus eos agnoscere tenetur, sed solum immediatum suum vassallum, cui aut ejus prædecessoribus, feudum concessum fuit; Si tamen hi pro interesse comparere velint, admittendi omnino ad defendendum sunt: Quod si dominus, neglecto vassallo, immediate vassallosrem ejus solum citaverit, quod is solus tum erat hæreditarius possessor nihil aget, & iudicium

*Causa singularis in quo jus superveniens accrescit singulari assignatus.*

*Forma procedendi in non introitu.*

*Quis iudex*

*Quis citandus.*

sive

sive res judicata inde emanans, redditur elusoria etiam ope exceptionis, quasi legitimo contradicatore non citato; Nam valuasor, nisi vassallus principalis ad iudicium vocatus fuerit, neque iudicium in se recipere cogitur; neque si receperit aliquid eo iudicio factum videbitur, ex quo, dominus vel ad districtum vel ad appretiationem sive licitationem terrarum potest procedere; Vidi tamen saepe cum sententia pro non introitu contra immediatum vassallum pro domino lata fuit, valuasores & qui inferioris sunt ordinis in excipiendo admitti, ut non introitum purgent additionibus heredum & sasinis; Quod sine ratione tamen fit: Sed frequentes quæ occurrunt inter dominos & suos immediatos vassallos artes & fraudes, multa introduxerunt, quæ alioqui non licerent.

*De forma libelli.*

Forma autem libelli & iudicii hæc est, ut in libello duplex conclusio fiat, altera petens feudum decerni in non introitu esse & fuisse à tali anno sive tempore: Altera quæ ex priore sequitur, ut proinde fructus omnium annorum quibus feudum in non introitu erat, domino adjudicaretur, qui fructus in libello æstimantur ad certum valorem; Sed ad hanc posteriorem conclusionem non pervenitur, nisi prior sententia præcedat: Nempe feudum esse in non introitu, neque aliàs fructus debebuntur: Non tamen negandum est, posse ex priore sola conclusione sententiam ferri; Sed tunc non est procedendum ad districtum aut appretiationem, donec fructus eorum annorum à iudice æstimentur (nos liquidationem dicimus): Ex sola tamen prioris partis conclusione, pro fructibus sequuturis ager, colonos ad migrandum coget, & reliqua quæ vassallus ante potuit, omnia in ejus personam devolventur; Quoties tamen utraque conclusio est in libello, & reus vel per se vel per suum procuratorem paratus est se defendere, terminanda prius est de non introitu quaestio, antequam ad fructus perveniatur.

*Quæ exceptiones reo competant.*

*Prima quod feudum sit plenum.*

Exceptiones autem quæ à reo solent objici contra non introitum sunt hæc. Prima quod terræ sunt aditæ sive introitæ seu feudum intratum (nos plenum dicimus) non introitus enim negatio est, neque melius negationi occurritur, quam per affirmationem; Introitæ dicuntur, quæ vassallum satisitum habent, quamdiu enim vassallus sasinam demonstrare possit, hoc est sive se sive suos prædecessores satisitos, totius illius temporis nullus potest esse non introitus; Nam per vassalli introitum plenum feudum dicitur. Metaphora à vasibus recepta, quæ si vacua & inania sint, nihil illuc introiisse dicitur, alioqui plena sunt; Itaque plenitudo feudi sive heredis introitus, contra non introitum objiciendus, neque sola sasina hæreditaria non introitum impedit, sed etiam conjuncta infeudatio sive investitura; nam mortuo proprietario, ejus vidua si in conjuncta investitura fuerit, durante tota vita sua omnem non introitum excludit, etiam si hæc post mortem mariti conjunctam infeudationem in nudum usumfructum, heredis gratia, mutaverit; Nam cum antea conjuncta omnis infeudatio, durante alterutrius conjugum vita, soleret introitum heredis impedire, solent hodie viduæ, ut futuro heredi gratificentur, ne ejus ingressum impedian, mutare suam conjunctam infeudationem in vitalem redditum tantum sive usumfructum, qui tamen non introitum excludit; Hæc autem conjuncta infeudatio, sive hic ususfructus nullus est, nisi à domino superiore procedat, hoc est, nisi in initio vel ab eo concessus & constitutus fuerit, vel ex post facto confirmationem acceperit: alioqui non introitum nunquam excludet, nullas enim sasinas dominus agnoscere tenetur, nisi quæ a se immediate processerunt, aut ab eo confirmatæ fuerunt.

*Exceptio curialitatis.*

Quod in vidua dixi: ubi vir proprietarius est, idem repeto in viro; Si is in conjuncta infeudatione cum uxore fuerit, vel per resignationem vel confirmationem domini sequentem aut si mulierem heredem in uxorem duxerit: Nam ea post annum & diem mortua, semel suscepta prole, cuius vagitus audiebatur, usumfructum totius hereditatis, quæ ad uxorem pertinebat, vir habebit: Et hic est ususfructus, qui curialitas sive curtesia apud nos & Anglos dicitur; quæ etiam non introitum omnem durante vita mariti excludit, etiam si hæc curialitas à domino nunquam causam habuit, neque originem neque confirmationem: Hæc enim curialitas cum sit ususfructus à lege constitutus, non minus omnem non introitum excludit, licet à superiore nunquam procedens, aut ab eo agnita, quam ususfructus à domino constitutus, aut quam dominorum tertia, quæ & ex jure publico descendens, licet à domino nunquam agnita, non introitum tamen pro tertiæ portione non admittit; Sed in utroque observandum est, si proprietaria & vassalla conjunx decedat, & sasina à Domino proficiscentem habeat, eo casu locum esse huic exceptioni curtesie; Sic in tertia quæ viduæ debetur; nam nisi ejus maritus in vassallum immediatum à Domino receptus & satisitus fuerit, huic tertiæ non esse locum, neque ad usumfructum, neque ad non introi-

introitum impediendum, certum est, quo ad Dominum, si forte ille vel non introitum vel custodiam prætenderit; cum semper hæc ex jure auctoris procedant, illudque respiciant: si illud principale non teneat, neque quod ex eo descendit; si tamen verum feudum in conjugate constiterit, quod a Domino descendit, non minus Curiahtas, quam viduæ tertia pars ususfructus, eatenus omnem non introitum excludet.

Est & alia exceptio; quæ vassallum solet tu ri, nempe tres fasinae invicem se sublequentes ex retornatibus descendentes Videlicet si vassallus paratus sit docere se præsentit tempore retornatum, & à Domino investitum esse, duosque suos prædecessores, veluti patrem suum, avum aut abavum alterum alteri in hoc feudo successisse, & retornatum & fasitum a Domino sciente & potente impedire. In hoc casu non introitus actio evacuatur; nam cum hæc fasinae ex tribus inquisitionibus procedant, quarum quaque quindecimvirali sacramento munitur, non temere eorum fides in periculum vocanda est, saltem non nisi per rescissorium judicium, nempe si dominus querelam moveat, retornatus hos non esse legitimos neque legitime deductos, nam eis rescissis, actio de non introitu restituitur, alioqui Domino negligentia sua imputatur, qui retornatus agnovit & fasinae præcepta confecerit, & tanto tempore rescissorio judicio non egerit: Dixi tres fasinas ex retornatibus procedentes; nam licet ex tribus alienationibus five dispositionibus aut resignationibus procedant, nihil ad excludendum non introitum operantur; & licet hæc tres fasinae procedant ex tribus retornatibus, puto tamen posse agi ad declaratoriam medii temporis, cum fasinam non recuperatam eo tempore fuisse, retornatus ipsi declarent, quod in retornatibus continetur & exprimitur.

Est & alia exceptio in foro frequentissima, pro non introitus actione evacuanda, nempe si vassallus 36 annos continuos feudum plenum fuisse dicat, nam necessario omnes omnium præcedentium annorum introitus præsumuntur neque de iis actionem in se vassallus recipere tenetur. Horum enim annorum plenitudo, præsumptionem juris & de jure inducit, etiam antea feudum fuisse plenum, neque enim semper vassallus de necessitate suas fasinas servare cogendus: Quod ad horum annorum numerum attinet, diversa in diversis ætatibus fuerunt Senatus sententiæ: Nam patrum nostrorum memoria, quinquaginta annorum continuorum fasinae requirebantur, ut de priorum annorum non introitu agi non posset: Cum ad Senatum accesseram, quadraginta annorum continua plenitudo requirebatur, nec paucorum annorum tempus sufficiebat: At in causa Henrici Olifantii, cum inter virum acutissimum, & juris patrii peritissimum Guilielmum Olifantium & me in Senatu quæstio ageretur, obtinuit ille 36. annorum spatium sufficere, ad excludendum priorum annorum non introitum, si totius illius temporis continuæ fasinae demonstrarentur, quod cum ego cum eo privatim sermones conferendo dolerem morem patrium mutationes sic recipere, & à veteri forma recedi, respondit ille, immo si triginta annorum tantum fasinam allegassem, prævaluissem: nam cum actio hæc ex non introitu sit odiosa, compescendam eam, & recidenda putamina Senatus è repub. esse censuit: Hæc itaque de tot annorum perpetua fasina, una vel pluribus, quarum continuatio de præteritis etiam præsumptionem inducit, neque enim verisimile putatur Dominum tot annorum fructus silentio præterisse, aut fasinam concedere subsequenti, nisi de anteriore jure ei constitisset: Plenitudo autem principalis feudi ad pertinentias extenditur, adeo ut si principale plenum probetur, frustra dominus de non introitu alicujus pertinentiæ contendet: Quod si, quæ fuerant, jam esse pertinentiæ defuerint, veluti cum terræ aut feuda aliquot, in unum principale autoritate Domini superioris uniuntur, fasina ad principale feudum capiendâ, Si postea aliqua pars alienetur, & Domini superioris consensus accedat, illa pars ab unione dissolvitur, neque unquam vel per redemptionem vel renuntiationem redintegratur unio, nisi per domini novum consensum ab initio interpositum, vel per novam unionem; itaque in tali casu, plenitudo principalis, pertinentiam, quæ jamdudum ab unione rescissa est, non facit plenam.

Exceptio autem custodiæ, potest contra non introitum objici; nam domino agenti ex non introitu simplici, exceptio, tot annis fuisse in ejus custodia eas terras, non introitum tot annorum excludit; licet ipsa custodia sit species quædam non introitus, sed domino id imputabitur, qui cum jus custodiæ haberet, & proinde fructus colligere potuerit, neglexerit, si quis enim in possessione fructuum existens, jus non introitus a domino impetraverit & suos valuassores gravare velit & contra eos agere pro fructibus prædiorum suorum (Nam vassallo principali in non introitu ita existente, omnium inferiorum vassallorum & valuassorum prædia, quæ de principali tenentur, etiam in non introitu sunt) possunt illi excipere quod

*Tertia excep-  
tio contra  
non introitū  
de tribus fa-  
sinis*

*Quarta Ex-  
ceptio ex 36.  
annorum ple-  
nitudine.*

*Quinta Ex-  
ceptio ex Cu-  
stodia.*



quod toto tempore non introitus, fructus collegisset & suos fecisset; nec ferendus sit, qui bis idem petat, neque dolo carere videatur, qui aliunde petit, quod domi secum habet.

*Sexta exceptio Reipub. causa.*

Sunt & alia exceptiones temporariae, quae ad tempus non introitum suppleant, veluti si praedecessor in acie pro Reip. salute aut dignitate pugnans occubuerit, quales multi in praeliis ad Floddum & Pinquinum; Sed hoc ex privilegio speciali indultum, postea in legem abiit & ad ulteriora extendebatur, veluti si quis in legatione pro repub. tempore suae legationis obierit & sic privilegia saepe in legem abierunt. An autem carcer, captivitas apud hostes, extra regnum mora, modo reip. causa fiat! An denique minor aetas non introitus tempora supplere possunt, dubitatum vidi! & sane jure feudali omnia haec secum excusationem afferunt investiturae intra annum non petita & sunt qui putant in hoc casu etiam pro tempore sufficere: Ego contra; nam certum est dominum interea vassalli opera caruisse, quae ex fructibus feudi supplenda est & pupillum rerum suarum satagere debere constat, ut idoneos administratores in tutores vel curatores eligat.

*Posterior pars libelli de fructibus.*

Expedita & terminata quaestione de non introitu, superest quaestio de fructibus, quae posterior pars Libelli est, sed licet dominus jus ad fructus communes (1) eos qui à colonis pendi solent, praeferat; tamen non semper in eo obtinet, sed fructus saepe ad minorem summam reducuntur; nam si feudum de cujus non introitu agitur retornatum sit (1) si ejus valor sit ex retornatu certus, Dominus superior eos tantum consequetur, qui in retornatu aestimantur; Diximus antea in omnibus retornatibus sive vassallorum non introitus feudum aestimari dupliciter: Primo quanti valuit tempore majorum nostrorum sive pacis; secundo quantum hodie valeat; Prior aestimatio antiquus extentus dicitur, posterior novus; Et haec aestimatio, quia quindecimvirali sacramento fit, pro vera fructuum aestimatione habetur; itaque ultiores aut majores fructus petere eorum annorum, qui declaratoriam praecedunt, dominus non est ferendus, cum de vera aestimatione constat, post declaratoriam pro omnibus fructibus qui percipi solent, aget; nam eo tempore pro vero Domino habetur; Quod si nulla certa aestimatio per retornatum sit constituta, neque de extentu novo constet, rectè dominus pro omnibus fructibus solitis recuperandis aget: Hoc ita ab initio observatum vidi, prout & adhuc in frequentiore usu est: sed quoniam haec de non introitu actio odiosa est, facilius est Senatus in exceptionibus quae contra eam fiunt; itaque vidi in actione pro fructibus solvi solitis intentata, hanc exceptionem valuisse, licet feudum ipsum nunquam fuit retornatum, neque ejus valor quindecimvirali sacramento taxatus: tamen cum tota illa Baronia, cujus hoc feudum pars est, ad tot libratas terrae sit retornata, veluti forte ad quadraginta libratas terrarum & feudum controversum sit ejus pars vicesima, valor fructuum sive census ad quadraginta solidos solos extendetur; ut valor Baroniae cum retornatur, etiam parata portione ad partes accommodetur; sic si quarta pars fuerit Baroniae, ad decem libratas sive libras & sic deinceps: dimensio etiam fit per aratra, veluti si integra baronia sit quadraginta aratorum, pars autem controversa duo tantum aratra poterit sustinere: ad vicissimam partem aestimationis totius Baroniae dimensio fiet, & fructuum valor extendetur: Itaque & haec exceptio contra aestimationem fructuum feudi non aestimati proponi hodie solet. Prioribus annis, si fundus retornatus non fuerat, semper fructus percipi soliti debebantur; & hanc sententiam magis probo in censu fructuum, ut pro iis agi in actione non introitus possit, qui à colonis pendi soliti sint: post denunciationem vero de migrando, & declaratoriam sententiam inde sequuturam, fructus qui percipi poterant (nos violentos vocamus quasi ex alieno praedio praeter jus detentos) debentur: ante sententiam, retornati tantum fructus debentur: post sententiam communes, quae per tenentes pendi solent. Si Dominus retornatum reducat, & inde non introitus proveniat, vassalli tamen haeres non nisi in

*Si non introitus cum custodia continetur. Effectus declaratoria non introitus.*

communes fructus tenebitur. Neque illud praetereundum in his fructibus, quod si non introitus cum custodia siue warda continetur, nulla salina interueniente, idem fructus tempore non introitus debentur, qui tempore wardae solvi soliti sunt; nam est quasi continuatio possessionis, quae quoad qualitatem fructuum, tempus respicit praeteritum. Effectus autem hujus declaratoriae varii sunt: aut enim respicit Dominus praeteritum tempus, aut futurum: quod ad praeteritum tempus attinet, fructus totius praecedentis temporis census sive Liquidatos in unam summam colligit, proque ea summa vassalli bona (sed non nisi quae sunt in territorio) distringi faciet, si quae apud illum in suo feudo reperiuntur; si nihil in eo feudo reperiatur, quod pro ea summa distringi possit, ad ipsum feudum recurrendum & illud haec & licitationi subjiciendum, denunciationeque legitime & publice facta apud crucem frequen-

tissimi

tissimi in ea regione Burgi, & ad locum habitationis, & super solo ipsius feudi, decimoquinto non minus post die, cura constituitur, & licitatio fit & æstimato feudi valore, Domino adjudicatur pro pretio fructuum, aut pro parte pretii. (Si nemo redimere paratus sit) & cum superioritate coniungitur: Ita tamen ut solutione pretii, vassallo cõpetat jus redimendi intra septennium, ut in omnibus licitationibus fieri soletur postea in titulo de licitatione dicemus. Quod ad futurum tempus attinet, Dominus potest idem facere in feudo, quod vassallus poterit, si ingressus feudum fuisset, aut hereditatem feudi adiisset. Nam & veteres colonos migrare coget, novos substituit: Ecclesiis, si ea sint feuda, quæ beneficiorum advocacionem habent, Pastores providebit: ædificia, ut facta tecta sint, curabit. Et licet aliter in custodia observatur, hæredem alere non tenebitur, cum sit in ejus potestate, cum volet, prædium feudale ingredi, & ob contemptum gravius puniendus sit, si, cum posset, non intret. Ante declaratoriam, nullam actionem Dominus habet, nisi pro declaratione hujus non-introitus, retentionem tamen fructuum, si feudum sit in non-introitu, habet: post declaratoriam omnes actiones ei competunt, quæ Vassallo intranti competere solent: Præterea, ante licitationem multo minus ante declaratoriam, Dominus superior feudum propter non-introitum vendere non potest, neque alienare, cum nullum, præter superioritatis jus, in eo habeat. Nam nullus non-introitus introeuntem heredem aut ingredi volentem impedit, modo Dominus satisfacere paratus sit, pro fructibus in declaratoria liquidatis.

Falsum itaq; est, quod dici solet, quinquaginta annorum non-introitu ad appretiandas terras & eas à Vassallo in perpetuum auferendas sufficere. Non enim numerus annorum spectatur, pauciores aliquando sufficiunt, quoties est major fructuum æstimatio, neq; quinquaginta sepe sufficiunt, si fructus vilis æstimentur, & ad censum aliquem (quem nos extantum dicimus) sive novum sive antiquum reducantur. Nam vassallus si de re sua æstimaverit, poterit æstimationem, quæ continetur in declaratoria, præstando, se à non-introitu liberare & per ingressum in feudum, peccatum præteritum purgare: Post licitationem, quoniam plerumque major summa in ea continetur, quam verus feudi valor æstimandus est, Non tam expedit redimere ratione reversionis legalis. Sed hæc omnia prudens Vassallus apud se expendet.

Extenditur autem hæc actio de Non-introitu, non minus ad Feuda Emphiteutica, quam ad Franca, quæ apud nos Blanca dicuntur, licet in his nullum panè sit servitium. Nam in Emphiteuticis, licet nullum servitium militare intercedat ab initio, tamen annui census præstatio in Emphiteuticis quasi servitus est, licet realis, & in feudis francis. Recognitio quædam est, licet ad servitia militaria non teneantur. Sed in Emphiteuticis æstimatio annuorum fructuum, solum canonem numquam excedit; neque alii fructus præteritorum annorum possunt in actione non-introitus exigi, quam qui in contractu, instrumento & investitura Emphiteutica continentur. Secus in fructibus post declaratoriam Non-introitus, nam tunc Dominus superior pro vero proprietario est. Vulgare tamen illud erat antiquitus, Emphiteutica feuda in Non-introitu nunquam esse, nec cogendos Vassallos intrare, cum primi Emphiteutæ fasina pro omnibus sufficeret hæreditibus. Hodie tamen aliud observatur, ne Vassillus immemor sui, quod debet suo Domino officium differat, In Non-introitu tamen feudi franci, idem valor ejus æstimabitur, qui & aliorum feudorum.

Libera autem ab omni introitu sunt sola Feuda Burgalia, quæ intra libertatem alicujus Burgi sita sunt, aut de Burgo tenentur. Nam licet per centum annos hæres proprietatem feudi per ingressum non agnoverit, si tamen nunc velit ingredi, nullo alio titulo noviter acquisito impediente, audiendus est. Neque Rex quicquam pro præteritis annis ratione non-introitus accipiet, quod & in annuis redditibus burgalibus observatur. Ratio hæc est, quia licet de Rege tanquam solo Domino superiore teneantur, tenentur tamen in Burgo pro servitio Burgali tantum. Neque quicquam, qui hæc feuda habet, præstare, nisi servitium burgale, cogendi sunt, quod non est præstandum nisi cum exigitur. Burgus enim nomen est Universitatis, sive corpus societatis quod nunquam moritur, & semper in suo universali tenemento stat, neque hæredes aut successores habet. Itaque cives suos, cum burgus à non-introitu immunis sit, etiam immunes facit. Nam Cives omnes Burgum repræsentant. Vidi tamen in Senatu denegatam actionem ex annuo reditu, qui centum annos solvi solitus non erat. Immo etiam si 80 annos in solutione fuerit cessatum. Sed hæc omnia de Burgis Regalibus intelligenda sunt. Aliud in his quæ in Regalitate sive Baronía tenentur: Barones enim ipsi & Regalitatum Domini non minus de non-introitu eorum prædiorum urbanorum quam rusticorum disponunt.

nunt. Nam Burgi Baroniarum, partes sunt Baroniarum & iisdem regulis gubernantur; & Regalitas nihil aliud est nisi jus & iurisdictio privilegium in aliquo Dominio à Rege impetratum, quo illius Regalitatibus sive privilegii Dominus actionem tam civilem quam criminalem à iudice ordinario evocare potest (nos replegiare dicimus) licet & hac Regalitas alia etiam sapè habeat privilegia, nempe Eschetarum & mulctarum obventiones quæ licet inter Regalia numerari dixerimus, tamen à Principibus, viris militaribus aut in honorem Religionis sapè sunt concessa.

Sed ut ad hos Burgos Baroniarum redeam, cum de Rege non teneantur, Dominique illis superiores alii sint à Rege, non mirum, si idem jus sequantur, quod alia ejusdem Baroniarum terra, denique & ipsa Baronia. Nam, videmus quotidie Dominos horum Burgorum non-introitus horum tenementorum, quibus volunt concedere. In Ecclesiasticis autem feudis, non-introitus locum non habet; Ecclesiæ enim non moriuntur, neque earum feuda Dominis aperiuntur, licet Prælati aut Pastores intereant. Nam hi non sunt Vassalli, sed administratores tantum feudorum Ecclesiasticorum, licet à multis pro Vassallis reputentur. In Monasteriis multo magis, nam grex Monachorum aliis succedentibus, mori non dicitur: Ea tamen feuda, quæ de Ecclesiâ tenent, in non-introitu, ut cætera feuda, esse possunt.

Hujus autem iudicii hoc <sup>primum</sup> est, quod licet in aliis iudiciis sententiæ aut res iudicata, sub prætextu instrumentorum de novo reperiuntur, non facile retractantur specie. Sub C. de re iudicata, cum ea res omnibus fraudibus & fingendis titulis fenestram patefaceret. Tamen in hoc de non-introitu iudicio sententia lata pro non-introitu, per falsam de novo repertam, potest retractari. Ratio diversitatis est, quod in his monumenta ea, quæ fundum plenum reddere sive implere debent, fraudibus tutorum vel curatorum, vel etiam conjugum, quæ se omnibus bonis, marito moriente, miscere solent, & præcipue omnia monumenta obscura recondere; aliquando etiam servorum pessimorum, qui concredita habebant Domini negotia, opera intercipi solent. Nonnunquam ipsi Domini in iudicio ea producentes, illic relinquunt, nec tempore mortis meminerunt. Itaque non mirum si aliquando Vassallus bonâ fide ignorat, quæ à suis prædecessoribus sunt gesta, quæ si ex latebris postea prodeant, aut ad manus, aut ea, aut eorum protocolla occurrant, Naturalis ratio facit, ut restitui, ad ea producenda, Vassallus possit. Licet illud in aliis iudiciis exemplo, sit grave. Illud etiam observandum in terris quæ de Rege tenentur, licet aliquando Sasinæ defint, & multi à tempore Sasinæ anni intercesserunt, Extractum è libris Responsionum illius Regionis, posse Sasinam illam supplere.

Liber autem Responsionum hic dicitur, quod Director, Cancellaria, cum deservitio ad eum retornatur, præceptum, pro Sasinâ capiendâ, ad Vicecomitem dirigit, & in suo singulari libro ad hoc instituto, solet hujus Sasinæ notam apponere in hac forma; Respondent Vicecomes, pro tali censu, pro tali Sasinâ data N. terrarum de R. hæc; notæ quia ex publico Registro prodeunt, sapenumero defectum Sasinarum suppleant, Præsertim autem in rebus antiquioribus. Quomodo autem Sasinarum instrumenta, & quandoq; etiam protocolla soleant intercipi, frequentiora sunt exempla, quam ut commemorare sit necesse. Novi quendam patrum, cum pupillo suo tutor esset legitimus, & eo prætextu, res omnes & monumenta interceptisset, à Domino superiore jus non-introitus impetrasse, multorumque annorum fructibus in iudicium deductis, ex eorum valore in re iudicata expresso, totam sui pupilli hereditatem intervertisse, sibi que assumptisse. Sed Deus probè artem hominis elusit; Nam licet multorum annorum matrimonio satis optato fructus esset, nullam tamen ex se sobolem reliquit, & sic pupillo suo quem antea fraudare instituerat, feudum integrum relinquere videtur. Etas in his actionibus, ut antea dixi, non spectatur; Quilibet namque cuiuscunque ætatis sit, feudum ingredi potest, & non-introitus avertere, nisi in militaribus feudis, quæ custodiam debent, quæ ante custodiam finitam ingredi non possunt.



## De Custodia quam Guardam sive Wardam dicimus & Relevio.

*Diegesis Vigesima.*

**A**ltera pars Non introitus superest, de custodia feudi mortuo vassallo, quam Wardam dicimus, quæ licet & ipsa species non introitus sit, quod hæres toto eo tempore hæreditatem non adit, à simplici tamen non introitu differt specie, adeo ut exceptio custodiæ actionem de non introitu pro eo annorum spacio, quo feudum in Custodia fuit, sistat. Alia est etiam (ut antea dixi) differentia, quod in non introitu puniatur vassallus, qui cum potest adire feudi hæreditatem, tamen non adit. In Custodia longe aliud; nam hæres etiam si quam maxime vellet, tamen non potest, neque enim hæres, si ante expletam legitimam ætatem in feudum hæreditarium ingredi velit, admittitur; cum id in præjudicium Domini fiat, qui fructus suos durante custodia facit, quæ Custodia per ingressum hæredis extinguitur & hæreditatem ad vassallum reducit.

Seio (ut nuper dixi) hodie impetrari solere dispensationes, quibus rex superior Dominus cum minoribus dispensat & veniam ætatis indulget, quo possint minores, in hæreses suis prædecessoribus deferri, salvo tamen Domini superioris jure; Sed has ego dispensationes nunquam probavi, cum perjurio fenestram aperiant, imo & quod magis est, cum sacramento violato dispensent, ne eo nomine possint accusari; nam cum hi hæreses, nunquam ex jure sint legitimæ ætatis, saltem, ut in terris custodiæ obnoxii succedant, donec 21. annos expleverint, dispensari cum inquisitoribus quindecimviris puto non posse, ut ante eam ætatem minorem deserviant & retornent, ut simul quis non sit legitimæ ætatis, & legitimæ, non legitimæ, per legem legitimæ, per dispensationem. Dispensationes hæ ex jure Normannico sive Gallico primum introductæ ad nos jam penetrarunt, sed jus Gallicum cum jure Codicis convenit, in Tit. De his qui veniam ætatis impetrarunt; Nam dispensatio hæc non est danda, nisi diligenter à judice ordinario explorata industria minoris, & per ejus proximos agnatos testificata; quo casu non solum libera feudi administratio, sed etiam omnium rerum suarum permittitur, nisi quod alienare non possit; Sed nunquam ante decimum octavum annum hæ dispensationes concedi solent; At fortasse hoc in principis dispensationibus utcumque tolerandum: tamen in aliorum superiorum esse potestate, plane inficior. Sed ut ad custodias & earum differentiam à simplici non introitu redeam, usque adeo jus hujus custodiæ juri non introitus præferendum, ut si diversi donatarii sint, unus non introitus, alter custodiæ, hæresque adhuc sit minor & in custodia, totum illud tempus præcedens, custodiæ nomine censetur, & non non introitus.

Quæ autem hujus custodiæ sive Guardæ fuerit origo, profecto vehementer hæreo; favor enim patriæ, & communis non solum magnorum virorum, sed omnium ferè opinio trahit, ut ejus originem Malcolm Kennethi filio regi nostro ascribam. Is enim cum multis præliis Danos fractos è regno ejecisset, omnesque facultates privatas & regium patrimonium donationibus militaribus exhausisset, dicitur proceres suos Sconam convocasse, declarataque inopia sua, in quam non malis artibus aut profusione incidisset sed ex necessariis belli sumptibus, rogasse, ut inopia suæ consulerent, providerentque quomodo cum aliqua dignitate possit in futurum vivere: Proceres qui se ejus beneficiis obligatos sentiebant, putantes ea querimonia tacite fundos, quos rex us pro forti & fideli opera concesserat, repolci; ne ad illud cogi possent, custodias suorum liberorum cum maritatione concesserunt, ut eorum fructus tempore custodiæ ad regem, ad dignitatem sustinendam, pertineant; Et hæc est communis opinio, quam etiam sequitur vir doctissimus Gulielmus Terrenus, qui commentarios in Constitutiones Normannicas exquisitissimos conscripsit, itaque si alio velim harum custodiarum derivare originem, non solum ingratus in patriam, sed plus æquo mihi tribuere videbor, cum tot viri magni contra sentiant.

Ut tamen quod animus fert, sine furo exponam. Mihi videtur harum custodiarum origo à jure feudali potius petenda, quod aliquot ante Malcolmum annis florere & etiam regnare ubique ferè cæperat, licet earum nulla aut obli-

*De dispensatione ætatis.*

*De origine Guardæ sive custodiæ.*

*Custodiæ origo ex jure feudali.*

qua mentio sit, in libris qui de usibus feudorum circumferuntur; nam cum hæc vera & nativa sit omnium feudorum conditio, ut Vassallus Domino militares operas præbeat, eique in rebus omnibus gerendis consilio & auxilio adsit; nec huic debito officio, minor sive is sit mas sive fœmina poterit respondere; Dominus interea fructus feudi sui percipit, ut vicarium pro sui vassalli adhuc inidoneo hærede substituat, donec ipse hæres ad serviendum domino sufficiat; quod cum ante 21. annum in masculis evenire rarò contingat, hoc tempus à jure præfinitum est custodiæ hæredis masculi, Et custodia sive Guardia dicitur, quia ipse dominus interea temporis, hæredem apud se custodire & liberaliter ex primitiis fructuum educare tenetur; In fœminis brevius tempus custodiæ requiritur, non tam quod difficilios custodiantur, ut vulgus sentit; sed cum ad 14. ætatis annum pervenerint, licet ipsæ nec bello nec consilio Domino prodesse possint, tamen cum ea ætate nobiles sint, debent ex arbitrio Dominorum elocari veris militibus, qui domini servitia militaria exequi & consilio ei adesse possunt; quod si minus idoneum maritum Dominus elegerit, ei imputabitur, cum hæredis maritatio in domini semper præsumatur potestate esse, ut & ei imputandum si cum possit, nulum elegerit; Alia est etiam ex jure feudali ratio, nam cum illa mutua & feudalis inter Dominum & vassallum connexio, omnes sanguinis aut affinitatis gradus & omnia vincula post se longè relinquat, omnemque amicitiam sive societatem cujusvis religionem superet, dominusque vassallum, domum, res omnes & liberos tueri & defendere, contra omnes (ut loqui solemus) mortales teneatur; vassallus vero e contrà, Dominum ante omnes observare, se, rem, Domum, familiam ei credere & in clientelam seu tutelam aut defensionem præbere perpetuam, quis magis idoneus tutor est aut esse debet vassalli hæredi, quam qui ipse vassallo ante fuit tutor & protector? quis feudum suum, quod vassallo ab initio ex mera liberalitate & benevolentia concesserat, melius, ne beneficii memoria intereat, defendet? Vtque intactum & illibatum hæredi ejus, cum res gerere idoneus videbitur, servetur, curabit? quis familiam & liberos ejus ita amabit, cum eorum patri dominus, se, suam vitam, dignitatem & rem omnem concrediderit? adde quod nusquam melius artes militares, quas feudi natura requirit, vassalli hæres addiscent, aut rationes ejus melius quam in ejus familia discet, ut postea consilio ei in rebus suis adsit; Rursus in Vassalli hærede, cujus ille fidem potius sequetur, quam illius, cui pater suus quæcunque habet (1) ipsum patrimonium totum debuit, in cujus perpetua tutela & protectione fuit? qui beneficium illud totum (cum pater nihil ex meritò deponere forte poterat) ei & ejus hæredibus ex sola liberalitate concesserit, Et aliorum fidei se committere, domini sit ferè fidem damnare, & non solum ingrati animi, sed etiam perfidiæ notam incurrere. Hæc sunt quæ me movent, ut harum custodiarum originem potius putem juri feudali deberi, quam ulli instituto Malcolmi nostri, Regis alioqui clarissimi; multo minus Edgari, Anglosaxonum regis, qui tempore hujus Malcolmi vixerat. Accedit & illud quod qui Normannicas res scribunt, consuetudinem hanc custodiarum antiquissimam ei genti fuisse ferant: ab iisque ad Anglos emanasse; nomenque custodiæ Gallicum esse, nam Guardare nihil nisi custodire apud nos significat, & Guardia & custodia eadem sunt; Sane non solum apud Normannos gentem Nobilissimam, hæc custodias in usu fuisse & adhuc esse est certissimum; Sed etiam apud Anglos, qui nunquam sui juris originem nobis se debere profitebuntur; quanquam ille idem Terrenus qui commentariis jus Normannicum illustravit & ipse Polydorus Virgilius, non antiquam hujus custodiæ apud Anglos rationem fuisse tradant; Sed primum a regni proceribus, Henrico. 3. Rege, qui regnare cepit anno Domini 1216. concessam usque ad 22. annum: Sed de hoc postea fieri sane poterat, ut Malcolmus noster primus fuerit, qui hunc morem, qui jam apud alias gentes inoleverat, ad suos traduxerit. Hæc sunt quæ de origine harum custodiarum mihi magis verisimilia & rationi convenientiora videntur: si quis aliud senserit, quamcumque opinionem velit, per me sequatur, licebit.

Duplex custodia una persona Al. terra feudi.

De custodia personarum.

Custodia autem hæc duplex est, alia est personarum, Alia feudorum cum persona; nam aliquando sola personæ custodia vacat, quæ se tueri & custodire per aetatem aut morbum non potest: aliquando & ipsius personæ & feudi cui succedere debet; Et licet horum feudorum militarium custodiæ propriè ad institutum nostrorum pertineant; aliquid tamen de custodia personarum, quæ in nullo militari feudo succedunt, dicemus.

Feuda omnia aut pro militari servitio aut in foccagio teneri præmisimus; feuda autem non militaria aut quæ foccagii nomine tenentur aut franca aut emphyteutica aut Burgalia, ut antea monuimus; nam Ecclesiastica aut quæ ad manum mortuam sunt prætereo, cum in custodia.

custodiam non cadant. In feudis francis aut emphyteuticis considerandum est, an hæreditas ex parte patris, an ex parte matris descendat; si ex parte patris descendat, custodia corporis pupilli, donec pubescat, ad proximum materni generis cognatum pertinet & apud eum pupillus educari debet; Terrarum vero, in quas pupillus succedit, custodia ad proximum agnatum ex parte patris, quod non sine ratione introductum est; nam hæres nunquam apud eum educandus, qui proxime successurus est; licet enim omnis suspitionis causa absit, quia tamen malo esse licet, suspitio, si quid humanitus acciderit, nunquam aberit; & etiam votum captandæ mortis in hoc prohibetur; nihil enim est quod homo nefarius, si lucelli aut fallendi spes sit, non audeat. In Burgalibus feudis personæ hæredis custodia ad materni generis proximum cognatum pertinet; at rerum moventium cura & custodia & etiam hæreditatis ad proximum paterni generis cognatum; hæc omnia ita intelligenda, nisi aliud testamento ejus, cui hæres succedit, sit provisum; Primus enim locus inter tutores, semper est testamentario (1) ei qui a patre vel etiam avo, cui pupillus successurus est, nominatur, etiam si filius posthumus sit, cujus fides ita videtur a defuncto approbata, ut neque fidejubere teneatur; Quod in aliis tutoribus quam maxime observandum, & sine qua ad administrationem non admittuntur; sed in testamento avus nepoti non dat tutores, si filius dum vixit foris-familiatus fuit; In quo hoc notandum, quod quicumque testamento rem legat aut donat pupillo, potest etiam ei, in hujus rei administratione & tutorem relinquere. Si nullus sit testamentarius, aut si is mortuus fuerit, aut re integra renunciaverit, locus est legitimo; Quod si ille intra annum & diem jus non persequatur, aut si deservitus ex inquisitione fuerit, sed idonee non caverit, locus est dativo (1) ei qui a principe tutelam impetraverit: Si duo impetraverint tutelam dativam, qui prior fidejusserit, præferetur. Hoc autem in omni tutela & etiam custodia observandum est, Quod licet pupillus vel avia vel matri jam mortuæ, sit successurus, tamen quamdiu pater vivit, is erit ejus legitimus tutor; Natura enim, præter jus omnium gentium, patrem in cura corporis filii omnibus aliis præfert; Nec locus erit avo materno licet ei sit successurus: Si successio ab avo descendat, præmoriens filio patre pupilli, avus præferetur dativo, eodem modo ac pater; Quod si neque sit avus neque pater & alius testamentarius nominatus sit, sed per ætatem imidoneus, donec legitima fuerit ætatis, locus est legitimo; Si legitimus intra annum & diem non fidejusserit, ut dixi, & de rationibus reddendis finita tutela & de fideli administratione juraverit, locus est dativo. Si spurius liberos reliquerit, legitimus eis tutor esse non potest, neque enim agnatos ex parte patris habet. Hoc etiam speciale est in furiosis & idiotis, mutisque simul & furdis, His datur curator ex brevi per inquisitionem, qui de idiotismo & furore cognoscent & a quo tempore tales erant & quod illi pronunciaverint, pro veritate habebitur; Adeo ut quodcumque ab his gestum est, postquam furere cœperint, aut a mente cadere, nullum sit ope exceptionis; Quod mirum est, cum ante inquisitionem hi idiotæ & furiosi possint alienare; Et tamen si ex inquisitione compertum fuerit eum, tempore alienationis mente captum, rescinditur; Et hoc etiam cavetur, ne his personis curator detur, qui proxime successurus est, ob suspicionem captandæ, ut dixi, mortis; & quicumque curator fuerit, jurabit de rebus eorum in eodem statu conservandis & non alienandis & omnia in ejus utilitatem se facturum & corpus ejus curaturum & servaturum & idonee cavebit, inventariumque faciet, cum nemo ad alienæ rei administrationem admitti debeat, nisi inventario facto & cautione præstita. Si pater aut mater aut uxor contra talem, actionem intentare voluerint aut cum eo contrahere; Licet pater sit legitimus ejus tutor, tamen curatores ab ordinario judice dari postulat ad lites. Et ut omnem curatorum materiam, quæ in usu nostro est, expediam: masculi 14. anno completo, femina 12. curatores eligunt, impetrato edicto ab ordinario, de citandis duobus ex parte patris, & totidem ex parte matris, qui citari debent legitime & ad crucem præcipui illius territorii burgi, in quo territorio pupillus majorem partem bonorum habet, sub spatio 9. dierum; Quod compareant coram ordinario, ut videant curatores pupillo vel adulto dari, quo die præstituto adveniente, ipse minor curatores nominabit & dabuntur non solum quos ipse nominat, sed eodem modo quo nominat; Qui jurabunt de fideli administratione, & cavebunt de rationibus reddendis, nec postea removebuntur, nisi ex justa causa coram ordinario probata, nempe ob malè administratam curationem.

Sunt & curatores ad lites, qui quocumque tempore litis a judice dantur; & hi etiam jurabunt & cavebunt, ut dixi; & licet eorum nomen in libello non contineatur, repetitur tamen in toto processu. In pluribus curatoribus, unus pro alio fidejubere potest, Mater aliquando



aliquando tutrix dari potest. Est etiam custodia personalis furiosorum & idiotarum, nam & de horum custodia diversæ consuetudines fuerunt, quia idiotarum custodia ad proximos agnatos pertinebat; furiosorum ad regem. Ratio est, quia furiosi vinculis sunt coercendi, quorum jus nemo præter regem habet; donec statuto Parlamento, quod *Lytbecæ* habitum Mense Decembri Anni 1585. Convenerat, ut eadem esset furiosorum, quæ idiotarum ratio; & utrorumque custodia ad agnatos proximos pertineret; sed hoc puto temperandum, nisi eorum feuda per militare servitium teneantur, nam domini superioris & nomen & fides, etiam dignitas non patitur vassallum furiosum aut idiotam alterius fidei committi, quam suæ; & in hoc dominus superior præferendus tam principi quam tutori alii & proximis omnibus agnatis; Quanquam ad principem propriè pupillorum, idiotarum, aut furiosorum cura, & tutela pertineat; qui & ideo cum cessatur a proximis agnatis, tutores dat, qui dativi dicuntur; & princeps sit pater patriæ, cujus proprium est curare, ut infirmioribus succurratur; superior tamen de quo feudum tenetur (ut dixi) in hoc casu ei præfertur; Licet omnia verè expendenti, superior hic nihil aliud sit, quam verus tutor & verus custos; Nam licet postea tutoris nomen, ad eos qui curam pupillorum habent, translatum sit, ab initio tamen omnium commune erat, qui aliorum curam, tuitionem & protectionem in se reciperent; neque enim hodie negandum est, alium custodem & tutorem alium unius pupilli esse posse; præsertim si aliquod sit pupilli militare feudum, ut ex sequentibus apparebit, Tutoris & curatoris nomina apud Anglos rara sunt, utrique Guardiani dicuntur. Finitur autem tutela decimo quarto ætatis anno in soccomannis; nam tum sufficere apud Anglos videtur minor ad agriculturam; cujus ibi præcipua habetur ratio: Burgensium hæredes apud Anglos exeunt è custodia, cum pannum per dorsum metiri & numerare pecuniam recte queunt.

*De curatore  
furiosi.*

In furiosorum & Idiotarum custodia, hoc observandum, quod si militaria babeant feuda, fructus ad dominum pertinent; ita tamen ut eos pro dignitate alatur & curet; Jure tamen Anglorum, non solum furiosorum & idiotarum personæ in custodia principis sunt, sed etiam feuda; Ita ut deductis alimentis pro dignitate pupilli, reliquos fructus suos faciat, cum interea ejus opera & servitio Rex careat: Et mortuo furioso aut idiota feudum Rex ejus hæredi restituet; Si semel mentis compotes fuerint & postea in phrenesim inciderint, Rex adhuc eorum custodiam habebit & interea pro dignitate alatur; fructus servabit in eorum usum, si sanitatem recuperaverint, alioqui fructus suos facit: post mortem hæreditatem restituet; Hujus autem generis custodes ex foccagio, licet non solum personam pupilli tueantur, sed etiam omnem rem, proventus, moventia & non moventia bona administrant; fructus tamen suos non faciunt, sed expleto officio, pupillo jam adulto & ejus curatoribus, quos elegerit, rationem reddere tenentur. Hic autem Guardianus in foccagio, alteri custodiam demandare poterit apud Anglos, non tamen apud nos & in hoc cum jure civili consentimus; nam quæ in nuda administratione consistunt, translationem non admittunt: Nam frustra id fidei tuæ administrandum committitur, quod in alienam fidem rursus vis committere & tanquam curam administrationis a te amandare. Terrenum tamen annotat in quibusdam Galliarum locis, Custodiam ad parentes ascendere, qui Ballistri dicuntur; & nisi quod pupillum pro dignitate familiæ educare teneantur, fructus etiam qui de prædiis percipiuntur suos faciunt, quod in Britannia non est receptum.

Hæc autem omnia a jure civili originem suam sumpserunt, quo prator ad eundem semper est, ut is judicet apud quem pupillus educari debeat, qui ex persona, conditione & tempore statuet, ubi sit alendus; Et nonnunquam a voluntate patris prator recedet & præcipuè id aget, ut sine ulla maligna suspitione alatur, immo aliquando, pro autoritate, aliquem recusantem & inuitum præcipuè si sit ex propinquis & affinibus, coget educandum pupillum suscipere; Semper autem ex causæ cognitione prator statuet, ut dixi; præcipuè tamen matri commendabit pupillum educandum, nisi ea vitricum superinduxerit; Sic quod religioni judicis jus civile permittit, vicini nostri quibusdam cancellis volunt includere; quod tamen semper sequendum non puto.

*Custodia feudalitatis, quæ est secundum membrum dispositionis.*

Secundum genus custodiæ est, quæ feudalitatis dicitur, nempe cum vassallus in feudi militaris salina decedens, hæredem minorem relinquit & hæc custodia tam ipsius feudi militaris, quam pupilli domino superiori competit, licet alios tutores, aut testamentarios a patre institutos habeat aut agnatos, qui legitimi sunt & in legitimos quindeceim virali judicio recepti; nam superioris domini ratio, reliquos omnes prægravat & de hoc genere Custodiæ propriè institutum nostrum est tractare.

Quoties itaque Vassallus in feudo militari decedit, ita ut in eo feudo, successio ad ejus heredem pertineat immediate, isque haeres minor & infra aetatem sit, custodia tam ipsius pupilli quam ipsius feudi, ad Dominum superiorem pertinet, donec haeres ad legitimam aetatem pervenerit. Et haec custodia apud nos Warda dicitur, apud Gallos Guardia, nam tunc feudum Domino aperitur ad tempus lege constitutum.

Qua autem haec sit legitima aetas, ut plenius intelligatur, & quae quamque aetatem sequantur, sciendum est hominum aetates variè in jure & in usu quotidiano sumi. Nam infans dicitur usque ad septennium, nam eâ aetate aut omnino non satur, aut magnâ cum difficultate, quo quidem toto tempore est apud nos in custodia parentis infans; aut si pater decesserit in matris custodia, quia ad corporis custodiam aut tuitionem, matris persona deligitur, quia nullâ ex morte pupilli ad eam utilitas potest pervenire, ex vita autem multâ. Et haec est ratio, cur infantis educatio ei permittatur, quia per maternam sollicitudinem & curam, mutua officia & commoda à pupillo, si vixerit, poterit sperare. Notandum quod licet mater vel avia testamentarii sint tutores (nam ab aliis tutelis excluduntur) si se viro subjecerint, quibuscumque verbis testamentaria tutela sit constituta, tutelâ tamen cadit. Neque enim qui in aliena potestate est, alium in potestate habere potest: idem si corpus suum polluat. Si non sit mater, ad proximum agnatum, qui non sit successurus, tutela devolvitur. Neque enim ad ullum, cui utilitas ex morte infantis obvenire potest, educatio infantis, quamdiu in infantia est, pertinere potest.

Secunda est aetas pupillaris, cum nondum mas decimum quartum annum compleverit, foemina duodecimum, quae inter infantiam & pupillarem aetatem interjacet, in duas partes dividitur: prior infantia, posterior pupillari aetati adjudicatur, & proxima dicitur. In hac aetate per tutorem regitur, resque ejus omnes quae non tenentur in feudo militari, ab eo administrantur. Si legitimus sit suspectus, aliquando adjicitur Curator. Quod si plures tutores habet, potest cum reliquorum consensu, fundum pro novemdecim annis locare, nisi evidens sit laesio. Sciendum nullum esse consensum infantis, quamdiu in infantia est, neque quicquam posse per se facere, immo nec cum tutoris auctoritate, cum auctoritas accedere debeat alicui actui, sed infantis nullus est actus, nullum judicium. Itaque neque velle, neque nolle creditur, quod & in pupillo etiam infantia proximo intelligitur, ut aperte docuit Decius. Si vero sit pubertati proximus, & etiam doli capax est, apud nos etiam actione vi bonorum raptorum tenetur, ut illic etiam Decius. Itaque in infante & infantia proximo, ut tutor etiam omnia administret necesse est, utilitatis causâ tamen introductum est ut tutor consentiat tantum, cum pupillus velle & nolle intelligitur. Ita tamen ejus consensus adhibetur, ut licet pupillo consensisse dicatur, solus in rerum administratione subserbit, solus administrat, & rem pupillarem gubernat. In actionibus redemptionis, & de migando, semper tutores sunt citandi; nam sine eorum auctoritate, in judicio stare non potest. Si minor citetur ratione tenementi, quod in custodia Domini est, semper superior Dominus citandus est, ut actus valeat. Si tutor sit incarceratus, omnes actiones interea contra pupillum cessant, ut etiam praescriptiones ab eo tempore coepta. Debitores qui tutoribus solverunt, liberantur. Minor aetas licet generaliter, pupillarem & perfectam aetatem interjacet; hoc est, à decimo quarto anno, ad vigesimum primum, in quâ aetate adolescententes dicuntur, & aliquam rerum suarum administrationem habent, curatoris tamen consensus necessario adhibendus; adeo ut si curatorem habeat, quod sine ejus consensu gestum est, sit sine declaratoria, & per exceptionem, nullum. Vidi tamen Senatium in rebus non magni praedicii, velut fructibus unius anni ratas habuisse apochas, quas minor sine consensu curatoris dederat. In his duabus aetatibus, infantia scilicet & pupillari aetate jus nostrum cum jure Civili & Canonico consentit, pupillaris autem aetas maxime spectatur in his custodiis, ut postea dicemus.

Perfecta aetas tam in mare quam foemina, est viginti unius annorum. Jure Civili viginti quinque, ut in eâ aetate res suas administrare, & de iis disponere possint, ex suo tantum arbitrio, nullius alterius personae auctoritate interpositâ. In Burgensium heredibus si mercaturam exercent, perfecta aetas consideratur, quantum ad mobilia spectat, cum primum pecuniam numerare discunt, rectamque monetam ab improba discernere, & pannum duplicatum per doctum metiri. Verum hoc si mercaturam vel suo vel patris nomine exercent, ut id quod faciunt valeant, neque decipiantur qui cum iis contrahunt, alioqui restitutioni locus est, de omnibus, quae à minori in ejus evidens incommodum acta & transacta sunt, quae solet & debet interponi, usque ad vigesimum quintum annum post quem restitutioni locus non est, propter quadriennale silentium. Nam minor laesus restitui potest in

in his omnibus quæ ante vigesimum primum annum completum fecit, postremum quadriennium tantum ad perfequendas actiones restitutorias conceditur. Reliquarum ætatum par, & eadem omnium ratio est ex jure civili. Itaque ut ad custodiam nostram redeamus, In militari feudo quamdiu mas 21 annum non compleverit, & femina decimum quartum, tam diu sunt in Dominorum custodia. Rationem diversitatis, cur major ætas in mare quam in femina requiratur, antea exposui. Si femina jam nuplit, cessatur major, & à custodia liberatur, & jam illa cum marito ad judicium citanda est. Dominus feudi ad quem custodia pertinet, toto tempore custodiæ administrationem feudi habet, fructusque suos facit, Ecclesiæ Pastores providebit, ( In Galliâ patronatus Ecclesiarum specialiter reservantur ) non solum illius feudi quod ad Vassallum in Dominio utili pertinebat, sed & omnium Vassallorum, qui de hoc Vassallo tenebant: Nam non minus eorum, quam ipsius principalis Vassalli feuda sub custodia cadunt, per principalis Vassalli decessum. Itaque si quæ maritagia Vassallis à Vassallis debeantur, si patronatus Ecclesiarum qui sint, Dominus superior providebit, quæcunque accidentia ( Elchetas vocamus ) obventiones aut utilitates Vassallo evenire poterant, si viveret, ea omnia Dominus durante custodia percipiet. Ab aliis tamen feudis pupilli, quæ sub eo feudo non comprehenduntur, Dominus abstinebit. Neque enim ea in custodiam cadent. Hoc tamen solatii Dominus habet, quod cum alioqui pupillum alere & educare pro dignitate teneatur ex fructibus sui feudi, si pupillus aliunde feudum habeat, unde commodè sustentari poterit, in eo casu Dominus de alimentis ei præstandis non tenetur, sed sibi hæres ex iis alimenta sibi suppeditari curabit, nisi & ea vel sub alterius Domini custodia sint, aut minor ea, ejusdem Domini custodiæ subicere velit, ut Normanniæ constitutiones volunt. Nos pupillum ut hæc subiciat cogere non solemus, sed æstimatis eorum fructibus, quod superest ad plena alimenta, arbitrio Senatû à Domino exigimus. Præfertur autem hic Dominus in custodia turrium & fortaliorum pupilli, omnibus ejus tutoribus & curatoribus.

Præterea hoc generaliter observandum est; dum feudum est in custodia, ut in ea conditione qua id accipit Dominus, in ea servare teneatur ædes, maneries factas tectas servare, sylvas, prata, hortos, stagna, molendina, pascua, columbaria, & quæ ex feudo pendent, omnia in pristino statu custodire; ex iis nihil disponet, nihil alienabit, ædes non diruet, arbores sive ex sint fructiferae, sive ornamenti causâ factæ non removebit, succidet aut eradicabit, præcipue quæ alti sunt fastigii ( quæ Gallicè de haute sustaye dicuntur ). Si vento ceciderint, non potest distrahere. Hoc autem Angli sub Vasti nomine comprehendunt. Vastum autem nihil aliud est quam vastatum per syncopen, & ab hoc vasto faciendo, Dominus qui custodiam habet, abstinebit; Si quidquam horum fecerit, de damno tenebitur si probari poterit: Aut ut Normanniæ aut Gallicæ constitutiones volunt, à custodia removebitur, quod non ex fide in ea fuerit versatus: Apud nos eadem ratio est, licet usu receptum de privatione feudi non vidi, putoque non recipiendum, nisi donatarius damno refarciendo sit impar. In his omnibus, & eorum administratione, Dominus superior, ut dixi, tutori, sive is sit testamentarius, sive legitimus, præfertur. De sylvis caduis questio est in Galliâ; nam cum illi nullo alio genere ignis utantur, quam lignis, solent sylvæ cædi & distrahi, & pretium inter fructus numeratur. In his Dominus, sive ejus donatarius, se geret ut Vassallus antea se gessit & nunquam majorem quantitatem cædendo distrahet, quam Dominus si viveret facere solitus erat. Et licet apud nos sylvas caduas non habeamus, hedera tamen & myrica aliquando in furnis utimur, quibus donatarius ita uti potest, ut Vassallus antea uti solitus est, ut loci faciem non mutet. De carbonibus, Si quæ sunt in feudo carbonifodina, antea dixi: nam quævis pars fundi videantur, si Vassallus cum viveret solitus est publicè vendere, in eadem moderatione Dominus superior & ejus donatarius utetur, ita tamen ut plures quam Vassallus prius solitus erat fossiores non adhibeat, ne fodina exhauriat & Vassallo inutiles reddat, cum ad ætatem pervenerit. De lapicidinis & cretifodinis etiam antea dixi, quod ex fructibus cederent, dummodo fructus ex iis colligere Vassallus vivens solebat. Rei faciem aut adium formam mutare non potest, nisi damno se subiciat, aut saltem quanti interest formam non mutam. Denique durante custodia Dominus, sive quis ab eo causam habens, omnia potest, quæ Vassallus dum viveret poterat. Neque sui juris declaratoriâ opus est, ut in non-introitu neque citatione ipsius hæredis opus est, sed brevi manu Curias instituet, Balivos & Officiarios creabit, veteres removebit, nisi retinere maluerit: colonos, quos retinebit ad penderdos sibi fructus coget, controversias inter eos componet, omnibusque, quæ obvenire solita sunt



sunt pro suis utetur: alienationes, nisi quæ sint quibus consenserit, id est, quas aut de se receperit tenendas, aut confirmaverit, non tenetur agnoscere, neque si qui sunt usufructus aut assedationes à priori Vassallo factæ; Nam nulla harum assedationum colonum à migratione prohibebit, sed interea pro sepultis habebuntur, rediturus ad suum vigorem quamplurimum Warda fuerit finita. Exempli causa, Si assedatione novemdecem annorum facta, Vassallus ante elapsum biennium moriatur & superior colonis denunciaverit migrandum esse, coloni exceptione assedationis factæ, tueri se non poterint, licet à principio assedatio ritè facta & legitimè fuerit constituta, cum in eum casum inciderit à quo incipere non potuit, silet toto tempore hujus custodiæ & eâ finitâ, eviviscit in eodem statu quo ceciderat, id est, septemdecem anni qui supererant, cum Vassallus moreretur & feudum in Wardam caderet, ab ingressu Vassalli rursus currere incipient, donec debitum tempus ejus absolvatur.

Tenetur etiam Dominus, lites omnes, pupilli nomine prosequi, sed non quæ ad hereditatem, aut jura hereditaria pertinent. An autem debita, sive onera hereditaria solvere teneatur Dominus aut ejus donatarius: questio apud Gallos magna fuit, & hodie est; Nam cum iniquum videretur pupillum lacerandum proponere, non solum donatarius pro modo facultatum tenetur, debitis & oneribus pupillum liberare, sed etiam ejus matri, & propinquis, parentibus, nomine pupilli satisfacere sive cavere, de custodia pupilli ritè administrandâ, nec nisi inventario de omnibus rebus, præcipue de monumentis ritè facto, se rebus pupilli miscebit. Sic & jure nostro antiquo, donatarius heredem apparentem, debitis hereditariis liberabit. Puto tamen hoc intelligi de oneribus realibus, cum consensu Dominorum sunt constituta aut de tributis, impositionibus, exactionibus; aliis namque debitis, hodie apud nos, hæredem liberare non cogitur. Si Vassallus plura feuda hereditaria, de diversis Dominis tenuerit, Quilibet Dominus sui feudum custodiam habebit, eisdem legibus quibus (ut antea dixi) unus dominus sive superior

Finitur autem hæc custodia, post perfectam ætatem Vassalli, qui si mas fuerit, censeatur perfectæ ætatis, post vigesimum primum annum completum, ut nuper dixi. Si scemina, post decimum quartum. Nam licet scemina viri potens dicatur, cum duodecimum annum expleverit, tamen quod ad jus dominii suum attinet, in custodia permanet usque ad decimum quartum annum, quod eo tempore verè & non præsumptivè sit nubilus; ultra quod tempus, dominus si non providerit ei de marito, sed cessaverit eam elocare investituram ei facere, de suo feudo tenetur. Et si filia ipsa se elocaverit, minoris ætimatebitur maritatio, ut postea dicemus. Item, si Vassallus plures filias hæredes reliquerit; Apud Anglos, si scemina jam decimo quarto anno currente, aut pleno in custodiam inciderit, custodia adhuc in duos annos continuatur, ne Dominus omni commodo custodia destituatur & ut illud tempus Domino currat, quo hæredes scemina poterit de marito providere. Sciendum etiam hoc est, si filiam heredem, etiam si major ætatis, à Domino tamen custodiri deberi donec nubat; Nam ejus iudicio & consilio in nubendo, semper stare debet. Jure Normannorum, semper custodia sui Domini est, donec vigesimum primum annum compleverit, Nec censeatur extra custodiam sui Domini esse filia hæres, donec marito juncta sit: Adde ut si ante decimum quartum annum, à Domino suo elocetur, Warda sive custodia etiam à die elocationis finitur. Si quis cum ipse feudum militare non habeat, uxorem duxerit, eam quæ in militari feudo debeat succedere, quamdiu maritus est intra 21. annos, tamdiu feudum erit in custodia: Nam scemina sequitur conditionem sui mariti, quod tamen apud nos locum non habet.

In his feudis militaribus, Dominus etiam unius anni fructus percipiet, supra 21. annos, non relevium dicimus. Galli & Angli, nullum relevium terrarum, quæ in custodia sunt, deberi putant, licet in idem nobiscum recidant; nam peracto vigesimo primo anno, alium adjiciunt, quo dominus disferre poterit investituram, ut interea tempus habeat inquirendi de monumentis, ad investituram necessariis, & sic illius anni fructus sibi veno dicantes, rem in vigesimum secundum annum expletum disferunt; quodque apud nos Relevium est, id aliâ ratione supplerunt. Sed de hoc relevio mox plura. Ex consuetudine nostra, vigesimo primo anno, Vassallus immediate feudum ingredi potest. Id ut faciat, cum in Domini custodia jam non sit, nec teneri possit, Cancellaria adibit, brevia, ex ea, per quæ se in heredem patris, aut alii suo prædecessori deserviri curabit, impetrabit eaq; de servitio ne ad Cancellariam retornata, Regia, ex Cancellaria, præcepta diriguntur, quibus Domino mandatur ut investituram Vassallo faciat. Si hic ter monitus per Regia præcepta, disferat adhuc novum præceptum, à Rege dirigetur pro vassallo investiendo ad Dominum anti-

quiorem; Si & is recuset, ad ipsum Regem pervenitur, & tum Rex mandat Vicecomiti suo, ut salinam Vassallo concedat.

*Qua impe-  
diant custo-  
diam.*

Impedientia autem custodiam hac sunt; Primo, si terra in Emphyteusim data sint; nam cum ob publicam Regni utilitatem, à tribus Regni Ordinibus constitutum esset, ut omnes terræ, sive ex de Rege tenerentur, sive de Ecclesia, sive de aliis personis, in Emphyteusim locarentur, ut à tenentibus non solum arva coli & meliorari possint, sed etiam ædibus ad recipiendos hospites exornerentur, quod coloni negligunt facere, quandiu pro arbitrio Dominorum cogi possunt migrare. Publicæ totius regni utilitas, privata dominorum custodiæ & ejus commodis, prævaluit; Itaque si Vassallus feudum militare, quod custodiæ Domini sui obnoxium est, habeat, poterit alium in eodem subvestire, id est, alii idem feudum disponere in emphyteusim, pro certa annua mercede, quæ non sit novo extentu inferior, adeo ut si æstimatio feudi ad viginti libras excurrat, & novus extentus ad octuaginta ut plurimum, aliquando ad plus, minusque, ut cujusque regionis est mos, extendetur; mercesque quæ in hac investitura emphyteutica continebitur, non minor erit octuaginta libris; Alii, ut diligentius caveant, & ut augmentum aliquod sit rentalis, etiam parvum aliquid superaddunt; sic ut semper merces, aut sit novo extentu terrarum major, aut saltem æqualis; in quo tamen Domino in custodia sua præjudicatur, nam licet mercedem emphyteuticam capere possit, liberam tamen feudi administrationem, quæ custodiæ propria est, non habet. Imo & in æstimatione valoris, maritacionis damnum etiam sentiet; sed hac omnia (ut dixi) publicæ utilitati, pro totius regni commodis introducta, cedunt; cum tamen aliqui Dominus, durante Wardâ, nullas alienationes agnoscere teneatur, nisi quibus ipse, aut ejus prædecessores consenserint, aut quas confirmaverint. Hodie ex publico trium ordinum statuto in Parlamento, quod nuper Perthæ habitum est, in Julio anni sexcentissimi sexti cautum est, si terræ in emphyteusim locentur, in eis maritatio hæredis semper priori Domino reservetur; Nam in fructibus solus canon emphyteuticus, durante Wardâ, Domino reservatus, non videbatur sufficere, si commodo maritacionis defraudetur.

*Curialitate  
impedire jus  
Custodia.*

Diximus de Curialitate antea, eam jus custodiæ feudi impedire, non secus ac si usufructus à Domino alicui sit concessus: Nam provisio legis æquiparatur provisioni hominis; idem in dominarum trientibus, sive tertiis, quæ etiam ex lege descendunt, & non ex provisione hominis. Præterea, fraus omnis in his custodiis abesse debet, tam ex parte Domini quam Vassalli; ex parte Domini, ut cum moderatione, jure suo utatur, ut ne quid præter solitum urgeat; nam ut Angli loquuntur, neque consuetudines irrationabiles introducet, nec servitia nisi rationabilia exiget, sed cum moderatione jura sua exequetur: vastum sive pauperiem facere non debet, aut ædium, hortorum, sylvarum, aut viridariorum usum tollere; alioqui custodiâ feudi privabitur: sic etiam si terram aut feudum ipsius Vassalli, aut ejus partem alienaverit, ut jus Vassalli sui intervertat: nam hoc casu & custodiam & jus omne quod in terra habet, amittet, & privabitur: quod si ea privatio, minoris æstimabitur quam ipsum damnum, juxta æstimatione damni factâ, quod superest ex custodia & ex Domini facultatibus damnum reparabit.

*De Prærogativa Regis.*

Rex ex prærogativa sua, cum Vassallus suus, moritur qui de eo tenet, tam cito de terris Vassalli sui salutus est, quæ prima salina ab Anglis dicitur: & hæc est præsumptio juris & de jure, quæ ab illis intelligentia juris dicitur, quasi hæc salina potius ex jure intelligatur esse, quam reverà sit, cum Rex per coronæ suæ acceptionem, in omnibus totius regni terris censeatur Investitus, eaque salina continuata videtur, donec per inquisitionem legitime factam, Vassallus feudum ingrediatur & hominum presset, ut creditur: Sic etiam in jure nostro scripto (quod ideo ab Anglis emanasse est credibile; cum hodie apud nos non servetur) Dominus custodiam hæredis non habebit, donec ab hærede homagium acceperit: Quod si Dominus, finita Wardâ sive Custodiâ, hæredem investire recusaverit, & sine causa fecisse legitimo judicio postea cognitum fuerit, hærede per brevem retornato & recognito, Dominus ad interesse tenetur non minus, ac si violens possessor, ad fructus qui percipi possunt.

*Observat. 1.*

Hoc etiam monendum in his custodiis est, si quis suam custodiam à Rege aut Domino suo superiore nactus sit pretio & compositione, ut fieri solet, assedatione, & prædecessoribus suis factas, servare tenebitur, licet eas (antea diximus) durante Wardâ cessare.

*Observat. 2.*

Et quamprimum ad perfectam ætatem pervenerit, cum demum etiam hæreditatem agnoscere & eam ingredi tenetur, nec ei proderit licet in sua dispositione, non solum jus custodiæ, sed etiam non-introitus conjunctum sit: alioquin novæ dispositioni locum faciet, priore omnino antiquatâ: ratio est, quoniam si ratione non-introitus, cujus jus est

est consequutus, perpetuo feudum suum retinere velit, nunquam intrare cogetur, & Domino inquirenti quâ de causâ possederit, se ratione non introitus poterit prætere; & sic Dominus imperpetuum suâ superioritate fraudabitur, quod non est ferendum in Vassallo: Itaque quam citò potest, hæreditatem intrabit & adibit, nisi mallet, novo non introitus subijci; Nam Dominus, postquam Vassallus feudum intrare potest, nec fecit, ratione non introitus jus in fructibus potest prætere, & iudicio eos persequi, declaratoriâ prius de non-introitu habitâ. Observandum præterea, quod si hæres fœmina sit plurium feudorum, custodia corporis semper ad Dominum antiquiorem pertinebit: bonorum feudali-um custodia, suo cuique Domino redibit in minori ætate ejus.

Nunc hoc prætereundum, nunquam custodiam ad Dominum pertinere, nisi quando Vassallus, qui de eo tempore mortis immediatè & in feudo tenet, decedit: Si Dominus alium habeat Vassallum, adhuc in feudo tenentem de ipso Domino, si Dominus custodiam petierit, oberit ei sui facti exceptio. *Observat. 3.*

Super omnia & hoc in custodia corporis annotandum, quod si hæres matri in feudo successit, sive sit mas, sive fœmina, custodia corporis ad patrem dum v. vit, semper pertinebit; nam liberi non possunt esse in potestate alterius, vivente patre, quam sui patris: quod maximè cum æquitate naturali convenit. *Observat. 4.*

Superest ut de Relevio jam dicamus, cujus ea est apud nos cum Custodia sive Warda conjunctio, ut alterius sine altero, conditio vix bene intelligatur; & ut ex prædictis constet, ubi custodiæ causa, aut disputatio oritur, ita Relevii questio immista est, ut commodè ab eâ separari non possit. De origine hujus Relevii, eadem disputatio esse potest, quæ antea de Custodiâ. Nostri Relevium Malcolm Regi tribuunt, à quo (ut prius monui) Custodiarum commoda purant introducta, saltem ejus constitutionibus stabilita & confirmata. Ego alius hujus Relevii originem repetendam puto, Cujacium in hoc sequutus, qui ex veteti consuetudine, nempe Leonis Imperatoris constitutione, quæ in novellis extat, Relevium hoc natum putat; esse enim (ait ille) quorundam locorum mores, ut ejus anni, quo hæres Vassalli se in fidem & clientelam sui Domini commendavit, Dominus illius, inquam, anni redditum integrum ferat, vel ut certâ summâ ei numeretur, ὅτι τῆς ἀπολύσεως, sive pro redemptione (ut loqui solemus) sive pro restauratione feudi. Idem putat ille si mutetur Vassallus, & alium pro se venditionis nomine substituatur, ut Domino præstetur pretii quinta pars, & quinta quinta, vel ab emptore, vel à venditore, ut inter eos convenierit: Exempli causâ, si venierit fundus centum coronatis, debebuntur Domino primum viginti coronati, tanquam quinta pars & etiam quatuor alii, tanquam quinta quinta; adeo ut in mutatione Vassalli in feudo, quod centum coronatis v. vit, Domino pro Relevio viginti quatuor debeantur; Si mille coronatis sit feudum æstimatum, ducenti tanquam quinta pars & quidraginta tanquam quinta quinta Domino debebuntur. Apud Gallos hodie decimatercia pars pretii Domino debetur. Hæc Cujacius de Relevio, quæ tamen parum cum nostro Relevio conveniunt, nisi quod certam pecuniam Vassallus intraturus Domino pendere solat, ut feudum quod in ejus manibus jam pridem apertum erat, redimat; & investituram ab eo capiat. Hæc Relevia apud antiquos, quemadmodum hodie apud Gallos & Anglos æstimantur sunt certa quantitate & ad certam quantitatem à Vassallo pendendam taxata.

Sed ut ad nostra Relevia redeamus, ea semper Wardam sive Custodiam sequuntur, nec nisi de feudis militaribus debentur: ita tamen, ut jus nostrum, quo hodie in foro utimur in his Releviis, longè & à jure Gallorum & Anglorum, imò à nostro jure veteri scripto dissentiat; nam veteri jure scripto, si Dominus ratione Custodiæ, aliquot annorum fructus suos fecerit, finitâ Custodiâ Vassallum in feudum, & investituram ei præbere tenetur, nec quicquam pro Relevio poscet, quod satis abundè ex fructibus Wardæ ditatus sit; quod & apud Gallos Terrienus (qui Commentarios (ut superius monui) in Constitutiones Normannicas scripsit) hodie observari ait, nam commoda & utilitates Custodiæ Relevium acquiescere, sive relevare censentur nec tamen vel hoc à nostris observatur. Apud Anglos Relevium non debetur, nisi in eo casu, quo, Vassallo moriente, hæres perfectæ fuerit ætatis, nam in eo Libro, qui Magna Charta inscribitur, distinctionem facit Author inter Vassalli hæredem perfectæ ætatis & qui nondum eam attingit; in priore Relevium deberi, in posteriore Custodiam affirmans, adeo ut si quando Custodiæ ratione Dominus superior fructus feudi militaris perceperit, nihil ei ex Relevio deberi statuatur. Hodie Domini, etiam præteritis annis Custodiæ Relevium sibi ascribunt, nec hæredi investituram concedunt, nisi pro Relevio sibi satisfaciant. Hæc itaque, quando Relevium debetur; hoc est, post perfe-



Atam hæredis, in militari feudo succelluri, atatem: Cui hoc unum addam, nempe, non deberi Relevium ullum Domino, nisi paratus fit hominum ab eo recipere, & investituram concedere.

De quanti-  
tate Relevii.

Nunc quæ sit hujus Relevii quantitas, quantique sit æstimandum, si controversia inter Dominum & Vassallum oriatur, dicendum. Putant nostri hodie nullum Relevium deberi, nisi ex eis terris, quæ Wardam etiam debent; sed non puto id usque adeo verum; nam cum magnam partem juris nostri ex Normannia & Anglia processisse docuerimus, apud Normannos semper Relevium debetur ubi hominum, nisi in quibusdam dignitatibus. In feudis tamen loricatis Relevium semper debetur. Invenio in aliquo juris nostri scripti libro, deberi etiam Relevium ex aliis terris quam militaribus, viz. tam in feudis francis quam Emphyteuticis; sed ex diversitate tenendiarum diversimodum æstimari hæc Relevia. Nam in feudis francis, duplicatio ejus quod in blanco penditur, pro Relevio est: In Emphyteuticis duplicatio mercedis, quam plerique non debent putant, nisi id ex Pacto in instrumento feudi expressè contineatur; alii duplicari putant feudifirmam ratione Relevii, etiam si non exprimitur.

Feuda quæ ad manum mortuam tenentur, cum Ecclesia Vassalla non moriatur, nullum Relevium debent: Hinc nisi vehementer fallor, procedit nostra vulgaris opinio, quod Relevium non debeatur, nisi in eis terris quæ in feudo militari tenentur, & custodiam hæredis debent, non quod ex aliis etiam non competat Domino Relevium; sed quod in Francis, five Blancis feudis Relevium ferè sit nullus æstimationis: In Emphyteuticis ex Pacto convento procedere videatur. Sed ut ad quantitatem Relevii redeam, præcipue in terris quæ custodiam debent, de quibus solis Relevium communiter deberi existimamus; si solum Relevium debeatur, veluti si hæres viginti & unum annos expleverit, Relevii quantitas cum novo extentu concurreret. Relevium tanti æstimabitur, quanti feudum ipsum valere tempore pacis retortum fuerit, quod nihil aliud est nisi novus extentus, nec plus hæres debere, nec Dominus exigere potest. Si tamen Dominus in possessione custodiæ fuerit, nec dum ab eâ legitimè ab hærede desistere coactus, par erit ratio Relevii, quæ unius anni custodiæ, & Dominus possessionem suam, five corporalem, five eam, quæ in percipiendis fructibus consistit, continuabit.

Apud Anglos Releviorum certa quædam est æstimatio, nam in terris quæ in foccagio tenentur, si quæ præstatio contineatur, illa in Relevio duplicabitur: quod priorem nostram opinionem confirmat, nempe, quod nostrum jus scriptum dicitur, reverà Anglorum mores & instituta continere, & hoc Relevium quocunque tempore Domino præstare teneretur, & Dominus pro eo potest distringere, cum enim Dominus neque custodiam corporis, neque feudi sui habeat, ut in aliquo saltem Dominum Vassallus agnoscere videatur, duplicabit quod annuatim præstare astringitur. Et hoc immediatè post Vassallum mortuum; neque Dominus cogetur terminum expectare: ratio est, quia nullus hæredi terminus interdicitur, quo minus cum voluerit adire feudum possit, neque ullius termini mora Dominus impeditur, quomodo nus, quod sibi debetur, exigat, nisi fortè talis præstatio in instrumento feudi contineatur, quæ non nisi certo anni tempore possit præstari, veluti si Vassallus rosam, aut coronam ex rosis solvere teneatur, & patere ejus in hieme moriatur, expectandum tempus erit, quo rosæ nasci solent, ut ex eis corona facta pro Relevio Domino detur.

Relevii apud Anglos æstimatio.

In terris autem militaribus, quæ custodiam præstant, taxatur æstimatio ad certam quantitatem; veluti Relevium Comitis, five Comitatus integri, centum libris: Relevium Baronis integræ, centum marcis: Relevium autem militaris feudi, quod ob servitium unius tantum militis tenetur, centum solidi: Inferiora feuda militaria, quæ fortè servitium dimidii militis, vel quartæ partis militis debent, aut secundum antiquam consuetudinem, pro rata portione militaris feudi, quod unum militem debet. Apud Gallos diversa est æstimatio, licet diversam vix ausim appellare: nam Baronis integræ, Relevium centum francis æstimatur; feudi loriciati, five unius lorici quindicim libris, si neque sit feudum loriceatum, neque Baronia, feudum per acras æstimatur, ut pro qualibet acra, duodecim denarii Relevii nomine appendantur, ita ut ædes, five defuncti maneries, pro unâ acra æstimentur. Molendina, five molæ quæ per se & non cum feudis tenentur, sexaginta solidos pro Relevio dabunt; si cum feudo teneantur in uno corpore, Relevium feudi relevat. molam, licet consuetudo in his sæpè variat. Hæc itaque de Relevii quantitate, five æstimatione.

Si superior pro suo Relevio, colonorum feudi bona distrinxerit, (nam propria ipsius Vassalli extra feudum non potest) coloni solvere Domino suo superiori tenentur; sed quoniam

quoniam id solverunt pro hærede in primo introitus anno, nihil ex fructibus Domino suo pendent, sed eos sibi in compositionem retinebunt.

In releviis terrarum, quæ de Rege tenentur Vicecomes, aut si quis alius sit qui præceptum Regium exequitur, quales sunt Senescalli & Ballivi Regalitatum, ab eo, cui satisfactionem dant, petent sibi caveri de relevii quantitate, nisi mallent in præsentia exigere; Si non fecerit, ipsi, quod ab iis neglectum fuit, prestabunt: Neque Dominus Superior Hæredem investiendo relevium remittere videtur, neque, quo minus pro eo distringere possit, impeditur.

Quæ impediunt Relevium hæc sunt: Primo, si aliquot annis Feudum in custodia Domini fuerit; nam ex jure Anglorum, eo casu Relevium non debetur, ut ante monui; Si scæmina hæres cum consensu Domini nubat; nam, ut per nuptias à Warda (ut dixi) sic & Relevio liberatur: Idem, si franco-Tenementum quod dicimus, reservatum fuerit, & Hæres in nuda proprietate investitus: aut si aliquis ususfructus fuerit, sive à Domino ipso constitutus, ut sit in conjunctis Investituris, sive à Rege Introductus, ut in curialitate: Si Vassallus qui Investituram à Domino accepit, Releviumque ei solverit, de Feudo controversiam patitur, eo evict, pro repetitione Relevii, quod solvit, ex causâ indebiti, contra investientem habet actionem, vel illud ab evincente obtinebit: Monui antea Hæredem posse à subvassallis suis antiquas utilitates in primo anno introitus exigere, ut sibi subveniant, cum illius anni fructus pro Relevio Domino debeantur: Quod si is plures unius sui Domini Superiores Hæredes scæminas habeat, per primam investendus est, eique soli Relevium præstabit; licet sunt, qui hanc utilitatem inter cohæredes scæminas dividi debere putant: Hoc autem in omni custodia servandû est, si pauperiem Dominus in Feudo Vassalli fecisse dicatur, aut si damnum aliquod immincat, fortasse, quia Dominus non eadem fide versatur in hac custodia rei alienæ, qua in suâ, ut Dominus ad cavendum cogatur, autoritate Judicis ordinarii (quod tam Senatus Autoritate, quam Vicecomitis procedit) se Feudum in eadem conditione, & bonitate servaturum quâ receperat. Ut ædes & ædificia, quæ ad habitationem sunt seposita, facta tecta habeat; sic & turre si quæ sub custodia cadunt, Hortos, Viridaria, Prata, Pascua, Columbaria, Vinaria, & si quæ alia commoda receperit, in eodem statu & eadem bonitate, & cum eisdem commodis restituat; alimenta Hæredi administret, eumque pro dignitate Feudi educandum curet. Itaque monendus est Dominus, aut ejus Donatarius (nam hoc tacite inesse ejus donationi videtur) ut intra 40 dies, satisfat, alioqui eatenus Feudi custodia privandus, donec satisfecerit, quod idem in Dominâ conjunctâ infestationis sive usufructuaria servandum est. Præterea si filii Hæredes fuerint & ante maritacionem pudicitiam polluerint, amittunt feudum suum & Domino accrescit: at sunt, qui tantummodo pro vita amitti putant & post mortem locum facere proximo Hæredi.

Generaliter hoc de custodia observandum, ut qui eam habet, cavere teneatur de prædiis quæ in custodia habet, in eodem statu conservandis, neque suo tempore deteriorari per se vel alium sinet; & hæc cautio exigere potest per judicem ordinarium & custos, aut qui custodia jus habet, intra 40 dies cogi potest ut satisfat, aut à custodia removendus, donec satisfat; si ante satisfactionem pauperiem fecerit, eo nomine tenebitur.

## De Maritatione, sive Maritagio.

### Diegesis Vicesima prima.

**M**aritationis nomine hic usus sum, quod utrique conjugii commune sit; nam vir Maritatur cum maritus sit, scæmina quando marito jungitur: Estq; hæc Hæredis maritatio, ita cum custodia corporis conjuncta, ut licet intelligi quæque per se, non tamen separari facile possit; Nam maritatio Heredis, nisi earum terrarum, quæ custodiam debent, Hæres sit, non procedit, nec custodia corporis in alium finem introducta, nisi ut Dominus, dum in custodia Hæres est, ei de digna maritatione providere possit. Itaque altera alteri ferè semper cohæret; nisi fortè maritatio ex pacto convento, & conditione feudi debeatur, ut in Emphyteusibus Wallis Erniz.

Sed quod ad hanc maritacionem attinet, videtur & contra Juris naturalis & Juris divini regulas, etiam contra Civiles, & Pontificias Constitutiones introducta; quibus non

solum libera debere esse Matrimonia statuitur; sed etiam si Sponsalia sub pœna contracta sint, nulla sit pœna petitio licet, ante solemnizatum Matrimonium, altera pars disenserit; imo legata, quæ eo nomine fiunt, ut aliquis vel aliqua alii nubat, non præstanda censentur, ne quis prece aut pietate ad conjugium cogatur.

*Maritatio-  
nis origo ex  
jure feudali.*

Quod ad jus feudale attinet, nulla hujus Maritationis expressa mentio, præcipue in Hærede foemina, quæ ex jure feudali, ab omni successione prohibetur, itaque non mirum si de ejus maritatione nihil caveatur: Sed sane facilis est horum nodorum solutio, hujusque maritationis ratio, si quis eam accuratè examinet & excutiat & cum jure Civili & Pontificio maximè convenire, & ex ipsius juris feudalis principis & fundamentis processisse apparebit. Nam licet ad Matrimonium nemo cogendus sit, nec libertas conjugii cuivis & præcipue in hoc negotio auferenda; ex jure tamen divino & humano, quando filius est in potestate patris, ejus consilio & Autoritate in diligenda conjugio uti debet, & An nuptiæ sine consensu patris, per filium familias celebratæ, valeant, inter doctissimos hodie controversitur: saltem hoc ex omnium sententiis constat, patrem, si sine ejus consensu filius uxorem ceperit, filium exheredare posse, & hæreditatem in quam successurus erat, inter alios liberos parti; quemadmodum & illud est nostris moribus certissimum, patrem quoties filium maritat, ex suo patrimonio conjugium instruere, quo casu dotem etiam filii lucratur; In jure autem feudali, cum maxime Dominorum interfit, ne feuda sua in alienas & proinde ignotas, & non amicas familias transeat, aut cum in Vassallum recipere teneantur, de cujus fide & officiis non sunt certi; non mirum videri debet, si Vassalli hæres sine consensu sui Domini superioris, matrimonium contrahere non debeat; Dominus enim superior loco parentis Vassallo est, aut siquid sit parente sanctius, aut quod parentis animum aut amorem vincat; cui Vassallus omnia sua debet, nihilque habeat quod ei acceptum non ferat. Præterea cum hæc sit naturalis & ingenua feudi qualitas, ne Dominus eos Vassallos habeat, quos non vult, neque è re sua esse putat & ab alienis familiis abhorreat; Quis Feudi Dominici alienationem quandam non censebit, quoties Feudum suum in alios transferri, se præsentem & contradicentem videt? In masculo etiam Hærede, Domini quam plurimum interest, ut quam amicissimam suæ familiæ uxorem habeat, cum Vassallorum animi plerumque ex conjugum arbitrio non solum pendeant, sed etiam pervertantur: Neque hic libertas matrimonii tollitur, non magis, quam si quis cum Hærede foemina contrahat, nam sine ea hæreditatem consequi, eaque frui non potest, & aut hæc simul cum illa accipienda est, aut simul amittenda. Eadem est natura feudi, nam si Hæres Vassalli eam libertate conjugii, quæ ei tam jure divino quam Civili competit, uti velit, poterit quidam, neque Dominus potest impedire; Feudum tamen, quod ea Lege à Domino accepit, ut Domino potestas eum maritandi esset, amittet, constat itaque ex his maritationem hanc totam ex jure feudali pendere nec; jure divino, neq; humano ullo prohiberi.

*Quid sit  
Maritatio.*

Est autem Maritatio potestas à jure introducta, in favorem Domini superioris, ut possit Hæredem Vassalli, qui de Domino, cum obiit, Feudum militare tenuit, pro suo arbitrio sine disparitate maritare. In hac Maritatione, ut antea in custodia dixi, omnis fraus, dolus & malæ artes, ex utraque parte abesse debent, neque alterutri licet, salvis juris verbis, sententiam quæ ex aequitate pendet circumvenire; Nam neque ipse Vassallus, neque Vassalli Hæres quidquam admittere debet, quo Domini jus in hac Maritatione deterius reddatur, aut aliquid de dote ei decedat; neque Dominus, dum nimium commodis suis & rei augendæ studet, Vassallum in miseriam apertam conjiciat, ei conjugem offerendo, cum quæ amœna & suavis vita non sit ei futura. Competit itaque Maritatio & si quæ ex ea utilitas oriatur, soli Domino aut ejus donatario sive assignato, causam à Domino habente. Duplicem enim vicini nostri Guardianum constituunt, unum de jure nempe Dominum, qui semper ex jure Guardianus est, sive custos pupilli: alium de facto, cum Dominus jus suum ad alium transfert, nos donatarium sive assignatum dicimus: Et cum tantum, cum Vassallus, qui Feudum suum pro servitiis tenebat & pro quo Feudo custodia Hæredis debetur Domino, moritur, Hæredem sui Feudi adhuc non conjugatum, sive Maritatum relinquens; nam his casibus, jus hujus Hæredis Maritandi, ad Dominum superiorem jure optimo pertinet; dixi non conjugatum sive Maritatum, quia si vivo patre Vassallo, Hæres apparens conjugium sortitus sit, nihil ex Maritatione ad Dominum redibit & si hic Hæres mortuo patre, nunquam Maritatus, neque Feudum ingressus, moriatur, sequentis apparentis Hæredis Maritatio Domino debebitur; licet istempore mortis Vassalli, non erat successurus, neque Hæres apparens dici potuit, sed quia prioris hæredis apparentia evanuit, & ad non apparentiam redacta est, hujus secundo geniti Maritatio, ad Dominum redibit; quod

*Cui competi-  
tis jus Hæ-  
redem Ma-  
ritandi.*



Quod si hic primogenitus, vel uxorem ex arbitrio Domini duxit, aut feudum ingressus est & sine liberis decesserit, non minus adhuc Maritatio hæredis sequentis Domino debebitur; nam ille hæres erit aut fratri aut patri; & in utroque casu si pater, aut frater in feudo decesserit, Maritatio sequentis ad Dominum pertinebit, quia alterutri in feudo succedit; dixi si pater aut is cui immediate successurus est hæres, in feudo decesserit; nam si hæres durante vita prædecessoris sui, in feudo sasitus fuerit ex voluntate Domini, nulla Maritatio Domino debebitur, nisi fortè aliqua pars feudi adhuc supererit, quantulacunque ea fuerit, in qua Vassalli hæres ante non fuerat sasitus, nam hæc pars Maritationem deberi faciet; Addidi ex voluntate Domini sasitus, quia nulla sasina Domino præjudicare potest, nisi quæ ab eo procedit aut confirmatur ab eo, quia Domino ex facto suo præjudicatur tantum. At quid si hæres apparens, ex multis causis prædecessoris sui creditor & sententias iudicis ordinarii pro debitis sibi à prædecessore obtinuerit, feudi proprietatem vivente Vassallo licitatione acquisierit, aut (ut in foro loqui solemus) appreciaverit, & sic invito Domino superiore sasitus fuerit, an in hoc casu Maritatio debebitur? nam sic facile Domino præjudicabitur in Maritatione. Respondeo, si nulla appareat collusio inter Vassallum & hæredem, vereque sunt debita & expensa pro quibus appreciatio facta est, puto beneficium juris communis ab hærede hoc apparente non auferendum, & in hoc casu Domino in Maritatione suâ præferendum; ita tamen (ut dixi) si nulla fraus, nulla collusionis suspitio; interuenisse appareat. Est & alius præter eum qui de jure & de facto dicitur Guardianus, quem Angli per accidens vocant, veluti si minor hæres feudi militaris alium sibi minorem Vassallum in feudo militari habeat; nam Dominus non solum sui Vassalli minoris custodiam, sed etiam subvassalli minoris, qui in custodia sui Vassalli est habet, cum minor non sit idoneus custos alterius minoris.

Quæret tamen aliquis, an tantum Vassallo mortuo, hæredis cælibis Maritatio, Domino debebitur? ita ut Vassallos dum vivat, filium aut hæredem pro arbitrio maritare liceat; nec Domino jus ullum erit de ejus Maritatione vivente Vassallo suo inquirere; Sanè quod ad hæredem masculinum attinet, patri aut avo Vassallo hæredem apparentem, filium aut nepotem pro animi sui sententia semper maritare licuit, & eo jure adhuc utimur; At in hærede fœmina, aliud antiquitus statutum erat, & fortasse magnam secum æquitatem adfert; nam cum in dispositione primi feudi, Dominus qui illud ex mera gratia, & benevolentia concessit, aut concessisse præsumitur, Vassallum sibi pro meritis delegerit, cujus fidem perpetuo postea sequeretur & liberorum qui ex illo descenderent; neque ulli alii quam Vassallo & liberis sit restrictus; Si inquam hic Vassallus hæredem tantum fœminam habuerit, quæ feudum dominicum nuptiis suis in alienam familiam transferat, merito Dominus jus in hujus Mariti electione sibi potest arrogare, ut ille potius, Vassallæ suæ futurum virum eligat, quam illa Domino Vassallum novum; Quid enim si illa inimico Domini nubat, aut in eam familiam se det, inter quam & Dominum graves sunt similitudines & non leves offensionum causæ; & sic Domini inimici opibus sui feudi adversus Dominum ipsum utentur? Profecto in hoc casu maximum Domino præjudicium nasci, & non minus quam ex alienatione feudi, nemo sanus negabit; Id ut avertatur, jus feudale & etiam jus nostrum scriptum providet, ut in hac fœminæ hæredis apparentis maritatione, etiam vivente Vassallo Domini consensus accedat, non minus atque in feudi alienatione, ne forte novus & incognitus Vassallus, aut inimica familia in feudi possessionem veniat, per Maritationem hæredis fœminæ, cum eadem sit in utroque ratio, nempe ne Dominus ab extraneo, incognito, & antea nunquam viso, hominum recipere urgeatur.

Sed dicet aliquis, si Dominus Maritationi hæredis fœminæ consentire noluerit, differenda ne est ejus Maritatio? quod quam periculosum sit Menander Comicus testatur, qui differendas filiz nuptias non putat, ne castitas filiz sit in periculo, quam nullus pater satis tueri potest, & præterea Dominus id consultò potest negare, ut filia hærede nunquam in vita elocata, per mortem rursus feudum ei aperiatur, sed ut dixi, omnis fraus, omnis calumnia in his rebus abesse utrinque debet; itaque cum utrinque incommodum versetur, hoc medium in jure proponitur, ut Vassallus Dominum adeat, ejusque consensum exposita causâ petat; Si Dominus justam inimicitiarum causam allegaverit, aut aliam quamcunque legitimam, cur id Matrimonium non expediat, & in præjudicium Domini vel vitæ vel dignitatis vel bonorum tendat, quæ imprimis curæ esse Vassallo debent, Vassallus Domini sui judicium & auctoritatem sequi debet; Si verò

*An Vassallus  
vivens hære-  
dem pro ar-  
bitrio mari-  
tare possit.*

Dominus

Dominus nullam legitimam causam habeat, aut poterit pretendere, pater vassallus in vitam suam, filiam ex animi sui arbitrio, uti velit, elocare potest; ita tamen ne crassa ignorantia inimicum Domini in feudum inducat per nuptias filiae: Nam id impunè non licet, ut postea dicemus, Idem in pluribus filiabus.

Est & alia hæredis fœminæ specialis ratio, quæ à masculino hærede eam distinguit; Nam, ut nuper monui, si semel masculus hæres ex consensu Domini maritatus fuerit: Cœlebs postea factus, etiam licet adhuc minor, non opus habet, si se rursus maritandum proposuerit, Domini novo consensu; sufficit enim semel practita Maritationis aſſumatio, ne bis Dominus idem consequatur, quod ratio non patitur; & quod ex præterito non præsumatur hic hæres velle, nisi commodis Domini sui inservire.

*An fœmina hæres vidua semel facta rursus in maritatione Domini consensu indigeat.*

At si fœmina hæres nupserit semel ex arbitrio sui Domini, postea vidua relicta, secundo etiam sine consensu Domini sui non nubet, ne talem, qualem Dominus nolit, in feudi possessionem inducat; quæ causâ etiam est in Ecclesiasticis Rentalibus Glasquæ & Pasleti, quæ licet post mortem Mariti, in viduarum favorem soleant renovari, semper tamen clausula hæc adjicitur, aut pro adjuncta aut expressa habetur, ne cui de novo nubat, sine consensu Domini sui, alioqui de Rentalis seu feudi possessione migrandum. Et in jure Anglorum, viduæ Regii patrimonii, aut quæ partem illius occupant; si sine Regis consensu nupserint, possunt ad Regis instantiam cogi migrare & Rex Terras & Teneamenta, domum vixerit, aut finem (ut aiunt) cum Rege fecerint, in suas manus capiet; Hæc licet summa cum ratione introducta sunt, in usu tamen hodie apud nos non sunt, pater enim filiam locare, cui vult potest; nec consensus Domini requiritur, licet de publica honestate melius fecerit, si consensum ejus petierit, præcipue si commodum aliquod ex consensu Domini posset sequi, alioqui Domino sua jura integra omnia manebunt, nec ei imputabitur, si eis, ex summo rigore, contra Vassallum suum utatur.

*Si fœmina hæres se polluerit.*

Est & alia differentia inter heredem masculinum & fœminam; nam fœmina in Warda constituta, si ante matrimonium se polluerit, ad Dominum redit hæreditas, si una sit; si plures, reliquæ sorores succedent in terris quæ custodiam debent, sed post prioris mortem; at in vidua hoc locum non habet, licet fornicata fuerit.

Maritationis autem hujus jus soli Domino compete. e monui, aut ei qui ab eo causam habet, qualis est donatarius, sive assignatus: In his donationibus, aut dispositionibus, hæc clausula apponi solet, cum maritatione hæredis apparentis dicti Vassalli, aut eo feudum dum viveret non ingrediente, cum maritatore proximi hæredis; Si primus hic hæres feudum nunquam ingressus fuerit, id est (ut loqui solemus in foro) nunquam retornatus in heredem defuncto, aut salicus fuerit, donatarius hic maritationem secundi hæredis habebit: Si vero primus ingressus fuerit, eo calibe & nunquam conjugato moriente, novæ donationi locus erit, nec prior sufficit.

*In quibus maritatio locum habet.*

Hæc autem Maritatio locum solum habet, (ut dixi) in feudis militaribus, & eis quæ Custodiam & servitio debent, Dominusque dotem lucratur: Si feudum sit francum hæredis solius est arbitrium in te maritando, & commodum omne dotis ad eum pertinebit; In feudis Emphyteuticis idem observandum, nisi aliud convenerit, ut in Regis Emphyteuticis Wallis terrarum; ubi licet feuda omnia sunt Emphyteutica, in instrumento tamen Emphyteutico id expressum est, ut Maritatio ad Regem pertineat. Sic & in Burgensibus, licet de Rege teneantur, Maritatio hæredis non debetur: Nam Burgi proprie tenentes Regii, in his feudis videntur, & Burgus non moritur. In Ecclesiasticis feudis, & quæ ad manum mortuam dantur, nulla est Maritatio; quia nulla est mors Vassalli, nullus est hæres; Ecclesia enim non moritur.

*Si quis plurimum feudorum militarium sit hæres.*

Si Vassallus moriens plura feuda militaria habuerit, quæ ex diversis Dominis pro servitiis & custodia tenentur, hæresque in ea omnia sit successurus, & plures sunt ea ex causâ qui jus Maritationis prætendant; nec hæres nisi semel maritatus, aut nisi uni hujus Maritationis æſtimationem debere potest; In hoc casu antiquior Dominus in jure Maritationis præferendus, nulla habita distinctione, hæresque hic apparet mas sit an fœmina, si feudum sit magnum aut parvum, si modo aliquod sit: Antiquior autem ille dominus censetur, à quo vassallus aut ejus prædecessores, primum beneficium sive feudum acceperint, ita ut collectis omnibus feudis in unum & investituris, tantum considerandum manet, quæ sit antiquissima investitura & prima in datâ, in anno Dom. die & mense &c. quod sane non sine ratione introductum est; nam cum is primus, cum honore eo & beneficio dignatus est, sub innatâ ea conditione Maritandi hæredis, hæc innatam feudo suo conditionem, Vassallus sine nota ingratitudinis invertere non potest, Domini quoque primi conditionem

ditionem deteriore facere ex suo facto nullius lucris causâ; quod & in usu apud nos est; aliud tamen in Rege superiore observatur; nam si Vassallus unum ex Rege, alia ex aliis Dominis feuda militaria habeat, Rex in jure maritacionis omnibus præferetur, non tantum quod parem & qui cum eo jure contendat, in Regno suo ferre non potest, ut plerique putant; sed quod revera Rex sit antequissimus omnium feudorum Dominus & superior; nam licet nondum hujus Vassalli fuerit superior, fortasse, quod feudum hoc novum in hoc Vassallo sit; tamen auctoris ejus & à quo Vassallus causam habet, fuit superior & ita nil mirum, si mutato Vassallo eadem maneat Domini primæ conditio, qui nisi ex prioris causâ & conditione Vassallum investire non præsumitur; proinde, cum ab eo feuda ab initio descendunt, licet Dominum aut Vassallum mutaverint & in hujus posteriori Vassalli manibus serius acquieverint, semper tamen de uno vassallo in alium transferri censentur cum nativâ conditione, maritacionis Regi ab initio debita, quod tamen locum non habet in feudis Ecclesiasticis; nam licet Ecclesia maximis & innumeris privilegiis gaudet, tamen in hoc maritacionis jure, si vel cum Rege, vel cum aliis Dominis superioribus conferatur, jure communi uti debet, licet plerique in contrarium pugnent, ut Ecclesia pari cum Rege beneficio utatur. Hæc autem omnia intelligenda sunt, si feudum quod de Rege tenetur sit militare & custodiam & relevum debeat, non de omni simplici tenore, veluti si forte feudum sit Burgense, quod de Rege teneri nemo dubitat; non tamen in Burgenfi feudo neque franco neque emphyteutico Vassallus Regem Dominis suis aliis superioribus in maritacione præferet, si de quovis militare habeat feudum; Si foemina hæres à Vassallo relicta sit, quæ in plura feuda militaria custodiæ & maritacioni obnoxia succedere debet, plurimum Dominorum aut omnium consensum non requirit, sed illius tantum à quo suum antiquissimum feudum habet, nisi aliquod de Rege teneat: nam eo casu ejus consensus necessarius est, cum jus maritacionis ad eum solum pertineat. Si plures sunt Domini, quorum singuli jus hæredis maritandi sibi deposcant, hæres ne unum alteri præferre videatur & in offensionem incurrat; si sapit omnes ad Senatum evocandos curabit, ut ibi post cognitionem causæ habitam, qui sit antequissimus Dominus & cui maritatio debeat, possit inveniri: In cujus causæ cognitione, hæres antiquissima sua monumenta exhibere tenetur, ut sciri possit à Senatu, cujus primo fuit beneficiarius, ut ejus maritacionis attribuant. In quâ exhibitione, si hæres hic fraudem fecisse probari possit, monumenta antiquiora subtrahendo, ut post non possit gratificari, à jure illius feudi, quod de eo Domino tenet, cui fraudem fecerit, cadet, & Domino feudum aperietur, ita tamen ut cuique Domino, suorum feudorum, quatenus ad eorum custodiam pertinet, usus & Warda intacta & illibata conservetur; Neque tamen hoc universaliter verum est, Maritacionem hæres mortuo Vassallo ad Dominum pertinere, ut in superiore diegei monui: Nam si filius vel filia matri Vassallæ succedat in feudi hereditate, aut per matrem avo materno, aut proavo materno patre vivo, Dominus custodiam terræ, sive feudi habebit, sed non corporis; nam liberi non possunt esse in potestate alterius, aut custodia, nisi patris, si vivat; Itaque in hoc casu Dominus maritacionis jus non habebit, sed pater propter reverentiam quæ tam jure divino, quam humano patri debetur: Et hoc jure Anglorum, nescio an idem apud nos; cum tamen eadem sit utroque ratio, neque in hac questione quicquam unquam decessum vidi, quæ si aliquando occurrat, puto Senatum non temerè jus æstimationis maritandi hæredem, à Domino superiore ablaturum; ita tamen ut hujus valoris minor sit æstimatione tantum, arbitrium autem filiam elocandi patri semper competit ex Scriptura sacra, cui nescio an jus feudal, quod moribus introductum est, possit derogare: matri autem jus maritandi filiam hæredem non competit. Jam ad primum hæredem accedamus.

Hæres (mortuo prædecessore) si sine uxore fuerit, nisi cum consensu Domini sui maritare se non debet, non tamen à Domino ad quodvis matrimonium cogi potest, dum modo sciat, si sine consensu Domini uxorem ducat, jure esse definitum, ut æstimationem suæ dotis Domino solvere teneatur: in qua æstimatione, non quod is ex dote commodum acceperit, considerandum est, sed quod potuit accipere; nam si gratis vel formæ vel generis fortasse & probitatis sive morum causa virginem indotatam duxerit, Dominus consequetur quod ille potuit dotis à quovis paræ dignitatis & familia consequi, nam ea tenus ei præjudicatum videtur, cum hæres hic in fraudem Domini sui aut quo ejus commodum minuatur, nihil facere possit, alioqui puniendus.

Solent plerique ad rem parandam instructi etiam matrimonium sine consensu Domini contrahere, ubi spes magnæ dotis effulget, quod totum Domino non reddens, sed judi-

*Casus in quo maritacionis jus hæres Vassallæ ad Dominum non pertinet.*

*In quid hæres teneatur.*



cio solent permittere, quanti maritatio sua possit à Senatu aestimari, qui sanè Senatus ne exemplum ad plures perveniat, jus summum in hac aestimatione non semper solet sequi, sed moderamine quodam uti: At profectò ubi evidens fraus Vassalli emergit, puto gravius & severius cum eo agendum, ut nuper in actione contra suum filium

Sinclarum fecerunt. Utcunque est, aestimatio valoris maritationis Vassalli sui ad Dominum pertinet, si sine consensu ejus uxorem hæres duxerit: Quod si requisitus à Domino, ut suum consilium sequatur & eam in uxorem ducat, quam Dominus ei præsentaverit & non paruerit, sed aliam duxerit, non solum simplicem aestimationem, sed etiam duplum ejus Domino præstabit.

*De duplo & simplo maritationis.*

De hac igitur & simplici & dupli aestimatione aliqua dicenda, & quando duplum & quando simplum præstare hæres sit cogendus. Simplum maritationis hæres præstare cogitur, quoties, cum jus maritationis Domino deberet, nunquam tamen ab eo requisitus fuerat, ut uxorem ab eo præsentatam ducat aut si requisitus ab eo fuerat, tamen contemptum à se Dominum non cupiens vulgari, à matrimonio adhuc abstinerit, intereaque Dominus pro matrimonii valore egerit; simplici valore eo casu eum contentum esse oportet, cum Vassallus adhuc cælebs sit, nec Domini provisionem aut consilium omnino contempserit: Ita tamen, ut si postquam Domini pacatam offensionem ex solutione simplici credat, post se alii conjungat, licet jam Dominus simplum sit consequutus, de alio simplo ex post facto teneatur, quasi fraudem committens in recusatione, qui fortè maritationem suam requisitus dissulerit, donec Dominus simplum obtinerit; Postea, credens Domino satisfactum, se maritaverit. Sunt & aliz duæ causæ cur hæres in simplum tantum teneatur: 1. cum pervicax contra Dominum non fuit, nec eam recusavit quam ei Dominus præsentavit, cum penitentia semper sit locus re integræ; Secunda, quia illud simplum ab eo exigi non potest donec investituræ, si feudum non sit ingressus: Ratio primæ causæ cur simplum tantum debeat hæc est, non enim est semper urgendus hæres eam in uxorem ducere, quam Dominus obrulerit, sed si sine conjugate manserit, donec annum vigesimum primum compleverit, tum sive ducat sive non, simplicem valorem dabit id est tantum, quantum Dominus pro ejus maritaggio lucrari potuit, si Domini consilium fuisset sequutus & satisfaciet antequam terram suam recuperabit. Jure Anglorum, In fœmina hærede quæ 14. annum excedit, relicta, Dominus adhuc duos annos habebit, ut eam maritet: Alioqui si intra illud tempus non fecerit, illa hæreditatem suam recuperabit, nec quicquam pro ea solvet, quia nihil habet unde poterit præstare, & hoc Domino imputatur, qui nondum eam investit. Ratio secundæ causæ est, quod in aestimatione maritationis nisi in simplum Vassallus Domino antequam in feudo recipiatur, non tenetur: Quod si mas recuset feudum adire, potest cogi per literas ex Senatus deliberatione, ut feudum ingrediatur sub ea pœna & certificatione, ut si intra 40. dies hæreditarium feudum non adbeat i. e. investituram à Domino volente accipiat, eodem modo teneatur ac si investituram accepisset. Interea (ut dixi) de simplo tenebitur tantum, neq; tamen hoc simplum ab hærede exigi potest, donec hæres investitus fuerit, etiam si in simplum damnatus sit, quia Dominus interea fructus suos facit aut ratione custodiæ, si hæres infraztatem sit: aut ratione non introitus; nam evenire potest ut hæres, licet conjugatus, nunquā tamen feudum in vita ingrediatur & sic Dominus ex unius Vassalli defectu, duplex commodum consequatur, nempe præsentis hæredis simplum & sequentis maritationem simul accipiet; In his igitur casibus simplum tantum debetur, neq; ante investituram Vassalli exigi potest.

*Quomodo hoc simplum aestimabitur.*

In hac simplici aestimatione faciendâ, non tantum feudi ipsius quod de Domino tenetur utilitates & commoda ponderanda, sed etiam omnes utilitates, quas aliunde Vassallus habet, aestimandæ sunt, sive ex consistant in opibus, pecore, feudis francis, aut emphyteuticis possessionibus, non tantum terrarum, sed etiam decimarum: Deniq; qualis & quantus Vassallus est opibus aut vivendi facultate, talis & tantus, in valore hujus maritationis taxando, aestimatur; singulæq; hæ utilitates libello exprimendæ, imò & probandæ, ut Senatui constet, quatenus valorem maritationis possit aestimare; & hæc de simplici præstati-

*De dupli aestimatione.*

tionem. Dupli aestimatio nunquā debetur nisi ex requisitione Domini sui superioris; nam si is aut qui ab eo causam habet legitime Vassalli hæredem, jam 14. annum excedentem requisierit, ut ex ejus consilio uxorem sibi delegat & unam non genere nec qualitate disparem offerat, in hoc solo casu Vassallus in duplum aestimationis verè ipsius maritationis tenetur, si aliam ab ea quam Dominus obrulit, ducat; nam Dominum ejusq; Judicium contempsisse videtur & ob pervicaciam in duplo puniendus; Superior interea donec ei vel de simplo vel de duplo satisfaciatur, ut adjudicatum fuerit, feudi retentionem habet in manibus suis, etiam exactâ custodiâ, fructusq; suos facit.

Et

Et quoniam tota quæstio de duplo & simplo ex requisitione Domini pendet, nec nisi ab eo requisitus vassallus in duplum teneri possit, de forma hujus requisitionis videamus, & hæc usitata est.

Si Dominus cui jus maritacionis ex natura feudi competit, aut qui ab eo causam *Forma requisitionis* habet, quales sunt donatarii, aut horum assignati per se, vel per suum procuratorem legitime constitutum, heredem, post decimum quartum annum absolutum & perfectum, personaliter si fieri possit conveniat, aut ad locum habitationis suæ, si se fraudulenter subtraxerit, & ei offerat, nomine expresso, conjugem in pari gradu existentem & sine omni disparitate, sive disparagio (ut loqui solemus) requiretque dictum heredem, ut diem constituat in tali Ecclesia, quo nuptias in facie Ecclesiæ celebrare & consummare velit, Si hæres diem constituere nolit, ipse Dominus aut qui ab eo causam habet, aut ejus procurator diem præstituet (modo triginta dies integri à die requisitionis numerentur) & eo die se conjugem oblatam ei in eadem Ecclesia sistere promittat; Si donatarius aut ejus assignatus sive cessionarius sit qui requirat, primum de jure suo docebit, ut sciat hæres ei jus esse requirendi. Itaque donationem suam sive cessionem legitime tum hæredi innuabit (nos intimationem dicimus) integramque à notario coram testibus per legi curabit, & eo nomine instrumenta capiat; nec exemplar si poscatur recusabit; immo tutius fecerit, si juris sui exemplar hæredi offerat; Nec, si hæres postulaverit, ut sibi visenda futuræ suæ sponsæ potestas fiat & sermones conferendi cum ea, denegabit; durum enim esset hæredi, eam ducere quam antea nunquam vidit, aut cum qua nunquam collocutus est, ut ejus animum & mores exploraret; Sed & ad hæc d. em constituit, quo ei cum sponsa oblata sermones conferre & quæ in talibus fieri solent, statum, habitum & faciem explorare possit & ut constituit, sic servandum curabit: adveniente die nuptiis constituto, Dominus aut qui jus ab eo habet, debito tempore, quo matrimonia solent celebrari, in præstituta Ecclesia aderit, secum eam quam obtulit adducens, quæ se paratam adimplere, quod suo nomine promissum erat, hoc ipso tempore significabit & in horam à meridie primam expectabit, ut omnis subite fugi occasio præcludatur, longus morari non tenetur: Si Vassalli hæres requisitus non comparuerit, aut comparens eam in uxorem ducere recusaverit, Dominus aut qui jus ab eo habet, instrumenta de his quæ dicta sunt, exiget & pro duplo maritacionis protestabitur; Hæc omnia scripto sive instrumento debent comprehendi & coram testibus, soli autem testes, in hoc casu non sufficiunt. His peractis qui jus maritacionis habet, si hæres vassalli alii conjugio se mancipavit, actionem adversus eum coram Senatu suscipiet & persequetur pro dupla æstimatione hujus maritacionis sive maritaggi, nec alter æstimatio dupli sit, quam fuit antea simpli, nempe Inventario exhibito omnium bonorum quæ ad hæredem pertinent, sive ea sunt moventia, sive hereditates de alio vel alio modo tenenda, sive quæcunque possessiones, quarum valor & æstimatio in judicium deduci potest ante Senatum, qui solus arbitrium æstimandi maritacionem habet & plerumque ubi simplum tantum debetur, illud majoris æstimat; Si duplum sit in petitione, ejus æstimatio quantum potest arctatur, ut non multo plus æstimetur quam simplum grave & præcipue ne plus æquo maritacionum æstimationes inter Barones excrefant; itaque hæc omnia ad a quietatem potius rediguntur, quam ad jus summum.

In hac requisitione pro maritacione, an hærede intra ætatem constituto, Tutores sive *An curatores* requirendi sint, dubitatum vidi; cum eorum in re tanti momenti autoritas sit *res sine re-* necessaria, obtinuit tamen ut ii ex necessitate non debeant requiri, cum jus eligendæ *quirendi.* conjugis ad solum heredem pertineat, matrimoniumque sine eorum consensu valeat.

Neque tamen hoc semper verum est, Quod Vassallus requisitus & recusans in duplum *Quando etiam ex requisitione dupli non debetur* teneatur, quid enim si iustum recusandi causam habeat, veluti si sanguine aut genere dispar ei offeratur à Domino, quo casu, ab æstimatione dupli, quod legitima non fuit oblatio, liberabitur.

Disparitas autem generis tantum est inter nobiles & Burgensem, rursus inter Burgensem & rusticum, nam si nobili, filia Burgenfis offeratur, tuto poterit hæres eam recusare; Imo si Burgenfi filia rustici quæ manuum labore vivit, offeratur; Burgenfium enim, si non par nobilitati, quadam tamen dignitas est, ut non possit nisi per Burgeneses judicari, Sed de Burgenfibus inter se rara quæstio est, cum nihil pro custodia & servitiis teneant, nihilque debeant, itaque supervacuum est de eorum aut inter se, aut, si cum rusticis conferantur, dignitate disputare; fieri tamen potest, ut hi feudum etiam militare sed ignobile teneant, Unum hoc tenendum est, ut nunquam inter nobiles disparitas videatur, itaque

filia Baronis, filio comitis par est dignitate, nec filius comitis, quod in superiori gradu dignitatis sit, disparagium filia Baronis poterit obijcere : De aliis feudis, quæ nobilitatem inducunt, nempe de primo, secundo & tertio gradu nobilitatis antea in feudorum divisione dixi, nec magnitudo feudi spectatur, cum Baro qui de Rege tenet, quamtuluscunque fuerit, nobilitatis primum gradum sibi possit ascribere.

*Secunda disparitas ex ætate.*

Sed sunt & aliæ disparitates sive disparagia, nempe in ætate ; Si filio hæredi vetula offeratur, quæ spem sobolis aut præ ætate jam amisit, aut ut amittat proxima est, neque enim Juvenis viginti annorum quinquagenariam ducere cogendus est, neque fortè eam quæ proxima quinquagenariæ est, veluti si quadraginta quinque annos exegerit, cum difficilis sit & in his spes conceptionis : Et licet in hærede fœmina, eadem non sit ratio, neque spes prolis in viro quinquagenario, imo nec quamdiu vivit, deficit, puto tamen, si hæredi fœminæ ædolefcenti quinquagenarius, aut qui eam ætatem superavit, offeratur disparagium posse eam prætere, & merito eum recusare.

*Tertia ex corpore.*

Est & alia disparitas ex corpore, si qui aut quæ offertur, alicujus membri defectu laboret, ita ut ejus nullum usum habeat, ut si pede vel manu careat : Nam vitium in membro, veluti si clauda sit quæ offertur, aut si lusa sit, non puto nocere. Varia præterea sunt genera morborum quæ disparitatem inducunt, præcipuè si tetri & perpetui morbi sint ; De quibus sigillatim disserere, medici potius esset quam Jurisconsulti ; Illud tantum annotandum, omnem disparitatem, & disparitatis excusationem, justa fuerit nec ne, à Senatu solo æstimari & ejus arbitrio permitti, ut & antea valor maritacionis : In valore tamen æstimationis, sciendum est, aliter maritacionem hæredis masculi, aliter fœminæ fieri ; nam masculi hæredis maritatio ad dotis tantum quantitatem extenditur, ut tanti valere videatur, quantum vir prudens ei cum filia in dotem dare præsumeretur ; In hærede fœmina longe aliud : Nam maritacionis valor tanti æstimatur penè, quam ipsum feudum aut hæreditas, in quam succedere debet, cum sit quasi ejus dos & is cui nubit totum lucratur ; ideo videtur non minoris maritacione æstimandam, quam lucrum quod ex ejus connubio vir consequitur id est quam tota ejus hæreditas ; Sed sane durum hoc est, neque ex jure feudali descendens, licet in nostros usus irreperit ; solet tamen Senatus multo altius hæredis fœminæ maritaciones æstimare, quam maris, sed hec omnia ex Senatus moderatione pendent. Si Dominus hæredem masculum intra decimum quartum annum existentem, aut fœminam intra duodecimū dispari conjugii collocaverit (quod in disparagio maritare dicimus) solennitatesque Ecclesiasticæ de facto perfectæ, quia, ex jure, matrimonium adhuc non teneat, donec perfectæ sint ætatis ad matrimonium perficiendum conjuges ; conquerentibus de disparitate hæredis amicis & propinquis, causasque sufficientes disparitatis allegantibus, res contra Dominum in judicium deducenda est & interim conjuges separandi : In qua causâ si Dominus succubuerit, & in hæredem peccasse probatus fuerit, custodiâ hæredis & ejus maritacione eâ vice, omnique commodo ejus privabitur ob decedens Vassallo illatum, quod ex fide & ut decuit verum Patronum, & Dominum, cum Vassallo non egerit, rescissoque ante decimum quartum annum matrimonio (quod ex jure licet) ex arbitrio amicorum, & præcipuè ejus qui causam disparitatis peregit, & eum ab indigno matrimonio liberavit, de novo conjugem quam volet ducet, dotemque suam ipse lucrabitur : Quod si hæres jam post decimum quartum annum absolutum huic dispari matrimonio consenserit prudensq; disparem sive genere sive aliis vitiis duxerit, cum cogi non potuisset aut extra decimum quartum annum cum ea in societate conjugali remanserit, frustra de Domino vel ipse vel ejus amici, postea conquerentur ; nam hoc consensus sibi præjudicavit, nec restitutioni in his est locus. Disparitas hæc tempore præsentationis sive oblationis ab hærede alleganda est, nisi ab eo tempore ad notitiam pervenerit, Ratio est, quia si Dominus de hac disparitate allegata certificatus fuisset, poterat de alia providere, & aliam offerre.

*Hæres post mortem patris non debet in fraudem Domini maritacione præcipitare.*

Dixi omnia hic ex fide agenda, itaque si Vassallus decesserit, non debet hæres matrimonium suum præcipitare, ut Domino occasionem sive maritandi sive requirendi præparat, sed Domino aliquod tempus concedendum, uti commodè deliberare possit, ubi velit hæredem maritare : Itaque apud Anglos, si hæres fœmina decimum quartum annum expleverit, tunc cum in Wardam sive custodiam incidit, continuatur Warda in favorem Domini in annum decimum sextum, ut interea de commodâ hæredis maritacione, Dominus possit deliberare, & aliquot ex custodia fructus præcipere, quod ex Statutis Parlamenti Westmonasteriensis secundi introductum est ; Quod si intra decimum quartum annum hæres fœmina à mortè patris sui fuerit, absoluto 14. anno, Warda sive custodia cessat.

Usque



Usque adeo fraus odiosa in hac præcipitatione est matrimonii, ut si Vassallus, quo maritacionis jus à Domino auferat, in legitime ætatis heredem suum apparentem dederit in matrimonium, non minus tamen hæres in simplum tenebitur: Quod si hæres, qui 14. annum compleverit, Dominum suum jure maritacionis fraudaverit, Dominus potest feudum ultra 21. annum in sua manu eatenus retinere, donec duplum maritagii acceperit; Duplum hoc jure Anglorum, per duodecem virorum sacramentum, aut per quantitatem quæ olim Domino oblata est, taxatur; Sic si hæres sit simpli tantum debitor, Dominus retentionem fructuum habet, donec ei satisfiat.

Apud Gallos, hæres etiam fœmina, si in custodiam Regis inciderit, ejus consensum in deligendo conjuge sequi debet, & cum Rex ipse his rebus adesse semper non possit, procuratoris Regii consensus requirendus & adhibendus, ut eo præsentem & convocatis matre, & reliquis hæredis propinquis deliberetur, quo modo ea pro dignitate possit maritari: Si tamen contra requisitionem se maritaverit, pœnam neque simpli neque dupli apud eos reperi. In viduis quæ in Regis tenementis jus pretendunt, jure Anglorum hoc statuitur, ut jurent se non habituras maritum, nisi ex consensu Regis, alioqui Rex omnia tenementa & catalla viduæ in suas manus capiet, donec ei pro offensione hæc satisfaciatur; satisfactio hæc ad unius anni reddituum valorem æstimari solet. Pœna jure Anglorum, si fœmina hæres ante annos nobiles fuerit maritata, Rex habebit custodiam, donec ad annos nobiles pervenerit & possit matrimonio consentire & tunc nobiles est electio, eum ne cui prius maritata fuerit, malit, an eum quem Rex illi obtulerit.

*Mo Gallia.*

Si quis in fraudem Domini superioris heredem adhuc infra ætatem existentem, sive minorem abduxerit, & ut jus maritacionis Domino eripiat, maritari curaverit, Domino quanta ea res erit & in valorem matrimonii tenebitur & custodiæ committi potest, donec pro eo satisfaciatur; præcipue, si heredem fœminam abduxerit, cujus maritacionis valor (ut antea dixi) pluris longè æstimatur, quam hæredis masculi nam præterquam, quod Domino, quanti ejus interfit, teneatur, etiam duorum annorum carcere puniendus erit, licet heredem non conjugatum, sive matrem, sive fœminam reduxerit; & si satisfacere non poterit, perpetuo exilio condemnandus: Nam per eum factum est, quominus jus suum Dominus est consequutus: Si Dominus superior, Vassalli de mortui hæredem investierit, post mortem patris, à jure maritacionis recessisse non videtur, imo tum magis stabilivisse, cum hæres, si nunquam feudum ingressus fuerit, in maritacionis duplo non teneatur: Sunt tamen qui aliud putant, nisi Dominus sibi, dum hæredem investieret, de salvo jure maritacionis fuerit protestatus.

*Si quis in fraudem Domini heredem abduxerit.*

Hoc jus maritandi hæredis, ut puto, à Normannis nunquam descendit, cum in jure Normannorum scripto non meminerim me de eo legisse. Ad Anglos à nobis emanasse videtur: nam jus hoc maritandi hæredis, Regi non fuit concessum ante Henricum 3. & in primo Parlamento Westmonasteriensi constitutum.

*Jus maritacionis ab Anglis ad nos emanavit.*

## De Conjunctis Investituris, seu Infeudationibus.

### De Tertia & de Curialitate.

#### Diegesis Vigesima secunda.

**E**X morte Vassalli diximus, quod jus ad hæredes pertineat, quod ad Dominum feudum. Superest ut dicamus de eis juribus quæ ad Conjuges, sive alterutrum eorum pertinebunt: Sunt autem ea jura quatuor, nempe, Conjuncta Infeudatio, Nudus usufructus, triens sive tertius usufructus & Curialitas, non quod prima duo ex morte Vassalli oriantur, cum ab initio ex provisione hominum descendant, sed quod tum id est statim quam mortuo Vassallo in actum sive effectum producantur, cum antea tantum essent (ut dici solet) in potentia.

Mortuo itaque Vassallo, Si ejus vidua quod jus in feudo habeat, aut illud ex provisione hominis procedit aut ex provisione Legis, Ex provisione hominum procedunt, aut conjuncta Infeudatio sive Investitura aut nudus usufructus, quæ non debentur nisi expresse caveatur de his & provideatur.

*Sua ad viduam revertens ex provisione hominis.*

Qua ex pro-  
visione legis  
sive iuris.  
De Conjun-  
cta Investi-  
tura.

Ex provisione Legis, sive Juris descendunt, triens sive tertia pars usufructus illius feudi in vidua femina & Curialitas in favorem mariti quoniam lex, hac relictis conjugibus providet pro vita, quoties provisio hominis cessat. De his omnibus dicendum nunc est, & primum de Conjuncta investitura: Videtur hæc Conjuncta Infeudatio sive Conjuncta Investitura, in qua maritus & ejus uxor simul in feudo investuntur, non solum à Jure Civili, sed etiam naturali, immo & ab ipso Jure Feudali longissimè dissentire; nam in his Conjunctis Infeudationibus, uterque est Vassillus, uterque Domini superioris feudatarius sive tenens, uterque denique proprietarius, cum feudum sit ipsa prædii proprietates & utile ejus dominium, ut toties supra confirmavimus, At duo in solidum, ut unus rei sive feudi Domini esse possint, non solum Juri, sed etiam ipsi quasi naturæ repugnat: Imo, quod minus est, duo in solidum possidere non possunt: Si tamen omnia civiliter intelligantur, nihil hic incommodi est; nam licet hæc verè sit conjuncta investitura & dicatur, unus tamen verè proprietarius est, alter tantummodo usufructuarius, nisi quod privilegia quædam habeat, quæ non nisi Dominis solent competere & ab usufructus natura abhorrent & licet ex morte totum jus finiatur, ut in usufructu, nec pauperiem facere possit, nec faciem rei mutare, quæ omnia cum vero Dominio non concurrunt, in quo Dominus re suâ uti vel abuti potest. Plenior tamen & dignior Conjuncta Investitura est, quam usufructus, ita ut mera proprietates dici quodammodo possit, dum vita illius cui debetur, manet; ita tamen ut ab omni alienatione sive deterioratione, ei interdicitur ex jure.

Differentia  
Conjunctæ  
Infeudationis  
ab usufructu  
communis.

Sed videamus in quibus hic usufructus à communi usufructu differat; Quicumque is sit qui conjunctam infeudationem habet, quæ tamen ad ejus hæredes non descendit, potest Vassallos inferiores sive Valvassores recipere, feudi renovationem eis concedere, sive ex retornatibus hæredum ad feuda suorum prædecessorum, sive ex resignationibus, obventiones feudorum disponere aut sibi arrogare, quales sunt custodia, maritatio, relevium, non-introitus, dum vivit, præsentatio ad Ecclesias patronatus sui feudi; Esi usufructuarius hic sibi retinere velit, non minus nec aliter eis frui potest, quam Dominus sive ipse principalis Vassallus durante suâ vitâ, aut si mallet disponere alteri, potest etiam, adeo ut dispositio hæc non ad vitam tantum disponentis extendatur, veluti in mulieris usufructu; sed sufficit donec custodia per legitimam Vassalli ætatem, non-introitus per introitum finiatur. Maritatio donec pro ea satisfaciatur & sic de Relevio & Ecclesiastico patronatu; nam præsentatio & ex ea collatio ad vitam præsentati durat. Præterea, solebat hæc Conjuncta Infeudatio, introitum hæredis non minus impedire, quam verum feudum, adeo ut durante totâ vitâ conjugis hæres ad feudum ingredi non poterat, & hoc à majoribus nostris solenniter observabatur. Hodie, tanquam hæc conjuncta Infeudatio in nudum usufructum resolvatur, non solet obitare, quominus hæres feudi hereditatem ingredi & agnoscere possit, reservato viduæ suo Jure: Denique, nihil ex Jure proprietatis dum vivit carere videtur, nisi quod non possit feudum alienare, non ejus minimam particulam onere aut servitute gravare, nisi suâ vitâ manente; Ea finita omnia illa gravamina cessant, & ad Vassallum & ejus hæredem, feudum in eo statu redit, quo fuerit ante conjunctam hanc Investituram. Denique illa communio omnium bonorum, moventium & non moventium, quæ propria matrimonii cujusque est, hic maximè exprimitur: Nam ut uxor constante matrimonio bonis mobilibus uti & frui potest, sed quatenus ad usum suum, alienare tamen non potest: Sic in hæc Conjuncta Investitura, nam usus utriusque aquè communis est, proprietates tantum ad Vassallum aut Vassalli hæredem pertinet.

Quando sci-  
emus in cu-  
jus persona  
usufructus,  
& in cujus  
proprietates  
constitit.

Et quoniam hæc Conjuncta Investitura, usufructum vitalem in unius persona constituit, in altera proprietatem, ut sciamus, in cujus persona sit proprietates, & in cujus usufructus: hoc observandum est, ut in his Conjunctis Infeudationibus, primum verba considerentur, nempe quibus disponatur, postea quibus hæredibus fiat, tam in primo gradu quam in substitutione. Exempli causâ, Dominus superior investit conjunctè Seium & Semproniam conjuges & eorum alterum diutius viventem, in conjuncta infeudatione alicujus feudi seu prædii, sequitur fortassè & hæredes inter ipsos procreatos seu procreandos (quod proprium est conjunctæ infeudationis) Tum additur, quibus deficientibus, hæredibus Sei, quæ designatio hæredum adjecta, proprietatem in persona Sei constituit, & usufructum tantum in persona Sempronie. Si vero contra, post clausulam & hæredibus inter ipsos procreatis, Quibus deficientibus, hæredibus dictæ Sempronie quibuscunque, proprietates in Sempronie persona constituitur, & usufructus tantum in per-  
sona

sona Seii. Nam hæc clausula, Quibus deficientibus hæredibus dicti. R. Quibuscunque determinat proprietatem, adeo ut si feudum datum sit viro & uxori & eorum hæredibus feudi proprietas ad utrosque divisim & per aquas partes pertinebit; Quod si hæredibus viri tantum, uxor nudum tantum habebit usufructum; Si hæredibus fœminæ tantum, habebit usufructum tantum vir ejus: Quod si feudum sit concessum homini & hæredibus ex corpore uxoris procreatis, tenent vicini virum in hoc casu, ne usufructum in hoc feudo habere; Si post conjugum conjunctam invicem & tuam sequatur specialis hæredis nominatio, in neutro conjugum feudi proprietatis consistit, sed in hæredis persona & conjugis tantum usufructuarii erunt, veluti si conjuncta investitura fiat Seio & Sempronio conjugibus & Mevio eorum hæredi & hæredibus ejus quibuscunque: Proprietatis in solo Mevio consistit, usufructus communis in utroque conjugue, quandiu alter eorum supervixerit; Quod si nulla mentio fuerit hæredum, nudus tantum usufructus in persona utriusque conjugis consistit. Post eorum mortem, proprietatis ad concedentem jure Anglico, fortasse & nostro redit: Immo si alicui & ejus assignatis fuerit concessa investitura, idem censetur, quia hæredum nulla mentio est. Itaque maxime spectanda est hæc clausula (Quibus deficientibus) nam si ad hæredes certa & definita persona referatur, in illa certa & determinata persona feudi proprietatis consistit; In aliis, prout provisum est, tantum usufructus, non quidem nudus & civilis, sed qui proprietatis quædam privilegia secum conjuncta habeat. Quod si Conjuncta Investitura duobus conjugibus & hæredibus eorum tantum fiat, nulla determinante clausula subsequente, nos proprietatem in viro constituimus, sequenti ejus dignitatem, Ac si duobus conjugibus facta esset investitura & hæredibus inter ipsos procreandis quibus deficientibus hæredibus viri quibuscunque, quæ ea mens fuisse contrahentium & quod illa clausula per errorem neglecta aut prætermissa præsumitur.

Angli tamen longè aliud observant, quoties conjuges investiti sunt & hæredes eorum, nec quicquam ulterius adjicitur; hoc casu, putant illi feudi proprietatem post mortem utriusque conjugis, inter utriusque hæredes debere dividi, cum feuda sint strictissimi Juris, neque ulterius extendantur, quam verba sinunt & quia dispositio sit utriusque conjugum & eorum alteri diutius viventi & hæredibus eorum, putant vocem utriusque repeti & sic ad utriusque hæredes pertinere pro æqualibus portionibus, sed jura feudalia (ut dixi) sunt localia & cuique Regioni sui mores & consuetudines permitenda.

*Diversitas  
juris Anglo-  
rum à nostro*

Sed ad hanc nostram Conjunctam Investituram seu Infeudationem redeo & ut intelligatur unde origo defluerit, sciendum est apud maiores nostros, nullas fuisse Conjunctas Infeudationes; sed ex provisione legis, viduis provitum tu fuisse, ne eis deesset ad vitam honestè & ex dignitate degendam. Putabatur itaque illi sufficere trientem usufructus totius prædii, ut commodè inde vivat, elicto Bessè feudi, Vassalli hæredi, ad Domini servitia & alia onera Reipub. sustinenda. At nimium provida parentum cura, cum dotes augeri cœperant, quæ ab initio aut nullæ aut raræ erant & cum triens hic aliquot difficultates secum adferret (nam per acras sive jugera inter se ita commista & conjuncta fuerunt partes, ut commodè una ab alia coli non possit) cavere solebat, ut triens à Bessè divideretur & fortasse cum de habitatione controversiæ essent frequentes, cum futuro conjugue solebant de usufructu alicujus prædii separati in colenda pro suo triente transigere, viz. ut tot agri pro triente separarentur & pro triente sufficerent, In quo casu antiquitus, ut ex jure nostro scripto patet, si plus assignaretur fœminæ futuræ conjugi quam ipsius trientis sive tertii valor, ad justum trientis valorem & estimationem causa apud judicem ordinarium cognita reduceretur; Sed senescentibus majorem nostrorum institutis, plus potuit provisio hominis, quam provisio legis, itaque parentes dum magnam dorem numerant, aliquid etiam supra jus commune dederi sibi credentes & dum filias elocandis quam optimè consultum vellent, ne post mortem maritorum, in difficultates incidant, quæ tum provideri poterant, illud introduxerunt, ut aliqua pars feudi etiam triente major in Conjuncta Infeudatione utrique conjugi separaretur, cujus usufructus ad filias suas pertineret, defuncto conjugue, al quando dimidia pars feudi, al quando & totum feudum, dum partem ad honestè vivendum non sufficere causantur; Et sic evenit quod sapientissimus Cato Censorius futurum prædixerat, si impotenti sexui frena permittantur; Nam quamprimum pares uxores viris essent, mox etiam superiores evasuras. Sed querimoniis hic non est locus.

*Origo conjunctæ In-  
vestituræ*

Est itaque hæc Conjuncta Investitura, quæ utrique conjugi, & eorum alteri diutius, vivent;



viventi, ex hominis provisione competit, in qua alter, mortuo priore, sedem habere possit dum vivit, eoque & ejus fructibus, alimentorum causâ, uti & frui. Et quoniam hæc conjuncta investitura (quæ nunquam habet locum nisi inter conjuges) ex sola hominum contrahentium, sive parentum & amicorum provisione, sive ipsorum conjugum, constante matrimonio, mutuo consensu descendit, ex conventionione partium legem accipit; ita ut vidua eas solas ædes habeat, quæ, ut ei pro habitatione sufficerent, convenerat & tantum prædii, quantum in conjuncta investitura continetur. Si illam investituram pro jure sui trientis aut tertiarie (ut solemus loqui) ei sufficere, eoque ut contenta esset, convenerat: Quod si expressum fuit in hac conjuncta investituræ provisione de triente, sive tertia usufructus parte, viz. si ita provisum fuit ut sponsa aut conjux, sola hac conjuncta investitura, pro omni tertia contenta esset; Nihil jure tertiarie aut trientis mortuo marito potest petere; expressè enim in compensationem legitimæ tertiarie ei concessa fuit hæc alicujus feudi partis conjuncta investitura, quod si nulla mentio trientis aut provisionis legalis fuerit, nec alicujus clausula, quæ trientis præstationem impediret, tunc præter suam conjunctam infeudationem illius certa partis, quam uterque ex provisione hominis accepit, totius reliqui feudi trientem in usufructu vidua habebit & cujuslibet ejus partis, quæ in conjunctam infeudationem non cadebat. Quoties enim nihil de triente exprimitur, dispositioni juris communis relinqui videtur & competit ex omni feudo, quod Vassallus tempore mortis habuit.

*Qua sit hujus conjunctæ infeudationis conditio constante matrimonio, et eo soluto.*

Hujus autem conjunctæ infeudationis, nullum commodum, nulla utilitas stante matrimonio ad uxorem pertinet, sed ad maritum & ejus administrationem, qui onera matrimonii sustinere debet; habebit autem vidua hanc suam infeudationem conjunctam, ab omni onere & servitutum & annuorum reddituum præstatione liberam immunem & (ut loqui solemus) ut feudum optimum maximum est, nullisque gravaminibus obnoxium, nisi aliter ab initio dum præstabatur aut promittebatur, convenerat: Si tamen quædam erant hæreditaria onera, quibus ante conjunctam infeudationem feudum erat obnoxium, ea præstare cogetur, ita tamen, ut de evictione sive garantizatione adversus concedentem actio ei supersit, si quid aliter fiat, quam convenerat; Si post conjunctam infeudationem, vir onus aliquid imposuerit sine consensu conjugis, post mortem viri, agnoscere non tenetur; Si vero consenserit, quatenus hic consensus ei præjudicet, mox videbimus.

*In quibus conjuncta investitura locum habet.*

Conjuncta hæc Investitura, de quolibet tenemento fieri potest, tam urbano prædio quàm rustico, sive feudum in burgagio teneatur, sive in feudo franco, emphyteutico aut militari; Solent autem in rem suam attentiores, si plura habeant feuda diversæ naturæ, veluti unum militare, alterum francum aut emphyteuticum, de militari feudo conjunctam investituram potissimum præstare, ut à Domini superioris custodia post mortem Vassalli sit immunis; nam Dominus quotiescunque tenentem habeat, licet usufructuarium tantum, à custodia feudi eatenus excluditur.

*Conjunctæ investituræ cavere cogitur.*

In hac qualicumque conjuncta sive investitura sive infeudatione, quemadmodum in usufructu, vidua si pauperiem fecisse dicatur, aut de mala feudi administratione suspecta sit, cavere tenetur se feudum, quod in conjuncta infeudatione habet, non deterioraturam, neque in deteriore statu relicturam quam acceperat & ædes fartas tectas, hortos in sua integritate, pomeria, prata, pascua, vinaria, stagna, piscinas servaturam, neque quicquid facturam, quo præter Domini solum morem eis noceatur. Hæc autem cautio, nisi exigatur ab hærede, non est necessaria; Si vero ille censuerit exigendam per litteras à Senatu impetratas, poterit eam monere, ut caveat intra quadragesimum diem, se feudum in ea integritate & melioratione conservaturam, qua acceperat; alioqui donec caverit, ab ejus usu prohibendam: Nam ego ulterius prohibitionem illius acti extendendam non puto: Si recusaverit, ante Senatum citanda est, ut secundum tenorem certificationis prioris, videat se ab usufructu decessisse & eam proprietario accrevisse; quod & Senatus solet etiam decernere; Ita tamen ut interea cessationem suam mulier purgare possit & cautionem de integro offerre. Quod si jam pauperiem fecerit, ante vicecomitem (non nego tamen quin & ante Senatum) convenienda est, ubi quindecim virali judicio pauperies facta sive damnum æstimabitur, in eoque, contra eam sententia fiet, ut usufructu aut suâ conjuncta infeudatione privetur, donec de jam dato damno satisfecerit. Si vicecomes aut magistratus in non exigenda cautione cessaverint, modo requisiti fuerint, ipsi de damno facto sive de pauperie tenebuntur.

Si de feudo, quod reversioni obnoxium est, conjuncta investitura conjugibus sit concessa

cessa & redemptio sit sequuta, uxor post mortem mariti de evictione contra ejus hæredes ager, (nisi sciverit, cum acceperat, reversioni sive pacto de retrovendendo fuisse obnoxium) quo casu pecunia tota quæ in locum feudi sive rei jam successit ejusque quasi usufructus, (nam verus pecuniæ non potest esse usufructus) mulieri dum vivit permittendus est, modo sufficienter & arbitrio judicis satisfecerit, de pecunia hæredi Vassalli post mortem restituenda. Quod si postquam infeudata fuerit, in alienationem sub pacto de retrovendendo consenserit & mortuo viro hæres ejus ex vi reversionis sive pacti de retrovendendo redeemerit, id commodum conjugis relictae fiet & usufructus ei redintegrabitur; Nam hæres defuncti personam sustinet: Itaque si id fecerit quod ejus prædecessor facere tenebatur, id commodum conjugis relictae cedit, si quidem conjuncta ejus infeudatio non fuit omnino extincta; nisi forte alienatio de Domino superiore tenenda concedatur, quo casu redemptio conjugis non proderit.

Hæc autem conjuncta infeudatio, quæ utrique conjugum conceditur, commodè non procedit, nisi ex consensu Domini superioris & nisi is ex resignatio re prioris Vassalli conjunctam infeudationem vel ipsi resignanti & ejus conjugi, vel ejus hæredi apparenti cum sua conjugæ concesserit, aut prius concessum confirmaverit: Nam si hæc conjuncta infeudatio, tantum ex dispositione ipsius Vassalli procedat, non jam est conjuncta infeudatio sive investitura, sed nudus tantum usufructus & innumeris difficultatibus sive incommodis erit obnoxia; Si quidem ex persona concedentis præmorientis in non-introitu esse potest, Sic & custodia subiacere & reliquis servitiis quæ Domino superiori de feudo militari à Vassallo debentur. Itaque parentes hoc maxime in elocandis filiabus provident, ut hæc conjuncta infeudatio ex dispositione Domini superioris procedat aut saltem ejus confirmatio sequatur, cum alioqui certum usumfructum in persona conjugis vix videatur sponsum posse constituere, propter tot salebras & difficultates, quæ ex insperato aut occurrere aut emergere possunt.

*Conjuncta investitura nisi ex voluntate superioris non fit.*

Stante autem hac conjuncta infeudatione & matrimonio, an vir quicquam ex feudo ejus conjuncta infeudatio uxori concessa est, alienare possit, varia est disputatio: In qua hoc primum recipiendum est sine ejus consensu dispositionem quamcunque à marito factam aut servitutem aut gravamen quodcumque impositum non tenere, quin, post viri mortem, illa ad plenam suam conjunctam investituræ fructuationem sive usumfructum in eodem statu quo acceperat, admittatur, neque onus impositum agnoscere teneatur, licet toto tempore viri, cum ob stare aut agere non posset, silentio rem præterierit.

*Au stante hac conjuncta investitura vir potest alienare*

Si verò consenserit viro alienanti, videndum an consensus hic ante Judicem ordinarius sit confirmatus & extra præsentiam viri, quo casu extra controversiam omnem est consensum hunc esse legitimum: Neque in judicio audienda est conjuncta contra hunc consensum judicalem: At si præseate marito, cui tunc contradicere non potest & extra judicium subscripserit, an subscriptio hæc verum consensum inducat, dubitari potest? Nam cum in priore constitutione, hæc duo in judicio & extra præsentiam mariti, exprimantur: Videtur in aliis casibus consensum mulieris in præsentia mariti & extra Judicalem non probari & eo casu revocationem permitti; tamen hoc Jure hæcenus usi sumus, ut talis subscriptio coram testibus plenissimum consensum inducat & omnem revocationem impediatur. Auget tamen questionem authenticum illud; Si quæ mulier C. ad SC. Velleianum, desumpta ex Novella constitutione, Ut nulli iudicium habere liceat conservatore loci: Cuius authenticum & loci ex quo desumptum est, hæc ferè sunt verba, Si quæ mulier crediti instrumento consentiat proprio viro aut scribat & propriam substantiam aut seipsam obligatam faciat, ut nullatenus hæc obligatio valeat sive semel sive multoties huiusmodi aliquid pro eadem re fiat sive privatum sive publicum id debitum sit; sed ita esse ut si neque factum neque scriptum quicquam esset, nisi probetur manifestè pecuniam in propriam ipsius mulieris utilitatem esse expensam.

*Quid si conjuncta consentit.*

Hæc posterioris clausulam (in mulieris utilitatem converti & expendi) sic nos interpretamur & æquitas suadet, ut mulier tantundem utilitatis ex ea pecunia aliter collocata consequatur, quantum ei ex subscriptione sua & consensu decesserit: Aliiter in ejus rem aut utilitatem conversam pecuniam non videri; etiamsi producat instrumentum fieri.

*Quid si in mulieris commodum fieri.*

mentum quo ipsa confiteatur pecuniam in rem ejus expensam, eadem enim facilitate que mulier se obligavit, eadem confessionem hanc fecit, nec vera ejus utilitas esse potest, nisi eadem duret etiam post viri mortem, sanè hæcenus eo Jure usi sumus, ut quomodocunq; consensus mulieris interpositus sit, dum modo vel per suam syngrapham vel per notarium se ex ejus mandato subscripsisse fatentem, cum ea scribere nesciret, consensus hic intervenerit, nunquam contra eum venire posset. Nuper tamen in actione quæ inter Jacobum Murray & Jacobum dandelandis de Calder, contentiosissime agebatur in Senatu. Animadverti Dominos Senatores, multum ad Autenticum illud, Si qua mulier, inclinasse & dum interloquerentur, ad illud decisionemq; in eo contentam animum applicasse, cum de alienatione per maritum Joanetæ Murray cum suo consensu ageretur. Sæpè etiam in Senatu receptum vidi, Si mulier cum viro constante matrimonio se pro solutione debiti sumæ alicujus obligasset aut pro restituenda pecuniæ rei invadiatæ, ad quam cum à creditore requireretur, se cum viro astrinxisset, executionem obligationis suspensam fuisse; quod illa viro se obliganti & proinde imperanti contradicere non poterat; rogat enim (ut ait ille) qui imperat. Sed cum in rebus maximis præjudicium possit fieri, multaq; bonæ & ab initio alienationes revocari, durum profecto videbitur & à veteri consuetudine in alienatione harum rerum non moventium recedere, si consensus uxoris legitime interpositus in alienatione rei dotalis non sufficeret. Alii tamen novum nodum comminiscuntur; & licet (inquiunt illi) valeat hic consensus, quando stat: Si tamen ad non consensum reducatur, id est si hic consensus in rescissorio judicio retractetur, quasi non legitime interpositus propter metum, saltem reverentiam maritalem, quam mulier prætereundere potest & ex ea se invitam, cum contradicere non posset, aut auderet, ad consentiendam coactam, nec stante priore matrimonio revocandi potestatem liberam ei fuisse aut ausam ullam talis animi significationem edere, hoc enim casu non valet talis consensus. Reverentia enim hæc maritalis, ex Jure Civili, metui justo æquiparatur & his quinque casibus præcipuè competit, nempe inter Episcopum & Clericum, inter patrem & filium, inter maritum & uxorem, inter Medicum & ægrotum, inter præceptorem & discipulum.

*De reverentia maritali*

Et secundum Bartolum, idem quod justus metus solet operari, præcipuè cum hic metus intra privatos parietes soleat inferri; Ita ut notitia ad paucos, probatio verò ad pauciores perveniat, immò fortasse ad neminem. Quod ad me attinet, hunc metum reverentialem secum habere æquitatem non dubito in multis, ut eosdem effectus producat quos verus metus, itaque in rescissorio judicio, quod nos loco restitutionis habemus, multum debere operari, modo hic metus reverentialis aliquo modo enotescat: Neque in hoc ipsius mulieris allegatio sufficit, neque fortè vicinæ vox sola, nisi præterea accedant & offensiones aliquæ inter ipsos conjuges emergentes, aut interrupta vitæ consuetudo aut jurgia atrociora: præcipuè si publico instrumento testetur conjux se eo tempore contra animi sui voluntatem inductam, & solius viri impulsu, cui contradicere non potuit, maximo cum suo incommodo consensisse; Sed hæcenus hoc usu receptum non vidi, licet hoc ipso tempore, aliquot de hac reverentia maritali, actiones coram Senatu pendeant, quarum eventus pro lege erit.

Hæc autem conjuncta investitura, solvet annuos redditus de terris suæ conjunctæ infeudationis ante suam investituram alienatos. Apud Anglos omnis uxorum consensus, stante matrimonio, irritus est, nec impedit, quin, mortuo marito, id repetere possit, cujus alienationi aut Hypothecæ subscripserit: Immo eo facilius, si toto tempore vitæ mariti tacuerit, nec contraxerit viro alienanti & ei etiam consenserit. Et hæc de conjuncta infeudatione.

Superest ut de secundo membro, nempe de nudo usufructu dicamus, in quo brevior ero, quoniam in multis cum usufructu, qui ex conjuncta infeudatione procedit, concurrat & easdem sequitur regulas.

*De nudo usufructu.*

Solent itaque plerique hodie, sive quod ejusdem effectus esse sentiant, sive quod facilius impetrari à Domino possit, nudo usufructu pro conjuncta infeudatione contenti esse, viz. si pro suo triente usufructus, (quam tertiam dicimus) usumfructum centæ & definitæ partis totius feudi de Domino superiore tenendum consequantur. Et sanè hic usufructus de Domino superiore tenendus in effectu parum à conjuncta infeudatione differt, nisi quod obventiones Vassallorum (quas



(quæ Eschetæ dicimus) quales sunt Custodiæ, Non-introitus, Maritagia & similia non lucretur, & fortasse eâ de causâ introductus est hic mos, ut tales utilitates ad mulierem non perveniant, sed ad hæredem: Utcunque est hic usufructus quoad omnes utilitates ex feudo ipso sive prædio feudali capiendas, non minus quam alter usufructus sufficit, præcipuè si de Domino superiore teneatur. Nam cum talis usufructus, ab omni periculo Wardæ sive non-introitus immunis est & ab omni alio onere, nisi quod Reipublicæ causâ occurrat, nec unquam est ei locus, quamdiu maritus vivit, ut in conjuncta infeudatione; sed à die mortis mariti tunc incipit habere & producere suos effectus; & hæc usufructuaria eodem modo cavere tenetur, quo altera: Sive autem mulier relictum usufructum sive conjunctam investituram, cum marito sit consequuta & separatas à principali mansionē ædes habeat sive non, tamen ex habitatione mariti, statim à die mortis ejus removenda ex Jure Anglorum est aut expellenda, sed quadraginta dies integri & liberi ei permittuntur, ut interea sibi possit de habitatione providere, si quam ex provisione suæ legis sive hominum habeat: Si nullam habeat, debet ab hærede ei provideri & interim ex fructibus prioris mariti sustinenda est. Hoc Anglorum institutum, summam videtur habere æquitatem, neque, si controversia talis apud nos incidat, rejiciendum puto, licet receptum hæc tenem non vidi. Si nullum fuit ab initio matrimonium, sive de facto, quia nullum intercesserat, sive de Jure, ex certis causis quæ matrimonia impediunt, veluti si impotentia alterius conjugum emergat, aut alter conjugum non sit liber: In his casibus & conjuncta infeudatio & usufructus cessant; nam cum hæc sint matrimonii accessoria, si principale, viz. matrimonium non teneat & ea cadere necesse est: At si cum ab initio valeret, ex culpa & adulterio tamen unius conjugum dirimitur, Et si quæ aliæ causæ similes sint, quare usufructus aut conjuncta infeudatio, licet ab initio benè constituta, tamen cadant & irritentur, Postea, cum de Tertia disseremus, (nam omnium eadem est causa) expeditur.

Quæstio autem in foro frequens etiam hodiè versatur & in usu controversa est, an alterutro conjugum intra annum mortuo, nullâ sobole relictâ, omnia in integrum restituenda sunt ex Juris antiqui regulis? Nam soluto matrimonio dos ad mulierem redit, donationes propter nuptias ad virum; Quod si soboles relictæ sit, ea ex ratione successionis in partem suam vocabitur. Et sanè quod ad dotem attinet, muliere intra annum & diem mortua sine prole, dos ad parentem redit, si est præstita; alioqui retentionem habet, nec marito petenti præstare tenebitur, ~~si in contractu dotali se forte & fidejussor~~ res aditrixerit; ne parentes & filia & dote simul priventur: nam (ut ait textus) afflictio non est superaddenda afflictio. Ex altera parte, an mortuo viro intra annum & diem, nullâ prole relictâ, mulier ab usufructu sive conjuncta infeudatione cadat, dubitatum videtur, immo rem totam in Senatu acerrimè agitari & profecto in hoc casu videtur eadem esse ratio: nam ex Jure, per omnia exequata sunt hodiè donationes propter nuptias & dotes: Sequitur ergo necessariò, ut quo casu, vir, mortuâ uxore, dotem amittit, eodem casu, mortuo viro, mulier donationem propter nuptias amittat & quo casu vir, mortuâ uxore, dotem luatur: eodem casu, amisso viro, mulier lucrabitur donationes propter nuptias. Hæc propositio tam ex Jure Cæsareo, quam nostro scripto constat: sed mortuâ conjugē intra annum, vir amittit dotem, quod omnium sæculorum usu comprobatum est, ergo & mortuo viro intra annum, eadem ratione mulier amittit donationem propter nuptias, sive ea donatio sit conjuncta investitura sive usufructus. Sunt qui differentiam hanc ponunt quod eadem ratio in muliere non sit, quæ in viro, cum mulieris pudicitia delibata sit & ex Jure Civili etiam propter osculum, mulier donationes ante nuptias luatur: sed hæc differentia ratio apud nos non militat, non solum in donationibus propter nuptias, sed neque in donationibus ante nuptias.

Potest alia ratio adduci, quare, mortuo intra annum & diem viro, nullâ relictâ sobole, vidua ab usufructu & conjuncta infeudatione debeat cadere: Nam in Jure Civili Romanorum nulla erat rerum moventium & non moventium in dispositione differentia: eodem enim modo acquirebantur, alienabantur, testamento disponebantur & possidebantur immobilia, quo mobilia, eosdemque titulos habebant possessionum, sed ex jure nostro, mortuo intra annum marito, uxor nullam bonorum mobilium partem consequetur: Scimus enim apud commissarios partitionem in hoc casu non fieri in duas partes, ut una dimidia conjugii relictâ, altera mortuo debeat, sed omnia bona quæ in defuncti possessione tempore mortis fuerant, quasi illius solius essent & nulla pars ad relictâ pertineret, illius

*An alterutro conjugum sine liberis relictis mortuo conjuncta investitura sive usufructus debeat.*

*Nulla differentia ex Jure Civili inter dispositionem rerum mobilium & immobilium.*

defuncti parti ascribi & ejus heredibus aut executoribus integra deberi: viduæ sua tantū ote relicta, quæ in inventario ultimæ voluntatis sui viri non admittitur describenda. Itaque eadem ratio observanda in immobilibus, ut ea tota ad demortui viri heredes redeant, eisque accrescant, nullâ habitâ ratione illius juris, quod uxor possit prætere. Et sanè licet hæc quæstio sæpè in Senatu agitata sit, decisionem tandem invenit: Nuper enim in actione inter Dominam de Maxuell & Steuartum de Garleis Senatus censuit etiam in vidua, mortuo marito, intra septem aut octo menses, nihil ex eo contractu matrimoniali, nullam partem conjunctæ investituræ ad Dominam de Maxuell pertinere. Generaliter autem hoc annotandum, neque conjunctam investituram, neque ullius usufructus unionem aut annexationem, si quæ sit, terrarum servari, Sed omnia, ut ab initio erant, cuique parti restituenda, quod in virgine nupta multo rectius observandum est.

*De triente  
sive tertia  
usufructus.*

Si nulla sit provisio hominis in favorem conjugis, si neque convenerit ut conjuncta infœdatio, neque usufructus præstetur, tunc ad legis provisionem recurrendum est & id solum, quod lex in favorem earum introduxit, viduæ habebunt, ne omnino post mortem virorum destitutæ videantur; nihilque sit quod pro dote habeant, si alteras nuptias sequantur, sed omnium maximè ne eis desit, unde commodè vivere possint; Neque enim naturalis æquitas finit, ut quæ constante matrimonio in societate omnium bonorum fuerat, viro mortuo & matrimonio sine sua culpa dirempto, ad egestatem redigatur. Itaque providet lex, ut triens totius usufructus (nos tertiam vocamus) mulieri concedatur ad vitam, eaque hoc triente usufructus, sive trientis usufructu, quoad vivet, eodem modo & cum eisdem privilegiis & commoditatibus utetur & fruatur, quo hæres Bessæ reliqui ipsius feudi, nisi quod obventiones sive eschetæ ad eam pro nulla parte perveniant. Neque tamen nego, licet tertia hæc legitima sit, nempe quæ ex lege descendat, quin etiam ex provisione hominis possit competere, veluti si in pactis dotalibus certus triens separetur in certis terris ad usum conjugis post viri mortem, aut aliquando, ut ipse vir omnes controversiarum occasiones inter conjugem & heredem tollat, certum trientem sive tertiam assignet; quo casu, si vir constante matrimonio novas terras acquisierit, harum trientem non habebit; contenta enim debet esse eo triente, qui in contractu matrimoniali assignatus est; immo & indefinitus triens sive tertia aliquando ex dispositione hominis procedit, veluti si quis filium suum in feudo investiendum curans, uxori tertiam usufructus reservaverit: Nam hæc reservatio vim sasinæ habebit: saltem filii sasinæ pro utroque sufficiet, nec à tempore hujus reservationis, filius quicquid potest committere, quod huic reservationi præjudicet; Quod si quis conjugis suæ trientem usufructus, in certo loco assignaverit, si per sasinam ei datam illud fecerit, sine ejus consensu ei non poterit præjudicare; Si per contractum, obligationem, aut alium modum civilem assignaverit, nullâ sasinâ subsequente, poterit quidem maritus, dum vivit, ei nocere & fundum totum alienare; ita ut nullum jus ejus conjunx retineat, sed ea tamen, actionem de evictione contra ejus heredem rectè potest instituere. Apud Anglos mirum est quod observatur; nam tertia debetur uxori desponsatæ, si nonnum annum superaverit, de omnibus terris in quibus vir obiit ultimo vestitus & sāsitus, etiamsi ex jure matrimonium in ea ætate non consistat. In nonnullis regionibus dimidia pars bonorum in usufructum cedit; alibi totus usufructus pro more cujusque Regionis. Habebit etiam uxor tertiam suam cum pertinentiis, licet in contractu pertinentiarum nulla sit facta mentio, aut si pertinentiæ hæc postea quæsitæ fuerint.

*De quibus  
hæc actio  
competit.*

Competit autem hæc actio, de triente usufructus, sive de tertia, tantum de eis terris in quibus maritus obiit ultimo vestitus & sāsitus, adeo ut si ante mortem vir fuerit vel ex suo facto vel ex sua culpa devestitus & denudatus, sic quod hæres feudum ingredi non possit, nec vidua ejus suam tertiam lucrabitur, etiamsi tantum alienatum fuerit feudum sub reversione sive pacto de retrovendendo. Quod si maritus tantum feudum habuerit sibi invadiatum; Si ex pacto de retrovendendo astrictus sit feudo renunciare: Sequitur redemptione, hæres feudum tanti valoris & estimationis viduæ præstare tenetur, nisi mulier sciverat cum contraxerit, feudum esse redemptioni obnoxium; quo casu tertiam partem pecuniæ consequetur, cujus quasi usufructus ei durante vitâ debetur, præstitâ fideiussione eam pecuniam ad heredem venturam salvam & integram, postquam in fata concesserit: Si præter pecuniam in redemptione contentam, aliquot etiam annorum assedationes (ut fieri solet) adjunctæ sint, ea ad heredem solum

solum pertinebunt, & ita Senatum censuisse vidi, licet pars redemptionis videantur, saltem summæ, quæ pro redemptione debetur.

Quod autem dixi de illis terris, tantum tertiam sive trientem ususfructus deberi in quorum feudo maritus decesserit & non alias, id non universaliter verum est; nam aliquoties, licet maritus nunquam factus fuerit, competit uxori tertia; exempli causa, Si convenerit in contractu matrimoniali, ut pater, filium quem maritandum contrahit, in terris suis omnibus investiat, aut investiendum curet, sequuto matrimonio, si in eo quod promiserat pater cessaverit, interea filius non investitus obierit; in hoc casu conjunx trientem consequitur, ex omnibus illis terris, in quibus pater filium investire tenebatur & moram fecerat; nam cum illa clausula in contractu appositæ videatur in favorem conjugis futuræ, ut filius investiretur, quo illius investituræ tertia, eo defuncto, ad conjugem pertineret & per patrem mora facta sit, ea conjugi relicta non debet nocere, quæ, vivente marito, agere pro implemento contractus non potuit sine consensu mariti. Itaque eodem modo competit ei actio pro hoc triente, ac si vir ejus in feudo obiisset; nisi quod forma actionis diversa sit; Nam si maritus infeudatus fuisset, quindecimvirali judicio tertia ei decerneretur; Nunc actionem tantum persequutoriam contra socerum aut ejus heredem habebit; iniquum enim esset, si ex eorum facto & mora præjudicaretur mulieri, quæ bona fide nupit; hoc jure nostro scripto probatur; Quia tamen jus Anglorum & Normannicum concurrunt & supra omnia aequitas suadet, itaque adducor ut fidem habeam, licet decisionem non viderim. Præterea jure Anglorum & Normannorum, si sponsi pater aut mater, avus aut avia, interfuerint nuptiis & postea decesserint, tertia debetur uxori ex omnibus tenementis, in quibus fover aut ejus pater decesserunt in feudo, si modo per eorum mortem maritus in feudo illo succedere debuisset. L. tilconius etiam innuere videtur, si filius post mortem prædecessoris sui uxorem duxerit, eam trientem ususfructus consequatur, licet maritus ejus nunquam fuerit infeudatus. Neque solum de iis terris triens hic debetur, quæ tempore contracti matrimonii ad maritum pertinebant, sed de omnibus aliis feudis, quæ constante matrimonio acquisierit, modo in feudo eorum diem obeat supremum; in quo tamen mores nostri præfentes, à veteri nostro jure scripto dissentiunt. Nam jus nostrum vetus planè nullam tertiam deberi putat ex terris constante matrimonio acquisitis, nisi aliter in initio convenerat; quod etiam ex jure Normannorum & Angliæ processisse certum est: Nam apud Normannos, adhuc triens non debetur, in terris post contractum acquisitis, nisi specialiter convenerit: ac apud nos nihil aliud inquiritur nisi si maritus tempore obitus de feudis earum terrarum decesserit, & hæc quæ petit sit ejus legitima conjunx; Nam præter has duas raræ contra tertiam exceptiones apud nos admittuntur. Adeo autem hæc jura fœminis favent, ut si vir in fraudem trientis hujus filium suum in omnibus terris suis investierit, etiam de Domino superiore tenendis, cogitur tamen & Dominus & hæres rationabilem partem relicte concedere, unde ali possit, ne ad egestatem vergat.

Debetur autem triens hic sive tertia ususfructus pars, non solum ex terris ipsis, sed etiam ex redditibus annuis fundi alieni, si modo maritus de iis obiit vestitus & factus: Debetur etiam de domibus, ut ædes mulier habeat, ubi commode possit habitare, & etiam de horrei horto, ubi fruges colligi solent, ut ibi sive tertia, sive trientis fructus colligantur; & vidi in his horreorum hortis ad mensuram tertiam partem in usum viduæ, ne loco (ut moris) destitueretur, pro colligendis fructibus & segetibus.

Ædes autem sic dividuntur, ut si quæ sit secunda habitatio, ea viduæ cedat, si modo commode ibi habitare possit; alioqui ædes principales per tigna dividuntur, ut ea pars ædium pro tertia sit, quæ sub tertia parte tignorum, aut sub tertio tigno est. Idem in Equilibus & stabulis pecorum, ut habeat ubi boves ad usus necessarios possit ab injuria cœli prohibere. Quæ dividi non possunt per se aut non solent, per fructus dividuntur, exempli causâ, jus pascendi pecoris, glebas aut quæ ad focum pertinent effodiendi, calcis coquendæ, carbonum lucrandorum; In his tertiam partem fructuum mulier habebit, si pro fructu feudum locetur; alioqui æstimantur pascua pro numero pecudum, quas sustinere possunt, & hujus numeri triens relicte debetur, ut tertiam partem pecudum illius numeri possit ad pascendum superinducere.

Accidit sæpe ut duplex tertia sive triens ex eodem feudo debeat; alter major alter minor, exempli causâ, si quis filiû maritaverit & investiri curaverit in suo feudo, reservato tamen triente ususfructus conjugi suæ, eo mortuo conjunx trientem magnum consequitur; Si ejus filius post mortem, conjunx ejus trientem minorem habet, trientem Bessis, & parva.

*Aliquando competit triens & cet. maritus non vestitus decesserit.*

*Ex quibus triens debetur.*

*De triente habitanti.*

*De duplici triente sive tertia magna & parva.*



qui à priore vidua relictus est: Ita ut totius feudi triens ad priorem conjugem pertineat, & ad posteriorem tantum triens Bessis, tertia duarum partium: Constat tamen aliquando deservitas esse nurus in totum & integrum trientem, tamen à possessione magni trientis, quandiu socrus vivit, excluditur: Et hæc parva tertia, sive parvus trientis ususfructus dicitur, quod non sit triens totius ususfructus feudi, sed tantum ususfructus Bessis, sub quo minore triente nihil venit, quod sub majore comprehendatur: & tum Bes feudi, pro toto asse erit, ut ejus triens minor relictæ filii detrahatur, nec unius deservitio alterum impedit; Nam licet prius filii conjunx, mortuo filio, in trientem deservita fuerit, vivo adhuc socero, non tamen socrus trienti obstabit, Licet postea ejus jus supervenerit; nam prior triens ad minorem, nempe ad trientem Bessis reducetur: Quod si socrus, cum major triens debebatur, obeat, tum totius assis & non Bessis triens nurus debebitur, non obstante minore triente quam ante habuit.

Forma petendi trientis

Differt autem triens hic ab ususfructu, sive conjuncta infeudatione forma petitionis; Nam si quæ controversia de ususfructu aut conjuncta infeudatione fuerit, per actionem remedium adhibebitur; quæ contra hæredem vel alium quemcunque impediens intentabitur, At hæc de triente ususfructus petitio, non nisi per breve, per inquisitionem, & deservitionem feudalem expeditur, nempe quindécem virorum; talia enim erant judicia feudalia, & parium in curte judicio omnes res terminabantur; Quod certissimum est argumentum tertiam hanc ex jure feudali solum & non conjunctas has infeudationes descendisse: Impetrato itaque ex Cancellaria brevi, eoq; Vicecomiti præsentato, dies inquisitioni præstituitur, mulierq; querelam exhibet, pro tertia sua sive triente cognoscendo à Besse; neque, in hoc casu, hæres illius, ad quem feudum pertinet, specialiter citandus est, sed innox nemine opponente, aut opponentis exceptionibus discussis, hoc tantum inquiritur, de quibus terris vir mortuus est, ut in feudo & an quæ petit, ejus legitima uxor fuerit; Quod ad primum attinet, verificandum est illud ex mariti monumentis, virum in eis terris vestitum obiisse & præcipue ex saxis; Si eas non habeat, super sedendum est, donec aut ab hærede, aut alio, qui habet, judicio obtinuerit, nunquam enim solet inquisitio in hoc primo capite procedere, donec doceatur per monumenta producta, de quibus terris obiit maritus vestitus. Quod ad secundum caput inquisitionis attinet, An quæ petit legitima fuerit defuncti uxor, favorabilis jura cum ea agendum putant, quam cum ipso hærede, cujus artibus, hanc exceptionem suppositam facile præsumi solet, & profecto rari sunt, qui contra mulieris trientem objicere solent, præter hæredes. Quod dixi favorabilis agi cum viduis, quam cum hærede; hoc est, cum hæres deservitionem petit & inquisitionem, de quibus terris antecessor est mortuus ut de feudis & ei quæstio bastardia objiciatur, quod non sit filius legitimus, totum hoc judicium suspenditur; donec in curia christianitatis bastardia quæstio determinetur & tunc ad inquisitionem reditur & non prius; In deservitione tamen tertia, sive trientis, licet non fuisse matrimonium, non veram esse conjugem objiciatur; Inquisitio tamen procedet, hoc uno tantum attento, si conjunx habita & reputata tempore mortis fuerit; & postea de conjugio verum ne an nullum aut simulatum fuerit in foro Ecclesiastico cognoscetur; & si ibi deprehendatur non fuisse vera conjunx, quod ab inquisitione factum est, sit irritum & nullius est roboris: Itaque si nulla legitima mora fiat inquisitioni, quindécem viri in ea electi procedent ad cognitionem querelæ petentis viduæ; Et postquam determinaverint de quibus terris & annuis redditibus maritus in feudo decesserit, earum omnium tertiam duntaxat ascribunt ejus relictæ & sic receptâ inquisitionis sententiâ, Vicecomes fortes in urnam conjicit aut aliquo alio modo sortiendi utetur, utrum triens solaris, an umbralis conjugii debeat: quod nihil aliud in hujus trientis cognitione est, quam utrum ex oriente, quæ solaris pars dicitur, an vero ab occidente, in hujus trientis seu tertia designatione debeant incipere; & ut fors evenit, vel ex solari parte, sole oriente, vel umbrali & sole occidente incipient & jugera numerabunt primum & secundum proprietario & tertium relictæ; Ita ut ex tota agrorum dimensione, tertium quodque agri jugerum (duobus sepositis proprietario) viduæ relinquatur & hæc designatio tertia (ut dici solet) est, sive cognitio viduæ & introitus ad trientem.

Deservitio trientis revoletur ad diem mortis mariti.

Notandum etiam quod deservitio hac licet aliquot annis sequatur, tamen in vidua retrorahetur, ad diem mortis mariti, ut hæreditas ex Jure Civili ad diem quo defunctus obiit; justumque titulum fructus interea percipiendi præbet, licet tempore perceptionis nondum fuit deservita; quod si in possessione tertia fuerit, licet nunquam deservita, sufficit ne fructus repeti possint, ratio est, quoniam pacifica possessio ei pro titulo est, conjuncta sive profluens ex jure suo & titulo hæredis.

Sunt

Sunt tamen quædam, quæ hunc trientem non admittunt, licet Vassallus in feudo prædiorum decesserit; viz. nullus triens hominii debetur, nullus Superioritatis, nam hæc vidua non decent; neque præstationis albesimæ, quæ nihil aliud est quam nuda Superioritatis recognitio; triens verò utilitates mulieris tantum spectat & proinde neque earum rerum, quæ non ad usum sed voluptatem pertinent aut comparata sunt neque patronatus sive Advocationis Ecclesiarum (nam divisionem non recipit) neque feudi Burgensis tertia debetur; Licet Jure Normannorum non triens, sed dimidia pars usufructus ei in Burgali feudo competat: Relicta tamen jure nostro solebat interiorem partem domus pro habitatione habere; Interior autem pars à foco censebatur, quiquidem focus in medius adibus (ut adhuc videre in plerisque locis est) collocabatur in media latitudine; Quod interius erat, vidua possidebat, exteriora hæres: Hodie hæc exoleverunt & apud nos nullus triens ex feudo Burgensi debetur, nisi aliter convenerit, Neque assedationum triens debetur, cum assedatio non sit feudum, Neque decimarum ob eandem rationem, neque ubi maritus tantum fuit usufructuarius; Angli neque annuorum reddituum trientem, cum sit Juris tantum & non rei corporalis viduæ deberi putant; nos contra: Neque debetur triens hic si vir aut mulier intra annum sine liberis moriantur.

Amittendi hujus trientis multi modi numerantur; pauci tamen sunt, si stabile illud fundamentum teneamus; non deberi trientem usufructus, nisi de iis terris de quibus obiit maritus ultimo vestitus; Nam in damnato Majestatis vidua trientem amittit, quia maritus in hora mortis non ob it vestitus & sacitus; nam ex quo sententia lata est, feudum amittit & proinde nullus ejus triens uxori in usufructu debetur & ideo nulla speciali cautione hic opus est aut exceptione à regula; Idem si maritus alienaverit, aut in manus sui Superioris resignaverit aut quoquo modo proprietate feudi denudatus & devestitus fuerit, etiam licet pactum de retrovendendo sive reversione intercesserit: At si ipsa adulterii damnata fuerit aut si sine justa causâ virum reliquerit & adultero cohabitaverit (etiam licet non damnata) nec vero, ante mortem reconciliata, cum eo cohabitaverit (nam cohabitatio post decessum, reconciliationem præsumi facit) trientem amittit, quod & Juri Anglorum convenit: neque enim ratio permittit, ut ex matrimonio illo, contra quod peccavit, mulier commodum accipiat; frustra enim legis beneficium implorat, qui in legem peccat; Sic Jure Anglorum, si monumenta & evidencias mariti abstraxerit, quod eadem ratione niti videtur; ut in jure, qui tabulas testamenti subtrahit, à legato & omni eo quod ei ex testamento debetur, cadit. Omittitur autem triens, si Superior de quo tenetur, damnatus majestatis fuit; Sententia enim contra eum lata tollit omne jus quod valuosiores possunt prætereendere & ubi valuosiores jus suum amittunt, sic & eorum conjuges, conjunctam suam infeudationem seu usufructum & trientem sive tertiam, nisi forte ante damnationem Superioris, vidua hæc legitime ex morte sui mariti in tertiam deservita & recognita fuerit; Nam quod ei semel est adjudicatum, durius ab ea tollitur & favor matrimonialis aliquo modo etiam obstat: Quod si hæres cum Domino suo superiore transegerit, licet alioqui relictæ non habeat tertiam, solvendo tamen suam partem transactionis, recuperabit eam: Idem si principalis tenens transegerit super recognitione à Domino facta: In non-introitu, si non-introitus decernitur ob defectum solius viri, non nocet tertiam, secus si ob defectum aliorum prædecessorum. Jure præterea Anglorum, mulier tertiam amittit, si ipsa alicujus publici & magni criminis damnata fuerit, veluti Majestatis, Murthuri, veneficii, feloniz; etiam si postea restituta sit & crimen ei condonatum fuerit: Nam cum per sententiam illa civiliter mortua reputetur triensque hic per eam sententiam mariti hæredi accreverit; restitutio (quam gratiosam dicimus) nunquam quod jure ab ea ablatum est, ad illam licet restitutam reducet, nisi sententia damnationis tota sit rescissa: Si ex facto mariti, post ejus mortem, feudum fuerit recognitum (ut loqui solemus) mulier à tertia sua cadet; At si principalis tenens pro recognitione cum Domino transegerit, vidua solvendo partem transactionis pro rata, in suam tertiam admittetur: ut ex illa magna recognitione Jacob. 4. constat. Si vir Religionem ingrediat, licet ab eo tempore mortuus mundo dicatur, tamen tertiam non competit ejus uxori, quandiu vir vivet: nam mortis tempus in his potissimum spectatur, aut saltem civilis mors, quæ per sententiam fit, non exilium: Itaque si ob adulterium viri, matrimonium fuerit separatim, licet quodammodo tum civiliter mortuus præsumatur, tamen mulier tertiam non habebit, sed nudum tantum usufructum. Si vir intra annum & diem nullis relictis liberis moriatur, tertiam non debetur, ut neque conjuncta infeudatio, aut investitura ut nuper dixi. Triens hic sive tertiam, ab omni Warda & Relevio,

*Quibus modis triens amittatur.*

etiam

etiam & non introitu libera est; Quod verum est si maritus, qui est immediatus Vassallus, moriatur; nam licet ejus hæres custodiam & relevium debeat aut à morte patris feudum ingredi cessaverit, tertia tamen integra vidua debebitur. Aliud, si is de quo maritus ejus & fortè illa feudum tenuit sit in nonintroitu & Wardam & Relevium debeat; nam cum vidua melioris conditionis esse in triente non possit, quam maritus ejus in toto assè fuisset, si viveret & ubi maritus in assè jus non habet si viveret, nec mulier in triente: Vidua autem quæ de Rege tenet, sine consensu Domini sui Regis nubere non potest, si de eo feudum teneat, nec qui viduam, cui tertia debetur, in uxorem ducit, Domino feudi hominum debet, cum sit nudus usufructus: fidelitatem tamen debet, si verum sit Anglorum discrimen inter hominum & fidelitatem.

*An triens hic sit obnoxium debitis hereditariis.*

An autem hæc tertia sive hic triens obnoxius sit debitis hereditariis aliisque oneribus & servitiis, pro rata sui trientis dubitari vidi? cum triens hic ex lege descendat; sed hoc jure utimur, ut omnibus hereditariis oneribus assè hereditatis inherentibus (quæ debita fundi dicimus) pro suo triente, pro rata trientis, teneatur & pro iis respondere; nam triens hic transit cum oneribus realibus & quæ tempore mortis defuncti, rei inherebant, non autem personalibus: Et hæc de triente, qui ex lege descendit; Quod si ex provisione hominis proveniat, tenebitur de debitis realibus ante provisionem factam & sasinam inde sequentem; de debitis autem posterioribus sua sasinam non tenetur, Et de prioribus actionem adversus mariti heredem de evictione habebit.

*An mulier tertia possit renunciare.*

Hanc autem tertiam mulier durante vitâ mariti sui refutare sive renunciare non potest neque vendere neque alienare neque de ea quomodolibet contrahere, marito stante & moriente in feudo; ratio est, quia nullum jus adhuc habet nec etiam habere potest ad hunc trientem; & videtur hæc ratio ex Jure Civili desumpta, ubi hæres antequam ejus deferatur hereditas & poterit eam adire, renunciando nihil facit Et non obstante renunciatione quæ facta est, cum non poterat adire, postea adire & deserviri potest; Tamen si hæc uxor tempore vitæ mariti sui prædium aliquod in compensationem sui trientis acceperit, quod nihil aliud est, quam tertiam suam in certo loco constitutam acceperit, eo casu à legitimo triente cadit.

*De Curialitate.*

Superest ut de Curialitate aliquid subjiciamus, cujus eadem est ratio, quæ trientis sive tertie partis usufructus, uterque enim non ex provisione hominis, sed legis descendit, triens (ut dixi) ut esset unde honeste vidua possit alii & habitare, Curialitas ob reverentiam prioris matrimonii, quod quis cum uxore hærede contraxerit, ne ea mortua ad egestatem maritus reducat: Angli Curialitatem Anglicam vocant, quasi ea apud solos Anglos locum haberet; sed falluntur, nam & apud nos & Normannos huic Curialitati locus est, immo ejus origo ex Jure Civili non incommode deduci potest; Ex Constantini enim rescripto sancitum est, ut hereditatis maternæ, pater, usufructum; filii, proprietatem haberent; cum antea libera permitteretur patri dispositio de omnibus eis bonis quæ per matrem ad liberos devenissent.

*Curialitatis origo.*

Quod ad quantitatem attinet à triente differt, quod triens sit tantum tertia pars usufructus totius; At Curialitas sive curtesia est totius patrimonii, quod ad uxorem pertinebat, dum moreretur: In reliquis eadem lege & paritate terminantur; nam ut triens non debetur, nisi de iis prædiis, quæ ad maritum pertinebant tempore decessus, ita nec Curialitas, quæ est usufructus totius assis sive patrimonii, nisi de iis terris de quibus mulier in vita & tempore mortis facta obiit: Præterea usufructus semper præsumit proprietatem & ubi non erat proprietas in muliere, non est aut erit usufructus in viro: adeo ut si delata mulieri viventi fuerat hereditas, neque tamen adiit, maritus usufructum ea mortua non habebit, cum imputari ei possit, quod uxorem suam dum viveret, non curaverit hereditatem agnoscere & hereditarium prædium ingredi Et hæc tam nostro quam Anglorum Jure.

*Quibus & quando competit.*

Competit autem hæc curtesia, quoties quis heredem foemina in uxorem duxerit & ex ea sobolem vivam susceperit; nam tum mortuâ conjugis maritus totius hereditatis usufructum habebit, eodem modo ac si vere infeudatus in usufructu fuisset; nec minus hæc Curialitas, quæ à lege defertur, operabitur, quam si à Domino superiore fuisset per Investituram constitutus usufructus: Nam & non introitum impedit, neque Wardam aut Relevio est obnoxia, obventiones tamen maritus non lucratur, ut in conjuncta infeudatione: Dixi sobolem vivam nasci debere, licet postea & mox moriatur: Jus scriptum vult ita nasci, ut ejus vagitus sive braia (ut vocant) inter muros audiat, alioqui non deberi Curialitatem: neque enim nasci videtur, qui nullum nativitatis per clamorem & brai-



braiam signum edidit; probatio autem hujus clamoris five braia per u ulieres, quæ puerperæ aderant fieri potest, cum alii patientibus adesse non soleant.

Nec interest vidua ne hæc sit hæres, an virgo, modo dum moritur fuit hæres & in re-  
nimento. Nam & secundo viro, post mortem primi, etiam si primus habuerit hæres, de-  
betur, ut neque interest quale feudum sit, francum ne an militare, emphyteuticum an  
Burgense; nam in his omnibus, æquo & pari jure, curialitas five curtisia debetur viro  
superstici. Idem, si mulier hæres fuerit linealis (ut dici solet) aut talia: licet raro mul-  
lier in tallia succedat, aut si hæres fuerit cum nuptis, aut hæreditas constante matrimonio  
supervenerit; Si nulla proles suscepta fuerit, nihil maritus mortuæ uxore ex usufructu  
consequitur, sed tota hæreditas plena ad ejus hæredem devolvitur: Eodem etiam mo-  
do curialitas hæc amittitur, quo tertia, nisi quod Jure Normannorum, curtisia hæc tan-  
tum daret, donec maritus hic novas nuptias contraxerit & secundo matrimonio se con-  
junxerit; nam id præsumitur facere, ut commode ex hoc secundo matrimonio vivere  
possit: Itaque eo quod ex superiore matrimonio consequutus est, per subsequens secun-  
dum matrimonium privabitur: Maritus autem hic, cui curialitas competit, satisfacere eo-  
dem modo cogetur, quo usufructuarius solent, & si pauperiem fecerit, tempore hujus le-  
gittimi usufructus, tenebitur reficere.

*Nulla dif-  
ferentia est  
inter conju-  
gem viduam  
& virginem*

# FEUDORUM

## LIBER TERTIUS;

Continens ea quæ ad amissionem  
Feudi pertinent.

*De Resignationibus & Renunciationibus.*

*Diagesis prima.*



Abolutis omnibus quæ ad Feudi acquisitionem & continuationem  
pertinere videbantur, Superest ut quibus modis Feudum definat  
& finiatur, exponamus: Definit itaque five cessat Feudum, vel ex-  
tinctione vel amissione: Extinctio dicitur, cum prorsus definit esse  
Feudum; Amissio, cum illius definit esse cujus antea fuerat, vel ex  
mutua Domini vel Vassalli voluntate priori contraria, vel ex cul-  
pa five delicto. Extinguitur autem Feudum duplici modo, aut  
rei feudalis interitu, aut ex tacita ab initio contrahentium voluntate. De interitu rei  
feudalis brevis est disputatio; Nam Feudi interitu sine culpa Vassalli contingente, ve-  
luti si incendio, chafitate, inundatione aut eluvio, vel vi hostili & occupatione perie-  
rit, Vassallus ab omni Feudi servitio liberatur, nec in hoc casu Feudum in quenquam de-  
volvitur. Sed quæritur potest, an cessante Inundatione aut armis ab hoste recuperato  
Feudo, cui cedit? Celebris est illa apud Demosthenem oratio de Haloneso insula quam  
Atheniensibus pirata eripuerant. Philippus rursus cum piratas expulisset, Athenienses  
per legatos flagitabant, ut sua insula sibi redderetur, Philippus ut reddere recusavit, sic  
se non gravare daturum quasi ex munificentia obtulit, quod cum Athenienses recusaf-  
sent, gravissimi belli occasio nata est. Ego sane in tali specie, priorum Vassallorum feu-  
dum manere potui, nisi vel ex legibus pacis hosti sit relictum, vel tempus ultra hominum  
memoriam intercesserit: Quo casu abjecta spes recuperandi erat & proinde occupanti-  
um puto esse: Nam quam quis rem pro derelicto habet ab ejus dominio cadit. Extinguitur item Feudum ex tacita partium conventionem ab initio, veluti si tantum Vassallo

*Quibus mo-  
dis feudum  
finiatur.*

*An vi ho-  
stium occu-  
pato feudo  
& recupe-  
rato, postea  
feudum ad  
priorem Do-  
minum redeat.  
Feudum ex-  
tinguitur ex  
partium  
conventionem.*

& ejus hæredibus de corpore descendentibus feudum concessum sit ; nam eo decedente, nullo descendente relicto , Feudum extinguitur & ad Dominum superiorem redit : alioqui proximus, sive ex sanguine sive provisione Vassallus in defuncti locum substituitur, illâ limitatione non expressâ. Idem obtinet si vel ad tempus vel sub modo aut conditione feudum sit concessum ; nam finito tempore aut ex eventu conditionis aut modi feudum etiam extinguitur. His casibus propriè extingui feudum dicimus. Jam de amissione feudi dicendum.

*Quot modis  
feudum amittitur.*

Plerique Feudalium consuetudinum interpretes, quatuor modos feudi amittendi constituunt, mortem, delictum, defectum & refutationem, sed mortem non esse modum feudi amittendi, sed potius conservandi & continuandi antea demonstravimus & doctiores ex interpretibus nobiscum conveniunt ; mors enim locum facit successioni, quæ inter modos acquirendi feudi à multis ponitur.

*De defectu.*

Defectum autem non esse modum amittendi feudi antea explicatum : Nam si defectus ex fortuito casu supervenerit, veluti Vassallus bello, si dum fortem & fidelem operam Domino navat, aut claudus aut cæcus aut mancus fuerit factus, aut si quicunque alius casus quales quotidie inter homines occurrunt, acciderit ; veluti si crus ex casu sit debilitatum autes oculi ex morbo amissi, Paralysis aut alius defectus inciderit, iniquissimum esset ex his defectibus Vassallum feudo privari. Quod si à nativitate defectus hic processerit, veluti si quis mutus, cæcus, surdus, claudus natus fuerit ? Diversæ sunt Jureconsultorum de hac re sententiæ, Quidam veterum, feudi jure privandos omnino putant, Alii feudum retinere posse, dummodo per substitutum serviant : Nos mediam viam amplexi sumus, ut Lib. 2. Diegeti 5. declaravimus doctiorum opinionem in eo sequuti. Sanè apud nos defectus, sive à casu sive à natura procedens, inter modos feudi amittendi non numeratur, etiamsi furor sit naturalis, dummodo qui proximè in feudum sit successurus agnatus aut ipse, ut feudum in familia retineat, servire sit paratus & ad hoc idoneus sit aut idoneum servientem, qui officium suppleat, supponat. Quid enim si cursori, cui feudum datum est ut Domini negotia currendo expediat, claudus successerit : aut advocato, qui ob id servitium, feudum acceperat, mutus : aut ut vidi in Constantino Walkinschaw, famulo Comitis Argadiæ, qui cum ipse machinarum bellicarum esset imperitus, feudum tamen uni ex Argadiæ concessum eo nomine, ut artem Jaculandorum tormentorum, si quando Comites Argadiæ in expeditione essent, exerceret, ab eo redemit & novam investituram cum eadem conditione suscepit, an hic feudo privandus, si per alium idoneum satis servire sit paratus ? Est autem apud Anglos familia antiqua Dinmorum, quæ feudum suum habet eo nomine, ut princeps familiæ die inaugurationis Regis Angliæ, se in aula Regia armatum & equo insidentem sistat : Ibi que si quis de Regis titulo contradicere audeat, monomachiam instanter offerat : Si inquam is qui in eam familiam succedit, imbellis debilis aut ad capeiendum duellum inidoneus fuerit, feudumne ad Regem redibit, nullâ antiquitatis familiæ habitâ ratione ? Sunt & apud nos pleraque illustres familiæ, in eodem aut pari casu ; nam quidam sunt qui feuda sua habent, ut Regem in die prælii, lorica & armis induant, ut Humeus Aitonius : Alii ut calcaribus ornent ; alii ut vexillum Regium præferant, quâ dignitate Scrimgerorum clarissima familia hodiè illustratur, alii ut Pincernam agant : Alii denique propter alia certa & stata servitia ; Si servitium debitum per substitutos ( cum ipsi servire non possint ) sustineatur, & præcipuè si per proximum agnatum, qui in feudum est successurus, in his feudum Domino ex defectu non aperitur ; semper enim ( ut dixi ) mitiores poenæ nobis placuerunt & administratio tam servitii quam feudi proximo agnato permittitur, si ipse hæres administrationi non sufficiat aut suffecturus speratur, quo casu ne egeat tantum providendum est. Est & alius defectus, non in persona, sed in statu, veluti si quis nullum in persona defectum habens, factus tamen sit religiosus, cum nemo possit & Deo & seculo servire, cum hic defectus per substitutum suppleri non possit, sed per ipsum in religionem ingressum, religiosus iste à feudo cadit, locusque sit proximè successuro, qui & ad servitia à Domino admittendus est & feudi fructus suos faciet. Itaque defectum hunc inter modos amittendi feudi non numeramus, cum ob eum defectum feudum Domino non aperiatur. Et ex jure si quando feudum ob defectum amittitur, servanda est generalis illa regula, si paternum fuerit feudum ad agnatos proximos pertinebit, si novum, Domino aperiatur & hæc de defectu.

*Si familia  
hæres ad  
servitia non  
sit idoneus,  
debet per  
proximum  
ex familia  
servire.*

Duo apud nos feudi amittendi tantum modi sunt, nempe refutatio (quæ ex contraria voluntate Domini & Vassalli à primò feudorecedere volentium nascitur) & delictum: De refutatione, quam resignationem sive renunciationem dicimus, primò dicendum, Et quidem duplex est apud nos refutatio. Altera, quæ in manibus Domini superioris præsentis aut alterius ab eo specialem potestatem ad hoc habentis fit. Altera pura & quæ extra ejus præsentiam fit, Prior resignatio dicitur & est duplex, altera, quæ apud nos ad perpetuam remanentiam vocatur, altera quæ in favorem: Prior in manibus Domini fit simpliciter in solius Domini favorem & commodum, ut feudi proprietas integra ad Dominum redeat & in perpetuum remaneat, sic ut Dominium utile cum directo consolidetur: Quæ in favorem dicitur, in manus Domini non minus fit, non tamen ut apud eum feudum maneat, sed tantum ut Dominus alteri ut convenerat & in cuius favorem facta est, restituat: Et est quasi fideicommissarium feudum, quales in jure sunt fideicommissæ hæreditates aut legata, nisi quod in hoc casu nihil apud resignantem remaneat, nihil Dominus sibi reservet. De hac prima resignatione, hæc tantum monenda sunt, quod postquam inter Dominum & Vassallum convenit ut Vassallus feudum suum inter Domini manus resignet ad perpetuam remanentiam, ante Dominum Vassallus comparere debet, vel ipse vel ejus legitimus procurator, ad hoc speciale mandatum habens, eaque quæ decet Vassallum reverentiâ, cum omni humilitate præsentem notario & testibus (quatuor ad minimum hodie, antiquitus pauciores sufficiebant, hæc verba efferre, Domine mi Superior hujus feudi, hoc meum feudum seu pradium in manibus tuis resigno & simpliciter renuncio, ut apud te & tuos hæredes perpetuò remaneat & cum superioritate sive Dominio directo consolidetur; bacillumque sive virgulam, quam in manu habebit, Domino tradet, Dominusque super eo facto instrumentum à notario poscet, testesque rogabit ut rei gestæ memores sint, & hæc sunt solennitates extrinsecæ, quæ cum omnino ad actum sint necessariæ in jure nunquam præsumuntur nisi manifestè de eis constet, nempe ut Vassallus ipse vel per procuratorem præsens sit & ut Dominus traditionem illam sive renunciationem recipiat & in signum acceptationis instrumentum à notorio poscat, eique (quod antiquitus tenacissimè observabatur) pro eo instrumento solvat præsentem pecuniam: Nam exceptio, hæc cum sit facti, non puto per alterutrius partis chirographum vel utriusque syngrapham probari posse, (licet hodie chirographis potius credatur quam instrumentis à notario conscriptis propter dubiam notariorum fidem) actus enim ut aliquis resignatis publicis interveniat, necesse est notarii adhibeantur, ut de facto constet: aliud enim est facere, aliud scribere se fecisse; itaque confessio per chirographum resignationis non sufficit, nisi actus aliquis extrinsecus & publicus interveniat. Renunciatio enim nec facta præsumitur nisi probetur, neque per confessionem partis probatur non magis quam si quis scribat se fasinam dedisse, quæ fortassè nunquam data erat, nec intervenerat; Itaque in his resignationibus, ut actus aliquis publicus interveniat necesse est, qui nisi per notarium & testes probari non potest. Sed quorsum, dicit aliquis, bacilli sive virgulæ traditio interponitur, an & hæc de necessitate sit, profecto ego hoc adhuc querendum relinquo. Certum tamen est & antea sæpius monui, nullam esse in Jure Civili Domini translationem sine aliqua traditione vel vera vel ficta: Vera, quando res ipsa traditur, aut quis in præsentem possessionem inducitur per fasinam sive apprehensionem corporalem ipsius rei, cujus Dominium transfertur. Aut si ipsa res tradi quidem non potest, aut eo tempore non potest; (Nam resignatio, extra locum rei resignata, quocunque alio loco fieri potest) suppletur per imaginariam traditionem sive potius symbolum traditionis, veluti vestis, vexilli, baculi, annuli, libri, nummi & si quæ sunt alia in usu symbola. Solebant enim Septentrionales gentes signum sive symbolum possessionis aut domini semper interponere, quod apud limitaneos nostros & montanos adhuc observatur, licet ineptis & planè ridiculis symbolis utantur. Itaque Vassallus bacillum tradit, ut patè declararet, quemadmodum bacillum hunc in symbolum tradit Domino, sic se jure quam optimo rem ipsam tamen jus quam possessionem tradere. Accidit tamen alienando ut licet Vassallis ad perpetuam remanentiam resignare sit paratus, ut Dominus tamen recipere nolit ac refutationem non admittat; quod quomodo evenire possit, si quis querat expediam paucis: Nam licet hæc resignatio Domini commodum semper videatur respicere, cum solida proprietas feudi sui ad eam redeat, nec evenire posse plerique putant, ut Dominus præsens commodum ejiciat & refutatio est quædam species alienationis feudi, quæ alienatio sine consensu Domini prohibetur; Sunt tamen quidam casus in quibus hæc de facto

*De modis  
apud nos  
feudi amittendi  
& primò de  
Resignatione*

*Divisio Resignationum  
in eas quæ  
ad perpetuam remanentiam dicuntur  
& quæ in favorem.*

*An bacilli traditio necessaria sit.*



occurrere vidi. Memini ante annos xx. Dominum de Drumkilbo cum prædiolum sive partem aliquam Baroniz de Kilrynn in capite teneret de Comite Anguliz per servitium militare, patreque suo functo vitâ, cum ejus maritatio ad Comitem Anguliz ratione feudi pertineret, qui jus suum in Joannem Ogilvzum Dominum de Innerquhartie transtulerat, à quo dictus Dominus de Drumkilbo graviter vexatus pro aestimatione maritationis, quæ taxabatur nullâ habitâ ratione prædioli, quod solum de Comite Anguliz tenebat, sed ad totum ipsius patrimonium quod amplum erat; Memini inquam Drumkilboun obtulisse Comiti Anguliz in Senatu refutationem sui prædii, quod nunquam ut hæres adhuc adierat, nec aditurum se promiserat, sed ab Angulio repulsum, nisi maritationis aestimationem, quæ jam obvenerat, vellet exolvere. Vidi etiam cum gravis exactio Civibus Edinburgensibus imponeretur, Joannem Morisonum Civem inter primos opulentum, cum de iniquitate indictæ sibi collationis quæreretur, paratum se obtulisse privilegio Civitatis renunciare, modo sua portio prædictæ collationis ei remitteretur, quod & nuper in Joanne Fairley etiam accidit. Itaque evenire possunt casus, cum magis expediat Vassallo feudum refutare quam retinere. Ad quæstionem redeo, si Vassallus invito Domino possit feudum refutare sive (ut nos loquimur) resignare ad perpetuam remanentiam: Multi negant & hanc pro se rationem adducunt; Quod feudum sit mutui contractus inter Dominum & Vassallum & sicut mutuo consensu contrahitur, sic mutuo consensu dissolvendus. Alia ratio est, quia Dominus & Vassallus in feudo parificantur & paræ conditionis censentur, ut sicut Dominus invito Vassallo feudum ad se revocare non potest, nisi ex delicto aut ingratitude, Sic nec Vassallus invito Domino refutare. His tamen non obstantibus communis feudistarum opinio est, etiam invito Domino Vassallum refutare sive renunciare feudum posse; Nam revocare feudum sine Vassalli incommodo Dominus non potest; Vassallus si feudum refutaverit, Domini sui conditionem facit meliorem, quod & nostris moribus convenit, nec à Jure Civili dissentit, in quo quilibet favori pro se introducto renunciare potest: Feudum enim licet ex beneficio Domini nascatur, commodum tamen Vassalli solius respicit.

*Dux exceptio-  
nes.*

Dux tamen sunt exceptiones sive duo casus, in quibus invito Domino, Vassallus feudum refutare non potest: Primus, si Vassallus ligus sit & feudum ligium; neque enim ferendus Vassallus ligus, si velit fidelitatem Domino suo & principi, sub quo natus est, renunciare; Princeps enim pater est totius patriæ, cujus jurisdictioni & cognitioni Vassallus se suam familiam, liberos, bona tam mobilia quam immobilia subjecit aut saltem ex nativitate cum eis omnibus subjectus est; & graviter Principem offendit, qui cupiat ab eo resilire fidemque ei datam paratus est ejurare. Itaque Princeps in hunc Vassallum si fidem mutaverit & alterius Principis clientelæ se mancipaverit, manus injectionem semper retinet, ut possit eum ubicunque invenerit comprehendere, etiam si ab eo Principe, cui se mancipaverit, legatus venerit, ut à plerisque notatum est.

*Secundus lib.*

Secundus casus, si antequam Vassallus refutare paratus sit, grave servitium in eum ratione feudi sui, sive grave onus incubuerit, quod ut subterfugiat, feudo suo vel privilegio velit renunciare: Sed in hoc casu non simpliciter prohibetur refutatio, sed tantum ad tempus recusari potest à Domino, donec Vassallus se præsentî gravamine quod ei ex causa præterita ratione feudi incubuit, liberabit; Nam tum refutationem ejus admittendam puto & hæc est ratio cur refutatio Domini de Drumkilbo non fuit admissa, quia onus & gravamen quod antea ei ratione feudi incubuerat, noluisse exolvere; quod si voluisset aut obtulisset, satis validam puto resignationem feudi futuram ad perpetuam remanentiam etiam invito Domino. Eademque ratio in ea secunda Joannis Morison renunciatione, qui civitatem ejurare voluerit post indictam taxationem, quod si solutâ taxatione, privilegio Civitatis renunciare voluisset, admittendus erat etiam invito Civitatis Prætor.

*Qualiter  
feudum ad  
Dominum  
ex refutati-  
one redeat.*

Alia quæstio & ea quidem magna in his refutationibus occurrit, qualiter feudum ad Dominum ex refutatione Vassalli redit, an tale redit quale ab initio à Domino in favorem Vassalli fuerit constitutum, an quale tempore resignationis est: Movet quæstionem, quod cum feudum Domino aperitur, sive pro tempore, ut in minore ætate hæredis, sive in perpetuum, ob delictum, tale semper aperitur, quale ab initio constitutionis erat: Nam tempore custodiæ hæredis, Dominus neque assedationes à Vassallo factas, neq; alienationes aut servitutum constitutiones, si à se causam non habeant, nisi aut ejus consensu factæ sint aut is eas ratas habuerit, tenetur agnoscere, ut superius annotavi: Sic in recognitionibus aut aliis offensionum aut ingratitudeum causis, ob quas Vassallus feudum

feudum ex jure amittit, tale feudum ad Dominum redit, quale ab initio fuerat constitutum, nullâ habitâ Valvassorum aut subvalvassorum ratione. In nostro vero casu refutationis feudi, tale feudum ad Dominum solummodo redire puto, quale apud Vassallum tempore refutationis fuerat, Dominumque omnia onera hæreditaria, quibus Vassallus legitime feudum gravaverat, teneri agnoscere; Quæ opinio ut sanior, sic nisi recipiatur, fenestram ad omnem nequitiam patefaciet; Nam colludente Domino cum Vassallo & refutatione solemaiter in ejus manus facta, subvassallorum omnia jura subvertentur & præbebitur occasio miseris Valvassores fallendi manifesta, si cum Vassallus pecunias ab eis acceperit eosque investierit sive subinfeudaverit, ut facta hæc sua subvertat & inania reddat, in Domini sui manus feudum velit refutare. Nec idem tenendum videtur in aperto per custodiam sive delictum feudo atque in refutatione; nam priora hæc, ratione Juri communis feudorum & ex ejus dispositione procedunt; Naturalis enim ratio suadet, quod ob certam causam concessum est, si ea non sequatur, ut condici possit & si deterius factum sit ut affirmatio præbeatur & sic tale quale à principio fuit præstandum est; Itaque si feudum ob delictum vel ingratitudinem Vassalli ad Dominum redierit, qui id ob servitium tantum & fidem ab initio concesserat, fractâ fide feudum Jure reposcere videtur in ea qualitate, qua concesserat; Si vero hæres Vassalli in custodiâ Domini fuerit ex conditione naturâ feudo in hærente, Dominus feudi fructus omnes (cujusmodi tempore primæ concessionis feudalis à Vassallo percipi poterant) suos faciet, quamdiu Vassallus ob minorem ætatem ad servitia facienda non sit idoneus, ut interea Dominus se de serviente ex fructibus feudi possit providere. Atque in his feudi apertionibus per custodiam vel delictum Dominus suo jure utitur & se authorem tantum sequitur, itaque quale feudum à se authore profectum est, tale ad eum redibit. Aliter vero res se habet, si feudum ex pura donatione aut simulata conventionione, ad Dominum redit; nam Dominus pacisci videtur, de tali feudo, quale tum erat, tantum recipiendo, nec ulterius audiendus est, cum authorem tantum habeat Vassallum in hac specie refutationis, itaque eo tantum jure utitur, quod Vassallus habuit, cum refutavit. Et hæc de refutatione ad perpetuam remanentiam. In scripto feudorum Jure, post refutationem, si paternum sit feudum, locus sit agnatis proximioribus, qui à Domino investituram petant, si modo ex primo stirpe descendant, sed eo jure nos non utimur.

Altera resignatio est, quæ in favorem dicitur, cum Vassallus suum feudum, quale tum habet, in manibus Domini resignat, non ut apud eum maneat, sed ut Dominus incontinenti alium in eodem investiat; Eodem modo & eadem formâ quâ Vassallus resignans à Domino investitus fuit; In qua resignatione, non solum Domini præsentis vel saltem ejus qui ab eo potestatem resignationes acceptandi habeat, semper persona est necessaria, sed etiam consensus: Nam sine Domini consensu, talis resignatio non valet; non enim cogendus est Dominus unum Vassallum fortasse sibi ignotum & fidei fortasse dubiæ aut saltem incognitæ in suo feudo & ad sua servitia recipere, nec teneretur voluntatem Vassalli, Dominum mutare cupientis, sequi. Itaque Domini consensus ut interponatur, ex necessitate requiritur. Quod tamen hominum nimium acutorum diligentiam, hodie penè subvertitur, magno cum Dominorum damno; Nam scio & in actum deduci sæpè vidi, cum Domini consensus impetrari nequit, solere Vassallum colludentem cum eo, cum quo jamdudum de feudi alienatione convenerat, obligationem pro gravi summa ei cui resignare promisit aut omnino constituerat concedere, ut sive ea obligatione in acta publica, quod Registrum dicimus, redactâ, sive sententiâ super ea habitâ, simulatus creditor & verus emptor, discussis bonis moventibus sui debitoris (quæ subtrahi partes curant ne distringantur) feudum ipsum licitationi sive subhastationi subjiciat, præmonitione (ut fieri solet) ad personam simulati debitoris, super feudo ipso & apud crucem principis burgi in Vicecomitatu factâ, licitationeque per quindecim virorum sacramentum deductâ, inde Senatus mandat Cancellariæ custodi, ut præcepta dirigat ad Dominum etiam nolentem & invitum, saltem has artes ignorantem & novum emptorem in tenentem recipiat & investiat Et sic Dominus nisi malit pro tempore viâ Dominium directum amittere, eum quem non vult sæpè cogitur recipere. Et profecto licet has collusiones simulatè fieri nemo non videt & a jure prohiberi, ac quod majus est, cum simulatio species sic falsitatis; nunquam tamen has licitationes seu subhastationes in judicio rescissas, sub prætextu aut collusionis aut simulationis audiri. Sed ut ad nostras resignationes quæ in favorem dicuntur redeam, non solum præsentia Domini est necessaria, ut dixi, sed etiam consensus: Præsentia, quoniam nisi in

*Resignatio  
in favorem.*

manibus Domini fiat renunciatio nihil operatur; per Dominum intelligo & cum qui à Domino speciale mandatum ad hunc effectum habeat, Nam quemadmodum jure civili & Pontificio resignatio seu abdicatio jurisdictionis seu beneficii, nisi in manibus mandantis aut superioris acceptantis fiat, nullum effectum habet; sic etiam jure feudali; cum iniquum sit Dominium cogi in feudo suo sequi voluntatem Vassalli; Et quidem jure civili hoc constat ex Responso Papiniani dum ait: Legatus Caesaris Praeses vel rector provinciae abdicando se non amittit imperium, quod & Bartolus in omnibus resignationibus ait observandum, sic Episcopus renunciare non potest nisi in manibus Papae; sed multo major ratio esse videtur in feudo seu jure feudali, cum Dominus semper Dominum directum apud se retineat; nec impune liceat Vassallo, Domino infcio, alienare, Adeo autem resignatio feudi in manus alterius quam domini injure feudali est prohibita; ut nec resignatio in manibus filii Domini, qui in feudo successurus est Patri, quicquam operetur; & licet renunciatio beneficii in manibus Laici jure Pontificio resignantem privet beneficio, & sic cuivis videri possit renunciationem in manibus non Domini superioris sufficere ad amissionem beneficii, Respondeo tamen resignationem illam non ideo daminari, quia in manibus non Domini superioris fiat, quæ certe merito inanis est, sed in odium resignantis, qui Laicum veluti superiorem beneficii Ecclesiastici agnovit & per resignationem in manibus ejus factam, jura Ecclesiastica graviter offenderit. Secundo dixi, opus in his resignationibus etiam consensu Domini, ut antea monui, ut Dominus resignationem apud se factam acceptet & probet, quod facit per bacilli traditi receptionem & instrumenti in manibus notarii rogationem, nam injure resignatio à Domino non acceptata non roget, Acceptata autem resignatione, Dominus immediate tenetur investire eum, in cujus favorem resignatio facta est & pro Vassallo eum agnoscere, praestito fidelitatis sacramento aut si hoc juramentum omittatur ( ut fieri apud nos saepe solet ) fidelitate tamen promissa, quæ tacite omni feudo inhæret, naturaliter tanquam accidens inseparabile. Quod si Dominus noluerit eum, in cujus favorem resignatio facta est, investire, supplicatione ad Senatum exhibita, solent ab eo literæ impetrari, ut Dominus sub poena rebellionis cogatur intra certum tempus, à senatu pro qualitate negotii temperandum novum hunc Vassallum in tenentem recipere eique investituram concedere, nec quicquam de fructibus lucrabitur ratione nonintroitus, quamdiu feudum in manibus ejus est, cum ipse sit causa hujus nonintroitus & proinde in mora: Quod si mora aut cessatio, ex parte ejus qui investituram accipere debet, intervenerit, Dominus quam optimo jure fructus suos interea facit. Quod si interim resignantem penituerit & novam resignationem in manibus Domini sui fecerit, in favorem alterius, quam cujus prior resignatio facta est, dominusque huic posteriori possessionem tradat, eumque primum investiat, uter alteri præferendus sit, dubitari saepe vidi: Nam in beneficiis Ecclesiasticis, à quibus ad beneficia feudalialia commodè satis argumenta deduci possunt, si patronus, qui jus præsentandi habet, unum ordinario præsentaverit & hic dum examinatur moram trahit, interea Patronus alium præsentaverit, Episcopi est electio, cui velit gratificari & cui velit collationem sive institutionem canonicam concedere & si posteriori primam collationem concesserit, is in eo beneficio in perpetuum præferetur, licet alius prior præsentatus fuerit: Similiter in beneficiis feudalibus, quoties duplex resignatio facta est in favorem duorum diversorum, una prior, altera posterior, videtur in arbitrio Domini, quem velit in Vassallum recipere, præcipuè in feudo, quod ad Dominum superiorem pertinet & sine cujus consensu neuter jus reale in feudo prætereundum potest & sic locus ei erit cui velit gratificari. Quemadmodum in duplici feudi concessione qui prior investituram id est sasinam acceperit, præferetur & in alienatione facta duobus prior à Domino confirmatus videtur præferendus. Præterea quod in titulo de investitura monui, investituram esse unicum actum, ex duabus partibus constantem nempe ex charta ut loquimur & sasina Et quod ex charta ( quæ tamen continet omnimodam & plenariam dispositionem cum renunciatione illius juris quodcunque concedens disponere poterat ) non detur actio, nihilque ad eum qui recipit, transit, donec sasina sequatur, ita ut in eo judicio, investitura non dicitur, nisi utraque sequatur; idem in hoc casu repetito nempe resignationem hanc ex tribus constare partibus, Prima est renunciatio personæ resignantis in favorem alterius, Secunda est Domini acceptatio, tertia traditio & investitura illi facta, in cujus favorem resignatio facta est: Nec quicquam primam hanc resignationis partem, quæ est renuntiatio in manibus Domini operari, nisi totus actus

*Sua à Domino in his renunciationibus sunt facienda.*

*Si Dominus post acceptatam resignationem investire noluerit*



actus sequatur & absolvatur, secundum illud D. Marci responsum ex Lucano Poeta descriptum, Nil actum credens si quid superesset agendum; Itaque meo iudicio ille præferendus erit, qui totam illam resignationem simul & tanquam unicum perfectum actum conjungat; nec quicquam ex ea actum putet, donec aliquid agendum superest, donec actus ille ex omnibus suis partibus completus & perfectus fuerit & si pars aliqua non fuerit impleta, totum actum cadere sive rescindi oportere. Tertia ratio quæ pro hac opinione facere videtur, ex Jure Civili depromitur; nam Dominium ex Jure Civili nunquam amittitur, nisi alteri acquiratur, ut disertè vult Papinianus, dum ait, nec ut levi actionem ei tribui oportet, cum sit iniquissimum auferri Dominium, quod usus non abstulit, neque enim intelligitur amissum, quod alteri non est oblatum, oblatum (inquit glossa) quasi-tum, adeo ut nunquam Dominium censeatur amitti, nisi alteri acquiratur; Pro eadem est opinione Bartolus, eamque propositionem tanquam Juris indubitati proponit & confirmat. Quid enim si hic, in cuius favorem facta est resignatio, nolit recipere? An apud Dominum remanebit? In qua nemo erit sententia, neque enim hoc agebatur, ut Dominio aliquid acquireretur: neque is acquirit in cuius favorem facta est resignatio, nam invito & contradicenti nihil acquiritur: immo quod majus est, etiam si ignoraverit factam resignationem in suum favorem nihil adhuc acquirit; nam ignorantia dominia rerum non acquiruntur, nisi per servum, procuratorem aut filium familias. Si ergo ei nihil adquiri posset, licet resignans & Dominus consenserit, Hic acceptando, illi resignando, nihil factum puto, nec resignantem dominio privari; Fateor cum Bartolo tamen, aliud esse in renunciatione possessionis, quæ solo animo, multo magis ex alicujus renunciatione amittitur, nec superioris consensu hic opus est, ut in manibus proprietarii fiat: Licet si Ulpiano hic credimus, ne possessio quidem amittitur, nisi alii acquiratur, nempe ei in cuius favorem renunciatio facta est: sed in dominio non idem ex Jure Civili, nisi fortè qui sunt speciales casus, veluti si quis rem pro derelicto habeat, nam amittit ille dominium antequam alteri acquiratur. At cum quis id dat & disponit, quod aliàs non esset concessurus, nisi eà conditione ut ad alterum perveniat, si is accipere recusaverit, Puto in hoc casu, dominium apud priorem Dominum manere, non obstante resignatione, quæ resignatio hæc est sub modo, nempe in favorem alterius; qui si favorem hunc agnoscere nolit, apud priorem Dominum remanet & est quasi conditio implicita resignationi, quæ si non sequatur, licet reliquæ ante venerint, nihil tamen puto ut in hæreditatibus & legatis fieri videmus. Nam si is, qui hæres à testatore institutus est, noluerit agnoscere vel adire hæreditatem, remanet hæreditas apud defuncti hæredes ab intestato; ut qui legatum agnoscere non vult, hæredi, ad quem prius pertinebat, relinquit. Quod autem dixi errantem aut ignorantem non acquirere in errante sequutus sum Ulpiani verba, De ignorante limitandum est. Quædam enim sunt quæ ignorantes a quando acquirimus, nam fiscus bona damnatorum acquirat, etiam ignorans, quod in favorem fisci introductum est, cum delictorum poenæ & supplicia non semper si eo innotescunt, ita neque fasina hic opus est in immobilibus, nec possessione & apprehensione in mobilibus. Sic ex testamento ignorantibus bona acquiruntur favore ultimarum voluntatum, qui quidem favor & in Ecclesiis & civitatibus militat, quæ utraque etiam ignorantes acquirunt. Secundum igitur meam opinionem, hæc regula procedat, resignantem à dominio feudi non cadere nisi in cuius favorem resignatio facta fuerit, eam receperit, quod fieri non potest, nisi ipsa resignatio, acceptatio & nova investitura ejus, in cuius favorem facta est, unicus tantum esset actus, cuius pars non impleta, totum actum reddit imperfectum, nihilque fiat quamdiu aliquid superest agendum: Penitentia etiam locus erit, licet resignatio in manibus Domini fiat, si alteri nondum facta sit traditio, postque renunciantem quasi nondum devestitum, de novo in manibus sui Domini resignare in favorem alterius à priore, qui primò acceptans investituram, si prius investitus à Domino fuerit, priori erit præferendus. Scio tamen hodie à Senatu alter observari & ex resignatione sola devestiri resignantem, licet is in cuius favorem facta sit, nihil inde consequutus sit: Id obtinuit primus vir sanè magnus David Macilleus, inter advocatos cum primus & postea Regius advocatus factus, sed non sine magna controversia in quaestione cujusdam Perthesis, in cuius favorem cum prius resignatio facta fuisset, nihilque ex eo sequutum, postea annis ferè viginti idem, quasi una is fuisset resignatio prima, alteram in favorem filii sui fecerat. Quæ tamen posterior resignatio irrita declarata est à Senatu, quasi ab eo facta qui jus & potestatem resignandi non haberet, cum per priorem resignationem devestitus, omnem à se potestatem abdicasset: Ante quod Senatus decretum, nunquam à majoribus nostris

*An ignorant  
es acquirant  
& quando.*

nostris fuit dubitatum, quin si ex priore resignatione, quasi ex imperfecto & invalido actu nihil sequutum fuerat, posse de novo resignationem fieri in favorem alterius, Isque qui primo sasinam recuperaverat, praferendus erat : Quam opinionem adjuvat & illud quod à nobis Titulo de investitura dictum est, Si duplex charta aut titulus intervenerit, priorem esse eum qui investituram, id est sasinam primus acceperit, neque enim ego hanc resignationem plus juris habere puto, quam ipsam chartam, quæ à Domino fit de feudo, per resignationem in ejus manibus vacante; qui si duas diversas fecerit duabus personis, quæ prior sasinam acceperit, praferenda est. Licet ab aliquot annis invaluit, ut per resignationem quis ita devestiatur, si per Dominum acceptata sit, ut aliam Dominus dispositionem facere non possit, cogique posse Dominum ad eum investendum, in cujus favorem resignatio facta prius fuerit, quasi duo essent continui & discreti inter se actus, quorum unusquisque per se suam habet potestatem & effectum; Sed non tam considerandum est, quid ab his viginti annis observatum est, (nam ulterius nisi vehementer fallor exemplum non habemus) quam quid in ratione positum, nam si admittamus Vassallum per priorem resignationem omnino devestiri, si is in cujus favorem facta est, recusaverit; Non video quomodo resignans ad suum feudum redire possit; nam contra Dominum pro retractanda resignatione, vix video actionem posse competere, cum Vassallus sciens & prudens refutationem fecerit & Dominus nihil promiserit, nec ex ulla obligatione Vassallo devestito teneatur: Itaque sequatur id quisque quod rationi putat convenire, mihi hæc antiqui Juris & consuetudinis novatio omnino non placet. Sequitur & alia quaestio quæ licet ex priori dependeat eandemque videatur dubitationis rationem continere, à nostris tamen hodie nullatenus in dubium vocatur, An hæc traditio, quæ secundæ personæ danda est, fieri debeat incontinenti, an ex intervallo: Nam stipulatio nihil aliud est quam unius partis interrogatio alterius responsio & ex his duabus ita constituitur, ut si alterutra defecerit, tollitur tota stipulatio, quod non incommode, ad ea quæ de renunciatione nuper diximus potest transferri: At in stipulatione, nisi incontinenti alter responderit, nullam stipulationem contrahi putamus: Juxta regulam hanc, quam ponit Ulpianus, qui praesens interrogavit, si antequam sibi responderetur discessit, inutilem facit stipulationem: si vero praesens interrogavit & antequam responderetur, discessit & reverso responsum est obligatur, intervallum enim medii temporis modicum, stipulationem aut obligationem non vitiat. Illud autem intervallum medii temporis intelligo, si nullus actus extraneus in medio interveniat, qui obstat stipulationi; neque enim obstat, si vel ex naturæ necessitate, vel quid ad naturam contractus fiat; nam utroque casu, non interruptitur actus ipse. Bartolus illud intervallum spacio unius diei moderatur; & sanè Dominus qui accipit resignationem, solet imaginariam investituram in ipso tempore tradere, præbendo nempe immediate, quem receperat à resignante, bacillum sive virgulam ei in cujus favorem facta est resignatio: Et hoc apud nos adhuc locum habet, licet alioquin nullum certum tempus definatur, intra quod Dominus debeat investituram novo Vassallo facere, putantque nostri sufficere, si quocunque tempore Domino vivo & eo in cujus favorem resignatio facta sit, investitura nova sequatur, licet qui resignaverit mortuus fuerit, quod quandam habet in se difficultatem. Hæc de resignatione quæ in manibus Domini superioris fit.

*De renunciatione simplicis & quod duplex sit ejus forma.*

*An simplex renunciatio devestiat renunciantem, licet non fiat in manibus Domini.*

Alterum membrum divisionis, quam supra posui, est renunciatio simplex, quæ vel expressa est vel implicita per consensum; Expressa renunciatio vel fit per contractum, obligationem aut quid ejusmodi: vel ante judicem aut notarium publicum, ubi Vassallus simplicia verba hæc aut scribit aut profert, Tali feudo & omni juri mihi in eo competenti in favorem tuam renuncio: In hac quaestione duo sunt consideranda; Primum, an per talem renunciationem Dominium rei renunciata transferatur in eum, in cujus favorem fit. Secundum, an saltem ea renunciatio, si non transferat Dominium in eum cui fit, renunciantem devestiat. Quod ad primum attinet, neminem in ea opinione futurum existimo, ut putet renunciationem simplicem, quæ non fit in manibus Domini superioris, esseabilem modum transferendi feudi sive domini, alioqui vanum esset quod rescripserunt Imperatores, Dioclesianus & Maximinianus, traditionibus & usucapionibus non nudis pactis Dominia rerum transferri, ubi nuda pacta vocat, quæ non sunt traditione vestita (ut renunciationes tantum nuda pacta esse vult Bartolus) & ita ex jure antiquo Casareo, cum nondum utilis & directi Domini nomina cognita essent; Sed postquam jus feudale in Europæis gentibus radices agere cœperat & superioris & inferioris Domini voces in usum irrepserant, multo minus Domini translatio, sive investitura sine indu-

inductione in possessionem admittitur, alioqui quorsum investituræ aut fasinæ nomina, aut quis earum usus, si sine eis Dominia feudorum rite de uno in alium Vassallum transferri possunt, & itane si quid tale apud nos admitteretur, pleraque incommoda sequerentur & quidem totus cancellariæ usus cessaret; ac nullus de jure suo certus fieret, siue emere siue permutare siue donare aut dono accipere voluerit, quin ei agenti occurreret semper exceptio renunciationis privatæ, Adde si quis authorem suum velit Dominum fuisse probare, ut in multis actionibus necesse est & tantum renunciationem vel simplicem contractum pro renunciatione in iudicium producat, nemini sano videbitur probasse intentionem suam de Dominio: Et si quis procuratorem suum constituerit ad renunciandum & hæc verba expresserit: prout tenore præsentium renunciat, etiam antequam procurator mandato usus fuerit apud Dominum aut Dominus acceptaverit, poterit quis jure dicere constituentem ante resignationem devestitum esse, cum in ipso mandato se renunciasse expresserit & infinita alia incommoda occurrerent: Itaque meo iudicio non transfert dominium, nisi in manibus domini superioris acceptantis & non recusantis fiat. Secunda in renunciatione simplici quaestio magis ardua & difficilis est, nempe si talis renunciatio non videatur esse habilis titulus transferendi rerum dominia, an saltem sufficiat ad devestiendum renunciantem, qui de injuria quæri non potest, cum nihil ei nisi volenti fiat, sic tamen breviter resolvendum existimo, Si hæc renunciatio ex sententia procedat, ut in redemptionibus fieri videmus, cum sententia fertur terras ritè esse redemptas, eumque qui prius investitus fuisse, eis renunciare debere, per hanc tamen renunciationem, nihil qui redemit consequetur, nec ullum jus hæreditarium in re redempta habebit, donec per literas Senatus à domino superiore, à quo literam regressus habuit, rursus & de novo investiat, ut supra monui: Idem de voluntariis redemptionibus prædiorum & etiam annuorum reddituum: Nam renunciatio ejus qui fuit ante fassus, ad eum devestiendum sufficit, non tamen ut redemptorem investitum faciat, si modo res alienata de domino superiore tenta fuerat, quod si de ipso alienante tenebatur, sola renunciatio hic tam ad devestiendum eum qui prius investitus erat, quam ad consolidationem domini utilis cum directo sufficit & hoc in sententia redemptionis tantum; At extra iudicium, præcipue extra præsentiam parti, simplicem renunciationem devestire renunciantem non potest, cum nihil ad alium perveniat: ex ea renunciatione, neque enim dominium, ut antea monui, uni amittitur, donec alii acquiratur. In renunciatione tamen juris, quod in obligatione consistit & in quo fassina non est necessaria, ut in reversionibus, obligationibus hæreditariis aut eis quæ ad jus aliquod hæreditarium pertinent, veluti in servitutibus & similibus oneribus quæ feudum ipsum non trahunt tecum, sed tantum jus in feudo, puto simplicem renunciationem sufficere; Prodest autem hæc renunciatio omnibus jus habentibus in re siue feudo, veluti renunciatio in favorem ejus qui fassus est, proderit usufructuario licet causâ ab eo non habeat; alioqui renunciantes hæc tam apud nos quàm vicinos nostros, apud quas relaxationes dicuntur, stricti sunt juris: adeo ut renunciatio siue relaxatio omnium actionum personalium, quas quis habet contra debitorem non extendatur ad reales, ut nec contra. Ad mixtas tamè actiones, quæ partim reales sunt, partim personales, utravis apud vicinos nostros sufficit, adeo ut si creditor omnes actiones personales contra debitorem relaxet siue renunciet, vindicanti tamè rem suâ actione reali, non obstabit exceptio; At in actione bonorum raptorum & similibus, exceptio renunciationis omnium actionum personalium obstabit; etiam si prohis bonis tam actionem realem quàm personalem habuerat qui renunciat: Neque renunciatio omnium actionum tam personalium quam realium, quas quis habet, tollit vel apud eos vel fortè nec apud nos actionem de feloniam aut de gravi crimine quod morte puniatur: Immo quod magis mirum est, si quis omnibus actionibus in genere renunciaverit & actio in rem iudicatam transierit, non videtur, executioni rei iudicatæ renunciassè; nam executio jam non est actio. Et hæc brevibus de renunciatione simplici expressa, mea est sententia, cui cum maximè ex jure Anglorum assimilari videantur, quas vocant relaxationes, non abs re erit hic paululum sistere, ut explicatâ ratione, quam in his Angli videntur observare, discrimen aliquod hæc in parte inter jura nostra & jura Anglorum illucescat, atque ut discrepantia vel contraria juxta se posita magis innotescant. Quæcumque autem ex jure Anglorum huc attulerò, Litteltonum ferè ubique probatissimum authorem atque apud eos plurimæ fidei sequar: Ac in primis quod Joannes Perkenfis pro dubio relinquit, ego puto apud eos satis manifesti juris esse, feudi tenentem siue simplicis siue talliati, qui feudum aliquod tenet sibi & hæredibus simpliciter vel sibi & hæredibus de corpore suo &c. feudum recusando domino vel renunciando aut resignando in manibus domini, nihil penitus agere, nec feudo feudive possessione siue, ut loquitur, libero tenemento devestiri intelligi, nisi domino fun-



di possessionem tradiderit, quod liberare sasinam dicunt, sicut alteri cuilibet, in quem rei dominium ac liberum tenementum transfertur inconsulto domino, quem dominus novū tenentem post notificationem sibi factam servitiaq; à retrodebita persoluta & homagium siue fidelitatem præstitam agnoscere tenetur ac super eo distractionem advocare; apud nos (ut nuper dixi) idem penè observatur & traditionem baculi aut alicujus tessera pro traditione possessionis sumimus; nam nisi aliqua possessionum traditio intercesserit, saltem symbolum aliquod pro ea, renunciatio neq; ex jure nostro neq; jure civili valet. Hæc traditio tam in hæreditariis titulis quam usufructibus requiritur, non autem in locationibus pro termino annorum; Atq; talis resignatio in manibus domini, apud illos, sursum redditio dicitur, per quam feudum (inquā) in dominū tenens transferre nequit, nisi sit unū ex rusticis illis feudis ignobilibus, quæ vocant Copieholdes, hoc est, tenuras per copiā rotuli curiæ: per illā etiam sursum redditionē, apud illos, finiuntur status ad terminū vitæ vel annorū (quos vocant status particulares feudo suppositos) si à tenentibus resignentur siue sursum reddantur in manibus eorū qui habeant vel proprietatē vel proximam quamlibet reversionem vel remanentiam majorem eam quidem, quæ veluti in se absorbere valeat statum hunc resignandum siue sursum reddendum: Nam non tantum jus in re, is in cujus favorē renunciatio facta est, habere debet, sed etiam tale, quod juris renunciantis sit capax; nam frustra, ut dixi, sit in ejus favorē, qui nullū jus in re habet, cū renunciatio per se nec ex jure civili, nec nostro, sit modus habilis transferendi rerū dominia in quoscūq; nisi in eos qui vel dominū vel jus quod dominii capax sit, habeat. Dixi juris renunciantis capax, nam aliās nō valet juris illius renunciatio magis in ejus persona, si nō sit capax, quā extranei, veluti si quis in feudo investitus, aliū in annuo redditu investiret & postea feudū suū in favorē ejus, qui annuū reditū habet, renunciaverit, licet is qui annuū reditū habet, jus aliquod in feudo habeat, nempe annuū reditū, tamē renunciationis ipsius feudi hic annuus reditus nō est capax, cū annui reditus dominus, jus renunciationis totius feudi capere ex simplici renunciatione nō possit. Sed ne error in nominibus noceat, reversio terrarū, apud eos, dicitur proxima successio, post mortē ejus qui præsens possidet, cū latè sumitur; sed cū strictè, significat redditionē quasi aut circūductionē ad dominū qui investit (illi forfaturā vocant) aut ejus hæredes propter delictū vassalli aut defectū hæredū. Remanentia autē est jus terrarū in aliquē collatū post terminū cōductionis aut alterius tituli, ad annos aut vitā duraturi, finitū & in hoc differt à reversione, quia reversio fit propriè ad dominū, & ejus hæredes, unde jus primo derivatur; remanentia autē ad terciū aliquē qui neq; dominus neq; tenens instanter est, Hæc ne in nominibus labamur. Idē si quis salitus in favorē coloni renunciaverit, licet hic colonus ad vitā habeat, renunciatio tamē nihil operatur. Resignatione etiā siue sursum redditione finitur annuus reditus, si charta siue scriptū (quod vocant factū) in manibus liberi tenentis retroradatur: eodēq; modo quælibet servitutes prædiales ut cōmunia pasturæ, corrodia & hujusmodi extingui solent nō minus quam per relaxationē: adeoq; refutationes siue resignationes nostræ à feudis Anglorū alienæ sunt; nec tenentes liberū tenementū cum dominio aliter quā per traditionē possessionis, quā liberationē vocant, cōsolidant & versā vice solo pacto renunciationis domini tenētibus suis jus omne dominii relaxant, ut loquūtur. In eorū autē relaxationibus, quarū causa hæc facta fuit digressio, pro generali regula tenent, quod nemini prodesse possit relaxatio aliqua, nisi ei fiat qui vel liberum tenementū habeat de facto vel ex lege, ut hæres ante introitū in fundū à morte defuncti, cui tunc ritè fiet relaxatio, etiam si hic hæres apparens in primo gradu non sit successurus sed vel in secundo vel in tertio & hæc renunciatio etiā gradu prioribus proderit vel statū in facto aliquē libero tenemento æqualē super eodē sustulit vel etiam ei à tenente ad terminū annorū fiat, ab eo qui proximā illius habeat reversionē siue remanentiā, quæ magis agnoscitur propter immediatā tenurā, ut vocāt, privatā, quæ inter eos est, quā propter jus aliquod in re quod habeat tenēs ad terminū annorū ad recipiendā atq; sustinendā hujusmodi relaxationē. Tria autem genera habent relaxationū juxta triplicē eorū operationē, vel enim operantur per augmentationē vel per transpositionē vel per extinctionē. Per augmentationem status intelligitur relaxatio, cum proprietarius siue reversionarius quilibet, ut eorū vocabulis utar, sub se minorē statū habenti relaxat; ac secundum verba relaxationis, majorē statū ei confert, Si enim simpliciter fiat tenenti ad terminū annorum sine mentione hæredum, is habebit liberum tenementum pro tempore vitæ suæ (qui major status illorum jure aestimatur quolibet termino annorum etiam longissimo) aut si relaxatio illi fiat & hæredibus de corpore, habebit feudum talliatum, vel si illi fiat & hæredibus simpliciter, habebit feudum simplex. Idemque si fiat tenenti ad terminum vitæ, nisi quod si ei fiat simpliciter, nihil operatur, majorem enim statum quam prius habuit,

*Quid Reversio apud Anglos significet.  
Quid Remanentia.*

ei non concedit: Ac similiter, Si is qui feudi reversionem in possessionem, ipso jure ad fidei feudi talliati determinationem, tenenti talliæ relaxetur, locum habet, cum Rex se qui talliam habuit, nunc duplex habebit feudum talliatum, nunc in Ecclesia & civitate; corpore, cum remanentia sibi & heredibus quibuscunque: Nunc introductum est, ut superveniens extinguit talliam, quin ex ratione statuti West. 2. de n. apprehensa, quora Si alienatione feudum discontinuatum fuerit (hæc enim eorum est locutio) aut privilegia competet remedium actionis secundum formam doni, quam vocant ultima voluntate nihil aliud est nisi forma brevis, qua hæres ex tallia investit extraneum in hæreditatem hatis, quo casu hæres talliæ habet breve formædon ut jus suum recuperet: n. sine possides talliæ apud eos sunt tantum custodes nec in præjudicium aliarum personarum, favo- lia contentarum poterunt alienare. Secunda species relaxationum est per transpositionem nem eamque duplicem, vel status vel juris; Relaxatio per transpositionem status est, cum duo junctim tenentes sunt unius feudi vel termini vitæ vel annorum, quorum unus alteri relaxat & sic totum suum statum in alterum confert: Relaxatio per transpositionem juris est, cum quis de feudo ac libero tenemento deturbatus, ac (ut loquuntur) dissolutus fuerit ac deturbatus, deturbatori jus suum relaxat, quod si vel in momentum fiat in perpetuum remanebit; iste enim deturbator in jure feudum simplex utcumque violentum n. habere censetur, nec enim minorem statum sibi ascribere poterit, ac suæ esse injuriæ arbitretur, ut præci ei dicunt, nul poit apportioner son tort; unde cum feudum simplex & liberum tenementum habeat etsi injuria, relaxatio illius qui jus habet superveniens, possessionem suam ac statum omnem legitimum efficiet; Si autem deturbator, ante relaxationem aliquam, liberum tenementum alteri liberaverit ad terminum vitæ, cum variis remanentiis ad vitam vel in tallia sibi reservatâ reversione feudi simplicis vel eo etiam ad remanentiam alteri relicto, si cuilibet omnium horum relaxatio facta fuerit, omnibus proderit ac status omnes hosce caretatos, invicem corroborabit; sin vero à deturbatore aliquis conduxerit ad terminum annorum &c. ac deturbatus conductori relaxaverit neque proderit conducto nec deturbatori nec cuilibet alteri super hac conductione remanentiam habenti, terminus enim annorum tam exiguus status censetur in illorum jure ut relaxationem juris transpositam sustinere non valeat. Tertia species relaxationum est per extinctionem, ut in casu à quo cœpi mus, cum dominus feudi tenenti dominium quod vocant, relaxat, vel aliquis redditum habens onerarium è feudo progredientem vel aliam servitutem ut communia pasturæ, corrodia & hujusmodi, vel etiam redditus servitii ut qui in antiqua concessione (feudi ante statutum Quia emptores terrarum cum feudorum tenuras creare liceret) pro canone reservabantur vel adhuc hodie reservantur super concessione termini annorum vel ad vitam vel feudi talliati, cujusmodi redditus coincidentes sunt reversioni vel remanentiæ & eam concomitantur, quemadmodum illi antiqui redditus servitii dominicales coincidentes sunt dominio, qui si à dominio remanentia vel reversione separantur, naturam redditus servitii amittunt ac redditus sunt onerarii: quæ inquam omnia si relaxantur, liberum tenementum habenti, prorsus extinguuntur & intereunt atque ideo hæc dicuntur relaxari per extinctionem, quod is cui relaxantur ea percipere nequeat, nemo enim sibi servire aut sibi redditum vel servitutem quamlibet è suo fundo præstare potest: non autem ideo, quod ab eo qui relaxavit penitus decedant; hoc enim pacto secundæ relaxationes per transpositionem, dici possent per extinctionem fieri, cum is qui relaxavit, nullum jus retineat, sed penitus ab omni suo jure se semper separaret, illud tamen non extinguitur, sed in alium transfunditur; nam pro regula tenent, quod jus non potest mori. Et hoc paucis de jure Anglorum.

Nunc ut ad propositum redeamus, superest ut de consensu dicamus, an hic ad domini translati onem per se & solus sufficiat Exempli causâ, Si quis verus Dominus, non domino alienanti consenserit, an hic consentus nudus dominium transferat; Causam dubitationis præbet regula juris, aliud est vendere, aliud vendenti consentire & ex jure nudus consensus alienatione non inducit neque ad amissionem domini sufficit, Ulpianus ait, & licet in textu denotetur advocati ignorantia in jure sibi competente, tamen Bartolus ibidem ait idem esse si advocatus sciverit neque consensum sufficere ad amissionem domini, cum in omni etiam nudo pacto, consensus duorum interveniat, neque tamen ex nudo pacto vel actio oritur vel dominium transfertur, quod majus est. In contrarium tamen videtur jus feudale esse, ubi planè asseritur, si is ad quem feudum per successionem jure obvenire debet, consenserit eos investire, ad quos secundum rectum morem feudum non pertinet, nullo modo ad eum repetendum regressum habebit, ergo concludere quis

T t 2

potest

An consentiens rei sua alienationi à dominio ejus cadat.

di possessionem tradiderit, quod liberare fasinam dicunt, sicut alteri cuilibet, in quem rei dominium ac liberum tenementum transfertur inconsulto domino, quem dominus novum tenentem post notificationem sibi factam servitiaque à retrodebita persoluta & homagium sine fidelitatem præstitam agnoscere tenetur ac super eo distractionem advocare; apud nos (ut nuper dixi) idem penè observatur & traditionem baculi aut alicujus tesserae pro traditione possessionis sumimus; nam nisi aliqua possessionum traditio intercesserit, saltem symbolum aliquod pro ea, renunciatio neque ex jure nostro neque jure civili valet. Hæc traditio tam in hæreditariis titulis quam usufructibus requiritur, non autem in locationibus pro termino annorum; Atque talis resignatio in manibus domini, apud illos, sursum redditio dicitur, per quam feudum (inquā) in dominum tenens transferre nequit, nisi sit unum ex rusticis illis feudis ignobilibus, quæ vocant Copieholdes, hoc est, tenuras per copiam rotuli curiæ: per illā etiam sursum redditionē, apud illos, finiuntur status ad terminum vite vel annorum (quos vocant status particulares feudo suppositos) si à tenentibus resignentur sive sursum reddantur in manibus eorum qui habeant vel proprietatem vel proximam quamlibet reversionem vel remanentiam majorem eam quidem, quæ veluti in se absorbere valeat statum hunc resignandum sive sursum reddendum: Nam non tantum jus in re, is in cujus favorem renunciatio facta est, habere debet, sed etiam tale, quod juris renunciantis sit capax; nam frustra, ut dixi, fit in ejus favorem, qui nullum jus in re habet, cum renunciatio per se nec ex jure civili, nec nostro, sit modus habilis transferendi rerum dominia in quoscunque; nisi in eos qui vel dominium vel jus quod dominii capax sit, habeat. Dixi juris renunciantis capax, nam aliàs non valet juris illius renunciatio magis in ejus persona, si non sit capax, quā extranei, veluti si quis in feudo investitus, alii in annuo redditu investiret & postea feudum suum in favorem ejus, qui annuum redditum habet, renunciaverit, licet is qui annuum redditum habet, jus aliquod in feudo habeat, nempe annuum redditum, tamen renunciationis ipsius feudi hic annuus redditus non est capax, cum annui redditus dominus, jus renunciationis totius feudi capere ex simplici renunciatione non possit. Sed ne error in nominibus noceat, reversio terrarum, apud eos, dicitur proxima successio, post mortem ejus qui præsens possidet, cum latè sumitur; sed cum strictè, significat redditionem quasi aut circūductionem ad dominum qui investit (illi forsaturam vocant) aut ejus hæredes propter defectum vassalli aut defectum hæredum. Remanentia autem est jus terrarum in aliquem collatum post terminum cōductionis aut alterius tituli, ad annos aut vitam duraturi, finitum & in hoc differt à reversione, quia reversio fit propriè ad dominum, & ejus hæredes, unde jus primo derivatur; remanentia autem ad tertium aliquem qui neque dominus neque tenens instanter est, hæc ne in nominibus labamur. Idem si quis fasitus in favorem coloni renunciaverit, licet hic colonus ad vitam habeat, renunciatio tamen nihil operatur. Resignatione etiā sive sursum redditione finitur annuus redditus, si charta sive scriptum (quod vocant factum) in manibus liberi tenentis retrotradatur: eodemque modo quamlibet servitutes prædiales ut cōmunia pasturæ, corrodia & hujusmodi extingui solent non minus quam per relaxationem: adeoque refutationes sive resignationes nostræ à feudis Anglorum alienæ sunt; nec tenentes liberum tenementum cum dominio aliter quā per traditionem possessionis, quā liberationem vocant, cōsolidant & versā vice solo pacto renunciationis domini tenentibus suis jus omne dominii relaxant, ut loquuntur. In eorum autem relaxationibus, quarum causa hæc facta fuit digressio, pro generali regula tenent, quod nemini prodesse possit relaxatio aliqua, nisi ei fiat qui vel liberum tenementum habeat de facto vel ex lege, ut hæres ante introitum in fundum à morte defuncti, cui tunc ritè fiet relaxatio, etiam si hic hæres apparens in primo gradu non sit successurus sed vel in secundo vel in tertio & hæc renunciatio etiā gradu prioribus proderit vel statum in facto aliquem libero tenemento æqualem super eodem sustulit vel etiam ei à tenente ad terminum annorum fiat, ab eo qui proximam illius habeat reversionem sive remanentiam, quæ magis agnoscitur propter immediatam tenuram, ut vocant, privatam, quæ inter eos est, quā propter jus aliquod in re quod habeat tenens ad terminum annorum ad recipiendam atque sustinendam hujusmodi relaxationem. Tria autem genera habent relaxationum juxta triplicem eorum operationem, vel enim operantur per augmentationem vel per transpositionem vel per extinctionem. Per augmentationem status intelligitur relaxatio, cum proprietarius sive reversionarius quilibet, ut eorum vocabulis utar, sub se minorem statum habenti relaxat; ac secundum verba relaxationis, major statum ei confert. Si enim simpliciter fiat tenenti ad terminum annorum sine mentione hæredum, is habebit liberum tenementum pro tempore vite suæ (qui major status illorum jure aestimatur quolibet termino annorum etiam longissimo) aut si relaxatio illi fiat & hæredibus de corpore, habebit feudum talliatum, vel si illi fiat & hæredibus simpliciter, habebit feudum simplex. Idemque si fiat tenenti ad terminum vite, nisi quod si ei fiat simpliciter, nihil operatur, majorem enim statum quam prius habuit,

*Quid Reversio apud Anglos significet.*  
*Quid Remanentia.*



ei non concedit: Ac similiter, Si is qui feudi reversionem sive remanentiam habet expectantem feudi talliati determinationem, tenenti talliæ relaxet & hæredibus suis simpliciter, is qui talliam habuit, nunc duplex habebit feudum talliatum, nimirum sibi & hæredibus de corpore, cum remanentia sibi & hæredibus quibuscunque: Non enim feudum simplex superveniens extinguit talliam, quin ex ratione statuti West. 2. de donis conditionalibus Si alienatione feudum discontinuatum fuerit (hæc enim eorum est locutio) hæredi talliæ competet remedium actionis secundum formam doni, quam vocant formedon, quæ nihil aliud est nisi forma brevis, qua hæres ex tallia investit extraneum in terris suis talliatis, quo casu hæres talliæ habet breve formedon ut jus suum recuperet; nam hæres talliæ apud eos sunt tantum custodes nec in præjudicium aliarum personarum in tallia contentarum poterunt alienare. Secunda species relaxationum est per transpositionem eamque duplicem, vel status vel juris; Relaxatio per transpositionem status est, cum duo junctim tenentes sunt unius feudi vel termini vitæ vel annorum, quorum unus alteri relaxat & sic totum suum statum in alterum confert: Relaxatio per transpositionem juris est, cum quis de feudo ac libero tenemento deturbatus ac (ut loquuntur) dissolutus fuerit ac deturbatus, deturbatori jus suum relaxat, quod si vel in momentum fiat in perpetuum remanebit; iste enim deturbator in jure feudum simplex utcumque violentum habere censetur, nec enim minorem statum sibi ascribere poterit, ac suæ esse injuriæ arbitretur, ut præstet ei dicunt, nul poit apportioner son tort; unde cum feudum simplex & liberum tenementum habeat etsi injuria, relaxatio illius qui jus habet superveniens, possessionem suam ac statum omnem legitimum efficiet; Si autem deturbator, ante relaxationem aliquam, liberum tenementum alteri liberaverit ad terminum vitæ, cum variis remanentiis ad vitam vel in tallia sibi reservatâ reversione feudi simplicis vel eo etiam ad remanentiam alteri relicto, si cuilibet omnium horum relaxatio facta fuerit, omnibus proderit ac status omnes hosce catenatos, invicem corroborabit; sin vero à deturbatore aliquis conduxerit ac terminum annorum &c. ac deturbatus conductori relaxaverit neque proderit conducto nec deturbatori nec cuilibet alteri super hac conductione remanentiam habenti, terminus enim annorum tam exiguus status censetur in illorum jure ut relaxationem juris transpositam sustinere non valeat. Tertia species relaxationum est per extinctionem, ut in casu à quo cœpimus, cum dominus feudi tenenti dominium quod vocant,

relaxat, vel aliquis redditum habens onerarium è feudo progredientem vel aliam servitutem ut communia pasturæ, corrodia & hujusmodi, vel etiam redditus servitii ut qui in antiqua concessione (feudi ante statutum Quia emptores terrarum cum feudorum tenuras creare liceret) pro canone reservabantur vel adhuc hodie reservantur super concessione termini annorum vel ad vitam vel feudi talliati, cujusmodi redditus coincidentes sunt reversioni vel remanentiæ & eam concomitantur, quemadmodum illi antiqui redditus servitii dominicales coincidentes sunt dominio, qui si à dominio remanentia vel reversione separantur, naturam redditus servitii amittunt ac redditus fiunt onerarii: quæ inquam omnia si relaxantur, liberum tenementum habenti, prorsus extinguuntur & intereunt atque ideo hæc dicuntur relaxari per extinctionem, quod is cui relaxantur ea percipere nequeat, nemo enim sibi servire aut sibi redditum vel servitutem quamlibet è suo fundo præstare potest: non autem ideo, quod ab eo qui relaxavit penitus decedant; hoc enim pacto secundæ relaxationes per transpositionem, dici possent per extinctionem fieri, cum is qui relaxavit, nullum jus retineat, sed penitus ab omni suo jure se semper separaret, illud tamen non extinguatur, sed in alium transfundatur; nam pro regula tenent, quod jus non potest mori. Et hoc paucis de jure Anglorum.

Nunc ut ad propositum redeamus, superest ut de consensu dicamus, an hic ad dominii translationem per se & solus sufficiat Exempli causâ, Si quis veris Dominus, non domino alienanti consenserit, an hic consensus nudus dominium transferat; Causam dubitationis præbet regula juris, aliud est vendere, aliud vendenti consentire & ex jure nudus consensus alienationem non inducit neque ad amissionem dominii sufficit, Ulpianus ait, & licet in textu denotetur advocati ignorantia in jure sibi competenti, tamen Bartolus ibidem ait idem esse si advocatus sciverit neque consensum sufficere ad amissionem dominii, cum in omni etiam nudo pacto, consensus duorum interveniat, neque tamen ex nudo pacto vel actio oritur vel dominium transfertur, quod majus est. In contrarium tamen videtur jus feudale esse, ubi planè asseritur, si is ad quem feudum per successionem jure obvenire debet, consenserit eos investire, ad quos secundum rectum morem feudum non pertinet, nullo modo ad eum repetendum regressum habebit, ergo concludere quis

*An consensus  
sui sui  
alienationi  
à dominio  
eius eadat.*

potest ex solo consensu renunciantem devestiri. In his difficultatibus cum plerisque hærentem viderem, ut sæpè voce, nunc scripto, meam sententiam, secundum mores, quibus hodie utimur, aperiā. Ac ut res tota fiat explanatior, considerandum primum puto, utrum hic consensus adhibeatur, in alienatione sive dispositione rei mobilis an rei immobilis: Quod ad res mobiles, licet in harum dispositione cum consensu veri domini jurisconsulti inter se dissentiant (siquidem communis opinio est, verum dominum consentiendo sibi præjudicare: Bartolus tamen negativam partem tueri videtur, dominum alienationi rei suæ consentiendo non præjudicare, nisi aut pretium receperit aut dolose taceat: aut saltem causam sui juris ab eo habeat cui consentit) Rejēctis tamen doctorum subtilitatibus & controversiis, hoc puto ex moribus nostris in rerum moventium alienatione servandum, ut par sit alienantis & consentientis alienationi conditio & quo casu alienans, si verus esset dominus, à dominio suo caderet, eodem modo & ei consentiens, cum sine dolo consentire non potuisset. Quod & in renunciatione, sive consensu usufructuarii, alienationi proprietatis consentientis, observandum est, licet inter res mobiles non numeretur; Sic in reversione aut renunciatione juris alicujus, de quo non est investitura sive sasina faciēda. Immo & sunt qui putant præsentiam & taciturnitatem pro hoc consensu sufficere, cum dolo carere non possit, qui rem suam se præsentē & cum possit non contradicente, vanire passus est. Consensum tamen hic expressum & apertum requiro, non præsumptum neque ex juris interpretatione aut circumstantiis collectum; Cum qui taceat licet non dissentiat, consentire non videtur & silentium medium quiddam est inter consensum & dissentium. In rerum autem immobilium & corporalium dispositione, si verus dominus non domino alienanti consenserit, quærendum puto si hic alienans principalis, aliquod jus aut juris speciem habeat, ac ut regulæ Cancellariæ loquuntur aliquem titulum, si non verum at coloratum tamen & verum titulum habens, ei consenserit & traditio subsequuta sit, In qua quidem specie alienationis feudi quidam alienationem subsistere tradunt, ex Bartoli sententia, qui ait etiam ex inutili contractu, traditione subsequente, domini rerum transferri, modo contractus ille non sit contra leges; Et textus ille quem ex feudis antea produximus, ait eum dominum fieri, qui jus secundum rectum morem non habet, si is ad quem feudum jure per successionem pertinere debet, consenserit; Si ergo verus dominus sit, profecto & jus transferendi illud prior qui consensit habuit. Alii sunt qui putant neminem plus juris in alium transferre posse, quam ipse habet, itaque eum qui verum dominium non habuit, nec illud transtulisse volunt, tale enim dominium traditur, quale apud tradentem est, neque qui consentit tradit, sed traditio à non domino fit, itaque nihil transferre videtur, præcipue quod in his alienationibus in consentientem tantum, nullā de evictione actio de jure aut usu nostro competat & quæ ante de renunciatione dixi, qui in hac opinione sunt, ea pro se hic producant & consensum nihil plus operari quam nudam renunciationem volunt: Nam Bartolus consentire & renunciare idem putat, nec diversos operari effectus. Quod ad me attinet, in hanc questionem potius inquirendum adhuc, quam quid decernendum puto; Cum nuper in Senatu animadvertierim, plerisque magni nominis viros ad eam sententiam inclinare, ut ex solo consensu dominia rerum non transferantur, ex mea tamen sententia cum non tam interfit, quid fiat, quam quomodo fiat, si is qui putativum titulum habet cum sasina sive investitura, disponat, cum consensu ejus qui jure succedit aut ad quem aliunde jus verum illius feudi pertinet, dispositio ex moribus nostris valebit; nam hic consensus vestitur traditione verā & consensus veri domini supplet defectum tituli: Quod si is qui disponit, nullum titulum sive nullam investituram habet aut ejus titulus ad devestitionem redactus fuerit, in hoc casu consensus veri domini ab initio interpositus non nocet & hæc est doctorum omnium opinio; Nam ex inutili (ut nuper dixi) contractu, dominium sæpè transfertur, traditione subsequente, inutilem dico, si non sit expressè contra leges, licet sit præter leges, ut loquitur Bartolus, Quod si contra legem fiat, neque consensus veri domini interpositus quicquam operatur, Malo enim peccari in titulo, quam in traditione quæ est forma & dat esse rei: Itaque conventionem invalidam, vestitam traditione, potius valere puto, præcipue si veri domini consensus accesserit, quam veram alienationem, nullā traditione interveniente, ad rei dominium transferendum. Neque tamen hoc universale est, sine traditionibus dominia rerum non transferri, usque adeo in jure omnis definitio periculosa est. Sunt enim quidam casus speciales, in quibus dominia rerum sine traditione transferuntur, quas licet prius attigi, cum de eis casibus tractarem, quibus ignorantes acquirimus, tamen & hic repetere non gravabor; Prima causa fisci est;

Nam bona damnatorum sine traditione aut apprehensione possessionis, ipso jure ad fiscum pertinent, quod & in immobilibus quæ de Rege tenentur, locum habet, cum Rex se saisire aut præcepta dirigere ad se investiendum non possit, Idem in Ecclesia & civitate; nam cum utraque privilegio minoris gaudet, in eorum etiam favorem introductum est, ut bona ad eos pertineant, etiam neque per possessionem neque sasinam apprehensa, quoniam enim pars est Ecclesiarum sive civitatum in hoc regno, quæ de suis juribus aut privilegiis sasinam demonstrare potest, sic etiam in eis bonis mobilibus quæ ex ultima voluntate ad quempiam devolvuntur, nam hæres solo animo, si eum declaraverit, ad re hæreditatem potest (licet aliud in feudo apud nos hodie) & legatarius legata cedunt etiam sine possessione aut traditione, sic & in omnibus, quæ ex mortis causa procedunt; nam favorabiles sunt defunctorum voluntates, sed quando consensus ille interponendus est, quæret aliquis, Si ex necessitate requiratur ejus interpositio, an in ipso actu quemadmodum auctoritatem & consensum tutorum dicimus in ipso actu interponendum, alioqui quod sit non valere: an vero sufficiat, si ante aut post accedat, Bartolus hanc questionem egregie expedit, Dum distinguit hæc quinque jussum, auctoritatem, consensum, licentiam & consilium, nam jussum præcedere debere aut rem gestam, auctoritatem in ipso actu interponi, consensum tam in ipso actu, quam post aut ante actum, Licentiam præcedere debere actum ait, sic & consilium & hæc omnia legibus confirmat: Itaque secundum eum puto valere, si consensus hic veri Domini, dispositionem vel præcedat vel sequatur non minus quam si in ipso actu interveniat. Sed nunc ut renunciaciones nostras retrospectivamus, in eis hæc regula generalis observanda est, quod non solum in feudis, sed etiam in omni renunciacione sive rei mobilis sive immobilis, juris, exceptionum, actionum, privilegiorum, si ea per procuratorem fiat, necesse est ut habeat speciale mandatum: nam renunciatio hæc habet speciem donationis, quam nemo de re aliena facere potest, nisi ad id speciale habeat mandatum: Sed in feudis, speciali acto trium ordinum cavetur, ut procurator hic habeat mandatum subscriptione & sigillo resignantis roboratum, quod si quis personaliter præsens resignaverit & is instrumento resignacionis subscribere & sigillum apponere debet; quod si pendente resignacione Dominus decesserit, procuratoris officium expirat. Secundo, quod nulla renunciatio juris futuri esse possit aut valeat, nisi causam habeat in præsentia; Itaque additioni hæreditatis nemo renunciare potest, priusquam adire possit, id est ad eum sit devoluta; neque quis renunciando juri quod nondum competebar, prohibebitur jure illo uti cum competet, quod & in jure Anglorum observatur: nam nemo potest renunciare juri futuro, neque unquam renunciatio sive relaxatio ad jus quod nondum competit, sive ad jus futurum extenditur, quibuscunque verbis fiat; Nec superveniens jus auctoris prodesse putant, nisi ut quis de evictione teneatur.

*Quid inter se differant jussus, auctoritas, consensus, licentia & consilium*

Quæ autem validitatem renunciacionis impediunt, unica regula licet comprehendere, nam si renunciatio hæc ex causa onerosa procedat, cum venditione ferè in omnibus convenit, adeo ut quæ venditionem impediunt ea & resignacionem: Si ex causa lucrativa, sequitur naturam donationis & quicumque donare non potest, nec ex causa lucrativa resignare. Is de cujus crimine agitur & de eodem per judicem inquiri coëptum est, si resignacionem fecerit à dubio eventu ea pendet; Nam si damnatus fuerit, ex quo crimine bona resignata ad fiscum pertinere debuerant, si non resignasset, in eo casu renunciatio non valet jure nostro, secus si absolutus judicis sententia fuerit aut resignatio facta sit antequam de crimine inquiri coëptum sit, licet commissum ante. In crimine tamen majestatis, post crimen commissum resignatio non valet; In aliis criminibus puto ponderandum, si collusoria fuerit resignatio necne & in fraudem fisci facta & in favorem confanguinei, retenta possessione: Nam in crimine, fiscus est creditor & videndum ne quid in fraudem verorum creditorum fiat; Itaque resignatio in hoc casu non valebit, quod in fraudem aliorum creditorum non valet, solutio tamen facta vero creditori, meo judicio valet, si modo antequam de crimine cognosci incipiatur, ea facta sit. Mulier in favorem viri, moribus nostris in manibus superioris potest resignare feudum, nec eam renunciacionem revocationi puto obnoxiam, aliter ex jure Anglorum; Nam quod vir uxori, constante matrimonio, aut uxor viro concesserit, poterit etiam post alterutrius mortem revocari & proinde & renunciacionem si quam mulier fecerit, mortuo marito, potest revocare, adeo ut si vivo viro consenserit obligationi per eum facta & se subscripserit, non tenetur, saltem revocationi locus est, licet alioqui in omnibus causis, quæ ad eam aut contra eam movebuntur, ipse citari debeat, nec illa sine ejus consensu respondebit & si fecerit nihil facit, immo nec fidejussor ne pro viro esse potest, nec de suis rebus

*De iis quæ renunciacionis validitatem impediunt.*

fine



sine viri consensu disponere, præter eleemosinam vestes & ea quæ vocantur jocalia (ut vere sunt) sive paraphernalia.

Ex jure feudali, nuda voluntas Domini & Vassalli à feudo recedere volentium non sufficit in feudo antiquo, nisi ut consensus eorum, quorum interest, agnatorum etiam accedat, nam neque Dominus neque Vassallus eis præjudicare potest, quibus jus jam acquisitum est in futura feudi successionem.

## *De Licitatione, quam appreciationem dicimus, & adjudicatione.*

### *Diegesis secunda,*

**E**st & alius modus Feudi amittendi, sed is neque ex voluntate pura Vassalli neque ex voluntate Domini superioris, Immo frequentissimè contra utriusque voluntatem & contra manifestum tenorem ipsius investitura, quam à Domino Vassallus habet, ne ad alium transeat, procedit, prægravante scilicet publicâ utilitate privatorum pactiones & jura; Nam (ut antea dixi) licet Vassallus in alterius favorem nisi consentiente Domino, feudum suum aut tenementum non alienat; attamen aliqui casus sunt à lege introducti propter publicam utilitatem, in quibus quis etiam, sine consensu Domini, feudum vel ejus partem poterit possidere. Ante dixi de viduarum tertia vel triente usufructus illius feudi in quo Vassallus moritur, hunc enim trientem vidua sive relicta tanquam ad eam ex dispositione juris communis discedentem, etiamsi Dominus nunquam consenserit, legitimè possidebit, servitiaque Domino debita persolvit etiam eo invito, nisi fortè Dominus ei remittere aut recipere noluerit; nam nemo cogitur servitia nisi velit recipere. Idem in Curialitate, nam eo jure, toto feudo, in quo uxor obiit, ut de feudo maritus utetur & fruatur quamdiu vivet, cum sit hæc Curialitas à jure introducta, licet à Domino nullum sit consequutus jus, nullum consensum aut titulum, immo licet Dominus ejus jus velit invertere.

*Quid sit  
appreciatio sive  
licitatio.*

De hac Appreciatione aliqua dicenda sunt; est enim Appreciatio, translatio juris quod quis in feudo habet, vel in ejus usufructu in alium nempe creditorem, auctoritate judicis introducta, cum quis pertinaciter & obstinatè, quod debet, recusat, solvere: In quâ definitione multa sunt consideranda: Primum, in quibus casibus ad eam in jure nostro proceditur. Secundum inter quos is processus deducatur: Tertium, quæ res sint quæ appreciari possunt & debent: Quartum, de forma hujus Licitationis & Appreciationis & quæ eam impediunt: Quintum, de legali quam vocant Reversione, quæ Vassallo competit post Licitationem sive Adjudicationem factam; nam certum est tempus aliquod sive spacium Vassallo indulgeri à jure, quo possit rem suam sive feudum sive jus à feudo dependens si velit & possit recuperare & creditori debitum suum exolvere.

In primo hæc consideranda sunt, quod nunquam apud nos ad hanc Licitationem sive substationem pervenitur, nisi causa aliqua justi debiti præcesserit, nempe cum Vassallus sive ex proprio facto sive prædecessoris sui, cui tanquam vel hæres vel successor universalis fuerit ex justa & legitima causa debitor constitutus & creditor legitimo judicio debitum suum evicerit. Debitorque obstinatè adhuc solvere recusaverit, & prædialia vel res suas Immobiles distrahere, si nullæ res mobiles sint, quæ distrahi possunt, ut creditori satisfiat, moras nectat, Judex defectum partis supplet & quod debitor vendere vel distrahere recusat, ille vendendum publicè proponit & quindecim virali judicio, juramento omnium interveniente de pretio legitimo ab iis constituendo, subjicit, Itaque nunquam ad hanc Appreciationem proceditur, nisi ex debito, legitimo judicio & determinata sententia evicto. In quo hæc secunda etiam cautio est, ut illud debitum sit in pecunia numerata liquidum, scimus ex Jure ea debita liquida dici, quæ pondere numero aut mensurâ constant, sic debitor est ex liquido debito, qui centum amphoras vini debet, aut qui in tot modios frumenti hordei aut ejusdem generis alterius rei tenetur. Sed ut ad appreciationem nostram perveniamus, Hæc licet ex jure liquida censeantur, tamen antequam ad appreciationem perveniendum est, hæc ipsa liquida rursus liquidanda sunt & ad certum numerum nummorum sive librarum sive marcarum sive solidorum etiam per

*Quæ dicantur  
liquida.*

senten-

sententias reducenda & precio certo nummorum à iudice, vocatis & citatis partibus, æstimanda, antequam ad appreciationem sive licitationem perveniatur: Itaque postquam debitum illud sive sit facti sive dandi sive suum proprium sive prædecessorum suorum quibus successerat, in unam monetæ, quam vocant currentis summam fuerit per sententiam redactum, monetur debitor per literas à iudice latore sententiæ impetrandas, ut is, intra terminum juris, illud creditori solvat, aut ejus prædia vel feuda sua sive aliz res quæcunque ad illum pertinent, hæc & licitationi subjiciantur, ut ex eorum pretio creditori satisfiat: Monito hæc, si ab inferiore Iudice procedat, quindecim dierum spatium debitori indulgetur, ut interea ad solutionem se pareat; aliqua enim, ex Jure Civili, mora debitori ut se expediat, indulgetur; quibus elapsis si non satisfecerit & summa debita per sententiam in pecunia numerata consistat, proceditur primò ad distractionem rerum mobilium, veluti pecorum, armentorum & si quæ sunt his similia, mox ad subhastationem prædiorum sive immobilium, ut mox dicemus. Quod si debitum in factotantum consistat, vel etiam in dando, si modo ad certam quantitatem nondum redactum, tunc producta coram Senatu sententiâ & monitionibus debitori, ut solvat, factis, à Senatu impetrantur literæ quæ quatuor formarum dicuntur, quibus mandatur debitori, ut intra tres vel pauciores dies solvat creditori sub gravissima pœna, nempe rebellionis. Et hæc prima dicitur literarum forma, Quod si interea non pareat, adhuc monetur secundo, ut sententiæ pareat sub pœna custodiæ & carceris; Si nec tum satisfecerit, tertio monetur, ut nisi pareat, corpus suum certæ custodiæ in literis designandæ tradat intra tres dies; Quod si nec tum paruerit, tunc certificatur, nisi infra postremum triduum creditori solvat, rebellis (Angli utlagum vocant) denunciabitur; quo etiam elapso si nec dum paruerit, instante creditore, rebellis Regi & Regno declaratur debitor ad crucem (foralem vocant) præcipui in eo districtu sive jurisdictione burgi, eaque denunciatione factâ, literæ ad quoscunque magistratus, in quorum territoris potest debitor apprehendi, à Senatu diriguntur, ut debitoris corpus custodiæ mandent: Interea ex hac denunciatione mobilia omnia in fiscum rediguntur, ita tamen, ut vel quætor Regius vel qui ab eo jus impetraverit, de primis illius debitoris contumacis bonis, creditori, ad cuius instantiam rebellis declaratus est, de suo debito satisfaciatur, quod superest in fiscum refertur. Interea, si debitor, ne rebellionis sententiam incurrat, Senatu per libellum supplicabit, male se sententiæ executione gravari, ob causas quas allegabit, (quæ tamen raræ solent esse stante sententiâ) aut paratum se solutioni, saltem illius quod interest, cum factum illud aut si quid aliud sit in sententiâ à se jam non possit præstari, itaque præstitâ cautione Senatu de eo quod interest solvendo, citatur ad diem creditor ut saltem, eo, quod ejus videbitur interesse, ibi satisfieri videat: Quo die adveniente, à creditore valor ejus rei, de qua sententiam obtinuit, in scripto Senatu exhibetur, auditâque debitoris replicatione Senatus, quid creditoris intersit, æstimat, & in liquida summa pecuniæ taxat. Hanc liquidationem creditor assecutus, jam ad appreciationem procedit, ut mox dicemus; Quod si debitor supplex Senatu non fuerit, nec caverit, sententiæque ut dixi in facto consistat, saltem non in certa summa liquidata, poterit ipse creditor, in favorem suæ sententiæ, Libellum à Senatu petere, ut debitor citetur, ut quod ejus interest æstimari audiat & æstimatione in libello porrectâ, si debitor non compareat, aut comparere non poterit, propter sententiam rebellionis contra eum latam, creditor petet eam liquidari (ut solemus in foro loqui) & in unam summam monetæ, quam currentis vocant, taxari, quod non gravatè Senatus concedit, rebusque omnibus ex æquo & bono æstimatis, valorem rei in sententiâ contentæ taxabit & declarabit, proque ea summa, tanquam interesse (ut vocant) liquidato, ad appreciationem sive judicariam venditionem proceditur. Fit tamen sæpe, ut debitor cum ex mandato literarum vel se custodiæ mancipaverit & tradiderit, vel etiam auctoritate magistratus captus & in custodia detentus eâ excusatione utatur, quod sententiæ jam paruerit, cum secundum præceptum literarum se custodiæ mancipaverit ibique etiam paratus sit permanere, donec satisfecerit sententiæ & eâ causâ executionem literarum differre molitur & profecto, apud majores nostros, Si debitor vel se custodiæ volens tradidisset vel à magistratu comprehensus fuisset, ulterius ad executionem sententiæ progredi non erat licitum & præsumebant veteres, squallore sive diuturnitate carceris, debitorem aliquando cogendum, ut ipse res suas distrahat, pretiique reliquum ad usus suos convertat, quod æquius putabant, quam ut alieno arbitrio res auctioni subiceretur. Sed quoniam eo facto contumacibus debitoribus senestra

*Quæ dicantur  
literæ  
quatuor for-  
marum,*

*aperiebatur*

*An nominibus debitorum non discussis ad appretiationem procedi possit.*

aperiebatur ad fraudes innumeras, aliquando enim vel in custodia pertinaciter ad mortem usque, debitoribus contumacibus permanentibus, magnæ & inutiles dilationes emergebant quibus creditor protrahatur in rei suæ solutione, quæ in jure favorabilis est; hodie Senatus creditori postulanti concedere literas de bonis & prædiis licitandis solet, etiam si adhuc debitor in custodia sit, quod magnâ cum æquitate introductum est. Quæri solet, an ad appretiationem bonorum immobilium sive prædiorum, poterit creditor procedere, non discussis nominibus debitorum? ratio dubitationis est, quod in jure civili hic ordo in rebus distrahendis in executione sententiæ præscribatur ut primo mobilia debitoris discutiantur, si quæ habeat; secundo ut nomina debitorum pro debito, habitâ ratione impensarum & rerum aliarum ad eam necessarium, licentur pro rata debiti. Tertio ut, his deficientibus, tandem ad prædiorum sive feudi ipsius distractionem discendat. Sed nobis aliter hodie placet, nempe ut, non occurrentibus bonis mobilibus, ad ipsa prædia sive immobilia licitationi subjicienda statim recurratur, hoc si è re creditoris sit, malitque statim ad prædiorum licitationem pervenire, quam longiorem fortasse actionem de nomine debitoris persequi, ita tamen ut ejus arbitrio hæc omnia permittantur. Sed de nominibus debitorum mox dicemus, an autem occurrant mobilia quæ debito exolvendo sufficiant, quod semper primum esse debet, executioni ipsius officarii sive apparitoris credendum est; si modo is in sua executione se dicat mobilia bona debitoris undique investigasse, nec ulla potuisse reperire, quæ pro debiti solutione potuit distringere, licet sub prætextu hujus investigationis mobilia, gravia aliquando mendacia committantur, nunquam tamen, licet debitor se offerat probaturum mobilia super solo existisse, quæ debiti quantitati respondebant, hoc prætextu appretiationes has rescissas vidi.

*Secundum quod in hac auctione considerandum. De translationibus actionum & sententiarum & in quos fiant tam activè quam passivè.*

Secundum quod in hac licitatione sive auctione considerandum est, inter quos hæc actio consistat, ad quod breviter respondendum est, inter actorem qui decretum pro se impetraverit & reum qui condemnatus est, tantum consistere; itaque si alterius persona morte vel rebellionem vel juris cessione mutata sit & actionem vel hæres vel executor vel successor (quem intromissorem dicimus) vel quilibet alius particularis successor, qui jus actionis nactus fuerit ex ea sententia, velit ad auctionem procedere non potest, sed eatenus hæc actio sustinebitur, donec prior sententia sive decretum in hunc generalem sive particularem successorem aut cessionarium transferatur. Exempli causâ, Titius post recuperatam sententiam de ducentis contra Mævium, morte interceptus est, non sustinebitur hæc licitatio sive actio, nec hæres sive executor ex ea sententia appretiationem persequi potest, donec novâ actione, ejusdem aut superioris judicis autoritate, institutâ, pro debito in se tanquam Titii hæredem aut executorem activè transferendo: Activè, verbum forense est & id significat ut actio hæc sibi adjudicetur tanquam in jure personam actoris representanti, nempe ejus vel hæredi vel executori aut saltem cessionario, in quem defunctus omne jus suum quacunque ex causâ transtulit vel qui in jus actoris ex juris dispositione successor sit veluti si omne jus actoris per rebellionem ad fiscum sit devolutum, neque enim vel fisci advocatus, vel fisci donatarius ex priore sententia ad auctionis executionem admittentur, priusquam declaratoriam sententiam obtineant, creditorem legitime rebellem declaratum & jus omne suum in eo debito, quod in sententia continetur, amisisse & illud jam per ejus rebellionem ad fiscum devolutum aut fisci donatarium, quam sententiam si vel fiscus vel ejus donatarius semel obtinuerit, tunc tanquam pro suo debito ad auctionem sive appretiationem procedit, eadem est ratio cessionarii sive ejus in quem creditor jus debiti sui transtulerat, nam & hic novam actionem instituet contra debitorem, ut illa sententia, qua debitor damnatus est, in se transferatur cum omni jure quod inde poterat sequi & prioris sententiæ principalis executionem in se activè petet devolvi, ut ipse eandem executionem appretiationis jam habeat, quam ejus autor sive cedens prius habuerat, quâ sententiâ pro se latâ, jam tuto ad auctionem procedet; Solet tamen hodie Senatus, si utraque pars scilicet tam actor quam reus in vita sit, literas quas vocant executoriales huic cessionario concedere, tam pro monendo debitore, quam pro ejus rebus licitandis tam mobilibus quam immobilibus, cum favor rei judicatæ ex una parte moneat & ne lites longius producantur. In debitore, si is ante debiti solutionem moriatur, non sustinebitur eodem modo debiti executio donec sit in jure qui ejus personam representet & in quem actio eadem passivè transferatur, Passivè, vox est, quæ Activè opponitur; nam translatio



translatio passiva est, qua quis quasi patitur, dum defuncti debitum in se veluti hæredem vel executorem ( qui etiam hæres in mobilibus est ) recipere cogitur, itaque passivè transferri debitum sive sententia pro debito dicitur, quoties alia persona, quæ defunctum repræsentat, in jure sufficitur, qui debitorem principalem repræsentet & eandem in se actionem passivè suscipiat, quam debitor principalis, si adhuc viveret, sustinere cogeretur. In solum aliquando bonorum intromissorem ( quem dicimus ) hæc translatio competit, cum antequam se bonis alienis immisceret, scire debuisset & apud se expendere, non licere ei se rei alienæ sive bonis alienis immiscere sine titulo, nisi & bonorum onera velit agnoscere & merito hoc ei imputandum est, qui cum potuit ab hac intromissione se continere, non tamen continuit avaras manus; itaque non minus in eum quam legitimum successorem dabitur translatio debiti. Sed dubium occurrit quid si plures sint, qui se bonis defuncti immiscuerint, an electioni locus sit? an omnes æqualiter conveniendi? & in hac questione controversum vidi inter Senatum & Commisarios fori Ecclesiastici, viros sane graves, dum Senatus in quemcunque immiscentem se bonis alienis actionem permittit, ut in delictis ubi de furto aut vi bonorum raptorum agitur, omnes qui delictum fecerint, in solidum tenentur & proinde electioni locus est, quem ex omnibus actor eligere velit pro damno suo recuperando, Commissarii vero mitiorem sententiam sequentes, Si reus, qui se immiscuit tanquam unus de pluribus se immiscens, recipiat & probaverit, in partes viriles dividunt actionem, sententiaque pro virilibus singulorum partibus executioni mandabitur & obtinuit post multam controversiam, cum quæque pars quo se tueretur, haberet, ut si plures sint qui se bonis hæreditariis immiscuerint, idque reus probaverit, ut in viriles partes teneantur. De hærede autem questio est, cum ante annum qui hæredibus solet indulgeri, ut interea de adeunda hæreditate si damnosa vel lucrosa sit, deliberent, recipere has actiones in se non tenebantur hæredes, hodiè indistinctè sententiam in se recipere passivè coguntur, ejus tamen executio in annum sustinetur & eo jure hodiè utimur; Sed cum plerique ne actiones has aut debita agnoscere cogantur, hæreditatem dolose differant agnoscere, solet Senatus in favorem creditoris, (cujus, in his, causa semper favorabilis est) literas concedere, quibus monetur, ut intra quadragessimam diem hic apparens hæres, qui proximè successurus est, hæreditatem ( ut loqui solemus ) ingrediatur sive adeat, pro vero hærede actiones alioqui in se recepturus: Quibus quadraginta diebus elapsis, si hic hæres apparens actione conveniatur, ut tanquam hæres aut saltem qui hæreditatem legitime monitus sit adire, actionem in se recipiat passivè, ut in locum defuncti debitoris substituatur, talisque executio aut actio contra eum decernatur, qualis contra defunctum debitorem aut lata est aut saltem ferri debuit; quod si is, inquam, in judicio citatus, responderit se ejurare hæreditatem paratum potius, quam actionem pro debito & aliis defuncti oneribus in se recipere, absolvendus est, nisi actor rem non esse jam integram replicet, huncque ipsum qui monitus est, jam immiscuisse se hæreditati vel bonis hæreditariis mobilibus, ( nam sunt & bona quædam mobilia, quæ ad hæredem & non ad executorem pertinent ( ut antea dixi ) vel affedationibus, quæ ad hæredes solos descendunt, vel decimis vel possessionibus quibuscunque terrarum, quarum jus ad hæredem solum ex jure pertinet; nam his casibus, quasi re non integrâ, omnino pro hærede habebitur, si quid quod ad hæredem solum debet pertinere, ad eum pervenerit; Quod si replicari ab actore non possit, hunc apparentem hæredem se bonis hæreditariis, quæ alioqui ad hæredem solum essent perventura, immiscuisse & rem adhuc esse integram constet, tunc absoluto hoc, qui ut adeat hæreditatem monitus est, bonorum defuncti hæreditariorum fit actori adjudicatio, de quâ adjudicatione mox dicemus; Itaque translatio hæc passiva solum fere in verum hæredem competit, qui in judicio semel hæreditatem agnoverit vel adierit, vel in successorem quem universalem dicimus, (universalis autem dicitur etiam si quamvis minimam partem adierit, cum & reliquas partes non minus adire potuisset ) aut in eum qui bona hæreditaria mobilia sive quæcunque, ad hæredem solum pertinentia, adierit aut qui monitus est ut adeat, nec legitime & coram judice abdicaverit. Obiter etiam notandum est, communiter in executorem non datur actio de evictione rei immobilis, licet defunctus eâ tenebatur. Et hæc, si vel actor vel reus principalis jam fato functus est, de translatione actionis sive sententiæ sive activa sive passiva.

*De pluribus  
intromissio-  
ribus.*

*De Hærede  
an ante an-  
num in eum  
transferri  
possit actio.  
De eo qui ut  
hæres conve-  
niatur.*

*Executor  
non tenetur  
de evictione  
rei movens*

*Si alius à  
debitore ve-  
ro compareat*

Sed evenit sæpe, ut reus callidè judicium subterfugiat, neque in hac auctione five appretiatione compareat, immo aliquando alius, qui jus reale ad bona apprecianda bonà fide prætendat, cum rem suam agi & periclitari videat, is, ut appretiationem five auctiorem impediatur, se judicio objiciat, in quibus casibus an talis sit admittendus, præcipua quaestio est. In quâ expediendâ, primum videndum est, de jure ejus qui postulat, nam nisi jus reale in re quæ licitari petitur, se habere demonstret, non est ullo modo admittendus, cum ejus non intersit, nisi realiter intersit: Veluti si Tusculanum prædium auctioni subjiçatur, quicumque in eo sasitus est, jus reale five fasinam habet vel usumfructum, in eo processu admittendus est, si modo instanter de jure suo scripto doceat, Quod si tantum actionem habeat ad rem, ut debitor eum investiat in agro Tusculano, immo licet sententiam obtinuerit contra fundi debitorem, tamen quia jus reale nondum est consequutus, non est admittendus. Solet itaque inter actorem & eum qui admitti petit, acerrimè controversi de Jure quod in scriptis producit, sufficiatne in hoc casu comparenti, personam in judicio standi præbere & de re licitanda contendere & partes facere? An, actore contendente & jus productum pro interesse elevante & minuente ne admittatur, sit repellendus? Altero enitente summi vi, ut jus ejus ad eum admittendum sufficiat & hinc inde allegationes & responsiones suscipiuntur; Sunt tamen Judices nostri faciliiores ad aliquem admittendum, si modo aliquem titulum, immo vel præsumptum, jus illud, quod pro se exhibet, contineat; isque tum admissus, veri rei personam sustinet & ad omnes defensionem admittitur, quæ reo principali competere, si judicio interfuisset, sed aliquando non veri tituli, sed adulterini pro interesse hujus personæ producuntur, veluti aliquando falsi, falsis instrumentis nitentes, aliquando veri quidem, sed antiqui & qui jam sunt suppressi aut à quorum possessione, qui producit, jam diu excidit. Quid hic à Judice faciendum erit? si falsa instrumenta producuntur, judicium omnino sistitur, neque enim ejus, qui de appretiatione Judex constitutus est cognitio est, falsa ne sint hæc instrumenta an vera; sed omnis hæc quaestio ad Senatum five Judicem ordinarium rejicienda est & interea ab ulteriori processu Judex abstinabit. Quod si veri quidem sint tituli, sed qui eis uti velit, nudum tantum titulum habet sine possessione & possessio cum titulo aliquot annos apud reum principalem fuerit, licet cognitio de titulo ad Judicem hunc non pertineat de jure, putato tamen Judicem non peccare, si non obstante hoc titulo ad licitationem procedat; Sæpe enim fit per callidos rerum machinatores, ut tituli five fasinæ terrarum quæ jam redemptæ sunt, producantur pro veris titulis: Quemadmodum & sæpe fit, ut debitores cum licitationem terrarum suarum imminere vident, aliis fasinam earum tribuant; sed harum fasinarum nulla vis est, cum in fraudem factæ videantur & à Senatu soleant literæ impetrari, quibus imperatur judici & inquisitoribus, ut non obstantibus his dolosis fasinis, ad auctiorem procedant, præcipue si vel post debitum recuperatum, fasinæ hæc concessæ fuerint, vel post prohibitionem à Judice, ne reus five debitor, ullas suas terras aut prædia in fraudem creditoris alienet aut hypothecæ subjiçiat; nam sine his literis five, ut nostri in foro loquuntur, sine hoc Warranto vix solent ad auctiorem five licitationem procedere, qui auctiioni præstant; cum multæ causæ possint intervenire, cur hæc literæ prohibitoria non debeant auctiorem five appretiationem impedire, veluti si reus præter ea bona auctiioni jam subjiçienda in aliis bonis sit solvendo, vel si quæ sit falsitas, aut aliud quodcumque vitium in executione harum literarum, cujus cognitio ad hunc Judicem non pertineat & literæ hæc soleant plerunque facile & sine justa causa impetrari. Hæc tamen exceptio, quod debitor sit solvendo in aliis terris quam iis, quarum alienatio ei prohibita est, non semper sufficit: Nam inter

Cambellam Comitissam & Dominum de Garthland acerrimè controversum vidi in Senatu, cum Dominus reductionem cujusdam alienationis suarum terrarum sub eo prætextu vellet excludere, quod ipse esset responsalis (ut aiunt) in aliis terris alibi & haberet sufficientia prædia, ut debitum illud, pro quo inhibitio five prohibitio facta est solveret & proinde dictam Comitissam non recte petere rescissionem alienationis, cum res ei aliunde salva esse posset: Nec admissa tamen hæc ejus exceptio est.

*Tertium  
quod in hoc  
judicio con-  
siderandum.*

Tertium quod in hac auctione five licitatione considerandum est, circa quæ versetur hæc auctio & in quibus rebus locum habeat, quæ res possunt & debent appretiarī five

sive licitari, in quo hoc primum statuendum est omnes res, quæ verè debitoris sunt, vel pertinere ad debitorem constat, sub hanc auctionem venire & ei subijci. Et primum de mobilibus certum est, si debitum in pecunia numerata sit in sententia (ut dixi) liquidum, pro eo, quascunque debitoris summas liquidas posse appreciari & creditori assignari; Si ex summa quæ debetur, non sint liquidæ, tunc ex licitationi subijciuntur, ut publicè apprecientur, ut cuicumque emptori & si plures sint, plus offerenti res adjudicetur pretio interim creditori in solutionem debiti assignando, vel si sit plus in debito quam in auctione, ut eatenus creditori de ea pecunia satisfiat, reservata, pro eo quod superest, creditori executione sui debiti contra ipsum debitorem; ad similitudinem rerum mobilium, quæcunque alia jura, quæ inter mobilia censentur, solent appreciari, Sed quoniam hæc appreciationes, quia in usu quotidiano vel cuicumque è populo sunt familiares & pene vulgares, nec nostri instituti sit, nisi de appreciatione sive auctione rerum immobilium, tractare; ideo de rerum mobilium licitatione quibus modis & à quo iudice & quibus personis & quo loco fiat (nempe in territorio eo, in quo bona sita sunt, præcipuè si intra districtum iudicis, à quo sententia lata fuit) hic prætereo & ad auctionem prædiorum sive feudorum, de quibus solis hæc nostra instituta est disputatio, accedo.

Bonorum horum immobilium appreciatio sive auctio, vel sit autoritate Senatus vel Iudicis Inferioris, à quo sententia lata est. Autoritate Senatus, si vel sententia principalis sit à Senatu lata, vel ex conventionem partium in contractu reciproco sive unius partis in obligationibus in libris Senatus insertis & quibus Senatus autoritatem sententiarum suarum interposuit, debitum sit æstimatum certâ summa & sic liquidum. Nam his casibus mandat Senatus vel vicecomiti principali ejus districtus, in quo prædia hæc sita sunt vel speciali alicui apparitori, quem Senatus per literas suas iudicem constituit (nos vicecomitem in hac parte dicimus, quod alius sit à vicecomite principali) ut bona moventia sibi possint inveniri hæc publicæ & licitationi subijciat, plusque pro eis offerenti sive pluris licitanti, in solutionem debiti assignet; aut si nulla inveniri possint, tunc ad auctionem prædiorum sive tenementorum procedat: In quibus literis hic ordo præscribitur, ut primum bona moventia undique perquirantur & distringantur, si modo executio sententiæ à Senatu latæ fiat; nam Senatus iudicem in toto regno hunc apparitorem constituit, ut undique bona hæc mobilia persequantur: Quod si à Barone vel à Vicecomite vel inferiore iudice præceptum pro executione sit directum, executor non ultra districtum illius iudicis, qui sententiam tulit, bona perquiret, donec creditor in supplementum, literas à Senatu impetraverit, de bonis ubicunque investigandis & distringendis; Quod si ea nulla sint vel nullibi reperiantur, fraude fortasse debitoris substracta (solent enim debitores, nonnunquam & ipsi creditores, ut facilius sit ad appreciationem prædiorum accessus, res mobiles substrahere) ad appreciationem prædiorum proceditur Et quanquam sæpè à debitoribus ipsis, actionem auctionis sive appreciationis rescissoriam coram Senatu motam vidi, ut ex ea causa appreciatio rescinderetur, quod executor cum licuit, bona mobilia quæ præsto erant & ad licitationem parata, non prius hæc subjecerit; tamen nunquam ex ea causa prava visse debitorem vidi; sed respondisse, tacitè saltem, Senatui debitorique ipsi objecisse, cur non ea bona cum haberet, ipse potius vendidisset & à debito eatenus liberasset, itaque nunquam ex ea causa rescissoriam actionem conceptam, memini. Alia fortasse causa erat; nam aut nulla bona mobilia revera erant & tunc necessario ad auctionem prædiorum & rerum non moventium procedendum erat, aut ea bona dolo & fraude debitoris fuerant amota & tunc fraudem suam & dolum suum sibi imputare debet. Neque solum ipsa prædia, sed etiam jura & servitutes reales, immo aliquando quod non erat, appreciatur. Exemplum in usufructu est, quem si quis solum in prædio habet ad solus usufructus appreciationem proceditur. Sed inquiri solet quanti in his licitationibus hi usufructus æstimabuntur. Respondeo, periculosam esse usufructus æstimationem, cum vita hominis, ex qua usufructus dependet, nihil sit incertius, sed hoc totum arbitrio inquisitorum permittendum, qui variè usufructum solent æstimare, nunc ex senectute ingravescente, nunc media, nunc ineunte, præcipuè si morbus accesserit, qui vitam potest præcipitare aliquando. Nam si usufructuarius, sive is sit mas sive foemina, quæ, in conjuncta investitura cum viro usufructum prædii obtinuit, Sive usufructus hic à lege introductus sit, ut in dominarum tertiis & Curialitatibus quotidie fieri videmus & usufructuarius hic nondum quadraginta annos excesserit; solet usufructus æstimatio ad quinque annorum fructus æsti-

*Bona non  
moven-  
tia  
quemodo  
li-  
cenda.*

*Usufructus  
quemodo æ-  
stimandus.*



Quod non  
est aliquan-  
do licetur  
sive appre-  
tiatur.

mari, id est ut quanti fructus fuerint, quos quinq; annis sive immediatè præteritis sive mox sequuturis prædium solet præstare aut verisimile est præstiturum, tanti, usufructus hic in auctione æstimabitur. Quod si quadraginta annos jam usufructuarius hic compleverit & ad quinquagesimum annum vergat, ad quatuor annorum fructus solet usufructus prædii, ut ad illum pertinet, æstimari; adeo ut quanta summa ex fructibus illius prædii quatuor proximis annis speratur posse colligi, tantidem usufructus solet æstimari; Quod si quinquagesimum annum excesserit & sexagesimus imminet aut si usufructuarius hic sit jam sexagenarius aut supra, tunc usufructus ejus æstimabitur ad trium tantum annorum fructus, aliquando pauciorum, si vel morbus vel alia causa iusta, quæ usufructum intercipere potest, cum senectute conjugatur: Itaque quindecim virorum, qui inquisitores dicuntur & ad auctionem faciendam sunt selecti arbitrio, omnia hæc permittuntur, qui variè ex verisimilibus causis & occasionibus, rem omnem æstimabunt. Quod de usufructu dixi, idem in servitutibus aliis dicendum, si quæ sunt quæ commodum post auctionem possint creditori afferre. Dixi aliquando id quod non est, posse licitari sive appretiar; Exempli causâ, creditor, cujus debitum fortè non sit tale, quod ad valorem totius prædii appretium sufficiat, tunc ad annum redditum è prædio sibi annuatim pendendum, appretium pro quantitate summæ debitæ animum adjicit: hic enim annuus redditus antea nullus erat, cum fundus antea esset liber & ab omni annuo redditu immunis, tamen hoc creditori licere quotidie in usu videmus, ut annum redditum sibi in satisfactionem debiti curet appretiar; In qua appretiatione hic modus præscribitur ex Actis Parlamentorum, ut auctio sive appretiatio, hæc quinque libras five marcas pro quibuscumque centenis non excedat: Exempli causâ, Si mille libras debeantur, creditorè prædio debitoris non potest annum redditum ultra quinquaginta librarum annuarum sibi appretiar petere aut si centum tantum in debito sint, annuus redditus quinque librarum tantum appretians est, ita ut proportio quinque ad quælibet centena in omnibus his appretiationibus servetur, alioqui tota appretiatio rescindetur, quia superat præscriptum legis. Sed cum hæc appretiatio raro solet hodie commode creditoris cedere, neque enim æquo animo ferunt pro quibuscumque centenis annum redditum sibi quinque tantum appendi, debitoremque sic liberari, solent à Senatu literas dispensatorias quas vocant, petere, ut inquisitoribus liceat sine perjurii poena, decem annua pro quibuscumque centenis appretiare & ne poena legis si id fecerint, teneantur, vel fraudi eis sit. Quod Senatus aliquando non gravatè solet indulgere, præcipuè si ita inter partes convenit, ut plerique hodie solent pacisci, ut pro singulis centenis debitis, decem annua sibi liceat appretiare; vel si is fundus qui licitandus est, hypothecatus sit alii in denis annuis pro quibuscumque centenis & sæpè aliàs illud à Senatu permissum vidi, cum favorabiles sint creditoris partes, qui nil, nisi quod sibi summo jure debetur, ambit & debitoris odiosæ, qui debiti sui solutionem tandiu differat, cum bona habeat moventia sive non moventia, quæ, cum veller, poterat pro arbitrio vendere, ut à credito liberetur.

Quid sit  
apud Au-  
glos reversio  
De re versio-  
nis appretia-  
tione sive li-  
citatione.

Reversiones, quæ apud nos dicuntur obligationes, quibus quis suum mortuum vadium sive terram à se vadiatam potest redimere & relaxare, ( licet apud vicinos nostros pro successione ejus, qui, post obitum præsentis possessoris, proximè successurus est, sumatur) eodem modo quo usufructus appretiar solet; sive ea reversio jam sit in rerum natura, ab eo concessa, qui reversionis est debitor aut tantum in obligatione consistat, cum tantum ut reversionem concedat, quis obligatur; vel si legalis hæc sit reversio, à lege concessa, de qua postea: Nam omnibus his casibus jus illud reversionis potest appretiar, in quo creditor hoc moderamine utetur, ut prædio toto uno pretio æstimato, quantum ejus pretii sit in vadio, id est pro quâ summâ prædium sit alienatum sive vadiatum expendatur, eaq; summâ prius deductâ, quia ea non est in bonis debitoris, pro reliquo pretii, quod valorem prædii æquet, reversio licitabitur & sic pretium integrum prædii vel in alienatione sive hypotheca comprehendetur, vel quod supererit reversioni imputabitur & à creditore appretabitur: Idem si debitor aliquod officium sive administrationem publicam, quæ ei est hæreditaria, habuerit; nam & ea ut ejus propria potest licitari, Dixi si hæreditariam jurisdictionem habuerit, nam si tantum vitalem, ea tantum ei ex arbitrio alieno permittitur & raro solet auctioni subijci, cum delegans possit non sine ratione asserere jurisdictionem illam ad se jure quam optimo pertinere, beneficiumque illud personale, quod alicui indulsit, personam ejus non egredi, nec se posse cogi, ut alium in ejus locum recipiat; Idem in servitute pecoris pascendi in fundo debitoris, aquæ hauriendæ sive ad molam ducendæ, focaliæ quæ vocamus effodiendi, nam & hæc omnia cum jura

jura sint & servitutes, ut omnes alia utilitates ex prædiis Vassalli possunt à creditore, in solutionem sui debiti, licitationi sive auctioni subijci, ut undique quod sibi deest per contumaciam debitoris recuperare possit creditor & hæc de rebus quæ auctioni vel licitationi subjacent.

Quartum in consideratione huius materiæ est de forma & ordine hujus auctionis, qui ita fit discussis mobilibus (ita enim præcepto sive literis districtionis præcipitur) hoc est vel appretiatis bonis moventibus si reperiantur, vel si nulla sint, saltem nulla sint obvia perquirenti, tum ad auctionem sive appretiationem bonorum non moventium sive prædiorum proceditur & primo denunciatio publicè fit apud burgi in eo districtu ubi hæc bona non moventia sunt sita, crucem, quam vocant, foralem id est eam apud quam forum rerum venalium exercetur, & ibi apparitor sive executor sententiæ, publicè lecto prius iudicis præcepto, quo ei mandatur ut ad auctionem procedat, denunciatur tale prædium quod ad debitorem pertinet, tali die in pratorio sive loco publico in quo judicia exercentur, licitandum ad instantiam talis creditoris, itaque si quis sit qui interesse habeat aut si quis sit qui velit emere eo die veniat, si æquum postulaverit, iustitia ei administrabitur. Sciendum autem est duplicem hanc denunciationem posse esse, unam alicujus prædii singularis veluti Tusculani, alteram omnium prædiorum, reverfionum, jurium, quæ quovismodo ad debitorem pertinent in genere & cavendum est in libello appretiationis, ne aliquid in ea deducatur aut procedatur ad id quod non fuit in denunciatione & sæpè in eo peccatum vidi, cum ex particulari denunciatione, ad quodvis quod ad debitorem pertinebat, proceditur, licet hodie generales denunciations sint magis in usu. Antiquitus erat delectus in die ut denunciatio non fieret, nisi in die promercali, eo die quo omnia exponuntur publicè emptoribus & ut scimus omnes, quisque burgus suos habet dies promerciales, *Edinburgus* tres in septimana quaque: vel qui burgi singuli suos singulos in heptomade, Hodie de die minus sumus solliciti & sufficit si quocunque die fiat, si modo apud crucem quam vocant foralem præcipui burgi fiat, hora debitæ nempe quæ merces publicè venum exponuntur, ut denunciationis hujus noticia ad plures perveniat: denunciatio hæc postquam facta fuerit (fieri autem debet sub præmonitione 15. dierum) insinuanda est debitor vel ad faciem, quod nos personaliter dicimus vel ad locum habitationis, sive ubi uxorem & familiam sive larem sive focum habeat, nam ea in jure censetur alicujus habitatio: die adveniente executor sententiæ in publico juris auditorio, (nos prætorium dicimus, ubi jura dicuntur) ibi hora undecima curiam suam instituet, officarios, apparitorem & adjudicatorem cum clerico sibi sollemniter prius juratos creabit & adjunget; ita tamen ut duodecimam expectet antequam ad actionem procedat: post duodecimam, protestatio contra non comparentes admitti solet, ita tamen ut si qui ante delectum inquisitorum compareant, adhuc admittantur, post aliquot super inquisitione juratos, nemo temerè ad opponendum est admittendus, nisi forte in eo statu causæ quo tunc est, nempe si res non sit integra, veluti si unus aut duo inquisitorum sint jam jurati & admissi, tantum ad objectiones contra reliquas personas inquisitorum faciendas aut peremptorias exceptiones, cur feudum non licitandum, admittetur; Si reus, mox citatus ante horam duodecimam comparuerit, ad omnes suas exceptiones sive defensiones admittendus est, tam contra executoris personam, si quæ sunt, quam reliquorum membrorum curiæ (ut vocant) si forte vel actuarius, vel clericus, sit affinitate vel consanguinitate creditori conjunctus vel inimicitia justè intercedant, aut aliqua alia offensio aut causa quæ testem rescire poterit, Si nihil habeat contra personas judicantium, tunc contra ipsam denunciationem sive publicationem, si quid habet objiciendum, audiendus est, Si ea non sollemniter & ut leges præscribunt facta sit, nec solennia omnia observata, Quod si nec hic rimæ aliqua sit & omnia legitimè facta inveniantur, creditor sive petens libellum suum sive petitionem judici aut saltem executori seu apparitori exhibet sub hac forma, Titius mihi ducenta debet super quibus etiam sententiam contra eum obtinui, ejus bona mobilia perferutari feci, ut pro debito hoc distringantur, nec reperta sunt, ita ut in supplementum peto à vobis inquisitoribus, ut prædium hoc, quod ad debitorem pertinet, æstimetis & mihi in solutionem debiti mei adjudicetis, quod quidem prædium, si modo urbanum sit annuat in tantum pendere solet Domino, sed deductis impensis (quæ plurimæ super burgali feudo solent fieri) in bono annuo redditu tantum pendere solet & propterea ex æqua æstimatione tantum valet tantiq; æstimandum est sive appretiandum, & mihi pro solutione debiti mei assignandum; quod si rusticum sit prædium & fructus

Quartum in appretiatione ne considerandum.

*An in appretiatione  
sive licitatione  
prædii  
saxina debitoris  
de eo  
Prædio sit  
Producenda*

in pecunia æstimata sit, tanti æstimandum petet, quantum annuatim pendit, ita ut pro singulis centenis tantum singula quinque numerentur. Sed ad communem æstimationem sive boni viri arbitrium æstimatio sit & plerunque infra verum pretium. Quæret aliquis, si cum hoc libello necesse sit debitoris saxinam aut investituram, qua ille in prædio appretiando investitus fuit, ut exhibeat creditor. Sane tutius fecerit, si quam habet, ut in judicio eam producat. Quod si eam non habeat; quippe cum prædiorum monumenta sive evidentiæ soleant apud Dominum remanere, nec eorum vel exemplar ad creditorem pervenire probabile sit: procedet tamen creditor in processu ad inquisitionem, cum suo periculo id facere videatur; nam si debitor in prædio quod licitari petitur jus non habeat, id damno creditoris cedit, cum si ille nihil habeat, nihil amittat & creditor nihil consequitur; Exhibito libello, si nulla iusta causa à debitore allegetur, cur auctio sit sistenda, tunc delignantur inquisitores contra quorum personam reus auditur objicere, ut ante dixi, contra personam judicis & membrorum curiæ; Nam quæcunque testem à testimonio dicendo repellunt, eadem allegata contra Inquisitorum personas, eas, ne in hac auctione cognoscant, etiam rejicere solent, ut in eorum locum alii substituuntur, ita ut & contra eos suæ objectiones reo competant, Inquisitoribus delectis sive quindecim sive tredecim aliquando & undecim (semper tamen in numero impari) tunc libellus oblatus legitur & reus citatur, si quid habeat quod appretiationem hujus prædii possit sistere & in omnibus suis exceptionibus audiendus est, nisi quod ipse non possit prædium illud ad alium pertinere allegare, cum nihil illi decedat, si prædium alienum pro suo debito appretietur, Si alius compareat suumque prædium dicat & proinde pro debito alieno non posse licitari, jus si quod in prædio habet in judicio & instantanter proderet & neque illud alleganti creditur, Si verò produxerit & ejus virtute prædium ad se pertinere dicat, audiendus est creditor, ut hunc pro suo interesse comparentem quoquo modo excludat, Quod si id fieri non possit & jus hujus comparentis manifestum sit, præcipue si in possessione per aliquot annos fuerit, (quod casu titulus coloratus plerumque sufficit) judicium sistitur, neque enim hujus pedanei judicis cognitio est de validitate tituli producti, sufficiatne nec non, sed omnis hæc cognitio ad judicem superiorem rejicienda est, Quod si hic tertius qui compareret, jus suum & titulum jam non habeat ut possit instantanter producere, tutius est, ut tantum protestetur ne ejus damno hæc licitatio procedat, jusque suum intactum illi maneat, nullatenus ex hac auctione præjudicatum & sic demum res arbitrio inquisitorum permittitur, Postquam sacramentum præstiterunt, se legitimo pretio rem æstimaturos & appretiaturus & ita postquam inter se sunt interloquuti omnemque rem & ejus valorem undique versaverint, redeunt in judicium quidque illis videatur exponunt per cancellarium à se vel suorum maximam parte delectum, & de valore illius prædii renunciant, nempe prædium tali summa à se æstimari, super qua declaratione cum creditor instrumentum ceperit, judex quicumque ille sit, ad quem cognitio pertinet, declarationem publicabit & creditori, immo vel ipsi debitori, vel cuicumque alii, illis recusantibus, prædium pro hoc pretio assignabit & pro vicefima parte prædii pro suo, ut vocant, feudo; nam Vicecomiti huic sive cuicumque alii, cui judicium hoc delegatum est, licet vicefimam partem pretii sibi arrogare pro ejus opera, ut aiunt, sive feudo & pro hac vicefima parte solet creditor vel cum iudice transigere vel ei satisfacere, Sed prudentiores solent in initio transigere modico forte pretio: Quod si debitor ipse vel si quis alius instantanter pro integro debito paratum se satisfacere dicat, cum offert, audiendus est, nec creditori prædium pro debito assignandum. Hæc auctio sic facta & post unum aut alterum diem in scriptis redacta, solet processus integer extrahi & senatui supplicatio exhiberi, ut literas expediat, quibus Domino superiori illius prædii mandetur, ut, hunc creditorem in locum prioris Vassalli sub eadem forma investituræ suscipiat, qua prior tenuit aut ab eo fuit investitus, Quod si de Rege prædium teneatur, solet Senatus literas ad Cancellariæ custodem dirigere, ut is rursus ad vicecomitem illius districtus principalem, præceptum regium dirigat, ut creditorem hunc de novo in hoc feudo investiat & in locum prioris & iisdem conditionibus sufficiat; ita tamen si processus hic appretiationis legitime videatur deductus; nam si quod vitium in processu offenderint, non solent illud admittere, donec omnia legitime perficiantur; Si prædium de alio quam de Rege teneatur & Dominus superior ter requisitus recuset, tunc ad ejus superiorem recurritur & literæ à Senatu impetrantur, ut is creditorem investiat & sic de superiore in superiorem, donec ad Regem perveniat, qui nunquam solet recusare: Sunt tamen qui putent ex primi Domini recusatione immediate ad Regis capellam sive Cancellariam posse lite-



ras à Senatu dirigi, ut præcipiatur Vicecomiti, ut is defectum contumacis Domini subpleat & creditorem in prædio licitato investiat, semper autem hæc licitatio reum solutione sui debiti pro tanto liberat, quanti auctio facta fuit & semper devestit Vassallum id est Dominium ab eo tollit.

Ad quantum five postremum quod in hac licitatione consideratur, accedo, nam licet hæc auctio five licitatio nihil à vera venditione differat, easdemque vires habeat (quid enim interest si prædium vel ab ipso Domino vel, eo contumace & recusante, à iudice vendatur, immo hæc etiam majoris autoritatis videatur, quod iudicis decretum accedat) & Dominium in creditorem five emptorem non minus transit, quam in pura & simplici venditione, tamen hoc Dominium non ita transit, quin adhuc spes aliqua debitori reliquatur, ad aliquod temporis spacium, ut illud possit, venditis aliis suis rebus, recuperare, usque; hoc, quod debitori relinquatur, reversionis legalis dicitur, legalis, quod à lege sit introducta & ut differat à conventionali: In cuius explicatione brevior ero, cum quæ de hac legali reversione dicenda erant, à mecum de reversionibus tractarem, in genere dicta sint, Hujus legalis reversionis ea est natura, ut, quocunque tempore, intra septennium à die appretiationis de momento in momentum numerandum, debitor possit summam creditori offerre pro qua appretiatum est prædium, cum ea summa quam Vicecomes ratione sui, ut vocant, feudi five operæ in deducendo pretio arrogavit; nam utraque simul offerenda est aut nihil sit, nec creditor qui iudici pro ea satisfecit vel transiit, nisi utraque offeratur, tenetur recipere, Sed in hoc à reversione conventionali differt, quod conventionalis (ut antea dixi) sub præmonitione quadraginta dierum, ut plurimum fiat, nisi aliud convenerit: hæc reversio, vel unius septimanæ vel forte unius diei præmonitione fit: plerunque in illa, locus certus in reversione designandus est: hic, in præmonitione tantum sufficit designari modo accessus tutus nec aliqua aliunde causa impeditus pateat, Quod si creditor aut is qui rem appretiatam habet, se paratum dicat, vel in præfenti recipere vel diem crastinum ante magistratum aliquem, & locum designet, ubi numerationem velit fieri, audiendus est, adeo ut nisi hæc legitime eo instanti, impleatur, redemptioni huic legali non sit locus, neque enim cogendus est creditor, in locum remotum aut longinquum secedere, ut recipiat, si modo vel se in loco, quo constitit & præmonetur vel eo ipso die paratum dicat recipere, Sed non solum summa principalis, cum ea quæ Vicecomiti debetur, offerenda est, sed si reus in possessione remansit rei appretiatæ toto hoc septennio, hi etiam redditus, qui à nostris arreragia dicuntur, simul sunt offerendi, neque enim æquum est, debitorem rei alienæ fructus toto hoc septennio lucrari, qui aliquantulum ipsius rei appretiatæ justam astimat onem æquabunt, nec nisi his fructibus simul oblatis teneatur creditor renunciare; Quod si ipse debitor neque fructus interea collegerit, nec aliquis ab eo causam seu titulum habens, sed vel hi ab ipso appretatore collecti fuerint, vel ab alio quocunque, debitor pretium pro quo appretiatum fuerat ejus prædium, cum impensis & iis summis quæ Vicecomiti debentur, offerendo creditori recuperabit; nam si alius hoc tempore occupaverit, sibi creditor imputabit, qui non collegerit cum jus colligendi haberet, quod colonos non removerit, quod cætera pro jure Domini non fecerit cum potuit, salva semper actione ei ad fructus hos, à quocunque possessore collectos, recuperandi; nam in hoc casu, vulgatam illam regulam juris sequimur, qui actionem habet ad rem, ipsam rem habere videtur; in reliquis hæc legalis reversio regulas reversionis conventionalis sequitur; nam de utraque antea nonnulla cum de reversionibus loqueremur diximus, ad quæ lectorem remitto.

Ad similitudinem auctionis five appretiationis introducta est hodie adjudicatio, quæ ipsa quidem nihil aliud est, nisi appretiatio, nam bonorum jacentium, pro debito defuncti, est assignatio, non tamen eandem formam tenet, nec eisdem regulis nititur: Nam adjudicatio est, quoties quis, ut hæreditatem jacentem adiret, monitus præmonitione quadraginta dierum, & differat, postea coram Senatu conventus à defuncti creditore, quasi hæres, saltem qui, hæreditatem adire intra legitimum tempus jussus, recu-  
De adjudicatione.

faverit & is aperte, coram Senatu, omnibus bonis hæreditariis, quæ à debitore ad eum poterunt pervenire, paratum se dicat renunciare & fecerit, sistitur contra eum ulterior actio, Sed bona quacunque hæreditaria defuncti tam moventia quam non moventia creditori in debiti sui solutionem adjudicantur, autoritate iudicis & in hoc, cum eo Juris titulo, De bonis autoritate iudicis vendundis vel possidendis, quam maxime convenit: Erat sane hæc adjudicationis formula majoribus nostris incognita & quodammodo necessitate à recentioribus introducta, ad eorum bonorum Dominium in creditorem trans-

transferendum, quæ alioqui commodè transferri non possunt aut appretiari, quæ enim appretiationis rei incertæ esse potest aut quomodo universitas (nam hæreditas nomen universalitatis est) poterit commodè æstimari; fieri enim sæpe videmus, ut adjudicatio hæc etiam super aliqua re singulari procedat, veluti debitore & alicujus prædii Domino mortuo hæres apparens aut qui proximè successurus est legitimè monitus, ut antea dixi, ut hæreditatem adeat, publice (ne prædium illud quod defunctus tenebat cogatur alienare) hæreditati renunciare, quod in acta judiciaria referendum est, mox sequitur, ex sententia judicis, illius prædii, in quod ingredi hæres apparens noluerit, adjudicatio creditori & quod hæres debuit facere iudex supplet, ne ejus malitia sit creditoribus damnoſa aut sibi aliquando lucroſa & ex hac adjudicatione præcepta à Cancellaria diriguntur, ad Dominum superiorem prædii, pro eo investiendo, cui adjudicatum prædium est. Idem in quacunque alia re adjudicanda, cujus defunctus erat debitor, nec hæres adeat; Si de moribus nostris quæramus, convenit hæc adjudicatio pene cum auctione aut appretiatione, nisi quod hæc simpliciter sine æstimatione ab ipso iudice fiat: illa, quindecemvirali inquisitorum judicio fit: hæc, justam æstimationem non respicit, sed simplicem hæredis pertinaciam, illa, ut & creditori debitum persolvatur & si quid reliquum sit debitori sit salvum, An autem hic qui semel in judicio renunciaverit, iterum, solvendo interesse omnibus qui lædi possunt, ad adeundam hæreditatem eandem postea admitti possit & an legalem reversionem hic hæres apparens intra septennium habeat, quoniam adhuc quid Senatus de ea re censeat, nondum constat (nam adjudicationis hæc forma recentior est, nec omnes dubitationes quæ inde nasci possunt in quaestione posita) itaque sistendum patet hominum inferiorum judicium: æquitas tamen suadere videtur, ut si nullus sit qui inde lædatur, debitor hic adhuc sit admittendus, ut adeat quod renunciavit, & etiam ut jus redimendi intra septennium eo sem modo ei competat, quo ei, cujus appretiationis prædium fuerit: In his generalibus adjudicationibus, Si creditor, cui adjudicatio facta est, quicquid, quod ad debitorem suum pertineat, feudum, Prædium aut usufructum invenerit, poterit ex prædicto bello senatui oblato & debitori citato petere, ut ea sibi adjudicentur in specie, quod & obtinebit; & hæc de adjudicatione & appretiatione, & quoniam utraque hodie sit frequentissima & in usu quotidiano veniatur à longiori tractatu abſtineo & ad alios modos quibus feuda amittuntur, nempe ex delicto vel quasi delicto, accedo.

### *Quibus modis feudum ob delictum amittatur & de Recognitione.*

#### *Diegesis Tertia.*

**S**equitur ut de amissione feudi, quæ non ex voluntate Vassalli aut ejus resignatione voluntaria nascitur, sed ex feloniam aut alia culpa per eum commissa, atque dæcamus; quæque sunt ei delicta, quæ ipsum Vassallum suo feudo privent, exponamus, cum aliqui nisi vel deliquerit Vassallus vel refutaverit, ne princeps quidem feudum ei adimere possit, in quo media via nobis eligenda est; nam sunt plerique qui unam tantum causam amissionis feudi putant, nempe ingratitudinem in Dominum, reliquæque omnes causas, quæ pleræque enumerantur ad eam redigi posse asserant. secundum aliud quod dici solet, si ingratum dixeris omnia dixeris; Nullum gravius delictum apud Persas esse potuit, quam ingratitudo, rei que sæpe ingratitudinis postulabantur. Neque frequentiora ulla apud eos erat judicia quam de ingratitudine, neque graviore de ullo delicto Poenæ & sane à plerisque nostris interpretibus, Felonia, ingratitudo in Dominum definitur, solaque est amittendi feudi ob delictum causa, sub qua reliquæ comprehenduntur: Alii sunt, qui licet unam tantum causam amissionis feudi putant, in eo tamen à prioribus dissentiunt, quod non ut illi ingratitudinem, sed perjurium putant esse solam causam feudi amittendi, nempe quod Vassallus Domino fidem juratam sefellerit; & hi licet verbis dissentiant, re tamen ipsa conveniunt, nam nulla ingrati animi major significatio esse potest, quam si Vassallus gratitudinem Domino juratam sefellerit. Sunt alij è converso, qui viginti causas amissionis feudi enumerant, inter quos est Hottoman-

nus; ut prima sit nex Domini: Secunda, ejus vulneratio: Tertia, ejus pulsatio: Quarta, infidiæ in eum: Quinta, arcis ejus oppugnatio: Sexta, Domini in periculo vitæ constituti desertio: Septima, contumelia verborum in Dominum: Octava, Domini accusatio: Nona, testimonii in Dominum atrocior dictio: Decima, attentata uxoris Domini aut filię aut natus aut socrus pudicitia: Undecima, nex fratris sui aut fratris filii: Duodecima, contemptus evocationis ad bellum: Decimatertia, prætermissio renovandæ fidelitatis: Decimaquarta, jurisjurandi recusatio: Decimaquinta, abnegatio patroni: Decimasexta, arcani commissi proditio sive revelatio, ut loqui solemus: Decimasseptima, Vassalli contumacia, cum vocatur in jus: Decimaoctava, alienatio feudi sine Domini consensu: Decimanona, defectus sive debilitatio corporis: Vicecima, clericatus superveniens. Has viginti causas enumerat Hortomannus, vir doctissimus, Veras quidem omnes & quæ cum prioribus in re consentiant; nam omnes ingratitudinem Vassalli & perjurium testantur, sed tamen quarum pleræque ex una causa dependent & ad unam redigi possunt, aliæ interpretationem, aliæ limitationem requirunt, quædam apud nos, in usu non sunt: Sunt alii, qui supra triginta enumerant; alii, qui licet à numero delictorum, abstinere; consulto tamen ad alium numerum referunt, veluti ex omnibus causis aiunt, Vassallum feudo privari posse, ex quibus vel filius exheredari, vel libertus in servitutem revocari, vel à donatario res donatæ repeti, vel matrimonium ex Jure Civili dirimi potest: In quo saltem considerandum, vinculum illud subjectionis sive mutui officii inter Dominum & Vassallum sacrosanctum & inviolabile debere esse, quod & cum illo vinculo componitur, quod inter filium & patrem naturaliter & ex ipso naturæ instinctu intervenit; Sic cum civili illo vinculo, quod inter patronum & libertum est; nam libertus summum beneficium sive pretium justæ servitutis nanciscitur; quod homo homini, id est Dominus servo præstare potest; illudque vinculum, quod inter donantem & donatarium intervenit, cum nostro hoc videtur concurrere; Nam Vassallus est quasi donatarius & qui omnibus officiis, animam donantis demereri debet. Sed quod ad postremum vinculum matrimonii attinet, profecto dum societatis hujus vinculum cum eo comparatur, nullam societatem, nullam amicitiam, nullum fœdus, arctius aut sanctius coli debere, hæc ipsa comparatione demonstratur & profecto vinculum hujus conjunctionis, omnia alia vincula sive ea sint naturæ, qualia sunt sanguinis sive affinitatis sive amicitie contractæ inter duos aut tres familiares, de quæ tot libri à viris eruditissimis scripti extant, longo post se intervallo, hæc omnia vincula relinquit.

Sed ut ad causas, cur filius jure exheredari possit, redeamus; quatuordecem ab Imperatore enumerantur: Prima, si filius parentibus manus intulerit: Secunda, si gravem & inhonestam injuriam eis fecerit: Tertia, si criminaliter eos accusaverit: Quarta, si filius cum maleficus hominibus versatus fuerit: Quinta, si vitæ parentum infidatus fuerit: Sexta, si thorum patris etiam in concubina violaverit: Septima, si ex illi dilatione, parens gravissimo damno sit affectus: Octava, si filius (non filia) carceratum parentem, cum sua fidejussione eum liberasse potuit, reliquerit & cum posset liberare, non fecit: Nona, si volentem patrem testari, prohibuisse convictus fuerit: Decima, si filius præter voluntatem parentum inter mimos & arenas se sociaverit: Undecima, si filium doranti patri assentire noluerit, malitque vitam luxuriosam & licentiosam traducere: Duodecima, si parentis furiosi curam non habuerat: Decimatertia, si redimere parentem ex captivitate recusaverit aut egenum parentem neglexerit: Decimaquarta, si liberi ab Ecclesia Catholica, quam Apostoli & quatuor primæ œcumenicæ Synodi tradiderunt, deficiant. Hæc sunt illæ quatuordecem causæ, quibus filii à parentibus exheredari justè possunt. Exheredari autem nihil aliud est quam successione privari, ut annotat Cujacius; nos forisfacere dicimus per continuationem metaphoræ; nam ut Vassallus, quando feudum acquirit, vestiri & feudum adire: sic quando eo privatur, foris fieri, foris ejici seu exheredari dicitur & sanè hæc exheredationis causæ, in multis, si non in omnibus, cum prædictis causis, amissionis feudi concurrunt: Quod ad causas revocandæ donationis pertinet, ex quod sciam numero non comprehenduntur; sed quæcunque sit ingratitudo donatarii, sufficit ad revocandam ab eo donationem, tanquam ab ingrato & indigno, cui aut beneficium conferatur aut illud apud se habeat, quod ab alterius amore profectum est, quo se indignum declaraverit. Quæ autem ex Jure Civili, matrimonii dirimendi causæ (licet hæc in usu, hodie non sint, cum in causis matrimonii, jus canonicum sive divinum sequamur, ex quo nisi adulterii causæ, divortium non permittitur) enumerantur ab Imperatoribus Theodosio &

*Quæ sunt  
causæ exheredationis.*

*Quæ sunt  
causæ revocandæ donationis.*



Valentiniano, ad quem locum lectorem, ne ei munio sim tadio, remitto. Ex omnes ferè causæ, quæ ibi enumerantur, dirimendæ societatis inter Dominum & Vassallum esse dicuntur, licet id omnino verum non sit, nisi hæc offensiones, quæ vel ad dirimendum matrimonium aut revocandam donationem aut exheredationem ex jure sufficiunt, contra dominum fiant & ei injuria inferatur, præter eadem fratris & alias paucas, de quibus mox. Alii, ne hoc quidem numero speciali aut ullo alio contenti, rem totam arbitrio judicis remittendam putant; nam ejus putant esse cognitionem, quæ justa sit causa amittendi feudi, quæ non, plerasque enim quotidie occurrere causas ingratitude, quæ neque numero comprehendi, neq; provideri possunt, neq; leges ita scribi possunt, ut omnes casus comprehendant, qui quocumq; inciderint, sed sufficit ea quæ plerunq; accidunt, continere & si quid novum acciderit, id bonus judex aut interpretatione aut jurisdictione ad similia producat aut constitutione principis, ut aliquid certum statuatur, aut saltem ejus consultatione opus erit. Nos in hac varietate casuum (si quæ varietas existimari debet) cum in re consentientes, numero tantum casuum dissentiant & noster usus forensis in multis potius differat ab iis quam dissentiat, nonnullaq; aliquam interpretationem, alia limitationem, pleraq; etiam abolitionem requirant, ad hæc causæ feudi amittendi declarandas, ordine procedemus, non quo ante usi sumus, ut prius de jure inquiramus, postea de nostris moribus, sed quoniam in hoc casu, usus noster forensis, in plerisq; cum jure convenit, alios casus (qui in jure enumerantur, licet cum ratione convenire videantur, quos tamen in foro hæcenus decisos non vidi) diff. rendo, ab eis exordiar, in quibus jus commune feudorum, cum usu nostro potissimum convenit, reliquos qui adhuc pendent, suo loco post proponemus, quodque sit nostrum de eis judicium sine furo declarabimus. Causæ itaque apud nos feudi amittendi sunt delicta, quæ vel in committendo vel in omittendo consistunt, utque illa quæ in committendo fiunt, his quæ in omittendo, sunt graviora: (Nam gravius est non faciendæ facere, quam faciendæ negligere) sic de iis primo dicemus; Hæc itaq; delicta quæ in committendo consistunt aut Dominum ipsum id est ejus vitam, famam aut bona respiciunt & sic in eum committuntur: aut in alios à Domino delinquitur & tum personam vassalli spectant: aut circa feudum ipsum aut ejus administrationem versantur: Itaq; hic de delictis circa feudum ipsum primum, Post de iis qui in domini personam, dignitatem & bona fiunt, disputabimus. Sunt tamen quadam generales regulæ in his delictis observandæ à judice, dum de amittendo ex delicto feudo agitur. Prima, ex delicto Vassallus nunquam punitur privatione feudi, nisi scienter & ex proposito delinquat; nam non solum voluntas, sed factum etiam aliquod concurrere in delicto debet, neque enim sufficit, si Vassallus Dominum voluit offendere & non fecit, aut si ignarus aut imprudens offenderit, cum alium crederet, itaq; voluntatem & propositum simul concurrere ad amissionem feudi necesse est & ut voluntas ipsa in aliquem actum deducatur, (a) Quod si dubitetur sciens & prudens, an ignorans fecerit, scientia & dolo in Vassallo præsumitur, nisi ignorantia probet, (b) aliquando tamen ejus juramento statuitur. Secunda regula generalis, non amittit ob delictum Vassallus suum feudum, si Vassallus dolo aut culpa Domini sui ad delinquendum erat inductus, quis enim ei poterit dolum aut culpam objicere, cum Dominus in pari dolo & culpa fuerit aut fortasse author culpæ, dolo enim dolo pensatur & paritas delicti exceptionem in jure parit, ut si maritus uxorem adulteri accuset, illa de Lenocinio replicet, (c) Tertia voluntatis Domini declaratio, Domini inquam sive absentis sive præsentis, tam in judicio quam extra judicium, tacita vel expressa, etiam non citato Vassallo requiritur. Quarta regula est, si Vassallus justo metu & qui in constantem virum cadere potest, aliquid fecerit. Quinta, ut tenor Investituræ semper observetur, vel saltem mos & consuetudo illius Regionis, ubi feudum est situm; nam apud plerosque pro delictis non habentur, quæ aliis sunt delicta & in Gallia alienatio feudi permittitur, quæ in Britannia prohibetur & quod de consuetudine dixi, idem de statuto.

(a) *Sobon. de eo quicquid periculi domini non revelaverit.*

(b) *Scho. ibe. 52. Al. va. c. 1. col. ult. quibus modis feudum amittitur.*

(c) *Curs. p. 5. nu. 7.*

*De Recognitione.*

*Rationes*

*120. de Vassallo*

Sed ut ad causas feudi amittendi redeamus. Prima causa quæ ipsum feudum respicit & circa feudum versatur, est ipsius feudi alienatio sive venditio sine Domini consensu; nam antiquitus, si totum alienaverat toto, si partem parte privabatur, quæ quoniam in foro nostro frequentissima est & à feudistis omnibus maxime controversa, ejus causam & originem accuratius discutiemus & cur tam gravis poenæ, tam jure quam apud nos in foro, vassallo infligatur, ob non magnam, ut creditur, ingratitude, cum (ut sæpe antea monui) poenæ nobis in his feudis minores semper placuerunt: Plerique enim dubitant hancque causam iniquissimam putant (ut profecto apud nos inter odio-

fas

fas numeratur) ob tam leve peccatum ( si tamen peccatum sit ) tam acerbè cum Vassallo agi, cum Domini conditio saepe non deterior fiat ex hoc facto, sed etiam melior, cum pro dissoluto Vassallo, sobrium & frugalem accipiat : pro profuso & intemperante, moderatum & temperantem : pro stulto, prudentem ; Denique ut plerumque accidit eum, qui & consilio & operâ & fortassè manu possit plura Domino servitia & potiora præstare, quam prior qui popinæ & crapulæ deditus, nec sibi nec aliis solet plerumque prodesse: Nam ut apud nos in vulgari proverbio est, qui fundum emit, sapiissime vir melior & majoris est pretii quam qui vendit.

Sed certè ratio in contrarium est & Vassallus summæ ingratitude dammandus, qui fundum quem beneficii nomine à Domino habet & ut servitia militaria eo nomine ei exhibeat, abdicat, Dominum despicit, aliumque pro suo arbitrio & sua electione substituit Domino in Vassallum, qui neque pro dignitate Domini, neque feudi ratione spectem & umbram servitii militaris exhibet & interea Dominum in mediis laboribus destituit : Certum enim est ab initio Dominum antequam feudum disponeret, fidem & magnanimitatem alicujus hominis selegisse, eumque quasi sibi reservasse & seposuisse, cujus opera & fide tam domi quam militia in perpetuum uti apud se constituit, & mercedem ei pro servitio & dignitate ex Patrimonialibus suis prædiis assignasse, habita meritorum ejus ratione, illudque verbis declarasse ( nam ob eam solam causam feuda ab initio constituebantur ) quod si Vassallus ex altera parte, Domino neglecto & inconsulto, retentâ mercede, aut mercedis fortasse apud se pretio, dum vel secreto Domini odio carpitur, eumque designatur, vel fortasse feudum Dominicum abliguriens, alium, cujus neque fides neque opera spectata Domino est, illi ad servitium velit obtrudere, seque ipsum à servitio liberare, profecto hominis esse ingratissimi nemo negabit ; Nam ne in minimis quidem rebus, quo animo tolemus ferre, si munusculum aliquod aut symbolum amicitiae causâ concessum is qui recepit, in alterum cito rejiciat & cum symbolo, amicitiae memoriam etiam rejici credimus. Præterea in jure civili usufructuarius cedere suo usufructu extraneo, sine consensu proprietarii non potest & in militia Romana, in qua leviores erant mercedes, viz. annua aut mensura stipendia, alium pro se, nisi ex consensu Imperatoris, substituere non licebat: Personale enim munus erat & ita personæ cohærebat, ut extra personam non egrederetur & cum hoc vinculum feudale, quàm ullum aliud amicitiae vinculum arctius ut & sanctius (nam est quasi perpetua inter Dominum & Vassallum contracta societas, in qua patronus vitæ & fortunarum omnium custodiam Vassallo committit, eumque in partem patrimonii assumit ) quis non merito ingratum Vassallum dixerit, si is, neglecto tibi juncto munere, vicarias operas aliunde accersat, Cum ne in societatibus quæ plerumque circa leves res contrahendas aut distrahendas versantur, unus socius alium in societatem inducere sine consensu prioris socii aut sociorum possit, cum ejus fides ab omnibus sit approbanda. Sed & jusjurandum illud, quo Vassallus Domino se obligavit, personale est, nec in alium transmissibile, Per magnique Dominorum interest, quos secum Comites in bello ducant, quorum consilio domi utantur. Sunt alii feudi non sine consensu Domini alienandi rationes ex jure feudali repetendæ ; nam Vassallus feudi sui conditionem meliorem sine consensu Domini sui facere potest, deteriore non potest sine ejus & agnatorum consensu. Quemadmodum in Jure Civili, fiduciarius hæres res fideicommissarias alienare, deteriorare aut pervertere non potest, in fide commissarii detrimentum aut incommodum ; Sed maxima omnium & potissima ratio est, quia Vassallus, ex alienatione prædii sui aut partis ejusdem, pauperior & infirmior ad Domini onera subeunda redditur. Nam qui ex toto feudi patrimonio vivere nequibat, multo minus ex parte ejus aut portione aliquâ reliquâ. Itaque cum certum sit, Vassallum, ob inopiam, Domini servitia sustinere non posse in ea dignitate, quâ prius, gravissimè in Dominum peccare, ejusque meritorum oblivisci Vassallum concludunt feudistæ, cum certum sit feuda concessa ob causam servitiorum: quibus aut cessantibus cum exigerentur aut cum pristina dignitate non exhibitis, feudum etiam ex jure Civili repeti posse, ex capite causâ datâ, causâ non secutâ : Adeo quod omnes hæc alienationes contra tenorem investituræ fieri videantur, cum Dominus tantum Vassallo & ejus hæredibus tenorem investituræ intendat ; Hæc fortasse prolixius ; Sed cum hæc recognitiones, ( quæ nihil aliud sunt quam retractationes judiciales ob alienationem feudi aut majoris partis ) apud nos hodie sint frequentissimæ, nec rationem aut ullum æquitatis fundamentum habere à plerisque putentur & propterea inter causas odiosas

*Alienatio-  
nis nomine  
quid com-  
prehendatur.*

vulgo numerantur, cum tamen re verâ certissimis rationibus innitantur, magnamque secum aequitatem trahant, Vassallique in Dominum ingratitudinem maximam inducant. Et hæc de causis & aequitate hujus actionis operepretium huic quaestioni duxi præmittere. Alienationis nomine comprehenditur permutatio sive quicunque alius contractus, per quem, cum traditione, jus reale acquiritur; immo nec testamento disponere sine licentia Domini, nec legare etiam ad pias causas aut Ecclesiæ permittitur. De hac feudi seu feudalis prædii alienatione sive in toto sive in parte diversimodi erant Imperatorum statuta & edicta, & proinde diversimodi jura: nam antiquitus totum feudum alienare licebat, etiam Domino inconsulto, aliquando partem licebat in libellum seu emphyteus dare. Nam libellus & emphyteus in jure feudali penè confunduntur, vel etiam in pignus concedere: sed cum manifesta fraudes fierent Dominorum servitiis à Vassallis & incommoda magna emergerent quotidie, quæ antea non erant prævisa, factum tandem est, ut omnis feudi alienatio sive in toto sive in parte prohiberetur sine consensu Domini, primo per Lotharium & post per Fridericum Imperatores, (ut singula super hac re extantes constitutiones manifestant) & hoc sub quocunque prætextu vel pignoris vel venditionis vel permutationis aut solutionis debiti aut emphyteus, etiam si pretium accesserit & numeretur, adeo ut Baldus putet, ob alienationem minimi celsipis in feudali prædio totum feudum amitti: neque solum pretium amittebatur, sed etiam Scriba, qui instrumenta alienationum confecit, manus amissione & perpetua infamiae notâ puniebatur. Quæ prohibitio alienationis adeo stricta erat, ut si venditor, antequam alienatio resciscatur, illud recuperet, retinere tamen feudi nomine semel amissum jure non possit, Et malæ fidei emptor, etiam si pretium restituendum, feudo evicto, stipulatus fuisset, illud tamen amittet, bonæ fidei emptor recuperabit pretium, etiam si expressè renunciaverit eversioni. Notandum tamen hoc est, paria esse, sive Dominus consentiat sive ejus procurator speciale ad hoc mandatum habens, nec Dominus semel consentiens panitere potest: Consensus autem hic tam ante actum, in actu & post actum intervenire potest sive vivo sive mortuo alienante accesserit: Nec tacitus Domini consensus sufficit, veluti si præfens sit in actu nec contradicat, sed actum aliquem Domini oportet intervenire qui consensum operetur; nam quod fit aut fieri debet cum licentia, expressum consensum requirit, licet tunc quod cursu decennii si Dominus præfens sit & sciat, nec contradicat, consensum putant præsumi & pro eo sufficere, Si plures sint Domini, unus mediat, alter immediatus, sufficit immediati consensus.

*An tacitus  
Domini con-  
sensus suffi-  
ciat.*

Ex nostro usu, ut sæpè monui, mitiores semper poenæ placuerunt & licet hæc feudi alienatio prohibeatur, non tamen hæc prohibitio ita locum habet, ut Vassalli necessitatibus, in quas sine ulla culpa & non temerè inciderat, alienando non succurratur: nam ut majoris partis feudi adhuc alienatio prohibetur sive sit novum sive antiquum, nisi quis totius feudi amissionem pro poenâ incurrat, sic si ex feudo tantum relictum sit Vassallo, unde se pro servitio Domini tueri commodè & servitia debita pro dignitate sustinere possit, privatione feudi non est puniendus; Vidi enim in causa recognitionis inter Regem & Comitem Glencarnium deducta & in dispositione dicti Domini per eundem Dominum Regem facta, cum de delicto transisset, causam amissionis feudi sive recognitionis hanc exprimi, ob alienationem dicti feudi, in tantum quod ei non supererat relictum ex eo feudo unde commodè se tueri possit & Domino debita servitia exhibere, Et hæc eadem & sola causa recognitionis in Anglia est, nempe si talis alienatio sit, ut ex reliquis fructibus prædii feudalis non supersit, unde se Vassallus alere possit, aut Domino suas operas pro dignitate præstare, quæ quidem ratio optimè cum jure feudali scripto & constitutionibus Doctorum duorum Imperatorum convenit; Nos tamen hodie certius aliquid in his alienationibus sequimur; nam cum quid Vassallum alere & sustinere possit & quid ad Domini servitia requiratur sit incertissimum & causæ cognitione hic opus sit, in qua pro varietate personarum tam Vassalli quam ipsius Domini variae possunt opiniones surgere, & in ipsorum servitiorum qualitate aliquæ etiam controversiæ, nos mediam quandam viam sequuti sumus, ut incertitudine relicta, quatenus providi poterat, ad certam regulam rem totam decerneremus. Itaque apud nos non procedit recognitio, nisi ex dimidia parte feudalis prædii, sine consensu Domini, fiat alienatio; Sed ne sic quidem fraudem Vassallorum Domini evadere poterant, cum neque feudale prædium ipsum, neque ejus partem alienarent, totum tamen feudum ita gravarent, vel annuis redditibus vel aliis oneribus, ut eorum solutioni fructus feudales non sufficerent, itaque ne fraus legi fieret, salvis verbis mentem & sententiam legis circumveniendo, introductum



productum est jure nostro, ut quoties hi annui redditus five onera & gravamina dimidietatem fructum aquarent, perinde esset, ac si ipsa dimidia pars ipsius feudi esset alienata; quid enim interest in servitiis Domini, utrum ipsius feudi dimidium alienetur, an dimidia five major pars fructum exhauriatur? Par enim in utroque casu Domini est incommodum & utroque modo aequè inhabilis & ineptus ad servitia sustinenda Vassallus erit. Præterea ut res omnis extra controversiam sit, non solum requiritur ut dimidietas feudi alienetur, sed etiam ut plus quam dimidietas, alioqui feudum Domino neque in toto neque in parte aperietur. In hac dimidietate feudi aut fructum æstimatio utrinque fiet, ex veteri extento, veluti si prædium feudale ad viginti marcas terrarum, quindecinvirali sacramento extendatur & undecem marcata alienata sunt, aut si extentus non sit, per aratra fiat æstimatio, nempe si feudum ex viginti aratris constet & undecem aratra sunt alienata, sic in jugis boum: At in æstimatione annuo um reddituum & gravaminum alia ratio est habenda, nam tum fructus æstimantur, quos feudum solet Domino pendere aut qui ex cultura solent communiter provenire, eis omnibus æstimatis & in cumulum congestis, si plus quam dimidia pars in annuis redditibus & oneribus exhauriatur, feudum in totum Domino aperitur Vassallumque in perpetuum à feudi proprietate & Dominio utili cadet. Adeo autem hæc alienatio feudi sine consensu Domini est prohibita, ut si Vassallus feudum alienaverit aut hypothecæ subjecerit, sub pacto de retrovendendo, quod nos reversionem dicimus & postea illud redemerit aut aliunde mox recuperaverit, ita ut Dominus in suo servitio nullatenus præjudicatus fuerit, imo fortasse ignoraverit hanc alienationem, donec ad eum locum redierit, à quo profecta est, etiam in hoc casu feudum Domino aperiri & jus vult & nos nostris moribus recepimus; nam ingratitudo semel in Dominum commissa & proinde jus semel Domino acquisitum, nisi ex ejus voluntate, non remittitur, licet te am plerosque magui nominis juris feudalis interpretes aliud sentire, si incontinenter feudum recuperaverit, cum res facillimè ad suam naturam, ut putant illi, revertatur; & in jure civili uxor quæ decesserit & mox redierit, ne diverti se quidem censeatur; & interim Dominus nihil in omnimodi in suo servitio perperissu sit, quæ sola causa est cur hæc alienatio prohibeatur.

Hæc autem feud alienatio, usque adeo prohibita est, ut ne necessitate coactus Vassallus feudum Domini sui, five quod a Domino habet, alienare possit; nam licet necessitas (ut vulgo loqui solemus) legem non habeat, neque ulli juri aut legi subiacet, & sapientissimè quod illicitum alioqui in jure est, licitum faciat & necessitatis causâ jus & juris dispositio plerumque suspendatur, licet omnino non tollatur, tamen ne in hoc casu necessitatis, Vassallus feudum sine Domini consensu alienare possit, debuit enim Vassallus apud se expendere se feudum à Domino habere, non ut pro arbitrio suo abutatur, sed ut Domino inde frui possit & feudi non solum quædam ex parte, sed omnino quasi alieni aut saltem alteri obnoxii possessore non esset, itaque debuit rem probè & fideliter administrare, pro utriusque commodo & instituto, non autem profunderè & in alios transferre; Nam Dominus nunquam ei concessisset, si eum obligatum providere potuisset. Itaque si Vassallus in eam necessitatem se conjecerit, unde nisi ex venditione feudi se non potest liberare, miseratione non est dignus, cum suo merito calamitosus sit, nec Domino potest præjudicare. Sed nihil est à Jure tam benè constitutum, nec nostris moribus observatum, quod fraude hominum non possit perverti; Exempli causâ, hæc feudi alienandi prohibitio, licet optimâ ratione introductâ, tamen subtili Vassallorum calliditati reprimendæ non sufficit; Nam quod sine Domini licentia facere se non posse, aperte sciunt, id callidis machinationibus ad effectum tamen sæpe producunt; Si quidem, ut antea monui, qui feuda sua disponere & Dominum mutare intendunt, solent privatim simulato creditori, sed verò emptori obligationem suam concedere, pro gravibus pecuniarum summis & quæ valorem ipsius feudi superant longè & cum talis creditor obligationem vel in acta redegerit vel ex ea sententiam fuerit consequutus, discussis mobilibus, (quod ex collusionem facile fit) tandem & ipsum feudum hæc subijcit, quo legitime, ut fieri solet, quindecinvirali iudicio æstimato & pretoriarie pro ea summa suppositio creditori huic assignatur, quo facto solet hic novus creditor, literis ex Cancellaria impetratis, Dominum cogere, ut eum in Vassallum recipiat, alioqui jus Domini five superioritatis durante vita amittiturum & sic pessimorum hominum vassallicæ fraudis manifesta fit legi, quodque Vassallus apertè & directè facere invito Domino non potest, obliquis cuniculis ad eventum perducit, quod meo quidem iudicio non est permittendum; Si quidem ex jure, quod quis uno modo five directè facere non potest, nec alio modo

*Quomodo  
æstimatio fi-  
et hujus di-  
midii.*

*Paria esse  
simpliciter  
& sub rever-  
sione alie-  
nare.*

*An Vassallus  
necessitate  
coactus alie-  
nare possit.*

modo sive obliquè potest & qui propter necessitatem ipse alienare non potest, neque contrahere eas summas potest, quæ ad alienationem non voluntariam possunt cogere. Memini de Domino de Petligo, qui cum duas reliquisset filias & in lecto agitudinis, ex qua mortuus est, jam constitutus, cum sciret feudum ratione talliæ ad alios perventurum, neque se quicquam in eo statu vitæ ex patrimonio suo posse providere filiabus & omnes alienationes jure nostro tum prohibitas, obligationem cum interposuisse, pro duodecem millibus marcarum filiabus suis solvendis, magna sane summa, ut ea erant temporis; Quæ cum ex ea obligatione pecuniam debitam repeterent ab hærede talliæ. Senatus earum petitionem rejecit, eâ ratione, quod cum Pater earum tempore confectæ obligationis alienare quicquam ex patrimonio non poterat, sic nec eas obligationes contrahere; quarum solutio sine alienatione partis prædii feudalis fieri non potuit; quod si in his litationibus locum haberet, non tot fraudes quotidie occurrerent.

*An Vassallus alienare possit ut filiam dotet.*

Sed licet in hac alienatione feudi prohibita, favor Domini in multis præponderet, quæri potest, si Vassallus filiam ex feudo dotet, an favor Domini etiam in hoc casu locum habeat. Aut si Vassallus toto feudo filiam dotare non potest, saltem feudi partem aliquam possit alienare ut ex pretio eam dotet; nam dotis causâ semper in jure favorabilis existit & interest reipublicæ, mulieres esse dotatas: Sed profecto, ne filias quidem Vassallo elocare licet, in præjudicium Domini & in hoc etiam favor Domini favorem dotis prægravabit; neque obstat quod Vassallo forisfacto, sive lesæ majestatis damnato, licet filiis legitimæ non debeantur, filiabus tamen dotes competant; non tamen idem in hac prohibita feudi alienatione, licet species quædam sit forisfacturæ; immo jure nostro ne in forisfacturis unquam de dote filiabus provideri memini, nisi forte Rex misericordiâ motus id ex liberalitate sua concessisset. Hoc tamen & in jure & moribus nostris observatur, ut ne filiam ex feudo dotare possit Vassallus aut saltem quod mediam ejus partem excedat, potest tamen Vassallus, ex jure, pro dote filiæ aliquot annorum fructus ex feudo percipiendos assignare, licet etiam hoc casu aliquod in Domini servitiis incommodum sequatur, nam aliqua ratio dotandæ filiæ, si non in totum, saltem in partem permittitur ob favorem dotis. Huic similis est & hæc quæstio, an mulier Vassalla maritum suum dotare suo feudo possit id est feudum ratione dotis in maritum transferre, inconsulto Domino? Sed mirum est quod in hoc casu juris interpretes permitti & licere volunt, ratio est, Vassallam jus non præsumit sine Domini consensu marito elocatum & maritum ei ex Domini arbitrio electum, cui si partem feudi aut etiam totum alienaverit, videtur adhuc feudum in eadem familia remanere, nempe apud hæredes Vassallæ & Dominus dum consentit matrimonio, videtur fidem & operam mariti sequutus, itaque noster novus Vassallus ei invito, in hoc casu, obtruditur.

*An Vassallus servitutem imponere possit.*

Ut autem Vassallus sine Domini consensu alienare non potest, ita neque servitutem imponere potest; saltem gravem, ut volunt Doctores; Rationem hanc reddunt, quod feudi conditionem meliorem reddere possunt Vassalli sine Domini consensu, deterior tamen non possunt, nam feudo per recognitionem ad Dominum redeunte, servitutes Dominus à Vassallo impositas, sine suo consensu, agnoscere non tenetur.

*An possit transigere.*

Sic Vassallus de feudo transigere non potest ita ut ex hac transactione feudum ad alium devolvatur; nam transactio est species quædam alienationis, Sunt tamen Doctores qui putant licere, dummodo probabili timore litis & sine fraude, sed bona fide transactio fiat. Ego & in hac causa considerandum puto & Domini consensum saltem requirendum esse, cum in bona fide Vassallus esse transigendo non possit, nisi Dominum faciat certiores, quippe cum, moribus nostris, ne finium regundorum ipsius feudi agere liceat Vassallo, nisi cum Domini consensu, saltem si ad id judicium Dominus vocatus non fuerit: Si autem ita transigat, ut feudum apud Vassallum & suam familiam maneat, puto transactionem hanc sine Domini consensu non nocere.

*An Vassallus compromittere possit.*

Nec dissimilis est ea quæstio, an Vassallus sine consensu Domini de feudo compromittere possit, cum compromissio speciem habeat aliquam transactionis? Ratio dubitandi hæc est, quod ex jure qui alienare non potest, neque compromittere: Doctores in hoc casu distinguunt, in arbitrium quidem posse compromitti volunt, non tamen in arbitratorum, ratio diversitatis est, quod arbiter ad formam judiciorum procedit, eam in omnibus sequitur, & ut Vassallus sine Domini consensu in judicium aliquando volens, aliquando coactus descendit, sic in arbitrium potest compromittere, nam apud eum omnia majore cum solennitate & judicio fiunt: arbitrator vero omni formâ processus neglectâ, sine ullo strepitu judiciali aut partis præsentia aliquando procedit, & ex sua sententia & non

*Differentia inter arbitrum & arbitratorum.*

ex perscripto legis omnia moderatur : Itaque majoris fraudis suspitio contra Vassallum exurgit in arbitratore , quia majus periculum ab eo imminet , proinde in arbitratorem compromittere Vassallum sine consensu Domini jura non patiuntur , ne Dominus in fraudem & denique amissionem feudi , quod de eo tenetur , fraude Vassalli incidat : neque potest Vassallus feudum suum sine Domini consensu oppignorare aut hypothecare ; Pignus tamen pratorium vel judiciale etiam invito Domino super feudo constitui potest , si Vassallus unde creditoribus satisfaciat non habeat ; (a) Differentia enim est inter pignus conventionale & pratorium (b) sed nec feudi causam deferre juramento potest sine Domini consensu , nisi ita ut feudum apud se remaneat.

Sed gravis & dubia quaestio in jure oritur ex hac prohibita feudi alienatione , liceatne vassallo alii subfeudare id est alium in suum feudum ut valvasorem , invito aut ignorante Domino , investire de se tenendum , qui tamen ad debita Domini servitia praestanda sufficiat , nam subfeudare vassallo licere , ex jure feudali , multis locis constat id est sibi in feudo substituere ; (c) at si hoc liceat , quorsum tam multae disputationes & subtilitates de prohibita feudi alienatione ; cum quae alienari non possunt , neque in feudum dari possunt ; Et si in feudum dari possunt , etiam alienari possunt , quid enim aliud est subfeudatio , quam species alienationis & si subfeudatio teneat , cur non & alienatio ? praecipue cum etiam locatio in longum tempus , ut supra dixi , quasi alienatio quadam sit & in jure prohibeatur . Quod ad me attinet *αντινομία* hanc in jure feudali difficillimam semper putavi , cum in eodem loco , ubi alienatio prohibetur , subfeudatio permittitur & glossa se multum torquet in hujus nodi solutione , quam tamen in omnibus non probat ; utcumque est , hac est omnium interpretum quos legi in hac quaestione sententia , ut licet alienatio feudi prohibeatur , tamen subfeudatio sit licita modo sine dolo & bona fide fiat , (d) Alia enim illis est alienatio à subfeudatione , nam alienatio videtur pura feudi dispositio , quae sine consensu Domini fieri non potest , at subfeudatio est quasi species libelli & emphyteusis , in qua idem Vassallus qui prius retinetur , eodem modo ad Domini servitia quo prius obligatur , nullam parte Dominicae obligationis dimittit & Domini conditio ad servitia non redditur deterior , cum horum servitiorum praestatio tanquam onus , semper feudum etiam in persona emphyteutae concomitetur , feudumque pro eo d stringi possit : quod & cum usu nostro convenit , nam feudi alienatio saltem majoris partis est prohibita strictissime , ita ut si fiat , feudi privatio pro pena sequatur ; at in emphyteusim dare apud nos speciali statuto licet , maxime pro eo canone , qui ad justam aestimationem veteris canonis extendit & qui in emphyteusim locat , non solum solam superioritatem apud se retinebit sed veris proprietarius id est dominus directus respectu hujus subfeudationis erit ; quippe qui fructus feudi percipit , saltem eos aestimatos secundum veterem aestimationem , ex quindecimviri sacramento stabilitam & proinde Vassallus & Dominus adhuc remanet fructusque percipit ab emphyteuta , qui non Dominus , sed perpetuus colonus tantum reputatur & emphyteusis nihil aliud est nisi locatio ut fundus melioretur & colatur , Domibus , arboribus & pomariis & vir daries exornetur : Et hac est hujus nodi solutio aut ego nullum alium novi ; Neque tamen hac in emphyteusim locatio ita Vassallo libera est , ut cui velit possit eum concedere , sed tantum ut in emphyteusim minori se , vel saltem pari aut aequali sibi liceat locare , ita ut Domini conditio quatenus ad servitia non sit deterior aut difficilior , nam si subfeudet aut in emphyteusim locet , majori vel dignitate vel potestate , à quo difficilior servitia exigi possunt ; puro eam subfeudationem non valere , facilius enim tenuiores quam opulentiores seu potentiores serviunt ; Itaque ut subfeudatio ex jure licite fiat , hac tria concurrere necesse est , ut sincere fiat , neque sub nomine infeudationis , venditio coloretur ; & quod fiat alteri ejusdem conditionis & in eodem pacto & conditionibus quibus ipse prior astringitur . (e) Si tamen feudum sit in cuius te five districtu Domini sui situm , ne his conditionibus subfeudare licet , (f) sed non obstante hac subfeudatione omnia jura Domini superioris integra debent servari , mortuo Vassallo , nisi in Vassalli monumentis & investitura , expresse cautum sit , ne possit quovis modo alienare , nam prohibitio hominis concurrens cum prohibitione legis , omnimodam alienationem prohibet & nullum praetextum , nullam speciem admittit , duo enim vincula sunt uno fortiora ; Sic clausula irritans in emphyteusis locatione , cum eadem ex communi dispositione legis adjuncta , excusationem omnem alienationis à Vassallo tollit . Dixi in principio sine dolo malo ; nam si fraus intervenire , veluti si quis discendentes aut alios non habeat , ad quos feudum se mortuo pertinere potest & sit senex vel castratus , si his casibus subfeudet , ut Dominum fraudet ,

non

(a) Alvarez.

c. 1. §. quid

ergo. De in-

vest. de re a-

liena §. 1. a

Barr. &amp; Al.

&amp; DDI si

finia. §. 1. de

vest. galibus

ff. de damno

infecto.

(b) Vid. gloss.

&amp; Barr. in l.

1. de p. g. act.

nos. arresta-

tion. &amp; dicitur

quae &amp; jura

nostro super

feudum con-

sensus potest.

An subfeu-

dare liceat.

(c) c. 1. De

prohibita

feudi alie-

natione per

Fr. de cons.

(d) c. 1. §. 1.

sed etiam

De quos

§. 1. invest.

ura. Lib. 2.

Feudor.

(e) Text. in

c. 1. de feudo

defuncti

(f) Alvarez.

super c. 1.

Quibus modis

feudum amitt.



(a) glossa &  
DD in c. 1.  
sec. sed &  
res Per quos  
fiat investitu-  
ra.

An in longis-  
simum tem-  
pus possit lo-  
care.

(b) Scho. in  
not. sup. ibi.  
6. Dis. 10  
lib. 2.

(c) Curt. p. 4  
num. 9.

(d) Curt. p. 4  
nu. 95.

Alienatio  
non fit sine  
sacina sive  
traditione.

(e) Za. p. 10  
num. 8. Scho.  
ibi. 5. Dis.  
10. lib. 1.

(f) Paul. de  
cast. l. 1. sec.  
Si ren. ff. de  
possi.

(g) Cur in p.  
4. nu. 85 &  
DD commu-  
niter in c. 1.  
Qualiter  
feudum olim  
alienari po-  
terat.  
Lib. 2. feud.  
De clausula  
salvo jure  
Domini &  
similibus.

Ignorantia  
probabilis  
excusat.

non permittitur, ut neque si Ecclesiam subinfeudet quia servitia ab ea difficulter exi-  
guntur. (a)

Quod autem de alienatione diximus, idem doctores putant, de longissimi temporis  
locatione, nam eadem ferè videtur causa ingratitudinis, præcipue si ob imaginarium præ-  
tium aut mercedem locetur feudum; Nam locatio longi vel longissimi temporis est spe-  
cies quædam alienationis & sub alienatione continetur & fraus fieret legi, nisi & locatio  
longi vel longissimi temporis simul cum alienatione prohiberetur, licet longum tempus  
definatur decennium (b) immo ne in novem annos locare licet cum pacto de renovan-  
do toties quoties; nam sic fraus fieret legi, immo nonnulli putant ne in potentiorum, pro  
tempore parvo fieri posse (c) Alienationis nomine omnis venditio, permutatio in dotem,  
aut solutum datio, ut dixi, comprehenditur, Sive illa alienatio sit voluntaria sive neces-  
saria, semper Vassallo censetur interdicta, etiam licet Domini conditio non fiat deterior:  
nam feudum affectum est & non est Vassalli solius, sed potius Domini, itaque semper de-  
bet ei servari electio sui Vassalli; Sunt tamen qui putant Vassallum posse pro necessita-  
tibus ex causa feudi provenientibus, veluti pro servitiis Domini posse eatenus alienare.

(d) Alienatio autem hæc tum fieri dicitur, si traditio subsequuta sit, quam nos sacinam  
dicimus, adeo ut licet Vassallus, de alienando contraxerit; immo licet pignus in feudo  
constituerit; si tamen traditio non subsequatur, non censetur alienatio, quia Domini  
non est translatio; Idem si alius quicumque contractus super feudo inearum, si ex eo tradi-  
tio sive investitura non sequatur. Sufficit autem hæc traditio sive propria fuerit sive  
abusiva (e) Quod si traditionem Vassallus fecerit, ea tamen sit invalida & nulla, exem-  
pli causâ, si chartam dederit de fundi alienatione tenendam de Domino superiore, quam  
sacina sequatur & Dominus superior neque confirmaverit neque ratam habuerit, videtur  
hanc alienationem nihil periculi secum trahere, cum conditionalis videatur & sub hac  
conditione contracta, si Dominus ratam habuerit aut confirmaverit; quæ conditio cum  
non evenit & alienatio nulla fit ex defectu consensus superioris & paria sunt in jure, om-  
nino non fieri & non legitime fieri; Videtur in his casibus Vassallum in pœnam non in-  
cidere; sed profecto in hoc casu puto etiam feudum Domino aperiri, nam quodocun-  
que Vassallus id omne fecit & exequutus est, quod in se erat, licet factum illud de jure

non teneat, tamen quatenus in se est Domini mutationem se velle, testificatus est, fidem-  
que fregit, in hoc etiam casu à feudo cadet, licet alienatio nulla sit, (f) neque enim alia  
dispositio, quæcunque ea sit feudi, inficio Domino, valet & tamen Vassallum ob operam  
contra Dominum navatam feudo privat; Nuper tamen Senatus in causa inter Advocatum  
regium & Kennethum Makenze, & Bane alter censuit, ex traditione ejus, nullitas  
etiam ex post facto sequuta, nempe quod sacina intra 40 dies non erat registrata, neque  
ex tali traditione feudum in commissum cadere voluit, hanc tamen subinfeudationem,  
mortuo suo Vassallo, Dominus, etiam si subvassallus paratus sit servitia debita præstare,  
agnoscere seu ratam habere non tenetur. (g) Quod si traditio sive investitura facta est,  
hac lege, salvo jure Domini mei, vel, si Dominus voluerit & consenserit, alieno, quia to-  
ta hæc alienatio conditionalis & proinde deficiente conditione non valeat, in hoc casu  
feudum Domino non aperiri putant Doctores, itaque ad evitandam pœnam Baldus & re-  
liqui feudistæ tutius esse putant, si post illam clausulam (Salvo jure cujuscunque) quæ in  
antiquis investituris erat frequentissima, addantur hæc verba & præcipue salvo jure Do-  
mini mei, vel si Dominus meus consenserit & non aliter aliâs neque alio modo; hoc  
enim modo pœnam evitari posse putat, nisi in clausula illius appositione fraus manifestè  
appareat, veluti si Vassallus castrum vel feudum potentiori forte tyranno tradiderit, à  
quo possessio difficulter recuperari potest & servitium nullum expectatur, non enim facili-  
ter potentiores ab inferioribus in ordinem rediguntur aut ad servitia coguntur; Itaque in  
hoc casu vassallus à feudo cadet, non obstante protestatione, cum sit factio contraria. Idem  
de clausula, vendo tibi si possum facere de jure, quod ob eam Vassallus non cadet à feudo,  
Si tamen dicat salvo jure, salvo honore, sive consensu Domini, communiter hæc clau-  
sula non sufficit, sed condemnat; In hanc autem pœnam Vassallus incurrat, si sciens aliena-  
verit, cum tamen ignorantiam prætendens, vix audiendus sit, cum sit crassa ignorantia  
feudi sui conditionem ignorare, possunt tamen casus, aliquando intervenire, cum quod re-  
vera feudum sit, emphyteusim quis credat: aut feudum non militare, quod esset militare,  
in tali causa feudum Vassallus non amittere, sed excusabitur; Exempli gratiâ; si inve-  
stitura ita concepta sit, ut decem libras Domino solvat, cum servitiis aut servitio debito  
aut consueto, reverâ feudum hoc est militare & tamen quoniam annuam præstationem  
continet,

continet decem librarum, ppterit quis probab liter induci, ut feudum credat emphyteuticum, in quem errorem semel multos viros magnos incidisse novi; cum revera hoc esset feudum militare & servitia deberet & præterea censum; non enim quavis annua præstatio emphyteusim inducit, nisi exprimat hanc præstationem nomine feudifirmæ fieri; Sic si quod putaverat francum feudum fuisse, sit tamen militare & custodiam & relevium debeat, in quâ distinctione, inter feudum Francum & Militare, multas novæ dubias quæstiones ortas, quæ judicium multorum fatigarent; Itaque in his veniæ sive excusationi locus est, si modo probabilis erat ignorantia, plerumque etiam juramento Vassalli permittitur hæc ignorantia, nisi præsumptiones in contrarium urgeant; Nam antequam ejus juramento permittatur, multæ & probabiles rationes concurrere debent, quæ pro Vassallo faciant & conjecturis & præsumptionibus res est examinanda: Quod si Dominus pluribus & gravioribus præsumptionibus nitatur, non est deferendum iuramentum Vassallo, semper enim in iure plures præsumptiones vincunt pauciores & graviores vincunt minores. Usque adeo hæc alienatio prohibetur, ut neque Domino bannito aut excommunicato liceat, cum tamen interea, neque ad servitia, neque fidelitatem Vassallus obligetur, manente banno sive rebellionem aut excommunicationem, sed expectandum est, donec Dominus banno aut excommunicatione liberetur, ut ejus consensus habeatur. Filii etiam, si sit hæres apparens, consensus non requiritur: Potest tamen apud nos quæstio moveri, si filius sit in feudo & apud patrem sit liberè tenementum reservatum, an vi hujus reservationis, possit alienationi Vassalli consentire. Et quoniam ex jure nostro, cui liberetenementum concessum est, mutatio Vassallorum permittitur & feudi renovatio, de persona in personam, potest etiam dici in hac specie liberetenentis consensus sufficere, ut in feudo Ecclesiastico solius Prælati consensus sufficit, licet nudam administrationem tantum habeat, sed profecto cum consistere nemo hic possit, qui non alienare, puto aliquid majus hic esse, quam quod a Domino liberetenementario præstari possit, neque ejus consentum sufficere, sine consensu filii, in cujus persona feudum consistit, sed malo in dubio quæstionem hanc relinquere, quam temerè aliquid affirmare: Si plures sint Domini, unus consensus non sufficit, nisi pro sua parte, sed & aliorum pro suis portionibus consensus requiritur. Nos hæc molestia liberamur, cum dominium directum apud nos non sit divisibile & ad unum tantum pertineat. Consensus autem hic, debet esse Domini immediati, non mediati superioris, licet quidam utriusque consensus requirant. Hæc autem prohibitio, non extenditur ad alienationem quæ in eum fit, qui immediate in feudo successurus est; Nam cessant omnes prædictæ hæ rationes. Remanet enim feudum in ea familia, quam sibi Dominus ad servitia & consilia domi & militiæ delegerat ab initio: Idem plerique ex jure putant, si certæ personæ in investitura sint comprehensæ, ita ut unus alii substituatur aut unica familia alteri, ut apud nos in feudis talliatis videmus, ut alienatio a Vassallo facta, in quamlibet harum personarum valeat; nam personæ hæc à principio à Domino selectæ inter quas feudum remanere voluit, videntur; Si quis sibi & Henrico filio investituram sumptis alienando, non præjudicat filio & apud nos si expressè fuerit sibi & filio, nomine filii expresso, filius in feudo dicitur esse. An tamen pater aut frater vassallus, ex pluribus liberis aut fratribus, unum possit eligere & successorem sibi designare, licet is, ex ordine per legem constituto, non sit successurus forte, cum qui immediate successurus sit, aliquem defectum aut mentis aut corporis pariat. Nam & hic cessant omnes rationes quæ alienationem feudi prohibeant, si quidem feudum in familia à Domino electa à principio remanet & fortasse magis idoneus ad servitia Dominici seligitur, in quo Dominus præjudicium in servitiis pati non potest, immo in meliore conditione constituitur, cum ex quatuor aut quinque liberis aut fratribus commodissimus ad servendum Domino infeudetur. Et sanè in hac quæstione Doctores controvvertunt, vel maxime & sunt qui putant in his feudalibus dignitatibus, quales sunt Ducatus, Marchionatus, Comitatus licere, cum sint indivisibiles & qui eis fruuntur quæque magis digni sunt, magisque rempublicam possunt promovere præferendi videantur, quasi ad eam dignitatem sustinendam aptissimi, meo judicio quidem non licet sed vel naturæ & juris ordo sequendus aut Domini electioni, si quæ fuerit electio, res permittenda, saltim in his inferioribus feudis, quæ secum dignitatem non trahunt.

Supere est ut videamus, in quibus feudis hæc prohibitio & pæna locum habent, Sanè In quibus apud nos locum tantum habent in feudo militari, quod Wardam & Relevium debet. In feudo Re-

& ecclesiasticum, Vassalli, reliquis, quæ observari debent, solenniter observatis, possunt vel in toto vel in parte alienare, etiam Domino invito & non consentiente; licet in feudo franco aliud Baldus putat, (a) & sanè rationem æquitati nitentem adducit. Nam, inquit, feudum francum, licet à serviciis sit immune, non tamen ab eis officiis, quæ sine servicio præstari possunt; nam tenetur Vassallus francus secretum Domini sui non prodere, infidias si quas sciat prohibere, feudum sine ejus consilio & consensu non alienare, cum talis vassallus non minus ad fidelitatem teneatur, quam quivis alius & contra fidem facere videtur, qui Dominum mutare & alium vassallum ei obtrudere velit, cujus consilio saltem, si non servicio uti possit, idem sentit & Iason (b) Utcunq; hi volunt, alii tamen contra sentiunt & nos nisi in feudis militariibus prohibitionē hanc non servamus, in reliquis feudis, liberā vassallis potestate permittitur, ut pro suo arbitrio, feudis suis utatur & abutatur.

(a) Bald. in c. inter dilectos m. 6. & 8. Extra de fid. insiru.

(b) In praeludiis feudorum, m. 1:4 1:8.

Tenor Investiture in Recognitione observantus.

In hac Recognitione, duo sunt potissimum observanda; Primum, tenor Investituræ, quidq; in ea contineatur: Secundum, mos Regionis in qua res geritur. Quod ad primum attinet, verba Investituræ, legem feudo semper dant, ut antea monuimus, itaq; si dominus tantum feudum concesserit vassallo & ejus hæredibus, personam hæredum feudum egredi non debet; itaq; alienatio in quamvis aliam personam (nisi hæredem) amissionem feudi inducit & alienatio, si in alterum fiat, quam cum qui immediatè successurus est, in extraneam personam fieri dicitur: Quod si verba ferant dicto Vassallo & hæredibus suis aut cuicunq; alii velit concedere aut, ut nos verba concipimus, hæredibus & assignatis, in hac verborum conceptione, non puto locum recognitioni: Nam pleriq; omnes docti, Hortomannus, Zasius, Schonerus (c) & si qui alii melioris notæ sint feudistæ, per hæc verba, cuicunq; alii voluerit concedere aut cuicunq; velit, vassallo feudi alienandi potestatem tribui volent & vox (assignatis) cum eis quibus assignare velit, exegeticè concurrit, ut ex eorum sententiis, quoties verba infeofamenti primi diriguntur ad vassallum, hæredes suos & assignatos, eis verbis significatur, potestatem liberam vassallo tribui, assignatum particulare successore in feudo constituere sive feudum alii cedere, quod nihil aliud est, quam feudum alienare posse, cum ex usu nostro assignatus sive cessionarius, idem sit cum singulari successore: Idem plerique putant, si investitu a ita concipiatur, ut ad omnes seu quoscunq; hæredes transeat vel si vassalli hæredibus quis dederit aut assignatis, nam in his omnibus vassallo licetia permittitur, quos velit infeudari aut quibus velit alienare (d)

(c) Horto. in f. c. 27 feudatum dispositionum.

(d) Bald. c. 1. S. donare Qualiter olim feudum alienari poterat.

Mos regionis semper attendendus. (e) Glossa & And. de Iser in c. 1. Qualiter olim feudum alienari poterat. Curt. in cons. 171. quia consuetudo illa est contra Juris communis Reg.

Secundum quod observari debet, est mos regionis, in qua res agitur, nam feuda ferè omnia sunt localia & consuetudo regionis Regulam in eis facit, sed quando statuto vel consuetudine, alienatio permittitur, illa consuetudo sive statutum, strictè accipiendum est. (e) In Gallia feudum alienare vassallo, cui velit, sine distinctione aut discrimine licet, ita ut emptor fidelitatem domino jurare paratus sit & offerat, sic tamen ut ex pretio alienationis, alibi major, alibi minor pars domino debeat, nec in ipsa Germania Friderici edictum observatur. Apud nos, ut dixi, in feudo recto sive militari, ex quo Custodia cum Relevio debetur, hæc alienatio tantum prohibetur & ad feudi majorem partem extenditur, majorem autem censemus, quantumcunq; major est pars alienata, quam relicta Itaq; dimidii minoris alienatio, apud nos permittitur: Sed ut Imperator ipse loquitur, callidis hominum machinationibus, innumera fraudes in legem committuntur, itaq; solebant aliquando nostri, cum domini consensum non poterant obtinere, minus dimidium feudi alienare, tenendum de majore dimidio: Postea & illud majus dimidium, in emphyteusim locare: hodie tamen, quia brevis via est, totum feudum in emphyteusim locant, mercedisque solutionem, aliunde sibi provident, nempe per investituram in annuo redditu, super alio feudo, qui annuus redditus, valorem census emphyteutici æquet, quod si ex consuetudine aliqua solennitas requiritur, ejus omisso alienationem viciat, idem si hæc solennitas, statuto introducta sit. (f)

(f) Tiraque. l. 1. de retractionibus, gloss. 2. nu. 6. Iason l. f. nu. 139. C. de Jure emphyteutico. Ex Jure antiquo, proximi collateralis consensus requiritur.

Ex Jure antiquo feudorum, non tantum consensus domini requirebatur, sed etiam agnati proximi à latere, qui proximus, inquam, erat in successione collateralis; nam descendendum, si pater alienaverit, nulla habebatur ratio, quia ob patris factum, indigni reputabantur: Itaque potestas consentiendi, ad proximum agnatum à latere devolvebatur; adeo ut nisi etiam alienationi consenserit, revocandi habeat potestatem, etiam non soluto pretio Et in his omnibus casibus, quibus lege vel statuto, alienatio permittitur, Jus Protimefeos illibatum servabatur. De hoc Jure diegesi sequenti: sed de hac quaestione, cum diversæ & etiam inter se pugnantibus sint feudistarum opiniones, nec multum ejus quaestionis tractatio, ad mores nostros pertineat, eam in diegesim sequentem differo. Movet autem quaestionem inter Interpretes, An generalis Domini consensus permit-



permittentis Vassallo, cuicumque velit aut quando velit feudum alienare, sufficiat & Vassalli alienationem excuset & sanè concludunt omnes generalem consensum sufficere, modo non porrigatur ad illicita; Nam sub generali clausula illicita non veniunt, itaq; non obstante generali clausula consensus, cuicumque volet Vassallus ut possit alienare, non potest tamen in inimicum Domini alienare, cum hoc semper prohibeatur & sit illicitum, neque in Ecclesiam valet alienatio, quia nec hoc permittitur, cum Domini conditio reddatur deterius, difficilius enim servitia, ab Ecclesia exiguntur, (a) Ratio est, quia in generali permissione, nunquam illud concessum intelligitur, quod quis verumimiliter in specie non fuisset permissurus; sunt qui idem putant in civitate & communitate (b) Hæc ideo ne sub generali illa permissione, nominandi in Regno Angliæ successoris, Serenissima Regina patet sibi permissum, iustum & legitimum Hæredem successione privare. Quid vero dicet aliquis, si specialis sit consensus, ut si dominus ut in certam personam alienet, Vassallo permittat aut consenserit ut unam partem tantum alienet, consensus hic ultra eam personam & partem non extenditur, adeo ut neque alii, neque plus quam permissum est, Vassallus alienare potest; Sic si dominus, ut totum feudum Vassallus alienet, consenserit & ille partem tantum alienaverit, non minus feudo privabitur, licet regulariter in toto pars insit; nam dominus in partis alienationem non consensit, sed totius, quid enim si domini intererat partem non alienari, cum totum alienatum è re sua esset, (c) An autem in hac alienatione, tacitus domini consensus sufficiat, an expressus requiratur, plerique Interpretes dubitant, tacitum autem consensum dicunt, patientiam cum scientia; veluti si dominus patiatur emptorem uti & frui, cum præsens esset aut in proximo habitaret aut fortè si servitia aut obsequia ab eo receperit, nec in hac quaestione Doctores nostri inter se conveniunt; nam quidam taciturnitatem, cum scientia domini requirunt, Alii etiam præsentiam in actu. At sanior eorum videtur opinio & cum jure scripto feudorum & civili potissimum convenire, qui præsentiam cum scientia requirunt, non solum ad feudi jam accepti, in aliena persona, novam confirmationem, sed etiam ad novi feudi constitutionem; Scimus multa, jure feudali, testimoniis Parium Curia & aliquando testium probari posse, quæ aliqui scriptum requirerent Et feudum novum, longi temporis præscriptione, cum domini scientia & patientia constituitur. Immo si feudum à Vassallo alienatum, emptor, sciente & patiente domino, triginta annos possederit, semelque servitia præstiterit, præscriptione dominum agentem ex recognitione repellit (d): Si litera domini intervenerit, actum sibi placere, vel placuisse testantis, vel alienatio ejus sigillo roboretur, vel dominus servitia cepit, vel sciens in alienatione agnato facta per annum, Si extraneo, per triginta annos tacuerit, alienatio valet (e): Sed apud nos, neque præscriptio hæc locum habet & Domini consensus expressus in scriptis requiritur; Sed si consensus non sit adhibitus, nec à principio potuit impetrari, si tamen Dominus postea ratum habuerit, sufficit & retrahitur, modo nullum sit impedimentum, si utraque pars, saltem novus emptor adhuc vivat; nam puto confirmationem in persona hæredis non sufficere, neque enim verè dici potest, authorem suum in feudo decessisse prædij, quod & dec sum in Senatu vidi, in causa quæ inter Dominum de Grange & fratrem Domini de Phernehest, controversabatur; nam confirmatio à Principe impetrata illius investituræ, quod Jacobus Kircaldie de Grange filia suæ fecerat, rejecta est, cum ageretur de non introitu dictarum terrarum, quem supplere voluit Phernehestii frater, per confirmationem post excessum matris suæ obtentam, Sed frustra ob hanc potissimum rationem, quod nunquam dici potuit, verè illam in feudo decessisse; Hæc autem ratihabitio, sive per confirmationem, quæ universum tenorem Investituræ contineat: sive subscriptionem Domini ipsi investituræ, testificantis se consentire aut ratum habere quod factum: sive quocunque alio scripto separato, eam alienationem se ratam habere significaverit, ejusdem effectus sunt, idemque apud nos operantur, Neq; solum hæc ratihabitio expressa prodest, Sed etiam si quid Dominus post alienationes omnes fecerit, per quod jus qualecunque in Vassalli persona adhuc consistens, videtur approbare, toti huic recognitioni præjudicat, veluti si post omnes has alienationes & postquam sufficiens actio ad recognitionem competit, resignationem à suo Vassallo, vel ab eo cui alienaverit, receperit, sive in favorem Vassalli sive alterius; nam accipiendo resignationem, videtur jus resignantis approbare, itaque post eam non competit actio hæc domino, quod in actione inter Dominum de Calderwod & Maxuel de Aikinheid, decidisset Senatus, nisi quod resigna-

(a) Alvar.  
& præposit.  
c. 1. nu. 8. de  
prohibita.  
feudali alienat.  
per Frid.  
(b) Sebe. 75  
the. disp. 9.

(c) C. 1. de  
prohib. feud.  
alienat. per  
Frid. & ibi  
And. de  
Ifern. &  
præposit. 2. af.  
p. 1. nu. 36.  
& l. si de  
scria 31. C.  
de transact.

An tacitus  
domini con-  
sensus suffi-  
ciat.

(d) C. 1.  
1. ver. Porro  
qualiter feu-  
dum olim  
tex. in 4. 1.  
sect. Si quis  
per 30. annos  
& gloss. in  
sect. præterea  
cap. 1. Con-  
radi, & ibi  
Bal. nu. 4.  
Alvar. in 5.  
(e) Sehon.  
cum Annot.  
the. 7. disp.  
9. lib. 1.

tio illa facta est in manibus domini Regis, cum minor fuisset & ex Regis revocatione, ad non resignationem fuisset reducta; nam apud nos receptum est P. oreges five Regum Tutores aut Curatores, hanc licentiam non posse concedere, licet quidam feudistæ contradicunt. (a)

(a) Rosen-  
zallus q. 39.  
c. 4.

Supereft una adhuc quæstio, quæ me diu anxium habuit; nam cum liceat minus dimidio feudi, sine consensu Domini alienare & qui minus hoc dimidio acquirit, iustam & legitimam investituram videatur habere & ab initio rectè & solidè constitutam, nec ulli nullitati obnoxiam, qui fiat, ut Vassallo postea, vel totum feudum alienante, vel plus quam dimidium, non solum id quod jam alienavit, sed id quod ab initio legitime novo emptori acquisitum erat, jam etiam ei auferatur & totum feudum Domino aperiatur: Cum tamen tam Jure Civili, quam Canonico contineatur, ut quæ utiliter ab initio sint constituta, durent, licet ille casus exstiterit, à quo incipere non potuerunt, (b) Nam quod utiliter constitutum est; qui potest, ex alterius delicto postea corrumpi? cum sua mora, sua culpa cuique obesse debet, non alii & sanè mirum in hoc casu videri potest, cum tamen si illa minor pars, confirmationem à Domino habuerit, in illud periculum non incidat, nec tamen qui minoris partis investituram accepit, minus legitime feudum habeat, quam qui illam minorem à Principe aut Domino confirmatam habeat, Meo quidem iudicio, hæc ratio differentię est, quod qui dimidium minus feudi alienatum, sine consensu Domini habet, legitime quidem feudum constitutum habet, ita tamen quod ad illegitimum reduci possit, nisi domini superioris consensus adhuc accesserit. Itaque in pendenti quidem adhuc est illud feudum, dominusque cum primum feudum illi per recognitionem aperitur, totam alienationem, quasi unam & non separatam agnoscit. Neque enim prius Vassallus in eum peccat, quam si plus quam dimidium alienaverit, quo facto tam illud quod prius alienavit, quam illud quod post & etiam quod supereft adhuc non alienatum, in commissum cadet & à domino vendicabitur. Neque in hoc solum casu, quod ab initio rectè constitutum est, ex postfacto cadit, sed etiam ex postfacto & delicto Vassalli, si feudum domino aperiatur & omnium Vassallorum, seu subvassallorum jura etiam cadunt, licet ab initio rectè constituta sint. Est itaque hoc peculiare in feudis, quod ea quæ ab initio rectè aliquando constituta sunt, ex postfacto & delicto alterius subverti possint, nisi domini superioris in his subfeudationibus, consensus & confirmatio interveniat. Et hæc de prima causa amissionis feudi apud nos nempe per recognitionem, vocatur autem recognitio, aliā significatione, quam quæ in jure habetur, quando dominus totum suum cognoscit, cognitioneque habitā in eo se decipi videt, itaque tum feudum dicitur recognoscere.

(b) Reg in  
ambiguis  
S. 1. ff. De  
reg. Jur.  
factum le-  
gitime.  
in no. De  
creal. De  
Reg. Jur.

## De Jure Protimeseos.

### Diegesis Quarta.

**L**icet non solum antiquitus cum consensu domini permittebatur feudi alienatio, verum etiam aliis quibuscunque casibus, quibus ea sive statuto, sive consuetudine erat licita, ut in burgis, emphyteusibus & feudis Francis, tamen in feudo antiquo, quod aliquandiu in familia mansit, id non usque adeo licebat, ut agnatorum nulla ratio haberetur, sed & eorum aliquando consensus desiderabatur, ad id, ut iis invititis aut obstantibus, alienatio quodammodo in irritum cadebat; Id autem fiebat duobus modis: Primo, si alienatio facta quidem sit, nondum tamen omnino perfecta (nam donec contractus quos in scriptis fieri placuit, in mundum redigantur & perfecti à contrahentibus subscribantur, poenitentię semper locus est alterutri contrahentium) (a) & tunc propinquiore ad impediendam perfectionem contractus admittebantur, postulantes ut secum potius contractus fieret, quam cum illo, cum quo prius initus fuerat, vel si contractus jam fuerit perfectus, ut revocetur ab emptore feudi, saltem ut redimendi potestas permittatur, ab eo qui emerit, præstatione ejusdem summa, quam ipse bonâ fide præstitit & sic agnatorum jus, eis salvum semper permanebit; Sed ut res tota planior evadat,

(a) Conva-  
nus C. de. fi-  
de instru-  
mentorum.

evadat, dicendum primo quid sit hoc jus *Προτιμήσις*, unde deductum, in quibus rebus & quibus personis competat & quibus non, tum intra quod tempus & utrum in simulatis contractibus locum habeat; quid si plures concurrant ad hoc jus petendum, quis alteri præferendus: Cu us juris, licet rarior apud nos sit usus, vestigia tamen adhuc reverendæ illius vetustatis apud nos reperiuntur & apud alios juris feudalis observatores frequens est ejus usus & celebris etiam in jure feudali mentio; Primum itaque inquirendum, quid sit hoc jus *Προτιμήσις*, quod nihil aliud est nisi jus prælationis, quâ una persona alteri præfertur in rerum alienarum venditione aut auctione; Hoc jus licet in jure civili videatur sive damnatum sive abolitum, quo quilibet de re sua cuicunque velit & quandocunque velit disponere potest (a), certum tamen est ejus antiquitatem, non solum ex historia sacra pendere, ubi jus emendi agri, qui ad defunctum Elimelech pertinebat, nulli competebar nisi propinquiore (b) & apud Hieremiam (c) verba ejus sunt: Ecce Hanamehel propinquus tuus venit ad te, dicens; eme tibi agrum meum, tibi enim competit ex propinquitatis jure, ut agrum meum emas: Sed etiam ex constitutionibus Græcorum, à quibus hoc jus prælationis primo est introductum & etiam in jure civili aliquid huic simile habemus; Nam si quis ex colonis Imperatoriis vendere suum agrum cupit, requirere debet alios qui sunt ex eadem origine seu jure, nec est vendendus illis qui confortibus gravis & molestus futurus est. (d) Sic Metrocomi, qui dimensos à principe pagos habent, prohibentur alienare possessiones suas, quocunque alienationis titulo intercedente, alioqui contractus redditur nullus & solum repetitur, nisi in ejusdem operæ participes metrocomos (e) & emphyteuta vendere volens rem emphyteuticam, tenetur primo Domino directo offerre, nec nisi eo recusante aliis emendam proponere (f). Multa sanè sunt consanguinitatis privilegia, quæ apud Matheum de afflictis habentur, quorum hoc non leve est, quod taciturnitas longi temporis inter conjunctas personas præsumit solutionem debiti, secus in extraneo (g) & inter tacentes consanguineos consensus taciturnitas illa præsumi facit. Hæc satis est monuisse, ne jus hoc prælationis omnino à jure civili abhorreere videatur. Ejus apud nos umbra quædam adhuc manet, licet ea quidem non omnino plena & perfecta; Nam in legibus Burgorum cavetur, si Burgensis alienet terras suas propter necessitatem, creditor eas retinebit per annum unum & diem, intra quod spatium propinquoibus & amicis alienantis offerret, si eas emere vel acquietare voluerint, alioqui liberam habebit pro arbitrio, eas disponendi facultatem (h) & alio capite cavetur si emphyteusimæ necessitate compulsus, emphyteusimam vendere voluerit Dominus qui dedit in emphyteusimæ & sui hæredes præponuntur aliis omnibus (i) & in multis regionibus hic mos servatur; nempe in tota Italia, Sicilia, & terris imperio subditis. Et quoniam fieri potest, ut quæ vetustate perire concidisse videantur, ea rursus reviviscant, materiaque hæc multis & egregias disputationes habeat, quæ alioqui moribus nostris ferè recipiuntur & ut nihil intractum in jure feudali relinquamus, statui totam hanc materiam levi manupercurrere. De nomine *Προτιμήσις* antea dixi, quod malè protomefeos ab imperitis Græcæ lingue scribitur, deducitur enim ex *πρὸς* & *τιμὴν* quod honorare significat, adeo ut protimefeis nihil aliud sit, nisi prælatio honorifica. Deductum autem hoc jus ex constitutione Græca Romani Lacapeni Imperatoris Constantinopolitani, qui imperare cepit anno 919. unde & hoc jus, ut ex textu patet, à Græcis moribus, ad nostros defluxit; Latini qui hodie in foro versantur, jus retractus vocant; Habet autem locum hoc jus prælationis tantum in feudis & rebus immobilibus, ut in textu habetur (k) Quid dicendum de fructibus pendentibus & annuis redditibus? Nam fructus pendentes censentur pars fundi & inter res immobiles numerantur, (l) Sic & redditus annui, qui panes civiles dicuntur inter mobilia numerantur (m), Sed sanè in his locum non habet hoc jus, cum hodiè inter mobilia numerantur. Nec interest hæc res immobilis divisa sit, an indivisa; Nam quoad res divisas certum est, Domino, propinquo & aliis locum esse prælationis, sed ex ordine ut ait textus: In indivisis, socii sive cohæredes, si pars alicujus vendatur, sunt præferendi, ut postea dicemus. Sed quærendum restat quid per verbum alienare in textu continetur, num omnis alienatio prohibetur, an tantummodo, tres alienationis modi, qui in textu continentur? Videlicet venditio, locatio & emphyteusimæ; nam in textu habetur ne aliquo modo alienare possit, neque per venditionem, neque per locationem, neque emphyteusimam; In jure sane, si generale verbum præcedit & sequantur specialia verba, restringunt generale præcedens ad specificata, (n) Itaque hoc jus prælationis non extenditur ad alios contractus quam tres supra specificatos: nempe

(a) *Toto titulo C. ut nemo inuitus*  
*et c. L. nec emere. C. de jure delib. raudi.*

(b) *Ruth. 4. 1.*  
 (c) *32. Hieremias.*

(d) *L. Quæmadmodum C. de agricolis & censuris lib. 11.*

(e) *L. Unica C. non licere habitare tributis n. etros. et c.*

(f) *L. 11. Cod. De jure emphyteuticæ cap.*

(g) *L. fin. C. De jure emphyteuticæ cap. potuit Extra de locato.*

(h) *L. Procula ff. de probationibus.*

(i) *C. 93. et c. 98. de legibus Burgorum.*

(j) *C. 99. et 164. ibid.*

(k) *Constitutione Friderici Imperatoris de jure protimefeos.*

(l) *L. fructus ff. de rei vindicatione.*

(m) *L. fin. S. præterea C. de jure dotium.*

(n) *Bart in l. sitia S. Lucius ff. de legat. 2. et in textu 110. ff.*

que



(a) *Not. in l. filio. § si vir quinquagnum ff. solut. mat. Bart in l. 1. § quod ait ff. de superfic. ebria. Glossa in element. de rebus Ecclesie non alienan. (b) d. l. 1. § quid ait de superfic. l. fin. ff. si ager vestigal. (c) *Mar. de afflic. de iure Protime.* que enim locum habet hoc jus si res alienetur, ex contractu dotis, nec donationis inter vivos, nec in his que fiunt causa mortis, aut que procedunt ex ultima voluntate, nec in contractu permutacionis aut transactionis, aliquo dato aut retento, ut postea dicemus. Quod jus hoc in locatione habere locum diximus, mirum cuius videri potest, si de locatione ad modicum tempus intelligitur & hæc ut planius intelligantur, locationum duo genera ponimus; unum in longum tempus, alterum in breve & ex definitione unius, alterius noticia facile emerget, Locatio ad decem annos, ex iure, dicitur ad longum tempus (a) Itaque sub nomine alienationis comprehenditur sæpissime & per locationem in longum tempus transfertur quodam modo utile Dominium in conductorem, (b) Itaque jus hoc prælationis non videtur habere locum in locationibus, quæ pro minore spatio quam decem annorum fiunt & proinde nec sub nomine alienationis comprehenduntur, nec jus hoc, in his pro modico tempore locationibus, locum habebit; Contrarium tamen feudistæ tenent, (c) quod etiam locatio ad modicum tempus dicatur alienatio, adeo ut si is qui jus prælationis habet, easdem commoditates, utilitates & mercedes offerat, in locatione sit præferendus.*

Sequitur ut de iis personis dicamus, quibus hoc jus prælationis competit & quæ revocandæ huius alienationis, quasi contra prohibitionem legis factæ, potestatem habent; Nam ex ordine admittuntur, nec posteriori locus est, donec priores aut expressè renunciaverint vel tacite; Primo itaque competit parentibus, secundo agnatis, tum etiam vicinis aut simul concurrentibus aut separatim: quod si plures fuerint in eodem gradu, ex æqualibus partibus, omnibus jus quidem simul hoc competit, sed si unus eo non utatur, ejus jus aliis uti volentibus accrescet (e) Et si mirum est quod etiam agnatis viventibus, agnati alii in eorum bonis, etiam eis invitis, jus quoddam habebunt: nec vivus in præjudicium alterius potest renunciare, sed per renunciationem prioris, semper posteriori sit locus, ut textus hic noster aperte habet: Nam licet ex iure quilibet poterit renunciare juri pro se introducto & per renunciationem, jura illius, cui facta est, confirmantur (f) & proinde videatur ex renunciatione illius, qui jus prælationis habet, venditor liberam habere vendendi cui velit potestatem; Non tamen renunciatio valet in præjudicium aliorum, qui ad jus illud ordine successivo vocantur; sed renunciatio prioris facit locum posteriori. (g) Inter hos consanguineos live agnatos, non numerantur bastardi, nam bastardi quoad commoda & honores, non includuntur in dispositione legali, nec etiam de bastardis nati, licet ipsi sint legitimi; nam consanguineos ex parte patris non habent cum nulla cognatio legitima deduci potest ex causa corrupta, sive illegitimo nascendi principio, (h) Post parentes & agnatos, competit hoc jus Domino, nam magna est inter Dominum & Vassallum conjunctio, itaque nihil mirum, si hic in his alienationibus, aliis extraneis sit præferendus, ut antea ex iure civili docui (i): Sub Domini autem nomine comprehenditur conductor ad longum tempus

(k) non autem usufructuarius. Inter vicinos, qui prope or est remotiorem excludit. (l) Tercium est ut sciatur intra quod tempus jus hoc prælationis competit, contra emptorem, & dicit textus, intra triginta dies numerandos à die denunciationis exclusivè, Denunciatio autem est clara & intelligibilis facti futuri designatio, cum protestatione sive prohibitionem tacita vel expressa (m): Quod si nulla denunciatio facta sit, à tempore scientiæ computantur, quatuor menses, licet textus de tempore scientiæ non loquatur, ita tamen feudistæ texum illum intelligunt. In qua scientia hoc observandum, quod non sufficit scire, nisi quis facti seriem cognoscat, & quomodo quid factum sit. Veluti si is qui prælationis jus habet sciat quidem factam venditionem, non tamen de pretio ei constet, cum venditio sine pretio esse non possit; itaque ne scivisse quidem intelligitur (n): Ergo ut tempus hoc ei currat, debet etiam de pretio certiorari, cum alioqui substantia alia eorum quæ fiunt, ignorare præsumatur. Sed alia questio longe difficilior succedit quomodo probetur hæc scientia, Ad quod feudistæ respondent, duplicem esse scientiam facti, alteram veram, alteram præsumptivam: vera est illa, ad quam pervenitur per sensus corporis & hæc dicitur noticia, quæ non fallitur. (o) In hac scientia gradus à feudistis numerantur, nempe primum dubitatio, secundus suspitio, tertius opinio, tamen hi gradus non efficiunt perfectam scientiam, nisi aliquid etiam majus probetur; Scientia autem præsumptiva est, quæ ex conjecturis præsumitur, nempe vel consanguinitate, cum consanguineum facta consanguineorum latere non solent, (p) si sit ex vicinia; (q)

(r) Bald. in l. scire leges ff. de legibus Senatusque Cons. Bar in l. admonendi ff. de iurejurando. (p) L. Offici S. i. ff. unde cognati. (q) L. si Vicinus C. de nuptiis. aliquando

Quomodo probetur scientia.

aliquando ex eo quod publicè fit, vel publicè scitur (a); aliquando etiam scientia præsumitur ex publica fama & ex eo quod publicè in toto & locis publicis dicitur (b.)

In nostro autem casu, currit hoc tempus à die scientiæ veræ & non præsumptæ, ut in omnibus edictis & statutis ubi mentio fit, de scientia, intelligenda est, de scientia verâ & non præsumptâ, (c) Id tamen operabitur scientia præsumptiva, ut vel onus probationis in alterum rejiciat, vel saltem ut adversarii juramento stetur; nam si adversarius juraverit se necessivisse, præsumitur pro juramento, cum nemo suæ salutis præsumitur immemor. Denunciatio autem hac vel ad faciem, vel locum habitationis fieri debet: ad faciem ubi invenitur personaliter, is, cui debet fieri; ad locum habitationis, ubi uxorem & familiam habet, & eo jure nos utimur in citationibus, insinuationibus, & denunciationibus: nec interest utrum judicialiter an extra judicium fiat. Sed quæri potest an denunciatio sit requisita, ubi quis scit aut ubi scientia est: cum certus certiorari non debeat; (d) ex jure tamen & moribus nostris, quoties denunciatio est de forma, non est omittenda, nec in hoc casu sufficit scientia, (e) quod si pè in Senatu observatum vidi; Notandum tamen hoc est, quod si venditor sit in summa necessitate constitutus ante hoc tempus, veluti infirmus & non habens unde alatur, poterit alenare, modo ei qui jus prælationis habeat, denunciare & protestetur se ex necessitate facere, nec posse expectare terminum à lege introductum; Nam in omni dispositione legali videtur excepta necessitas, quæ non habet legem & sunt qui putant in causis necessitatis Vassallum feudum alienare posse, si aliunde non habeat unde vivat, (f) quod & apud nos aliquando observatur; nam feuda disponi testamento non possunt, nisi in causa necessitatis, cum is qui succedere debet, recusat impensas præstare infirmo ad alimenta & medelas. Sunt qui putant ex necessitate quempiam posse furari, ut ex jure canonico habetur, (g) sed semper ea necessitas intelligenda est, in quam quis se sciens non conjecerat. Nam cum potuit operari & noluerit, unde in egestatem deductus coactus sit furari, necessitas cum non excusabit. In hac autem sive dierum sive mensium præscriptione, qui jus hoc prælationis habet, duo ante decursum tempus facere debet, unum ut emptori pretium rei emptæ solvat intra hos dies, nec sufficit verbaliter offerre, nisi vera solutio sequatur & si recusetur obsignatio fiat; Alterum ut, verum pretium quod emptor venditori præstitit solvat aut solvere paratus sit: Quod autem sit hoc verum pretium cum infinitæ quæstiones & controversiæ nasci possint, breviter verum pretium definiendum puto ex declaratione Judicis, nisi declarationem emptoris (h) de pretio per eum soluto, qui jus hoc habet, sequatur; innumeræ enim fraudes in hoc pretio committi possunt, quæ & apud nos etiam hodie sunt frequentes. Nam venditor poterit simulatum emptorem substituere, qui magnum pretium offerat, ut vicinus, cui jus proximè suos competit, tantundem solvat, magno cum venditoris commodò, aliquando & emptoris. Itaque ut his fraudibus obviam eatur, ad judicem spectat examinatio justii pretii, ut is ponderet quanti communiter res illa valuit aut vendi poterit eo anno & post aliquot ejus menses. (i) Præterea, justum pretium ex hoc æstimatur, si in auctione aut licitatione tantumdem æstimata fuerit: Si nec de hac constet, consideratur justum pretium ex annuo censu, adeo ut quantum utilitatis annuatim fundus reddat, illud idem vicies multiplicatum, justum pretium fundi faciat: Exempli causâ, si fundus valeat centum aureos annuos, justum ejus pretium sit duorum millium aureorum. Hæc de justo pretio quomodo æstimandum sit, in quo & hoc notandum est, quod justum pretium crescit ex die moræ, adeo ut si casu fortuito æstimatio fundi aut ædium crescat, majus pretium quam fuit ante sententiam debebitur. Post elapsos hos dies, qui jus prælationis habet, non admittitur ad impugnandam venditionem, elapso enim termino, ex jure censetur tacite renunciavisse, qui jus impugnandi habebat, eo ipso quod tacuit & vigilâbus jura subveniunt. In constitutione Græca, hoc tempus ad quatuor menses extenditur, si quis sit præsens in Civitate, in qua res venditur aut in loco ubi fit venditio; quod si fuerit absens, habet annum à die scientiæ nisi ei denunciatum fuerit. Sunt tamen quidam, quibus hoc tempus præscriptionis non currit, ique in textu exprimuntur, qui apud hostes captus est, (k) Nam qui ex justa causâ, in publicâ Justitiæ carceribus, captivus custoditur, excusationem non meretur, cum per procuratorem res suas possit expedire, (l) Sic deportato aut in exilium misso, non currit hæc præscriptio, ut in textu habetur, nec absenti currit, quod tamen de eo, qui causa Reip. vel publicis negotiis sine dolo & fraude absit, intelligendum;

(1) *Barr. in C. Si factus est qui reus ff. de pub. Judiciis & glossa ibid.*

(a) *Auth. ibi. Qui semel & quomodo & quando Fudex &c.*  
 (b) *l. cum quidam scit. quod dicitur ff. de acq. hered. & ibi Barr. & in l. u. p. est ibid.*  
 (c) *Barr. in l. admonendi ff. de jure jurando.*  
 (d) *l. 1. ff. De actione empt. l. cum qui certarum ff. De verbor. obligat. 2.*  
 (e) *Dynus in d. l. cum qui certarum.*  
 (f) *l. 1. in Prin. qualiter se ad alienari olim poterat. (g) cap. Discipulos & seq. & ibi gloss. De consue. Dist. ult.*  
 (h) *Barr. in l. calipo. ff. de solutionibus. Quod sit justum pretium.*  
 (i) *Barr. in l. pretia rerum ff. ad leg. falcid.*  
 (k) *l. 1. in bello & si pignori ff. de cap. & postliminio reversis.*

(a) *Glossa*  
in c. 1. de  
dolo & con-  
sup. acia.  
Lib. 6.

(b) c. con-  
sultationibus  
de off. deleg.  
c. quoniam  
§ In aliis  
us l. i. de con-  
suetudine.

(c) *Specu-  
lator super  
Tit. ff. De  
Procurator  
Bart. in l. 1.  
ff. de divers.  
& temporal.  
Excep.*

quando autem quis videatur dolo aut fraude abesse & quando non ex Jure Canonico constabit (a). Hoc autem sufficiat monuisse, quod absentia quam malitiosam vocant aut dolosam nunquam cuiquam prodest, ut inde quis vel actionem vel exceptionem forme- (b): sic excipitur in textu minor 25. annis, sed neque absens Reipub. causâ aut minor aut aliqui iuste impeditus in hac requisitione simpliciter excusantur, cum absentes per suos procuratores, minores per suos tutores & curatores, alique absentes per suos defensores, pretium hoc offerre poterant; nam hi vices dominorum absentium debent supplere, sed ne domini dum suis rebus superesse non possunt, in incommodum incident & tempus habeant de rebus suis providendi textus his defensoribus aut procuratoribus non triginta dies ut dominis, sed quatuor menses indulget, intra quod iustum pretium possunt emptori offerre, unde satis constat impeditum vel absentem mittere debere procuratorem, alias currit ei tempus huius præscriptionis. In aliis, utrum absens & impeditus debeat mittere procuratorem plura apud Speculatorem & Bartolum. (c) Jus autem hoc prælationis, quod à quibusdam fensiditis vocatur jus congrui, est reale & afficit rem. Itaque datur contra emptorem, tanquam possessorem, non contra venditorem, immo ne ipse quidem emptor, evicto ex hoc titulo fundo, de evictione ager contra venditorem, cum sciens & prudens id emerit, quod scivit aut scire debuit redemptioni agnatorum esse obnoxium. Prætermittendum non est triginta hos dies qui dominis currant aut quatuor menses qui defensoribus & curatoribus, secundum consuetudines Regionum variari: Nam Neapoli & in Sicilia & Regionibus eisdem subjectis, præscriptioni huic indulgetur annus, ita ut annus integer à die scientiæ currat, quod & etiam à nostris, ut antea dixi, observatum est, quandiu jure protimeseos usi sumus.

*Quid sit a-  
trox injuria.*

(d) l. fin. c.  
de revoca-  
tis donat.

(e) *Reg. ju-  
ris in 6. De  
cretal.*

(f) *Nota in  
l. pronuncia-  
tio § fa-  
milie & l.  
seq. ff. de  
verb. signifi-  
catione.*

*Qui fami-  
lia nomine  
comprehenduntur.*

(g) *C. De  
his Extra de  
accusationib.  
Bart. in l.  
Senatus eo-  
dem tit. ff.*

(h) *Ma. de  
afflic. in tit.  
de jure Pro-  
xim.*

(i) *L. Sta-  
tu. liber §  
quintus ff  
de statu li-  
beris lege fa-  
via ff al l.  
faciam de  
plagiariis.*

Sed nunquam competit hæc actio cuicunque, qui atroces injurias contra venditorem exercuit, ut ex ipso textu patet; nam donatio, propter atrocem injuriam donatarii contra donantem revocatur (d) & in hoc casu injuriam atrocem definitio, siue ea sit in bonis donatoris, unde damnum grave senserit siue in fama siue in vita. Nam hæc tria fama bona & vita æquiparantur, ut postea dicemus, ubi de delicto Vassalli in Dominum agitur. Præcipuum in textu est notandum, quod ait, si hic cui jus hoc competit, impias manus in venditorem aut ejus familiam intulerit, nam sub eis, quæcunque verberatio vel in venditorem vel ejus familiam facta comprehenditur, nisi ea fuerit iusta, qualis est, cum quis iuste se defendit; Idem si ipse non percussit, percuti tamen curavit, nam qui per alium facit, per se facere videtur (e) & in his ignorantia probabilis & cui quis causam non dederit, ignoscitur. De familia autem & quæ ejus nomine comprehenduntur, traditur à jurisconsultis, (f) sed ut uno verbo dicam, familiarum nomine censentur, qui sunt in servitio aut imperio patrisfamilias, licet sint liberi homines. (g) Ob hanc atrocem injuriam, venditori factam, non competit hoc jus prælationis ei qui fecit, quantumcunque fuerit conjunctus, nisi forte venditor, qui injuriam passus est, eam remisit, nam injuria semel remissa, amplius in judicium deduci non potest. Neque habet locum jus hoc *περὶ τῆς πώσεως*, quando res alienatur causâ dotis vel donationis propter nuptias, nam quod favore matrimonii, ab alterutra datur parte, ratum & firmum esse debet, nec revocationi obnoxium; Sed in hoc casu videndum, utrum simpliciter fundus detur in dotem, an vero æstimatus datur in dotem, quo casu non videtur datus fundus, sed ejus æstimatio in dotem, & sic est pura venditio, itaque hoc jus, locum in eo habere non potest, (h) nam pretium tantum videtur datum marito & non fundus & proinde fundus æstimatus traditus non dicitur dotalis, cum nomine pretii semper intelligatur venditio interposita & proinde hic fundus à marito bene potest alienari. Idem in simplici donatione, cum alienatur res inter vivos per contractum donationis, nam aliqui donandi potestas auferretur, si jus esset alii redimendi. Sic in donatione causa mortis, cui æquiparantur omnes contractus ultimarum voluntatum, ut siue res alicui relicta ex donatione causa mortis siue ex legato siue ex testamento siue per institutionem siue per substitutionem aut fideicommissum, in his nunquam huic juri prælationis locus est: hoc tamen verum est quod testator in testamento jus prælationis alicui jam competens aut quod mox competere speratur, non potest prohibere. In permutationibus quoque hoc jus locum non habet, nam ea esset destructio permutationis, evicta enim una re permutata, alter eam quam pro permutatione dederat, repetet, & sic permutatio omnis everteretur. Mover tamen questionem, quod communiter dici solet, quod venditionis nomine, permutatio comprehendatur, (i) & licet aliqui sit distinctus contractus ab emptione, tamen eisdem regulis gubernatur permutatio sæpissime; in prohibitoriis tamen sæpe distinguitur, Sic decurio- nes



nes prohibentur vendere res immobiles, permutare tamen possunt (a) Sic prohibitio alienationis fundi dotalis, ad permutationem non extenditur, si mulier inde commodum sentiat, (b) Sic Ecclesie vendere res Ecclesiasticas non possunt, inter se permutare tamen possunt, Quarunt Doctores, quid si res magni pretii permutetur cum re minoris pretii & conveniat ut pecunia pro excrecente astimatione unius prasteretur, an sit emptio an permutatio: Concluduntque si major pars sit in pretio, quam in re permutteretur, emptioem esse: Si majoris sit valoris, res quæ permutatur, quam pretii pars, (c) quæ refundi debeat, permutationem esse. In transactionibus jus hoc non competit: nam transactio & venditio, sub uno nomine non comprehenduntur. Vassallus enim feudum, sine Domini consensu alienare non potest, transigere tamen potest. (d) Idem observatur in arbitramento; Nam res ex arbitramento, alteri judicata, ab eo non potest avocari. (e) Hæc tamen omnia ita temperanda sunt, si contractus hi bonæ fide fiant & fraus & dolus omnis absint: Nam si venditor & emptor colludentes inter se, ut tollant hoc jus ab agnatis & vicinis, simulent se causa donationis, permutationis, vel transactionis facere, quod re verâ ex empto & vendito fit, rescinditur causa cognita venditio; nam fraus in omnibus contractibus censetur excepta. (f) Hoc fit quando instrumentum concipitur sub forma donationis & ut Doctores loquuntur, quando faciunt instrumentum concipi in forma donationis, cum nihil minus quam donatio sit cogitatum & hæc est fraus sive simulatio de contractu in contractum, ut mulier quæ non potest donare marito, facit concipi instrumentum sub forma venditionis, continente pretium receptum. Nam hæc causa venditionis, quasi simulata non valet (g). Sed incidit hic solennis & quotidiana quæstio, quomodo probetur hæc fraus & simulatio & profecto cum hæc simulationes testæ sapientissime sint & sine testibus fiant, difficilis est harum probatio. Doctores tamen ita concludunt simulationem contractus, probari tribus modis; Primo, per juramentum partis, itaq; & donans & donatarius à iudice, magno sacramento interveniente, sunt examinandi, si verus hic fuerit contractus donationis, an vero sub fisco donationis venditio vera facta fuit, ut eo modo possent agnatos & vicinos à jure suo excludere. In qua examinatione iudex debet cogere partes ad interrogatorios articulos, à cognato sive vicino exhibitos, jurare; Quod si quis vel jurare recuset, vel oblique & sophistice se explicet, iudex debet eum pro confesso judicare, idem si extra iudicium confessio fuerit: Sed auget dubitationem, quod in textu dicitur, Si contrahentes juraverint contractum verum & non simulatum fuisse & post juramentum probetur contrarium, quod emptor pretio, venditor feudo privabitur, propter perjurium & fisco applicabuntur, ex quo videtur, quod postquam juratum fuerit in causa, tamen adhuc probationes possunt recipi, cum tamen jurisjurandi exceptio parit, exceptionem litis finitæ (h). Hunc nodum ut solvant Doctores, multiplex esse juramentum volunt, voluntarium & iudiciale & quod ex necessitate exigitur, In iudiciali & voluntario, fatentur juramentum habere vim definitivam sententiæ, in necessario non; quale & hoc de quo hic agitur, quia textus ait, exiget ab eo juramentum; Et quod hæc juramenti exactio est specialis in causa simulationis & nihilominus etiam admittatur probatio. Meo iudicio, res hæc melius distinguetur, si consideremus quando ad rem ipsam agitur, quando ad pœnam perjurii; nam quando ad rem ipsam agitur, res semel sacramento decisa, solum Deum habet ultorem & non partem. At cum agitur ad pœnam, puto, licet juratum sit, de perjurio posse inquiri per fiscum, ut perjurium puniatur. (i) Nam in hoc loco, si de perjurio probatum sit, nihil partes lucrantur, sed res ipsa ab emptore & pretium à venditore auferuntur & fisco applicabuntur, ita tamen ut hoc jus reservetur eis quibus competit, ut à fisco possint redimere. Secunda probatio est per testes; nam hi simulatum contractum poterunt probare: Nam omnis simulatio in scriptis fit, ut difficilius deprehendi possit & nisi admittantur testes, nulla simulatio unquam probaretur, Testes alii quatuor requirunt, alii duos tantum, immo nonnulli per unum, qui aperte de simulatione deponat & per duos qui de publica fama (k). Tertio probatur simulatio per conjecturas & indicia nempe si præcessit semel contractus venditionis, qui postea mutatus est in donationem, Sic si partes de collusionem inter se suspectæ consiteantur quidem talem esse contractum, nulla tamen iusta causa appareat cur hæc donatio intercedere debeat, veluti si is cui donatur neque meritis neque beneficio unquam donantem demeritis sit, nec ei famulatus sit, aut alioqui aliqua necessitudine conjunctus. Nam confessio in his casibus non probat. In his itaque contractibus jus prælationis locum non habet, fortè nisi hi contractus, ut ait textus, cum potentioribus fiant. Nam contractus cum potentioribus non

(a) L. 3. de Præd. De curion &c. lib. 10 C.

(b) L. Si ei & l. eq. ff. de jure dot.

(c) Max. de afflic. in trañ. proli- mes. d. 3. na.

(d) Idem observatur

(e) Si Vassallus de suo beneficio Tit. Si de feudo defuncti fueris contro- versia.

(f) M. de afflic. d. 3. ad vers. final. de Fure proli- mes.

(g) L. credi- torem Lu- cius ff. man- dati.

(h) L. si spon- sa ff. de do- nat. inter virum & uxorem.

(i) L. nam posteaquam ff. de jureju- rando.

(j) L. 1. & seq. C. de reb. credit.

(k) Toto tit. plus valere quod agitur & ibid. ff. C. & Bald. in l. 1. ibid.

minus suspecti sunt, quam qui sunt dolo & fraude; si quidem qui in potentiores jus suum transfert, id eo facit, ut is terribilior adversarius sit in judicio & viam justitiae præcludat; Sed videndum qui potentiores dicantur: alii enim sunt potentes divitiis, alii honore vel nobilitate & de istis potentibus non loquitur textus, sed de potentibus ratione officii; (a) Nam de his solis potentioribus loquitur textus & non de istis qui vel nobilitate vel divitiis potentes sunt; & contra hos jura præsumunt, quia potentior semper præsumitur humiliori metum incutere vel violentiam inferre (b) si fuerat solitus antea alius id facere; nam nisi vel hæc vel alia indicia concurrant, dignitas officii, nec administratio annexa dignitati cuiusvis debet obesse. (c) Ex numero hominum potentiorum eximuntur in textu parentes: nam licet hi ratione officii vel dignitatis, aliquam potentiam habere præsumantur; conjunctio tamen sanguinis prægravat priorem præsumptionem (d) Nec interest potentior sit qui emit, an potentior sit domesticus, nam sub hac specie pluries fallitur. (e) De necessitate antea dixi, nemo enim in necessitate constitutus dicitur liberè agere. (f) In constitutione Græca Romani Lacapeni, ex qua hæc constitutio nostra emanavit, jus hoc protimeseos extenditur ad vicos & agnatos, ut hi in venditione habeant jus prælationis. Superest ut de vicinis & agnatis primum videamus, mox an aliis competat, quam eis qui in Græca constitutione nominantur; Vicini autem sunt qui habent agrum live fundum confinem, ita ut ubi unus desinit, alter incipiat. In his vicinis non semper eadem est ratio; nam si quis vicinus sit ex tribus lateribus, id est, ut tria latera fundi empti, attingant fundum vicini alterius & alius sit qui sit vicinus ex quarta parte, hic vicinus ex tribus lateribus habebit solus jus prælationis. Quod si habeat confinium duorum tantum laterum & alius habeat confinium unius lateris aut duorum, non præferetur, in hoc casu, qui confinium duorum laterum habet, quia non habet ultra dimidium confinii. Sed qui unum latius conterminum, cum eo qui habet duo latera concurrat, pro partium rata portione: Alter est in eo ut dixi, qui confinis est ex plus quam dimidia parte (nam per textum in emptione, omnibus a iis præferetur is qui ex maiore parte vicinus est.) Quod si duo sint vicini qui duas quas partes vicinitatis habeant, æqualiter admittuntur. Quia constat de vicinis, superest ut qui cum eis concurrant & si qui sunt potiores, in hoc jure, videamus & sanè in re communi, si unus ex sociis vendiderit suam partem, socius alter vicino præfertur, non enim tantum est vicinus, sed etiam, quod plus est, ejusdem rei particeps & ex Jure Civili socius ratione societatis succedit Imperiali largitati ipso excluso fisco, sic cum præferatur socius fisco, in re communi, concludunt feudisti præferendum & vicino & hoc in Neapolitano Regno servari tradunt. (g) Præferitur & in textu vicinus agnatis, immo & parentibus in hoc Jure & jus vicinitatis potius est, quam jus sanguinis, Sed hæc statuta localia sunt, in plerisque enim locis, immo in textu Græco potiores sunt vicini & agnatos in hoc privilegio excludunt. Ratio facilis est, quare vicinus agnato præferatur, quia vicinus re conjunctus est & privilegium hoc est reale & rei, ut ante dixi, inhaeret. Hæc itaque sunt, quæ vel ex Græca constitutione Romani Lacapeni vel Friderici Imperatorum constant. Superfunt aliqua adhuc de hoc Jure prælationis. Neque enim videtur Imperator Fridericus secundus puto, Author hujus constitutionis, satis mentem constitutionis Græcæ, assequutus; nam in constitutione Græca, primo cognati consortes præferuntur, quales sunt fratres, qui paterna prædia, pro diviso vel indiviso possident; nam in venditione fratrum patris, præferendi: post hos consortes socii vocantur: Deinde qui rem communem habent citra societatem live sint cognati live exteri: Nam hi in secundo gradu post cognatos consortes ponuntur, Post hos qui communi census vinculo tenentur, quos metrocomos, id est, convicanos antea dixi, quasi in eodem vico, sub eodem censu degentes; postremo vicini & confines. Proinde si quis rem vendere intendat, his primo & cuique suo loco denunciari curabit testato, ut ad diem certum veniat & pretium verum quod ab emptore alioqui habiturus est, ei solvat; alioqui ut securè possit cui velit vendere, post denunciationem dantur, ut dixi, quatuor menses procuratoribus & curatoribus, itaque semper in his denuntiatio necessaria est, si non fuerit denunciatio, decennium datur. Sed in emphyteusibus & feudis, alia dantur tempora jure civili; nam emphyteuta Domino denunciare debet quantum ab alio re verè accepturus est, rogareque Dominum ut tantidem emat, vel venditioni in alium consentiat; si noluerit emere, consentire tenetur, ut prioris emphyteutæ, jus in novum transferatur, quinquagesima pretii parte illi pro consensu præstituta, quod in omnibus feudis in Gallia locum habet: Quod si neque emere vult, neque

con-

(a) L. si per  
impresso-  
nem C. De  
his qua vi  
metusque  
causa &c.

(b) L. ad in-  
vidiam. C.  
Eod.

(c) L. si lon-  
gius in f. ff.  
de judiciis.

(d) Bald. in  
L. per di-  
versas C.  
max. l. i.

(e) In con-  
stituti græca  
Constantini  
Porphy ge-  
niti.

(f) Bald. in  
tract. su  
schismatis.

Quæ dica-  
tur vicinus  
ex Jure.

(g) Math.  
de affli. in  
tract. de jure  
protimeseos.  
7. n. l.

Consentire emphyteuta, potest vendere cui volet, nisi persona illa à Juris (a) L. 3. C. sit prohibita; nam alioqui si personæ prohibita jus suum vendat, ab emphyteusi cadet (a) De Fure Emphyteut. In hac materia hoc annotandum est, quod qui huic venditioni interfuerunt & tacuerunt, non habeantur pro consentientibus, nisi dolose tacuerint, neque pro eis, quibus denunciatum est, (b) Quod si ultra præsentiam, aliquis alius actus intervenerit, vel in dicto vel in facto, ex quo consensus argui possit, aliud dicendum. (c)

Est & aliud caput ejusdem Græcæ constitutionis, ne quid ex bonis tenuiorum locupletes & potentiores acquirant, & cum his severius agitur, neque donationis, testamenti, transactionis aut patrocinii aut adoptionis prætextu & causa ad bona tenuiorum possunt pervenire. Quæ tamen omnia intelligenda sunt, nisi decennii præscriptio interveniat: nam talis præscriptio tam potentiores, quam alios, à quibus alioqui redemptio competeat, tuerur: Hac sunt capita Græcæ constitutionis, non satis in Friderici constitutione omnia explicata, ob ignorantiam puto Græcæ linguæ, quæ eo seculo plerisque non erat perfecte cognita.

Præter tamen has Romani & Friderici constitutiones, multæ aliæ quæstiones in jure feudali, de jure hoc prælationis tractantur, nempe cum agnatis primò competat, quis aliis sit præferendus & certum est, vivo alienatore, si feudi in alium agnatum remotiorem alienatio facta sit; propriori hoc jus competeat, multo magis si in extraneum, ita tamen ut refundat verum pretium & non simulatum, etiam si verum illud pretium, justam aestimationem excedat, (d) nisi fraus intercesserit, ut antea monui; At jure successionis, feudum alienatum, vivo alienante, nunquam revocari potest: post eum defunctum, potest, etiam pretio non refuso, (e) Sed ab his tamen, qui ex Investitura succedere possunt & non aliis, ita ut si qui propior successurus est, uti eo non velit, sequenti & proximo locum faciat, successionis jus alienatum tam videtur, quoties is qui succedere speratur, jus suum in alterum transfundit, quo casu, non alteri, sed proximo agnato locum facit, ita tamen, ut ejus descendentes semper excludantur; nam contra factum, vel suum, vel patris sui, cui succedere oportet, nemo est audiendus, Sed in hoc jure prælationis præscriptio, à tempore mortis ejus, cui succedendum est, deducitur, cum prius agere non possunt, (f) Hoc tamen generaliter notandum est in jure Protimenseos, quoties agnatis sunt præferendi, de illis tantum agnatis intelligi, qui in tenore investituræ continentur; Adeo ut si cui feudum sit concessum & ejus hæredibus, alii agnati in transversa linea non admittuntur.

### De Disclamatione, Purprestura & aliis modis Feudi amittendi, qui circa Feudum ipsum versantur.

#### Diegesis Quinta.

**D**E Recognitione ex delicto Vassalli, qui feudum alienaverit, hætenus; In qua ideo prolixiores fuimus, quod hæc prohibitio multas secum difficultates trahat & in foro nostro sit frequentissima: Superfunt multi alii feudi amittendi modi, ipsam feudum respicientes & hæc delicta quæ circa feudum & in ipso feudo versantur; qualia sunt Disclamatio, Purprestura, feudi deterioratio, cessatio à petitione Investituræ, Baratria (ut quidam putant) de quibus singulis dicendum est.

Disclamationis nomen à negatione procedit (nam clamare, quæ vox est in hac significatione Normannica) à Normannis pro actione, petitione & affirmatione crebro usurpata, hinc ad Anglos & postea ad nos, voces hæc clamare pro petere, & clamare pro libello sive actione pervenerunt, Sic clamare pro affirmare, frequentissimè in legibus Anglorum: Quoties Vassallus quæstionem sive querelam de feudo patitur Dominum clamare, id est, Dominum in auxilium sibi poscere debet, Dominusque clamatus Vassallo suo in judicio contra omnes adesse. Ex intellectu vocis clamare, Quid Disclamatio significet, facile est intelligere; nam d si clamare nihil aliud est, nisi Dominum negare esse Dominum. Sic liberi abnegatio in Patrono & Clientis sive Vassalli in Domino, adeo odiosa est, ut nemo eum merito suo non multandum libertate & feudo putet; Licet enim inficiationis multæ sint in Jure Civili pœnæ, veluti si quis cum possideret, neget tamen se possidere & contrarium probetur, transfertur ab eo possessio quam negaverat,



in adversarium. (a) Sic in eo, qui hereditatem restituere iustus est, ejusque hoc fidei commissum erat, si rem quæ petitur, esse hereditariam negaverit & probatum fuerit, Falcidia beneficium, id est, omne beneficium & jus quod in re habet, amittit. (b) Sic qui negat se fidei jussorem, beneficium Divi Adriani, de debiti divisione perdit (c) & breviter quodcunque beneficium in re prætendit, ob inficiationem omne illud beneficium, omneque jus in re ab eo tollitur. At in nostra hac materia, multo id majorem rationem habet; nam Vassallus qui Dominum revereri tenetur, qui beneficium supra omnia agnoscere, qui gratum se pro beneficio accepto, ubique præbere & obsequentem tenetur, Si is inquam, eo ingratitudinis proruperit, ut Dominum nescire se dicat, imò illū verū Dominū se pro Domino non agnoscere, illique paratū se renunciare, denique & ejurare dicat, quis eum non indignum feudo suo existimabit, Quis beneficii, non solum immemor, sed plane illud negantem & Dominū inficiantem, beneficio privandum non censet? Nam profecto nulla justior videtur feudi amittendi causa, neque apud nos neque apud alias gentes, quod sciam in universa Europa, ubi jus hoc feudale receptum est, ulla est gens in qua hac feudi amittendi causa non videatur justissima Et cum naturali æquitate & jure feudorū scripto, mores omnium Regionum in hac causa conveniunt. Itaque si vassallus super feudo aut ejus conditione, sciens vel omnino feudum esse Domini, vel ejus partem negaverit aut conditionē feudi sui aliam in Domini sui præjudicium affirmaverit & inde convictus fuerit, (d) à feudo cadet. Alius autem vassallus conscius ejusdem rei & hoc celans feudum suum non amittit, hæc fere sunt verba textus, quæ diligenter examinanda sunt: Nam cum hæc propositio in tribus diversis locis habeatur, aliquid videtur inter eos esse differentiz. Primum ait, qui feudum aut partem feudi sui negaverit, vel feudi conditionem, totum amittit: De parte mirum, cur qui in parte tantum se fellerat, in toto puniendus sit, cum delictum ex gravitate facti ponderetur, nec excedat id, in quo quis delinquit, sic antiquitus Vassallus, qui partem feudi alienaverat, non nisi eā parte privabatur. Sed hoc proprium est juris feudalis, ut, ex negatione partis, totum feudum amittatur, Sic ex alienatione partis, secundum constitutiones Friderici, totum feudum amittitur, etenim & hic Dominum contemnere & erubescere videtur, Apud Gallos vulgare est (qui sief denie, sief perd) sic in plerisque aliis, ut inferius apparebit; nam qui in Dominū suum ingratus erit, in parte feudi non minus ingratus est, quā si in toto feudo idem fecerit; ideoque omni quod de eo Domino tenuerat, in quem ingratus erat, beneficio multandus. Ait textus, ex certa scientia sive sciens; nam cum hæc omnia feudalia delicta, ex animo & mente Domini & Vassalli ponderantur, ut antea notavi, & qui ignorat fidem datam, lādere non videtur, itaque scientiā certā opus est, quemadmodum in priori delicto, scientiam requiri, declaravi, & ignorantiam aliquando excusari. An autem negatio extrajudicialis noceat, inquirendum & profecto si in eo loco fiat, unde Domino præjudicium fieri potest sive in judicio sive extra judicium potest nocere; Sed quoniam quæ extra judicium fiunt, communiter non lādunt; videtur hæc esse Doctorum opinio, quod non est Vassallus feudo privandus, nisi conventus super feudo aut ejus conditione, Dominum neget; itaque in tertio textu habetur, Si inter Dominum & Vassallum controversia fuerit de feudo & sic res hæc videtur strepitum judiciale requirere. Cujus tamen hoc delictum de extrajudiciali negatione intelligit. Idem si de feudi qualitate Vassallus conventus, conditionem ejus in præjudicium Domini negaverit, veluti si cum feudo rectum & militare esset Francum diceret, vel cum novum esset feudum, paternum & antiquum asserat; Hac omnia, si sciens & male fidei fuerit Vassallus; At si dubitet, debet (ait textus (e)) dubitanter respondere; Dubiè si quidem respondens, non videtur negare; nam licet dubitans videtur aliquid negare, (f) negat inscienter, itaque pro errante & ignorante habetur, (g) aliquando tamen ambiguit respondere & omnino non respondere, paria sunt, (h) præcipue in eo qui fidem patrono juravit & qui jus suum ignorare non præsumitur: Sed tamen possunt multæ causæ intercedere, quare Vassallus de jure suo dubitet, veluti si successor sit defuncti; nam probabilis est ignorantia in eis quæ ad defunctum pertinebant, (i) Verba autem quæ dubiam interpretationem inducunt, hæc in textu ponuntur, nescio, dubito, (k) At ne sic quidem respondendo, ait textus, liberabitur, si fraudulenter in responsione versatus fuerit, debet enim semper fidem Domino integram & illibatam servare: Hujus autem Disclamationis forma aliqua habetur, in eo libro qui ad finem Regiæ Majestatis ponitur, nempe ut Vassallus ipse, vel qui ab eo speciale mandatum ad id habet, cum officario illius Domini, de quo tenere se affirmat, ad principale messugium Domini prætendentis accedat & ibi dicat se talem superiorem disclamare

(a) L. fin. ff. de rei vendicat

(b) L. Hæreditarium in fin. ff. ad leg. falcidiam.

(c) L. Si dubiter § ita demum. ff. De fidei jussor.

(d) lib. 2. feudor. Tit. 26. Si de feudo defuncti consensus sit inter Dominum & agnatos Vassalli. S. Vassallus si feudum. De lege Corrode. §. fin.

(e) Tit. de lege Corrode §. fin.

(f) L. Si quis ff. ad leg. aquilam.

(g) l. 2. ff. quis ordo in bonorum possessionis servandus.

(h) l. de avarie § nihil interest ff. De interrog.

(i) L. Qui in alterius ff. de reg. juris.

(k) d. l. Si dubiter § ita demum. ff. de fidei jussor.

& non intendere tenere se illud feudum de illo, sed de alio, formam licet ibi videre; Sed quantæ sit autoritatis liber dubito; utcunque est, hodie si in iudicio Vassallus, superiorem suum disclamaverit, à feudo cadit. Quod autem in textu sequitur, Quod alius Vassallus hujus falsæ negationis conscius & Domino non patefaciens, feudum tamen retinet, aliquam dubitationem continere videtur, cum Vassallus omnia quæ ad Patroni sui seu Domini vitam, existimationem aut patrimonii jacturam pertinere videbuntur, aperire debeat & hoc fallaci responso Vassallus prior, Dominum eludit, ejusque patrimonium lædit, videtur ergo & in hoc casu, ille alter Vassallus, mendacis negationis conscius, debere etiam feudum suum amittere, Sed quod ad patrimonium Domini pertinet, non omnia quæ ei nocent, tenetur Vassallus indistincte patefacere, sed tantum ea quæ in magnam patrimonii jacturam vergant.

Sequitur tertium delictum, quod circa feudum ipsum versatur, quod nos Purpresturam dicimus, cujus, revera, ut quidam putant, nulla in ipso textu specialis mentio est, neque quid pœnæ possit hoc genus delicti inferre, nisi quod Vassallus teneatur fines sui feudi ostendere Domino, quocunque tempore postulant, (a) Si aut falsos fines ostenderit, Dominicque prædii partem sibi arrogaverit, quasi in Dominum ingratus, jure omni quod ex eo Domino tenet, privabitur; Vox Gallica sive Normannica est, unde originem Gallicam sive Normannicam esse, ab iis ad Anglos primum, post per Anglos ad nos pervenisse, argumentum est: Nam pourprix, gallicè testudinem sive circulum aut præcinctum significat; Sic monasteriorum præcinctas pourprises solemus dicere, extra cujus circuli fines, si Vassallus Domini feudum invaserit, partemque ei præripuerit, feudo multabitur; & hæc causa feudi amittendi & apud Anglos & apud nos frequens est.

Et in jure nostro scripto triplex est, una quæ sit super Dominum Regem, quando aliquid ex ejus Patrimonio occupatur, veluti, vel ex ejus prædiis vel ex viis publicis, vel si ea impediuntur aut observentur, vel aliquid in via publica sive regia alicujus civitatis ædificatur, ita ut illius viæ particula aliqua, ab ædificante occupetur; Si aquæ cursus à debito alveo divertatur & brevier quotiescunque aliquid sit quod Regio Patrimonio noceat, ejus viam publicam turbet, Purprestura hæc in Regem dicitur & de ea inquiritur tam in capitali curia Burgi, quam etiam coram justiciario, ubi criminis sive delicti reus convictus, in misericordia Domini Regis erit, non solum de eo feudo, quod intra Domini terminos ædificavit, sed de toto feudo quod de Domino Rege tenet, nam in misericordia Regis dicitur esse, qui ex juris rigore sive jure summo, toto feudo debet multari; Sed Rex misericordia in eum usus ad compositionem pro suo delicto illum aliquando admittit; Si vero contra aliū quam Regem de facta purprestura convictus fuerit, per juramentum legalium hominum de viceneto (nam ea sola criminis seu delicti examinatio est) tenementum, quod tenet de eo Domino quem offenderit, sine recuperatione amittet; & hæc de purprestura contra Dominum facta; Tertia ponitur illa purprestura inter vicinos, cum quis vicinus, alterius vicini fines occupat & qui injuriam patitur, si de hoc in curia conqueritur, per fideles homines de viceneto fiet visus terræ & per eorum veredictum, sive sententiam, fines & limites, prout erant antea, distinguuntur. Sed hanc tertiam, nemo purpresturam judicabit, cum potius sit controversia de finibus, quæ ex inquisitione terminanda est; nos molestationem vocamus; nam purprestura, judicium feudale est & proprietatem finium tangit; Quod ad primum & secundum genus purpresturæ est, inter se concurrunt & malè videntur distinguere; nam quatenus contra Regem sit purprestura, tantum ratione feudi sit & Domini directi; nec aliud est in hoc casu Regis privilegium quam alterius Domini superioris, Quod ad vias publicas & flumina attinet, inter Regalia & Regis patrimonium numerantur, eodemque jure censentur; Superest ergo unum genus tantum purpresturæ, quando Vassallus qui feudum de Domino tenet, sive illud sit militare, sive francum, sive burgle aut emphyteuticum, (nam in jure nostro aut usu, nulla est differentia; cum ex liberalitate & beneficio Domini id habeat, & fines suos non præsumatur ignorare) Si non contentus suis finibus, etiam Domini limites violat, eosque sibi arroget, Dominumque extrudere nitatur, nisi ingratis id factum quis dicat, nescio quid debeat æstimari ingratitude apud nos; nam in constituendo feudo, Vassallus scire debet limites, ne quid ignorans peccet & petere à Domino sibi designari, nec audietur, si dicat indefinitum feudum à principio sibi designatum, cum portio ex Patrimonio Domini solum sit abscessa & veluti divisa & licet Vassallus in Dominum peccet graviter & ingritudinem incurrat, si Domino petenti fines feudi demonstrari, noluerit parere & feudi amissione multetur; tamen Dominus Vassallo feudi sui

De purprestura.

(a) Scho. the. y. 9. quod nihil aliud est quam nostra purprestura.

Quotuplex sit purprestura.

Quid sit in misericordia Regis esse apud Anglos & nostrates.

fines monstrare non tenetur, quasi is à principio eos designatos dederit ; Est itaque purprestura quoties Vassallus suis finibus non contentus, Domini fines violaverit & aliquam ex ejus proprietate portionem eo invito usurpaverit ; nam si Dominus actione finium regundorum Vassallum convenerit & quindecimvirali judicio sententia lata fuerit, de veris finibus agri, & Vassallus eos transgressus probatus fuerit, omne illud quod de eo domino tenet, amittet ; hoc est, purpresturam agere. Accepi tamen à viro magno Magistro Thoma Macclellano, inter primos advocatos, in Senatu, nobili & rerum nostrarum peritissimo, purpresturam antiquitus, non alias dici nisi baculum aut virgam Vassallus manu suâ tenens, eum intra limites fundi Dominici figat & hæc verba addat, Ego hunc fundum aut fundi partem, in qua baculum hunc figo, meum esse jure feudi, seu proprietatis assero, sub periculo feudi mei ; Hæc erant verba solennia quibus utebatur Vassallus aut saltem uti debebat cum res in controversiam vocabatur ; nam si ante litem susceptam errans aut deceptus suum revera esse, quod suum putaret, affirmasset, nihil agebatur ; sed in judicio illa solennitas adhibebatur, ut sciretur an Vassallus ex constantis animi sententia & proposito Dominum fallere intendat. Ego sanè illa verba dici solita puto, cum res in judicium deducta est & inquisitores vellent, Vassallum suo periculo definire, quatenus feudum suum extenderet ; idque baculo, quem illi tradebat in manus, non quod illa verba solennia in hoc judicio omnino necessaria sunt, meo enim judicio quoties Vassallus aliquot annos Domini sui fines involaverit, idque ex veredicto sive sententia quindecimvirali constet, purpresturam committet & feudo multabitur ; quod & in sententia quadam inter Dominum de Spottiswod & hæredes Humii de Faltcastell expressum vidi, ubi neque talia verba, neque tales solennitates observata fuerant ; tamen sententia de purprestura, eo feudo, quod de Domino tenebant, eos multabat ; Memini enim nuper, cum inter clarissimum Dominum Skrimgerum de Dudhop & urbem Innerkethin, controversia coram judicibus delegatis à Senatu esset, dictusque Skrimgerus, purpresturæ actionem contra eam peragens, ex eo capite, quod fines suæ communiatatis sive communis violassent & sibi arando attribuisent, cum responsum esset, purpresturam non nisi in proprietate committi, deque ea re consultatio, apud viros nostri fori & rerum nostrarum peritissimos, esset, responsum est, durum esse purpresturam in communia admittere, quod tamen per interlocutoriam non est definitum, cum ex alia parte objiceretur, non minorem Domino injuriam fieri, si quis fines communis ejus invadat, quam si proprietatis ; nam in jure, quod commune mihi cum alio est, meum dici potest & in his compascuis agris, quos communiam dicimus, si arentur & sementis in eis fiat, Domini conditio læditur & alteri paulatim accrescit ejus fundi proprietas, qui alioqui Domino cum Vassallo aut Vassallis erat communis & utrisque in pascua & reliquis servitutes destinatus. Frequentius erat hujus purpresturæ antea judicium, quam hodie est ; Nam in statutis, Jac. 3. cavetur (a) ne quis in hac purpresturæ actione sedeat judex nisi qui Baro est, & ob eam causam judicium illud, cujus nuper memini, de terris de Rachburne inter Elizabetham Nisbit & Alexandrum Chirnesfyd suum conjugem, ab una & Jeannam Home ab alia, nullum declaratum est, quod delegatus dictæ Elizabethæ, Patricius Home, non esset Baro, gladii potestatem sive merum Imperium non habebat.

(a) Part. 10.  
c. 79.

*De recognitione propter non demonstrata monumenta.*

(b) Scho. ibi. § 8. Diff. 10. lib. 1.

(c) Tbes. 8. Disp. 8. lib. 1.

(a) Lib. 2. feudor. viz. de milite Vassallo qui consumatur est.

Est & aliud genus apud nos recognitionis, quod licet fundamentum habeat ex jure feudali, non tamen expresse inter modos feudi amittendi numeratur. Nec minus ex jure feudali descendit, quod ex ejus verbis per bonam consequentiam elicitur, quam si expresse decum apud Obertum reperiatur, (b) nam ut initio monui, cum consuetudines hæc feudales primum in foro vim juris habere cœperant, gentes Europæ, ut quæque suis rebus oportunitate judicabat, partem aliquam sibi transcripserunt & cum aliquo moderamine ad se traduxerunt. Sunt tamen qui & hoc, ex ipso jure, affirmant, quod instrumentum investituræ debet Vassallus Domino petenti exhibere. (c) Itaque quoties Vassallus à Domino debite & solenniter interpellatus, ut tenorem suæ investituræ Domino demonstraret, tamen recusat, hujus contumaciæ pena est, ut Vassallus à feudo suo cadat, fundamentum quidem generale in textu habetur (a) quo cavetur, Si Dominus vocet militem, qui ab eo feudum tenebat, dicendo eum in culpam incidisse, per quam feudum amittere debeat ; hic non respondet, queritur, quid faciendum sit Domino ; Respondeo, ait textus, Dominum debere Vassallum in curiam vocare & si non venerit, iterum debere eum vocare, usque in tertium, spatio interposito septem vel decem dierum, arbitrio ejusdem curiæ terminandorum, quod si neque venerit ad tertiam vocationem, hoc ipso feudum amittet, & ideo



& ideo debet Curia Dominum in possessionem mittere; Ex hoc textu mos noster defluxit, ut si Vassallus Domino dicenti, eum in delictum incidisse, per quod feudo privandus sit aut si de tenore investitura sit incertus, videlicet quatenus ei sit solvendum & quæ servitia sive ea sit certa sive incerta præstanda; tunc si Vassallum conveniat, ut velit sibi monstrare investituræ monumentum, Vassallusque illud contumaciter neget, citandus est à Domino ad primam suam curiam, sub quadraginta dierum spatio; Nam cum tantum reo periculum immineat, longius tempus citationis concedere non gravamur; Si ad primam curiam non venerit, citandus ad secundam, si ne tum venerit, ad tertiam. Si nec adhuc venerit, ad quartam curiam, citatione in his tribus postremis curiis spatio septem aut decem dierum terminanda, ut textus præscribit, modo quadraginta dierum spatio citatio ad primam curiam antecedit; in qua quarta curia, si Vassallus non comparuerit, omne illud feudum, cujus monumenta Domino exhibere debuerat & eo nomine conventus fuerit, nec voluerit parere, amittit; Dominusque feudum tum dicitur recognoscere quasi denuo suum esse feudum, sive ad se reversum cognoscere, Idem si Vassallus comparuerit & tamen monstrare noluerit aut causam probabilem non allegat, cur non possit exhibere sive producere; Quartam curiam nostri solent adicere, quia in parvi temporis mora non est magnum præjudicium & mitius nostri cum Vassallis agendum semper putaverunt; In hac quarta Curia, Vassallus tanquam indignus & contra Dominum ingratus, simul etiam in penam dictæ ingratitude feudo privatur, illudque Domino in perpetuum adjudicatur, nec post audietur Vassallus, si se allegaverit ex superveniente aliqua causa recuperasse; nam Vassallus nunquam præsumitur sua feudalia monumenta non possidere, & in Curia cum vocaretur, debuit allegare sive exponere se ex justa & probabili causa detinuisse possidere, quod si fecerit, sustinendum adhuc iudicium puto, donec de hac verisimili causa constet; Si vero ea probata fuerit, puto admittendum Vassallum ad probationem tenoris, durum enim esset licet Vassallus ex casu qui plurimi hominibus accidere possunt, monumenta sua amisserit, ut à feudo simul dejectus; sed hoc locum habere tantum puto, quoties Vassallus, ex contumacia, recusat Domino suo superiori, sua monumenta demonstrare, ut Dominus scire possit, quæ servitia sibi in feudo debeantur, semper enim Vassallus contumax præsumitur, nisi causam probabilem habeat cur recuset.

Quarta & prioribus affinis causa amittendi feudi est, si Vassallus Domino iustitiam facere recusaverit, Recusare Domino iustitiam facere tum videtur, cum quod æquum est Vassallum facere Domino, recusat, nec iudicio ejus stare voluerit, aut ad ejus curiam tribus vicibus per legitima intervalia desponsis citatus, comparere noluerit; præcipue si Domino conquerente & in causa feudali comparere recuset, Postulat hæc causa amittendi feudi aliquam interpretationem; nam ut dixi, licet Vassallus ad alterius instantiam quam Domini citatus, non comparuerit aut licet à Domino citatus, non tamen in causa feudali, in neutro casu feudum amittit, Memorix enim traditur Imperatorem Henricum, Robertum Sicilia Regem Majestatis à se reum postulatam & trino edicto citatum, nec comparentem, regno privasse, quod de Imperatore tum tenuit, Quod tribus edictis vocandum Vassallum vult, id ex jure civili decerptum fortasse est, (a) Quod ad intervalla attinet septem aut decem dierum, id arbitrio judicis relinquit & sanè ita apud nos observatur, tamen citatio illa septem dierum ex jure pontificio est & decem dierum ex jure civili (b) Eundem ordinem servavit Imperator Fridericus adversus Mediolanenses, qui contra eum arma sumpserant; (c) nam licet illi graviter Imperatorem offensus, & is ad ulciscendas injurias præcipitate cuperet omnia, qui ei à consilio erant, persuaferunt improbos homines potius jure & juris ordine servato puniendos, quam si violentia præceptis adhibeatur: Justinianus intervallum triginta dierum instituit. (d) Glossator feudorum (e) hæc tria edicta diversis nominibus notat; ut primum sit adinoditorium, secundum citatorium, tertium conventionale & præter hæc tria edicta quartum requirit, quod peremptorium vocat, nam tribus edictis ad peremptorium pervenitur & hinc fortasse mos noster emanavit, ut præter tria edicta, quartum peremptorium etiam sequatur, in quo ex contumacia Vassalli feudum Domino adjudicatur: intervallum jure antiquo decem erat dierum intra quamque citationem, (f) sed jure authenticorum 30 (g) nos in primo edicto quadraginta dierum præmonitione utimur, in aliis sex aut septem, in quarto sive peremptorio quindecim, nec interest personaliter citetur reus, an vero ad locum habitationis, si fraudandi causa latitaverit (h) & puto sane hunc ordinem processus communem fuisse in omni feudi amissione, nam nostra memoria, in burgis

De contumacia Vassalli citati,

(a) l. Ad perempt. 68 ff. de judiciis l. proponendum C. eod. l. consentaneum Quomodo & quando judex C.

(b) D. l. Ad peremptorium cum seq. & l. proponendum.

(c) Radovicus lib. 3. c. 27.

(d) Novella 112. Cap.

Omnes vero (e) s. c. 1.

De milite Vassallo qui contumax est.

(f) l. Per intervallum ff. de judiciis l. proponendum §.

& si quidem C. de judiciis

(g) d. c. Omnes vero de litigiosis collatione officialium. Nov. 112.

(h) l. Fulcinus §. item videamus quibus ex causis in poss. cas. & l. si quis emptorum C. de præscript. 30. annorum.

burgis tres citationes præmittebantur. Prima monitoria tantummodo ut veniat: secunda, sub pœna carcerationis, postquam, si deprehensus fuerat reus, custodiæ includebatur, donec respondere se offerat; Si neque ex secundo edicto comparuerit, tunc actor in possessionem mittebatur, nec de ea decedere cogi potuit, donec lis finiretur, in quo casu qui prius reus erat, actoris partes sustinebat: His tribus edictis vocatus Vassallus, si ad curiam non compareret, feudum amitteret, sed cum hac moderatione, ut Dominus statim à tertia curia in possessionem feudi mittatur, ut ait textus; Quod si contumaciam suam intra annum purgaverit aut purgaturum se obtulerit, restituebatur ei possessio, aliqui & beneficium amittit; Sane Lodovicus Imperator statuit, ut si cujus bona propter capitalem accusationem occupata à fisco fuerint, neque is, ad quem ea bona pertinebant, intra annum & diem iudicio sistere se offerat, ut bona illa perpetuo à fisco retineantur, quod à jure Cæsareo defluxisse videtur, nam jure Codicis reus ad quinquennium expectandus erat (a): Justinianus tamen statuit, ne contumax ultra unum annum ab edictis expectetur (b): Diem autem anno adjici, antea monui; nam qui annos res has præscribunt & definiunt, perfectum & absolutum annum expectare debent; ut intelligant illam præscriptionem ultimo die anni non finire, sed sequenti die & eum qui sequenti die venerit, satis cito venire: Est tamen aliquis in jure casus, in quo tribus edictis non est opus, nempe si Vassallus ita contumax fuerit, ut respondeat in initio primæ citationis se nolle venire, nam in hoc casu non est opus renovatione citationis, (c) at Glossa non idem vult esse in feudo, (d) & profecto durum esset propter apertam negationem, cuius postea possit pœnitere, feudo Vassillum privari, & pœnitentiæ locum ei auferri, licet apud nos in consignatione pecuniarum in causa redemptionis, ubi quis in loco consignationi destinato, tenetur morari ad occasum solis; si is à quo redemptio fit, comparuerit, fortasse in meridie & dicat se nolle pecuniam recipere, occasus solis non est expectandus, sed pecunia immediate post simplicem recusationem deponenda, adeo ut pœnitentiæ non sit locus, si ante occasum is qui recusaverit receptioni se offerat: sed non est eadem ratio in hoc quæ in altero; Levissimum est enim præjudicium, si quis hodie recuset pecuniam; nam postquam obsignata est, si recusationis eum pœniterit, poterit per supplicationem Senatui oblatam, parte citata, à depositario pecuniam reposcere, at in altero pœna est amissio feudi totius, quæ cum altero præjudicio non est comparanda; Sed ut ad mores nostros redeam, de hac feudi amittendi causa, puto eam non esse universalem, nec talem pœnam, ex quacunque causa contumaciæ, irrogari, sed tantum ex usu nostro hodierno in denegatione evidentiæ sive monumentorum investituræ; Audi vi tamen à multis & hunc morem antiquitus fuisse apud nos receptum. Quod ad externas gentes attinet, Certum est, cum Anglus, de Rege Franciæ, Normanniam, Aquitaniam, Andes, Pictones & plerasque alias ditiones teneret in feudo, ex minima occasione, Gallum harum provinciarum recuperationi inhiantem, solitum evocare Anglum tribus edictis ad homagium præstandum Aut ut ad querelas suorum hominum responderet (quos Gallus subornaverat) ut se in iudicio coram eo sisteret, tanquam Domino superiore: Cum autem ad tertium edictum non compareret Anglus, (ut aliquando comparere non erat tutum, nec sine periculo eminenti, poterat) eas omnes provincias in manus suas sumposisse, (nos recognovisse dicimus) Senatus Parisiensis sententiâ interveniente; ne sine ordine iudiciorum quicquam fecisse putaretur & hæc sola causa est, cur adhuc Anglus, omnibus his provinciis, quarum tamen indubitatus erat hæres, careat.

De non pœna investitura.  
(c) Glossa inc. 1. de milite Vassallo qui contumax est.  
(f) c. 1. Quæ erat prima causa feudi amittendi. Lib. 2. feud.

Quinta causa feudi amittendi quæ circa ipsum feudum versatur, si Vassallus hæres intra annum & diem à morte Domini vel Vassalli renovationem investituræ non petat (e) De hac renovatione feudi intra annum & diem, diximus antea non esse causam justam amittendi feudi, nec apud nos receptam; nam, quod toties ante monui, nobis leniores pœnæ semper placuerunt; Itaque cum Domino satis consultum nostri putarent, quod interea dum hæres in renovatione investituræ cessat, feudi fructus suos faciat ratione non introitus & pro eis iudicio agere & etiam distringere possit, ab ulteriori pœna abstinuerunt, quamquam apud nos rara sit hæc Dominorum querela; nam à Dominis sapius peccatur in recusatione renovationis investituræ, quam ab hærede in petitione; adde quod non tantum roboris & efficaciam sit, apud nos hæc spontanea investituræ renovatio à Domino, Vassalli hæredi facta, (quam nos, Præceptum de clare constat à verbis initialibus vocamus) ac si Vassalli hæres legitime & in curia regis deservitus quindecemvirali sacramento & retornatus fuerit: Nam ex hoc retornatu sasina ad omnes actiones sufficit, non solum Petitorias, sed etiam rescissorias; altera ad rescissorias nunquam

quam: in petitoriis, raro, si quis se opposuerit & ex adverso titulum probabilem produxerit: aliquando in Senatu dubitatum vidi; Itaque in hac causa amissionis feudi non immorabor, nec in eis quaestionibus quae circa eam versantur, Quid si minor non potuerit: Quid si legitime impeditus, Quid si impedimentum ex loco affecto proveniat, siue quod sit inter potentes inimicos siue pestilentia affectus, Quid si non debite petiverit, Si non cum humilitate, Si commoda tempora non observaverit? In quibus omnibus ex Jure feudali poenitentiae & excusationi locus est. Hac omnia prudens praefero, tanquam ad usum nostrum non omnino conducentia: unum tantum adjicio, licet Vassalli haeres in petitione cessaverit; Post annum tamen & diem, Dominus ei investituram concesserit, remississe ex jure poenam & omnem animi offensionem videtur, non tamen illius temporis fructus, quo feudum in non introitu fuerat, quod in recognitione & aliis causis amissionis feudi observandum (a).

(a) Bald. in  
post. diem ff.  
de lege com-  
missoria.

Quod ad Barratriam attinet certum est, apud nos, modum esse feudi amittendi; sed an hac poena Regi applicetur, an Domino feudi incertum est; Quod ad me attinet, non puto poenam Barratriae Domino feudi competere, sed tantum Regi, quia in Regno tanquam patriae patrem peccatur. Id ut clarius fiat, de nomine Barratrix aliquid dicemus; Vox haec Italica siue Romana est & Caupones beneficiorum Barratrii à Baldo, Angelo & Paulo de Castro dicuntur; post ad omnia judicia ea vox penetravit, ut qui pretio jus aut leges emicit aut pervertit aut qui pecuniam accipit, ut in causa judicet, barratrius diceretur, quod & postea ad eos qui pecuniam eo nomine dant, translatus est: A nostris in usum producta est hac vox, Primum in Ecclesiasticis tantum & de eis dicta, qui pecuniam ad nundinationem beneficiorum è regno Romam transportant, quasi caupones beneficiorum; Sed quoniam difficilis eorum esset punitio, cum plerumque sub Romani Pontificis autoritate delitescerent, non ausus Rex, in eos, directe, quasi caupones beneficiorum animadvertere, edicto prohibuit, ne monetæ è Regno exportarentur ad cauponantes beneficia, nisi prius exportator ad ordinarium venerit aut ad Regni Cancellarium, ibique causa exposita sui è Regno decessus, eorum veniam & licentiam impetret, praestata fide prius se Barratriam non committere, id est, pecuniam ex Regno non exportare cauponandi beneficii causa, alioqui poena transportantis monetam è Regno puniendus (b). Postea ingravescente hoc malo & ob nundinationem beneficiorum, tot pecuniis Romam evectis, placuit ne quis ex Ecclesiastico ordine Romam proficisceretur, cum neque id, sine pecuniarum magna vi, fieri poterat & clam aliquid semper machinarentur, de invertendis beneficiis & praecipue Monasteriis, ne ex liberis Monachorum suffragiis Abbates eligerentur, itaque poenam erat aequata prodicioni siue laesae majestati, ita tamen ut poena, non ad corporis supplicium pertineret, sed tantum ad amissionem cujuscunque beneficii aut dignitatis Ecclesiasticae, si quam haberent in Regno (c): Sed cum graviora incommoda quotidie orirentur, regnumque pecuniis exauriretur, factum tandem est, ut novo actu interdiceretur Ecclesiasticis omnis ex Regno exitus, sub eadem poena prodicionis, sed quae ultra amissionem beneficii & Ecclesiasticae promotionis, ad perpetuum exilium extenderetur (d). Tandem in primo statuto hujus Serenissimi nostri Regis, repetita eadem poena sunt (e). Ex quibus omnibus liquet, Barratriam tantummodo in Ecclesiasticis locum habuisse, eoque nomine ante annos triginta, Jacobus Archiepiscopus Glasguensis forisfactus est, id est, à beneficio privatus: Quomodo autem nomen hoc ab Ecclesiasticis ad nobilitatem derivatum est, incertum sum, nisi quod ob affinitatem siue poenae siue facti puto; Nam, apud nos, certum est Barratriam committi hodie, Si quis feudum de Rege tenens, sine ejus licentia, Regno egrediatur, siue literarum causa, siue alia quacunque occasione; nam etiam causa Vassalli feudum amittit & perpetuo exilio damnatur; & ex hac poena diversitas opinionum nascitur, utrum Barratria sit causa tantum amittendi feudi, an vero etiam crimen laesae majestatis, Si tantum sit crimen laesae majestatis, cur non ad vitam extenditur? Nam laesa majestas non sine sanguine offendens placatur: Quod si non sit crimen laesae majestatis, profecto feudum ad Dominum, à quo profectum est, debet redire. Sed praeter amissionem feudi, video poenam perpetui exilii indici, quod maxime me movet, ut Barratriam inter causas amissionis feudi non numerem, ut nec reliquas laesae majestatis causas &

De Barratria

Hinc vocem  
Barratria.

(b) ff. de  
P. 7. c. 11.  
106.

(c) ff. de P.  
6. c. 43.

(d) ff. de P.  
5. c. 53.

(e) ff. de P.  
1. c. 2.



(a) Tran-  
quillus in  
Augusto.

pœnas, In hoc casu inquirere malo, quam decernere; Sed multis leſior videtur occasio in nobilibus, quam quæ tanta sit digna pœna, itaque, saltem in hoc, licet inquirere, quæ hujus supplicii seu pœnæ origo fuit ab initio. Cum Hanno Carthaginiensium Imperator, primus in Hesperida Insulas ( quas hodie Canarias dicimus ) appulisset, coloniamque ibi constitueret, magna hominum copia eo commigratura videbatur, nisi Carthaginienses edicto caverent, ne quis suorum sine venia ex Africa excederet: Post Augustus Cæsar edicto severissimo sanxit, ne quis Senator, injussu suo, Italia excederet ( a ). Quod ille cavit, ne conspirationi locus contra se esset, Eadem causa, ejusdem pœnæ faciendæ in Guilielmo Rufo, Secundo Angliæ Rege, post Conquestum fuit; nam cum sine jure, sive injuria Regno Anglorum fuisset potitus & plerique ad fratrem ejus majorem Robertum Ducem Normanniæ, ex Anglia quotidie transirent, quod ejus jus in Regno Angliæ potius putarent, edicto primus cavit, ne cui Vassallo, ex Anglia, sine ejus veniâ literis expressâ, discedere liceret, sub pœna amissionis feudi: Quæ Lex à vicinis principibus observata hætenus est, propter frequentissimas seditionum & tumultuum occasiones, quæ præcipuè in partibus transmarinis, ad quos rebelles confugere soliti erant, nascebantur; ab iis ad nos pervenisse verisimile est: Utcunque se res habet, certum est hodie, Anglos, Scotos, Danos, hoc pro inviolabili consuetudine observare, ne sine licentia impetrata à Rege, à Regno Vassalli ejus excedant; quod & in Neapolitani Regni proceribus etiam testatur Bodinus in sua Republica. Ad quos autem hæc pœna extendatur, controversum sæpè vidi; æquitas enim non patitur, ut ad omnes Regni incolas, sine discrimine dignitatis aut status, extendatur; nam ab inferioris fortis hominibus, minus est periculi. Itaque sunt qui tantum ad Regios Vassallos extendunt, ut si soli si Regno exceſſerint, teneantur; Alii ad omnes qui de Rege tenent extendi putant, sive teneant in Burgo sive Franco sive in Emphyteusi, sive sit Laicus sive Ecclesiastica persona, quæ in crimen incidit: Plerique restringunt ad eos qui feuda nobilia sive Laica sive Ecclesiastica habeant: Mercatores etiam si feuda Regia habeant, liberè ire & redire sine impetratione literarum possunt, idem in bonarum artium studiosis, Quod licet non negem, tamen ne sub pretextu fraus fiat legi, ne in hoc quidem casu licere puto; cum à talibus, si feuda regalia teneant, semper literas gratiæ sive licentiæ viderim impetratas.

De feudis  
statione seu  
deteriorati-  
one.  
(b) Bald.  
§. publica-  
tiones De  
Pace tene-  
da.

Est & alia causa amissionis feudi, quæ circa feudum ipsum versatur, nempe si Vassallus feudum Domini sui dissipaverit aut insigniter deterius reddiderit ( b ); Nam præterquam quod non minus est Domini incommodum, si feudum deterioretur, quam si pars ejus alienetur; feudum enim suum Dominus ei non concedit, pauperem in eo facere liceat aut ad vastitatem redigat, sed tantum ut melioretur & ad majores fructus reddendos diligentius excolatur: Sic usufructuarius, male utendo vel abutendo re proprietarii, à suo usufructu cadit, neque enim solum agros colere, ædificia facta tenere debet, arbores fructiferas servare, in locum de mortuam alias substituere, Sed etiam, si quos habeat Valvasores sive subvassallos, eos pro dignitate tractare, neque ab eis insolitas operas aut exactiones exigere aut indere, Quod si fecerit, neque à Domino monitus velit desistere, à feudo cadit ( c ): Nam male substantiâ Domini utitur, qui subditos suos lacerat, quanto enim feudum melius colitur, & à pluribus habitatur, Domini non solum jurisdic-tio & opes, sed etiam quia pluribus possit imperare, Dominium ejus tanto fit auctius. Itaque usum feudi non abusum Vassallo permittit; Scio multas bellorum occasiones inter Gallum & Anglum eâ de causâ factas; Nam cum Anglus Aquitaniam vel Normanniam exactione vel tributo gravare vellent, subornabantur qui ad Gallum provocarent, tanquam Dominum horum feudorum superiorem, inde ad judicium subeundum, Anglus evocatus, ut rationem redderet, cur subvassallos ita affligeret & ut eis satisfaceret. Cum ille indignaretur se eâ de causâ evocari, licereque sibi putaret subditos suos & valvasores aliquibus tributis onerare, ægrèque hanc evocationem ferret & ad dicendam causam comparere noller; Gallus hæc feuda Aquitaniam & Normanniæ & aliarum Regionum, quas non parvas in Gallia in feudo Anglus tenebat, in suas manus recepit & adhuc retinet, quo Jure, quaque injuria; Sic hæc iusta apud Gal-

(c) d. §.  
De pace re-  
nenda & e-  
jus violati-  
onibus Scho-  
th 55 disp.  
10.61.

los censetur feudi amittendi causa : Apud nos, nunquam vidi ex hac causa amissam feudum fuisse, nisi expresse in Investitura feudali cautum sit, ne feudum deterioretur ; sed ædibus, hortis, arboribus & hospitibus, ad recipiendos scilicet hospites, ornetur & decoretur ; in quo si peccaretur, puto causam esse amissionis feudi iustam. Memini ante annos triginta, controversiam fuisse inter Davidem Boner de Roslye & Joannem Crichtoun de Innernytie, quod tempore Jacobi. 5, evictum fuisset ab Joanne Crichtoun feudum & Bonero de Rosly concessum, is postea anno sexagesimo tertio & quarto, gravissimam & factione partium acerrimè agitatam controversiam instituit, de retractanda ea sententia, nam cum sola rescindendi prioris feudi causa fuisset, quod sylvas illius prædii sive feudi causa & deteriorata fuissent. Ideoque iudicium rescissorium à Senatu latum, Et in hac secunda instantia Crichtonus se probatum recepit, sylvas quæ circa dictum feudum erant tempore prioris sententiae, in meliore condicione fuisse, quam erant, cum feudum à principio ei concessum fuisset, quod & fecit & obtinuit ; Hæc igitur sunt ingratitudines aut delicta, quæ in feudo aut circa feudum committuntur ; Superfluit ea ingratitudinum causa, quæ non feudum ipsum, sed Domini personam respiciunt.

Prima ingratitudinis species est & maxima, si Vassallus Domini sui personam violaverit aut violentas manus ei injecerit : Veluti si Dominum interfecerit ; nam hanc non est iustissimam amissionis feudi causam, nemo sanus negabit : aut si causam cadis Domini, vel consulendo vel conspirando vel percutiendo dedit ; Apud nos (aut & parit) dicitur, id est, si ejus arte aut participatione facti, Dominus cæsus sit, feudo iustitiam multandus, (a) Sic si Domino etiam mortuo injuriam fecerit, cadaveri ejus illuserit, aut inhoneste abjecerit, aut sepultura prohibuerit vel perpetuo vel ad tempus impederit, vel vi vel sequestratione aut arrestatione (ut quondam licuit, licet hodie non permittitur) aut si Domino morienti injurius sit (b) Quod à jure civili videtur originem sumpsisse ; nam, ex jure civili, qui testari aliquem prohibuit, omni commodo, quod ex ejus morte consequi potest privatur : Idem in membro Domini amputando, aut inutili reddendo, & sanguinis Dominici effusione observatur, aut si Vassallus quoquo modo educto gladio eum percusserit, etiam si nihil inde sequutum fuerit ; cum tamen impetum in eum fecit, & per Vassallum non stetit, quo minus eum percuteret, licet ab aliis intervenientibus fuit impeditus : Idem si venenum paraverit, aut ejus vi tæ insidiatus fuerit, licet effectus non sit sequutus, si tamen voluntas in aliquem actum deducatur, à feudo cadit (c) Si tamen Vassallus educto gladio, ut à Domino se expediret, dummodo non percussit, arma paraverit, aut ut se protegat ab injuria Domini, puto Vassallum in poenam non incurrere, sed poenitentia esse locum. Eodem modo Vassallus à feudo cadet, si cum aliis de interficiendo Domino conspiraverit (d) aut conspirationis confcius, si potuerit, non impedierit, aut si non potuerit impedire, saltem Domino non aperuerit, ut se ab injuria & violentia tueri possit. Alii hanc conspirationem sub verbo (assassinerit) alii sub verbo, percusserit, comprehendunt, utcumque est, si violentas manus in Dominum injecerit aut injectionis manuum violentiæ particeps fuerit aut injuriæ in Dominum commissæ confcius, à feudo cadit, nisi quod assiliendo aliam causam feudi amittendi inducit, quæ tamen à priori non multum differt, nempe si pudent & sciens, Domini castrum vicum aut habitationem assilierit, etiam si uxor tantum Domini ibi habitaverit aut impetum in illud fecerit sive eques sive pedes sive fores effringendo sive machinis & tormentis oppugnando aut sagittis propugnatores è pinnis & turribus vertendo (e), Dixi sciens, id est, si sciverit Domini esse habitationem aut castrum ; nam ignorantia (ut dixi) si ea non fuerit crassa, sed probabilis, hic excusatur, ita tamen crassa est, si id non intelligat, quod omnes intelligere debent, forte si nemo alius Dominus cognitus sit illius loci aut si Dominus ibi divertere aut habitare consueverit & communiter ejus castrum reputabatur. Quid autem licet Domini esse castrum aut habitationem sciverit ? sed dum assilierat & oppugnaret, ignorabat Dominum ibi esse ; Hæc tamen excusatio eum à poena non liberat (f) : at quid si certò sciebat alibi Dominum tum fuisse, dum castrum ejus assilierit, an hac ingratitudo in Dominum commissæ videtur, hoc inquirendum relinquo, licet sunt qui & in hoc casu à feudo cadere Vassallum putant, si fores effregerit : Neque tamen hæc regula ita generalis est, quin exceptionem pariat. Quid enim si Vassallus, cum esset Domini præceptor, eum disciplinæ causa verberaverit, aut si Vassallus dum se, suam vitam, famam, dignitatem, bona aut pudicitiam suo-

82. Si Vassallus violentas manus in Dominum injecerit.

(a) Cap. 2. ubi fuit prima causa beneficii a missi. n. d. Porro. (b) Arg. l. 2. §. 6. si forte ff. de inie. jur. i. d. ubi ff. 29. disp. 10. lib. 1. (c) d. 5. Porro.

(d) d. Cap. 2. ubi fuit prima causa feudi amittendi.

92. De assiliendo castrum Domini.

(e) Cap. 2. ubi fuit prima causa feudi amittendi §. 5. si in illis si Dominum.

(f) Ibidem §. præterea. Quæ fuit prima causa feudi amittendi.

rum à Domino oppugnante defenderet, Dominum interfecerit? nam utroque casu Vassallus excusatur (a), Sic si contra Dominum rebellem arma sumpserit (b) aut si forte errore personæ deceptus, Dominum offenderit, cum alium esse putaret (c) vel fortasse non animo offendendi id fecerit (cum injuria sine animo injuriandi non fiat) (d) Sed sui defendendi vel patriam aut adversus ipsum Dominum aut etiam extraneum tuendi cum publica causa hæc privatis necessitudinibus præjudicet & voluntas & propositum maleficia distinguant Aut si non animo dominum offendendi vel lædendi, sed eum cui dominus adhæret & contra vassallum tutatur (e), offendit. Præterea dominum graviter vassallus offendit, si alii quam domino fidelitatem sponte & non coactus juraverit (f) quod non est intelligendum si duo diversa feuda ex duobus dominis habet; nam cuique eorum fidelitatem jurare tenetur, sed ne pro eo feudo quod de suo domino tenet, alii hominum præstet; Si tamen cum vassallus magistratu fungatur, dominum jure magistratus incarceraverit vel etiam captum bello detinet, (cum qui bello capti sunt, jure detineantur) feudo non privatur, nisi cum domino, dare fidejussores de solvendo offerentem, tamen liberare recuset (g). Quod si dominus & vassallus se invicem offenderint, sive injuria ea ex facto sit vel solis verbis nec constet quis prior offenderit aut si constet dominum priorem offendisse, à feudo non cadet (h).

(a) *Præpositus* in D. § *Porro* L. *Gracchus*.

(b) *ibi* Bart. & Bald. ad L. *Fulian* de *Adul.*

(c) *Cur. Fun* p. 4. nu. 31.

(d) d. § *Similiter*

*Quibus modis feudum amittatur.*

(e) *Iser. affi*

*præpositus* Al-

*var.* § d. § *Similiter*.

(f) L. 3. l. quod *Reid.* ff. de *injuriis*.

(g) *Scho. rhe.* 47. disp. 10. lib. 1.

(h) *Arg.* L. si vero § 1. ff. de *his qui testantur*.

(i) *Arg.* L. *Sci-*

*entiam* 45. § cum *strumenta* ff. ad L. *Aquilian* c. *conscriptus* Extra de *penis*. *Seb.* 49. disp. 10. lib. 1.

10. *Accusatio criminalis Domini.*

Huic causæ affinis est & alia, quæ contra caput sive vitam domini est, licet percussio aut assultus non intercedat, velut: si dominum criminaliter accusaverit vel per se vel per alium, ita ut de vita, de libertate, de fama aut patrimonii aut magnæ partis amissione periclitetur, sive probaverit sive non: aut si vel in civili causa vel criminali, testimonium contra dominum non coactus dixerit vel si sponte & non coactus advocatus contra dominum fuerit (k). Si vero vel officii sui necessitate (ut si forte hæres alicujus inliturus, aut dominum de delicto in principem & Remp. accusaverit aut testimonium ei expressum invito fuerit, excusabitur (l)) Sic si non sit grave domini præjudicium: idem de delator tantummodo bonorum domini fuerit (m): Sic & atas malitæ destituta excusat aliquando (n) & sane Vassallus sive libertus contra Dominum, jure Civili testimonium ferre non est cogendus (o) licet apud nos aliter observetur, nam citatus Vassallus testimonium dicere cogitur, quod non sine ratione est, ne forte ex defectu unius testis, bonæ causæ probatio intereat. In causa tamen feudali tam pro domino quam contra dominum impune testimonium dicit (p) Quod de domino accusato criminaliter a vassallo dixi, extensionem recipit; nam si Vassallus contra Dominum criminaliter accusatum fidejusserit, id est, ut nos loqui soleamus, si fidejuberet in libro Adjurnalis, se ad certum diem literas, domini accusationem continentes, repræsentaturum, etiam feudum amittere, Nam particeps tum accusationis censetur; & apud nos justa hæc est causa hunc fidejussorem declinandum, cum hæc fidejussio capitales inimicitias inducat. Idem si Vassallus in Dominum, accusatorem submittat. Idem si Domini imminens periculum non denunciaverit, vel si in magna & gravi causa sententiam contra Dominum, vel ut iudex vel ut arbiter, vel ut arbitrator tulerit, quæ ex iisdem de d. ctis per appellatorem postea rescissa est: in qua rescissione manifestè probatum fuit, ne consultis quidem peritiorebus, (quod in re gravi etiam non dominica facere debuit) eum sententiam contra dominum præcipitasse, vel ejus sordes, fraudem vel latam culpam intervenisse (q) Si vero ex errore vel levi culpa, veluti si ex imperitia tantum lapsus sententiam dixerit contra dominum; in hoc casu subveniendum ei putant plerique; nec in hoc casu feudum amittere. Hæc quæ de Vassallo accusatore diximus, ita temperanda sunt, si injustè hæc vassallus fecerit, nam si iudicio legitimo injuriam vel jus suum vel suorum persequatur aut etiam si in iudicio illo vassallus obtinuerit & intentionem suam probaverit; aut etiam si succubue-

(k) § *Similiter*

*Si item si inter de con-*

*suetud. recti*

*feud. Seb. ib.*

*recti* § *Item*

*si delator* De

*caus. feud.*

*amitt. argum.*

*c. fin* Extra

*de postulando.*

(l) *Argum.* L.

*post legatum*

*S. advoca-*

*tum* ff. De *his*

*qua ut in-*

*dignis aufer.*

(m) d. §.

*Item si inter de con-*

*suetud. recti*

*feud. Seb. ib.*

*36. disp. 10*

*lib. 2. feudor*

*c. 6. de forma*

*fidelitatis.*

(n) *Alvar.* in D. §. *Item si inter.* (o) L. *Libertorum* C. de *testibus*.

(p) *C. Si de investitura inter dominum & vassallum controversia fuerit.* (q) *Arg.* l. *Qui cum major* 2. & seq. ff. de *bonis libertorum*. *Tir. De panajudiciis* qui temere judicant. *Præterea* glossa & DD *ibid.* *Zaf.* p. 10. num. 47. *Seb.* ib. 46 disp. 10. lib. 1.

rit,



rit, si tamen dominum probabiliter & ex verisimili causa de delicto in principem aut rem publicam commisso accusaverit, in his casibus Vassallus accusator feudum non amittit: (a) Quod si ab accusatione jam coepta desistat, sive abolitio à iudice impetrata fuerit, in hoc casu non putatur Vassallus feudum amittere (b) à quibusdam, secus ab aliis, licet destituerit, si Dominum semel in periculum deduxerit (c) Numeratur & inter delicta in Dominum, si Domini literas sciens sibi missas parum honorifice suscepit, aut laceraverit vel ne praesententur effecerit, nisi vel ignorans forte Domini esse, fecerit, aut illas recipiendo, protestatus fuerit, contenta in eis non esse vera, aut forte ebrius fuerat, in quibus casibus cum malitia desit poena cessat. (d)

Est & aia feudi amittendi causa circa personam Domini, veluti si Vassallus ad militares operas, sive suum servitium debitum requisitus legitime, Domino parere recusaverit aut si Dominum, in bello deseruerit. Haec causa duo capita continet, Si ad militiam non venerit aut à Domino pugnante fugerit, sive in bello sive privata rixa & protectio utraque hac causa magnam Vassalli ingratitudinem arguit, si cum ob militares operas, sive praestandam in bello operam feudum accepisset, militiam detrectaverit; & concurrat cum ea conditione quae in jure civili naturalem aequitatem secum trahere videtur & conditio ob causam dati, causam non sequuta dicitur, ut si causa hac non sequatur, quod eo nomine & eadem causa datum erat, iustissime repeti possit, re inconstitutum lucrum apud possitorem permaneat. Hinc etiam nostrum morem defluxisse puto, ut qui ad editum expeditionis bellicae diem non venerit aut toto tempore non remanserit, desertor patri & proditor existimetur, eademque poena puniatur, qua is qui ex acie fugit, aut, si etiam Dominus in periculo constitutus, si cum neque mortuum neque mortiferè vulneratum reliquerit, aliquando etiam si Dominus in periculo non fuit constitutus, si tamen Vassallus fugerit, nisi vel statim post fugam redierit, paratus in omni discrimen pro Domino aut si illa fuga Domino non nocuit; sed nec hoc eum liberabit si in praelio mansit ut inspector, neque se pugnae obtulit aut pugnaverit. (e) Quod etiam locum habet, si extra bellum, Dominum Vassallus deseruerit, vel ab hostibus vel latronibus captum, si eum saltem clamore, cum posset, non liberaverit. (f) at si iustam excusationem fugae Vassallus praetendere potest, si Dominus fuit lethaliter vulneratus aut si ex probabili causa eum existimaverat lethaliter vulneratum, cum aut omnino non esset vulneratus aut saltem non lethaliter; (g) Idem si Vassallus factus sit inhabilis ad Dominum iuvandum, veluti si dextram amisit aut grave ipse vulnus acceperat aut erat periturus nisi fugisset. (h) In civitate aut universitate vassalla, licet una pars fugerit aut Dominum deseruerit, ut neque in aliis delictis, si pars Dominum offenderat, civitas aut universitas feudo non privatur. (i) Potest tamen qui in injusto bello Dominum juverat, poenitentia ductus Dominum deserere, sed sunt qui eo casu ad interitum Vassallum teneri volunt; Nam praescripta utraque poena est, vitae feudi & omnium bonorum amissio, vitae tamen non memini unquam poenam executioni mandatam, ut neque feudi, sed solius amissionis omnium bonorum, sed quoniam quot in regno sunt, tot regii sunt Vassalli, si modo aliquod feudum, mediata vel immediate, de eo tenent, editis monentur de poena quae ex jure irrogari potest, nisi pareant. Certè qui vel castra deseruerit, vel ex acie fugerit, lege Julia Majestatis tenetur, quasi consilio & opera Remp. & ejus securitatem laeserit (k) Sic Vassallus in bello aut in acie à Domino fugere non debet, nisi extrema necessitate coactus, vel si fuga domino non noceat, nam, ut ab initio monui, turpe apud boreales gentes habebatur, Domino in acie manente, non simul commorari, ut Tacitus habet & infamis in omnem vitam erat qui id fecerat. In his servitiis hoc generaliter observandum, ut ubicunque Vassallus Domino periculum vitae imminere novit (bella autem sine periculo vitae non administrantur) aut vim ei inferri, sive in corpore sive in fama & existimatione, sive in bonis, etiam non requisitus accurrere & omnem vim prohibere debet, in quantum potest, immo etiam si vulneratus, clamore saltem juvare debet, alioqui feudo privandus. Delicta etiam in Dominum, alia sunt quae feudi amissionem inducunt, veluti si Dominum Vassallus prodiderit, aut ejus secreta, sive ea sint dicta sive facta detexerit, etiam si Dominus nullum inde senserit periculum, tamen imminerebat, nisi forte ex imprudencia vel stultitia, cum Dominum crederet se laudare, fecerit, aut si Vassallus hostibus per suum feudum iter concesserit, in Domini damnum vel annonam eis praeberit aut literas vel nuntium ad eos misit vel signum dederit, si arcem castrum vel alias munitiones hostibus Domini tradiderit, nisi iusto metu & rebus omnibus desperatis fecerit aut si uxor ejus fecerit; nam qui talia faciunt, censentur Domini proditores,

(a) Glossa in §. smiliter Tit. De consuetudine recti feudi (b) qui cum major ff. de bonis liberorum. (c) Schen. thes. 40. disp. 1. (d) Afflic. §. Tit. Quibus modis feudum amittatur.

112. Desertio servitiis Domini aut ipsius Domini in bello.

(e) Tit. Quibus modis feudum amittitur. (f) §. Licet Vassallus Tit. Si de feudo def. controversia sit.

(g) And. ab Isernia 1. q. nu. 5. quibus modis feudum amittatur. Bald. ibid. (h) Glossa in D. Tit. quibus modis feudum amittitur.

(i) Schen. ib. 113. Disp. 10. lib. 1.

(k) Glossa in §. ibi D. quibus modis feudum amittitur. l. 1. l. 2. l. 3. l. 4. ff. Ad l. Julianam Majestatis.

*Quid si Vassallus, dum feudum est in non introitu, delinquat.*

*(a) Tit. de feudo non amittendo.*

*(b) And. de Ifern. de afflu. c. 1.*

*de forma fidelitatis & in D. S.*

*porro Alvar. & proposit.*

*ex Arg. c. 1.*

*de forma fidelitatis*

*Scho. the. 24*

*Dis. o. lib. 1.*

*(c) And. Ifern. in c. 1.*

*señ. si quis de manso uno*

*Tit. si de controversia seu*

*di c. 6. & Afflu. ibid.*

*& de cisione*

*269 n. 107.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

*122 si pudi. etiam uxori Domini attentaverit.*

proditores. (a) Si cum Domini inimicis in Domini perniciem contraxerit, si Domino innoxium iter seu transitum per fundum suum aut per viam publicam denegaverit, (b) Debet enim, Vassallus omni modo Domini commoda promovere adversus omnes, Domino antiquiore & superiore excepto. (c) Sed in hoc uno delicto questio movetur quæ ad omnia delicta extenditur; Quid si Vassalli hæres antequam investituram renovaverit, Dominusque eum in Vassallum receperit, ad Domini denunciationem venire recusaverit aut eum in acie pugnantem cum opem ferre possit, deseruerit, utrum in hoc casu feudum, quod nondum habet, amittet; nam qui fieri potest, ut quod quis nondum habet, illud amittat & Domino imputandum videtur, qui Vassallum non agnoverit & ei investituram præbuerit, quod & ad omnes alias ingratitudines, eadem ratione, extendere quis potest; qui enim potest ingratus quis esse in eum cui adhuc nullo gratitudinis vinculo obstringitur? aut in eum delinquere, qui non est ejus Dominus? cum Vassallus & Dominus correlata sint, neque unus sine altero possit consistere; at æquitas pro altera est parte; nam, qui in spe certa est succedendi, pro successore habetur, & pro facto habetur & reputatur, in quo mora per hæredem fit, quominus fiat, nec interest, sitne adhuc hæres investitus an distulerit investiri, quod ad Domini servitia attinet, ad quæ tam vestitus, quam non vestitus pari ratione tenetur, Sic non excusat à Canone non soluto, si quis hæreditariam emphyteusim non adierit, itaque in his delictis par est ratio hæredis non investiti, ac si esset. Sane hanc ipsam questionem vidi inter Dominum Alexandrum Setonium, tum Monasterii Pluscardensis Commendatarium, nunc Comitem Fermelinodunsem Al. Dumfermelyn & totius Scotie Cancellarium Dignissimum & Dumbar de Cumnok agitari, in reductione sive retractione cujusdam emphyteuticæ investituræ, de piscatu Salmonum in flumine Spea, quam dictus commendatarius intentaverat, propter non solum Canonem per viginti circiter annos, ad quam Cumnocius cum exceperat, se toto illo tempore non fuisse Vassallum aut emphyteutam dictæ piscationis, nec se nec patrem ejus, sed quasi reiectos ab emphyteusi, quod Monasterium Pluscardense emphyteusim illam noluisse agnoscere; sed replicatum erat ab eodem Setonio, interea fructus esse ab eo perceptos & proinde Canonem solvere debuisse, & cum Cumnocius duplicaret, id ex Monasterii injuria & quasi per vim illatam factum fuisse; quod si Canonem obtulisset, recusaturum erat, quoniam toto tempore emphyteusis illa falsi insinulata fuisset à Monasterio, nec videtur Canonem recepturum, ne per receptionem approbarent emphyteusim; prævaluit tamen & merito prædictus Dominus Setonius. An autem Vassallus Dominum juvare tenetur, contra parentem, patriam aut Dominum Superiorem aut si debeat Dominum inclusum carcere vel ex inopia liberare? aut ad loca remota aut extra districtum sequi, & an inopia Vassallum aliquando excuset, dixi antea in eâ narratione, Ad quid Vassallus Domino tenetur.

Nec minus in Dominum peccat qui pudicitiam conjugis Domini corruerit adulterio, id est, si Dominum infamaverit & ut verbo feudistico utar, si Dominum cucurbitaverit; Quæ autem sit hujus vocis origo, plerique dubitant, Hottomanni judicio. Corbita sive curbita vox Lombardica est & adulterium sive infamiam significat, Speculator licet ipse Italus, aliam tamen hujus nominis interpretationem non adfert, nisi quod sit nomen infamæ & qui alterum cucurbitam vocaverit, injuriarum nomine teneatur, nec ullum nomen adeo infame apud Italos, quam si quis impudicæ uxoris conjux dicatur, Itaque Hottomanni interpretatione contentus, ad delictum hoc redeo. Si Vassallus igitur Domini uxorem (etiam illegitimam, modo si incestus non fuerint nuptiæ) (d) adulterio corruerit sive volentem sive invitam aut ad crimen sollicitaverit aut attentaverit aut turpiter tractando sinum, pectus & alia que honestè tractari non debent, feudum (ut dixi) amittit: (e) Quod ad personam uxoris attinet, extenditur etiam ad filiam, nurum, neptem aut ejus sororem; nam si Vassallus harum aliquam corruerit aut corrumpere volenti opem aut auxilium tulerit aut internuncius fuerit aut vitium quoquomodo promoverit operâ vel consilio, à feudi dignitate cadet; idem si turpes & impudicos sermones iniecerit, præcipuè si sollicitatio & attractatio accedant, plerique de osculo dubitant propter illud (Oscula qui sumpsit si non & cætera sumpsit, Hæc quoque, quæ sumpsit, perdere dignus erat.) Sed hoc ex more regionis æstimatur; Idem si ad crimen adulterii cum alio sollicitaverit aut alii tradiderit aut ad alium deduxerit adulterandam aut si sciens, literas quæ de adulterio tractabant inter eos, portaverit, à feudo cadet; cum in Dominum ingratisissimus sit, qui ejus & familiæ suæ existimationem ita everterit, nec interest sive in familia Domini sive extra familiam id fecerit; nisi in sorore, nam hoc delictum

lectum ad eam non extenditur, nisi quandiu in capillo est, id est, quandiu capillitium suum non tex't; Quod si extra domum Domini sit, id est, si aut jam nupserit, aut vidua sit, non tamen in domo Domini, ob eam corruptam Vassallus feudo non privatur; major enim Domino videtur injuria, si quid tale admissum fuerit in domo sua, quam si alibi & extra domum, & sic videmus aliquando delicta incrementa capere, à loco sive ratione loci, in quo committuntur. (a) Sic & apud nos, si in Palatio Regio, si in Ecclesia, si in judicii loco, sive curia, post indictum silentium delinquatur, poena pro dignitate loci sumit incrementum; Quod de conjugē Domini diximus, quandiu ejus conjux est, res controvertenda caret; Baldus tamen negat idem juris in vidua Domini esse, alii & plures contra, Ego Baldi opinionem sequor, quæ & moribus nostris magis convenit, neque ob id crimen, quis feudo unquam apud nos privatus est, nisi vim invitæ intulerit, aut rapuerit, nam propter pristinam Domini reverentiam ab omni violentia in ejus conjugem debuit abstinere, licet sunt qui putant idem in violentibus his mulieribus & in invitis fieri. (b) Sed quid si peccatum fuerit in sponsam, cum qua sponsalia jam contracta sunt, sed matrimonium nondum in facie Ecclesiæ absolutum, neque enim ea nupta adhuc dici potest, nec Dominus ob ejus violationem cucurbitari dici potest: Sed cum hic eadem sit ratio, profecto eadem poena, eandem rationem sequi debet, Nam si Vassallus Domini sui sponsam licet non cognitam adhuc, corruerit, feudum amittet; Sponsalia enim vinculum quoddam affectionis & civile inducunt (c) & plerumque non minor est Domini affectio in sponsam, quam conjugem, aliquando etiam major; Sed sane nemo sani judicii est mabit Vassallum, qui sponsam domini corruerit, aut ejus sponsalia interverterit, qui n ingratissimus dici mereatur, & beneficio quod à domino habet privari: An idem sit juris in domini matre & concubina plerique dubitant. Zafius sane inter juris feudalis interpretes doctissimus, idem tenet in matre domini quod in conjugē, nam matris domini fama, honestas & dignitas, in reverentia apud Vassallum debent esse, Hac ita nisi dominus eadem in Vassalli uxore, filia, nepte ex filio, vel nuru fecerit, nam Vassallus si injuriam retalliaverit, feudo non est privandus; De concubina idem quod in uxore domini plerique putant, cum concubinatus etiam jure civili sit licitus, itaque cum inter domipum & suam concubinam vinculum quoddam sit tam civile, quam affectionis, Vassallus ab ea debet abstinere. Quod de concubina diximus, intelligendum est de concubina domini laici, nam si Vassallus concubinam Prælati domini sui, aut cujusvis alterius Ecclesiasticæ personæ, de quo feudum tenet, corruerit, à feudo non cadit; Ratio diversitatis est, quod laicus jure civili concubinam licite habere potest, est enim ei quasi loco uxoris, & quod dam civile vinculum intercedit, Sed inter prælatum & ejus concubinam, nullum honestum vinculum esse potest, nulla juris conjunctio interponi; cum ex jure Ecclesiasticis personis, concubinas habere interdicitur. Itaque cum par sit domini & Vassalli delictum, potior est causa rei Vassalli, qui de damno vitando certat, delicta enim mutua compensatione tolluntur: (d) alioqui prælati ex suo delicto, ex sua turpitudine lucrum sentent, contra juris communis (e) regulas. Quod de attentata dominicæ conjugis pudicitia diximus, intelligendum, si Vassallus omne id fecerit quod in se erat, ut pudicitiam ejus expugnaret, etiamsi ad effectum non perduxerit, quod & in reliquis delictis observandum dixi, & sic in materia feudali, affectus sine effectu puni'tur; nam conatus in aliquem actum deductus pro effectu est, ac si Vassallus domino suo invidias struxerit, licet effectum non sit consequutus: neque enim minus ingratius existimabitur, cum ingratitude in animo ut plurimum consistat (f) Hæc autem nisi Vassallum, ante factum, penituerit eam tentasse suâ sponte; nam eo facto sunt qui putant eum feudum non amittere: (g) Quod si post attentatum factum, aliunde impedimentum provenerit, non excusatur. Nec dissimile his, Si in familiam domini peccaverit, aut graves aut inhonestas injurias ejus intulerit, qui do nino necessitudine aliquâ sunt conjuncti, quales sunt intimi amici, officiales, vicarii, confederati, nuntii, loci itineris, vel habitationis, consanguinei & domesticici; adeo ut si quem horum in odium aut contumeliam domini interfecerit, feudo sit privandus. (h) Quod autem dicet aliquis, si Vassallus dominum suum vel probroso dicto vel scripto inhonesto petierit, num in hoc casu Vassallus à feudo cadit? Sane Tiberius Cæsar crudelissimus Imperator, cum legem Juliam majestatis reduxisset, facta tantum puniebat, dicta impunita erant, ut in elegantibus defensione Cremutii Cordi apud Tacitum est (i.) At jure feudale, cum quo & nostrum jus, speciali constitutione, consentit, nec probrosa dicta aut scripta in dominum permittit, ex jure tamen feudali feudi amissio poena est, etiamsi convitium aut probrum illud verum sit, si modo tempore manifestari non

(a) L. aut facta loca ff de panis

(b) Afflict. Alvaros. in preposit. in vers. item si fidei sub. mod. feudum an. matur. Scho. ibel. 64. disp. 10. lib. 1.

(c) Arg. S. si uxor Inlit. de nuptiis c. 1. de sponsalibus in 6. l. si qua S. ff. de ritu nuptiarum.

(d) Arg. l. 1 ubi autem ff De constit. one ob turpem causam l. Viro atq; uxore ff Solus matri. monio l. 3. S. ff De eo per quem factum est.

(e) Reg. Non fraudant. r ff De Reg. Jur

(f) Bald in c. 1 si voluerit de capiteo qui curiam vendidit & c. (g) l. c. di voluerit

(h) C. 1. vers Porro

(i) que fuit prima causa beneficii amittendi c. 1. ibi nunquam facit in per son. mea (ci. enter, quod per nos ad suam vel suorum vitam aut injuriam. De nova forma fidelitatis. Scho. Thef 67. 68. disp. 10. lib. 1. (i) Lib. 2. c. 4. Annalium.



(a) *De versu  
Porro & ibi  
DD. Scho.  
the. 11. disp.  
10. lib. 1*

intererat, nisi protestetur se animo injuriandi non facere. (a) Rursus hæc intelligenda omnia sunt, si vassallus sciens hæc perpetraverit, aliud si ignorans & nescius, neque tamen omnis ignorantia Vassallum excusat, veluti si sit supina & crassa, vel si ejus scientia gravetur præsumptionibus verisimilibus, nam si pro sua ignorantia factum negare non potest, pares & numero & qualitate præsumptiones debet adducere; Quod si ex utraque parte pares fuerint præsumptiones, Vassallus se juramento purgabit & ita in reliquis delictis quæ feudi amissionem secum trahunt; Hæc de iis delictis quæ Domini personam respiciunt; Superest ut de iis dicamus, quæ vassalli personam spectant & ex eo proveniunt, licet revera nullum sit, quod ex vassalli persona non proveniat, quia tamen nec in ipso feudo consistunt, nec Domini vel tam æstimationem aut patrimonium tangunt, contemptum tamen aut dedecus inferunt, ideo in vassalli persona & circa ipsum vassallum consistere dicimus.

### *De reliquis causis amittendi feudi, quæ circa personam Vassalli versantur, & quædam de Domini delictis & alia generalia.*

#### *Diegesis Sexta.*

**S**uperfunt adhuc alia plerumque causæ quæ circa personam Vassalli versantur, & ob quas vassallus amissione feudi mulctatur.

*1. Incestus  
Vassalli.*

*(b) Bal. 5. c. 1  
Quibus modis  
feudum  
amittitur.*

Prima. Si vassallus se incesto pollueret aut incestas nuptias contraxerit, (b) nam tum honestè in curia Domini stare non potest; Sed dicit aliquis, Quid hoc ad Dominum? aut quem Dominus de ingratitude beneficii accepti potest coarguere? cum vassallus licet contra leges regni aut conscientiam deheredit, erga Dominum non tamen delinquit: Aut qui magis ob incestas nuptias aut incestum feudo privabitur, quam si hominem interfecerit? adulteriumve extra familiam Domini commiserit; sed profecto non tunc ratione hoc cautum est; nam cum illud inter Dominum & vassallum fœdus purum & sanctum esse debet, si leges & religione summa observari, indignum Domini sui consortio, indignum tanto domini beneficio, vassallus se aperit, qui tam horrenda scelera in curiam domini, cujus ipse vassallus pars est, invexerit, totamque curiam tuo scelere polluerit & fortassis vindictam divinam in dominum & ejus curiam procuraverit; indignus est domini beneficio, qui societate hominum est indignus, itaque beneficium ab eo auferendum in hoc casu, tam jus ipsum, quam naturæ lex suadet, Feudistæ hic in curia domini huic non posse honestè stare dicunt, quod & Angli hodie retinent.

*a. Si Vassal-  
lus fratrem  
suum occide-  
rit,*

Secunda causa circa vassalli personam est, si vassallus fratrem suum occiderit, indignus enim est societate humana, qui tanti sceleris conscius in publico versari audeat, Quanto magis domini beneficio, in cujus curiam, tanti sceleris ultionem à domino aliquando expectandam, infert, cum periculum sit, ne vassalli incendio tota forte domus aut saltem ipse dominus deflagret; Nam ut vassillus se ad dominum, Sic quicumque dominus feudi se habet ad summum Imp. Regem & dominum, qui nisi tale scelus vindicaverit, ipse caput, iudicio altissimi, noxæ dabitur, vindicat autem, quatenus in se est ultionem extendit. Querunt hic interpretes, cur magis feudo privandus sit, qui fratrem suum interfecerit, quam qui domini fratrem occiderit, cum domino majorem injuriam inferre videatur, qui fratrem domini occiderit, quam qui suum proprium, nec tamen ob eadem fratris domini feudo mulctatur; Respondent plerique causam differentiam esse, quod natus contra naturam peccatur, cum quis fratrem suum aut germanum aut etiam ex altero parente interfecerit, quam si fratrem domini sui Natura enim, cujus semper potiores debent esse partes, à fraterno sanguine, ac si proprius esset, jubet abstinere, Si quid contra fiat, abhorret & averfatur; at in fratre domini vinculum non tam naturale, quam civile & beneficium est, quod licet nihilominus sanctè coli debeat & à viris bonis hoc vinculum probatur, Tamen delictum illud quod contra proprium fratrem fit, ab omnibus tam bonis quam improbis damnatur. Idem si parricidio consenserit, Quæ autem personæ dici possunt parricidæ, in jure civili comprehenditur (c) nempe qui Patrem, Matrem,

*(c) L. 1. ff.  
De lege  
Pompeia de  
parricidiis.*

Avum,

Avum, Aviam, Fratrem, Sororem, Patrualem, Matruelem, Patruum, Avunculum, Amitam, Consobrinum, Consobrinam, Uxorem, Virum, Generum, Vitricum, Qui magnum Privignum, Patronum, Patronamve occiderint, cujusve dolo malo factum fuerit, poena ea tenentur, quae est lege Cornelia de sicariis; Sed & mater quae filium filiamve occiderit & avus qui nepem occiderit & qui venenum emit, ut patri daret, quamvis non potuerit dare & noverca quae privignū & sponsa quae suum sponsum interfecerit, pari poena tenentur. Parricidium à nonnullis committere videtur, non solum qui unum ex ascendentibus interfecerit, vel ex collateralibus ad quartum gradum, sed etiam si quis uxorem aut si quæ maritum interfecerit, tamen jus feudale tantum in cruce fratris aut fratris filii restringit; Nec interest ob quā causam fiat (a) Sunt qui illud extendunt, si fratrem suum carcere detinuit aut alii carcerandum tradiderit aut si quis convassallum suum interfecerit, neutrum tamen apud nos recipitur, ut neq; si Episcopum suum occiderit (b). Quod ad usum nostrum attinet, Vidi semel id attentatum in Domino de Lufs, cujus frater secundo genitus, cum cædis fratris germani primogeniti damnatus esset, cum plerique feudum à visu n & Domino se licet Regi apertum dicerent quod cædes fratris eo proposito facta esset, ut is qui occidit, posset succedere, haberentq; etiam pro se jus civile, quod ut ab indigno hæreditatem auferendam decernit; tamen cum & Bartolus ibi & jus feudale, feudum in hoc casu ad proximum agnatum devolvi affirmat, & non aperiri Domino, ut mox dicemus, res transactione quodam modo finita est præsentq; Dominus de Lufs tertio genitus, in hæredem primogeniti fratris sui successit: Quorsum enim ad hæredes ejus, qui injuriam passus est, poena discenderet. qui & parentē fore tē amiserint & ipsi extra noxam omnem sunt & sanè jus sufficere putat, si is qui tam horrendum & detestabile maleficium commiserit, lucrum ex suo maleficio non sentiat, neq; quicumq; de eo discenderit; Sic feudum amittit Vassallus, si quicquam tale commiserit, unde merito proditor alicujus dici potest, nullā adhibita distinctione, adversus quem illud delictum committat (c); nam hoc casu in curia domini sui honestè stare non poterit.

Tertia causa cur Vassallus ob delictum in sua persona commissum, feudi amissione sit multandus, si Vassallus amicitias cum Domini inimicis contraxerit, modo in a amicitia in Domini damnum etiam præsumptum tendat (e) non enim debet Vassallus, qui Domini sui commodum procurare ante omnes alios tenetur, rem, famam & existimationem promovere, se cum domini inimicis fœdere conjungere; cum illud fœdus, sine prioris fœderis latione, non solet procedere & ut crimine, sic criminis suspitione carere debet vassallus & ut duobus dominis servire nemo potest, sic duobus amicitias inter se pugnantibus, implicare se non debet, neq; enim fieri potest, quin alterum alteri præferat & præcipue posteriorem, quæ contrahi non videtur, ut citò dissolvatur. Quæ autē hæc sit amicitia & quod fœdus in domini sui præjudicium contractum, judicis arbitrio permittitur, ut in reliquis omnibus causis feudalibus: judices autem rem ex circumstantiis & præsumptionibus judicabunt; nam in domini præsumptum præjudicium & damnum, gratus vassallus amicitiam aut fœdus non contrahet, Multi sunt qui omnem omnino cum domini inimicis amicitiam prohibitam putant, quod sane durum esset; nam neq; in jure neq; in ulla bene constituta Republica amicitias cum quibuscumque personis simpliciter prohiberi legimus; cum ex ii. etiam inter inimicos contractus, publicæ utilitates & comoda nascantur, Sanè in jure nihil prohibet, unum duobus pupillis inter se de totā hæreditate contententibus, tutore esse; rectius tamen fecerit vassallus, si vel abstineret vel saltē probabiles causas & à domini incommodo abhorrentes secum adduxerit; qui autem aliter fecerit, cum in præjudicium domini facere videatur; licet incommodum nondum emerferit, ingratus in dominum & feudi beneficium indignus censetur.

Quarta causa, si vassallus domini secreta prodiderit, præcipue ea quæ ad vitam, famam, dignitatem aut patriam securitatem pertinent (f) cum magnū domino damnum sive præjudiciū inde possit oriri. Sed si vassallus non ex destinato animi proposito, sed ex quadam simplicitate ea effudit veritatem aut si improdenti verba excidant aut cum dominū se laudare putet, aliquid de ejus secretis ipse veritatem, durū esset in his casibus eum à suo feudo cadere; fraudis enim interpretatio, non ex eventu sed consilio sumitur (g) & profecto cum præsumptio sit contra vassallum, evidentes probationes adferre tenetur, nescivisse eos domini fuisse inimicos, coram quibus hæc effutiverit, sed cum probatio negativæ sit difficilis & ferè impossibilis, probabiles saltem rationes pro se adducet & cum juramento ejus stabitur. (h)

Quinta causa, quæ personam vassalli propriè respicit & ob quam feudum suum amittit

(a) Scho. th. 70. dist. 10. l. 1.

(b) Subo th. 72. dist. 10. l. 1.

(c) Glossa et DD. in s. Item si fratrem

Quibus mod. feud. amittitur, et d. c. 1. An ille qui interfecit fratrem domini feud. amittit.

Si cum domini inimicis amicitias contraxeris. (c) c. 1. s. Item si fidelis Quibus mod. feudum amittitur.

(f) DD. d. Cap. Quibus mod. feud. amittitur.

(g) L. Fraudis de reg. juris. (h) Zaccaria.

4. Si domini secreta prodideris.

Si vassallus suum suum aut alium in familia, qui dominum offendit, non ei præsestare ut non amittit.

hac est. Si vassallus filium suum vel alium quempiam ex sua familia, qui dominum graviter offenderit, in vita, honore aut patrimonio, ad dominum non deduxerit, ut dominus de eo secundum offensam statuat, vel saltem à se aut sua familia non separaverit (a), ita tamen ut in vassalli tanquàm debitoris electione sit, utrum domino filium suum aut al quem alium è familia qui dominum offenderit, præsentare voluerit, an à se ablegare & à familia sua abigere (b): nam hac feudalis unio & conjunctio quiddam divinum in se continere videtur & ex rationibus naturæ descendens, itaq; cum amore parentum in liberos æquatur, nonnunquàm etiam & prægravat, ut in hoc casu, in quo vassallus filium suum abdicare tenetur & à societate sua ejicere, si postquam dominum suum offenderit, à quo spes & facultates suæ pendent, recuset domino se simpliciter submittere & pro offensa satisfacere. De subvassallo, qui dominum superiorè offenderit, idem jus & eadem juris ratio est, nisi vassallus eum ad dominum deducat, ut pro offensa satisfaciatur, vassallus feudum amittet, quod puto intelligendù (c), si offensa domini, vitam, existimationem aut patrimonium respiciat & vassallus eum à feudi sui possessione nolit repellere; filius autem vassalli, qui dominum offendit, petere non potest investitura, donec domino satisfecerit, immo nec nepos. Sunt etiam & quædam culpe omissionis, si vassallus sciens, quæ præstare debuit, etiam non interpellatus sive requisitus, omiserit cum potuit: potuisse autem tum censetur, si vel per se vel per alium potuit, aut si ipse in causa fuit, quo minus potuit, veluti si cum potuit dominum de insidiis, in ejus vitam structis, certiorare, procastinaverit (d). Sic si non præstiterit fidem, reverentiam & taciturnitatem, etiam non interpellatus, si modo dolo vel lata culpa non præstiterit (e): Sed præcipuè servitia nulla, nisi interpellatus, præstare cogitur & dominus per pares curiæ eum legitime interpellatū probare debet, nisi fortè domino tale periculum imminet, quod dilationem ferre non potest; nam in hoc casu etiam non requisitus præstare debet & in omnibus domino & consilio & auxilio adesse (f). Sic si non interpellatus per triennium conventum canonem non solverit, (quod ex jure nostro, ad biennium reductum est) aut pacta investituræ inserta non servaverit, nisi cum hæres esset, illa ignora verat aut iuste in peditis fuerit & moram pergere paratus sit (g). Si vassallus plures habens dominos, contra unum tantum peccaverit: aut si contra omnes peccaverit, unus solus persequatur injuriam, ejus tantum pars feudi cadet, in quem deliquit, aut qui injuriam persequitur: Sunt qui putant, ab omnium partibus vassallum cadere, ob id quod honestè in curia domini stare non potest, licet tamen domino, nisi volenti, ejus pars non accrescat. Rebellionis poena non est feudum amissio, sed tantum rerum moventium; Si tamen rebellis in sua pertinacia & contumacia, annum & diem moretur, feudi sui usum fructum amittit, ita ut si de Rege illud tenuit, fisco accrescat: Quod si de alio superiore teneat, ad illum superiorem devolvitur: Rebellei vicini nostri Ulagatum vocant, cujus in utraq; Regione ea poena est, ut legitimum standi in judicio personam non habeat per se neq; per procuratorem, qui non impune se defensionis pro rebelle obiciat. Hæc de simplici rebellionè dicta sunt, quæ ad instantiam alicujus privati procurata est, ut si debitor sive quod non solvat quod debet, sive non faciat, quod facere teneret & proinde, ad instantiam creditoris, publicè declaratus fuerit, ut mos est, rebellis; tamen in aliis rebellionibus, quæ ex publica causa, sive causa Majestatis procedunt, aliud observatur, ut Rex vel Respublica injuriæ suæ solatium habeant. Memini in causa, inter Procuratorem fiscalem Sedis Archiepiscopalis Glasguensis & Regium Advocatum, coram Senatu acerrimè agitatum, de rebellionè Magistri Archibaldi Douglass, qui, cum quibusdam criminibus laici Majestatis fugillatus, coram Rege & Dominis Arcanioris Concilii summonitus, ut ad certum diem compareret, nec tamen præsens & ideo publicè rebellis declaratus; cum de ejus bonis præcipuè de decimis contenderetur, Procuratore fiscali Archiepiscopo, ratione regalitatis vendicante & Advocato Regio renitente, quod Regalitatis privilegium non ad causas publicas, sive quæ læsam Majestatem inducerent, pertineret; Senatui, quod senserat, pronuntiare tum abstinuisse, cum tamen ad fisci causam procliviores essent: res enim sine strepitu judicii transactione fit ita est; At si quid mihi deferatur, non minus putarem in his rebellionibus, quæ ex causa publica procedunt, eschetam, quam vocant, bonorum moventium, ad Regem pertinere, quam in forissacturis, ubi præsentatio feudi, quod reus de alio domino tenuit, non ad dominum suum, sed ad Regem devolvitur, ut habeat suæ injuriæ solatium.

Restat generalis clausula sive causa, ex qua vassallus feudum amittit, sub qua, si quid specialiter antea non est enarratum, comprehenditur, ad verba Edicti Prætorii, De restitutionibus in integrum, relatione habens: Si qua, inquit Prætor, alia mihi iusta causa videbitur itaque

a) S. insuper De prohibitis Feud. alienat. per Frideric.

(b) Arg. L. plerumque ff. De jure dotium.

(c) S. illud De prohibitis Feud. alienat. per Fridericum.

(d) Vers. præstare. Quæ fuit prima causa beneficii amittendi.

(e) Vers. si vassallus. Et vers. licet vassallus. si de Feudo defuncti controversia sit. Vers. 1. De Feudo sine culpa non amittit.

De poena Rebellionis

(f) Vers. Vel, si Dominus suis deferuire noluerint De Feud. sine culpa non amittendo, d. vers. licet vassallus. Si de feudo defuncti sit controversia.

(g) S. 2. vers. sed non est alia & Arator. & Afflict. ibi Quæ fuit causa prima beneficii amittendi. ad arg. reg. juris qui in alterius.

Si qua alia iusta causa videbitur.



Itaque, ut ait Obertus, quoniam omnes illa causa, certâ regulâ aut rotundâ definitione comprehendi non possunt; Si quis dixerit, quæ & quemadmodum alicui Domino ad ingratitudinem alicujus Vassalli probandam possunt sufficere, nullo certo modo posse definiri, nihil erraverit. De illa tamen ingratitudine loquor, per quam beneficium amittitur, non enim ad hoc sufficit omnis occasio, per quam fidelis accepti beneficii videatur ingratulus; Sed sunt quædam (ut cum textu loquar) egregiæ ingratitudinis causæ, ob quas beneficium secundum mores curiæ debet adimi: Quomodo enim Vassallus, quam humiliter, quam devotè, benignè, quam fideliter se erga Dominum suum habere debet, potius ex naturalibus & bonis curiarum consuetudinibus potest percipi, quam uilâ lege aut scripto aliquo comprehendi. Itaque, relicto Oberto, quacumque insignis offensio aut injuria in Dominum contra caput aliquod juramenti prius propoliti emerferit, veluti si servitia requisitus sine iusta causâ negaverit, vel Dominum captivum cum possit non redemerit aut liberârit aut aliquod magnum periculum quod Domino immineret, cum potuit non avertit, vel saltem aperuerit, ut Dominus sibi possit providere, etiam non requisitus: aut si ejus vitam gladio, insidiis aut veneno tentaverit, in bello deseruerit, etiam vulneratus, si tamen vel clamore eum juvare poterat: aut si aliqua nova ingratitudinis causâ his similibus aut forte major, licet ante inaudita, supervenerit, Vassallum feudo privat. (a) Et sic statuta etiam poenalia, licet sint stricti juris, iudex potest à similibus ad similia producere; Nam tota hæc postrema clausula, videlicet. Quæ sint ingratitudines iustæ, quæ pares, quæ majores sive minores, totum hoc boni iudicis arbitrio permittitur; ita tamen ut in dubiis semper sit prior ad absolvendum quam condemnandum. In his autem delictis quæ privationem feudi inducunt, ut offensa Vassalli sit evidens, semper declaratoria iudicis cum processu legitime deducto opus est, omnesque fructus à die delicti veniunt & hoc jure utimur. Et si quod delictum sit, quod specialiter in jure expressum non sit, iudicisque arbitrio relinquatur, iudex tamen ex eo delicto nunquam amissum feudum pronunciat, nisi vel majus hoc delictum sit causibus in jure expressis, vel saltem par & æquale; nam egregia debet esse illa ingratitudo, aut Obertus, propter quam Vassallus feudum amittet.

Alia est etiam feudi, si non amittendi, saltem Vassalli, ob quasi delictum, puniendi ratio, Si Dominum, se pro Casâ is expeditione instruentem, non fuerit comitatus, feudum enim eo casu amittet & dimidium fructuum illius anni, ex feudo Domino pendet, non enim hic tantum contra Dominum, sed contra Imperium & Remp. peccatur. Quod si Vassallus à suo jure cadat, propter feloniam contra Dominum commissam, subvassallus etiam jure suo privabitur, resolutio enim jure datoris resolvitur & jus accipientis. Tale enim ex delicto seu jure Dominum aperitur, quæ ab eo recesserat, nisi prior Dominus consenserit in hanc subfeudationem, nos confirmationem dicimus, quo casu priore Vassallo remoto, subvassallus in ejus locum succedit, non cum sua qualitate, fortè cum ipse francum aut emphyteuticum haberet, sed cum ea qualitate, quam ille qui remotus erat, habuit; nam si ille rectum feudum seu militare tenuerit & subvassallus feudi sui naturam in feudum militare mutabit. Novi cum comitatus Marchiæ, ob forisfacturam Ducis Abaniz, ad Regem devolutus esset, plerisque illius comitatus Vassallos, qui prius de comite Marchiæ in feudo franco tenebant, à Rege novas infeudationes recepisse pro servitio militari, quod comes Marchiæ, comitatum illum totum, ob servitia militaria, tenebat; Sic communiter apud nos observatur, ne deterior fortè Domini causa fiat devestito Vassallo, quam si nunquam peccasset aut nunquam devestitus fuisset. Quod si Dominus huic subfeudationi non consenserit ex delicto Vassalli immediati, etiam subvassallus à jure suo cadet, nisi quod si ipse Domino paratus sit servire & ipsum in Dominum recognoscere, eo casu cæteris paribus, in jure omnibus aliis præferetur. Apud nos arbitrio Domini res tota relinquatur. Hoc autem generaliter tenendum est, feudum concessum ob eam causam, quod Dominum vassallus vel à latronibus aut hostibus captum liberaverit, nunquam ob ingratitudinem amitti ex jure, cum feudum illud sit beneficii remuneratio tantum, nec manente beneficio revocari potest.

Si Ecclesia feudum de aliquo Domino tenet & in Dominum Prælatus illius Ecclesiæ deliquerit, Ecclesia à feudo suo non cadit, non enim est illud feudum Prælati, sed Ecclesiæ; cujus Prælatus est tantum administrator; tamen ob delictum Prælati sive administratoris, durante ejus vitâ, qui delictum commisit: aut quo tempore Prælatus hic fuerit, fructus amittet, qui ad Domini usus inferentur. In civitate si feudum de Domino teneat

(a) Toto tit. qua fuit prima causa feudi amittendi & 103. tit. quibus causis feudum amittatur.

Generalia quædam in amissione feudi consideranda.

Subvassallus ob delictum vassalli, à jure cadit.

Si Ecclesia vel civitas deliquerit.

(a) Bald in  
e. 1. in  
principio  
Quibus mo-  
dis feudum  
amittatur.

(b) L. 2. C. de  
jure emphy-  
teus.

Quid si vas-  
fallus aut  
dominus in-  
fuerit, præmo-  
riatur, an delictum  
(cum delicta omnia quatenus ad poenam sint persona-  
ta accusatio-  
nem mortui  
us fuerit.

(c) L. Eius  
qui delatio-  
nem ff de ju-  
re fisci.

(d) § Ex  
maleficiis  
panales in-  
stitutiones.

De perpetuis  
& tempora-  
riis actioni-  
bus.

(e) L. mortui  
ff de inoff.  
testam.

(f) Gloss. in  
d. c. 1. Qui  
bus modis  
feudum am-  
mittatur.

(g) D. c. 1. §  
in super.

(h) Alvar.  
in c. 1. Quo  
semper mi-  
les.

(i) Gloss. in  
c. cum de iude-  
res, & c. ex  
tenore, & c.  
contingit  
extra de sent.  
excommuni-  
cationis.

& una pars civitatis Dominum in bello reliquerit, alia non, sed fideliter cum eo perman-  
ferit, delinquentium factum reliquis non nocebit (a). Qualiter autem civitas delinquat  
& quando factum toti civitati præjudicat, quæque poenâ civitas debet puniri, Bartolus  
doctissime tractat & exquisitissime & nullibi nec ab ullo, in toto jure, plene hac quaestio  
tractatur. Restat, ut aliquod de amissione emphyteuticæ investituræ dicamus, in qua hoc  
generaliter observandum, quod duorum annorum defectus in solutione, emphyteusin  
nullam facit; Si domina conjunctæ infeudationis cessaverit in solutione canonis, ei soli  
nocebit, imputare enim sibi semper debet Dominus, qui conjunctam investituram ei de-  
dederat: Et in Ecclesiasticis, ob non receptum Abbatem in hospitio, si requisitus fuerit  
emphyteuta, causa est sufficiens amittendæ emphyteuseos, Quod si emphyteusis concessa  
fuerit ob Politiam regni augendam & emphyteuta vastam fecerit: arbores aut sylvas  
exciderit, à feudo cadit. Generalis apocha trium annorum immediatè sequentium libe-  
rat ab omnibus præcedentium annorum solutionibus; Oblatio mercedis coram tabelli-  
one & testibus, liberat emphyteutam, ne cadat ab emphyteusi, licet jure Codicis etiam  
obsignatio seu consignatio requiratur (b). Si clausula inserta sit, ne emphyteuta suum  
feudum sine consensu Domini alienet & si alienaverit, à feudo cadet; alienatione sub-  
sequutâ, emphyteuta cadet à feudo; Sed si tantum ne alienet, cautum sit, sine ea certifi-  
catione, Si alienaverit, quod à feudo cadet, sæpe contrarium vidi quid sit juris: Alii  
enim putabant, alienationem tantum rescindi & Vassallum in priore investitura stare, ac  
si alienatio non fuisset subsequuta: Alii quorum opinioni potius subscriberem, em-  
phyteutam à suâ emphyteusi cadere, cum omnes clausulæ in contractibus debeant ali-  
quod operari.

Si Vassallus qui fealoniâ in Dominum commiserat, antequam eo nomine accusatus  
fuerit, præmoriatur, an delictum (cum delicta omnia quatenus ad poenam sint persona-  
ta) cum persona extinguatur, ut hæc jam de eodem delicto, ejusque poenâ accusari non  
possit. Quæri solet & sane communis est opinio, quod delictum sit extinctum; nam aucto-  
ris delictum, hæredi nocere non debet (c). Censetur enim Dominus per silentium accu-  
sationem remississe, sed hæc ratio in omnibus non militat; nam licet ex maleficiis, poenâ-  
les actiones ad hæredem sive in hæredem non transeant, ut ait Imperator, nisi super  
his fuerit lis contestata (d), Si tamen Dominus aut agere non potuit aut fealoniâ ig-  
noraverit, contra hæredem instituere actionem non prohibetur, præcipuè in gravi de-  
licto, cum hæc non agatur, ut hæres puniatur in corpore, sed ut Dominus jus suum, id est  
feudum, quod ob gratitudinem tantum concesserit, quæ sequuta, ob factum prædecesso-  
ris Vassalli, non est, habeat: Præterea neque ignorans jus sibi competere, illud renunciare  
videtur (e), aut si cum Dominus se ad querelam præparasset & interea Vassallus præ-  
moriatur, non extinguitur actio (f): Aut si offensio sit ejus generis, quæ ipso jure  
privat Vassallum feudo, qualia alia delicta esse vult Zasius. Sic ex jure nostro, nisi ex-  
pressè Dominus offensam remisit, vel vivus vel moriens (nam & in lecto agnitudi-  
nis, delictum remittere potest) licet in vita defuncti nihil dixerit, de delicto, à Vassallo  
præmortuo, commissio, actionem ad privationem feudi contra ejus hæredem instituere  
potest. Nos in crimine læsæ Majestatis, hoc licere statuto cavimus, ratio tamen ex jure  
feudali descendit. Contra, si Dominus, contra quem peccatum est, præmoriatur, super-  
stite Vassallo, qui noxam aut fealoniâ commisit, Si Dominus cum potuit & scivit, qua-  
sitionem tamen non movit, silentio remissile videtur, ut dixi. Itaque nec hæres Domini  
contra Vassallum de privatione feudi rectè agat, Quod si aut Dominus ignoraverit aut  
ab agendo impeditus fuerit, veluti morte Vassalli aut publico bello aut tumultu aut si-  
mili ex causâ, hæres Domini contra Vassallum, rectè potest actionem instituere. Sed  
jure nostro, ut dixi, præmoriante Domino, sine actionis institutione, hæres non eo minus  
contra Vassallum, quam, Vassallo mortuo, Dominus contra ejus hæredem agere potest.  
Ratio utrobique eadem est, quod non censetur, apud nos, remissa offensâ, nisi expressè  
remittatur (g); Dominum autem Vassallo fealoniâ remittere posse, non est dubium:  
Remittere tamen hanc caducitatem Dominus videtur, si sciens de novo investiat, vel sci-  
ens servitia receperit, non si dubitet. Idem si Vassallo denunciaverit, ut serviat aut ut in-  
vestituram recipiat, nisi coactus id fecerit (h), Sed si protestetur id se facere sine ju-  
ris sui derogatione, non videtur remittere; Triginta annorum spatium tamen quodcumque  
delictum præscribitur. Sed in feudo Ecclesiastico distinguendum videtur; Nam si Vassal-  
lus in personam administratoris tantum fealoniâ commiserit, ipse eam remittere potest:  
Si vero contra ipsam Ecclesiam aut corpus Ecclesiæ, ut loqui solemus, Prælatus sine con-  
sensu capitali aut collegii remittere non potest (i).

Se-

Sequitur ut queramus, cum Vassallus ob delictum feudo privetur, ad quem pertineat feudum quod jam est factum caducum; nam & in hac quaestione variz sunt interpretum opiniones & etiam distinctiones; In quo hoc in principio observandum est, ut si sit feudum novum quod in persona delinquentis primum locum habuit & Vassallus hoc novo feudo ex delicto privetur, feudum Domino, exclusis omnibus, ex jure aperietur. Quod si sit antiquum feudum, exclusis filiis & omnibus ex Vassallo descenditibus, proximo agnato feudum deferretur, Quod de exclusis filiis diximus, id generaliter observandum est in omnibus feudis, quod ubi Vassallus tanquam indignus feudo privatur, omnes ab eo descendentes etiam excluduntur: Quod autem excludi filium diximus, intelligendum, nisi filius cum Pater deliquerit, nominatim in feudo fuerit vestitus, ex Domini consensu, nos in feudi proprietate esse dicimus; nam pater delinquens nihil amittere potuit, nisi quod habuit, viz. nudum usumfructum. Idem si delinquens pater nunquam fuit in feudo, neque unquam habuit investituram, veluti si in avi persona feudum consistebat, patre delincente, nepos ad successionem admittitur (a), Sed, jure nostro, contrarium vidi decusum inter Regium Advocatum & heredes

*(a) Bart. in l. cum qui ff. De interdictis et relictis Bald. 1. si vassallus feudo privetur.*

drum, Nam, superstiti avo, filius, qui in principem deliquerat, nunquam investitus in terris, sine feudo mortuus est, ejus duz filiz cum feudum avitum peterent, exclusae sunt a successione & feudum in manibus Regis esse propter delictum Patris (qui tamen nunquam in feudo erat) pronunciatum. Ratio erat, quod, vitiata copula, per quam nepes avo conjungi poterant, proinde interrupta avi successio, ad eas non poterat devolvi, adeo ut in tali delicto, spes etiam successionis interruptatur. Quod tamen mirum videri potest, nam licet linea esset vitiata & corrupta, qua nepes avo conjungerentur, cum avus in feudo decessisset, saltem ad ejus proximos agnatos feudum debuit pertinere, quasi nullis ex se reliquis liberis; Sed vitiato stirpe ex ejus culpa, ab ejus posteris omnis successio tanquam ab indignis & societatis civilis non participibus aufertur & fisco applicatur, adeo ut non solum quod habuit delinquens, Domino accrescat, sed etiam quod sperabatur habiturus, ad eum devolvitur. Et licet verba sententiae sint stricti juris, praecipue in his facturis sive criminibus laesa Majestatis, nec ultra extendatur quam ad ea feuda & patrimonium quae habet, nescio tamen quomodo, inclinatis in fisci causam animis, judicium illud terminatum est; cum qui deliquerat, nunquam quicquam ex feudo habuit, nec etiam morte praeventus habere potuit; Scio tamen patre in feudo existente & filio primogenito delincente & damnato eo nomine, qui nunquam in vita investitus fuit, nullum dubium, quin filius secundo genitus succedat; neque enim censetur, ob primogeniti delictum, copula inter patrem & secundo-genitum interrupta, quia per primogenitum non jungebantur, sed suam faciebant copulam & per se: Nec obstat quod ex defectu primogeniti fratris, ipse secundo-genitus, nunc sit factus primogenitus; nam pater etiam adhuc potest esse, nec fisco alienationem impedire potest. Aliud si, patre moriente, damnatus ob delictum sit primogenitus & adhuc superstit, cum jus ad hunc primogenitum, nisi deliquisset, devolvendum erat, itaque locum suo Domino sive fisco facit. Feudum autem, ob culpam amittit, accrescit Domino, n si cum Rex suae injuriae ultionem persequitur, nam tunc & illud feudum, quod de alio Domino tenet, si damnatus fuerit, ad fiscum devolvitur. Sed cum Rex in rei locum succedere non possit, neque ut ille, de priore Domino tenere, (nam Rex Vassallus nemini esse potest) itaque in hoc casu Rex praesentationem alicui illius feudi facit, hoc est, alium Vassallum in locum rei Domino feudi praesentat, eumque rogat, ut hunc novum praesentatum in locum prioris vassalli recipiat & sub eisdem conditionibus: Causa honesta praetenditur in hac praesentatione, nempe ne Dominus Vassallo careat: Quod si Dominus recipere praesentatum & de novo investire recuset, praesentatus a Senatu solet literas impetrare, ut Dominus (nisi rebellis & ipse mallet declarari) eum in tenentem recipiat. Quaestio tamen incidere potest, si Vassallus alicujus Domini, reus tam laesa Majestatis publice fiat, quam a Domino suo de eo crimine accusetur, quod feudi amissionem inducit, simul & eodem tempore & in utroque judicio damnatus sit, quis in feudo quod de Domino suo tenuit, prior & prior erit sive Rex sive Dominus? Et profecto, Si Dominus prior sententiam occupaverit, videtur ejus causa potior. quid enim potest damnatio in causa laesa Majestatis reo auferre quod ejus tempore sententiae non fuit? At pro fisco, sententia semper retrahatur, ad tempus commissi criminis. Ego, quid in hac facti specie sentiam, incertus adhuc sum, licet in Regiam causam sum proclivior.

Retinenda igitur est hac generalis regula, quoties Vassallus in Domini personam deliquerit,



liquerit, feudo privari, illudque Domino aperiri, nisi forte Dominus occasionem delicti dederit, aut ut loqui solemus, viam se averit, ut Vassallus delinqueret aut Domini simul delictum intercesse it; nam his casibus, ut dixi, Vassallus feudum non amitteret. Per iniquum enim esset, ex eo delicto, Domini meliorem conditionem fieri, cui causam præbuit aut cuius ipse fuit particeps. Si tamen Vassallus, ex ea causa feudum sit consequutus, quod Dominum vel a morte vel à vinculis vel à latronibus liberaverit, nullā culpā, nullo delicto, nullā ingratitude ( tanta est prioris meriti magnitudo ) feudum postea amitteret, ut antea dixi, nec in hoc casu Domino vel agnatis ob ejus culpam aperiretur (a). Sed hoc apud nos non observatur; nam maxima merita, pari ingratitude obfuscantur & obliterantur. Si vero Vassallus extra Domini personam deliquerit, veluti si fratrem suum interfecerit vel forte seipsum vel tale quid deliquerit, quod Domini personam non respicit, feudum novum omnibus exclusis Domino aperiretur; nam ejus agnatis non videtur feudum concessum, sed tantum descendens. Quod si aut quum seu paternum sit feudum, ad proximum agnatum ex primo Vassallo descendente, omnibus delinquentis descendens exclusis, revertetur (b): Quod dixi, si Vassallus se interemit, quam tamen causam inter causas amittendi feudi non numeravi, id intelligendum, ita ut causa propter quam se interemit, semper ponderetur; nam si id tantum vitæ radio fecerit, nihil amitteret; Si vero alicujus criminis reus factus, judicio se subtrahere præcipitata morte maluerit, quasi criminis factus reus & judicio convictus, feudum amitteret (c): & hæc distinctio in eo qui sibi mortem conscivit, in jure semper observatur: Apud nos, licet ob eadem sibi illatam, nemo feudum amittit, tamen quacunque de causa quis se interfecerit, ejus bona mobilia publicantur, ob atrocitatem sceleris & ne exemplum ad alios pertineat & hoc secundum Juris Canonici regulas.

(a) Bald. in  
vinc. si Vas-  
sallus feudo  
privatur.

(b) C. 1. qua  
fuit prin. a  
causa amit-  
tendi bene-  
ficii.

(c) L. 1. § 2.  
C. De bonis  
eorum qui  
sibi mortem  
consciverunt.

Qua proba-  
tio in his de-  
lictis requi-  
ritur.

In his omnibus, quoties de delicto, quod privationem feudi inducit, quaritur, aut quod Vassalli ingratitude inducit, hoc observandum est, quod probatio per quinque non minus testes requiratur, eosque omnes integræ famæ, opinionis & fidei. Et hæc de delictis ex quibus Vassallus feudi proprietate sive dominio utili privatur. Volunt feudistæ si nominatim, uni post alium, feudum sit concessum (nos uni post alium talliatum seu provisum dicimus) quod unius delictum alteri in ordine sequenti non præjudicet & ratio est, quoniam omnes hi in feudo nominati, in feudo expressi esse dicuntur & quod investitura primæ personæ, stet pro investitura etiam aliarum (d), nec tamen hoc in usu nostro recipitur; nam feudum in prima tantum persona consistit, cui descendentes omnes, nullā habet ratione ad alios nominatos, succedunt; Sic & alienare per se, nullā subsequentium ratione habet, potest & proinde omnibus tam nominatis quam descendens ex suo facto & delicto præjudicare.

(d) Bald. in  
vinc. si Vas-  
sallus feudo  
privatur.

De Domino.  
rum in Vas-  
sallos offen-  
sis.

De Minorum autem offensis, hæc generalis regula observanda est, ubicunque Vassallus ex sua offensa sive delicto in dominum, feudo privatur, è Regione dominus, si idem in vassallum deliquerit, directo dominio privatur, etiam si dominus offensam commiserit antequam vassallus sive vassalli hæres juraverit, nisi forte jura requiritur, non juraverit. Itaque si dominus graves injurias sive verbales sive reales inferat, si ipse sit proditor, vassallum deferat aut accusaverit aut testimonium perhibuerit, si ex dolo malo contra eum malè judicaverit & sententia ex eisdem deducta fuerit rescissa, si locum invadat ad vassallum pertinentem vel alienum, cum vassallus ibi esse sciret, si vassallo imminens periculum sciens non denunciaverit, si non dum causā cognita vassallum possessione feudi spoliaverit, vel conjugem vel sponsam vel filiam vel nuptum in domo ejus existentem corruperit vel corrumpere conatus sit, si fratrem suum vel fratris filium interfecerit, si paricidium commiserit aut ita in judicio sit damnatus, ut sine dedecore stare in curia non possit, aut si dominus à vassallo requisitus, intra annum investituram ei concedere noluerit, aut filium adversus vassallum delinquentem ad eum non deduxerit aut à se ejecerit, si directum dominium sine consensu Vassalli ( nisi cum curia, id est toto territorio, sive districtu, quo casu licere antea diximus ) alienaverit, si justitiam requisitus vassallo denegaverit, vel pares curiæ in damnum vassalli non compulerit super jure domini sententiam dicere, ipse directo dominio privatur (e). Ratio est, quoniam dominus & vassallus loco correlatorum sunt, quorum eadem est natura & reciproca obligatio & quia vassallus feudum sine consensu domini alienare non potest, neque dominus sine ejus consensu dominium directum, nisi ut antea dixi, cum toto territorio & curia, ac ne sic quidam videtur ipsum feudum alienare, nisi & hoc ipsum feudum in alienatione nominetur. Potest tamen dominus feudi dominium directum sine vassalli consensu oppignorare, sed tan-

(e) Toto tit.  
qualiter Do-  
minus pro-  
prietate seu-  
di privatur,  
Zalus &  
omnes seu-  
distæ ibid.

tum

tum pro modica summa & cu jus luenda sive solvenda spes est, alioqui si summa spem lutionis exceaserit, pro vendito & alienato habetur (4) Sed Dominus Vassallo non tenetur ad praestationem sacramenti, neque ad reverentiam; nec tam recta est Domini obligatio in Vassallum, quam Vassalli in Dominum: Nam, ex usu nostro, nihil impedit quo minus Dominus, suum directum Dominium, ut dixi, etiam, invito Vassallo, alienare possit; ita tamen ut Vassalli conditionem deteriore facere non possit, veluti si alium Vassallum inter se & Vassallum interponat, ut Vassallus, qui antea de suo Domino superiore suum infeofamentum tenuit, nunc de ejus vassallo e tenere cogatur, quo casu durior fit Vassalli conditio, ut jam duos habeat superiores, qui unum tantum antea habuit & si quae tales occasiones occurrant, quae Vassalli conditionem deteriore facere possunt. Nec Civitas, recognoscens superiorem, se alteri, sine Domini consensu, subicere potest, indicta sibi annua pensione ei praestanda, ut commodius bonis & libertatibus suis fruatur & a gravaminibus & violentiis protegatur. In feudo Ecclesiastico praelatus sive administrator, Vassallum offendens, durante sua administratione, probato delicto, jura Domini directi amittit, non tamen ulterius. Scio quaedam esse specialia in quibus ipso jure feudum amittitur; quo casu Dominus, brevi, ut aiunt, manu, potest se in possessionem mittere, alia quae sententiam requirant, antequam Dominus aliquid Vassalli debet attingere: Sed quia, apud nos, semper declaratoria opus est, ejusmodi differentias hic non attingo.

(1) Glossa  
D D in c. 1.  
prin. De pro-  
hibita feud.  
alienatione  
per Frideri-  
cum.

## De veterum judiciorum forma in causa feudali.

### Diegesis Septima.

**S**ed quoniam in his controversiis feudalibus, sive quaestio sit de acquirendo sive amittendo feudo, declaratoriam judicis necesse est intervenire, sine qua, ex jure, neque princeps, neque quicumque alius Dominus ligius potest feudum Vassallo auferre; Videndum igitur, quis sit iudex in causa feudali & apud quem, partes quae de feudo contendunt, agere vel conveniri possunt. Hanc quaestionem statui quam brevissime percurrere, licet innúmeras difficultates & anfractus inter Doctores, qui principatum in jure feudali sibi vendicant, contineat; & quia pro diversitate regionum diversae judiciorum formae frequentantur, contentus eis ero, quae in jure feudali de hac veteri judiciorum forma praecipiuntur, quibus si mores nostros & usum forensem nostrum in aliquibus accommodare, eis contentus, ut opinor, candidus lector erit. Non enim omnino septentrionalium gentium prisci mores silentio praetereundi, ut se aut posterum, non usquadeo barbaras has gentes fuisse, quibus profundam barbariem ascribunt hi delicatioris homines, Sed in hac ipsa, quam vocant, barbarie caelestis justitiae & naturalis aequitatis scintillas vivas elucere manifestè apparebit. Itaque notandum est, has gentes septentrionales, inter quas jus feudale, natum, altum & educatum est, militares fuisse & pugnacissimas & in hac tamen ipsa durissima militia, aequitatem & jus sincere coluisse, cum alioqui nec ipsi simul retineri, nec quin in sua viscera arma verterent, cohiberi poterant; una enim est justitia quae societates conservat & verè omnium regnorum compago est, Itaque easdem in pace leges, quas nos, habuisse verisimile est, ne alter alterum offenderet, ut quisque suis contentus viveret, ut ab omni vi & injuria abstinerent. In militia aut expeditione, si quid controvertabatur, iudicem capitaneum suum sive cohortis ducem appellabant, is inter suos, id est, inter eos qui ejusdem erant cohortis, jus aequabiliter sine strepitu judicii administrabat, iudicioque aliquot ejusdem cohortis rem submittebat; iis omnibus expensis quae ab utraque parte allegebantur, sententiam ferebant, nec fas erat ad aliud iudicium provocare, nisi aut iniusta sententia lata esset, aut justitiam reddere tribonus seu capitaneus illius cohortis recusaret; Et qui jus dicerent eligebantur, semper novem, undecem, quindecim, ejusdem cohortis. Numerum selegebant imparem, ut majoris partis sententia praevaleret, ne forte in aequalitate judicantium, aequales partes, diversas inter se sententias dicerent & denuo ad novum iudicem esset recurrendum; nec numero trium aut quinque contenti erant, si quidem plures difficilius corrumpuntur, quam pauciores; itaque ut semel & unica sententia res omnis transigeretur, quindecim virali ju-  
dicio

dicio, sed eis, ex cohorte sua (unde nomen curtis antea defluxit annuimus) selectis totius causæ controversias & rem omnem permittebant, qui de questione proposita quod id sentirent in iudicio declarabant; quodque eis placebat, tribunus illius cohortis pro arbitrio sive sententia pronuntiabat: Si alterutri parti male iudicatum videbatur & de iniquitate sententiæ latae is conquereretur, qui laesus eo iudicio videbatur, iudicem immediate superiorem adibat, ut quisque honore & gradu militiæ, prior & potior erat, donec tandem ad ipsum exercitus ducem perveniret, qui de tota controversia de novo iudicabat; Erant in exercitu, immediati sub principe duces, qui capitanei dicebantur & ipsius principis, nec alterius Vassalli immediati; sub eis rursus erant inferiores vassallos; Postea cum aliquæ hæc militares gentes, provinciæ, aut regno potitæ essent, ut sedes ibi stabilirent, directo totius provinciæ Dominio seu verius proprietate apud exercitus principem reuocantes, provinciam inter bene meritos duces & militum tribunos partiebantur, huic unam, alii aliam partem assignando; qui rursus eis quorum forti & fideli opera in militia usi erant, fundos & feuda pro cuiusque merito, uni minora, alii maiora tribuebant, de se tenenda à principio; sed postquam hæc officia prius militaria, ceperant esse hereditaria, provinciæ in partes secabantur, ita ut unicuique sua pars, quam coleret per Dominum sui dispositionem, tribueretur. Barones postea nati sunt sive emerferunt; sed qui de Principe solo sua feuda tenebant; hæc itaque feuda postquam hæreditaria esse ceperant, ut dixi, semper annexam jurisdictionem, tanquam sui feudi Comitem, habebant, quæ quidem jurisdictione, simul cum ipso feudo, ad hæredes transibat. Harum jurisdictionum & formarum, postquam jus feudale in scripta redactum, vestigia longe postea remanserunt, immo si quis adhuc remanere dicat, à vero declinare non dicam. Sciendum hoc primum & pro generali regula tenendum, consuetudinem loci, in quo situm est feudum, in iudicando, super eo feudo, semper servandum, adeo ut si Vassallus duo diversa habeat feuda, unum in Angliæ, alterum in Scotia & controversia oriatur de hoc feudo, quod quis in Angliæ habet, non secundum leges & mores regni Scotiæ, jus de hoc feudo dicitur, licet Dominus Scotus sit & in Scotia habiter, sed secundum consuetudines Angliæ (a) Exempli gratia, in Angliæ, si septem sint ex eisdem parentibus liberi & minimus natus postquam feudum sive fundum adquisierit, moriatur sine liberis, non ei proximus in ordine genituræ frater, sed primogenitus succedet, nam ob prærogativam primogenituræ is honos ei debetur putatur; In Scotia vero, ex his septem fratribus germanis, si natus minimus feudum novum adquisierit & sine liberis decedat, non primogenitus (dum enim hoc nostri censent) sed natus antecedens quam proximè defunctum, ei succedit nempe sextus & ei rursus sine liberis decedenti, in suo feudo per eum adquisito, quintus & sic de reliquis ut quisque ætate decedentem proxime antecedit, nec unquam hereditas (nos conquestum dicimus) ad primogenitum pervenit, si alius frater aut ex fratre liberi inter decedentem & primogenitum interveniat; conquestus enim, ut loqui solemus, semel ascendit & tunc mutat naturam conquestus & fit hereditas & sic ad inferiores in primo gradu, si aliqui sint, descendit, aut, eis deficientibus, ad fratrem immediate præcedentem in ordine genituræ; Itaque si de conquestu minimi fratris, id est, de feudo à minimo fratre dum viveret adquisito, sed in Angliæ sito, questio post mortem acquirentis oriatur, non secundum leges Scotiæ, licet Dominus sit Scotus & in Scotia habiter; sed secundum mores & consuetudines Angliæ, in qua feudum situm est, iudicabitur.

(a) *verf. s. de feudi cognitione.*

(b) *Bar. in l. i. ff. de iudiciis c. ex transmissa c. verum Extra de foro competenti c. cæterum Extra de iudiciis.*

(c) *c. si diligenti extra de foro competenti c. 113.*

(d) *l. si quis c. De Pañ.*

(e) *Guid. papa Decis. 17. q. 113.*

(f) *Joannes fab. in l. si quis c. de Episcopi audentia.*

Secundum, quod non minus generaliter servandum est quod qui sub una jurisdictione seu unius feudi territorio sunt, ne quidem volentes se alienæ jurisdictioni possint subicere, in his, quæ ad suum feudum pertinent; Ratio manifestata est, nam cum multis & cætera iudiciorum emolumenta & utilitates ad Dominum feudi pertineant, si alium iudicem, sui Vassalli de feudo suo contententes, adierint, Domino suo in multis & utilitatibus curiæ suæ (nos exitus vocamus) præiudicabunt: (b) Nam ne jure Pontificio Clerici in laicum iudicem possint consentire (c). Alter in jure civili, quo consensus partium, in eum, qui aliquam aliam jurisdictionem habet, eum facit iudicem. (d) Jure Gallicorum, si quis feudum habet & de eo sit questio, neque in Regium Magistratum, neque in alterius jurisdictionis iudicem, etiam si ex curiis Dominicis sit & alibi situm sit territorium, utiliter consentit, sed Dominus curtis sive curiæ, cui alioqui feudum subditum est, iudicium ad se transferri ante litem contestatam, aliquando & post eam postulabit; (e) Immo beneficium suum invitum ad jurisdictionem suam Dominus revocabit. (f) Quod in usu nostro & in regalitatibus observatur, ubi procurator Domini regalitatis, iudicium à Regio iudice seu Magistratu, sive causa sit civilis sive criminalis, ad curiam



am seu jurisdictionem Regalitatē evocabit. Adeo autem in Jure fundata est Domini & Vassalli jurisdictio, ut nec Dominus nec Vassallus, altero invito coram alio Jure possit litigare, & admonitus, si non desistat, mulctari & feudo privari possit (a). Quod si Dominus sive expressè sive tacitè consentiat, ut Vassallus coram Ordinario agat, Ordinarius erit Jure; cum volenti non fiat injuria: tacitè autem consensisse videtur Dominus, si præsens in judicio fuerit, nec contradixerit. Quæri autem hic potest de Vassallo Franco, cum hic ab omnibus servitiis sit liber & immunitus, num & hic in curia Domini agere vel convenire possit & tenent Feudistæ omnes, quod licet sit à servitiis liber, non tamen à jurisdictione Domini, in eis quæ ad suum feudum quod de Domino tenetur, pertinent (b): alioqui feudum francum nec feudum esset, nec Dominum recognosceret tanquam Dominum (cum in Domini persona sit totius feudi quod de eo tenetur jurisdictio, à lege constituta) si Vassallus francus non sit Domini sui jurisdictioni obnoxius, cujus affirmatio, licet in se vera sit, non ita temperanda, ut ad cognitionem eorum tantum extendatur, quæ ad feudum domini territorii pertinent.

(a) Gloss in  
§. militor

Quibus mo-  
die feudum  
amittatur.

(b) Curt. p.  
7. tit. 11.

Tertio & hoc etiam attendendum quod de paribus aut parium judicio, mentio hic inciderit, ut de eis paribus intelligatur, qui unius Domini & ejus curtis sive curiæ sunt pares; antea exposuimus eos pares dici in Jure, qui unius Domini sunt beneficiarii sive Vassalli & ideo Lex eos Judices constituit, quia per pares hos, rei veritas melius poterit indagari; Cum etiam, ex Jure civili, habitare in vicinia omnem ignorantie executionem tollat. Itaque, si Dominus duo diversa feuda habeat, inter se distincta sive longè disco sita, aut non contigua, unius feudi Vassallus non numerabitur inter pares alterius feudi sive jurisdictionis; nam pares hi debent ex eodem territorio esse cum litigantibus, nec cogendi sunt litigatores, de una Provincia in aliam peregrinari: Nam in servitiis, nisi ob tutelam aut defensionem patriæ non tenetur Vassallus extra territorium Domini servire; Proinde ex ipso Jure, nempe ex Jure feudali, Angli licet sub eodem Domino, eodem Rege cum sint, tamen in causa alicujus Scoti, pares censeri non possunt, nec e contra; & hoc verum in aliis Dominiis inferioribus; Nec pares unius feudi longè distiti, in controversiis quæ de alio feudo intercedunt, ad judicandum adhibentur; quia pares, rerum in suo territorio gestarum veritatem, tantum scire præsumuntur; Si tamen pares in eo territorio Dominus non habeat, poterit ex alio suo feudo seu provincia, pares eos eligere, qui eodem titulo à Domino suo feuda possident. Unde & mos noster deluxit, quo in inquisitionibus & assyis utimur, ut primo eligantur, qui ex eadem Provincia sunt pares, quod si hi non adsint aut numerus non sufficiat, qui sint ex provinciis vicinioribus, in eorum locum substituantur, pares enim, ut in vetustis nostris legibus tantum est, semper per pares debent judicari. His expeditis & hoc sciendum est, omnem jurisdictionem à Principe tanquam à Capite procedere, nemo enim in causa aliqua Jure esse potest, nisi qui eam mediatè vel immediatè (ut loqui solemus) à Principe obtinuit: In feudis tamen hoc proprium est, ut semper concomitantem habeat jurisdictionem; nam cuicumque à Principe seu um concessum est, si nūl & jurisdictione concessa videtur, in eis quæ immediatè à Principe procedunt, maxima nempe gladii potestas, quam nos furcæ & fossæ potestatem dicimus, cum nondum, apud nos, gladio ferendi mos, introductus, ut nec initio, apud ipsos Romanos.

Nondum erat artis opus caput ense rotare, ait Lucanus in nece Pompeii. Itaque maleficia tantum puniebantur furca sine cruore, vel aqua in fossa aliqua collecta. Extraordinaria hæc criminum poenæ sive supplicia rotarum, ignium & si quæ similia apud humaniores gentes, nondum cognita. Itaque post regem primi erant, quos capitaneos regni tum dicebant, hodie duces, comites, barones dicimus, qui regem immediatè dominum recognoscunt; In quo hoc etiam ponderandum, quod Barones non dicuntur, qui hanc furcæ & fossæ potestatem in suis monumentis concessam habent: id enim ipso Jure non conceditur eis, sed ex speciali privilegio indulgetur. Baronis nomen propriè de Senatore intelligendum, cui suffragium in publicis regni comitiis habet; nam, apud majores nostros, hi tantum Barones habebantur & dicebantur, qui tria habebant castella; Scutifer sive castellanus, qui tantum unum, licet privilegium Baronis, id est, quo Barones utuntur, suo feudo annexum habet. Ut vero harum septentrionalium

gentium vires & imperia crevere, sic & multiplicatae sunt jurisdictiones & Magistratus, nam alii erant militares, quorum praecipuus usus erat in militia, ut Comestabuli, Magistri E. utum, qui hodie marescalli dicuntur, & ab eis praefecti, & horum rursus vicarii; In urbibus municipales Magistratus seu jurisdictiones erant, quas hodie nos maros sive majores Urbis, ( quoniam primus dignitate, reliquos omnes antecedit ) aut praepositos, dicimus, à quibus, jus suum civibus administratur. Postquam vero in mari dominari coeperunt, Admirali officium introductum est, cujus, de rebus sive delictis in mari aut in littore aut etiam portu gestis aut commissis, jurisdictio erat; Admiralius autem dictus est quasi Almīrālis à voce Arabica Almīral (a).

(a) *Leo Afer*

Thalassiarchum Graeci dicebant, qui maris Imperio & cum Imperio jurisdictioni praeficiebatur. Horum singulorum jurisdictiones si percurrerem, in immensum volumen excresceret hoc opus, sumit hoc in genere monuisse, jurisdictiones horum Magistratum & formas coram eis procedendi maxime à moribus & consuetudine pendere, itaque prudens praetereat; Sed ut ad propositum redeamus, quae erat forma iudicandi, qui iudices in feudis antiquitus erant; Omnes actiones quae feudum aut ejus naturam respiciebant, aut inter Dominum & Vassallum, aut inter ipsos Vassallos sive convassallos, aut inter Vassallum unius Domini & Vassallum alterius, qui ei extraneus dici potest, intercedebant; Et ut à digniori incipiamus, Si contentio sit, de feudo vel fudi parte sive pertinentiis, dependentibus, sive accessoriis, de possessione feudi, de ejus redditibus & utilitatibus aut de delicto, quo Vassallum Dominus à feudo cecidisse dicat, sive propter non petitam investituram, Pares sive beneficiarii illius Domini sive

*Divisio actionum feudalis,*

(b) *C. 1. A. iud. quem & quos, & c. de controversiis iudic. apud pares terminandis.*

*Quomodo pares eligendi in iudicio*

(c) *C. De controversiis iudic. apud pares curia terminanda.*

(d) *C. Cur. P. 7. num. 7.*

(e) *Pauw. in c. ceterum extra de iudic.*

curtis iudicabunt, (b) quod etiam procedit, ut nuper dixi, etiam si Dominus aut Vassalli sunt clerici & suis iudicibus alioqui tantum subditi; nam jurisdictio hæc à lege datur & feudum concomitatur, etiam si Dominus aliam jurisdictionem habeat aut qui contendunt majoris dignitatis sint, quam ipsi pares, veluti si reus sit Comes & alter plebeius; Pares autem hi inter Dominum & Vassallum sunt eligendi, ut Dominus unum vel plures prius eligeret, tum Vassallus totidem; numerus autem semper in arbitrio Domini erat, quot vellet in sua causa cognoscere; sed qui iuramentum fidelitatis nondum praestitit, aut infamis aut excommunicatus aut alioqui suspicioni obnoxius, rejici ab altera parte poterat (c). Quod si altera pars eligere noluerit aut recusaverit, iudicabunt qui ex altera parte erant electi. At si pares hi suspecti erant, iustaeque causa suspicionis objiciebatur, quae testem posset reconvellere & ea in iudicio allegabatur, ad rejectionem parium, ordinarius autem curiae superior cognoscebat; aut si alioqui pares cognoscere recusaverint à superiore curia sive Domino curiae cogendi erant, multa indicta & captis pignoribus, ut antiquitus fiebat, in his qui tutelam recusabant: Quod si Dominus hic pares non habeat, aut paribus his, unus litigatorum, pro testibus uti voluerit, cum affereret se aliter factum probare non posse, nisi per pares (quod eis temporibus firmissimum erat probandi genus) cum pares simul & iudices & testes esse non possent, in his casibus ordinarius semper erat Judex. Idem si Vassallus coram paribus conventus se Vassallum esse neget, nam hæc cognitio sive praecognitio ad ordinarium semper pertinebat, periculo Vassalli, si Dominus cum Vassallum probaverit, nam eo casu Vassallus à feudo cadebat (d) Quod & observatur in Vassallo, de novo feudo sibi à Domino concessio, contra eum agente, si Dominus negaverit, aut aliud, cur facere non debeat, praetenderit; Nam hoc casu ordinarius Judex erit, Idem si inter duos Vassallos quaestio sit & alter neget se illius Domini Vassallum, cognitio huius exceptionis ad Ordinarium pertinet (e). Et sic semper, ubi extraneus, id est, qui non est Vassallus, Dominum convenit, aut si filia Vassalli dicat rem allodialem, quam Dominus contendit esse feudalem & morte Vassalli sibi aut agnatis apertam, Sed de quaestionibus inter duos Vassallos postea dicemus: Itaque generaliter hoc tenendum est, si Dominus Vassallum à suo jure cecidisse contendat, parium semper est iudicium; quo casu, Dominus rite Vassallum per apparitorem curiae citari faciat, ut coram paribus ad ejus instantiam respondeat: Quod si non comparuerit, iterum & tertio citari curabit per intervalla, septem aut decem dierum ex jure, vel potius secundum consuetudinem illius jurisdictionis sive tribunalis; Quod si consuetudo non appareat, tunc ex arbitrio curiae, intervalla citationis praestituuntur; quod si tertio citatus non comparuerit, quasi perfectam contumaciam, pares Dominum in possessionem rei petita sive feudi mittent;

tent;

teat; Idem si primo citatus aperte responderit, se nolle comparere. Et nisi Vassallus intra annum se sistat & defensiones parat, a feudo in perpetuum cadet. At si Vassallus intra annum a die sententiæ sive contumaciæ consummatum, iudicio se offerat, Dominus à paribus reverenter adeundus est & monendus, ut Vassallo, quod jus est, faciat, & rursus cum eo, de priore causa, iudicium subeat; quod si Dominus ter admonitus à paribus, neget, Vassallus Dominum superiorem adibit & queretur se apud suos pares, jus adversus Dominum habere non potuisse; Quod si nec hic Dominus superior paruerit, & quod jus & æquum est, Vassallo non ministraverit, nec rem restituat, Vassallus sibi ipsi iustitiam faciet, id est, ipse sibi iudex erit. (nam ubi jus definit, quilibet sibi iudex & executor est) & virtute bellicâ & armis, res suas reperet (a): quod in Germania potissimum, in Suevia adhuc etiam observatur, ut si quis de pace Regis aut Cæsaris violata queratur, non prius vim bellicam & arma parabit, quam iudicio experiatur & Dominum reum peragat violatæ publicæ pacis & hoc est, quod noster Obertus dicit, si Dominus Vassallo iustitiam facere neg t, licere Vassallo eum depradari & sanè hi mores antiquitas, non minus apud Anglos, quam Scotos, ut plurimum observabantur; ut apud Glanvillam pluribus in locis videre est, nisi quod, pro armis & depradationibus, monomachia substituta est, in qua Vassallo conquerenti aut Dominus concurrere tenebatur, aut alium, quem Championem vocabat, pro se substituere. Hac autem regula, de iudicio parium in causa inter Dominum & Vassallum ita temperanda est, nisi inter Regem sive Cæsarem & aliquem ex Vassallis quæstio intercedat, non enim tum à paribus illius curiæ terminanda est sed ipse princeps tum potest cognoscere, petereque ut se præsentet, tota causa disputetur & hoc casu iudex in sua causa est (quod Sceptri Regalis, privilegium est) adhibito tamen consilio suo (quod ei pro paribus est) iudicabit. Vidi in petitione Comitatus de Angulsi, qui controvertebatur tum inter S. D. Regem, tanquam heredem ex filia Archibaldi Comitis Angulsi & Guilelmum Comitem Angulsi, Patrem moderni Comitis & cum reus principem declinare veller, Interlocutū Senatū, principem in sua causa posse iudicem sedere & sententiam, interveniente Senatus auctoritate, de eo comitatu posse ferre. Sic, ex Jure Gallico, princeps, si jura dominicalia seu feudalitatem non solvantur, potest manum in feudum injicere & jus sibi assumere, Deque presentibus & paratoribus sibi satisfaciet; quod & apud nos etiam observatur. Et ad similitudinem Principum, sic quilibet Dominus in suo feudo sibi ex propriis redditibus satisfieri curat, tempore solutionis debito præterito, nam est quasi suæ familiæ princeps & potest sibi jus pro debitis sibi à vassallo fructibus dicere. Sunt qui idē putant, si de Regali beneficio sive feudo quæstio sit inter capitaneos regni qui dicuntur & quilibet se à Rege investitum dicat: Idem in aliis causis inferioribus, cum neuter alteri iudex esse potest. Taceo hic de privilegiis civitatum Lombardiæ, quoniam privilegia tantum sunt ei localia, nec ad consequentiam trahenda & in usu nostro locum non habent. Redeo ad privatos, inter quos, si Dominus & Vassallus inter se contendat sive de feudo, sive ejus parte aut finibus, sive de delicto, per quod Dominus Vassallum à feudo cecidisse dicat, aut si Vassallus conqueratur de violentia sibi à Domino illata, pares semper sunt iudices (b). Quod si (ut dixi) Vassallus se illi Domini beneficiarium neget, aut Dominus hunc esse suum Vassallum neget, utroque hoc casu cognitio ad Ordinarium remittitur. Hac autem omnia sic intelligenda sunt, si feudum constitutum esse constet; nam si tantum inter Dominum & Vassallum contenditur de promissione feudi, ad Ordinarium cognitio hujus quæstionis remittitur: Sic si qui agat, sit miserabilis persona, veluti vidua aut pupillus (c). Si tamen unum litigantium, cum Vassallus esset, saltem Vassallus heres, Dominus investire recusaverit & postea jure coactus investierit, Dominus suspectus est ut cognoscat & pares tantum iudicabunt.

Quod si inter duos convassallos quæstio esset sive de feudo sive de aliquibus ab eo dependentibus sive accessoriis ab eo emergentibus, etiam non feudalibus, Dominus & pares cognoscebant (d). Quod si controvertebatur, an alter sit beneficiarius sive vassallus, pares etiam in eo casu iudicabunt & non ordinarius (e). Si neuter sit certus beneficiarius; sed tamen ab antiquo se dicat beneficiarium de eo feudo, de quo contenditur, dominus cum paribus de hac controversia iudicabunt, nisi dominus alteri parti de evictione teneatur: Nam tunc Dominus ut suspectus poterat declinari, ne Dominus suum factum, quo jure quæque injuriæ tueatur & pares soli iudicabunt: Si tamen Dominus pecuniam pro novi beneficii investitura sumpsisse dicatur, Ordinarius, Iudex erit, aut curia superior; Idem si pares

(a) Tit. de militib. Vassallo.

(b) S. Præterea de prohibitis feudis ali. natione per Fridericum & c. de feudo sine cuius non amittendo.  
(c) C. Ex parte & ibi Panor. & canonista Extra de feudis & in d. c. actorum  
(d) d. Spratorum de prohibitis feudis ali. natione per Fridericum & c. de feudo  
(e) Tit. apud quem & ibi de lege Conradi.



ex justa causa sint suspecti. Si pares sint absentes, expectandi sunt dum redeant & si unus tantum fuerit, hic in iudicio sedebit. Mirum autem cuius videri potest, quomodo Dominus vel per se vel per suos iudicandi officio in causa sui feudi fungi possit; quod non solum cum iure scripto, sed etiam cum naturali aequitate pugnare videtur, ut quis in sua causa aut suorum iudex sedeat aut cognoscat. Sed ponderandum est, feuda Dominorum esse mera & pura beneficia, quæ vassallis Domini donabant, ut Dominum primum & verum cum iurisdictione semper observarent, immo hoc ipso Vassallis beneficia tribuebant, ut sui semper Vassalli essent, id est, è sua potestate seu iurisdictione non exirent, alioqui non concessuri: Immo & Vassalli cum hac conditione, feuda accipiebant, ut dantem non solum pro Iudice, sed Domino agnoscerent; Adde quod hic Dominus tutor legitimus est pupillo hæredi vassalli & legitimo præferendus, adeo ut præterita beneficia, cum ab omni suspitione liberent. Quod ad pares curiæ pertinet, hi etiam extra suspitionem omnem positi videbantur; nam cum exemplum unius Vassalli, ad omnes pertineat, nunquam hi pares commissuri erant, ut ex unius Vassalli, è suo numero, sententia malè lata, Domino fenestram aperirent, idem in aliis convassallis experiri, quin potius in unius persona, communi saluti & comodo providebant. Parum autem hac iurisdictione, hodie non solum in Britannia sed etiam in Gallia exolevit, non quod eorum sententia & iudicium non adhuc requiratur, à quo etiam iudicium totum saepe pendet, sed quod iurisdictionem hi pares non habeant; nusquam enim in Britannia pares sententiam proferunt, licet de facto respondeant verum ne sit necne. Itaque hodie cum inter duos convassallos sive inter Dominum & Vassallum quæstio oritur, Dominus ballivos creare solet, qui sibi & inter convassallos ius dicat; In censuibus prædiis, id est, eis quæ censum Domini pendunt, Domini iurdictio semper in suis censuales est, sed tantum ad fundi sive ex fundo debitum aut de delictis in se aut alios commissis: Rex autem solus sive Regis consilium generale, cognoscit de eis maleficiis, ex quibus feuda caduca fiunt, si laicum majestatem spectant; Dominus autem, ut dixi de aliis.

*Quis Iudex  
in feudo Ec-  
clesiastico*

(a) C. si  
inter do-  
minum &  
emph. feudi  
controversia  
sit.

(b) de Cate-  
rum extra  
de iudiciis.

(c) C. de  
iur. vaf-  
sallo qui con-  
tinuat et  
Scho. lib. 2.

disp. 1. lib. 7.

(d) d. c. Ca-  
terum extra  
de iudiciis.

(e) S. Pra-  
terea de pro-  
hib. feudi al-  
ienationis  
per Frider.

(f) Inno-  
cent. in c. so-  
lita. Extra  
De Major.  
& obedi-  
entia.

Quod de Domino dixi, de Domino immediate superiore intelligendum est; nam immediate superior semper inter convassallos iudex est. In causa feudali Ecclesiastica sive emphyteosi Ecclesiastica, prælatus cum capitulo procedit & de causis suæ emphyteusos cognoscebat; si sedes non tuo prælato vacaverat, differendum iudicium erat, donec de prælato Ecclesiæ provideretur: capitulo autem solum non cognoscebat, nisi de eis emphyteusibus quæ ad capitulo solum pertinebant: Decanus capituli, tantum locum prælati in spiritualibus sustinebat, taque in cognitionibus causarum pro prælato non sufficit. Quod si Dominus ratione feudi sui contra alium quam vassallum agat, veluti si contra emptorem feudi à Vassallo: aut si duo Domini diversi, invicem pretendentes se dominos de feudo agant, Ordinarius tum semper Iudex erit (a). Si vero quæstio feudalitatis dependeret à vi iuramenti, in eo casu ad Iudicem Ecclesiasticum recurrebatur (b). Quod si Dominus aut pares hi voluerant aut non auderent iudicare, Vassallus opem Ordinarii implorabat, qui Dominum aut pares multis à iudiciis & capis pignorum jus dicere cogebat aut actor reum coram Iudice superiore vocabat, ut is de causa cognosceret, aut apud Ordinarium conquirebatur (c). Nunquam tamen Dominus aut pares erant in mora iudicandi, nisi ter loco & tempore requisiti forent (d). Si Vassallus se gravatum à Domino dicat aut insolitis oneribus aut servitiis premi aut superioris Domini aut Ordinarii auxilium implorabat, ut Dominum prohiberent & cogerent, ab eo quod non debatur, abstinere (e) & semper à superiore ad superiorem procedendo, donec ad ipsum Imperatorem aut Dominum ligium perveniatur; non autem ad Papam etiam si feudum sit Ecclesiasticum, nisi de Papa id teneatur & si Dominus feudi sit (f). Pares autem cum eligunt, non jurant, præsumitur enim iuramentum, quod ab initio præstiterant, sufficere & continuatum esse: Quod si pares hi nimium faveant Vassallo vel Domino, vel si nondum iuraverant fidelitatem Domino, aut si utriusque partis consensu, sit privilegio derogatum, Ordinarius Iudex erit; Idem, in quacunque causa, Dominus Iudex esse non potest, vel quando principaliter de feudo non est quæstio, vel si dubitetur feudum sit necne, aut si controversia sit inter Dominum & tertium sive assertum Vassallum, aut inter Vassallos & extraneum, aut si uterque litigantium neget feudum esse aut quando Dominus & Vassallus consentiunt in alium iudicem, vel si invicem experiantur actionibus, Quod vi aut clam, Tunc Ordinarius erit Iudex & regula illa generalis Juris Civilis observabitur, ut actor sequatur forum rei.

Sequitur

Sequitur, ut de loco aliquid subiciamus, locus hic debet esse principalis domus Domini, quam curiam sive curtem feudistæ dicunt, tamen si locus aliquis convenerat, is servandus est, qui convenit; alioqui servandus est locus, qui est Ordinarius Domini & ubi solet Dominus judicare, saltem is ad quem Dominus partes citaverit; Nam Dominus potest cognoscere ubi velit, intra territorium suum, modo denunciaret partibus & locus neutri partium sit suspectus. Majores nostri, in judicando, quandam tumulum sive colliculum, in medio aut alioqui alio loco sui territorii solebant deligere, in quo jus partibus dicerent, quem ab effectu Muthill dicebant, id est, colliculum actionum sive querelarum. Notarius autem in omnibus judiciis intervenire debet, qui quæ dicuntur & fiunt, in acta curiæ redigat: Hunc nos actuarii n sive clericum dicimus, quod Notarii omnes antiquitus ferè clerici erant, quippe in quibus major doctrina & gravius studium in rebus agendis & describendis communiter erat: Hic autem Scriba sive Clericus semper Notarius esse debet, ut Senatus in causa inter Dominum de Keir & Hammlitonium de Pardowann interlocutus; Nam eam sententiam, quam Baro curiæ pronunciaverat, retractavit ex ea sola causa, quod Clericus curiæ non fuisset Notarius; Quod si nullus Notarius juratus sit, tunc Judex sive sit Dominus sive pares possunt Notarium assumere. Ordo autem processus idem erat qui in Jure Civili, sed regulariter servanda est illius loci consuetudo, in quo res agitur; nam ex diversitate Regionum diversæ sunt formæ procedendi in judicio. In Senatu, duabus utitur denunciationibus in iis actionibus, in quibus testes producendi & examinandi sunt; coram Vicecomite aut Barone, una citatio sufficit, Veteres antea notavimus citationes usurpasse, ut perfectæ & consummata vassalli induceretur contumacia: ex autem vel ad faciem, quod nos personaliter dicimus, vel ad locum habitationis fieri debent. Habitatio autem ea, ex Jure, dicitur, ubi quis uxorem liberos & familiam habeat, id est, ut animo remanendi, non si quis negotiationis causâ vel alterius curiæ, in certum locum in graverit, ut absolutâ negotiatione ad se & sua redeat. Antiquitus citatio hæc fiebat, ad habitationem sive mansum ipsius feudi, de quo controversia est, quod & in multis adhuc observatur; ut in brevibus perambulationis, divisionis & denunciationibus pro citationibus prædiorum sive appretiatione: Est etiam alia citatio, quæ fit apud crucem forealem ipsius burgi in provincia sive Vicecomitatu, quæ tamen in usu non semper est, nec semper requiritur; nam qui speciale habent interesse, specialiter sunt citandi; Si pupillus aut minor reus sit, sufficit ejus tutores, sive noti sunt sive ignorentur, generaliter citari apud crucem forealem ejus burgi, qui præcipuus est in ea Regione; nam hoc remedium inventum est, ut citatio talis sufficiat, si quando dubitetur de tutoribus aut curatoribus: imò cum dubium nasci possit de autoritate & nominibus tutorum aut curatorum. In Burgis vetus feudorum constitutio servabatur ante annos octuaginta, apud nos, nempe ut reus primo citaretur, ut compareat sub gravi pœna, secundo sub pœna carceris sive corporis custodiæ mancipandi. Tercio, cum ea certificatione, ut nisi huic tertiæ citationi paruerit, in carcerem sive custodiam conjiceretur, ibi detinendus, donec se ad defensionem paratum ostenderit. Memini, me adolescente, in Burgis etiam hanc citationis formam observatam, ut impetratis literis citatoriis à Senatu publicè reus, apud crucem Burgi citaretur, vel ad fundum prædii, de quo controversia erat, & postea si hujus citationis, reo, vel ad faciem vel locum habitationis intimatio sive insinuatio facta esset, pro legitima citatione fuisse. Citatio hæc in Burgis & in Baronis antea requirebat solennitatem testium ad minus duorum, qui se interesse, cum citatio fieret, jurati deponerent, & ideo actor semper cum suis testibus coram judice comparebat, hodie soli assertioni jurati officarii, si sit illius curiæ ordinarius, creditur: Si reus debitè citatus, non comparuerit, procedebat judex, et dixit & rem ipsam actori adjudicabat, actoremque in possessionem mittebat, donec reus se, judicio responsurus, sisteret: Sed si annum & diem in sua contumacia perstabat, à feudo repetendo perpetuo excludebatur: intra annum supplex & humilis audiebatur ad ea proponenda, quæ per contumaciam omiserat, in prima quam vocamus instantia, quæ si iusta visa fuerant & legitime probata, restituebatur ei sui feudi possessio, Sed antiquitus etiam contumaciam tuam excusare debuit & justam illius causam reddere, hodie quoquomodo abfuerit, id est, sive verè contumax fuit & malitiosè non comparuerit sive etiam sine iusta causa absens fuerit, restituitur; hæc antea ex jure feudali annotavi.

De exceptionibus replicis & triplicis, ex, pro varietate actionis variz sunt, nec modo

De loco in quo ius de feudo agitur.

Quis ordo in his judiciis.

do aut numero comprehendendi possunt, ex discutienda sunt à iudice secundum iudicantis religionem; super quibus cum interlocutoria profertur, lis contestata dicitur (a), cum alioquin nunquam, apud nos, huius contestatio dicatur, nisi quando vel interlocutoria hæc partibus presentibus & defendantibus profertur, vel in poenam contumaciæ rei non comparentis, testes ab actore producti fuerint, & de testimonio verè dicendo iurati; antequam hi recipiantur, semper (licet antea non comparuerit) reus ad sua iura alleganda adiuvitur, Si questio, simul de petitorio & possessorio, nascatur possessoria prius terminanda est; Si Dominus de feloniam contra Vassallum agat aut de aliquo delicto per quod feudum amittitur locum & tempus facti debet in libello exprimere. Si Dominus de Vassallo conqueratur & ille rursus de Domino, Vassalli causa prius à paribus terminanda est; ratio est, quia pares maiorem jurisdictionem habere præsumuntur in suo pari, quam in suo Domino & contra fortiolem semper est præsumptio (b): neque Dominus nec Vassalli, cum cognitionem iudicandi ut pares suscipiunt, iurant; nam Vassallus id Domino non potest obijcere, cuius dissensus in omnibus sequi debet, neque iuramentum ab eo exigere, aut non iuratum esse potest allegare; & iuramentum fidelitatis Vassallum liberat à novo iuramento, nisi ex post facto suspecti sunt hi pares; nam tunc potest iuramentum novum ab eis exigere; Dominus autem de calumnia non iurabit, is enim honos Domino à Vassallo debetur, ne ei calumnia notam possit impingere. Quod si Vassallus turbetur in possessione & agere non possit aut negligat, Dominus tamen potest agere, propter suum (ut vocant) interesse, quod Dominium directum ad eum pertineat & proinde interest ejus, ne conditio fudi deterior reddatur.

Ordo autem hic idem erat ferè, qui in iure civili & regulariter secundum loci consuetudinem observatur; nam ea præcipuè in forma spectatur, præcipuè loci illius consuetudo, ubi feudum situm est & primo citatio facienda est & libellus offerendus & post ex allegationibus, si quæ sint & partes compareant, lis contestanda; sed nec minus lis contestari dicitur, etiam si reus non compareat & testes sive probationes recipiantur: alioquin lis non dicitur contestata, & reo semper licet iura sua sive exceptiones allegare, quod & apud nos observatur.

Probationes autem hæc debent esse clare & magis urgent, si pares curiæ sive curtis producantur in testes quam alii, præcipue in feloniam probanda, aut ad convincendam Vassalli impravitudinem, ex qua à feudo cadere potest, testes quinque, summe atque integræ opinionis, requiruntur, (c) Ad probandam autem novam investituram duo testes sed pares curiæ sufficient, nec per instrumentum probatur investitura, nisi duo aut tres pares intervenierint: sufficiat autem si tempore investituræ fuerint pares licet jam non sint, adeo autem strictè hæc observabantur, ut si pares curiæ non intervenerint, investitura nulla esset (d): quod si pares evocati non veniant ad testimonium dicendum, aut propter Dominum non audeant deponere, expectandum & eatenus iudicium sustinendum est, donec venerint & interea superioris Domini vel etiam ordinarii auxilium contra suum Dominum implorandum, immo si Dominus unum tantum parem habeat & hic expectandus est donec veniat, præcipuè si Vassallus sit in possessione & licet revera hi pares non fuerant tempore investituræ, quod tamen pro paribus habiti & reputati sunt, sufficit: Incidit aliquando mihi sermo, cum viro gravissimo, qui eo nomine jus feudale rejiciebat, quod ad probationem investituræ testes admitteret, in quo tamen maxime peccare mihi videbatur, cum inter vetera iura, quæ, apud nos, leges burgum dicuntur, caveatur expresse, ut qui vendit terram suam, sic intrabit domum & exibat & emptor foris stans, tunc intrabit & unus dabit unum denarium Domino pro exitu terræ, alter pro introitu sive fasina: Si autem excambiant, uterque eorum dabit duos denarios: In ea veterum simplicitate, scriptura non interveniebat à principio, ut quis melius probet, sed ut facilius, & hoc secundum jus civile. Et majoris momenti erat, quod solenniter coram Domino & paribus curiæ fiebat, quam si decem instrumenta inde essent confecta, neque enim negari potest has fasinas, quæ hodie in usu sunt, ante ducentos aut trecentos annos majoribus nostris fuisse incognitas, sed quæ coram iudice loci & ordinarii, quos vocant, officianis fiebant, plenam habuisse fidem, si vel sigillum apposuissent; Inter hos testes mares tantum admittebantur, ad probandam antiqui feudi investituram: scæminæ omnes in iure feudali rejiciebantur à testimonio, ut & apud nos hodie (f): Hermaphroditus censetur ejus sexus qui in eo præ-

(a) *Zafius*  
*par. II. nu. 26*

*Quando lis*  
*contestata*  
*dicitur.*

(b) *Cur. p. 7.*  
*nu. 17.*

*De ordine.*

*De probati-*  
*onibus.*

(c) *C. quot*  
*testes sunt*  
*necessarii, cõ*  
*ibi Bald.*  
*Alvaros.*

(d) *C. qui*  
*testes sunt*  
*necessarii.*

(e) *Cur. p.*  
*2. nu. 24.*

(f) *De iur*  
*in c. quoniam*  
*Extra de*  
*testib.*

valet,



valet, Sed nec minores 18. annis, nec excommunicati, nec infames admittebantur; Sed præsumptio multum in jure feudali prævalere solbat, præcipue si quis in possessione fuerat, nam semper præsumitur pro possessione contra non possidentem, adeo ut in antiquis feudis fama pro probatione sufficeret, præcipue si possessio accedebat, semper tamen una præsumptio per aliam tollitur, nempe minor per majorem, infirmior per fortiorem, & plures præsumptiones, tollunt pauciores, tam ex jure civili, quam feudali: Possessio autem hanc habebat vim, ut si possidens semiplene probaverat, juramentum in supplementum probationis ei poterat deferri, cum tamen ex jure civili semiplene probanti non deferatur juramentum (b): Quod ad me attinet scio hanc esse feudistarum opinionem, quam & ego sequor, ut judex ex varis circumstantiis (tam in jure civili quam feudali) juramentum possit in magna causa semiplene probanti deferre, quod juramentum purificationis dicitur (c). Ita tamen ut non obstantibus omnibus probationibus plene probans semper obtineat etiam sine juramento; Sed quando juramentum deferretur vel homino vel Vassallo, non solum jurabunt, sed cum duodecim sacramentalibus, qui simul jurabunt de conscientia vel credulitate sua, quod sic rem se habere credant, sicut partes juraverant, Ex his sacramentalibus sex debent esse propinqui & cognati jurantis (nam hi præsumuntur scire veritatem rei gestæ) si modo cognatos habeat, alioqui omnes extranei admitendi, (d) Dominus autem quoties ei deferretur juramentum in suo proprio facto, de veritate cum jurabit, quod si factum sit alienum, de credulitate tantum jurabit, nec se credere rem ita se habere; Idem in Vassallo si tale sit factum, de quo poterat certificari; nam judex nunquam deferret juramentum ei, quem non est veritabile factum ostendit. (e) In his judiciis, si gravior questio incidit, potest judex cogere partes, ut assessorem adhibeant cum nempe, qui nullâ lege assidere prohibetur & contra quem nulla iusta causa suspensionis est, immo et huic assessori expensas & communibus sumptibus & competentis salario satisficiant (f).

Si quis se gravatum iudicio Domini vel baronum dicebat, primum ad Dominum immediatum sui feudi provocabat, (g) & sic de superiore Domino in superiorem, donec ad supremum Dominum feudi sive regem perveniretur, ut nuper dixi: tempora appellationum præsertim, nulla jure feudali sunt, itaque ex jure civili sumenda sunt, & semper quoties questio in jure feudali decidi non potest, ad jure civile recurrendum. Semper autem Dominus suam sententiam executioni mandare poterat, alioqui superior aut ordinarius exequatur, ut & apud nos fieri solet, cum inferiori iudici non paretur, literæ quas vocant conformes (quia secundum tenorem prioris sententiæ in omnibus formantur) solent à Senatu impetrari, ut prior sententia, per Vicecomites aut alios, executioni mandetur.

(b) Bald in  
in b. n. fidei  
& ibi do-  
ctores C. de  
reus credi-  
tis.

(c) S. S. S. S. S.  
extum & c.  
consecutione  
reus, iudici.

De forma  
juramenti.

(d) C. De  
extremis  
intermaritali  
& fam. cap.  
in Extra de  
Purgatione  
& c.

(e) Arg. L.  
vocat. & c.  
ibi not. De  
in litem ju-  
rando ff. &  
doctores in  
L. admo-  
nendi ff. de  
juramento.

(f) L. 4. §. sed  
& ibi men-  
tor ff. fini-  
tu. regund.

De appella-  
tionibus.

(g) C. Si quo  
tempore ma-  
les. in juve.

F I N I S.